

# 道藏 18

猶龍傳 序	18-1-2
猶龍傳 卷	18-3-6
猶龍傳 卷二	18-7-12
猶龍傳 卷三	18-13-18
猶龍傳 卷四	18-19-24
猶龍傳 卷五	18-25-32
猶龍傳 卷六	18-33-38
太上說玄天大聖真武本傳神咒妙經	18-39-42
真武靈應真君增上佑聖尊號冊文	18-43
章獻明肅皇后受上清畢法 記	18-43-44
華蓋山浮丘王郭三真君事實 序	18-45-46
華蓋山浮丘王郭三真君事實 卷一	18-47-52
華蓋山浮丘王郭三真君事實 卷二	18-53-54
華蓋山浮丘王郭三真君事實 卷三	18-55-60
華蓋山浮丘王郭三真君事實 卷四	18-61-68
華蓋山浮丘王郭三真君事實 卷五	18-69-72
華蓋山浮丘王郭三真君事實 卷六	18-73-78
唐鴻臚卿越國公靈虛見素真人傳	18-79-90
地祇上將溫太保傳	18-91-96
玄品錄 序	18-97
玄品錄 卷一	18-97-104
玄品錄 卷二	18-105-112
玄品錄 卷三	18-113-122
玄品錄 卷四	18-123-132

玄品錄 卷五	18-133-140
大滌洞天記 序	18-141
大滌洞天記 卷上	18-141-146
大滌洞天記 卷中	18-147-154
大滌洞天記 卷下	18-155-164
壩城集仙錄 卷一	18-165-172
壩城集仙錄 卷二	18-173-178
壩城集仙錄 卷三	18-179-182
壩城集仙錄 卷四	18-183-186
壩城集仙錄 卷五	18-187-194
壩城集仙錄 卷六	18-195-200
太上老君戒經	18-201-210
老君音誦戒經	18-211-218
太上老君經律	18-219-222
太上經戒	18-223-228
三洞法服科戒文	18-229-232
正一法文天師教戒科經	18-233-238
女青鬼律 卷一	18-239-242
女青鬼律 卷二	18-243-244
女青鬼律 卷三	18-245-246
女青鬼律 卷四	18-247-248
女青鬼律 卷五	18-249
女青鬼律 卷六	18-249-252
正一威儀經	18-253-258
玄門十事威儀	18-259-264
太清道德顯化儀	18-265-270
正一解尸醮儀	18-271-274
正一出官章儀	18-275-280

太上三五正一盟威閱 醮儀	18-281-286
太上正一閱 儀	18-287-290
正一指教齊儀	18-291-292
正一指教齊清旦行道儀	18-293-294
正一敕壇儀	18-295-296
正一醮宅儀	18-297-298
正一醮墓儀	18-299-300
太上洞神三皇儀	18-301-304
洞神三皇七十二君齊方懺儀	18-305-308
太上洞神太元河圖三元爺謝儀	18-309-318
太上金書玉諫寶章儀	18-319-322
天心正法修真道場設醮儀	18-323-326
太上三洞傳授道德經紫虛 拜表儀	18-327-332
太上三五傍救醮五帝斷殞儀	18-333-336
太上消災祈福醮儀	18-337-340
太上金柜玉鏡延生洞玄燭幽懺	18-341-344
太上瑤台益算寶籍延年懺	18-345-348
太上正一朝天三八謝罪法懺	18-349-352
真武靈應護世消災滅罪寶懺	18-353-354
北極真武普慈度世法懺	卷一 18-355-356
北極真武普慈度世法懺	卷二 18-357-360
北極真武普慈度世法懺	卷三 18-361-362
北極真武普慈度世法懺	卷四 18-363-364
北極真武普慈度世法懺	卷五 18-365-366
北極真武普慈度世法懺	卷六 18-367-368
北極真武普慈度世法懺	卷七 18-369-370
北極真武普慈度世法懺	卷八 18-371-374
北極真武普慈度世法懺	卷九 18-375-376

北極真武普慈度世法懺	卷十	18-377-378
北極真武佑聖真君禮文		18-379-382
太清中黃真經		18-383-384
太清中黃真經	卷上	18-385-388
太清中黃真經	卷下	18-389-394
太清導引養生經		18-395-400
太上養生胎息氣經		18-401-404
太清調氣經		18-405-410
太上老君養生訣		18-411-414
太清服氣口訣		18-415-416
莊周氣訣解		18-417-418
嵩山太無先生氣經	卷上	18-419-422
嵩山太無先生氣經	卷下	18-423-424
延陵先生集新舊服氣經		18-425-432
諸真聖胎神用訣		18-433-438
胎息抱一歌		18-439-440
幼真先生服內元	訣	18-441-444
胎息精微論		18-445-446
服氣精義論		18-447-450
氣法要妙至訣		18-451-454
上清司命茅真君修行指迷訣		18-455-456
神氣養形論		18-457-458
存神煉氣銘		18-459
保生銘		18-459
神仙食	金柜妙錄	18-459-464
枕中記		18-465-474
養性延命錄	序	18-475
養性延命錄	卷上	18-475-480

養性延命錄	卷下	18-481-484
三洞樞機雜說		18-485-490
彭祖攝生養性論		18-491
孫真人攝養論		18-491-492
抱朴子養生論		18-493
養生詠玄集		18-493-502
神仙服食靈草菖蒲丸方傳		18-503-504
上清經真丹秘訣		18-505-506
太清經斷法		18-507-510
太上肘后玉經方		18-511-512
混俗頤生錄	序	18-513
混俗頤生錄	卷上	18-513-516
混俗頤生錄	卷下	18-517-518
保生要錄		18-519-522
修真秘錄		18-523-526
三元延壽參贊書	序	18-527-528
三元延壽參贊書	卷一	18-529-532
三元延壽參贊書	卷二	18-533-542
三元延壽參贊書	卷三	18-543-554
三元延壽參贊書	卷四	18-555
三元延壽參贊書	卷五	18-555-556
太上保真養生論		18-557-558
養生辯疑訣		18-559-560
太上三皇寶齊神仙上錄經		18-561-562
太清金闕玉華仙書八極神章三皇內秘文	序	18-563
太清金闕玉華仙書八極神章三皇內秘文	卷上	18-563-572
太清金闕玉華仙書八極神章三皇內秘文	卷中	18-573-576
太清金闕玉華仙書八極神章三皇內秘文	卷下	18-577-580

三皇內文遺秘	18-581-584	
秘藏通玄變化六陰洞微遁甲真經	卷上	18-585-588
秘藏通玄變化六陰洞微遁甲真經	卷中	18-589-594
秘藏通玄變化六陰洞微遁甲真經	卷下	18-595-604
太上洞神玄妙白猿真經		18-605-612
太上通玄靈印經		18-613-614
上清鎮元榮靈經		18-615-620
太上六壬明鑿符陰經	卷一	18-621-626
太上六壬明鑿符陰經	卷二	18-627-628
太上六壬明鑿符陰經	卷三	18-629-638
太上六壬明鑿符陰經	卷四	18-639-644
顯道經		18-645-648
神仙煉丹點鑄三元寶照法		18-649-652
元陽子五假論		18-653-654
太清元極至妙神珠玉顆經		18-655-666
天老經光經		18-667-670
鬼谷子天髓靈文	卷上	18-671-678
鬼谷子天髓靈文	卷下	18-679-688
先天玄妙玉女太上聖母資傳仙道		18-689-692
思印氣訣法		18-693-694
北斗治法武威經		18-695-696
太上除三尸九虫保生經		18-697-704
太上老君玄妙枕中內德神咒經		18-705-706
黃庭遁甲緣身經		18-707-710
紫庭內秘訣修行法		18-711-714
太上老君大存思圖注訣		18-715-722
太上五星七元空常訣		18-723-730
上玄高真延壽赤書		18-731-736

紫園丹經	18-737-742
上清金書玉字上經	18-743-746
太清金液神丹經 卷上	18-747-752
太清金液神丹經 卷中	18-753-756
太清金液神丹經 卷下	18-757-762
太清石壁記 卷上	18-763-766
太清石壁記 卷中	18-767-770
太清石壁記 卷下	18-771-776
太清金液神氣經 卷上	18-777-780
太清金液神氣經 卷中	18-781-782
太清金液神氣經 卷下	18-783-786
太清經天師口訣	18-787-792
太清修丹秘訣	18-793-794
黃帝九鼎神丹經訣 卷一	18-795-798
黃帝九鼎神丹經訣 卷二	18-799-802
黃帝九鼎神丹經訣 卷三	18-803-804
黃帝九鼎神丹經訣 卷四	18-805-806
黃帝九鼎神丹經訣 卷五	18-807-812
黃帝九鼎神丹經訣 卷六	18-813
黃帝九鼎神丹經訣 卷七	18-813-816
黃帝九鼎神丹經訣 卷八	18-817-820
黃帝九鼎神丹經訣 卷九	18-821-824
黃帝九鼎神丹經訣 卷十	18-825-826
黃帝九鼎神丹經訣 卷十一	18-827-830
黃帝九鼎神丹經訣 卷十二	18-831-834
黃帝九鼎神丹經訣 卷十三	18-835-836
黃帝九鼎神丹經訣 卷十四	18-837-838
黃帝九鼎神丹經訣 卷十五	18-839-840

黃帝九鼎神丹經訣	卷十六	18-841-844
黃帝九鼎神丹經訣	卷十七	18-845-848
黃帝九鼎神丹經訣	卷十八	18-849-850
黃帝九鼎神丹經訣	卷十九	18-851-854
黃帝九鼎神丹經訣	卷二十	18-855-859



猶龍傳序

敬五

司馬子長唱始作史書而帝紀世家列傳叙前古聖哲之云為燦然若當年目擊故班固而下皆以為則焉。聃聖降世之迹雖預其列大率簡約學者莫能究始末愚不揆淺陋紬繹內外書而廣之庶其詳也。然涉世之外其間不能無耳目不相接之論蓋著于傳記無敢畧之且不以辭害意者其是之謂歟。老子姓李諱耳字伯陽謚曰聃當商十八王陽甲之十七年歲在庚申其母晝寢夢太陽化流珠入口因吞而有娠凡八十一年極太陽九九之數母氏因道還于李下由左腋而生既生皓首而能言指李曰此吾姓也。一云父姓李名靈飛母尹氏名益壽即商二十二王武丁之九年歲在庚辰二月十五日卯時生于楚國苦縣厲鄉一作曲仁里渦水之陰至紂王時居岐山之陽西伯命為守藏史武王克商詔為柱下史至昭王二十五年癸丑歲五月乘青牛薄鞶車徐甲為御而去周因度函谷關關令尹喜善天文知有聖人之來乃齋

戒迎伺至七月十二日老君至授道德二經約千日後會蜀郡青羊肆而俱適流沙至幽王時却還諸夏故孔子適周而問禮後於渦水故居乘白鹿登檜而昇天或曰老萊子或曰太史儋或曰百有六十餘歲以其修道而養壽也。或曰受學於容成問道於常縱上恭切說。文松兼拓身也古本文子作松字請俗作總非是。世莫知其然不謂之隱君子也。其子名宗任魏為將軍有功封於段干宗之子注注之子官宮之遠孫假假仕漢孝文帝假之子解解為膠西王印太傅因家于齊夫有天地則有道術道術之士自書契之作而至今世有之且老氏本亦人靈蓋得道之大者也。所以能通神達見而為道主故萬靈所奉三界所歸至若九丹八石玉醴金液存真守元思神歷藏行天鍊形消災辟惡治鬼養性絕穀變化役使魑魅皆老氏常所經歷救世之術非至者惟其虛無恬淡寂寞無為清靜簡易動與道合故在周歷年之多而名位不遷者蓋欲和光同塵而不自異故著書稱吾言甚易知甚易行天

下莫能知其能行以其當世之士鄙純素尚奇變所以世與道交相喪也。而不知聖人起於無始稟於自然現真身而登師資歷劫還而造天地至于登位統典靈篇撰仙圖傳寶蘊為帝師示降生皆聖人恢鴻妙本匠成一切遠夫涉世則有宗緒之鴻源歷官之華也人之辭祭去周青牛命駕東離魏闕西度函關以吉祥草而試徐生以上下篇而授尹喜復昇紫府宿約青羊西入流沙化于獮俗却還諸夏屢接宣尼在孝文時號河上公在孝成時授于吉太平經在東漢時授輔漢天師。經籙嘉禾中葛孝先居天台山而獲神科秘典至後魏道士寇謙之繼有所受焉有唐推真鴻源專為聖祖聖家有天下至真宗命駕朝謁所謂無始者子太極孫三才族萬物者道也。聖人以道為身故無乎不在推五太之先則為無始遠夫以三炁氤氳流乎混沌則為元炁之祖也。稟自然者前起於無始後見於真身自然而不知其所以然故謂之日然聖人體道之自然則有所稟由混元之泮

而論之生者性也有賢愚焉有壽夭焉合其體則自然離其用則非自然也見真身者妙本無形至真非像結氣凝形強為之容靈寶經云上無復祖唯道為身道之身即真身也降此則為法身所謂法身具足微妙三界特尊故九聖九真九仙位業昇降由茲始也啓師資者聖人運茲興感棲物振人故立于教教既立矣而師資之法行焉經曰為學日益為道日損始於學而日益則有所得也終於道而日損則有所忘也不得不足以為學不○忘不足以造道故聖人遺其學相而無大迷要妙之異則貴愛兩忘師資雙泯也歷劫運者三界九地有成壞之期自種人四天至三清大羅不干陽九百六之災而七拂石芥城之數所以三竟慈尊四天種人劫運終而無終諸聖盡而無盡也造天地者太上降真元始之三炁而成三十六天三十六地每天立一天帝每地立一地皇以司百靈以御萬有救苦經云天上三十六地下三十六謂此也登位統者天地無為也而歲功歸焉聖人無

為也而位業成焉三界十方既廣且大非統之有宗會之有元則亂矣易曰卑高以陳貴賤位矣世之以貴賤知其卑高以黜陟明其昇降而聖人則不然若天之自高地之自厚無不覆也無不載也典靈篇者太上道君以大洞真經智慧消魔經神虎寶章以金簡玉書命老君典領以付上學之士也撰仙圖者凡二十四階上清大洞登真上法慈尊以洞陽之炁化生此圖按而修之能自致三部八景二十四神之現也傳寶籙者開闢之初天專命天真皇人裁雲作篆字方一丈八角垂芒為天書之始也聖人欲詮妙本故著之以為經籙符圖所以有三洞四輔凡三十六部為大教之樞紐也為帝師者在伏羲時號鬱華子神農時號大成子祝融時號廣壽子黃帝時號廣成子顓帝時號赤精子帝學待號錄圖子帝堯時號務成子帝舜時號君臣子夏禹時號真行子商王時號錫則子皆以經術授帝俾行化于世降生者以商第十八王陽甲十七年庚申歲託孕於玄妙玉女九十

十一年誕于毫之苦縣即武丁九年庚辰歲二月十五日也明宗緒者靈飛之先起於顓帝之後至靈飛凡數十世靈飛娶天水尹氏尹氏即玄妙玉女也為柱史者聖人隱聖同凡潛龍卑秩以示臣子之道也去周者聖人委質以同塵涉世以伸道所以進非于時退非匿迹豈窮通得喪之所係哉試徐甲者孔子曰如有所譽必有所試聖人雖目擊而道存猶且試之又況徐甲乎故仙道有二十五試以財色為先而徐甲試之以色則有所不○過也試關今者以其道緣深重故有斯遇所以凡試之皆過也次授經者蓋試之過則其行實其心堅聖人格量中有主焉故以上下經而授之庶傳洪大道也青羊肆者太上與尹真宿約之所十日之期一時之遇忻躍稽首命從雲駕而後化八十一胡王九十六種外道者流沙異俗聲教不聞理面狼心惟知殺戮其次或男或女若人非人斷髮備須烏衣跣足作種種魔事以亂其土太上乃命尹真攝以正法也孔子問禮者孔子問老氏之

言而起猶龍之歎然以聖問聖豈不玄同蓋  
聖人專道之大為起教之端也號河上公者  
孝文時應跡河濱洎授微言復昇雲漢授太  
平經者孝成時北海人干吉於琅琊遇太上  
授之至後漢順帝時琅琊人官崇詣闕投進  
其表云臣親受於干吉吉言親受于太上凡  
一百七十卷也度漢天師者天師留侯之後  
本大儒士抑干祿之志修出世之法乃於維  
岳遇神人授以丹訣遂往西蜀修鍊太上降  
駕為說南北二斗經授二十四階法籙已而  
戒五瘟八部六天故氣化地作鹹泉又建齋  
醮之法久之於雲臺化白日登真葛仙公者  
修行於天台山又降授以六齋之法道士寇  
謙之隱于嵩岳亦降授以經籙及太平真君  
之號具以聞太武帝遂改太延為太平真君  
之年者為此耳唐聖祖者自神堯御曆之  
初示現自稱帝祖至僖宗朝每降迹皆載之  
國史也本朝真宗具法駕詣景亳朝謁以旌  
欽崇之意

猶龍傳卷之一

起無始  
左御都監黃善教內等崇德書其論實嘉祐編

渾淪之未判神靈之未植而為冥妙之本者  
道也所謂道莫窮其根本莫測其津涯而有  
大聖人稟之而生于其間故謂之無始者即  
太上也太上生乎無始起乎無因為萬道之  
先元炁之祖蓋無光無象無色無聲無宗無  
緒杳杳冥冥其中有精其精甚真彌綸無外  
故稱大道焉夫道自然之妙本也於微妙之  
中而生空洞者真一也真一者不有不無也  
從此一炁而生上三炁三合成德共生無上  
也自無上而生中三炁三合成德共生真老  
也自真老而生下三炁三合成德共生太上  
也自太上迺生前三炁三合成德共生老君  
也自老君化成後三炁三炁又化生真妙玉  
女自玉女稟三炁混沌凝結變化五色玄黃  
大如彈丸流入玄妙口中吞之有身凡八十  
一年乃從左腋而生生而白首故號老子老  
子即老君也乃大道之身元炁之祖天地之

根也失大道微妙出於自然生於無生先於  
無先挺於空洞陶育乾坤號曰無上變化無  
常不可得名故曰吾生於無形之先起乎太  
初之前長乎太始之端行乎太素之元浮游  
幽虛出入杳冥觀混沌之未判清濁之未分  
三景之未光萬物之未形獨能寓惚恍之庭  
游曠浪之野卓然獨立大而無配視之不見  
聽之不聞搏之不得所謂混元由茲而始矣

稟自然

老君乃元氣之真造化自然自然者道也強  
為之容即老君也以虛無為道自然為性莫  
能使之然莫能使之不然亦不知其所以然  
不知其所以不然故曰自然而然也至若乘  
地為輿操天為蓋馳騫擴鴻翱翔八表不足  
比其大也窮幽極微至纖無際析毫剖釐至  
小無內不足言其細也八音交奏五聲迭和  
烈風迅雷海潮夔鼓不足言其聲也玄黃煥  
爛丹青煒焜煌煌燁燁輝輝靡華麗不足言其  
色也光耀熠燁神明恍惚風行電逝震霆流  
矢不足言其疾也結根九地沉嶠八海水凝

藪澤泉淅嶽峙不足言其止也陰陽不測變現無常進退造化鼓舞萬物不足言其神也光燭竊昧洞鑿無形仰觀至陽之原俛察至陰之本不足言其明也影離絕響雲歛霧散歸根返本寂然不動不足言其無也滌宇宙

之塵滓掃雲漢之昏蒙下際無根上通寥廓

并包六合控馭三界不足言其虛也且道本無形真非有相蓋託虛假有體用互陳不足以盡其妙故歸之自然自然者理之極致也合之為自然離之為道德故眾聖所共尊今古不能泯經云道之尊德之貴夫莫之爵而常自然此之謂矣

見真身

老君乃無生之至精兆形之至靈也昔於大空之中結炁凝真強為之容體大無邊相好眾備上無所攀下無所躡或在雲華之上身如金色面放五光自然化出神王力士青龍白獸麒麟獅子列于前後或作千葉蓮華光明如日頭建七耀雲霞之冠身披九色離羅之帔項頂圓光手執五明或乘八景玉輿駕

五色神龍建流霄丹節塵九光鶴蓋或乘玉轅之車金剛之輪駉駕九龍輔翼萬仙飛雲寶蓋流煥上下燒香散華浮空而來天鈞妙樂前導後從或坐金殿七寶之帳珠幡寶網羅覆其上仙真列侍神丁衛軒種種儀衛充

滿太空或金容玉質黃裳繡帔凭几振拂朝會仙真或玄冠素服白馬朱駉仙童夾侍神

光洞明巍巍勝相不可名狀然上善之士澄心結念注想專容則隨感而應應而獲福故能周流三界救度無窮且大道處於無形無形則非凡所見應念通感通感則非在一端或示仙姿妙體爰及肉身或飛或步或尊或卑或山或世或夷或夏不可測量隨感精靈應已則隱來無所從去無所至洞有洞無周徧一切悟者此心通達迷者永劫沈淪欲識

道之真身不出于此夫道不可見見而非也道不可聞聞而非也蓋示理教俱泯寂然不動於不動中亦能使未見者見未聞者聞此明境智相發感而遂通然通寂雖殊其致一也故曰道常無為而無不為無為者體也無

不為者用也本際經云心之念道凡有二種一念法身七十二相八十一好具足微妙三界特尊二念真身猶如虛空圓滿清靜不生不滅若於此相未能明審須憑圖像錄其

心當鑄紫金寫此真形泥木銅綠稱力所為殿堂帳座幡華燈燭隨心供養如事真身想念丹倒功德齊等若能洞觀非身之身圖像真形理亦無二是以敬像隨心獲福報之輕重唯其在心心念增進自然成道所謂人能念道道亦念人是也沿此法身即法號以應

羣情老君挺生空洞變化自然智慧無窮聖德周備形既莫測號亦無邊在天為萬天之主在聖為萬聖之君在仙為萬仙之總在真為萬真之先在星為天皇大帝在教為太上老君或垂千二百號或顯百八十名或號無為父或號萬物母與大道而輪化為天地之根原浩浩蕩蕩不可名也約而言之凡有十號即降生之後空中十方諸聖讚十號者是也一號無名君二號無上元老三號太上老君四號高上老子五號天皇大帝六號玄中

大法師七號有古先生八號金闕帝君九號  
太上高皇十號虛無大真人推此言之由法  
身以歸真身由真身以合妙本皆出處通感  
之迹也

啓師資

夫道之妙非形色聲味之所可求而必資于  
師授也古之聖賢有生知之性以一悟萬然  
後至於無所修無所證無所修修之至也無  
所證證之至也夫如是猶假師之以發明又  
况非聖賢者邪故聖人垂世立教而有授受  
之法中人以下以之爲繩墨去之則無以加  
其意也如三洞四輔之所載上清經錄以金  
龍玉魚盟天而傳故傳授者之謂師聽受者  
之謂資所以結志誠戒漏慢而免輕泄陰考  
之咎推此則道不可無師尊教不可無宗主  
故老君師太上玉晨大道君焉大道君即元  
始天尊之弟子也天尊生億劫之前爲道炁  
之祖所以道君爲天尊之弟子老君之師二  
聖既立即老君嗣焉而曰老者何也老者處  
長之稱君者君宗之號以老君天上天下歷

化無窮先億劫而生後億劫而長天天宗奉  
帝師承故賜以太上老君之號三聖相承  
千古垂範欲茲授受故者專卑此師法之本  
也莊子曰吾師乎吾師乎蓋萬物而不以爲  
表澤及萬世而不以爲仁長於上古而不以  
爲老覆載天地彫刻衆形而不以爲巧在太  
極之先而不以爲高居六極之下而不以爲  
深先天地生而不以爲久是也且道君老君  
具至聖之德動息合運豈假師承邪蓋以聖  
傳聖理自玄同然起教之端必資授受爲今  
昔之筌蹄人天之鴻範也

歷劫運

靈寶經云保制劫運使天長存且劫有小大  
運有脩短拂石芥城劫之小也陽九百六劫  
之大也金木水火土運之主也一成一虧運  
之交也劫盡而運未交運交而劫未盡非所  
以爲劫運也惟其二者會合然後見其成虧  
大率聖人與天地並生與萬物爲一故能造  
天地植神靈保而制之則無天關蓋歷劫運  
而長存者老君是也生於無始起乎無因獨

立於溟滓之前周行於開闢之後經歷劫運  
甚爲久遠劫者天地成壞之名陰陽窮盡之  
數陽盡即生陰故爲大水陰盡即主陽故爲  
大火陽極於九故云陽九陰極於六故云陰  
六小則三千三百年次則九千九百年大則  
九九八十一萬年爲劫終也老君降生行化  
經此劫運不知其數亦書云劫運者三十日  
爲一交十二交爲一度三千三百度爲小劫  
九千九百度爲大劫又陽九百六之數極而  
爲劫運者以夫陽極於九陰極於六凡陰陽  
之數極於九六者則三界蕩然所以湯湯之  
水火災之火皆陰陽窮極之數理使之然也  
且夫大道既分維爲五行流於五劫每至劫  
之初終太上垂世立教以度天人所謂五劫  
者龍漢之爲木劫赤明之爲火劫延康之爲  
土劫開皇之爲金劫上皇之爲水劫所以五  
劫之開則五行爲之主一起一伏周而復始  
西昇經云上世始以來所更如沙塵動則有  
載劫自惟甚苦辛是也

猶龍傳卷之一

猶龍傳卷之二

敬六

左街都監崇善堂校門公筆崇德悟真齋寶善刊編

造天地

混元之判而為三才輕清者上而為天重濁者下而為地有天焉有地焉陰陽之質具矣然後以沖和之炁為人經曰道生一一生二二生三謂此也或曰以一聖而造天地可乎答曰天地有形中之大者也而有形生於無形惟無形故能造天地蓋無形者道也聖人亦未嘗出于是以裁雲作篆流布諸天鈿

○聖法真掌握幽顯以聖傳聖奚異夫古初推此言之故無疑矣蓋老君乃混沌之祖宗天地之父母故立乎不疾之途遊於逍遙之墟御空洞以昇降乘陰陽以陶埏分布清濁閭闢乾坤懸三光育羣品天地待之以分判日月因之以運行四時得之以代謝五行得之以相生故於九萬九千九百九十九億萬炁之初運真元始之三炁而為天上為三清三境即始炁為玉清境真炁為上清境元炁為太清境是也又以三清之炁各生三炁合成

九炁而為九天第一鬱單無量天第二上上禪善無量壽天第三梵蓋須延天第四寂然兜術天第五波羅尼密不驕樂天第六洞玄化應聲天第七靈化梵輔天第八高虛清明天第九無想無結無愛天此之九天各生三炁每炁為一天合二十七天通此九天為二十六天則三界四民上極三清是其數也初下六天為欲界一太黃天二太明天三清明天四元胎天五元明天六七曜天是也次十八天為色界一虛無天二太極天三赤明天

○四恭華天五曜明天六皇笏天七虛明天八端靖天九元明天十極擢天十一元載天十二太安天十三極風天十四始皇天十五太黃天十六無思天十七上撰阮樂天十八無極曇誓天是也次四天為無色界一霄度天

二元洞天三妙成天四禁上天是也此二十八天名為三界劫運所及陰陽所陶炁有窮極人有壽數初第一太黃皇曾天人壽九百萬歲一天加一倍凡二十八天年壽之數極於一千二百七萬九千七百七十五萬五千

二百萬歲下至日月所交四千四百四萬四千四百四十四億炁一炁三千里也此上又四天名為種人天一帶融天二玉隆天三梵度天四質英天此四天超出三界日月之光所不及其天人皆以身光相照故不生不滅無年壽之數無淪壞之期雖大劫之交災所不至而下諸天諸地隨劫淪滅劫運再開混沌復判則此天之人承太上所初下化人間垂法立教一如此劫之初三皇繼理矣又上三天為三清境一曰太赤天二曰禹餘天三

○曰清微天最上曰大羅天包羅諸天極高無上玄都玉京鎮於其巔三尊所處萬聖朝軒為極道之域變化之根也既分諸天即以純陽之炁上為三十六天次以純陰之炁下為三十六地每天立一天帝每地立一地皇七十二君同稟命於老君矣所謂三十六地者始於九壘第一壘潤色地第二壘剛色地第三壘脂色澤地第四壘潤澤地第五壘金粟澤地第六壘金剛鐵澤地第七壘水制地第八壘大風澤地第九壘洞淵無色綱維地九

壘之地每壘從上第一一重土次一重水次一重風合二十七重也九地者九壘也每地有一重土一重水一重風更相擊持下極九壘之下號曰洞淵網維之地其下浩蕩頑空凝滯不可極也洞真經云九地各有四土皇分掌東西南北之域官寮普屬亦皆萬象復每洞有一仙王合三十六仙王統下界羣仙官屬亦然即九地合有三十六土皇三十六仙王上應三十六天中應三十六洞下有三十六地也儒家所云九天九地此乃天地之大數耳天以清浮之炁凝而成形地以濁滓之質積而成象天地之間別有靈府洞宮處於名山潛通地下蓋以通九地之炁為空濛之穴日月分精燭於其內仙聖分位理於其中列子所云地積塊也無處無塊此亦言其大體耳自日地之下幽暗冥昧無復光華積陰之炁使之然也宗元先生云九天之上無陰也九地之下無陽也陰陽混蒸以生死萬物者正者天地之間其言信矣洞真外國放品經云第一壘去天九十萬七千二百里九

壘之上去天一千二百一十八萬里層象書云八極之闊共一百八十一萬四千四百里天地相去半八極之數此與經文相符也九地之下太空之根經圖不載難更詳測列子云天地之外無極無盡則無無極無無盡也其諸天境域分布凡有五億之殊皆三十六天之炁所生也故清浮謂之天濁滓謂之地陽光謂之日陰精謂之月日生謂之星殞墜謂之石方謂之珥圓謂之暈向日謂之蜺背日謂之虹上浮謂之雲下屯謂之霧鼓謂之雷激為之霆輕為之雪重為之雹靈為之雨散之為風炎為之火凝為之冰堅為之金脆為之木液為之水壅為之土通為之川廻為之泉平為之陸積為之山在天為之文在地為之理月生為之朔月終為之晦朝為之晝夕為之夜靈炁為之神精炁為之人休炁為之鬼煩炁為之蟲雜炁為之禽獸森炁為之精邪別為之陰陽雜為之四時四時變化萬物生焉其高不可際深不可測包裹天地稟受無形舒之覆於六合卷之不盈一握小而

能大昧而能明弱而能強柔而能剛舍陰吐陽無所不為也地中有三十六洞天亦與上天相應日月分精燭于其間則天文地理六甲五行陰陽變化皆老君開眾妙之門運百靈之力生之成之行之化之矣故曰道者萬化之宗重玄之本天得之以清地得之以寧物得之以生神得之以靈海嶽得之以安鎮王侯得之以太平道士得之以神仙枯朽得之以發榮也老君即陰陽之主宰萬神之帝君元炁之父母先王之師匠品物之橐籥陶冶虛無造化萬有衿帶八極載地懸天遊馳日月運輪星辰呼吸六甲制御乾坤推移寒暑驅役風雲奮赫雷電主水旱之進退定曆數之虛盈一出于此

### 登位統

道無先後悟之者一也位有升降證之者殊也故三界浩渺百靈紛錯非其道則離非其主則亂所以在夫統之有宗會之有元則無其極矣以人間世觀之貴賤有其位卑高有其等先王御天下之法尚或然而況開明三

景之後天地不增不損幽明有降有升非真聖以位業統之者其孰能與於斯然老君以大聖之功生化天地運育萬物豈復有品位名稱者哉然上有元始之尊次有道君之聖老君次道君之位演化立功既以三炁運行萬天周布眾法元功克著乃證極道之果三尊之位嗣太上之任為法王之尊也所以上總羣聖中理眾真下制諸仙而統攝三十六天三十六地七十二君星辰日月嶽瀆萬靈陰陽變化一切神明至于天上天下地上地下五億天界有情無情有識無識有形無形皆老君之所制御焉而常處太清境太極宮丹臺紫闕玉堂之中有三大仙九太帝二十七天君八十一卿大夫千二百百仙二萬四千靈司七萬仙童玉女五億天丁神王並列侍雲衛至于巨虬獅子金翅孔雀鳳凰靈獸天馬麒麟備衛左右老君時亦上朝元始疏奏罪福中謁玉晨嘗校九宮下統三界生死之簿一切神官鬼僚考察之司及十大洞三十六小洞七十二福地三十六靖廬二十

四化仙宮靈洞福食之曹無幽無隱莫不仰隸焉或下理九天在太微鈞陳六星中號天皇帝曜魄寶所以乘三使六把九樞機統攝萬一千五百二十名件秉持仙籙主領神人真人仙人聖人賢人但見百億天王拜手于前懇求風雨水旱豐儉通順死生善惡之事遊行萬方以洪道化而一老君常在太清太極之宮也

典靈篇

夫琅函寶笈玉宇金書始載雲之後皆演道之法言為眾妙之鈐鍵靈寶經云無文不尤無文不明無文不立無文不成正謂是也昔老君於太上道君洎虛皇太微凡所得者以自護度故能掌握天地制御神祇濟死度生登真證道故太上與領神虎符圖智慧素經於協靈臺陵嶺之臺下薦九玄於紫霄上總羣真於青簡於是太妙真人玉清神女執朱陵之香華捧要妙之幽章太上道君漱碧水吐絳炁虛心靜躬安神注妙左帶神虎右佩金真說智慧上經及靈藥消魔上章焉或云

金闕帝君曾侍座而問之此即老君之別號也或謂虛皇天尊或謂太微帝君凡是上清大洞真經召靈滅魔神符寶章並掌錄焉此經皆結飛玄自然之炁以成靈文其道高妙衆經之尊總統萬真制衛羣仙祕於九天之上大有之宮金暉紫殿玉映瑤房鑄金為簡以刻靈文或云白玉丹書以明其篇或載太微靈都琳宮玉房衛以臣獸毒龍神虎凡七千備于玉闕金晨玉章素靈玉女各三千人侍衛靈文眾真典領萬聖朝軒玉陛虧蓋于霄庭太帝屈節於几前玉皇改度以推運璇璣命斗以迴神大道君乃登葆晉之臺九曲之房引後聖九元金闕帝君對齋三月依盟啓授至大劫之周三道虧盈二炁離合終則有始運度無差承唐之世陽九之災前除凶悖搜羅上賢方是時也有修行大洞真經精唯一之幽關施八道以招真研金華於三元誦素靈於靜室榮五行以招羗佩金神之虎文移七星於天關掌玄名於帝圖建青籙於上清胞玉秀以結絡含璫胎以內靈絕世好



於長阜獨守默於自然可以真授于八景告  
妙訣於金章施招靈於曲宇置豁落以御神  
拔七祖於幽宮俾五苦八難應時消落有得  
此文超騰九天洞見三精自無其人水劫不  
傳末學之夫安知其道浩博而悟在精思也  
功累塵沙徒自疲爾竟不通感內外蔽蒙一  
失茲生輪迴退墮今故鈔集上皇玉文以相  
告當擇賢而傳其法寶秘為萬道之宗也依  
按明科則衆真監度輕泄漏慢則殃延祖禰  
可不慎邪

### 撰仙圖

圖錄經像出於師承乃上聖之祕言即修行  
之要指故三部八景二十四神具于人身各  
有圖像按而行之立致通感在昔元始而授  
之於後聖君俾流布於人天後聖君者即老  
君也以上皇元年九月十日此說也  
始天王乘八景玉輿駕九色女龍三素飛雲  
導從羣仙手執華幡獅子白鶴嘯歌邕邕浮  
空而來降西河之上後聖君稽首請問曰昔

蒙訓授天書玉字二十四圖雖得其文未得  
其妙雖有圖讚而無其像修之蒼蕩莫測津  
涯今遇天尊喜慶難言願垂成就示以道真  
於是天王口吐洞元內觀玉符以授君使清  
齋十日靈香薰體東向服符即形神備見自  
當洞達諸疑頓了君稽首奉承依天儀長齋  
十日東向服符三部八景神並見金書玉字  
二十四圖空中煥明洞徹無礙是時即命主  
圖上仙而篆圖焉金書紫字玉文丹章於此  
成音而後南極上元九光太真王夫人東西  
二華南北真宮五嶽神仙清虛真人所受真  
文圖像皆由後聖君所傳焉後聖君三天列  
紀中自有傳  
二十四圖者上一沐浴東井圖上二神仙五  
嶽真形圖上三通靈決精八史圖上四神仙  
六甲通靈圖上五神仙九官紫房圖上六神  
仙元始太清圖上七神仙真道混成圖上八  
神仙西昇保籙圖中一神仙通微靈化圖中  
二神仙躡虛九靈圖中三神仙九變天圖中  
四神仙常存圖中五神仙守一養身圖中六  
神仙守神舍景圖中七神仙寂默養精守志

圖中八神仙芝英玉女圖下一神仙六陰玉  
女圖下二神仙九元導仙圖下三神仙導引  
圖下四神仙洞中皇寶圖下五神仙變化隱  
側圖下六神仙探芝開山圖下七神仙明鏡  
圖下八神仙無極太一圖右二十四圖以洞  
天元始之炁化生因撰施行仍以諸聖妙旨  
更相發明所謂應物無擇者適也赴感隨機  
者聖也常以經圖戒律廣化一切分形應感  
無量無邊而太上之體端寂無為無生無滅  
也

### 傳經蘊

三十六部專經肇自劫初雲篆之作而有之  
也皆大梵隱語諸聖格言故為妙道之筌蹄  
人天之藥石矣總之則三十六部析之則萬  
八千篇寶蘊金書聖真珍護乃文字之根本  
萬法之紀綱故後聖君云上皇寶經皆結自  
然之章以行長生之道不死之方符章玉訣  
起於九天王傳於歷劫之真至三五改運九  
靈應期吾推校本元以歷九萬億九千劫上  
皇典格多不相參吾以中皇元年三月一日

於玉清天金闕之中命東海青童君尋俯仰之格考校天文撰集靈篇為寶經三百卷符圖七千章玉訣九千篇以付上相青童君俾傳未學合真之人也上清者老君於上三皇時人尚淳樸以龍漢元年號玄中法師以上

清聖教一十二部開度天人也靈寶者中三皇時老君以赤明元年號有古先生降靈寶真經一十二部開化一切救度兆人也洞神者下三皇時人心樸散老君以開皇元年號金闕帝君出洞神經一十二部開度萬品謂

之三十六部尊經也又一日洞真二曰洞玄三曰洞神各有一十二開合為三十六部尊經上應三清三十六天中應三界三十六帝下應九壘三十六土皇內通人身三十六宮故人頭有九宮心有九孔臍有九神形有九户凡三十六所外合三十六音也

為帝師

南華經云吾師乎吾師乎整萬物而不以為戾澤及萬世而不以為仁此莊周以道為師也老氏在天以玉晨大道君為師在人間世

以常樞為師雖老氏之聖猶不能無授受之迹又况非老氏者邪書云事不師古以克永世且先覺者博古而知今適足以為樞樸以之修身與夫治天下則能長且久故老氏自三皇五帝變名易號皆所以扶世立教以授

天下之人在伏羲氏時人已澆漓而未有法度老君號鬱華子下為師說元陽經教以畫八卦造書契以通神明之德以類萬物之情仰則觀象於天俯則觀法於地為文教之始也在神農時人捕禽獸茹毛飲血老君號大

成子下為師說元精經教以化生之道播百穀以代烹殺和百藥以救百病嘗桑得米嘗柳得稻嘗榆得黍嘗槐得豆嘗桃得小麥嘗杏得大麥嘗荆得麻既登五穀以活民命止殺禽獸羣分類聚長善遏惡以全其生不食血肉故無業累示好生之道由茲始也在祝融時人食生冷未知火化故多疾苦老君號廣壽子下為師說按摩通精經教以安神之道乃鑽木出火陶鑄為器以變生冷人保其壽故陶鑄之法自茲始也自伏羲之後老君

示以世法制禮樂以叙尊卑造衣裳以明貴賤作宮室以代巢穴為舟車以濟不通置棺槨以免衣薪造弧矢以威不順立刑獄以戒兇暴造書契以代結繩服牛乘馬引重致遠日中為市交易而退耒耜耕田之利重門擊柝之規皆出於此矣在黃帝時老君號廣成

子南華經云黃帝立為天子十九年令行天下聞廣成子在於崆峒之上故往見之曰我聞吾子達於至道敢問至道之精吾欲取天地之精以佐五穀以養民人吾又欲官陰陽

以遂羣生為之奈何廣成子曰而所欲問者物之質也而所欲官者物之殘也旬而治天下雲氣不待族而雨草木不待黃而落日月之光益以荒矣而佞人之心翦翦者又莫足以語至道邪黃帝退相天下築特室席白茅

間居三月復往邀之廣成子南首而吐黃帝順下風膝行而進再拜稽首而問曰聞吾子達於至道敢問治身奈何可以長久廣成子龐然而起曰善哉問乎來吾語汝至道至道之精窈窕冥冥至道之樞昏昏默默無視

聞吾子達於至道敢問治身奈何可以長久廣成子龐然而起曰善哉問乎來吾語汝至道至道之精窈窕冥冥至道之樞昏昏默默無視

無聽抱神以靜形將自正必靜必清無勞汝形無搖汝精乃可長生目無所見耳無所聞心無所知汝神將守形形乃長生慎汝內閉汝外多知為敗我為汝遂於大明之上矣至彼至陽之原也為汝入於窈冥之門矣至彼至陰之原也天地有官陰陽有藏慎守汝身物將自壯我守其一以處其和故我修身千二百歲矣吾形未嘗衰黃帝再拜稽首曰廣成子之謂天矣廣成子曰來余語汝彼其物無窮而人皆以為終彼其物無測而人皆以為極得吾道者上為皇而下為王失吾道者上見光而下為土今夫百昌皆生於土而反於土故余將去汝入無窮之門以遊無極之野吾與日月參光吾與天地為常當我緡手遠我昏乎人其盡死而我獨存乎帝行之天下大治久之帝詣青丘見紫府先生中黃真人大隗君黃蓋童子青城寧先生峨嶠山天真皇人皆得真訣鑄鼎荆山乘龍白日昇天羣臣同昇者七十二人混元又為說道戒經復傳道與天老力牧風后三人皆得道又西

王母授帝玉像五軀曰此則元始天尊之像也又傳二儀真形圖與帝帝受訖乃置像於高觀以異香名花千珍萬寶晨夕供養雖后妃宰輔莫得親焉觀之上常有異色雲氣加之天香芬郁謂之道觀道觀之號自茲始也帝有離宮別館在名山洞府者三百餘所並捨為道觀每觀度道士七人以焚修在顯帝時老君下為師號赤精子居衡山授帝微言經教以忠順之道在帝嘗時老君下為師號錄圖子居江濱授帝黃庭經教以清和之道在帝堯時老君下為師號務成子居姑射山授帝政事離合經教以廉謹之道在帝舜時老君下為師號尹壽子居河陽授帝道德經教以無為清靜之道此上下二經出於茲焉在夏禹時老君下為師號真行子居嵩山授禹德戒經教以勤儉之道又授靈寶五符撒召神鬼之法然後能濟九江決百川通滂海矣在商湯時老君下為師號錫則子居滿山授長生經教以恭愛之道湯行之視人如己恩及昆蟲而後太上以商王陽甲十八年庚

申之歲馭九龍分身下降於楚亳之地苦縣瀨鄉曲仁里寄胎於玄妙玉女凡八十一年以武丁九年庚辰歲二月十五日降生因指李而為姓既生能行復能言而又白首故號老子因為侍者說百病之源授百藥之要使世人知之以保其壽兼示三光三元之術五行五牙之法保神固形內外還丹金液之道以致長生然後出三界昇九清上躋聖位下滅死根不終始綿綿長存故邊韶作聖母碑云於惟真德抱虛守清樂居下位祿勢不營是也

猶龍傳卷之二

第六

十五

猶龍傳卷之三

敬七

老君都巖巖書教門事常傳其諸費善期編  
降生年代

電繞于樞龍戲于門皆聖人誕世之時也非其時而不誕非其聖而不異故叔梁禱尼丘而有感斯其時也姜嫄棄后稷而無損斯其異也歷觀前聖大率皆此類然其間歲時之差先後之別往往無一定之論固亦有之矣唯老氏降世之迹昭昭然載之藏室與夫先儒傳記有可考因而次之庶無惑于來世也。老君愍時凋弊欲反神降生以商第十八王陽甲十七年庚申之歲託孕於玄妙玉女至降生凡有二十一事第一大通應化託孕人間化日精為五色之珠此明陽德也第二駕九龍之車凝結變化五色交輝流入玄妙玉女口中此明九龍陽清之華也今有流星壇在亳之城父縣天靜宮也第三託胎寄惠與前聖不同八十一年極太陽九九之數然後降生第四玄妙玉女以晝寢夢吞五色流珠因而有娠容顏益少神炁安閑八十一年悅

豫無比此明聖人降跡之異也第五玄妙所居之室四時和暢六炁調平冬無凝寒夏無煩暑祥光照室靈風滿庭衆惡不侵萬靈潛衛八十一年不覺為父當商二十二王武丁九年庚辰歲降生也第六降生迥異前聖雖依聖母之孕乃剖左腋而生也第七降生之時登行九步步生蓮花陸地芬芳大彰神異第八降生日童揚輝月妃散華七元流景祥雲廕庭四靈翊衛玉女捧接聖母因攀李枝忽爾降生矣第九降生萬鶴翔空九龍吐水以浴聖姿龍出之地因成九井于今在亳州衛真縣太清宮也每汲一井則九井皆動第十老君降生之後左手指天右手指地曰天上天下唯道為尊世間之苦何足樂聞第十老君愍時澆薄大道不行委迹生神以救於世第十二以愚迷難化正道難宣降生之時故顯殊祥令人信悟第十三欲明妙道悟即長生故鍊金丹以勸修習今宮中有鍊丹井并檜存焉第十四老君教人學道內外俱修既鍊金丹又習真炁今有虛無堂歷代完

治尚存即老君習炁之所也第十五明此妙道修之必得昇天示彼功成乘鹿輕舉而去今宮中有鹿跡檜即老君乘白鹿昇天之所其檜見存焉第十六老君降生年代即商武丁九年庚辰歲二月十五日是也第十七降生郡國即古之楚國苦縣苦縣因城為名瀨鄉以水為號曲仁里在九井之西靈溪之側其縣本名苦縣漢魏以來名穀陽縣乾封元年改為真源縣中和二年昇為赤縣今為衛真縣第十八老君降生之後九日之中身長九尺七十二相八十一好如踏五把十美眉方口雙柱三漏日角月淵之類此大聖之相也第十九聖母誕生老君之後乘八景玉輿羣仙侍衛白日昇天大唐追尊為先天太后今有宮曰洞霄在衛真縣太清宮之北一宮在樓觀昇天臺上第二十老君昇天後歷代帝王欽慕真跡周穆王秦始皇漢桓帝隋文帝皆崇修宮廟命文臣刊碑以旌聖迹故漢有邊韶碑隋有薛道衡碑于今並在第二十一彰聖號者老君仙胎寄惠八十一年誕聖

之辰生而白首聖母爲之立號以示世人於此門中又分五事第一聖人降迹與俗不同聖母欲謂之老又是初生欲謂之子又乃白首兩字兼稱因立老子之號第二明道與俗反夫老者長年之稱子者幼稚之號世人先幼而後老老君先老而後幼欲明攝迹還本也第三老者以考校衆聖爲名子者以孳生萬物爲義所以老君爲萬物之父母衆聖之師法故有考校孳生之名以爲老子之號老子二字起於此時老君之名先於億劫也第四聖人垂名反終歸始老者終也子者始也世人先始而後終老君先終而後始欲令世人修道反老還嬰故號老子也第五委迹和光以徇於世老者以生而白首故號爲老子子者男子之通稱亦如孔子孟子莊子列子等以姓爲號如老子鶡冠子抱樸子淮南子因事爲號序訣云老子之號始於無數之劫其杳杳冥冥眇邈久遠非以降生老而爲號也長於億劫之前故以老爲號示夫託神李母剖左腋而生生即皓然故號老子老子之

號因元而出在天地之前無衰老之期故曰老子此序訣之證如此今詳衆說既不以因生立號即是老君歷劫垂教應世表形常現老容故有老子之號爾後之人有謂生於周時此蓋秦始皇焚書之後史書記其大槩世人以其當文武平敬幽厲之時行化於周妄云周時生耳其實在商也若生於平敬幽厲之日又安得與文王武王爲史官邪故薛道衡太清碑云真元當文王武王之時居載史柱史之職此乃實錄也今按閻尹老君本紀太和真人樓觀內傳劉向列仙傳皆云商武丁庚辰生是也

明宗緒

史記之有帝紀世家即此所謂宗緒者同也皆推究其先或以封或以官而得其氏故其嗣分枝別派各有根源所以涉千萬禩猶視諸掌其可置邪謹按老君內傳及諸史皆云生於李木之下自相李以爲姓斯爲定矣今按大唐天演玉錄云額帝之後生大素大素生媧媧娶有壽氏之女感月光貫昴而生谷

蘇谷蘇生伯翳伯翳之後世爲士師至里成避禁之亂遁居伊侯之墟食李實乃改爲李氏此言谷蘇之後以理獄爲功遂姓理氏其後子孫或改里氏至伊侯之墟避難遂改里爲李也成生利正當商湯之時利正生昌祖昌祖任陳爲大夫因居苦縣昌祖生明明爲陳相葬潁鄉之北立廟因有相城明生慶賓慶賓生靈飛一名虔會慶賓靈飛皆白日昇天所言陳國乃古之陳國非周時所封胡公滿之國也今按湯至陽甲一十八王二百五十餘年自李成至虔會五世相承年代相類當此之時大辟之後已爲陳國及周封舜後當是此陳既滅乃封胡公而其地也靈飛之妻玄妙玉女感日精之夢而生老君君此一說也又按本記云老君生而能言指李木曰此我姓也隋內史舍人薛道衡老君祠庭碑云感日載誕莫測受炁之由指李爲姓未詳吹律之本是也又樓觀先生傳云老君因聖母攀李木而生謂曰此汝姓也三家之說經傳備載今並明之以彰聖人宗緒矣聖母者

按玄中記云李靈飛當商之時父子相承得修生之道父慶實年百餘歲常有少容周遊五嶽諸山一旦於所居雲龍下迎白日昇天靈飛感父飛昇之異深隱不仕內修大道以天水尹氏之女為妻居於瀨鄉其妻嘗因晝寢夢天闕數丈眾仙捧日出良久見日漸小從天而墜化為五色之珠大如彈丸夢中得而吞之因而有孕八十一年容色益少常若處女靈飛亦百餘歲而昇天既誕生老君之後即有五色雲輿迎之昇天然李姓所起又按玄妙玉女元君內傳云老君在天為眾聖之尊在世為萬教之主先億劫而行化後無為而常存故天尊道君賜其真號曰老君即在五太之前至于歷劫有此號矣雖世世應見為帝者師而未有降世誕生之跡乃於九隋之上命玄妙玉女降於人間為天水尹氏之女嫁李靈飛為妻玄妙靈飛老君乃乘日精駕九龍化為五色流珠下入口中託孕而生既生乃指李曰此吾姓也在世凡有九名一名耳字伯陽二名雅字伯宗三名忠字伯

光四名石字孟公五名重字子文六名定字元陽七名元字伯始八名顯字元生九名德字伯文或云三十六號或云七十二名或云姓字眇眇從劫至劫非可悉記老君有九變以法太陽變化生育之功有七十二相八十一好故為聖中之聖真中之真矣聖母在天即號玄妙玉女既誕育大聖即為太一元君元君乃授老君化世行教之旨內修九室三一之門萬善萬惡之戒百病百藥之訣虛無清靜之規九并餌鍊之品將以示世人有師資授受之法然太上大聖為萬化之主豈假稟學乎此聖聖相承表有所自也受道既畢即有天樂駭空流雲駕野千乘萬騎五帝上真擁九光八景之輿迎聖母元君歸于玉清之上至今為太一元君唐朝尊為先天太后詳諸家所載聖母本起即玄妙玉女為老君之母證太一元君事跡為勝也所言降生年代以商武丁時為是自餘諸說舛誤不同前後差謬今載而不取也

七十二相八十一好

伏羲蛇身神農牛首堯眉八彩舜眉重瞳皆大聖之勝相所以為異也故老氏誕生妙玄竒特希有古今列聖莫之敢擬所以為非常也古人有言曰有非常之人然後有非常之事故能出者入冥變化不測推其勝相而具九九之數也謹按法輪經云老君頭圓法天頂象崑崙伏晨盤鬱玉枕隆起皓髮如鶴長七尺餘虎髭龍鬚素潔如絲眉如北斗色如翠綠其間紫毛長五寸餘耳無輪郭中有三漏高平於項厚而且堅河目鏡徹日精紫光方童秀明規中綠筋鼻有雙柱形如截筒口方如海脣如激丹烝有紫色其香若蘭齒如合貝其堅若銀數有六八上下均平舌長且廣形如錦文玉泉克溢其味甘香每發妙言聲如金玉頰似橫隴頤若平丘龍龍日角隱隱月淵犀文直理龍顏神鑲金容黃色玉波潤顏頰有三理參午上達天庭平填充面壽臉腹有白誌頤有玉丸項有三約鶴素昂昂垂臂過膝手把十文指有玉甲身有綠毛背有河魁骨有偃骨心有九孔外有錦文臍深

一寸腹軟如綿脚方如矩雙躍法輪足蹈二  
五指有乾坤內滋白血外示老容身長丈二  
偏體芬郁行如虎步動若龍起右此七十左  
扶青龍右衛白虎頭生朱雀足履玄武身若  
金堅貌同紅玉圓光五明頭上紫炁眉前真

字右此九好兼前七十  
二相合八十一好也

### 爲柱史

司馬季主云道高益安勢高益危誠哉是言  
也且孔子之作大夫漢祖之爲亭長其志存  
乎康濟與夫行道宣擇事而進之者邪苟有  
耻位之卑祿之薄而與崇高者抗行則適足  
以自遠其咎奚能成聖德而垂之來世與天  
地齊其長久也故老氏之降迹亦若此而已  
矣文王爲西伯時號變邑于時帝辛荒虐天  
下塗炭乃乘飛颿之輪以風伯前驅彭祖駘  
乘降岐山之陽西伯聞之拜爲守藏史作赤  
精經教以仁信之道周行之禮賢好義麟鳳  
交集武王克商號育成子遷柱下史作璇璣  
經又以道授周公也成王時爲師號經成子  
康王時爲師號郭叔子復爲柱下史潛龍早

秩以綏周道昭王時太上復命老君開化西  
極因而退官又以上下二篇授關尹自三皇  
五帝以來帝帝爲師方設化布七十二系  
傳其要經修之皆延年益壽然自開闢之始  
劫數之終或出或處不可以一端窮也

### 去周

邦有道則見邦無道則隱古今聖賢之所同  
也推其去就治亂隱則山世進則致君撫運  
退則高飛深潛而況博大真人一死生並天  
地同荒芴混神明遊逍遙之墟握造化之柄  
邪其入也并兼六合無內外焉其出也酬酢  
萬物無小大焉或曰老氏聖人官不過乎柱  
史而已斯世俗之見也南華真人曰道之真  
以治身緒餘以爲國家士宜以治天下聖人  
知其所以治身故以形骸爲逆旅而緒餘土  
直安足以嫌其情故進退得失皆我也迫而  
後動不得已而後起而豈固有之邪太上以  
紂王二十一年丁卯歲居岐山之陽因爲守  
藏史武王克商遷爲柱下史歷成康之世乃  
託疾退官至昭王二十五年癸丑歲五月二

十九日壬午乘青牛薄餐車徐甲爲御而去  
周青羊宮記云歷藏史以同塵弃柱史而隱  
迹東離魏闕西度函關乘青牛宛轉之車駕  
白風逍遙之輦徐甲執御從仙帝以爰來尹  
喜瞻風知道君之必至者是也

### 試徐甲

聖人運慈典應以度人濟物爲心而豈擇卑  
高貴賤遠近幽顯皆一而已矣故受其賜者  
紛紛然莫知其紀且古之人一鉢之恩必報  
又況濟以生而負其約人情固且不容豈神  
明之所可容哉昔有御太上車者姓徐名甲  
老君謂曰吾欲往西海大秦廟實天竺安息  
諸國今汝御車與汝顧直日百錢俱諸國還  
以黃金頓償甲如約御車至函谷關老君欲  
試之乃令甲牧青牛于野以吉祥草化一女  
子姿容絕整行及牧牛之所輒戲以言甲感  
之以老君欲速還沈沙必不及速廣約鑄辭  
詣關令於老君索顧金老君曰汝隨吾已二  
百餘歲當還汝七百二十萬錢且汝昔已命  
盡吾以太玄生符授之即再活汝莫不念此

言訖符自口中飛出至老君前文篆如新甲復化為白骨關令憫甲違心復死復欲觀老君起死之術因稽首于前曰甲之願直喜報代還願大聖哀矜赦其罪戾賜以更生老君納關令之言即再以符投枯骨中復如故老君曰吾不責汝汝負本約而道自去汝故死遂給顧直欲遣之甲伏地搏頰曰已沐聖慈曲赦罪戾今此枯骨復見光明刻骨銘心願從雲駕太上竟弗許

度關試關令

險於山川難於知天者人心也故善之與惡莫能彷彿其萬分之一所以古之授道術者凡二十五試將以格量其可否大率雖有行業之至而心或非故假試以定其內外然後而授之可矣至于老莊之道亦然徒知其言而心實無所得亦非所謂造見獨之妙故孔子之於門人曰如有所譽必有所試又況夫冥妙之道神仙之術邪謹按內傳云老君以昭王二十五年癸丑五月壬午去周隱居尋欲西之流沙以化異俗乃有紫炁西度函谷

關昭王大夫尹喜善觀乾象知有聖人將度關乞出為關令乃齋戒交道焚香掃洒以候馬七月十二日老君駕青牛之車徐甲為御無極先生鬼谷先生太極先生從馬西度關時關令先諭關卒孫景云若有車服異常形容殊俗者勿聽過至七月十二日甲子果有一老人皓首聃耳乘薄拳駕青牛而至關卒曰明府有教願翁少留於是入白曰有一老翁乘青牛車從東來求度喜曰聖人來矣我當見之即加朝服出迎具弟子禮而邀之曰願聖人暫留神駕老君謝曰吾貧賤老翁家在關東田在關西今暫往何故見留幸相聽度吾無所取勞于懇倒若斯有悞展敬耳老君如此謙辭此一試也喜復稽首曰竊謂非往西莊願暫留神駕老君又曰吾聞導竺乾有古先生喜入無為不始永劫綿綿是以昇就道經歷關于何妄留邪此二試也喜又曰今親聖人真姿超絕乃天上至尊何遠夷可往觀手願不託言少垂哀愍老君又曰予以何所見而知之喜答曰去冬十月天理

星西行過昴今又自秋朔融風三至加之東南真炁狀如龍蛇而西度此真人之驗也喜少好天文祕緯凡仰觀俯察未嘗不驗昨乾象如此當有聖人度關自爾已來風夜存思未嘗暫懈今似有適緣果遇神駕願垂慈誨開濟沈冥老君以其三試之皆過乃怡然含笑曰吾知子與道有緣故來相試且子之知吾吾亦知子矣如此三反覆然後聽喜而前故四皓云觀老氏與尹生豈不冥悟先機邪而執謙辭者欲教世耳關令於是設座官舍行弟子禮北面而事焉老君曰汝欲為世傳洪大道乎喜曰大聖將隱乞為喜著書於是遂授喜道德二篇故史記云五千餘言是也司馬遷言為陰陽者繁而致惑為儒者博而多慮為墨者苦而傷性為名者華而少實為法者酷而薄恩唯老氏之教稱為大道焉清虛無為使精神專一動合無形瞻足萬物其為術也與時遷移應物變化無所不宜指約而易操事少而功多其實易行其辭難知以虛無為本以因循為用無成勢無常形故能



救萬物之情不為物先不為物後故能為萬物之主是以先黃老而後六經獨歎道家為清高函谷關今陝州桃林縣南十二里是也天寶初因獲靈符改為靈寶縣真宗御製度闕銘并序夫聖達之心無適無其神化之迹或瞻或影儻遺烈之昭然即生民之仰止函谷關者老子西昇之坐也若夫含真上德闡教強名居藏室以棲真涉流沙而匿影仲尼問禮既吐於微言尹喜授經復占於真炁斯並存之前載播厥方來若乃萬壽之年至神之道臻乎妙有豈易彈云踐華之郊疏河之境仙馭所歷車轍如存揚以關梁見峭函之阻紀斯縣邑彰靈寶之休所謂人往而教存世殊而地久朕恭祠坤載因舉時巡淵默之風永懷於瞻望清靜之治靡捨於宗師將振清虛俾判羣珠銘曰教父潛真神龍比德方事神遊爰符默識聖言聿昭生民為則載望函關永存轍迹玄妙無疆清輝罔極齋轄云經真珉乃刻是歲大中祥符三年也

授關今道德二經

聖人之立教形于竹帛得其人則授繫辭曰苟非其人道不虛行是也黃石公以素書授子房而致大漢之有天下況老氏之教清虛無為贍足萬物而治身治國之道而盡於斯蓋關今宿有道德而獲躬受也關今周大夫也姓尹名喜字陽公一云字公文母晝寢夢天降電繞其身須臾入口因而有娠遂生喜既生有雙光若日飛遊其側目有日精姿形端偉博通墳典之外喜天文秘緯仰觀俯察莫不洞寤雖鬼神之變無以匿其情而大度恢傑不修俗禮慈儉博愛損身濟物入為東宮賓友出補函谷關今每望霄漢而有昇虛之思老君未至關喜結草為樓登臨四望見東方有紫雲西邁知有真人度關乃戒嚴門吏掃洒焚香以俟感應至七月十二日甲子老君至關喜擊鼓曲舉遂就舍進巾櫛盥漱齋戒問道至十二月二十五日挂冠不仕二十八日授道德二篇太上欲西徂流沙喜叩頭請侍行老君曰汝未得道惡能隨吾夫流沙異域曠俗難化汝何術可御唯生道入腹

則神明皆存汝能除垢止念靜心守一千日清齋鍊形入妙則可尋吾於蜀郡青羊肆喜唯唯而謝老君忽然舟舁昇入太微蓋太上下化於世上居太微宮勾陳中號曰天皇大帝輝魄實是也喜候光景斯散影躡蕭寂迺清齋屏絕重鍊研味真經精思千日存三一於三宮洞九思於九室心凝形釋骨肉都融已而窮數達變之微因形移易之妙無不盡之矣仍授喜金液九丹之術又授太清八符觀天九都神丹金液等經形一神萬食氣之首五牙真氣之要歸終南之陰結草為樓今在鳳翔終南山盤屋縣神龍鄉關仙里有草樓即尹真之故宅謂之樓觀者尚存馬周穆王再加修飾秦始皇建祠宇於其前漢武帝立宮館于其北晉魏以來謁板猶在今有始皇御製云大道汎兮其可左右老君去則西遊返則東顧朕方有事蓬瀛望垂影衛貞觀二年勅改賜宗聖觀尹喜遂飄然往青羊肆復遇太上

猶龍傳卷之三

猶龍傳卷之四

歌八

青羊

齊世祖書其丹書本德性具谷其善如麟

按混元本紀云太上以甲寅年昇天至乙卯  
 分身潛降於蜀託孕大官之家丁巳尹喜方  
 至蜀本無青羊肆太上有太微時先勅青帝  
 之青童降成都化為青羊尹喜於市肆見人  
 牽之自解云既有青羊復在其肆老君所約  
 此當是也因問云此羊乃誰家者答曰我家  
 夫人缺一子啼聲不止投於水火皆不能宰  
 有道人言得青羊乳與之啼即止故市此羊  
 喜鳴曰為我告夫人之子云關令尹喜至於  
 是具以白即從懷抱振衣而起言曰今喜來  
 前既入太上或長文餘身作金色項負圓光  
 建七曜之冠披九色之帔舉家見之皆惶恐  
 太上曰吾太微是宅具一為身太和降粹耀  
 魄為人主容相因何乃惟也尹喜稽首而言  
 曰不謂慶幸復奉天顏末審慈導出無入有  
 起居安不老君怡然告曰與子別後何待何  
 喪汝存道守一還有益邪喜曰自奉秘要粗

得其妙濟度之恩遠過天地老君曰吾昔留  
 子以居世清齋千日故待子於此今子保形  
 鍊炁已造冥妙而心結紫絡面有圓明金名  
 表於真圖玉札係於紫房炁參太微解形合  
 真矣言訖三界聖真千乘萬騎浮空而至因  
 授喜紫芙蓉冠飛青羽裙丹楊綠袖文帶霓  
 裳羅文黃綬拜為文始先生賜任無上真人  
 從此乃得參侍龍車遠遊天下青羊託云勅  
 青帝之青童化羊蜀郡乘紫雲於紫府降瑞  
 氣於王宮將停不噴之聲須及來斯之乳俄  
 聞喜至頓止嬰啼爰從赤子之身却變白頭  
 之士頃刻而身逾數丈須臾而面放五光頭  
 建七曜玲瓏之冠肩垂九色雜羅之帔衛士  
 踰德從仙成羣者正謂此耳太上昇座為其  
 母說元陽經今肆在成都西南數百步中和  
 二年覆靈場之所詔建青羊宮是也又有降  
 生臺元陽臺遺址存焉又化身與喜遊天水  
 雲山重演道要即今秦州啓靈山是也有西  
 昇臺及聖容殿在崖下又與喜潛遊四海先  
 到東海日窟常陽之山扶桑碧海東井湯谷

祖州芝田蓬萊方丈之宮次南登鳳山青丘  
 長離赤津太丹之宮絳山朱陵炎崗之鄉次  
 西入龜山玉闕人鳥鳳山窰林麟洲金門玉  
 池昆吾白帝之城次北入空濛洞陰元丘廣  
 寒鍾山無間之野又昇中嶽崑崙真圓瓊華  
 之宮仙人禮侍天眾來迎傳道叔德隨問投  
 之次遊九天初至第一天見波利天帝乘九  
 靈玄雲之輿陰七元交晨之蓋建五色攝魔  
 之節從官及玉童玉女九萬人迎老君入大  
 有宮請問自然之道次遊第二天見摩夷天  
 帝駕碧霞飛雲之輿陰五色鳳文之蓋建七  
 聯命龍之節從官及玉童玉女五萬人迎老  
 君入鳳城玉臺請問無上之道次遊第三天  
 見梵寶天帝乘泰靈流雲之輿陰七光飛晨  
 之蓋建五色招靈之節從官及玉童玉女八  
 萬人迎老君入陽明朱宮請問虛無之道次  
 遊第四天見化應天帝駕黃雲七映之輿陰  
 五明錦文之蓋建七色命靈之節從官及玉  
 童玉女六萬人迎老君入七寶上宮請問玄  
 妙之道次遊第五天見不驕樂天帝控青雲

九靈之與蔭飛光霜精之蓋建五色制魔之節從官及玉童玉女七萬人迎老君入九層王臺請問太玄之道次遊第六天見梵衍天帝御流精丹雲之與蔭七映飛霄之蓋建五色命神之節從官及玉童玉女六萬人迎老君入朱靈之官請問至真之道次遊第七天見須延天帝乘飛景紫雲之與蔭五色羅文之蓋建七色招真之節從官及仙童玉女九萬人迎老君入太玄都請問真一之道次遊第八天見禪善天帝駕綠霞飛雲之與蔭八色瓊暉之蓋建九光洞靈之節從官及仙童玉女七萬人迎老君入珠林玉圃請問帝一之道次遊第九天見鬱單天帝榮蒼霞流雲之與蔭九光寶耀之蓋建飛龍通神之節從官及仙童玉女九萬人迎老君入玄臺紫房請問希微之道所到天宮皆設瓊英玉寶月液雲漿碧醴流薰蘭蓋八徹靈芝妙果光華映席于時天樂繁會靈唱妙絕不可勝言見諸天帝真仙皆項圓明各禮拜老君請問妙道多論天地否泰劫運延促行業善惡先

後宿命報應之理大道之原也

流沙化八十一國九十六種外道

老氏立清靜無為謙沖之教在諸夏而後西入流沙以夷狄之人恃犬馬之輕捷而侈好殺之心於是不辭異俗之狼戾道路之修阻區區而至彼化之以慈愛庶幾遠惡而趨善故無禪馬孔子所謂有教無類者是也爾時老君行化至于閼國即放九色神光徧照西方塵沙國界光所及處無有遠近俄頃之間毗摩城中自然以諸金寶布官闕地建大法座莊嚴輝曜三界聖真及諸龍神乘雲控鶴而至于閼國王與諸胡王凡八十一國親茲光相妙麗希有晝夜瞻仰懽悅讚歎太上運妙有神通悉皆攝受彼國王於一念中雲集道前老君迺升寶座相好端嚴燒香散花奏鈞天樂時于閼國王與所來者朱俱半王渴叛陀王護蜜多王大月氏王骨吐陀王俱安國王解蘇國王枝汗那王久越得健王怛怛國王烏拉喝王失范延王護時健王多勒建王剌賓國王訶達羅支王波斯國王踈勒國

王碎葉國王龜茲國王拂林國王大石國王殖賦國王數漫國王怛波國王俱樂國王嗟骨國王曇陵國王高昌國王焉耆國王弓月國王瑟匿國王康國王史國王米國王似波盤國王曹國王何國王大小安國王穆國王烏那葛國王尋勿國王大奔國王西女國王大秦國王舍衛國王波羅奈國王帝那忽國王伽摩路國王乾陀羅國王烏菴國王迦葉彌羅國王迦羅國王不路羅國王泥婆羅國王熱吐國王師子國王拘尸那揭羅國王毗舍離國王劫比他國王室羅伐國王瞻波羅國王三摩誼吒國王鳴荼國王蘇剌吒國王信度國王烏刺尸國王扈利國王狗頭國王伽栗國王漫吐漫國王泥拔國王越底廷國王奢彌國王小人國王軒渠國王陀羅伊羅王狼揭羅王石國王五天竺國王如是八十餘國王及其妃后與諸眷屬圍遶瞻仰願聽法音老君告諸胡王汝等肆五毒心唯嗜血肉殺害無厭斷衆生命我今爲汝說浮屠經所謂浮屠即佛也於汝言之浮者一切萬

有非實屠者勿復割害生靈不能戒者可食  
自死肉而汝須髮奉鞠身體羸腫至于總表  
積諸垢穢當祝須髮洗滌身心常習慈悲以  
滅煩惱依我立齋月日及所說戒律常須持  
齋奉戒絕諸邪想歸依大道今隨我化汝者

是我第一弟子無上真人尹喜與汝為師身  
作金色備諸相好演說浮屠善巧方便而常  
束縛示不忘本以我東來故顯斯狀令有見  
者發慈悲心汝等國王禮拜供養不得退轉  
自獲成果又有外道九十六種亦皆化之使  
入正道所言九十六種者鬱遮羅外道差法  
智男富外道保形外道熱灰身外道少子騫  
外道實頭盧外道遮護神外道到見外道信  
行外道邊見外道見到外道空見外道虛空  
外道不遮護外道首羅外道空亂音外道梵  
鉢餘外道洪照外道普安外道張世外道無  
相外道真諦外道梵音外道宗明外道大枝  
外道廣學外道清修外道講論外道顯極外  
道阿修羅外道舍依師子王外道神憇駕女  
外道慧意外道鳩摩那外道荒摩閣羅外

道綱旃陀羅外道那羅延外道千炭外道總  
拔摩外道跋摩外道摩醯首羅外道跋折羅  
神外道拔闍羅外道遮文茶外道尼藍外道  
商揭羅外道夾拘施外道摩利支外道阿叱  
薄俱外道彌施訶外道摩底外道那俱跋羅

外道趙神鬼外道鉢健提外道鳩留伽闍外  
道光照外道威嚴外道洪廣外道迴向外道  
毗曇修多羅外道振威外道威揚自外道自  
在廣博嚴淨外道伎總道外道求那拔那外  
道依真外道得爽外道明錄外道葛壞衣外  
道尼利外道高望提外道阿求那外道騰空  
道畏外道佛沙莫沙外道那健陀外道婆摩  
智那外道尼連旃外道頗梨頗外道道利道  
外道阿扇旃帝外道空解大道外道如神外  
道道堅外道到行外道梵意外道大豐外道  
超空外道善女天外道元通太虛外道我角  
外道曠賢外道燈分化外道阿羅囉吒外道  
阿盧至外道照明五瞿外道殷阿旃陀利外  
道此諸外道凡九十六種或男或女若人非  
人能為魔事亦視須髮烏衣跣足說種種三

昧種種觀法等不等法作諸變怪種種形像  
令人墮落邪道無有休息老君謂尹真人及  
諸弟子曰吾去之後此外道偏行於世至于  
東夏所行之法亦復如前轉更干人利養甚  
則邪淫使人捨身命財及諸男女云過去未

來得諸果報復今國王帝主傾心信向迷悞  
政事不歸清靜著此外道則生我慢矯誑百  
端惑亂大道汝宜於此化以浮屠今入不二  
法門斷除邪障而後外道悉來稽首懺請具  
訓不復為幻術其始末自有經傳文繁不具  
錄

孔子問禮

孔子曰生而知之者上也學而知之者次也  
且夫有生知之性非聖人其誰宜當之老聃  
之與孔子其為聖一也然孔子涉世之道靡  
不盡之矣至于離名數起遙手獨見之妙必  
期於參同故自費而適周見聃而退有猶龍  
之歎斯聖人推崇於道而有授受之迹起教  
之端莫大于此而況世之學者泯獵剽竊以  
自多不亦媿歟孔子家語云孔子謂南宮敬

叔曰吾聞老聃博古知今通禮樂之原明道德之歸則吾師也今將往矣對曰謹受命遂言於魯君曰臣受先君之命云孔子聖人之後也滅於宋其祖弗父何始有國而受厲公及正考父佐戴武宣三命茲益恭故其鼎銘曰一命而僂再命而偃三命而俯循墻而走亦莫余敢侮釁於是粥於是以鋤其口其恭儉也若此臧孫紇有言聖人之後若不當世則必有明若而達者焉孔子少而好禮其將在矣屬臣汝必師之今孔子將適周觀先王之遺制考禮樂之所極斯大業也君盍以乘資之臣請與往公曰諾與孔子車一乘馬二疋童子侍御敬叔與俱至周問禮於老聃訪樂於萇弘歷郊社之所考明堂之制察廟朝之度於是喟然曰吾乃今知周公之聖與周之所以王也及去周老子送之曰吾聞富貴者送人以財仁者送人以言吾雖不能富貴而竊仁者之號請送子以言乎凡當今之士聰明深察而近於死者好讒議人者也博辯宏達而危其身好發人之惡者也無以有已

為人子者無以惡已為人臣者孔子曰敬奉教自周反魯道彌尊矣遠方弟子之進蓋三千焉史記云孔子問禮於老子老子曰子所言者其人與骨皆已朽矣獨其言在耳君子得其時則駕不得其時則蓬累而行吾聞之良賈深藏若虛君子盛德容貌若愚去子之驕恣與多欲態色與淫志是皆無益於子之身吾所以告子者若是而已孔子去謂弟子曰鳥吾知其能飛魚吾知其能游獸吾知其能走走者可以為網游者可以為綸飛者可以為矰至其龍吾不能知其乘風雲而上天吾今日見老子其猶龍邪南華真經云孔子西藏書於周室子路謀曰由聞周之守藏史有老聃者免而歸居夫子欲藏書則試往因馬孔子曰善往見老聃而老聃不許於是繕十二經以說老聃中其說曰太謾願聞其要孔子曰要在仁義老聃曰請問仁義人之性邪孔子曰然君子不仁則不成不義則不生仁義真人之性也又將奚為矣老聃曰請問何謂仁義孔子曰中心物愷兼愛無私仁義

之情也老聃曰意幾乎後言夫兼愛不亦迂乎無私馬乃私也夫子若欲使天下無失其牧乎則天地固有常矣日月固有明矣星辰固有列矣禽獸固有羣矣植木固有立矣夫子亦放德而行循道而趨已至矣又何偈偈乎搗仁義若擊鼓而求亡子焉意夫子亂人之性也夫子問于老聃曰有人治道若相放不可不然辯者有言曰離堅白若縣寓若是則可謂聖人乎老聃曰是胥易技係勞形怵心者也執狸之狗成思獲狙之便自山林來立子告若而所不能聞與而所不能言與有首有趾無心無耳者衆有形者與無形無狀而皆存者盡無其動止也其生死也其廢起也此又非其所以也有治在人忘乎物忘乎天其名為忘已忘已之人是之謂入於天孔子行年五十有一而不聞道乃南之沛見老聃老聃曰子來乎吾聞子北方之賢者也子亦得道乎孔子曰未得也老子曰子惡乎求之哉曰吾求之於度數五年而未得老子曰子又惡乎求之哉曰吾求於陰陽十有

二年而未得老子曰然使道而可獻則人莫不獻之於其君使道而可進則人莫不進之於其親使道而可以告人則人莫不告其兄弟使道而可以與人則人莫不與其子孫然而不可者無他也中無主而不止外無正而不行由中出者不受於外聖人不出由外入者無主於中聖人不隱孔子見老聃而語仁義老聃曰夫播糠眯目則天地四方易位矣蚊蚋嗜膚則通夕不寐矣夫仁義憊然乃憤吾心亂莫大焉吾子使天下無失其朴吾子亦放風而動總德而立矣又奚傑然若負建鼓而求亡子者邪夫鵠不日浴而白鳥不日黔而黑黑白之朴不足以為辨名譽之觀不足以為廣泉涸魚相與處於陸相吻以濕相濡以沫不若相忘於江湖孔子見老聃歸三日不談弟子問曰夫子見老聃亦將何規哉孔子曰吾乃今於是乎見龍龍合而成體散而成章乘乎雲氣而養乎陰陽予口張而不能嚼予又何規老聃哉子貢曰然則人固有尸居而龍見雷聲而淵默發動如天地者乎

賜亦可得而觀乎遂以孔子聲見老聃老聃方將偃堂而應微曰子牟運而往矣子將何以戒我乎子貢曰夫三王五帝之治天下不同其條聲名一也而先生獨以為非聖人如何哉老聃曰小子少進予何以謂不同對曰堯授舜舜授禹禹用力而湯用兵文王順紂而不殺逆武王逆紂而不肯順故曰不同老聃曰小子少進余語汝三皇五帝之治天下黃帝之治天下使民心一民有其親死不哭而民不非也堯之治天下使民心親民有為其親殺其殺而民不非也舜之治天下使民心競民孕婦十月生子于生五月而能言不至手孩而始誰則人始有矢矣禹之治天下使民心變人有心而兵有順殺盜非殺人自為種而天下耳是以天下大駭儒墨皆起其作始有倫而今乎婦女何言哉余語汝三皇五帝之治天下名曰治之而亂莫甚焉三皇之知上恃日月之明下睨山川之精中墮四時之施其知惜於履屨之尾鮮規之獸莫得安其性命之情者而猶自以為聖人不可恥

乎其無恥也子貢蹙蹙然立不安孔子謂老聃曰丘治詩書禮樂易春秋六經自以為人矣孰知其故矣以奸者七十二君論先王之道而明周召之迹一君無所鈞用甚矣夫人之難說也道之難明邪老子曰幸矣子之不遇治世之君也夫六經先王之陳迹也豈其所以迹哉今子之所言猶迹也夫迹履之所出而迹豈履哉夫白鴉之相視眸子不運而風化蟲雄鳴於上風雌應於下風而風化類自為雌雄故風化性不可易命不可變時不可止道不可壅苟得於道無自而不可失焉者無自而可孔子不出三月復見曰丘得之矣烏鵲孺魚傳沫細要者化有弟而兄啼矣矣夫丘不與化為人而不與化為人安能化人老子曰可丘得之矣冲虛經云商太宰見孔子曰丘聖者歟孔子曰聖則丘何敢然則丘博學多識者也商太宰曰三王聖者歟孔子曰三王善任智勇者聖則丘不知曰五帝聖者歟孔子曰善任仁義者聖則丘弗知曰三皇聖者歟孔子曰三皇善任因時者聖則丘

弗知商太宰大駭曰然則孰者為聖孔子動容有間曰西方之人有聖者焉不治而不亂不言而自信不化而自行蕩蕩乎民無能名焉所謂聖者老聃是也

### 號河上公

聖人神變之迹或出或處故無常也世傳河上公太上之化身莫知其然否逮考之載籍而得其詳雖怪力亂神孔子所不語然其不至於論怪則無害於政教也傳云孝文帝及竇太后好黃老之術勅天下如不通老子者不注官帝讀五千言而有所未曉混元乃化身示跡號河上公居陝河之濱常諷道德二經帝遣使問其義公曰道尊德貴非可遙問帝即命駕詣之公踞卷中不起帝謂曰普天之下莫非王土率土之賓莫非王臣子雖有道猶朕民也不能自屈何乃高乎朕能使人富貴貧賤在須臾耳公拊掌跳躍冉冉升虛去地數丈而止於太虛俛而答曰余上不至天中不累人下不居地何民之有陛下焉能令余富貴貧賤乎帝乃悟以其神人方下輦

稽首禮謝因授帝上下章句希微之旨今河上公所居建廟于陝州之比并文帝望仙臺並存馬至孝武帝好神仙之道太上遣九天侍郎東方朔以輔之又遣西王母上元夫人賜帝白銀像五軀謂帝曰此則太上老君之像也及上清經五嶽真形圖帝拜而受之後帝登封中獻問呼萬歲者三乃以行宮為萬歲觀并前後別館三十餘所悉捨為道觀每觀度道士七人一如周穆王故事延熹八年桓帝夢太上降帝庭詔於灑水再新祠宇勅邊韶撰碑至今猶存

### 授于吉太平經

大丞相蘇公嘗謂蓬丘子曰凡述作文章不用故事人之所難也余讀太平經而觀其命意布辭未嘗採擷前聖之陳迹而自成一家體此其難也按此經有云于吉撰或云得之於水上而內傳所載即在孝成帝河平年混元分身下遊琅邪郡曲陽泉授北海人于吉太平經一百七十卷其要曰且人之生也天付之以神地付之以精中付之以炁人能保

精愛神護炁內則致身長生外則致國太平孝章帝元和二年太上復過琅邪授吉一百八十戒以助諸祭酒保身修真謂吉曰往古聖賢皆從此戒得道道本無戒從師得成道不可廢師不可輕吉稽首作禮謹受命至順帝時琅邪人官崇詣闕進太平經表云親受於于吉言吉親受於太上也今於正經外又有復文一卷稱後聖君撰凡二千一百二十三字似篆而非篆有序冠于篇首其文隱而難解又有太平鈔十卷不著撰人名氏大畧發明本經篇目又有太平秘旨一卷稱上相青童君受論守一之法又有宗師傳一卷不著撰人名氏載西城王君帛和于吉三傳合為一卷至大唐之季有閩丘方遠者宿松人通經史頗辯惠嘗師香林左元澤一日謂方遠曰子不聞老氏云吾有大患為吾有身蓋身從無為而生有為今却反本是曰無為夫無為者言無即著空言有即成礙執有無即成滯但能有無一致泯然無心則庶幾乎道且釋氏以之為禪宗孔子以之為坐忘易云

無思也無為也寂然不動感而遂通天下之故其歸一揆經云迎之不見其首隨之不見其後是何物也子若默契神證又何求焉此生不悟即浩劫茫然若得之豈有迷悟之異哉何須空山之中長松之下所惜者子之才器高邈足可為真門之標表也方遠稽首致謝而去居常慕葛稚川陶正白之為人食燕鍊形之外尤精此太平經因詮為三十篇而盡樞要也

猶龍傳卷之四

猶龍傳卷之五

奮都靈書符籙崇德信具命靈事類

度漢天師

教元

靈篆之作以強名諸天聖真與夫道域仙宮日月星宿所以為諸天隱名也故諸聖詮之小則為靈符大則為真籙以示三界及幽明鬼神莫不稽首欽敬猶天子之寶璽以示天下也禹治洪水始獲靈寶五符其次太上以授天師者凡二十四階其上清法中符圖經籙繼而降世推此天師以符籙治病滅滅精邪而及物之功傳之來世為不淺耳至于經籙齋法亦從而授之故請福謝罪科教由茲始矣謹按南斗經序云太上降蜀之臨邛往大邑至鶴鳴山初授天師正一盟威秘籙二十四階品次朝拜日月高奔鬱儀結璿之訣并三元八節謝罪滅黑簿超度七祖之文此即三籙齋也天師先於中嶽已獲黃帝九鼎丹書而後在鶴鳴隱居遠備藥物依法修鍊三年丹成未敢服之謂弟子王長曰神丹已成若服之當冲天為真人然未有大功宜須

為國家除害興利以濟民庶所謂先施勸勞然後服丹即輕舉臣事三境則吾無愧焉由是果蒙太上親降法駕符授真文修行千日忽於一時能內顧五臟外集萬神太上復遣清和玉女教以吐納清和之氣行三步九跡交乾復斗呼召九元以齊七政隨罔所指以攝精邪方始服丹道法益勝乃與六天鬼魔戰奪二十四治改為福庭名之化宇降其帥為陰官擇道者令焚修於是幽明異職人鬼殊途又於仁壽縣降十二天遊玉女化地作鹹泉烹以為鹽因名其地曰陰郡至第三度太上又降授以經籙千軸皆修行之要旨俾傳付有道者令生身受度永劫長存即與天師同遊成都太上駕龍車天師乘白鶴頓下五雲至太昊玉女修大丹之所感地祇湧玉局座高丈餘太上登座天師稽首于前為說北斗七元經削死延生之法是歲漢桓帝永壽元年乙未正月七日也至上元之辰老君復為天師說南斗六司延壽度人妙經已而老君謂天師曰吾命駕與汝俱行至崑崙閬



風金墉七寶臺因朝禮太上又有一切天真  
衆空而來皆金車寶蓋千衆萬騎三日三夜  
大會臺上陳鈞天廣樂欣樂舞勝道君謂天  
師曰從三皇五帝以來有陽九百六之數天  
地地裂又自三代之末涉乎五霸君臣悖德  
四封無道真靈匿景俗烝縱橫祿詭語號  
曰六天烹殺衆生擾亂天下而無知之民咸  
共遵奉遂有歌謠鼓舞之巫妄託鬼神以誑  
良善今出真科付汝悉爲降蕩六天故悉清  
化天下名太真之科末勅青童等付汝印綬  
使按千二百官章并符籙契令經戒法律助  
國扶命養生制惡爲功德事咸使入道而合  
正真然四方羌胡夷夷浸盛中國種人將微  
若欲消此災却此害國家當於洛陽北印山  
立化館行道請福即國泰民安不爾恐毒流  
中華即非好生意天師受事畢禮謝而退老  
君又以二十四化應二十四炁付陵更出四  
化名合前二十八化以應二十八宿又立三  
十六靖廬分符爲盟悉承正一之道老君又  
授天師歲六齋月十齋大法皆披靈寶五篇

經自然天書大字爲旨要妙經一卷令宣教  
天下其要曰正月三月五月七月九月十一  
月者歲六齋也上三天令天帝太一使者與  
三官司察天下人之罪福若能修此六大齋  
令除十苦得免厄會朝拜太上可得長生矣  
月十齋者月一日北斗下八日北斗司殺下  
十四日太一使者下十五日天帝及三官俱  
下十八日天一下二十三日太一八神使者  
下二十四日北辰下二十八日下太一下二  
十九日中太一下三十日上太一下自下中  
上三太一下日皆及地水一切尊神俱下周  
行天界檢察善惡又甲子日太一簡閱神祇  
庚申日三尸言人罪過本命日計人功行又  
八節日有八神記人善惡又有三元齋日者  
正月十五日上元七月十五日中元十月十  
五月下元此三元日天地水三官考校罪福  
皆當沐浴齋戒作元都大獻祈恩謝過又三  
會日以正月七日名舉遷賞會七月七日名  
慶生中會十月十五日名建功大會此三會  
日三官考覈功過受符籙契令經法者宜依

日齋戒呈章賞會以祈景福又五臘日者正  
月一日名天臘五月五日名地臘七月七日  
名道德臘十月一日名民歲臘十二月臘日  
名王侯臘此五臘日常當祭祀先亡薦福追  
念名爲孝子得福無量餘日名淫祀有罪通  
前三元名爲八解日皆可設淨供求福馬夫  
齋法要絕甘肥辛薰酒色陰賊嫉妬及一切  
惡事唯宜燒香燃燈誦經禮懺願諸一切悉  
免災厄乃爲齋矣然齋直之福功德無量護  
生度死無以加焉天師以永壽三年九月九  
日於閬州雲臺化日中時有飛天仙人五色  
雲龍神鶴仙鹿來迎前後導從與弟子王長  
趙昇同昇天嗣師天師子諱衡字靈真隱習  
先業以光和二年正月十五日於陽平化昇  
天係師魯字公期嗣師子也大魏持節鎮南  
將軍梁益二州刺史後隱修遺訓以正始六  
年八月亦於陽平化昇天師嘗撰太清金  
液神丹經序其畧曰神化之趣要妙之言無  
理之至理不然之大然已備載於淵宗非一  
毫之所宣也老子者亦復暢其沖虛紀道者

也其神德之狀態與所由所以制經設教紀載異聞彌綸道俗判三極先大明逆順然後蕩以兼忘盛稱有德然統之以無待利用出入羣生莫見其端百姓日用常善不知所以此其權見於清明而為萬物津梁者也其道經焉其德經焉推宗明本窮淵極妙總眾萃以真根攝萬條於一要緬然而不絕矣至于金丹之功真神洞高冥體幽變龍化靈照其舍枯絕者反生抱生炁者年遠登景漢以凌邁遊雲嶺以逍遙至迺面生玉光身育奇毛吐水漱火無翮而飛分形萬變恣意所為塞江川不以覆篋破山梁不煩鉞錐其神難紀其妙巨遠大哉靈要不可具述仙傳經列真稱數此妍又著老君內傳序靈寶五符序載之藏室文如海嘗請之曰輔漢不能談老莊之道而擅符籙于當時斯偏見者也愚竊以謂不然考之于金丹序文乃曰無理之至理不然之大然又云蕩以兼忘統之無待斯深造老莊見獨之妙莫輒以為偏見邪如海於斯文應未之見也苟見之其肯離為兩端焉且見獨

之妙惟自得而已矣雖父子兄弟之至愛莫得而傳之至于天書雲篆珠函藥簡而有靈符寶籙降迹者其大安鎮國祚保天無窮其次檄召龍神消穰水旱又其次誡滅精邪擁佑疾苦而天師獨唱始隆于千世之後其本末大備又何疑況夫受之于太上以罄其妙焉

授葛仙公齋法

天下之事耳目不相接者有矣是之則致天下之感非之則速神明之譴去聖之遠又非已之耳目所聞見唯質之于竹帛而已故老氏在漢天師時所降者非一所傳者甚眾而世之人以信史所不載故惑之且漢明之夢金人而天下歸之者如市況夫瞻聖隱顯之迹以為不然而欲以一己之耳目所不聞見而致後世之疑斯一曲之士也大率不示降迹之異安能取信於人然非太極仙公其孰宜當之本傳云孝靈帝光和二年己未正月七日混元與太極真人降於天台山授仙人葛孝先靈寶等經三十六卷久之混元又與

三真人項負圓光乘八景玉輿寶蓋幢節煥耀空中從官千萬命侍經仙即王思真披九光玉輶出洞元大洞等經三十六卷以授于孝先及上清齋有二法一絕羣獨宴靜氣遠形冥心之齋也二清壇肅侶依太真之儀先拔九祖次及家門後謝己身也靈寶齋者有六法一者金籙調和陰陽保鎮國祚二者玉籙保祐后妃公侯貴族三者黃籙御相牧伯拔度九祖罪原四者盟真超度祖先解諸冤對五者三元自謝犯戒之罪六者八節謝七祖及己身之過又自然齋者普為億姓爰及己身請福謝罪也洞神齋者以精簡為上太一齋者以恭肅為首旨教齋者以清素為貴塗炭齋者以苦節為功又授孝先勸戒法輪妙經三塗五苦生死命根勸戒具經四十五卷無量通妙轉神入定妙經以行化於世混元又以具赤鳥元年戊午歲十月一日甲子命九天真君持簡冊書賜孝先為太極左仙公至七年甲子八月十五日羣仙執節導從乘白鹿車而昇天

賜大魏太平真君之號

動天地者德也通杳冥者神也神定于心德出于道故無幽冥遠邇巨細仙凡其所感則一也昔寇天師之於高高而遇太上降駕授以經籙洎真君之號通感之應昭昭然豈非德之與神邪而魏武特以所錫真君之號以號其年乃示天下彰冲蔭而福生靈其敬信也如此謹按後魏明元帝神瑞二年乙卯四月一日真元分身降於嵩山道士寇謙之修道于此其日有二神人衣翠羽之衣冠紫金之冠乘龍持節告謙之曰太上老君至矣須臾聞音樂之聲老君驂駕九龍威儀赫奕神仙導從徧滿虛空集止山頂仙官五人侍立於前謙之見五官門赫然而開妙樂交奏老君坐白銀花之下勅仙伯王方平引謙之前立告曰吾得集仙官主趙洪政等表舉以卿才欲自代佐國度人令不墮惡道乃賜謙之經戒九卷停駕空中斯須而沒太常二年丁巳正月十五日真元又賜謙之新科符籙十餘卷八年癸亥十月十五日又遣元孫上師

真人李普文降授天官四籙仙冕天衣及太平真君之號并天果六枚謙之食之遂絕煙火食真元又令玉女長容等一十二人教謙之導引服炁之法至甲子年正月改號始光謙之奉經入國行化具以聞太武帝命有司

真弊帛以祭告降詔曰我今聖師太上老君親降授我太平真君之號并冠服符籙可改元為太平真君元年大赦天下太武受符籙旌旗並用青以從道家之色而後中外官凡上表並云太平真君皇帝陛下又勅道教宜在西教之上潤太武之後每帝登極皆受籙焉是年五月二十五日謙之隱化於靜輪官青炁出口若煙昇於天時年八十四矣七月十五日東郡沈猷興於嵩山見謙之身作白銀色光明如日冉冉昇天此蓋得奔月之道也後周武帝置道玄館以安道像又召諸方士而講上下二經隋文帝建都於龍首原號大興城勅將作大匠宇文愷選爽塏之地置道觀三十六所改號曰仙壇清虛壯麗過乎前世也

大唐聖祖

大唐之有天下推尊太上為聖祖而欽崇之禮前古莫之比亦若聖宋推宗緒而繹仙源於黃帝為聖祖在真宗時降真游殿其語具降臨記然太上在唐始神堯至僖宗示迹者非一皆載之國史謹按隋大業十三年老君遣霍山神告唐公云汝將來必得天下言多不載高祖武德元年老君見晉州浮山縣羊角山告吉善行善行即絳州曲沃縣人也稟性真朴言無詐佞時逆賊劉武周遣將宋金剛南侵晉絳秦王擁旆絳州善行避地於晉之臨汾縣大通堡二月二十三日眾令行往羊角山候賊於西北嶺上柳柿兩窠間立望見北坡上有一人乘白馬來善行異之遂北走到甘棠窠下其人已至鬚髮皓白上下素衣烏冠白馬駿尾及蹄皆赤小兒年可十三四裏頭著赤鞞青衣侍立左右一人執巾一人執紅拂子謂善行曰與我語大唐天子汝今得聖理杜稷延長宜於長安城東置一安化宮而設道像即天下太平言訖乃騰空而

去其年四月二十七日夜善行在家復令人召善行謂曰至前所立處見乘馬如前者白衣戴金冠謂善行曰吾前語汝記得不答曰記得老人曰汝即入奉天子道我所語善行新貧又無文字如何敢奏古人曰前程自有善行曰見天子乃非細故未審到京將何為信曰汝到京有獻石龜者可為信言訖不見善行以五月五日見晉州總管府長史賀若孝義言此事即留善行五月十一日引善行見秦王具言神人所現事羣官拜慶彛差左親衛帥都督杜昂與善行於所見處設祭以五月十三日祭拜欲起忽見老人現於紫雲之中一如善行所言舉鞭指昂曰汝是何人對曰秦王使者杜昂故來奉祭老人曰不飲不食何用祭焉又指善行云所有委曲此人知之昂還具言神人復現奉命寫表奉昂與善行馳驛入奏五月十九日至京於朝堂門立未定果有邛州張達獻石似龜其上有文曰天下安于孫興千萬葉千萬歲乃同入奏高祖大悅至六月十一日詔授善行朝散大

夫并賜物一百段七月六日勅通事舍人柳獻於羊角山所現處立廟改浮山縣為神山縣其年八月二十五日老人復遣人召善行明日往廟所復見老人在二木間張大帳坐牙床莞曲几采花羅網垂覆其上二青衣童子夾侍後有一黃衣人捉馬謂善行曰天子喜歡不曰大喜又曰疑惑何事答曰為不知聖者姓名老人曰我是無上神仙姓李字伯陽號曰老君即帝祖也史記中有傳亳州谷陽縣有枯檜可以再生為驗今平賊後天下太平享國延永言訖忽然不見善行即以告賀若孝義孝義差襄陵縣主簿席通與善行馳驛入奏十月五日見高祖大喜賜善行御袍一領絹四十疋百官拜賀其年十二月七日善行因到廟所又見老君坐方座凭几几仙人童子十餘人左右侍衛善行拜訖忽然不見五年三月十七日善行往廟所見坐堂內真仙列侍神兵衛從皆乘青龍白獸幡幢旌節騎吏賢空老君謂善行曰我亳州廟中枯檜已更生也唐得聖理我子孫當王我遣

周公旦將神兵百萬助國家討劉黑闥得四月節即破賀若孝義差司空兵參軍敬卿與善行馳驛入奏勅令善行乘傳往洛州軍所送勅書示論至四月二十一日果平黑闥於是天下大定而枯檜亦再生焉開元中詔改羊角山為龍角山因改廟為慶唐觀明皇御製碑及列聖真容而悉在焉其年六月八日善行到廟所見老君如前時拜訖尋亦不見高祖武德三年詔晉陽道士王遠知授朝請大夫并賜金縷冠子紫絲霞帔以預言神堯受命之驗也太宗又加遠知銀青光祿大夫至天后仍追贈金紫光祿大夫以遠知有先識示冥合太上之言故有是命賜羽人紫衣自茲始也太宗正觀十一年正月二十五日詔曰原夫老君垂範義在清虛釋迦則理存因果求其教也汲引之跡殊途窮其宗也洪荒之風齊致然則大道之行肇於邃古源出無名之始事高有形之外邁兩儀而運行包萬物而亨育故能經邦致理返朴還淳至於佛教之興基於西域爰自東漢方被中土神

變之理多方報應之緣匪一洎乎近代崇信  
茲深人冀當年之福家懼來生之禍由是滯  
俗者聞幽宗而大笑好異者望眞諦而爭歸  
始波涌於閭里終風靡於朝廷遂使殊俗之  
典鬱為衆妙之先諸華之教翻居一乘之後  
流邈忘返于茲累歲朕夙夜寅畏細惟至道  
思革前弊納諸軌物況朕之本系出自柱下  
鼎祚克昌既憑上德之慶天下大定亦賴無  
為之功宜有改張闡茲眞化自今已後齋供  
行立至於稱謂其道士女冠宜在僧尼之前  
庶敦末俗暢於九土尊祖之風貽諸萬葉告  
報天下主者施行高宗龍翔二年二月在洛  
陽宮忽然有感問側近有何古跡老臣奏曰  
皇城之北山有老子祠每祈請立有靈感乃  
勅洛州長史譙國公許力士特建清廟極得  
石案故碑題云真人帛君之表文字殘缺不  
可詳此仙人帛仲理之所立也石案長四尺  
廣二尺厚二寸高八寸兩頭各有四脚上鐫  
太上老君之字立殿畢勅內侍監宮闈令權  
大方監道士郭行真黃元願劉道合等以其

年二月二十七日夜建道場慶讚設醮緣訖  
有白光徧殿兼照層壇老君現於光中鬚髮  
皆白身著白衣夾侍二人良久乃隱洛州錄  
事參軍陽護師等一十三人同見以狀奏聞  
有旨令依狀圖寫號為老君瑞像百官上表  
賀曰老君越在皇世驟表休祥皇帝陛下垂  
裳多暇鍾想妙門遂乃申摸聖像託構崇椒  
鸞鳳莞於馬路抗蚪簷於雲表蓋焉鑿曠爰  
申上祥俾夫柱下靈姿散奇光於壇宇棟間  
仙侍流異景於階庭允應至誠宜符睿德揚  
七廟之遐慶保億載之宏規豈可與虞致榮  
光漢延嘉氣靈禽降祀膚葉與封者同年而  
語哉又詔於廟門之左造清宮為皇帝更衣  
之所勅每年內出香盤備蓋太常樂往來導  
從尊祖之慶古今莫比乾封元年二月二十  
八日帝自東封岱嶽禮畢迴駕亳州朝謁謹  
上尊號為眞元皇帝其文曰大道混成先二  
儀以立稱至人虛己妙萬物以爲言粵若老  
君朕之本系爰自伏羲之始暨乎姬周之末  
靈應無象變化多方遊元氣以上昇感日精

而下降或從容宇宙吐納風雲或師友帝王  
丹青妙化譬陰陽而不測與日月而俱懸屬  
交喪在辰晦跡柱下大洪雅制垂範將來雖  
心齊於太虛而理歸於眞宰若夫絕聖棄智  
安神寡欲寂爾無為宛然自得酌之不竭用  
之不盈執大象以遠溥濂元覽而遺累邈乾  
坤以長久跨陶鈞而亭育至矣哉固無得而  
名也況復大聖所寶克昌寶祚上德所履允  
屬休期朕嗣膺靈命俯臨億兆仰三光之明  
而夙宵寅畏居四大之重而寢興祇惕盡孝  
敬於宗桃聲懷黍於幽顯行清靜之道承太  
平之化登介丘而展禮坐明堂而受祉飛煙  
結慶重輪降祥鶴應九歌山呼萬歲振越古  
而會休冠帝先而稱首大禮云畢迴與上京  
迂駕瀨鄉躬軼輅爾仰瑞栢以延佇挹神泉  
而永嘆如在之恩既深敬始之情彌切宜昭  
原本之典以彰大聖之功可上眞號為眞元  
皇帝聖母為先天太后仍改谷陽縣為眞源  
縣當家宗姓特給復一年冀展敦遠之情用  
申尊祖之義告報天下主者施行帝為太宗

皇帝文德皇后造東明觀極土木之妙盡金碧之飾宏壯輪奐未之有也帝與后親幸設齋慶讚左右咸呼萬歲儀鳳四年四月四日勅造道士鄭元隱於北印山廟所與道士羅務光等二十四人行道至五月一日丑時殿

東門道士寇義侍於壇西見老君乘朱駿白馬并青衣童子空中降下壇上祥光映照洞徹內外謂義曰我孫享祚長久言訖不見官苑北面監孫瑞奏聞百官表賀曰臣聞混元皇帝現於廟所金相玉亮光奪夜明之景白

駒丹鬣跡流天駒之衛青童曉引應瑤鐘而降節紫雲霄布籠銀漢而高昇固以克昌厥緒惟新景命恢我皇度冠乎兆人自非聖敬冥通其孰能與於此耶所謂道冠百王慶隆萬葉永經寶祚克享無期者也帝覽表大悅

又勅道士自今後宜隸宗正寺所有行立可在諸王之次文明元年甲申天后臨朝欲王諸武老君以其年二月十八日降現於魏州閔鄉縣龍臺鄉方輿里皇天原遣洪州豫章縣人鄒元崇令傳言於天后說國家祚永而

享太平元崇初見六仙人從西北上彩雲中來乘赤色之龍身著雜彩之衣二人各執珠幡四人各執霓旌錦傘見元崇謂曰太上老君來言訖便過須臾聞有異香芬郁又見三青衣童子手執香鑪從西北雲中來亦自元

崇前過又有二青衣手執紅拂如意微笑而過次有四仙人各乘青龍手持幡節謂元崇曰太上老君來欲共君語言訖便過須臾於五色雲中見一道士乘白獸似驪驥尾皆赤道士著淺黃衣鬚髮皆白頭戴花冠而作金

色謂元崇曰我是太上老君汝帝之元祖元崇即再拜喚元崇曰汝逐我來我與汝語元崇即隨老君昇雲而行去地數丈見老君後有六仙人並乘龍腰佩七星寶劍手執利物皆不識之仍戴花冠大帽雜彩之衣光明紫

紫六人分侍左右後有雲車一乘雜彩莊嚴車上有大寶蓋幡花垂下有五色雲圍遠又有乘龍仙人執節持幡侍從無數人皆長大亦有音樂導從是時有闕外來往人及閭鄉百姓官吏五百餘人同見祥異莫不道禮斯

須元崇不覺已在地具以奏聞天后初雖不悅竟不加害乃捨闕鄉行宮為奉仙觀后亦漸息妄意之謀未幾有山涌出新豐縣高三百尺勅置慶山縣其諸祥瑞具載於天后實錄即垂拱二年丙戌九月五日也豈非誠天

后以示國家土德中興之兆歟竟傳位於中宗帝踐祚改元景龍勅令天下諸州各置一觀並以景龍為額二年改中興觀三年改為龍興觀其度人依故事明皇開元三年勅天下置開元觀御製混元讚曰爰有上德生而

長年白髮垂相紫氣浮天函谷關右經留五千道非常道玄之又玄帝親於紅粉板上以八分書之挂於大聖祖殿寶帳額上至十一年又勅五嶽各置真君廟又勅諸道置紫極宮十三年又勅上都置太清宮東都置太微

宮北都神先舊宅置紫微宮潯州潛龍故宮置啓聖宮並給袞冕絳紗帷帳交龍門戟一如宮闕之狀蒲州掘地獲玉石狀如半月復有仙人搗藥之像叩之有聲頗清越帝令懸於太原真元廟庭號為偃月聲東都留守張

琦奏汝州魯山因修仙居古觀獲玉瑛叩之  
聲聞數里帝令懸於太清宮聖祖廟庭衢州  
建觀穿地得一魚可長三尺其狀似鐵微帶  
紫碧色又如青石光瑩雕鶴殆非人功所能  
也叩之甚響其魚亦不能名遣使進貢帝令  
宣示百寮亦不能辨帝乃呼為瑞魚磨仍令  
懸於太微宮非講經設齋不得擊之於是諸  
官觀競以木石模之以代集衆又詔諸官悉  
以宰臣及本路節度使領之水為常式帝又  
製寬裳羽衣曲紫極八卦舞以薦太清官貴  
有異於九廟也帝東封禮畢迴謁聖祖於亳  
州本宮親札道德經於石作大幢造八角樓  
覆之於虛無殿之前又幸懷州開元觀及閔  
鄉奉仙觀為王公萬民祈請亦親札二經以  
大石對峙之一如太清之製于今並在時詔  
授元崇棣州刺史開元九年辛酉亳州老君  
舊宅枯檜在虛無殿前歲月已久道士將欲  
所去之隨所斫木柁上有朱書乾元亨利貞  
五字點畫精妙片片有之具事上奏詔曰瑞  
木表靈奇文自現用彰大慶以福洪圖配五

德於易經迎萬葉於休運宜先誠告謝仍編  
付史官者其柁所獲文字藏於內庫兼賜諸  
王宰輔及道衆烏闕元十七年己巳四月十  
五日益州大都督府長史張敬忠奏大聖祖  
真元皇帝應現於當管蜀州新津縣新興尼  
寺佛殿柱上自然隱起木文為一老君聖像  
當頂上有華蓋足下前後左右各有雲葉天  
花一十三處謹差判官益州功曹參軍王大  
鍾檢覆狀與蜀州刺史李忠詢別駕盧貽縣  
令李韶道士僧尼等一百三十人同狀云自  
然木文真容隱起神跡殊妙灑洗愈明非攻  
刻所能成非雕鏤所能及伏以太上老君先  
天大聖越古垂休變化不常潛現難測軒轅  
時應廣成之號周文日居柱史之秩武德初  
親現於羊角今開元歲降瑞於新興此嘉  
祥掩映三五者也所以縣有新津之名寺有  
新興之號瑞花旁繞知芳輝之不歇華蓋上  
浮明魄寶之常貴現於殿柱者疑柱下之年  
照彼佛祠緬若化胡之日雖鳳巢軒閣麟伏  
周庭豈若仙祖降靈聖孫膺運伏望毋歎九

廟昭配兩儀詳依古典加護尊號然後編付  
史官布告天下五月二十四日差內侍林昭  
隱宣取像柱入內於大同殿供養又令兩街  
諸官觀各供養七日却進入內勅曰道體無  
方幽宗有應形標柱史名叶新興宗廟垂休  
生靈蒙福宣付史館宣示四方其月十七日  
癸卯帝將幸渭北忽夢真元曰汝享國久矣  
今北神不在汝不可行宜速罷之尋當有慶  
中夜宣罷渭北之行及明大雨注涇渭泛溢  
旬餘方止二十一年癸酉御注道德經及製  
序詔士庶家藏一本兩街競列幢幡音樂自  
禁中迎歸太清宮香花之盛近古未有又勅  
置道舉一曰禮部之制二十九年正月七日  
陳王府參軍田同秀於丹鳳門外忽見紫雲  
自西北映樓又見混元乘白馬侍從二人童  
子二人謂同秀曰我昔與尹喜將入流沙之  
日藏一金匱靈符在桃林故闕尹喜舊宅汝  
可請帝取之同秀具事聞奏勅差內使李志  
忠監同秀往陝州桃林縣南十二里故函谷  
關墟求訪之俄有紫雲白兔現於枯桑之下

遂穿楹下至水際得石函金匱王版朱書細篆帝閤奏大悅即令京師列十部樂歌舞鼓吹自通化門迎入其文於寶輿中五色放光洞照天地帝於丹鳳樓上身披龍袞手執金鑪六宮嬪采競於樓上焚香散花遙自作禮帝令散金錢於樓下織士庶分取以為歡樂斯頌山呼之聲震動京邑於是置寶符於靈昌殿是夜樓閣林木之上皆有神燈遂改開元三十年為天寶元年其後三年帝見靈符有天寶千載之字已應改元之號遂改年為載乃於其地長樂亭置天寶觀御製書靈符銘立於所現之處又於大內靈符殿賜同秀五品正員官宰臣請加尊號為開元天寶神武之字制可之乃大赦天下其年閏四月庚子帝夢混元謂曰我在城之西南久矣當與汝於興慶相見可速迎我帝謂宰相李林甫牛仙客曰朕臨御海內向三十年未嘗不五更而起具朝服禮焉具容為蒼生祈福近因假寐夢見混元遂差內使與道門威儀蕭元裕於城西南尋訪數日忽於樓觀山谷間有

紫雲現白光屬天於其下穿得王像老君高三尺餘以進其日上在興慶宮大同殿躬自迎謁果符興慶之言置於內殿供養仍令所司寫真容分送諸道宮觀遂大赦天下其年九月崇元館大學士陳希烈與道士蕭從一等一十四人於大清門忽見光如月中有紫色雲氣二青衣童子冉冉而來老君通身白衣立於雲中左手執拂謂希烈等曰我是混元皇帝可報吾孫汝是上界真人吾於左右長衛護汝壽命無疆災害自除天下安樂言訖便隨雲入殿門具事上奏乞編付史官詔可五載帝夢混元言我有靈應尋官自至遂於太白山獲靈符玉冊及迎到京置于靈符殿躬自供養仍封太白山神為靈應公改獲符洞為嘉祐洞於山下置真符縣乃今諸道置真符觀仍編入史館其年十二月戊戌帝幸華清宮其月四日日出忽見驪山頂祥雲擁蔽須臾漸散見混元聖祖現於朝元閣上帝與內人瞻謁良久乃隱詔改會昌縣為昭應縣其新豐縣隸入昭應又封會昌山

為昭應山封山神為元德公改朝元閣為降聖閣內出圖本頒示天下宣付史官八載乙丑明皇獲二十七仙玉像於寧州羅川縣勅令迎像入京一如天寶初迎靈寶符儀注故事御製讚專改羅川縣為真寧縣於所獲處造通聖觀帝製碑文于今並在其年六月大同殿產玉芝一莖又太白山人李渾上言見混元言金星洞有玉版石記聖皇福壽之符勅御史中丞王鉷入仙遊谷行四十餘里求而得之勅以殊祥頒示中外閏六月丙寅帝謁太清宮加五聖尊號作仲尼四子像侍立於混元之前又勅十道大郡置玉芝觀大赦天下九載庚寅太白山人王元翼上言混元大帝降現言實仙洞有妙寶真符勅刑部尚書張均工部尚書王倓往取得之並付史館

猶龍傳卷之五



猶龍傳卷之六

敬

大唐聖祖下

十三載甲午正月八日混元現太清宮乘紫  
 炁召學士李琪與語告國祚延昌有白鶴彩  
 雲之瑞來於朝庭二月癸酉帝朝太清宮又  
 上混元尊號為大聖祖高上大道金闕混元  
 天皇大帝五聖各加謚號帝加開元天地大  
 寶聖文武證道孝德皇帝大赦天下十載  
 帝幸蜀混元現於漢中郡三泉黑水之側帝  
 禮謁遂命刻石像真容於所現之處又於利  
 州益昌縣嶺上見混元騎白衛而過示收楹  
 山之兆詔封其山號白衛嶺於現處置自然  
 觀二泉現處在望秦驛南六里肅宗至德二  
 載丁酉三月十八日混元現於通化郡雲龍  
 臺初因郡人為園析福建大齋會十八日忽  
 有雲霧異香<sup>氣</sup>不散至辰時漸漸開霽神  
 光照天因見混元真像立於山前自地接天  
 通身白衣左手垂下右手執五明之扇儀相  
 炳然眾盡瞻禮其山雖高亦不及肘良久乃  
 隱遂具奏內出圖本太上皇製讚并序編付

史臣仍示天下序曰我大聖祖誕敷象妙先  
 宅上清胎厥揀錄屢彰彰幽贊今載三月十八  
 日復現於通化郡雲龍巖畫現殊相空浮瑞  
 色七耀五光之服玉童金嫂之儀道釋人天  
 作禮瞻奉皆真言傳於羊角質粹無疆今宸  
 儀炳於龍巖妖氛將殄豈惟歷代師授前王  
 得一斯乃宗社降祥後昆惟萬申命藻繪示  
 諸郡國若對陽家之宇如臨太極之庭讚曰  
 猗我烈祖闡教乘時理身理國曰希曰夷上  
 開仙洞俯現靈姿照融至道叶贊無為巖谷  
 增麗丹青周遺神光灼灼淑景遲遲當朝稱  
 慶列郡來思福祚流衍千齡在茲是歲六月  
 二十六日壬寅宣下乾元二年己亥帝夜夢  
 二青童導從至一宮闕謁見混元衣雲霞之  
 水冠九鳳之冠坐方席寶蓋玉几執白拂  
 侍衛真人玉女神仙童子五天力士羅列極  
 眾帝未辨水秉珪立侍於混元之後遊涉山  
 海經歷甚遠帝一一潛記又見混元鬢髮皆  
 黑及明宣下兩街訪諸瑞像於務本坊光天  
 觀聖祖院果有黑鬚老君之像圖寫以進帝

見大悅一如夢中所觀乃出帝真容令侍立  
 於混元之後仍頒示天下普令供養代宗初  
 於楚州安宜縣獲八寶因改安宜縣為寶應  
 縣勅於所獲處造寶應觀遂改元為寶應元  
 年大赦天下德宗貞元十年混元潛使金母  
 累降於果州金東山授錄系之術付女冠謝  
 自然修習功成以其年十月十六日白日上  
 昇後三月乃歸謂刺史李堅曰天上有玉堂  
 最高老君居鳥壁上皆題神仙之名注脚下  
 云在人間或為帝王或為宰輔神仙入謁老  
 君皆四拜焉自然言訖遂却昇天敬宗寶歷  
 二年丙午正月有事于南郊恭謝太清宮御  
 駕將至長安縣主簿鄭翦忽見老君衣白衣  
 容狀異常謂翦曰當此有管井可速實之不  
 然禍在不測翦驚惶顧其地已微陷遂併力  
 實之因失老君所在駕至具以聞百官稱賀  
 詔兵部侍郎韋處厚撰碑起居郎柳公權書  
 立于寶井之側乃編付史官其年十二月十  
 八日柳公權書碑忽有勁風颯然而作迴旋  
 不已乃見混元著紫衣金冠金履立於白蓮

花之上右手執五明扇左手垂下空中光明如金色權與鶴碑人瞻觀良久因以物畫地記形像及畫畢混元忽以扇指空中流光四散乃騰虛而去衆皆側身仰視漸遠小沒於雲中遂上開詔編事跡入碑文宗開成二年丁巳五月中書舍人高元裕為閬州刺史於州北八九里嘉陵江上小山之前忽見崖壁間光彩有異近而觀之石上有自然石文成老君真像眉髮衣冠中履服飾無不周備旁有一人寬衣大袖持爐薦香後一人童子雙髻高束謹若聽命皆非人力圖繪鑄刻所及元裕每有祈禱即紫炁上浮又有靈泉自涌士民請福無不驗遂刻石建宇以旌其瑞乃畫圖進呈乞編入史詔可武宗會昌元年勅以二月十五日大聖祖降誕之日為降聖節仍令兩京及天下諸州府設齋行道作樂賜大醮三日軍期急速亦不在此限永為常式懿宗咸通十年己丑九月十日徐州逆寇龐勳領徒黨三千餘人寇亳州太清宮其日官北百姓三百餘人見老君自宮中乘空而南

須臾黑霧遍南川中羣賊迷路自相殺戮龐勳溺水而死汴州節度使太清宮使李蔚具以聞詔曰我國家素承混元教遵清靜苦縣舊里聖祖故鄉宮宇具嚴廟貌斯設昨者餘妖奔突縱火焚燒陰審覆閉於晴空狂寇顛迷於道路散逸原野遂至夷平細惟元功申茲靈貺內出青辭又委李蔚虔申告謝布示中外仍付史官十三年壬辰三月台州刺史姚鵠奏於天台山修老君殿於其地穿蒼石函得冊文以進詔曰上天降祉厚地呈祥爰有白簡靈書出於混元寶殿告國祚延洪之兆示坤珍落迪之符顧此殊休宜為上瑞宣付史館頒示四方廣明二年辛丑三月河中節度使王重榮奏據晉州中龍角山慶唐觀老君殿側栢木上瑞葛枯死重生先是武德中混元應現後於二木間立殿宇逾年栢木上忽自生葛蔓長十餘丈榮茂於常而後齊王奪嫡比蔓枯死旬月之後自其末青翠再生齊王遂敗後至中宗復位安史叛逆朱泚謀亂皆怨枯落久而復生廣明元年黃巢犯

闕其年秋葛蔓枯死二年春枝葉重茂又於傍木上列生一枝旬日之中長五十餘尺相對繁茂有異於常奏詔褒美編付史官其前後祥異皆有詔勅蓋美乎葛蔓慶其孫謀瓜分照其遠祚混元流既奕葉無窮者也信宗駐驛西蜀中和二年八月甲辰進到帝令宣示內外三月壬辰亳州刺史滿稠差道士馬舍章孫栢梧等奏太清宮自乾寧四年已後累有逆寇侵犯真源少或逾千多或數萬皆窺伺清宮欲為焚劫或來攻城邑或旁犯縣城老君皆密垂神化忽起以滾雲或驅以陰風或擊以雷電率皆顛沛尋至賊亡靈貺益彰神功周測尋詔昇真源縣為靈縣仍內出青詞修崇告謝帝即稽首東拜八月十二日勅亳州太清宮是混元降聖之里名高道祖福應皇基九龍之瑞并此空一鹿之仙蹤在本累代之祥祥可紀近宇之感應尤彰所宜嚴盛於福庭安可荒涼於靜宇滿稠能施善政久崇真風廣出偉鏡備修官觀垣墉棟橈無不精新像設丹青彌加煥麗觀圖考事源

可慰嘉其住宮威儀道士具重元可賜紫仍  
號敬真先生道士馬含章孫栖梧並賜紫滿  
綱加金紫光祿大夫工部尚書餘並如故其  
年八月二十九日戊辰夜宗室李特立與道  
士李無為於成都府青羊肆元中觀混元降  
生舊地設醮祈真忽見紅光如彈丸許漸漸  
明大出於殿基東南竹林中跳躡入殿西梅  
窠下遂穿地三尺許得寶璋一口長一尺一  
寸五分濶七寸四分一邊厚一寸三分有花  
文一邊厚一寸八分重一十二斤有古篆六  
字各方二寸深三分鐫列瑩潔迥非人工文  
曰太上平中和災九月庚辰西川節度使侍  
中陳敬瑄奏曰皇帝陛下稽古順天膺圖繼  
運凝懷至道屬想大同是用省方以明罪己  
深仁旁達於下土至德昇聞於上天符誡允  
臻祺祥間出降太上維持之命靖中和寇孽  
之災迺示明文爰形古篆足表秋氛即珍聖  
祚無疆克知收復之期便是清寧之日即宣  
示百官中書侍郎平章事韋昭度戶部侍郎  
平章事蕭遠門下侍郎平章事鄭畋御史中

丞孫濟宗正卿曹王龜年表賀曰伏以舊  
滿嘯聚車駕省方天災流行國家代有陛下  
降成湯罪己之詔驗王者有征之師顧彼光  
妖即當殄滅清平既彰於兆朕出發爰親其  
秘文亦雀銜書既豈同於太上古龜負卦慶  
難比於平災况因宗室齋醮之辰仍有祥光  
跳躡之瑞其為感現可謂丁寧又樞密使李  
順融十軍十二衛都指揮使田令孜表賀曰  
今者又有雄城來於仙觀至誠纒發嘉兆俄  
呈現此時在地之赤光是昔日度關之紫炁  
及穿積土果獲古文驗逸勢於龍蛇即知平  
其象獲來於冲遠理頗昭明既太上今與平  
災知中和永昌實祚所現今因聖祖掘得又  
自皇枝捧此靈蹤可明天意且混元聖祖每  
逢多難皆有殊祥唯彼明驗備書正史昔於  
丹鳳門上告田同秀與天寶復國之期今又  
青羊肆中示李特立以陛下還官之慶莫不  
天下幸甚乞付史館詔可十五日李特立受  
太子校書李無為賜紫仍各賜緡二百疋  
二十一日又詔曰太上混元大帝與弟子文

始先生講真經於樓觀之臺約後會於青羊  
之肆便承雲駕俱入流沙仙記傳聞地圖書  
載自周昭至于此日歷數約二千餘年景象  
寂寥基蹤宇落今因巡幸靈既昭彰殊光跳  
躍於庭前靈篆申明於林下博舍古色字驗  
休祥中和之災害欲平厚地之靈符乃現足  
表圓穹降祐聖祖垂休將殲大盜之兵戈永  
耀中興之事業須傳簡冊兼示寰區已付史  
官備令編錄仍模勒文字告示諸道及軍前  
其觀可改號為青羊官仍置殿堂屋宇側近  
屬觀田地約有兩頃已來散屬黎甿多植葱  
蒜清虛之地難使薰蒸已賜錢三百貫便令  
收贖仍給公驗永歸淨虛宗子特立已加官  
道士李無為已賜紫所宜昇裝用荷慶靈敬  
瑄位冠公台風行郡國効節於延洪之代修  
心於道德之鄉遂令境內銷兵地中呈寶其  
為休美倍可嘉稱十月七日勅高品郭遵泰  
監建青羊官土木工用並使內庫宣賜自獲  
靈瑞之後至是月癸丑近屬羣寇相次擒戮  
旬月之內遂致清平駕幸青羊官頒賜有差

李特立賜緋授龍州錄事參軍又下詔曰太  
上垂祥青羊應現禮宜崇飾用答殊休諸道  
州府紫極官宜委長史量事修飾仍選有科  
儀道士祭醮是月乙卯秦救復京城有以見  
大遠垂休聖祖昭祐洪圖延永唐祚無疆者  
也又勅翰林學士承旨尚書兵部侍郎知制  
誥樂朋龜撰碑

真宗皇帝朝謁

古之治天下者不同而同之不仁而仁之所  
以一也且周之有天下以后殺配享于圓丘  
漢之有天下以竹宮致祠于太一故後之世  
襲以為典常斯皆報本之意也臣聞真宗皇  
帝承太祖太宗應天順人開拓烈業之迹天  
下晏然以搢紳之士為股肱而偃武修文安  
民富國興禮樂舉賢良故成康文景之世未  
及多也所謂帝王之功非一士之畧廊廟之  
材非一木之枝者豈虛言哉故能過堯軼舜  
特盈守成為太平清靜之真主也天下財豐  
物阜安居樂俗九譯有梯航之貢四封無金  
革之擾適合大易之泰上下交而其志同也

夫兵革所以靖亂刑罰所以禁暴且秦之時  
亂既定矣暴既熄矣詎可任於兵革者邪下  
繫曰物相雜故曰文然秦之時當以文明以  
止之何則蓋陰處于外陽守于內而不相雜  
不相雜則否矣故聖人變九二為柔以雜其  
剛變上六為剛以雜其柔然後文之象著矣

故賁之柔曰柔來而文剛分剛上而文柔此  
之謂也且安不忘危秦不忘否聖人所以由  
秦以變賁賁即文明之象也教化為之本禮  
樂為之用故能文于家文于國文于天下所  
以人文化成者由斯道也而聖人不忘三靈  
之助期於報本故東封岱宗西祠汾陰以昭  
格于神祇以懷來于萬國又以治天下之法  
簡易清靜無為者莫高乎聘聖之道於是命  
駕詣景亳過水之濱朝謁于祠下列郡牧長  
今佐奔走行在如觀四獻禮人士家瞻天表  
者憧憧車馬有摩轂擊至子行商坐賈農夫  
野婦扶老挈幼山呼于道左而惟聲和魚洋  
溢遠邇車駕抵衛真宿于行宮登觀妙亭遙  
望太清致禱翊日駕幸宮朝謁禮畢詣真君

殿而真君現于香案上是夕御製記刊于翠  
珉又虛無堂之北有大檜一株引柯挿簷樞  
下嘗因修此堂議斫去一夕迅雷烈風連旦  
此檜柯轉指北也真皇駐驛觀之移時所謂  
御愛檜者謂此耳福唐林迥題詩云人間斤  
斧不容手天上風雷與轉枝人皆以為紀實  
而得體也又有安陸人進白鹿為一時之瑞  
乃厚賜以遣之是歲祥符七年也

御製朝謁太清宮頌并序

若夫先二儀生庶物是謂之至道首三神敷  
元命是謂之高天若乃居道之大侔天之崇  
迹處於範圍可思而莫可測功逾於陶冶可  
知而莫可言其應期也無為而無不為其隱  
景也無往而無不往是以存靈躡運神遊或  
惚恍而來同或杳冥而高蹈九清宴處與元  
始而均尊億世仰瞻稱太上而垂裕洪惟老  
氏實曰其人所以綿區靡不攸賴况復昭昭  
福地寔載誕之鄉奕奕仙祠蓋炳靈之域宜  
乎積精之所屬丕祐之所祈徇輿誦以來思  
揆元辰而砥若者也

太清宮者介讎都之列壤濱渦水之鴻淵因降聖之名區成集真之靖館成湯之國疆理相望太昊之墟次舍密邇土風純固地利膏腴高阜層岡總形勢於千里茂林嘉樹呈葱鬱於四時足以爲曲宥之庭靈仙之宇者焉矧惟

太上老君混元上德皇帝靈混茫之炁含香冥之精挺元化而無垠冠懷生而資始故能先太極而有後太極而生先來禊而終後來禊而在若乃感星而受娠指李而辨宗始育而能言未孩而皓首此至靈之兆也晦迹於柱下遠涉於流沙答禮於仲尼授經於尹喜此垂教之迹也肇自羲昊以迄商周代爲至人世存奇蹟此神變之德也言秉颯馭往陟清都總治羣仙宣布和煦此裁成之功也至于希夷之指清靜之宗本於自然臻於至妙用之爲政政協於大中用之治身身躋於難老施於天下天下可以還淳漸於生民生民由其介福所謂萬物之祖衆教之先漢尚其言措於刑辟唐宗其道致乎昇平宜餘迹之

誕敷傳億年而靡絕國家膺延洪之寶命啓累盛之璿圖惟醇治之攸基自妙道而斯始太祖皇帝神武不殺舞千戚而賓九圍太宗皇帝清明在躬垂衣裳而宣五教增修俊德冠列辟之丕聲茂著鴻靈詒沖人之縉服敢不實慈儉持恭默遵五千之訓安德兆之民書軌所通期登於仁壽日月所照庶洽於稔清由至誠之感通果祥徵之昭格暨乎神期告瑞謀頌大禮成純禧集九霄之馭俯降於宸闈百世之祥縷聞於帝緒欽承於錫類祇答於降康故將擇吉壤於神臯伸大報於春序載念至教之父始妙用於三才景亳之郊峙靈區於九井躬修款謁方在於詢謀旅貢興言遽形於儀望顧茲協契深慰予衷乃議省巡用諧人欲由是發明詔戒攸司擇元辰於攝提詣殊庭於懋左爾乃千車萬騎九旂八鑾按轡于皇衢彌蓋于真館百執措事萬國尤庭先時洗心徇乃齊之訓質明酌獻勵如在之恭鐘磬以諧籥簋斯潔預奉寶冊所以增崇名也次被壇墀所以待靈遊也若乃

星漢杳杳宮殿沈沈期颯歛之來思想蓬壺而則通盛節無數介社有孚復將格太室就陽位奠主幣奉牲捨昇侑於祖宗合祭於穹厚以成邦家之純懿以答神祇之鴻祐載惟耿質獲繼齋圖恭佩聖言肅遵道秘非敢溺方術求神仙蓋以宗希夷化區宇緬追於淳古大庇於蒸人而六廟降衷三靈流既故能膺天錫交神歡曠代之儀以之屢舉景鑠之事罔不章明由合官之齋居成峒山之順拜既遵道而闡化復尚德而教人警蹕言旋顧禮容而斯備琬琰攸刻庶風聲而靡淪頌曰

燕都之壤 渦水之濱 是爲福地  
寔誕聖真 含茲衆妙 祐彼蒸民  
藏室問道 尼父依仁 函谷望氣  
尹喜知神 颯駕雖往 鴻應常新  
福壤斯在 風烈無垠 緬瞻恭館  
俯仰與人 羽旄欲謁 舊典遐遵  
蕭蕭肅薦 清意虔伸  
孝聲明兮大備 期昭感兮交臻  
祝感靈兮不昧 冀介福兮相因

將述宣兮茂則 聊刻鏤兮貞珉  
序凝禎兮三楹 昭邁德兮萬春

猶龍傳卷之六

三經同卷

太上說玄天大聖真武本傳神呪妙經  
真武靈應真君增上佑聖尊號冊文  
章獻明肅皇后受上清昇法錄記

孝一

太上說玄天大聖真武本傳神呪妙經

仰啟玄天大聖者 北方壬癸至靈神

金闕真尊應化身 無上將軍號真武

威容赫奕太陰君 列宿虛危分秀氣

雙睛掣電伏羣魔 萬騎如雲威九地

紫袍金帶按神鋒 蒼龜巨蛇捧聖足

六丁六甲左右隨 八煞將軍前後衛

消災降福不思議 皈命一心今奉禮

爾時紫微大帝於龍漢元年中元之日在太

清境上北極宮中向紫微之殿前列諸天之

上聖南北二斗東西兩曹洎五方之五星及

六官之六曜二十八宿十二宮神飛天神王

無極仙眾咸親帝座肅拱宸威時有玉童傳

大帝之勅北方大將玄武將軍宜稟

玉皇聖命勅令每月三度統領神兵躬往諸

天徧為巡察凡遇邪氣及有妖星逆次流躔

速須剪戮又遇三元八節甲子庚申一月一

辰降於下界錄善罰惡輔正除邪濟拔天人

祛妖攝毒以副上意切切為之時有真人名

曰妙行特離班次球伏帝前曰臣宿有因緣

得聞妙理北方大將玄武將軍巡察天人錄

善罰惡不知此將應化何因有神通鬼神

降伏願惟大造少悟小聰是時

大帝隱几而言妙哉真人能為凡間然其玄

武應化之因渺邈難窮希夷莫究蓋乃玄元

聖祖護度天人應化之身神明之妙蓋無形

之為道非有象之可言變化億千虛無難測

且玄元聖祖八十一次顯為老君八十二次

變為玄武故知玄武者老君變化之身武曲

顯靈之驗本虛危之二宿交水火之兩精或

掛甲而衣袍或穿靴而跣足常披紺髮每仗

神鋒聲震九天威分四部擁之者早霧玄霧

躡之者蒼龜巨蛇神兵神將從之者皆五千

萬眾玉童玉女侍之者各二十四行授北帝

之靈符佩乾元之寶印驅之有雷公電母御

之有風伯雨師衛前後則八煞將軍隨左右則六甲神將天罡太一率於驅使之前社令城隍悉處指揮之下有妖皆剪無善不扶朝金闕而赴崑崙開天門而開地戶者冥恍惚審察窮通居其壬癸之方助有甲庚之將或乘玄駿或跨蒼虬目閃雷光眉橫雲陣身長千丈頂戴三台其動也山水蒙其靜也地天泰以茲顯化故乃神通是時真人再拜稽首曰臣之慶幸荷此綸辭然其玄武之將軍乃玄元之應化其始之迹其事云何願賜詳言以開蒙鄙於是

紫微大帝敷以玄言釋彼所因解無上事昔大羅境上無慾天宮淨樂國王善勝皇后夢而吞日覺乃懷孕其母氣不納邪日常行道既經一十四月乃及四百餘辰於開皇元年甲辰之歲三月三日午時降誕於王官相貌殊倫後既長成遂捨家辭父母入武當山修道四十二年功成果滿白日升天玉皇有詔封為太玄鎮於北方顯迹之因自此始也真人稽首再拜白

紫微大帝曰玉皇詔封必有妙旨敢問大略以開小聰爾時告於妙行曰天書秘密何以談揚恐泄天機深為不便大梵隱語莫使衆聞妙行真人拜首稽首復奏言曰臣雖緣薄聖恩恩寬曲念衆真特垂大德苟輕泄慢當墮惡途萬劫千生受為下鬼是時紫微大帝念此真人著意勤奉再三請問遂宣帝勅以示衆真夫此秘言金首篆字大方一文號曰天符見之者永處天仙聆之者不歷地獄

其詔文曰

金闕昊天三省門下牒奉勅學仙聖重降樂國子惟卿玄元之化天一之尊不言而教莫知其神渺渺劫劫綿綿若存虛心實履和光同塵鑿開造化朴散胚渾六百萬歲八十二身由全枉直窪盈弊新生陰育陽起死成人其功不恃其德乃真今宜再顯永鎮北星上蜀逆象下滅妖氛掌握圖錄攝制魔孽真靈會驅神駕龍甲庚之將贊衛爾敷周環六

合普福兆民道參天地萬神所推可特拜太玄元帥領元和遷校府公事冊到奉行紫微乃言告真人曰此文者玉皇秘勅天帝微宣不可輕傳恐遭降責真人稽首又白帝言臣聞玄武將軍神通至大不居諸位而鎮北方妙用之因神明之契必有與自願釋鄙懷大帝遣者告真人曰天中北上衆曜拱之以匪至神孰能鎮遏真人乃啓於紫微若有天人志心欽仰其於福利有所得乎

大帝曰此神將是歲每月十六日二十六日諸天審察十洞巡遊及正月七日二月八日三月九日四月五日五月六日六月七日七月八日八月十三日九月九日十月二十一日十一月七日十二月二十七日下降人間剪滅邪魔驅除瘴癘保人慶壽以全天命其有氣正心純忠全孝盡名書玉簡保舉升仙更有玄符莫可併述真人稽首再拜白紫微大帝曰顯化之因則闕命矣天人欽仰玄武將軍作何皈依設何方便而得福利幸

賜一言大帝是時告真人曰天地之內能有志心奉祀玄武一生之內不食腥羶自斃毒傷厭穢之物及於菹菜大蒜胡荽魃蝮嗜慾扶尸接產若能斷得方可志心凡臨下降之辰皆有禱祥之慶其夜先當澡滌身心不汨思慮至五更躬然香燭淨果東陽位列有三志純于一稽首禱告無願不從然乃淨思虔誠誦其神呪

北方玄天 杳杳神君 億千變化  
玄武靈真 騰天倒地 驅雷奔雲

隊仗千萬 掃蕩妖氣 雷公侍從

玉女將軍 鬼神降伏 龍虎潛奔

威鎮五嶽 萬靈咸遵 鳴鐘擊鼓

遊行乾坤 收捕逆鬼 摧斬魔羣

除邪輔正 道氣常臻 急急如

元始上帝律令勅

太陰化生 水位之精 虛危上應

龜蛇合形 盤遊九地 統攝萬靈

無幽不察 無願不成 劫終劫始

剪伐魔精 救護羣品 家國咸寧

數終未甲 妖氛流行 上帝有勅  
吾故降靈 蕩揚正教 蕩邪辟兵  
化洽黎兆 協贊中興 敢有小鬼  
欲來現形 吾目一視 五嶽摧傾  
急急如 太玄律令勅

妙行真人曰功德之妙顯應之因幸以竊聞頓開迷悟其有蠻夷之輩愚蠢之人耳縱得聞心無所信設有果報可示一言紫微大帝曰雖云愚蠢必識炎涼縱處蠻夷須知苦樂信則神鬼清爽違則禍患紫仍致使富之兒孫貧多了息或男值兵戈而殞命或女罹姪孕而傷生常出入於訟庭每沈淪於苦海銷糜產業耗散資財蓋緣自咎故獲斯因此神將所在憚妖縮首邪道遁形是以奉之者福遂雲生灾隨電散汝因懇問吾故泄機陳道紀於微源使天民之巨慶言雖簡要欲汝曉明非乃至人秘之宜也真人曰妙用之理可得一聞

大帝曰昔永壽元年上元之日元始天尊於八景天宮向五雲座上與三十

六天上帝七十二福地真人無量飛天大神無極長生大聖金童玉女九鳳八鸞侍衛於輝光羅列於左右八音自響眾聖咸欣嚴聽天尊說至真之妙法肅清道氣統無上之玄元方妙理之研精俄天門之東北七聲大震十目齊觀觀下界之冤魔結衝天之穢氣眾真默爾大道寂然時妙行真人問所由於元始既敷妙法合集殊祥是何異因於此輒冒可垂與旨以解眾疑

大帝曰下元生人皆稟至道受氣氣之清氣以扶衛於赤身今以劫運將終妖魔漸盛唯從邪道不有本源樂奉邪神詔來餘福昏迷沈亂倉猝剛強不義不仁不忠不孝今為六天魔王五府瘟曹不以尊卑枉致傷害或老或少或女或男未盡天年徒違人世本非死限故使冤孤怨恨上衝盤結不散此之暴卒實可悲哀妙行真人上白

元始眾真矜彼眾生何緣度之天尊乃叩齒一通流光萬里北方命召太玄將軍剪戮眾妖救度羣品真人曰不審此將而以何緣位



鎮北方威降下鬼掃蕩妖氛大帝曰此神未開造化先稟神靈易號假名度人濟物不伐其善不矜其能荷其

玉帝封為玄武真人曰焉得此將而往下方咸度羣品免遭橫死亡者解脫存者康寧夫

尊以飛符召之此將玄武蒙詔神兵從行至不夜之丹墀親強名之大道作禮長跪稽首

進言今日何緣蒙符特召慈顏幸親妙旨何歸竦伏軒墀俯膺令命

天尊告曰吾觀下界怨氣衝天大衆咸驚高真於愍卿之往彼汝則欽哉玄武於是奉命

辭天回光返照披髮跣足降龜躡蛇仙仗雷奔天丁翊衛俄於倏歛徧彼乾坤剪酷毒之

妖魔捕恣橫之瘟疫幽寃生界苦病離病人鬼分離冤家解脫黎民安泰國土清平玄武

再覩

天尊具言道力功成事遂濁降清升却返祥光復還本位交乾布斗激坤指置上佐天關

而作呪曰  
太初太易 無象無形 莫知重濁

孰辨輕清 吾於混沌 分其昏明

天得以健 地得以寧 民得以養

物得以萌 邪得以正 神得以靈

三才之內 萬類咸亨 大道既散

仁義乃興 禮樂既作 姦邪斯行

六義或失 四民有爭 上不寬恕

下不忠貞 或魔或鬼 或妖或精

恣橫荼毒 干擾生民 全家染患

累歲刑名 財物耗散 骨肉伶仃

性命往逝 災禍相縈 穢雜之氣

上達天庭 天尊有命 令吾安平

有妖皆剪 無鬼不烹 瘟疫之吏

束首服膺 鬼精滅爽 邪魔摧傾

吾有德烈 五千萬兵 天上天下

從吾降升 拒吾者滅 奉吾者生

惡吾者辱 敬吾者榮 禮吾者壽

非吾者堯 吾有此令 人鬼咸聽

急急如 太玄律令攝

爾時妙行真人無量飛天神王真仙大衆聞是說已踊躍作禮讚嘆功德祕錄琅函後有

謫仙傳於人世志道之士稽首奉行

太上說玄天大聖真武本傳神呪妙經

真武靈應真君增上佑聖尊號冊文

維大觀二年歲次戊子三月辛亥朔二十四

日甲戌皇帝謹再拜言曰惟

皇上帝半佑下民

統鎮北方有

大神將至真示化緣感而通

盛德陰功萬邦求賴恭惟

真武靈應真君應

虛危之次合龜蛇之形

道德妙於難名

威靈攝於萬有

周行六合

洞察無形

祚善刑淫

庇護羣品

國家誕膺

實命百五十年肆及眇躬嗣承

丕緒欲無不獲為無不成

神人底寧海寓靜謐妖孽不作嘉祥荐臻太

平之休厥為熙盛非

神茂迪曷濟登茲宜進

徽稱式示昭荅謹遣朝散郎試吏部尚書兼

侍讀寶錄修撰賜茶金魚袋余深奉冊增上

尊號曰

佑聖真武靈應真君夫惟

兼錄寶典

神天作民恭先其在陰禮情著於內備文以

行尚冀

眷昭俯垂

既杜謹言

真武靈應真君增上佑聖尊號冊文

章獻明肅皇后受上清畢法籙記

臨壇度師上清大洞法師賜紫 宋 自撰

皇宋應運之四葉

聖君在宥之三年

聖母皇太后劉氏九靈分粹三元毓神之三

流光開泰之期

握寶盛明之化

內以肅雍九族外以緝熙庶政萬機之暇宅

心虛無之表凝神太漠之鄉金妃拂筵于琳

碧之堂玉華散馨于虛白之室而又澄神澹

思誦黃庭二景之經志意內修晨夕志倦豈

獨拘羗制冕上符

高聖之言蓋亦務本還淳下蔭普天之衆于

以觀三素思

九真揖儀璘既瑞珮

商真依佈而密盼

西母彷彿以冥觀胎靈之應繼日而昭積累

之功卜年而進信乎仙可學而道不虛行矣

仍念研精尚鮮未臻道源聞

南嶽紫虛元君魏夫人昔以東晉興寧元年

甲子歲先小有天王清虛王真人所受

上清大洞寶經靈文祕錄降傳于茅山東華

上佐司命楊真人洎上清仙侯許長史迄後

靈源真系繼踵茅峯道葉仙枝流芳寰海錄

是乃

詔玉清昭應官羽人冲妙大師皇甫希及等

贈

王魏之文研

楊許之迹得

上清三品神經玉清隱書九清眾祕洎金神

二虎八景玉錄上皇玉諱元始譜錄流金火

鈴迴車畢道三元玉檢九鳳靈章紫紋白帶

太微黃書瓊宮靈飛等錄共一十卷金仙玉

馬等一十五卷依科備辦金龍玉魚金羊銀

鴈青絲金紐雲錦鳳紋南和之素碧霞拂塵

之羅絳章落戶之帛四規明照景震靈劔五

色繒絲脫世衣裳

上清法盟盟文禮物莫不周志先道中使齋

密辭往

南嶽致告于

紫虛元君默允冥旨續命入內侍省內西

頭供奉官臣康從政入內侍省內侍殿頭

向當御藥院臣江德用并

詔右街副道錄知玉清昭應官事同管句左

右街教門公事冲真大師賜紫臣李知損左

街都監壽寧觀住持明真大師賜紫臣石知

章玉清昭應官副直歲宣教大師賜紫臣周

遠良玉清昭應官住持冲妙大師賜紫臣皇

甫希及玉清昭應官住持冲祕大師賜紫臣

薛清和等同齋青詞黃素一行禮信執江寧

府茅山崇禧觀開建

上清皇壇預啓玉錄道場七晝夜散日設醮

三百六十分依科傳受訖別設謝恩道場三

晝夜設闈山道士女冠大禱一中投送金龍

玉簡金錄玉魚于

華陽洞鶯洞金山水府于以告盟

七聖于以致誠九清伸授受之儀聲師資之

檀也始以輜軒至日靈鶴低迎於羽葆當建

齋之夕需雲遠布於霄空宿宿露真文以析

感預陳精禱以伸款蘭青晃爾星月粲然百

神受釐以效祥五嶽衛靈而薦社至中夜輕

風颯至驟雨霈然須臾之頃銀漢春列皓鬼

皎如咸云風伯掃壇雨師灑席觀其所以不

亦宜乎及啓傳之旦九霞流光之輝熠燿而

凝照三素飛煙之氣縹緲以浮空飄欬萃焉

霓旌煥焉羽儀仗焉萬靈肅焉當分金列契

之際皓鶴翔翔于壇上紅霞分繞於空中蕙

風襲人靈芬郁野觀者如堵莫不欣歎矧夫

衆妙多門而學則有序至神無方而感則無

待斯以見

我后之用心也之精誠也符

健順服人神降靈仙契冥奧非浩劫索累之

德積生至尚之果其孰能臻於此焉是知令

乎善始則美克有終謀之以道何患不臧若

然者八景飛霞之輦三元流雲之宴十精回

水之珍九色鳳腦之饌將靡日而致之矣恭

惟

聖念奉若

秘文蓋欲昭事

吳宮保寧

真主固

宗訪於萬載福民庶之三登未戢干戈同承  
富壽者也至於後天之筭無疆之祚金枝之  
速蒼生之賜不其宜哉觀一代之能事考百  
王之末書謹直筆以記之時天聖二年甲子  
歲四月戊午朔二十三日庚辰記

章獻明肅皇后受上清畢法錄記

華蓋山三仙事實序

李二

仙道自古尚矣而世之紀錄或不得其詳  
馬聞因其微而病其著一斤之以眇茫恠  
誕者有之又孰知其靈蹤異跡昭赫彰著  
信有不可揜焉耳其可均謂之誣哉撫之

崇仁華蓋山又曰寶蓋山浮丘王郭三真  
之祠也浮丘者與容成子黃帝遊周末授  
靈王太子晉漢授詩於申公與楚元王友  
度王褒以仙即古浮丘公也或傳王方平  
云郭乃王氏族因託邑尹姓猶未之詳然  
以代稽之至人神化因時而顯固或然矣  
而託姓之說亦鄙詩不足取也迨晉元康  
間王郭始師事公永平二年二月一日二  
仙上升則是山由晉始著稱矣按紫清白  
真人云公生於商仕於周隱於漢化於晉  
至隋開皇間高留巴陵華蓋山也宋元累  
旌以封謚若山之曰華林山衡州小廬山  
潭州浮丘山江陵之寶蓋山歙縣宣州太  
平州金華俱有黃山皆三仙遺跡也當是  
時名卿鉅夫若顏魯公李宗諤李冲元吳

文正虞文靖輩之記審矣而廣錄所載凡  
早滂疾疫禱祠崇禱之應在在有之故所  
奉祠宇亦不下百餘是豈非至神無方而  
能然乎余少慕靈跡洪武己巳獲謁祠焉  
壬申奉

旨降香于山皆有異徵暨配孔氏累疾叩輒  
應永樂甲申秋復謁夜夢白衣仙坐臥內  
翌日登峯頂初雨晝息天燈夜現山麓九  
月朔日竣事畢紫玄洞現圓光大如室芒  
彩輝煜若仙居其中予拜拜遂辭殆還感  
至德之神亟欲叙其異焉嗚呼是非目覩耳  
濡其能盡信之哉且夫真仙神化蓋不世  
出其靈質仙風皆天真法慧所至故其神  
麻靈貺垂澤萬世而不泯其亦宜矣而茲  
山穹秀卓絕迥出遊氛浮埃之表孰無雲  
辮霞躅往來陟降於其間也其可失所紀  
歟惜先後所述多庸鄙弗典願飾而未遑  
今年夏蒙  
旨纂修道典謹以是錄正而附之因叙其實  
於首使千萬載之下知慕夫仙者庶不以

眇茫恠誕視也乎而生民蒙惠之大昭之國祀與茲山齊久不其偉歟時永樂五年端陽節正一嗣教道合無為闡祖光範真人領道教事四十三代天師張宇初齋沐謹序

死而有靈之謂神長生不死之謂仙道不同也神往往能禦災患生民仙志在修鍊飛升而已鮮有推德以及人者惟華蓋三仙則不然禱雨雨應禱疾疾瘳求嗣而得嗣求藥而得藥四方之人蒙福者衆此所以羣然傾心而起敬也歟觀顏魯公碑載本末甚詳但稱晉元康三年二月一日二仙上升攷之晉史無所謂元康有永康而已豈公筆誤邪因識其疑以俟知者景定辛酉九月朔崇禧散吏約山朱煥敬書

稟造化而生者人也妙造化而運者神也峙然為造化之重鎮者山也山以神而靈人以神而安神居其山人崇其神而能敬其山此理勢之然也撫州華山三峯從雲為江右絕嶺乃浮丘王郭三真君飛升得道之

所國有旱澇則禱之民有疾疫則求之危可轉而安禍可轉而福叩心一萌其應如響終歲朝謁不絕於秋尤甚景定庚子九月朔旦祥偕里人王克明羽衣郭守成詣山朝拜忽覩殿宇輪奐一新裝嚴壯麗乃

夜蘸于壇事畢親當山住持延茶語話議論清灑爽氣逼人待人接物禮貌溫如且無嗜利之心真神仙地位中人從而詢之乃陳其姓元應其名顯者其字荆山其號也且言往來江湖已二百四十甲子矣蔣山金壇黃鶴開元王筍承天南嶽壽寧華林壽聖平江乾元皆嘗為之領袖梓笑而詰之曰捨彼瑤宮瓊宇而居此參天之山頂去清華而然寂寞得無慕道若王郭之慕浮丘者乎荆山肅容儀之過矣予宣啟當姑舍是但弔於仙真有請於予為三真之棟宇聲飛矣三仙之像貌裝嚴矣但缺實錄昔亦有之歲在戊午吏帝炳靈克為灰燼今不復存子能為山間銳梓梓梓等風蒙仙惠聞言而悅遂諾其請翌日與王

元拜柱瓣香敬對三真誓刊此錄洎歸禱求其本始得道士黃彌堅所纂者紀載頗略備述三真受累朝之封命歷代名公之序記修鍊升舉之顛末靈顯感應之實跡視黃本差詳而互有得失祥等不愧愚庸

集二本所長列為一十四卷未敢校正其是非姑存本以俟知者雖然華山乃江南重鎮三真乃華山靈神福澤於人多矣必有民中之秀出校正其是非儻改而正諸不亦宜乎時景定辛酉貞元節廬陵佩錄弟子劉祥王克明百拜齋沐謹言

浮丘公事跡多見於傳記諸書故學者類能言之惟王郭二真之仙道非顏魯公及李冲元採撫其行實紀載其本末則知之不能悉也觀其服膺師訓跋履山川不憚險遠積功累行愈顯愈微此老子所謂為道日損損之又損以至於無為之謂歟吁神仙之學豈易至哉夫何吾黨之士學夫子之學而鮮克臻其域者果能以二真之學移以學吾夫子之學有不至其至者哉

是足以為吾儒之勸也惜乎刊板毀於壬辰兵亂人鮮克聞去茲山之祠者江碧澄氏營構殿宇寮宇既畢復慨念茲山靈響若此而事實將遂湮微是不可不急也乃購求全集較其殘缺勸率好道之士合力繡梓以廣其傳有德容孔氏者玄妙觀之管轄也為督其事又得在城沙氏友和者捐資以足其美於是不數月而功畢仙之德澤濟人之多而感人之深如此也俾余為序余四世祖綠峯兄弟起廢玉庭觀而新三真及眾聖之像復架屋臨紫玄之崖以為隱息之所雖經劫火而至今名舊張家寮焉其忠厚不沒人善有自來矣今得聯名仙籍斯幸矣又何辭夫碧澄資質溫純待眾以寬不汲汲於利惟以營造修葺為務每曰此吾輩分內事也使居是山者人人能如碧澄之用心勤力以奉祠祀則茲山之興復也不難矣碧澄字源遠今四十三代天師至山嘉其年少而克守清規撫景賦詩若干首俾牧之賜以職劄為改

今名云此亦茲山之盛事也故併及之青龍在辛未歲夏五月南村鄉友張顏序

華蓋山浮丘王郭三真君事實卷之一

玉笥山道士沈道瑞述

按太平御覽云歙縣西北有黃山高一千一百八十四豐洛水出焉天寶六年勅改北黟山其山有摩天臺日之高霞城洞室巖竇瀑泉無峯不有山中峯乃浮丘公仙壇彩霞靈禽棲止其上世傳黃帝嘗命駕與容成子浮丘公同遊會于此昔有人到壇所忽見樓臺煥然樓前有蓮池左右有積鹽積米遂歸引人取之了不知處山下時聞山上仙樂之聲又按九域志云宣州亦有黃山乃黃帝與浮丘仙人鍊丹於此浮丘仙壇正在天都峯太平州亦有黃山一名浮丘山乃浮丘養仙難之所

浮丘公度周靈王太子王子晉

王君名晉字子喬亦名喬字子晉周靈王太子也生而神異幼而好道雖燕居宮中往往不食端默之際累有神仙降之雖左右之人弗知也常好吹笙作鸞鳳之音聲貫行雲響滿宮掖白鶴延頸鼓翼集而聽之奇禽異鳥

率舞庭砌以為常也。一旦天台山神仙浮丘公降授道，要使修石精金光藏景鍊形之法。是時靈王二十二年，穀洛闢將毀王官，王欲雍之。太子晉諫之，王弗聽。卒雍之，不從。子晉之諫。

### 浮丘公授丹與王子晉

子晉諫王不從，以忤旨退居別宮齋戒。思浮丘公公密降，其室賜以靈藥，接以登嵩山。後數年，友人桓良遇子晉於緱山之上，謂良曰：七月七日，我當升天，可與故人會別也。至是，故人與桓良羣官登山，見子晉棄所乘馬於澗下，欽訖如期。子晉乘白鶴，揮手謝時人，升天而去。是時羣官拜別，迴拜所乘馬，馬亦飛空而去。今惟拜馬澗，存馬子晉，今為右弼司侍帝宸，主領五嶽真人，年少身長八尺，項負圓光，並載雲笈王氏傳。

### 浮丘公授詩學與申公

漢書言浮丘伯，呂后時猶在長安。楚元王交及申公從之，授詩學。蓋齊人也。浮丘漢時隱於儒生，猶老子之隱于柱下也。

### 浮丘公度王褒

王褒字子登，漢安國侯陵七世孫，黃門侍郎。指之子，以元帝十三年乙酉生，少勤墳典，大將軍王鳳辟為從事，高第，不屈。年四十三，號辭，二親求學長生之道，入華陰山，寢息空林。鳥獸為侶，輒軻辛勤，亦云至矣。如是九年，大雪摧林，空巖無侶，殆將殞斃，而精誠不迴，至真玄感，夜半聞鼙鼓之聲，須臾漸近，千乘萬騎浮空而來，神人各乘三雲之輦，手把虎符，停駕而言曰：吾太極真人西梁子文也。一真人曰：吾華蓋上公浮丘伯也。聞子好道，劬勞山林，誠可愍也。褒叩頭，千萬願，授長生之道。太極真人曰：吾等主神仙之司，憫子有志，故來相過。乃以太極青精飯，上仙靈方，授之。浮丘伯授以五靈夜觀之道，雲琅水霜之珍，拜而服之。於是身有金映，項生圓光，能飛行萬里，受神策，拜為太素清虛真人，領小有天王主三元四司，給玉童玉女各三，伯人得乘八景飛輿，出入上清，今麻姑小有天仙王峯，亦真人所理。載王氏傳，肝江志。

### 浮丘公遺跡

豫章職方乘云：昔浮丘公隱於華林山，故山之南一峯，號曰浮丘。其山三峯，皆卓拔高險，危秀周回，百里不生惡草，及猛獸，有三觀曰浮丘。今在豫章奉新縣西南五十里，及有華林泉，亦是浮丘遺跡。又太平御覽云：衡州有小廬山，一名浮丘山，在縣西一百八里，高六里三千步，東西二十里，南北四十里，言其山似九江廬山，故曰小廬山。又古老傳說浮丘公上升之所，兼有道觀存焉。又九域志云：潭州亦有浮丘山，江陵府有華蓋峯，皆浮丘遺跡。

唐德武皇帝遣使詣華蓋山華林山

### 投簡

大唐開元神武皇帝李隆基命是乙酉八月降誕，夙好道真，願蒙神仙長生之法，位忝君臨，不獲朝拜，謹令高士孫智良齋信簡投刺浮丘石室，以為金龍驛傳。以青瑣刺之

### 山圖雜載

宋朝翰林學士李宗諤所修圖經云：實蓋山

在縣南二百里高二十二里山形如寶蓋因以為名絕頂有王郭二真君壇

唐魯郡公顏真卿所紀王郭二真君碑云按地圖得屬邑崇仁縣華蓋山王郭二真君壇存焉

宋朝錫命加封詞誥與夫寶錄銘文皆曰華蓋山今二名並書之以詔來世

唐撫州崇仁縣橋仙觀王郭二真君碑銘

金華元稹於杜撰對答稱國當郡則然但上碑後書

粵以江南之地佳麗垂名山嶽之間究有仙洞予祇膺聖澤廉察臨川一日按地圖得屬邑崇仁縣華蓋山有王郭二真君壇存焉欣觀異事未原其始他日公餘因令軍將往山下訪求碑銘果得一石記乃隋開皇五年焚修道士李子真於壞碑上再錄出其文則知王郭二真者仙不顯名王則方平之再從郭乃王之族弟也始於金華山修道以圖輕舉尋遊洞府自玉笥將之麻姑洞中道經一山問故老曰此為何山對曰已陵華蓋山也二

真君相與言曰此山福地名亦異焉因求卜止再鍊神丹山下父老詣而再拜曰敢問真人之名字曰吾等修志於虛無不欲述焉後有一道士來謁敢問真人之師曰吾師浮丘先生先生則上界大仙也頃於金華山遇焉

二真君能走石飛符興雲致雨或有人苦疾暴亡往而告之即飛符以救之歲將大旱即致霖雨以濟之至晉元康三年二月一日絲雲連晝仙樂喧風二真君乃騎鸞駕鶴冉冉上升今上升之壇及浮丘先生之壇存焉其

後立觀焚修境邑將軍若詣壇禱之則雲雨立應美乎故事昭然仙蹤儼若雖遺史籍安泯聲華鸞鶴對飛共作壺中之客林壑壘秀別舍象外之春因與府官議崇觀宇求列焚修尋差軍將以公用錢詣山換殿宇門廊不日而回云工畢矣予德慚好道任忝分符原始要終罕測冲天之日掄文染翰用貽千古之芳銘曰

玄牝之門存心養神學則彼眾得者幾人  
冉冉千古堂堂二真丹成巖谷道應宮旻

絲雲色煥仙樂聲勻遲日初麗桃華正新  
騎鸞拔俗駕鶴超雲言歸紫府笑別芳晨  
山存華蓋長舍異春恩流豐澤周濟蒸民  
浮雲勢速好月生煩儼若聖址永播清芬

三真記

江南西道轉運司李冲元撰

臨川山秀水靈頗多前代神仙遺跡丹井仙壇往往雜出於圖記文字間可以考信而崇仁華蓋山王郭二真君祠靈跡尤著唐顏魯公取隋開皇五年舊碑所載事為記不著名字州里而世系復舛謬惟曰於金華山遇浮丘公授教後居此山能飛符走石興雲致雨使死者甦病者起以晉元康三年上升當時人有問其君名字者皆秘而不言其後州縣歲時水旱禱之立應而郡人男女疾疫祈禳無不之焉至走旁郡數千里人皆恭敬齋潔然後敢登山不爾風雷雨電虎豹蛇蛟蜂蟻之變立至祠中併立浮丘公像山上猶有仙壇存焉熙寧中州以王郭異事上之朝廷神宗皇帝詔封王為冲應真君郭為誠應真君



而偶遺浮丘公事故旌號不及元符二年洪州夏不雨民有憂色右正言王公桓以漕使權領州事聞三真人感應如此乃蔬食齋居遣崇仁縣主簿葉祖文詣祠下迎請真像至府城率僚屬送於城門之外館於天慶觀中陰雲隨至焚香懇禱雨即大霑三日始霽稼穡勃興郡人歡呼嘆未曾有莫不德公之賜公曰浮丘爲二真人師而褒禮未加甚非所以嚴奉高真之意乃符臨川主者具浮丘公始末請命於朝廷而屬門吏李冲元考覈其事而記之冲元謹按劉向列仙傳稱王子晉遇浮丘公接以上嵩山而漢書言浮丘伯呂后時猶在長安使元王交從之授詩學蓋齊人也唐林寶元和姓纂亦載浮丘伯云子晉師之而子晉乃周太子然則浮丘蓋又出於子晉之先莫知其來之遠近意其漢時隱於儒生猶老子之隱於柱下也嗚呼神仙之學古無有也自秦皇漢武好方士長生不死之術世始知有神仙而劉向因之爲列仙傳獨載王子晉師浮丘公而浮丘公反無傳然則

當向時已莫得而考矣王郭當晉元康時遇浮丘則疑若常在人間豈有意接引於後來耶夫神仙之學大抵宗本黃帝老子以清淨無爲虛心寡欲爲本而佐以陰功密行及鍊丹服氣之術要之非超邁灑落者不能爲也方其混跡人間未必有顯稱大抵以名爲深戒迨其仙去始著異跡使人知所向而已此其用意淺識狹慮者所能參第而秦漢之君富有天下窮兵黷武心侈意盈神荒氣靈乃欲長生不死是果足以造化越古今乎然近世爲此學者反以釣名賈利僕僕公卿之門求獻其說且偃然居之不疑自謂已當經崑崙涉太虛遊乎恍惚之庭矣聞其風者至或危坐敬聽不敢竊議曾不察其入真超然世表者乎歷觀前代諸仙皆卓絕不羣擺落塵累寧有造微參寥之致雖未御風乘雲伍跡人間而已不與世俗並軌方駕矣推是心以往庶或近之王公高明厚德君子也願以鄙言爲然故叙浮丘公事而併記之元符二年七月二十七日記

華蓋山浮丘王郭三真人事實卷之一

華蓋山浮丘王郭三真君事實卷之二

二真君實錄

玉笥山道士 九 鹿 述

夫學神仙者皆累世修行積功盈德內修其  
心外潔其行如是則世世即有神仙降而為  
師以傳至道道之成也功及於人功之備也  
升而仙矣故經云積學為真人此之謂也華  
蓋山王郭二真君本汴州陳留人王則方平  
之遠孫郭乃王之族弟

注一本云王郭二真君本汴州陳留縣太

原坊人遠祖方平也漢末考廉除郎中加  
至太中大夫黃門侍郎相延嗣父死冒元  
帝時嘗進春秋義家素長厚稟積善功母  
氏許夫人年三十偶一夕夢月華滿室神  
光射人覺而有妊乃雙育二子精神競爽  
迥出儔品一名道想一名道意道想隨府  
尹之姓道意隨縣令之姓尹姓王令姓郭  
及長不喜塵事惟慕出家父母不能移其  
金石之志遂置疏與二子投師二真執父  
手疏詣大梁天師山女元觀禮浮丘公為

師師諱良本北海人也侍下元有二高弟  
子一姓黃名語一姓吳名質師承道學多  
涉歲華備受寶錄晝夜不輟既而二真同  
志事師希求出離

二真素秉仁孝節操高潔才智之優人莫能

及而性樂神仙之道始於本郡玄元觀出家  
師事浮丘公後因隨往金華山採藥浮丘遂  
委付黃吳二真人曰宜精思勤修不日道成  
吾當付度仍授二真以道養之術二真年幾  
三七旦暮行持終始如一師嘉善之一日浮  
丘與二真云吾有所往後會未期言訖忽失  
師所在二真朝夕傾慕泣禱于天誓欲再見  
本師以終道業忽一夕夢神人告曰但向江  
南絕頂三峯即可見也二真既獲祥應不辭  
迂遠乃操瓢負筥直抵江南徧歷洞府

注一本云尋至江南將入撫州道遊筆架

山今屬臨川縣西北道過雲谷山其山  
危峻去臨川縣東二十三里高四里一百  
入郡東精舍安息名立觀曰天一日二真

出撫州城到玉笥山徧觀三十六峯洞天  
福地次上九仙峯正見華蓋山卓然特出  
二真作禮次到小峯駐馬久之今玉笥山  
第二聖峯山有華蓋舊名華蓋山  
存舊蹟江縣道遊豐城縣之富城少憩

次日同造羅山之下初有觀曰同仙後易  
俗號同次升羅山之上遙見華蓋三峯其名  
曰聖將之麻姑便道至一山見其獨秀羣  
峯環之下有小澗二真登山少憩今名中  
建昌軍廣昌縣東二十里再經過一巖棲息久之今屬

四顧忽見向南三峯聳空山曰仙王峯及  
自玉笥山將之麻姑道見一山三峯聳空乃  
詢諸鄉老曰此為何山對曰巴陵華蓋山也  
二真相與言曰此山福地名亦異焉我師遺  
言江南絕頂三峯處所想師必在其處遂拜  
敬禮

注一本云二真別麻姑望山西五七里一

峯登臨今名山南城縣西次別山王

君先行至一橋款付僚郭君之來今南豐

橋復見一山如筆峭拔空登而息焉今

二真之祠存焉在南豐縣西北四十里其

山蒼翠拂天見于數百里之外若歲大旱

折橋必雨又西漢吳王芮嘗於又登一山

卓望華蓋遺下一桃今有桃木猶存舊

地名刺桑水浮復入撫州告別州牧出之

西津望一山聳峻二真相顧曰此山定佳

遂登山四望則水秀山奇左拱右揖略少

棲息因遺金一秉埋於山頂曰此山異日

因是得名今西津之金石堂乃二真遺次

至銅山今名義華山次至地名左橋望一

山雲氣蒙覆有若黃龍升天之狀二真登

山顧笑曰此山亦可為居民植福之場下

山度橋次觀山形勢有山自溪左發足疊

疊未易悉數行至地名七里山其勢獨雄

乃相顧曰此山佳勝真神仙修煉之地於

是前進五里則其山歸然左拱右揖前引

後遮秀水前朝若百里宗派千山環拱似

虎踞龍蟠二真登山遂相與棲息於此時

天色已晚清風徐來明月當空二真依松

陰之下談笑忘寐黎明南望山頂拜尋華

蓋三峯拜訖雲霧豁然西前一直三峯如

削遠出天表二真喜曰此即麻姑所見之

山也我師重親應在即矣於是就山鑿青

石刻云超然蹤跡清若壺冰興隆萬世棲

息千真刻訖乃埋於所止於松陰之下曰

他日時復一遊於此成道之日當福澤此

邦之民迨今香火茂盛他所冀及鄉人初

置菴舍三間號曰仙遊亭今立觀初曰紫

觀名仙遊山史載晉鍾後丹鼎二真日夕

遊憩于松陰之下鍊五神丹曰吾欲補五

臟之真氣益三田之精華丹就而服之入

巴陵縣家令迎見焉今姓夏送二真入縣

西道院安下今立觀曰玉次日備齋講禮

齋畢二真少息於寓居二真遂同出市訪

問鄉老顧曰巴陵想多勝處況此縣山水

秀異風俗淳厚謂有人物應時而出有繼

吾道行者焉遂徧歷管下今皆為然後

尋師行至縣之西南百步之間有一地稍

平坦前橫小溪遂化居民可就此置一道

場建立尊像儻有史谷宜於此崇善修福

其後居民立名曰善修道院今有觀曰善

又至數十步之間度橋則曰橋似一去處

於是臨眺觀覽顧曰此地之勝亦為植福

之場今立觀曰無度江里東南行步憩于

一坪上其後鄉人亦初亭曰仙亭今立觀

再興亭左舊有松一株其大數圍亦

孫千植云觀有孫尚書觀記載于志又東

南十五里之間望一地似可遊歷而無路

可入遂繞徧山徑忽得路方登臨其地鄉

人名其地曰遠山今立觀亦自遠山便道

數里間駐馬九日看閱經教升舉之後鄉

人因立觀曰九真望三真之像則曰首經

華蓋二真嘗望縣治西北有山可眺因登

焉戲取石作塔以語鄉人有文難宜於此

標度鄉人如其言皆獲應焉今立觀曰

山次度水南二十里間登一坡謂曰此

地亦佳今立觀次至東南四十里間遊覽

至夜遂在張逸人家求宿張氏迎待甚禮

詰其姓氏則曰吾等本姓王郭自金華至

此往華蓋山師浮丘馬餘外則不答後  
逸人因以其宅奉香火故立觀曰招真次  
望西南至一坪曰此地宜種玉否則植芝  
草於田內可也棲息一日然後方往焉  
觀曰至四世傳蓋王真君手植故呼曰王  
四至梁時有真人蕭子雲始於此地種玉

二真自金華來有從者姓華名大  
參逐二真徧歷江南因至巴陵到地名斤  
村夫二真所在遂隱居小山今其山上有  
華蓋仙祠名華公山蓋華大隱仙之地也  
於是尋到華蓋山果見其師師曰子等修真

之志誠難沮再授以修真鍊質之道二真  
習鍊行持寒暑勿怠偶一日師謂二真曰子  
等之道今將成矣然無以澤民則功不能備  
一云非能為官宜外習三五飛步之術一云  
澤民何以立功一云文本即有功所進使河

九一上清之法一云文本即有功所進使河  
九一上清之法即此以濟于時以全功行吾即為子奏名金  
關方升帝所行滿是則為神仙矣二真依其  
言傳而習之元康元年十一月二十二日

景元元年浮丘公調琴於山北玉亭館之西  
七月七日浮丘公調琴於山北玉亭館之西  
俄彩雲瑞霧彌谷連空仙樂喧轟儀仗集

雲中有朱衣捧詔言曰上帝詔浮丘先生上  
升之次盡以微言妙旨付度二真浮丘先生  
即駕龍輦凌霄而上二真攀拜而別二真修  
鍊於其庵所常吐雲為橋度至山之絕頂禮  
斗朝天其處立二仙壇初改名為仙今  
初改名為仙今自後

所習仙道愈加精確能走石飛符與雲致雨  
遠近庶俗苦病急難詣而告者則飛符以救  
之或旱暵請禱則澍澤以濟之其救災拔  
難之功不可殫述又因修煉大丹丹成神彩  
靈光徹于象緯之間時掌天象者惟之奏于

時君云江南有瑞氣騰天此天子氣也君命  
臣以下議之朝論罔知所謂於是命將達師  
渡江搜訪時主將李元晏也元晏被命統兵  
收伐既至華蓋山下但見山之周迴紫雲瑞  
氣繚繞令軍士瞰之二真聞而笑曰吾儕修

志虛無豈冀有上乃化仙兵布滿雲中與凡  
兵戲戰雖交鋒屢鬪竟無所傷士卒射之以  
箭但見箭頭落地皆變為瓦礫兵將疑懼

方為之晦冥將士戰慄進退莫能元晏等方  
名戰坪與馬跡石龜存田  
家子今尚有收獲凡頭前俄又黑雲四集一

悟神仙叩首謝過願復光明誓不敢干忤真  
聖須臾雲氣頓捲祥光赫然尋有桂枝寶弓  
自空而降光彩奇異非世間有元晏得弓差  
人持進于朝具陳所以帝見而駭乃命百官  
辯之惟宰相李仲甫奏曰此是上天神仙遊  
戲之弓斯蓋陛下聖德感召國有至人且獲  
異寶百僚稱賀勅命元晏班師乃遣中使詔  
迎二真二真辭曰吾等居山當福澤庶竟  
辭召命

注一本云詔使既還奏對訖上遂再下勅  
命差使臣李仲德回撫州刺史劉平輝臨  
川令黃思護巴陵令夏子嬰同詣華蓋山  
朝謝至晉惠帝時上升

晉元康三年二月一日王郭二真亦在山北  
玉亭館奏玉皇詔命上升乃留言鄉人口吾  
去後若遇蟲災旱潦疾苦急難艱於嗣續於  
此禱祈吾當以福澤應之汝等但能忠孝君  
親持心平直濟貧拔難隨力為之此大功德  
也其或不忠不孝不義不仁嫉妬諂曲之徒  
雖殫財竭產為祀斷髮然身而至若不能首

雖殫財竭產為祀斷髮然身而至若不能首

改吾終不應之矣言訖王駕青鸞郭乘白鶴  
仙樂儀仗前迎霓旌靈官後擁冉冉上升從  
辰至已祥雲彩霞移時望之方沒所屬具事  
以聞有旨應二真經行之地並崇觀宇山東  
建仙林觀山南建南真觀山北王亭館建上  
仙觀山西二真修行道院常吐氣為橋步至  
絕頂朝天禮拜之處建橋仙觀熙寧八年奉  
勅賜為華山  
觀觀前有一山若飛龍登天之勢乃浮丘先  
生常居之地謂之浮丘壇仙弓降處謂之弓  
山仙凡兵交戰處號曰戰坪二真上升時有  
仙女奏樂處謂之仙女峯二真朝天禮拜處  
號曰仙壇並為古跡升舉之後二真所治處  
玉帝遣三十六員仙官一十八純土地衛護  
之無令穢觸洎後如紫玄洞五嶽壇下馬臺  
鵝公均鹿頭山血木凹煎茶凹牛頭凹看基  
峯淨水池投龍潭香鑪峯並為聖跡與夫所  
立觀宇是也自是郡邑咸過荒歉凶人罹  
厄難凶禍詣壇禱之無不昭應遂使四方之  
民不憚其遠而至焉庭瑞久聞勝事未詳本  
末因訪求古跡遠銘得其實錄昭然仙蹤儼

若故備書以告來者

勅封王郭二真詔書

中書門下 牒

準 詔中書門下神靈所在民實賴於庇  
麻利澤有聞朕豈忘於褒顯撫州上仙觀  
王真人郭真人仙風高遠德施昭彰貌居  
華蓋之名山深得浮丘之妙道一方走望  
無遠弗臻千里祈禳有誠斯答蓋薦升天  
之美號以旌及物之陰功  
王真人宜加號冲應真君

郭真人宜加號誠應真君庶期遐遠之人  
永被康禳之福故茲詔示想宜知悉  
際奉 詔書如前牒至準 詔書故牒  
熙寧八年七月日牒

給事中參知政事 呂

禮部侍郎參知政事王

吏部侍郎平章事韓

左僕射兼門下侍郎平章事王

神宗皇帝改橋仙觀為崇仙觀牒

中書門下 牒崇仙觀

撫州奏據崇仁縣令郭峻狀準州帖差人  
齋到

勅牒二道加號華蓋山王真人為冲應真  
君郭真人為誠應真君差往祭告置造牌  
額於上仙觀安置遂躬親齋額前去祭告  
為無上仙觀宇所有勅牒權暫令橋仙觀  
看管尋檢會本山脚下元有仙林南真橋  
仙上仙四觀內仙林南真上仙三觀並無  
觀宇只有橋仙一觀存焉所蒙朝廷降到  
勅牒二道見權令橋仙觀看管其上件古  
觀元未有正額係候供申乞申奏賜勅額  
存養道眾住持許令焚修專切看管賜到  
勅牒祇應祈禱州司所據本官申述照會  
朝廷降到華蓋山王真人為冲應真君郭  
真人為誠應真君置造牌額於上仙觀安  
置比來勘會得本山脚下元有上仙觀等  
各是倒置其地盡沒入官不敢專行蓋造  
只有相近橋仙一觀粗來觀宇尊像係存  
留名目並無勅額元有水田六百餘把亦  
係收屯入官為無人承嗣自來祈求本山

只有本縣道士一名在彼祇應伏緣今來已準朝廷降到冲應真君誠應真君勅牒只在本處收掌州司欲乞就令所存一觀為上仙觀特降勅命賜一名額依舊存留元有尊像水田六百餘把選差名行道士焚修祇應遂時祈禱看管降到勅牒候勅旨牒奉勅並依奏且特賜崇仙觀為額牒至準勅故牒

熙寧八年十二月二十八日牒

工部侍郎參知政事元

禮部侍郎參知政事王

左僕射兼門下侍郎平章事王

哲宗皇帝封浮丘先生為超應真君

江西轉運司元符二年奏乞

賜浮丘先生封號準元符三年八月八日

勅道本無心妙斯有應精神之感發自窮真美矣三仙澤手一國活枯流涸屢報豐年既崇華蓋之封宜顯浮丘之學超升真號式慰輿情可持封起應真人

元符三年九月十六日

朝奉大夫權江南西路轉運副使借紫直

徽宗皇帝勅封浮丘真君為號實詰

準政和七年八月九日勅恢太始希夷之旨

嘉惠萬方既博延山林遺逸之士以倡後學

又尚論邃古有道者而褒顯之所以昭欽崇

之實意益天下之福也撫州崇仁縣崇仙觀

起應真人研精觀妙知化窮神翱翔太虛後

世所仰朕志加尚增貴強名爰錫贊書姑示

至意可持封浮丘真君

政和七年八月初九日奉

勅如右牒到奉行告浮丘真君奉

勅如右符到奉行

政和七年八月十五日下午

中書侍郎臣侯蒙

中書舍人臣賈安宅

太師魯國公臣宣

太師魯國公臣京

少保兼門下侍郎詹中

門下侍郎深

左司郎中陳仲宣

吏部太宰居中

右 粥 缺

左 輔 缺

少宰尚書左丞 昇

吏部尚書 克公

吏部侍郎 缺

員外郎 子詢

理宗皇帝加封孚佑正佑顯佑真君

詞命

嘉熙丁酉十月二十七日準

勅實蓋為江南絕頂有唐顏真卿記載存

焉撫州崇仁縣華蓋山崇仙觀浮丘真君

等比年以來靈貺彌著衛民扞寇茲遠舉

兮雲中噴水蠲痾厲遠驅於山左廣增美

號式報洪休抑聞耕鑿之民尤畏旱乾之

虐其稽里諺母作神羞可依前件持封孚

佑浮丘真君正佑冲應真君顯佑誠應真

君

嘉熙元年十月二十七日

華蓋山浮丘王郭三真君事實卷之二

華蓋山浮丘王郭三真君事實卷之三 古

道士章元根編華蓋山事實

按華蓋山峙於臨川廬陵二境之間其在圖則屬撫州崇仁山之高三十有五里周迴四百餘里有紫玄之洞即浮丘公與王郭二真修鍊升舉之所華夷圖所載實蓋山是也又按温州永嘉縣亦有華蓋山其洞周迴四百里名容成太玉之天冲妙先生李思聰有詩云山如華蓋勢穿崇霞織冰崖黛潑潑危聳層霄數百里狂奔四海一十峯冷光突兀三生石老翠嶂岫五粒松玉帝祠宮朱殿外遠增花繡水浴浴又按杭州餘杭縣亦有紫蓋山其山有紫玄洞其得道之仙未詳載記惟崇仁之華蓋自晉以來靈響著著州縣折椅無不獲應有顏魯公碑沈仙翁寶錄載載甚詳宋熙寧中本州守令以碑銘奏于朝特加寶號若三真顯化之地不知幾為吾邑山巖猶可究竟吳鄉蹤跡難盡搜尋元樞自冠禍之後因訪問事宿聞知詳細今逾一紀矣念念三真之跡而未原事實今考天與之幸

得過全文又得李君公諺所箋注在前皆有依據歲月延長香火愈盛或加砌建在沈君尸解之後不載記傳使後來無由討論元樞輒不探庸為廣加搜訪凡所目擊或得之傳聞無不悉書而備誌之將以闡揚真風啟崇聖化使四方之士修禳祈禱各隨其方而加敬焉將見福遂願心無感不應所謂道在適而不必求諸遠也儻能依二真遺言平直忠孝濟貧拔難隨力為之依此行持旋即昭應今有華蓋景跡并三真隨方顯應之地凡是洞。天福地觀宇峯巖以至砌立壇場悉皆譜錄于後

洞

紫玄洞過浮丘先生王郭三真君燕處之地檢校神仙圖錄功過之庭在第一峯之下萬丈峭壁之中洞之門面三陽之地象八卦之形上下懸絕東西壁立而洞旁有石髮石耳奇花異草怪石巨塊不可名狀惟三真上升壇前可遙望崔嵬蒼石間隱然有石門二片青芝綠竹叢生洞巖白雲紫

霧簇平境卓懷鑑金碧蓄洩風靈蓋上靈校籍于中神仙棲息之府也歷代方士或忘命攀緣而上捫蘿踐草有若猿猴傍觀心膽為碎由朝至暮將及洞門纔離數丈必有非常之風透體徹骨冷如冰雪不容

前進仍洞府之限正如崑崙又若蓬島上閣下敞無階而升不過引手叩頭而返嗟乎仙聖異境非身能輕舉者豈造次到哉雷洞在第一峯之陰嵌空懸絕四山瞻望無路可通天將雨霧則雷洞之間雲升一縷

有若飛煙須臾翳冥彌漫八表風雨立至雷電交馳神化倏焉莫測其妙謹按太玄仙品明科經略云浮丘王郭三真真君主隸掌吳楚分野人民生死罪福五穀豐歉水旱等籍故有仙官三十六員雷神諸司

千將萬兵各領其職也昔有塑工李某者自山上而下至中途忽見黑雲奔湧中隱隱如雷漸近霹靂一聲雲氣中間見雷神徧身皆青握斧駕車如是者三竟飄颻焉神倒地及抵山下乃知一雨滂沱時山上

日出織雲亦無今麻溪溪上有雷公嶺亦二真驅雷之地

凹

煎茶凹乃浮丘王郭三真於此烹茶殆今名存

血木凹乃王郭二真遣將吏收縛誅斬精魅之處血射其木所以名之距正壇七里

臺

下馬臺乃浮丘真君升壇下馬之所

著恭臺乃二真奕恭之所

翻經臺乃二真看經之所

嶺

退心嶺初登華蓋半山之腰一嶺橫踞愈高

愈峻朝拜之士至此非薦志堅高未免退

心所以名之

劍脊嶺在三峯之間兩旁下視萬丈懸崖僅

有一徑遊人莫不驚怖以謂如履劍脊也

若志心稱三真之號願賜祐助則復如平

地心安神定不以為難

打鼓嶺李元晏於此置更壽謂之打鼓嶺又

云擊鼓助戰之所距崇仙觀二里

華大嶺乃王郭二真隨從之僕名華大成遁於此嶺朝恭因以名之後訛為畫樹嶺距

崇仙觀三十里

坑

淨水坑朝真之士於此盥漱淨穢之所

止馬坑浮丘公升壇於此止馬

沓坑仙孰也王郭二真洗孰之所

止晚坑李元晏統兵至此值夜之所

納坑元晏公兵過州縣應副糧料於此納糧

食

壇

浮丘壇迺浮丘燕處之所今丹井猶存

王喬壇迺王子晉朝師浮丘之壇

著衣壇迺二真著衣見師之處

五嶽壇乃五嶽聖帝命議人間罪福之所

王郭壇乃王郭二真遙望閭阜之地今載崇

真宮圖

上升壇屬建昌麻姑山丹霞洞仙王峯石殿

後古老相傳乃浮丘公弟子清虛真人王

褒上升之地每歲春夏攝蟲形如蠅身入

座砌壁使不害稼秋蟲既化去靈驗非常迄今如是

巖

隱仙巖在第一峯之陽絕嶠人蹤罕到或攀

援陟之者毛髮皆聳及至則洞室空濛管

崖晃朗世言昔有仙人隱居其中而歲久

莫得傳焉

金雞巖乃浮丘養仙雞之所羽毛為金色每

歲大稔則金雞必現否則隱之近有樵者

時於巖口拾得金雞屎其堅如石

龜鳳巖屬崇仁地名广石麻坡上距縣正南

長安鄉二十四都其巖廣闊開朗中安華

蓋三仙之像兼有石門丐福之士四序紛

然凡所祈叩響答昭彰

禮石巖石峯圓聳勢欲傾倒如高簷下覆有

若朝天禮拜之像橫徑三十餘丈中可容

人正向前瞻最高有華蓋仙亭向北處亦

有窩泉清不涸俗名裏石

華仙巖屬宜黃縣北三里仙桂鄉二都巖懸



拱似橋又名橋仙巖下有觀曰元寶蓋王郭二真經遊尋師之地高約二十餘丈深約四五丈橫闊十餘丈

丹井

浮丘丹井在山西玉庭觀仙殿前冬不涸夏

不溢蓋仙真之遺澤在焉玉庭觀舊為玉庭館浮丘公調琴之所也玉郭二真君相繼於此修鍊冲升仙橋山橫陳乎其前仙

女峯屹立于左真神仙宅也至今丹井宛然時有光瑞宋末觀宇頽圯奉香火者視

為傳舍至咸淳乙丑有觀近進士張希遠號綠峯張炎發號清壺張普生號雲岫禮

請葛溪冲虛觀道士無隱吳好生遠來起廢於內給水濟人求之者無不應效張公

著號天牖兄弟等又念靈跡不可湮晦遂出力鼎創法堂一所及勸率眾信重新修

建仙殿門廊自此香火復興金精蕭冰崖酌此水有詩云仙家舊館玉為庭白日山

頭笙鶴鳴我來酌此丹井水洗我讀書雙

眼明

仙人巖在建昌南城縣五十里有王郭二真祠乃經行之地亦有隱仙蛻骨於巖者至

今顯應

伏虎巖屬建昌距南城縣五十里王郭二真跨虎過此迄今名存鄉人創菴崇奉仙祠

又名虎巖山

景致

玉庭館浮丘調琴王郭敬聽之所自後浮丘冲峯王郭二真亦於此地上升今名玉庭

觀

雞鳴山李元晏統兵起早至此雞鳴故名

馬軍營元晏七馬軍之所近有戰坪

百鹿源浮丘真君燕居於此百鹿馴之因以名馬距玉庭館相近

弓山王郭二真遣仙兵與李元晏凡兵戰罷雲中墜下拄杖弓一張於此山迄今名存

其地多生弓弦藤蓋當時遺跡也

鵝公垌仙鵝展翼之所今仙鵝池祈真觀例

係顯跡

掣拿洞朝仙之人到此多有被疾風掣去傘

者

鍊墨竈距崇仙觀稍遠與烏龜峯相近乃真

仙製墨之所

鍊丹井在第二峯之側香潔而味甘居山者

藉此而飲每歲冲升之月傍有仙鶴花產

焉

煎茶泉在第三峯之下二真嘗取水烹茶

奇異

瓦箭王郭二真化李元晏凡兵所射之箭落

地皆變化為瓦至今彼地有之猶有人得

之者

瑞鑪三峯之上自產之物仰覆二層其形甚

古可辟瘟火故名曰瑞鑪人能至誠叩禱

隨意掘地即獲否則終日求之不得自晉迄今不知幾年而瑞鑪之感應愈掘愈有

未嘗告盡圓齊堅潤儼如陶冶之為聖化如此

橫堯王郭過江以木橫江而渡今謂之橫堯

其樹尤存又名橫堯屬崇仁鄉

丹砂王郭二真君在聖寶山撒丹砂於山頂

悉化為石其圓麗宛若丹砂一名藥園子  
石甲王郭二真君化凡兵甲胃器械悉皆變  
化為瓦使無所施為其勇山下亦有老宿  
收得者

石髮多生紫玄洞上洞下精細如髮可為蔬

茹又聞亦可繫縛物色一名王郭線或有  
人得之將與葷味同煮即化為水

馬跡正在戰灘乃當時李元晏所戰之地迨  
今馬跡驟跡石上猶存

虎跡石距上仙觀近乃常日王郭二真跨虎  
於此少憩遺跡尚存又名虎跡石在崇仁

河亭上路傍

祥瑞  
金燈生于清夜必天氣朗清山寒風寂乃見  
初生三五十點散為一二百危合而復散  
少則復多須臾之間百千萬點上下相接  
呈燈渺蒙相映

金船有如星之移躔霞之晚夕亦若飛煙一  
抹過電駭奔其狀靡常隱顯莫測

圓光圓若車輪或大或小現於紫玄洞上五

色輝華光芒奪目歲當冲升之時及良辰  
吉日真仙降現於其間或一位或三位見  
者皆獲禎祥  
仙鶴間或翔現鄉老傳云往古鶴現多是三  
隻最巨白餘小者不可數記多在二三百  
隻宋之國初尤甚近歲雖現祇三隻而已  
靈芝世傳三峯之內產紫芝玉芝金英草太  
清草仙木英芝皆山中得道過焉  
仙藥三峯之上草木世有疾者禱而採服無  
不愈者

朝元相宋紹興中八月晦日道民曾彥通詣  
山朝拜至第二峯日方午忽祥光屬天只  
見朱砂大攤一輪圓光直上頂門出五色  
金光圓光中有聖像衣上清服乘簡朝天  
是時同行謝有成亦見之鄉老謂之朝元  
相輪曠歲或一現

投龍潭正在紫玄洞之下昔朝廷嘗遣使投  
奠金龍玉簡潭深無底鄉人每於此祭賽  
求雨謂之打龍潭


戴書源正在紫玄洞之下萬丈峭壁有樵夫

曾誤入其中獲金經數卷持歸夜夢道士  
三人來取次日奉還尚留下一卷他日再  
遊不得其路迨令其書猶存字不可認歲  
早坊圍迎書叩雨旋獲昭應距玉庭觀近  
大雨鼎俗名黃水桶其初出之際本自山間  
每鄉坊迎請儻雨立獲感通乃二真所為  
之鼎或傳云今為天官所取不復有也

流珠坑正在此山之北乃當日二真遺珠使  
龍戲逐之地迄今有珠潭及珠坑距本山  
近

石崖靈篆在紫玄洞上嘗有志人遊隱仙巖  
過一巨石復有可行之地見峭壁之上有  
篆文光彩煥然筆勢道勁因以小石記于  
片石持歸同志者卜日再往時晴日方午  
大雷震動疾風甚雨走石揚砂摧折巨石  
不復再見而靈篆得傳於世矣

靈篆



此篆本山道士散施四方可辟萬邪治療百病凡妖惑疫疾月此制之無不殄滅在在處處神物護持

牧食苗蟲歲歲至我掃之後應諸傷苗害物之蟲盡皆收攝在山周迴巖穴之間殿廡

道院等處如毳堆積不可勝數居山者指曰香蟲不尔則飛襲擾人揮之莫去及乎

稼穡登場方令散去

毛公庵在第二峯之陽故有基址樂曰存焉

十二峯

浮丘峯江南福地華蓋名山絕頂之所號曰

正壇位應浮丘真君

王仙峯位應王仙真君

郭仙峯位應郭仙真君

仙女峯三仙上升仙女奏樂之處

香鑪峯變現瑞鑪之所朝拜士庶多有求得

者

五真峯浮丘王郭三真君及黃仙吳仙五人

燕窩之所

綠竹峯王郭二真君手植綠竹之所

駐仙峯地名斜田上有三仙殿宇

集仙峯地名苦竹其上皆箭簇石先莖可愛

山之下靈泉出焉冬夏不竭

白銀峯地名烏龜坪

道嶺峯在崇仁鄉三十八都上有三仙祠

石榴峯在崇仁鄉五十一都當日二仙曾遺

石榴於其地距咸口觀之北

三十六福地

天節山玄元觀

婺州金華山

筆架山永興觀

玉笥山華蓋亭

撫州天慶觀今玄妙觀

靈谷山隱真觀

閩阜山王郭壇

同造山丹霞觀

羅山望仙觀

廣昌中華山

建昌軍麻姑洞

仙王峯梓符觀

南豐縣會郭橋

南豐縣軍山

仙巖山元寶觀

金石臺仙隱觀

我峯山龍泉觀

仙遊山昭清觀

景雲玉清觀

永崇善修觀

義興無為觀

石步遠仙觀

看經九真觀

北塔凌雲觀

繆坊招華觀

逸人居招真觀

芝草山玉田觀

響石寶臺觀

玉亭上仙觀

雲橋崇仙觀

已上靈跡並詳載沈仙公羽述二真寶錄注

更不重書

吉陽徊仙觀王真君修真之暇經遊吉州登

吉陽山憇于山下徘徊良久壇前樟木其

大數圍乃王仙手植樹下有丹竈至今存

焉今徊仙觀屬廬陵縣距城四十里

太和迎仙觀郭真君經行到吉州太和縣距

縣六十里觀曰迎仙乃郭真君遊憇之所

王真君來會郭真君迎之於此云

駐馬佑仙觀王郭二真離迎仙十里之間駐

馬利佑民庶今立觀曰佑仙距太和六十

餘里

洞。王仙觀吉州太和縣距縣百里地名九

州洞口上有王仙山觀傍鍊丹竈猶存并

手植紫荊花樹其大數圍至今花時不減

晉室觀亦名王仙云

值夏太霄觀吉州廬陵縣地名值夏有觀曰

太霄乃王郭二真經過之地正值盛夏因

以名焉至今鄉老呼其地曰值夏

大篙渡來與觀王郭二真之吉州近城十五

里阻大江舟人見難二真取篙擲水乘之

而過兩岸觀者瞻敬令名大篙渡登岸處

有觀曰未與檢法曾大鼎云二真到日盛  
暑蚊子如市二真以扇驅之誓曰蚊蚋遠  
去至今未與獨無蚊蚋

華蓋山浮丘王郭三真君事實卷之三

華蓋山浮丘王郭三真君事實卷之四 孝五

宮觀

浮雲觀屬本邑地號明村距縣三十五里實

崇仁鄉二十一都乃華蓋祠至唐鄧葉二

仙亦嘗棲止其地

雲元觀在縣正南地名龍源山頂有華蓋靈

蹤以遺文考之其山起於晉秦始間實浮

丘真君濟衆之所

延壽觀在縣西南十五里與觀之由本鄉民

迎華蓋禱雨獲應因立祠宇宋元豐間重

修堂殿

洞雲觀距縣南二十里本華蓋祠宇是觀起

於唐代聯數百祀迄宋慶歷丙戌重建奉

巒環擁亦佳地也

析真觀在本縣青雲鄉四十二都本華蓋道

場宋太和中字五有仙鵝七隻向望自華蓋而

來下門外池中乾德間二百餘隻聚于觀

之松篁間實中亦現侍郎樂史為之記去

觀三里有湧泉病疥者浴之必愈丞相無

盡居士作漕江西經遊其地有詩曰誰知

馬上腰金客洗盡塵埃換玉顏邑中孫公  
懋亦有詩賦湯泉

靈輿觀在縣南三十里本祠華蓋香火至崇

寧丙戌之間觀宇落成兼主太浮山淳熙

乙巳章元樞作記

洞仙觀距縣東南五十里屬禮賢鄉二十七

都地名西源田心山額東華仙奉華蓋鄰

都有太華山

鄧林觀距邑溪南奉三仙香火近有助道五

通之祠

白鶴觀距縣東北三十里地名譚坊又名三

清山

清溪觀距縣東北二十里地名羅規上有仙

壇

寶真觀屬崇仁鄉三十八都地名寨陂又三

十七都有會仙峯地名橫堽

游仙觀屬崇仁鄉三十六都地名大坑同都

有饅頭堆

吾章觀屬崇仁鄉三十八都地名苦竹三十

七都有龍山

建興觀屬崇仁鄉三十二都地名觀坑同都

有龍石嶺

函口觀屬崇仁鄉五十一都地名函口

龍停觀距觀東二十里地名沙陂奉華蓋香

火舊有水田四百餘把禮賢鄉有白干名

山

延昌觀本華蓋道場有田為民所占尊像並

移在觀近山間名曰筋竹凹今靈官尚能

呵護凡佃延昌觀田者必須收成之日以

竹為斗詣山交穀往往亦有斗數否則必

有蟲蝗水旱雀鼠之患

唐興觀正在羅山望仙峯下距縣五十里青

雲鄉七都丹桂里地名唐坪有田二千把

係華蓋道場今觀基猶存

雲臺觀在本縣長安鄉五都地名河川華蓋

道場

上崇觀屬崇仁鄉三十四都距寨下相近

龍塘觀屬潁秀鄉今名彭山華蓋道場祈禱

有應

飛茅觀在羅山下隔嶺有太虛觀

巴山觀在巴山崇仁鄉四十二都鄰都有甘

竹壇下渡山

翁誠觀屬禮賢鄉二十六都地名黃振堆去

郭墟相近

興樂觀距縣東四十里祠三仙香火屬潁秀

鄉十九都地名航安湖西於太和二年建

鄰都有龍興山真駐亭

上雲觀距縣南二十五里屬長安鄉二十都

地名巖石章坊華蓋仙典雲致雨救旱之

地宋朝始立觀

上方觀距縣北二十五里屬青雲鄉十九都

地名馬旗嶺下有王郭二真之壇宋宣和

中建

寶臺觀距縣南七十里隸崇仁鄉二十二都

地名白竹塢本王郭扣石之地其石方廣

四尺二石之枝扣之清越

侶仙觀距縣西五十里大唐建奉三仙香火

屬青雲鄉四十三都

保安觀距縣南六十里有隋開皇五年古鍾

奉華蓋仙屬崇仁鄉十都地名斤村又同

都招華觀亦是二真遺跡

凌霄觀距縣南二十五里有王郭二仙壇存

焉屬長安鄉十一都地名河川山名大岡

香火甚盛

聶坊觀距縣東四十五里乃居民崇奉王郭

二仙禱祈之地舊名梓波道院在秋下額

秀鄉

章仙觀距臨川縣南四十五里屬長安鄉地

名荷嶺上有接雲山乃王郭二仙顯靈之

地木南郡王子章震真人道場新豐鄉百

○ 二都有北華山香火甚盛歲無虛日

靈泉觀距臨川縣西南五十里隸長安鄉山

名雷公蓋當日華蓋驛雷之地今構雨響

應山有雷池

白鶴觀去臨川縣南六十里隸長安鄉地名

神嶺禪尋山蓋當日華蓋道場香火甚盛

義嶺有長輿觀

洞林觀距臨川縣西南四十里山名潭頭地

名博陂烏石隸新豐鄉正華蓋仙祠請求

無不如願

集仙觀距臨川縣南十里有王郭壇殿碑刻

猶存誠二仙顯應之地迄今愈感春季士

女多遊訪其地名仙臨山

臨溪觀距臨川縣南七十里隸新豐鄉本名

鐘峯山亦浮丘王郭壇四方嚮慕

崇興觀屬臨川縣十五里係靈臺鄉地名衆

湖實華蓋三仙祈禱顯應之地碑刻登載

稍詳

新興觀距臨川縣南五十里隸積善鄉名衆

雲山蓋三仙給雨之地一方所賴無禱不

應

席湖觀距臨川縣東南五十里隸崇德鄉會

原保名左鵝峯舊傳二仙經行之地今朝

亦盛

妙音觀屬金谿縣其觀有石鐘乃當日王郭

二仙遺跡亦傾邑士夫朝拜之地望仙招

真翠微瑞雲皆華蓋遺跡四方依賴

靈仙觀在金谿縣東名真遊峯蓋當日華蓋

經遊之地迄今香火歲無虛日

靈昌觀距宜黃縣南五里乃三仙香火之地

祈水應感今玉清龍巖仍奉三仙祠宇

東林觀距宜黃縣南四十里名九峯山蓋王

郭道場

招仙觀距樂安縣南數百步華蓋會遊香火

茂著

仙遊觀距樂安縣有王郭二仙亭蓋當日會

遊

南華觀距樂安縣東北乃三真香火之地

橫源觀距樂安縣南雲蓋鄉奉三仙香火以

至常清元真南真西隱清溪諸處靈跡時

奉華仙

延禧觀屬建昌軍南城縣西乃王郭道場

無為觀距南城縣西南二十五里名景華山

隸雅俗鄉實王郭棲息之地士庶朝謁應

感昭然

何仙觀隸瑞州高安縣王郭二仙舊至此地

問此為何山因名焉劉仙師洞處其中丁

王二仙壇在其上

道遠觀屬豫章郡東南六十里舊名龍泉云

王郭遊歷之地宋治平中賜今額

崇仙觀隸富州距城二十里梅仙鄉云王郭

自閭阜山經過於此憇焉

紫極觀隸富州長樂鄉距升華山十五里實

二真憩息之鄉麻山有王郭壇香火甚盛

距進賢縣十五里

太極觀隸富州茂才鄉乃黃初平送浮丘至

此以其形似金華山故名之香火極盛歲

無虛日題詠甚多

遊仙觀屬吉州永豐縣地名騰田本王郭經

遊之地後易名龍仙仍縣治有寧仙觀亦

二真道場

慶龍觀屬永豐縣距縣東二十里龍洲突起

鄉民崇奉王郭二真禱祈悉應又有定真

觀亦仙蹤也

洪都觀今名白鶴隸永豐縣三里乃王郭

二真鍊丹之處尚存古碑

嵩山觀隸永豐縣西南五里古跡王郭二

仙感應之地每歲春月傾邑士庶禱祈如

布先名靈輿山宋紹興十四年請今額邑

人謝峯為之記

華蓋院隸衡州衡山縣西北三十里間正處

南嶽之下乃浮丘王郭修鍊遊息之地

名山

大浮山距崇仁縣南三十里隸長安鄉十一

都其靈應起於宋元豐己未之間實華蓋

顯應之地故號曰浮山崇邑士庶有疾苦

則親叩其上以其地近朝往而暮可還凡

所祈禱必獲感格又鄉民有心願至重者

多許三山朝拜以華蓋為大已峯為中大

浮為小迨今昭應不減昔日

靈輿山有四處本縣西門外係第一處又縣

南二十里地名陳墟广石係第二處又左

坊距縣二十五里地名唐陂係第三處額

秀鄉二十都勸農里係第四處各有仙洞

所奉之真特尊華蓋

大岡山屬十一都地名河川上有王郭祠遠

邇依賴祈禱昭著環山脩竹引衆壑之情

風殿殿平地浸高空之皓月真勝地也有

神護之

新華山今有四處其一則邑之東南三十五

里地名長岡與黃仙姑棲真巖聲跡相聞

上有庵室殿宇創建在高坳之前顯化之

初亦甚昭著其二則目今香火之盛高坳

新華是也山水奇特祈禱昭著士夫崇奉

日無虛時其三則屬長安鄉十一都地名

朝坑距縣西南四十里亦有三仙之祠其

四則樂安縣屬地名塔上距縣七里有

仙序於乾道戊子年始興

朝華山屬長安鄉地名根村上有華蓋三仙

之祠蟲早祈雨勝如禱田家依禱一方願

焉

實蓋山屬長安鄉五都開元里距縣三十五

里地名郭家石小羅下山上殿宇像觀尊

嚴亦華蓋香火

盤龍山屬邑南地名張山距縣十五里係長

安鄉五都上有王郭仙壇

南嶺山屬長安鄉五都開元里地名龍源水

東距縣十五里上有華蓋祠

天寶山峭拔森聳遠邇奇觀在縣東南三十

里屬禮賢鄉二十七都上有華蓋祠本朝

開寶間創建下有仙巖

金石山在縣正南屬長安鄉二十三都地名

長山里石距縣十五里祠奉華仙

雞籠山在縣正南三十里屬長安鄉二十四

都地名王陂上有華蓋仙祠

寨帽山在縣正南王田觀十里距縣三十里

離大岡二里本是華蓋仙壇休廢今久淳

熙庚子陳監稅重興迄今隆盛何亞叢日

又更名曰道遙屬長安鄉十一都時歲在

辛丑七月七日圓光大現踰時方設初亭

於殿側曰圓光

靈寶山今有三處其一在禮賢鄉二十六都

紅旗嶺相近去厚山巖可十里因野豕傷

稼乃立華蓋壇宇今有道士焚修祈禱

答其二則屬邑地名懷仁亦華蓋道場祈

禱多應第三處在宜黃五都黃土磔

通靈山距縣三十五里地名周舍本華蓋仙

祠隸諷秀鄉二十三都與臨川井山相近

朝真山在本邑地名十字路口上有華蓋仙

祠

南華山距縣七里地名後鑿上有華蓋仙祠

又一處在南源驢陂一處在宜黃縣南五

十里地名孤山

南巖山距縣十五里地名冷水姜坊上有華

蓋仙祠

油榨山在地名二源上有華蓋仙祠

懸鐘山在地名巴宮上廟華蓋仙祠

門樓山在邑南地名魯步淨居院前上有華

蓋仙祠

厚杆山本邑西南三十六都地名廖桑華蓋

仙祠

石蓋山本邑西南地名陳源係華蓋道場

仙石山距縣西南十里地名陳源係華蓋道

場

東華山距縣南四十里係華蓋道場又斤村

坂白竹峯等處悉有又一處在宜黃縣上

疎溪

一吾山本邑西北地名柴棚俗號第一峯本

浮丘之壇久廢今與初曰一華近名金華

二吾山距第二峯甚近俗號第二峯本冲應

真君之峯雖無祠殿其下有廟依馬地名

石曰

三吾山俗號第三峯蓋誠應真君之峯也地

名上城距縣十五里隸青雲鄉十七都山

脚衡石峭拔聳空至絕頂則有土其色滋

潤琛殿俯竹清陰可喜遠近祈禱無不獲

應

朝元山屬青雲鄉十七都地名高塘距縣西

北三十里烏羅山相近係華蓋道場

聖寶山本有兩處其一則在免府其二在堵

源距縣正西二十五里係華蓋道場

中華山本有四處其一屬崇仁鄉三十四都

地名黃岡墟又曰礫頭距縣西南四十里

係華蓋道場第二處在臨川縣新豐鄉地

名孤山聳峻峭拔不可建殿宇但有壇存

馬鄉人有懇但詣壇所祈之則應亦號中

華山三處屬廣昌縣東二十里四處在宜

黃縣待賢鄉地名清溪源有松皆合抱又

撫州之樂安吉安之永豐亦皆有之

雷公山屬崇仁鄉二十一都地名牽源上有



羣仙之稠距縣正西三十五里臨川有雷  
公山觀名龍泉皆是王郭起雷救旱之所  
太靈山地名沙源管坊距縣正東三十五里  
上有三應殿宇

老松長檜青貫四時丹桂黃花香傳午夜

三仙靈應一境尊崇王隸穎秀鄉二十都

仙華山地名志源本華蓋道場士庶丐福春

秋頗感真靈之感昭答無遺

郭誠山在邑東地名山頭俗傳乃郭仙顯應

之所以名焉上有仙祠

發水山在邑東地名江湖崩傳坊距縣五十

里俗傳華蓋寓此發水救旱因以得名至

今有祠綿綿不絕

仙佳山在邑東地名譚坊創建之由政因歲

早迎華蓋三仙駐于此山以祈甘澤仙到

之後大雨霽霽焦枯並起不復送仙因留

住此山故名

標山在十五都有華蓋祠今廢每早月雲興

即雨鄉民以此為信

禪孟山隸禮賢鄉二十八都有華蓋祠係震

家禱雨之所

姚嶺峯在長安鄉三都地名長坑上有華蓋

仙亭去縣十五里下即姚坊

檀峯山隸青雲鄉連山里六都地名黃墟檀

田亦華蓋道場距縣三十里

遇仙亭距縣五十里有長尋高峯歲旱村民

欲立仙壇迎華蓋仙禱雨平地得一石

如升上有金堆長不及寸淪而視之有眉

目如人像光彩燦爛因名浮丘金仙好事

龕而祀之因見小精石疾病雨暘蟲螟析

之無不立應有利其金竊去者僮仆其側

或合門狂病鄰人夢羽衣持劍至其家今

首謝之即安遠近敬畏又以銀製王郭二

像侍其側

烏岡仙亭在六都係華蓋道場吳室觀地名

郭墟

觀前山屬崇仁鄉三十七都地名罕撫去

七十里

茶華山及朝前山鳳凰山遊仙山靈觀並在

華山下

旗峯鄉距縣三十里屬青雲鄉長安二鄉之

界峯之表有仙巖高二丈深五尺闊三尺

遠觀巖面有若蓮花將開之形乃王郭經

遊遠邇嚮慕巖下出石乳香與真乳相類

峯之前有香鑪峯上有王郭石光彩有如

釋氏所謂菩薩石之類

聚仙山起於淳熙壬寅上元前期進龍廟神

附寬報云華蓋羣仙取元日來銅網給水

救民疾苦至日有雷雨即是其時及期果

如前說有香鑪播子之類介村諧遊尋於

其地建祠立像以聚仙名之朝拜紛集

彭山隸穎秀鄉四十四都係華蓋析壤感應

之所修葺嚴肅

招仙山隸禮賢鄉二十七都地名桃源上係

華蓋感應道場

盧嶺山同鄉二十八都地名盧山係華蓋道

場

金華山隸臨川縣西南六十五里新豐鄉地

名黃銅墟係華蓋浮丘道場又一處在富

州長樂鄉地名蔣坊

厚靈山距臨川縣南七里係華蓋道場

萬歲峯隸臨川招賢鄉去縣三十里地名戰

坪亦華蓋山道場

嚴嶺山隸臨川縣積善鄉地名界山距縣南

六十五里亦華蓋道場

浮遊山隸臨川縣長樂鄉距縣東北七十里

地名清湖乃浮丘經過之地顯靈不滅菓

日與筆架山相近

大明山隸臨川縣地名凌源係華蓋道場

佛嶺山距撫州城河東八十里地名地王寨

乃王郭二仙顯靈之地上山五里有桃花

院又上二里方登壇香火乃高僧所主又

名佛嶺

崇峯山隸金谿縣歸政鄉距縣北四十里乃

華蓋道場香火自興遠近加敬

棧州嶺隸金谿縣歸德鄉距縣南五十里亦

華蓋道場

華蓋堂隸宜黃縣待賢鄉上疎源距縣東南

六十里乃王郭道場舊額名南華山因江

西憲陶公遊其地易以今名親書額牌

刺桑重山距宜黃縣南四十里上有浮丘山

壇蓋當日王郭尋師之地近立觀曰招仙

香火甚盛俗訛為火莊云

石笋山隸宜黃縣西待賢鄉地名白土有院

在其下蓋三仙道場

覆龍山隸宜黃縣待賢鄉距縣東南四十里

係華蓋道場

西華山隸宜黃縣待賢鄉地名水口觀坑係

華蓋道場又一處在富州

寨華山隸宜黃縣仙桂鄉有觀曰棲靈係華

蓋道場

感應山在宜黃縣郭係華蓋顯靈之地傍有

器械廟

重華山隸崇賢鄉地名余溪亦華蓋道場

靈應山在樂安縣西北五里實華蓋三仙之

別殿每大早禱之必應邑人以靈應名之

又一處在崇仁唐陂

觀蓋山在樂安縣忠義鄉四都距縣五里亦

三仙行宮遠通祈禱無不感應

興國山隸樂安縣忠義鄉地名黃源嶺上有

華蓋祠宇

中華山隸樂安縣西二十里樂安鄉十四都

仙殿雖廢靈跡猶存內產瑞鑑鄉民祈禱

無不感應傍有雞籠山昔悟真譚五雷名

一明俗名渭字濟卿祈禱于上風雷大應

如再興山在樂安縣忠義鄉四都西華山

在忠義鄉三都見有仙壇俱係三仙香火

蟲蝗兩早官民朝仰

芙蓉山屬崇仁鄉地名函溪上山一十五里

似芙蓉之未敷以形得名頂上有仙巖巖

之下乃浮丘王郭葛諸仙道場山頂有

自然靈泉不溢不竭冬夏如一在縣南一

百里下有芙蓉院

靈峯山屬建昌南城之南六十里係華蓋道

場

佛容山隸南城宜黃二縣之界南北二庵皆

奉華山香火距麻姑山五十里

霧應山距佛容山二三里亦華仙壇所

標旗山隸南城太平鄉距縣北四十里係華

蓋道場

應祈山隸南城雅俗鄉距縣南三十里係華蓋道場

雲臺山隸新城縣北十五里係華蓋道場香

大茂著

蟬峯山隸新城縣藍田鄉二十五都係華蓋

道場次修

鵠仙山隸富州蓋王郭二仙道成以後侍師

浮丘跨黃鶴駐馬于此因以名焉自後樓

觀落成熏修益盛建殿鋤獲丹鼎銅鑑今

立觀曰廣福

升華山隸富州長樂鄉地名蔣山上有華蓋

殿宇下乃蘇山龍潭

龍門山隸富州平角陔稍近王郭經遊之地

青銅山隸南豐距城西五里恭上耆地名樂

坊上係三仙道場祈禱有應傍亦有楊梅

山相連

聖華山隸宜黃縣待賢鄉地名巖背俵坊係

華蓋道場頂有合抱古木

浮丘山屬潭州益陽距縣百里有觀曰凌虛

州府迎仙祈禱之地蓋浮丘鍊養之所

錦綉谷屬潭州寧鄉縣西四十里有浮丘市

市前有山謂之小廬山其下有鍊丹壇傍

有觀曰清修觀後乃浮丘修真之所地多

花木故曰錦綉谷名

紫蓋峯屬衡州南嶽高五千四百餘丈有紫

霞華籠之狀其形如蓋本謂之華蓋峯又

云小紫蓋者亦謂之華蓋峯也諸峯並朝

祝融如拱揖之狀獨此峯面南唐杜甫有

詩云祝融五峯尊峯峯迭低昂紫蓋獨不

朝爭長勢相望是也天氣澄明有雙鶴徊

翔其上有鶴鳴臺頂有仙人池西有紫蓋

院

洞巖山屬吉州吉水城東三十里觀曰宋陵

有王郭洞三仙巖其巖橫闊十餘丈高約

三十餘丈巖內有洞乃王郭鍊丹之地役

使鬼神建石輪藏石鼓石鐘石鏡石鹽

甍石龍隨狀能吐清泉四季長流不溢不

竭石出瀑布絕頂有三峯廬陵呼為小華

蓋

王仙師壇隸吉水州上有三跪膝痕蓋當日

王真君朝天之地屬修德鄉

中華山乃三真香火福地吉水州地名漁梁

距城十五里與東山王仙壇隣峯其山峻

峭披上有殿宇樓閣寮舍士庶朝仰紛無

及春秋尤感天燈無夕不見至於圓光亦

時出現靈響極著祈禱無不咸通或旱澇

蟲蝗民有疾疫州縣必祈禱于此山隨禱

隨應

芳華山隸吉水州地名虎溪亦三仙香火山

上有石洞中有雷神主司雨澤士庶祈福

感應如響昔有人夜醮壇上假宿其山夢

中為神拋擲山下而無所傷自後朝山者

竟不敢宿焉

南華山屬吉州廬陵縣山名薊城距縣五十

里其山三峯高聳二壇對峙皆三仙香火

朝山設醮靈感非一夜亦現天燈焉

佑華山屬廬陵距縣三十里地名橫溪因鄉

人請香火建祠於其山遂為巫者數輩據

其壇所一夕雷電交作擊巫死於山下旋

即雨霽今係天慶觀道士甘務敏在此山

初殿立觀請額曰延真至今香火日盛一日

萬華山昭福觀距贛城之西三十五里乃華蓋三仙福地朝仰輻輳殿閣道藏偉如也皆彭伯藥所立

兕山隸富州相距八十里係范脫山名玉成開山鼎建正殿法堂兩廊門廡開雲堂接待過往高士蒙教所賜名修真道院為額

華蓋山浮丘王郭三真君事實卷之四

華蓋山浮丘王郭三真君事實卷之五

沈道者傳

沈庭瑞五代南唐時人住筠州高安縣故吏部郎中彬之仲子也沈彬亦得仙李義楷神錄天性孤介形貌秀微初名有鄰南唐保大中棄妻入于

玉筍山梅仙觀精思院今名承天宮易名庭瑞性坦率嘗不由刺字直造縣宇前期吉州刺史到山戲之曰沈道者何日道成庭瑞應聲成

詩曰何須問我道成時武帝壇前自有期手捏藥苗人不識體含仙骨俗爭知書符解遣龍蛇走動印還教山嶽移時看玉皇飛詔下

參天鸞鶴自相隨每遇深山古洞或數日不返嚴寒風雪常單衣危坐或絕食經月或縱酒行歌綠峭壁升喬木若揀捺之狀骨肉相尋便却走避忘情混俗人莫之測嘗寄食閭

早山中作異俗筆筆盛夏向火同道者往往問其故終不答宋雍熙二年正月內於玉筍山先不食七日至上元日早晨辭道侶歸所居

院集仙亭讀人生幾何賦畢無病而終命其徒以度人經一卷土星畫像一軸為殉如其

言而葬之後二年二月二十日有閻阜山道士曾昭榮來自閻阜遇沈于葛仙壇會問所往云吾暫到廬山尋知己乃以前所藏經畫贈之別詩云南北東西事人間會也無昔曾遊玉筍今又返元都雲片隨天闊泉聲落石

孫丹霞人有約邀共煮葛蒲照瑩稿至玉筍話及方知沈已亡具途途中相遇出所留經畫及詩示人眾皆駭異即其籠而觀之見其土交橫拆裂傍有穴尺餘得片紙遺詩云虛勞營殞玉山前殞後那知已蛻蟬應是元神

歸洞府更無遺寔在黃泉靈臺已得修真訣塵世空留悟道篇堪嘆浮生今古事北叩山下草芊芊開塚而視惟有空棺耳

詹太初

詹太初字元祚武夷山冲佑觀道士宋熙寧中來灑掃華蓋山一日縣宰郭公峻請禱於山纜出邑太初即以詩迎謁云鶴報星郎入洞遊匆匆攜杖別浮丘崎嶇走出白雲路

踴躍來迎清政俟瑞氣遠浮山鳳喜朱衣高照野花香散邀朝旆歸蒞結紫笋黃精願少

留遂相友善且以丹砂療其痼疾幸歸語同  
宥有張縣尉欲觀聖境因往訪之行未數里  
太初亦先知之以詩謁于道周云梅仙隊仗  
訪蓬萊野史實錄欲款陪旗脚界開青嶂色  
馬蹄踏破白雲堆山川發秀森林林狹鶴聞  
風出洞隈應有真人相笑語仙翁果老喬孫  
來坐未交談有田婦過尉注目而意不在太  
初太初曰楚人沐猴而冠耳尉怒已失太初  
及登山問太初何在其徒對曰前日晝寢寤  
忽鳴鼓退去矣寤歸縣宰謂尉曰君行未久  
太初詣縣退職尉方悔悟然其退山退職及  
遇尉於塗中始信其非常流也

### 毛道人

毛道人失其名字不知何許人建炎間居華  
蓋山人為結庵於三峯之側冬夏單衣自種  
植以為糧多歷年所時人但呼毛公莫知敬  
重惟以癡癲待之口不談時事逢人輒笑一  
日至山巔語人曰明日去矣但往視其庵亦  
既焚蕪莫知其所惟藥臼存焉紹興甲寅元  
日至承天宮遇道士姚彥章授以銅印姚不

受笑而持去泊于官廳夜每扇戶常不寐朝  
而出外未嘗啟關凡三教文書無不成誦每  
遇神祠多所毀棄居民聚眾以辱之雖傷甚  
流血用水洗滌即無痕損好登高木以兩足  
倒懸枝梢嘗道過安城不度橋而入水者慮  
其溺死俄而登岸衣不濡後嘗題詩於南陽  
養素庵云仁者從來好樂山樂山宜隱向深  
灣包藏避世慕高潔浣濯靈臺養素關杜老  
每思千廣履虛全惟愛數茅間卷舒遂作忘  
機客榮辱窮通事莫關若隱於此自是不復  
見矣

### 饒處士

饒洞天撫州臨川人初為縣吏後夢神人曰  
汝用心公平執法嚴正名已動天矣夢覺而  
悟遂以洞天華蓋山夜見上升壇前五色寶  
光上衝霄漢尋光掘地遂獲金函一枚開視  
有玉篆仙經題曰天心經正法處士遂獲靈  
文莫知其妙居常隱形精思感徹一羽人謂  
曰子宜見譚先生名紫霄可以師焉自茲數  
年尋歷獲遇先生於南豐既蒙教導頓悟玄

理仍攜處士謁見東嶽帝君帝曰奉三仙道  
旨令授子寶印陰兵處士受已再歷諸塗制  
命陰魔滅凶妖祈禳水旱嘯命風雷役神  
使靈救人利物於是四方慕道者凡數百人  
從游一日率諸弟子登華蓋之巔授以至道  
而誓曰護氣希言絕利聲色立功為上謝過  
次之救人疾病災荒水旱為上功忠孝和順  
仁信為本行此者道合陰陽雖未拜太上  
亦居仙矣又曰今名綠竹峯真仙之會予被  
召不可留也揮手別諸弟子鼓風揚塵行及  
奔馬倏尔不知所之自茲正法流傳矣

### 感應朝山求藥

丞相張無盡作青城山丈人觀記云洞府之  
深則神可修而凡可度草木之靈則壽可延  
而疾可愈今華蓋山之左右前後一草一木  
烹而飲之可以療病考驗古今信有之矣每  
日三峯朝拜紛集未必全是賽願其間多有  
苦於疾痛叩仙求藥者無不應焉凡欲求之  
必先章醮或誦經疏建大勝緣其或無力者  
祇許朝拜亦可卜之杯筮或就西北之境或

許東南之隅隨地採之悉是妙藥者則香氣噴馥飲則疾痛頓除長剪深鋤連根和葉不問其名一發收取藥草入手又須卜熟或以酒煮或以水煎疾安之時當仰謝悃凡求藥歸家置于淨堂大仙案上以香供之始免淨器煮馬要須過熟至誠遠望絕頂叩齒服之亦宜齋潔無不效驗前後顯應奚啻千萬今環山別有天然妙藥所恨不盡識其名今書所聞無慮數件敬錄于後

半夏 草烏 桔梗 山茵陳 黃精

龍鬚草

細辛

牛膝

鬼白

邑有羅撫幹彬無嗣日夕默禱華蓋朔望就昭清醮奏種種祈叩希賜夢應至紹興辛未忽夢紫衣道士一人以李子三枚相惠其間一枚稍壞次日詣華蓋謝夢此想是三子也次年果生一子至甲戌年又生一子後再生一子名煒者雖長入學然不免夭亡果應一李朽壞之夢仙之夢應靈感如此

化將官齋以遺兵士觸穢

紹興末國朝招軍一日有將統領新招萬弩

營兵二百餘人入昭清華蓋壇上宿穢汗糞狼藉不可具道至夜將領忽夢道士三人自雲中現求齋將領遂拜禮云某在此目今未備可少候再拜已而忽失道士次日早具以所夢白聞師長知觀元道行同入殿燒香則觀塑像儼然似夢中所見者將領深自思省此大仙非求齋也想軍兵觸穢多矣上真欲其潔齋亦潔之義也再拜旋即起軍不得住此將官亦可謂有敬信者矣

樵者獲紫玄洞下仙書

華蓋紫玄洞下一日有樵者姓盧因至其處採藤草愈竟愈有不覺行至一洞見有石兀牀榻几案備足案上香鑪一所餘香噴馥傍有經書數卷其正中一卷方看及半樵者瞻敬已而收書歸家莫辨其旨乃與鄰居姓黃之家出示其書不可識因藏留迄今猶存其本元取六卷歸後盧樵夜夢道士來取遂還五卷仍留一卷今在黃僕家收掌每遇祈禱叩之隨應去玉亭觀八九里之間福此一坊民感賴焉

郭真君化身湖北救人難病

乾道間湖北有一土豪家資巨萬宅染時疾一日忽有道人登門教化僕拙手指曰道人你去無所有主人全家不安道人曰是何疾苦僕答曰時行瘟疫道人曰我能咒水使病即安僕曰果如此主人看道人要什麼如命供應且候我歸報覆主人纔聞喜不自勝遣僕傳語留坐隨即汲水與道人呪勅道人得水吸入口內盪漱數四然後委僕急將入與主人公喫自大至小每人飲之所病當愈不俟終日僕將水入主人叩齒飲之周旋合家所患清涼頓覺強健旋即使僕重重傳語道人未嘗道人高姓道人曰予姓郭問所居何處曰子居撫州崇仁縣地名何處曰在華蓋山下草庵主人知其姓氏居止急令安頓門下炊飯打麩以待直欲款留遂言予適過此知宅中有火故來拯救病既安予已約一道友前之名山不克久駐主人曰可住寒家雖一年二載亦不為多何故便去道人曰我一二日間便轉來不須見慮挽留不住而去主

人候之累日彌月積年終不見返於是遣人備信物厚幣齋到山下徧尋郭道人庵經日無有樵夫鄉老喚之曰此山下素無郭道人庵豈非山上郭真君顯化如此汝當速齋香紙重作醮謝其人如所言登山謝之回至邑中胡家店安下徧告知識嗟乎真仙化身靈感昭著如此

### 華蓋巖發戒劉廚祿靈

乾道末五月中旬宜黃縣之附郭三四里有巖曰華仙觀名元寶本王郭顯應之地巖實奇怪石梁橫亘上下遠近弗有是為美觀是月觀修雷齋有劉廚者平日慢易於仙佛略不信之是夕寂于三仙閣仙本在絕頂因修殿移在閣中劉廚祿露無所忌憚便旋之類就閣簷而下殊無避忌良久忽覺有路自閣而下劉隨路往焉遂至竹山之間前進不得方知落在草莽長聲求救眾人啟關視之但見赤體在竹山之下問之但云急救眾人披榛踐棘揭劉至上平處移時神定方語及云初小遣之際便見有路可行因而乘便下去

但見竹山四圍目前黑黯所以方覺大聲求救始知得罪於王郭二仙而仙真慈悲使不致大傷但願其過而昭其靈聞者莫不心怖如畏

### 夢華蓋真仙衣袂冕服

淳熙己亥二月一日正王郭冲舉之日元樞奠香茶焚香疏至夜於二鼓後忽夢在本觀陛殿之際遠見華蓋三應真君相貌端嚴儼如平昔及觀首飾則各垂旒冕以至木裳幃帳望之偉如也傍觀兩隅則星位羣仙各衣凡衣鮮艷殊異方讚嘆禮禮遜尔夢覺元樞細思此事若以意想而成則華蓋不應有旒冕之服今切想三真仙奉上帝錫命恐人世未知故以夢示元樞使喻及信敬者如浮丘功行昭著為列仙之冠然王郭真君恐又非江南主者之任當別有爵封權柄今錄于此姑俟賢士或濟夢感而暗合則此疑可釋矣

### 山南老人應王家求嗣

饒州有王省幹因朝華蓋到邑與元樞邂逅語及華山景物王遠云吾師曾聞山南老人

否其應云不知君何故言此渠云予前身是也其遂問其故曰先君無嗣徧禱弗應訪諸老宿云君欲繼承不遠千里求華蓋方可遂齋潔登程累日始到絕頂命黃冠建醮焚詞許每歲一朝俟有子則大作勝事以酬仙贖

迨至第三載宿山之夜忽夢道士三人相揖曰謝汝遠來汝本無子今遣山南老人與汝為嗣言訖夢覺擁被而已詳味其意喜甚不俟天曉與潔陞殿百拜以謝歸日妻遂懷喜月滿果生一子自後齋信就山修造建醮謝恩每歲不缺至其長成又攜某同往朝拜自後只某獨來某見今有子五人荷仙之賜曷勝報稱于親聞其說故敬書矣

### 羣仙專諫浮立坐次

紹興間邑之善友望巴山四仙華山三仙五隆十二仙像工畢擇日詣巴山安奉本寺為巴仙而設羣仙附焉一日登山列位敬以梅樂鄧葉居正位傍分諸位循次而座方定炷香起立禮文致醮之初遽爾風雨交作雷電震耀眾皆不安燈燭明滅不容致敬咸謂怒

有觸犯會之杯笑母不之答以至近焉遠慮  
析叩弗應至於再四內一尊宿越班而告仙  
曰豈非梅樂鄰葉西山羣仙而以教主華蓋  
浮丘超應真君置于座末為之不安羣仙有  
尊讓請居正中之位蓋是此事則願求吉卦

言訖一擲獲吉衆皆擲地驚嘆仙凡意向旋  
即移浮丘居中梅樂鄰葉左右分座其次許  
吳王郭班序羅列已而再祝曰如是仙位已  
定告乞風息雨止庶幾衆信安逸無致畏懼  
勝緣克就皆仙之賜須臾霹靂一聲雲收霧  
捲星河耿耿聲韻揚揚異香襲人誠畫俗格  
遂獲既事

檀香華蓋金像記

檀香金像象華蓋三仙真君故知郡熊公故  
事公諱溥字博文政和中因處上庠晨夕景  
仰既第司錄容州郡有火災風勢狂急公具  
冠裳再拜像現空中斯須頓息宰建德方寇  
搶攘公齋冥禱竟克於難守海康公素以家  
山仙跡勝遊施之奉仙昭清觀基焉遂像奉  
香火于木觀像飾麗潔備極精巧嘗有偷兒

利其直夜規取之靈響震懼而復還時亦  
嗟異元繼素聞其事念欲鑿石以傳不朽一  
日會能公諸孫言及後得表兄禮州教授吳  
君琮作記復以聖像刻碑傳諸四方誠奇事  
焉

真仙降附童子

本色將仕郎吳經昨傳授上清秘法於紹興  
丁丑中秋詣山朝拜忽真仙附降童子據案  
而坐言語異常須臾索紙筆書云三峯峭拔  
萬仞聳空洞天本寂吾處其中仍跋云中秋  
之夜吾會正一真人鄧葉二公下赴汝家回  
眸少頃跪領仙翰嗟嘆無已已晚宿于仙壇  
乃周回四顧眺望聖境因思巴山有圓光亭  
居於壇側今茲勝地尚闕此亭殊未滿意儻  
真仙報應令經建造即當遵從是夜監山道  
士江若冲密禱真仙欲求仙旨令經建造符  
水亭經初不知其端翌日拜辭壇下遽蒙真  
仙再附童子勸作符水圓光亭經當思圓光  
亭乃經所願今添符水亭未審仙意江若冲  
方言此意乃若冲默禱併蒙感格也經即領

仙自於戊寅中元建造迨至落成時方中秋  
敬往表懺又蒙童子報應許現圓光翌日午  
間遽見紫玄洞中烈風颯然雲霧交集暴雨  
隨至少頃洞中擁出五色仙橋遠跨橋仙觀  
踰時乃收經感仙意厚遂再命工鑄鍾一口  
以序本末未鎮靈壇迄今見存可考

誦華蓋真君聖號免溺死

華蓋山下地名辟富有陳四客鄉人呼為老  
四郎其家祀仙甚謹長子往高郵軍作商舟  
行溺水其餘皆死獨其子急呼大仙聖號抱  
桅竿順流一日一夜不知所在近泊蘆林有  
二老人棹一小舟來救扶擗上岸以火燎甍  
餉以糜粥近二三日稍覺輕健二老舟中略  
無所有又以餘糧相遺囑別云此去猶有三  
五程未有人家望此前行必達所在渠休所  
言前進果逢徑而歸其家以為已死備孝禮  
終七齋僧方罷但見羸形狼狽及門舉家皆  
疑以為鬼物久之方信始詢其故乃云臨危  
之際以念華蓋浮丘三仙聖號求救之功得  
以再活



措逐合家望大浮山告華蓋三仙求救許醮拜山告訴哀切忽然山裂上住一家全活迨今其拆猶在此事顯應尤著考先定近半里有張邦昌者其家同日遭山啖壓死者半噫亦先告仙者獲福如此邦昌未告者獲禍如此世之人安得不嚴事於仙真乎

吳一鷄夢授法書

淳熙壬寅歲九月二十六日甲子天將欲明時吳君一鷄夢在華蓋山崇仙觀相似坐於三層背背竹林之上俄覩其山江道士看山谷褊衣來訪吾遂牽接上竹林上相對作揖叙話問忽在一樓上江師不見別有二道士內着紫一人長髯道貌紫色清癯其次一人不肥不長雍容濟楚各執得一卷紙寫文字與吾相揖吾稽首叩頭問手中何文道士曰是法書吾為借看既得即入袖中却堅為求覓一人相允內紫衣長髯者有怒意取來取索吾遂與爭吾分明記是夢中然心下說只要入我袖中雖夢覺亦得其相允者遂勸得紫衣道士下樓去吾傍有一人着早短小

身材數令吾急開籠收藏法書不久叫得一人似地客黃權來開籠却收訖夢覺正在追思所夢良久又睡着復夢前去樓上二道士再上來吾高聲叫本師適問謝法書跪拜不記數目紫衣方有笑容吾跪前進言所賜法書其間無訣節切望教誨紫衣云待我取來看就腰間小袋子取出數片黑石相似長纒寸許約大半寸拋從卓子肱上過變成小劍十數次為之其劍漸長約近四寸吾心中自說想是飛劍之法道士將劍看了再拋過化成一活魚約長三寸提在手中青綠色紋絡如綉頭尾鱗甲分明隔鱗照見腸肚運動道士纔看地上忽湧出泉如池闊一尺餘放魚在內遊戲良久化為一禽其大如鵠眉目分明衣毛如錦綠白相間兩頭兩身前後相重飛向吾頂上盤旋吾自思此神仙相試不要震懼忽飛上左臂稍久紫衣云來不要驚他鵠立地上傍有小盆內貯麻子紫衣云尋常多費糧食此是天樞院討來吾為求少許紫衣云不可吾再三求覓遂微笑曰你也會

得些子將葫蘆來傾得一粒如大麻子安在吾手中傍又一道士手托得有小青圓子如針頭大將手指撥數和麻子共得十一粒吾云被地神收却些子道士微笑吾纔轉身有一道士在後亦喚小青圓吾亦為乞得二十餘粒併先所得將拋入口中覺有二三粒稍大用力嚥下約又有二三四粒落地吾中心說此是仙藥我既喫了必有仙分不勝歡喜便拜謝三道士其二道士同下巖穴中去吾兩手扶捉石上懸頭窺覷却見二道士在睡牀說話吾自思不可去恐被失或致觸犯尚有紫衣長髯道士在先拜處睡吾忽自覺悟此是華蓋浮丘王郭三真君低頭便拜近前說今日得遇真仙願求濟世之術尋常行法救人符水無靈願求教誨紫衣云汝何苦要法靈吾云為見世人多被邪祟侵害枉傷性命誓願救人正再拜求教問忽不夢覺喉中丹藥猶若哽然其日甲子吉邑之善友借法院朝禮真聖吾遂拜疏略言得意請三仙就法院崇奉願求護助俾道法靈願至二十七

誦聖號免山崩壓死

山近地名七富有一鄉民偶忘姓氏累世奉祀三仙紹聖間忽然山崩俗諺謂之山嘯所居前後左右同時崩摧一家同聲誦大仙聖號求救四簷之外盡為深坑獨一家如在高臺之上更無餘地因以全活自後遷墓其地亦壞

村僕喫肉登山獲警戒

曹坪陳早慎明乾道間春月治壘朝山隔宿叮囑佃賓二十餘人準備肩輿行李等類凡預在行者無不齋戒內獨有鄒牙推兒其日渠家買豬頭煮食欲熟父云兒係陳都巡宅帶汝上山不可喫肉其子云上山自是木主干我甚事咀嚼之後却隨例登山醮奏罷歸至中途忽爾不見當陳早云想此僕隨後必來夫何抵夜未到次早使人上山尋邏到血木凹下忽見笠子一箇微有小徑下至半嶺又見頭巾一枚久之又見行李在焉更無損動却以別僕拈歸徧尋其人忽在山北地名至晚坑側獲懸三門前虛空縛起立地不記

人事迫晚擬歸以火炙醒次日方能言語問之云約到半山忽見四人着緋力士扯揭而下不知到此旋即再許願首雪乞赦原方得甦醒如此警戒

華蓋山浮丘王郭三真君事實卷之五

華蓋山浮丘王郭三真君事實卷之六

大仙遣雷治凶徒

淳熙初廬陵僻遠村落兩家兄弟六人上山朝拜至山頂日方亭午遂問山主此中有頭柱石山主曰此勝境也去天咫尺安得動輒其人說我起來途中未嘗斷此如昨日住宿處亦殺犬一隻今此既無且喫素飯朝拜既畢至晚又不肯就庵下宿卧必要居仙殿正壇下約一更盡庵下忽聞一人長聲叫救山主秉燭登壇照見五人盡雷火所傷不省人事內一人雖被火稍省人事發言求救云是盡被雷火燒打扛擗下庵中仍結許願懇求宸首悔內四人頓活兩人為首者身體俱冷但心頭微溫而不能言迨天明顧夫扛下至二三程許二首者俱死四人無恙自後凶徒皆知畏敬凡上山者無不齋戒焉

告仙免壓死

大浮山下有彥先者偶遺其姪於宋淳熙己亥年五月五日屋後忽然有聲急看乃是山崩其勢必壓倒舉家人口皆斃死地倉惶無

日書記其事自復吾符水昭應勝於前日因詣華蓋山請三仙像歸及裝修訖其夜又夢紫衣長髯并二道士到其家堂前吾禮拜之際遂忽夢覺一日元樞到吾家偶序及予近傳得華蓋九一上清法一部俟早晚奉傳吾歷歷言及前事元樞且驚由此以思則知三真顯著謬人不倦接引方來未見有如此者

朝山母病頓安

紹興戊寅間章元樞兄梅為老母吳氏染疾危篤徧禱弗應遂齋戒朝華蓋數日當還夫何未至一日偶問達仙遂沐三真仙子下降老母今炷香叩兄歸期及所患安否仙運箕賜詩云華峯高頂截雲衛曾覩真仙鍊藥鏹此境不應容易到歸來百病自蠲除朔日兄至母病頓安自後老母獲享眉壽俾兄梅等以全兩陔之養皆仙賜焉

賈氏還魂言冥間事

淳熙甲辰四月二十八日郎官姪吳墳彥和妻賈氏午間無疾暴死一時不醒人事渾身盡冷親屬環視無救賈氏遽然眼微開似有

所言遂問其故云有三婦人邀去前港邊看大水忽見墳母云冠子碎教歸家中無人看顧母與鄰人程節叙送歸良久復見墳父及項祖着卑衫紫襪子祖叫賈氏云小仔我要歸來奉你夫妻老賈氏問阿翁你已老如何養我夫妻老祖但笑以荅之又云百五十郎家周保是我後來不住他家要歸來你家後屈指云我今數日子要歸來賈氏却問阿翁歸在何日云只假天符牒下便歸但你是新婦消我不得尚有半月十日病復云我日遂在昭清仙亭上我多時要歸只又為你家無飯與我喫亦無衣裳又云我有一宅屋四井鐵三條街一口塘歸來賈氏又見一判官執簿示言你夫本分兩平莫愁前頭尚有快活處又云你夫捨錢百足在東嶽但得六十功果列在第七行簿上賈氏問如何只得六十判官云幽冥之情休問賈氏言畢乃甦再三問前所言云皆不知徐與水喫方始脫然甦醒至黃昏賈氏復云我似有不好處可急救我言訖如前死去約一時久方甦言見有人

在門首叫我索送鞋錢久而無人供應却見三人入來在牀前一着紫一人着綠一人着白紫衣者令賈氏問墳三八娘二十貫文如何不要又問劉家有許多錢許多田如何不要墳叩頭荅云畏天畏罪福他人之物不敢要紫衣云此二事但是試你却別指一室錢米與賈氏看云是你夫底良久高鎖訖將鑰匙三箇與賈氏收在其家卓子上其紫衣二人復與賈氏說我是東嶽善惡二判官你十座星辰倒却八座只得兩座及得一位傍照更得你夫星辰救及你阿翁歸來所以你未着去不是如此你多時去少頃紫衣持簿於家中卓子上執筆抄錄簿上皆黑小字賈氏認不得但認得朱書心好二大字復示賈氏云你夫心好我明日去奏言畢而去其家如前與賈氏水喫後復甦再四問之皆云不知吳墳乃於五月一日早備香紙入東嶽聖帝前謝過及善惡司謝罪出獄門見兄城次陽問其故墳舉實以告兄云汝祖奉華蓋香火甚謹扣之響音答肯就經遊之地建立大

殿裝塑三仙聖像名昭清觀最為傾邑偉觀以至堂室門廡常住田產皆汝祖施今汝祖言日遂在昭清觀仙亭上者此其所施功果報應顯然想實數已足再來出世汝可再往彼昭告頃領兄之言次日徑往昭清誦經追薦至五月二十二日天明賈氏生下一兒二十三日夜賈氏忽夢一紫衣長髯道士仗劍入家中來貼符呪水賈氏夢中問道士朝日來此何有閑錢與你道士云不是要錢我昨日送一眷屬來你知得否你不要罵他更宜愛惜至六月十五日鄰家買羊肉與賈氏喫賈氏其夜又夢昭清觀主人來云不要將羊肉汁污壞小兒口言畢而去至六月二十九日夜賈氏夢中見三人道士一人來二人坐花瓶上一紫衣道士直入卧内云我是華蓋二仙來看你小兒兩夜夜啼從今夜去不啼也覺來果然頭止子切觀此段浮丘玉郭真君經遊顯跡化人昭著此深為建殿立像施田行善長者之勸故書之

華蓋碎邪靈符應驗

辟邪靈符予自纂集鏤板散施後往往感應十有八九乃一日有黃秀才名彬請一本歸供養置于廳事門上邂逅其妻招一鄰婦同入後園下梅子歸家忽然頭目眩暈身體壯熱似染邪祟至夜遂夢兩人來門外廳下丐飯喫其妻不允旁有人助云何不进去討其人指門上符云不敢入妻當云你出門外立待我討些與你喫言訖夢覺次日彬入園方悟舊有古墓二所因備飯祭之旋即頓愈由此而思符之有靈端不誣矣

浮丘真君治龍源山頂水恠及靈跡

龍源山屬崇邑正南初來山頂有水恠春夏間嘗為水患浮丘初至江南由軍山道過斯境見山奇水秀因遊覽焉且知恠之為患也遂以鍾覆之曰是後求不得為民害即今之沸湖是也湖自覆鍾之後其水常沸歲久愚民無知利其鍾之直遂計而取之然愈掘愈陷卒不可得頃有流民由此而婦人於其地產馬往往汚觸其沸遂止若欲修湖則必叩仙而往否則有水災又多峰巒山有錢倉乃

真君役地神歸錢以濟貧困者昔有樵夫至其地窺見石開其內錢不可較仍有錢三百餘散在地其人計無以將之又慮人知乃以餘者歸而圖夜以取焉因以土石封記及再來則石已合矣歸夢道士語之曰此乃吾賑貧之物不可妄得餘金酬汝封倉尔山上有石室禱祈則雲物出焉或現圓像則霧自此出霧既交則就中現光其色有五或跨橋如虹直指華峯其出無定西有龍潭歲旱則禱山投龍甘雨如澍其下懸崖壁立蒲針茸茸泉石相映誠為異觀壇側有石牛天成呼曰藥井汲之雖淺用之不竭浮丘曾於此棲神以法濟衆宋紹興中羽人嘗於殿基獲石法器乃今之法水盂也而瓦已化為土矣中有沸湖二字是已踰千載其間興廢亦屢矣大抵神護威嚴小有所觸則風雷震動擊擗隨之紹興間逸人羅公璋同道士鄒從周立仙像焉落成之夕圖像有三橋光燈炬燭天如舡如橋異香四襲自夜達旦羅公感之故謝疏中有云瑞相圓明式顯靈常之道祥光炳

耀莫窮變化之神瞻敬有歸歡什何極千載之微風復振三仙之故址重輝後有以穢觸之者復有天灾亦上聖除舊布新之意也紹熙辛亥羽流黃宗一糾眾新之至七夕當里士人羅公無逸時同邑人黃秉黃震爰羅斗南方米開野步忽見天燈三炬自山焦而上至夜半登書樓觀之則幾百餘矣是後間出然止於三五或十餘而已昨以禱祠不恭而兩為雷驚俗咸畏而莫之輯至庚申羅公與黃道士叩仙而修馬尊像祠宇於是備矣告成之際金燈時現祥光盛出人亦為常而不之異至是歲六月復修行道像以為迎請之用其像實寔川道士鄒林御所捨也至二十三日日中圓象忽現其光尤大於常時是山高與華山幾齊而復與對峯絕頂仍有甘泉茂林脩竹桃李間錯焉其四小崖石有文盡成冰波之狀有大小石門因神仙冲舉以劍揮之關路取道昔有軍眾過此推倒一角陰責而死者三百人世謂唐杜甫師得道之地也鍊丹壇井及遺跡俱存

### 朝山禱雨

華蓋居常朝拜成無虛日隆冬盛夏雲霧翳然蓋其常也絕頂之上寒燠不時有虔禱者旋掃陰霾即騰馭項平淨薌具城為親徵福許朝仙峯已而協願詣山謝焉連日阻雨就旅次炷香遙望三真以祈晴霽次日果如所禱往返安逸因哦詩紀其事云決句凍雨路成泥那更漫天雲霧飛多謝真風盪陰翳萬峯頂上湧晴輝感應可見矣凡登正壇若織雲不起千里可觀古今名賢長篇秀句題誅山間使覽者含英咀華深有珍珠高峯異景無所逃焉

### 孫尚書朝山感應

孫尚書魏南達次臨川轅廬陵道聞盜掠高安新淦之間少留崇邑仙遊山道祠款久偶有微恙因奉香火陞殿再拜以丐靈響且約俟安步登絕頂以荅真貺已而悉如祈禱一旦齋潔不憚險阻敬陟雲巘頓忘疲倦若履平地章疏纒終徧覽勝槩因留詠云煙蘿茂密可躋攀不假籃輿已到山送曉鳥聲青嶂

外乞靈人在白雲間亭前空想驚駭跡洞口猶存薜蘿斑異日丹砂如換骨乘風尚可訪金關

陳檢法母虞宜人病夢三真授銅筋即愈建實殿

華蓋寶山於寶祐戊午春因野火延燒殿宇道院盡為煨燼片瓦不留雖草創以蔽風雨殊失舊觀景定庚申仲春寶唐寓貴陳帥之子檢法諱同祖聞邊事警急挈家居于古嶺莊其母宜人虞氏宿有氣疾因憂時警病勢愈重倉皇莫措時檢法恭詣仙壇叩乞聖水救療服餌之餘病中恍見道士三人衣彩衣乘彩雲冉冉降于莊舍中有道士美鬚豐頰至于庭次授虞氏銅筋一雙曰宜人為疾所苦今授此筋當即平善無憂矣言訖揖去虞氏便覺身輕其疾患即愈但聞異香芬馥襲人虞氏乃命合室具告前言莫有曉者越十有三日虞氏與其子登山謝水既陞殿拈香仰視三真曰前者病中所見即此仙也於是大設醮筵謝恩而退旋復命工建立實殿名

牌聖素鍾鼓為之一新以答聖貺焉

廬陵周顯述三真靈異

廬陵周顯於寶祐戊午年間家人有嫌懷懼而有事顯欲出將行越趨發心敬禱三真是夜夢二羽衣在顯家修醮顯對羽衣言顯有事不暇相陪欲出外幹事如何其羽衣答言汝莫妨公幹但有事吾二人自為理會夢覺數日收家信報生童男生產甚艱又於景定庚申合家為疥癩所楚未免一與禱三真復蒙梓鼓之應又至咸淳乙丑春仲男文慶文

貴在家相繼患豆疹之疾數日不食不起全家有憂色顯焚香遙叩三真祈男所患無諸難事隨即長男文慶夢道士三人來家令男將手診視視畢言其病不妨男乃夢覺言罷未幾復夢前道士再來診視用藥而去不數日間飲食無阻收沒淨盡兩男遂獲更生謹刊板施于紫玄洞上以廣其傳用答恩貺

縣司迎華蓋真仙禱雨

淳熙壬寅仲夏越月焦涸民情駭悸宰趙公宜中率僚佐士庶迎三真像建齋于玉清殿

獲甘雨連日四野沾溉於十九日瑞光燭天者再雲雨晦冥非虹非電萬目奪視到七月一日邑人共建大醮初獻焚詞罷霽霈共作至四更乃止是歲果獲有年

華蓋山浮丘王郭三真君事實卷之六

唐葉真人傳序

道家以清淨虛無為宗仙家以導引修煉為法秦皇漢武嘗求神仙矣求而不得則曰天下豈有仙人哉蓋妖妄矣嗟夫神變無方希夷莫測弊屣功名泥塗軒冕是豈多慾之君所能屈耶余出守括蒼有表兄張君道統為冲真羽士一日訪余出示葉天師傳觀其邀致神人際遇仙客皆平生精鍊修習仙風道骨夙與神會故能感遇契合如此之易亦其孝於親忠於君有以動天地感鬼神位在上卿足以鞭風駕霆膺天爵之榮豈區區人爵之所能浼哉今仙化幾千年矣祈晴禱雨澤及生民報應如響故宜受享祀香火綿綿亘萬古而不窮者矣淳祐庚子春松齋馬元祖序



形勢悉備歎曰斯可藏矣遂薨焉真人曰不遇名師將何度世是時歲方十三從括蒼山入天台四明金華會稽涉江浙北入天柱天目姑蘇洞庭句曲衡山霍山南遊劔水登赤城至羅浮等處凡名山勝地自江漢之南無不經歷尋詣豫章萬法師求鍊丹辟穀導引胎息之法但熊經鳥申吐故納新食松朮無禁於世年十五中毒殆死又見青童曰句曲仙人天台茅君飛印相教言畢印至印其腹良久豁如遠訪茅君相遇岳骨上起目瞳正方微笑曰爾來乎汝名已登仙格身逢魔試故相救而免當以輔人弼教為意由是於青城趙元陽受遁甲步玄之術嵩高章善俊傳八史雲躡之道後入蒙山訪求隱術於是山路遇一羽士問曰子何往真人曰欲求師學道羽士曰余亦學道幸得相遇於此我欲暫往他處有小衣幘君為守之真人曰諾羽士遂去經數日復來曰子真長者願以仙書一卷神劔一口相報遂開幘取贈授之羽士告別且曰子但持此按行爾後景界漸來預

知善惡又合鍊神丹置壇起龜經法數年思存靈應十月上甲夜半焚香願念忽聞空中鳴鍾擊磬管絃簫瑟之音起而視之俄頃見騎從滿室內有三神人各長八尺餘容貌異常衣雲錦之衣戴通天冠真人俯伏虔請神人曰汝但復坐勿恐太上遣吾喻汝汝合得道蓋昔是太極紫微左官仙翁領校簿書錄諸仙及天下得道之士名字增年減算一月三奏緣汝失謹曾於休暇之日遊乎八荒因茲降下人世更修功累德行滿之日當復汝仙位今汝行三五盟威正一之法誅斬魑魅妖魔救護羣品惠施貧乏代天行理但以陰德為先不須別有負告吾有秘法欲相傳授須清齋三日無使世人知受吾口訣不得文字相付恐傳非人輕泄帝旨罪延七祖不得上升即以符劔封印授之又一神人曰卿今退真下生人世宜廣建功德更受五嶽符圖天皇大字及三一真經黃庭策書八景素書步躡置紀秘密微妙但是三洞上清上法上真須精進修習晨夕無替及長存五千文統

理人道明察天地勿致輕泄道當自成又一神人曰至道微妙非此能言要當守一屏去驕淫每以鳴鍾擊鼓調理三關導引吐納服內外丹常挹存日月開閉門戶朝修太上則當朱光潛照無英白元自來守護黃老書功成行滿必當升舉汝受此言修行不倦後期欲至即於許氏旌陽君宅北山峯重復相見真人俯伏謝曰某行微德薄不悟天真枉垂靈駕非意所及恭承教旨精意奉行再拜奉辭神人騰空而去由是潛行陰德濟度死生及會稽理病屢會起死復於揚州以劔開長史夫人之腹取病以示人夫人當時病差如故凡開腸易胃破腹剪形一無損壞亦無痛楚拭目洗睛出安紙上除去膜翳後納於中全不驚動自明如故人強與錢則乞諸貧病其有狂邪淫祀為灾害者行履所及並皆誅戮名聞遠近並皆知之徵召至于再三控辭不允勉赴闕度高宗皇帝見之不使設以臣禮湛然示寂一無所言但喘息而已上曰卿病耶曰臣病在市朝療在山林願從退隱



上曰此逸人耳詔為上卿真人力辭不拜曰臣願出家請為道士帝乃從之度於景龍觀多留內庭問以道法窮盡源與吉凶臧否皆預知之言無不中黑闥作亂主上憂惶莫知所計問真人曰何以禳救荅曰此小寇無足為憂遂以符法勅天兵數萬翳空而來甲刃交馳擊賊奔走帝曰功衛社稷師之力也屢有寵錫真人辭而不受曰是天道神功在臣何與時有中書侍郎女以狐魅為祟顛狂獨厥思語神譎女每見一僧乘青驃來至其病遂作奉勅命師為治真人欲示神變謂侍郎曰貧道辟穀日久疲羸無力希一飽飯當即為治侍郎即遣家人具蔬飯真人一飯一斛麪三碩瓜果實莫以數計見者皆驚尚云未飽未作法問僧乘驃而至瞻視真人遂即却走真人叱吏兵擒繫女遂知發聲大哭真人大叱一聲僧變成狐驃乃化狗訊問曰家在城南古墓中遂往掘視得狐百許金銀羅綺狼藉其內因得素書三卷野狐名目宗譜等官位名諱真人繼書符契之狐類悉皆屏

滅由是之後城內病者盡差帝及皇后諸王公主朝士以下親受道法百官子弟京城及諸州道士從真人受經法者前後計數千餘人王公布施塞道盈衢隨其所得捨入觀宇修飾尊像及救困窮每日炊十餘碩以供貧病來者悉無選擇真人常懷直諫匡保社稷之心高宗欲登封告成駕幸中嶽忽疫疾流行危從者多病死奉勅命令治真人一誦呪訣疫癘消殄垂死者並皆得甦特旨授殿中監真人復辭不受當時有供奉明正諫每使真官上天曹檢事須臾之間來報善惡未嘗失期帝令師密切厭之及問正諫都無所知數日云使不來上令尊師解之正諫曰云被葉尊師遣向天門把捉不得通上又令密鑿地為坎使樂人入坎鼓樂謂師曰地中無故有音聲請師厭禳真人書符四道釘之於地音聲便斷仍使日責地中樂人何不作樂報云見四方有蛇各如柱大張口向人欲噬驚懼故不敢動時值早暎命真人向河祈雨曰各齋雨衣及繖蓋相隨人未之信禱祈繞

畢雨遂霽雲人馬衣冠盡濕一日請帝暫離寢避灾初不信真人力言之方移畢風雨雷電霹靂當帝寢處直下震地甲帳為之碎帝驚悸不已其餘應驗事多不載真人雖出入形闈佐時輔國而韜時匿跡和光同塵心存仙道志慕騰舉欲還山帝乃許焉歸至茅山姑蘇洞庭天目天台括蒼等處往來於茅山修真鍊丹朝謁無虧忽五月一日老叟詣門號泣求救真人引而問之曰某東海龍也上帝勅主八海之寶一千年一更其任無過失者超登列仙某已九百七十年矣微勳將就有婆羅門者逞其幻法於海畔日夜禁呪積二十年其法將驗海水如雲捲上天畔五月五日海將涸馮統天鎮海之寶必為幻僧所取某今哀求救援真人許之至五日午時勅丹符飛往海水復舊胡僧愧歎赴海而死來日老叟輩珍奇寶物來報真人辭謝不受因曰此山峯去水且遠但得一泉即為惠也是日風雨及明山館之側有一泓清泉白石渠出經早不竭今謂之天師渠

天台之東集

俗盡皆傍溪竟之七日後忽見從舊遊處出曰汝等必懼耶我暫共河伯遊遂來值數仙人宴會留頃刻間虞子憂之故來未令米然也遂入天台尋司馬練師訪不死之福庭去桐栢入靈墟謂司馬練師曰陰落落之長松藉莫莫之鐵卓今日是也又登華頂望海云蓬萊去此不遠與子當復應歸仗司馬練師負琴真人撫劍而過石橋臨青谿萬仞臨危復險撫壁立之翠屏又何懼焉歲辛丑則天皇后徵真人投龍採藥瀉橋名山大川風軒飄飄駟騎絡繹後中宗皇帝在位武三思尚秉國權時多信讖說真人從容累諫忤旨貶之嶺外門人憂色真人曰否泰有時隱見正當爾也遂遁至南嶽抵連州去廣州尚數百里陸路不通要以舟濟真人欲於廣州採

藥先遣弟子舟行至廣府義唐觀道士聞真人來馳報都督胡元禮即與道士僧尼及府縣官僚先向江邊迎候少時見真人乘白馬從水上來及到岸相謁引至龍興觀自都督別駕長史百姓多受道法捨施園林田宅者甚多真人一無所取垂回施常住當後得旨量移歸至洪州依宗華觀將弟子入西山洪崖先生學道之所居涉三年行上清隱法景龍四年太歲辛亥每編年作庚三月初六夜弟子夢一仙人將一鶴相隨問云對曰我是時人不言姓字指弟子曰君幸得師左宮仙卿帝其方微即有信來神人所將鶴徘徊四顧宛轉而舞睡覺即白之真人曰汝當夢耶此言微吾已知矣九日月中時有瑞雲天樂香氣馥郁浮空而來遙至室內弟子認是夢中所見神人謂真人曰相識否乎荅曰晨夕思慕真容有如饑渴每夜存想寤寐之間常侍左右何為不識叩頭再拜神人曰卿累功欲滿宜自精勵道高魔試當須慎之太上令我預送變形易骨金精上藥與卿時運未至

不可即服密而藏之神人曰卿至八月即當入京佐助當今帝主及開元神武皇帝傳授道法兼殄元凶今天步艱難龍飛在即子當輔佐國家安鎮名山嶽濟投龍醮祭凡在於子自天佑之且受世榮祿至封邑大內居其位世亦應之如影隨形歲鵠尾月鵠火三日日中時西嶽侍御復卿太極紫微在宮仙卿之位言畢真人謝曰濁質下愚濫叨真躬儻遂後期則竊力負山不勝其任粉骨何謝再拜而辭至八月果奉勅曰道士葉尊師令人京若有弟子亦任隨從真人既奉詔乘驛至京朝見之後多留內廷時玄宗在藩邸與真人同處因章醮龍見壇前祈求皆有靈驗橋雪盈尺請雨霽露雲在廬山升壇壇角陸地水湧其水甘美仙鶴羣舞在許先生宅醮二

黃龍從井出真人進輔玄宗在潯州明雨時預知韋氏逆亂先已聞表先天之言一一並實玄宗嘗問真人機要乃密云昔遇神人嘗說有開元帝號凡謀逆之黨並得預知及帝登九五改元為開元號神武皇帝真人在帝

軒飄飄駟騎絡繹後中宗皇帝在位武三思尚秉國權時多信讖說真人從容累諫忤旨貶之嶺外門人憂色真人曰否泰有時隱見正當爾也遂遁至南嶽抵連州去廣州尚數百里陸路不通要以舟濟真人欲於廣州採

左右未嘗不厭可蒼充密申幽贊降害珍凶  
玄功遐被相國姚崇有女已死愛念彌切投  
符起之張尉之妻死而化生復為夫婦真人  
知之曰此尸媚之疾也不速除則張尉必死  
投符而化為黑氣錢塘江有巨蜃淪溺舟航  
經涉者苦之清沙鎮長沈愈躬自來迎真人  
由是往焉假潮信至以鐵符丹篆鎮之至今  
絕其患又以劔勒道靜二字於巖上各方三  
丈許真跡尚存即三教門山是也玄宗移仗  
上陽宮觀燈尚方正結構綵樓三十餘間飾  
以金翠珠玉樓高百餘丈微風所觸鏘然成  
韻以燈為龍螭騰躍之狀似非人力所至玄  
宗悅之促召真人觀於樓下真人曰彩燈之  
盛固無比矣然西涼府今夕之燈亦亞於此  
但皆奢侈無益於國帝恠其言欲試其仙術  
且曰今欲一往得乎曰此易耳以至尊速注  
觀燈恐非所宜帝力強之真人請帝瞑目騰  
驅而上俄頃即至以所隨如書寶酒及欲回  
復請帝瞑目頃之已在樓下而歌舞未終繼  
遣中使託以他事使于涼州因取如意以還

驗之非妄八月望夜與帝遊月官令聆月中  
天樂問其曲名曰紫雲帝素知音律記其聲  
遂著樂府更其名曰霓裳羽衣自月宮還過  
潞州俯視城郭峭然而月色如晝因請帝以  
玉笛奏曲時玉笛尚在寢殿中真人遣神人  
取之不頃而至既而奏曲遂投金錢於城中  
而還旬日潞州奏八月望夜有天樂臨城垂  
獲金錢以進帝累與近臣試其道術皆非妄  
幻若入柱隱形凌空化鶴追兵神致風雨靈  
驗之事不可殫述會吐蕃遣使進寶函封曰  
請陛下自開母令他人知機密朝廷默然唯  
真人曰此是凶物宜令番使自開及今開函  
中弩發中番使而死帝嗟嘆驚悸故愈加禮  
敬先天二年八月加授金紫光祿大夫鴻臚  
卿越國公三讓不受帝不許讓制書略曰道  
士葉法善德貞負素學究玄微預覩豐萌函  
申忠款宜加寵命以答懋功仍遂乃懷俾從  
真服可授  
金紫光祿大夫鴻臚卿越國公兼景龍觀主  
真人辭不獲免請回贈先君并捨括蒼山門

故居奏請置宣陽觀一所凡道場供養珍奇  
寶物並是錫賜盡歸山門宣陽觀為水神  
真贈真人父銀青光祿大夫使持節歙州刺  
史又請卯山西南祖宅為觀賜額曰淳和在  
陽縣日市今真人於是請還山拜掃致敬於  
麗水松陽二處墓門封樹碑表命李邕作墓  
誌韓擇木書以光寔其在神真人祖國  
重塋於松陽之酉山山有石雞能鳴遂於其  
處置道院其院立碑于下時請李邕為碑  
記併求其書而邕不允是夜追其鬼書之續  
以碑刻示邕邕笑曰初以為夢今果然矣真  
人始得碑石於海嶠遣神人運歸水神不知  
誤裂其石即投符治之水神哀告得免以膠  
綴石斷處今其碑斷痕在焉真人封樹碑拜  
祭泉石生輝鄉閭忻慶開元五年歲在丁巳  
春三月因別鄉人曰別易會難此去恐不相  
見左右歛欬道俗潛然車騎驕闌士女絡繹  
送之登途莫不哀慟又曰吾來年即遣信還  
可於此候之信到吾非久矣明年正月二十  
七日忽見玄鶴數百列北而來翔集歐溪徘徊

徊三日瑞雲五色一時上覆三日之後不知所在鄉人恠其言靈異莫測所由開元八年庚申歲五月真人已年一百七歲於西京景龍觀託疾潛服神丹天真人往千乘萬騎日夜不絕門人弟子親王公主中使朝士已下來去莫覺唯弟子尹愔盧齋物等見密而不言至六月三日甲申日中時分真人化劍為尸雲輿造門天鈞擁戶綵雲繚繞香氣縹緲迎侍而去京城之人咸見院中有青煙直上與天相接終日不滅真人於座側留三詩云

昔在禹餘天 還依太上家 悉以掌仙錄  
 去來乘煙霞 暫下宛利城 泐然思金華  
 自此非久住 雲上登香車  
 適向人間世 時復濟蒼生 度人初行滿  
 輔國亦功成 但念清微樂 誰忻下界榮

門人好住此 翛然雲上征  
 退仙時此地 去俗久為榮 今日登雲天  
 歸真遊上清 泥丸空示世 騰舉不為名  
 為報學仙者 知余朝玉京  
 并有遺書報弟子仲容云汝將吾詩及書進

上不得求官當奉詔監喪歸葬括蒼吾去後百六十年外卯山當出一人更過於吾若有人於吾舊居修行即其人也真人昔藏劍丹在卯山巨石下後有豐去奢修行於此得之遂仙而去今山產仙茆及無名異丹竈上下化成耳真人升雲之後弟子於舊坐處收得詩及書進上帝感泣親幸喪所輟朝三日王公以下百官朝士無不感慟翌日進贈越州都督至十六日奉勅內圖寫真人像御製贊曰

詞江瀉液 義苑含芬 別有真氣  
 青溪出雲 卓尔無對 超然不羣  
 幽人劔子 道士封君  
 肅宗重贊曰

昂昂高士 瀟灑孤峙 却立排煙  
 乘寬控鯉 果而不伐 為而不恃  
 馭風泠然 與物終始  
 又有制書具在實知章作玄虛誌序中仍勅度真人弟子司馬仲容為東京聖真觀道士與中使護喪歸葬於宣陽觀之側王公以下

盡出京城青門外送別傾城縞素莫不攀號哀慟歸至揚州冥信先至仙鶴數百翔於括蒼洞天墓田綵雲五色徘徊數日不終旬朔真人靈輜已至葬所奉勅衛整杭三州助葬官僚士庶道俗男女去來如市門人數千悲慟不已百鳥哀鳴四面雲集天為改色日亦無光葬後一年棺槨自開但見衣冠劍馬始知真人不死實輕舉耳帝緬想仙風眷慕不已於觀立碑龍以震翰及命太子題額至國朝政和六年特封致虛見素法師宣和二年加號靈虛見素真人語文藏於麗水之冲真今以李邕所作碑誌及真人前後表奏批答制詰世系悉輯錄于后云

真人乞歸鄉上表

道士 某言 臣江海野人素無道業澗飲水食枯槁自居屬聖朝宗道之門大興玄範臣得沐浴皇化服事五朝竭忠盡誠披肝瀝膽一有所補萬死無恨况屬聖朝重張富庶再安品物凡在含識咸用昭蘇陛下不棄芻蕘復收簪履臣愚陋

過蒙恩渥假具列棘之司加以茅首之封  
褒榮忻被澤漏泉高然巨胡顏堪此大造灰  
身刎首不能上荅前歲天恩賜歸鄉里殘魂  
假息獲拜先塋聚族聯黨不勝悲慶屬親姊  
莫年百餘三歲見巨還立壑載喜載悲總逾

一旬奄忽先逝雖死生有命理則固然而骨  
肉有情豈無哀痛積年之疹一朝遂發形容  
枯劣殆不能勝往者皮奉綸言俾投龍壁奉  
使之後禮應復命心馳魏闕意欲駭奔病在  
江鄉力難勝致自前年之冬末驟辭南土去  
歲之夏首纔達東京竟餘步抑難訓詭寧  
有形枯心疾叨刷莫宜紫綬金章人臣極貴  
自非功高帶礪不可錫其光寵况道本希夷  
無觀視聽謬膺匪服實玷國猷伏願陛下特  
賜餘寬得歸丘墓則物善遂性天覆無涯方  
遑闕廷不勝攀戀無任懇禱之至謹詣朝堂  
上表以聞臣誠惶誠恐死罪死罪謹言開元  
四年二月二十一日鴻臚寺卿員外置越國  
公景龍觀主臣葉某上表  
批荅省表具之師羽儀君落梁棟玄門迹雖

繫於人間神自超於物累方欲受三清之要  
宣六氣之和資于朕躬助以為政且光慶之  
義衆妙所存江海之心此期難允即宜斷表  
深體朕懷

真人乞歸鄉修祖塋表

道士臣某言二月二十一日扶病陳誠特乞  
餘寬歸修塋墓而高天未聽蹈地無所因此  
舊氣發動殘生如線未辭聖代奄成異物幸  
賴天覆含育未即泉壤貧及餘命得遂微心  
臣前奉絲綸賜歸桑梓既齋龍壁備歷山川  
夙夜周章恭承國命比及鄉里時迫嚴寒屬  
數年失稔百姓逃散親族餒餒未辨情禮欲  
樹碑碣私願莫從而碑石猶在蘇州未能得  
達鄉里臣焦心泣血以日為歲若此心不遂  
死不瞑目伏惟陛下覆燾亨育昆蟲遂性孝  
理之教被及含生臣皮骨空存命均風燭乞  
餘喘未絕所願獲申一聞聖恩九泉無恨方  
當解違宸極早疾江湖伏枕疏襟不勝悲戀  
謹詣朝堂上表以聞臣誠惶誠恐死罪死罪  
謹言開元四年二月二十三日具位臣某上

表  
批荅省表具和師體舍衆妙道冠羣仙希微  
所以得真清淨由其助化然因心之懇扶病  
思歸表疏累聞詞情轉至今依所請有軫于  
懷

真人乞回授先父表

臣聞孝道之大人行所先故洪覆無言神女  
有卷綰之應厚載至廣江鱗表充膳之微斯  
實感於神祇通於天地者矣伏惟  
皇帝陛下孝道叶天地聖德符神祇齊郡擢  
靈芝陵寢降甘露此陛下孝感之應故富錫  
類及物而臣幸生孝理之代目視靈應之符  
身無橫草之功虛受茅苴之錫九卿之任下  
譬江海五等之爵上應星緯臣崦嵫日迫泉  
壤無幾生我父母竟未荅於劬勞覆我聖恩  
實有重於山嶽臣誠則微物豈能無心自忝  
辱朝列日夜惶懼生無益於聖代死實負於  
康時而大馬私情切有所願乞以陛下所授  
爵位回贈先父臣上不違陛下孝道之風下  
得展臣罔極之念一遂哀疚萬死為幸且臣

雞皮鶴髮形骸若是殘菟假氣奄忽無時去冬辭違闕廷與疾道路曲蒙陛下覆養之德復喜生全今得重謁紫宸趨躡丹地及茲餘喘披瀝微誠陛下所假臣厚祿賤錢乞納天庫官名封號以被泉門則聚族糜軀合宗籙

膳存亡幸甚所不敢言伏願天慈沛然聽許再生非重百身靡贖不勝哀苦悲懇之至謹詣闕上表以聞臣誠惶誠恐死罪死罪謹言

開元四年二月二十三日具位臣某上表

批荅省表具知師名登仙境才軼道樞保護

朕躬朕不忘德朝之爵秩事叶至公覽所陳

忻情深大孝朕敦風厲俗益所嘉稱師崇讓

鳴謙固難依允所請贈者別有處分

真人祖碑

大唐故有道先生葉公碑并序

江夏李邑撰并書

昔者誕發老君道純天地生德夫子身負日月且時宰不宗主人勿用效近古倫旁不同容素尚胤於仙類宣辟命行矣齋服整之而

已哉公諱國重字稚鎮南陽葉縣人也自少吳錫羨高羊辛纂緒陶唐重熙后稷邁種文王之胤乃食於沈尹成之子載封於葉受氏享國大哉邈乎遠祖乾昱克壯其猷永乎千德瑾尸習隱寒允億神碩膚長材通理博藝

雖安車累至而堅卧固辭故慶祚克開眉壽維求矣厥考道興性守宮庭道敷邦國居鬼從地師帥神從天受籙以恒之飛符以北之

扼魍魎之邪劉臺台之崇有足奇也至於揮

扎落并引弓貫革筆特起五部廣雅大餘侯

俟誰嗣哉先生靈承道宗異聞訓誘弱喪文

貌乃尚真篤仙骨有象童心不萌專精五龍

徧遊羣嶽聰以知遠明以察微達死生之占

體物氣之變嘗以靜精動耗息影歸止雲卧

乳壑林巢仙人絕不隣道阻且右獨徃幽

勝永歌隱淪放閑保和習虛致靜據五石之

髓擷三芝之英時哉不留歲律其逝緝鬢純

漆韶顏渥丹事適玄同神與道媿惟寂惟冥

不飲不食者數十載于茲乃聲聞帝廷駭發

皇眷降尊加禮將之以文馬速之以暢敷先

生佇胎長指揮手高謝曰自昔帝奔登庸德輝允爍先武繼統吏道孔嘉且薛方逢萌備外臣之禮虞仲夷逸終處子之業豈垢俗疵物偏貢介性將探道慕類坐致吾齡使者蓄無言之疑申遂行之旨乃周覽虛室省躬

倉廩考疇人之壘畝訊家童之作業皆儉以

遵約安能維始味不甘口色不養目信以為

著誠去偽敢守難奪順風可即強起曷至焉

遂虛觀復命慚歎聞列朝廷企其高渴其

道聆嘉聲而屬想者宜勝言哉有司以天元

書缺星度官弛亡五德之轉繆四時之分荆

鬼越祥不知所况子亥母癸烏識其原皆乘

遽遠尋請益傳傳授可謂繩誠列而曲宜微

衡誠懸而輕重立粵惟博物君子豈伊小說

鯁生乎嗚呼天不持久人將復歸頽年迫於

期順遠志屈於摧落卜兆幽谷託墳清林逸

人不追國士靡憲泉石沮色鄉縣失聲豈無

他人惟子之故胤子慧明贈銀青光祿大夫

歛州刺史公固替厥絲代增其業啓秘錄之

高妙揚玄津之洪波道微若聲心慶若氣吹

廿八

律賤谷運曆知天屢下辟書終不應命孫子景龍觀道士鴻臚卿越國公法善幼得父書早傳成法寅念有訓邁迹自身讀天下之書備方外之術火滌淫祀劍誅羣妖息開五君名動四國其入也排金環瑣謁紫庭為帝傲

更其出也法王京坐玄寺作人宗師故能大匠道門冢卿朝右禮食軒座寓直禁虛矣帝以理氣自強登老益壯雖莫急節而純孝孔哀是獻封章願拜墳墓有軫帝念再形王言神札以飛傳傳瑞乃發羣公帳箴列藩

郊迎朝章有暉鄉人皆慶狂以末技揚于孝心惟先志以追遠立豐碑而紀德夫何間然其詞曰宗文素履家代隱仙道一相孕薪火交傳黃公術在赤水珠聯道開幽鍵性與真筌一門累祖四至百年抗跡巖谷消聲天地

卓爾遐舉藹然高致屬以臭焚珠以明墜人則有心徵亦不至保身匪偷全樸為利孝孫增業明辟順風志嘗無忝事或不同徵賢朝滿舉逸山空曷由高枕克謝代工測微達變盡規納忠皇春雖淫孝思亦深章服聚聚傳

業駸駸載遠廷闕是展墳林紀石追遠昭銘率心孝忠事立榮歿寵今遐超古始未憲江南開元五年歲丁巳三月七日侍者清溪觀主詹玄一丁小真人有丁觀碑本所書如書真人其亮而書之世號追遠碑其間用字多差誤是時夜艾鐘鳴李公書未畢而覺碑因在而不易云

### 真人父碑

江 夏 李 邑 撰

國子監太學生韓擇木書并題

大唐贈歙州刺史葉公神道碑并序公諱慧明字德昭南陽人也其先系自軒后彌于周文聘季食沈子高封葉因為氏矣遠問政偶孔好龍得真代有聞也昔者惟帝興運乃聖炳靈風雲相從卜夢通感間氣駸發良弼大來有關必先德物為象固自然矣則我使君降仙仙府乘道流追蹤隱淪叶契幽叟結廬澗沚考槃巖谷同人利貞迺代勿用雅好酒德尤遠老經話言解頤精義絕傾倒訪進不倦虛納盡歡好事集門長者闔里每至升月帷戶和風林薄植杖嘯谷席皮琴山泰

然樂生澹乎忘老方且維性壽邇神仙徇赤松之遊縱黃老之術外身先物歸根致柔綠以大均持以大定色理不濫寵辱不驚繩繩焉熙熙焉孔德之容罔可測已故師長旌禮邦族與化智者謂智仁者謂仁雖楊震桑桓紆衣韋帶必避塗加敬懷風惕息焉用克聞

于家大有厥胤則我越公襲上德延慶靈生而知之學而習之有專門之資得丞承之業纒亂毘道既冠同玄訊遠嶽之福庭觀幽尋之方士陳呪雷駭吐刀雷光沈海莫瀆蹈治二十

匪藝呵萬鬼擷首神啓陰官之符變真司之籙追究往事坐知來茲膏肓無所遁其形霧露不能滋其疾奇跡多緒嘉聲日聞是以大君孔休辟命荐至入自卧內問以咎徵迭膝必成偏事皆中時更四紀代且五朝順風以請天師欽祚以近皇極縹素莫能出右公卿

是惟虛左國家有事天地將殊海嶽公嘗致禮加璧能事深基傳嗣載遠郡邑迎謁者咸四三馬自頃職臣高橋小人吹盡敢為戎首與此厲階天未未亨人事將殆公乃極陳幽

贊大啓聖猷故卜撰辰並走羣望作為邦翰  
先後主憂殄勳元凶翊扶皇統是嘉厥異式  
揚爾忠齋賞茂於身寵贈光於考匪此父也  
曷訓其子匪此子也曷揚其親松楸已行碑  
版未立永念終古追存孝思驟請闕疑第如  
江介遠訪才子枉遠鄙夫趙括論兵多闕舊  
學班固述史實賴家書顧惟成章伏愧貞石  
其詞曰真隱夷愧默仙解形倬哉獨立企古  
遐征殆庶玄德升靚丹經服鄉不涅光和無  
營築卜岑渚左樂傳琴徐嘯風谷緩步月林  
白雲怡意清泉洗心曷勝不往曷奇不臨迹  
因神遠情隨地深舉代方籍皇家未軾肇有  
懿子載揚令德左慈致物越人辯色司察鬼  
謀役任神力寵被五君聲聞八極日晝薄蝕  
國有多難凶逆扇揚忠烈憤惋亦既先覺克  
圖幽贊皇哉神武赫然天斷薄然即戎于以  
戡亂帝念疇庸典開列土豈曜厥身實贈于  
父朱藩乃錫紫綬是與存致歿榮忠伸孝舉  
列列松栢緒風興悲表墓有關紀德無詞哀  
哀巖鹿奕奕孝思孰傳終古是建豐碑贈誌

明銀青光祿大夫歙州刺史道士法善授  
鴻臚卿越國公開元五年太歲丁巳鵝尾七  
月庚則七日甲辰建

贈越州都督制曰

勅故道士具官位葉某天真精密妙理玄暢  
包括秘要發揮靈符固以冥默難原希夷罕  
測而情接蓬苑迹混五朝保黃冠而不拔加  
紫綬以非榮卓爾孤芳冷然獨往勝氣絕俗  
真風無塵金骨外聳珠光內映斯乃體應中  
仙名升上德朕嘗聽政之暇屢詢至道公以  
理國之法數奏昌言謀叅隱諷事宣洪益歎  
徽音之未泯悲形解之俄留何莫救遺鐵良  
奄及永為平昔感愴于懷宜申禮命式賁泉  
壤可贈越州都督

御製真人碑

故金紫光祿大夫鴻臚卿越國公景龍觀主  
贈越州都督葉尊師碑銘并序此碑乃御書  
太子題額  
朕聞軒轅三皇之盛者尊廣成唐虞五帝之  
盛者師尹壽故夫以聖人之道教聖人之才

守之七日又守之九日朝徹而後能見獨是  
道也入水不濡蹈火不焚嘯叱風雨鞭笞魔  
魅無方而後能進物獨是神也神則惟變道  
亦旁通苟得其人抑所謂神道設教者也師  
諱法善字道元自諸梁食采是謂葉公邑亦  
如之因而命氏則昔為南陽人也會祖道興  
祖國重父慧明贈歙州刺史賁丘園者一貫  
吾道食舊德者百代可知故名溢宇宙之中  
身在江海之上則今為古括人也至隋大業  
之歲歲在丙子法師是生凡六百四十二甲  
子洎我開元之歲歲在庚申形解升雲則春  
秋百有七矣自丙子生庚申凡一百有五歲  
之數遂以其生也年長而色若孺子其化也  
百有七歲其生也年長而色若孺子其化也  
委蛻而神則默仙常從服遊仰之彌高鑽之  
彌堅藏察無象鈞致不測若言匡國輔主鼓  
舞發揮焉朕可推而尊之不可得而臣也其  
始終出處之跡可得言者初師甫七歲涉江  
而遊迨三年人以為溺及還問其故則曰三  
青童引之憩于華堂峻宇咽靈藥吸雲漿太  
上鎮之是以留也十五中毒死又見昔青童

八

二

八

二



曰天台茅君飛印其腹始殊闊絕良久詔如師以靈應感通殊由若此遂乃杖策游諸名山遠訪茅君而遇嶽骨上起目瞳正方冰雪綽約嗚然微笑曰爾來乎尔名已登仙格身逢魔試故相救而免當以輔人弼教為意無汲汲於去來也由是便於青城趙元陽受遁甲庚玄之術於嵩高章善俊傳八史雲馬之道宴息於羅浮括蒼往還於蓬萊方丈靈圖秘訣仙符真度寶籙生養冥感空傳臨目而萬八千神咽胎而千二百息或潛泳水府或飛步火房或剖腹灌腸勿藥自復或剝睛扶膜投符有甚或聚合毒藥服之自若或徵召鬼物使之立至呵叱羣鬼奔走衆神若陪隸也故海內稱焉千轉萬變光朝寵馬一晝三接朕在藩邸屢聞道要及臨寓縣虛封昌言奸臣寓謀凶醜僭運未嘗不先事啓沃亟申幽贊故特加紫綬以大公侯之封而確固黃中不承軒冕之賞可謂德博而施道尊而光者也適來無迹為夫子之時適去無迹為夫子之順威在鷄尾月鶴火若以開元庚申歲歲化去合是歲

實此月鶴首見前後碑傳異同故不欲輕改也是時也這真懸解翊日追贈越州都督踰月歸藏括蒼之山免朝章從夙志也先生幼有奇質長標特操神照體外骨秀形表故萬先生目之曰子書成仙格方自仙宮吾將及爾為同寮也信哉易曰

君子或出或處然出者無山林之逸處者無軒冕之貴雖道同則應而跡異難兼先生養神太和觀妙玄牝君子或出之盛者也金印實黃綬方來君子或出之盛者也非夫道臻博大德合神明其孰能與此也故於王室

則承恩者五代當朕時則傳道者數人不已宗師無間然矣夫為文者紀其實稱德者尚其訓先生知予予寧不述誠寓然而無愧可披文以相質銘曰

忽然勃然 莫不出焉 油然冽然  
莫不入焉 百島之源 萬化之泉  
於此觀妙 實云列仙 列仙伊何  
銷化却老 觀妙伊何 豈假至道  
旁通幽贊 神變靈造 淫祠屬階  
無隱不討 討逆輔順 功就佐時

藏往察微 業與神期 章拔加等  
方來不欺 視掾若遺 恍然我思  
大有元吉 黃中通理 默仙委蛻  
玄達無已 葉縣飛鳧 遼海鶴止  
玄風盛烈 鬱乎千祀

開元二十七年歲次己卯二月己未朔二十六日乘化而往彼則悠然不忘舊情紀諸事跡仙山海岸碑石依然來化而往云舊本有云姑存不致刪去

弟子丁政觀謝賜真人碑銘狀  
勅內肅明觀道士尹愔宣勅內出御文賜臣師主臣跪奉天章仰瞻宸翰以惶以喜載慶載悲臣忝與門人不勝感愧之至謹錄陳謝以聞謹狀開元二十七年四月二十三日弟子景龍觀道士丁政觀等進

致虛見素法師語  
勅唐金紫光祿大夫鴻臚卿越國公元真護國天師葉某夫為道者所為無近名而人亦無得名焉此至人所以去名也乃若善善而惡惡垂世立教則以名為表治天下者亦無

不廢爾學道得法自拔滓穢之中今數百年  
劍履如生猶不忘物應民請禱夾算之爵而  
自然爾國待之聊易名號以慰州人可特封  
致虛見素法師政和六年正月二十一日

加封靈虛見素真人誥

勅朕體妙道以治身暢淳風而撫世凡號高  
真之侶每與往躅之懷見素真人葉法善太  
極仙卿括蒼羽客掃杖凶而敵滅攝魘以  
驚奔故在開元之間屢示化人之跡深莫可  
測本皆自然惟見素之強名具治平之前詔  
景仰可以推崇敢忘申賁靈虛用彰徽妙可  
特封靈虛見素真人宣和二年六月二十五  
日

唐葉真人傳

地祇上將溫太保傳

天一靖牧羊遺聖黃公瑾校正

堯

大保姓溫名瓊字子玉乳名卓郎溫州平陽  
縣人母夫人張氏嘗夢南方日輪大如車其  
聲如雷寤而有娠遂生太保身長九尺二寸  
長大有志武勇敢為時唐朝羣盜蜂起隨汾  
陽郭子儀出戰身為先鋒白刃未嘗傷體子  
儀嘗夢前軍有黑霧覺而問軍中夜來前軍  
有甚事監軍曰夜來只有校尉溫瓊大醉身  
中酒氣有如黑霧子儀即拜瓊為帳前準備  
將一日子儀與賊對壘賊見軍中有黑霧冲  
冲狀成龍蛇羣盜驚走瓊請步卒一千人追  
之殺賊數千餘人而瓊兵不失一卒未幾拜  
瓊為帳前都檢點子儀嘗與同宿又夢其變  
黑蛇而生一角知其為異人也然終疑其為  
患欲殺之瓊覺其意遂逃歸岱山下屠牛賣  
酒一日炳靈公化為道人語瓊曰觀子之相  
骨氣通神他日必有香火萬世豈可冒法宰  
牛深犯天律瓊曰如此則我不若歸山修道  
恐有人度我成仙道人曰君無仙骨豈可強

修瓊欲再問不知所在而失去矣瓊奇之自  
是不殺只出入東嶽廟為化主打供精進三  
年忽一日嶽峯遇黃衣蓬頭道者長揖瓊曰  
今日嶽帝書上汝名若天年終則為嶽府太  
保汝可立像於殿前身後當任其職瓊如其  
言立像於嶽府自此諸太保時復來訪瓊一  
日殿前太保灌丘休語瓊曰汝像若變則歸  
職矣瓊日至像前觀之有少年孟雲笑之曰  
汝日日來觀此像恐人盜去乎瓊曰灌將軍  
報我像變則為神我若為神汝亦為我卒矣  
其後孟雲同韋彥以青色塗其像口裝二猪  
牙一日溫瓊來燒香只見其像已變即更青  
衣青巾麻鞋唯有平時殺牛鐵棒頭持至殿  
下遂立化矣孟雲來觀方欲頂禮亦皆立化  
至五月初九日勅下肉身不倒亦不變動勅  
封顯德大將軍市民欲立廟村主姚子正亦  
欲立廟瓊告子正曰吾受命東嶽正欲立大  
功勳去世大害扶持正道安敢忘  
上帝好生之德而遽欲血食不施仁濟之心  
乎苟愛國封實為我德之累汝等若立廟我

焚之子正乃止明年子正亦歸嶽府作太保  
一日炳靈公奏嶽帝曰溫瓊自去年三月十  
五日歸充太保有功可賞帝曰如何公曰不  
受民間廟食一也不以國封為榮二也在我  
無纖毫過失三也合受緊要職事嶽帝遂詔  
為地府冥司急取人案大典者人之生死皆  
由所掌至皇朝藝祖登極次年溫州大早有  
吳思敬者詣嶽祠祈禱是夕有旗見雲端上  
有溫瓊二字南迅風飛民卒免旱吳思敬欲  
祠之有百姓王九二附體曰吾誓在正直濟  
民終有宗師收吾入道法會下為吏不以廟  
祀國封為重汝欲報吾功德幸勿保奏朝廷  
若能為吾奏名於玄帝闕下則天地祇俱  
歸敬矣於是眾從其言設醮謝天具奏玄帝  
保明子玉功行至嗣天師虛靖先生時有許  
溫邨邊者天下國封神祇皆畏之興行三壇  
之教雖未甚流行而瓊甚怒之不得上命不  
敢讖伐宣和年間虛靖遊東嶽炳靈公郊迎  
虛靖至嶽府問帝曰嶽府諸神誰冠靈帝  
曰近王祀保明溫瓊可任虛靖曰昨者考校

仙官過我籍中有溫瓊者不求血食降雨溫  
州不以國封為榮志欲扶持宗教為先虛靖  
之來正為是爾莫非此人乎帝曰是也至是  
嶽帝召至溫瓊面聖再拜頓首言曰臣經年  
在職無由面對天顏今承呼召得至丹輝虛  
靖曰此溫瓊乎帝曰是也虛靖曰向者溫州  
百姓保奏汝於天廷云有教早之功不以廟  
食國封為榮而有歸依正道扶持宗教之志  
吾面對嶽帝為汝作地祇一司正法符篆呪  
訣謂瓊曰汝化於三月十五日寅時此為木  
老火初之節故木生火火旺於丙丁鬼為萬  
物之靈者故只此篆為汝真形足矣虛靖作  
其符為丙丁生鬼四字以應其時而成真篆  
然後又以雲篆而書畫諸符地祇一司之法  
蓋始於此虛靖教主曰地祇之神奉命玉清  
是謂靈實侍衛送迎之官故度人經中有勅  
制地祇侍衛送迎之語又謂弟子曰法部至  
靈無出溫瓊一日虛靖入川至青城山山背  
有大谿洞虛靖以為洞中必有仙境欲入觀  
看不知洞中乃漢祖天師滅伐魔鬼之所餘

黨結連萬眾居此立廟出入洞中或行瘟疫  
時氣以害民或飛靈烈風以求血食國封曰  
顯濟廟神曰靈祐普利廣德博濟王民僂曰  
慈利大帝四川居民香火畢集虛靖不知魔  
鬼所居而其妖先知虛靖之來遂領鬼眾欲  
害虛靖以報祖天師舊日滅窮之讎虛靖攜  
弟子三十人同進只見惟風迅起山色昏沈  
黑暗無路虛靖驚惟聞見一人青面皁袍鐵  
甲持挺有黑旗黑馬飛走在前以當其鋒瞬  
息明明虛靜進觀顯濟廟以成灰燼洞中醜  
形皆死須臾惟風又作方欲叩齒只見青面  
下馬躬身至虛靖前曰瓊在此為天師法主  
滅害人之魔去亂教之鬼共數千眾今生捉  
到拒逆侵凌天師五兵魔王慈利大帝以聽  
法旨虛靖曰欲害嗣教人命者當死何況領  
眾魔來戰當準鄴都嚴刑黑律處斬於是溫  
瓊遵命斬妖魔於青華觀左山斬畢但見水  
枯草死血滴處石為之透至今此山有石如  
丹虛靖保奏瓊為助法顯靈武大使太保  
以鄴都肅殺馬黑馬三千人付統領以聽驅

使其三千兵首則有正薛真徐沐薛徐謂瓊曰汝前身是人強勇者我乃冥司之猛將遇降禍福則羣鴉亂飛輕則惡事橫生重則滅門殺戮遊行天下無敢干犯者祀典神祇亦皆迎送汝欲節制我須有神通出於吾之上者則可瓊曰我就岱山西城一戰薛徐於是列兵前陳瓊登黑馬挺身直奔薛徐之營薛徐開陳當前萬箭俱發群鎗兼舉瓊只疾聲一呼變為黑蛇長千百丈以尾束薛徐二將更不能變化羣卒皆奔四圍火起不得出圍羣呼拜將軍叩首乞命望赦其罪甘伏節制不敢違旨其黑蛇發聲曰吾受命東嶽管掌汝等為天下嗣教宗師護持法門救度眾生寧解今日為下鬼所苦耳聞經聽旨受其超鍊具足神通汝等敢拒逆正直之心本欲食汝等但以祖師好生之心故權怒汝薛徐俯伏悉歸麾下

真宗朝有道流王宗敬至青城遊天寶洞見虛靖虛靖曰汝之遊山為何宗敬答曰投師學法濟物祛妖虛靖曰吾即昔日張虛靖汝

曾聞名手宗敬曰求師十年不得一見今日得見天師再拜願受秘法於是分獨體地祇溫太保秘法一階付之其宗敬專志一念奉祀玄帝行法立功於世顯應甚多其在衡門洛水濟人但念太陰化生呪及丙丁生鬼符用驅邪院印一顆無不感應其潭湖江河之民來求水者日以數千計一日宗敬夜卧忽聞人聲云真官可出戶來有事稟聞及出乃見瓊下馬躬身而進宗敬遂與太保坐法壇中瓊曰昨奉虛靖天師差瓊護持真官修奉女帝香火濟民苦厄今真官功德甚重玄帝已書名仙籍得為玄帝闕下主掌秦境人民香火靈官而瓊準玄帝牒回嶽府而虛靖天師以為傳人有功位登真人吾敬來告君君即瓊之僚母留於世若後人因而立廟又系我德宗敬如其言遂授印與玄帝像與吳道顯宗敬又以龍虎錄文皆列平日所用條式一百九十七件流傳於世故得其正傳者吳道顯一人耳宗敬又謂道顯汝可過福建乃不奉正道妖邪魔鬼之所道顯至福建路有

金蘭蠱毒之神名曰伽羅王閩人敬仰之又人家多養金蘭收人竟鬼役使工作途中商旅受害妖神聞宗師來相與告曰我等仗佛為主來則殺之勿令居此居此則無我也道顯至泉州施符水有驗然四方果妖道崇佛甚眾索所行正道不振道顯以鏡一面誦丙丁之呪布氣鏡中持鍊九年其鏡通神瓊現身出入鏡中而持鍊不輟又加之天蓬呪道顯曰誦此呪以助威靈鍊此鏡願承此呪力如此又三年其鏡愈通神置之所自有白氣冲冲一日太保以鏡中奔出語道顯曰君受宗師正傳承受天師流教且君居此少人皈崇香火此有閩縣僧伽山是泗洲所建之地左山有金光洞有一廟神曰伽嘍王君可親往伐之道顯如其言至廟見殿閣宏麗四方誦金剛經來朝者萬數其容貌如常神後官夫人及親王三百餘位左殿丞相十二員右殿太尉五十七位五猖惡司等眾甚多四顧觀望心內驚怖不敢作用出廟登其左山有亭曰羅漢行道壇四無人聲遠東望叩齒

密奏嶽帝取出所鍊之鏡叱云吾在此汝急報應太保忽自鏡中持大武槌先鋒而出雷電風雨從後四山皆黑瞬息之間霹靂一聲廟中火發四山皆焚少頃天氣朗清則見伽嘍王已成灰矣惟存一大柱不曾燒大書其上云溫瓊順天助法奉命剪馘妖魔訖道顯驚悚方省悟中太保至前聲喏曰瓊今滅邪訖瓊本不能勝此邪荷宗師修鍊之功得天蓬大呪之力瓊受鍊六通具足無報宗師呪鍊之功誓立大願自今日始末為嗣法之師廣施大利普濟世人望君莫居於此可入川中修鍊至真丙午君當尸解矣然此地衆生皆背道向佛之人天道惡之幸隨瓊所請道顯曰佛非正道而太保何不滅之瓊曰佛有大覺之功一念衆生為善佛有蔽邪之罪一本慈悲為心故太上留此教以化愚民體真師順天之德不忍滅之故不能斷其教也於是道顯坐太保之馬瓊把節引道駕黑雲而去瞬息之間已至西蜀青城山太保又惠白金百兩令入川苑符水道顯入城都營說思

瓊有恩於我我當保奏於是奏嶽帝神炳靈公七日之內奏詞達帝帝曰瓊可謂舉世衆生蒙大利益大振正道宗風即下詔特拜為四海都巡九州檢察使依前助法翊靈昭武大太保掌地府冥司急取人案大典者太保自得道顯天蓬呪所鍊之功備足六通能升天入地上中下三界神祇並皆敬畏不敢干犯道顯所傳度弟子五百三十二人得其傳而靈驗者百餘人心與行違者百餘人無應無聞犯天律而為太保擊死者二百餘人修真奉聖持鍊修崇香火蒙太保素嶽帝得道成真而歸玄都右勝院充典吏靈官者五十人合元和遷校府五百靈官中任職位而陞進右勝府靈官亦五十三人自後太保及十地祇之書散流天下崇其法甚多而人人以為地祇為正法之下品乃人間之神奉法者必兼他司之法自此而不聞應矣且末學亦知其為捷諸司而不能專心敬崇者十有八九太保在嶽府嘗謂鐵膀曰吾欲立功護持宗教奈今天下修法者甚多而並無此仙

骨可謂惡毒之世矣太保一念護持正道期天和風流布而許溫邨邊興妖教於世助三壇僧伽之道護持佛教金剛禪其妖風甚盛國立憲章以嚴禁制柰聽魔教不能改過壽皇惡之命杜真人作大功德飛奏三天欲永杜絕時東嶽帝君召炳靈公曰以妖道興行民遵釋教世受其害國主忍之汝可遵上帝勅命急為斷絕炳靈公即召合嶽將吏出兵誡伐周滿八紘其柰二妖運其邪力或為五顯靈通或作洞庭怪異黨徒數萬以都瘟司不敢攝捉於是五嶽會于天寶洞天僉議此事炳靈公奏曰此非都巡溫瓊不可今溫瓊在青州護佐柳伯期行持濟世可權差張巡代行召往伐之西嶽曰嶽府羣臣不能伏豈可獨任溫瓊乎炳靈曰昔日有地仙吳道顯持天蓬呪數年不止鍊瓊於鏡中瓊受鍊六通備足掌生死案任小判官六十員分掌天下柳君奉法為當今第一階溫瓊所護也諸嶽帝莫不驚駭嶽帝遂飛符召瓊及至奏嶽帝曰許溫邨邊嘗聞臣名而畏若領兵伐之

許郝必逃遁有張去疾能往聽察願令與臣同往乃可收功帝從之瓊宣號令立賞罰出師望西而進東至耶尼山一萬九千里二妖聞之相與言曰今嶽府溫瓊來威聲大振不可當也於是釋兵流散許郝化為二蛇藏于浩蕩穴內去疾先往化真形為三歲孩兒拖綉毯開發光明其中二三歲小孩兒嬉戲許郝亦化作小兒入毯遂為去疾抱定無由逃遁良久瓊兵大至西耶尼山震動浩蕩水乳許郝伏罪瓊食其亞副鬼王勅絕佛釋僧伽三十六萬凱還謝帝即拜為提點天下神廟仍前職真賜助法翊靈昭武雄烈太保杜真人奏壽皇曰天下妖風已滅皆溫瓊之功帝曰曾有封乎對曰曾封王而不受帝勅廟食不受國封不從可謂嶽山上將率土威神正直無私神通具足杜真人於是恭奉聖旨保奏三天拜章之夕帝問曰章詞曾達天聽乎對曰至省蒙使相判云人間之神絲毫之德而敢干瀆至尊本欲送左司靈官擬罪又念汝奉法七世權赦一次惟瓊之名頒行天下

城隍司照會溫瓊正直曾受宗師正法可特稱地祇上將天下正神部轄羣祇提點官廟奏詞架閣不敢謄錄自此後太保威名震伏羣臣舉皆敬仰果州鍾真人明奉地祇之法最有感應有辰州寓居朝散郎王卿孺知果州一日過辰溪古寺見右廊門上書瘟司二字卿孺忘形觀瞻登殿揭簾而入忽有一人如世間院子之狀進揖卿孺曰大王有命請安撫相見卿孺大驚曰王為誰曰康王也勅封威濟善利孚惠英烈王告者力請卿孺不能遜遂行至一殿又傳王旨云請安撫登殿康王俛而揖就座王曰應奉都大城隍委掌瘟司檢察善惡今宿緣會合得遇安撫判官至此應偶有事干瀆威嚴幸望台慈曲賜垂允卿孺曰大王有事見論可備委令者幸望條示王曰昨奉大城隍司行下天下符牒委令於去年內果州行瘟本州有鍾真人自幼敬奉玄帝香火蒙玄帝親授都大提舉城隍司印仍下東嶽以溫都巡名瓊為役使將柰果州人民過惡甚多而受病者眾其民凶

毒不遵應之教化然應初入果州其地三壇洞王元皇洪山等徒崇奉釋教專事打瘟一時為應盡滅其黨千百人果州之邪畧盡應初無鍾真人應每行瘟上奉天命鍾真人符法所至即為收攝未嘗敢違而真人以為應苟圖祭祀布瘟果州收禁應之從兵五千人欲飛攝應赴天獄曲望台慈遇騎從交割果州軍州牌印訖日便為解救亦陰德也卿孺曰當領王命所可疑者王能滅三壇行佛法之人却不能殺鍾真人乎王曰真人有三事不可與爭衡一姓名書於右勝府二能鍊鏡以通神三有獄府溫都巡為役使聽令將天下神廟無敢犯者况神市有諺曰能捉西天釋迦佛難當東嶽溫都巡卿孺曰不知何以如此康王曰昨吳真人鍊鏡請天蓬呪萬萬徧加持修鍊而太保承功德備足六通威靈無競卿孺辭退康王遺金五百兩以為執贖之恭卿孺到家則其家已失卿孺三日矣其後交割果州牌之後即問孔目曰此州鍾明真人住在何處孔目對曰鍾真人住在城北

次日卿孺造其靖宣告前事真人恭對判官云此鬼自去年流毒於此方若非明所為公直果州之民三分死亡二矣卿孺懇請恕之鍾真人曰固當奉台命但康應見在獄府充太保當來虛靖天師亦收入地祇十將之第六人而掌瘟不平檢察太過昨今溫瓊收下今當以台旨恕之所收康應吏卒送溫都巡各杖一百放之其後王卿孺保奏鍾真人封為威惠真人朝廷以溫都巡不受國封特賜金錢沈香一斤至如滅池州五顯香火之根本勦安慶掛車大王之吏兵斬通聖小官人逐洞庭劉小一破洪山漢陽之廟燒盡司牛市之祠專任都巡報應甚亟其他靈異未易枚舉後之人必能搜奇而記之廣其不速云地祇上將溫太保傳

### 溫太保傳補遺

虛白室養素下士黃公重纂集

溫將公忠正直既為嶽神永護玄帝香火嶽帝嘉之一日北帝降下瘟藥千丸於東嶽勅令遣使行溫檢察世間不忠不孝殺生害命損物之人嶽帝受詔召瓊行瘟瓊奉命領藥再三以思一丸之藥殺及千人之死害及于千家况氣候傳流借毒行疾又在此外餘殃及人何可數計甚失太上好生之德不若我以一身以代千人救得無限性命又何所恨乃仰天面北一吞而盡須臾腹痛身熱不可支持乃焚香直詣嶽帝前變作一大猛鬼奏聞其事俯伏待罪適北帝勅下催督檢察嶽帝只得直達溫瓊不職之罪奏聞北帝遂下右勝院督過玄帝嘉其用心保明奏上丐赦瓊之罪北帝可其請就勅令專奉玄帝命令闡化誅魔由是威名愈震又見玉隆知官曹可復自幼奉地祇秘法嘗於池陽行化州有五顯廟靈異甚著官殿甚都適有倅車交割以領之物攜累謁廟與帶側室同入殿

觀看暨歸閱絕醫藥無所措手足入棺未殮吏輩告云有曹道人在市行符法甚靈倅令人召之曹至覽詞云惜過一日不能復生惟恐要考究是乃邪祟則可倅許之曹書符作法焚于棺側須臾棺之蓋板自起其死尸自棺中躍出而立聲喏於曹之前曹云此即攝到為禍鬼祟入附死尸不須驚駭待其訊問再三刑考方云我是本州五王廟第四位花光藏菩薩復問因何魔奪陽人冤命荅曰死者入廟觀看時心中自謂世間安得有一良人生得如此好我見其妄念一興是以攝其冤鬼曹令放還神曰法官令固不當遽然已過息了無如之何曹怒聲言欲奏上帝滅形神曰我是五嶽四瀆山川秀氣結成非他神比法官但絕我池州香火而已言訖死尸入棺如故曹令封殮卜日奏帝差瓊斬之遂稟倅車悉運泥像毀伐于教場中惟斬至第四位果見血流池州香火自此而絕曹之聲名因此而振其後領袖官法不肯妄行行則必驗扣之只溫將耳又蜀口有一縣有神

祠甚靈著累經國封能禍福人而寢殿深秘未嘗容人輒入者神必崇之宰初到官心已懷疑因後其春聚嬰疾咸歸咎於此神一日佯以他事檄巡尉領弓兵至廟乃威服藏祀作文諭之徹其寢門帥眾排闥而入見一猴甚巨倉卒不能變化宰叱弓兵射而斃之遂焚其廟宰終始三年善解而去攜累以歸行至中途少憩旅邸因如廁忽覩路上迎神騶騎從者甚都及見所迎之神即向來射死廟中猴神相貌其神下轎作人語按劍而坐呼左右擒宰叱一鬼使食啖之宰執執傍有人為解救曰不須食啖只請大王去他家做主其鬼使遂將宰拋棄於空中忽失身於曠野不知何地尋路數日方見有人問之則去家五千餘里日夕丐尋歸路不得惟探信州龍虎山欲投天師一念所至真靈護之得以不死越四年餘方探到信州未及入山見一道人叩之則曰我是虛靖先生宰叩頭下拜纔欲陳訴虛靖曰我已知之不煩到山明公在路有何生活可以度日答曰僅能課命

十一

十一

虛靖遂授一鏡一令一鏡則令懸之於當心令則令繫之於左臂教之使去宰急尋路如有陰護日行百餘里不倦越僅年忽然到鄉如有人引領到家及門一如虛靖之教仍只以課命為辭神領長幼俱出觀其課算神宰對語忽然鏡動以所授令一擊只見溫將軍自鏡躍出雷電交作黑霧黑風不可仰視良久開霽則擊死向來一巨猴及二猴子於一廳前宰具言其所以而家人方能記憶二猴子皆宰之妻妾所生惜不能記其名姓也頃年盧養浩來江西至臨江軍行化值蕭氏家患瘵懸賞募人救瘵養浩於慧力寺前考附每附一童躍入江月亭水中不復上岸眾皆疑信養浩再附一人遂持法官所執之劍亦直躍入潭中良久三人扛至一鮎魚頭上岸乃知正其為崇蕭之疾由是而愈盧語人曰未若溫瓊方得捷疾洪一庵行內臺鄴都得名携其徒鍾野雲到建寧府浦城縣牛田黃通鑰家遇其小女患顛邪驗之考附因住於閩有邪名江郎名戴大婆為禍置獄在寺為

十一

十一

人踢破其巢走逸借搜邪神變為飛鴉猛虎圍繞寺外吮乳嗚噪諸法俱不能收伏後用十地祇方悉擒捕遂縛其巢過湖石用沈沒法方滅其形以是知地祇專司溫將捷瘵響應如此姑撫見聞以補前傳錄云

○溫太保傳補遺



玄品錄序

當一

太史公曰道家使人精神專一動合無形澹足萬物其為術也因陰陽之大順采儒墨之善撮名法之要與時遷徙應物變化立俗施事無所不宜指約而易操事少而功多予嘗感激以為豈無其人隱約而不可見使太史之論不得信於後世乃發憤求之於古人由老子而下若老子徒者采其道德文藝而類次之蓋彷彿得其人矣昔南華之叙天下道術尊孔子而不與今倣其意於是集老子不與尊之至也揚子雲曰孔子文足者也老子玄足者也因命題曰玄史是道家之權輿博大真人之軌轍興世立教之法則也太史公之論定兩願學焉乙亥歲秋九月十四日白  
曲外史張天兩序

玄品錄卷之一

句曲外史吳郡海昌張天兩集

道德品

周

尹喜周大夫也善內學常服精華隱德修行時人莫之知老子西遊喜先見其悉知有真人當過物色而遮之果得老子老子亦知其奇為著道德上下篇授之後與老子俱之流沙服巨勝實莫知其終喜亦著書九篇號曰關尹子劉向稱其渾質崖戾汪洋大肆然有式則使人泠泠輕輕不使人狂莊子亦載其語曰在已無居形物自著其動若水其靜若鏡其應若響芴乎若亡寂乎若清同焉者和得焉者先未嘗先人而嘗隨人稱為古之博大真人本號文始先生

尹軌字公度太原人文始先生從弟也博學五經尤明天文圖緯及校諸道經凡百餘篇常服黃精餌初文始遇老子函谷關以周康王昭王時於終南作草樓以居至穆王修其草樓改為樓觀以待有道之士公度遂與隱

士杜冲修習其處得道為太和真人杜冲字玄逸鎬京人以周昭王丁巳年開文始登真乃於靈宅栖玄學道于時幽人逸士自遠而至者有五人焉並沉默虛遠方雅高素道術相忘共弘不伐之則也穆王所以為修觀立祠置冲為道士焉年一百二十餘得道昇舉號太極真人辛沂一名計然蔡丘濮上人也師事老子博學無所不通楚平王問曰聞子得道於老子可得聞乎對曰道德臣邪以為正振亂以為治醇德復生天下安寧要在一人故積德成王積怨成亡堯舜以是昌桀紂以是殃王曰敬聞命矣後南遊吳越范蠡師之越欲伐吳蠡諫曰臣聞之師曰兵凶器戰逆德爭者事之末也陰謀逆德好用凶器試身於所未不可勾踐不聽敗於夫椒後位以上大夫弗就隱吳興餘不之禹山著書一十二卷自號文子其辭旨皆本之老子柳子厚嘗為刊削頗發其意有曰神者智之淵神清則智明智者心之府智公則心平又曰上學以神聽之中學以心聽之下學以耳聽之又

曰貴則觀其所舉富則觀其所欲貧則觀其所受又曰人性欲平嗜欲害之亦文子之一辯也天寶中號文子通玄真人書曰通玄真經

陸通楚狂接輿也好養生採食靈蘆木實及蕪菁子遊諸名山歷數百年人猶見之孔子將之楚接輿歌而過孔子曰鳳兮鳳兮何德之衰往者不可諫來者猶可追已而已而今之從政者殆而孔子下欲與之言趨而避之不得與之言

○庚桑楚陳人為老子之役偏得老子之道居畏壘之山其臣之畫然知者去之其妾之絮然仁者遠之擁腫之與居執掌之為使居三年畏壘大壤後遊吳隱毗陵孟峯古洞靈觀其處也著書九篇號庚桑子一名亢倉子其書亡至唐開元王褒獻其書因封洞靈真人書曰洞靈真經

南榮越見老子老子曰何與人偕來之衆也越懼然顧其後老子曰子不知吾所謂乎越俛而慙仰而嘆曰今者吾忘吾答因失吾問

老子曰何謂也曰不知乎人謂我朱愚知乎反愁我軀不仁則害人仁則反愁我身不義則傷彼義則反愁我已我安逃此而可老子曰能抱一乎能勿失乎能含諸人而求諸己乎能脩然乎能侗然乎能兒子乎兒子動不知所為行不知所之身若槁木之枝而心若死灰若是者福亦不至禍亦不來福禍無有惡有人災初越師庚桑子子曰吾才小不足以化子子胡不南見老子故越見老子曰願因楚而問之

○尹文學老子之道作華山之冠以自表其為道不累於俗不飾於物願天下之安寧以活民命人我之養畢足而止見侮不辱救民之闕禁攻寢兵救世之戰以此周行天下上說下教不忘天下者也書二篇曰尹文子

士成綺周隱君子也百舍重趺而見老子曰吾聞夫子聖人也吾固不辭遠道而來取問修身老子曰夫道於大不終於小不遺廣乎其無不容也淵乎其不可測也夫至人極物之真能守其本故外天地遺萬物而神未嘗

困也士成綺有得焉

崔瞿周之賢大夫也問於老子曰不治天下安臧人心老子曰汝慎無擾人心人心排下而進上上下下曰殺其熱焦火其寒凝冰其疾頰仰之間而再撫四海之外其居也淵而靜其動也懸而天憤驕而不可擊者其唯人心乎昔者黃帝始以仁義擾人心施及三王而天下大駭矣於是乎喜怒相疑愚知相欺善不相非誕信相譏而天下衰矣大德不同而性命爛漫矣天下好知而百姓求竭矣於是乎斲鋸制焉繩墨殺焉椎鑿決焉天下脊脊大亂罪在擾人心蓋老子憤德下衰因崔瞿之問而驚世云

柏矩周之卿士學於老子遊齊見辜人焉解朝服而幕之號天而哭之曰子乎子乎天下有大菑子獨先離之曰莫為盜莫為殺人蔡辱立然後睹所病貨財聚然後睹所爭窮困人之身使無休時欲無至此得乎古之君天下者以得為在民以失為在己以正為在民以枉為在己故一物有失其形者退而自責

今則不然。匪為物而愚不識大為難。而罪不敢重為任。而罰不勝遠其途。而誅不至。民知力竭。則以偽繼之日出。多偽士。民安取不偽。夫力不足則偽。知不足則欺。財不足則盜。盜竊之行於誰責。而可乎。柏矩之言得於老子為多。

列禦寇。鄭人與鄭繻公同時。其學以黃帝老子為宗。居鄭圃四十年。人無識者。初事壺丘子。後師老商氏。而友伯昏無人。進二子之道九年。而後能御風而行。弟子巖恢問曰。所有問道者為富乎。列子曰。桀紂唯輕道而重利。是以亡。列子窮容。貌有飢色。容有言之。鄭子陽者曰。列禦寇。蓋有道之士也。居君之國。而窮君無乃為不好士乎。鄭子陽即令官遺之粟。列子出見使者。再拜而辭。使者去。列子入其妻。望之而拊心曰。妾聞為有道者。妻子皆得逸樂。今有飢色。君過而饋。先生食。先生不受。豈不命也哉。列子笑謂之曰。君非自知我也。以人之言而遺我粟。至其罪我也。且又以人之言。此吾所以不受也。其卒民果作難而

殺子陽。著書舊二十篇。劉向去重複存者八篇。號曰道家。道家者。兼要執本。清虛無為。及其治身務崇。不競合於六經。云唐開元號其書曰。冲虛至德真經。宋宣和加列子號。冲虛觀妙真君。

莊周字子休。梁惠王時為蒙漆園吏。學無所不闡。然其要本歸於老子之言。故其著書十餘萬言。大抵率寓言也。楚威王聞其賢。使使厚幣迎之。許以為相。周笑謂使者曰。千金重利。卿相重位也。子獨不見郊祭之犧牛乎。養食之數歲。衣以文綉。以入太廟。當是之時。欲為孤豚。其可得乎。子亟去。毋污我終身不仕。以快吾志焉。其書以莊子名。其自叙曰。寂寞無形。變化無常。死與生與。天地並與。神明往與。茫乎何之。忽乎何適。萬物畢羅。莫足以歸古之道術。有在於是者。莊周聞其風而悅之。以繆悠之說。荒唐之言。無端崖之辭。時縱恣而不儻。不以綺見之也。以天下沉濁不可與莊語。以卮言為曼衍。以重言為真。以寓言為廣。獨與天地精神往來。而不教倪於萬物不

道。是非以與世俗處。其書雖環瑋而連杆。無傷也。其辭雖參差而詭詭。可觀。彼其充實。不可以已。上與造物者遊。而下與外生死無終始者為友。其於本也。弘大而闊深。闕而肆。其於宗也。可謂調適。而上遂矣。雖然。其應於化而解於物也。其理不竭。其來不訖。茫乎昧乎。未之盡者。按真語。莊周師長桑公子。授其微言。謂之莊子。隱於抱犢山上。補太極圖。編卮世號其書曰。南華真經。宋宣和加號。微妙元通真君。

范蠡字少伯。徐人也。事周師太公望。好服飲水。後師計然。為越大夫。嘗謂人。事必與天地相參。然後可以成功。既佐勾踐破吳。乃嘆曰。計然之策。十用其五。而得意。既以施國。吾欲施之家。乃乘扁舟。浮五湖。變姓名。適齊為鴟夷子。皮更後百餘年。見於陶。為朱君。財累億萬。號陶朱公。振散貧友。昆弟復之。蘭陵實樂後人世識見之云。

鬼谷子。周時隱者。居鬼谷。因以自號。無鄉黨。族姓名。字所著書。蓋出於戰國諸人之表。易

老陰符所不能該者而鬼谷盡得而泄之其亦一代之雄乎其言有曰世無常貴士無常師又曰人動我靜人言我聽知性則寡累知命則不憂凡此之類其為辭亦卓然矣至若盛神養志諸篇所謂中稽道德之祖散入神

明之贖者不亦幾乎郭璞遊仙詩云青谿千餘仞中有一道士借問此為誰云是鬼谷子可謂慨想其人矣徐廣曰潁川陽城有鬼谷註其書者皇甫謐陶隱居尹知章知章唐人鷓冠子楚人當春秋戰國時隱居衣弊履穿

以鷓為冠莫測其名氏著書言道家事蓋其學出於黃老然其經營馳騁天下之志未始一日忘亦足窺其萬一其書有曰小人事其君務蔽其明塞其聰乘其威以灼熱天下天高而難追有禍不可請有禍不可違其言若

此是蓋未能忘情於斯世者至曰鳳鳥陽之精麒麟陰之精萬民者德之精嗚呼亦神矣賈誼作鵬賦多竊其語云

秦道品

郭四朝燕國人兄弟四人並得道四朝是長兄居華陽雷平山於其處種五果又此地可種柰所謂福鄉之柰以除災厲舍前有塘乃四朝所造也四朝嘗乘小船遊戲其中每叩舷而歌曰清池帶靈岫長林鬱青葱玄鳥翔

幽野晤言出從容鼓柁乘神波稽首希晨風未獲解脫期道遙立林中其浪神九垓外研道遂金真戟此靈鳳羽藏我華龍鱗高舉方寸物萬吹皆塔塵願哀朝生螭執蓋汝車輪其遊空落飛颺靈步無形方圖景煥明霞九

鳳鳴朝陽暉翮扇天津奄靄慶雲翔遂造太微宇挹此金梨漿道遙玄垓表不存亦不亡其駕欵舞神霄披霞帶九日高皇齊龍輪遂造北華室神虎洞瓊林風雲合成一開闢幽冥戶靈變玄滅跡四得道後上補九宮左仙

公領玉臺執蓋郎宋宣和勅書曰三炁隱靈固匪名言之測萬神變化莫容擬議之求凡覆存於上真實恢張於至道玉臺侍郎郭真人功叅十極位列九宮含景玉璫已飛行於太極扶華晨蓋爰總侍於虛皇方玉闈於元

綱宜邳隆於顯號尚期冲格永祐昌圖可特封太微葆光真人

姜叔茂秦時封巴陵侯隱於句曲山種五果并五辛菜貨之以市丹砂而用之今山間猶有韭薤即其遺種耶得仙後嘗作書與太極

官僚云昔學道於鬼谷得道於少室養嗣於華陽待舉於逸域時乘飈車冥句曲悟言求嘆代謝之速物存人亡我勞如何

道權

西漢

張良字子房其先韓人也秦滅韓良以家財求客刺秦王為韓報仇以五世相韓故良常學禮淮陽東見滄海君得力士為鐵槌百二十斤秦王東遊至博浪沙中良與客相擊秦王誤中副車秦王怒求賊急甚良乃更姓名王匿下邳良嘗從容下邳圯上有一老父衣褐至良所直墮其履圯下顧謂良曰孺子下取履良愕然欲毆之為其老迺彊忍下取履因跪進父以足受之曰孺子可教矣後五日平明與我期此良因怪跪曰諾五日平明良

往父先在怒曰後何也五日雞鳴往父又先在復怒曰後何也後五日夜半往有頃父亦來喜曰當如是出一篇書曰讀是則為王者師後十年興十三年孺子見我濟比穀城山下黃石即我矣遂去不見旦日視其書乃太公兵法良因異之嘗習讀居下邳為任俠以說沛公沛公喜常用其策卒以取天下及從高帝都關中以性多疾即導引不食穀閉門不出歲餘上欲廢太子立戚夫人子趙王如意呂后謀於良因致商雒山四老人從太子侍酒罷酒竟不易太子者良策招四人之力也良乃稱曰家世相韓及韓滅不愛萬金之資為韓報仇今以三寸舌為帝者師封萬戶位列侯此布衣之極於良足矣願棄人間事從赤松子遊乃學道欲輕舉薨謚文成侯良始見邳上老父後十三載從高帝過濟北果得穀城山下黃石取而寶祠之及良死并葬黃石每上塚伏臘祠黃石陳留縣天授觀為奉祠之所宋政和封凌虛真人

曹叅沛人也秦時為獄掾而蕭何為主吏居

縣為豪吏矣高祖為沛公叅以中涓從孝惠元年以叅為齊丞相叅之相齊齊七十城天下初定齊悼惠王富於春秋叅盡召長老諸先生問所以安集百姓齊故諸儒以百數言人人殊叅未知所定聞膠西有蓋公治黃老

言使人厚幣請之蓋公為言治道貴清靜而民自定推此類具言之叅於是避正堂舍蓋公為其治要用黃老術故相齊九年齊國安集大稱賢相已而相國何薨代之舉事無所變更一遵何之約束以寬厚清靜為天下師

為相國三年薨謚曰懿侯百姓歌曰蕭何為法講若畫一曹叅代之守而勿失載其清靜民以寧堂

道品

司馬季主楚人也卜於長安東市宋忠為中大夫賈誼為博士同日俱出洗沐相從論議誦說先王聖人之道術究徧人情相規而嘆賈誼曰吾聞古之聖人不居朝廷必在卜醫之中二人即同輿而之市遊於卜肆中天新雨道少人司馬季主閑坐弟子三四人侍方

辨天地之道日月之運陰陽吉凶之本二大夫再拜謁季主視其狀貌類有知者即禮之使弟子延之坐坐定季主復理前語忠與誼瞿然而悟正襟危坐曰吾望先生之狀聽先生之辭小子竊觀於世未嘗見也今何居之

卑何行之活乎季主捧腹大笑曰觀大夫類有道術者何言之陋而辭之野也今天子所賢者何也所高者誰也今何以卑汚長者而君云云無非尊爵祿而賤卜筮之語季主數暢數百言出入老莊皆深明道德以謂卜筮

之有益於人也忠誼忽而自失悵然噤口不能言再拜而辭出市門僅能上車伏軾低頭語自嘆曰道高益安勢高益危居赫赫之勢失身且有日矣夫卜而不審不見奪精為人

主計而不審身無所處此相若遠矣猶天冠地履也此老子所謂無名者萬物之始也天地曠曠物之熙熙或安或危莫知居之我與若何足預彼哉彼久而愈安雖曾氏之義未有以異也宋忠後以使凶奴不至而還抵罪

賈誼為梁懷王傳王墮馬薨誼不食毒恨而死此珍華絕根者也按真誥季主後入委羽山石室受石精金光藏景化形法於西靈子都臨去之際託形枕席為代己之像墓在蜀郡成都盤山之南諸葛武侯昔建碑銘德於季主墓前碑讚末曰玄漠太寂混合陰陽天地交泮萬品滋彰先生理著分別柔剛鬼神以觀六度顯明又季主一男一女俱得道男名法育女名濟華皆在委羽山中季主讀玉經服明丹之華挹扶晨之暉今顏色如二十之女子鬚長三尺黑如墨也東卿君道如此真奇事也

道化

東方朔字曼倩平原狀次人也久在吳中為書師數十年武帝上書說便宜拜為郎至昭王時時人或謂聖人或謂凡人作深淺顯默之行或忠言或戲語莫知其旨至宣帝初棄郎以避亂世置幘官舍風飄之而去後見於會稽賣藥五湖知者疑其歲星精也夏侯湛贊其像曰開濟明豁包含弘大凌轡卿相朝

哂豪傑籠罩靡前蹈藉貴勢出不休顯賤不憂感戲萬乘若僚交視儔列如草芥雄節遵倫高氣蓋世可謂拔乎其萃遊方之外者也楊雄亦以為朔恢達多端不名一行應諧似優不窮似智正諫似直穢德似狂非夷齊而是柳下惠戒其子以上容首陽為拙柱下為工飽食安步以仕易農依隱玩世詭時不達其滑稽之雄乎顏魯公有畫贊碑陰記並在德州

道儒

司馬談其先周室之太史也談為太史公學。天官於唐都受易於楊何習道論於黃子仕於建元元封之間惑學者不達其意而師詩乃論六家之要指曰易大傳曰天下一致而百慮同歸而殊塗夫陰陽儒墨名法道德此務為治者也直所從言之異路有省不省耳切觀陰陽之術大詳而衆忌諱使人拘而多畏然其叙四時之大順不可失也儒者博而寡要勞而少功是以其事難盡從然其叙君臣父子之禮列夫婦長幼之別不可易也墨

者儉而難遵是以其事不可偏循然其強本節用不可廢也法者嚴而少恩然其正君臣上下之分不可改也名家使人儉而善失真然其正名實不可不察也道家無為又曰無不為其實易行其辭難知其術以虛無為本以因循為用無成勢無常形故能究萬物之情不為物先不為物後故能為萬物主有法無法因時為業有度無度因物興舍故曰聖人不朽時變是守虛者道之常也因者君之綱也群臣並至使各自明也其實中其聲者謂之端實不中其聲者謂之欸欸言不聽森乃不生賢不肖自分白黑乃形在所欲用耳何事不成乃合大道混混冥冥光曜天下復反無名凡人所生者神也所託者形也神大用則竭形太勞則敝形神離則死死者不可復生離者不可復合故聖人重之由此觀之神者生之本形者生之具不先定其神形而曰我有以治天下何由哉子遷世其家著其語云

道化

十一

十五

梅福字子真九江壽春人少學長安明尚書穀梁春秋為郡文學補南昌尉成帝時委任大將軍王鳳王氏專勢擅朝數見災異群下莫敢正言福三上書劇言秦漢所以得失陳十月之歌備亡逸之戒制后族其辭懇切而上不見納成帝久亡繼嗣福以為宜建三統封孔子之世以為殷後復上書推跡故文以左氏穀梁禮記相明宜以孔子世為湯後遂下詔封孔子世為殷紹嘉公是時福居家常讀書養性為事元始中王莽顯政一朝棄妻子去九江至今傳以為仙其後有人見福於會稽者變姓名為吳市門卒云洪州豐城縣大江北岸有祠號昇仙觀宋紹興封壽春吏隱真人

道儒

班固與從弟彪共學家有賜書內足於財好古之士自遠方至父黨楊子雲以下莫不造門嗣雖修儒學然貴老儼之術桓譚欲借其書嗣報曰若夫嚴子者絕聖棄智修身保真清虛澹泊歸之自然獨師造化而不為世

俗所役者也漁釣於一壑則萬物不好其志栖遲於一丘則天下不易其樂不結聖人之網不襲驕君之餌莫然肆志談者不得而名焉故可貴也今吾子已貫仁義之羈絆繫聲名之韁鎖伏周孔之軌躅馳顏閔之極擎既繫學於世教矣何用大道為自眩曜昔有學步於邯鄲者曾未得其彷彿又復失其故步逐匍匐而歸耳恐似此類故不進嗣之行已持論如此莊避漢諱故時稱嚴子

道術

嚴遵字君平蜀人也雅性澹泊學業加妙專精大易耽於老莊常卜筮於成都市以為卜筮者賤業而可以惠衆人有邪惡非正之問則依者龜為言利害與人子言依於孝與人弟言依於順與人臣言依於忠各因勢導之以善從吾言者已過半矣裁日閱數人得百錢足以自養則閉肆垂簾而叟老子博覽無不通依老子莊周之旨著書十餘萬言楊雄少時從游學得君平之道為多蜀有富人羅冲者問君平曰君何以不仕君平曰無以自

發冲為君平具車馬衣糧君平曰吾病耳非不足也我有餘而子不足奈何以不足奉有餘冲曰吾有萬金子無儻石乃云有餘不亦得乎君平曰不然吾前宿子家人定而役未息晝夜汲汲未嘗有足今我以卜為業不下床而錢自至猶有數百塵埃厚寸不知所用此非我有餘而子不足耶冲大慙君平嘆曰益我貨者損我神生我名者殺我身竟不仕年九十餘遂以業終蜀人敬愛至今稱焉有祠在漢州綿竹縣宋紹興封君平為妙通真人

真人

本姓莊氏東漢章和之間班固作漢書選明帝諱更之為嚴莊嚴亦古今之通語故老莊亦稱老嚴云○各神子曰君平生西漢中葉王莽篡位遠隔道陽和蓋上世之真人也

玄品錄卷之一

玄品錄卷之二

當三

句曲外史吳郡海昌張天雨集

道隱

西漢

鄭樸字子真隱居谷口玄靜守道復至德之行與君平皆修身自保非其服弗服非其食弗食成帝時大將軍王鳳以禮聘之竟不訕而終楊子法言稱其耕於巖石之下不誦其志而名震京師云漢中有祠

道儒

楊雄字子雲蜀郡成都人少貧好道博覽無所不見然而好深湛之思清淨無為少嗜慾不汲汲於富貴不寂寂於貧賤不修廉隅以微名當世自有大度非聖哲之書不好也非其意雖富貴不事也作太玄法言等書皆極天人之指歸為漢名儒蓋其學本於老氏曠其書可見也如唯寂寞守德之宅爰清爰靜遊神之廷太玄中藏心于淵美厥靈根測曰藏心于淵神不外也皆入老氏之室者

道品

三茅君大君諱盈字叔申中君諱固字季偉小君諱衷字思和咸陽南關人也大君生于景帝中元五年丙申歲二弟於戊戌庚子歲生大君年十八棄家辭親入恒山中讀道德經周易傳精思求道復造西城感遇總真王君使主衣書圖錄遠得道為總真弟子還家時年四十九能起死回生父母心異之事父母至終喪停家凡五十三年中君景帝時祭孝廉元朔元年舉賢良拜五官郎政和二年轉太子太傅元鳳元年拜破胡校尉武威太守小君少以節行著名隱華陰山武帝建元三年舉方正不就徙梁園為孝王上賓宣帝地節二年遷洛陽令轉西城校尉上郡太守元帝即位拜五更大夫轉西河太守中君時為執金吾並當之官鄉里祖送者數百人大君對賓曰吾雖不作二千石卿相亦當有神靈之職天帝見選補東嶽上卿霍林司命君領拔學道總吳越生死之籍此亦上真宗師神官之要位也來年四月三日當昇舉諸君能來顧如今日否若見省者亦不須有所損

費自當有以相供侍也至期果有迎官來下乃與宗族辭決民謂鄉里子弟曰我今此去權停江水之東句曲之山季偉思和雖見事晚必能自悔釋官委祿以來求我言畢謝時人而去蓋元帝初元五年丁丑君年一百二歲矣二弟在官聞兄白日神仙各棄官還家以求光五年壬午三月六日渡江求兄於東山既見悲忻流涕君告二弟曰悟何晚矣遂授以神散靈方濟度俱成真人而治句曲山之洞金壇華陽之天遂號中君為定錄神君小君為保命仙君皆天職也大君至哀帝元壽二年庚申年一百四十五以是歲八月十八日已酉受九錫玉冊文遷任赤城玉洞之府位為司命上真東嶽上卿太元真人君告二弟曰吾今去便有局任不得數相往來要當一年再過來於此山三月十八日十二月二日期要吾師總真君及南嶽太虛赤真人遊聘於二弟之處也將可記識之有好道者待我於是日自當料理之有以相教訓於未悟於是二君留治茅山洞內立宮結構於外



將道著萬物深潤蒼生德加鳥獸各獲其情  
神驗禍福罪惡必明內法既融外教坦平爾  
乃風雨以時五禾熟成疾癘不起暴害不行  
境無災眚邑無賊兵時父老謳歌曰茅山連  
金陵江湖據下流三神乘白鶴各治一山頭  
召雨灑旱稻陸田亦復柔妻子咸保室使我  
百無憂白鶴翔青天何時復來遊三君往曾  
各乘白鶴集山之三處時人互有見者是以  
發於歌詠矣乃復因鶴集之處分句曲之山  
為大茅君中茅君小茅君三山焉統而言之  
蓋是句曲之一山耳無異名也

東漢

道品

張陵道書諱字輔漢沛國封縣人生於餘杭  
天目山本太學諸生博採五經晚乃嘆曰此  
無益於年命遂學黃帝九鼎丹經成於繁  
陽山又得隱書於嵩山石室時值中國紛亂  
漢致陵遂知大道凋喪不足極危佐世退隱  
於餘杭者十年乃與弟子入蜀蜀之百姓翕  
然奉事以師之專以廉恥慈愍化民不喜用

刑罰有疾病者皆令自疏平生罪過與神盟  
以身死為約故皆改惡從善開鑿泉以利百  
姓驅逐大蛇戰鬼二十四敗為二十四治為  
蜀人除害蓋備修制命山嶽衆神之術而功  
德垂著號為天師偏得其道者弟子王長趙  
昇

道隱

向長字子平河內朝歌人潛隱於家性尚中  
和好道老易嘗讀易至損益卦喟然嘆曰吾  
已知富不如貧貴不如賤但未知死何如生  
耳貧無貨好事者更饋焉受之取足而反其  
餘建武中男女嫁娶既畢勅斷家事肆意遊  
於五嶽名山竟不知所終

道化

達萌字子慶北海都昌人聞王莽殺其子字  
謂友人曰三綱絕矣不去禍將及人即解冠  
紱東都城門將家屬浮海客於遼東萌素陰  
陽知莽將敗乃首戴瓦盞哭於市曰新乎新  
手因遂潛藏及光武即位乃之瑯琊勞山養  
志修道人皆化其德連徵不起以壽終

道隱

嚴光字子陵會稽餘姚人也少有高名與光  
武同遊學及光武即位光乃變姓名隱身不  
見帝思其賢乃令以色物訪之後齊國上言  
有一男子披羊裘釣澤中帝疑其光乃備安  
車玄纁遣使聘之三反而後至舍於比軍光  
臥不起帝即其臥所撫光腹曰咄咄子陵不  
可相助為理耶光又眠不應良久乃張目熟  
視曰昔唐虞著德巢父洗耳士故有志何至  
相迫乎帝曰我竟不能下汝耶於是昇輿葉  
息而去復引光入論道舊故相對累日帝從  
容問光曰朕何如昔時對曰陛下差增於往  
因共偃臥光以足加帝腹上明日太史奏客  
星犯帝坐甚急帝笑曰朕故人嚴子陵共臥  
耳其答司徒侯霸書有曰懷仁輔義天下悅  
阿臆順旨要領絕除諫議大夫不屈乃耕於  
富春山後人名其釣處為嚴陵瀨建武十七  
年復特徵不至年八十終於家帝傷惜之

道隱

梁鴻字伯鸞扶風平陵人家貧牧豕於上林

苑中曾誤遺火延及他舍鴻悉以豕償之其主猶以為少鴻願以身居作後歸鄉里勢家慕其高節多欲女之鴻並絕不娶同郡孟氏有女狀肥醜而黑力舉石曰擇對不嫁年至三十父母問其故文曰欲得賢如梁伯鸞者鴻聞而聘之女求作布衣麻屨織作筐緝績之具及嫁始以裝飾入門七日而鴻不答妻乃跪床下請曰竊聞夫子高誼簡斥數婦妾亦偃蹇數夫矣今而見擇敢不請罪鴻曰吾欲褐裘之人可與俱隱深山者爾衣綺縞傅粉墨豈鴻所願哉妻曰以觀夫子之志耳妾自有隱居之服乃更為椎髻著布衣搯作而前鴻大喜曰此真梁鴻妻也能奉我矣字之曰德曜共入灞陵山中以耕織為業詠詩書彈琴以自娛仰慕前世高士而為四皓以來二十四人作頌因東出關過京師作五噫之歌曰陡彼北荒兮噫願見帝京兮噫宮室崔嵬兮噫人之劬勞兮噫遼遼未央兮噫顯宗聞而非之求鴻不得乃易姓運期名曜字侯光與妻子居齊魯之間又去適吳依大家皋

伯通居廡下為人賃舂每歸妻為具食不敢於鴻前仰視舉按齊眉伯通察而異之曰彼傭能使其妻敬之如此非凡人也乃方舍之於家疾且苦告主人曰慎勿令我子持喪歸去及卒伯通等為求塋地於吳要離塚傍咸曰要離烈士伯鸞清高可令相近鴻友人高恢

道隱

高恢字伯通京兆人好老子隱於華陰山中與梁鴻友善及鴻東遊思恢作詩曰鳥嚶嚶兮友之期念高子子僕懷思想念恢兮爰集茲二人遂不復相見恢亦高抗終身不仕

道品

魏伯陽吳人也本高門之子性好道術不肯仕宦閒居養性時人莫知其所從來謂之治民養身而已入山作神丹既成服之死而復生與其弟子姓盧者皆仙去道逢伐木者乃作手書寄謝鄉里人及二弟子伯陽作參同契五行相類凡三卷其說似周易其實假借爻象以論大丹之意而世人若不考丹事多

作陰陽釋之殊失其旨按參同契一書大儒朱元晦蔡元定皆深取其義議論多及之非洞明易老淵旨者弗能窺也

道隱

臺佟字孝威魏郡鄴人也隱於武安山鑿穴為居採藥自業刺史行部及使律事致謁佟載病往謝刺史乃執贖見佟曰孝威居身如是甚苦如何佟曰佟幸得保終性命存神養和如明使君奉宣詔書夕惕庶事反不苦耶遂去隱逸終不見

道隱

韓康字伯休一名恬休京兆灞陵人家世著姓常採藥名山賣於長安市口不二價三十餘年時有女子從康買藥康守價不移女子怒曰公是韓伯休耶乃不二價康嘆曰我本欲避名今小女子皆知有我焉何用藥為乃遂入霸陵山中

道默

矯慎字仲彥扶風茂陵人也少好黃老隱避山谷因穴為室仰慕松喬導引之術與馬融

蘇章鄉里並時皆推先於慎汝南吳蒼甚重之因遺書以觀其志曰仲彥足下勤處隱約雖乘雲行泥棲宿不同每有西風何嘗不嘆蓋聞黃老之言乘虛入冥藏身遠邈亦有理國養人施於為政至如登山絕跡袖不著其證人知觀其驗吾從先生欲其可者於意何如昔伊尹不懷道以待堯舜之君方今明明四海開闢業許無為箕山夷齊悔入首陽足下審能騎龍弄鳳翔嬉雲間者亦非狐兔燕雀所敢謀也慎不答年七十餘竟不肯娶後忽歸家自言死日及期果卒後人有見慎於敦煌者故前世異之

### 道隱

法真字高卿扶風郿人好學而無常家傳通內外圖典為關西大儒弟子自遠方至者數百人性恬靜寡欲不交人間事太守請見之乃幅巾詣謁太守欲以功曹相屈真曰明府見待有禮故敢自同賓末若欲吏之真將在南山之南北山之北矣同郡田弱薦真體兼四業幽居怡泊將蹈老氏之高蹤不為玄纁

屈也戶願聖朝就加家職必能奏清廟之歌致來儀之鳳也帝虛心欲致前後四徵真曰吾既不能遐形遠世豈飲洗耳之水哉遂深自隱絕友人郭正稱之曰法真名可得聞身難得而見逃名而名我隨避名而名我追可謂百世之師者矣乃共刊石頌之號玄德先生

### 道化

劉寬字文饒弘農人年七十三一旦遇青谷先生降之寢室啜其杖解法將去入華山行九息服炁又授以爐火丹方修之道成後來華陽洞中主始學道者寬任漢位至司徒太尉好行陰德拯寒困萬民悅而附之如父母焉

### 道隱

龐公南郡襄陽人居峴山之南未嘗入城府夫妻相敬如賓荆州刺史劉表數延請不能屈乃就候之謂曰夫保全一身孰若保全天下乎龐公笑曰鴻鵠巢於高林之上暮而得所棲黿鼉穴於深淵之下夕而得所宿夫取

舍行止亦人之巢穴也且各得其所棲宿而已因釋耕於隴上而妻子耘於前表指而問曰先生苦居畎畝而不肯官祿後世何以遺子孫乎龐公曰世人皆遺以危今獨遺之以安雖所遺不同未為無所遺也遂携其妻子登鹿門山因採藥不返

### 道儒

庾扶字文起汝南平輿人習韓詩歐陽尚書教授嘗數百人父坐事下獄死扶感父以法喪身憚為吏及服終而嘆曰老子有言名與身孰親吾豈為名乎遂絕志世外專精經典尤明天文推步之術州郡公府辟召皆不應扶知歲荒聚穀數千斛悉用給宗族姻親又斂葬遭疫死亡不能自收者時人號為北郭先生年八十終於家

### 道言

樊英字季齊南陽魯陽人也少受業三輔習京氏易兼明五經又善風角算河洛七緯推步災異隱於壺山之陽州郡前後禮請不應舉賢良方正有道皆不行永建二年順帝策

書備禮玄鍾微之復固辭稱疾篤乃詔切責郡縣駕載上道英及京稱病不肯起乃強與入殿猶不以禮屈帝怒曰朕能生君能殺君能貴君能賤君能富君能貧君君何以慢朕命英曰臣受命於天生盡其命天也死不得其命亦天也陛下焉能生臣焉能殺臣臣見暴君如見仇讎立其朝猶不肯可得而貴手雖在布衣之列環堵之中晏然自得不易萬乘之尊又可得而賤乎陛下焉能貴臣焉能賤臣非禮之祿雖萬鐘弗受也申其志雖筆瓢不厭也陛下焉能富臣焉能貧臣帝不能屈而敬其名使出就太醫養疾帝令公車令導尚書奉引賜几杖待以師傅之禮朝廷每有災異詔輒下問變復之效所言多驗年七十餘卒于家

道品

王遠字方平東海人也舉孝廉除郎中稍加至中散大夫博學五經尤明天文圖讖河洛之術逆知天下盛衰之期九州吉凶觀諸掌握後棄官入山修道道成孝桓帝連徵不出

使郡牧逼載以詣京師遠低頭閉口不肯答詔乃題宮門扇版四百餘字皆說方來之事帝惡之使人削之外字始去內字復見墨皆徹版裏方平無復子孫里人累世相傳共事之同郡故太尉公陳耽為方平駕道室朝夕朝拜之但乞福消災不從學道方平住耽家四十餘年後與耽云吾期運將盡當去不得復停明日日中當發也至時方平死耽知其化去不敢下著地但悲涕嘆息曰先生捨我去耶我將何如具棺器燒香就床上衣裝之至三日三夜忽失其尸衣帶不解如蛇蛻耳方平去後百餘日耽亦死或謂耽得方平之道化去或謂方平知耽將終委之而去也其後方平欲東之枯蒼山過吳住胥門蔡經家經者小民也骨相當仙方平故往其家因語經曰汝生命應得度世然汝少不聞道今氣少肉多當從尸解耳尸解一劇須臾如狗齧中過耳告以要言乃委經去後經果蟬蛻失所在去十餘年忽然還家語其家云七月七日王君當來過到其日可作數百斛飲食以

供從官乃去到期日方平果來毫節導從威儀奕奕如大將軍也要麻姑會於經家比舍有陳尉者叩頭乞拜願得驅使比於蔡經方平曰君且起可向日立方平從後視之曰噫君心不正影不端終不可教以仙道也當授君地上主者之職臨去以一符一傳著小箱中與陳尉云可以消災治鬼陳尉後年一百十歲嘗得方平賜書真書廓落大而不工先是無人知方平名遠者乃因陳尉傳之

道化

韓崇字長季吳郡毗陵人也少好道林屋仙人王緯作肆玄曾授之以流珠丹一法崇奉而修之大有驗璋玄語之子行此道亦可以出身仕宦無妨仙舉也崇遂仕稍至宛陵令行仁以為政用道以撫民虎狼深避蝗不集界遷汝南太守拔書佐袁安安後位至司徒時人通以崇有識物之鑒也陰皇后葬京師近郡二千石妻當會園陵而崇獨居清素妻忿崇哭泣詔問其故太常馮夷答曰汝南太守韓崇清苦遠尚味道志形身尊重官而妻自

紡績政化仁簡視民如傷深達奇博有君子之鑿斯則昏夕之夜光陛下之子產也妻不通寒儉之節哭怨無衣將足以顯崇明德耳上奇之加崇俸祿秩中二千石後孝明皇帝巡狩汝南上治崇府崇使妻出住孤獨老姬家上聞之嘆曰韓崇所謂百鍊不銷也賜錢五十疋崇在郡積十四年政化著洽舉天下最年七十四瑋玄乃授以隱解法得去入大霍山復啜以遁化泥丸紫戶術以度世後來華陽洞中為左理中監陶隱居云漢書所傳事跡略同而置辭小異耳

### 道術

夏馥字子治陳留人也少好道服水餌和雲母後入吳山從赤鬚先生受鍊魂法在華陽洞中為明晨侍郎馥少時被公車辟召懸碑書著桑樹乃去其用懷高邁如此隱居云後漢及高士傳並言馥陳留圉人桓帝時舉直言不就

### 道化

劉翊字子翔漢書作字子相翊本潁川人少

好道德而家世大富常能周施而不以為惠恤死救貧非一人矣舉上計掾拜郎中遷陳留太守出長安五百里中斂死恤窮損已分人行達陽平遂遇馬皇先生告翊曰子仁感天地陰德神鬼太上將嘉子之用情矣使我來携汝以長生之道翊叩頭自搏願乞侍給因將入桐柏山中啜以隱地八術服五星之華法得度名東華入華陽洞中為定錄府右理中監

### 三國

### 道儒

張珩字子明少遊太學學兼內外并州牧高幹表除樂平令不就徙遁常山門徒且數百人太祖為丞相辟不詣太和中詔求隱學之士郡累上珩發遣老病不行廣平太守盧毓到官三日綱紀十一白承前致版謁珩毓教曰張先生所謂上不事天子下不交諸侯者也豈此版謁所可先飾哉但遣主簿奉書致羊酒之禮卒年一百五歲是歲太守王肅至官教下縣曰前在京都聞張子明來至問之會其

已亡致痛惜之此君篤學隱居不與時競以道樂身昔絳縣老人屈在泥塗趙孟升之諸侯用睦愍其耄勤好道不蒙榮寵書到遣吏勞問其家顯題門戶務加殊異以慰既往以勸將來

### 道默

焦先字孝然河東人也漢末關中亂先失家屬獨竄於河渚間食草飲水無衣履時太陽長朱南望見之謂為亡士欲遣船捕取同郡侯武陽語縣此狂癡人耳遂註其籍給廩日五升人皆輕易之然其行不踐邪逕必循阡陌及其摺拾不取太穗飢不苟食寒不苟衣每出見婦人則隱翳須去乃出自作一瓜牛廬淨掃其中營木為床而草褥其上至天寒時篝火以自灸呻吟獨語太和青龍中嘗持一杖南渡河水泛漲輒獨云未可也由是人頗疑不狂所言多驗會謂之隱者也年八十九終

### 道默

石德林安定人也建安十六年關中亂南入

漢中初不治產業不畜妻孥常讀老子五千文及諸內書晝夜吟詠不絕口食不足頗行乞乞不取人問其姓名口不肯言時人號之曰寒貧蓋專志玄默者

道品

左慈字元放廬江人少明五經兼通星緯見漢祚將盡天下亂起乃嘆曰值此衰運官高者危財多者死當世榮華不足貪也乃學道術精思於天柱山中得石室丹經修之能變化萬端曹公召試之欲從學道慈曰學道當得清淨無為非尊貴所宜曹性猜忌屢欲殺之不能也慈在荆州劉表作牧以為惑衆復欲殺慈慈先知委表東去及見吳主孫權權素知慈有道禮重之按真誥慈今在小括山常行來數在此下尋更受職也慈顏色甚少正得爐火九華之益隱居括蒼在建安末慈嘗渡江尋茅山仍得入洞又乞丹砂合九華丹即李仲甫弟子葛玄之師也

道品

葛玄字孝先從左元放受經法嘗餌木朮長

於治病救勅鬼魅之術能分形變化吳大帝要與相見欲加禁位玄不聽求去不得待以客禮一日語弟子張恭言吾為世主所逼留不違作大藥今當以八月十三日中時去矣至期玄衣冠入室臥而氣絕顏色不變弟子燒香守之三日三夜夜半忽大風起發屋折木聲如雷燭滅良久燃燭失其所在但見委衣床上帶無解者明旦問隣人隣人云了無大風風止在一宅內籬落樹木並敗折也按真誥玄初在長山近入蓋竹亦能乘虎使鬼無所不至但幾於未得受職耳隱居註云是抱朴從祖即鄭思遠之師也少入山得仙時人咸莫測所在傳言東海中仙人寄書呼為仙公故抱朴亦同然之

道品

鮑靚字太玄東海陳留人年五歲語父母云本是曲陽李家兒九歲墮井死其父母尋訪得李氏推問皆符驗靚學兼內外明天文河洛書仕至南陽太守嘗行部入海遇風飢甚取白石煮食之以自濟後遇真人陰君授道

訣復師左元放受中部法三皇內文能使鬼神封山制魔百餘歲卒按真誥靚及妹並是七世祖積行陰德故令福遠靚等今並作地下主者在華陽中隱居云靚用秦清尸解法當是主者之最高品矣靚女鮑姑散騎常侍葛洪之妻也

道言

張玄賓定襄人也魏武帝時舉茂才歸鄉里師事西河蘇公受服術餌兼行洞房白元之事後遇真人樊子明於少室山授以遁變隱景之道昔在天柱山後來華陽內為理禁伯理禁伯者主雨水官也亦保命之監國也玄賓善談空無乃談士常論無者大有之宅小有所以生焉積小有以養小無見大有以本大無有有亦無焉無無亦有焉所以我目都

高氣秉理如此

道儒

王弼字輔嗣山陽高平人少察慧十餘歲便好老莊吏部尚書何晏甚奇之曰若斯人者可與言天人之際矣晏注老子始成詣弼見其所註精奇因以所註為道德二論復條向者勝理謂之曰此僕以為極可得復難否弼便作難一坐便以為屈嘗立論以為天地萬物皆以無為為本无也者開物成務無往不存者也陰陽恃以化生萬物恃以成形賢者恃以成德不肖恃以免身故無爵而貴矣弼又作易傳先儒宗之

道默

孫登字公和汲郡人無家屬於郡北山為土穴居之好讀易撫一絃琴性無恙怒人或投諸水中欲觀其怒登既出便大笑嘗往宜陽山有作炭人見之知非常人與語登不應文帶聞之使阮籍往觀既見與語亦不應嵇康從之遊三年問其所圖終不答康將別謂曰

先生竟無言乎登乃曰子識火乎生而有光而不用其光果在於用光人生而有才而不用其才果在於用才故用光在乎得薪所以保其耀用才在乎識真所以全其生今子才多識寡難乎免於今之世矣子無求乎康不能用後作幽憤詩云昔慚柳下今愧孫登竟莫知所終

道質

郭文字文舉河內軹人也少愛山水尚嘉遁每遊山水彌旬忘返父母終服畢不娶辭家遊名山恒著鹿裘葛巾採竹葉木實買鹽以自供食有餘穀輒恤窮匿王導聞其名遣人迎之既至置之西園溫嶠嘗聞先生安獨無情乎文曰情由憶生不憶故無情嶠又問曰先生獨處窮山若疾病遭命或為鳥鳥所食顧不酷乎文曰藏埋者亦為螻蟻所食復何異乎導嘗眾賓共集絲竹並奏試使呼之文瞪眸不轉跨躡華堂如行林野于時坐者咸有鈞深味遠之言文常稱得達來語天機鏗宏莫有窺其門者一旦忽求還山及蘇峻反

入皆以為知幾卒葛洪度闡並為作傳讚頌其德云梁乾化封靈曜真君

道質

嵇康字叔夜譙國鉅人康早孤有奇才遠邁不群身長七尺八寸美辭氣有風儀而土木形骸不自藻飾人以為龍章鳳姿天質自然學無師授博覽無不該通與魏宗室婚拜中散大夫嘗修養生服食之事彈琴詠詩有足於懷以為神仙稟之自然非積學所致至於導養得理則安期彭祖之倫可及乃著養生論每思郢質所與神交者惟陳留阮籍河內山濤豫其流者向秀劉伶籍兄子咸王戎遂為竹林之遊戎自言與康居山陽二十年未嘗見其愠喜康嘗採藥遊山澤會其得意忽焉忘返時有譙蘇遇之謂為神人至汲郡山中見孫登遂從之遊登沉默自守無所言說康臨去乞一言登曰君才則高矣保身之道不足又遇王烈共入山烈嘗得石髓如飴自服半餘與康皆凝為石又於石室中見一馬素書遽呼康往取輒不復見烈乃歎曰叔夜

志趣非常而輒不遇命也山濤將去選官舉康自代康乃與濤書告絕略曰聞道士遺言餌木黃精令人久壽意甚信之遊山澤觀魚鳥心甚樂之一行作吏此事便廢安能舍其所樂而從其所懼哉今但欲守陋巷教養子孫時時與親舊叙離濶陳說平生濁酒一杯彈琴一曲志願畢矣此書既行知其不可羈屈也南海太守鮑靚通靈者也東海徐寧師之寧夜聞靚室有琴聲怪其妙而問焉靚曰嵇叔夜寧曰嵇臨命東市何得在茲靚曰叔夜示形有終而實尸解耳見顧凱之嵇康贊阮籍字嗣宗陳留尉氏人容貌環傑志氣宏放傲然獨得任情不羈而喜怒不形於色或閉戶視書累月不出或登山臨水經日忘歸博覽群籍尤好莊老嘗著達莊論叙無為之貴文多不錄作詠懷詩八千餘篇為世所重嗜酒能嘯善彈琴當其得意忽忘形骸時人多謂為癡聞步兵廚管人善釀有貯酒三百斛乃求為步兵校尉遺落世事又能為青白眼見禮俗之士以白眼對之嘗於蘇門山中

遇孫登與商略終古及栖神導氣之術登皆不應籍因長嘯而退至半嶺間有聲若鸞鳳之音響乎巖谷乃登之嘯也歸者大人先生傳其略曰世之所謂君子惟法是修惟禮是克手執圭璧足履繩墨行欲為目前檢言欲為無窮則少稱鄉黨長聞隣國上欲圖三公下不失九州牧獨不見群蟲之處視中逃乎深縫匿乎壞絮自以為吉宅也行不敢離縫際動不敢出禪櫺自以為得繩墨也然炎丘火流焦邑滅郡群蟲處於禪中而不能出也君子之處域內何以異夫此亦籍之本趣也每率意獨駕不由逕路車跡所窮輒慟哭而返嘗登廣武觀楚戰處嘆曰時無英雄使堅子成名景元四年卒

道儒

向秀字子期河內懷人清悟有遠識雅好老莊之學少為山濤所知莊周所著內外篇秀於舊註外而為解義妙演奇致大暢玄風唯秋水至樂二篇未竟惠帝之世郭象字子玄者述而廣之秀與嵇康呂安為交趣舍不同

康傲世不羈安放逸邁俗而秀雅好讀書秀將注莊子先以告康康成曰此書詎復須注徒棄人作樂事耳及成以示二子康曰爾故復勝否安乃驚曰莊周不死矣復註周易大義可觀而與漢世諸儒互有彼此未若隱莊之絕倫也康又善鍛秀每為之佐相對怡然傍若無人後應本郡計掾入洛文帝問曰聞有箕山之志何以在此秀曰以為巢許猶分之士未達堯心豈足多慕帝甚悅其後隣人有吹笛者發聲嘹唳追想曩昔嵇生遊宴之好感音而嘆作思舊賦云位至散騎常侍卒

道儒

皇甫謐字士安幼名靜安定人漢太尉嵩之曾孫也年二十不好學晚就鄉人席坦受書居貧帶經而農遂博綜經籍百家之言沉靜寡慾始有高尚之志以著述為務自號玄冥先生著禮樂聖真之論後得風痺疾猶手不輟卷或勸修名廣文謚作守玄論以答之貧者士之常賤者道之實遂不任耽玩墳典志疾與食時人謂之書淫或感其過篤將損耗



精神謚曰朝聞道夕死可矣況命之脩短分定懸天乎舉孝廉相國辟又舉賢良方正俱不應自表就武帝借書帝送一車書與之雖羸疾而披閱弗息累徵竟不仕大康二年卒所著帝王世紀高士逸士烈女等傳並重于世

玄品錄卷之二

玄品錄卷之三

當三

句曲外史吳郡海昌張天雨集  
道品

葛洪字稚川丹陽句容人少好學家貧躬自伐薪以貨紙墨夜輒寫書習誦遂以儒學知名性寡欲無所愛玩不知碁局幾道博蒲齒名為人木訥不好榮利閉門却掃未嘗交遊時或尋書問義不遠數千里崎嶇冒涉期於必得尤好神仙導養之法從祖玄吳時學道得仙號曰葛仙公以其鍊丹秘術授弟子鄭隱洪就隱學悉得其法焉咸和初司徒王導召補州主簿後選為散騎常侍領大著作皆固辭不就晚欲鍊丹聞交趾出丹砂求為勾漏今帝以洪資高不許洪曰非以為榮以有丹耳帝從之行至廣州刺史鄒岳留不聽去乃止羅浮山鍊丹在山積年優遊閒養著述不輟其自序曰洪體之進超之才偶好无為之業假令舊翅則能凌厲霄玄騁足則能追風躡景猶欲戰勁翮於尺鷃之群藏逸迹於跛驢之伍豈沉大塊稟我以尋常之短羽造

化假我以至驚之蹇足自卜者審不能者上

豈敢力蒼蠅而慕冲天之舉策跛鱉而追飛兔之軌哉是以望絕於榮華之塗而志安乎窮地之域藜藿有八珍之甘蓬蓽有藻悅之樂也世儒徒知服膺周孔莫信神仙之書不大笑之又將毀誇真正故予所著抱朴子內外篇凡一百一十六篇雖不足藏之名山且欲緘之金匱以示識者蓋以自號名其書云洪博問學識江左絕倫著述篇章富於班馬又精辯玄蹟析理入微一日坐至日中兀然若睡而卒年八十一視其顏色如生體亦柔軟舉入棺甚輕如空衣蓋尸解仙去矣

道權

王羲之字逸少司徒導之從子也善隸書為古今之冠論者謂其筆勢以為飄若遊雲矯若驚龍每自稱我書比鍾繇當抗衡比張芝草猶當鴈行也深為從伯敦導所器重起家秘書郎後為右軍將軍會稽內史羲之推好服食養性不樂在京師初渡浙江便有終焉之志會稽有佳山水名士多居之謝安未仕

時亦居焉嘗與同志宴集於山陰蘭亭羲之自為序或以潘岳金谷詩序方之王羲之比如石崇聞而甚喜性愛鷓鴣山陰有道士養好鷓鴣羲之往觀焉意甚悅因求市之道士云能為寫道德經當舉群相贈耳羲之欣然寫畢籠鷓鴣而歸其任率如此後稱病去郡於父母墓前為文自誓不復出仕既去官與東上人士盡山水遊之又與許先生邁共修服食採藥卒年五十九

道品

許邁字叔玄一名映丹陽句容人總角好道潛致幽契曾從郭璞筮卦過大壯之大有上六爻發謂曰君元吉自天宜學輕舉之道初師鮑靚受中部法及三皇內文一旦辭家謂餘杭鬢鬢山近延陵之茅山是洞庭西門潛通五嶽陳安世茅季偉所嘗遊處於是立精舍於懸壺而往來茅嶺之洞室朔望時節還家定省而父母既終乃遣婦孫氏還家散髮去累改名玄字遠遊與王右軍父子周旋子猷乃修在三之敬嘗遺羲之書云自山陰南

至臨安多有金堂玉室仙人芝草左元放之徒漢末諸得道者皆在焉永和四年秋絕跡於臨安西山又入在臨海赤山遇良友王世龍趙道玄傳太初者遂師世龍授解東之道修反行之法服玉液朝腦精二三年中面有

光華還顏反少極為成道於是茅司命勒定錄君舉之使奏聞上官移名東方署為地仙時三官都禁左郎違典柄侯周劒主非使者嚴白虎來於赤山中即欲執之以去且詰其罪狀出丹簡罪簿各執一通而問映云夫欲學道慕生上諫真人玄心栖邈恭誠高靈者當得世功相及禍惡不違陰德流根仁心上逮乃可步真索仙度名洞府耳云何父手殺謝弓且亂逆三光又許朝斬李玘之頭以代祭扶之級又走斬射潘恭等支解餘下曹表等水沉湯雲之尸火燒徐昂之骸絞殺桓整

剗割振噲酷害虐暴刑濫四十有三張皇憲事在天帝禍戾山積善功無一又汝本屬事帛家之道血食生民逋愆宿責列在三官而越幸網脫奉隸真氣父子一家各事師主

同生乖戾不共祭酒罪咎之大陰考方加有如此積罪亦無仙者當可得欺太上之曹使汝得名刊不死之紫錄耶汝其無對者有司必執也映自強長嘯振褐撫髮爾乃整氣靡口叱咤而答曰大道無親惟善是與天地無

心隨德乃矜是以坂泉流血無違龍髯之舉三苗丹野涿鹿絳草豈妨六聖靈化高通上達耶吾七世父許子阿者積仁著德陰加鳥獸遇凶荒之年人民飢饉加之疫癘百遺一口阿乃施散家財拯其衆庶親督方藥勤勞

外舍臨人之喪如失其親救人之患如己之疾已死之命懸子阿手垂窮之身撫之如子度脫凶年賴阿而全者四百八人仁德不墜後當鍾我等是以功書上帝德刊靈閣使我祖根流宗澤廢光後緒故使垂條結華生而好仙應得度世者五人登升者三人錄名太上策簡青宮豈是爾輩所可豫乎言畢魴等豁然而笑時司命君即遣中候李遵握火鈴而來呵攝之於是魴及白虎乃走去耳李遵未來之時映懼怖失膽亦喪氣矣亦賴其師

王世龍助映為答到亦幾至敗也於是即得度名東官當為仙之中者云梁乾化三年七月封歸一真君司命君大茅君也

道權

謝安字安石陳郡陽夏人世儒學行少有重名寓居會稽出則漁弋山水入則言咏屬文無處世意坐石室臨瀆谷悠然嘆曰此亦伯夷何遠安善談莊老一日與支許共集王濛家安顧謂諸人今日可謂彥會時既不可留此集固亦難常當共言咏以寫其懷許便問主人有莊子否正得漁父一篇謝看題便各請四坐通支道林先通作七百許語叙致精麗才藻奇拔眾咸稱善於是各言懷畢安問曰卿等盡不皆曰今日之言少不自竭安後粗難因自叙其意作萬餘言才華秀逸既自難千加意氣擬託蕭然自得四坐莫不默心支謂曰君一往奔詣故復自佳耳簡文帝時為相曰安石既與人同樂不得不與人同憂召之必至時弟萬總藩任之重安雖處衡門其名猶出萬之右自然有公輔之望年四十

餘始有仕進志征西大將軍請為司馬將發新亭朝士咸送高崧戲之曰卿屢違朝旨高臥東山諸人每相與言安石不肯出將如蒼生何蒼生今亦將如卿何安後為相值晉室多故而能以雅量鎮物從容談笑折桓溫不軌之氣舉用群才破符堅百萬之師其功烈不在王導溫嶠之下安雖受朝寄東山之志始末不渝及出鎮新城盡室造泛海之裝欲領經略粗定自江道還東雅志未就而覺詔贈太傅謚文靖西山真德秀謂安石秉政十

道品

有六年始則遏強臣篡竊之謀終則挫強敵并吞之銳其功偉矣然安石初心未嘗為功名計也其高情雅度庶幾乎孔明子房之風楊羲字義和吳郡人徙家句容晉咸和五年庚寅歲九月生幼而通靈美姿容善言笑工書畫與王右軍並名海內許先生道長史穆年並懸殊而早結神明之交簡文帝為瑯琊王進位承相用長史薦為公府舍人及帝即位乃不求遷叙高蹈遺榮精思致感永和五

年受中黃子制虎豹法六年從魏夫人長子劉瓛傳靈寶五符時年二十一興寧三年六月感紫虛元君紫微夫人九華安妃降于家或降長史山廡廡在茅山所傳經誥轉使錄示許君父子至是遂為長史傳經之師九華安妃應運為僊嘗告之曰明君夷質虛閒秘構玉朗蘭淵清流清響金宮所謂能珍寶藏奇幽真內煥標拂靈篇乘敷順生素德神園丹金玉清興煙披景冥鼓遐聲也必三事大夫侍宸帝躬高佐四輔承制聖君理生斷死

賞罰鬼神攝命千靈封山召雲主察陰陽之和氣而加為吳越鬼神之君也三官中常有謗謠云揚安大君童真命神正我等之謂耳君將乘龍駕雲白日昇天若其不耐風火之煙欲抱真形於幽林者且可尋劍解之道作告終之術乎自盡出默之會隱顯之迹臨時分處有任於明君矣西城總真王君又教服日月之華法簡文帝從而師之以太元十一年丙戌歲解駕年五十七宋宣和勅書曰朕存嬰霄府盼景龍堂瞻考之神卿企九華之

妙誨欽厥列仙之躅昭茲闡化之功東華上  
佐司命楊真人積學洞微研心合漠得中黃  
之隱訣受南真之秘傳董司吳越之疆關總  
神靈之要方詔揚於至道宜褒極於隆名庶  
期冲鑒之臨永侈蕃祺之錫可特封洞靈顯  
化真人之號

道品

許穆字思玄一名謚汝南平輿人六世祖光  
徙居丹陽以求興二年乙丑歲生起家太學  
博士出於餘姚今微為尚書郎遷郡中正護  
軍長史給事中散騎常侍外混世業內修真  
學嘗慕兄遠遊之高軌值簡文晏駕專靜山  
廬與楊君深結神明之契輿寧中衆真降楊  
備傳經誥太元年解化年七十二子姪禮  
寔虛柅於郭西大墓真誥云君挺命所基綠  
業已久乃周武王九宮上相長里薛公之弟  
兼許肇遺功復應垂祉後胤故乘運託生因  
資成道玉劄所授為上清真人爵登侯伯位  
編卿司理仙撫治佐聖牧民矣宣和勅書曰  
朕降總真之王境陟耀景之龍臺爰授曆於

元扁以濟生於下土凡著功於道品咸進位  
於仙宗上清真人許長史清素外融神明內  
得靈音斐暢密叅群聖之遊欲駕超遙高佐  
上清之理方流羅於大梵宜崇配於德名庶  
昭丕佑之臨益廣元為之化可特封太元廣  
德真人

道品

許翹字道翔小字玉斧長史第三子也清顯  
瑩潔特絕世倫生咸康七年辛丑歲正月郡  
舉上計掾主簿祖司徒府辟掾並不赴立宅  
向曲之雷平山前密修上道輿寧三年七月  
紫微夫人降教自是與衆真酬接書疏備修  
迴元飛步二景儀璘之法嘗願早遊洞室不  
欲久停人世以太和五年庚午歲詣北洞告  
終北洞良時常洞也時年三十者舊相傳云掾在北洞  
石壇上燒香禮拜因伏而不起明且視形如  
生茅小君受言許子乃能委形冥化從張鎮  
南之夜解鎮南即天師第三代系師嘗也自  
此居方隅洞館常來四平方臺真誥云後十  
六年當度東華為上清仙公隱居稱為玄中

真師者也宣和封混化元一真人誥詞曰紫  
極涵元雖鴻濛於一氣丹臺列籍實綜第於  
萬真凡褒位於仙宗蓋恢功於道甫東華侍  
晨上清仙公許真人研三神以觀妙凝九緯  
以挺生北洞告終自適幽人之介東華躡景  
獨超上相之遊雖高謝於世名其敢志於仁  
蔭高期中佑益闡元綱

道隱

劉驥之子子驥一字遺民南陽人少尚質素  
虛退寡欲不修儀操人莫之知好遊山澤志  
在逸嘗採藥衡山中深入志返見一澗水  
水南有二大菌一菌閉一菌開水深廣不得  
過或說困中皆仙方靈藥諸雜物驥之欲更  
尋索終不復知處也凡人致贈一無所受去  
驥之家百餘里有一孤姥病將死嘆息謂人  
曰誰當埋我惟有劉長史耳何由今知驥之  
先聞其有患故往候之值其命終乃身為營  
棺殯送之其仁愛惻隱如此一日聞武陵溪  
漁人得入桃花源忻然欲往未果尋而卒陶  
徵士記中稱為高尚士固可想其人矣

道術

索襲敦煌人也虛靖好學不應州郡之命舉孝廉賢良方正皆以疾辭遊思於陰陽之術著天文地理十餘篇多所啓發張茂時與敦煌太守陰澹奇而造焉經日忘返會病卒年七十九澹素服會葬贈錢二萬澹曰世人之所有餘者富貴也目之所好者五色也耳之所玩者五音也而先生棄衆人之所收收衆人之所棄味無味於恍惚之際兼重玄於衆妙之內宅不彌畝而志忽九州形居塵俗而栖心天外雖黔婁之高遠莊生之不願茂以過也乃謚玄居先生

真隱

張忠字臣和中山人也永嘉之亂隱於泰山恬靜寡欲清虛服氣餐松餌朮修導引之法不修經典勸教但以至道虛无爲宗其居依重巖深谷鑿地爲穴室弟子亦以穴居去志六十餘步五日一朝其教以形不以言弟子受業觀形而退立道壇于穴上每旦朝拜之食用瓦器鑿石爲釜左右居人饋之衣食一

無所受好事者頗或問以水火之祥忠曰天不言而四時行焉萬物生焉陰陽之事非窮山野叟所知其遺諸外物類如此在期願而視聽無爽符堅遠使召之賜以衣冠解曰年朽髮落不堪衣冠請以野服入見堅謂之曰

先生考槃山林研精道素獨善之美有餘兼濟之功未也故遠屈先生將任齊尚父忠曰昔因喪亂避地泰山與鳥獸爲侶以全朝夕之命屬堯舜之世年衰志謝不堪展効尚父之况非敢竊擬山栖之性情存巖竇乞運餘齒歸死岱宗堅以安車送之行達華山嘆曰我東嶽道士歿於西嶽命也奈何行五十里及闕而卒使者馳駟白之堅遣黃門郎韋華持節策吊賜命服謚曰安道先生

道儒

宋織字令文敦煌効殺人也有遠操沉靖不與世交隱居酒泉南山明究經緯弟子受業三千餘人酒泉太守馬岌高尚士也具威儀鳴鏡鼓造焉織重樓深閣距而不見岌嘆曰先生名可聞而身不可見德可仰而形不

可觀吾而今而後知先生人中龍也銘詩於石壁曰丹崖百丈青壁萬尋奇木蒼鬱蔚若鄧林其人如玉惟國之琛室邇人遠實勞我心卒時年八十三謚曰玄虛先生

遺默

陶淡字處靜太尉侃之孫也幼孤好道養之術謂仙道可期年十五六便服食絕穀不昏娶家累千金僮客百數淡終日端拱曾不營問頗好讀易善卜筮於長沙臨湘山中結廬居之養一白鹿以自偶親故有候之者輒移度澗水莫得近之州舉秀才淡遂轉逃羅縣埤山中終身不返莫知所矣

道隱

陶潛字淵明侃曾孫也少懷高尚博學善屬文頹脫不羈任真自得嘗著五柳先生傳以自況曰先生不知何許人也亦不詳其姓字宅邊有五柳樹因以爲號焉閒靖少言不慕榮利好讀書不求甚解每有會意便欣然忘食性嗜酒家貧不能常得親舊知其如此或置酒而招之造飲輒盡其在必醉既醉而退

曾不吝情去留環堵蕭然不蔽風日短褐穿結單屨屢空晏如也常著文章自娛頗示已志忘懷得失以此自終贊曰黔婁有言不戚戚於貧賤不汲汲於富貴極其言茲若人之儔乎酣賦詩以樂其志無懷氏之民歟葛

十三

十三

天氏之民歟其自序如此時人以為實錄自以曾祖晉氏宰輔恥復屈身後代自宋高祖王業漸隆不復肯仕所著文章皆題其年月義熙以前明書晉氏年號自末初以來唯云甲子而已嘗言五六月北憲下臥遇涼風暫至自謂是羲皇上人元嘉四年卒年六十三顏延年誄之謚曰靖節徵士

道品

陸脩靜字元寂吳興東遷人父琳九徵不起謚高道處士先生雖有重輪足有雙蹠掌有大字背有斗文篤好文籍考究象緯及長好方外遊南詣衡湘九嶷訪南真之遺跡西至我眉西城尋清虛之高躅宋元嘉末市蔡京邑文帝召不往因還廬山明帝泰始三年詔江州刺史王景宗禮聘來朝勅住後堂又勅

會于華林園之延賢館王公畢集先生鹿巾謁帝而升帝肅然加敬遂以爰季真取到揚許真人上清經法勅付先生總括三洞為世宗師仍勅北郊天印山立崇虛館為傳經宗壇明年帝疾即其館修金籙齋一夕有黃氣如寶蓋狀彌覆壇宇帝復感異夢疾良愈元徽五年正月忽若趨裝將還舊山弟子皆訝之乃三月二日儵然解化勅送冠履藏簡寂觀謚曰簡寂先生宣和贈丹元真人

十三

道言

董京字威輦不知何郡人初與隴西計吏俱至洛陽被髮而行逍遙吟詠常宿白社中孫楚時為著作數就社中與語後數年遁去莫知所之於其寢處唯有一石竹子及詩二篇其一曰乾道剛簡坤體敦密芒芒太素是則是述末世流奔以文代質悠悠世事孰知其實逝將去此至虛歸我自然之室又曰孔子不遇時彼感麟麟乎麟胡不遁世以存真

道化

單道開敦煌人常衣麤褐或贈以縵服皆不

著不畏寒暑晝夜不臥恒服細石子一吞數枚日一服或多或少好山居而山林諸神見異形試之無懼色石季龍時從西平來一日行百里至秦州表送到鄴季龍令佛圖澄與語不能屈也澄曰此道士觀國典表若去者當有大亂及季龍末道開南渡許昌鄴中大亂昇平三年至京師後至南海入羅浮山獨處茅茨蕭然物外年百餘歲卒于山舍勅弟子以居置石穴中弟子乃移入石室陳郡袁宏為南海太守登羅浮石室口見道開形骸如生香火瓦器猶存嘆曰法師行業殊群政當如蟬蛻耳乃為之贊云

南史

道隱

宗炳字少文南陽人宋武帝既誅劉毅領荊州問毅府諮議參軍申永曰今日何施而可永曰除其宿孽倍其惠澤貫叙門次顯擢才能而已武帝納之乃辟炳為主簿不起問其故答曰栖丘飲谷三十餘年豈能折腰為趨走吏耶帝善其對而止炳妙善琴書圖畫精

於言理每遊山水往輒忘歸兄臧為南平太守逼與俱還乃於江陵三湖立宅閑居無事召為太尉行參軍驃騎道憐命為記室並不就衡陽王義季為荊州親至其室與之歡宴命為諮議參軍終不起好山水愛遠遊西陟荆巫南登衡嶽因疾還江陵歎曰老疾俱至名山恐難徧觀唯澄懷觀道臥以遊之凡所遊履皆圖之於壁謂人曰鼓琴動操欲令衆山皆響古有金石弄為諸桓所重桓氏亡其聲遂絕唯炳傳焉文帝遣樂師楊歡就受之

道儒

沈道虔吳興武康人少仁愛好老易居黠北石山下精廬與諸孤兄子共釜庾之資困不改節受琴於戴逵王敬弘深敬之州凡十二命皆不就其園菜者外還見之仍自逃隱待竊去乃出又有拔其屋後大筍令人止之曰惜此筍欲得成林更有佳者相與乃遺買大筍送與之盜者慚不取道虔使置其門內而還鄉里少年相率受業道虔常無食以立學徒武康令孔忻之厚相資給受業者咸

得有成文帝聞之遣使存問道虔年老蔬食恒無經日之資而琴書為樂孜孜不倦卒子慧鋒修其業不就州辟

道隱

劉凝之字隱安南郡枝江人也慕老萊嚴子陵為人拒其家財與弟及兄子立屋於野外非其力不食州里重其德行辟召並不就臨川王義慶衡陽王義季並遣使存問凝之答書頓首稱僕不修百姓禮人或譏焉凝之曰昔老萊向楚王稱僕嚴陵亦抗禮光武未聞巢許稱臣堯舜時荆州年飢義季慮凝之餒斃餉錢十萬凝之太喜將錢至市門觀有飢色者悉分與之俄頃立盡性好山水一旦携妻子泛江湖隱居衡山之陽登高嶺絕人跡為小屋居之採藥服食以終其身

道隱

褚伯玉字元璩吳郡錢唐人少有隱操慕嗜欲年十八父母為婚娶婦入前門伯玉從後門出遂往剡中居瀑布山性耐寒暑時人比之王仲都在三十餘年隔絕人物王僧虔為

吳郡苦禮致之伯玉不得已停郡信宿纒交數言而退高帝即位手詔吳會二郡以禮迎遣又辭疾上不欲重違其志勅於剡縣白石山立太平館居之卒年八十六伯玉常居一樓上仍葬樓所孔建從其受道法為於館側立碑

道儒

顧歡字景怡一字玄年吳郡鹽官人年六七歲知推六甲家貧父使田中驅雀作黃雀賦而歸雀食稻過半父怒將撻之見賦乃止鄉中有學舍歡貧無受業於舍壁後倚聽無遺忘者夕則然松節讀書或然糠自照及長馬志不倦聞吳興東遷邵玄之能傳五經文句假為書師從之受業年二十餘更從豫章雷次宗諮玄儒諸義母亡水漿不入口六七日廬于墓次遂隱居不仕於剡中天台山開館聚徒受業常近百人性好黃老修服食不與人通每旦出戶山禽集其掌取食兼解陰陽書為術數多效驗山陰白石村往往邪病村人告訴求哀於歡歡乃往村中為講老子病

者皆愈又有病邪者問歡曰家有何書答曰唯有孝經歡曰可取仲尼居置病人枕邊

恭敬之自痊也病者果愈人問其故答曰善穰惡正勝邪病所以痊孔珪嘗登嶺尋歡共談四本歎曰夫中理唯一豈容有二四本無

正失中故也於是著三名論以正之歡口不辯長於著論又註王弼易二繫學者傳之齊

高帝輔政後為揚州主簿及踐祚乃至稱山谷臣進政綱一卷優詔稱美東歸賜麈尾素琴知將終賦詩言志曰五塗無恒宅三清有

恒舍精氣因天行遊魂隨物化鷗鵬適大海烟鳩之桑柘達生任去留善死均日夜委命安所乘何方不可駕翹心企前覺融然從此謝自剋死日自擇葬時卒於剡山時年六十四身體香軟蓋尸解仙化焉遷葬舊墓木連

理生於墓側縣今江山圖表狀

道儒

杜京產字景齊吳郡錢唐人也少恬靜閑意榮官博涉文義專修黃老與同郡顧歡同契於始寧東山開舍授學建武初徵為員外散

騎侍郎之職京產曰莊生持釣豈為白屋所回竟辭疾不就卒

道質

宗測字微宋微士炳之孫也測少靜退不樂人間常嘆曰家貧親老不擇官而仕先哲

以為美談余竊有戚誠不能潛感地金冥致江鯉但當用天之道分地之利孰能食人重

祿憂人重事乎驟騎豫章王凝辟為叅軍測答府召云何為謬傷海鳥橫斤山木陳王復遣書請之測答曰性同鱗羽愛止山壑眷戀

松雲輕迷人路縱宕巖流有若狂者忽不知老至而今鬢髮已白豈容課虛責有限魚鳥慕哉欲遊名山乃寫祖炳所作尚子平圖於壁上測長子賓官在京師知父此旨便求祿還為南郡丞測遂村以家事刺史安陸王子敬長史劉寅以下皆贈送之測無所受唯齋

老莊二書自隨子孫拜辭悲泣測長嘯不視遂往廬山止祖炳舊宅魚復侯子響為江州厚遣贈遺測曰少有狂疾尋山採藥遠來至此量腹而進松木度形而衣薜蘿淡然已足

豈容當此橫施子響命駕造之測避不見唯與同志康易劉虬宗人尚之等往來講說建武二年徵為司徒主簿不就卒測善畫自圖阮籍遇孫登於行郭坐臥對之兼好音律善易老續皇甫謐高士傳三卷又嘗著衡山廬

山志云

道儒

沈麟士字雲禎吳興武康人幼而俊敏年七歲聽叔父岳言玄賓散言無所遺失岳撫其肩曰若斯文不絕其在爾乎及長博通經史

有高尚之心晦于邑之餘不溪家貧以織簾為業誦書口不息鄉人號為織簾先生精於禮傳嘗自話訓鄉曲或勸之仕答曰魚縣獸檻天下一契聖人玄感所以每履吉先吾誠未能景行坐忘何為不希企曰損乃作玄散

賦以絕之講經教授從學士數十人各營屋宇居止其側時人為之語曰吳羗山中有賢士開門教授居城市宗人吏部郎中淵中書郎約等並表薦麟士義行徵為著作郎不就乃與約等書曰名者實之實本所不庶申



央無心空勤南北為惠反克將在於斯年過八十猶手鈔燈下細書復成二三千卷時人以為養身靜默所致製黑蠟賦以寄意註周易兩繫莊子內篇老子要略與他經數十卷卒于家年八十五臨終遺教依皇甫玄晏棺中貯孝經一卷穿壙二尺置棺不設几位四時他帶玄酒而真子葵奉而行之吳郡陸惠曉張融皆為之誅唐刺史顏真卿撰沈氏述祖德記表慶樹于祖碑以旌其美焉墓在金鷲山

### 道質

唐易字幼簡新野人也志性恬靜不交外物臨川王映暉州表薦餉麥百斛易謂使人曰走糶採麋鹿之伍終身毛褐馳騁日月之車保自耕之祿於大王之恩亦已深矣固辭不受以文義自樂安西長史袁詠欽其風贈以鹿角書格蚌盤研白象牙筆并贈詩曰白日清明青天象亮昔聞巢許今觀臺尚易以連理几竹翹書格報之建武三年詔徵為司空主簿不就卒

### 道儒

庾承先字子通潁川鄆陵人也沉靜有志是非不涉於言喜愠不形於色人莫能窺也玄經秘典靡不該綜九流七略咸所精練乃與道士王僧鎮同遊衡嶽鄱陽忠烈王欽其風味要與遊處今講老子遠近名士咸來赴集論難鋒起承先徐相酬答皆得所未聞中大通三年廬山劉慧斐至荊州承先與之有舊往從之荆峽學徒因請講老子湘東王命寫臨聽還山王親祖道并贈篇什

### 道品

陶弘景字通明秣陵人也十歲得葛洪神仙傳讀之謂人曰仰青雲觀白日不覺為遠矣神儀明秀朗目蹠眉細形長額聳耳右膝有數十黑子作七星文讀書萬餘卷一事不知以為深耻善琴碁三玉草隸未弱冠齊高帝作相引為侍讀除奉朝請先生故事多所取焉家貧求宰縣不遂求明十年脫朝服掛神武門上表辭祿詔許之賜以束帛勅所在月給茯苓五斤白蜜二升以供服餌及發公卿祖之

征虜亭咸云宋齊以來未有斯事於是止於句容之句曲山乃山中立館自號華陽隱居人間書劄即以隱居代名始從東陽孫遊嶽受符圖經法徧歷江左諸名山訪求揚許諸真跡嘗謂門人曰吾見朱門廣廈雖識其華樂而無欲往之心望高巖瞰大澤知此難立正自恒欲就之且永明中求祿得輒差舛若不爾安得為今日之事先生為人圓通謙謹出處冥會心如明鏡遇物便了言無煩舛有亦隨覺永元初更築三層樓弟子賓客居其下與物遂絕特愛松風欣然聞其響有時獨遊泉領望見者以為仙人性好著述尚奇異尤明陰陽五行風角星算山川地理方圓產物醫術本草帝代歷年嘗造渾天象高三尺許地居中央天轉而地不動以機動之悉與天會云修道所須也三深慕張良為人云古賢無比齊末為識曰水刃木為梁及梁武兵至薪城遣弟子戴猛之假道奉表及聞議禪代先生授引圖讖數家皆成梁字今弟子進之帝既早與之遊即位恩禮逾篤先生已得神

符秘訣神丹屢成而輟帝每給藥物又服所製飛丹有驗益敬重之得所上書燒香虔受帝使造年曆至己巳歲而加朱點實太清三年也帝手勅招之錫以鹿皮巾唯畫兩牛以答一牛散放水草間一牛著金籠頭有人執繩以杖驅之帝笑曰此人無所不作欲數曳尾之龜豈有可致之理國家大事無不前以諮詢月中常有數信時人謂為山中宰相天監四年移居積金東礪以修上道自隱處四十許年年逾八十而有壯容仙書云眼方者壽千歲先生末年一眼有時而方既妙解術數逆知梁祚將覆預製詩云夷甫任散誕平叔坐論空豈應昭陽殿化作單于宮祕詩在篋化去後門人方稍出之太同末士人競談玄理不習武事比侯景篡果在昭陽殿逆期先知去日為告逆篇大同二年卒年八十一贈中散大夫謚貞白先生所著山世書數百卷弟子受法者三千餘人從子桐撰華陽隱居陶先生本起錄吳興謝淪撰陶先生小傳李渤撰梁茅山貞白先生傳賈蒿撰蓬萊都

水監陶真人內傳宣和封宗元翊教真人誥誥詞曰朕膺琅霄之景命握龍漢之寶符蓋將敷暢靈音恢崇道化闡微言於至教薦休命於列真蓬萊都水監陶隱居振跡榮羅濯精華闢神交無累跡雖相於山中誠感風通三十二賦已仙於海上顧德名之莫擬豈妙陰之耿志尚都顯號之榮求介鶴生之祉

玄品錄卷之三

玄品錄卷之四

句曲外史吳郡海昌張天雨集

當四

南史

道品

周子良字元和茅山陶隱居之弟子也本豫州汝南縣人寓居丹陽建康西鄉清化里祖文朗宋江夏王國左常侍所生父耀宗文朗第五子郡五官掾早卒繼父耀旭揚州議曹從事母求嘉徐淨光懷娠五月夢室中仙聖皆起行四面來遶己身以建武四年丁丑歲正月二日人定時生十歲隨母還永嘉天監七年隱居東遊海嶽度嶠至永嘉憩于天師治堂而子良始已寄治內住時年十二因求入山服節為弟子始受仙靈錄老子五千文西嶽公禁虎豹符便專心於香燈之務凡好書畫人間雜伎經心則能後隨往南霍及反木溜十一年從還茅嶺進受五嶽圖三皇內文十二年秋其家中表親族來投山居乃出就西阿別解住子良密受靈旨降真接仙而隱居未嘗有疑蓋自十四年乙未歲五月二

十三夏至日忽爾寢臥彌綸良久乃起是為感降之始其年十月二十七日日昃後平臥尸解時年二十隱居料理篋篋而求無遺記十一月甲子且因往燕口洞果得一大函書遂登崎嶇鈎取拜請將還即是從來受旨所封函中皆散紙雜絲乃依日月次第類為周氏冥通記四卷隱居又撰周玄人傳於記前進之武皇帝子良蓋三生學道初生周達家次生劉偉家其學道精勤之福方流今身已經三過上仙籍其中或犯非法而復落去故經生死乃遂始得保命府改名太玄字虛靈為保籍承後更奏東華為保長司而刻名紫王之簡者矣衆真降教玄旨具于本記中也

### 道術

孫文韜一名韜字文藏會稽剡縣人入茅山師隱居參受真法及見揚許三真手書上經稍學模寫遂大巧妙後學大王書殊有殊分當時稱之華陽南洞九錫文碑許長史舊館壇碑並韜之跡也南洞碑陰云文韜心柔容毅跡方智圓既業不群物故異簡刊為所謂

異簡之刊山中絕考矣

### 道儒

馬樞字要理扶風郿人也博極經史尤精周易老子義邵陵王綸為南徐州刺史引為學士遇侯景之亂綸舉兵授臺留書二萬卷付樞樞肆志尋覽殆徧乃喟然嘆曰吾聞貴爵位者以業由為桎梏愛山林者以伊呂為筦庫束名實則芻芥柱下之高說清虛則執糠席上之說稽之篤論亦各從其好也比求志之士望途而息豈天之不惠高尚何山林之無聞甚乎乃隱於茅山有終焉之志樞少屬離亂凡所居處盜賊不入依託者常數百家陳元嘉元年文帝徵為度支尚書辭不應命晚年目精洞黃能視閣中物有白燕一雙巢其庭樹馴狎闌廡時至凡案春來秋去幾三十年大業十三年卒撰道覺論行于世

### 道品

薛彪之晉陵人少不狎俗無羨榮秩齊建武二年停東川株訪真松三年乃反啓勅於句曲大茅東嶺洞天館行道松餐礪飲彌歷年

歲也館即晉真人任敦成道之所壇竈猶存殊有靈驗先生是以訪古求真而即地焉

### 道術

徐則東海剡人也幼沉靜寡欲受業於周弘正善三玄精於論議聲擅都邑則嘆曰名者實之賓吾其為賓乎遂懷栖隱之操杖策入縉雲山從學者數百人陳太建中應召來憩至真觀期月辭入天台山因絕粒養性所資惟松木而已雖隆冬沍寒不衣綿絮初在縉雲山太極真人徐君降而謂之曰汝年出八十當為王者師然後得道也時晉王廣鎮揚州聞其名手書召之則謂門人曰吾今年八十有一王來召我徐君之言信而有徵矣遂詣王王請受道法則辭以時日不便其後夕中命侍者取香火如平常朝禮之儀至五更而死肢體柔弱如生停留數旬顏色無變王遣使送還天台藏之時自江都至于天台在道人多見則徒步云得放還至其舊居取經書道具分遺弟子仍令淨掃一房曰有客至

宜延之於此然後跨石梁而去不知所之須  
史樞至方知其靈化時年八十二王聞而益  
異之遣畫工圖其像柳詵為之贊云

張羨初仕後周為司成中大夫撰老子莊  
子議凡五十二篇名曰道言

唐

道品

王遠知瑯琊人祖景賢梁江州刺史父曇選  
陳揚州刺史母駕部郎中丁超女也嘗晝寢  
夢靈鳳集其身因而有娠又聞腹中啼聲沙  
門寶誌謂曇選日生子當為神仙宗伯遠知  
生於梁大通二年少聰敏博綜群書初師宗  
道先生藏矜後入茅山嗣修陶隱居經法陳  
主聞其名召入重陽殿令講論甚見嗟賞及  
隋煬帝為晉王鎮揚州使王子相柳顧言相  
次召之遠知乃來謁見斯須而鬚髮變白王  
懼而遣之頃復其舊煬帝幸涿郡員外郎崔  
鳳舉就邀之見於臨朔宮帝躬執帝子禮勅  
都城起玉清玄壇以處之及幸揚州諫不宜  
遠去京國帝不能從唐高祖之龍潛也遠知

嘗密傳符命武德中太宗平王世充與房玄  
齡微服以謁之迎謂曰此中有聖人得非秦  
王乎太宗因以實告遠知曰方作太平天子  
願自愛太宗登極將加重位固請歸山貞觀  
九年勅潤州於茅山置太平觀并度道士降

聖書曰先生操履夷簡德業冲粹屏棄塵雜  
栖志玄虛吐故納新食芝餌木念衆妙於三  
清之表返華髮於百齡之外道邁前烈聲高  
自古非夫得秘訣於金壇受幽文於玉笈者  
孰能與於此乎朕昔在藩朝早獲問道蒼言

夙範無志寤寐近覽來奏請歸舊山已有別  
勅不違高志并許置觀用表夙心未知先生  
早晚以屆江外所管棟宇何當就功佇聞委  
曲副茲引領近已令太史令薛願等往詣今  
宜朕意其年八月十四日謂弟子潘師正曰

吾見仙格以吾小時誤傷一童子吻不得自  
白日昇天見署少室伯將行在即至十六日  
沐浴加冠衣焚香而寢顧問侍者曰日時早  
晚對曰辰時曰好即整冠而化年一百二十  
六歲調露二年贈太中大夫謚曰昇真先生

則天嗣聖加贈金紫光祿大夫天授二年改  
謚曰昇玄先生時稱王法主云

道言

徐洪客泰山道士也隋亂貽李密書曰大衆  
久聚恐米盡人散師老猷戰難以成功宜乘  
進取之機因士馬之銳沿流東指直向江都  
執取獨夫號今天下密壯其言以書招之洪  
客竟不出莫知所之致堂胡君曰洪客之謀  
奇而正非惟李密不及唐諸人皆不及也天  
下未嘗無才或隱屠販寄於盜賊洪客魏徵  
優遊黃冠中而抱匡時之略懷濟世之具而  
人不知也隋煬無道民怨可也軍叛可也士  
大夫去之可也為道士栖身煙霞脫跡塵垢  
人君得失天下理亂何預已事而慷慨發言  
深達要領勸人決策直取獨夫詩云人之秉  
彜好是懿德其此之謂矣然李密不足與言  
洪客無乃未知晉陽與師或無路自達聊於  
蒲城公發之耶以此一言觀其人曾中之奇  
固多矣而迄不自見雖太宗得天下亦寂無  
所傳聞豈已死歟抑如黃石公魯仲連之流

歟嗚呼可謂高士矣

道權

魏徵字玄成魏州曲城人少孤落魄養其產不營有大志隋亂隱為道士後佐太宗以直諫勸行仁義致貞觀太平為一代宗臣唐書本傳不備錄

道術

薛願河東汾陰人少好玄言大業中去俗為道士解天文律曆煬帝時引入玉清觀內道場亟令章醮武德初遣直秦府願嘗密謂秦王曰德星守秦分王當有天下願王自惜也累遷至太史令貞觀中將封禪泰山有彗星見願因言考諸玄象恐未可東封會稽遂良亦言其事於是乃止願後上表請復為道士太宗為置紫府觀於九峻山拜願中大夫行紫府觀主事又勅於觀中建一清臺候玄象有災祥薄蝕謫見等事隨狀上聞前後所奏與京臺李淳風多相符契淳風在隋亦嘗為道士號黃冠子以論撰自見云

道隱

王績字無功絳州龍門人性簡放不喜拜揖

兄通隋末大儒也績累應孝悌廉潔舉授秘書正字不樂求為六合丞以嗜酒不任事時天下大亂遂解去漢曰網羅在天吾且安之乃還鄉里有田十六頃在河渚間有隱士仲長子光者服食養生性績慕其真素徒與相近子光瘖未嘗交語嘗與對酌悠然歡其績有奴婢數人種黍春秋釀酒養鳧鷖蒔藥草自供以周易老子莊子置床頭他書罕讀也欲見兄輒渡河還家愛遊北山東臯因號東臯

道品

子乘牛經酒肆或留數日武德初以前官待詔門下省故事官給酒日三升或問待詔何樂耶答曰良醞可戀耳貞觀十八年卒

道品

葉法善括蒼人也自曾祖三代為道士皆傳卜筮攝養之術少受符籙能狀効鬼神顯慶中高宗聞其名徵詣京師將加爵位固辭之留內道場供侍特異高宗時廣徵方士合鍊黃白法善上言金丹難就徒費財物有虧政理請東其真偽帝然其言因令法善試之出

者九十餘人遂一切罷之法善自高宗則天

中宗歷五十年常往來名山數召入禁中盡禮問道睿宗即位稱其有冥助之功先天二年拜鴻臚卿封越國公仍依舊為道士止於京師之景隆觀贈其父慧明銀青光祿大夫

道品

飲州刺史李邕撰碑當時尊寵莫與為比法善主於隋大業之丙子卒於開元之庚子凡百七歲八年詔曰故道士鴻臚卿員外置越國公葉法善天真精密妙理玄暢包括秘要發揮靈奇固以冥默難源希夷因剛而情栖蓬闕跡混朝伍保黃冠而不杖加紫綬而非榮卓爾孤秀泠然獨往勝氣絕欲真風無塵金骨外聳珠光內耀斯乃體應中仙名昇上德朕嘗聽政之暇屢詢至道公以理國之法數陳昌言謀泰隱諷事宣弘益嘆微音之未

道品

泯悲形解之俄留曾莫整遺藏良卷及水惟平昔感愴于懷宜申禮命式旌泉壤可贈越州都督

道品

孫思邈京兆華原人也七歲就學日誦千餘

言弱冠善談莊老及百家之說洛州總管獨孤信見而嘆曰此聖童也但恨其器大適小難為用耳周宣帝時以王室多故隱居太白山隋文帝輔政徵為國子博士稱疾不起嘗謂所親曰過五十年當有聖人出吾方助之以濟人及太宗即位召詣京師嗟其容色甚少謂曰故知有道者誠可尊重羨門廣成豈虛言哉將加以爵位固辭不受顯慶四年高宗拜諫議大夫又固辭上元元年薨疾請歸特賜良馬及都陽公主邑司以居焉當時知名之士宗今文孟詵盧照鄰等執師資之禮以事焉思邈嘗從幸九成宮照鄰留在其宅時庭前有病梨樹照鄰為之賦其叙曰癸酉歲余臥疾長安光德坊之官舍父老云是都陽公主邑司昔公主未嫁而卒故其邑廢時有孫思邈處士居之孫君道合古今學殫數術高談正一則古之蒙莊子深入不二則今之維摩詰耳其推步甲乙度量乾坤則洛下閔安期先生之儔也照鄰有末疾醫所不能愈乃問其道何如思邈曰吾聞善言天者必

質之於人善言人者亦本之於天。天有四時五行寒暑迭代其轉運也和而為雨怒而為風凝而為霜雪張而為虹霓此天地之常數也。人有四肢五臟一覺一寐呼吸吐納精氣往來流而為榮衛彰而為氣色發而為音聲此人之常數也。陽用其形陰用其精天人之所同也。及其失也蒸則生熱否則生寒結而為癰贅陷而為癰疽奔而為喘乏竭而為焦枯診發乎面變動乎形推此以及天地亦如之故五緯盈縮星辰錯行日月薄蝕孛彗飛流此天地之危診也。寒暑不時天地之蒸否也。石立土踊天地之癰贅也。山崩土陷天地之癰疽也。奔風暴雨天地之喘乏也。川瀆涸竭天地之焦枯也。良醫導之以藥石救之以鍼劑聖人和之以至德輔之以人事故形體有可愈之疾天地有可弭之災。又曰膽欲大而心欲小智欲圓而行欲方詩曰如臨深淵如履薄冰謂小心也。趕武夫公侯干城謂大膽也不為利回不為義疚行之方也。見幾而作不俟終日智之圓也。復問養生之要答

曰天有盈虛人有過危不自慎不能濟也。故養生必先知自慎也。慎以畏為本。故士無畏則簡仁義農無畏則墮稼穡工無畏則慢規矩商無畏則貨不殖子無畏則忘孝父無畏則廢慈。臣無畏則不立君無畏則亂不治。是以太上畏道其次畏天其次畏物其次畏人。其次畏身憂於身者不拘於人畏於己者不制於彼慎於小者不懼於大戒於近者不侮於遠如此則人事畢矣。思邈自云開皇辛酉歲生至今年九十三矣。詢之鄉里咸云數百歲人。詰周齊間事歷歷如見。以此參之不啻百歲人矣。然又視聽不衰神未甚茂可謂古之聰明博達不死者也。魏徵等受詔修齊梁周陳隋五代史恐有遺漏屢訪之思邈口以傳授有如目睹太子詹事盧齊卿童幼時請問人倫之事思邈曰汝後五十年位登方伯吾孫當為屬使可自保也。後齊卿為徐州刺史思邈孫淳果為徐州蕭縣丞蓋初謂齊卿之時淳尚未生而預知其事。凡諸異跡多類此。永淳九年卒遺令薄葬不藏冥器祭祀無

性率經月餘顏貌不改舉尸就木猶若空衣時人異之註老子莊子撰千金方三十卷攝生真錄枕中素書三教會各一卷並行于代

### 道術

周隱遠字息元居洞庭苞山自云角里先生之後山有其祖用里村言其世數人得道隱遂精修太陰鍊形之術不以晝夜更動息不以寒暑易纖厚不食而甚力雖飲而無漏貞觀中召至長安館於內殿問修息之道對曰臣所修者匹夫之功不及物帝王一言之利萬方蒙福得道之効速於臣人區區所學非萬乘所宜留意懇求歸山詔遂其所適他日贊皇李德裕問其有造寶曆崇元聖祖院爲供養之所院在句曲山華陽南洞前今孤楚有記

### 道隱

田遊巖京兆三原人初補太學生後罷歸遊於太白山每過林泉會意輒留不能去其母及妻子並有方外之志與遊巖俱遊山水二十餘年後入箕山就許由廟東築室而居自

稱許由東隣調露中高宗幸嵩山遣中書侍郎薛元超問勞其母遊巖山衣田冠出拜帝令左右人扶止之謂曰先生養道山中比得佳石遊巖曰臣泉石膏肓煙霞痼疾既逢聖代得遠道遙帝曰朕今得卿何異漢獲四皓

手元超曰漢高欲廢嫡立庶黃綺方來豈如陛下崇重隱論親問巖穴帝於是甚歡因將遊巖就行宮并家口給傳赴都授崇文館學士今與太子少傅劉仁軌談論帝後將營奉天宮幸嵩山遊巖舊宅先在宮側特令不毀親書題額懸其門曰隱士田遊巖宅

### 道質

盧鴻一字顯然本范陽人徙家洛陽少有學業頗工篆籀楷隸隱於嵩山開元初遣使備禮拜徵不至五年下詔曰朕以寡薄忝膺大位嘗恨玄風久替淳化未昇每用翹想遺賢冀聞上皇之訓以卿黃中通理鈞深詣微窮太一之道踐中庸之德確乎高尚足侔古人故比下微書佇諧善績而每輒託辭拒違不至使朕虛心引領于今數年雖得素履幽人

之貞而失考父滋恭之命豈朝廷之故與生殊趣耶將縱欲山林不能反乎禮有大倫君臣之迹不可廢也今城闕密邇不足爲難便勅齋東帛之既重宣斯旨想有以翹然易節副朕意焉鴻一赴徵六年至東都謁見不拜

宰相道通事舍人問其故奏曰臣聞老子言禮者忠信之薄不足可依山臣鴻一敢以忠信奉見上別召昇內殿賜之酒食詔曰盧鴻一應辟而至訪之至道有會淳風美舉逸人用勸天下特投諫議大夫鴻一固辭又制曰昔在帝堯全許由之節緬惟大禹聽伯成之高則知天子有所不臣諸侯有所不交遜之時義大矣哉嵩山隱士盧鴻一抗迹幽遠凝情篆素隱居以求其志行義以達其道雲臥林壑多歷年載傳不云乎舉逸人天下之人歸心焉是乃飛書巖穴備禮徵聘方佇獻替式弘理政而矯然不群確乎難拔靜已以鎮其操洗心以激其流固辭榮寵厚風俗不降其志用保厥躬會稽延陵未可名屈太原王霸終以病歸宜以諫議大夫放還山歲給米

百石絢五十疋充其藥物仍令府縣送隱居之所若知朝廷得失具狀以聞將還山又賜隱居之服并及草堂一所恩禮特厚鴻一有草堂圖十志好事者傳賢之

道儒

白履忠陳留浚儀人也博涉文史嘗隱居于古大梁城人號為梁丘子景雲中徵拜校書郎尋棄官去開元十七年刑部尚書王志愔表薦履忠隱居讀書貞苦守操有古人之風堪為入閣侍讀及徵至京師履忠辭以老病詔曰處士前松書省校書郎白履忠學優細簡道賁丘園探曠以見其微隱居能達其志故以汲引洙泗物色夷門素風自高玄冕非貴凡杖云暮章秩宜加俾承禮命之優式副寵賢之美可朝散大夫履忠尋表請還鄉手詔曰孝悌立身靜退勵俗年過耄耋不雜風塵盛德與聞通班是錫豈惟旌賁山藪實欲獎勸人倫且遊上京徐還故里乃停留數月而歸著三玄精辯論一卷註老子及黃庭內景經有文集十卷

道品

潘師正字子真貝丘宗城人少喪母廬於墓側以至孝聞大業中度為道士師事王法主盡以道家隱訣及符籙授之師正清靜寡欲居於嵩山之道遙谷積二十餘年唯服青飢飯松葉飲水而已高宗幸東都因至谷中見其蕭然獨處惟一薛荔繩床將朽惻然問師正山中何所須對曰所須茂松清泉此山中不之又命作符書辭曰不解符書帝與天后嘆異之而去明日步輦載至行宮與語留連信宿乃還尋勅所司於其所居造崇唐觀嶺上別立精思院以處之復改置奉天宮又勅所司於逍遙谷口特開一門號曰仙遊門又於苑北面置尋真門皆為師正立名焉數步輦迎至之時太常奏新造樂曲帝令以祈仙望仙翹仙為名前後賜詩凡數十首甚見尊禮永淳元年將卒謂弟子曰吾默遊於此乃復過勞世主驚擾靈藏誠罪人也汝等學道不厭深眇卒時年九十有八帝與天后追思不已贈太中大夫謚體玄先生詔司功王適

撰碑文

道術

劉道合陳州宛丘人初與潘尊師同隱嵩山高宗聞其名今於隱所置太一觀以居焉數召入官及將封泰山屬久雨帝命於儀鸞殿作止雨之術俄而睿朗帝大悅即令馳傳先登太山以祈福祐前後賜資皆散與貧乏高宗嘗命其合還丹丹成而上之咸亨中卒及帝營奉天宮遷道合之殯室弟子開棺將易衣改葬其尸唯空皮而背開折有似蟬蛻盡失其齒骨衆謂尸解高宗聞之嘆曰劉尊師為朕合丹乃自服仙去矣其所上者卒無異焉

道品

司馬子微一名承禎字子微河內溫人周晉州刺史瑯琊公裔孫少好學薄於為吏遂為道士事潘師正傳其符籙及辟穀導引服餌之術師正特賞異之謂曰我自陶隱居傳正一之法至汝四葉矣子微嘗徧遊名山乃止於天台山則天聞其名召至都降手勅贊美



之及將還勅麟臺監李嶠餞之於洛橋之東  
景雲二年睿宗遣其兄承禕就天台山迎之  
京師入宮中首問陰陽術數之事對曰道德  
經言爲道日損損之又損至於無爲且心目  
所知見者每損尚未能已豈復攻乎異端增

其智慮哉帝曰理身無爲則清高矣理國無  
爲如何對曰國猶身也老子曰遊心於澹合  
氣於漠順物自然而無私焉而天下理易曰  
聖人者與天地合其德是知天不言而信不  
爲而成無爲之旨理國之道也帝嘆息曰廣

成之言即斯是也子微固辭還山仍賜寶琴  
一張及霞支帳而遣之朝中名士贈詩李適  
爲倡屬和三百餘人題曰白雲記盧藏用因  
指終南山謂先生曰是中多大佳何必天台答  
曰以余觀之仕宦之捷還也藏用有慚色蓋

其初隱於終南云開元九年玄宗遣使迎入  
京親受法籙前後賚賜甚厚十年駕還西都  
子微又請還天台玄宗賦詩贈行十五年復  
召至都勅於王屋山自選形勝置壇室以居  
焉子微因上言五嶽洞府各有上清真人降

任其職山川風雨陰陽氣序是所理焉冠冕  
章服佐從神仙皆有名數更請立齋祠之所  
以別山林之神玄宗從其言因勅五嶽各置  
真君祠一所其像設制度依按道經創意爲  
之子微工篆隸書玄宗命以三體寫老子經

因刊正文句定著五千三百八十字爲真本  
而奏上之勅所居爲陽臺觀上自題其額賜  
絹三百疋以充藥餌之用年八十九卒於王  
屋其弟子表稱解去之日有雙鶴遶壇及白  
雲從壇中涌出上連于天而師容色如生玄

宗深嘆之乃下制曰司馬子微心依道勝理  
會玄遠徧遊名山密契仙洞存觀其妙道遙  
自得之場歸復其根宴息無何之境固以名  
登真格位在靈宮林壑未改遐霄已曠言念  
高烈有愴于懷宜贈徽章用光丹錄可贈銀

青光祿大夫諡貞一仍御製碑文章渠年作  
傳

### 道華

吳筠字貞節華州華陰縣人少通經善屬文  
舉進士不第性高潔不奈流俗入嵩山依潘

尊師爲道士傳正一之法苦心鑽仰乃盡通  
其術開元中南遊金陵訪道茅山久之遊天  
台觀滄海與有名士相娛樂文辭傳京師玄  
宗聞其名遣使徵之既至召入大同殿與語  
甚悅令待詔翰林一日問以道術對曰道術

之精無如五千言其諸文辭蔓語徒費紙割  
耳又問神仙修鍊之事對曰此野人事當以  
歲月功行求之非人主所宜問筠每開陳皆  
名教世務以微言諷天子重之賜號宗元先  
生天寶中李林甫楊國忠用事綱紀日紊筠

堅求還嵩山累表不許乃詔於嶽觀列立道  
院祿山將亂求還茅山許之既而中原大變  
江淮多盜乃東遊天台剡中與李白孔巢父  
爲方外交有文集二十卷權德輿爲序其玄  
網三篇神仙可學論等爲達識之士所稱筠

之在翰林特承恩寵高力士好佛故嘗短笱  
於上前乃堅求放外然其辭理宏深文彩煥  
發每製一篇人爭傳寫雖李白之高放杜甫  
之雄雅能兼之者其唯筠乎

### 道權

李泌字長源本居鬼谷七歲知為文開元十六年以奇童召對張九齡尤所獎愛呼為小友及長博學善治易常遊嵩華終南間慕神仙不死術天寶中詣闕獻復黃帝九鼎議帝憶其蚤慧召講老子有法得待詔翰林肅宗即位靈武物色求訪會泌亦自至已謁見陳天下成敗事帝悅將授以官固辭願以客從入議國事出陪輿輦衆指曰黃衣者聖人白衣者山人因賜金紫拜元帥廣平王行軍司馬帝嘗曰卿侍上皇中為朕師今下判廣平行軍是朕父子資卿道義云崔圓李輔國以泌親信疾之泌畏禍願隱衡山有詔給三品祿賜隱士服為浴室廬山中泌嘗取松膠枝以隱背名曰養和後得如龍形者以獻帝四方爭效之代宗立召至合蓬萊殿書閣初泌不肉食因賜第詔強食肉德宗在奉天召赴行在授左散騎常侍泌始鑿山開車道至三門以便饑漕以勞進禮部尚書三年同平章事帝嘗從容言盧杞清分敢言然少學不能廣朕以古道人皆指其奸朕初不覺也對曰

陛下能覺杞之惡安置建中之禍李揆和蕃頗真卿使希烈其害舊德多矣又楊炎羅不致死杞擠陷之而相闕播懷光立功逼使其叛此欺天也帝曰卿言誠有之然建中亂卿亦知桑道茂語平乃命當然對曰夫命者已然之言主相造命不當言命言命則不復實善罰惡矣帝曰朕請不復言命俄加崇文館學士修國史泌請發正月晦以二月朔為中和節因賜大臣威里又謂之截度百官進農書以示務本帝悅乃著令與上已九日為三令節皆賜緡錢無會四年八月日蝕東壁泌口東壁圖書府大臣富有憂者吾以宰相兼學士當之矣明年果卒泌出入禁中事四帝敦為權倖所嫉嘗以智免且時時儀議能寤人主亦自有建明柳玭稱南京之復泌謀居多其功乃大於魯連范蠡云

道品

李含光廣陵江都人本姓弘避則天諱易焉家世業儒父孝威號貞隱先生精黃老之術神龍初舍光以清行度為道士居龍興觀開元十七年從司馬子微於王屋山一見目之曰真玉清之容也居嵩陽二十餘年司馬仙去玄宗召詣闕與語嘆曰吾見含光知司馬真人猶然在世一日問及金鼎對曰道德公也輕舉公中之私耳時見其私聖人存教若求生詢欲則似繫風玄宗深感異之召居陽臺觀歲餘稱疾乞歸茅山纂修經法天寶四年十二月命中使齋璽書徵之既至館於禁中每欲啓稟必先齋沐請傳道法辭以疾復求還山乃特勅楊許故宅紫陽觀以居之御製詩餞別禁山中揀捕魚獵食葷血者不得入時經誥真跡已多散逸奉詔搜訪備得寶書進上之復召山人王旻請舍光楷書上經十三紙以補闕若曰欲得神仙手筆代相續耳七年三月十八日玄宗受三洞經錄于大同殿遙禮度師賜號玄靜先生法衣一襲以伸師資之禮大曆四年十一月十四日坐蛻于紫陽別院執簡如生時年八十有七以左玄大夫贈正議大夫顏真卿柳識撰碑并刻開元手詔二十四通于石

道華

張志和字子同初名龜齡東陽金華人父遊朝好道通莊列二子書著象罔白馬證諸篇佐其說毋留夢楓生腹上產志和年十六擢明經以策干肅宗得待詔翰林授右金吾衛錄事參軍後以親喪不復仕居江湖自謂煙波釣徒著玄真子十二卷因為稱又述大易十五篇其卦三百六十有五兄浦陽尉鶴齡恐其遁世不返為築室會稽東郭茨以生芻採棟不施斤斧約席椽屬閉門十年浙江東觀察使御史大夫陳少遊往見為終日留表其居曰玄真坊巷曰迴軒巷又為初橋以達其居行者謂之大夫橋遂作告大夫橋文以謝之鳴榔杖拏隨意所適垂釣去餌不在得魚肅宗嘗錫奴婢各一志和配為夫婦名夫曰魚僮婦曰樵青人問其故魚僮使捧釣收綸蘆中鼓柁樵青使蘇蘭薪桂竹蓼煎茶竟陵子陸羽校書郎裴脩問孰為往來者答曰太虛作室而共居明月為燈以同照與四海諸公未嘗離別何有往來顏真卿為吳興

刺史志和來謁真卿以舴舺既敝請為更之志和曰僕患漁舟願為浮家泛宅浴沂江湖之上往來若雪之間即野夫之幸矣其詠諧辯捷皆此類也好畫山水酒酣或擊鼓吹笛舞筆飛墨應節而成憲宗圖其漁歌求之不能致為御史李萼寫圖幃千變萬化觀者愕眙在坐六十餘人各署姓名爵里于其下志和悉以兩言目之潛皆屬對舉席嘆駭然立性孤峻不可得而親踈故顏公作浪跡先生碑云視軒裳如草芥屏嗜慾若泥沙希跡乎道丈夫同符乎古作者李德裕亦稱其隱而有名顯而無事不窮不達嚴光之比云

道華

賀知章會稽永興人少以文辭知名舉進士用陸象先薦以園子四門博士轉太常博士累遷至禮部侍郎加集賢院學士又充皇太子侍讀十三年玄宗封東嶽召知章講定儀註因奏名吳天上帝君位五方五帝臣位帝號雖殊君臣異位陛下享君位于壇上群臣祀臣位於壇下誠足垂表來葉為變禮之大

者也然禮成於三獻亞終合於一處上曰朕正欲如是故問卿耳於是勅三獻於行事五方帝及諸神座於下壇行事後遷太子賓客銀青光祿大夫兼秘書監知章性放曠善談笑當時賢達皆傾慕之天寶三載因病

夢遊帝居乃上疏請為道士求還鄉里捨本鄉宅為觀先是表乞永周湖數頃為放生池詔許之復賜鑑湖刻中曲勅其觀為千秋觀命其子典設郎曾為會稽郡司馬以便奉養御製詩贈行并序曰天寶三載太子賓客賀知章鑿於止足抗歸老之疏解組辭榮志期入道朕以其夙存微尚年在蓬莫用脩掛冠之事伴遂赤松之遊正月五日將歸稽山遂餞東路乃命六卿庶尹三事大夫供帳青門寵行邁也豈惟崇德尚齒亦將勵俗勸人母今二疏獨先漢冊乃賦詩贈行凡預茲宴皆宜屬和遺榮期入道辭老竟抽簪豈不惜賢達其如高尚心環中得秘要方外散幽襟獨有青門餞群公悵望深皇太子已下咸就餞別因自號四明狂客又稱秘書外監晚尤

縱遊遊里巷每醉後屬詞文不加點尤善  
草詩書與吳郡張旭齊名還鄉壽養卒年八  
十有六肅宗以待讀之舊乾元元年十一月  
詔曰故越州千秋觀道士賀知章品識夷澹  
襟懷和雅神清志逸學富才雄挺會稽之美  
箭蘊崑崗之良玉故飛名仙省侍講龍樓常  
靜默以養間因譚諧而諷諫以莫齒符祿再  
見款誠願追二老之蹤竟遂四明之客允叶  
初志脫落朝衣駕青牛而不還狎白鷗而長  
往丹壑非昔人琴兩亡惟舊之懷有深追悼  
宜加緼禮式表哀榮可贈禮部尚書

玄品錄卷之四

玄品錄卷之五

句曲外史吳郡海昌張天雨集

當五

唐

道華

李白字太白山東人少有逸才志氣宏放飄  
然有超世之心父為任城尉因家焉白有知  
鑒客并州識汾陽王郭子儀於行伍間稱為  
人傑而志尚道術謂神仙可致不讀非聖之  
書恥為鄭衛之作故其言多似天仙之辭李  
陽休所謂三代以來風騷之後驅馳屈宋鞭  
撻揚馬千載獨步唯公一人少與魯中儒孔  
巢父韓準裴政張叔明陶潛等隱於徂徠山  
酣歌縱飲時號六逸天寶中客遊會稽與道  
士吳筠隱於剡中既而玄宗召筠赴京師筠  
薦之於上遣使召白入見與語以七寶床賜  
食與筠俱待詔翰林白既嗜酒玄宗欲製新  
樂府亟召白已醉臥酒肆召入以水灑面即  
令秉筆頃成清平調詞三章帝嘉之嘗醉殿  
上引足令高力士脫鞵由是被讒放去乃浪  
跡江湖終日沉飲時侍御史崔宗之謫金陵

與白詩酒倡和嘗月夜乘舟自采石達金陵

白衣宮錦袍於舟中顧瞻嘯傲傍若無人初  
賀知章見白賞之曰此天上謫仙人也天台

司馬子微亦謂白有仙風道骨可與神遊八  
極之表後因從祖陳留採訪大使彥允請北

海高天師授道籙于齊州紫極宮製青綺冠  
帔一副將東歸蓬萊仍羽人駕丹丘耳世以

為太白之精一號上清鑒逸真人

道術

孟詵汝州梁人也舉進士垂拱初累遷鳳閣

舍人詵好方術睿宗在藩召充侍讀長安中  
為同州刺史加銀青光祿大夫神龍初歸伊

陽之山第以藥餌為事詵年雖晚莫志力加  
壯嘗謂所親曰若能保身養性者常須善言

莫辭口良藥莫離手睿宗即位召赴京師將  
加大用固辭衰老景雲中優詔賜物百段勅

令每春秋二時給羊酒糜粥開元初河南尹  
畢構以詵有古人之風改其所居為子平里

辛年九十三撰家祭禮各一卷并補養方三  
卷

張果不知何許人也嘗著陰符經玄解盡其玄理後授銀青光祿大夫號通玄先生

道默

朱桃椎益州成都人澹泊絕俗被裘人莫能測其所為長史竇軌見之遺以衣服鹿憤蹕蹕逼署御正妾之地不肯服更結廬山中緝木葉自蔽贈遺一無所受嘗織芒屨置道上見者曰此朱居士僑也為醫求若易之置其處輒取去終不與人接其為僑草柔細環促結竇人爭躡之高士廉為長史脩禮迎致之降階與之語不答瞪視而出士廉再拜曰祭酒其使臣以無事治蜀耶乃簡條目簿賦歛州大治屢遣人存問見輒走林草自匿云

道術

王希夷徐州滕縣人也孤貧好道父母終為人牧羊收傭以供葬葬畢隱於嵩山師道士黃頤向四十年盡傳其閉氣導養之術頤卒更居兗州徂徠山中與道士劉玄博為棲遁之友好易及老子嘗餌松柏葉及雜花散景龍中七十餘歲氣力益壯刺史盧齊卿就謁

致禮因訪以治人之術希夷曰孔子稱已所不欲勿施於人可以終身行之矣及玄宗東巡勅州縣以禮徵至駕前年已九十六上令

中書令張說訪以道義宦官扶入宮中與語甚悅開元十四年下制曰徐州處士王希夷絕學棄智抱一居貞久謝蓋塵獨往林壑朕為封巖展禮側席旌賢然來思克應嘉召雖迂綺季之跡已過伏生之年宜命秩以尊儒俾全高於尚齒可朝散大夫守國子博士聽致仕還山州縣春秋致束帛酒肉仍賜衣一副絹百疋

道默

武攸緒則天后兄惟良子也恬澹寡欲好易莊周書少變姓名賣卜長安市得錢輒委去后革命封安平郡王固辭願隱居后疑其詐許之以觀所為攸緒廬巖下如素遁者后遣其兄宜敦喻卒不起后乃異之盤桓龍門少室間冬蔽茅椒夏居石室所賜金銀錫高野服王公所遺鹿裘素幃懸栢諸物屢皆流積不御也暮年肌肉消背腫有紫光晝能見

星開元十一年無疾卒攸緒當諸武赫焰未嘗輒出卒不貽其禍云

道隱

秦系字公緒越州會稽人天寶避亂剡中後客泉州南安有九日山大松百餘章相傳東晉時所植系結廬其下穴石為研注老子彌年不出刺史薛播數往見之歲時致羊酒而系未嘗至城門其後東度秣陵隱於茅山年八十餘卒南安人思之為立亭號其山為高士峯云

道品

張蘊字藏真晉陽人所居洪州山中因號洪崖子身長七尺五寸鬚眉秀異工琴書善長嘯開元中明皇召見于湛露殿授太常卿累加至司徒辭曰陛下何惜一丘一壑不令臣追跡巢由還山服氣絕粒好畜古物嘗乘雲精驛侍者五人橘栗葛朮木常所服者垂雲笠六角扇方木鐙葛木如意魏惠靈諸物朱衣席帽出入人間聖之真神人焉所著書有老子周易三禮穀梁註河東記三十卷大同

昌言十卷豫章記曰隋開皇間改豫章為洪州先生蓋上古有道之士復見於隋唐間云按真誥洪崖先生今為青城真人墓在武成姑臧縣

道言

卷五

五

張薦明少以儒學遊河朔後去為道士通老子莊周之說晉高祖召見問道家可以治國乎對曰道者妙萬物以為言得其極者尸居枉席之間可以治天地也祖大其言延入內

殿講道德經拜以為師薦明聞宮中奏時鼓曰陛下聞鼓乎其聲一而已五音十二律鼓無一焉然和之者鼓也夫一萬事之本也能守一者可以治天下祖益善之賜號通玄先生

道華

鄭遊字雲叟滑州人敏於文辭唐昭宗時舉進士不中見天下已亂拂衣遠去乃入少室山為道士聞華山五粒松脂淪入地千歲化為藥能去三尸因徙居華陰求之與道士李

道殷羅隱之友善邀種田隱之賣藥以自給道殷有釣魚術釣而不餌又能化石為金邀嘗驗其信然而不之求也世自為三高士節度使劉凝以寶貨遺之一無所受唐明宗召以左拾遺晉高祖召以諫議大夫皆不應賜

號道遠先生天福四年卒年七十四邀好飲酒奕碁為詩章寫雜素人間傳為寶玩或圖其形于屋壁瞻禮之跡雖遠而名愈彰與夫石門荷蓀之徒異矣

道質

閻丘方遠字大方舒州宿松人幼慧辯學易於廬山陳玄悟問大旨於香林左玄澤譯奇之後居仙都山隱真嚴從劉處靖修出世之術而子史群書不忘披覽嘗自言葛稚川陶貞白吾之師友也諡太平經為三十篇備盡樞要唐景福二年錢鏐賜于餘杭大滌洞築室以安之表上其行業昭宗累徵之方遠以天文推尋秦地將欲荆棘唐祚當革伴之園綺無出山林竟不起乃降詔褒異就頒命服賜號妙有大師玄同先生由是真靈事跡顯

閻吳楚門下弟子二百餘人廣平程紫霄應召於秦官新安蔣師道行教於吳國安定胡謙光魯國孔宗魯皆得其真者天復二年二月十四日沐浴端坐而化葬于大滌之白鹿洞錢武肅王夢騎鶴訪別

道質

蔣師道字宗微新安歙人也性穎悟真淳言行謙謹養親以孝問師閻丘大方即郡之東山建問政山房嘗覽內傳見服松脂法入百文山採松脂過蔡真人父子及彭真人一入山遽逢三仙人一日夜人間月餘矣其寔精習之命也師道深自嘆異每林中拾薪斲藥虎豹弭尾從之或以薪藥負其背上送歸而去飲之近山獸不傷人皆師道有以感之也母問師道遊學所益具陳其事喜而曰汝以孝養我道資我何幸為汝母矣此蓋宿慶所及出遊南嶽九疑擬尋梅真人蕭侍郎於玉笥梅即南昌尉蕭蕭即子雲字長喬梁之公子自東陽太守避侯景亂全家入山二君俱得道此山一日遊郁木坑乃遇謝通脩自

言本居南嶽與彭蔡同隱勢至所居授以素書一通復還問政三十餘年每焚修即以彭蔡謝真形瞻禮吳大帝霸江淮聞其名徵至廣陵建玄元宮為所居賜號道遠大師問政先生居廣陵又三十年弟子五百餘人後乃隱化而往絕世思望而問政山屢有雲鶴見飲之鄉里親族以為師道之還故鄉若令威之歸華表也有詔褒贈曰詢諸贈典繫乃葬章啓有厭由子何不舉故淮浙宣歙管內道門威儀道遠大師問政先生為國焚修大德賜紫葺師道早通玄理夙契真風野鶴不群孤雲自在昔太祖創基之際已命焚修及元勳匡國之初早曾瞻敬眷言素業貫冠玄關雖昇遐屢歷於光陰而遺懿益隆於寰宇況教門上請台輔奏陳且將焚修墟印回故里是用加之峻秩錫以崇階式表休恩庶昭往行可贈銀青光祿大夫鴻臚卿問政先生

道品

宋 陳搏字圖南蕪郡人小時戲渦水上有青衣

姬抱乳之曰令汝永無嗜欲聰明過人唐長興中舉進士不第去隱武當山辟穀鍊氣作詩八十一章號指玄篇後唐明宗封為清虛處士俄徙華山雲臺觀常閉門臥累月不起周世宗召至禁中驗之信然顯德末乘白驢將入東都聞宋太祖即位大笑曰天下定矣太宗時召之圖南跡辭曰臣性同猿鳥心若死灰不曉仁義之淺深安識禮儀之去就敢荷作服既籙為冠體有青毛足無草履苟臨軒陛貽笑聖明太宗再遣中謁者必起之且賜詩曰

曾向前朝出白雲 後來消息杳無聞

如今若肯隨徵召 盡把三峯乞與君

圖南不得已詣闕冠華陽巾躡草履對服垂紳以質禮見賜號希夷先生遺詣中書堂使謂宰相宋琪等曰搏獨善其身不干勢利入華山已四十年計近百歲以天下治安政來朝觀亦可念也琪等遂問修養之道答曰聖上有天日之表正君臣合德圖治之時勤行修鍊行以加此士大夫日往乞善言皆答曰

優遊之所勿久戀得志之處勿再往識者韙之圖南濬通群經而尤精易學蓋以授弟子穆修修傳李之才之才傳康節先生邵雍又以太極圖授種放放傳穆脩穆脩傳濂溪先生周茂叔圖南以故教發機先語後所以然者世傳其有人倫風鑿始太祖居潛曰與趙忠獻公遊長安市圖南過諸途曰可飲乎太祖曰願與趙學究俱圖南睥睨之曰亦可也既至酒家忠獻苦足痺亟就右坐圖南諾曰紫微垣一小星敢上次乎引而下之其召也太宗今見壽王圖南及門而還曰王門廝役皆將相具何必見王由是太宗屬意真宗矣端拱二年豫知其終以表來上曰大數有終聖時難戀命弟子賈德昇於張超谷鑿石室室成而逝彌月五色雲蔽山谷不散

道儒

王昭素酸棗人也早學道尤達於易嘗曰坤為十月卦十月純陰用事猶有陽氣在內故齊麥先生直至坤卦之末尚有龍戰之象龍亦陽也則知陽無剝盡之理蓋陰陽者剛柔

迭用變化日新生生所資而無盡者也其於道深矣鄉人尊其行有訟不之官府而獨詣決焉開寶二年召至講易踰月求歸特授國子博士以禮餞之時已老矣至九十餘乃卒其首縮入腹中世言其能龜息云

道言

澄隱字棲真常山人通內外學太祖征太原還幸其居棲真時年八十容色甚少太祖問其養生者對曰臣養生則精思鍊氣耳帝王則異於是老子曰我無為而民自化我清靜而民自正無為無欲凝神太和黃帝陶唐享國永年得此道也帝大悅其亦孫思邈之流乎

道言

張無夢字靈隱鳳翔蓋屋人也與种放劉海蟾為方外交遊天台赤城盧於瓊臺嘗曰一者道之用也其要則無方無體無用無為無為無不為矣飛蠕蠢類皆含道性得其道者無所不變小則糞蟲變蜈蚣大則人可變仙矣於是觀天地變化草木盛衰風雲捲舒日月

還轉水火相激陰陽相摩之理著還元百篇真宗召見問以長生久視之旨對曰臣居山中但誦易經老子書而已不知其他因命講易即說謙卦上曰獨說謙何也對曰方當大有之時宜守之以謙上深然之復命講還元篇曰國猶心耳心無為則氣和氣和則萬寶結矣心有為則氣亂氣亂則英華散矣此還源之大綱也真宗嗟異之賜秩著作即辭不受力丐還山後卒於金陵年九十九碧虛子陳景元其弟子也

道言

劉烈九江人幼好道遇異人建隆中得道者因結廬廬山密修其道自號虛谷子往有譚景昇者作化書烈提其要曰太虛茫茫而有涯太上浩浩而有家得灝氣之門所以收其根知元神之囊所以韜其光若蚌內守而石內藏藏之為元精用之為萬靈舍之為太一放之為太清大率以柱下漆園黃庭為宗嘗謂學道者萬物不能遷其性一心湛然而無思時導其氣則百骸皆適抱純白養太玄然

道言

傅霖青州人少與張忠定公誅同學忠定既貴求之三十年不可得嘗慨思其人作詩以志其意晚年守宛丘有被褐跨驢叩戟門大呼曰語尚書青州傅霖來聞吏走白其言忠定怒曰傅先生天下名士汝何人敢斥名氏乎霖笑曰別子一世尚爾童心是豈知世間有我哉忠定問曰何昔隱今出耶曰子將去矣來報子耳忠定曰詠亦自知之曰知復何言遂別去不告所往踰月忠定卒

道言

後不入其機則知神之所守氣之所生精之所復何行而不至哉

道質

張乾曜漢天師二十四代孫也天聖八年召至闕下仁宗問以白日冲舉事對曰此非所以輔政教也陛下苟能返古之朴行以簡易志慮清明神氣完和矣奚事冲舉上嘉之賜號澄素先生

道默

率子廉衡山農夫也愚朴不遜眾謂之率牛



晚入南嶽觀爲道士觀西南七里紫虛閣  
故魏夫人壇也道士以其荒寂莫肯居者唯  
子廉樂居之端然而已人莫見其所爲然頗  
嗜酒往往醉臥山林間雖大風雨不知虎狼  
過其前不害也故禮部侍郎王公祐出守長  
沙奉詔禱南嶽謁魏夫人壇子廉方醉臥不  
能起直視公曰村道士愛酒不能當得輒  
徑醉官人怒之王公察其異載與歸月餘落  
其無所言復送還山曰尊師韜光內映老夫  
所不測也當以詩奉贈既而忘之一日晝寢  
夢子廉來索詩乃作二絕句書版置閣上衆  
道士驚曰率牛何以得此太平興國五年六  
月二十七日忽謂觀中人曰吾將有所適閣  
不可無人當速遣繼我者衆益驚曰天暑如  
此率牛安往狼狽視之則死矣始大異之曰  
率牛乃知死日耶即葬嶽下未幾南臺寺僧  
守澄自東都還過子廉南董門外神氣清舉  
守澄問何故出山笑曰閑遊耳寄書與山中  
人澄歸乃知其死驗其書則死日也發其塚  
杖屨而已

### 道術

趙吉代州人既得道行丐高安城中故爲不  
潔清者元豐三年蘇轍子由請高安忽過子  
由曰吾知君好道而未識其要陽不降陰不  
昇肉多而浮面赤而陽教君挽水溉百骸決  
日諸疾除矣苟不怠度世可也子由用其言  
驗他日問及養生告曰亦嘗夢乎方其夢也  
亦有存歿憂樂之知乎曰是不可常也吉笑  
曰有夢覺之異則性不全矣子由矍然異焉  
知其誠有道者吉自言往在廣陵爲同學蔣  
生妻其兩目遂瞽然時能脫瞽見童子碧子  
炯炯其臍以上骨如龜心以下如鐮兩骨相  
值其間不合如指時蓋百二十七歲矣後至  
興國軍太守楊繪元素留之居無幾俄爲所  
害驟蹙而死元素爲葬之元祐元年蜀沙門  
法震來見大蘇公東都曰法震至雲安酒家  
見丐者云吾姓趙頃識蘇公黃州幸爲我多  
問子由聞之驚問其狀知爲吉也興國軍太  
守朱彥博子時在坐歸告其父發其藏唯一  
杖兩脛在耳道書稱尸解之下者留足一骨

### 豈謂是耶

### 道言

李昊劔州人善符禁陳述古知陳州官舍多  
鬼因空所舍堂致昊鬼即止蘇轍子由詰曰  
何能爾耶昊曰彼多欲故鬼侮之吾斷欲久  
非有他也間從問所以養生者答曰人稟天  
地五行以生與天地均五行之運於天地無  
窮而人壽不過百年者自戕之耳夫生而知  
物我之辯內而在我外而在物物我之情不  
忘於心我與物爲二則所受五行之氣判然  
與五行大分不通因其所受厚薄各盡所有  
而止故或壽或夭今誠忘物我之異使是身  
與天地相通如一則五行之氣中外流注而  
不竭安有不長生者哉

### 道華

朱自英字隱芝句曲朱陽里人生於太平興  
國元年八九歲從牧兒郭干村能吹笛致鶴  
父母以爲不祥棄之乃從茅山朱元吉著道  
士服時年十二端拱之初也繼與明真張鍊  
師居積金山頂試辟穀術人稍趨之遂思遠

遊至襄陽遇異人陳鐵脚挾住青城山復過  
 瀨鄉校離太清宮古藏經遇水星童子武仙  
 童名抱一挾往河中府謂此行已抵太陰錄  
 形一度行止神變景德元年嗣茅山經錄二  
 十三代真宗遣使祈胤山中明年生仁宗事  
 具宋史奉旨住持玉清昭應宮勅建乾元天  
 聖兩觀賜號國師明肅太后傳大洞畢法加  
 號觀妙先生還山因得抱一蜀中所寄書意  
 警責姓名顯耀暴露天機先生對之泣數行  
 下弟子莫測也天聖七年十一月坐蛇于乾  
 元手執祥符所賜玉如意汗流浹體額有凝  
 珠尸解之上者

道品

劉混康字混康晉陵人嘉祐五年試經為道  
 士一夕夢神人告曰汝欲學道當擇名山嘗  
 患世無良師每散髮登壇以天為宗已而聞  
 茅山毛宗師有道一見授以經籙庵居積金  
 峯一日三羽士造其廬指庵之東隅曰汝即  
 此以居抱神守中德惠及人當無愧古人也  
 又顧其額間曰此無作之地道之所尚不可

以有疵手為捫之明日癡滅元祐元年哲宗  
 聞其名以高道召勅住上清儲祥宮紹聖四  
 年勅江寧府即所居潛神庵為元符觀別勅  
 三茅山宗壇與信州龍虎山臨江軍閤皂山  
 為經錄三山云徽宗益大其觀加號元符萬  
 寧宮賜九老仙都君玉印玉樞具景震劔御  
 書畫寶賜不一先生累表災變上雖加嘆而  
 不能用其言大觀二年再召出山群鹿遮道  
 一鹿觸車而斃命瘞之道左先是所蓄鶴聞  
 召飛去先生曰鶴去鹿斃吾無還期四月至  
 京館于新作元符之別觀夜夢天帝召詰朝  
 駕幸進上所誦大洞經十七日丁酉倏然解  
 化年七十二勅建藏真觀於葬所累加至葆  
 真觀妙冲和先生贈太中大夫謚靜一

道言

查淨之字清遠金陵人父携入茅山劉先生  
 見而奇之曰此子他日人天師也師喜躍誓  
 不復歸遂為入室弟子元祐間從劉先生入  
 朝先生被旨住儲祥宮以師歸主元符宮事  
 政和三年七月三日召門弟子曰吾今年四

十六歲昔先師授記以為過叨朝廷厚恩奇  
 當不逾於此遂命脩遺表捉筆親題表後云  
 陛下天縱聖哲尊道崇德自古帝王未有過  
 者然念帝王奉道與臣庶不同一言一動上  
 合天心則萬方蒙恩太上五千言以去奢去  
 泰慈儉為先乃陛下之師寶致道之津梁也  
 伏願陛下清心寡欲以保聖躬節財儉用以  
 回邦本聽納忠良以廣言路天下幸甚如臣  
 下愚固不當冒死陳詞實念先師付託之重  
 嘗今臣以盡忠報國為先當今之際不進一  
 言以裨聖德則臣違天負師抱恨泉壤矣操  
 筆陳情伏增感愴臣淨之再言押書畢而逝  
 表聞徽宗嗟悼不已以其表降付藏真觀刻  
 石山中

道化

徐守信海陵人為天慶觀備役服弊布衣曳  
 繩履或跣行終日無所為惟執帚掃除且誦  
 度人經不絕口有道士徐元吉他方來病癩  
 甚眾狀惡弟肯與處斥居觀後茅廬中守信  
 獨事之謹元吉已而死丐錢為斂葬既已歸

茅廬哭三日出而佯狂稍稍有異事人皆神之稱爲神翁始知得道於癩道士也自是四方多來問災祥哲宗不豫遣香至神翁所翁書言人以進未幾徽宗嗣位崇寧初召之不肯起強輿至東都復不可留乃禮歸之即海陵爲建仙源萬壽宮使居焉大觀二年召赴闕四月十七日聞茅山劉先生化于儲祥之別觀乃曰劉先生去我亦去矣即二十日庚子解去故降詔語有云誠意感通異人沓至了然委化不約而同贈太中大夫與劉先生誥無異詞也

### 道品

張繼先漢天師三十代孫先生九歲得其法淵默寡言清癯白哲眉目真人也徽宗遣使召之既至秩以碧虛大夫先生方十三歲辭不受崇寧四年再召命解州鹽池怪事甚神異賜號虛靖先生政和中大內災命黥穰之囚秦紅羊赤馬之厄其語秘靖康初虜引去出塞朝廷再遣使與郡太守詣先生廬致召必起之先生行至餘杭而邑憂不怡人

莫之測已而乃聞虜復入寇急召入朝至泗州天慶觀端坐化去年三十六實丁未歲也後薩道人守堅復遇先生青城山高宗命設像於內中觀堂所著大道歌心說傳于世

### 道言

劉高尚濱州安定人家世爲農九歲不茹葷後稍稍不語問以事則書而對其語初若不可曉已而輒驗家人爲築別室以居久之言皆響應遠近以爲神徽宗三使往聘之辭疾不奉詔賜號高尚處士建觀以居其徒因以其號名之靖康之亂虜人見高尚皆下馬羅拜不敢入其里高尚嘗有言曰世之人以嗜欲殺身以貨財殺子孫以政事殺人以學術殺天下後世識者以爲名言周少隱既爲之傳又推廣其言而爲之說以爲此古博大真人所以救溺起死還真之論豈世俗工言語文章者所能至哉先生農家子未嘗讀書事師而有是言豈神仙中之深知道者乎蓋又與夫熊經鳥伸吐故納新區區積歲月之功而欲著名於仙籍者固有間矣

### 道言

王道堅龍虎山道士政和間徵赴闕館于太一宮徽宗問以修鍊延年之術奏曰清靜無爲軒黃所以致治多欲求仙漢武所以困功夫修鍊非天子事也時方校定道藏經制授太素大夫擬神殿校籍同校定道經徽宗豫知國當有厄命道堅權之奏曰修德可以回天檜權之事不敢誤國力請還山紹興初高宗復遣使召先一日道堅鳴鼓集大衆舉頌有爲報長安使休尋海上山比使至已化去矣

### 道術

留用光信州貴溪人貌奇古而黧既壯無所聞往遊南嶽至撫州臨川縣路逢一道人自言是張輔元與用光偕行用光行爲張員止爲張炊次長沙張謂曰子事吾動亦至矣向吾慢子觀子之變子益加敬吾今入蜀有一篇授子子其秘之遂去啓視乃五雷書慶元間衢州早郡守沈作礪夜夢黑龍蟠于城隍廟門旦視之乃用光醉臥也即延命禱雨而

雨郡上其事復禱雨于朝亦雨用光年幾四十未得度為道士至是即御前賜冠服賜號冲靖先生寧宗為出内帑錢撤上清宮新而大之理宗立復召用光謂使者曰歸奏天子治天下者道德五千言足矣山林野人來將奚益竟解化龍虎山中向之所遇張輔元或謂為漢天師也

玄品錄卷之五

大滌洞天記序

當六

瀾之為郡山川雄秀甲於東南故為吾道之奧區而所謂洞天福地者在在有焉子過錢塘之上每低徊延覽不能捨去惜不盡遊其名勝者間讀予友大章徐先生所序杭之洞霄宮歸一規者尤慕其山水之麗宮宇之宏而未之一造焉今年春其宮道士某持其宮志請序於予因獲探其源委顛末其大滌洞天天柱峯即洞霄宮也始漢武元封間而晉唐以來修真隱遁之士多居之逮宋南渡都於杭則門地之盛聲望之隆與玉清醴泉崇福昭應太液寶籙諸宮觀等矣凡龍書幸駕錫田賜額之異尤冠一時涉元之盛高人奇士輩出於教益振雖宮宇之變或罹兵燹之黃輪賦之繁復設規以守其成益有復興之漸矣而山川之推為洞天福地之殊者四方至今猶稱之故其具諸載籍者凡數廡之盛人物之異文辭之偉靡不備見之若瀾之名於東南者舍是尚何求哉昔之志夫是者可謂善述其事張大其跡也今某尤將廣于梓

亦抑知繼夫先志也嗟乎古今之盛衰興廢之無窮雖傳真靈異幻化之跡尤有湮沒而無所考焉其所可追索者徒賴于名辭巨筆垂之金石煥乎千百載而不泯也雖然浙之地勝人傑而琳宮瓊宇卓稱於時者為不少矣而能託於不泯之言者又幾何哉若洞霄之稱於一時而文且著於不朽矣使其傳之悠遠與三山之書並行而不已豈不亦吾道之盛典也因嘉其志而序首焉洪武三十一年歲在戊寅正月既望正一嗣教道合無為闡祖光範真人領道教事四十三代天師張宇初序

大德九年夏予奉旨搜賢知葉玄文鄧牧心隱餘杭天柱山即而徵之固辭不起因得極山中奇偉絕特之觀後六年代紀南來道士孟集虛出所編洞霄圖記山川之奇秀出洞之深杳宮宇之沿革人物之挺特皆耳目之未及者今一覽無遺是編行乎世集虛於茲山之功亦懋矣况其賢而文冲澹不銜其師介石沈公端雅有容疊膺綸命典領本山人

稱其懷山之洞天福地歷漢晉唐宋聞人世  
出今介石師友如淵珠山玉輝澗泉石信乎  
山川之勝亦繫乎其人九居者游者苟不索  
消身心格遵

太上清靜之教嚴釐祝弘至道以重茲山是  
增林漸澗媿負介石師友之心事予併發之  
於是乎書至大三年六月旦日玄教嗣師吳  
全節序

夫誌書者所以敘事物之源委本末名數九  
目靡不登載故實乎廣記備言使往者有傳  
來者有徵也大滌天柱爲東南一大勝緊其  
可紀者不少而宋政和間唐子霞作真境錄  
已不可考端平間所輯亦復踈略余懼靈跡  
竒聞久將湮沒遂俾道士孟宗寶隱士鄧牧  
心相與蒐羅舊籍詢咨故老考訂作洞霄圖  
志九山川標致之勝官館規制之詳仙聖遊  
化之跡英賢紀述之美皆收拾而無遺非但  
游息於斯洞見今古而足跡未能至者一觀  
此志便眇眇然如行翠蛟白鹿間有頡頏飛  
霞之想亦滌心一助也時大德九年己十

一月望日大滌住山介石沈多福謹書

大滌洞天記卷上

敘宮觀

本山 鄧牧 心 編

夫得道之士以無何爲鄉太虛爲家日月之  
光華烟雲之變化湖海山嶽之浩汗麗澤不  
過目睫間所寄物爾爾何待占一丘一壑之勝  
營一宮一室之安與編戶雜處於人間世耶  
良由古道日微淳風不競馳情嗜欲者豈知  
有清靜可宗抗志功名者豈信有神仙可學  
是故太上設教聖皇潛心黃帝問道崆峒堯  
見四子藐姑射於是周穆草樓發其源漢武  
竹宮桂館昌其流乃有祕宇殊庭瑤臺金勝  
散布寰宇幾與五城十二樓俱高不特鍊汞  
烹鉛以斬沖舉聲金振玉以逐禎祥而鳧鷖  
凌風翠旌導月徃徃薄游其間使夫志士辭  
榮會夫棄慢頓悟有身之患樂故衆妙之門  
豈非移風易俗之大樞機導道貴德之大條  
貫哉道經載四海之內九大小洞天四十有  
六福地七十有二而洞霄咸有一焉舊志以  
爲與嵩山崇福獨爲天下宮觀稱首地望之

重他莫敢比信矣天造地設者固不以人力為消長然歷代崇奉之制不可無傳也

洞霄宮

茲山為大滌玄蓋洞天天柱福地在杭州餘杭縣南一十八里郡志云漢武帝元封三年始建宮壇於大滌洞前投龍簡為祈福之所經今一千五百餘年矣唐高宗弘道元年本山潘先生奉勅面南建天柱觀四維壁封千步禁樵採為長生之林中宗朝賜觀莊一所後有朱法師改北向乾寧二年錢武肅王與閻立先生相度山勢復改為甲向今宮基是先化二年錄圖表奏詔旨張嘉見天柱觀記錢氏納土時嘗改天柱宮宋真宗祥符五年因陳文惠公亮佐奏改洞霄宮賜仁和縣田一十五頃悉蠲租稅并賜鐘磬法具等度童子童一人應天慶等節設醮本州應辦支費青詞朱表學士院撰進呈訖內降修奉仁宗天聖四年詔道院詳定天下名山洞府九二十處杭州洞霄宮大滌洞為第五仍命每歲投龍簡遇祈禱封降御香蓬中使或郎官入

山政和二年住持都監何士昭以宮宇頽圯詣汴京陳乞奉旨賜度牒三百道兩浙轉運司經理後因方臘之變廢于兵火高宗南渡紹興二十五年發帑出金重建

吳天殿于東廡後殿左闕通明館本宮住持

兼領焚修于此孝宗乾道二年三月德壽太

上皇洎顯仁皇太后臨幸慶成遇庚申甲子

聖節帝后本命係朝廷請降設醮本宮書記

撰青詞奏呈修奉官差軍士守衛後泰罷軍

士以山麓之民充佃火防禦理宗淳祐七年

靈濟通真先生孫處道奏請賜錢益市恒產

以裨贍用由是山門規制愈崇廣矣政和間

援唐天柱觀例經尚書禮部給洞霄宮印記

寧宗慶元二年知宮陳以明以歲久漫滅重

給宋國初聖節道場應奉本縣文武官僚入

山建散諸山僧咸至立班自南渡後惟道士

就本宮建散而縣官止於普救寺行事九宰

執大臣丐闕去位者以提舉臨安府洞霄宮

繫銜咸淳甲戌冬防虞弗慎延燎一空至元

丙子後重建未完復燬于甲申之夏今自甲

申後再新宮宇規模視昔愈壯專一為國焚修告天祝壽每遇天壽聖節道場依例就宮建散蒙管領江南諸路道教所總攝江淮荆襄等路道教所以名山事實闡奏至元十八

年欽奉聖旨護持山門至元二十三年十一

月欽奉聖旨護持及本山諸宮觀元貞元年

元貞二年大德三年節次奉宣命投本宮住

持提點及提舉知宮兼管本山諸宮觀事大

德八年六月又欽奉護持及諸宮觀象中書

禮部鑄給杭州路洞霄宮提點所印信字內

名山自五嶽之外所謂天有八柱而已其五

在方外既不可考今見於中國者三而洞霄

之盛為歷代所崇奉幾與五嶽俱尊又非舒

州壽陽所可企及豈偶然者故列敘于篇首

通真門

茲門不在餘杭縣四門數內宋紹興年間建

謂由此入洞霄也至元年間重建先是宋淳

祐間住山貝大欽買石斲路夾樹林木十一

八里至九鎖山門

九鎖山門

在九鎖山外未至宮三里扁九鎖山三大篆字甚奇古程俱書

外門

街九鎖山大路道龍鳳二洞直上為樓具洞路自路口折入會仙橋過翠蛟亭左右崖石夾道勢若雙關門直其會扁洞天福地宋理宗淳祐七年賜書

雙牌門

自外門入度玄同橋兩門對峙左篆天柱泉有池在焉右篆大滌洞洞所從入也

三門

宋紹興三十二年內帑賜錢造至元戊寅山隱齋建癸巳年本齋重建仍造天香亭于後故所無也

虛皇壇

在正殿前舊志云唐景福二年錢武肅王按當時儀式疊甃開壇請問丘先生三元奏錄于此大德庚子增修廣之

三清殿

即郭真君結茅之地殿前三松其所手植今

不存矣錢王遷坐庚向甲蓋指此也宋政和間方臘之變惟徽宗本命殿獨存住持道士金致一奏旨改為三清殿聖像乃汴京孟成忠所塑號為絕技至元庚寅復建壯麗殆過於昔有桂柏相間列峙前向

昊天閣

在東廡後宋紹興二十五年內帑賜錢造殿大德辛丑重建為閣四山環抱最為登覽勝處

璇幾殿

在庠院東建炎間建至元辛巳迴紫齋建

佑聖殿

舊在正殿左建炎間建至元辛巳怡雲齋建于三門東偏

祠山張帝祠

舊在官門外西阜開禧間內庭賜神像及左右侍從景定間移建三門右至元庚辰壺隱齋建辛卯本齋重建

龍王仙官祠

在西廡後宋建炎間建賜額嘉應廟至元壬

午清虛齋建今洞天福地二仙官併祠于此

從古制也祠下撫掌泉與大滌泉源通俱院龍井初以宋紹興九年內旨詣洞投鐵簡得

兩封善應侯勅朕惟山林川谷出雲氣為風雨者必加禮秩以謹奉祠矧茲洞天神靈所

宅屈伸變化呼吸風雲若時愆陽旋施膏澤

有司言狀寵錫侯封用孚惠於蒸黎以欽承

於渙詩可特封善應侯慶元三年加封善應

靈濟侯嘉泰元年加封善應靈濟昭既侯端

平三年加封善應靈濟昭既廣福侯又特封

靈澤公

雲堂

在西廡後延接十方雲水宋淳祐咸祐間高道雲會相傳為口實今南北高士來游來居亦不咸於昔日也

旦過寮

諸亭

在雲堂右雲遊僧暫憩之地

諸亭

曰翠蛟曰飛玉曰清音曰翠微曰採芝曰九曲見山水門曰谷口曰石室見洞府門曰祥

光曰宜霜曰聚仙見古跡門

白鹿山房

在石室頂先是薩永仲嘗家石室東偏因為道院朱妙行修鍊其地九二十年尸解去是後有天目阮先生居之有泉州陳道士者緣

山屈曲開逕結茅相依發土得奇石甚多一帶九百餘步狀如步障中更兵火阮陳亦亡去大德甲辰建山房于此有記

解院二所

一在餘杭縣西南半里大溪之上後唐長興四年建名天柱解院宋咸淳年間重修門前有梓林夏日陰翳可愛在三門東偏

法堂

在正殿後宋開禧元年內帑賜錢造靈宗賜書演教堂高至元乙酉重建左右兩石天造地設後有蒼崖橫峙因加人力疊成峯巒中作小洞洞中小路委曲出登其絕

方丈

在演教堂後

庫院

在東廡至元乙酉重建丹泉流注其間唐李玄卿所記新池在焉

齋堂

在西廡大德戊戌重建

道院

在西廡後古有三院曰上清曰精思曰南陵今分為十有八齋中瞰一池諸齋環嚮池水盈涸往往亦闕休咎左廡七齋曰山隱曰山素曰岫隱曰嵩隱曰怡雲曰粟隱則上清院曰迴紫則南陵院曰右廡四齋曰清隱曰谷隱曰盤隱則上清院曰清虛則南陵院曰正面七齋曰壺隱曰橘隱曰悠然曰閑隱曰學隱則上清院曰怡然曰碧壺則精思院曰選道堂在西廡後至元乙酉年重建

至道宮

在餘杭縣北三十里曹橋西唐文明元年建初名福業觀潘尊師成道于此雲笈所載者宋治平三年改今額前有古松一圍兩合抱後有苦杏二大與松埒鶯鶴巢集其上廚院有宋熙寧間所鑄巨鑊四畔識歲月及施錢

姓氏隱士葉玄文詩云猶存巨鑊記熙豐翠靄春深古路通千百春鋤一株樹野田飛下雪花風

龍德通仙宮

在餘杭縣市南南唐文懿趙公汝談嘗卜居于此至元癸未住山郎如山愛其溪山之勝營已資更宮宇一新花木亭池冠於一時天師演道靈應冲和玄靜真君為書宮額

元清宮

在臨安縣錦南鄉地名新路住山舒元一故廬所在至元甲午即其地建宮樓閣巍峩山水環抱視為甲觀

冲天觀

在九鎖山門外東天柱山所止先是宋咸淳間住山龔文煥建于德清之青坡至元壬午知宮事周允和更建此處今住山沈多福疏鑿泉石栽植松梅頗有徜徉登眺之趣有記錢塘葉玄文隱于是二十年大德丙午正月成道仙去

洞晨觀



在餘杭縣東郭河上安樂山東為陳季卿故址季卿餘杭人世傳遇終南山仙翁以竹葉為舟者宋景定癸亥住山貝大欽建松行掩映流水迴環植梅一塢扁無蓋春先是接待最盛有記

元陽觀

在天柱步南三里大嶽山後宋咸淳間住山吳處仁建至元辛巳改向重興山深林密門徑瀟然頗有塵外意但游者罕至焉

冲真觀

在湖州路長興州晉葛仙翁鍊丹之地宋咸淳間本宮道士周國壽以古額興建至元甲午住持周貴生修蓋一新周迴流水松行古檜老桂為佳說焉

龍德觀

在嘉興路澈浦鎮宋景定間本宮道士劉應善建與海涯相接為士民祈禱之便

玄同觀

在杭州城於辛街先是揚府瞰碧園有蘭亭茂林脩竹之趣至元癸巳住山郎如山建道

院大德辛丑改為玄同觀

明星宮

在餘杭縣東二里明星濱之上至元辛卯本宮道士史得芳建道院曰來清大德丙午改明星宮

洞陽觀

在台州寧海縣東隅大德癸卯本宮道士楊應世買張氏宅改建

岳祠道院

在餘杭縣南湖之上先是為土人闢武功園後施地建祠遙望西溪諸山森然拱立祠旁小阜曰鳳凰山以形似名巨石林立流水周旋幾百餘折葛仙翁丹竈據其上下可羅坐數人有亭臨流對之今建道院于祠右扁名鳳山道院

清真道院

在東天柱嶺青檀山之陽宋咸淳間知官事朱特立建泉石清勝可觀

凝真道院

在九鎖外墓塢至元壬午本宮道士姚崇道

自城居移建于此

若虛道院

在餘杭縣市西舊為沈氏居至元戊子住山曹至堅得其地建院

通明道院

在餘杭縣相塢至元己丑本宮道士金自吉建為奉先報本之處

益清道院

在臨安縣地名後洪至元壬午本宮道士何自清建

紫清庵

在上塢青梓隴山下至元乙酉本宮道士徐允熙建

碧壺庵

在李塢石玉山下宋咸淳間副官李元綱建

溪山庵

在天柱步大德丁酉副官金常清建

開隱庵

在來賢岩後青山下至元己丑本宮道士王允升建

學院庵

在天柱嶺西至元辛卯本宮道士陸繼脩建

太平庵

在臨安縣大德甲辰道士徐元英建

集虛書院

在餘杭縣東五里碧塘福地有巨井一所世傳葛仙翁鍊丹于此元貞丙申道士孟宗寶建院為游居講習之處翰林學士張伯淳書扁隱士鄧牧心作記紫陽山方回詩云天地春藏凍核中時來蜂蝶閑東風萬端變化根無極一點靈明最太空妙處千江分朗月飄然六合點冥鴻守玄知嘿交龍虎肯泥丹爐子午紅錢塘仇山村詩云築舍東臯野水濱室中生白座生春了知空洞元無物須信清明自有神幽徑草花聊適趣閑牕筆硯不留塵酒經丹訣非吾事萬卷書藏一老身

大滌洞天記卷上

大滌洞天記卷中

叙山水

本山 鄧 牧 心 編

浙右山水之勝莫如杭山水之勝莫如天目天目之勝未如大滌洞天蓋大滌山水發源天目風氣整礫岡巒糾纏相望幾百里然後蘊靈毓秀於此經以若川之紆餘匯以南湖之蕩莽九鎖外鑿一柱中擎豈非天地之奇觀仙靈之奧區哉郡志載登天目山憑天壇石屋見山皆西南馳雙溪並趨而合于於潛縣岸岑似少駐回望天目層雲中如沈雄古大將按轡其後大勢不可遏少快驟已抵臨安縣大官山者直培塿爾循而至九鎖蓋為軍惠環以天柱諸峯若止息者已而轟轟赴餘杭下武林北高峯而特起為南高峯捷以八端慈雲嶺翼為七寶風山昂頭委尾若翔而集前界大江乃止吁亦異矣祝之山川大較以是觀之茲實錄也

天目山

太平寰宇記云天目山高三十九百丈周五

百五十里多美石甘泉有數百年古木山上兩湖若左右目故名古有東山銘略曰列岳霞上標峯霧裏翠瀟灑巒名不可紀有蛟龍池上中下三潭源脈相接徐伍仙故居在石室峯西又漢天師舉家於此上昇茲蓋天柱之鼻祖而錢塘所謂龍飛鳳舞又其雲仍也

黃山

在宮西北是山最高為紫山之祖雖百里外亦望見之左發為大滌右發為天柱其趾長水灣伏虎岩在焉

九鎖山

自餘杭西郭外行十有八里逆溪水上左右合七峯皆狹地數百尺其趾犬牙相錯行路並溪屈折者九故云九鎖好事者悉命以名一曰天關一曰戴雲三曰飛鸞四曰峻崖五曰通真六曰龍吟七曰洞微八曰雲嶽九曰朝元

大滌山

在宮北凡四峯於九鎖內最為巨山西洞據其領石室出其半天壇冠其顛皆山中勝處

也是山以洞名之舊志謂大可以洗滌塵心故名大滌雖山川得名未必咸有說而故老相傳當不誣也玄同先生劬履廕山下

天柱山

在宮西南凡三峯與大滌對峙高足相敵由宮外望之屹然若柱又絕頂有石柱高丈餘圍兩合抱此山所以名者蓋五十七福地地仙王伯元主之按傳記所載天有八柱其三在中國一在舒州一在壽陽洎今在餘杭者是已洞霄以為主山故古名天柱觀舊志以為風清氣和土腴泉潔神蛇不螫猛獸能馴自漢武標顯靈跡建立宮壇歷代祈禳皆在此處也

乳山

即宮前案山錢氏所增培者

香爐山

在宮前乳山後其峯甚銳

青檀山

在宮東南東天柱右偏其勢不甚高而泉石奇秀為諸山甲今湧翠石壁與試劍來賢二

岩冰壺鏡潭皆在此

青梓山

在宮西黃山跡狀如屏嶂與白鹿山對其地平處即上塢

青茗山

在宮西青梓山下東連上塢路西達棲真洞

白鹿山

在大滌山即今中峯是因許真君上昇於此天降白鹿下迎故名

丹山

在黃山外極高廣綿亘十餘里楊村在其下復有響水石溪流至此輒達達有聲

紫竹塢

在青梓山西古多紫竹故名

苦竹塢

在東天柱嶺首去宮一里許與仙跡岩相並狀如片雲從地湧出欲飛而未起也

茗溪

山海經云天目山一名浮玉茗溪出焉今由於潛臨安縣界經餘杭及錢塘界然後入湖

州達于震澤郡志以為來岸多茗花每秋風飄散水上飛雪然因名茗溪又與地志云自餘杭西亦名冷溪溪兩溪有琴鶴翁姓四山皆有居民在其下今自宮抵溪口五里名天柱步道旁有井亦名天柱泉蓋柱流泉循九鎖山東行達是溪也

南湖

此湖每歲梅雨茗水盛時必聚此而後洩于大溪長堤小橋出其髣髴類杭西湖餘時皆涸彌望蔓草而已

丹泉

杜東

是泉發最高歷天柱山半初但聞有聲殺殺若雷至大滌洞西百餘步始出地上既清且甘大旱不竭有方池瀦焉天字清明而有赤先四旁昔蘇時作紫暈東坡詩云一庵閑寄洞霄宮并有丹砂水常赤故扁丹泉亭曰清音取左太冲山水有清音之句除引供厨堂及十八齋之外一境田疇咸仰灌溉

厨院方池

唐大曆五年今尹范公惜俯見泉脉浸潤命

鑿池以便庖厨李玄卿有記

三池

在洞天福地門裏路左二路右一若品字然唐乾寧年間錄武肅王開鑿由大濬洞前疊石為階溪約里許接天柱流泉瀦蓄其中澄澈可愛於池口復為階溪曲折五六深合地理

翠蛟亭

宋高宗臨幸按月至此愛之賜錢造水閣在官門外三十餘步自門內三池流入澗撒池上一二板洶湧若雷變化飛舞山林蔭映作紺碧色故扁翠蛟取坡仙詩亭下流泉翠蛟舞之句仍奉坡像祠事于後亭前有坡羅列坐石游者必登憩焉

冷泉

在官門外會仙橋之東路旁石罅間泉脉甚微四時不絕行者掬取飲之寒甚冰雪故名

桃花泉

在龍洞西數十步其泉自石罅橫注入溪昔人每見有桃花片流出莫知從來故名

石門

自來賢岩東五十餘步歷坡陀而上即青檀山路右依岩石左臨深坎旁有巨石與岩對峙號小石門

月窟

洞酌之旁有巨石圓寂玲瓏廣二尺許深五六尺許曰月窟

水壺

月窟之西有石竇貯泉甚寒而甘曰水壺

鏡潭

洞酌之下有石竇其泉清可鑿物曰鏡潭

試劍岩

自來賢東行可二百餘步有石裂為兩如劍所斷故名

湧翠石壁

自試劍岩復三十餘步有峭壁面北從地湧起高可一二丈廣二三十丈其上蒼翠玲瓏奇怪萬狀其可形容蓋茲山秀氣發自來賢至此餘半里始盡呈露上有石乳焚之芳香有岩對峙相去僅數尺不容並行若以人力

開闢尚可作亭盡意觀覽爾今外向有亭曰翠微

石步障

自石室歷數折上有蒼石沁徑聯屬可百餘步名石步障

通仙橋

在餘杭入宮大路去通真門四里宋建炎年間建舊號石門橋大德己亥八月知宮事楊清一重建

道士橋

與通仙橋相去半里者本宮祖師建成呼為道士橋

朝元橋

在官外四里由天柱步入宮大路俗呼為湖塘橋咸淳癸酉增構高廣名為朝元橋

雙仙橋

在官外三里俗呼為雙橋頭昔郭真君與葛仙翁倚杖對談于此故名

玉泉橋

在東天柱嶺下石府君祠左去宮二里俗呼

麻車橋宋建尖間建飛玉泉由此出澗故名

### 鳴鳳橋

在雲根石左俗呼袁家橋宋建尖間建與鳴鳳岩相近故名

### 玄仙橋

在棲真洞牌門前入宮大路跨澗為橋宋淳熙甲辰道士江安著以早游湖海晚歲歸隱山中捨衣鉢錢重造

### 玄同橋

在洞天福地門裏下通池水出翠蛟亭昔玄同先生與錢武肅王相度地理鑿池架橋故名

### 叙洞府

神仙安在哉列于載渤海有五神山東方曼倩云有十洲嘗所涉歷弱水三十萬里既不勝舟而珠樹琪林瓊樓寶闕又非絡駟所及何怪世俗不信以為荒唐詭誕之言哉然則三十六洞天具在域中其為神仙之居信邪否邪日月周行中天下入滄海晝夜相禪而不息雷霆發虛空中赫然有聲萬物震動使

世俗未嘗聞見而吾言之又肯信乎一介之士苟有遐心尚將逃深林隱空谷渺焉不與世接而况龍變蟬蛻飲露餐風其去塵土之腥糝入煙霞之杳霭必然無疑者是四海內外不可謂無茲洞不可謂無若人也若青城

羅浮武夷句曲向使不名洞天吾知為仙聖區委羽塊然山爾陽明直數仞之石裂一綫爾亦得以洞天名而青童君仙人郭君各理一馬豈飛行變化之跡無往不到邪玄蓋在大滌山而雲笈云在天目山者豈以大滌為天目子孫或古人著書未必皆親履其地失於審稽雖信史不免無足異也

### 大滌洞

在宮西北半里茅君傳云第三十四洞天名大滌玄蓋之天周回四百里內有日月分精金堂玉室仙官校災福之所姜真人主之與華陽林屋遂道暗通相傳洞玄先生入游見龍麟異境花木鮮繁自華陽而歸洞門石鼓廣可尋丈扣之逢逢有聲自此上下皆平如剗削兩旁崖石委曲夾道中間一石若柱倒

懸因以隔凡名之過柱一穴如竇內開丈餘中有圓井無底惟聞浪浪水聲乃歷代朝廷遣使投龍壁之處也

### 棲真洞

在大滌山前西天柱嶺上去宮三里一名西洞舊志云大滌先生杜琛語弟子何法仁曰汝宜居西洞可以避世成真遂名棲真洞天生息頂狀若寶蓋龕室幽深乳泉滴瀝又東西二臺石閣屋上有龍爪蟠拏蹠跡之跡或戲以手漫滅翌日視驗如初是知洞龍出入之徑也西臺一石平如棋局白石子如拳委積其上旁列石坐環嚮焉入洞門三丈許有石仙人為仰卧狀又越華蓋西有石龕可容數人

### 石室洞

茲洞一名藏書一名東玲瓏在大滌山中峯前白鹿山下洞中三穴若品字透見天日門有石梁橫界泉脉涓涓注石梁下引而瀦之可供十餘人居者賴之相傳郭真君登山採藥嘗懼于此名沈藥泉郡志云吳天師筠修

鍊之所天師既尸解於宣城指令門人藏書  
劍於此洞有石室故以名之又景行錄載天  
師云當遷神于天柱石室蓋太上伴我煉蛻  
之處故卜其西麓果有石坐岩扉自然成備  
如是則不惟書劍亦天師藏真焉按石精金

光經言曲晨飛精藏景錄神劍解之道凡暫  
過太陰紫胞煉度四百年所藏必發蓋數足  
運會其靈自有以發之耳舊志謂天師石室  
之藏岩扉呀啓信也山腰有石窪樽石茶竈  
皆仙家之遺跡

白茅洞

在宮山西南十里嶺右靈迹巋然按記云晉  
人遇一道士衣中夾麗自洞中出詢所自來  
曰吾白茅先生職此久矣因名之其門如井  
綆綆而下一二丈至平地可環坐二十人復  
偃身上下又二丈許有仙人酒斃石及石柱  
二一竅上徹天光境界奇絕第山高路阻希  
有至者爾

鳴鳳洞

在宮外一里道旁山上雖石門阻隘有童稚

可入云其間廣埒兩屋旁一小路不知所極  
上有穴泉流為丁當音下方池未嘗減溢  
耆舊云錢氏時因鳳凰來鳴故以名洞其地  
亦改為靈鳳鄉

蛻龍洞

在鳴鳳洞相對山屋中相去百步許喬木幽  
隱岩穴嵌巉深可數丈宋皇祐初羽人於洞  
間獲龍蛻骨齒角皆具故名記云五洞潛通  
此其一也

歸雲洞

去宮五里在棲真洞左偏半里許即棲真之  
後門深可百餘尺石壁光瑩洞有巖頂亞於  
前洞按記云是神仙回車之便道故曰歸雲  
洞門僅數尺下入丈許石皆如瑪瑙五色紋  
理旋雲飛霞直下方池深不盈尺廣可二尺  
長可三尺池底白色如累珠鑊玉可愛泉水  
則盈涸不常又下十數步有白石若瓠者三  
又下數步左偏上陟則有石盆其上流泉淅  
淅下入盆內可以盥四周石乳如垂瓔珞復  
返右偏直下十四五步闊二丈許其中有石

如積銅錢者周圍平坦可容三十餘人

叙古跡

人事有代謝山川無古今生身千歲之下游  
心千歲之上登箕山而懷洗耳之風弔首陽  
而悲餓死之節利害既不相及影響既不相  
知而田夫野老樵童牧豎猶將躑躅悲歌有  
泚其頰况高世絕俗慷慨之士哉千萬世同  
一理千萬人同一心古人遠矣九京不可作  
矣一旦過其隱遁之地觀其游息之所有不  
浩然興起如親炙之者乎馴虎岩之坎木無  
恙昇天壇之丹竈未寒空山無人渺渺愁予  
豈晉人所能令人不復能邪山中陳迹時有  
足稽併採異聞附見一二

漢宮壇

在大澗洞前漢武帝元封三年所創今其址  
不可攷矣

昇天壇

舊志云昇天壇在山中峯之上又名法象壇  
上應天而圓下應地而方中應易卦而八角  
許遠游真君精研洞典登其上而仙去時天

降白鹿下迎故中峯名白鹿山今山頂界松內數丈之地草木弗殖是其遺址也宋政和間猶有卿雲簫吹往來

### 伏虎岩

在宮山西南峻壁間若環堵之室南有路自上而下復陟厓磴方至其所藤蘿深密怪禽畫啼非有道之士不可處也昔郭真君伏虎於此按晉書云葛洪何幼道偕訪之目擊而已各無所言引嘯而退唐吳天師愛其遺跡每游忘返題詩岩上令歲久昏剥云郭生在童穉已得方外心絕迹遺世務栖真入長林元和感異類猛獸懷德音不憶固無情斯言微且深未句蓋引真君與溫嶠問答語

### 仙跡岩

去宮一里在行路隔溪厓石上按記云秦始皇驅山岳擬塞東溟嘗役鬼移之山勢欲動勿有仙人叱鬼以身扼厓石使不得去今厓上有肩帔簪冠隱然遺跡溫潤光澤苔蘚不生以手摩拭良久作古桂香云楊傑有詩曰祖龍求仙徒用力駕海欲驅山下石神人倚

住不與行留得岩前隱仙跡

### 來賢岩

在宮東南青檀山前嵌空數丈盤石藜竹可以游息宋熙寧間東坡居士爲杭通守與蔡準吳天常樂富國聞人安道俞康直張日華皆幅巾蓑杖盤桓于此東坡賦詩云上帝高居隱世頑故留瓊館在凡間青山九鎖不易到作者七人相對閑庭下流泉翠蛟舞洞中飛鼠白鴉翻長松怪石宜霜鬢不用金丹苦駐顏後人名岩來賢作亭其上曰宜霜

### 巨室

唐吳天師齋書劔地宋陸維之朱妙行居焉

### 撫掌泉

在宮內龍祠下深僅三尺清泠可鑿古詩云却疑三尺底別是一壺天其泉五色變易不常每一變則有吉事餘抗圖經載錢武肅王至宮有雙鶴飛舞其上因撫掌招之鶴墜而泉湧漚使陳堯佐因按察至焉問羽士所以名泉之意答曰昔仙人撫掌而泉湧公於是撫掌亦然吳天師觀碣云水旱不易榮照軒

宇夏寒而辨沙礫冬溫而冒萍藻宋熙寧初有物狀如鰻繞欄楯間兩目如丹時人以杖朴之即墜入泉去須臾陰霧周布一山大水自天柱源來洶湧可畏將墊殿堂乃止或龍之怒也今環甃以石結亭覆其上圍以朱欄者宋高宗嘗酌之也

### 明星瀆

餘杭圖經云在縣東十里二百步周迴一百五十步溪之南塘歷朝勅使投龍簡於天柱大滌洞必先祭明星瀆九域志載餘杭古迹亦然父老相傳云昔有人晝見星燦然故名溪下多潭皆遇水決衝而成自新堰以西第三潭最深瑩而闊者是也父老云瀆之南瀕路舊有道家居遺址尚存今地屬本宮建宮亦曰明星

### 藥園

在來賢岩宜霜亭下夏侯天師種藥於此芝畦木塢百藥之植靡所不有常施藥於屢市隨緣深淺而與之一日樵者聞園內有物大呶隔籬窺見天師策鞭乘一獸似虎非虎行

疾如風入東山而去今四山產藥草六十餘種園跡猶存

葉天師講堂

舊志載在山門外天師役鬼神所建制度宏巧絕不類常工開元中天師講道德度人諸經於此有仙花靈鶴自天而下吳越高士輻湊聽法咸有所悟願居弟子列者三百餘人惟語以濟恤孤貧感愧履載忠孝君親重人性命淨身心絕奢侈即為道家之根緒也荐經兵火遺跡不存今移宮中為演教堂

草堂

錢氏所創唐昭宗景祐二年武肅王以居間丘先生既而旬旦入山問道每三元開壇授法籙號上清壇御史中丞羅隱皆入室者也堂外環列雲房為志人弟子栖息之所朝暮入室退即閉關下惟或持經或論道或錄神修真各有所至今道院上清流派所自出也

書樓

一名垂象樓暨天師所居天師少好經史著述不輟其中卷秩委積左右常晝探日魂夜

飲月魄蓋紫文之上道也東西壁各置一竅僅可容面是採鍊之戶白元鑒有詩其址亦在今道院內為精思流派

南陵

亦今之道院址因許真君居宮北之大滌山既而昇舉預報南陵知已曰來日上朝玉帝矣至期登陞北望果見彩雲滿空真君乘白鹿冉冉而去故名此地為南陵今別為流派也七閩道士王介詩云飄飄遺鶴去尋真野客重來嘆復吟許邁林中丹竈冷郭文山上白雲深南陵事古都非昔北嶺歸期直到今珍重玉京無限意待將功節養高岑

嚶亭

在餘杭縣南五里晉郭真君居大滌山常出市肆貨藥有虎自隨令伏此歸晚則虎嚶故曰嚶亭今山下澗石奇怪流水潺湲是也

聚仙亭

舊志云其基爽壇為天柱峯之乳俯瞰宮中最為清勝玄同先生創亭占氣于此乾寧間眾聞亭上環珮之聲異香逆鼻走報先生先

生曰洞天仙官朝謁北辰今夕百靈聽講上請大法來至是亭爾因名聚仙陳丞相堯叟詩云古檜森羅燒藥竈綵雲飄洒聚仙亭

祥光亭

在大滌洞口錢武肅王微時卧巨石上指洞曰余異日富貴當建亭覆此石及貴作亭營飾甚盛而瘞石亭下樵夫聞見有仙人奕棋亭上迫之則失所在祥符五年中使白公漕使陳公及州縣官皆至天氣澄澈了無纖翳方秉爐炷香忽有五色雲自洞中出上巨霄漢下瀾漫林麓時羽人從騎皆在雲氣中若仙官之朝玉京也數刻方散表奏其事名亭曰祥光今扁大滌洞天

通明館

在昊天殿左宋高宗臨幸寢食于此几榻咸在後樓宜縱目看山

神應鍾

舊志唐大曆四年台州黃岩大旱徧禱弗應遂祈于杭之大滌洞既雨土神見夢于邑大夫曰宜鑄金為鍾以酬厥覲大夫從之逮宋



宣和間更三百六十餘年毀于火紹興八年道士周希及等收拾破壞且將復鑄禱之神則曰治于故地乃成不得已從之明年鐘成赤城左瑤銘曰壞于數匪壞于火成于神匪成于人作于此用于彼福吾邑無有已故號神應鍾

### 西洞神光

宋紹定辛卯有楊公伯密者武恭王之孫游山至棲真洞方舉火仰視華蓋忽有神光發層臺上青白相半冉冉而昇圓如滿月久之方隱公嗟異留詩山中有東臺仙子許參玄。滿月光明現大千向道士王思明嘗立石識其事

### 松花石

凡兩株在璇璣殿前今不存

### 重榮木

餘抗圖經載宮外有大檉木相傳唐咸通二年吳天師所種至宋咸平元年無故自枯歷十五年祥符壬子復榮溥使陳公亮佐異之圖狀進呈併奏五色雲現及地湧泉事尋降

旨設醮以寢神異故改洞霄宮後熙寧三年五月一夕風雷大震不知是木所之人以為靈化焉

### 無骨箸

宮山周回百里多生紺箸昔晉許遠游真君上昇語弟子曰吾有金丹十劑汝等功行未圓非可遽服已藏山中無骨箸下他日有緣者遇爾後役夫採薪或帶箸歸往往臨爨得之採時不見無骨者有好事者攀緣幽討終年不得蓋仙人所藏非宿生緣契不可倖致

### 擣藥禽

禽止有二伏藏深樹間夜鳴達曙宛然擣藥聲晝夜間鳴第見人則速去故無識者

### 石香鼎

宋學士陳公亮佐授外臺日謂道士馮德之曰嘗夢游名山見仙人以鼎鼎相期何敢過望馮曰學士人望所歸名列仙籍世間富貴何足相挽後果大用造紫石巨鼎二置祥光亭上其一銘曰爐之質劍中起煙人之體虛心養元不用之用自然而然爐兮人兮茲謂

道焉其二銘曰山之高兮巉巖出雲洞之深兮幽宅真鸞鶴一瞬鳥驚百春安得而往葆光齋神

### 四山界松

宋淳熙三年知宮章居中凡宮山崗阜與民接者悉樹以松親董工役既成春秋二時每指引後進登山以識疆界今四山虬枝龍形環列森立圍皆文許其經始培植之功不可泯也

### 應夢游詩

宋元豐己未趙清獻公并舟帥錢塘抗章告老歲甲子八月忽來游山謂道士沈日益曰近夢入真境宮闕巍峩有數道士相逐詢之曰此洞霄宮既覺思之兩典是郡未嘗至此故冒暑來今觀泉石樓觀與夢中所見無異豈仙聖有緣邪留詩曰龍穴藏身穩泉源撫掌清紅塵人絕離白日世長生我分譜冲寂誰能顧利名夢中休指笑又作洞霄行

### 陳文惠公書字

宋祥符壬子陳文惠公亮佐典領漕賦時表

奏興修宮宇改宮額奉旨書勅賜洞霄之宮  
六字

誦度人經

餘杭圖經載洞霄宮主首道士誦度人經多  
若奇驗每就所居側龍潭上持念一日有老  
人從潭中出跪曰弟子即龍王也每聽經丈  
無任皈依今竊有請焉師繞到潭上則幽祇  
皆起敬不退殊不自安願只宴坐齋中不妨  
日課百靈得以休息當日置仙鮮乳二斤以  
供齋饌道士許諾明旦厨人報几案間得乳  
鮮絮莫知從來果重二斤後日日常然居數  
歲忽累日不至心疑之偶至水次復見前老  
人曰乳乃世間物弟子無有第忝為土神凡  
世間欺人取贏者得陰攝之此去有市戶董  
七好舞秤權以十四兩作斤故從而掠焉今  
其人不在厥父自主店業未嘗罔利故不可  
取非失約也道士嗟嘆每宣言村落間導人  
為善鄉老至今能言但忘其姓名及歲月耳

大滌洞天記卷中

大滌洞天記卷下

叙碑記

本山鄧牧心編

實

天柱觀記

天柱觀者因山為名按傳記所載皆云天有  
八柱其三在中國一在舒州二在壽陽洎今  
在餘杭者皆是也又按道經云天壤之內有  
十大洞天三十六小洞天如國家之有藩府  
郡縣迺相稟屬其洞天之內自有日月分精  
金堂玉室仙官主領考校災祥今天柱山即  
真誥所謂大滌洞天者也內有隧道暗通華  
陽林屋皆乘風馭景倏往忽來真蹤杳冥非  
世俗所測而况大江之南地兼吳越其峯巒  
西按兩天眼之龍源次連石鏡之嵐袖東枕  
浙江之迤沓可謂水清山秀兼通大海及諸  
國往還此外又有東天目西天目及天竺之  
號得非抗蒼涯於穹昊聳絕壁於雲霄立天  
為名以標奇特耳若乃登高遠望則千巖萬  
壑金碧堆疊龍蟠虎踞靈粹滋孕代生異人  
非山秀地靈之所鍾襲其孰能與於此乎就

中天柱風清氣和土腴泉潔神蛇不夢猛獸  
能馴自漢武帝酷好神仙標顯靈跡乃於洞  
口建立宮壇歷代祈禳悉在此處東晉有郭  
文舉先生得飛化之道隱居此山群虎來柔  
史籍具載乃於蝸廬之次手植三松虬偃風  
翹蒼翠千載今殿前者是也洎大唐創業以  
玄元皇帝為祖宗崇高玄風恢張道本天皇  
大帝握圖御宇搜錄探符則有潘先生弘演  
真源搜訪神境弘道元年奉勅創置天柱觀  
焉仍以四維之中壁封千步禁彼樵採為長  
生之林中宗皇帝玉葉繼昌玄關愈闢特賜  
觀莊一所以給香燈於是臺殿乃似匪人工  
廊檻而皆疑化出星壇月砌具體而微則有  
被褐幽人據梧高士挹澄泉之味息青蘿之  
陰葉天師法善朱法師君緒具天師筠暨天  
師齊物司馬天師承植復侯天師子雲皆繼  
踵雲根棲神物表骨騰金鎖名冠瑤編出為  
帝王之師歸作神仙之侶金錯標宇翠珉流  
芳昭晰具存不俟詳錄其餘三泉合派雙石  
開扉藥園新池古壇書閣各有題品足為耿

光錄此際蒙聖朝疊委藩閩縮閩之封畧  
統勾踐之山河籠極蕭曹榮兼渾郭縞懷斯  
地實通維桑素仰真風備詳前事但以此觀  
初置之始本對南方後有朱法師相度地形  
改爲址向雖依山勢偏側洞門其洞首陰背  
陽作道官而不可致左右崗壠與地勢以相  
違背洞門而不順百靈使清泉却侵白虎致  
使觀中寥落難駐賢能皆爲尊殿背水激衝  
之所致也乾寧二年錄因歷覽山源周遊洞  
府思報列聖九重之至德兼立三軍百姓之  
福庭於是齋醮之餘徧尋地理觀其尊殿基  
勢全無起發之由致道流困窮二時而不辦  
香燈竟歲而全無離閩遂抗直表上聞聖聰  
請上清道士閻丘方遠與道衆三十餘人主  
張教跡每年春秋四季爲國焚修錄特與初  
建殿堂兼移基址山勢有三峯兩乳兼許邁  
先生舟窳遺跡猶存遂乃添低作平減高爲  
下改爲甲向是五音第一之方而乃添培乳  
山却爲主案尋即一二年內法主兩雷溼恩  
道侶益臻常住咸備青牛白鹿堪眠琪樹之

陰絳節霓幢不絕星壇之上得不因移山勢  
而再振玄風者哉尋又續發薦章奏閩丘君  
道業聖上以仙源演慶真派流輝方瑤水以  
遊神復華胥而入夢欲闡無爲之教欣聞有  
道之人勅賜法號爲妙有大師兼加命服雖  
寒栖帶索之士不尚寵榮在法橋勸善之門  
何妨顯赫其次畢法道士鄭茂章生自神州  
久棲名嶽玄機契合負笈俱來錄幸揖方瞳  
常留化竹副妙有大師三元八節齋醮同修  
福旣薦於宗桃思惠頗霑於軍俗尋發特表  
蒙鴻恩繼賜紫衣焚修於此其大殿之內塑  
天尊真人龍虎二君侍衛無闕其次別初上  
清精思院爲朝真念道之方建堂廚及陳鼎  
擊鐘之所門廊房砌無不更新天風每觸於  
庭除地賴時聞於牕戶兼爲親蹤觀額以炫  
成功非矜八體之能貴立永年之志妙有大  
師閩丘君靈芝異粟皓鶴標奇誕德星躔披  
霓靈洞朝修虔懇科戒精嚴實紫府之表儀  
乃清都之輔弼加以降神之地即舒州之天  
柱山也遊方有志躡躡忘疲自生天柱之前

駐修天柱之下察其符契信不徒然乃此修  
崇實同搜抉所謂道無不在代有其人爰自  
開基至于功畢備仙家之勝樂暢聖祖之真  
風遂錄畫圖封上進奉光化二年十一月  
二十七日詔旨勅錄省所奏進重修建天  
柱觀圖一函事具悉我國家襲慶仙源遊神  
道域普天之下靈跡甚多然自兵革苻興基  
址多毀况茲幽邃豈暇修營卿考一境圖經  
知列聖崇奉親臨勝樂重葺仙居仍選精慤  
之流虔備焚修之禮冀承玄貺來祐昌期豈  
唯觀好事之方抑亦驗愛君之節旣陳章奏  
披覽再三嘉歎無已想宜知悉冬寒卿比平  
安好遣書指不多及懿夫地出靈阜天開洞  
宮三皇之前真聖非一莫匪乘虛躡景出有  
入無雖或掛於傳聞不可知其名氏皆分洞  
天而理即大滌居其一焉天柱觀晉漢已來  
迄于唐室修真之士繼躡清虛當四方倣擾  
之時見一境希夷之趣今也仙宮嶽立高道  
雲屯六時而鐘磬無虛八節之修齋固闕有  
以保國家之景祚福兩府之蒸黎錄今統吳

越之山河官超極品上奉宗社次及軍民莫不虔仰神靈遵行大道時也聖明當代四海皈依奉蒙委以東南封功臣兼領金莸家山衣錦兼兩道之油幢上承一人倚注之恩次乃是正真護持之力玄元至聖崇敬福生大道真科是無為化致乃及身於此合刊貞石

用俟後賢時光化三年七月十五日記

定亂安國功臣鎮海鎮東兩軍節度使浙江東西等道觀察措置營田招討安撫等使兼兩浙鹽鐵制置發運使開府儀同三司檢校太師兼中書令使持節都督杭越等州諸軍事兼杭越兩州刺史上柱國彭城郡王食邑五千戶食實封二百戶錢錄

天柱祝嘏

太史公稱大荒之內名山五千其在中國有五嶽作鎮羅浮括蒼華十山為之佐命其餘不可詳載粵天柱之號潛霍及此三峯一稱矣蓋以其下摧地紀上承天維中函洞府之謂豈唯蘊金碧宅靈仙所貴與雲雨潤萬物也自餘杭郭沂溪十里登陸而南弄滄溪入

崢嶸幽徑窈窕繞越千步忽巖勢却倚襟領環揜而清官闕焉於是傍訊有識稽諸寶錄乃知昔高士郭文舉創隱于茲以雲林為家遂長往不復元和貫於異類猛獸為之馴擾晉書逸人傳具紀其事可畧而言自先生閔

景潛昇而遭廟斯立暨我唐弘道元祀因廣仙跡為天柱之觀有五洞相鄰得其名者謂之大滌雖寥遠莫測蓋與林屋華陽密通大帝陰宮耳爰有三泉二澗一濫殊涼合派水旱不易擁為曲池縈照軒宇夏寒而辨沙礫冬溫而冒萍藻既漱而飲之曲肱而枕之樂在其中矣土無沮洳風不飄厲故棲蓬者心暢而壽永磐礴紆奧氣淳境美虎不搏蛇不

整而况於人乎正觀初有許先生曰邁懷道就閑存召不起後有道士張整葉法善朱君緒司馬子微暨齊物夏侯子雲皆為高流或遊或居窮年忘返寶應中群冠蟻聚焚藪城邑蕩然煨燼唯此獨存非神靈扶持曷以臻

是州牧相里造縣宰范惜化洽政成不嚴而理遺境景附復輯其業筠與逸人李玄卿樂

土是安捨此奚適恐將來君子靡昭厥由故覈而志之表此堅石大曆十三年正月十五日中嶽道士吳筠記

厨院新池記

遇知已而用者匪唯於人物亦有之初厨院因前池餘派浸潤坳堂數步及甃纔供厨飪滌器而已邑大夫順陽范悟跡累人群心在遐曠每休沐之暇訪道山林見其有天造池沼之形而隧為溝實乃命黃冠等願指廣袤鑿周宇下駢石以涯之畜流以深之清瀾忽平秋陰滿院執爨無欲清之僕挈瓶無汲深之勞不造機事而功贍於物范公實所謂新池知已矣靜勝則道淳境幽則神王予與吳天師舉真洞府朝夕窺臨瑩徹心膽滑昏潛道事苟愜於心則與登姑蘇望五湖而齋矣

故因碑留餘地刻石誌之猶詩人有泌泉之作大曆五年歲號開茂八月一日處士李玄卿記

洪鐘記

聖天子握符御極敬天愛民遇雨暘稍愆禱

于群望所至感格其靈績寂彰者則杭之大  
滌也是山居洞天三十有四爲天柱福地距  
行都三舍御前崇奉有年矣宮宇宏壯獨闢  
巨鐘使命繹奏聞上思所以揭虔表靈迺紹  
定己丑朔月丁亥有旨命鑄仲秋己未告成  
夫山川流峙雲氣出沒明神所以代化工而  
施利澤也覓棟橫空鴻音徹漢聖天子所以  
鎮名山而昭丕既也神有顯功上有庠報此  
殊庭盛事可無紀乎載攷圖籍唐大曆中有  
神應鑪台之黃巖因禱旱醜德御人每以驗  
晴雨經建炎煨燼靡速初開禧邊帥畢再  
遇於淮泗復景靈舊鐘漕臣黃榮求寘之大  
滌亦既弇止然物久則弊剝極宜復其革故  
鼎新必須時應數適者宸命既頒幣出內帑  
工擇國良賜度牒以資其費融兼金以美其  
質聚橐一鼓大器立就其形不侈不尠不厚  
不薄其聲不石不播不杵不鬱鐘成樓亦加  
肆殆時數之偶歟近臣劉世亨奉命凡事盡  
畫堂秀圖形以進天顏閣懌倚歎盛哉聖天  
子嘉惠名山與先朝賜田臨幸匹休於無窮

矣夫形而上者謂之道形而下者謂之器鐘  
器也而道寓焉儻能因以永道則銷去鑿錯  
保合粹和内明外寂力到功深窮邃徑於華  
陽侍宸遊於月殿服猛獸於岩前藏金丹於  
箬下自然山川呈瑞神物薦休鳳鳴高崗龍  
蛻幽穴清泉沸井祥光燭天所謂地靈人傑  
豈昔有而今無邪無已則證神寡慾體修  
真庶幾善人以多嘉祥自應雨可請暘可祈  
尚無負於清朝欽崇之意乃若聽考擊於晨  
暮昭報稱於熏修祝聖壽而保皇圖與洞天  
福地同其久者又不待言喻也  
朝議大夫權尚書刑部侍郎兼同修國史實  
錄院同修撰兼侍講曹叔遠撰

演教堂記

盤古開闢宇宙天先成而地後定故都天之  
號柱於八極者三不周以址存而勿論可也  
惟瀟山之東杭山之南積氣溫厚有雙柱峙  
焉以其上通太微之室故曰洞天以其中伏  
三辰三根故曰天柱道家者流好言天與帝  
而不以地對蓋維持主宰者在上帝不過承

之而已洞霄舊號天柱觀而演教堂則又接  
天柱之乳而流出道德者也先是堂列大門  
外傳者曰神營造化不類目巧之室殆未可  
知也後遭兵燬更創於正殿後紹興肇其迹  
開禧奐其宇端平又峻其基室虛而白楹廣  
而闢雌霓抱梁陽馬承樞堂之背疊石作嶽  
曰聚仙亭翼步欄而上曰方丈室眺眺乎廣  
厦真可談混元論黃虞矣矧惟我高宗皇帝  
曾手書度人經以鎮清真之場孝宗皇帝御  
製古澗松詩以尊不老之道王字扁於寧考  
金鏡錫於慈皇今主上又勅命冲妙師大明  
董集斯事列聖修道教何其盛也堂甫成  
大明羽化而師孫處道與監官大年及大欽  
述師之志綜其本末求記於潼川具泳泳曰  
汝知所謂堂者因教而有堂邪所謂教者因  
堂而有教邪向者堂弊教亦弊邪今者堂新  
教亦新邪吾與子言堂有成壞而教無新故  
仙聖之所重惟教耳然聖人以身教也真人  
以神聽也以身教故不悅道之華以神聽故  
不遂言之迹今營一畝之宮築環堵之室既

勤樸斲又塗墍茨輪焉莫焉惟欲其美而身  
 有玉廬心有絳官脾有黃室肺有皓庭面有  
 赤宅耳有三門喉有十二樓兩眉有紫戶青  
 房七竅有金關玉鑰皆自己之堂也而不能  
 微也指三洞十二部為教母綜五筭七千芟  
 為道樞勃勃旋於珠口團團走於環中便以  
 口之所授為演妙耳之所聞為證真而自有  
 此山以來陰陽之浸昏曉之割日月之相推  
 雲雷之相盪飄風暴雨卒欽於無雕煙縷霞  
 復歸於朴鳥啼而林幽則動中有靜龍勢而  
 霧瀨則寂中有感變通而為四序流形而為  
 品物不宰之宰不神之神皆自然之教也而  
 莫之悟也處道曰若爾吾記則歷劫以至于  
 今千聖之戶庭荒矣雖然吾復為子通之老  
 氏之學根以清淨虛明行以慈儉忠孝其無  
 為也無不為也近於易不爭也莫之爭也近  
 於謨谷神之說近於虛受嬰兒之喻近於若  
 葆修養而引年近於祈天未命真誥謂性與  
 道合由道之體近於中庸王子謂一氣孔神  
 於中夜存近於孟子若夫淮南原道之極至

於和與性使父無喪子之憂兄無哭弟之哀  
 童子不孤婦人不孀獸胎不殯鳥卵不殞則  
 又吾孔門家法也作是堂已玉眸誦誥豈無  
 望道而欲見者倘能味法如蜜調心如絃澹  
 神識如鏡為善無近名為學不躐等雖有拱  
 璧駟馬不能易吾進道之心則聖真在已不  
 必問鄰矣霞子研之哉雲孫瑩之哉淳祐三  
 年七月既望寶章閣學士朝請大夫提舉隆  
 興府玉隆萬壽宮中江縣開國子食邑六百  
 戶賜紫金魚袋具泳記

東陽樓記

余曩登平都山訪濂溪周子舊遊亂碑中得  
 小片周子題兩絕句點畫勁正猶存溫厲之  
 氣官合陽時筆也其一詠陰仙丹訣云始觀  
 丹訣信希夷蓋得陰陽造化機子自母生能  
 致立精神合後更知微又從山中人得觀丹  
 訣一篇二十年間往來于心目未忘也先墓在  
 餘杭廬居山中數遊洞霄遺藏寫本甚真山  
 廬無事時得假借無何閱之稿則知丹訣所  
 云周子一言蔽之矣官殿都監具其姓大欽

其名餘杭人賜號靈一作小樓寮中不侈不  
 約可詩可觴愛其真然於塵外也與客造焉  
 請名適朝陽出高崗之上因作東陽樓三字  
 遺之摘陰仙訣中語也今又十餘年矣丹訣  
 則已忘之惟周子詩中之意炯然心目靈一  
 之孫守一囑如圭來言曰靈一年八十六而  
 卒願得向者名樓之義以發其幽光余曰乾  
 元陽神吾資以始坤元陰精吾資以生元一  
 也而分二體於是尊卑有貴賤以尊卑言  
 則先乾而後坤尊當在先也以貴賤言則先  
 陰而後陽貴當居後也既有先後則有嗑有  
 睽有同有訟不得而齊焉不齊則離離去為  
 變相保則合合為大和物生於和死於變精  
 神合一即日月合一日月合一乾坤之元復  
 為一此天地之正道萬物之公理聖人以此  
 制為禮樂達之天下禮無往而不來樂無進  
 而不返斯道也在人或識其大或識其小未  
 嘗墜也周衰道微四代禮樂之數掌於柱下  
 史乃或取之以養其生雖然禮樂者大和之  
 器也所以建天地溥萬物非有我之所得私

也私之者小之也知廣而充之則大矣是故一物有盡而萬物無終一身有終而萬人無盡矣又何人之分靈一以壽終矣四海之內一視而同其未死者皆靈一也不與天地同長久乎平都煙塵蒼斧石刻之存者幾希由是以志諸洞霄尚不泯乎儒先之遺意不亦可哉咸淳元年中春資政殿學士宣奉大夫眉山楊棟記

棲真洞神光記

紹定辛卯孟夏郎官楊公彥瞻游九鎖山幽巖邃谷無所不歷二十有一日至棲真洞登東西兩臺洞絕頂故有若華蓋者方舉火燭之忽神光發東臺上圓如滿月青白相半升華蓋而止火為奪明良久乃散觀者驚異公顧問偕行羽衆是何祥邪思明對曰嘻二百二十餘年矣在祥符間國家崇尚玄教瀟瀟使陳文惠公率官屬有禱于大滌洞維時洞中出現是光照耀林麓文惠公表奏朝廷詔旨褒嘉始改洞霄宮額而扁亭祥光為一代盛典方今玄教之盛不異祥符公以勳舊子

孫歷官郎署名位德望豈出文惠公下兩洞神光皆有為而發非偶然者公慨然曰予何人敢望文惠公哉休徵之來偶相符契然不敢上肩兩天之靈乃指金買田若干以助齋庖以答神既嗚呼華天自漢元封彰神顯異何代無之謹以身所親見感動當世者刻著于石使來者有攷且無忘楊公之德公名伯岳彥瞻其字和武恭王孫好善忘勢不異儒家子時有東臺仙子許參玄滿月光明現大十句曲題山中紹定五年夏至日當山道士元素大師王思明記

演教堂揭扁法語

洞霄大滌危神京玉珮金璫會百靈天柱一尖凌碧落雲關九鎖疊蒼屏前峯後峯煙漠漠漢東洞西洞風冷冷見說坡仙詩墨在約君同坐翠蛟亭客入洞門清涵山骨寒層青未了古洞綠依然瀑布泉邊玉葉風摩千歲草雲根石畔金莖露泥萬年芝我將喚起閭丘玄同而更相招司馬承正左擎郭文舉右拍許遠遊陟天壇訪石室入藥園謁草堂同登

來賢岩去尋無骨若萬杉鎖斷紅塵影三逕寒凝碧薛班寒風雷飛伏之都乃龍神校閱之所所以翠華南幸有嚴香火之欽崇紫館西戎以待公台之均逸昔有金龍玉簡之典今存青詞朱表之儀列聖所共留神當今尤甚加禮今之日風和駕喜水暖花香乘俊國師寧國侍晨真人面承給旨大滌真都錄管轄上官侍晨鑒表知官馮君隨弼離乘協翊天聲來止仙都適丁盛事歲在丁丑宸翰演教堂三大字以賜住山冲妙大師龔大明越今五春方圓扁揭可謂風蕭蕭龍翔蛟騰虎躍奎躔璀璨雲漢昭回有茲鐵畫銀鈞宣示金填玉鏤光映草木榮溢煙霞以吾教之當與與名山之不朽方玉燭應天之日政全真演教之時頃者山中慶成法堂獲此御墨雲麓煙桶上跨寒空月破星埒妙為法宇何異霖霖之境宜安玉局之床闌三洞四輔之微教八極九清之妙此牌既揭日月同明此話不誣人天手照大眾且道揭牌一句如何讚祝九峯雲靜仁天廣五洞風清化日長

嘉定十年辛巳三月道士白玉蟾撰

重建洞霄宮記

道為三極之祖大包宇宙而不見其外細入毫粟而不見其內生陽生陰神鬼神帝陶鎔十聖靈為萬彖不見其跡是莫大乎天地此道撐拄乎天地莫幽乎山川此道充塞乎山川道即理理即太極太極本無極撐拄乎其上無一瞬之或息故曰天柱充塞乎其中無一隙之不周故曰洞天嗚呼為天柱洞天之說者其知道乎甚至人示以至道之精象妙之門乎夫天有形道無體以無攝有誰為之耶天至大洞至小以小納大誰司之邪天柱即大易統天立天之象老氏天地得一清寧之旨洞大即大易天在山中之象老氏谷得一以盈之意無疑矣夷攷往課女媧氏斷鼈足以立四極非鼈也道也天柱之喻也元始坐浮黎寶珠十方天神卷入其間何神也道也洞天之喻也餘杭大滌山洞霄宮為三十六洞天之一與舒州壽陽天柱為三金堂玉室上通太微奇異神秀不可殫紀漢武立

館假神歷晉暨唐以至宋世累朝禮奉宗謹代生高人主張斯道咸淳甲戌臘月不戒于大千礎皆灰會世運更革歸化聖朝山中諸老合力營之既底于成為力勳矣至元甲申六月鬱攸浹作一夕復盡四眾環視於邑太

息提點宮事一山郎公如山操舉宮事桂林舒公元一敏毅介特人也沮不懼宣言於眾曰吾將新之取木他山運粟他所叶心集思鳩工度材先建庖幣乃祭大殿以及餘屋元貞乙未之三月壬子告成金碧瑰麗照映林谷神運鬼工殆不是過朝家欽崇護持視昔有加既成囑予為記予辭不可已而告之曰洞有天有柱吾言於前矣天中有蓋蓋終言之夫天中之天上極無上是為三境界雖三清則一也又三其三為九名雖九清則一也學道之人煉陽消陰朝夕存存以我之清同造物之清清乎清乎起萬形而不壞者乎遂筆之記元貞元年歲次乙未九月乙亥前瑞明殿學士中奉大夫簽書樞密院事兼參知政事家鉉翁記

昊天閣記

太極之動生陽而靜生陰陽輕清上為天日月星辰雷電風雨麗焉陰重濁下為地丘陵山嶽川澤江海麗焉陽變陰化其氣沖和則為人其兩間莫不有主宰者焉恭惟

昊天玉皇上帝陛下位三極之尊御萬有之眾凡天地所以覆載日月所以照臨星辰所以運行雷電風雨所以薄激蕩沃丘陵山嶽之所以鬱盤所以流浸生人之類所以相生相養萬古而不息孰知乎帝力哉道經載天地之內自十大洞天外復有洞天三十六所仙官所領為天帝下府今大滌玄蓋洞天其二十有四也自漢元封建立宮壇歷晉逮唐異人代出更為天柱觀宋祥符間又更洞霄宮舊誌所載地望之重與嵩山崇福並為天下宮觀稱首信矣家家二千餘年與廢不一而自歲甲戌迄于甲申十一年間再厄天變邃館層樓化為飛埃土木之興難矣故自大殿東西廡齋庫兩堂外力不暇給若三門若諸祠宇悉山中耆老分任營構而相成



吳天閣者今住山清修明素冲道法師舒公元一清修養素冲妙法師沈公多福也是閣據四山會屹然大殿東高七十餘尺廣五楹跋翼聲飛壯觀形勝昔所未有是雖妙有玄真渺渺乎罡風灑杰之表然神化無方何所弗至遐想鈞天廣樂宴遊王京顧瞻下府乃有高居延奉若是之盛者其必為皇靈所眷矣人之身神在泥丸猶昊天也黃庭中虛猶所謂洞天帝之下府也使中虛之地吾神來舍是一身太平久之必仙使高高在上者容光下燭豈不能祈永命為國家太平地哉是閣遠所繫甚重副官事高公會辰都監官事金公常清咸與有力宜書大德六年壬寅十二月望日錢塘鄧牧記

白鹿山房記

大滌洞天發天目盤薄若溪陽形勢寂浙右自古有道來游來居仙去可數然山中泉石勝處率多北向南而勝者白鹿一山爾是山為大滌中峯升天壇在上其下石室接舊志晉許遠游真君作壇煉丹成天下白鹿

迎去所以名山也唐吳員節天師美文詞與太白齊名嘗構石室為藏書地速尸解宣城語弟子當還天柱石室此石室所以著也宋陸永仲王元素朱復常諸君相繼於此得道著益甚自永仲築舍隸洞霄宮俯仰幾二百年興廢不一大德甲辰沈公介石住山登覽悽愴追前修而弗返吊遺跡其將湮規營高居以待畸士頑土木繁興力有未暇者於是徐和父贊白屋無儉奢取足庇風雨郭文舉其人豈以苦覆為嫌耶否則食粟而已納之廣廈奚益乃作數檻石室顛雖門館庖福不過具體然前眺天柱後負升天壇龍鳳兩洞左路所從入棲真洞右望而見之四周上勢若屏幃環合下五巨松巽然拱立薰風足以徂暑愛日足以辟寒雪晨月夜莫茲境為絕庶幾方外高躅首息焉時杭人牧心鄧公適留山中孟公集虛與其徒孫史元甫為附屋後偏介兩石若樓船而方將使遂樓隱志鄧氏益命工發土得奇石五六東偏有窾腹穴趾若丹窻者有高下聳厲為壺若刻漏者有

圓窾橫貫其首而頂銳若犀戴角者若蟻蛭峯房交錯相穿者西偏則紺碧玲瓏三面環峙儼然累愚凡廣不數丈千岩萬壑情狀畢具曠古珍藏坐致目睫間則懽而嘆曰有是哉夫石山川之精秀融結翳蔽土壤不知幾何年一旦有識者發之有力者拔之始得為人境絕觀與天地不弊人獨無是秀且精乎曰為情欲之土所翳事物之壞所蔽相發者無識自拔者無力以至於晦昧而終仰望晉唐宋諸君如龍魚如虎鼠如鵬鷄不我相謀曾不若一石之有契也語未既余適以月夜登山為余道本末如此且問名屋因命楮其本曰白鹿山房復為記之大德九年乙巳四月望日滌山早隱錢塘葉林記

元清宮記

元清宮者提點住持洞霄宮事舒師所建也曰山素齋接待者何洞霄列齋十有八山素其一而元清隸焉方外士於此而懋也去餘杭而卜築於臨安之錦南鄉者何師生育之地也宮何以曰元清師名元一其徒金公

名常清嗣守其業合而名之也晉史所載臨安多金堂玉室仙人芝草漢末從此得道者有之官占勝其間東拱琴鶴之山西挹石鏡上接九仙天目下連九鎖天柱南北二溪繇天目發源而合流於獨山如錦為帶山川獻狀此為奇絕余雖未涉其地嘗聽師言固已先入夢境宮成師踵門謂余曰吾崎嶇歷落人也自幼無怙無恃然出俗遂入道洞霄徐公應時吾祖也一見即以嗣法相期時生計最薄若謂吾足以振起香火緣者每懼無以副前人期待刻志其所宜學祖克有進職分所在不敢卑庖廩之任歲在丁未被冠裳以來凡道家事如表章科笈手書口誦罔或弗力首治居室易故而新甲戌洞霄火迨歸皇元職方之九年為至元甲申復火數矣夫凡瓦礫化為金碧金碧轉為瓦礫又於劫灰之餘使公守私室悉還舊觀當始附時簞食壺漿之奉身非所顧而奔避四外者得以安集吾雖不敢謂功亦良勞止其於吾祖付托初意庶乎無負在洞霄自掌章表領庫事至

宮副住持如歷階然無躡等踰分之想教門職任自杭州路道錄而浙西道提舉住持開元宮凡受管領道教所劄授一是前輩講師舉所知不識媒身者進為何事慨念錦南故里鈞遊遺跡儼存私親劬勞未報自視欷然諉曰太上忘情可乎因出衣鉢所儲即故址砌此道場報本也寥陽殿以奉三清璇璣閣以禱祠七政舉眾仰祝聖壽斯夕罔弗欽祀先有祠道紀雲會各有堂三門兩序具體迨庖漏無缺經始於甲午歲落成于大德己亥棟宇藻麗像設森嚴有山可新園可蔬附郭之田可饅粥香燈之費仰田租之入今天師真人拜祖庭道由宮間碩瞻輪奐喜溢眉宇大書今額以鎮此山命吾開山住持常清則提舉知宮事甲乙流傳其永無斁初常清與吾師孫金正詔於是薦賢輸力為多清自號玉鑑韶號約山韶物化久吾將於清之次俾周鼎傳董貴寧又嗣守焉別為元清派與洞霄派相伯仲而亞之宮之金穀出納須洞霄提其綱夫事為之制乃可經久亡故然匪托

之金石恐久而遂泯願求文於執事以圖不朽烏乎以師所述云然非閱歷深識慮周且遠其克爾耶元者氣之始天得而清用能長上古而不老統萬有而不宰考之洞天有曰太玄司真曰昇真元化後人名殊庭真館或以玄真或以昇元然則合而名之之義豈無據哉而况陸運紀關尹之瑞香爐鍾弘景之美於此而致其孝思且地勝得於不擇殆天予神授者余故樂為之記至若匠事計工費為緇者若干此常事也不書師丁酉歲二月

欽奉

聖旨大護持越二年秋七月欽受提點住持宣命十二月鎮遠王奏賜通明養素真籙冠簡法服為時榮遇師老氏典刑同衣之士稱為桂林先生云大德四年二月己未日翰林侍講學士奉義大夫知制誥兼修國史張伯淳記

重建冲天觀記

仁知不能一其性金其樂者為難勢願不能兼其力成於父者非易山林也皁壤也其成

也毀也其樂也神者有所不喜又何弊弊焉窮歲月之力以役於物爲役於物非道也不役乎物亦豈所以爲道乎百姓不知於日用儒者不離於須臾而況名之必可言言之必可行觀於山而十岩競秀有重玄之理臨於水而萬派同歸幾上善之德假物以用又馮往而非道邪冲天觀者舊創於吳興之別墅水國風高白蘋秋老與鷺朋鷗侶相期於浩渺間先祖師蓬山孫公菊岩龔公清溪周公之志也願煙未惹劫石倏遷城郭是非美類華表之鶴塵波清淺無異蓬萊之舟舍其舊而圖新去諸遠其即近則大滌山之門戶有若天開萍水路之往來居然雲集雖與規規尺寸於屢閉間異然地非不廣袤求其四平如砥者絕少材木非不勝用亦安能神運而鬼輸高者夷之卑者廊之榛者闢之注者盈之其爲力豈不度度乎尤難後之入是門而遊目登斯堂而坐嘯揖白雲而邀素月談何容易哉凡爲工若干歲日爲費若干緡粟姑誌其成若夫一日必葺是所望於將來之子

若孫是所謂頽也非勢也故系之以詞曰太嶺之山兮我我而高大嶺之水兮涓涓而滄大滌之林木從拱把至於蔽翳雖濯濯非昔比終能自技於蓬蒿今之去地五丈而成九仞其始一簣之勞嗚呼棟樑而頓杖策而遯盡觀此身以道自名也當如肯堂之構無如塞路之茅山吾仁而水吾智小無不具大無不包膚寸扶搖於羊角一勺膏潤於田毛故凡積以歲月而畢備者寧能闕然於一毫世之所謂倫理道之所謂功行與頽力有一或闕於天地間罪將焉逃贊皇公云毀平泉一木一石者非吾子孫所頽呵護之力却腐鬼於山左移文之靈勒俗駕於岩坳金石未泐言必行之必遠誠不能不望於後之代庖者也至元二十六年己丑二月望日住山洗多福記

冲天觀記

兩浙山水之勝最東南蘇浙江西杭最錄杭西餘杭最遠天目大溪上十有八里曰洞霄官者是爲大滌洞天又餘杭最勝處也未至

官數里兩山翼道折爲九鎖佳氣盤鬱是以得道士若晉郭許二真君唐具貞節暨于虛閭丘玄同輩高蹈其間遺跡具在至今探幽訪古使人儵然欲仙介九鎖外有山名仁壽氣勢特偉衆山所宗然荆棘隱翳過者莫之親至元壬午前知洞霄官事周公曰清溪翁得茲地愛甚與其徒張公漢傳命工鑿三面山趾二百餘丈闢爲夷壤棟宇之先是宋咸淳間翁祖靈濟孫先生洎翁師演教龔先生請冲天觀賜額鍊錢塘者建觀霄漢上尋以難毀至是徙而扁焉四五年間事未竟于公相先後遺世今主席洞霄沈公介石爲翁法孫竭力營繕乃完若殿若堂若門廡秩秩有度空翠入房闌清流入庖廚四山環匝百木奮蔚行道者聞鐘磬音而不見觀所在住山中者聞車馬聲而不見路所自後山益峻則迂徑以陟蔭花竹待遊觀者其稍平處間列坐石可憩其最高覺園壇可眺遠翫琴詠詩可以永日時延方外士居之公暇日輕車往來共談玄理嘗語衆曰地之勝也人居之

則榛莽不得荒吾堦庭豺虎不得闖吾藩墻豈不為天下安宅身之安也心居之則者欲不得榛莽其內利害不得豺虎其外豈不為山中隱仙夫善居其心者亦若居其身爾大滌古洞天茲山大滌所從發凡居斯者豈盡出晉唐人下必有脫跡塵滓神青冥以不負祖師素願所營與吾中心所期然後足以符沖天之意眾曰唯牧時過沈公法孫孟集虛與聞于此遂為識之大德五年庚子上元日石室隱居錢塘鄧牧記

清真道院記

餘杭西十有八里曰九鎖山逆溪水上左右山趾相錯行者縈其間前直百步外若斷無路為鎖一也迄九鎖山勢差直上則為洞霄宮左折為東天柱嶺西北泉石最勝曰青檀山舊誌載月窟冰壺鏡潭試劍岩湧翠石壁悉在茲山爾宋咸淳間前知洞霄宮事凝神朱先生以先世諸墓在作祠山陽先生歿至元己丑其徒冲逸孫法師與其孫全靜逸法師舒公闢而廣之曰清真道院為屋凡五六

十楹而門廡殿堂齋閣庖福咸有法度松杉垂陰花卉送芳白晝無聲不類人境大門內流泉所直則發石磴址四周若墻趾坎為方池畜金鯽百數扣欄檻悉至取食山下飛玉泉懸瀑數仞自是出也歲庚子余過舒公憇

廿八

廿五

暑于此相與飭詠為樂暇日登高指余諸山慨然曰宮西南為伏虎岩晉郭文舉隱也西昇天壇許遠遊冲舉也其下石室唐吳貞節仙去瘞書劔也北大滌洞則暨子虛得道長往與吾遠祖玄同先生築室後入茲洞以達華陽也神仙者學雖由內煉亦山川之靈發之俯仰千歲風氣不殊誠有作者豈遽遜晉唐人哉奈何留連光景醉而生夢而死者比比皆是百年榮華與化俱盡千劫流浪其憂無涯何不運靈旗孕火芝回風返景於寸田尺宅之間馭氣飛神於清都紫微之上而與數君子相視一笑若是則內不負吾先外不愧吾大滌洞天其可乎余曰唯大德四年庚子七月錢塘鄧牧記

集虛書院記

杭孟法師字集虛築室茗溪上為讀書地以其字扁之余聞老氏云三十輻共一轂當其無有車之用知虛者萬有所從集也寂虛而風集坎虛而水集谷虛而雲集室屋之虛也人集焉天地之虛也日月星辰山河草木羽毛鱗介集焉孰謂吾一心虛而不為道所集乎然心之為物可虛可窒道之為物惟恍惟忽向焉所謂集皆可得見而此不可知故虛者每為異物所窒恍兮忽兮者將弗集矣一心無樊攻焉者眾喜怒哀樂毒其內是非得喪冠其外欲斯須之虛有不可得者若是求道亦擊鼓而求唐子也吾孟師不然師儒者而寄迹道家流為詩文咸有法度煉玄養素九鎖山中齋居者三年既乃為世故役弗遂其志戚戚然惡之所蓄書數千卷將室成而藏焉且與方外奇士遊居講習于此所得殆未可量然余謂師無志於道則已苟有志書亦累也比見世讀書者四方萬里無所不通上下數千載無所不聞歸而求其本心則虛焉者寡矣聖人之道遂為絕學可歎也願師

善書所益於無何有之鄉然後即方寸之地  
朝而闢焉暮而濂焉使介然之有不得累乎  
其中師益矣顏子始好學終生忘惟道集虛  
蓋深造自得之妙顏何人哉大德三年己亥  
正月錢塘鄧牧記

大滌洞天誌卷下

壙城集仙錄卷之一

蜀一

唐廣成先生杜光庭集

聖母元君

聖母元君者乃洞陰玄和之炁變化成人亦  
號玄妙玉女為上帝之師太上老君先天毓  
神歷劫行化應接隱顯不可稱論其欲示生  
於人間表物之有始也故散形分神寄胞於  
元君焉而更生也昔於渺莽之劫常寄誕於  
天崗靈鏡之山洎商十八王陽甲八年庚申  
之歲老君乘日精駕九龍輓龜斷小如九色  
彈丸自天而下託孕於元君之胎元君時在  
楚國苦縣瀨鄉曲仁里桐泉之濱晝日假寐  
遂感日象如流星之光徑入口中因而有娠  
凡八十一年所居之室常有異香之氣日月  
之光髮鬢神明以衛其體容狀麗逸曾不衰  
息至二十二王武丁九年庚辰之歲二月十  
五日元君因攀李樹而生誕於左脇時有九  
龍自地湧出騰躍空中吐水而浴老君為龍  
出之處因成九井至今存焉即亳州太清宮  
九井是也老君既生能行九步女生蓮花以

乘其足日月揚輝萬靈侍衛即指李樹曰此  
余姓也遂為李氏時人亦因號元君為李母  
焉既行九步左手指天右手指地言曰天上  
天下唯我獨尊世間之苦何足樂聞三日之  
中身有九變身長九尺綠眉素髮日角月玄  
鼻有雙柱耳有三門美眉方口陷五把十七  
十二相八十一好周備其身元君以其生而  
白首故號老子或云自說九名又云有三十  
六號七十二名玄妙內篇云老君之生也天  
地萬神來集其庭日童散暉月妃擲華七元  
曜景三素无庭萬卉樹芬陸壤生蓮神童玄  
女翼其左右靈音虛奏天樂駭空是也老君  
於是景侍元君幽闡妙道將欲廣化萬有大  
弘正真也元君乘暇謂老君曰吾觀於身皆  
六家之物權借用耳何謂六家甲實木神為  
骨甲申金神為齒爪甲戌土神為肌肉甲辰  
風神為氣息甲午火神為溫暖甲子水神為  
潤澤又木神為肝火神為心土神為脾金神  
為肺水神為腎風神為膽六家共成人身故  
有五臟六腑九宮十二室四肢五體三騰九

竅百八十關機三百六十骨節各隨而居之故能動作視息飲食語言別好惡知是非也一家不和即為病矣人生各有歲月日時隨其所屬星宿以定其貧富貴賤生命長短焉然六家之物有合則有散有生則有死有成則有敗有盛則有衰此物之常數也身有應敗之患神有應散之期命有必盡之勢甚可畏也夫神在則為人神去則為尸豈不痛哉蓋由五色亂目使目不明五聲亂耳使耳無聽五味亂口使口厲爽取捨亂心使心飛揚嗜慾無厭使神流散憎愛不泯使心勞煩不疾去之則志氣日耗壽命日減可不戒哉五色者陷目之錐也五音者塞耳之錐也五味者截舌之斧也乘貨者焚身之火也此數者殃禍之宮患害之室也元君曰夫重長生者始於一身次及家鄉至于天下為子盡孝為臣盡忠為上盡愛為下盡順色味調和與道合真也若止一身獨願長生久住無為逃避上下不營忠孝不存兼濟偏善乖道自是失德縱能棄吾我之懼忘色味之適同枯木死

灰復何足貴夫修道者在適而無累和而常通永劫無窮濟度一切此之長生乃可為重長生難得由忠孝仁義忠孝仁義立者功及於物生自可延無此德者獨守山林木石為偶徒喪一生後方墮苦先罪未釋今又無功遂失人道生處邊夷或生飛沉群醜異類未與道隔深可悲乎若能以之習善生樂常存運之涉惡死苦無極上士積善永久長生號為真人天地有壞真人無毀超出三界逍遙上清因以一惡至于萬惡以垂戒焉凡人有

- 一千惡者後代妖逆二千惡者身為奴僕三千惡者六疾孤窮四千惡者疫病流徒五千惡者為五獄鬼六千惡者為二十八獄囚七千惡者為諸方地獄徒八千惡者墮寒冰獄九千惡者入邊底獄一萬惡者墮薜荔獄萬惡之基起於三業一相生以至于萬惡墮薜荔獄者永無原期渺渺終天無由濟拔得不痛哉夫人覺有一惡急宜改而不犯者去道近矣若為魔邪所干者當洗心責己悔過自修即可反惡為善矣人有一善則心定神

安有十善則氣力強壯有百善則寶瑞降之有千善則後代神真有二千善則為聖真仙將吏有三千善則為聖真仙曹掾有四千善則為天下師聖真仙主統有五千善則為聖真仙魁師有六千善則為聖真仙卿大夫有七千善則為聖真仙公王有八千善則為聖真仙皇帝有九千善則為元始五帝君有一萬善則為太上玉皇帝元君曰萬善之基亦在三業十善相生至于萬善行善益算行惡奪算實善罰惡各有職司報應之理毫分無失長生之本惟善為基也戒之勉之元君曰人生天地之中有清有濁有剛有柔因而修之各成其性夫氣清者聰明賢達氣濁者凶虐愚癡氣剛者高嚴壯烈氣柔者慈仁淳篤所以木性彊直土性仁和水性謙退火性猛烈金性嚴脆各隨所受以定其性明者返伏其性以延其命愚者恣縱其欲以傷其性夫性者命之原命者生之根勉而修之勤而鍊之所以營生以養其性守神以養其命則離苦昇樂福祚無窮矣且人之生也皆由於神

神鎮則生神斷則死所以積氣為精積精為神積神則長生矣元君曰世人唯知豐儲以甘其口不知美食之傷命也。只知爵祿以榮其身不知爵祿蒼麗之傷己也。是故修學之人鍊身於九丹解結於五神引氣於本生滅根於三關九鍊十變百節開明斷滅胞結乃知本真矣。既知本真則成上仙也。夫仙者心學心識則成仙道者內求內審則道來真者修寂洞靜則合真神者須感積感則靈通常能守一去仙近矣。若心競神勞體煩不專動靜喪精耳目廣明者徒積稔索道道愈遠也。人不修道如幻化耳。但寄寓天地間少許時也。人若能攝氣管神苦辛注真將久得道道成則與天地共寄於太元中矣。又能洞虛體无則與太元共寄於寂寂中矣。能網寂寂者視之不見聽之不聞與道冥然矣。元君曰道者虛通之至真也。術者變化之玄伎也。道之无形用術以濟人人之有靈因修而契道人能學之則變化自然矣。道之要在深簡而易矣。功術之秘者唯符藥與炁也。符者三光

之靈。文天之真信也。藥者五行之華。其地之精液也。炁者陰陽之和粹。萬物之靈英也。此三者致道之要機。求仙之所寶也。人能兼之可以常存。度人无量矣。元君曰道以何達弘之在人。夫藥能鍊形符能致神。神歸則心通形堅則炁固。神全炁固形復。堅者命可全也。命全然後化炁變精。洞入无形。飛行虛空存亡自然。乃能長久長存也。人之得道雖大劫之交。天地崩淪而災不能及。符藥之功以致斯矣。元君曰寶章變化之功。還丹金液之術。昔有七十二篇。今則九篇矣。凡三卷。卷有三篇。其中卷三篇。正丹經也。一曰玄白。二曰金精。三曰飛符。四曰金華。五曰三五。此謂之五符也。一曰白雪。二曰雄雌。三曰白華。四曰金液。五曰丹華。六曰五色。七曰泥汞。八曰金精。九曰九鼎。皆名九轉還丹。得一丹者可以長生。不必盡須作也。神丹之道。三化五轉。至九而止。若草木之藥。埋之則腐。煮之則爛。燒之則焦。不能自生。何能生人。金丹之道。即反於此。燒之愈精。治之愈妙。故能令人長生。因使

老君鍊丹以示世人。修道之本。今亳州丹井存焉。元君曰九丹雖同得之者。繫其行業也。上士服之昇為仙官。中士服之極集靈臺。下士服之長生人間矣。元君曰九丹金液同為昇天之道。服九丹者為仙官。雲龍來迎其身。服金液者身生金色。立可昇天。然在立功積行。神丹自至。無功行者仙不可希也。吾昔於元始天君傳千二百訣。塵沙之劫。授度者多。昔傳至真大仙。天帝上帝太微太一元君。下及玄女黃帝。皆得道矣。道不虛行。必獲其人。若耽樂嗜慾。留滯聲色。懷是非之心者。如墜石投川。往而不返。甚可痛也。然此道高妙。秘於九玄瓊臺。雲笈萬年。一傳有玄錄玉名者。得見篇目。自無宿命。骨分形苦之人。不得聞矣。於是元君言畢。雲輿翔蓋。仙官衛從。森然而集。即乘八景之輿。白日昇天。老君乘白鹿。自檜樹之上。從衛仙駕。還歸太清。今有屍跡在檜樹之上。或云元君之位。至尊至大。統制天地。調和陰陽。役使風雨。連連五星。斟酌寒暑。乘控乾坤。三界衆仙。皆仰瞻焉。人之生死

世之盛衰咸由之矣所以為老君之聖母者示天地萬物必有稟生之由師資之本爾因勅太一元君述還丹金液之要以傳於人世者焉

金母元君

金母元君者九靈太妙龜山金母也一號太靈九光龜臺金母一號曰西王母乃西華之至妙洞陰之極尊在昔道炁凝寂湛體無為將欲啓迪玄功生化萬物先以東華至真之氣化而生木公焉木公生於碧海之上蒼靈之墟以生陽和之氣理於東方亦號曰玉公焉又以西華至妙之氣化而生金母焉金母生於神州伊川厥姓緹氏生而飛翔以主陰靈之氣理於西方亦號王母皆挺質大無礙神玄與於西方渺莽之中分大道醇精之氣結氣成形與東王木公共理二氣而養育天地陶鈞萬物矣體柔順之本為極陰之元位配西方母養群品天上天下三界十方女子之登仙得道者咸所隸焉所居宮闈在龜山之春山崑崙玄圃閼風之苑有金城九重玉

樓十二瓊華之闕光碧之堂九層玄臺紫翠丹房左帶瑤池右環翠水其山之下弱水九重洪濤萬丈非鸞車羽輪不可到也所謂玉闕墜天綠臺承霄青琳之字朱紫之房連琳練帳明月四朗戴華勝佩靈章左侍仙女右侍羽童寶蓋路映羽旆蔭軒砌之下殖以白環之樹丹剛之林空青萬條瑤輪千尋無風而神籟自韻琅然皆奏八會之音也神州在崑崙之東南故爾雅云西王母曰下是矣又云王母擊髮戴勝虎齒善嘯者此乃王母之使金方白虎之神非王母之真形也元始天王授以萬天之統龜山九光之籙使制召萬靈統括真聖監證信總諸天之羽儀天尊上聖朝宴之會考校之所王母皆臨映焉上清寶經三洞玉書凡所授度咸所關與也昔黃帝討蚩尤之暴威所未禁而蚩尤幻化多方徵風召雨吹煙噴霧師衆大迷帝歸息太山之阿昏然憂寐王母遣使披玄狐之裘以符授帝曰太一在前得之者勝戰則克矣符廣三寸長一尺青瑩如玉丹血為文佩符

既畢王母乃命一婦人人首鳥身謂帝曰我九天玄女也授帝以三宮五意陰陽之畧太一道甲六壬步斗之術陰符之機靈寶五符五勝之文遂克蚩尤於中冀翦神農之後誅榆罔於版泉而天下大定都於上谷之涿鹿又數年王母遣使白虎之神乘白虎集帝之庭授以地圖晚年復授帝以清靜無為正真之道其辭曰飲啄不止身不輕思慮不止神不清聲色不止心不寧心不寧則神不靈神不靈則道不成其要妙也不在瞻星禮斗苦己勞形貴在湛然方寸無所營營神仙之道乃可長生其後虞舜攝位王母遣使授舜白玉環又授益地圖遂廣黃帝之九州為十有二州王母又遣使授舜皇瑤吹之以和八風周昭王二十五年歲在乙卯老君與真人尹喜遊觀八紘之外西遊龜臺為西王母說常清靜經故太極左宮仙公葛玄序曰吾昔受之於東華帝君東華帝君受之於金闕帝君金闕帝君受之於西王母皆口口相傳不記文字吾今於世書而錄之逮至穆王命駕八



駁之乘右服驕而左綠耳右驂赤驥而左白藥主車則造父為御商角為右次車之乘右服渠黃而左踰輪左騷盜驪而右字拍天主車參百為御奔戎為右馳驅千里而至巨蒐氏之國巨蒐氏乃獻白鶴之血以飲王具牛馬之饘以洗王之足及二乘之人已飲而行道宿于崑崙之阿赤水之陽別日昇崑崙之丘以觀黃帝之宮而封之以詒後世遂賓于西王母觴于瑤池之上西王母為王謠王和之其辭哀焉迺觀日之所入一日行萬里王乃嘆曰予一人不盈於德後世其追數吾過乎又云王持白珪重錦以為王母壽歌白雲之謠刻石紀跡于弁山之上而還世之昇天之仙凡有九品第一上仙號九天真王第二次仙號三天真皇第三號太上真人第四次飛天真人第五號靈仙第六號真人第七號靈人第八號飛仙第九號仙人凡此品次不可差越然其昇天之時先拜木公後謁金母受事既訖方得昇九天入三清拜太上觀奉元始天尊耳故漢初有四五小兒戲於路

中一兒歌曰著青裙入天門揖金母拜木公時人皆莫知之唯張子房知之乃往拜焉曰此乃東王公之玉童也仙人得道昇天當揖金母而拜木公也自非冲虛登真之子莫知其津矣漢孝武皇帝劉徹好長生之道以元封元年登嵩高之嶽築尋真之臺齋戒精思四月戊辰王母使壙城玉女王子登來語帝曰聞子欲輕四海之祿迂萬乘之貴以求長生真道乎勤哉七月七日吾當暫來也帝問東方朔審其神應乃清齋百日焚香宮中夜二唱之後白雲起於西南鬱鬱而至徑趨宮庭漸近則雲霞九色蕭鼓震空龍鳳人馬之眾乘麟駕鹿之銜科車天馬霓旌羽幢千乘萬騎光耀闕天仙從官森羅億眾皆長文餘既至從官不知所在王母乘紫雲之輦駕九色斑麟帶天真之策佩金剛靈璽黃錦之服文彩明鮮金光奕奕腰分景之劍結飛雲大綵頭上大華髻戴太真長纓之冠躡方瓊鳳文之履可年二十許天姿醜醜靈顏絕世真靈人也下車扶侍二女登林東向而坐帝

拜跪問寒溫立侍良久呼帝使坐設以天府芳華百果紫芝萎蕤紛若瑱螺精珍異常非世所有帝不能名也又命侍女取桃玉盤盛七枚大如鵝子四以與帝母自食其三帝食桃輒收其核母問何為曰欲種之耳母曰此桃三千歲一實中土地薄種之不生如何於是王母命侍女王子登彈八球之璫董雙成吹雲和之笙石公子擊昆庭之玉許飛瓊鼓震靈之簧姚凌華拊吾陵之石范成君扣洞陰之磬段安香作九天之鈞法嬰歌玄靈之曲眾聲激朗靈音駭空歌畢帝下帝叩頭以問長生之道王母曰汝能賤榮樂卑官室耽虛味道自復佳爾然汝情恣體欲淫亂過甚殺伐非法奢侈恣其性者裂身之車也淫者破身之斧也殺者響對者者心懶積欲則神隕聚淫則命斷以子最爾之身而宅滅形之賊盈尺之材乃攻之者百刃欲以此解脫三尸全身求久難可得也有似無翅之鷄願鼓天池朝生之菌而樂春秋者哉若能蕩此眾亂撥穢易晝保神忝於絳府閉淫宮而不

開靜奢侈於寂室愛衆生而不危守慈務施鍊氣惜精有若斯之事豈無髮髯耶若不爾者譬猶抱石而濟長河耳帝跪受王母之戒曰微不才沉淪流俗承禪先業遂羈世累刑政乖謬罪積丘山今日之後請事斯語矣王母曰夫養性之道理身之要汝固知矣但在勤行不怠也我師元始天王昔於嚴宵之臺授我要言曰欲長生者先外其身取諸身堅守三一保靈根玄谷華醴灌沉既長清精入天門金室宛轉在中關青白分明適泥丸養液閉精具身神三官備衛存絳宮黃庭戊己無流源徹通五臟十二綸吐納六府魂魄欣却此百疾辟熱寒保精留命永長存此所謂呼吸太和保守自然真要道者也凡人為之皆必長生亦可役使鬼神遊戲五嶽但不

得飛空騰虛而已汝能為之足可度世也夫學仙者未有不由此而始也至若太上靈藥上帝奇物地下陰生重雲妙草皆神仙之藥也得上品者後天而老乃太上之所服非中仙之所寶其中品者有得服之後天而逝乃天真之所服非下仙之所逮其次藥有九丹金液紫華虹英太清九轉五雲之漿玄霜絳雪騰躍三黃東瀛白香玄洲飛生八石千芝威喜九光西流石膽東滄青錢高丘餘糧積石瓊田太虛還丹盛以金蘭長光絳草靈童飛千有得服之白日昇天此飛仙之所服非地仙之所聞其下藥有松柏之青薑沉精菊花澤瀉枸杞茯苓萆薢蒲門冬巨勝黃精靈飛赤板桃膠木英升麻續斷蕨蕘黃連如此下藥略舉其端草類繁多名數有千子得服之可以延年雖不能長享無期上昇青天亦可以身生光澤還返童顏役使群鬼得為地仙求道之者要先憑此階漸而能致遠勝也若能呼吸御精保固神氣精不脫則永久氣長存則不死不用藥石之費又無營索之勞取之於身耳百姓日用而不知此故為上品之道自然之要也且夫人之一身天付之以神地付之以形道付之以炁炁存則生炁去則死萬物草木亦皆如之身以道為本豈可不養神固氣以全爾形也形神俱全上聖所

貴形滅神遊豈不痛哉一失此身萬劫不復子其寶焉我之所言乃我師元始天王所授之詞也即勅玉女李慶孫書出之以付於帝汝善修之焉王母命駕將去帝下席叩頭請留王母即命侍女召上元夫人同降帝官良久上元夫人至復坐設天廚久之王母命夫人出八會之書五嶽真形五帝六甲靈飛之符凡十二事云此書天上四萬劫一傳若在人間四十年可授有道之士王母乃命侍女宋靈賓開雲錦之囊取一冊以授帝王母執書起立手以付帝王母曰曰天高地卑五嶽鎮形元津激炁大澤玄精天迴九道六和長平太上八會飛天之成真仙節信由茲通靈泄墜滅府寶歸長齡徹其慎之敢告劉生祝畢帝拜受王母曰夫始學道受符者宜別祭川嶽諸真靈潔齋而佩之焉四十年後若將傳付汝之所有董仲君李少君可授之爾況為帝王可勤祭川嶽以安國家投簡真靈以祐黎庶也言訖與上元夫人命車言去從官玄集將欲登天因笑指方朔曰此我隣家小

兒性多滑稽曾三來偷桃矣昔為太上仙官因沉涵玉酒失部御之和謫佐於汝非流俗之夫也其後武帝不能用王母之戒為酒色惑殺伐不休征遼東擊朝鮮通西南夷築臺榭興土木海內怨怒自此失道幸回中臨東海三祠王母不復降焉所受之書置於柏梁臺上為天火所焚李少君解形而去東方朔飛翥不還巫蠱事起帝愈悔恨元始二年崩於五柞宮葬於茂陵其後茂陵所藏道書五十餘卷盛以金箱一旦出於抱犢山中又玉箱玉杖出於扶風市驗茂陵宛然如故而箱杖出於人間此亦得託形尸解之驗也又大茅君盈南治句曲之山元壽二年八月己酉南嶽真人亦君西城王君方諸青童並從王母降於茅盈之室頃之天皇大帝遣繡衣使者冷廣子期賜盈神璽玉章太微帝君遣三天左官御史管修條賜盈八龍錦輿紫羽華衣太上大道君遣協晨大夫石叔門賜盈金虎真符流金之鈴金闕聖君命太極真人使正一上玄玉郎王忠鮑立等賜盈以四節燕

胎流明神芝四使者授訖使盈食芝佩璽服衣正冠帶符握鈴而立四使者告盈曰食四節隱芝者位為真御食金闕玉芝者位為司命食流明金英者位為司祿食長曜雙飛者位為真伯食夜光洞草者總主左右御史之任子盡食之矣壽齊天地位居司命上真東嶽上卿統吳越之神仙總江左之山源矣言畢使者俱去五帝君各以方面車服降於其庭傳太帝之命賜盈紫玉之版黃金刻書九錫之文拜盈為東嶽上卿司命真君太元真人等事畢俱去王母及盈師西城王君為盈設天廚酌宴歌玄靈之曲宴罷王母携王君及盈省顧盈之二弟各授道要王母命上元夫人授茅固茅衷太霄隱書丹景道精等四部寶經王母執太霄隱書命侍女張靈子執交信之盟以授於盈固以衷事訖西王母昇天而去其後紫虛元君王華存夫人清齋於陽洛之山隱元之臺西王母與金闕聖君降於臺中乘八景輿同詣清虛上官傳玉清隱書四卷以授華存是時三元夫人馮雙禮珠紫

陽左仙公石路成太極高仙伯延蓋公子西城真人王方平太虛真人南嶽赤松子相柏真人王子喬等三十餘真各歌太極陽歌陰歌之曲王母為之歌曰駕我八景輿歛然入玉清龍旌拂霄上虎旂攝朱兵遺遺玄津際萬流無暫停哀此去留會劫盡天地傾當尋無中景不死亦不生體彼自然道寂觀合大冥南嶽挺真軀玉映輝穎精有任靡其事虛心自受靈嘉會絳河曲相與樂未央王母歌畢三元夫人答歌亦竟王母及三元夫人紫陽左仙公太極仙伯清虛王君及携南嶽魏華存同去東南行俱詣天台霍山過句曲之金壇宴太元茅真人於華陽洞天留華存於霍山洞宮玉字之下眾真皆從王母昇還龜臺矣太真金母師匠萬品校領群真聖位尊高總錄幽顯至若邊洞玄躬朝而受道謝自然景侍而登仙故洞玄及自然傳謂為金母師即王母也玄經所證事跡蓋多此未備錄矣

壙城集仙錄卷之一

壻城集仙錄卷之二

馮二

唐廣成先生杜光庭集  
上元夫人

上元夫人者道君弟子也亦云玄古以來得道證仙位總統真籍亞於龜臺金母金母所降之處多使侍女相聞以為賓侶焉漢孝武皇帝好神仙之道稽醮名山以求靈應元封元年辛未七月七日夜二唱之後西王母降於漢宮帝拜迎稽首侍立久之王母呼帝命坐設以天廚言宴粗悉命駕將去帝下席叩頭請留慙慙王母復坐乃命侍女即窈香邀上元夫人焉帝不知夫人何真也云王九光母敬謝但不相見四千餘年天事勞我致以愆面劉徹好道適來視之見做了了似可成進然形慢神穢腦血淫濁五臟不淳關胃空索骨無津液肺浮反升肉多精少童子不移三尸狡亂玄白移時雖當語之以至道殆恐非仙才也吾久不在人間實為臭濁然復時可遊望以寫細念客主對坐悒悒不樂夫人可暫來否若能屈駕當停相須帝見侍

女下殿俄失所在一時頃侍女至夫人又遣一侍女答問云阿環再拜上問起居遠隔絳河授以官事遂替顏色近五千年仰戀光潤情條無違窈香至奉信承降尊於劉徹處聞命之際登當命駕先被太帝君勅使詣玄洲校定天元正爾暫往如是當還還便來帝願暫少留帝因問王母不審上元何真也王母未答夫人已至矣來時亦聞雲中蕭鼓之聲既至從官文武千餘人並是女子年皆十八九許形容明逸多服青衣光彩耀日真靈官也夫人年可二十餘天姿清耀靈眸豔絕服赤霜之袍雲彩亂色非錦非繡不可名字頭作三角髻餘髮散垂至腰戴九靈夜光之冠帶六山火王之珮結鳳文琳華之綬腰流黃揮精之劍上殿向王母拜王母坐止之呼帝坐北向夫人設廚亦乃精珍與王母所設者相似王母勅帝曰此真元之母尊貴之神汝當起拜帝拜問寒溫還坐夫人笑曰五濁之人耽酒祭利嗜味淫色固其常也且徹以天子之貴其亂目者倍於凡人焉而復於華麗

之墟拔根願無為之事良有志矣王母曰所謂有心哉夫人謂帝曰汝好道乎聞數招方術祭山嶽靈祠禱河川亦為勤矣勤而不獲寔有由也汝胎性暴胎性淫胎性奢胎性酷胎性賊五者恒舍於榮衛之中五臟之內雖獲鋒銛良針固難愈也暴則使炁奔而攻神是故神擾而炁竭淫則使精漏而魂疲是故精竭而魂銷奢則使真離而魄穢是故命逝而靈臭酷則使喪仁而攻目是故失仁而眼亂賊則使心闕而口乾是故內戰而外絕五事皆是截身之刀鋸剗命之斧斤矣雖復汝好於長生不能遺茲五難亦何為損性而自勞乎然由是得此小益以自措挂耳若從今已去寫汝五惡及諸善明務察下慈務矜寬惠務濟窮賑務施勞念務存姑息務及愛身恒為陰德救濟危難旦夕孜孜不泄精液於是去諸淫養汝神放諸奢處至儉勤齋戒節飲食絕五穀去臭腥鳴天鼓飲玉漿蕩華池叩金梁案而行之當有冀耳今阿母迂天尊之重下降於螻蛄之戶屈膏虛之靈而詣

狐鳴之俎且阿母至誠妙唱玄音其敬易節  
度明修所奉比及百年阿母必能致汝於玄  
都之墟迎汝於崑閩之中位以仙官遊於十  
方吾言信矣子勵之哉若不能爾無所言矣  
帝下席跪謝臣受性兇頑生長亂濁面墻不  
啓無由開達然貪生畏死奉靈敬神今受教  
此乃天也輒載聖命以為身範是小醜之臣  
當獲生活唯垂哀護賜其玄玄夫人使帝還  
坐王母謂夫人曰卿之為誠言甚急切更使  
未解之人思於志意夫人曰若其志道將以  
身投猷虎志軀被誠跡火履難故於一志也  
必無憂也若其無志則心疑真信嫌感之徒  
不畏急言急言之發欲成其志耳阿母既有  
念故來必當賜與尸解之方耳王母曰此子  
勤心已久而不遇良師遂欲毀其正志當疑  
天下必無仙人是故我發閭宮暫舍塵濁既  
欲堅其胎志又欲令向道不惑也今日相見  
令人念之至於尸解下方吾甚不惜復三年  
吾必欲賜以成丹半劑石象散一具正爾授  
之則徹不得停當今兇奴未弭邊陲有事何

必令其倉卒寫天下之尊而便入林岫耶當  
問篤向畢卒何如其迴改吾方數來王母  
因拊帝背曰汝當用上元夫人至言必獲長  
生可不勗勉耶帝跪曰輒書金簡以為身模  
式為帝又見王母巾器中有一卷書盛以紫  
錦之囊帝問此書是仙靈方耶不審其目可  
得瞻矚否王母出以示之曰此五嶽真形圖  
也昨青城諸仙就吾請求今當過以付之乃  
三天太上所出文祕禁重豈汝穢質所宜佩  
乎今且與汝靈光生經可以通神勸志也帝  
叩頭請求不已王母曰昔上皇清虛元年三  
天太上道君下觀六合瞻海河之長短察丘  
山之高卑立天柱而安於地理植王嶽而擬  
諸鎮輔貴崑陵以合靈仙葶蓬山以館真人  
安火神乎極陰之源栖太帝乎扶桑之墟於  
是方丈之阜為理命之室滄浪海島養九老  
之堂祖瀛玄炎長元流生鳳麟聚窟各為洲  
名並在滄流大海玄津之中水則碧黑俱流  
波則震蕩群精諸仙玉女聚居滄溟其名難  
測其實分明乃目山源之規矩觀河嶽之盤

曲陵迴阜轉山高隴長周旋逶迤形似書字  
是故因象制名定名實之號書形秘於玄臺  
而出為靈真之信諸仙佩之皆如傳章道士  
執之經行山川百神群靈奉親近汝雖不  
正然數詣山澤扣求之志不忘于道欣子有  
心今以相與當深奉慎如事君父泄失示人  
必禍考也夫人語帝曰阿母今以瓊笈珠韞  
發紫臺之文賜汝八會之書五嶽真形可謂  
至珍且貴上帝之玄觀矣子自非受命合神  
帝見此文矣今雖得其形觀其妙理而無五  
帝六甲左右靈飛之符太陰六丁通真逐靈  
玉女之錄太陽六戊招神天光策精之書左  
乙混洞東濛之文右庚素招攝殺之律壬癸  
六遮隱地八術丙丁入火九赤班符六辛入  
金致黃水月華之法六已石精金光藏景化  
形子午卯酉八稟十決六靈威儀丑辰未戌  
地真曲素訣辭長生紫書三五順行寅巳申  
亥紫度炎光內規中方凡闕此十二事者當  
何以召山靈招地神攝萬精驅百鬼來虎豹  
役蛟龍予子所謂適知其一未見其他帝下

帝叩頭曰徹下土濁民不識清真今日聞道是生命遇會聖母今當賜與真形修以度世夫人方今告徹應須六甲六丁六戊致靈之術既蒙啓發弘益無量唯願誥誨濟臣飢渴使已枯之木蒙雲陽之潤焦火之草幸甘雨之溉不敢多陳帝啓陳不已王母又告夫人曰適真形寶文靈官所貴此子守求不已誓以必得故虧科禁將以與之然五帝六甲通真招神此術渺邈必須精潔至誠殆非流濁所宜施行吾今既賜徹以真形夫人當授之矣吾當憶與夫人共登玄隴羽野及睢真之山視王子童子就吾所請太上隱書吾以三九秘言不可傳泄於中仙夫人時亦有言見守助子童之至矣吾既難違來意不獨執惜至於今日之事有以相似後來朱陵食靈瓜味甚好憶此未久而已七十歲矣夫人既已告徹篇目十二事必當正而戒之何緣今主人稽首請某乙流血耶夫人曰環若苟惜向不持來耳此是太虛群文真人赤童所出傳之既自有男女之別耳又宜授得道者恐徹

下才未應用此耳王母色不平乃曰天禁漏泄犯違明科傳必其人授必知真者夫人何向下才而說靈飛之篇目乎妄說則泄說而不傳是謂術天道此禁乃重於傳邪別勅三官司直推夫人之輕泄也吾五嶽真形文乃太上天皇所出其文寶妙而為天仙之信豈復下授於劉徹也直以徹孜孜之心數請川嶽勤修齋戒以求仙之應志在度世不遵明師故吾等有下賄之意耳至於教仙之術不復限惜而傳之夫人但有致靈之方能獨執之乎吾今所以授徹真形文者非謂其必能得道欲使其精神有驗求仙之感不惑可以誘進向化之徒又欲令悠悠者知天地間有此靈真之事足以却不信之狂夫耳吾意在此也子性氣淫暴眼睛不紅何能得成真仙浮空參差乎勤而行之適可庶於不死耳明科云非長生難也聞道難非聞道難也行之難非行之難也終之難良匠能與人規矩不能使人巧也必何足隱之耶夫人曰謹受命矣但環昔蒙倒景君無常先生二君傳靈文

約以四千年一傳女授女男授男太上科禁以表於照生之符矣環所授以來并賢大女即抱蘭凡傳六十八女子固不可授男也頃見扶廣山青真小童受六甲靈飛於太微中元君凡十二事與環所受者同青真是環入室弟子所受六甲未聞別授於人彼男官也今正勅取之將以授徹也先所以告其篇目者亦是懲其有心特欲堅其專志且廣求他日與之亦欲與男授男承科而行使勤而方獲令知天真之珍貴耳非徒苟執術泄天道矣願不罪焉阿母真形之貴懸於勤志亦以授之可謂太不宜矣王母笑曰亦可怒乎夫人即命侍女紀羅客促到扶廣山勅青真小童出左右六甲靈飛致神之方十二事當以授劉徹也須臾侍女還捧八色玉笈鳳文之輶以出六甲之文曰弟子阿昌言向奉使絳河攝南真七源君檢校群龍猛獸事畢過門受教承阿母相邀詣劉徹家不意天靈至尊下降於吳陽不審起居此來何如侍女紀羅客至云專欲得金書秘字六甲靈飛左右

策精之文十二事欲授劉徹輒封一通付信且微雖有心實非仙才詎宜以此傳泄於行尸乎昌近在帝處見有上言之者甚衆云山鬼哭於叢林孤魂號於絕域輿師歸而族有功妄兵勞而縱白骨奢擾黔首淫酷自恣罪已彰於太上怨已見於天忝豈言玄聞必不得度世也值尊見勅不敢有違耳王母笑曰言此子者誠多然帝亦不必推也夫好道慕仙者精誠志念齋戒思愆輒除過一百克已反善奉敬真神存真守一行此一月輒除過一千微念道累年齋亦勤矣累禱名山願求度脫校計功過殆已相掩但自今已去勤修志誠奉上元夫人之言不宜復奢淫暴虐使萬兆勞殘怨魂窮鬼破掘之訴流血之尸忘功賞之辭耳夫人乃下帝起立手執八色玉笈鳳文之韞仰天向帝而呪曰九天浩洞太上耀靈神照玄微清虛明明清虛者妙守炁者生至念道臻寂感真成役神形辱安精年榮授徹靈飛及此六丁左右招神天光策精可以步虛可以隱形長生久視還白留青我

傳有四萬之壽微傳在四十之齡違犯泄漏禍必族傾反是天真必沉幽冥爾其慎禍敢告劉生爾師主是青真小童太上中黃道君之司直元始十天王入室弟子也姓名黃陵陽字庇華形有嬰孩之貌仙官以青真小童為號其為器也玉朗洞照聖周萬變玄鏡幽覽才為真俊遊于浮廣推此始運館于玄圃治仙職分子存師君爾從所願不存所授命必傾淪言畢夫人一一手指所施用節文以示帝焉凡十二事都畢又告帝曰夫五帝者方面之真精六甲者六位之通靈佩而尊之可致長生此書上帝封於玄景之臺子其寶祕焉王母曰此三天太上之所撰藏於紫陵之臺隱以靈壇之房封以華琳之函韞以蘭簡之帛約之以比羅之索印以太帝之璽受之者四十年傳一人如無其人八十年可頌受二人得道者四百年一傳得仙者四千年一傳得真者四萬年一傳得昇太上者四萬年一傳傳非其人謂之泄天道得人不傳是謂蔽天寶非限妄傳是謂輕天老受而不

敬是謂慢天藻泄蔽輕慢四者取死之刀斧延禍之車乘也泄者身死於道路受土刑而骸裂蔽者首髻於來世命凋枉而卒歿輕則禍鍾於父母詣女都而受罰慢則暴終而墮惡生棄疾於後世皆道之科禁故以相戒不可不慎也王母因授以五嶽真形圖帝拜受俱畢夫人自彈雲琳之璇歌步玄之曲王母命侍女田四妃答歌歌畢乃告帝從者姓名及冠帶執佩物名所以得知而紀焉至明王母與上元夫人同乘而去龍虎車馬導從音樂如初來時雲彩鬱勃盡為香氣西南而去良久乃絕帝既見王母及夫人乃信天下有神仙之事但不精勤久得尸解而去不能昇天王母夫人青真小童皆云帝無仙才斯固玄察之矣然仙桃靈果天饌靈酒帝皆得而食之但至誠求道之感應亦非凡骨矣不然者何以茂陵之物出於人間亦聊示神變之跡知神仙之不可誣也其後孝宣帝地節四年乙卯咸陽茅盈字叔申受黃金九錫之命為東嶽上卿司命真君太元真人是時五帝

君授冊既畢各昇天而去茅君之師總真王君西靈王母與夫人降於句容之山金壇之陵華陽天官以宴茅君為時茅中君名固字季偉小茅君名衷字恩和王母王君授以靈訣亦授錫命紫素之冊固為定錄君衷為保命君亦侍真會王君告二君曰夫人乃三天真皇之母上元之高尊統領十方玉童玉女之籍汝可自陳二君下席再拜求乞長生之要夫人憫其勤志命侍女宋辟妃出紫錦之囊開綠金之笈以三元流珠經丹景道精經隱地八術經太極錄景經凡四部以授二君。王母復勅侍女李方明出丹瓊之函披雲珠之笈出玉珮金璫經太霄隱書經洞飛二景內書傳司命君各授書畢王母與夫人告去千乘萬騎昇還太空矣。

昭靈李夫人

方丈臺東宮昭靈李夫人者即北元中玄道君李慶負之女太保王郎李靈飛之妹也以湯時得道白日昇天受書為東宮昭靈夫人治方丈臺第十三朱館中東晉哀帝丕興寧

三年乙丑八月二十二日夜降於真人楊羲之家夫人著紫錦衣帶神虎符握流金鈴年可十三四許有兩侍女年可二十一二侍女名隱暉皆青綾衣捧白玉箱二枚青帶絡之題曰太上帝章一曰太上玉文夫人帶青玉

轡玄隴隔手携紫皇袂倏忽八風驅玉華翼綠帷青扇翠裾冠軒煥崔嵬珮玲帶月珠薄入風塵中塞壘外迷當塗臭腥燭我炁百病令心祖何不聽然起蕭蕭步太虛

三元馮夫人

色綬如世人帶章囊狀隱章當長五丈許大三四尺與上元夫人紫微夫人右英夫人諸真同降臨去作詩曰雲埔帶天構七炁煥神馮瓊靡啓晨鳴九音絳樞中紫霞興朱門香煙生綠窻四駕舞虎旗青駟擲玄空華蓋隨雲倒落風控六龍策景五嶽阿三素躬君房適聞臊穢氣萬濁汚我習是物薰精神蒼塵德相衝明玉皆璀璨何獨盛五躬高揖苦不早坐地自生蟲臨去又吟曰心勿欲亂神勿淫役道易不順災重不逆未喪其真遂棄我適復往許家否我當復來爾勤之而已其年九月三日復降又歌曰縱酒觀群慧修欲四落周不覺所以然實心有待遊相過塔惟樂不遇亦不憂縱影玄空中兩會自然疇十二月一日夜又吟寄許玉斧曰飛輪高展臺控

三元夫人者姓馮名雙禮珠乃上清高真也亦主盟初仙及證度得道當為真人元君者也以晉穆帝聃永和五年己酉夫人與西王母南極元君九微元君紫陽左仙公石路成太極高仙伯延蓋童子西城總真王方平太虛真人南嶽赤松子桐柏真人右弼王子喬會於小有清虛上宮絳房之內宴南嶽紫虛元君魏夫人華存設以神簡奏以鈞樂九靈合節八音玲瓏王母起舞乃擊節而歌歌畢夫人自彈雲璈而答歌曰玉清出九天神館飛霞外霄臺煥嵯峨靈屢秀鬱翳五雲興翠華八風扇綠杰仰吟銷魔諫俯研智與慧萬真啓神景唱期絳房會挺穎德音子神映乃拂沛天嶽凌空構洞臺深幽邃遊海悟井願復真覺世穢舞輪宴重空筌魚自然廢

適復往許家否我當復來爾勤之而已其年九月三日復降又歌曰縱酒觀群慧修欲四落周不覺所以然實心有待遊相過塔惟樂不遇亦不憂縱影玄空中兩會自然疇十二月一日夜又吟寄許玉斧曰飛輪高展臺控

神館飛霞外霄臺煥嵯峨靈屢秀鬱翳五雲興翠華八風扇綠杰仰吟銷魔諫俯研智與慧萬真啓神景唱期絳房會挺穎德音子神映乃拂沛天嶽凌空構洞臺深幽邃遊海悟井願復真覺世穢舞輪宴重空筌魚自然廢



回我大椿羅長謝朝生世歌畢衆真各奏陽  
歌陰歌之辭皆內修證道之旨或叙積功累  
行之美或歌金液霜華之要與洞神陽歌之  
曲小異蓋天真之微辭也

南極王夫人

南極王夫人者王母第四女也名林字容真  
一號紫元夫人或號南極元君理太丹宮受  
書爲金闕聖君上保司命漢平帝特降於陽  
洛山石室之中授清虛真人小有天王王褒  
字子登太上寶文等經三十一卷夫人年可  
十六七許著錦帳青羽裙左佩虎書右帶揮  
雲彩翟真正天姿掩藹乘羽蓋之車駕以九  
龍女騎九千居勅陽丹海長離山中主教當  
爲真人者晉興寧三年乙丑降真人楊羲之  
家與八真同會因吟授羲曰控飈扇太虛八  
景飛高清仰浮紫霞外俯看絕落演玄心空  
同問上下弗流停無待兩際中有待無所營  
體無則能死體有則攝生東賓會高唱二待  
何足言也又曰命駕玉錦輪舞鸞  
仰徘徊朝遊朱火宮夕宴夜光池浮景清霞

杪八龍正叅差我作無待遊有待輒見隨高  
會佳人寢二待互是非有無非有定待待各  
自歸是歲六月二十三日又吟授楊君曰林  
振須類感靈鸞待龍吟玄數自相求觸節皆  
有音飛駢出西華總轡忽來尋八返非無娛

同詠理自欽悼此四羅內百變常在心俱遊  
北寒臺神風開爾襟夫人昔授王子登寶經  
既畢告之曰我道飛空八景浮虛上清子勤  
修之吾不相欺也於是西城王君携子登北  
觀玄洲拜謁太上丈人及二十九真主仙道  
君道君即太上公子勤伯黎也道君即命侍  
女范運華趙峻珠王抱臺發瓊笈綠蘊出上  
清隱書龍文八靈真經二卷以授子登又以  
雲碧陽水晨飛丹腴二升賜之子登拜受還  
西城宮精修九年日行三千里視見萬里之  
外坐在立亡役使群神乘飛飈之車遊觀天  
下東度啓明之宮廣桑之山謁見太帝受紫  
鳳赤書南渡丹海長離之山朝南極元君紫  
元夫人再受太丹錄書又詣赤臺童子受雲  
琅水霜夫人曰昔日之言豈負舉哉子登稽

首謝恩訖西渡度丘巨海沉羽之泉登麗農  
之嶽詣三皇道君紫蓋華晨夫人受玉道錄  
字太真隱書又北遊雕柔玄海登廣野之山  
遇高上虛皇大道君玄清六微元君賜以絕  
玄金章絳和雲芝子登拜而服之還昇中嶽  
龜臺崑陵朝太真金母乃受冊爲太素清虛  
真人領小有天王三元四司左保上公主領  
洞府三洞寶文出入上清受事太極乃夫人  
之弟子也

墟城集仙錄卷之二

彌城集仙錄卷之三

蜀三

唐 廣成先生杜光庭 集 雲華夫人

雲華夫人者王母第二十三女太真王夫人之妹也名瑤姬受徊風混合萬景練神飛化之道嘗遊東海還過江之上有巫山焉峯巖挺拔林壑幽麗巨石如壇平博可翫留連久之時大禹理水駐其山下大風卒至振崖谷隕力不可制因與夫人相值拜而求助即勅侍女授禹策召百神之書因命其神狂章虞余黃魘大翳庚辰童律等助禹斬石疏波決塞導阨以循其流禹拜而謝焉禹嘗詣之於崇嶽之巔顧盼之際化而為石或倏然飛騰散為輕雲油然而止聚為夕雨或化遊龍或為翔鶴千態萬狀不可視也不知其常也禹疑其狡怪猶誕非真仙也問諸童律童律曰天地之本者道也連道之用者聖也聖之品次真人仙人矣其有稟氣成真不修而得道者木公金母是也蓋二氣之祖宗陰陽之原本仙真之主宰造化之元先雲華夫人金母

之女也昔師三元道君受上清寶經受書於紫清闕下為雲華上官夫人主領教童真之士理在玉映之臺隱見變化蓋其常也亦由凝炁成真與道合體非萬胎萬化之形是西華少陰之氣也且氣之彌綸天地經營動植大包造化細入毫髮在人為人在物為物豈止於雲雨龍鶴飛鴻騰鳳哉萬然之復往詣焉忽見雲樓玉臺瑤宮瓊闕森然暨天靈官侍衛不可名識師子抱闕天馬啓塗毒龍電獸八威備軒夫人宴坐于瑤臺之上禹稽首問道召禹使坐而言曰夫聖匠肇興剖太混之一樸為億萬之體發大蘊之一包散之以無窮之物故步三光而立乎晷景封九域而制乎邦國刻漏以分晝夜寒暑以成歲紀允離以正方面山川以分險易城郭以聚民兵械以衛衆輿服以表貴賤未黍以備凶數凡此之制上稟乎星辰而取法乎神真下以養於有形之物也是故日月有幽明生殺有寒暑雷霆有出入之期風雨有動靜之常清炁浮手上而濁氣流于下廢興之數治亂之運

賢愚之質善惡之性剛柔之氣壽夭之命貴賤之位尊卑之序吉凶之感窮達之期此者稟之於道懸之於天而聖人之為紀也性發乎天而命成乎人立之者天行之者道道存則有道去則無非道而物不可存也非修而道不可致也玄老有言致虛極守靜篤萬物將自復復謂歸於道而常存也道之用也變化萬端而不失其一是故天參玄去地參混黃人參道德去此之外何一物不止於道也哉長久之要者乃天寶其玄地保其物人養其氣所以全也則我命在我非天地殺之鬼神害之失道而自逝也志乎哉勤乎哉子之功及物矣勤逮於民矣善格乎天矣而未聞至道之要也吾昔於紫清之闕受書寶寶而勤之我三元道君曰上真內經天真所寶封之金臺佩入太微則雲輪上征神武袍闕振衣瑤房邀宴希林長招仙公在西白山而下盼太空汎乎天津則乘雲騁龍遊此名山則真人詣房萬神奉衛山精司迎動有八景玉輪靜則宴處金堂亦謂之太上玉珮金璫之妙

文也汝將欲越巨海而無颺輪渡飛沙而無雲軒陟阨塗而無所舉涉泥波而無所乘陸則困於遠絕水則懼於漂淪將何以導百谷而濟萬川也危乎愆哉太上愍汝之志亦將授以靈寶真文陸策虎豹水制蛟龍斬戮千邪檢馭群兇以成汝之功也其在乎陽明之天耶吾所受寶書亦可以出入水火嘯叱幽冥收束虎豹呼召六丁隱淪行地顛倒五星九祖存身與天相傾也因令侍女陵容華命出丹王之笈開上清寶文以授焉焉為拜授而及又得庚辰崔余之助遂能導波決川成其功尊五嶽列九州而天錫玄圭以為紫庭真人也其後楚大夫宋玉以其事言於襄王王不能訪以道要以求長生築臺于高唐之館作陽臺之宮以祀之宋玉作神女賦以寓情荒淫託詞穢蕪高真上仙豈可誣而降之也有祠在山下世謂之大仙隔峯有神女之石即所化之身也復有石天尊神女壇壇側有竹垂之若筍有槁葉飛物著壇上者竹則因風而掃之終歲瑩潔不為之污楚世祀焉

焉

太微玄清左夫人

夫人者乃太微之上真也興寧三年乙丑十二月十七日與太元真人乘真降於句曲金壇真人揚羲之室吟北渚宮中歌詞曰

鬱蕩非真虛太无為我館玄公豈有懷紫蒙孤所難落鳳控紫霞矯鸞登晨岸寂寂無濛涯暉暉空中觀隱芝秀鳳立逡巡瑤林畔龍胎嬰爾形八瓊迴素旦琅華繁玉宮綺絕凌巖祭鵬扇絕億嶺拊翻扶霄翰西庭命長歌雲璈乘虛彈八風纏綠宇叢煙豁然散靈童擲流金太微啓璧案三元折腰舞紫皇揮袂盼使我恍顧哀地仙輩何為棲林間是夕眾降太元真人述玄清宮中之事因吟此章皆上清內修得真之旨以用和神也夫人諸經傳別未顯名氏事跡也

東華上房靈妃

靈妃者方諸宮有東華上房乃靈妃所理之處亦天真之高位將是太帝之左右相也其

詞曰

紫柱植瑤園朱華聲萋萋月宮生藥泉日中有瓊池左拔時圓靈曜右掣丹霞暉流金煥絳庭八景絕煙迴綠蓋浮明朗控節命太微鳳精童華顏琳腴充腸飢控晨挹太素乘欵翔玉墀吐納六虛氣玉嬪把巾隨彈微南雲扇香風鼓錦披叩商百獸舞六天攝神威倏歎億萬椿齡紀鬱巍巍小解未烹鼎言我巖下悲此亦是晉興寧三年乙丑十二月十七日夜太元眾真降於楊君之室云此歌章青童宮中常所吟詠以勵青宮學真者之業述檢制之要明修之樂此靈妃亦別未顯名氏及所習事跡

紫微王夫人

夫人名清娥字愈音王母第二十女也昔降授太上寶神經與裴玄仁表行之得道拜清靈真人晉興寧三年乙丑六月降楊羲之家時與太元真人桐柏真人右英夫人南嶽夫人同降言夫人位為紫微宮左夫人鎮羽野玄隴之山上宮主教當成真人者是夕真會

右英夫人歌修真之事夫人答歌曰

乘飈迺九天息駕三秀嶺有待徘徊躬無待

故當靜滄浪奚足勞執若越玄井又吟曰

龜關鬱巍魏窟臺落月珠列坐九靈房扣漱

吟太无玉蕭和我神金醴釋我憂又吟曰

冥酣東華內陳鈞千百聲青君呼我起折腰

希林庭羽幘扇翠暉玉珮何鏗玲俱指高展

殿相期象中冥又叙玄隴之遊吟曰

超舉步絳霄飛飈比壘庭神華映仙堂圓曜

隨風傾啓暉挹丹元飛景餐月精交袂雲林

字浩軫還童嬰蕭蕭寄無宅是非豈能營陣

上自擾競安可語養生九月六日又降命楊

君染筆喻作吟曰

解輪太霞上欽鑿造紫丘手把八空恁縱身

雲中浮一眇造化網再視索高疇道要既已

足可以解千憂求真得良友不去復何求吟

此今示許長史穆及郁迴也又吟曰

紫空朗明景玄宮帶絳河濟濟上清房雲臺

煥嵯峨八輿造朱池羽蓋傾霄柯震風迴三

晨金鈴散玉華七轡絡九陔晏盼不必家借

問求道子何事坐塵波豈能樓東秀養真我

太和吟畢亦今示許與郁十月十七日又與

衆真降命楊君書曰

左把玉華蓋飛景躡七元三晨煥紫輝鍊盼

撫明真變踊期須史四面皆已神靈發無涯

際勤思上清文何事坐橫塗今爾感不專陰

阿失玄機不覺年歲分吟畢徐謂楊君曰夫

今勤者勤其事耽其玄微耳慎者亦觸類而

作也學道之難不可盡矣有恥鄙之心者於

道亦遠乎灌秉然後可貴耳賢者之舉自更

悟耳今且當內忘也因吟曰

玄清渺渺觀落景出東溟願得絕塵友蕭蕭

罕世營吟此再三又曰

靈人隱玄峯真神靄雲來玄唱非無期妙應

自有待宜期虛空寂至韻固常在携襟登羽

宮同宴廣寒裏借問明人誰所存唯玉子吟

竟曰卓雲虛之駭抗翻於崆峒之上斯人也

豈不長挹南面求謝千乘乎二月三十日吟

一章曰褰裳濟淥河遂見扶桑公高會太林

墟賞宴玄華宮信道苟純篤何不棲東峯此

亦叙方諸東華之勝也四月十四日作七章

曰

其一

控景始暉津飛飈登上清雲臺鬱峨峨閭闔

秀玉城晨風鼓丹霞朱煙灑金庭綠蔭紫玄

峯紫芝巖下生慶雲纏丹爐鍊玉飛八瓊曼

貯廣寒宮萬椿愈童嬰龍旂始啓靈雷虎旗

微朱兵高真迴九曜洞觀均潛明誰能步幽

道尋我無窮齡

其二

騎鶴紫微館鸞臺散景飈鸞唱華蓋間鳳鈞

導龍輶八狼携絳旌素虎吹角簫雲勃寫靈

宮來適塵中善解鸞佳人所同氣自相招尋

宗須史頃萬齡乃一朝椿期會足衰劫往豈

云遼真真乃相目莫令心徂抄虛刀揮至空

鄙滯五神愁

其三

朝啓東晨暉飛駢越滄泉山波振青涯八風

扇玄煙迴盼易遷房有懷真感人三金可遊

盤東峯宜求甄紛紛當途中孰能步生津

其四

飄飄八霞嶺徘徊飛晨蓋紫翬騰太空  
曉駘九虛外玉簫激長景雲煙絕幽鶴  
高仙宴太真清唱無涯際去來山嶽庭  
何事有待適

其五

神王曜靈津七元煥神扉虛還方寸裏  
一躍登太微妙音乘和唱高會亦有機  
齊此天人盼協彼晨景飛總密六合外  
寧有傾與危

其六

薄宴塵飈嶺代謝綠環歸奚識萬劫期  
願盼令人悲

其七

靈草廢玄方仰感璇曜精說說繁茂萌  
重德必克昌

八月十七日夜夫人咬楊君令告許長  
史曰平凝夷質淵通妙靈神造重絕棲  
真攝生太玄植簡太素刻名金挺內曜  
玉華外榮朱軒四駕嘯命衆精聘龍玄  
洲飛雲浮冥必能上交逸臺之谷公下  
監御于太清矣因與保命君論遠志九  
方又語曰念不宜多多則志散

志散而求不病者猶閉門而禦猛敵也  
夫人製服术方以行於世叙曰夫晨齊  
浩元洞冥幽始八氣靡渾靈關未理者  
則獨坦觀於空漠任天適以虛峙於是  
淳音微唱和風合起二明銜暉霄利無  
待也擁萌肇於未割塞萬

源於機上舍生反真觸類藏初爰可哂  
萬歲以為天顧嬰亂而長和耳何事體  
造靈神之冥鄉心研殊方之假避外哉  
自形無得真之具器無任真之用者誠  
宜步天元之領攝推萬精以極妙尋九  
緯以挺生觀晨景之迴照

仰觀煙氣則六靈纏虛俯盼六律則八  
風扇威太无發洞冥之彌圓曜有映空  
之暉於是紫霞蕩秀波激嶽類浮煙籠  
象清景遯飛五行殺害四節交擲金土  
相親水火結隙林卉停偃百川閉塞  
洪電縱橫而响沸雷震東西而坼裂天  
屯見化為陽九之災地否閉乃為百六  
之會亢悔則載窮於乾極觀群龍攫爪  
則流血於坤野爾乃吉凶互衝衆示災  
咎履坦道者將幽人貞吉居肥遯者亦  
無往不利冒嶮巖也行必與尸涉於東  
北則朋喪而悔

至苟大川之不利明坎井之沉零矣此  
皆人失其真物乖我和遊競萬端神鬼  
用謀容使天地無常以百姓為心於是  
太上真人愍萬流之鼓動開冥津以悟  
賢遂爾導達百變攝生理具居福德者  
常全處危者洞折禦六

氣者壽延服靈芝者神逸奇方上術演  
於清虛之奧金闕玉劄撰於委羽之臺  
窮究神唱真暉合離歌其章則控晨太  
微用其道則揚輪九陔軒蓋於流霞之  
陣春盼平文昌之台或爐轉丹砂之幽  
精粉鍊金碧之紫漿琅玕鬱勃以流華  
八瓊雲煥而飛揚絳液迴波龍胎隱鳴  
虎沫鳳騰雲琅玉霜太極丹醴三環靈  
剛若以刀圭奏矣神羽翼張乃披空洞  
之上文輝燁元始之室瓊音琅書發乎  
三玄之宮寶紱紆三元之贈藥珮登丹  
琳之房上帝獻紫駟之重曜太真錫流  
金之火鈴神童啓轅九鳳齊鳴天籟  
駭虛晨鐘玲鏗疎身抑旄八景浮空  
龍輿虎旂遊扇八方上造常陽之絕  
抄下疲倒景之蘭堂月妃踰日華照  
容靈姬奉衾香煙溢腔顧盼而圓羅  
邁矣何九

萬之足稱哉然後知高仙之道益上尋靈之途微妙服御之致合神吉凶之用頓顯也目非無英公子黃老玉書大洞真經三十九章豁落七元太上隱玄者莫有群偶於此術矣然復有體神精思實練明堂朝適六虛使五藏生華守閉元關內存九真三炁運液而漉灌丹田亦其次也夫丹誠踈輪者亦美用東隣之太牢哉乃可加以五雲水桂木根黃精南燭陽草東石空青松脂柏實巨勝茯苓此並養生之具將可以長年矣吾又俱察草木之勝負有速益於己者並未及木勢之多驗乎且自頃已來殺氣蔽天惡煙弭景邪魔橫起百疾雜臻或風寒關結或流腫積疴不期而禍湊意外而病生者比日來集也夫木氣則式過鬼津吐煙則鎮折邪節強肉攝魂益血生腦逐惡致真守精衛命餐其餌則靈柔四敷榮輪輕盈服其丸散則百病瘳除五臟含液所以長生遠視久而更靈古人名之為山精之卉山薑之精太上導仙銘曰子欲長生當服山精子欲輕翔當服山薑此之謂也

我見諸物皆當滅而木為益也直以木氣之用是今時所要末世多疾宜當服御耳夫道雖內足猶畏外來之禍形有外充亦或中崩之弊張單偏致殆可鑒乎夫木者一可以長生求壽二可以却萬魔之枉疾我見山林隱逸得服此之道千年八百比肩於五嶽矣人多書繁不能復一二記示之耳今撰服木方以悟密尚若必信用庶無橫暴之災既及太平則四氣含融天緯荐生災煙消滅五毒匿形二晨常察萬物自成於是特任子所運而服御亦無復大傾也今所言木欲令有心取服過此災疴耳又頃者末學互相擾競多用混成及黃書赤界之法此誠相生和合二象匹對之真要也若以道交用解網脫羅推會六合行諸節氣却消災患結精寶胎上使腦神不虧下令三田充溢進退得度而禍除經緯相應而長康敵人執轡而不失六軍長驅而全反者乃有其益亦非仙家之盛事也嗚呼危哉此雖相生之術俱失度世之法然有似騁冰車之法乎炎洲汎火舟以浪於滿津

矣自非真正亦失者萬萬或違戾天文懣害嫉妬靈根鬱塞否泰用隔犯誓愆盟得罪三官或遽寃連禍王師傷敗或坑降殺服流血膏野或馬力已竭而求之不已若遂深入比塞而不御者亦必絕命於兇奴之刀劍乎將身死於外而家誅於內可不慎哉可不慎哉我見諸如此等少有獲益徒有求生之妄作常嘆息於生生矣豈若守丹真於絳宮朝元神於泥丸保精液而不虧閉幽術於命門餌靈木以順生漱華泉以清神研玄妙之秘圖誦太上之隱篇於是高棲于峯岫垂金石而論年耶諸侯安得而友帝王弗得而臣也遠風塵之五濁常清淨以期真優哉游哉聊樂我云按夫人以服木為序者亦欲歷申勸戒學仙豈獨於餌木而已才豐詞麗學優理博浩浩然若巨海之長波連山之疊岫也然所戒彌切所陳彌當得不師而稟之銘而佩之誘善之功千古不泯何至真之屬念如是耶何至聖之憫物如是耶

壩城集仙錄卷之三

壩城集仙錄卷之四

竭四

唐廣成先生杜光庭集

太真夫人

夫人者王母之小女也年可十六七名婉羅字勃遂事玄都太真王有子為三天太上府都官司直主總紀天曹之達比地上之卿佐年少好委官遊逸虛廢事任有司奏劾以不親局察降主東嶽退真王之編司鬼神之師五百年一代其職夫人因來視之勸其使修守政事以補其過道過臨淄值縣小吏和君賢為前寬所傷當時殆死夫人見骨相有異而愍之問其何傷乃爾君賢以實對夫人曰汝所傷乃重刃闕於肺五臟泄漏血凝絳府氣激腸外此將死之急也不可復生如何君賢知是神人叩頭求哀乞賜救護夫人於肘後筒中出藥一丸大如小豆即令服之登時而愈血絕瘡合無復慘痛君賢再拜跪曰家財不足不知何以奉答恩施唯當自展駑力以報所受耳夫人曰汝必欲謝我意亦可佳可見隨去否君賢乃易名姓自號馬明生隨

夫人執役夫人遷入東嶽岱宗山崖峭壁石室之中上下懸絕重巖深隱去地千餘丈石室中有金林玉几珍物奇瑋乃人跡所不能至處也明生初但服事只欲學金瘡方既見神仙來往乃知有不死之道旦夕供給掃灑不敢懈倦夫人亦以鬼怪虎狼眩惑眾變試之明生神情澄正終不恐懼又使明生他行別宿因以好女於臥息之間調戲親接之明生心堅志靜固無邪念夫人或行去十日五日或一月二十日方還輒見有仙人賓客乘龍駕鳳往來或有拜謁者真仙彌日盈坐客到輒令明生出外別室中或立致精細廚食銷果非常香酒奇漿不覺而至不可名目或呼明生坐與之同飲食又聞室中有琴瑟之音歌聲宛妙夫人亦時自彈琴琴有一絃五音並奏高朗響激聞于數里衆鳥皆為集於岫室之間徘徊飛翔驅之不去逮天人之樂自然之妙也夫人棲止常與明生同石室中而異榻耳幽寂之所都唯二人或行去亦不道所往之處但見常有一白龍來迎夫人即

著雲光繡袍乘白龍而去袍上專是明月珠綴著衣縫帶玉珮戴金華太玄之冠亦不見有從者既還即龍自去不知所在石室玉牀之上有紫錦被褥緋羅之帳中有服玩之物瑰金函匣玄黃羅列非世所有不能一一知其名也有兩卷素書上題曰九天太真道經明生亦竟不敢發舒視其文也唯供給水掃守巖室而已至於服玩亦不敢竊闕之亦不敢有所請問如此五年愈加勤肅輒不怠惰夫人嘆而謂之曰汝可謂真可教也必能得道者也以子俗人而不淫慢恭仰靈氣終莫之廢雖欲死亦焉可得乎因以姓字本末告之曰我久在人間今奉君王命又被太上召不復得停念汝專謹故以相語欲教汝長生之方延年之術而我所授服以太和自然龍胎之醴適可授三天真人不可以教始學之者固非汝所得聞矣縱或聞之亦必不能用以持身也有安期先生燒金液丹法其方秘要便立用是九君太一之道白日昇天者矣安期明日來吾將以汝付囑之焉相隨稍久

其術必傳明日安期先生至乘駿驕著朱衣  
逶遊冠帶玉珮及虎頭鞞囊視之可年二十  
許潔白嚴整從者六七仙人皆執節奉衛見  
夫人甚敬揖稱下官須臾設酒果厨膳飲宴  
半日許安期自說昔與女郎遊於安息國西  
海際食棗異美此間棗未不及也憶此未久  
已二千年矣夫人云吾昔與君共食一枚乃  
不盡此間小棗那可相比耶安期曰下官先  
日往九河見司陰君與西漢夫人共遊見問  
以陽九百六之期聖主受命之劫下官登答  
以年稚不識運厄之紀別當咨太真王夫人  
今既賜坐欲請此數夫人曰期運漫汗非君  
所能卒知天地有大陽九六百六有小陽九  
小百六天厄謂之陽九地虧謂之百六此二  
災是天地之否泰陰陽之字蝕也大期九千  
九百年小期三千三百年而此運鍾聖王不  
能攘至於滅亡遺古自復快耳今大厄猶為  
卒未然唐世是小陽九之始計託來甲申歲  
百六將會矣爾時道德方隆凶惡頓肆聖君  
受命乃在壬辰無復千年亦尋至也西漢夫

人具已經見所以相問者當是相試耳然後  
是司陰君所局夫陽九者大旱海涌而陸燠  
百六者海竭而陵澗自填四海水減溟洲成  
山連城之鯨萬丈之蛟不達期運之度唯叩  
天而索水詞訟紛紜布於上府三天煩於省  
察司陰亦疲於謹按矣九河之口是赤水之  
所衝其深難測今已漸枯八氣蒸於山澤流  
沙壅於源口於是四海俱會群龍鼓舞爾乃  
須甲申之年將飛陰洪倒流矣今水母上天  
門而告期積石開萬泉而通路飛陰風以撓  
蒼生注玄流以返布洋溢在數年之中漫衍  
終九載之暮也既得道登真體靈合妙至其  
時也但當騰虛空而盼山波遊浮嶽而視廣  
川乘玄鴻以溱丹城御虬輦而邁景雲耳咄  
嗟之間忽焉便適可以翔身娛目豈足掛意  
乎當今日且論酒事何用此為及耶因指明  
生向安期曰此子有心向慕殆可教訓昔遇  
因緣遂來見隨雖質穢未盡而淫慾已消今  
未可授玄和太真之道且欲令就君受金液  
丹方若可得爾便宜將去夫流俗之人心肺

單危經胃內薄血津疲羸肝腎不注其眼唇  
口不辯其機蓋大慈而不合天人欲奔走而  
不及靈飛適宜慰撫以成其志不可試以仙  
變八威也想勿加切刻令其失正矣安期曰  
諾但恐道淺術薄不足以訓授耳下官昔受  
此方於廣成丈人先師為道德至妙窈冥其  
心無視無聽言其行也無跡言其止也無留  
神炁接於玄漠四骸寄於靈丘存志無以踞  
崆峒之上膝間草木忽林生而成洪阜動之  
若叩地而不言求之輒移載而莫宣不知所  
以得其術不解何緣造其根當此之時實復  
罔然矣以四五十年中勤守匪懈久修奴役  
以奉顏色遂蒙顧盼漸見告悟今越湯池而  
入生地時開朱顏以對問見示以求道之難  
易于時乃賜與金液之要言也此則先師之  
成法實不敢倉卒而傳之也要當令在二十  
年之內必使其闢天路矣下官往與女郎俱  
會圓丘觀九陔之壑落望弱水而東流賜酌  
玄碧之芳酒不覺高卑而詠歌嘗開尊筵以  
酌靈籙偶見玉胎瓊膏之方服之乃圭立登



雲天解形萬變上為真皇此術徑妙蓋約於金液之華又速於霜雪九轉之鋒今非敢有譏捨近而從遠遠徑而近煩實思聞神方之品第願知真仙之高專苟早降有殊又非所宜論瓊腴之方必是侍者未可得用耶夫人曰君未知乎此是天皇之靈方乃真人所宜用耳非流俗下尸所能闕闕也仙方凡有九品一名太和自然瓊玕之醴二名玉胎瓊液之膏三名飛丹紫華流精四名朱光雲碧之腴五名九泉紅華神丹六名太清金液之華七名九轉霜雪之丹八名九鼎雲英九名雲光石流飛丹此皆九丹之次第也得仙者亦有九品第一上仙號九天真玉第二次仙號三天真皇第三號太上真人第四號飛天真入第五號靈仙第六號真人第七號靈人第八號飛仙第九號仙人此九仙之品第也各有差降不可超越彼學知金液已為過矣至於玉皇之所餌非淺學所宜聞也君雖得道而久在上界濁染於正塵垢鼓於三一恐猶未可登三天而朝太上邁扶桑而謁太

真玉胎之方尚未可愈何況下才而今聞其篇目耶安期有慙色退席曰下官實不知靈藥之妙品殊異乃爾信駭聽矣因自陳曰下官曾聞女郎有九天太真道經清虛明鏡鑿朗玄冥誠非下才可得仰瞻然受遇彌久接引每重不自省量希乞教訓不審其書可得見乎如暫親盼太真則魚目易質矣夫人哂爾而笑良久曰太上道殊真府遐邇將非下才可得交關君但當弘今日之功無伐非分之勞矣我正爾暫比到玄洲東詣方丈簡仙官於玉庭遊蓬萊以匿景太上有命親勅我往定神仙於流沙之外受鴻飛乎九霄之房校真人之遐紀舉天靈於崑閩漱龍胎于玄鄰之宮試玉女于衆仙之堂天事靡盬將未暇相示以太真經也若子能勸正一於太清解三皇之妙籙抱神光於幽林制群仙於五嶽陳山形以招東靈役恒華而命四瀆者然後尋我於三天之丘見索於鍾山玉座則真書可得而授焉如其不然無為屈違駿而步滄津捐舟楫而濟溟海矣想誤日用之所和

鍊金液以求真樂生生而享年存正氣以營身爾乃返華髮於童顏保久視乎靈津也如向所論陽九百六應期報降夫安危無專否泰有對超然遠覽懷感愧亢極之災可避而不可穰明期運所鍾聖主不能知是以伯陽素周而闕今悟其國弊天人之事彰於品物君何為屑屑久為地仙乎孰若先覺以高飛起風塵而自潔避甲申於玄途並真靈而齊列乎言為心盡君將勗之安期長跪曰今日授教報奉修焉夫人語明生曰吾不復得停汝隨此君去勿憂念也我亦時時當往視汝因以五言詩二篇贈之可以相存明生流涕而辭乃隨安期先生受九丹之道詩曰暫寓壙城內命駕岱山阿仰瞻太清闕雲樓鬱嵯峨虛中有真人來往何紛葩鍊形保自然俯仰挹太和朝朝九天王夕館還西華流精可飛騰吐納養音牙至樂非金石風生自然歌上下凌景霄羽衣何婆娑五嶽非妄室玄都是我家用看榮競子篤似蛙與蟪蛄塵濁中憂患自相羅苟未悟妙旨安事於珠

磨禍湊由道泄密慎福臻多

其一

昔生崑陵宮共講天年延金液雖可遐未若  
太和仙仰登冥臺虛想詠靈人忽遇扶桑  
王九老仙都真駕驟紫虬羣靈顏一何鮮啓  
我尋長途邀我自然津告以鴻飛術受以玉  
胎篇瓊膏凝玄器素女為我陳俯挹琳鳳腴  
仰上飄三天雲網立爾步五嶽可暫還玄都  
安足遠蓬萊在脚間傳授相親愛結友為天  
人替即由刑對禍必無愚賢秘則享無傾泄  
則軀命顛

其二

賦詩畢明生隨安期負笈入女凡山夫人乘  
雲龍而去矣明生隨師周遊青城廬潛凡二  
十年乃受金液之方鍊服而昇天矣

麻姑

麻姑者乃上真元君之亞也孝桓帝時神仙  
王遠字方平降於蔡經家將至一時頃聞鼓  
簫人馬之聲及至舉家皆見之方平戴遠遊  
冠朱衣虎頭鞶囊五色之綬帶劔少鬢黃白

色中形人也乘羽蓋車駕五龍龍各異色麾  
節旛旗前後導從威儀奕奕如大將軍也有  
十二隊五百士皆以蠟蜜封其口鼓吹皆乘  
麟從天而下懸集於庭從官皆長丈餘不從  
道行既至從官皆隱不知所在唯見方平與  
經父兄弟及母相見獨坐良久即令人與麻  
姑相訪經家經亦不知麻姑何人也言曰王  
方平敬報姑余久不行人間今來在此想姑  
能暫來語乎有頃使者還不見其形但聞其  
語云麻姑再拜但不相見忽已五百餘年尊  
卑有序修敬無階煩信承來在彼登頃即到  
而先受帝命當按行蓬萊今便暫往如是當  
還還便親觀願未即去如此兩時間麻姑至  
矣來時亦先聞人馬簫鼓之聲既至從官半  
於方平也麻姑至蔡經亦舉家見之是好女  
子年可十八九許於頂中作髻餘髮垂之至  
腰其衣有文章而非錦綺光彩耀日不可名  
字皆世所無有也入拜方平平為之起立坐  
定召進行廚皆金盤玉杯無限也餽饈多是  
諸花果而香氣達於內外擘脯而行之如栢

炙云是麟脯也麻姑自說云接侍已來見東  
海三為桑田向到蓬萊水又淺於往者會時  
略半也豈將復還為陵陸乎方平笑曰聖人  
皆言海中行復揚塵也姑欲見蔡經母及婦  
姪時弟婦新產數十日麻姑望見乃知之曰  
噫且止勿前即求少許米來得米便撒之擲  
地謂以米祛其穢也視米皆成真珠矣方平  
笑曰姑固少矣吾老矣了不喜復作此狡獪  
變化也方平語經家人曰吾欲賜汝輩酒此  
酒乃出天廚其味醇釀非世人所宜飲飲之  
或能爛腸今當以水和之汝輩勿怪也乃以  
一升酒合水一斗攪之賜經家人人飲一升  
許皆醉良久酒盡方平語左右曰不足復還  
取也仍以千錢與餘梳媿相聞求其沽酒須  
吏使還得一油囊酒五斗許使傳餘梳媿答  
言恐地上酒不中尊仙飲耳又麻姑爪如鳥  
爪蔡經見之心中所念言背大癢時得此爪  
以爬背當佳否方平已知經心中所念即使  
人牽經鞭之謂曰麻姑神仙也汝何忽謂爪  
可以爬背耶但見鞭著經背亦不見有人持

報者方平告經曰吾報不可妄得也是日又  
以一符一傳授蔡經隣人陳尉能召鬼魔救  
人治疾蔡經亦得解脫之道如地蟬耳經常  
從王君遊涉山海或暫歸家王君亦有書與  
陳尉多似篆文或真書字廓落而大陳尉世  
世寶之宴畢方平麻姑命駕昇天而去蕭鼓  
導從一如初焉

壩城集仙錄卷之四

壩城集仙錄卷之五

馮玉

眉廣成先生杜光庭集

雲林右英夫人

雲林右英王夫人名媚蘭字申林王母第十  
三女也受書為雲林官右英夫人治滄浪官  
晉興寧三年乙丑七月三日與東嶽上卿司  
命真君諸真同降於楊君因受書曰弱喪凋  
潘篤靈未盡倚伏異因雲梯未抗雖有懷於  
進趨猶未測於至理矣君才貫天工心以清  
瀾凝浪於高韻栖神于太玄期紫庭而步空  
矣有心洞於飛滯柔翰鬱于冥契也動合規  
矩等圓殊方靜和真味吐納餘音可謂縱誕  
德挺英萋良為欽矣然穢思不豁鄙怯內固  
淫念不斷靈池未澄將未得相與論內外之  
期汎二景之交耳夫失機者貴在能改相釋  
有情今無妨矣雖暫弭群聽政克和也前途  
欣適此比非一漏萬緒多端當恒戰密苟情  
有愆散得隨事失悟言微矣將何以過之將  
何以遣之清響散空神風麗林身起冥衝志  
諫靈音仁侯其人也守真一勤篤者一年使

頭不白而禿髮再生苟內憂子孫以家業自  
囂外綜王事朋友之交耳目廣用聲氣雜役  
此亦道不專也又述玉斧修道之事因喻以  
薛季和七試不過乃長里先生薛公之弟為  
煙泆失位然性好蕭音風響故長里乞之於  
太上使其生因言肇阿陰德可以及於許侯  
玉斧也又云聞北風則心悲觀啓曜則懷泰  
思駿駮以慕騁嘉柔順以變鬱世人之心曷  
嘗不爾此則其本鄉之風蒸首丘之內感也  
苟能信之君其諧矣如其壘怪乘欲升絳不  
陽靈人携手而空返高文欽袂而迴晏神杰  
不矜其宅寂通不鼓其目自命矣夫故可悲  
耶夫得道者以其能辨却衆累直面而進於  
是百度自靜衆務雲散該其覆者不足為勞  
拔于艱者可以表心正月中必有龜山客來  
賢者之舉復宜詳之自古及今死生有津顯  
默異會藏往滅智與世同之者皆得道之行  
也若夫瓊丹一御九華三飛雲液最甜流黃  
徘徊仰燕金漿咀嚼玉麩者立便控景登空  
玄昇太微也自世事未互斯業未就當暫履

太陰潛生冥鄉外身棄質養胎虛宅陶炁絕  
 蒼膏精玄漠故改容於三陰之館變重顏於  
 九鍊之尸然後知神仙為貴死而不士去來  
 之事理之深也夫垂蔭萬畝者必出峻極之  
 嶺滔天振本者必發淵浩之源洪哉積陰德  
 之賢有似邠人也逸驕逍遙大荒之表故無  
 羈絡之憂靈羽振翅玄圃之峯以連羅紲之  
 患人之修道豈獸乎藏身之密匿跡之幽也  
 且尋飛絕影之足不能騁逸於呂梁凌波涑  
 泉之舟不得陟峻於太行此才之異也繁林  
 翳蒼則羽族雲萃玄泉浩滌則鱗群競赴此  
 在德之茂也為道者實為勤苦勤苦者必得  
 之矣學道者當在專道注真情無散念撥奢  
 侈保冲白寂焉如窻有所觀熙焉如潛有所  
 得專專如臨深谷戰戰如履薄冰此得道之  
 門耳而未得道之室也所謂學道甚難而甚  
 易若其寂玄沈味保和天真注神栖靈耽研  
 六府惜炁杜情無視無聽此學道之易也若  
 其不能行此數者所以為難也況山嶽杰擾  
 則強禽號於林川瀆結滯則龍虬慘於澤此

自然象也苟趣捨理乖則吹萬之用不同也  
 非靜順無以要謙非虛栖無以冥會思之無  
 邪則無禍害矣在正其心而斥其累澄其源  
 而清其流也若南趨而北騁心念而口違捐  
 簪而茹荼晒丸成而悅比鄙者我知其無識  
 和音之聽鑒也因告晉簡文帝宜以麝香一  
 具於頸間辟水注及惡夢學道在積功累善  
 太虛真人常云人有衆過而不自悔罪歸其  
 身如川赴海日益深廣矣有惡知非悔過從  
 善罪滅善積亦得道也夫人遇我以惡者以  
 善對之遇我以禍者以福對之善常在己矣  
 惡人害善人猶如仰天而唾唾不污天還自  
 污身逆風揚塵塵不污彼還蒙其己道不可  
 毀禍必滅已又飯凡人百不如飯一善人飯  
 善人千不如飯一寒栖學道之人此高真之  
 秘言太上之要戒也財色之於身也譬如小  
 兒舐刀刃之蜜蜜不足以美口而有截舌之  
 憂戒哉志之愛欲之大莫大於色其罪無外  
 其惡無赦得不戒耶學道在陰德施惠解救  
 也用志莫大於守身奉道其福甚大其生甚

因夫人咬詩曰  
 駕欵遊八虛迴宴東華房阿母延軒觀朗嘯  
 躡靈風我為有待來故乃越滄浪

其一

騰躍雲景轅浮觀霞上空霄駢縱橫舞紫蓋  
 託雲宮朱煙纏旒旌羽帔扇香風雷號猛獸  
 攫電吟奮玄龍鈞籟混庭響金筑唱神鐘採  
 芝滄浪阿擬華八溱峯朱顏日以新劫往方  
 嬰童夫道不專已行事亦無功

其二

夫真仙之才例多隱逸栖身林嶺之中遠人  
 間而抱澹泊則必嬰顏而玄鬢也玉醴金漿  
 交梨火棗此即騰飛之藥不比於金丹也仁  
 侯體未真正穢念盈懷恐此物輩不肯來也  
 苟真誠未一道亦無私亦不當試問交梨火  
 棗之樹已生君心中今猶有荆棘相雜是以  
 二樹不見不審可剪荆棘出此樹否此樹單  
 生其實幾好也雖云問也其欲希之近也當  
 為君問主領者三年更以相問以即日始也  
 夫虛和可守雄蕭蕭可守雌知白可守黑蕭

蕭者謂單景獨往也君絳宮中詎能仰塵空  
同上上雲玄之涯否道易聞而急不真言易  
得而患不行若專如此大天之中盡真仙比  
肩也我亦無咎於不能為者心不定而欲書  
將欲沽之哉意不往而求真以欲術之也可  
以此告許長史十月十五日而降又述秋分  
日瑤臺大會之詩

青童大君四君各吟真詞以和玄鈞廣韶之  
絃青童君吟曰

欲植滅度根當拔生死哉沉吟墮九泉但坐  
惜形骸

太虛真人吟曰

觀神戟形時亦從軍從馬車敗馬奔亡牽連  
一時假哀世莫識此但是息風火種罪天網  
上受毒地獄下

西城真人王君吟曰

神為凌形舟泊岸當別去形非神常宅神非  
形常載徘徊生死輪但苦心猶豫

小有真人王君吟曰

失道從死津三魂迷生道生生日以遠死死

日以早悲哉苦痛容根華已顛倒起就零落  
坐焉知反枯老

又吹詩與許君曰

該清道難通幽達妙難窮許侯其人也曠靈  
方昇立騰躍暉霞外身飛九天中作則群真  
歸金闕撫種人

其一

其德仁以融其教整以和可謂天秀標額為  
後民崇養形靜東本七神自相通風塵有憂  
哀殞我白鬢翁長真遺嘆仰恨不早逸蹤

其二

停駕望舒移迴轅返滄浪未親若人遊偶想  
安得康良因候青春以叙中懷志

其三

控展浮紫煙八景觀冰流羽童捧瓊漿玉華  
錢琳腴相期白水涯揚我蕙蕤珠

其四

滄房煥東霞紫造浮絳晨雙德秉道宗作鎮  
真伯藩八臺可矚目北看乃飛元清淨雲中  
視渺渺躡景遷吐納洞嶺秀藏暉隱東山久

安人事上日也無虛閑豈若易翁質返此孩  
中顏

其五

晨闕太霞構玉室起霄清領略三奇觀浮景  
翔絕冥丹華空中有金闕育挺精八風鼓錦  
披碧樹曜四靈華蓋蔭蘭暉紫纒策綠韞結  
信通神交觸類率天誠何事外象感須親瑤

玉瓊

其六

三景秀鬱玄霄映朗八方丹雲浮高辰逍遙  
任靈風鼓翮乘素騰竦眇瓊臺中綠蓋入闕

晨青駢擲空同右揖東林帝上朝太虛皇王  
賓剖鳳腦邀酣飛縈紫雲鈞迴曲寂千音何  
琅琅錦林召猛獸華樞正低昂香母折腰唱  
紫煙排棟梁總轡高清闕解駕佳人房昔運  
挺未兆靈化順氣翔心眇玄涯感年隨積椿

崇形苟甘臭味動靜失滄浪我友賁不爾荼  
辱昨已忘

其七

絳景浮玄晨紫軒乘煙征仰超綠闕內俯眺

朱火城東霞啓廣暉神光煥七靈翳映汎三  
燭流任自齊冥風縹空洞宇香音觸節生手  
携織女舞併衿袍左徊青羽旗華蓋隨  
雲傾宴寢九度表是非不我管抱真栖太寂  
金姿日愈嬰豈似愆穢中慘慘無聊生

其八

三響控紫軒傾雲東林阿四旌曜明空未軒  
飛靈丘王蓋廢七景鼓翼霄上浮九音朗紫  
空玉漱洞太无宴詠三晨宮唱嘯呼我儕不  
覺椿已老豈知二景流佳人雖兼忘而未放  
百憂長林真可靜巖中多自娛

其九

比登玄具闕携手結高羅香煙散八景玄風  
鼓絳波仰超琅園津俯眇霄陵阿玉蕭雲上  
秦鳳鳴洞九遐乘杰浮太空曷為躡山河金  
節命羽靈徵兵折萬魔齊挹二辰暉千春方  
嬰牙喪真投競室不解可奈何

其十

仰眇太霞宮金閣曜紫清華房映太素四軒  
皆朱瓊擲輪空洞津總嚮舞綠鞵玉華飛雪

蓋西妃運錦袿雖然塵燭涯儵歛佳人庭宿  
感應真降所招已在冥乘風奏霄晨共酣丹  
琳覺公侯徒渺渺安知真人靈

其十一

清晨緝絳霞總烝霄上遊徊鞞曲波遂觀  
世人憂辭首鬱然起不散三秀岨何若巡玄  
鄉撫馘為爾娛君安有有際我願有中無

其十二

纒景登霄晨遊宴滄浪宮絳雲繞丹霞靈藹  
散八空上真吟瓊室高仙歌琳房九鳳唱未  
籟虛節錯羽鐘交栖金庭內結我真中朋俱  
挹王醴津倏忽已嬰童云何當路躡窻疴隨  
日崇

其十三

晨遊太素宮控鞞觀王河夕宴鬱絕宇朝採  
圓景華彈敬北寒臺七靈暉紫霞濟濟高仙  
舉紛紛塵中羅盤桓鷲謁內愆累不當多

其十四

駕烝騁雲駟晨登太滂丘絳津連岑振清波  
鼓浚流步空觀九緯八綱皆已遊暫宴三金

秀來觀立志儔勤懈不相掩是以積百憂

其十五

凌波越滄浪忽然造金山四顧終日遊罕我  
雲中人

其十六

紫闕構虛上玄館銜絕颺琳琅敷靈園華生  
結瓊瑤騁鞞滄浪津八風激雲韶披羽扇比  
翳握節鳴金蕭鳳籟和千鐘西童歌晨朝心  
豁虛无外神襟何朗寥迴舞太空嶺六烝運  
重幽我塗豈能尋使爾不終凋

其十七

玄波滄浪濤洪津鼓萬流駕景眇六虛思與  
佳人遊妙唱不我對清音與誰投雲中騁瓊  
輪何為塵中濤

其十八

松柏生玄嶺鬱為巢林傑繁條盛巖冰未肯  
懼白雲亂世幽重岫巡生道常潔飛此逸嚮  
輪投彼遐人轍公侯可去來何為不能絕

其十九

清靜願東山廢景栖靈穴惜惜開庭虛翳蒼

青材密圓曜映南軒朱風扇幽室拱袂開房  
內相期探妙術家明遠想玄蕭條神心逸

其二十

縱心空洞津球轡策朱駢佳人來何遲道德  
何時成

其二十一

寓言必可用不用是無情焉得駕歛跡尋此  
空中靈微音良有旨當用慎勿輕事事應神  
機保爾見太平

其二十二

○響景落滄浪騰躍青海津絳煙亂太陽羽蓋  
傾九天雲輿浮空洞倏忽滄波間來尋真中  
友相携侍帝晨王子協明德齊首招玉賢下  
躬八河宮上寢希林巔漱此紫瓊腹方知穢  
途辛佳人將安在勤之乃得親

其二十三

絳闕排廣霄披丹登景房紫旗振雲霞羽晨  
舞八風停蓋濯碧谿採秀月支峯咀嚙三靈  
華吐吸九神芒椿數無絕紀協日積童蒙勞  
袂明真館仰期无上皇北鈞唱羽人王玄祭

賢乘結云何波浪宇得矣為我鍾引領巖庭  
內開心擬穢衝習道榮辱域罕躡者林宮一  
靜安足苦試去視滄浪

其二十四

世珍芬馥交道宗玄霄會振衣專真傳迴軒  
風塵際良德映玄暉穎拔繁華蔚音密言多  
儼福冲靜尚真貴恒當二象順携手同襟帶  
何為人事間日焉生患害

其二十五

夫人自初降說此賦詩尤皆勉勵於修道慮  
中道而敗則禍更重矣丁寧戒諭者以許君  
及玉斧皆籍名仙簡務其日進玄德更懋真  
階耳因述青童君勸學道之士拔受欲之根  
如掇懸珠一一撮之自當盡矣又云牛馬負  
重入泥轉增陷沒道士心挾世欲速須去之  
視彼泥中之牛願求蘇息耳人讀道經得修  
道之味如饗美食六腑皆美而有餘味能行  
如此者得道矣紫元夫人亦與夫人言衆真  
曰天下有五難貧窮患施難富學道難制  
命不死難得見洞經難生值士辰後當聖世

難昔聞之於大道君曰道德无形知之無益  
當在守志行道耳譬如磨鏡垢去明存即見  
已形斷六情守空靜即自見道之真亦可自  
知宿命矣玄清夫人云世人繫於妻子家宅  
之患甚於牢獄牢獄有原赦之時而妻子情

欲雖有虎口之禍已猶甘心投之其罪無赦  
故謂之家累言其陷累我身不得道遠自適  
而人不知割愛去累洗心為道而存其身也  
楊君降真之會有十夫人皆列位號而無傳  
記及歌吟之詞備列於此

○太和靈嬪上真左夫人北海六微玄清夫人  
北漢七靈右夫人太極中華右夫人八靈道  
母西嶽蔣夫人上真東宮衛夫人朱陵北絕  
臺上嬪管妃北嶽上真山夫人西漢夫人長  
陵杜夫人

此夕二十三真人十五夫人降於金壇楊君  
家也

嬰母

嬰母者姓譙氏字曰嬰不知何許人也西晉  
之時丹陽郡黃堂觀居焉潛修至道久歷歲

年時人自童幼逮于衰老見之鬢髮齟齬容顏狀無改衆號為嬰母因入吳市見一童子年可十四五近前拜於母云合為母兒母曰年少自何而來拜吾為子未測其旨亦莫敢許之豈可相依耶乃慘嘆而去月餘又於吳市逢一孩子三歲以來若無所歸悲號浹夕母因視之執母衣裾不肯捨去人或見者勸母收而有之逾於所生矣既長明穎孝敬異於常人冠歲以來風神挺邁所居常有異雲杰光景髣髴而見侍母左右特說蓬壺閭風之事母異之謂曰吾與汝暫此相因汝以何為號也子曰昔蒙天真明授靈章錫以名品約為孝道明王今宜稱而呼之矣遂告母修真之訣曰每須高處玄臺踈絕異黨倫關丘阜餌服陽和靜夷玄圃委鑿太虛無英公子黃老玉書大洞真經豁落七元太上隱玄之道可致輕蓋以流霞之輦騰躬斗文昌之臺得此道者九鳳齊唱天籟駭虛竦身御節八景浮空龍輿虎旂遊扇八方矣母宜寶之一旦孝道明王漠然隱去母密修大法積數十年

人莫知也其後吳猛許遜自嵩陽南遊詣母請傳所得之道因盟授之孝道之法遂行江表暇日母告二子曰世雲昔為遜師今玉皇玄譜之中猛為御史而遜為高明大使總領仙籍位品已遷又所主十二辰配十二國之分遜領玄枵之野於辰為子猛統星紀之邦於辰為丑許當居吳之上以從仙階之等降也又數年有雲龍之駕千乘萬騎來迎謹母白日昇天今洪州高安縣東四十里有黃堂壇靖即許君立祠朝拜聖母之所其昇天事跡在丹陽郡中後避大唐宣宗廟諱鍾陵祠靖號為謔母其孝道之法與靈寶小異豫章人世世行之偉哉人之行莫大於孝孝於親者必忠於君理於家者必康於國感天地動鬼神厚人倫美教化移風俗外清八表內正百度可以助道弘化者其唯孝乎則孝道之法降自上玄隆於晉代豫章之俗至今行之故許君則拔宅昇天位統列國皆孝感也

鉤弋夫人

鉤弋夫人齊人也姓趙少好清淨病六年左

手拳握不開望炁者云東北有貴人炁推求而得之召見姿色甚偉漢孝武帝發其手得玉鉤手尋展遂幸之生昭帝武帝嘗之殯尸不冷而香一月間昭帝即位改葬之棺槨但有絲履而已故名其宮曰鉤弋後避諱改為代廟每祠謁之際時有神坐於廟閣內焉

湘江二妃

湘江二妃者舜之妃也長曰娥皇次曰女英昔堯以老昏倦於天下舉賢隱之德以讓之許巢善卷之屬避之而去訪於側陋有鯀者曰虞舜以孝德聞堯舉而用之姆之二女以觀其內歷試諸難以觀其外既而大麓不迷百工咸理爰俾攝政二十八年而堯崩舜服喪三年而後即位即位之年年六十一矣在位又五十一年凡壽一百一十二歲南巡于蒼梧之野止於何侯之家太帝五老以瑤車玉斡雲旌羽蓋降而迎舜遂昇天不還何侯亦拔宅而去二妃時在山下求舜不獲瞻望九峯一一相似不知舜之所之望峯而泣杖淚於崖竹竹為之斑歷視諸峯皆疑舜在其



上因為九嶷山焉既而精誠感通亦得仙去  
時人以為其沉於湘江也故立祠焉祠中列  
湘君湘夫人之位此其序長少之品位當是  
娥皇為湘君女英為湘夫人非是別有湘君  
之神也高秋月夜九嶷湘浦時聞天鈞韶樂  
之音蓋是舜上理紫微下鎮此山每所經遊  
必有天樂導從靈音駭虛俗謂之湘靈鼓瑟  
亦誤傳也俗中咸以二妃為堯之女事亦誤  
矣今按帝系云黃帝曰帝鴻氏姬姓少典之  
子亦云姓少典亦云姓公孫名軒轅神農世  
衰諸侯怨叛蚩尤肆毒害及生靈黃帝自有  
熊之國興師佐命遂即帝位剋蚩尤誅姜氏  
之後而定天下黃帝之子名摯紹黃帝位號  
為少昊氏亦曰金天氏金天之子曰顓頊顓  
頊之子曰帝嚳帝嚳之子曰堯號陶唐氏名  
放勛以此詳之堯即黃帝玄孫也乃為顓頊  
五世之孫堯乃舜再從祖也堯之女乃舜之  
從祖姑也堯不應以女媁舜此恐史冊相傳  
之誤耳當是堯欲歷試於舜以觀其德媁以  
二女史臣遂而書之固非堯女以媁於舜矣

娥皇女英非姬姓也又舜之號非謚號也謚  
法起於周公欲以褒貶君臣垂戒勸立以  
為法後人執而加之云翊善傳聖曰堯蓋取  
堯舉其舜於側陋授以天下禪讓之美千古  
所宗故追為此謚爾又舜之一字謚法云仁  
聖盛明曰舜此亦後人追立之號也何者按  
書云堯將異位曰咨爾四嶽朕在位七十載  
矣汝能庸命異朕位嶽曰否德忝帝位帝曰  
明明揚側陋師錫帝曰有鰥在下曰虞舜帝  
曰俞予聞如何嶽曰瞽子父頑母嚚象傲克  
諧以孝烝烝帝曰我其試哉降二女于媁納  
嬪于虞帝曰欽哉此則堯但以二女嬪配於  
舜觀其理內之德或取諸宮掖或得於民間  
固非堯之女以媁於舜明矣蓋是秦皇焚書  
之後學士逃難解散史籍湮滅篇卷不全濟  
南伏生口以傳授或有舛誤無由顯明舜之  
為號亦自布衣而有非是歿後之謚如伏羲  
神農帝嚳顓頊之例是也願悟之士更望詳  
之

### 洛川宓妃

洛川宓妃宓氏之女也得道為水仙以主  
於洛川矣常遊洛水之上以乘女仙為賓友  
自以遊宴為適或祥化多端亦猶朝雲暮雨  
之狀耳魏雍丘王曹植感宋玉對楚王之事  
作洛神賦以叙之言其狀也翻若驚鴻婉若  
遊龍榮曜秋菊華茂春松髮髻若輕雲之  
蔽日飄飄兮若流風之迴雲皎若太陽昇朝  
霞灼若芙蓉出綠波體迅飛鳧飄忽若神凌  
波微步羅襪生塵此蓋文士妖飾之詞若夫  
得道登真體位高邈非凡隻隔感降良難宜  
可方宋玉淫冶之音所致上仙之一遇也至  
若馮夷服虹丹為水仙位澄河侯震蒙得玄  
珠主于岷岷之錄吳姬獲瓊藥登于月宮  
此非獨水為太陰之府而女仙主之蓋其職  
秩所遇也呂公子服水玉而為河伯天吳餌  
雲母而為水神亦有男仙居水官之任也馮  
夷者好道遇涓子以虹丹授之服而為水仙  
位為河侯震蒙氏女者亦曰青相氏得黃帝  
玄珠之要而為水仙為岷岷江源之主吳姬  
娥拜妻也羿司射衛黃帝之官入宮得瓊藥

之丹以與姮娥服飛入月宮為月中之宮况五嶽十山九江八澤皆有仙曹靈府以司明世人罪福功過亦主掌山川寶貨靈草神芝或統御洞天真經玉籍其任不常或千年五百年亦有遷易玄真杳隔世莫得知也

陽都女

陽都女者陽都市酒家之女也生有異相眉連耳細而長眾以為異疑其天人也時有黑山仙人犢子者鄰人也常居黑山採松子茯苓餌而服之已數百年矣莫知其姓名常乘黃犢時人號為犢子時壯時老時醜時美來往陽都酒家都女悅遂相奉侍一旦女隨犢子出取桃一宿而反得桃甚多連塊甘美異於常桃邑人伺其去時既出門二人共牽犢耳而走其速如飛人不能追也如是且還復在市中數十年夫婦俱去後有見在瀋山下冬賣桃果焉文選賦云犢配眉連是也

杜蘭香

杜蘭香者不知何許人也有漁父者於湘江洞庭投綸自給一旦於洞庭之岸聞兒啼哭

聲四顧無人惟三歲女子在於岸側漁父憐而舉之還家養育十餘歲天姿奇偉靈顏姝瑩迨天人也忽有青童靈人自空玄而下來集其家携女而去臨昇天謂其父曰我仙女杜蘭香也有過請于人聞玄期有限今將去矣於是凌空而去自後時亦還家其後於洞庭包山降張碩家碩蓋修道者也蘭香降之三年授以舉形飛化之道碩亦得仙初降時留玉簡玉唾孟紅大浣布以為登真之信焉又一夕命侍女齋黃鱗羽帔絳履玄冠鶴氅之服丹玉珮揮靈劍以授於碩曰此上仙之所服非洞天之所有也不知張碩仙官定何班品傳記未顯難得詳載也漁父亦自老益少往往不食亦學道江湖間不知所之矣

壻城集仙錄卷之五

壻城集仙錄卷之六

竭六

肝母

唐廣成先生杜光庭集

肝母者豫章人也外混世俗而內修真要耳嘗云我千年之前曾居西山世界稍息當歸真彼中其子名烈字道微少喪其父事母以孝聞烝絜翼翼勤於色養家貧而管侍甘旨未嘗有闕鄉里推之西晉武帝時同郡吳猛許遜精修通感道化宣行居洪崖山築壇立靖猛既去世遜即以寶符真籙拯俗救民遠近宗之遜仕州為記室後每朔望還家朝拜人或見其乘龍往來徑速如咫尺耳唯肝君純篤忠厚許君委用之即與母結茅於許君宅東北八十餘步旦夕侍養許君謹願恭肅未嘗有怠母常於山側採擷花果以奉許君君惜其志誠常欲拯而度之以惠帝元康二年壬子八月十五日太上命玉真上公崔文子太玄真卿取丘仲命拜許君為九州都仙大使高明主者雲車羽蓋白日昇天許君謂道微及母曰我承天帝之命不得久留汝

可繼隨仙舉期於異日母子悲喜不自勝再拜告請願侍靈輦君乃許之即賜靈藥服之躬稟真訣於是午時從許君昇天今壇井存焉鄉人不敢華繕蓋表肝君母子儉約故也世號為肝母壇靖焉

### 九天玄女

九天玄女者黃帝之師聖母元君弟子也黃帝世為有熊國之君佐神農為理神農之孫榆罔既衰諸侯相伐干戈日尋各據方色自稱五行之號太皞之後自為青帝榆罔神農之後自號赤帝共工之族自號白帝葛天之後自號黑帝帝起有熊之墟自號黃帝乃恭已下士側身修德在位二十二年而蚩尤肆孽弟兄八十一人獸身人語銅頭鐵額數砂吞石不食五穀作五虎之形以害黎庶鑄兵於葛鐘之山不稟帝命帝欲征之博求賢能以為已助得風后於海隅得力牧於大澤以大鴻為佐天老為師署三公以象三台風后為上台天老為中台五聖為下台始獲寶鼎不爨而熟迎日推箕以封胡為將以夫人貴

修之子為太子用張若隰朋力牧容光龍紆倉頡容成大撓屠龍衆臣以為翼輔戰蚩尤於涿鹿帝師不勝蚩尤作大霧三日內外皆迷風后法斗機作大車以杓指南以正四方帝用憂憤齋于太山之下王母遣使披玄狐之衣以符授帝曰精思告天必有太上之應居數日大霧冥冥晝晦玄女降焉乘丹鳳御景雲服九色彩翠之衣集于帝前帝再拜受命玄女曰吾以太帝之教有疑可問也帝稽首頓首曰蚩尤暴橫毒害烝黎四海求救莫保性命欲萬戰萬勝之術與人除害可乎玄女即授六甲六壬兵信之符靈寶五帝策使鬼神之書制妖通靈五明之印五陰五陽遁元之式太一十精四神勝負握機之圖五兵河圖策精之訣復率諸侯再戰蚩尤于冀州蚩尤驅魍魎雜妖以為陣兩師風伯以為衛應龍蓄水以征於帝帝畫之遂滅蚩尤于絕轡之野中冀之鄉分四塚以葬之由是榆罔拒命又誅之阪泉之野比逐獯鬻大定四方步四極凡二萬八千里乃鑄鼎立九州置五

行九德之臣以觀天地祠萬靈垂法設教然後採首山之銅鑄鼎於荆山之下黃龍來迎乘龍昇天

### 孫夫人

孫夫人者三天法師張道陵之妻也同隱龍虎山修三元默朝之道積年累有感降天師得黃帝龍虎中丹之術丹成服之能分形散景坐在立亡天師自鄱陽入嵩高山得隱書制命之術能策召鬼神時海內紛擾在位多危又文道凋喪不足以拯危佐世年五十方修道及丹成又二十年既術用精妙遂入蜀遊諸名山率身行教夫人棲真江表道化甚行以冲帝永嘉元年乙酉到蜀居陽平化鍊金液九丹依太一元君所授黃帝之法積年丹成變形飛化無所不能以桓帝末壽二年丙申九月九日與天師於閣中雲臺化白日昇天位至上真東嶽夫人子衡字靈真繼志修鍊世號嗣師以靈帝光和二年歲在己未正月二十三日於陽平化白日昇天孫魯字公期世號系師當漢祚陵夷中土紛亂為梁

益二州牧鎮而將軍理于漢中魏祖行靈帝之命就加爵秩旋以劉章失蜀先主舉兵公期託化歸真隱景而去王子安陽平化碑云嗣師歸真有會證道茲山反霧移煙玄霄巨地馳鴻驛鳳白日昇天靈衛肅而上騰神儀杳而長驚西川者舊攀鳳翼而無階南國英靈仰龍髯而無逮即以上昇之日遂為齋祭之辰是也初夫人居化中遠近欽風禮謁如市旋以方調鑪鼎務在精嚴人物諠闐必慮褻瀆遂於山趾化一泉使禮奉之人先以其水盥沐然後方詣道靖號曰解穢水至今存焉天師垂法令人探石井水男女皆有應驗以為種子之法焉山有三重以象三境其前有伯陽池即太上老君遊宴之所後有登真洞與青城峨嵋青衣西玄羅浮洞庭諸仙山洞室徑邃潛通故為二十四化之首也

蠶女

蠶女者乃是房星之精也當高辛之時蜀地未立君長唯蜀山氏獨王一方其人聚族而居不相統攝往往侵噬恃強暴寡蠶女所居

在今廣漢之部亡其姓氏其父為隣部所掠已逾年唯所乘馬猶在女念父隔絕廢飲食食其母慰撫之因告誓於其部之人曰有能得父還者以此女嫁之部人雖聞其誓無能致父還者馬聞其言驚躍振迅絕絆而去數月其父乘馬而歸自此馬晝夜嘶鳴不復飲斲父問其故母以誓衆之言白之父曰誓於人也不誓於馬安有人而配偶非類乎馬能脫我於難功亦大矣所誓之言不可行也馬嘶跪愈甚速欲害人父怒射殺之曝其皮於庭中女行過側馬皮蹙然而起卷女飛去旬日復棲於桑樹之上女化為蠶食桑葉吐絲成蠶用織羅綺衾被以衣被於人間蠶自此始也父母悔恨念之不已一旦蠶女乘彩雲駕此馬侍衛數十人自天而下謂父母曰太

上以我孝能致身心不忘義授以九宮仙嬪之任長生矣無復憶念也言訖冲虛而去今其塚在什邡綿竹德陽三縣界每歲祈蠶者四方雲集皆獲靈應蜀之風俗諸觀畫塑玉女之像披以馬皮謂之馬頭娘以祈蠶桑焉

俗云閻其尸於樹謂之桑樹恥化為蟲故謂之蠶稽聖賦云爰有女人感彼死馬化為蠶蟲衣被天下是也陰陽書云蠶與馬同類乃知是房星所化也

彭女

彭女者彭祖之女孫也祖姓錢名鏗帝顛頊之女孫陸終氏之子舜舉之於堯臣能調羹進雉羹於堯堯以其善調味必能養生善養生必能養民遂封於彭城其道可祖彭人世世見之故謂之彭祖言彭地之祖也其地在徐州而彭祖得道不樂冲天周遊四海居蜀多年子孫繁衆故有彭山天彭彭門之名俱在蜀焉禮經云微瀘彭濮皆蜀地也導江有天彭山兩峯如闕相去四十餘步謂之彭門祖嘗隱焉因為號彭女亦得養生之道隨祖修行亦數百歲朝拜勤志晨夕不倦今彭女山有禮拜石有彭女五體肘膝拜痕及衣髻之跡深有僅寸每往來比平洞及此山并建為彭女化一旦彭女於此昇天其後置縣因山為號元和丁酉歲前進士湛賁立碑以

紀其事蜀紀詳載焉若豐沛之彭城即彭祖始封之地大彭之國雄為五霸之一也唐光化三年庚申五月有三鶴飛來共巢於彭女觀檜樹之上巢廣六尺刺史司空張琳具狀聞於蜀主西平王香燈致醮營修觀宇其夕神燈千炬飛照林嶺畫圖上奏下詔褒美仍編入唐史也

弄玉

弄玉者秦繆公之女也好吹簫時有蕭史者善吹簫公以弄玉妻之築臺以居焉弄玉吹簫十餘年能作鳳鳴鳳來止其臺上夫婦居臺上數年不下一旦隨鳳飛去於是秦公於雍宮作鳳女祠時有簫聲焉

園客妻

園客妻者神女也園客者濟陰人也美姿貌而良色人多欲以女妻之客終不娶常種五色香草積數十年服食其實忽有五色蛾集於香草上客收而薦之以布生華鬚焉至禁時有一女自來助客養蠶亦以香草飼之蠶女養蠶既壯得繭百二十枚繭大如甕每一

繭絲六七日乃盡絲訖此女與園客俱去濟陰今有華蠶之祠字焉

昌容

昌容者商王之女也修道於常山食蓬蘽根二百餘年顏如二十許能致紫草賣與染家得之者色加倍好得錢以救貧病者往來城市世世見之遠近之人奉事者千餘家竟不知其所修之道常行日中不見其影或云昌容能鍊其形者也忽乃冲天而去

漢中酒婦

漢中關下酒婦者不知何許人也亦不知姓氏忽遇卜師呼子先者不知何許人也年可五十餘云已數百歲酒婦異之每加禮敬忽一旦來謂婦曰急裝束與汝共應中陵王去是夜果有二人來持二茅狗一與子先一與酒婦俱今騎之乃龍也相隨上華陰山上常大呼云子先酒母在此比日題有仙聖之道矣

女几

女几者陳市上酒婦也作酒常美仙人過其

家飲酒即以素書五卷質酒錢几開視之乃仙方養性長生之術也几私寫其要訣依而修之三年顏色更少如二十許人數歲質酒仙人復來笑謂之曰盜道無師有翅不飛女几遂隨仙人去居山歷年人常見之其後不知所適今所居即女几之山也

河間王女

河間王女者乃玄俗之妻也玄俗得神仙之道來往河間已數百年鄉人言常見之日中無影唯餌巴豆雲母亦費之於都市七九二錢可愈百病河間王有病買服之下蛇十餘頭問其病意答言王之所病乃六世餘殃所致非王所招也王昔嘗放乳鹿即麒麟母也仁心感天同當遇我耳王家老舍人云常見父母說云玄俗日中無影王召而視之果驗王女幼絕葷血清靜好道王以女妻之居數年與女俱入常山中時有見者

采女

采女者商王宮女也少得養神之道年二百七十餘視之如十五六歲耳初王聞彭祖有

道拜為大夫封之於彭每稱疾閑居不預政事服雲母粉麋鹿角雲母水桂常有少容性沉靜不自言有道士詣問訊竟莫之告遺以珍玩皆受以恤貧乏略無所留王於掖庭立華屋紫閣飾以金玉使祖居之令采女乘輜駟問道於彭祖采女再拜請問延年益壽之法答曰舉形登天上補仙官者當服元君太一金丹白日昇天也此道至大非君王所為其次當愛精養神服食草藥可以長生但不能役使鬼神乘虛飛行耳其次陰陽運炁導引屈伸使百節悉行關機無滯此可以無疾痛所侵而後思神念真坐志練液皆可以令人久壽若二炁交接之道汭流補腦之要此甚難行有懷棘履刃之危又非王之所為也吾所聞淺薄道止於此不足宣傳也大宛中有青精先生千歲而色如童子或終歲不食或一日九餐可以問其道也采女曰青精先生何仙也答曰此乃得道耳非仙人也仙者或竦身入雲無翅而飛或駕龍虎上造太階或為鳥獸浮遊青霄或潛行江海翔翔名山

或服元氣或茹芝英或出入人間或隱跡林莽面生異骨體有奇毛感好深僻不交流俗者若以人之修身當食甘珍服輕麗處官秩通陰陽耳目聰明骨節堅強顏色神澤老而不衰延年久視長在世間寒濕風溫不能傷鬼神衆精不能害五兵百蟲不能中憂喜毀譽不能累此乃可貴耳人生於世但養之得宜可至百二十歲不及此者皆傷之也大醉大飽大喜大怒大溫大寒大勞大極皆傷也至樂至憂至畏至怖至撓至躁至奢至淫皆傷也甚飢甚渴甚思甚慮亦傷也久坐久立久臥久行亦傷也寒溫得節飢飽適宜無思無為惟清惟靜此可與言修身耳已得其壽復養之得宜可二百四十歲四百八十歲但莫傷之也冬溫夏涼不失四時之和者所以適身也美色淑姿不至思欲之惑者所以通神也車服威儀知足不求者所以一其志也八音五色不至於耽溺者所以運心也凡此之物本以養人人之不能斟酌得中反以為患故聖賢垂戒懼下才溺之流遁忘返用

之失所故修道之士皆令禁之欲以檢制之易也故曰上士別床中士異被服藥百裘不如獨臥色使目盲聲使耳聾聲令鼻塞欲致心蕩味令口爽苟能節宣得所用之得宜不減年壽必得其益此者譬猶水火用之過當反為害耳人不知經脈損傷血氣不足內理空踈髓腦不實體已先病故為外物所犯因風寒酒色以發之耳若本充實豈有病耶凡遠思羨願傷人憂患悲哀傷人情樂過差傷人忿怒不解傷人汲汲所愛傷人戚戚所患傷人寒暖失節傷人陰陽不交傷人所傷者衆而獨責房室為傷可謂惑矣是以男女相成猶天地之相生也所以導養神炁使人不失其和夫天地晝離而夜合一歲之中三百六十交故四時均而萬物生生生成成不知窮極所以天不失其動地不失其靜氣不失其和物不失其生而能長久也夫人不能法天地之常而獨執一隅單景孤形減衣絕食自取死病愚之甚也去此修攝節宣之外則有服元和之炁得其道則邪神不能入此理

身之本也餘舍景思神歷歲導引吞餌服御之事千七百餘條及四時首向貴已謝過取起早晏之法可以教初學之士引進向善之門漸正其心而徐息其罪咎非便能教人得道也若血脉枯竭神炁凋敗豈思神念真而能守之固未知其益矣此由愚人為道而求其末不務其本也又內不養神外則勞形元精漸虛神炁困竭而晝夜伏勤誦讀經訣此亦無益也既久不蒙效則怨道無驗恨古人欺我此又非也我師云節解鞋形無為九室諸經萬三千首皆示以始涉之門庭耳采女具受諸要以教王王試為之皆有驗王行彭祖之道亦壽三百餘歲但不能戒其妖淫耳其後采女亦不知所之蓋是得道者也

### 太陽女

太陽女者姓朱名翼得內修之要吐納之益敷演五行之道用之深妙行之甚驗年二百八十歲顏如桃花口如含丹肌膚充澤眉鬢如畫光彩射人視之如十七八者奉事絕洞子絕洞子姓李名脩能寅龍申虎之術著書

四十篇名曰道源在人間已數百歲翼事之甚勤盡得道要戒之曰我之所修以柔勝剛弱制強行之者謹敬為本如臨深履危御奔乘驚差之毫釐喪爾之榮勤而守之可以長生矣其後鍊金液之丹丹成服之而俱得昇天

### 太陰女

太陰女姓贏名金為人聰達智慧過群學玉子之道雖得其法未能精微明無其師乃當道沽酒密訪其師焉會太陽子過之飲酒於其肆見女詞旨閑雅禮節恭謹乃嘆曰彼行白虎騰蛇我行青龍玄武天下悠悠知者為誰女聞之喜使妹問客土數為幾對曰南三北五東九西七中一耳妹還報曰客大賢者至得道人也我始問一已知五矣遂請入道室進名饌嘉饈而享之以問長生之要太陽子曰共事天帝之朝俱飲神光之水登玉子之魁綱禮五行之祕寶唯賢是親豈有所恪遂教以補導之要授以蒸丹之方合服得仙時已二百歲矣有小童之容也太陽子姓禹

名明與王子為親友王子得道太陽子師而事之曲盡服勤之禮玉子門徒三千餘人唯太陽子終日昏醉三百餘年竟不精鍊玉子謂之曰汝富理身養命為眾賢之師而低迷大醉功業不修大藥不合雖得千年猶不免死此凡庸所不為況於達者乎乃改節鍊丹丹成服之仙去在世五百餘年常有少容玉子姓章名震南郡人也周幽王知其有道徵之不出遂隱山得道也

### 太玄女

太玄女姓顯名和少喪父或相其母子皆曰不壽惻然為憂嘗曰人之處世一失不可復得一死不可復生況聞壽之限促非修道不可以延其生也遂行訪明師洗心求道得玉子之術行之累年遂能入水不濡盛寒之時單衣冰上而顏色不變身體溫暖可至積日又能徙官府宮殿城市屋宅於他處視之無異指之即失所在門戶積櫃有關鑰者指之即開指山山摧指樹樹折更指即如故將弟子行所到山間日暮以杖叩石即石開入其

中屋室床机幃帳廚廩供酒食如常雖行萬里所在常爾能令小物忽大如屋大物忽小如毫芒或吐火漲天虛之即滅又能坐炎火之中衣履不燃須臾之間或為小兒或為車馬無所不作行三十六術甚有其效起死迴生救人無數不知其何故所服食亦無得其術者顏色益少鬢髮如鴉忽白日昇天而去

樊夫人

樊夫人者劉綱之妻也綱字伯鸞仕為上虞令亦有道術能檄召鬼神禁制變化之道亦潛修密證人莫能知為理尚清靜簡易而政令宣行民受其惠無旱曠漂墊之害無疫毒驚暴之傷歲歲大豐遠近所仰服日與夫人較其術用俱坐堂上綱作火燒客確舍從東而起夫人禁之火即便滅庭中兩株桃夫妻各呪一株使之相鬪擊良久綱所呪者不勝數走出於籬外綱唾盤中即成鯽魚夫人唾盤中成蠶食其魚綱與夫人入四明山路值虎網禁之虎伏不起適欲往虎號之夫人徑往其前虎以面向地不敢仰視夫人以繩縛

虎牽歸繫於床脚下綱每共試術事事不勝將昇天縣廳側先有大皂英樹綱昇樹數丈力能飛舉夫人即平坐床上冉冉如雲氣之舉同昇天而去

東陵聖母

東陵聖母者廣陵海陵人也適杜氏師事劉綱學道能易形變化隱見無方杜不信道常恚怒之聖母或行理疾救人或有所之詣杜恚之愈甚告官訟之云聖母姦妖不理家務官收聖母付獄頃之已從獄窬中飛去衆望見之轉高入雲中留所著履一緇在窬下自此昇天於是遠近立廟祠之民所奉事禱祈立效常有一青鳥在祭所人有失物者乞問所在青鳥即集盜物人之上路不拾遺歲月稍久亦不復爾至今海陵海中不得為姦盜之事大者即風波沒溺虎狼殺之小者即病傷也

西河少女

西河少女者神仙伯山甫外甥女山甫雍州人入華山學道精思服食時還鄉里省親

族二百餘年容狀益少每入人家即知其家先世已來善惡功過有知目擊又知將來吉凶言無不中見其外甥女體常多病將藥與之女服藥時年已七十稍稍還少色如嬰兒漢帝遣使者行經西河於城東見一女子皆一老翁翁頭鬢皓白跪而受杖使者怪而問之女子答曰此子是妾兒也昔妾舅氏伯山甫得神仙之道隱居華山懸妻多病以神藥授妾妾服之漸復少壯今此兒妾令服藥不肯致此衰老行不及妾妾乃恚之故與杖爾使者問女及兒年各幾許女子答曰妾年二百三十歲兒年七十矣女亦入隱華山得仙而去

壩城集仙錄卷之六



太上老君戒經

力一

戒上

老君西遊將之天竺

周幽王之末也周而西之子天竺天竺國名也事出玄妙內篇

以道德二經授關令尹喜喜受經畢又請持身奉經之法

授經之事具載記傳此略序請戒之端耳

受經既竟理應宣通故重請奉經持身持身之法備在經文但文旨深微非始學便

曉故別請其要以斬後語者也

老君於是復授喜要戒普令一切咸持度世

謂但持戒去惡自得度世然持戒者乃為奉經奉經者必在求道今既聞奉持之法

且舉戒而言也

於是說頌三章

頌者美其事也明持戒奉法並為道之因

故先誦其宗致以悟始學令知其指歸也

初章明持戒所得身心福漸次章明其法

既善家國咸興天人同慶後章明自漸之

太上老君戒經

太上老君戒經

深理窮於經經理既窮乃至成真故有三章也

樂法以為妻

妻者栖也謂相依栖也陰陽摩氣人倫之道莫不由夫妻生我者矣樂者謂並有待而相樂也一切眾生咸知樂妻若栖心法教則無待返偶而生理自足又明樂法能如樂妻則能持身奉經也

愛經如珠玉

法語其所宗經指其所學愛者實愛也世之所寶莫過珠玉而世寶無益於心經法有永於得故令學人去彼而取此也

持戒制六情

六情者六欲也眼欲淫色耳欲淫聲鼻欲芬芳舌欲脂味身欲柔滑意欲放汰如此六事皆成乎心故為之情也並是三塗惡業故制而去也若不檢制縱恣六情生為世人所惡死為鬼之所迫也

念道道所欲

戒以防外念心攝內攝由念道念道則

所欲外亡西昇經云道之微心子未能別撮取於要慎戒勿失先損諸欲莫令意淡即此戒者也

淡泊正氣庭

人之所以躁競者由是六情之所使也若持戒念道則六情澄靜神安氣正邪惑所不能擾庭者黃庭也

蕭然神靜默

蕭然無欲也靜默內定也

天魔並敬護

魔謂五帝大魔也領人生死在六天之上若持戒奉法終獲真仙則超於三界故並為其所敬護也魔有四種餘三在人身中故曰天魔

世世受大福

謂持戒念道眾惡不生善因日建雖經生死今身後身常在福中及至成道故云大也

警警家國盛濟濟經道興

謂持戒之福命無天傷見世昌盛子孫繁

茂有家有國遠至十方莫不鬱然而感者  
也

天人同其願

天謂天上仙人也人謂世中人也言持戒奉  
法始在人中受報生天進業人中受報生

天進業乃至上清是故天人同其願也

飄渺入大乘

大乘謂上清法也緣宸必至妙階漸自之  
深既離世昇天從天之上故云飄渺飄渺  
猶勢飄然也飛騰之貌矣

因心立福田

福者善之果也為福之因不由於他己心  
即福田也若修身奉法眾惡自除猶如治  
田去其草穢草穢既盡自復良穀者也  
靡靡法輪升

靡靡猶漸漸也福既積則法輪漸升之也

七祖生天堂

身獲道真七祖蒙慶

我身白日騰

持戒志道功成德就之所至也

大道洞玄虛

一切諸法皆稱為道乃有百官及萬八千  
種並是六天及三界之道大道者无形无  
象洞玄虛道無不在理無不應故云大也  
有念無不啓

啓謂感也此明持戒念道有心即感念念

不止以至成道莫非念力

練質入仙真

欲多則神濁氣清則質練練質成真莫不  
由戒

速成金剛體

言其表裏堅具无復朽敗者也

超度三界難

欲界色界無色界此三界生死輪轉無休  
恒與三塗對治故云難也非成真莫能  
超者也

地獄五苦解

五苦是地獄中寒地火車鑊湯刀山劔樹

也解脫既超三界無復苦緣也亦謂五道  
為五苦者也

悉歸太上經

上清法也衆法所窮故云歸太上經也

靜念稽首禮

誦說既竟法緣略顯今將說戒故令靜念  
稽首而受也

於是尹喜聞說頌已稽首而立請受戒言

老君曰第一戒殺第二戒盜第三戒淫第四  
戒妄語第五戒酒是為五戒若清信男清信

女

若有男女發心受戒便得清信之號

奉持五戒畢命不犯

謂持戒至于命終而不能犯也

是為清信男清信女

向發心即號清信若中途虧缺則清信心  
廢唯盡命不犯來生又受福果則全清信  
之理故重云爾

老君曰戒殺者一切衆生含氣以上翾飛蠕

動之類皆不得殺

蠕動之類無不樂生自蚊蟻蝨蚋咸知避  
死也

老君曰戒盜者一錢以上有主無主非己之物皆不妄取

在地地官在水水官在人人主如是則無無主之物此言無主者謂當時無誌護也老君曰戒煙者非夫婦若出家人不妻不娶若男若女皆不得犯

夫妻雖非犯戒過亦為姪犯老君曰戒妄語者若不聞不見非心所了而向人說皆為妄語

所說事與心相違也復有綺言詭曲反覆兩舌在後戒也

老君曰戒酒者非身病非法禮皆不得飲身病謂已身疾必應以酒也法禮者明非世俗饌會及鬼神之酢若尊卑之禮真靈之饗則不至於失之者也

老君曰是五戒者持身之本持法之根身本無惡緣惡持戒心淨身清可以奉法故曰法根者也

善男子善女人前章云清信者明受戒改惡乃得此號此

言善者謂生而善也是稟業所得非持戒而起

願樂善法一切法也緣有宿善故能願樂受持終身不犯

犯為虧缺不全首尾毀為毀慢生不信心是為清信得經得法永成道真

夫得經者不必能修行能修行者乃為得法耳得法則得道故云永成永謂遠者也

於是尹喜聞受既已已謂已畢也聞說戒言而親受之非如五

千是老子自出再拜而問何故有五言人之為惡其事萬萬方皆應防戒今何故止說有五也

老君曰五者攝一切惡言一切衆惡皆起此五若持此五戒則衆惡悉絕也

猶天有五精以攝萬靈五精星也靈謂神靈

地有五行以攝群生

金木水火土也群生所稟莫不資之人有五藏以攝神明

人所以有神明之識者由於五藏也六情五欲各有所生故以五戒對而治之明此

五戒自天至人三才之本非始有也戒者防也防其失也

未失則防而不為既失則戒而不犯皆是防其義者也

失而不防則三塗盈逸天人虛空

不防其失則縱惡日多惡緣報對則充滿三塗三塗既盛則鬼道橫逸夫一切衆生皆有定數三塗既滿則天堂虛空生人成少也是故五也

明五戒根本所由如此也尹喜曰大乎戒也何故失耶

既聞斯旨方歎其大言有此戒其來久矣云何衆生猶有此失老君曰本得無失既失而得亦無所失

本得無失謂前身過去已得此戒故於今身而無失也而今身有失者前身無戒或有而違犯故有失耳雖為有失而於今身得受持者則見生無失後身復善故既失而得亦無所失前頌云世受大福即此義也尹喜所問一失而併舉三失答之是對其後問頓顯前身此生後身也明人稟道本自無失義見經中也

尹喜曰敢問其本

得失既顯事理須明故却問其本以求其

未也

老君曰今當為爾具說其本

順其所問而言其所以故云具

諦聽諦聽受持普為一切之所知也

諦聽戒其關失諦受使無漏妄然後可令

一切咸得知聞

尹喜再拜恭立而聽

恭立者即今長跪也

老君曰五戒者天地並始萬物並有

舉其本也夫有天地則有萬物有萬物則

有得失有得失則有法戒之者也

持之者吉失之者凶

善果為吉惡對為凶吉凶之事悉備後章

過去成道莫不由之

言凡得道者莫不緣於戒者也

故其神二十五也

五五之數也內經有二十五神是人身之

靈上應天真而鎮在人身持戒身清則其

神常安

經文五千是其義也

謂失之事備在五千而後此戒者特應尹

喜所請耳

老君曰五戒者在天為五緯

東曰歲星西曰太白星南曰熒惑星北曰

辰星中央曰鎮星也

天道失戒則見災祥

五星各位一方行度氣色並各有常若天

運失和陰陽愆戾皆非其分度而見妖微

故經云天無以清將恐裂裂謂王者失德

陰陽地裂五緯返常也

在地為五嶽

東曰太山南曰衡山西曰華山北曰恒山

中央曰嵩高山也

地道失戒則百穀不成

五嶽各鎮其方風雲水雨之所由也若地

道失戒則疾風漏水曠旱之災百穀不實

也一切草木皆謂之穀經言地無以寧將

恐發謂山崩川竭萬物災傷皆由王者咎

先見兆於天次降災於地也

在數為五行

東方木九南方火三西方金七北方水五

中央土十二雖中央而位在四季

五數失戒則水火相薄金木相傷

五數推移四時以成若其有失則災厲刀

兵西昇經曰五行不相剋萬物盡可全也

在治為五帝

東方太皞木南方炎帝火西方少皞金北

方顓頊水中央黃帝土也

五帝失戒則祚天身亡

五帝為帝王更治五行相生隨方受任若

夫戒暴虐則國祚不長身不獲壽也  
在人為五藏

肝屬木心屬火肺屬金腎屬水脾屬土也  
五藏失戒則性發狂

所行過惡則五藏失神五藏失神則令人

性狂狂謂僻也尋五戒以防五惡為惡各  
有所生但一惡便使性狂不待五也今言

五者總其數耳經云馳騁田獵令人心發  
狂心為五藏之主故舉其一也故後章云

失一則命不成又尋戒首自天及人皆云  
失戒而致災祥者明為患之起起自由人

是以帝王有慶兆民賴之如有不善則天  
下受殃故知三才等治得失必同又自天

至人雖有五條為失之本在人而已故次  
章云戒於此者而順於彼也

老君曰是五者戒於此而順於彼

謂上來五事悉在於人故云戒於此也順

於彼者理也夫患之所生由於違理若順  
理而行復何戒乎明為戒於過耳若過而

不戒禍患之興豈可豫也

故殺戒者東方也受生之氣尚於長養而人  
犯殺則肝受其害

氣數相感自內于外肝主長養故一切咸  
知慕生懷殺之性則逆氣衝肝肝氣凶壯

還自災身故云害也

盜戒者北方也太陰之精主於閉藏而人為  
盜則腎受其殃

腎為太陰陰主閉藏故一切咸知收斂而  
人為盜則腎氣為傷故云殃也殃者積惡

之應者也  
姪戒者西方也少陰之質男女貞固而人好  
姪則肺受其殃

肺為少陰金性堅貞故男正女潔而人好  
姪則肺氣枯竭故云殃也

淫則肺氣枯竭故云殃也  
淫則肺氣枯竭故云殃也

酒戒者南方火也太陽之氣物以之成而人  
好酒則心受其毒

心為一身之主以成乎人是太陽之氣也  
好酒之人則毒衝于心藏府荒廢以致迷

喪者也

妄語戒者中央土德信而人妄語則脾受其  
辱

脾屬土土信而有恒故言德也人之稟性  
以信為本而人妄語則辱歸於己脾總人

身為義也

五德相資不可虧缺  
虧謂廢也缺謂傷也言人受生必備此五  
德五德無虧則終享福吉故云不可虧缺

者也  
老君曰此五失一則命不成

向辯人身各有所生此名毀犯虧缺之咎  
故云命不成命不成者謂不全其性分及

天年也元命包曰行正不過得壽命壽命  
正命

是故不殺者乃至無有殺心

夫殺心之起起於不戒遂至增甚今言乃  
至無有殺心者自微自防也自有雖不手

殺或因人行殺或勸人行殺或看人行殺  
或使人行殺而心不為惡皆同於殺也所

以然者皆由有殺心若其不戒終不能成

就者也

不盜乃至無有邪取

謂貪盜之人始於小竊小竊不戒遂至大

取或因公私或憑法招物或依恃勢力

封山畋澤或誘說癡愚以役其力如此而

得皆非正理同於盜故云乃至無有邪取

明非正偷盜也貪婪皆是者也

不姪乃至無有邪念

姪者皆由放恣或男或女情慾不一尋五

戒之重莫過於姪亡身喪家故不復論又

有不畏罪網因法媾慾外託奉道內實姪

濁如斯之徒實為巨惡故云乃至無有邪

念自非夫妻而行姪者皆為邪也

不酒乃至無有勢力

夫酒致過或因尊上之所勸逼遂至亂失

今以戒自持雖有勢力亦不違犯酒之傷

人如火不救逾多逾盛不極而不止者也

不妄語乃至無有漏泄

真實之心則無私惡無私惡故無有隱諱

無隱諱復何漏泄也

如是可謂成也

前云失一則命不成是理未曲備今既重

說其義租顯故云如是可謂成也

老君曰戒中姪酒能生五惡

姪則奢奢則貪貪則盜盜則欺欺則懼懼

則殺此並姪之所能至也酒能發狂又能

姪太清經云人身有三萬六千蟲皆在五

藏皮膚之中飲酒則諸蟲蠢動蠢動則衆

惡興衆惡興則無所不為故云能生五惡

也

戒者戒惡也惡世之中男女謹姪惟於骨肉

謹謂雜也惟謂犯也言姪慾之心人乃至

不避姓族因法混雜無復分別者也

上慢下暴毀蔑天德

上慢天靈為蔑下相殘害為暴之者也

沈酗爭訟禍命辱身

沈猶耽也狂酒日酗對關為爭訴理為訟

害命為禍陷身為辱也

妄詐欺誑罔有所由

妄謂妄語詐謂詐偽欺謂妄詐之人要求

財利不顧在此三者也

六親相盜非但於他

夫婦父子兄弟六親也言為盜者非但於

他乃至子盜於父婦盜於夫兄弟相盜無

所不為

殺害衆生利養身口

殺生治病為養身害供廚為利口也

如此等輩見生受業永墜諸苦

生不受戒唯惡是行惡業增長則淪三塗

備加五惡無有休限

其有五惡者則入地獄備五苦之報無有

休息及年限也經云三塗受報近者一劫

如有出者

言其受對或有輕重如有得竟還生人中

者也

當在邊夷短命傷殘

邊夷俚獠也其人相食此謂殺害之報受

生此地若生中國則短命及形體不具

夫婦醜惡及不貞廉

姪報也醜謂可憎惡謂弊惡不貞為姪不

廉謂貪也

貧窮凍露在處不安如有財富為人所奪

盜報也凍露謂居無屋宅不安謂飢寒不

立縱有財物則被劫奪以償先債也

言說不信人所不親

妄語報也其所言說是之與非人皆不信

既無信義寧得親友也

意慮空塞眾所慢輕

酒報也生既昏濁死無神明此之受身宜

得清靜故人所輕慢

老君曰清信男清信女奉持戒行見世安樂

無有憂惱

奉戒持行所志者道眾惡既消長與善會

復何憂惱哉夫憂惱者由於惡行故與惡

相牽耳豈有不為而至者邪

眾所恭敬

不姓則為眾所敬也

見者惟喜

無復殺心故一切見之莫不惟喜者也

常蒙利養

不盜也既無邪取則人樂給與也

一切歸仰

不妄語也所言必實誰不歸仰

其智深微

不飲酒也則思慮安靜入於深微

處在清靜四大完堅

既受此五報行止所在人所敬愛常清靜

不雜凡穢四體也外思不加則內府無傷

表裏堅密萬病不生也

故能修集眾法以成道真

前明無戒惡緣果報此明奉法見世受福

乃至成道莫不由之又明為道必修集眾

善乃得成真故以法明道以真明人者也

尹喜再拜曰敢問受持之法

受當為授戒法既備次問授持之儀也更

起諮詢故再拜而請

老君曰若男子女人聞法生信歸身三寶

此直云男子女人者總謂始發心也法謂

戒法也三寶亦曰三尊亦曰三師謂太上

之法太上之法傳太上之法是為三也故

太上為萬法之主傳法者為眾學之師老

君即此法之師餘法各隨所出

即時稽顙

言有欲發心者即時授與不待依違辯其

由來所以者何戒本去惡但令有心何論

往行且人心多惑自有善機變起迴復速

悔故承機而授不待終日也

歸身大道歸神大道歸命大道

此三歸者謂身有善惡神有恐怖命有壽

天蓋一切眾生之必有也今以此三悉歸

於道者謂受行法戒一則生死常善不墮

惡緣二則神明強正不畏邪魔三則見世

長壽不遭橫夭歸雖有三其實一也向言

歸身三寶是法此言大道是常即前頌云

玄虛之道

男子女人

稱姓名以告誓

捨世邪法

捨猶離凡世間所為悉是邪法

奉持正戒

如手持物恒畏遺失

盡身盡命終不毀犯

身語其行命言其識故盡犯二邊而不毀

慢及虧犯也

於是讚誦恭心而受

讚誦五戒之事也謂受之身三歸既竟於

三寶前稽顙自誓一一受解然後授之恭

心者如對神也

老君曰若復男子女人受正戒已進求經法

謂五千文者也

先當受戒

向言受戒已今復云先當受戒前是受經

之時更復說戒若經戒具受故宜先受戒

一一堅淨然後授與

辯教已持戒者若有漏失許其自新明知

所以更授者也

旦暮恭心不怠時即

朝夕禮事雖復飢寒亦不闕廢此是奉經

之法也

月修十直

月有十齋日也

羊用三齋

一年用三月長齋也

誦經萬遍白日登晨

聞讀曰誦晨者真仙之域也用此齋直誦

經萬過則獲飛仙西昇經云羅縹妙言內

意不出誦文萬過精誠思徹此之義也十

直三齋別自有經也

若為人數說宜通妙義大利衆生乃拔三塗

一切諸苦

敷揚講說開導未悟則功德廣濟三塗救

拔也

以是功德能斷宿命無量諸根得昇上清無

復退墮

功圓德備則生死根滅上清之道無復退

轉此略明學道之所至也始自持戒終於

無為舉大法之始終者也

老君曰清信男清信女在家出家受持經法

願樂神仙日夜誦讀求諸妙義

謂無為至理也

去諸諠雜調心制性

謂即世學也夫上士學道在市朝下士遠

處山林山林者謂垢穢尚多未能即諠為

靜故遠避人世以自調伏耳若即世而調

伏者則無待於山林者也

柔顏善氣勸諸男女

心麤則貌強意驕則言惡若和顏軟語則

見者親愛不生忿心也

遠離五惡受持五戒供養三寶

既知至妙之理又能分別善惡則以我所

得為敷說勸令捨離諸惡緣也

取令成就不擇甘苦

識有利鈍性有善惡曲已順彼取令入道

不為身利不辭屈辱此為教也

若具持大戒苦行精勤布施忍辱捨身救物

謂修行者也大戒為百八十太清等戒若

四明科禁衆仙大忌皆是學真之具法也

精進慙謂匪懈布施凡來求無不給與不

吝財賄不問有無忍辱謂受辱不言乃至

打罵亦無嗔恨捨謂見諸危難決往救不



顧身命若見凍餓剔身給與不待有求是為捨也

若復離世獨往幽栖專想至寂衆難不驚

謂耽神者也離世山栖以避諠濁獨往無群無復他念專謂志一想謂思神至之者

也寂謂定也此專定心智定內安非復外難榮辱所驚也

必至無為

言修此等行必果無為之真也

尹喜曰奉經有犯手

持戒善惡既備於前夫知奉經凌犯罪失

云何此總問衆經非止五千也前頌云悉

歸太上經此後又明破法及授受之難推

此故知也斯乃尹喜相質發故令出罪福之事耳

老子曰十有三者也

經云生之徒十有三死之徒十有三言奉

經順法則獲長生違戒犯惡則動之死地

既答所問罪失故直云十三也

尹喜曰何謂也

問十三之事也

老子曰爾諦聽之

既更有所明故復戒

十有三者六塵六識皆由於心

六塵謂六入也以其所入能穢染正性故

言塵也六識即六入之根能起分別故云

識也心為其主是為十三下卷具解凡致

惡之由因十三起入善之由因十三滅入

善為生為惡而死死生之謂非止此身也

謂修善不已以至成道成道之日豈得非

生故經云出也為惡不息遂淪地獄豈非

死乎故經云入也

是故淫貪疾恚

淫之所起由於色取故在十三之端夫淫

必有貪而貪者不必皆淫然貪之為病非

但在於富貴乃至貪名貪世不欲人在己

先病者妬嫉也嫉彼而勝我也恚謂嗔恚

也貪嫉既起嗔恚自生者也

欺盜妄詐

違戒取物是為欺盜謂欺心者也自詭要

時是為妄詐是用權數苟得者也所謂民之賊矣

綺言兩舌

辭非而譚謂之綺言反覆是非是為兩舌

皆緣欺詐而有

諂利持權

口忌災崇明言禍福卑辭高物以要利入

是為諂也憑恃時威自我制物是為權也

夫諂之甚者乃至祈神祭鬼以求曲祐也

溷集破法

男女無別為溷破法者謂有此等事也始

則貪姪終於混集並皆相因而至之也

非清信也

如此皆之死地尚非清信况復奉經者乎

天網不失

引經明事也夫天網雖疎報對之理必無

遺失也

生死無地

生謂見報死謂考對無地可逃也答所問

十三畢此以下乃明罪報也

如此等人非其智分

由無智識起諸罪業故於法無分也

滌淨至法毀廢善根

法法相傳如樹有栽生長不絕是為善根

如此惡行日相深漬善根豈得不廢

不為善人之所知識

所行既惡則惡惡相和愚下之類自多黨

善人謂才識高明德勝者也

備眾生身

皆由前緣無有慧業故令今生得此愚癡

夫言愚癡者謂造諸惡業也非謂無所解

矣生既無善死墮三塗受眾生身眾生萬

等各隨緣報而備得其身者

種於姪慈無所憎避

眾生所以繁多由其種類姪慈故也謂因

法行姪而受此報猶雞犬等在於人中無

所避就得類便為亦無憎愛皆由前業之

所行者也

常懷怖畏

因往貪取之報也餓鬼之中復有萬品雖

云是餓有時得足此言無足者便是未嘗  
飽飽也

若在地獄五痛無間

地獄受苦有時而息此言無間是時無休  
息也五痛猶五苦也明三塗報應如此

如此受身備諸苦惡

三塗報盡出生人中則形體不具備諸殘

疾或瘡痒疥癩可惡之極者也

物所懷惡

非但於人乃至畜生亦有憎惡

無有救治

疾既可惡則人無治者此是穢慢滂法之

報應也

生死輪轉無聞無見

無聞謂不信法教無見謂不值善緣此總

明十三破法之罪生死所之也

皆由一念中生至無數念其對無窮

夫為惡者始起原無大

太上老君戒經

老君音誦誠經

力二

老君曰煩道不至至道不煩按如修行諸男

女官見吾誦誠科律心自開悟可請會民同

友以吾誦律著按上作單章表奏受誠明慎

奉行如律令

老君曰道官錄生初受誠律之時向誦經八

拜正立經前若師若友執經作八胤樂音誦

受者伏誦經意卷後訖復八拜止若不解音

誦者但直誦而已其誦律以兩若相成之常

當恭謹若展轉授同友及弟子按法傳之明

慎奉行如律令

老君曰道官錄生未使寫經誦律脫誤增損

一字有不得抄撮寫誦三紙二紙不說卷首

使科律不具災當及身吾此科誦自有典事

之官隨經誦監臨明慎奉行如律令

老君曰吾漢安元年以道授陵立為係天師

之位佐國扶命陵以地上苦難不堪千年之

主者求乞昇天吾乃勉陵身元元之心賜登

昇之藥百鍊之酒陵得昇雲躡虛上入天官

從陵昇度以來曠官實職來久不立係天師

之位吾使諸州郡縣土地真官注氣治理鬼事領籍生民戶口不用生人祭酒理民濁亂之法而後人道官諸祭酒愚闇相傳自署治籙符契錯經法濁亂清真言有三百六十契今能使長生鬼神萬端惑亂百姓授人職契錄取人金銀財帛而治民戶恐動威逼教人脫額匹帛牛犢奴婢衣裳或有歲輸全緡一匹功簿輸絲一兩衆雜病說不可稱數妄傳陵身所披黃赤房中之術授人夫妻淫風大行損辱道教有祭酒之官稱父死子係使道益荒濁誠曰道尊德貴惟賢是授若子胤不肖豈有繼承先業有祭酒之官子之不肖用行顛倒逆節縱橫錯亂道法何有承係之理者乎鐵券首云父死子係何是近世生官王者之法制耳吾今未立地上係天師正位據聽道官愚闇相傳自署治籙諸道官祭酒可簡賢授明末復按前父死子係使道教不顯吾論一事吾豈死有子孫係吾老君天師之後天道無親惟賢是授明慎奉行如律今老君曰吾得嵩嶽鎮土之靈集仙官主表聞

稱言地上生民曠官來久世間修善之人求生科福尋緒詐偽經書修行無效思得真賢正法之教宜立地上係天師之位為範則今有上谷寇謙之隱學嵩嶽少室精鍊教法術知人鬼之情文身宜理行合自然未堪係天師之位吾是以東遊臨觀子身汝知之不乎吾數未至不應見身於世謙之汝就係天師正位並教生民佐國扶命勤理道法斷發黃赤以諸官祭酒之官授人治籙符契取人金銀財帛東雜功晚願盡皆斷禁一從吾樂章誦誠新法其偽詐經法科勿復承用謙之受誠二宿三日掬尋窈冥之情老君名謙之臨言臣以蒙覆愚而不進有不賜長生神藥不能役使鬼神何能化惡為善消災伏異師範之則願道哀念賜存生命須老君出於世之時得有神藥之應皆道氣入身乃敢受係天師之位願錄愚誠老君曰吾以汝受天官內治領中外官臨統真職可比係天師同位吾今聽汝一讓之辭吾此樂音之教誠從天地一正變易以來不出於世今運數應出汝好

宜教誠科律法人治民祭酒按而行之奉願誠約之後吾當初下九州四海之內土地真官之神騰籍戶言其有祭酒道民奉法有功然後於中方有當簡擇民錄名文昌宮中若道官祭酒不開教化者導及養生之術有疑事不了汝當與決之分明順奉行如律今太上老君樂音誦誠今文曰我以今世人作惡者多父不慈子不孝臣不忠運數應然當疫毒臨之惡人死盡吾是以引而遠去乃之崑崙山上世間惡人共相魚肉死者甚多其中濫枉良善吾愍之辛苦時復東度覆護善人九州四海之內土地真神五嶽官屬盡集對各說土居好德異同林言事實稱今世人惡但作死事修善者少世間詐偽攻錯經道惑亂愚民但言老君當治李弘應出天下縱橫返逆者衆稱名李弘歲歲有之其中精感鬼神白日人見惑亂萬民稱鬼神語愚民信之誑詐萬端稱官設號蟻聚人衆壞亂土地稱劉舉者甚多稱李弘者亦復不少吾大曠怒念此惡人以我作辭者乃爾多乎世間愚

癡之人何乃如此吾治在崑崙山山上臺觀  
 衆樓殿堂宮室連接相次珍寶金銀衆香種  
 數雜合錯飾蘭香桂樹窮奇異獸鳳凰衆鳥  
 棲於樹上神龍騏驎以為家畜仙人玉女盡  
 集其上若欲遊行乘雲駕龍呼吸萬里天地  
 人民鬼神令屬於我我豈用作地上一城之  
 主也我不願之若我應出形之時宜欲攻易  
 天地經典故法盡皆殄滅更出新正命應長  
 生之者賜給神樂昇仙度世隨我左右惡人  
 化善遇我之者盡皆延年若國王天子治民  
 有功輒使伏杜如故若治民失法明聖代之  
 安民平定之後還當昇舉伏宅崑崙我出之  
 時乘駕九龍之車龍有九色連錢斑文車有  
 羽蓋十二出檀梓為車飾以金銀珠玉雜色  
 奇異不可目名徵召天下真官海嶽風伯雨  
 師役使萬鬼傾天網縮地脉迴轉天地如迴  
 我身把握日月能令天地晝闇仙人玉女駢  
 車侍從鍾鼓音樂遍滿虛空百獸真徒鳳凰  
 衆鳥翔于其上天地運動人衆鬼兵無有邊  
 際見我威光無不弭伏我哉愚人詎詐無端

人人欲作不臣聚集遁逃罪逆之人及以奴  
 僕隸皂之間詐稱李弘我身寧可入此下俗  
 臭肉奴狗羶麩之中作此惡逆者哉世人奸  
 欺誦讀偽書切壞經典輪吾多少共相殘害  
 豈不痛哉吾出誦誠宜令世人咸使知聞好  
 加思尋努力修善修善功成可得遇真延年  
 益算明慎奉行如律令  
 老君曰吾初立天師授署道教治錄符契豈  
 有取人一錢之法乎喻如生官署職有財錢  
 若干吾今並出新法按而奉順從今以後無  
 有分傳說願輸送做署治錄無有財帛民戶  
 雜願歲常保口廚具產生男女百災疾病光  
 惟眾說廚願盡皆斷之惟有校藏三分收一  
 即其民市買計廚會就家解散易復可詣師  
 治民有病患生命有分唯存香火一心章表  
 可得感徹唯聽民戶歲輸紙三十張筆一管  
 墨一挺以供治表揀度之功若有道官渴心  
 不除不從正教聽民更從新科正法清教之  
 師明慎奉行如律令  
 老君曰祭酒之官遷功之後子孫清徹聰明

閑練鬼事可就明師受署治錄符誠承繼父  
 後若子孫用行顛倒與俗不別不順科約者  
 諸官平處奏表天曹聽民更受明慎奉行如  
 律令  
 老君曰道民或有家宅說願廚具不由師治  
 者師即時使還令民市備為會解散  
 老君音誦誠曰道民不練科法不能精勤香  
 火消災散禍及病痛行來憂慮縣官光惟眾  
 諸欲有保說者盡不聽聽先啓何以故也此  
 戶安道以求福是誤事也自今以後道民若  
 有求願先修廚會之具請若集啓設求願其  
 一事求上之收福無他明慎奉行如律令  
 老君曰道官授署職治符錄隨家豐儉意欲  
 設會任意人數三人以上復能重設諸餉和  
 會可通若不能者無苦也明慎奉行如律令  
 老君曰廚會之上齋七日中齋三日下齋先  
 宿一日齋法素飯菜一日食米三升斷房室  
 五辛生菜諸肉盡斷勤修善行不出由行不  
 經喪穢新產欲就會時向香火八拜使大德  
 精進之人在坐首作好飯禁在坐上頭人別

作樂其參同不奉道者請會無苦而世間愚人真以所奉不同便作異意不齋慢道科法不爲主人求思恭肅之故坐會之中瞋恚無常從今以後諸官以意科處思尋妙旨苟能同心福願之人參爾無苦會既還家爲主人燒香還宿三過香火燭言爲甲乙之家所請廚會解求其事思福願得道氣覆護明慎奉行如律令

老君曰廚會之法應下三祭初小食中酒後飯今世人多不能三下祭但酒爲前五升爲限明慎奉行如律令

老君曰男女官受治錄天官叩章順誠之人萬邪不惑當喻如生官臣使夫有職之人道民豈能欺犯者乎道官祭酒愚闇相傳自署治錄爲請佩千部將軍吏兵相惑亂請之偽吏兵衛護盡皆無有正可常佩受署某官而已通神得道之人遇值仙官諸受職錄者不得五人三人吏兵給吏然地上愚人自署相傲何可能有此百千萬重將軍吏兵管護者哉從今以去故時爲事未復承用明慎奉行

如律令

老君曰請客就會人習嚴整衣服如生官天子殿會恭肅共同明慎奉行如律令

老君曰道民奉戶師如生民事官等言則稱道民明慎奉行如律令

老君曰其受治錄誠之人弟子朝拜之喻如禮生官位吏禮法等同明慎奉行如律令

老君曰道官祭酒授人職治符錄但與其道受佩之後不能精進違科犯約用行顛倒奸怨非法遊行民間讀偽科律詐惑萬端世間

不奉道之家民有疾病危困輒便改動我道者當與治差愚人無智輒便動移採米束薪投戶治病謂病當差返受死亡死亡之後先

以功變所還本屬輒卽爲民然病者得差便言得道恩福言道有神唱告於世世人聞之有喪禍變慘縣官復有改屬歸化之者戶口

漸多而戶生祭酒顛倒無常用行逆卽媮益殺生體性短少逼迫恐動術神責道其於無則詐見老君兼復感悟如是神教語致使民心懷歎恨積有復道官我俱奉戶主何以不

如他師奉事禮拜使人有暫正欲更就明賢言科法難犯如此之徒毒可檢校其秉禍厄運命有長短自有一定非是愚人道官所能延遠詐惑之人濁亂道法若有此輩此諸官參詳所集化戶作廚會取民辭狀道官連名表章聽民改屬民不得輒自移叛明慎奉行如律令

老君曰吾觀視世間凡愚祭酒化戶領民上章奏上練文書多者十紙五紙少者三紙二紙多之以少都無頭緒萬億章奏達者無一何以爾者土地真官典事主者懼罪相連覆停稽違吾今並出音誦歌誠宣勅諸官章書之法如似生官文書可得達理凡愚道官不練章表奏不就於明能學習練法世間道官遷達亡人度星作爲二十三十紙千萬美說於事不如修謹善行齋練苦身香火自纓百日功建爲先亡父母遷度魂靈月月單章言達齋功勝於千過度星遊說之事齋功不達無有感徹之理先齋立功却上度星章無有雜色米絲紙筆正爲先亡集賢會燒香拔免

亡人最上可不度星煩道不至至道不煩從  
今以後思尋誦誠明慎奉行如律令

老君曰道官錄生男女民燒香求願法入靖  
東向懇三上香訖八拜便脫巾帽九叩頭三  
搏頰滿三訖啓言男官甲乙今日時燒香願

言上啓便以手捻香著爐中口並言願甲乙  
以年七以來過罪得除長生延年復上香願  
言恭乙三宗五祖七世父母前亡後死免離

苦難得在安樂之處後上香言願門內大小  
口數端等無他利害來錢出入滑易復上香  
願仕官高遷復上香願縣官口舌疾病除愈

一願一上香若為他人願通亦無苦十上二  
十上三十上隨願齋日六時燒香寅午戌亥  
子丑是六時非齋日朝暮辰巳之日天清明

夜半北向悔過向天地叩頭百下三十六搏  
頰三過三百下以為常則先緣福深者通神  
在近先緣福淺者八年得仙明慎奉行如律

令  
老君曰三會日道民就師治初上章籍時於  
靖前南正北向行立定位各八拜九叩頭九

搏頰再拜伏地請章籍訖然後朝賀師明慎  
奉行如律令

老君曰道官祭酒修行之法復歷民間東西  
南北行來出入直身直面一向直去不得左  
右顧盼到民家不得妄有瞋怒有呵謔食飲

好惡林席舍廬衆雜論說是非不可得先到  
貴家富家苦願歷民儀先到寒貧家教誨求  
福使科約具備明慎奉行如律令

老君曰男女錄生及道民家有奴婢不得喚  
奴婢當呼字若有過事不得縱橫撲打但以  
理呼在前語甲乙汝有此事應得杖罰今受

之若責數奴婢自當糺罪無有怨恨之心道  
官道民出言吐氣不得言說死事此道民之  
大忌明慎奉行如律令

老君曰世間有承先父祖事道自作一法家  
宅香火復有承先祖作祭酒之官者民戶無  
知言父死子係更不正屬戶師民氓同姓祠

邪令衆雜邪令非一做言奉道見他官政治  
祭酒使復禮拜言我是道民意欲就正復懼  
衰神與之災考如此之人為請作道會滿三

約正誠若不從令勿復重請如此之徒奸情  
不已非是天民不如請諸不奉道之民何以

爾者等是天民統一道治然則別屬有參會  
更好豈比之奉道無師而有衷心乎道官祭  
酒宜以參會更言據是民可請為客此乃違

失事多宜如詳酌若請為客以刑律論明慎  
奉行如律令

老君曰道民求福願廚先刺客齋上中下齋  
隨意明當設會今日請客來在主人家中宿  
諸求願還官衆共保乃行出無他適難鳴至

日出盡皆上廚之列來致仙官唯解先亡廚  
平旦至日中為限若人士從願到官一切郡  
縣及以公侯卿相伯子男封土隨意欲設廚

可作耳求宰民得腹心土居安寧風雨時節  
隨意而設無有先科今不限人頭數不設亦  
復無苦但精勤香火明慎奉行如律令

老君曰道氣百千萬重自從開闢黃燧之治  
門有仙聖從今以來人偽道荒經書并錯後  
人詐偽仙經圖書人人造法天下經方百千  
萬億草藥萬種萬藥百數後人樂道長生循

效無效者何然。愚人意短不達，至妙長生至道，仙聖相傳，口訣授要，不載於文籍，自非齋功念定，通神何能。括致乘風，駕龍仙官，臨顧接而昇騰。服食草藥，石藥，服而得力之者，此則仙人奏表上聞，遣仙人玉童玉女來下，臨天官神藥，參入分數。一草一人，得力一石。一人得力，服氣方法亦俱等同。今世人豈能達此理乎？不降仙人，何能登太清之階乎？而索藥服之，正可得除病壽終，攘却毒氣，瘟疫所不能中傷。畢一世之年，可兼穀養性，建功齋。靖解過除罪，諸欲修學長生之人，好共尋諸誦誠建功香火，齋練功成，感徹之後，長生可剋抱朴子者，未明蓋世，拘合前賢諸家經方造經，勸仙內外卷，首言仙之可得，可開悟人心。承前多有遺經，亦復不妄造，出意不犯改經，詐說之罪。造經勸仙功過，自保補後身，當得仙人之階。諸有修道之人，勿復承按前人偽書經律。今世人習讀美經典，可益得身軀，但富貴為子孫資蔭耳。無有長生登仙之階，欲求生道，為可先讀五千文，最是要者，明慎。

奉行如律令

老君曰：靖舍外隨地寬窄，別作一重籬障，壁東向門。靖主人入靖處，人及弟子盡在靖外。香火時法，靖主不得靖舍中飲食及著鞋，鞋入靖坐起言語，最是求福大禁。恐凡人入靖有取物盡皆束帶，明慎奉行如律令。

老君曰：道官道民有死亡七日後，解穢家人為亡人散生時財物，作會隨人多少，可參請俗民無苦為亡人過度設會功滿三復，欲設會隨意能備，可作若不能備，無苦勤香火，明慎奉行如律令。

老君曰：為亡人設會燒香時，道官一人，靖壇中正，東向籬生及主人亦東向，各八拜九叩頭。九捧頰三滿三過止，各皆再拜。懇若人多者，亦可坐禮拜叩頭，主稱官號，姓字上啓，無極大道萬萬至真無極大道，以手捻香三上著鑪，口中言為亡者甲乙解罪過燒香願言餘人，以次到壇前，懇上香如法。盡各各訖，靖主上章餘人當席拜，主人東向叩頭上章訖，設會解坐訖，靖主入靖啓事為主人求願。

收福言：當時主人東向叩頭坐罷，出時客向靖八拜而歸。家馬主人一宿之中，滿三過燒香，明慎奉行如律令。

老君曰：道民家有疾病告歸到宅，師先令民香火在靖中，民在靖外西向散髮叩頭謝寫懣違罪過，令使皆盡。未有藏匿求乞原赦，若過一事不盡，意不實心，不信法章，奏何解師亦自別啓事云：民某甲求乞事及病者亦道首過若過盡者，師自得好感應。若過不盡，師亦不得好感應。報首過時，為可並行符承街。民首辭上章一日三過，上三日後，病人不降。損可作解先亡，謫罰章病家，書則向靖叩頭。夜則北向天地叩頭，首過勿使一時有關病家惶怖，欲有所說錢財，廚願勿聽之。若能備廚請客三人，五人，十人以上，隨人多少，按如科法設會。會時客主人病者考禮拜燒香求乞救度病者設會訖，客歸到家為病者燒香叩頭一宿之中，滿三過以病者救度禮叩頭燒香同法，明慎奉行如律令。

老君曰：道民不慎科法，淫祀殺生，宜校賦物。

計錢使還民家自市廚具師得與表章解散  
當作會時主人衆客前向香火八拜叩頭三  
十六搏頰滿三訖再拜手捻香著爐中並告  
言某甲啓太上大道甲乙是肉人無知奉科  
許祠其官求其事并復有以塞詰之者今依  
科輸贖直為廚具請客證明以從今以後生  
死付道不敢以前為比乞願得在赦格之例  
蒙恩生活道氣哀念明慎奉行如律令

老君曰男女道官濁亂來久有作祭酒之官  
積勤累世貪濁若身化領求復經數餘載賊  
錢通說貪穢入己此是前造詐言經律此等  
之人盡在地獄若有罪重之者轉生蟲畜償  
罪難畢吾故出音樂新正科律依其頭領欲  
使信道以通人情清身潔已與道同功太上  
清氣當來覆護與民更始改往修來一從新  
科為正明慎奉行如律令

老君曰道氣百千萬重前賢後聖修學長生  
盡遇仙官人人各得一重之氣而得昇度之  
後終不載於文籍房中之教通黃赤經契有  
百二十之法步門庭之教亦無交差一言自

從係天師道陵昇僊以來唯經有文在世解  
者為是何人得長生飛仙者復是何人身中  
至要導引之訣盡在師口而筆謀之教以官  
人心若開解信之者執經一心香火自繆精  
練功成感悟真神與仙人交遊至訣可得今  
後人詐欺謾道愛神潤飭經文改錯法度妄  
造無端作諸偽行遂成風俗勸教天下男女  
受佩契令愚闇相傳不能自度而相領弟子  
惑亂百姓犯罪者衆招延災考濁欲道教毀  
損法身吾誦誠斷改黃赤更修清異之法與

道同功其男女官錄生佩契黃赤者從今誠  
之後佩者不吉若不慎之人所居止土地  
真官注氣靖治典者使者當自校錄吾與之  
災考死入地獄若輪轉精魂盡畜猪羊而生  
償罪難畢吾觀世人夫妻修行黃赤無有一  
條按天官本要所行專作濁穢手犯靖虛治  
官禁忌而天官仙人玉女尚不犯治室之法  
吾今以黃赤貪濁道教來久無有真正惡闇  
相傳盡各不得其中正時有清真潔素之人  
無經律錯亂吾盡欲災除此輩之人不令而

犯誅誚之暴是以先令誠約遷遣一教然房  
中求生之本經契故有百餘法不在斷禁之  
列若夫妻樂法但難進問清正之師按而行  
之任意所好傳一法亦可足矣今世濁惡有  
形之人流轉精神罪緣難消是以誠約要須  
齋功與返為始雪罪除愆乃得感悟真仙男  
女官努力修齋尋諸誦誠香火建功仙道不  
速明慎奉行如律令

老君曰從係天師昇仙以來曠官實職道荒  
人濁後人諸官愚闇相傳自署治錄符契氣  
候倒錯不可承准吾本授二十四治上應二  
十八宿下應陰陽二十四氣授精進祭酒化  
領民戶道陵演出道法初在蜀土一州之教  
板署男女道官因山川土地郡縣按吾治官  
請廬亭宅與吾共同領化民戶勸惡為善陽  
平山名上配角宿餘山等同而後人道官不  
達幽冥情狀故用蜀土盟法板署治職勅令  
文曰今補某乙鶴鳴雲臺治權時錄署治氣  
職領化民戶質對治官文書須世太平遣還  
本治而九州土地之神章表文書皆由土地

本治而九州土地之神章表文書皆由土地

本治而九州土地之神章表文書皆由土地



治官真神而得上達有令闈道官章表時請  
召蜀土治宅君史他方土地之神此則天永  
地隔人鬼胡越吾本下宿治號令之名領化  
民戶道陵立山川土地宅治之名耳豈有須  
太平遣還本治者乎從今以後諸州郡縣男  
女有佩職錄者盡各詣師改宅治氣按今新  
科但還宿官稱治為職號受二十四治中化  
契令者發號言補甲乙正中官真氣角宿治  
以充宿氏宿房宿二十八如法上章時直言  
臣而不得稱真人若靈籙外官不得稱治號  
其蜀土宅治之號勿復承用若係天師遺胤  
子孫在世精循治教領民化者不得信用諸  
官祭酒為法律上章時不得單稱係天師位  
號當稱職號名與諸官同等明慎奉行如律  
令

教精進善行心無有退志無傾邪乃可授籙  
誠納為弟子明慎奉行如律令  
老君曰中官正氣宿治祭酒得授人職籙誠  
其錄生之人不得妄授人誠籙若不領民戶  
受中治籙者當受中治散氣祭酒職若上靈  
官不領民戶受外官散氣祭酒職其外官祭  
酒治民者坐會時百五十錄下坐若中官治  
民正氣祭酒子息受治署中官中官宿治散  
氣祭酒在父民間行章稱文治氣上章若他  
官祭酒民間自治氣上章若求生之人一身  
自度不化愚俗不領民戶亦可直受中官上  
仙赤天七十五將軍籙生起亦在外治祭酒  
上明慎奉行如律令  
老君曰道官道民其先亡祖曾父母幽謫不  
解復注子孫若齋功不達章書謬說多言十  
通百通無益於事要先齋感徹之後乃可章  
表證達齋功章書之法不須多重煩濁天  
曹不如不上齋滿百日一齋功達表章之日  
兼能請賢隨多少人數設會拯拯收福益仁  
若不能備者但就師表章遠達亡人若祭酒

者日日可言齋功滿百日就師表章明慎奉  
行如律令

老君音誦誠經

太上老君經律

力三

道德尊經戒九行二十七戒

老君百八十戒已上男官同受

太清陰戒關

女青律戒關已上女官受

道德尊經想爾戒

行無為行柔弱行守雌勿先動此上最三行

行無名行清靜行諸善此中第三行

行無欲行知止足行推讓此下最三行

此九行二篇八十一章集會為道合尊卑同

科備上行者神仙六行者倍壽三行者增年

不橫夭

道德尊經戒

戒勿喜邪喜與怒同戒勿費用精氣戒勿傷

王氣戒勿食含血之物樂其美味戒勿慕功

名戒勿為偽彼指形名道戒勿忘道法戒勿

為試動戒勿殺言殺此上最九戒

戒勿學邪文戒勿貪高榮強求戒勿求名譽

戒勿為耳目口所誤戒當處謙下戒勿輕

躁戒舉事當詳心勿惚恫戒勿恣身好水美

食戒勿盈溢此中第九戒

戒勿以貧賤強求官貴戒勿為諸惡戒勿多

忌諱戒勿禱祀鬼神戒勿強梁戒勿自是戒

勿與人爭曲直得諱先避之戒勿稱聖名大

戒勿樂兵此下最九戒

此二十七戒二篇共合為道淵尊卑通行上

備者神仙持十八戒倍壽九戒者增年不橫

夭

老君說一百八十戒并序

昔周之末被王之時始出太平之道太清之

教老君至瑯琊授道與于君于君受道法遂

以得道拜為真人又傳太平經一百七十卷

甲乙十部後帛君篤病從于君授道護病病

得除差遂復得道拜為真人今瑯琊有木蘭

樹于帛二君所治處也幽王時老君教胡還

當入漢中過瑯琊于君得見老君老君謂于

君曰吾前授汝助人救命憂念萬民拜署男

女祭酒廣化愚人分布弟子使上感天心中

動地祇當令王者歡心而自頃以來吾遠從

千萬億里觀之諸男女祭酒託老君尊位食

財好色擅己自用更相是非各謂我心正言

彼非真利於供養欲人奉已憎惡同道妬賢

嫉才驕恣自大禁止百姓當來從我道最

正彼非真也皆不當爾故來相語于吉稽首

再拜伏地叩頭百下唯唯告曰太上從今日

已去不知當何由去諸男女祭酒之重罪今

祭酒輩生活既蒙道祐可得昇仙壽終之後

不入九地下牢之苦非但祭酒復其萬民萬

民無知法則祭酒之罪且之過祭實在於已

也唯願太上赦既往之失署匠修將來之善

耳且于吉死罪死罪老君曰可正安意定生

吾恐大道澆季萬民喪命一二祭酒死入九

幽之下不足痛也吾但念萬民痛耳汝當善

聽記錄心中當為後世作法則勅諸男女祭

酒令改往行從今之善老君曰人生雖有壽

萬年者若不持戒律與老樹朽石何異寧一

日持戒為道德之人而死補天官尸解昇仙

世人死有重罪無益鬼神鬼神受罪耳祭酒

明奉行之乃曰諸祭酒各明聽天下萬民無

有長存人生有死物成有敗日出則沒月滿

則缺從古至今誰能長存者唯道德可久耳  
今月亦善今日亦善今時亦善諸賢亦善師  
甲亦善弟子亦善萬神備具兵皆到今吾  
以諸賢故念萬民之命故受王甲禁戒重律  
老君曰人生雖有壽萬年不持戒律與瓦石  
何異寧一旦持戒終身為道德之人而死不  
犯惡而生持戒而死滅度練形上備天官尸  
解昇仙世人不持戒律死有重罪無益魂神  
善男善女明奉行之戒曰

第一戒者不得多畜僕妾第二戒者不得姪  
他婦女第三戒者不得盜竊人物第四戒者  
不得殺傷一切第五戒者不得妄取人一錢  
已上物第六戒者不得妄燒敗一錢已上物  
第七戒者不得以食物擲火中第八戒者不  
得畜猪羊第九戒者不得邪求一切人物第  
十戒者不得食大諱及五辛第十一戒者不  
得作草書與人第十二戒者不得多以書相  
聞第十三戒者不得以藥落去子第十四戒  
者不得燒野田山林第十五戒者不得以金  
銀器食第十六戒者不得求知軍國事及占

吉凶第十七戒者不得妄與兵賊為親第十  
八戒者不得妄伐樹木第十九戒者不得妄  
捕草花第二十戒者不得數見天子官人妄  
與為親第二十一戒者不得輕慢弟子邪寵  
以亂真第二十二戒者不得貪信財物第二  
十三戒者不得妄言綺語隔辰嫉妬第二十  
四戒者不得飲酒食肉第二十五戒者不得積  
財物侮蔑孤貧第二十六戒者不得獨食第  
二十七戒者不得販賣奴婢第二十八戒者  
不得知人婚姻事第二十九戒者不得持人  
長短更相嫌恨第三十戒者不得自習伎樂  
第三十一戒者不得言人惡事猜疑百端第  
三十二戒者不得言人陰私第三十三戒者  
不得說人父母本末善惡第三十四戒者不  
得面譽人屏處論人惡第三十五戒者不得  
以穢污之物調戲人第三十六戒者不得以  
毒藥投湖池及江海中第三十七戒者不得  
獨與宗族私親第三十八戒者不得輕踈他  
人之尊第三十九戒者不得自殺第四十戒  
者不得勸人殺第四十一戒者不得別離他

人家口第四十二戒者不得因恨殺人第四  
十三戒者不得投書譖人第四十四戒者不  
得自用第四十五戒者不得自貴第四十六  
戒者不得自驕第四十七戒者不得妄鑿地  
毀山川第四十八戒者不得惡言罵詈第四  
十九戒者不得以足踏六畜第五十戒者不  
得揜人目第五十一戒者不得厭治病第五  
十二戒者不得希望人物第五十三戒者不  
得竭水澤第五十四戒者不得評論師第五  
十五戒者不得裸形露浴第五十六戒者不  
得輕慢經教第五十七戒者不得慢老人第  
五十八戒者不得觀六畜交陰陽第五十九  
戒者不得調戲第六十戒者不得恃威勢凌  
人第六十一戒者不得阿黨所親第六十二  
戒者不得帶刀仗不若在軍中第六十三戒者  
不得門戶別離居第六十四戒者不得起瞋  
恚第六十五戒者不得罵人作奴婢第六十  
六戒者不得立小便第六十七戒者不得點  
奴婢面第六十八戒者不得呪人命死第六  
十九戒者不得快人死敗第七十戒者不

得亂縱行遊第七十一戒者不得張目視人  
 第七十二戒者不得吐舌向人第七十三戒  
 者不得橫求人物第七十四戒者不得強乞  
 擾亂百姓第七十五戒者不得為世俗人賦  
 歛第七十六戒者不得為世俗人作禮頭主  
 第七十七戒者不得為人圖山立塚宅起屋  
 第七十八戒者不得干知星文卜相天時第  
 七十九戒者不得漁獵傷殺眾生第八十戒  
 者不得姓洩別離夫妻第八十一戒者不得  
 視弟子偏頗視如其子第八十二戒者不得  
 奪人瞋中大第八十三戒者不得馳騁世俗  
 吊問死喪宜哀之第八十四戒者不得與俗  
 人共相群黨更相朝毀第八十五戒者不得  
 敗人成功言是已德第八十六戒者不得擇  
 好室舍好牀卧息第八十七戒者不得毀  
 人物以為惡第八十八戒者不得自舉己物  
 以為好第八十九戒者不得驚惶令恐怖第  
 九十戒者不得擇人飲食為好惡第九十一  
 戒者不得為人往來惡言第九十二戒者不  
 得以縣官中傷人第九十三戒者不得預人

間論議曲直事第九十四戒者不得強取人  
 物以恩惠第九十五戒者不得冬天發掘地  
 盤藏第九十六戒者不得輕行妄遊日月馳  
 騁第九十七戒者不得妄上樹探巢破卵第  
 九十八戒者不得籠罩鳥獸第九十九戒者  
 不得穿人家壁闚看人家內婦女第一百戒  
 者不得以穢污之物投井中第一百一戒者  
 不得塞池井第一百二戒者不得欺罔老小  
 第一百三戒者不得妄發讀人書第一百四  
 戒者不得誘枉良人為奴婢第一百五戒者  
 不得積聚財寶以招凶禍第一百六戒者不  
 得貪戀居家第一百七戒者不得藏埋器物  
 第一百八戒者不得破壞見錢第一百九戒  
 者不得在平地然火第一百十戒者不得  
 施槍棘著道中第一百十一戒者不得多言  
 弄口舌第一百十二戒者不得將書字之物  
 自投埋於廁前第一百十三戒者不得向他  
 鬼神禮拜第一百十四戒者不得畜世俗占  
 事八神圖亦不得習第一百十五戒者不得  
 與兵人為侶第一百十六戒者不得便溺生

草上及人所食之水第一百七戒者不得  
 與寡婦親第一百十八戒者不得祠祀鬼神  
 以求僥倖第一百十九戒者不得為人多作  
 忌諱第一百二十戒者不得自多忌諱第一  
 百二十一戒者不得妄輕入江海中浴第一  
 百二十二戒者不得妄假舉人物以為禮賂  
 第一百二十三戒者不得為人保賃券契賣  
 田宅奴婢之事第一百二十四戒者不得與  
 淫佚之家相往來第一百二十五戒者不得  
 錄毒藥著器中第一百二十六戒者不得高  
 厲聲每含笑第一百二十七戒者不得為人  
 作詞訟和人官事第一百二十八戒者不得  
 趣求密謀之書讀第一百二十九戒者不  
 得妄鞭打畜第一百三十戒者不得無故  
 走馬馳車第一百三十一戒者不得以手團  
 食殘嚼衆者第一百三十二戒者不得驚鳥  
 獸第一百三十三戒者不得評論人家食飲  
 善惡第一百三十四戒者不得妄開決陂湖  
 第一百三十五戒者不得自衛治病病家自求  
 第一百三十六戒者不得獨行人行與第

一百三十七戒者不得為人謀合私利第一  
 一百三十八戒者不得廣求寶物第一百三十  
 九戒者不得帶女人入山皆應別歧異室第  
 一百四十戒者不得叛本逐末第一百四十  
 一戒者當隨可供養勿多難第一百四十二  
 戒者當念清儉法慕清賢鹿食牛飲第一百  
 四十三戒者當慎所投止勿先犯之第一百  
 四十四戒者當迴向正勿得習俗事第一  
 一百四十五戒者當有大意兼志不得雜犯負  
 違三尊教令第一百四十六戒者當勤避嫌  
 疑勿以父母押思事君第一百四十七戒者  
 當勤求長生晝夜勿倦第一百四十八戒者  
 當勤避惡難勿貪祿苟榮第一百四十九戒  
 者當勤服氣斷穀為不死道第一百五十戒  
 者當勤避兇人勿棄背朋友第一百五十一  
 戒者每飲食從一邊起勿勤吃言美惡第一  
 百五十二戒者每燒香當為萬姓請願今天  
 下太平勿但為己第一百五十三戒者每人  
 呼汝為祭酒汝願畏人勿自輕躁為百姓所  
 笑第一百五十四戒者每得萬人食常祝願

令主人得福一切飽滿第一百五十五戒者  
 無事不得多聚會眾飲食狼藉第一百五  
 十六戒者無事不得妄多人禮敬第一百五  
 十七戒者入國必先問賢人善士當親依之  
 第一百五十八戒者入他國必先問其所禁  
 忌第一百五十九戒者入人家必先問人家  
 尊老名諱第一百六十戒者至人家不得希  
 望萬姓主人飲食第一百六十一戒者女人  
 不得與男子同行第一百六十二戒者男不  
 得與女人冥室中共語第一百六十三戒者  
 男女衣不得過重三通第一百六十四戒者  
 男女不得共坐食飲交手授受第一百六十  
 五戒者天有災變水旱不調勿得惡獸第一  
 百六十六戒者世人惡多善少勿悒悒道自  
 護法第一百六十七戒者人有罵汝汝但服  
 勿應答第一百六十八戒者人侵謗汝汝但  
 當自修啓大道勿憂怖以損精神第一百六  
 十九戒者人惡向汝汝重以善往善之德惡  
 如水火第一百七十戒者人有持物與甲而己不得  
 有恨人不與己第一百七十一戒者人為己

聲譽勿喜為己毀辱亦不得嘆第一百七十  
 二戒者人為己殺鳥獸魚等皆不得食第一  
 百七十三戒者見殺不食第一百七十四戒  
 者見瘦不食第一百七十五戒者不知所從  
 來可食不可思美第一百七十六戒者能斷  
 眾生六畜之內為第一不然則犯戒第一百  
 七十七戒者能食菜最佳而不可向王者第  
 一百七十八戒者能崇賢重聖習賢吾當度  
 汝汝遇真仙第一百七十九戒者行無居家  
 可投便止宿樹木巖石間諷誦百八十戒神  
 自營衛汝三重兵賊鬼虎不敢近汝第一百  
 八十戒者行戒不犯犯即能悔改往修來勸  
 人奉受念戒不念惡廣度一切吾拜神真神  
 真成汝  
 右長存要律百八十戒  
 老君告弟子曰往昔諸賢仙聖皆從百八十  
 戒得道無形從師得成道不可度師不可  
 輕弟子稽首再拜受命矣  
 太上老君經律

太上經戒

九四

十戒

玉清經本起品云道言昔元始天尊與諸賢聖億億萬眾處處周旋景後下觀棄賢世界有一國王名曰德正直利根辯慧為眾生故而為導首過告國內臣民男女言今得太平天下無事火災消滅兵刃不起百穀成熟皆由道恩非自然也何以報道罔極之恩唯當傾心盡意恭敬供養造立宮觀香花燈燭晨夕禮誦齋戒悔過以求福祐於是天尊命巨靈仙人而告王曰子為一國之主天下所推凡聞之貴不先於此但以正法治化不枉人民亦足功德上天何煩祕要祕要之道卒難可聞然祕要之階不過慈善慈善之法不違科戒戒有多種人亦多品上品之人身先無犯亦無所持中品之人心有上下觀境即變以戒自制不令放逸如此之人或受十戒五戒以自防護下品之人惡心萬般難可禁制下品之中復有二品上品者身欲奉戒或受一百九十九戒或受觀身三百大戒或受千

二百威儀之戒以自防保令無越逸下品者身同禽獸雖有人形而無人心縱受其戒終無所益今且受第二中戒十種科禁入道初門諸人聞說歡喜拈踏悉皆俯伏而奉戒言天尊告曰

第一戒者不得違戾父母師長及逆不孝弟二戒者不得殺生屠害割截物命第三戒者不得叛逆君王謀害家國第四戒者不得淫亂骨肉姑姨姊妹及他婦女第五戒者不得毀謗道法輕泄經文第六戒者不得污漫靜壇單衣裸露第七戒者不得欺凌孤貧奪人財物第八戒者不得裸露三光猷棄老病第九戒者不得耽酒任性兩舌惡口第十戒者不得兇暴自任自作威利

大戒上品并序

上品經云太極仙公於天台山靜齋念道稽首禮拜請問太極法師徐來勒曰弟子有幸得侍對天尊自聞微言彌綸萬劫洞觀道源過泰之歡莫有諭也願玄少好神仙白日飛

騰之道必想上聖恒以髮鬚大經微遠妙贖難通將稟口訣釋我冥津洞暢虛漢有無都盡矣迨而未究人生宿世因緣本行之由今願天尊覺所未悟是時太上玄高真人嘯咏步虛洞章歎然含豫輝金頰而言曰子以累劫念道致太極玉名寄慧人中將獨步王京超逸三界巍巍乎太上仙公之任矣故慈心於天人念度於後學也常以外身濟物有德而弗名玄都所詮諒不虛矣而謂大極真人曰卿受太上虛皇道君之教為其師保亦必盡教以高上大洞之淵曠也豈俟彼多陳手吾受任忝為都教之法師至於執卷由于子矣太極真人答曰此童真之人名判金簡才質清遠景秀太上天微洞虛故當為仙公之任弘道大度者也吾忝受教化愧不足為彼宗匠太上有命何敢不傾軀裁衆妙之統仰賴於法師矣太極真人又曰夫道無也彌綸無窮子欲尋之近在我身乃復有也因有以入無積念以得妙萬物芸芸譬於幻耳皆當歸空人身亦然身死神逝喻之如屋屋壞則人

不立身故則神不居當制念以定志靜身以安神實氣以存精思慮無忘冥想內視則身神並一身神並一近為真身也此實由宿世本行積念累感功濟一切德廢萬物因緣輪轉罪福相對生死相滅貴賤相使賢愚相傾貧富相欺善惡相顯其苦無量皆人行願所得也非道非天非地非人萬物所為矣正由心耳此對既鍾亦難脫也弱喪之徒信道者少宿命者多不積善定念修德理身而欲忽德忘身強求外物其可得哉既已不剋莫不傷身矣故有道之士取諸我身無求乎人道言修身其德乃真斯之謂也夫學道不受大智慧道行本願上品大戒無緣上仙也子有宿命是以見此經其文隱秘立信效心然後而傳不可妄示不信必發異念異念既生彼此獲罪是故藏之於無待有應為仙王者乃告馬是時雲龍踊躍諸天散華飛香奏煙山海靜波瀾類窺然鬼魅消亡神魔降伏五苦俱解長離地獄惡者返善信順受福爾乃命太極侍經仙人劉文靜披雲韞而授經也太

極真人曰宿世禮奉經師口誦身行布施厄困願樂三寶君親忠孝遠慕山水栖憩賢儒虛心有道燒香散華護度一切修道補過信願宿命靜思忍情其行也上可昇仙度世下可輪轉富貴生為人尊容貌偉秀才智清遠為入之道莫不具足夫居世富貴笑於貧賤今報以貧賤居世好殺今報以傷殺居世輕易笑於醜陋今報以醜陋居世聰明不教於人今報以頑塞居世常康笑於困病今報以滯疾居世不信道笑於經教今報以下愚長與道隔女人居世奪人壻者今報以少寡男子居世誘人婦女今報以鰥獨居世發心為夫妻而後世不得俱生人道死為鬼魅今報以本念成於邪病自非大法莫有解其宿纏而消此邪病矣夫為父母兄弟姊妹夫妻君臣師保朋友皆先世所念願為因緣展轉相生莫不有對者哉故曰倚伏難窮矣唯學仙道士當兼忘因緣絕滅生死同歸乎玄以入妙門能知是者始可與言學道之本也若見居家妻子當願一切早出愛慈攝意奉

戒

若見飲酒當願一切制於命門以遠禍亂  
若見彩女當願一切守情忍色志慕賢貞  
若見淫人當願一切除棄邪念翹心禁戒  
若見婦人當願一切忍割浮華樂道自娛  
若見真人當願一切履信正化日入法門  
若見衆人當願一切推仁無爭懷道安世  
若見善人當願一切時刻存念仰軌其道  
若見惡人當願一切棄凶即吉不犯王法  
若見貧人當願一切損身施惠後受大福  
若見富人當願一切救濟萬物世世受祿  
若見貴人當願一切承其教旨悉令典訓  
若見賤人當願一切勤修匪懈各得所為  
若見帝王當願一切奉仰王道孝如父母  
若見主相當願一切受其教制四方歸仁  
若見兵甲當願一切各念仁心天下讓賢  
若見王子當願一切日歌太平係國承家  
若見賢人當願一切履行其德道為世宗  
若見法師當願一切明解法度得道無為  
若見棲山道士當願一切悉見法門速得并

仙

若見教化當願一切親交聖教皆為端博

若見聖人當願一切尊禮侍見諸國並瞻

若見仙人當願一切真道悉成飛昇天堂

若見城郭當願一切嚴整修飾以道為基

若見大國當願一切歸宗慕德若水注海

若見小國當願一切知止虛沖安其所居

若見市朝當願一切群賢雲萃悉弘正道

若見靜觀當願一切功德巍巍天人得道

若見齋戒行香當願一切道德日新庠序雅

正

若見誦經當願一切盡上高座咸聞聖音

若見經教當願一切各各受讀禮習普行教

化

若見樓觀當願一切洞觀十方無所隱藏

若見高山當願一切智慧無量輔成家國

若見栖憇茂林當願一切安居自在蔭庇舍

識

若見好學當願一切得成師宗養徒敷教

若見淨手當願一切常執經書無時暫輟

若見善口當願一切耽味洞經日新不歇

若見動足當願一切趨步三界飛行上清

若見靜止當願一切滅景得真安閑空寂

若見飲食當願一切棄累入淨存得道味

若見大藏當願一切除其災害施為福田

若見疾病當願一切以道自安免此苦厄

若見死喪當願一切學道常存濟度三徒

若見畋獵當願一切不為始終入為無罪

若見夷狄當願一切得生中國不生邊地

若見少年當願一切及時學問遂成學名

若見老病當願一切以道攝生不更衰老

若見三光當願一切晉明靈耀閭冥即消

若見雲雨當願一切惠澤盈溢無所不宜

若見素雪當願一切常居潔白道遠自在

若見靈風當願一切輟懷披散德流遐邇

若見淨水當願一切洗垢清虛平等其心

若見名香當願一切受茲芳淨眾穢肅然

若見好華當願一切樂散諸聖相好具足

若見車馬當願一切得道無為乘鳳駕龍

若見絃歌當願一切詠經歎法以道娛樂

若見福食當願一切無不飽滿世享天厨德

流後人如水歸海宗廟稟長常居貴盛世與

四輩俱生王家

若見散施當願一切禍滅九陰福起十方德

如山海莫不興隆七祖生天子孫賢忠富貴

巍巍所欲皆從學道飛仙駕雲乘龍道士坐

卧常願我等四大合德同體道真長存玄都

師友自然濟度十方天下受恩道遙無為洞

觀妙門

禮經祝三首真人人口訣云侍經仙童玉女問禮經用此祝而禮拜矣若實心禮經者亦心祝其文乃上仙之祝也

第一首

樂法以為妻愛經如珠玉持戒制六情念道

遠所欲淡泊正氣停蕭然神靜嘿天魔並敬

護世世受大福

第二首

鬱鬱家國盛濟濟經道與天人同其願縹緲

入大衆因心立福田靡靡法輪昇七祖生天

堂我身白日騰

第三首



大道洞玄虛有念無不契鍊質入仙真遂成金剛體超度三界難地獄五苦解悉歸太上經靜念稽首禮

太極真人曰學昇仙之道當立千二百善功終不受報立功三千白日登天皆濟人應死之難也施惠其人尤善矣學道當令衆行合法廣建福田發大慈之心動靜常起道意能如是也吐納服藥佩符讀經精進終身不倦豈有不得仙乎人無此德雖服藥佩符讀經齋戒故終命而不驗矣學士明恩要言太極真人曰立三百善功可得長存地仙若一功不全則更從一始而都失前功矣常有其念在於心齊者則是也若導人作善即為善功也太極真人曰常念嘯誦洞經修行大慈先人後身揚善化惡斷絕衆緣滅念守虛心如太玄為道是求始謂能言神仙之道也太極真人曰吾受昔太極智慧十善勸助德戒於高上大道虛皇世世宗奉修行大法度人甚易此自然之福也太上以普教天人令各得本願始入法門長存無為不受十苦八難罪

對罷散地獄休息三官日日寧閉世世榮樂成脫羅網後生安泰天性恬然所願隨其得戒如以上傳賢信

十善勸戒曰勸助禮敬三寶供養法師令人世為君子賢孝高才榮貴巍巍生為人專門族昌熾三寶者謂道經師也能養生教善行為人範是名法師也

戒曰勸助治寫經書令人世世聰明博聞妙願恒值聖世見諸經教能誦章句

戒曰勸助建齋淨治令人世世門戶高貴身登天堂飲食自然常居無為

戒曰勸助香油眾供令人世世芬盛香潔光明容貌絕偉天姿高秀

戒曰勸助法師法服令人世世閑雅道遙中國不墮蓬夷男女端正冠冕玉珮稱諸身師

戒曰勸助國王父母子民忠孝令人世世多嗣男女賢儒不受諸苦

戒曰勸助齋靖讀經令人世世不墮地獄即昇天堂禮見眾聖速得返形化生王家在意所欲玩好備足七祖同歡善緣悉備終始榮樂道法轉至將得仙道

戒曰勸助衆人學經令人世世才智洞達動靜威儀常為人師

戒曰勸助一切布施諫諍善事令人世世壽考富樂常無怨惱

戒曰勸助一切民人除嫉去欲履行衆善令人世世安樂禍亂不生病者自愈仕宦高遷為衆所仰莫不吉祐門戶清貴天人愛育神魔恒護常生福地

太極真人曰人之行惡莫大於嫉殺貪吝驕姪也若此一在心伐爾年命矣挾之以學神仙者不亦悲乎

太霄琅書十善十惡  
十善既行十惡自息惡行善大慈德成是以上品戒云卹死度生救疾治病施惠窮困割己濟物奉侍師主營建靜舍書經校定修齋念道退身讓義不爭功名宣化愚俗諫諍解惡邊道立井植種果林教化童蒙勸人作善施為可法動靜可觀教制可執行常使然十善通行謂之道士不修善功徒勞山林能信斯言勤尋諸戒戒部甚多隨緣所得無數

諸戒無央科律皆輔一神攝於三業三業者口身心也運動造作善惡無量無量善惡十為惡端一者妄言二者綺語三者兩舌四者罵詈此四口惡返之則善五者貪愛六者竊盜七者姦姪此三者屬身八者嫉妬九者志瞋十者邪癡此三者屬心業最重為十惡根斷絕十惡修十善本實言直語通和講誦謙讓捨財內外貞潔慶讚歡喜敬信三尊備此十善十惡永除

思微定志經十戒

一者不殺當念眾生二者不姪犯人婦女三者不盜取非義財四者不欺善惡反論五者不醉常思淨行六者宗親和睦無有非親七者見人善事心助歡喜八者見人有憂助為作福九者彼來加我志在不報十者一切未得道我有不望經云時有十二年少處世間樂日日相就共作好食酣飲嬉戲或復論議持戒之難易天尊以道眼遙見此人前世曾為人師而秘懷經典速諸弟子於道之心亦復猶豫因此微緣猶可度耳於是

天尊化作凡人從會中過託之乞食因悉共語諸年少輩復論如初中一人曰我數隨兄至安樂山見諸道士悉持十戒肅肅甚佳洎至於死魂神所在亦當不虛但其十戒人持難悉從耳化人曰持此甚易違此甚難諸人問化人曰云何持戒則易不持返難化人曰立身如戒上不畏天子亦不畏鬼神何謂之難違戒之者悉畏之是難也其中一人曰餘戒可持惟酒難斷所以者何我先服散散者發之曰非酒不解是故難耳化人曰散發所須此乃是樂將養四大藥通可通但勿過量耳一人曰餘事即可妄語其難所以者何若有宥事在尊長前應為隱諱而人見問不得欺欺即犯戒是故為難化人曰事有隱諱而人見問不得欺欺即犯戒是故為難化人曰事有隱諱理有方便此亦可通但勿善惡返論說其長短耳一人曰餘戒即可唯盜戒難小小之間以挂犯目化人曰大事實難小小之間益可慎之而說偈曰

中有記盜官 取一年年倍 倍倍殊不寬 以手捧鎔銅 燒口煮心肝 一朝言此苦 終年猶心酸 何不受此戒 保持必令完 我信彼亦信 在在無不安 安坐招靈人 永享長年歡

一人曰餘戒悉易淫最難斷所以爾者我曾履斯事數隨兄中食當食時自云一日精進無不過理亦謂身後當得此齋戒之福至是夕夜是我所墜輾來狡獪雖苦加抑迨不覺已爾每每如此是知最難化人曰色者是。想爾想色是空何有色耶但先自觀身知身無寄便知無色何可不忍且淫慾頗恣如飲鹹水飲多渴多唯死而已何有厭足而說偈曰

色慾劇於渴 小忍差何度 何為進鹹水 水鹹益渴故 子能善解渴 當飲天甘露 甘露香且薰 通體皆流布 天人尋香降 玄趣自然悟 熙熙永無為 長保九天祚 一人曰餘悉可從唯然難戒所以者何我好歌雜一食無難了自無味數日便瘦化人曰

賢者肥為人患瘦即體輕用肥何為即說偈

曰

賢賢戒其熱 亦無懷熱想 眾生雖微微

亦悉樂生長 如何害彼命 而用以自養

自養今一時 累汝自然美 長論三塗中

辛苦還復往 善惡各有緣 譬如呼有響

何不改此行 慈心以自獎 真人攜手遊

道遠雲景上

說此偈已化人見大威變極道之姿侍從僚

屬鈞天大樂非可目名返於上方諸人悉見

喜懼交集并聞要說意解開悟俱登道果

妙林經二十七戒

元始天尊告諸四眾一切眾生貪著有為欣

生惡死意雖求生由造死業不持戒行假使

長壽猶如老樹有何殊別若持戒行死補天

官升仙自在人雖有王公之位上至帝王死

皆重罪無益鬼神受苦不可堪忍善男子汝

等思惟明奉戒行直心行道吾為汝說天下

萬物無有長存有死有生成有敗日出則

沒月滿則虧從古至今誰能違返若有道德

不生不滅修善者今月亦善今日亦善今時亦善善善積德諸行修足善念護持今入法寶戒曰

寶戒曰

不得盜竊人物

不得妄言綺語

不得貪嗔癡癡

不得咒詛毒心

不得訾毀謗人

不得評人長短

不得毀善自譽

不得毒畜藥人

不得輕慢經教

不得恃威凌物

不得好殺物命

不得殺生淫祀

不得評論師長

不得言人陰事

不得言人陰事

不得言人陰事

不得言人陰事

不得言人陰事

不得妄取人財

不得因恨殺人

不得慢老欺人

不得罵詈高聲

不得兩舌邪佞

不得好言人惡

不得自驕我慢

不得投書譖善

不得毀謗聖文

不得貪淫好色

不得耽酒迷狂

不得燒野山林

不得貪惜財賄

不得貪惜財賄

不得貪惜財賄

不得貪惜財賄

不得貪惜財賄

不得貪惜財賄

行無名 行清淨 行諸善

右中第三行

行忠孝 行知足 行推讓

右下第三行

此九行二篇八十一章集合為道舍尊卑

同科九行備者神仙六行備者壽三行備

者增年

戒勿費用精神 戒勿食含血之物樂其美

色 戒勿傷王氣 戒勿食寶貨 戒勿忘

道 戒勿為妄動 戒勿枝形名道 戒勿

殺生 戒勿貪功名

右九戒

戒勿為耳目鼻口所娛 戒常當謙讓

戒舉百事詳心勿惚惘 戒勿學邪文

戒勿資身好衣美食 戒勿求名譽

戒勿貪高榮強求 戒勿輕躁 戒勿盈溢

右中九戒

戒勿與人諍曲直得失避之 戒勿為諸惡

戒勿欺貪賤強求富貴 戒勿多忌諱

戒勿稱聖人大名 戒勿強梁

戒勿構祠鬼神 戒勿自是 戒勿樂兵

右下九戒

此二十七戒二篇共為道淵尊卑同行  
上備者神仙持十八戒備者壽持九戒備

者增年不橫天矣

太上經戒

三洞法服科戒文

力五

三洞弟子京太清觀道士張萬福編錄

天師請問法服品

太上投道陵三天法師正一人已乃命雲  
宮玉女出九光寶耀蓮冠五色丹羅錦披雲

靛絳文仙褐翔鳳飛錦羽裙七色寶雲錦襪

瑤華藻珠文履碧瑤之勿七寶之函流精華

佩琅英繡璫龍錦坐褥瓊鳳香鑪交龍玉几

班麟翠拂明光如意十有五種以錫天師天

師冠帶法服五體投地禮拜太上因啓問曰

未審三清上境及諸凡界聖真仙服為有差

降為復等乎愚所未觀願垂分別以示將來

太上曰衣服者身之章也隨其稟受品次不

同各有科儀凡有九等汝可諦聽當為子說

一者大羅法玉元始天尊冠須臾萬變九色

寶冠衣千種離合自然雲帔著十轉九變青

錦華裙七明四照參差寶襪五種變化十寶

珠履左右侍真皆悉同然二者玉清法王無

形天尊冠須臾千變七色寶冠衣百變離合

飛雲之帔九轉七變翠錦飛帔七明四照流

霞錦襪七寶變化丹雲襪履左右侍真亦復

同矣三者上清法王無名天尊冠須臾百變

五色寶冠衣十種離合流霄之帔八轉五變

黃錦霞帔七明四照飛光錦襪五采變化自

然瓊履左右侍真亦復同也四者太清法王

太一天尊冠須臾十變蓮精寶冠衣九種離

合五雲華帔七轉四變紫錦羽裙七明四照

玄光丹襪自然變見師子文履左右侍真亦

復同焉五者四梵天中化主無相天尊冠流

精耀日花冠衣玄鳳瑤華之帔翠錦丹羽飛

帔五明景雲寶襪飛龍轉變之履左右侍真

亦復同耳又紫帔青帔蒼帔丹帔綠帔絳帔

丹帔黃帔黃帔素帔絳龍錦帔悉侍真之服

自四梵以上皆飛雲流霄自然妙氣結成衣

服九色寶光而生萬物長短大小隨境應形

或明光八照圓象洞煥景耀遠近變化自然

或九色合成萬種分輝或龍風結影山水流

形千變萬化不可得名乃至都治城郭宮闕

殿堂樓閣臺榭草木禽獸車輿器物幡幢帳

座種種法具皆是自然應緣而見本無質礙

隱顯靡常六者無色天中仙真聖服及諸天帝冠飛雲寶冠衣九色無縫之帔翠龍華帔五色錦襜祥鸞瓊履皆自然而生應念來至乃至宮殿臺閣車輿器物玩弄服飾苑囿花果音樂法具一切所須悉皆如是七者色界

天中仙真聖品及諸天帝冠蓮華晨冠衣飛雲錦帔絳霄飛裙流景錦襜瓊履風文履雖有形礙而非世間所造同於自然乃至居住車騎法具隨心所欲應念而生變化自在不比於常八者欲界天中仙真聖品冠珠玉之冠衣五雲之帔飛華翠帔流光羽襪九光文履皆以當界所植或於諸天中得或下方神仙奉獻結造所成不同下界有所勞苦乃至居處房殿車輿法物亦復如是九者山上靈宮及五嶽名山洞宮諸神仙靈官真官守土職司冠七寶之冠衣九光霞帔飛青華帔雲錦繡襜鸞鳳文履悉以諸天錦綺及下方珍物或變練而成非如世間之所製造或乘鸞駕鶴控馭龍虎白鹿獅子靈禽神獸飛雲丹霄綠輿瓊輪持幢鼓節執符把籙出入人間應

心所欲隨感而至或上界真仙下世教化因時所服不異人間或下界真仙上朝諸天其所服馭參同上境而變化自然實非汝凡情之所側度天師又問曰夫衣服者本為有形今上聖既無形質衣服何所設耶

太上曰上聖無形實不資衣服但應迹人間而有衣服若歸真反本湛寂自然形影尚空何論衣服今雖示迹略有九階要而言之大歸二種一者無衣之衣謂四梵以上妙體自然變化無常本無形質或隱或顯應見化身接引下凡暫假衣服隨機設教逐境分儀神用自然變化不測此不衣而衣示同凡也二者有衣之衣謂三界以下乃至棄賢形質尚麤未能合道遊行出處要藉威儀衣服階修致有差別又有七種須案奉行劫運雖傾此法無變一者初入道門平冠黃帔二者正一芙蓉玄冠黃帔絳褐三者道德黃褐玄巾四者洞神玄冠青褐五者洞玄黃褐玄冠皆黃裙對之冠象蓮花或四面兩葉褐用三丈六尺身長三尺六寸女子二丈四尺身長二尺

四寸袖領帶襜就今取足作三十二條帷用二丈四尺二十四條男女同法六者洞真褐帷用紫紗三十六尺長短如洞玄法以青為裏袖領帶皆就取足表二十五條裏一十四條合三十九條飛青華帔蓮花寶冠或四

面三葉謂之元始冠女子褐用紫紗二丈四尺長二尺四寸身二十三條兩袖十六條合三十九條作青紗之帔戴飛雲鳳蒸之冠七者三洞講法師如上清衣服上加九色若五色雲霞山水神帔元始寶冠環佩執板師子文履謂之法服悉有天男天女玉童玉女侍奉護持不得叨謬諸天敬仰群魔束形子其勉之天師曰未審下世道士紹聖教者法服云何太上曰若當來男女修行我法捨俗出家當須持奉三洞符籙經戒依此制服隨其經戒高下勿得叨謬混雜仙真常須清淨燒香左右無使穢污濁辱仙靈冠者觀也內觀於身結大福緣天地百神威奉於己當自寶貴以道護持制斷六情抑止貪欲虛心靜慮滌盪

塵勞念念至誠勉登道果外觀於物悉非我有妄生貪著惑亂我心當須觀妙常使無欲以其觀察德美於身上法三光照明內外如彼蓮花處世無染又花為果始用冠一形舉之于首圓通無礙被者披也內則披露肝心無諸滓穢外則披揚道德開悟眾生使內外開通彼我皆濟隨時教化救度眾生一切歸依此最為上者過也割也內過情欲使不外彰割斷諸根永絕萌蘗外過貪取使不內入割斷諸物永無煩惱內外過絕物我兼忘行道誦經不可闕也裙者群也內斷群迷外祛群累攝化萬物令入一乘永出樊籠晉今解脫冠以法天有三光之象裙以法地有五嶽之形帔法陰陽有生成之德總謂法服名曰出家內服己身六根三業訓練形神外服衆生三塗五道救拔人天遍及聖凡知有所法景行可尊又法天尊聖真仙服住持經戒教化人間必使師資相習真道流通易此俗衣著彼仙服道能服物德可法人以是因緣名法服也

太上曰吾昔服日光帔讀洞真寶經服月光帔讀洞玄真經服星光帔讀洞神仙經服九色離羅帔講三洞大乘經服五色雲帔教化人間服自然之帔遊行諸天服萬變雲帔上朝大羅服光明寶帔下救三塗常使玉女童二百四十人典侍法服清淨燒香若道士常須備其法服整飾形容沐浴冠帶朝奉天真教化一切勿得暫捨法服不佳威儀無使非人犯法服也天師稽首禮拜奉行

天師受法服已即說科戒四十六條傳教將來

第一不冠法服不得登壇入靜禮願啓請悔過求恩第二不冠法服不得逼近經戒講說念誦看讀數揚第三不冠法服不得持齋齋戒受人禮拜飲食供養第四不冠法服不得禮拜師尊長德及受弟子禮拜第五不冠法服不得出入所居人間遊行見諸凡人第六不冠法服不得祝禁符劾章奏表啓第七不冠法服不得覲見國主父母及諸世民第八寢息休暇當脫法服

第九沐浴浣濯當脫法服第十大小便曲當脫法服第十一泥雨濁穢當脫法服第十二供養給使師尊父母勿脫法服第十三檢校修造一切功德勿脫法服第十四檢校營造齋供花果勿脫法服第十五檢校種植勿脫法服第十六非枷獄病苦勿脫法服第十七手足不淨勿犯法服第十八器物不淨勿犯法服第十九牀席不淨勿犯法服第二十車輿不淨勿犯法服第二十一裸露身形勿犯法服第二十二鳥獸蟲魚勿犯法服第二十三口氣臭穢勿犯法服第二十四非同學弟子勿犯法服第二十五始欲出家先備法服第二十六欲受經戒須備法服第二十七詣師請經道戒錄須上法服第二十八詣師請福解免厄苦須上法服第二十九法服不得用五絲作第三十法服不得以非義物作第三十一法服不得用錦繡綺作第三十二法服不得非法作第三十三法服不得假借他人第三十四法服不得隨宜拋擲

第三十五法服不得安卧牀上第三十六法服不得坐卧其上第三十七法服不得脚踏洗及拋拍第三十八法服破壞當須火淨第三十九法服不得過三具餘便施人第四十法服破壞及餘物不得充非用并凡人著第四十一法服作成燒香啓告禮拜三寶先獻三寶及諸仙真聖然後取著第四十二法服近經像者不得著人間及不淨處第四十三法服須勤洗濯燒香清淨箱篋藏舉勿使污穢常置淨室第四十四不得著法服遊五種家第四十五不得擅脫法服潛遊人間第四十六坐起卧息常依科戒

天師曰道士護持法服當如兩眼又如手足何以故人若無眼不能覩見天地萬物好惡是非若無手足不能運轉身形遠近行坐名不具足是盲衆生道士不持法服失十種恭敬得十種輕賤一者諸天生不恭敬二者諸魔生不恭敬三者鬼神生不恭敬四者帝王生不恭敬五者父母生不

恭敬六者兄弟生不恭敬七者姊妹生不恭敬八者眷屬生不恭敬九者貴人生不恭敬十者賤人生不恭敬一者得諸天輕賤二者得諸魔輕賤三者得鬼神輕賤四者得帝王輕賤五者得父母輕賤六者得兄弟輕賤七者得姊妹輕賤八者得眷屬輕賤九者得貴人輕賤十者得賤人輕賤見世所在之處失其勝福過去受猪狗之身若護持者見世所在之處得其果報過去生諸天中者凡諸男女寧脫已之服不得脫出家法服寧犯毒蛇不得犯出家法服寧生大火坑不得與出家同坐若道士自外法服邀世榮華是其福盡雖暫光耀不久惡至過去入寒水地獄後受裸露之身何以故此人自取沉淪也

天師曰應服不服非服而服皆四司考覈奪算一千二百

天師曰道士衣服卧具坐褥皆不得用青綠紺絳紅碧玄素錦綺繡畫珠玉間錯違者四司考覈奪算八百

### 三洞法服科戒文

方五

九

正一法文天師教戒科經

力六

道以沖和為德以不和相尅是以天地合和  
 萬物萌生華英孰成國家合和天下太平萬  
 姓安寧室家合和父慈子孝天垂福慶賢者  
 深思念焉豈可不和天地不和陰陽失度冬  
 雷夏霜水旱不調萬物乾枯華葉焦枯國家  
 不和君臣相詐強弱相陵夷狄侵境兵鋒交  
 錯天下擾攘民不安居室家不和父不慈愛  
 子無孝心大小忿錯更相怨望積怨念毒鬼  
 亂神錯家致敗傷此三事之怨皆由不和天  
 地不和陰陽錯謬災害萬物國家不和豪傑  
 爭權禁令不行害及萬民室家不和禍起貪  
 欲財利者忿怒相加以致災殃諸賢者所以  
 反覆相解恐人說冒非法來久躬行犯惡然  
 後得罪不能發悟或懷怨望其過益深故重  
 丁寧皆宜用心轉相勸進除去已往之惡修  
 今來之善善積合道神定體安喜怒不忿於  
 心惡言不發於口醜聲不聞於耳邪色不視  
 於目貪欲不專於意修行正身真氣來附邪  
 惡皆去故過悉除新善自著諸欲奉道不可

不勤事師不可不敬事親不可不孝事君不  
 可不忠己身不可不實教戒不可不從同志  
 不可不親外行不可不愚內實不可不明語  
 言不可不慎禍患不可不防明者不可不請  
 愚者不可不教仁義不可不行施惠不可不  
 作孤弱不可不卹貧賤不可不濟厄人不可  
 不度生物不可殺伐惡事不可不避色欲不  
 可不絕貪利不可不遠酒肉不可不節善人  
 不可不敬惡人不可不勸也賢者深念之焉  
 為人若不能與法戒相應身心又無功德欲  
 求天福難矣修善得福為惡得罪罪至不自  
 責先日過反呼奉道無益怨怒皇天猶豫前  
 却移心他念群輩翕習妖惑萬端結黨連群  
 導趣邪偽陷入姦非愚人無知為行如此去  
 道遠矣道之弘大方圓無外天網恢羅人處  
 其中如大網捕魚為遊行網中豈知表有  
 網也牽網便得放網乃脫人不知真道大神  
 如魚之不知網也而愚人或欲捨真就偽偽  
 伎卒効登時或能有利利不久也叛道者所  
 以不即受罰大道舍弘愛惜人命聽恣其意

隨其所欲雖初快心後自當悔之深遠非愚  
 俗所能明知道之視人如人之視蟲蟻道能  
 殺人如人能殺蟲也道之好生惡殺終不殺  
 也惡人為惡不止自有司神記其惡事過積  
 罪滿執殺者自罰之道終不赦也諸賢者欲  
 除害止惡當勤奉教戒戒不可違道以無為  
 為上人過積但坐有為貪利百端道然無為  
 故能長存天地法道無為與道相混真人法  
 天無為故致神仙道之無所不為人能修行  
 執守教戒善積行者功德自輔身與天通福  
 流子孫賢者所樂愚者所不聞學者勉自殷  
 勤天師設教施戒奉道明訣上德者神仙中  
 德者倍壽下德者增年不橫夭也按戒為惡  
 者乃不盡壽而橫夭也惡人痛哉賢者何不修  
 善久規長生手雖不能及中德修下德治身  
 世間斷絕愛欲及俗所為則與道合  
 一不得淫泆不止志意邪念勞神損精魂魄  
 不守則痛害人  
 二不得情性暴怒心忿口泄揚聲罵詈誓盟  
 咒詛呼天震地驚神駭鬼數犯不改積愆在



內傷損五藏五藏以傷病不可治又奉道者身中有天曹吏兵數犯瞋恚其神不守吏兵上詣天曹白人罪過過積穢成左契除生右契若死禍小者罪身罪多者殃及子孫三不得佞毒合害相賴於人專懷惡心心神五藏之主而專念惡事此一神不安諸神皆怒怒則刻毒最不可犯之不止其災害已四不得穢身荒濁飲酒迷亂變易常性狂悖無防不知官禁為忌不知君父為尊為嘗溢口自詛索死發露陰私反迷不順淫于骨肉○罵天詈地無底無對舉刃自守故天遂其殃自受其患

五不得貪利財貨財貨糞壤隨時而與下古世薄以財為寶專念求利賈賤言貴伺候便宜欺誣百姓得所欲者心懷喜悅不得所欲者怨恨毒心或忿爭多少刀兵相賊違犯天禁不從教戒貪欲愛財財者害身之鱗身沒名滅何用財為

聞戒者翕然稱之言善謂不可犯背戒向利不自尊者翕然復動輒有履險道刃之厄大

命傾矣臨敗而欲悔罪定而稱善事失以過天道不赦財寶色欲陷目之雉害身之災賢者遠之愚者樂之賢者坐起寐卧舉動行止深用自戒自戒身無變動其福明矣觀今奉道精專者萬無一人何以言之下古世薄時俗使然競相高上貪榮富貴仁義不行權詐為智父子相欺君臣相給轉相屬託貨賂實官黜退忠直任用佞邪厚姦結黨阿諛所親富貴相追貪賤棄捐服飾車馬浮華順俗君子小人皆共同然所以欣欣世間豈念道乎此輩愚人雖先休休不足願也所以者何惡人淺薄通有榮顯便驕奢盈溢施行過度恣心快意不慎法節道之清虛不受此輩神明遠之邪鬼侵之或有協偽背真禱鬼求請天網恢恢其罰未行耳譬如炊熟火下以滅甑中餘氣未盡豈安得久惡人雖未過禍譬如餘氣耳諸賢者人之所大願以生年為貴人之所大惡以死終為賤豈不然乎天道平正以生賞善以死罰惡此言凶禍福從窈冥中來禍災非富貴者求請而可避非會賤者守

窮而故罰修善者福至為惡者禍來國君雖有無極之寶臨危惜命傾城量金求生乞活豈復可得賢者貪賤不須強求富貴勞人精思廢人所存傲慢亂志使人不壽而人見富貴者心欲願之志欲存之勞心苦志得之不已若欲所求乞修身念道室家大小和同心意掃除燒香清淨嚴潔然具白開承說其所欲道之降伏何所不消若願欲者實不用金帛貨賂不用人事求請不用酒肉祭禱直歸心於道無為而自得之隨意則信為鬼立○功脫物而已亦不用多而欲習効俗人背道求請事事反矣欲得福願要當勤身精進晨暮清淨燒香坐起念之不廢所願福無不應好樂者得福無量不樂者自隨本心道至寬弘恣隨人耳唯賢者明萬念念精進追之恐不及惡者忽忽退然去之恐不遠此賢愚不同也學者勉自勤請奉道之家或遇災異疾病死喪官符口舌以致不利何以然也皆由人惡奉法不動雖知道專而欲奉之其情性施行與俗不別邪偽不除欲以邪偽干亂真

正終不可也邪與正如賊盜惡人見監伺吏  
 藏竄無住立處豈可犯尊其氣自然不通如  
 何欲與邪相通也諸此人輩雖係名奉道真  
 道當祐道不受也而自謂屬道遇災急厄病  
 痛著身雖望道擁護道不救也精邪惡鬼卒  
 所侵害道不為攝却而惡人懂愚殊不能尅  
 心改悔歸誠於道方更背戾呼道不神雖不  
 口言心內怨望此輩不莊事變易心腸巽濡  
 日月莫脫災免害萬不一脫執性了戾心腸  
 不改沒命之後悔復何及惡人痛哉

○賢者正心守道不可懈惰當以勤確愚者自  
 戒莊事勤修大道至尊高而無上周圍無表  
 裏囊括天地制御眾神生育萬物蚰飛蠕動  
 含氣之類皆道所成所生道之威神何所不  
 集何所不消何所不伏把持樞機驅使百鬼  
 先天而生長守無窮人處其間年命奄忽如  
 眼目視瞬間耳而大道含弘乃愍人命短促  
 故教人修善上備者神仙中備者地仙下備  
 者增年道尊藐藐何求於人人不能感存道  
 恩精勤修善雖不能及中德之行下德當備

也而復不及下德違背真正不從教戒但念  
 愛欲富貴榮祿色利財寶飲酒食肉恣心快  
 意驕奢盈溢豈復念道乎○人不念道道不  
 念人人之若魚道之若水魚得水而生失水  
 而死道去人虛何望久生也要在精進存念  
 諸賢者欲得保身念行家居安完皆去先日  
 所犯過惡進修後善若見人有違失之行轉  
 相勸戒相教改悔其功報效應受福無量勿  
 謂道之無形不可見為欲傲慢輕易耳然欲  
 得恩福當事精勤晨夜清靜若有同義遇難  
 ○疾病相救緩急相郵不得以智欺愚乘威詐  
 稱假託鬼神恐嚇厄人不得纔有小智稱名  
 自大輕忽愚人更相毀咎背向妄論指摘賢  
 者不得私情貪狠敢責賤樂富棄貧託望  
 憐氣愛憎二心欲隨情請福以為惠施道終  
 不從鬼不為使毀敗正法耳反受欲當同志  
 相求同法相好若男女不曉書疏者專心好  
 道可請明者聽誦經戒會在靜舍若堂上掃  
 除燒香澡澣潔清男女別坐儼然正體安神  
 精思明聽勿妄華言傾邪不端遊心他念玩

墮睡寐勞體自疲虛苦無益若能如戒精進  
 不倦室家受福天曹吏兵自來護人終已無  
 有災患病痛也○萬物之中以人為貴人處  
 天地間皆知生之日而不知死來之日善人  
 惡人富貴貧賤各自謂壽命終年誰欲先窮  
 者人人所不樂也然惡人過積結罪罪滿作  
 病病成至死不自知唯修善者得福人生受  
 命制之在天天實不言故在聖人聖人隨世  
 惻隱不以常存故遺教戒教戒者欲令人勸  
 進長生全身保命無窮人皆能奉法不倦何  
 ○但保命乃有延年無窮之福此非富貴者貨  
 賂求請所能得通也亦非酒肉祭禱鬼神所  
 降致也道人賢者奉教戒精專勤身先苦  
 後報其福應也賢愚貴賤皆同亦願其所欲  
 耳唯道人執志故能以戒自檢行止舉動愛  
 欲之間守戒不違心無邪傾若見色利以戒  
 掩目若聞好惡之言以戒塞耳若食甘香之  
 美以戒杜口若願想財寶放情愛欲以戒挫  
 心若趨向姦非意欲惡事以戒折足守之不  
 廢可謂明矣當勸進愚冥者愚冥者不能承

用無如之何以道人常欲有好心善施惠故也。天道授福。○奉道精進要當勤身守之。當久治志當堅精進專念莫有不先勞後報度身神仙故有楊公十五奉道六十未報修身不倦至年八十功滿行著福報無量諸賢者奉道莊事勤身當如飢渴欲得飲食如遇寒暑欲得易處如作極欲得休息如疲勞欲眠寐如願想欲有所得念道奉真欲得度身如念此諸所欲勉身如法不倦獲無災殃禍害病痛憂慮何願不得何福不應也。道出自然。○先天地生號無上玄老太上三炁混一為無上正真之道也。道弘大包含天地變化萬神微布散在八極之外內潛毫毛之中成生萬物制御三天統三萬六千神大無不覆小無不入清虛無為故能長存含濁而不穢故為萬物母。天道無親惟與善人善人保之以致神仙非富貴者求而能得貧賤者鄙而無與能專心好樂精誠思念修身行善則與道合然世人多愚好高浮偽遊身恣欲於群俗之間須臾之樂以快腹目終不能苦身勤念奉

道奉道但當積修功德謙讓行仁義柔弱行諸善清正無為初雖勤苦終以受福不與俗同如人但貪須臾之利命沒之後身為糞土魂神同朽道人與俗相去遠矣何以言之道人清正名上屬天俗人穢濁死屬地官豈不遠乎。惡人守俗不念奉道可謂大迷也。夫人各有眼目鼻口心意兩足其賢愚之行各異者目專視利色耳聽言之好惡鼻悅於甘香之氣口貪五味之美味專縱恣所欲兩足隨意導身趣向森非賢者不然目不視所好耳不外聽邪惡之言鼻不通臭香之氣口不樂滋味之美味不想可欲之快足不趨惡事為非此道人所行道人亦知諸所欲為快以戒制情故不犯惡善積行著與道法相應受福無極。惡人所知惡速禍不能專戒與道相反何望得福若欲得福何不勸道人乎。奉道清正無為惟當精進修行積善耳亦無間為限亦無水火為難亦無貧賤見通亦無豪強相奪亦無富貴爭進亦無作役負擔之苦何不壯事專精奉道勤身乎。道人百行當備千善

當著雖有九百九十九善一善未滿中為利動皆棄前功治身關念守戒不廢乃得度世道人賢者可勤行焉

### 大道家令戒

大道者包囊天地係養群生制御萬機者也無形無像混沌沌自然生百千萬種非人所能名自天地以下皆道所生殺也。道授以微氣其色有三玄元始氣是也。玄青為天始黃為地元白為道也。三氣之中制上下為萬物父母故為至尊至神自天地以下無不受此氣而生者也。諸長久之物皆能守道含氣有精神乃能呼吸陰陽道生天天生地地生人皆三氣而生。三三如九故人有九孔九氣九氣通則五藏安五藏安則六府定六府定則神明神明則親道是故人行善守道慎無失生道生道無失德三三者不離故能與天地變易易稱有天地然後有萬物有萬物然後有男女有男女然後有夫婦有夫婦然後有父子父子者欲徠百世使種姓不絕耳下古世薄多愚淺但愛色之樂淫於邪偽以成

耳目淫溢女色精神勃亂貪惜貨賂冷氣發上自生百病至於黃帝以來民多機巧服牛乘馬貨賂為官稍稍欲薄盡于五帝夏商周三代轉見世利秦始五霸更相尅害有賊死者萬億不可勝數皆由不信其道道乃世為帝王師而王者不能尊奉至傾移顛殞之患臨危濟厄萬無一存道重人命以周之末世始出奉道於瑯琊以授于吉太平之道起於東方東方始欲濟民於塗炭民往往欲信道初化氣微聽得飲食陰陽化寬至於父母兄弟酌祭之神後道氣當布四海轉生西關由以太平不備悉當須明師口訣指謫為符命道復作五十字由神仙之要其禁轉切急指勅治身養生之要神仙之說付關令尹喜略至而世多愚心復悶悶死者如崩萬無有全西入胡投以道法其禁至重無陰陽之施不殺生飲食胡人不能信道遂乃變為真仙仙人交與天人浮遊青雲之間故翔弱水之濱胡人叩頭數萬員鏡照天髻頭剔鬚願信真人於是真道興焉非但為胡不為秦秦人

不得真道五霸世衰赤漢承天道佐代亂出黃石之書以授張良道亦形變誰能識真漢世既定未嗣縱橫民人趣利強弱爭道傷民命一去難還故使天授氣治民曰新出老君言鬼者何人但畏鬼不信道故老君授與張道陵為天師至尊至神而乃為人之師汝曹輩足可知之為尊於天地也而故悶悶日一月一月一歲一歲貪縱口腹放恣耳目不信道死者萬數可不痛哉道以漢安元年五月一日於蜀郡臨邛縣渠傍赤石城造出正一盟威之道與天地券要立二十四治分布玄元始氣治民汝曹輩復不知道之根本真偽所出但競貪高世更相責賤違道叛德欲隨人意人意樂亂使張角黃巾作亂汝曹知角何人自是以來死者為幾千萬人邪道使末嗣分氣治民漢中四十餘年道禁真正之元神仙之說道所施行何以想爾

救汝曹之命或快氣相語或有故臣今相端正而復不信甚可哀哉欲朝富先暮欲太平當先亂人惡不能除當先兵病水旱汝曹薄命正當與此相遇雖然吉人無咎昔時為道以備今來耳未至太平而死者孫當蒙天恩下世浮薄持心不堅新故民尸見世知變便能改心為善行仁義則善矣可見太平度脫厄難之中為後世種民雖有兵病水害之災臨危無然故曰道也子念道道念子子不念道道不念子也故民諸職男女汝曹輩莊事修身潔己念師奉道世薄乃爾夫婦父子室家相守當能久而不能相承事清貞孝順道敬師禮鬼從神乎今已去天下之擾擾如羊四方兵病惡氣流行念今日之善尊天敬神愛生行道念為真正道即愛子子不念道道即遠子卒迫災害慎無復悔悔當苦在後身吾晨夜周流四海之內行於八極之外欲令君仁臣忠父慈子孝夫信婦貞兄敬弟順天下安靜故民渾濁日久雖聞神仙之語長生之言心迷意惑更復不信或行善未知真

正惡惡相教邪邪相傳不自屏惡更相誹訕  
君臣爭勢父子不親夫婦相妬兄弟生分因  
公行私男女輕淫違失天地敗亂五常外是  
內非亂道紀綱至今三天恚怒殺氣縱橫五  
星失度太白揚光變風冬雷雪字低昂天垂

懸像以示人人不信道道毒死者當氣在幽  
谷妙真自吾所作黃庭三靈七言皆訓喻本  
經為道德之光華道不欲消形而名之賢者  
見一知萬譬如識音者道在一身之中豈在  
他人乎汝曹學善夫根本不承經言邪邪相

教就偽筆真吾昔皆錄短雜說邪文悉令  
消之祭酒無狀故俾挾深藏于今常存使今  
世末學之人好高浮說指為名真此皆犯天  
禁必當中傷終不致福也但勞汝耳無事自  
勤苦不如任心恣意以快汝不須為天考不

須輕易官法也化以太平入當助天為太平  
之行天聰明自我民聰明中正則二五定  
亦從人為嚮應耳諸新故民戶男女老壯自  
今正元二年正月七日己去其能壯事守善  
能如要言臣忠子孝夫信婦貞兄敬弟順內

無二心便可為善得種民矣種民難中亦當  
助其力若好生樂道無老壯端心正意助國  
扶命善惡神明具自知之不可復為妄想或  
以邪偽之人言言我知道以道教人

諸職男女官皆所拜署今在無幾自從太和  
五年以來諸職各自置置不復由吾氣真  
氣領神選舉或聽決氣信內人影夢或以所  
奏或迫不得已不按舊儀承信特說或一治  
重官或職治空決受職者皆濫對天地氣候  
理三官文書事身厚食○奉及諸閑官無文

書之職皆當隨時坐起名荷天官常處神明  
之坐以攝世俗非忠臣孝子之道曾不知悉  
語聞災責已如達災遇害如反怨妄言奉道  
無益此乃有罪三千從爾如已也吾昔勤勤  
憂濟汝曹之命欲令見太平耳而復求太平

耶昔漢嗣末世豪傑縱橫強弱相陵人民詭  
黠男女輕淫政不能濟家不相禁抄盜城市  
怨枉小人更相僕役蠶食萬民民怨怒亂逆  
氣于天故今五星失度彗星上掃火星失輔  
強臣分爭群姦相將百有餘年魏氏承天驅

除歷使其然載在河雒懸象垂天是吾順天  
奉時以國師命武帝行天下死者填坑既得  
吾國之光赤子不傷身重金累紫得壽遐亡  
七子五侯為國之光將相掾屬侯對不少銀  
銅數千父死子係弟亡兄榮沐浴聖恩塗革

豈誌德知真所從來乎昔日開門教之為善  
而反不相聽從今吾避世以汝付魏清政道  
治千里獨行虎狼伏匿不閉門姦臣小豎  
不知天命逆順強為妖妄造者親凶及于子  
孫汝輩豈知其原邪從比平以來四方疾病

掃除群凶但殺惡人耳其守道樂善天自護  
之如赤子臨危度脫如舌之避齒汝曹豈復  
知之耶諸職自今以後不得妄自署置為職  
也復違吾中傷勿怨祭酒治病病來復差既  
差復病此為惡人勿復醫治之但當戶戶自

相化以忠孝父慈子孝夫信婦貞兄敬弟順  
朝暮清淨斷絕貪心棄利去欲改更惡腸憐  
貧愛老好施出讓除去淫妬喜怒情念常和  
同腹目助國壯命棄往日之惡從今日之善  
行災消無病得為後世種民民勿怨貧苦食

富樂尊貴汝耳目聞見從古以來富貴者久手財素於地身死於市以此觀之故諺言死人不知生鼠得之在命求之以道道隱無名名者伐身之斧善行無轍迹欲令人不見其蹤迹為道當治身養生求福耳而教人以縱已縱已則人見其迹伐身之斧利矣伐身之斧利則福去而禍來可不慎歟可不畏歟天地所以長久者以其無為無為者無不為也但使人不見其有迹乃能為奇耳俗人輩汝曹狀可笑也縱有小善欲使人知之縱有粉米之異欲使人賢之此皆非道之益已皆犯禁矣今傳吾教令新故民皆明吾心勿相負也

天師教

今故下教作七言謝諸祭酒男女民天地混藉氣如烟四時五行轉相因天地合會無人民星辰倒錯為人先二十八宿畢參辰榮惑太白出其間若有改變垂象先太平之基不能眠是令軼軻不可言發言出教心意煩走氣八極周復還觀視百姓夷胡秦不見人種

但尸民從心恣意勞精神五藏虛空為尸人命不可贖屬地官身為鬼伍入黃泉思而改悔從吾言可得升度為仙人節慎陰陽保愛神五藏六府有君臣積在微微為真人神思愁慘不能眠遊戲百姓五藏間還與真人共語言心中真人來上天絳黃單衣三縫冠佩天玉符跪吾前陳說百姓道萬民功過進退有明文

陽平治

教謝二十四治五氣中氣領神四部行氣左右監神治頭祭酒別治主者男女老壯散治民吾以漢安元年五月一日從漢始皇帝王神氣受道以五斗米為信欲令可仙之士皆得升度汝曹輩乃至爾難教巨與共語反是為非以曲為直千載之會當奈汝曹何吾從太上老君周行八極按行民間選索種民了不可得百姓汝曹無有應人種者也但食榮富錢財穀帛錦綺絳綿以養妻子為務掠取他民尸賦斂索其錢物掠使百姓專作民尸修農鍛私以養妻奴自是非他欲得功名榮

身富已苟貪錢財室家不和始始為先男女老壯更相說道轉相誹謗溢口盈路背向異辭言語不同轉相說始不恤鬼神以憂天道令氣錯亂罪坐在阿誰各言祕教推論舊事吾不能復忍汝輩也欲持汝輩應文書頗知與不祭酒主者男女老壯各爾憤憤與俗無別口是心非人頭蟲心房室不節縱恣淫情男女老壯不相呵整為爾憤憤群行混濁委託師道老君太上推論舊事攝綱舉網前欲推治諸受任主者職治祭酒十人之中誅其三四名還天曹考掠治罪汝輩慎之氣將欲急遠不過一年二年三年之中當令汝曹聞知當令汝輩眼見可不慎之諸祭酒主者中頗有舊人以不從建安黃初元年以来諸主者祭酒人人稱教各作一治不復按舊道法為得爾不令汝輩按吾陽平鹿堂鶴鳴教行之汝輩所行舉舊事相應與不吉吾有何急急轉著治民決氣下教語汝曹輩老君太上轉相督欲令汝曹人人用意勤心努力復自一勸為道盡節勸化百姓

天師五言牽三詩

牽三復牽一披雲朗白日三災蕩穢累約當  
被中出

牽三復牽二榮華不足利若欲入五難必令  
精誠至

牽三復牽三酒肉不足甘洗濯素絲質昇苦  
就朱藍

牽三復牽四妙法冥中秘希仰神靈降一心  
莫有二

牽三復牽五道士出蓬戶脫落形骸中淵玄  
誰能覩

牽三復牽六年往不可逐雖無骨間分訓之  
故宜勗

牽三復牽七希仰入九室披衿就靈訓諠然  
萬事畢

大道妙不遠弘之當由人忠信成一氣可得  
脫度身

三災運已促宜早去利欲中情漸堅固災厄  
便得度

心罪宜詳除勉力可為則既得過五難衆願

咸可得

恨無自然分纏綿流俗間仰意歸長生庶得  
廁群賢

正一法文天師教戒科經

女青鬼律卷之一二同

力七

律曰天地初生元氣施行萬神布氣元有醜  
逆秩邪不正之鬼男孝女貞君禮臣忠六合

如一尤有惡害自後天皇元年以來轉生百  
巧不信大道五方逆殺疫氣漸興虎狼萬獸

受氣長大百蟲蛇鬼與日滋甚天有六十日  
日有一神神直一日有千鬼飛行不可禁

止大道不禁天師不勒放縱天下凶凶相逐  
唯任殺中民死者千億太上大道不忍見之

二年七月七日日中時下此鬼律八卷紀天  
下鬼神姓名吉凶之術以勅天師張道陵使

勅鬼神不得妄轉東西南北後有道男女生  
見吾秘經知鬼姓名皆言萬鬼不干千神賓

伏奉行如律不得妄傳非其人傳非其人災  
流七世勿怨道教師紀姓名譜曰

高天萬丈鬼百鬼中皇姓係天六方鬼之主  
住在太山東南角道水中諸死人所歸鬼亦

上天對問考罰月一上古以來已三萬六  
千餘年如有三萬六千神與鬼等數

南鄉三老鬼俗五道鬼姓車名匠主諸死人

錄籍考計生人罪皆向之此鬼在太山西北

角亦有官屬太山有召一還此鬼天煞唯開

文書上不著天下不著地

雲中无頭壞軍死將逆惡大鬼姓李名三可

北斗三台招搖大鬼姓伴名玩

西斗三台鬼姓車名球

南斗三台鬼姓溟名温夫

中斗三台鬼姓王名咸

東斗三台鬼姓角名車

右五斗煞鬼名姓主煞人

東方凶神鬼姓堅名角子

南方凶神鬼姓精名玉又名後竹

西方凶神鬼姓天邪名古子切

北方凶神鬼姓王名精

中央凶神鬼姓戴名應子

右五方凶神鬼姓名主煞人

五方通煞注鬼名勗

五方直符注鬼名結天考逆煞直符鬼名天

殃一名越

天一神長惡子孫鬼名高筆子

天一神長傷過子鬼名譚契子

天飛行長鏢子鬼名梁扶一名汝夫天信義

長鬼子名太紫元

右五鬼三官帝常遣司察人罪鬼恒在人

間不可得見

天雲中无名遊行鬼長三萬六千丈

天雲中遊行鬼名瓊子又名懣音

天雲中二十八宿直煞鬼名域子

右三鬼天陰陽鬼主煞生人

東方青帝直符鬼名伯神子一名果子

西方白帝直符鬼名伯和子

南方赤帝直符鬼名泰伯子

北方黑帝直符鬼名泰衣子

中央黃帝直符鬼名伯溪一名淵

右五方直符鬼常煞人六畜主作光怪死

鬼先人所使

東方青帝无名煞鬼姓元名谷玄從東方甲

以甲乙日辰

南方赤帝姓變名乳

西方白帝姓遠名顏之

北方黑帝姓避名明

右四方煞鬼主煞天下逆惡不孝

北斗主煞一人上下烏衣長七千丈姓吳名

還臨子

斗綱加煞七人長九丈赤憤主煞天下姦邪

逆鬼太一主煞无形无名鬼長一丈六尺赤

憤赤衣服天三五考煞鬼名慧長一丈七尺

白衣赤憤持戟向人

天帝常司過鬼姓避反名班子日瞑人定時

下聽人口語逆知心神還啓考煞

五嶽鬼名進強

右北斗等鬼主煞姦邪司聽語默

甲子日鬼名元光

乙丑日鬼名彰音

丙寅日鬼名劍音

丁卯日鬼名子方

戊辰日鬼名生進

己巳日鬼名傳弁

庚午日鬼名柴方

辛未日鬼名青父切



壬申日鬼名石松

癸酉日鬼名倚邊音

甲戌日鬼名甲光

乙亥日鬼名遜進音

丙子日鬼名留選音

丁丑日鬼名王眸音

戊寅日鬼名却心

己卯日鬼名遠子

庚辰日鬼名耳子

辛巳日鬼名元聲

壬午日鬼名街

癸未日鬼名歷廚

甲申日鬼名瑯光音

乙酉日鬼名聶下

丙戌日鬼名龔生音

丁亥日鬼名石肅音

戊子日鬼名證方

己丑日鬼名旨都

庚寅日鬼名芥音

辛卯日鬼名慧音

壬辰日鬼名契

癸巳日鬼名輩方

甲午日鬼名麻子角

乙未日鬼名不扶嚮

丙申日鬼名右公

丁酉日鬼名進卿音一集

戊戌日鬼名召在商

己亥日鬼名珠夫子

庚子日鬼名季方

辛丑日鬼名込音

壬寅日鬼名羅結

癸卯日鬼名健木

甲辰日鬼名索良

乙巳日鬼名晶穴

丙午日鬼名挺濃音

丁未日鬼名奕伍

戊申日鬼名却制

己酉日鬼名戴劫

庚戌日鬼名總夫

辛亥日鬼名安懸

壬子日鬼名遁子

癸丑日鬼名唱造

甲寅日鬼名別狀

乙卯日鬼名天嗜

丙辰日鬼名天避音

丁巳日鬼名天橫

戊午日鬼名耳逐音

己未日鬼名惡惡

庚申日鬼名義但

辛酉日鬼名義呼

壬戌日鬼名遠夫音

癸亥日鬼名荅高敵

右甲子六十日直然逐鬼六十人人身无

異赤毛无衣有耳无目飛行千里其身三

凶逆不孝然害天民人隨日憶知其名鬼

不敢近人音

甲子十日一旬凶神姓名玄名玉衡

甲戌十日一旬凶神姓名恒名捧

甲申十日一旬凶神姓名既名閨音

甲午十日一旬凶神姓名本名滿

甲辰十日一旬凶神姓恒名堅子

甲寅十日一旬凶神姓蘇名遙

右六甲神逆惡主煞神君

人生於世无百年之生朝不保暮死多生少

逆然之鬼流布人間誰作百病五逆疾惡寒

熱頭痛或腹內結堅吐逆短炁五內脹滿目

視顛倒口奄手足齟縮不自知慮命在日夕

凶鬼來守天下男女汝曹自可按吾圖書視

鬼等名施吾太玄之下符上三天生炁三五

七九之生以與天民天民死而更生自見天

下男女從太始以來鬼點不信吾真故隱秘

斯經而死者不可勝數念之傷悼令重下律

令天下鬼神姓名衣服線色長短知律至正

一之炁子可隨日名萬鬼不敢干子自不知

言吾无神上怨大道下怨於人子反自中傷

可慎三五之年子自當見天下不信真炁者

及笑還與鬼私通念子自當分別今日何可

得生子自三思勿違犯慎之

律曰天道以鬼助神施炁人畏鬼不畏神詭

託名於彼自號其位人聞鬼存无神百其語

言故制陰陽清身和心无有邪淫可以制鬼

御天下三萬六千餘神皆為子使令子身不

正反受其殃念子昌乎

北斗主煞南斗注生煞是天綱生是三台自

如人身上應天地法之日月道在不遠三五

來反趨然其可貴也

天下散民中有孝順忠信者可書六十日鬼

名著烏囊貯之常以正月一日日中時以身

詣師家受之係著左右臂以此行來鬼不敢

干天下太平送還本治夜行恐逢惡可服其

鬼名鬼不敢當人不知鬼神自治空身受災

不違義方通三六之年子自滅亡

女青鬼律卷之一

女青鬼律卷之二

太清玄元上三天太上律勅天地水三官主

者皇天初生唯神為尊今世憤憤邪亂紛

不見真神唯鬼亂人今當紀別鬼名定立三

五神以治鬼重下第二卷山海鬼姓名服之

三年萬鬼不敢當行來出入制御邪魅道曰

千年之木成人百歲之石為僮女百獸之形

皆有鬼形子知其名鬼復真形勿傳

山精之鬼長一尺名濯肉

木精之鬼名群天鳥光切

石精之鬼名理肉子想於中切

虎精之鬼名健莊子

蛇精之鬼名側石圭側音威

狗精之鬼名大鬲子何鳥切

猴精之鬼名馬刷子側音毫

狐精之鬼名蓬午代音

狸樹之鬼名連不智勿切

五跨之鬼名截道子濟音

大山之鬼名弓强

小山之鬼名和那

大樹之鬼名方域

小木之鬼名轉其

山室之鬼名啟削

石室之鬼名水連啟削

土瑤之鬼名客史啟削

埽石之鬼名月遊啟削

樽木之鬼名汝遠樽切

木榴之鬼名鳴啜樽切

百蟲之鬼名遐送美號

空流之鬼名活稍美號

江適之鬼名逆鱗子適切

漢明之鬼名咸覽

昌利之鬼名堪坊堪切

山都之鬼名天王

蓋山之鬼名柱佳古切

五色之鬼名後嚮

太玄之鬼名居集

男淫之鬼名戴文

女淫之鬼名截交

青炁溫鬼名高遠

九

白炁溫鬼名伯桑

赤炁溫鬼名士玄

黃炁溫鬼名君太

黑炁溫鬼名文遐

屋室之鬼名搖子

食器之鬼名後服

圓廁之鬼名項天

井鬼名瓊

竈鬼名千遠

床鬼名赫子一扶

傘蓋鬼名晏

麾幢鬼名託

鼓音鬼名亂

笙篁鬼名謹

坵坑鬼名父雉一名羅元

圩苔鬼名赫子一名入徵圩音臣

戟竿之鬼名耳禽中音

刀鬼名劒子夫

甲鎧之鬼名子賢

元子車鬼名如賢子又馬車

千歲白骨鬼名遠世

百歲白骨鬼名音世

五十年鬼名璵磬璵音忠

天獄鬼名瑾生子

天鞭鬼名客夫元

地青土公鬼名元

地赤土公鬼名赤赫元

地黃土公鬼名尅元

地白土公鬼名述本

地黑土公鬼名士民

河伯鬼名達

九江鬼名活

三河鬼名達

四瀆鬼名倏

大馬鬼名賜

車鬼名慟

朴棗之鬼名天賜一名兵車

鐵精之鬼名醫顧

金精之鬼名夷衝

銅器鬼名揚煞

五嶽之鬼名耳擒一名山夫

遼亂之鬼名趣一名歎發

柱木之鬼名文羅一名元羅

五斧之鬼名兀生

長男之鬼名駟一名子石

衣服之鬼名是塗苦類切

五綵之鬼名提敬

五味之鬼名元藝例中切

律曰天下一生之中自有千億之鬼去神更

遠去鬼而近天下凶不可得知此遺凶過

死者千萬有人而鬼不已今記其真名使人

知之一知鬼名邪不敢前三呼其鬼名鬼炁

即絕天鬼來下地鬼并然凡鬼皆有姓名子

知三台鬼名萬鬼使令

律曰人身有疾病厄急可令主者施符呼名

鬼煞名用制鬼法人家有災疾不止可於中

庭北向以符著日辰上便左手揲天關右手

揲火行三呪言天一女青煞鬼萬千太一九

炁收邪神鬼死神至道求无極叱叱便右迴

轉向天門閉炁二十四通通息還向地戶三

呪言太一使我煞萬鬼鬼去神至急急如此

三通百魁立到前後諸神扶送天綱催切諸

鬼相考无有漏脫可以治身勿妄以示俗人

太和之鬼无身有頭頭長三尺目大三寸耳

廣七寸眉廣五寸口廣三寸鼻大二寸鬚長

三尺髮長一丈呼吸天炁吐之成雲子行見

者其名子碑三呼之形自見終鬼從者皆自

伏子行勿以金錢著身其有光炁鬼逆見之

避人有錢在身不可鬼知子解藏之若水行

見者呼河紛其亦作水鬼易形為鳥形明如

鳥大子煞之勿告人三年人行來出入山海

永无所畏大吉

女青鬼律卷之二

女青鬼律卷之三卷四同 力八

道律禁忌天師曰視天下男女日用不忠行

善不報災害日興天考鬼賊五毒流行皆生

於不信不念守一行善身招其禍念子不得

久世長生吾受太上教勅嚴切令以示天民

令知禁忌不犯鬼神靈書女青玄都鬼律令

使汝曹皆悉知聞逆者還順惡者還善改往

修來當依鬼律令

一者不得自東自西自南自北出入去來去

无所關還无所白任意從心皆負律令除算

三十二

二者不得呼天无神言道師言敗刑亂政自

言已是道人言非皆負鬼律天奪算一十三

三者不得持真入偽姦亂聖明飲酒食肉呼

嗟无道奪算十三百

四者不得傳宣惡語道說他人妄作一法不

信天道虛言无實天奪算二百

五者不得傳虛兩舌妄語喜怒无常專行逆

然不慎陰陽天奪算百三十二

六者不得輕慢老人罵詈親戚夫妻呪詛自

相煞害毒心造凶不孝五逆天奪算一百八

十

七者不得受道不知輕慢傳非其人貪財受利取人自益借物不還以為私實天奪算一百八

千八百

八者不得鬪爭言語因醉淫色假託大道妄言鬼語要結男女飲酒食實天奪算三百

九者不得遊行東西周合男女消災不解因成邪亂天奪算萬三千死殃流七世

十者不得傳道童女因入生門傷神犯氣逆惡无道身死无後不得反男為女陰陽倒錯

天奪算三百  
十一者不得露合陰陽觸犯三光因酒往還承感相接天奪三百

十二者不得一人氣生一人氣死逼犯真人

天奪算三十三

十三者不得一父子別居室家離散天奪算二十二

十四者不得嗜慾惡矣男女聚集妄道邪言天奪算百二十

十五者不得同法相相更相道說不信三五

評論天氣長短天奪算八百二十三

十六者不得逃避父母遊行四方位立真氣自相收合天奪算三百二十

十七者不得滅天所生妄煞走獸彈射飛鳥指南作北任心所從不依鬼律天奪算三千

十八者不得干知人事宣布他家藏善出惡

姦人婦女謀圖人婿逆戾三光陰賊呪詛不孝五逆天奪算千二百二十

十九者不得行道之日貪色淫心行氣有長

自解不已私共約誓因生不孝姦心五內無道之子天奪算三萬

二十者不得思神不報因行生氣取降元炁貪淫愛色手足不離彌日竟夕如此无道天奪算三百四十二

二十一者不得以赤姦妄傳俗人口手胷心更相交接委道自叛師主无法天奪算三百

二十二者不得妄以經書授與俗人道父母名諱泄漏真要訣語俗人天奪算三百

天師曰吾受太上旨教禁忌甚重汝男女憤

憤生來至今不知禁制自作一法與天相違

考至主者天奪子算訖恐將可痛不見太平

生者及祭酒道士宣化有功功過相贖民若不用故有宣化之心可自改往修來專一養性可度天三災九厄子唯行惡逆不行忠孝

恐子年命不自保念子可傷幸復重屬丁寧甚也

天師曰天下男女見善戒之文不能從用唯

欲從其所欲教人行非走作口舌專作鬼教

老小兇兇天下一時之樂千年之禍伐身之

斧滅命之爻也子已知道及未知者見吾鬼律新故科文皆可從用三五七九之日慎行

生炁子依吾圖局不犯三炁知可仙化民一千不知道父母真名故為俗人道士雖知黃書契今不知二十四神人故為偽人道極數

訖天有三五子自不知何得言道不神子不知道何得言炁不明百聞不如一見子何不

自改心易腸入吾生炁得為真人太平之日

飛舉上天子只復不飛壽終不死便為地仙得見太平子日一憤悶憤悶不信不忠唯

行无道不見太平念子自衰吾當何苦

天師曰天下男女已知三五七九長生大道子不依吾法行惡媯亂恐子死沒惡人之先幸復告想可勤之

天師曰制節行道謹慎科文目不妄視口不妄言心不妄念足不妄遊親善遠惡與體自然故不重教幸復可思之

女青鬼律卷之三

女青鬼律卷之四

天師稽首敢承先王之道制民勅鬼今當以盟威正一之氣女青鬼律役使天下邪魅妖祥助道興化勸鬼真名主者明加切正使天下道氣宣布邪逆賓伏子知鬼名姓鬼自趨走不敢害人子常念之勿違犯矣

道上將軍名侯夫 道下將軍名逸車 天上逆鬼名文廷玄 地下逆鬼名精子

右四鬼主風雨時隨之作害人行來道路遭大風雨呼四鬼名惡氣不敢加

古凶鬼謹忠世

逆鬼弄耳弄子

右二鬼是古死人敗冢或巫師不正道士之鬼鬼害人百行子知其名鬼自伏住不敢動

天正鬼迷卧迷大地正鬼杵木杵音


右二鬼是宅中死煞守鬼常住人堂屋梁上夜主傷害人雞犬六畜子知其名鬼伏住不敢動此鬼不敢害人宅中應有福德之家此鬼主護人外客殃然不敢過宅中申久年 後穆高

右二鬼人家作屋不契柱色鼻朝成立見星月有靈神主煞人為邪子知其名鬼不害人

令精華 是補坐

右二鬼人家宅中有銅金錢精主作於此鬼鬼或變化作人形居宅不安呼之即去己巴良 赦姑 般奴

右三鬼是人屋中四壁角中鬼主人夫妻无道不順陰陽此鬼白直符直符白奏事除人生籍子知名鬼不敢動并勅鬼著屋四壁角蔽用桃刺長尺二朱書又懸門戶上勅法如左



此符青龍主東白虎主西朱雀主南玄武主北中央黃麟辟除鬼賊急急如律令

右符制百鬼

天載 茂獨音註

右二鬼是門伯戶丞白日為神福室暮作

鬼子知名人定時於門戶左右呼其名三  
掌手反首持兩三過此鬼即止不敢作害  
芥金木和 鎗鉀粗

右二鬼是人家宅上有樹或竹林為烏鴉  
止白鷺群鳥所依此皆有邪魅子知其名

夕夕三呼之鬼知人不可干不過七日九  
日鬼自死不熬鬼者多聞中喚之鬼伏  
住不害人

紫肝方轉所善俱切汰治上音大  
塵發下音姑

右三鬼是世中癩癩煞人之鬼其赤衣服  
烏冠憤主收人魂子知其名有疾即差鬼  
不敢干

桑華載 辟氣逢付

右二鬼是女人月水之精鬼常食陰陽血  
味女子月水來日夕存之呼名鬼不敢害  
人鬼長三尺上下青衣

語忌 敬遷唯鼻切

右二鬼女臨產鬼女子產生時呼此鬼名  
即不害人鬼長三寸三分上下烏衣

翫精華

右一鬼主害人田蠶蠶女鬼夫立春日平  
旦可向天門三呪曰

天之皇清明長遠上多神陰不及與汝馬姑  
來我宅中使蠶大得千萬倍汝田畝汝收千  
億斛恩天中上下天地中上止大道勅華為  
我使叱咄急殺百傷小魅何狼粹

金進遷百道力道切

右一鬼是旦夕掃除鬼令人失財子知名  
可日乎旦向天門三呼名呪曰

石末子石末子太一使汝為我使何物逆鬼  
令速出速出

道以令天下男女各受道思口訣真要以持  
示子子可以存念神明以真除邪八卷之中  
有第四卷至真可以度世子勿違犯慎之天  
師勅邪中是聞律鬼莫不伏聽飛符連天一  
元三靈此天師自呪身中神鬼要法  
遠兵士太王主元一九三氣丈人九氣父母  
太一使我收煞汝急出來良久俯三叱叱二  
十四暗暗

右天師勅水大邪鬼不敢害人

女青鬼律卷之四

女青鬼律卷之五卷六同

力九

道曰天下憤憤常如浮雲君圖其臣婦謀其夫榮惑太白變作人專作苟語小兒邊走作邪偽相交連撲子喉咽不得吞治進道路更相傳念子死亡不出年一則大樂後相恐天地運會故令然受任主者當令勤盡當守一修長存勿得任意唯捉心不行三五唯邪淫言天大道而不禁三官主者擇種民取合炁者萬八千從來至今有幾人大限未足子勤身改心易腸道真人師受口訣以見賢佩吾券契一為先得見太平神仙君五帝主者傳祕言三五七九道炁尊治在清微崑崙山近見三天入人身解脫網羅拜老君安心定意行至仙長短須已多半身可至契令思元辰七九之運別真人

天下人民各頑愚見世憤憤不知憂寒鬼入來與子遊太白流橫長六米老公道上更相扶鐵鍊縛頰報叩頭未殺金貴不可求災兵大厄庚子年念子命運與此堅方外故州胡夷人交頸腫頰惡逆民化生風毒身奉天大

小皆來至此間餘有胡鬼億萬千食人血性逆毛遷今來入國汝何緣兵馬浩亂不可言念子一旦與相連入步不進屈軼申子若不信庚子年自當思吾今日言

日月冥冥恐无尤五穀不生逆鬼行是庚子歲約不亡若有餘人如飛蜂大小更互道相從三五相逐一合雙念子一旦不值逢未至此年當死亡百不遺一柰何從天日與月當更生唯留下地太平中種民在天見母親不信大道念可言非不慈孝道不存一旦如此

宣可言何不少學得神仙太平過度為真人日月列布如流星三五七九道炁明分布九州若父兄皆同一契心合并義各如一道引經黃赤大要守長生上部太紫人數并萬萬之紀合神靈託愚作癡不言聲以守三一從道經千炁不夫事見明

天道蕩蕩信自有旦來暮去天地久以日為夫月為妻天氣交接等何如神龍大山依神居自見元化不安廬東手真實不發舒超王之教故可胥

北斗中有太白星三角浩浩象人形遊走天下化不平有知者悟愚者驚誰正此道有姓名木子三台常與并約在大會天下平五行列布金木水火父母土為營道出元炁從老經合景內外神真形羅縷紫機上天庭遠望八極登太清八八之數從一生子心不解口語名天地陰陽人為先五體骨節皆有神樂人長生俱飛仙除辟大厄却災患少知三五以治身長行七九真炁分太平度世為種民天下男女合如雲會於太一仙道人三日不摩徊復還一心兩口上應天

子之長生出子心三五七九一為親唯炁大正為種民解脫羅網具身神白日高飛入天堂千年出一丈六軀五嶽四瀆出九州合成海水不復流故出女青鬼律書傳行天下樂何如有智自來謁真僑元者自去太山居白骨縱橫鬼暗惡喻柯不止奈何餘仙童玉女依神居望見斯輩當何如

切切天下真欲弊庚子之年其運至千无一入可得脫有心相遇世道清遠惡從善不求



禁塵垢之衣以蔽形心在太一誦誦經白日  
修善暮守生被髮而行在黃庭上啓太上道  
姓名一出玄都入太清口授異訣過災殃念  
世愚子不知生何當合會隨邪靈太一來下  
條姓名恐子一身不久停發願不死從吾經  
天師曰大道垂律女青所傳三五七九長生  
之本以奉行世世相傳子有心分來入吾炁  
自當思行仁義六合守忠專一養性以道為  
家不得負違

太上真言師老太一今故以元年正月七日  
奉行從者千人之中有王長趙昇二人可以  
道炁化度令畢得長生大義

不得犯男女神靈

不得呼天引地

不得祠祭故炁

不得指鬼呼神

不得淫色違慢

不得言炁不明

不得兩心不正

不得妄傳鬼教

不得露行三光

不得犯五靈七政

不得與鬼通同

不得干亂神祇

不得入俗勝真

不得行來出入以

急有厄呼嗟鬼神

女青鬼律卷之五

女青鬼律卷之六

天師曰自頃年以來陰陽不調水旱不適災  
變屢見者皆由人事失理使其然也人為中  
才法地則天動靜以時通而不爭利而无害  
故能神仙末世廢道急競為身不順天地伐  
逆師專尊卑不別上下乖離善惡不分賢者  
隱匿國无忠臣亡義違仁法令不行更相欺  
詐致使寇賊充斥濟辱中華萬民流散荼毒  
飢寒被死者半十有九傷豈不痛哉豈不痛  
哉亂不可久狼子宜除道運應興太平期近  
今當驅除留善種人男女祭酒一切生民急  
相核實搜索忠賢恭慕道德按名列言自然  
者寡督厲宜勤若能改過即為勲人入无尊  
卑不違貴賤唯惡為真不得私飾所舉恭錯  
不直之人此者坐之无望久活帝王牧守長  
吏百僚若信吾言舉善而教不能則勸流刑  
行仁祭酒領錄條列上天有勞顯報位登神  
仙有不用心憚勞迴避不肯著名奉行善者  
即還惡人陷於驅除直符疏記毫分不差百  
姓樂善得為善人時還本鄉以安國土人人

念善天下太平禍亂不作災害不生豈不快乎豈不快乎今遣五主各領萬鬼分布天下誅除凶惡披誅不得稱狂察之不得妄救鬼若濫誤謬加善人主者解釋祐而護之鬼若不去嚴加收治賞善罰惡明遵道科

東方青炁鬼主姓劉名元達領萬鬼行惡風之病

南方赤炁鬼主姓張名元伯領萬鬼行熱毒之病

西方白炁鬼主姓趙名公明領萬鬼行注炁之病

北方黑炁鬼主姓鍾名士季領萬鬼行惡毒霍亂心腹絞痛之病

中央黃炁鬼主姓史名文業領萬鬼行惡瘡癰腫之病

右五方鬼主諸欲著名生錄為種民者按此文書隨病呼之知領鬼姓名病即差矣人人各寫一通繫身讀之令罹災害皆消  
東方青溫鬼名敘遠  
南方赤溫鬼名士言

西方白溫鬼名堯  
北方黑溫鬼名天選  
中央黃溫鬼名太黃奴  
第六溫鬼名誅女  
第七溫鬼名伯陵

祖父名梁州  
祖母名交成  
父名延年  
母名出中

右五方溫鬼兄弟七人合祖父母父母十  
一形能飛隨月行毒以誅惡人

一蠱鬼名釋渠  
二蠱鬼名敘  
三蠱鬼名禮敘  
四蠱鬼名成晏  
五蠱鬼名不釋  
六蠱鬼名烏悟  
七蠱鬼名緣支  
八蠱鬼名育夷  
九蠱鬼名石千

右九蠱之鬼行諸惡毒妖媚蠱亂天下與五溫鬼太黃奴等共行毒炁也

正月溫鬼名惟  
二月溫鬼名腫  
三月溫鬼名劉

四月溫鬼名存  
五月溫鬼名坐

六月溫鬼名祥  
七月溫鬼名半

八月溫鬼名懷  
九月溫鬼名農

十月溫鬼名甲  
十一月溫鬼名羸

十二月溫鬼名堅  
右十二月溫鬼各隨其月放逸天下傷害

群生

子日溫鬼名根  
丑日溫鬼名蕩  
寅日溫鬼名怡  
卯日溫鬼名疑

辰日温鬼名厄

巳日温鬼名愛

午日温鬼名悟

未日温鬼名奴長

申日温鬼名未

酉日温鬼名石

戌日温鬼名志

亥日温鬼名憂

石十二日温鬼各各直其日從十二時支

干上來疾病民人日月鬼蠱並順劉元達

等毒害五方不行道戒皆受其殃行善精

懃存道遵教能知名皆共降伏法應去者

各自遠避制應留者却其凶黨更相約束

不犯善人

異時病人之鬼名文通

金精鬼名因允

木精鬼名倚震

火精鬼名附離

水精鬼名託坎

土精鬼名乘巽

五精鬼名輪乾

遊獨鬼名獲張

血食鬼名刃方

虎狼鬼名咳執

蛇龍鬼名甲子

狐狸鬼名勾舉

龜鼈鬼名地殃

露死鬼名天殃

傷死鬼名真果

獄死鬼名史蘇堪

餓死鬼名伏藏

客死鬼名逆干

男傷鬼名覺悟干

女傷鬼名艾赤丹

冢訟鬼名害知

丘丞鬼名地令

墓伯鬼名土下侯

冢下鬼名二千石

右二十四鬼放縱下羅截四方充塞六合

擅算五行更相署置官府列陣出入導從

兵馬權強殺害无辜恣意快心害福之人

悉達其苦志士學道方術厭獲符章棄斷

乃保利貞

斬死之鬼

故死之鬼

喪車之鬼

魁魁之鬼

天殃之鬼

殃注之鬼

雌雄之鬼

寄死之鬼

行客之鬼

地殃之鬼

天凶之鬼

地凶之鬼

天殺之鬼

地殺之鬼

日月玄符鬼

三十六殺鬼

百二十殃注鬼

千殃萬魅鬼  
魍魎精邪鬼  
迷惑不利鬼  
火逆惡注鬼  
逆道醜賊鬼

大道邪精千炁之鬼  
千二百官逆之鬼

地上千師萬醫鬼

天地水三官轉逆魅鬼

著耳角之鬼

自稱皇天上帝土玉鬼

狐狸老精自號之鬼

宅中強悍奸詐聲之鬼

宅中魔邪恐怖人之鬼

宅中靈林古瘞之鬼

宅中光怪之鬼

宅中虛耗之鬼

宅中鄙辱離怨之鬼

宅冢訟違之鬼

右三十六鬼皆遊行世間乘人衰際伺候

有惡助佐凶殃造作禍害改形易象隨便  
陵人學士知之立功建德啓告太上一切  
收治年初章奏列名斷之衆鬼畏懾悉皆  
逃亡不告者一如律令  
女青鬼律卷之六

正一威儀經

卷一

太上曰正一受道威儀初入道門詣師奉受  
券契不受券契土地山川守界真官不上道  
名治官障礙稽留難為成道受此券契天地  
門戶不敢稽留

正一受道威儀次當詣師奉受治錄三歸五  
戒不受之者則治司不書土地不明不攝五  
炁不關四司受此治錄則魔王拜伏自稱下  
官

正一受道威儀次當詣師奉受仙靈符錄不  
受之者攝名不降神不營衛宣奏不達有所  
謹按神不流行三界五帝不敬其形受此符  
錄齋戒啓奏伏鬼除魔先當使之

正一受道威儀次當詣師奉受九州社令九  
州都統不受之者遊行九州所在山川土地  
神靈輒見稽留道路不通受此符錄鬼神敬  
奉不屬地司魔王衛形

正一受道威儀次當詣師奉受斬邪符錄斬  
邪法錄不受之者魔精鬼祿橫見干犯兵病  
所侵受之者誅邪伏凶萬神潛藏土地山川

侍衛送迎

正一受道威儀次當詣師奉受九宮捍厄六害神符不受之者九厄六害復犯子形六天兇鬼得肆其威受之者萬災不干百邪避之三界五帝奉子身形

正一受道威儀次當詣師奉受九天兵符九天真符不受之者三五神兵不隨子東西出入人間不來侍衛受之者三五神兵隨子東西出入侍衛萬邪不干役名神靈敢不敬從一切鬼神皆憚其威

正一受道威儀次當詣師奉受天靈赤官元命符錄不受之者天地祇不降爾身真官散亂身神飛颺受之者天地兵馬隨爾所須身中吏兵纏繞其形坐卧安和夢想不驚

正一受道威儀次當詣師奉受二十八宿七星符錄不受之者諸天星官不降爾身延年保命天官不依請名不降受之者名上天官保命延年祈請星官立依所言得道昇仙天門自開  
正一受道威儀次當詣師奉受都章畢印四

部禁烝不受之者奏章行符禁制方術神烝不從闕落不聞受之者符章禁祝莫不如言

正一受道威儀次當詣師奉受三百大章千二百官不受之者章中吏兵不受爾言徒為謹按身反招愆受之奉行如神心言此至要慎勿輕傳俾科修行無諸災患

正一受道威儀次當詣師受紫宮大錄不受之者為國消災正天分度天官不從受之勤行天應爾心所求所願諸天順從得道昇天星官下迎天門開通魔王保名

正一受道威儀次當詣師奉受破魔錄不受之者神烝不行穢烝不消行符敕水召鬼束靈真神逆散妖邪干形受之蕩穢人鬼清明  
正一受道威儀次當詣師奉受七十二戒百八十戒不受之者三界四司考罰爾身名削善簿字列罪科生死父母不免三塗受之奉行諸天稱慶鬼神所宗七祖生天身登雲宮

正一受道威儀經戒符錄不詣師受行之不神反得偷盜之罪須詣師受依法修行略舉要領諸宜知之

正一受道威儀凡欲受道先詣師門丹齋拜伏師許投辭請經戒符錄書寫如法齋糧質信法衣法物並備具已然後登壇啓告裂券斷盟列辭自狀皆當據日隔月不得頻繁及默許易從

正一受道威儀夫受道須詣有經戒符錄之師不得虛傳聲譽妄學真經此道大禁魂考九幽

正一受道威儀師無法不得妄授弟子拜請虛傳盟誓風刀萬劫七祖同辜切慎之焉

正一受道威儀同姓九祖服從已來不得傳授以為師資所以者何師資犯約九祖同考  
正一受道威儀有法即師勿論奴僕下隸若身無戒錄天之上尊亦不得師尊法故也  
正一受道威儀登壇皆須立三師五保監臨

授度檢察得失用對三天五帝之司  
正一受道威儀登壇付授已便令弟子冠帶法服傳其位號弟子稱位號朝本師及太上十方也  
正一受道威儀受道畢以黃素書三師名諱

形狀年幾及登壇三師五保與弟子

正一受道威儀受道各依法位尊卑不得叨

謬即俗人不得與清信弟子同坐清信弟子

不得與清信道士同坐清信道士不得與正

一道士同坐正一道士不得與高玄法師同

坐高玄法師不得與洞神法師同坐洞神法

師不得與洞玄法師同坐洞玄法師不得與

洞真法師同坐洞真法師不得與大洞法師

同坐登壇行道齋戒講說私房別室行住坐

卧以此位號為其尊卑上中下座宜相咨白

請益決當自謙下敬重法教勿損威儀

正一法服威儀受道先具法服玄冠絳褐黃

裙帔襪草履執笏傳授既已便當冠帶

正一法服威儀法服不得用五色綾錦羅綺

當以繪布制度如法常須清淨勿過三通

正一法服威儀法服不得輒去身若浣濯替

代勿令俗人犯觸混雜凡衣常有神男神女

守護

正一法服威儀法服不得假借當須自備若

破壞任以火淨化之若住山林靜處或埋座

之

正一法服威儀法服脫著置清淨之處如詣

廁溷把諸物皆先洗濯手足然後取之

正一入靖威儀先整頓法服燥漱祝誦旋行

唱讚並須如法不得隨宜吏兵謫言

正一入靖威儀登壇入室臨事不得責罵於

人及與外人交言左右迴顧執心不專

正一入靖威儀靖中所須皆當預備不得臨

時闕少呼外人求索

正一入靖威儀入靖脫著履屣皆須面向經

像不得迴背出入舉足隨其左右順其陰陽

正一啓奏威儀西面平立執簡曲躬調聲正

氣直詞小語樸略曲素勿得厲響繁飾

正一啓奏威儀至心丹禱情訴懇惻隨事簡

要勿失威儀為己及人皆當一意不得惰慢

正一啓奏威儀凡諸所請先自悔過然後請

事言辭摶正情理須中勿多綺飾失其誠懇

正一啓奏威儀初中後心皆當專一言辭准

定事意齊同不得旦夕異陳初恭終慢

正一讀經威儀冠帶祝漱檢香存念須依本

文端身恭坐調柔聲氣至心誦讀從標至軸

不得中停

正一讀經威儀讀經須心心相繼念念不絕

無中漏忘若誤言句却五百言畢啟謝自歎

厥懷

正一讀經威儀五百言若干言及章末輒許

藥液飲諸清水以利聲氣於法不虧

正一讀經威儀畢若有事起時收經入

函韞三檢香禮拜還亦如之

正一讀經威儀先當洗手熏手及經然後讀

之竟復斂淨洗手不得正爾便行

正一讀經威儀讀經皆先就師受其音旨句

度諳識文字不得經堂之中臨事交錯誼亂

衆人

正一讀經威儀讀經之時不得受人借問文

句意義及為人解說問難處分他事雜亂真

靈

正一讀經威儀經中不了須有諮訣及問文

字句度皆當別時就師拜請勿得隨宜輒則

諮求

正一講經威儀弟子先當誥白法師為其等若男女若某事請於某處講說某經願見開悟

正一講經威儀法師許已裝嚴高座於講堂中百座千座皆當如法威儀可觀

正一講經威儀安置高座東西南北隨其所宜左經右師男女西勿令混雜失其威儀正一講經威儀如意几拂香鑪幽韞經案中帕幡華帳蓋敷張牀席悉須如法不得隨宜

正一講經威儀弟子聽眾各持香華幡幢音樂唱讚導引燒香禮拜迎請法師隨時來往不得闕怠

正一講經威儀法師隨事為諸道俗懺悔禮願受戒持齋時時勸化使悟道真弘道利物於此為先

正一講經威儀法師以講經功德裝嚴國王大臣宰輔土地官長人民品物五苦三塗一切眾主悟道成真

正一講經威儀講經畢弟子及諸聽眾一切有心隨分發意建大寶齋福被無邊

正一事師威儀旦夕正其法服執簡朝本師三師如父母禮若同居住晨昏省覲和顏悅色

正一事師威儀遠師百里一月一省二百里三月五百里已上一年若師有疾病老劣他

故不依此限書疏無限

正一事師威儀省師皆自齋糧食所須香油之屬悉不得損耗於師

正一事師威儀弟子以時賞師衣服藥物几杖中拂履履瓶器米麥果菜供其所須勿使乏少

正一事師威儀師有疾病災厄侍左右為建功德燒香禮懺放生贖命延年度厄設齋行道

正一事師威儀師亡持服百日心喪三年殯諸山林几棺布囊舉尸而已造眾福田思念容止

正一奉齋威儀為己及人建諸齋福皆須精志所有米麥並須清淨不得假換私竊非義等物

正一奉齋威儀凡為吉凶生死福業先當脩齋造一切功德成就日皆須設齋慶喜

正一奉齋威儀凡齋皆有三界五帝四司靈官監察其所供齋用不得汙穢偷竊

正一奉齋威儀登齋供施若貴若賤若老若少皆當平等不得生諸二心起愛憎念

正一奉齋威儀所請齋官隨分施散名為買福不得口許心悔生不均意起怠慢想

正一奉齋威儀齋官起供依位行列啓告陳請各稱名位不得交互須依次第告知勿使偏併不平

正一奉齋威儀主人列辭具陳事意請投辭法師受疏依名告赴不得違越失時更受便近家供

正一奉齋威儀齋官隨分食已餘便折還主人不得將歸清淨眾食亦不得喫各宜慎之

正一奉齋威儀八解十直甲子庚申本命八節吉辰皆宜持齋三界五帝四天十部悉來監臨

正一受誠威儀三戒五戒六戒九戒十二可

從戒二十七戒四十六戒七十二戒八十戒百二十戒三百戒各依法受持

正一受戒威儀若國主人王大臣宰輔人民男女及以鬼神一切眾生各隨分授與教護戒神官使其營衛萬災不干

正一受戒威儀持戒之人不得與非持戒人同牀共席行住坐卧飲食居止衣服履屨車輿几杖皆宜異之

正一懺悔威儀旦夕朝真登壇入靖讀經禮拜先當懺悔國主人王大臣宰輔土地官長父母師尊三塗五苦一切眾生後及己身

正一懺悔威儀行住坐卧舉心運意三業六根故誤成罪猶如沙塵注心懺悔後心不生一切清淨萬罪消除

正一禮拜威儀入靖朝真行住坐卧若心及形禮拜五億諸天十方世界真應化法無量天尊仙真聖衆

正一禮拜威儀動心運形歸依虛空微塵沙數過去未來見在三世無極大道大身小身無量等身一切敬禮

正一禮拜威儀上自大羅下窮無際十方三界大道應化說法演教三十六部其法化外藏內藏符圖寶經書起歸依

正一燒香威儀先當洗拭香奩鑪焚盞灰炭等具然後裝治平正整淨火不見赤法則可觀

正一燒香威儀所有灰炭火等皆當別貯不得以電下麁餘及不淨柴薪草穢非法處灰火

正一燒香威儀凡是檢香皆須三指端身正意坐立宜就取便三指檢之每當三獻使煙氣相續不得中停

正一燒香威儀祈告啟請入靖登壇使晝夜相續勿令斷絕而神道無形寄香氣宣通

正一燒香威儀凡諸讀經行道齋戒禮誦講說祈告皆先行香三周然後列辭

正一燒香威儀上界天香千名萬號不焚自熏迎風隨雲周徧十方下界凡境任世有無衆事之中唯此難闕

命却禍消災一燈十燈百燈千燈萬萬億燈在時所能

正一燃燈威儀行道讀經禮拜講說周繞壇座如環列星一萬二千應天之精晝沒夜明順悉修行

正一燃燈威儀然燈去地三尺作籠蓋之勿使飛蟲得入及絕風塵飄汗

正一鳴鐘威儀鐘者威儀寶器四衆所聽六時急務不可闕也左鐘右經皆置臺閣舉之時皆須整頓衣服洗手漱口調正身心先叩齒誦呪然後打之

正一鳴鐘威儀打鐘法先須概漸疎徐打三槌上謂之三下後先概漸疎徐打二十四槌概之謂之長打復初漸概徐打十二槌謂之終合三十九槌以應三十九戶

正一鳴鐘威儀三下鐘安致燈火整飾蒲座澡漱冠帶悉須如法候打長鐘徐舉出之衆會所依位行列香華贊引並宜齊整待後起鐘唱導舉聲行不得臨時迫迫失其威儀



正一鳴鐘威儀不得失時及非法打擊若非時集眾別立小鐘

正一鳴磬威儀以止節登壇入室威儀所須每禮拜稱善初終導引俯仰節度齋講坐起皆當擊之

正一章奏威儀章法最難慎不得輕紙墨令淨辭狀正直須合真氣勿使謬妄更兵陳論正一章奏威儀拜章面向隨其所申皆當別立席座中案如法低身小坐平聲讀之勿得高傲不恭

正一章奏威儀不受治籙千二百官君三百六十大章都章華印皆不合奏章出官各出身中仙官不得謬監

正一醮請威儀醮者祈天地神靈之享也亦有多種所有齋果並須清潔不得肉脯葷穢天官不祐

正一醮請威儀所跪信物不得假借闕少不充欺詐明靈事畢施散山樓道士饑寒老病囚徒役人

正一醮請威儀事畢所設齋果食訖餘皆埋

之

正一醮請威儀當夜半已後日中之前生氣之時

正一醮請威儀所用齋果並須芳新不得經宿及生產尸穢家鳥鼠食餘則神靈不歆徒失爾功

失爾功

正一法具威儀道士法具香鑪澡灌几拂如意環珮劍杖當常整飾安置供養隨事所須

正一食器威儀道士食器三重匙杖巾帕並須如法不得用金銀寶玉牙角雕鏤混雜凡器常須清淨

器常須清淨

正一器用威儀道士器用漱盤衆生食盤注留漆盃檜香曰杵合藥盃餽隨事所宜不可假借

正一居處威儀道士居處樸素虛淨內外間通勿張帳幔簾幌屏障之屬遮擁左右

正一居處威儀道士居處卑房小室容身而已不得高堂廣屋雕畫楮室華麗顯敞

正一居處威儀道士居處依壁數牀不得前後合鋪坐卧獨居勿同諸凡人

後合鋪坐卧獨居勿同諸凡人

正一居處威儀道士居處藜牀布被藁席蒲蓋繩牀夾漆木盤瓦器不得用銅鐵金銀

正一卧具威儀布單布被枕石木屨及裙襦衫袴皆當繪布染作荊黃梔子竹葉黃眉壞色

正一屨履威儀作山形二儀皮布綬飾不得五色錦綺裝褻若草屨木屨皆須異俗勿雜世凡

正一泉井威儀道士居住先須井泉常使清淨勿令六畜雜物汙穢皆別立泉井浣濯飲食牛馬畜產

正一井泉威儀凡諸泉井須數淘泄勿使草木華葉蛙蠅落中人家客院各立井泉無雜供齋所用

正一用水威儀凡諸造食煎炊藥物洗浣衣服沐浴澡潔所須用水皆立濾器令甚細密先當濾之

先當濾之

正一飲食威儀道士飲食滿腹而已勿求精細常當奉齋非時非法悉不得食

正一飲食威儀道士常當受食呪施出種種

正一飲食威儀道士常當受食呪施出種種

正一飲食威儀道士常當受食呪施出種種

正一飲食威儀道士常當受食呪施出種種

食別室器中存見三一與形俱食以挾三擊器就食別器布散衆生

正一飲食威儀道士各立齋器巾挾當清淨日供所須不得與人同器共食及給他用穢悉混雜

正一飲食威儀道士飲食不得使人穢觸所食之物不得臨上令口氣衣服汗穢餘便施散不得積聚將歸

正一飲食威儀道士食訖乞懺然後施散不得中舉乞人及使僕侍從雜拘之流監齋真官皆見謫罰名書三官

正一動止威儀道士行住坐卧皆當合道正容斂色端直其身不得傾斜失其儀相威儀先首可不慎之

正一遊行威儀道士遊詣府署省侍師尊教化人間齋請入俗五人三人皆當依法序序正其容儀不得交雜軌則有失

正一遊行威儀道士遊詣人間及赴齋講各持座褥隨處自居既限穢氣又別尊卑上中下座大小同制

正一住觀威儀道士既入道訖即須住觀持護法相旦夕燒香朝真禮懺奉侍師尊受持禁戒諮問大德學道方法

正一住觀威儀更相教誨自惜法身修善止惡存念三寶慈惠和柔每事恭順成就道場外人干犯皆當念忍

正一住觀威儀上下和睦尊卑信順如運手足存立常住香油米麥糶菜等物相共營求皆同一己不得費用

正一住觀威儀莊田碾磑家人使役五行什物六畜器具果木華藥一切所須皆共愛惜供養十方當來福田

正一住觀威儀尊像經法幡華帳座堂殿樓閣牀席甕罇鐘磬几拂常共建立悉使精華無令闕少

正一住觀威儀常住衆物及三寶財草葉華果毫芥已上不得輒自費用及以乞人其罪至重死入三塗過去未來見在三世已身父母兄弟姊妹及其子孫貧窮下賤聾盲瘡癩

風癩愚癡癩狂孽躄水火兵傷

正一死亡威儀若師尊同學亡打鐘三百六十槌告終法徒畢集哭泣三聲燒香讀經暨其藏殮依法式

正一死亡威儀凡棺布囊舉尸送山林藪澤入土而已不得立墳封樹丘壠

正一死亡威儀正一符籙券契環劍布囊盛之隨身入土

正一死亡威儀書七十二符安佩尸形如法拜戊己章棺殮章法服隨身

正一死亡威儀亡師所有衣物牀卧等具資送之餘脩牒名目施入常住若親若疎若內若外皆不得犯

正一死亡威儀師若無財物資送當用常住及齋供福田並以衆物所以生死同依常住師天尊也

太上謂天師道陵曰凡一百三十二條正一威儀昔在龍漢劫終於玉清三華便殿詣師元始天尊奉受是時元始天尊對太上道君九天真師元始丈人三十二天帝五老上真無極神王命五帝玉童披九雲之韞出此威

儀分付與我曰子當流布三界十方無極世界一切男女有善心者皆傳與之吾得已來經今五劫隨處教化徧滿人天上聖真仙悉皆奉受書之金簡祕諸天官今應授子汝其遵崇敬則福至泄則禍臻元始明戒宜慎之焉道陵稽首禮謝曰臣入證未久屢遭惡露教誨慙慙賜授經法不測深淺更示科戒微妙難思敢不盡心依科奉行於是諸天聖眾同聲稱善俱入太空

正一威儀經

玄門十事威儀

忠二

爾時太上老君告無想真人等眾法服科戒已又說威儀十事未與子宣今授此言最為切要如人欲行非足不步欲進妙道非門不入十事科戒為道之門入吾門者欲與仙齊隔離外俗凡夫之人若持十事者名為不凡夫生死因緣罪惡輪轉毀辱法身輕慢法服進道無序善業不生人我自慙無慚愧之心九幽大罪日夜增長行住坐卧出入有法如是凡夫眾生不異真仙大聖不喜見聞天魔鬼神皆所惡嫉人王君長不生恭敬十方男女無不輕薄自無功德長他惡根兩頭營罪苦報何極吾見此輩痛哉寒心今故殷勤重告於子宜遵奉行曉示來學提攜指掌必令調熟十事成就諸天鑒觀十方人天天魔神鬼悉皆畏敬咸生善意無敢違犯增長福田善果善生功德無量能如是者是我弟子堪傳妙法道宜速近不如是者魔鬼眷屬日夕親近不得遠離無相等聞是妙旨稽首心驚慚愧悲喜交集涕淚俱下願聞十事威儀彌

初奉行太上曰

- 一者執壇
- 二者禮謁
- 三者出入
- 四者坐起
- 五者執瓶
- 六者洗漱
- 七者中器
- 八者齋食

九者請法 十者護持

此之十事是吾教門中事也當付汝等習而行之勸教男女昇入仙品無想稽首扣頭著地長跪信受

執坐壇品第一

夫坐壇者隔凡去穢護淨自持擅道德之不羣慕天真之高迹

第一起坐出入常不離身若因事暫放不得輒安雜穢之所先以具拂拭其所或以淨物盛之第二每將行用或掛膊上或搭左手以緣口向外第三每欲作拜禮先將右手提角懸起便將左手以三指扶極而頭平放下面著地第四先舉左足心安第二稜上立次舉右足向上半跪而鋪務在平正第五拱手起退右足歸第二稜上立平穩乃禮三拜訖第

六便起仰右手就角二指取收勿令觸他或取中稜亦得第七著鞋履託便過入左手側身而指勿近人面第八指託掛於左手以道水震被覆之向前起居

禮謁品第二

夫禮謁者一名屈己二名敬己三名敬他心敬難識形屈可見故須形禮殷勤以表內心珍重屈己致敬為有所求事有一十二種一慚愧二悔謝三求法四除傲慢五尊德六慰賀七滅罪八懲戒九報恩十物奉十一現世人歡喜十二未來天下恭敬

第一禮謁安詳得所容止可觀第二秉簡當心端身平立第三五體投地前後平齊第四見尊像經法或值禮懺法事必須作禮第五見尊師名德必須作禮第六見受業師作禮第七見勝己善友作禮第八見四海同學作禮第九事師辭去及歸室宿已上皆先作禮言限來日珍重而去到家亦須作禮然後起居問詳安否第十辭出外境及歸或經月或經年且須先禮三拜然後長跪伏地重感拜

訖乃通寒溫起居此為事師之禮第十一或師主隔絕他州別縣相去稀疎久經歲月皆須作禮長跪言其情狀伏地悲感再拜起居若彼此曾有吉凶言及皆須稱賀弔慰再拜第十二吉凶慶吊則悲禮畢然後重悲待長者語畢又須作禮若自受慶弔亦然第十三若得長者善言教示或責辱訓罰皆須作禮言謝低聲以酬德教第十四凡受禮拜皆須擊拳拱手辭謝推高託尊第十五凡禮拜師皆須待坐合拜須坐而受若師自外遠還送至方丈待師坐定然後作禮不得於門下廊下忽忽即事第十六凡在殿堂對聖像及師長大德皆不得受人禮拜若他人不知忽然作禮須言其事止之忽於殿堂見年尊有德者亦須言其事云未敢就便作禮

出入品第三

第一凡行住有難處置疑處皆須要伴不得獨行以自明白故第二遠近出入皆須辭徒弟眾或同院憲無人須向童行說去甚處某時即歸第三若往男女非類之處或因吉凶

齋會暫時停止解脫出入羣徒共住一處不得獨因親故潛隱幽僻之處來須逐伴去則隨眾第四若非急難事有所需求不須頻頻出入數令人見自致輕薄第五出入若逢官長須預隱避勿令露現苟無隱處宜向僻處或人影樹影中立仍須斂容恭敬第六出入忽逢尊貴車馬輦輿宜須避道低身俛形第七若無急事不須冒涉風雨泥塗隆寒大熱披褐狼藉人所惡見第八出入城邑聚落人物之處行立須是斂容正色不得高聲大笑若有容問皆須以禮言對非急事不語為上第九凡出入遇惡人惡人童稚邪言穢語相輕調謔猶若不聞勿變顏色第十出入不計遠近皆須坐壇相隨仍用手中瓶等與住時相似並適其宜第十一若值雜林或施主家事須寢宿即覓水灑牀席以巾拭之名曰靜牀用之無觸第十二出入城市村曲見人行非禮不軌之事或聞不善調謔之詞即低頭直過慎勿顧之第十三女冠出入無論遠近疑與不疑必須逐伴相隨以避嫌疑第十四

凡經像及大人門戶出入勿向中門必從邊小門側身進退

### 坐起品第四

第一凡起坐法有尊有卑若無上下稟承此與異類無別第二法會之所男官一人向前

三禮長跪拱手云已下法小師某甲請坐第

三女冠二人亦如前請坐若有像處大師念禮經像童子亦然善男安置得所第四凡對經像長者行處須整斂容貌不得倨傲放誕言辭非法第五凡對經像長者不得背經法

尊像大人師長第六侍從尊師及長者所在皆須正立不得倚托牀壁及諸等物第七侍從師長但須整肅非顧問勿語第八凡侍從師長所在且須立地待命與坐再三指揮然後稽首致謝而坐第九凡侍從師長之所人或更尊於師長即從前人所命仍須謝於前人而坐第十凡齋堂講習經典禮懺法事之所坐起須依法位不得越坐一如科戒定式所排第十一凡法堂宣經之後忽若後來須方便隨處而坐縱恃尊德亦須隨便不得向

前起動喧撓第十二凡一坐而後若非急事不得數有起動出入亂人第十三凡所在之處行住坐卧不得與非類之人混同一處第十四凡師長尊上及他人看讀書疏曲不干己事者不得向前窺視同為無識

### 執瓶品第五

第一男不得將石榴瓶第二女不得將檳榔瓶第三須頻換水磨洗常令光淨不令塵垢穢汚第四瓶不得宿水在內第五夏月每日易之一日不易名為穢水第六冬月許兩日

一易第七瓦瓶可三日一易不得安置穢處切宜忌之第八凡大小便處須別用瓶先淨於前後淨於前後然後以磚石磨手仍以灰阜角淨之如違不得朝真陞殿禮師亦不得受人禮拜及隨大眾第九凡瓶用了須要置穩處勿令觸倒於此大忌第十凡瓶有人欲看并童稚提擎勿使穢手觸把須令潔淨第十一護瓶內外甚於餘物與經像潔淨一般

### 洗漱品第六

第一凡洗漱有四種一平旦漱二讀書漱三

食後漱四卧起漱第二凡漱口並須三過第三若食後須用楊柳枝湯水一能洗穢二除齒風若無柳枝即用淨灰第四凡初用楊柳

呪曰太陽和氣開春發柳折取一枝能淨身口學道修真願度三有急急如律令第五凡用灰呪曰洗灰除垢用灰為首穢去真來淨心淨口成道度人天長地久急急如律令第六漱盥皆偏側并替人不得當人為之第七凡用水不得以手觸盆中水當以木杓於盆中取又不得著杓於盆中觸第八既有犯觸

當須自首懺悔仍自役力換水置中即不結罪第九漱口洗面不得縮縮作聲鼻口泡出又不得扣打水器驚眾第十凡用水不得狼籍枯踏第十一口中穢水不得喫噴於眾人前及淨地上第十二凡用物不獨在水諸件等物皆須儉約而已不得等閑費用

### 中器品第七

第一中器者受用齋食第二齋食獻施聖凡最為重事第三衣宜淨林宜端潔故先鋪坐壇而後坐第四中器宜淨故先洗手而後執

器第五先行淨水然後開器受食賢智以食為天凡夫以食為命故為最重第六凡中器二物其用一也若但安閑必同一處也第七中器二事護淨如一但除齋食不得別用第八凡齋器別立龕架安置不得與諸器雜安古人號之曰齋器第九齋器有五事之體法有五行之用受五味之食銅漆製之隨力而辦第十凡齋巾二首厚密布為之長四尺編機縫之恒令潔白

齋食品第八

第一凡齋時先立一人為監堂亦名監齋齋者齊也專知鐘磬節奏檢校得失所以名監齋法師第二凡登齋就食必須潔淨衣冠第三先須淨手執器上堂安置於左以中盛之第四凡禮懺隨眾多少一時平坐脫履坐底勿礙祇供人第五先須行淨水勿令器衝撞著人第六受水訖先取中把中央角向前垂淋七寸鋪之次安齋器了又鋪第二巾於膝上並須仰手鋪之第七出齋器從一至五次第出之不得越亂第八監堂一人於堂上磬

子處正立鳴磬一下奉為當今

皇帝祝延聖壽或應十方施主祈禳薦拔隨事舉揚諸施等事保護答報次師一人即令祝願其文出在七真科中第九施粥呪曰今晨香粥上獻三尊利益家國饒益施主六道含靈普同飽滿第十施食呪曰一切福田中施食最為先見存受快樂過去得生天當來居淨土衣食常自然是故今供養普獻於諸天第十一凡呪訖次行食監齋須先約語行食人必須教其食名分明高唱料量多少務在均平第十二行食訖監齋鳴磬一下云等供養齋官須一時稽首相顧恭敬然後方可就食第十三凡受食三徧自料取足勿令餘剩狼藉人所惡見不生敬信第十四凡聞唱食名須把器就手而受第十五不要者指點令去嫌多即退手嫌少即進手不得言喧第十六凡齋上下相顧望食遲者稍須急急食食急者即須遲食務令齊整第十七凡齋食時監齋須都看之若過半食盡可再行第十八不得縱其本性令遲者嫌第十九凡食須細

口急急徐勿令噉呷作聲觸擊匙筯負惡態

罪第二十凡齋坐食之後除非軍機急速水火盜賊死亡之事不得輒有言語喧括齋堂第二十一其齋須有教示處分必須自手指揮唯在低聲第二十二凡齋訖有餘果食等物收取與諸在下及乞病人等不得隨器將去第二十三食訖先摺膝上下中次收齋器自第五至第一皆安巾上第二十四凡食訖當行淨水洗器收水訖鳴磬唱布施祝願訖唱餘迴施祝願其文具載七真科戒中第二十五若非別緣貼會則不用祝文第二十六祝曰修齋已畢尚恐功德未圓更捨淨財迴施三寶施者獲福功德圓滿第二十七施食祝曰三寶法食供養已周轉施童役之人當願童稚同需齋功無諸障礙第二十八鳴磬唱食訖普誦法食已畢普被福田十方解脫三界安閑第二十九凡在齋中忽有犯戒者監齋須告白隨令犯者禮拜第三十又鳴磬唱勸善偈祝曰我眾等聞是法已身心清靜如琉璃瓶歡喜頂戴稽首敬禮無上三尊第

三十一須唱三禮若有別緣唱三願更不具載第三十二齋事總畢鳴磬唱隨意並須稽首恭敬持器而去第三十三先後下起行列而行各歸房院不得羣集喧話挽亂清衆

### 請法品第九

夫法者名之為寶人能敬受實為妙也一則利已傳法教人二能益他同登妙果傳法之功進入仙階故曰請法必在珍重虔誠

第一請法師有二種一者請法師演法講經傳科傳戒二者權時請授決其所疑並須禮拜殷勤珍重虔誠稽首第二講經演法須量大小遠近預前陳疏其書皆須好紙真楷如法淨潔不得造次羸弱言語輕怠第三凡授疏者若小事先須禮三拜訖須執疏長跪陳其意旨即拱手而授疏於前人受疏訖即禮三拜言謝而退第四凡大段事授疏以執疏作禮或七拜至九拜然後長跪面陳其事訖又三拜拜訖長跪授疏授疏竟即禮拜長跪言謝云小人蒙賜慈悲不勝多幸第五若前人未受疏唯知禮拜不限徧數以許為度如

復未許即須宜且退更待後時再三稽首而授定志經云血出數斛心亦莫止自非志心扣幽靈圓肘飯師門頓首德宇終不造受也第六凡權請決疑先須三禮長跪拱手陳所疑事更三禮解說竟起拱手言謝云小子愚昧伏蒙法師不棄凡愚解說真理不勝喜躍三禮而退第七或灼然年高德重來授疏請齋或解說經義經題講論其理等宜平旦坐受拜疏訖言告謝云小子愚情不聞解說伏蒙見命不勝悚惕仍三禮答之敬其德也第八若是師長曾經受法業者或有授疏命及者待禮三拜即伏地而受乃長跪即兩手橫捧於頂良久乃放案上三禮長跪謝云死罪小子忽奉嚴命不勝惶悚又云不敢三禮而退第九凡言不敢有二種義受不敢辭辭則不敢受

### 護持品第十

夫護持者凡有七種一護法服二護法三護經四護師五護身六護十方施主七護一切衆生

第一凡經像一種無別且如奉道科云凡經像所在皆須護淨竹架圍隔暫離即須淨中蓋之凡有看請開展不得過三行有事即隨手捲之卷軸未終不得暫停如急事此卷不了然後從首再行宣懺第二不得令不淨人

并不得淨身口穢氣觸動第三擬執經像須淨手意不得把他物應上林或推却諸物憑傍人為之忽若無人自須小小推撥即洗手經牀上下亦然若把他物即須重洗手第四經像不得同房若黑漆等凶著經像者在榻內得權居臥息若素函及蓋雖在榻內亦為不可第五若在大堂之內宿集之所經日積夜或倦於法事疲怠之極止可暫時歇息仍須屈伏側身不得頓爾肆布脚手鼻口等麤若有傍人須語之若聞不語與慢法同罪第六凡在四眾坐起行立不得招外人共語多有言笑第七凡勤學不如擇師師若德薄慎勿投刺既能修學必在明師似得於寶即盡力奉承極至道成不相離捨第八師若錯有過誤慎勿誇論宜隱然方便言拜咨陳再三

已依奉道科若別人言及其師善惡須分解力所不及拂起而去是名護師之相也第九凡師牀案几杖衣服朱墨一事已上皆須護持不得觸汚第十凡在眾會忽有違犯經科為眾所彈事應合罰即須踊躍歡喜愧恥言

十二

十三

笑美樂受之此名為能人滅無量罪此人學道連成無上善果是名大護持第十一護持十方施主或相識不相識者上下男女大小貴賤內外遠近凡見皆敬奉居止來去安置坐起投諸驅使苦樂飢飽惡好逆順有無健病恭敬慰喻賞罰辱責皆須得所務在均平第十二凡含靈蠢動有命之物墮水落火但是危命之處是力所及皆須救護使得安寧第十三凡行住出入宿息過達州縣名利親疎男女戲弄邪言預是眾生所疑更不須行是名護持一切眾生善果第十四若有再三違犯亂撓清眾彈糾不伏拒諫飾非者須告白眾人退出齋次具如齋戒威儀論第十五道衣法服凡脫著切須摺打整齊或安袱帕或安靜處稽首畢方可脫著第十六若是於

法請事往往傲戾好鬪爭者則須上下舉告凶吉等事勿與往還名曰幽殞莫令隨眾第十七凡受食受財皆讓少取為儉唯省勿令眾生有嫌疑薄賤損命損德深得護持太上曰威儀說十事及諸律名總係一百四

十三

十餘條若能習而誦之勤而行之已具前十事及諸科令總名護身已所不犯又復教人此之善果計不能盡眾聖歡仰諸天慚愧若此之人見世獲十種福德恭敬且如昇玄經云亦如法服科說如是之人名曰大順真士不出一生入次聖品若復有人無心奉道倚傍法門窺求利潤汚道法服辱道法流及構惡徒嫉他行善自違科戒勸人莫修不奉師訓聞教愈甚不生慚愧不生思念如是等人名曰罪逆惡獸近入人道未得人心乍入人倫汚闍聖法所為趣向尚似陰囚畜獸脫離眾生猶未覺悟憶彼類習欲還本身深所痛哉甚可悲憫若人見在失十種功德失十種恭敬得十種輕賤離十種聖賢五苦八難備具形體纒滅此生當入長夜九幽地獄一切

苦痛悉皆備受輪轉三惡無解脫時無想算人等聞太上說此要言悉皆垂淚歡喜踊躍稽首禮謝信受奉行玄門十事威儀



大清道德顯化儀

忠三

上壽供獻

宣衛靈呪

請稱錄職

具職臣姓某上啓

太清玄元無上三天無極大道太上老君道

德天尊聖母先天大聖后太乙元君太清洞

神諸君丈人上相上宰上保上傳君三天四

相宰輔卿監諸司官典列位仙曹靈官三界

真靈咸望洪慈洞回降鑒臣聞太虛象廓上

有帝鄉元炁微茫中存道體乃瞻太清之境

是為浩劫之家道烝億萬重界鴻濛而是域

官君千二百名造化以為臣妙有妙無惟恍

惟忽功雖不宰由仁民愛育而功施迹本難

窮因垂世立教而迹顯臣某竊稽紀傳妄測

聖神昔武丁恭己之九年當斗柄建寅之望

日謂混元之誕實在茲辰故賀典之修盛行

于世此特表人心嚮慕云爾烏足為聖德光

益者哉今之日弟子某等欣戴深深歌詠不

已闡清壇而設醮遡丹陛以稱觴伏願不棄

賤微特回宴饗青牛紫炁儼如度函谷之時

白馬朱鬃宛若降茅山之曰羣真共會一念  
潛通臣等瞻望天階不勝僉俟之至謹稽首  
再拜奉請

請聖

志心謹謹奉請

太清太上天帝君太清天帝丈人太清九老

仙都君太清九炁丈人上相方諸宮青童君

上宰西城總真王君上保太丹南極元君上

傳白山宮太素元君玄中大法師河上丈人

文始先生尹真人泰玄上相張真君天機上

相葛真君天樞上相許真君僉書上相浮丘

真君上元大有真人中元太極仙翁下元太

清仙伯洞神太極上相洞神太極仙伯洞神

太玄上仙統洞神三天護法都帥洞神九天

大兵統洞神太微僕射洞神太極僕射洞神

木部尚書洞神大部尚書洞神金部尚書洞

神水部尚書洞神土部尚書洞神太微護兵

大卿洞神太極益算大卿洞神紫府上仙大

卿洞神大仙仙威監洞神太極上仙大夫洞

神三天斬妖護尉洞神碧虛上仙大卿洞神

九天保命上仙監洞神紫微七政大監洞神

金闕盟威大監洞神扶桑陽谷大監洞神太

極上仙監洞神玄都仙令大監洞神太極仙

府兵錄洞神九天護府司直洞神九天雲霧

大監洞神紫府校尉洞神明六明虛真監洞

神八極仙都護尉洞神北極大監洞神太極

總神都司君太清千二百官君太清上章諸

官曹官太清左右侍香金童玉女太清左右

侍衛龍虎君琅琊千真人嵩山寇真人太清

歷代授道真人太清開化三界神仙日直香

官使者當境土地正神

降聖

臣等誠惶誠恐稽首頓首再拜謹謹奏請

太清玄元無上三天無極大道太上老君道

德天尊臣等恭望洪慈流光寶座

太清樂引

臣等不揣凡愚僭邀天仗伏想神龍駉駕天

馬啓途十二衛官以前呵九萬飛仙而後從

流霄建節雲霞浮十絕之播大輅鳴鑾日月

耀五明之扇臣等挹瑞彩於上古依末光於

中天采一事之奇可極鋪張之美陳七珍之  
供願將慶賀之儀巨等無任稽首再拜舞蹈  
之至

步虛

寶座臨金殿 霞光照玉軒 萬真朝帝所

飛鳥躡雲根

臣聞昔既誕於仙姿蓋先陳於神水挹東井  
黃華之沼體發金光注西華流汨之池身生  
玉澤一自九龍之薦瑞遂令千古以為榮茲  
取其名載揚厥美衍靈溪之一脈流澤何窮  
分東井之餘波飛仙可託巨等仰對道前謹  
伸上獻

法源流潤天尊

獻香

臣聞在道之中惟有是尚出清微者名解脫  
有濟幽度顯之功產聚窟者號返生有起死  
迴骸之妙蓋功非在物而在德亦聞不以鼻  
而以心若人間卉木之為馨豈天上神仙之  
所欠然禮以少為貴者物取其奇則誠之不  
可掩夫天其可享巨等仰對道前謹伸上獻

香雲結象天尊

獻花

臣聞仙苑羣芳奇花萬種常暘日窳仰攀若  
木之華玄圃騫林採擷空青之蕊繁英吐而  
靈風晝永朱紫艷而道日春融蓋非凡世之  
色香宜備至尊之賞玩把瓊芳於席上願奉  
天歡化寶蓋於空中同依道蔭巨等仰對道  
前謹伸奉獻

瓊英絢彩天尊

獻燭

臣聞原燈燭之雖微濟陰陽之不及蘭膏繼  
晷吐朱燄之熒熒陽燧取精揚丹輝之熠熠  
乃若太清之仙境豈資燭火之餘光義或取  
於報陽禮宜供於列炬巨心如此鑒一點之  
長明道力發之徧十方而洞照巨等仰對道  
前謹伸奉獻

慧光無礙天尊

獻茶

臣聞凡卉木神奇之品皆真仙服食之腴七  
明石芝西錫昆吾之貢十結神草北來空洞

之深沉道家之眾藥尤多豈人世之一茶足  
羨然以奉至尊之壽固宜效所貢之儀蓬萊  
山有三敢自託通仙之妙上清品第一尚有  
希換骨之仙巨等仰對道前謹伸奉獻

雲通品量天尊

獻酒

臣聞大駕昔遊於四極壽觴爭獻於羣仙東  
海青童奉碧醴金津之宴九天上帝開雲漿  
月液之筵瓊花貢自朱陵甘液來從紫府遐  
想當年之美每修今日之儀援北斗酌天漿  
上奉九重之春色釀西江為壽酒願同六合  
於醉鄉巨等仰對道前謹伸奉獻

玉光浮潤天尊

獻果

臣聞乘輿昔巡符之時仙果省職方之貢九  
靈西母進金紫之交黎南極夫人上赤靈之  
火棗東嶽扶桑之榘北收空洞之瓜想遺美  
之如存效凡儀而有獻頌三千歲方成之實  
未足為多得七百年不汗之枝願言分賜巨  
等仰對道前謹伸奉獻

宛味希夷天尊

進疏

臣聞天地之德固無待於形容日月之光又何加於繪畫况大道在名言之表而重玄超思議之前雖喻以塵沙萬劫測量而莫盡豈形諸筆牘一言褒讚之能詳蓋露表之云云宵風刀之凜栗河海於細流不擇恃此無虞天地之大德曰生受之必至所陳丹悃謹用上聞

宣疏 宣闢

向來 回向

顯化禮文

步虛

臣聞狀太虛之體雖至人亦叩其端倪固日月之容縱巧匠難施其光彩恭惟

太清仙境太上老君混元上德皇帝道德天尊玉陛下生於無極之先出於太虛之上匪有匪無匪聲匪色獨為至道之宗能長能短能方能圓莫名萬物之母大包宇宙細入毫芒蘊藹蕩蕩無能名昏昏默默不可識粵自

洪源肇啓玄化潛流高卑莫清濁之形動靜制剛柔之體風雷山澤聯八卦以相生春夏秋冬運四時而不忒日月星辰麗乎上人民品物生其間總總林林生化化此則運元炁而開天地者也及其九皇既立歷代相承乃降世以為師遂因時而設教陳綱立紀經綸天下之大經利用厚生成就生民之衆務此則隨世代而立人道者也然後建道德之宗旨作清虛之法程七部妙經隨三乘而接引九還丹設付工士以修行間陳禮樂之原或演浮屠之學本末畢具精粗備陳萬法千門一致百慮此則順時俗而立教化者也以至分形三界應迹十方或權魄句陳上理星象或韜光柱史下佐國家指白骨以成人救洪災而度劫扶危拯難無感不通濟死度生有緣者遇此則亘古今而度人無量者也故神通輝赫功德崇高在天為萬聖之尊在世為三教之長三十六天三十六地咸歸掌握之中八十一歲八十一身始顯化生之迹神明不能極其妙聖智不能窮其源雖萬聲萬

古而贊揚窮劫難盡若一語一言之陳述於道何裨以今臣與弟子某等望滄海以神流瞻泰山之目極不量誣惑輒效揄揚取聖號以為綱刪成九禮摘仙經而頌美十不一存惟其極愛敬之深不自覺文辭之陋伏願道心默感天鑒潛通以涓塵瑣瑣之言固母足采然江海汪汪之量何所不容臣等各運誠心共宣妙範

舉按人各恭敬

志心皈命禮香冥昏默冥寂玄通專從空洞無本太空為道體初發玄元始凝祖炁立天根造化三才闢張萬範處無象無形之內居太初太易之前神寶丈人衆和太上老君混元上德皇帝

恍惚杳冥中有象 上無復祖道為尊

包含造化運陰陽 剖琢虛無立天地

上輔大羅元始化 中弘靈寶道君風

尊居太清太極宮 是號無為大道主

志心皈命禮鑿開混沌剖破玄黃道炁混疑由大羅而生三境元綱流演從祖劫而化生

諸天上列九霄下分三界立境界之脩品真  
真仙之與區偏及大千威宗皇一萬天教主  
衆和太上老君混元上德皇帝

一自洪濛流梵炁 便從祖劫立天根  
五千五百億重天 三洞三十六部教

各從境界明修品 悉為真仙第等階

天人真聖盡師承 功德巍巍起萬劫

志心皈命禮降九皇而設教委歷代以為師

自伏羲以至周康閔世者數萬餘載始鬱華

而終郭叔稱子者十有五名體元長仁開物

成務示百王之軌範作萬古之楷模歷代帝

王師衆和太上老君混元上德皇帝

皇帝王風隨世立 通玄盤古古先生

鬱華廣壽大成稱 廣成隨應亦精號

錄圖務成尹壽列 真行錫則燮邑名

育成經成郭叔終 歷代為師茲可述

志心皈命禮因機立化隨劫度人道德五千

餘言開闢金丹之相符錄千五百卷流傳正

一之宗教同出而異名道並行而不悖天人

仰賴仙聖依歸玄中大法師衆和太上老君

混元上德皇帝

化身靜老初行教 東國君臣得度多

道歸文尹顯金丹 法付天師明正一

真多宋倫傳鍊養 謙之干吉得經料

批據陶鑄幾神仙 萬古玄風長不泯

志心皈命禮闡真一旨開不二門通禮樂之

原明道德之歸東魯起見龍之嘆設泥洹之

果演浮屠之教西胡來乘象之迎自號古先

生時稱隱君子名雖鼎立德並川流三教宗

師衆和太上老君混元上德皇帝

粵自殷周初顯迹 周流夏世立規程

八十一國變胡風 九百餘年明道化

宣聖聞風師禮樂 煩陀稽首受浮屠

乃知三教本同歸 後學紛紛徒自苦

志心皈命禮道通古始德妙玄同上為皇下

為王得之則可內治身外治國無所不宜兼

陰陽名法儒墨之長極古今治亂天人之辯

深矣遠矣至大順恍兮忽兮歸無名道德天

尊衆和太上老君混元上德皇帝

道德二篇初降世 百家衆說總陳言

虛心寶腹混希夷 復命歸根守玄牝

無為無欲歸清靜 常德常名貴自然

修齊治平特其餘 今古神仙從此得

志心皈命禮以無入有委炁成形自鬱單六

炁電之祥難窮載劫迨天水五色珠之夢始

現其身一從白鹿以昇天再顯青羊而降蜀

非迹之迹自然而然降生天尊衆和太上老

君混元上德皇帝

衆仙捧日從天下 五色流珠結聖胎

歷年九九應乾元 誕日五三符洛數

得姓元因攀李樹 出塵生即步蓮花

天上天下獨為尊 相好端嚴俱第一

志心皈命禮變化無方神通莫測或為千二

百老子應現諸天或為百八十道君接引凡

界號不專於三十六號名非止於七十二名

雖法身充滿如虛空而妙體本來常湛寂混

沌萬變衆和太上老君混元上德皇帝

妙體本來歸至一 化身千百未為多

春為上景夏老翁 秋化神光冬童子

世號福神現玄武 天稱星主理句陳

譬如寶月在虛空 凡有澄波無不見  
志心皈命禮功高列聖德冠兩儀布惠行仁  
如春生於萬物隨機赴感似月現於千江拯  
苦難於微塵濟黎元於浩劫四生慈父三界  
仁師無量度人衆和太上老君混元上德皇  
帝

三界衆生真父母 劫終劫始度天人  
前咒示相滅罷勳 救疾垂慈起光映  
華夏靈戎俱受化 昆蟲草木亦蒙恩  
分身應化若微塵 功德贊揚莫能盡

上來禮讚功德已遂周成蓋以求大虛於言  
象惡觀其真盡盛德之形容難加其美況太  
清之爲妙豈副墨之能知貌然豹管之窺甚  
矣龍蟠之演既周贊禮誅沐鑒觀切念臣等  
錯仰玄風漸摩妙化非不悅抱一守雌之道  
其無如抗塵走俗者何道愈遠神愈卑何自  
致內觀之地心未澄欲未遣無由造常寂之  
天哀此微生爽然自失惟願慈尊之矜憫特  
施法力以提攜令臣等懺斷業緣早出沈迷  
之網洗空結習咸歸清淨之風法衆虔誠同

### 伸懺悔

稽首皈依三清上 無爲教主混元尊  
太清道德衆真仙 太極洞神諸宰輔  
臣等自從無始劫 無明貪愛蔽真心  
或違千二百新科 或犯百八大戒  
是非人我生邪見 空色有無墮法塵

茫茫欲海了無津 袞袞愛河那有岸  
自恨此身無定故 輪迴生死幾曾停  
以今仰對大慈尊 懺悔願成無上道  
重告道場同業衆 靜心攝念露真誠

受持十願結良緣 消滅塵沙千萬罪  
一願聖人壽萬歲 二願天下薄安寧  
三願道德常演化 四願風雨順時行  
五願老幼行慈孝 六願天闕獲全生  
七願三途無苦難 八願徧地息刀兵  
九願水火不興害 十願疫癘不流行  
罪從心起將心懺 心若滅時罪亦無  
無心無罪兩俱空 此即是名真懺悔  
回向  
向來朝禮至真彼陳懺悔贊揚功德並已周

圓伏願不捨慈悲普施恩既削愆尤於黑簿  
罪垢風清紀福壽於丹書善芽日長爲上因  
緣志心稱念  
太清顯化天尊不可思議功德  
顯化設醮儀

宣衛靈呪 請禱法位

具位奉行太清顯化醮法祭酒臣某上啓  
太清玄元無上三天無極大道太上老君混  
元上德皇帝道德天尊先天太乙元君  
太清諸君丈人太清四輔河上丈人文始先  
生三天四相洞神宰輔卿監一切仙曹太清  
十二百官君左右金童玉女龍虎君三界官  
屬一切威靈咸望洪慈俯垂洞鑒臣聞有物  
混成強名曰道在希夷之表無形無名以無  
情於恍惚之中有象有精而有物天地萬化  
由之而出陰陽四時得之而成形色智力消  
息之來者不窮進退存亡邪正之相尋何已  
苟無主宰於其間者烏能悠久而不息哉惟  
我混元是爲道祖念羣有皆吾之有能不扶  
持而衆生自我而生奈何委棄遂分靈於浩

劫將應化於微塵為皇者師帝者師王者師  
 更萬世而無倦立天之道地之道人之道使  
 三才之咸安化被洪纖風行隱顯萬物歸而  
 不為主其德乃貞百姓用而莫能知可名為  
 大臣其蓬華賤士葛狗陳人夙荷大造之恩  
 獲處下風之列分於道形於一雖同委順之  
 全如其雄守其雌未悟谷神之妙屬遇真元  
 之令節謏為祖炁之降辰八十一身猶是太  
 虛之全體七億萬劫不殊元始之初年最爾  
 寒微亦念浮生之易失慈尊哀憫特施餘澤  
 於含靈復命歸根咸使得長生之道修緣證  
 行庶逢闢大有之期臣等致恭上香初獻

初獻 宣詞

按如詞旨諒達天聰仰觀道慈俯垂省覽臣  
 聞自然者道由不生所以生生妙用謂神以  
 不有而能有有況元象隱於空洞而至真本  
 於太無始乎無始終乎無終固難擬化生之  
 事今則非今古則非古豈容繫世代之時惟  
 其職教化以為心不免和光塵而不體昔高  
 宗御極當歲在辰之九年以殷正紀時實斗

柄建寅之二月忽觀陽景重輝之瑞乃知真  
 人出世之符八十一年極太陽之九數七十  
 二相又元炁之一初于北玄李谷以有光觀  
 西蜀太官而為盛由是姓名始著風化斯行  
 訪道元君明學者必有師之義隱德柱史見  
 聖人不遺世之心流玄教於中華演浮屠於  
 西域雖真仙隱顯本非世俗之能知而紀傳  
 昭彰證以天經而不惑臣等聞風難郡訪  
 古瀨鄉撫遺迹之猶存恨生世之不早攀宸  
 檜而馳輪已遠濯靈池而仙體難瞻拜真像  
 於丹青無異覩青天於雲霧考豐功於簡冊  
 僅能得泰山之毫芒空懷瞻戀之心莫寓皈  
 依之志欽遇降生之日敬修慶賀之儀九光  
 甘露白玉文英遐想羣仙之上壽三玄紫柰  
 絳樹丹寶緬懷萬帝之稱傷正希林之宴方  
 酏宣濁世之歡肯顧然道以慈悲而接物而  
 臣懷愛敬以事君精念潛通匪于其人而于  
 其意高靈昭答不享其禮而享其誠過望之  
 私不知其僭臣等再拜致恭上香亞獻

亞獻 宣進狀

臣聞太初太易無象無形大道莫窮其宗祖  
 生天生地神鬼神帝玄功靡得而名言惟古  
 今道術雜出於百家而儒釋黃老並列於三  
 教雖禮樂非名法兵權之比然未如無為自  
 化之尤高雖禪空異堅白同異之辭然豈若  
 不言善應之為愈况靈寶真一之旨泊金丹  
 性命之方大者可以致神仙小者猶能託家  
 國道尊德貴是宜超上古而獨存巧妙功深  
 以故非中人之能識紛紛曲士徃徃危辭或  
 日以異端或毀為外道且自然至理於茲又  
 何加焉彼小智自私見其不知量也臣謹與  
 弟子某等雖慚下俗每誦玄經聞神明之教  
 而作興慕清靜之風而洗濯嘆聖去以踰遠  
 憐世降而愈卑吾道非乎獨不見太古羲農  
 之俗微言絕矣孰能明陰符道德之書幸吾  
 師震夙之辰為我道興隆之託伏願恢弘世  
 教振策宗風三洞天書頌全文之復出無為  
 上道隨浩劫以長存乃若任造化以為功齊  
 太虛而比壽皆真尊所宜素有非小臣可得  
 盡言臣等拜手致恭上香終獻

終獻 宣疏

臣聞天地相合以降甘露坎離既濟則生黃芽以丹鼎英精既迴殊於流俗則紅塵煙火宜可奉於高仙茲因酌水之儀而效獻湯之禮黃昏一七探囊願試於仙方白雪九還接骨斷分於餘劑臣等虔恭捧湯奉獻

進湯 誦經

臣聞神潛恍惚無往不存道在虛無有求輒應况渺大羅之境而藐藐萬有之尊且求於色相者已非矧擬以去來者踰遠然既因人而做為此禮苟非循迹而莫致其誠是故香花燈燭以表其宜詞疏表章以通其意荷高明之委鑒懼<sup>恐</sup><sub>之</sub>貽誅茲<sup>賀</sup>禮之告成非<sup>願</sup>存之可挽伏想九光鶴蓋自碧落以來迎八景龍輿凌青冥而上返<sup>臣</sup>等雲霄極目涕泗交頤言有盡而意無窮形雖踈而心甚適當年白鹿尚可訪於<sup>譙</sup>城異日青羊安得來於蜀郡<sup>臣</sup>等下情不勝攀戀之至謹稽首拜送

回輦頌

太清道德顯化儀

正一解厄醮儀

志四

凡人年命有厄元辰死忌五羅算盡陽九陰八盜賊口舌疾病官橫財產不利觸事災憂者可依法推究章醮解之即得轉禍為福大吉利宜以太歲本命甲子庚申及諸吉日醮請司命北斗七星生度災厄所須之物並隨其貴賤豐儉量之令聊舉其數如左

淨席六領小案一面香鑪六枚并漆盤二十四面燈盞四十九枚并漆盤四十九枚長三尺五寸並夜用白色綵五段段長八尺已上青五段日不用段長八尺已上用白綵隨用亦可用白段長八尺已上用白綵隨用亦可用白壇簾十二枚長一丈二尺并赤段長一丈二尺大作不用夜銅磬子一枚大盤一面

右一十一件一造永用亦可借充

乾棗四十八顆粟黃四十八顆時果子色別四十八顆捻頭四十八枚餠餅四十八枚雜餅色別四十八枚黍飯三斗米拌之屬色別四十八枚香一兩鹽半斗豉一斗然燈油四十九盞并炷並夜用淨水一椀白日不用

右一十三件醮訖並分散令盡

子中三尺五寸布帛鎮錢一千二百文命

米一石二斗命絲尺數計歲餘一紫綾為

本命幼

右四件可臨事裁量醮訖並施散

醮法於家庭中若諸靜處若室中作壇

方二丈四尺開四仲門門闊四尺欄幕三

重題正東青陽之門正南朱明之門正西

皓陰之門正北玄英之門內依五方數席

一法不用欄幕以臨壇壇南門外五尺一席

三色絲用圓軒為壇壇南門外五尺一席

師座一香案案上敷巾帛亦可五方

東席五帝五盤五分南席三神三盤三分

西席三台三盤三分北席六甲六盤六分

中席七星七盤七分隨左鼓右其淨水置

几上米及錢絲置案上五方座隨神階降

數絲席為神座紫為上次綠次黃次白絲前敷

青布束絲為食單上列盤果金銀為上

香壇十二尺面別一十二燈燈高三尺五

寸師案前一燈高二尺一寸執事從東門

出入先安鎮物次燒香次下食盤若行香

從中席西頭為始次第東南西北弟子立

壇東師北面扣磨三十六下平立安心靜

默絕開止喧存四獸及玉童玉女伏侍左

右

次叩齒三通祝曰

太上玄元五靈老君當名功曹使者左右龍

虎君捧香使者三炁正神急上關啓三天太

上玄元道君臣正爾燒香為某設醮奉請北

斗七星五帝諸君消災乞福願得八方正真

生炁來入臣身所啓速達徑御

太上昊天玉皇上帝凡前

次長跪請神曰

維國號某年歲月某朔某日某辰某稽首

再拜謹上請北斗第一貪狼星第二巨門星

第三祿存星第四文曲星第五廉貞星第六

武曲星第七破軍星七星真君各率官屬降

臨中席歆餐醮禮

謹上請三台六星上鼎君各率官屬降臨西

席歆餐醮禮

謹上請東方青帝九炁君南方赤帝三炁君

西方白帝七炁君北方黑帝五炁君中央黃

帝一炁君五方帝君各率官屬降臨東席歆

餐醮禮

謹上請南上司命司錄延壽益算度厄尊神

各率官屬降臨南席歆餐醮禮

謹請六甲六旬王文卿等陰陽六十神從官

將吏玉女眾靈一切來下降臨北席歆餐醮

禮師伏地思神

次上香 獻茶 初獻

上啓七星五帝三台命錄六甲等神伏願一

一降臨歆餐醮禮今有州縣鄉里官位姓名

年歲生月本命甲子其神王文卿從官十八

人屬北斗第一貪生在凡俗百行多違無福

人獄星字露神子穰災遂延憂患動止懷懼心念不安唯恐今

歲年中被諸衰厄死并會刑殺加臨八難

所纏七傷為惡凶神構禍毒鬼與災一日遭

罹無方取濟告折感切深可哀矜謹以今日

吉慶良辰某地露出中庭依科首謝謹齋命

絲命米信錢信物信香并奏一通於北斗之

下對眾靈之前歸令星官披心帝府輒獻微



禮華為丹誠附降真神祈恩委命伏願流慈  
布澤合譙停輝若人多云謂係與照弟子再拜

次上香 亞獻

重啟衆真等其慊倒魁勤乞求靈祐唯願賜  
為其解却身命今歲來年所有災厄願解東  
方青瘟青災春之三月木行之厄願解南方  
赤瘟赤災夏之三月火行之厄願解西方白  
瘟白災秋之三月金行之厄願解北方黑瘟  
黑災冬之三月水行之厄願解中央黃瘟黃  
災四季之月土行之厄願解本命行年生胎  
日月五行相克九宮不利之厄願解眾元諸  
殺天年歲星三刑六害五羅筭盡之厄願解  
四出行來逢災遇禍所求不得所作不成田  
種薄收蠶桑不熟之厄願解盜賊兇寇劫掠  
侵奪亡失錢財剝削之厄願解官私口舌牢  
獄囚繫刑法律今枷鎖之厄願解時行疫蒸  
患瘡中風十病萬痛危亡之厄願解軍行戰  
鬪兵刀殺傷山川阻險沒溺之厄願解四方  
十二時上新死故亡雄雌注殺破射之厄願

解虎狼蟲蛇蛟龍蜂蠆毒螫之厄一切諸厄  
悉乞解除若天羅所加地網所繞六神為惡  
九醜為災厭殺剋傷建破衝擊年窮算盡厄  
會深重者伏願天官迴罔極之施降雲雨之  
恩俯鑒丹誠俄流惠澤元元厄解禍難冰消  
則枯木更榮朽骸蒙潤咸荷明聖覆護重恩  
即人臣今謹為拜奏其章一通上聞天曹請  
先出功曹使者及時騰達伏願尊神照省  
弟子再拜謹啟

次散酒飲食出官上章訖更上香

終獻

重啟明星北斗三台五帝司命司錄六甲等  
神其敢竭至誠奏請明聖凡筵穢濁所獻輕  
微仰勞尊神迂屈雲駕垂恩曲盼被福蒼生  
特乞淵波恩霑某千愆萬過賜為消除夢想  
正真災殃拜滅北斗落死南宮注生五帝真  
靈並加匡衛六甲神吏常與扶持舉向開通  
營求允遂若在官秩昇進品位高遷政化風  
行威嚴霜肅承綏天祿長簡帝心朱紫騰芬  
徽猷克著若在居宅清肅入口平安金玉滿

堂錢財運合五龍鎮守六耗不生男女貞賢  
門戶興盛若在六通洞達四達圓明慧業相  
資威神自在玉曆題字金簡刻名兆庶欽崇  
人天敬仰若其所苦之處即蒙輕減五內  
通理百關調暢鬼滅毒散寒消熱歇四大平  
復六府清和總則上荷明神無邊慧力惟垂  
廣蔭被受大恩弟子再拜謹啟

宣疏 送神

伏以神降倏歛應感斯須禮謝既周行香已  
畢神歡人悅留連盡席雲車整轡羽駕踟躕  
晷刻易淹不敢稽滯上界天官仰昇宮陛下  
地神祇各還部署向所祈啓具騰表裏願垂  
采鑒領納所陳昇車之恩惟垂愷悌臣及弟  
子再拜奉送神駟

復鑪

香官使者左右龍虎君捧香使者當今醴壇  
之內自然生金液丹精芝英芳味流溢百靈  
交會於香火鑪前令其設醮之後災消厄度  
受福蒙恩十方仙童玉女侍衛香煙傳臣所  
啓徑御

昊天玉皇上帝几前

行事畢主人取本命屋盤再拜食之

餘吉其下醮盤為土地主下一盤於

壇外亦得

正一解厄醮儀

正一出官章儀

迴善章出官

忠堂

謹出臣身中五體真官功曹吏出三五清微  
 天禹餘天大赤天五炁功曹上皇真人十二  
 真官神元赤炁赤車使者陰陽真炁黃書契  
 令腹目君將吏陰陽生氣度道關化君將吏  
 九炁丈人速名將吏消災散禍解厄君將吏  
 還神君將吏胎生赤白涌池將軍吏官各十  
 二人出臣身中上仙上靈二官直使功曹官  
 各二人出三五直使功曹官各二人出正一  
 功曹收凶錄吏官各二人出上部功曹收惡  
 吏官各二人出中部功曹收錄逆吏官各二  
 人出下部功曹收害吏官各二人出促炁功  
 曹收陰陽吏官各二人出上部使者收魂錄  
 魂吏官各二人出中部使者收魄錄魄吏官  
 各二人出下部使者連頭反縛吏官各二人  
 出促炁使者監時守擊吏官各二人出左官  
 使者打棧鎖檻吏官各二人出右官使者開  
 松閉獄吏官各二人出高車使者銳其頭截  
 其耳吏官各二人出赤車使者監路中官吏

各十二人出高手截項吏官各十二人出監  
 殺直兵吏官各十二人出監殺參軍吏官各  
 十二人出監殺功曹吏官各十二人出監殺  
 直符吏官各十二人出監殺促戰吏官各十  
 二人出監殺信籙吏官各十二人出監殺拔  
 劍吏官各十二人出監殺鳴鼓吏官各十二  
 人出監殺長刀截頭吏官各十二人出剛風  
 騎置驛馬捉法逆戰吏等官各十二人出出  
 者嚴裝顯服冠帶垂纓住立臣前後具銜臣  
 所受今有某口辭列素求乞章書迴化厥倒  
 捕逐惡人凶害謀圖之人臣伏按天地科法  
 好生惡殺賞善罰惡忝佩符籙職任在身受  
 約之日法當宣揚正化誅滅惡人今有某州  
 縣某鄉某月某日被某事即日叩頭告臣元  
 無所見苦切非輕為某謹按天師科法拜上  
 赤章一通臣啓此間土地里域真官正炁所  
 在君將吏兵士等監察考名里社廟主共收  
 取惡人某被害伐吏兵鉤出都住臣左右走  
 使擒縛惡人某身住某前後皆為懸頭銳截  
 不得寬延嚴裝事訖錯鋒刺殺惡人某身章

上所請天官將吏兵士立臣前後聽讀章文  
各依次第厥伐惡人某彌加攝錄三魂七魄  
封著天曹問惡人作橫使伏諾考名之刺取  
三日四日即令伏死急急如

太上老君律令今日上請赤天將軍收執惡

人吏兵士萬人來列惡人某家收縛滅之上  
請官將吏兵萬人斬截惡人某誑言惑語上  
請官將吏兵士三十萬人來下考惡人某迷  
惑遊走上請將軍吏兵收取平論道德吏兵  
士三十萬人來下縛取惡人某勞頭返縛捍  
社考効口不得語上謗師無道不敬吏兵三  
十萬人來下收取返縛以得為限即為滅之  
湯煮火燒筋骨焦然身沒十八地獄之中請  
天官將吏兵士及時詣某家收魂魄送付社  
令懸頭考問治罪急急如

太上金口律令臣請乞開伏讀章文於案謹  
重救臣身中五體真官功曹使者書佐小吏  
朱陽之憤

拜章了月厭十三步書惡人名著符上左  
手捻刀作穴中絕炁以左脚大指踏之三



過止呪曰

咄天綱何相相地理何亡亡收惡人某魂魄  
付鑊湯急入天綱之下密厭深藏若汝出破  
傷身入上失故鄉如吾救誅張急急如

太上老君律令

左迴還生炁上善人著北壁邊高三尺訖  
謹請翻綱倒地大將軍十二百人張眼廓自  
君百二十人又請五方大額神君各千二百  
人收錄惡人三魂七魄考究治罪枉辱其身  
牽引謹請太白君迴化惡人之心願切伏匿  
消滅摧伏急急如律令

又一法某處築壇書惡人名以竹筒盛之  
五路及月厭上安打令沒躡七星步從月  
建上來就厭建與厭同從生炁來厭呪曰  
朝發天靈臺迴向符官神到天曹誅殺惡人  
急急如太上老君律令



呪曰

天地行符攝錄鬼神大道行符攝錄真神三  
師行符天道自然自知非真勿當吾神所治  
者愈所救者脫所厭者伏所護者活為護神  
真急急如太上玄都老君律令

用鹽一斗二升清水一石二斗大刀一口  
炭三斤油一斗二升呪曰

五行相推綱最持威六紀輔我三尊辟非天  
迴地轉三五瓊璣長生久視日月同輝逆我  
者滅背道者衰三綱六紀沈在綱前眾口皆  
滅刑獄釋然急急如律令

迴好章出官

謹出臣身中五體真官功曹吏出大聖真神  
錄仙靈官使者功曹各二人出泰玄二官直  
使功曹二人出都部功曹二人出上部功曹  
二人出中部功曹二人出下部功曹二人出

左右官使者二人出赤車使者二人出陰陽神決吏二人出科車赤符吏二人出剛風騎置驛馬上章吏各十八人出飛龍騎吏等各十八人出功曹吏兵各十八人出出者嚴裝顯服冠帶住立臣前後咸受臣口中辭語分別關啟此間州縣鄉里真官注炁監察里域考名君將吏等今謹有其所陳某事臣謹為某拜上三五迴好章一通在臣前素案之上

章文

泰玄都正一平炁係天師鶴鳴治太上中炁元命真人統領十五階臣某稽首再拜上言謹按文書本貫某州縣鄉里臣某謹上

啓

太上無極大道太上老君天師女師嗣師系師君夫人門下五炁君等今時謹有某州縣鄉里某年如千歲戶一家口如千人今居某村住止即日叩頭列素胎生肉人百官子孫千歲有幸制屬太上諸君丈人三師道炁以自保持得在清心從來蒙恩誠自歡慰而某頑肉樊緣會遇

值運不以微軀耗附靈澤洗塵滌垢沐浴清風染身行化得佩法籙長生之術仰街大恩常蒙祐護且臣闇昧有餘不能隱棲巖谷奉法違科舉動施為觸事咸覺某忽於某年月日橫被某事或惡人毒心所欲侵害緣某事情吏曹或視罪過欲潛害某或所始妬臣忝蒙大道之恩身符秘法受道之日法當為孳災害而某惡逆生心規圖謀相中傷潛擊於某不勝為被此惡人某等四面非橫更相凌易上窮下迕復情計切肝膽塗地今者託身幽冥仰憑至真一希道炁係助某禳却惡人口舌迴化惡人惡逆之心見某必令歡悅某得理某甲受罪若故行惡逆謀圖欲見中傷某請乞當令惡人惡逆自破碎死亡悉令滅族返受其殃不得動作若有不良之者又欲於中故相讒擊某者破死摧滅伏地而死無動無作上請東方青帝南方赤帝西方白帝北帝黑帝中央黃帝等各一人吏兵八千人主為厭伏惡人吏民四面口舌某惡人某等皆令消伏不成欲作災害者即令絕滅上請

五方明星周天八極君官將百二十人主為迴化天網轉地紀某口舌即息並自消滅又請北斗魁綱君主為迴化四面惡人望風皆執伏破壞若惡人惡心事不止即令魁綱掩其口使不得語上請消炁兵士十萬人主為某惡心事不止即消除四面眾災害氣欲令來侵犯某者皆令摧滅又請官律君一人官將千二百人重請玄兵十萬人又請主星君十萬人官將百二十人治地官主摧炁元炁捉擊惡人皆令消亡又請盟威君官將百二十人又請高倉君官將百二十人又請天官祐護將軍萬福丈人官將百二十人一合下主為消滅惡人聚會口舌讒擊某身者以時迷惑其心皆令自滅又請和合官將百二十人主為某消惡人某沒入太陰之中又請四時五刑運炁君將百二十人主消惡人某皆令執伏又請東方大額君南方大額君西方大額君北方大額君中央大額君官將千二百人為某消伏陽官口舌并求中傷讒擊某者皆令滅亡心迷意惑返自受殃又請無上

諸玄君兵士百二十人又請南鎮五星將吏兵各百二十人又請越女兵三十萬億人一時下收捕惡人某四面非誘潛擊之心乞皆伏死魁綱之下不得動作言語心迷意惑使自伏滅某在生炁之中過度災厄令某洗心解脫酌水香火并總以消惡人橫禍官私口舌吏民盜賊皆令沙崩開解一時釋放然臣不以罪穢忝佩符錄人末形微不任某被惡人某非誘誣指元逆之甚令釋放安隱無他如願之日輸送付還所在訖然臣所請事衆官一時言功舉遷進入中官加寵置與便曹隱職各加其狀將吏千二百人等兵士五十萬人等如天曹科比無令失意恩惟太上分別操臣謹為某為某事告臣伏地拜上迴奸章伏惡人赤章一通上詣

太上三天曹伏須告報臣某甲誠惶誠恐稽首拜以

聞

臣姓某係某州縣宮觀焚修

太清玄元無上三天無極大道太上老君太

上丈人天帝君九老仙都君九炁丈人百千萬重道炁千二百官君太清玉陛下

太歲

開牢獄章

泰玄都正一平炁係天師陽平治左平炁臣

某稽首拜

上言謹按文書某州縣某鄉里某年若干歲若干人某處住止即日叩頭辭素以胎生肉人百官子孫千載有幸得奉

大道從來蒙恩忽值軻軻疾病更互夢想不

真杖怪競與公私口舌橫生無端而其先身

量染獄刑冤對某身某事月日被某事文案

今勘當收執枷禁刑自屬於法獄文案紛紜

即罪罰猶極肉人惶怖向臣告訴求乞料理

具如所列自己人鬼治罪各有所屬鬼刑繞

右詣獄人刑繞左詣獄難出顯異一統刑罪

參同請為某推案陰陽二律恐其前身今身

犯陰陽過考屬左官死犯行詣獄某身今幽

執困圍身被鞭杖考掠禁對求請枉抑某身

輕重未測當令陽九之世人鬼惡逆或為姦

吏所苦或協以先辭圖相刑憾枉理於禁繫

之下害人乞掠求情無所不至臣以理救度

刑厄天慈所重某今被刑獄瘋急事留生變

不宜稽停輒為冒湯火露出中庭太陽之下

拜單章急開伏願天慈必垂救拔謹為某上

請十方飛天仙官騎乘三開南門主者某前

身宿對所犯陰罪陽過願為飛疾解脫又請

司過君解將各百二十人急左官陽符之中

隨某今罰所在為若有姦吏宿怨追見執累

者願請迴化逆化君官將百二十人與迴迷

吏官寬人對簡令迴伏若某遂姦逆豫魂惡

性不解化願與迴迷吏官寬人對簡令迴伏

若某遂姦逆請五方大額君兵士十萬人符

攝獄檻神考願逆吏官諸欲強梁者警魂制

刑迷其六情落筭結舌與心同心然願刑獄

解散罪殃絕滅身無痛楚以為恩效當為所

請天官言功報勞不負效信恩惟

太上分別求哀操臣謹為某事拜請元官吏

兵士解散詰問死滅乞恩朱章一通上詣

太上三天曹伏須告報臣某誠惶誠恐稽首

再拜以

聞

臣姓

大清玄元無上三天無極大道太上老君太上丈人天帝君九老仙都君九炁丈人百千萬重道炁千二百官君太清玉陛下

太歲

又一法出病家人門故脚踏門限都監印

呪曰  
咄吾能收鬼伏邪為言還害病某之鬼抽腹出肝吾師返病某乙伏寒急急如律令勿迴顧也叩齒出官

謹出臣身中所佩上仙上靈二官直使正一功曹各二人出中部功曹使者各二人出五帝使者各二人出四時功曹各二人出四時使者各二人出陰陽神決吏各二人出科車赤符吏各二人出剛風騎置驛馬上章吏各二人出擊持素案對三臣前咸受臣口中辭語分別聽臣所啓連達上聞謹按  
泰玄都正一平炁係天師陽平治臣某拜

臣仰希元景至尊慈父聖母垂恩照察分別真偽以語衆心某州縣鄉里惡人恣行頑僞非但一二臣竊聞

太上主者後胤之子屢見中傷加剋罵詈不敬打拍枉謗無辜不可記數天道幽遠未敢

上聞如此之人合應擒鞠謹請

太上三天曹特為告下三官收錄某家九祖

七世父母已來送付北獄地牢之中側間之所量由放縱某人輕慢天道教惡人所居土地真官里社等廟神祇救某人三魂七魄依

不敬師道之律如時考問謹請魁綱將軍三千六百人隨臣口啓到詣某家收翦某人三

魂七魄付天獄以鐵杖打殺之又請清微天禹餘天大赤天考吏各千二百人一合下指

某人身中考効所輕慢道法主者之子呼引名字罪在不輕經法不許宜加推鞠人請

天地水三官考効某人誣怨天道輕師慢法不遵道教而恣意縱心罵詈呪詛或打拍承

官勢監逼於神主者之身依三官律論願所啓請天甲將吏一時加心用意而今剋驗有

效之日言功舉遠不負效信恩惟

太上分別求哀操臣所啓擒鞠收翦惡人縱心罵詈臣羞恥上章上詣

太上三天曹伏須告報臣某誠惶誠恐稽首再拜以

聞

臣姓

大清玄元無上三天無極大道太上老君太上丈人天帝君九老仙都君九炁丈人百千萬重道炁千二百官君太清玉陛下

太歲

迴化章

泰玄都正一平炁係天師陽平治左平炁臣稽首再拜

上言謹按文書某州縣鄉里男弟子某年若干歲即日口辭素以胎生肉人百官子孫千載有幸得奉

大道但由肉人頑惡不換輕微敢有列訴天曹今有家生奴某名年若干歲忽去某月日


內該某生資衣被雜物逃叛東西南北藏隱

匿避曹主悔背生養但其忽於某月日重捉  
得其奴將歸住宅繫縛不使逃走背主到某  
夜某時攔斷縲繩惡心不止重更逃走背叛  
曹主前後經千若干度累年逃叛事非一迴  
偷該資財垢害惡心尤甚但某日傾家男女

良賤大小伺候擒捉不獲東西南北搜逐近  
遠山野並不知所在住止隱匿蹤跡背叛不  
與曹主知見但某即日借多福少宅人耗漏  
奴財散走不附某身背叛唯主一心上憑  
大道保護某身今齋白素若干尺米若干斗

升良賤等物詣某觀三寶御前詣臣求乞迴  
化厭伏此奴某自迷自惑心中煩悶欲叛不  
得使令迴歸本宅自願自狂叫喚出道路之  
中與某相見不得東西叛避急令自歸自迴  
立待恩效絡繹言功不負信誓臣小子職任  
所司豈不騰表謹請五帝秦皇大兵五道橫  
道諸大將軍兵眾典獄健兒乞為嚴加收捕  
迴化奴某勿使背叛逃走離避宅舍曹主奴  
取三魂七魄付里社今及救某家先亡人竈  
神宇宅三將軍二十四吏兵等同與捕捉擒

獲奴某勿令背叛忽迴就主直符點鬼功曹  
懸屍社竈之門一日三考要令迴化叛心感  
意急歸宅舍不得東西逃走牢加捕逐事蒙  
恩效之日依法言功報勞臣某頓首死罪奏  
聞謹狀



謹請都星將軍使者二十四人為  
某迴化厭叛迴歸宅舍不得東西  
南北近遠四野藏叛急加收捉即  
今自出與主相見事立效之日絡  
繹一回報效信恩急知律令

- 火火火火火火火火火火 太上火車使者十二人主
- 火火火火火火火火火火 為某迴化叛奴某魂魄
- 火火火火火火火火火火 懸付社門急急知律令
- 水水水水水水水水水水 太上水車使者十二人主為某
- 水水水水水水水水水水 迴化叛奴某不得東西背叛
- 水水水水水水水水水水 急急其如前約急急知律令
- 金金金金金金金金金金 太上金車使者十二人主
- 金金金金金金金金金金 為某迴化奴某背叛急令自
- 金金金金金金金金金金 歸不得東西急急知律令
- 木木木木木木木木木木 太上木車使者十二人主為


木木木木木木木木木木 某迴化奴某勿使背叛急令  
木木木木木木木木木木 自迴歸如前約急急知律令  
土土土土土土土土土土 太上土車使者十二人主為  
土土土土土土土土土土 某迴化奴某勿使背叛急令  
土土土土土土土土土土 迴歸家急急知律令

- 鐵鐵鐵鐵鐵鐵鐵鐵鐵鐵 太上鐵車使者十二人主
- 鐵鐵鐵鐵鐵鐵鐵鐵鐵鐵 為某迴化叛奴某不得逃
- 鐵鐵鐵鐵鐵鐵鐵鐵鐵鐵 走一如前約急急知律令
- 刀刀刀刀刀刀刀刀刀刀 太上刀車使者十二人主
- 刀刀刀刀刀刀刀刀刀刀 為收奴某背叛不得走去
- 刀刀刀刀刀刀刀刀刀刀 急急如前約急急知律令
- 弓弓弓弓弓弓弓弓弓弓 太上弓車使者十二人主
- 弓弓弓弓弓弓弓弓弓弓 為某迴化叛奴某迴化迴
- 弓弓弓弓弓弓弓弓弓弓 化歸來具誓約急急知律令
- 弩弩弩弩弩弩弩弩弩弩 太上弩車使者十二人主
- 弩弩弩弩弩弩弩弩弩弩 收奴某背叛不得走去急
- 弩弩弩弩弩弩弩弩弩弩 急急如前約急急知律令
- 日日日日日日日日日日 太上日車使者十二人主
- 日日日日日日日日日日 為某迴化叛奴某迴化迴
- 日日日日日日日日日日 宅舍約急急知律令

月月月月月月月月 太上月車使者十二人主  
 月月月月月月月月 為某迴厥叛奴某背走  
 月月月月月月月月 急迴急急如律令  
 巾巾巾巾巾巾巾巾 太上巾車使者十二人主  
 巾巾巾巾巾巾巾巾 收奴某背叛迴心自歸不重  
 巾巾巾巾巾巾巾巾 西一心如前約急急如律令

剛獄主太上神主為某迴化厥伏背主奴某叛迴  
 走收叛三魂七魄各付社令先止龜神城隍太乙  
 張元龍執探考信令自迴歸生念諸主不得東西  
 逆走事家恩救之日言功不負恩信急急如律令

符到天曹收取奴某三魂七魄付城隍太守  
 大廟執捉急令迴化厥迷勿得背叛逃走背  
 避曹主如更有東西南北近遠藏匿欲去者  
 重收魂魄付縣令功曹主簿直符點鬼懸屍  
 社門日夜三考急令迷道不得遠去迴歸宅  
 舍就主收養如更遠走背叛者令其顛狂懸  
 心霍亂氣病不能起動效驗之日絡驛言功  
 報榜不負效信急急如律令



某州縣鄉里男人弟子某年歲請為迴化家  
 生奴某使急迴歸家舍就主不得背叛東西  
 一如前約急急如律令謹上言如前一心委  
 命上憑

大道詣臣乞迴化奴某一一如前即日謹齋  
 命信巾素米一石二斗白紙百張筆一管墨  
 一九等物以立心信告訴向臣求乞迴化厥  
 伏奴某背某乙逃叛即日尋訪不知所在急  
 使迷道所欲不得嚴加擒捉令自迴歸就某  
 乙臣小子頑愚立功不充補過臣甚誠惶誠  
 恐頓首死罪伏地拜上丹赤表大章一通上  
 聞天曹請天官吏兵太上諸君丈人天師君  
 夫人門下典者五炁君伏願垂慈省察所陳  
 事告下都星君都炁君兵士百萬衆生為迴  
 化收捕逃奴某急令迴感自歸就主不得遠

去失道迷途如輒速叛歸宅悔背曹主惡心  
 不改者上請羅網君百萬入斷截圓鏡道路  
 縛錄扭効勿使東西今自歸就主又諸社廟  
 城隍張元龍即懸屍付社門一如前狀謹上  
 請東方青帝君一人兵士九八十一萬人  
 上請南方赤帝君一人兵士八八六十四萬  
 人上請西方白帝君一人兵士六六三十三  
 萬人上請北方黑帝君一人兵士五五二二  
 五萬人上請中央黃帝君一人兵士萬二千  
 人一合來下同心併力下為某迴化家生奴  
 某背主逃叛惡心不止令使迷途失路欲去  
 不得念來就主收捉不得遺失一如前約令  
 得為限如願恩致平安得奴之日言功報勞  
 還賞天兵典獄健兒不負效信恩惟  
 太上門下典者分別求哀臣愚謹因二官直  
 使正一功曹左右官使者陰陽神決吏科車  
 赤符吏剛風騎置驛馬上章史官各二人出  
 操臣謹為某上請天官為迴化家生奴某背  
 主逃走不歸乞為厥迴就主不得遺失東西  
 南北遠去迷途失道今自出歸家宅詣臣拜



上丹章亦表連獄一通臣某庸微不敢抑絕  
頓首死罪上請天官乞垂省察上詣  
三天曹伏須告報臣某誠惶誠恐稽首再拜

聞以

臣姓

太清玄元無上三天無極大道太上老君太  
上丈人天帝君九老仙都君九炁丈人百千  
萬重道炁千二百官君太清玉陛下

太歲

正一出官章儀

太上三五正一盟威閱錄醮儀

忠六

廣成先生杜元庭剛定

凡閱錄常以甲子庚申本命三會三元晦  
朔等日卯酉二時

次發爐

太上玄元五靈老君當召功曹使者左右龍  
虎君捧香使者三炁正神急上關啓三天太  
上玄元正一道君臣今正爾入靖燒香以今  
某月某日吉辰於某州縣鄉里謹依先師之  
法簡閱身中所佩正一盟威上仙上靈二十  
四階寶籙中將軍吏兵以自防護願得八方  
正真生炁降入臣等身中今臣自啓速達徑  
御

太上至真無極大道玉皇上帝御前

係天師某治炁赤天三五步綱元命真人臣

某稽首再拜上啓

太清玄元無上三天無極大道太上老君太  
上丈人天帝君天帝丈人九老仙都君九炁  
丈人百千萬重道炁千二百官君太清玉陛  
下小臣愚短千載幸會得染清化乃蒙覆蓋

賜受吏兵以自保護常依科法每以吉日簡  
閱臣所佩正一上仙上靈將軍等錄錄上功  
曹使者將軍吏兵各有主職保護臣某身形  
安神養性長調官府三尸墮落眾災消滅內  
除疾病外却衰形臣當以時言功舉遷不敢  
違負謹啓

次鳴法鼓二十四通

東向平坐閉目存左青龍右白虎前朱雀  
後玄武麒麟鳳凰翔踞四隅日月五星二  
十八宿北斗七星臨照形神

次出官

謹出臣某身中上仙上靈百五十將軍直使  
功曹正一功曹治病功曹各十五人出主為  
臣某執使者主將送東南西北正定諸炁消  
除疾病上仙上靈左右官使者主將送東西  
南北辟斥三災九厄五刑六害之考都主吏  
兵主左右無令前却錯互上仙上靈陰陽神  
決吏各十五人出為臣和合陰陽決定生籍  
安神養性使合真仙上仙上靈陰陽治病功  
曹治病太醫吏各十五人出主為臣某調理

陰陽察候五藏神仙妙藥却病銷災上仙上靈二官百五十將軍主領官將吏兵士卒圍繞臣其身周甲三重無令空缺上仙上靈即吏虎賁察森鉤騎三官僕射吏各千二百人出主為臣某屯守所居宅舍房院營衛左右隨逐東西南北常去臣百步兵刃外向討捕凶逆執捉姦邪並令絕滅不得縱逸皆共保護臣某等身上仙上靈天驕甲卒各十二百人出天丁力士各百二十人出主為臣某隨逐東西南北所有呼名應口而集上仙上靈收炁食炁吏收神食神吏收鬼食鬼吏收邪食邪吏收毒食毒吏各六十人出主為臣某收食天下毒疫鬼炁妖精邪神傷寒瘡痢毒注濕邪蟲獸強疰一切皆收而食之悉令蕩散上仙上靈科車赤符吏剛風騎置驛馬上章吏各十人出主為臣某收捕兇邪鬼賊不正之氣呈章奏表速令上達

次出奏法錄吏兵

謹出太上正一一將軍錄錄中功曹將軍使者吏兵王女等為臣助國行化翦滅凶惡至

道長興謹出太上正一十將軍錄錄中將軍符吏功曹等為臣斬惡賞善萬願隨心謹出太上正一百五十將軍錄錄中靈官功曹將軍騎吏使者甲卒等為臣辟斥四方不正人鬼禍害永消謹出太上正一三將軍錄錄中將軍功曹童子玉女等為臣脩生養炁延長壽祿所向隨心謹出太上正一名百鬼錄錄中功曹護身將軍玉童玉女等為臣收斬天下身中魍魎無害於人謹出太上正一元命亦錄錄中三天解穢玉童玉女五方龍王吏兵等為臣消滅血食浮遊侵人之鬼一切蕩除謹出太上正一上仙名鬼錄錄中諸部真人真神功曹六甲神將六丁玉女等為臣殺滅身上三災九厄一切無他謹出太上正九州社令錄錄中諸部大將軍功曹玉童玉女直符使者等為臣行綱布炁制伏羣精謹出太上正一星綱五斗錄錄中太玄禁師胡玄禁師西玄禁師壺公禁師將軍吏兵等為臣禁截不道害人凶逆邪祟謹出太上正一河圖保命錄錄中真人功曹將軍玉童玉女

等為臣保守身命應臣所請悉令效驗謹出太上正一六害錄錄中太一君皇天上帝君太上元君六害神消刑滅害功曹將軍等為臣驅逐妖殃千精萬鬼並令攝伏謹出太上正一九鳳破穢錄錄中天靈赤官斬邪功曹誅攝斬伐擊截殺翦滅禽奇將軍使者玉童玉女等為臣滌蕩不係籍之邪神當令神應謹出太上正一都章畢印錄錄中天靈官功曹將軍仙人道士玉女使者等為臣斬滅千邪萬妖不侵生人謹出太上正一華蓋大錄錄中諸部功曹將軍玉童玉女使者為臣誅斬惡逆消毒滅偽謹出太上正一九天兵符錄錄中功曹將軍吏兵甲卒等為臣守固所居呼名立到謹出太上正一九官捍厄錄錄中功曹仙靈官將軍使者天驕甲卒等為臣助國救民應於心口謹出太上正一八卦護身錄錄中五方名鬼將軍五帝將軍左右僕射吏兵等為臣尺置一兵里置一營按劍持戟斬絕精靈謹出太上正一三五考名錄錄中三元將軍五斗功曹五星功曹諸童子使者

等為巨招星落斗纏絡身形邪神惡人並今  
攝伏謹出太上正一龍虎邪神錄錄中功曹  
將軍使者玉童玉女等為巨抵扞精邪存念  
密應謹出太上正一辟邪神錄錄中玄老將  
軍五鎮將軍五蓋將軍太上將軍功曹使者  
等為巨鎮壓天神地祇魍魎精魅五永不害人  
謹出太上正一四部禁惡錄錄中赤官諸部  
功曹將軍吏兵玉童玉女等為巨跳躡斗  
步紀存神應於本心勿生疾病謹出太上正  
一大斬河邪錄錄中五領將軍胡越氏羌  
等老君虎賁施天發地搖地動地將軍五色  
華蓋兵馬無上玄老將軍吏兵使者玉童玉  
女等為巨飛戈輪刀搜索精邪營衛居止皆  
令安隱謹出太上正一三五功曹錄錄中蔽  
身隱影藏已兵馬等為巨內守三宮外治三  
界天神地祇壞道邪魔惡乞蕩除存恩密應  
謹出太上正一保命長生錄錄中魁綱左右  
諸部功曹將軍吏兵使者等為巨內治五藏  
不使邪炁注入心肝脾腎肺救三尸殄滅百  
關調暢白日冲天仰荷玄澤

次出諸部將軍兵馬

謹出太上正一諸部玄老五侯大將軍五十  
萬人出無上玄老留大將軍周天大將軍蓋  
天大將軍建天大將軍中越大將軍中武大  
將軍中御大將軍中亭大將軍各十萬人出  
太上五蓋大將軍天管大將軍九種大將軍  
冲天大將軍九關大將軍北關大將軍九珠  
大將軍九道大將軍正天大將軍平天大將  
軍越門大將軍中央高皇領大將軍東方青  
領大將軍南方赤領大將軍西方白領大將  
軍北方黑領大將軍中央黃領大將軍各十  
萬人出各領所部並依本位營衛臣前後左  
右除凶滅惡無上五種兵馬五十萬人出中  
官五營校尉兵十萬人出城門校尉兵士四  
十萬人出中央大兵四十萬人出九正丈人  
中央大兵百萬人出太上城門兵天丁兵前  
帝東管大兵管天大兵發地大兵北方五泰  
兵各四十萬人出太上青蓋赤蓋白蓋黑蓋  
黃蓋大兵各四十萬人出左右將軍兵各十  
二人出左右橫行兵六十人出東方胡老君

反甲逆鱗兵九十萬人出南方越老君火管  
騎吏火燭兵八十萬人出西方氏老君鍊杖  
金精兵六十萬人出北方老君烏丸扁鵲  
兵五十萬人出中央僉老君二十五萬官君  
兵五十萬人出東方青始甲乙君南方赤始  
丙丁君西方白始庚辛君北方黑始壬癸君  
中央黃始戊己君天柱司命君等車騎兵各  
千二百人出高天萬丈大鬼百鬼中王各萬  
二千人吏兵六十萬人出高功司馬中騎大  
將軍郎吏虎賁察察鈎騎三官僕射各千二  
百人出天騎甲卒天丁力士收炁食炁吏收  
神食神吏收炁食鬼吏收邪食邪吏收精食  
精吏收毒食毒吏誅符破廟吏各萬二千人  
出主為臣某並在案前所部備執天威嚴加  
器仗誅討凶逆前滅精邪防護臣身呼名相  
應謹出臣所佩上三天三五功曹中部元命  
混沌真人赤錄直使功曹正一功曹各十五  
人出主為臣執使東西南北布定正炁救療  
諸病益壽延年左右官使者各十五人出為  
臣某通達幽冥共相整理無令前却陰陽神

決吏各十五人出主為臣某調和陰陽決定  
 生籍生炁陰陽二官治病太醫吏各十五人  
 出主為臣某和合針藥療諸疾病收偽却邪  
 功曹使者各十五人出主為臣某收邪却偽  
 滅惡誅凶命吏十五人出為臣某增壽益  
 筭司祿吏十五人出主為臣某加爵厚祿司  
 危吏十五人出主為臣某治化無亂司罰吏  
 十五人出主為臣某斬妖滅魔司直吏十五  
 人出主為臣某却枉翦濫司姦吏十五人出  
 主為臣某執制邪淫司察吏十五人出主為  
 臣某請是護非都司吏十五人出主為臣某  
 伏逆理順上三天文昌中宮中黃九道司命  
 君十五人出主為臣某除死籍正生名固守  
 丹田消災辟病赤天三五混沌生身蔽神斗  
 綱大將軍九人出斗綱左將軍九人出斗綱  
 右將軍九人出斗魁大將軍九人出斗魁左  
 將軍九人出斗魁右將軍九人出斗魁大將  
 軍九人出斗魁左將軍九人出斗魁右將軍  
 九人出斗魁大將軍九人出斗魁左將軍九  
 人出斗魁右將軍九人出斗魁大將軍九人  
 出斗魁右將軍九人出斗魁大將軍九人

出斗魁左將軍九人出斗魁右將軍九人出  
 斗魁大將軍九人出斗魁左將軍九人出斗  
 魁右將軍九人出斗魁大將軍九人出斗魁  
 左將軍九人出斗魁右將軍九人出斗魁大  
 將軍九人出斗魁左將軍九人出斗魁右將  
 軍九人出斗魁左將軍九人出斗魁右將軍  
 九人出斗擊大將軍九人出斗擊左將軍  
 九人出斗擊右將軍九人出並治臣左腎右  
 腎斗綱定生斗魁生肝斗魁生魂斗魁生形  
 斗魁生肺斗魁生魄斗魁生人斗魁生筋斗  
 擊生神不得有違赤天三五輔體斗擊大將  
 軍九人出斗擊左將軍九人出斗擊右將軍  
 九人出斗伐大將軍九人出斗伐左將軍九  
 人出斗伐右將軍九人出斗殺大將軍九人  
 出斗殺左將軍九人出斗殺右將軍九人出  
 斗擊安魂斗伐靜魄斗殺仙魂赤天三五璇  
 璣却敵大將軍九人出却敵左將軍九人出  
 却敵右將軍九人出破敵大將軍九人出破  
 敵左將軍九人出破敵右將軍九人出收擊  
 大將軍九人出收擊左將軍九人出收擊右  
 將軍九人出並治臣却敵安神破敵靜魄收

敵仙魄不得有替赤天三五中黃司命大將  
 軍九人出司命左將軍九人出司命右將軍  
 九人出定壽大將軍九人出定壽左將軍九  
 人出定壽右將軍九人出定仙大將軍九人  
 出定仙左將軍九人出定仙右將軍九人出  
 並治臣司命安神定壽靜神定仙百神不得  
 有違上仙都太上神明上靈官中宮執凶郎  
 吏虎賁力士破敵察姦鉤僕射力士斬邪  
 三官都官僕射力士各二十四人出主為臣  
 某守護所居宅舍執捉凶逆討捕姦邪並令  
 消滅不得遺失上仙都太上神明上靈官中  
 宮斷截都官僕射南北給侍驅使呼召立至  
 上仙都太上神明上靈官中宮乘魁收炁食  
 炁吏乘斗收神食神吏乘星收鬼食鬼吏乘  
 璇璣收精食精吏乘玉衡收邪食邪吏各一  
 百二十人出為臣某收食天下凶炁炁精  
 邪妖孽之神上仙都太上神明上靈官中宮  
 乘自三五科車赤符吏乘月科車捕鬼使者  
 各一百二十萬人出主為臣某誅翦凶逆討  
 捕精邪赤符追攝並令殄滅上仙都太上神

明上靈官中宮剛風騎置驛馬上章吏三五除死籍定生吏各十萬人出主為臣某呈章奏表速令上御消除死籍注玉曆生名上仙都太上神明上靈官中宮中黃九道定志意吏定臚吏定慧吏力士各十二萬人出主為

臣某心神開悟通達玄微上仙都太上神明上靈官中宮六陰六陽成身吏各十二萬人出主為臣某調理陰陽延年保命成身合道通神接真上仙都太上神明上靈官中宮八神金剛力士八殺金剛力士高車直事使者赤車直符使者科車檢捕使者交擊力士各七十二人出主為臣某討擊凶逆斬伐精邪滅禍穰災驅除鬼賊天靈赤官直使功曹攝神都護攝獄吏攝邪使者攝神直符斬刺姦邪吏各二人出仙人道士玉女各百二十人出護身七神名六不得離身特吏十四人治病功曹護身將軍各二人出兵曹吏各九人出扁鵲吏天醫吏各二人出並按威儀誅邪滅偽却死來生救助臣某等身保令呼吸相應臣某草苗小子千載幸會伏蒙師尊弘恩賜

投法籙以自防保過泰之恩實謂罔極臣所受上仙上靈等二十四錄所部將軍功曹使者真官玉童玉女吏兵士卒並乞依按所部當局行事銜命傳真宣揚道要勸進良善若有下官故罔惡逆凶邪縣官口舌惡人謀議

欲見中傷臣某左右官使者徑上天曹言白不得容隱從歲竟歲從月竟月從日竟日從時竟時周而復始奉行如法營衛臣某身命免冗度難長生久視心神安定所向合真出入行遊諸所造詣金石為開水火為濟皇天所覆皇地所載日月所照山川所通百邪摧伏萬神敬諾使某百關流潤五藏生津真炁降身鍊形易質功成德備白日昇天當以時言功不負效信臣晚學淺劣加以愚暗所簡閱將軍吏兵士卒恐不合儀式不相次比千愆萬過乞垂赦宥哀濟未悟不見罪罰某誠惶誠恐稽首再拜

次三炁氣起長跪祝曰  
臣閱錄事訖向來所出上仙靈官功曹使者將軍吏兵悉還臣身中從眾妙門而入依按

次位在左還左在右還右安隱金堂玉室直使功曹檢押無令錯互管衛周而纏繞表裏彌綸天地無有遠越

次復鑪呪  
次吟受送頌曰

此法甚玄妙 免汝九租役 是其人不投 令人與道隔 非人而輒投 見世被考責 死墮三途獄 萬劫悔無益

次出戶呪後云

閱錄已後唯願臣等三師得道九祖生天見存獲福善善和顏父慈子孝學道成仙

太上三五正一盟威閱錄醮儀

太上正一閱錄儀

廣成先生杜光庭集

忠七

凡受正一法籙常以甲子庚申本命三元三會五臘八節晦朔等日是日乃天氣告生陽明清暗萬善惟新天神盡下地神盡

出水神悉到太一在位授選種民考算功過撥死定生列名金闕道士及種民其日須清齋入靖以卯酉時焚香辦酒果二十四分或一十六分或一十二分或八分務令嚴潔先展舒法籙於几案之上著新淨衣服浴盥漱畢然後入戶上香存注一一如法不可闕也

- 先持入戶呪
  - 次上洞素香
  - 次上本案香
  - 次上香呪
  - 次禮師存念如法
  - 次鳴法鼓二十四通
  - 次發籙呪
- 太上玄元五靈老君當召功曹使者左右龍

虎君捧香使者三炁正神急上關啓

三天太上玄元道君臣今正爾入靖燒香以某會之日正月七日上會七月七日中會十月五日下午會謹依天師

具典簡閱臣身中所佩正一盟威寶籙願得八方正真生炁降流臣某身中所啓速達徑

御

太上至真無極大道玉皇尊帝御前各三禮

次各稱法位

泰玄都正一平炁係天師某治某炁赤天三五步綱元命真人臣某謹上啓

太清玄元無上三天無極大道太上道君太上老君太上丈人天帝君天帝丈人九老仙都君九炁丈人百千萬重道炁千二百官君太清玉陛下臣以凡愚獲奉玄化大道垂法正一興行叨荷師尊授傳秘籙延生飛化三五品文內正身心和寧神炁外祛災沴穰制氛邪上仙上靈魁罡寶訣籙中將吏功曹衆官各有職司保身護命調平六府澄靜百關使妖惡不侵災害不擾三尸墮落九蟲銷亡九祖七玄生天證道開度羣品廣濟天人佐

國為時立功及物每以三會之日言功舉遷永誓遵修不負效信伏惟三天大聖太上衆尊省覽臣誠常加恩宥臣某誠惶誠恐稽首頓首謹啓

次出官

謹出臣某身中上仙上靈北一太上一將軍太上十將軍上仙百五十將軍直使功曹正一功曹治病功曹各十五人出主為臣執使主將司察東西南北正定諸炁消除百病上仙上靈左右官使者主將送東西南北辟斥三災九厄五刑六害之考都主吏兵主領左右無令前後錯互上仙上靈陰陽神使吏各十五人出為臣和正陰陽決定生籍安神養性使合真仙上仙上靈陰陽治病功曹陰陽治病天醫吏各十五人出主為臣調理陰陽察候五藏神仙妙藥却病消災上仙上靈二官百五十將軍主領官將吏兵士卒圍繞臣身周甲三重無令空缺上仙上靈郎吏虎賁察姦鉤騎三官僕射吏各千二百人出主為臣屯守所居營衛左右隨逐東西南北去身

百步兵刃外向討捕凶逆執姦邪並令絕滅不得縱逸當保護臣身上仙上靈天驕甲卒各千二百人出天丁力士各百二十人出主為臣隨逐東西南北所有呼名應聲而集上仙上靈收炁食炁吏收神食神吏收鬼食鬼吏收邪食邪吏收毒食毒吏各六十人出主為臣收食天下毒疫鬼炁妖精邪神傷寒癘癘毒疰瘟邪蟲獸強殭皆收而食之悉令蕩散上仙上靈科車赤符吏剛風騎置驛馬上章吏各十人出主為臣收捕姦邪鬼賊不正之炁呈章奏速令上達

次隨品出錄中吏兵

謹出太上正一將軍錄錄中功曹將軍使者吏兵王女等為臣助國行化翦滅凶惡使至道興弘

謹出太上正一十將軍錄錄中將軍符吏功曹官將等為臣斬惡炁善萬願隨心謹出太上正一百五十將軍錄錄中左上仙右上靈功曹將軍騎吏使者甲卒等為臣辟斥四方不正人鬼禍害永消

謹出太上正一三將軍錄錄中將軍功曹童子玉女等為臣修生養炁增延壽祿所向安寧

謹出太上正一右上靈名百鬼錄錄中功曹護身將軍玉童玉女等為臣收斬身中及天下魘魅魘無害於人

謹出太上正一混沌元命赤錄錄中三天解穢玉童玉女五方龍王吏兵等為臣消滅血食浮遊侵人之鬼一切蕩除

謹出太上正一上仙名百鬼錄錄中諸部真人直神功曹六甲神將等為臣殺滅身上三災九厄一切無侵

謹出太上正一九州社令錄錄中諸部大將軍功曹玉童玉女直符使者等為臣於九州十二國分野之內制伏邪精行神布炁所向之地隨逐司迎擁護臣身克登仙品

謹出太上正一星綱五斗錄錄中太玄西玄壺玄禁契三師將軍吏兵等為臣行綱布禁遏截凶邪一切精祟

謹出太上正一河圖保命錄錄中真人功曹

將軍使者玉童玉女等為臣保身護命應臣名請惡令效驗

謹出太上正一解六害神符錄錄中太一君皇天上帝君太上元君解六害神消刑滅害功曹將軍等為臣驅逐妖殭解除災害千精萬鬼並令攝伏

謹出太上正一九風破穢錄錄中天靈赤官斬邪功曹誅邪攝邪破邪伐邪擊邪截邪翦邪滅邪禽奇將軍使者玉童玉女等為臣滌蕩不係籍之神昏令滅除

謹出太上正一都章畢印錄錄中天靈官功曹將軍仙人道士玉女使者等為臣斬滅萬邪災禍不侵於人

謹出太上正一華蓋大籙錄中諸部功曹將軍吏兵王童玉女五雲兵士等為臣誅斬惡逆消滅姦禍

謹出太上正一九天兵符錄錄中功曹將軍吏兵使者甲卒等為臣守固所居呼召立到謹出太上正一九宮捍危錄錄中功曹上仙上靈將軍使者天驕甲卒等為臣助國救人

應於所召

謹出太上正一八卦護身錄錄中五方名鬼將軍左右僕射吏兵等為臣入置一兵里置一營按劍持戟斬絕邪精

謹出太上正一三五考名錄錄中三元將軍

五斗功曹五星功曹童子使者等為臣招星落斗纓絡身形凶神惡人並令攝伏

謹出太上正一龍虎斬邪錄錄中功曹將軍

使者玉童玉女等為臣抗并精邪存念立應

謹出太上正一辟邪妙錄錄中玄老將軍五

蓋將軍太上將軍功曹使者等為臣鎮壓天

神地祇害於物者魘魘精魅永不害人

謹出太上正一四部禁炁錄錄中亦官諸部

功曹將軍吏兵玉童玉女等為臣跳星躡斗

步紀存神應於本心勿生疾患

謹出太上正一大斬邪錄錄中五十領將

軍胡越氏羌僮等老君虎賁將士施天發地

搖天動地將軍五色五蓋兵馬無上玄老將

軍吏兵使者玉童玉女等為臣飛戈輪刀控

索精邪營衛居止皆令安穩

謹出太上正一三五功曹錄錄中蔽身隱形藏已兵馬等為臣內守三宮外治三界所有天神地祇壞道邪魔悉令蕩除思念立應

謹出太上正一保命長生錄錄中魁網左右

諸部功曹將軍吏兵使者等為臣內治五藏

外却眾邪使三尸殄滅百關調暢功成行滿

白日昇天仰荷玄澤

次出諸部將軍兵馬

謹出太上正一諸部玄老五侯大將軍五十

萬人出無上玄留大將軍周天大將軍蓋天

大將軍建天大將軍中越大將軍中武大將

軍中御大將軍中亭大將軍各十萬人出太

上五蓋大將軍天營大將軍九種大將軍沖

天大將軍九關大將軍北闕大將軍九珠大

將軍九道大將軍正天大將軍平天大將軍

越門大將軍中央高皇領神大將軍青領大

將軍赤領大將軍黃領大將軍白領大將軍

黑領大將軍各十萬人出各領所部並依本

位營衛臣前後左右除凶滅惡無上五種兵

五十五萬人出中宮五營校尉兵十萬人出

城門校尉兵四十萬人出中央大兵四百萬人出九正丈人中野大兵百萬人出太上城門大兵四十萬人出天丁大兵四十萬人出前帝東營大兵四十萬人出督天大兵四十

萬人出發天大兵四十萬人出北方五秦兵

四十萬人出五蓋大兵各四十萬人出左右

將滅亡兵各二十人出左右將橫行兵各六

十人出東方胡老君反甲逆鱗兵九十萬人

出南方越老君火營騎吏火燭兵十萬人出

西方氐老君鍊杖金精兵六十萬人出北方

羌老君扁鵲烏丸兵五十萬人出中央三秦

僮老君二十五萬官君兵士百二十萬人出

東方青始甲乙君南方亦始丙丁君西方白

始庚辛君北方黑始壬癸君中央黃始戊己

天柱司命君車騎兵各千二百人出高天萬

文百鬼中王各萬二千人兵士六十萬人出

高功司馬中騎大將軍郎吏虎賁察姦鈞騎

三官僕射各千二百人出天騶甲卒天丁力

士收炁食炁吏收神食神吏收邪食邪吏收

鬼食鬼吏收精食精吏收毒食毒吏誅符破



廟吏各萬二十人出主為臣侍衛前後所部  
兵士備執天威器仗誅討凶逆翦滅精邪防  
護臣身呼名立至

謹出臣所佩上三天三五前後中部元命混  
沌真人赤籙直使功曹各十五人出主為臣  
執使東西南北布定正炁救療諸病益壽延  
年左右官使者各十五人出為臣通達幽冥  
共相整理無令前却陰陽神決吏各十五人  
出為臣調和陰陽決定生籍流布生炁陰陽  
二官治病天醫吏各十五人出為臣和合針  
藥療諸疾病

謹出收邪却偽功曹使者各十五人出為臣  
收邪却偽滅惡誅凶司命吏十五人出為臣  
增壽益算司錄吏十五人出為臣加爵進祿  
司危吏十五人出為臣理化無亂司伐吏十  
五人出為臣斬妖滅魔司直吏十五人出為  
臣却枉翦濫司姦吏十五人出為臣執制邪  
注司察吏十五人出為臣請是護非都司吏  
十五人出為臣伏逆理順上三天文昌中宮  
中黃九道司命君十五人出為臣除死籍正

生名固守丹田消災辟病

謹出赤天三五混沌生身蔽神斗綱大將軍  
左將軍右將軍各九人出斗魁大將軍左將  
軍右將軍各九人出斗魁大將軍左將軍右  
將軍各九人出九部將軍並治臣左腎斗綱

定生斗魁生肝斗魁生魂不得有違

謹出赤天三五混沌生形蔽影斗魁大將軍  
左將軍右將軍各九人出斗魁大將軍左將  
軍右將軍各九人出斗魁大將軍左將軍右  
將軍各九人出九部將軍並治臣右腎斗魁  
生形斗魁生肺斗魁生魄不得有違

謹出赤天三五混沌生軀蔽身斗魁大將軍  
左將軍右將軍各九人出斗魁大將軍左將  
軍右將軍各九人出斗擊大將軍左將軍右  
將軍各九人出九部將軍並治臣心中斗魁  
生人斗魁生筋斗擊生神不得有違

謹出赤天三五輔體斗擊大將軍左將軍右  
將軍各九人出斗伐大將軍左將軍右將軍  
各九人出斗殺大將軍左將軍右將軍各九  
人出九部將軍並治臣肝中斗擊安魂斗伐

靜魄斗殺仙魂不得差互

謹出赤天三五璇璣却敵大將軍左將軍右  
將軍各九人出斗衛破敵大將軍左將軍右  
將軍各九人出收擊大將軍左將軍右將軍  
各九人出九部將軍各治臣肺中却敵安魂

破敵靜魂收擊仙魄不得有替

謹出赤天三五中黃司命大將軍左將軍右  
將軍各九人出定壽大將軍左將軍右將軍  
各九人出定仙大將軍左將軍右將軍各九  
人出九部將軍並治臣脾中司命安神定壽  
靜神定仙百神不得有犯

謹出上仙都太上神明上靈官中宮執凶郎  
吏虎賁力士破敵察姦鉤騎僕射力士斬邪  
三官都官僕射力士各二百四十人出主為  
臣守護所屠執挺凶逆討捕姦邪並令消滅  
不得遺失

謹出上仙都太上神明上靈官中宮斷截都  
官僕射各二百四十人出主為臣南北東西  
給侍驅使呼名立到  
謹出上仙都太上神明上靈官中宮乘魁收

炁食炁吏乘斗收神食神吏乘星收鬼食鬼吏乘璇璣收精食精吏乘玉衡收邪食邪吏各百二十人出為臣收食天下凶注鬼炁精邪妖孽之神

謹出太上神明上靈官中宮乘日三五科車

赤符吏乘月科車捕鬼使者各百二十萬人

出為臣誅翦凶逆討捕精邪赤符追攝並令殄滅

謹出太上神明上靈官中宮剛風騎置驛馬上章吏三五除死籍定生名吏各十萬人出

為臣呈章奏表速令上御消除死籍注上玉曆生名

謹出上仙都太上神明上靈官中宮中黃九道定志吏定意吏定膽吏定慧吏定聰吏定勇吏力士各十二萬人出主令臣心神開悟

通達玄微

謹出太上神明上靈官中宮六陰六陽成身吏各十二萬人出為臣調理陰陽延年保命

成身合道通神接真

謹出太上神明上靈官中宮八神金剛力士

高車直事使者赤車直符使者科車檢捕使者科車交擊力士各七十二百人出為臣討擊凶逆斬伐邪精滅禍禳災驅除鬼賊

謹出天靈赤官直使功曹攝神籍神都護攝獄大吏攝邪使者及攝神直符斬邪刺姦吏

各二人出仙人道士玉女各百二十人出護身七神不得離身將吏各十四人出治病功曹護身將軍各二人出兵馬曹吏各九人出

扁鵲吏天醫吏各二人出出者並按威儀誅邪滅偽却死來生扶助臣身令呼吸相應臣

某草茅賤質千載幸會伏蒙師尊賜授寶籙制心脩身以自防保過泰之恩實為固極臣

所佩受上仙上靈等錄所部將軍功曹使者真官君將玉童玉女士卒吏兵並乞依按所部當局行事銜命傳真宣揚道要立功佐國

行化救人訓道愚迷勸進良善若有下官故炁惡逆凶邪縣官口舌惡人謀議欲見中傷

臣某者左右官使者徑上天曹言白不得容隱從歲竟歲從月竟月從日竟日從時竟時

周而復始奉行如法營衛臣身免度厄難長

生久規心神安定所向含具出入行遊諸所造詣金石為開水火為濟皇天所覆皇地所載日月所照山川所通百邪摧伏萬神敬諾

百闕流潤五藏生津真炁降身鍊形易質功成德備白日昇天當以時言功不負效信臣

晚學淺劣加以愚暗向所簡閱將軍吏兵官將士卒等恐不合儀式不相次比千愆萬過

乞垂赦宥哀濟未悟不見罪罰臣某誠惶誠恐稽首再禮

明三

次叩齒三通長跪祝曰

臣閱籙事訖向所出上仙上靈功曹使者將軍吏兵悉還臣身中從眾妙門而入依按次位在左還左在右還右安隱金堂玉室直使功曹主領檢押無令錯互營衛周巾纏繞表裏彌綸天地無有違越須臾又到一如故事

次復籙

香官使者左右龍虎君侍香諸靈官令臣靜室閱籙之所自然生金液丹碧芝英百靈眾真交會在此香火籙前所啓上達徑御

太上玉皇尊帝御前

禮

次吟學仙頌  
次出戶

太上正一閱錄儀

正一指教齋儀

二儀同卷

正一指教齋儀  
正一指教清旦行道儀

忠

正一指教齋儀

宿啓儀

先發鑪

太上玄元五靈老君當名功曹使者左右龍虎君捧香使者三炁正神急上聞啓三天太上玄元大道君臣等正爾燒香宿啓齋事願得八方正炁來入臣等身中所啓速達徑御至真無極道前

次西向

係天師陽平治左平炁都功臣某甲稽首再拜各三謹關啓天師嗣師系師女師三師君門下典者君吏願得正一生炁灌養形神五藏生華六府宣通消四方之災禍解七世之殃患長生久視得為飛仙拜

次北向

係天師陽平治左平炁臣姓名稽首再拜謹關啓上皇太上北上帝道君臣某胎生肉人枯骨子孫願得解除七世已下逮及某身千罪萬過陰私伏匿考犯三官者皆乞消解當今福生五方禍滅九陰邪精惡鬼莫敢當向存思神仙玉女來降長生久視壽同三光拜

次東向

係天師陽平治左平炁臣姓名稽首再拜謹關啓太清玄元上三天無極大道太上老君太上丈人天帝君天帝丈人九老仙都君九炁丈人等百千萬重道炁千二百官君泰清玉陛下臣等願心聞意悟耳目聰明萬仙會議賜以玉丹消災却禍遂獲神仙世官高貴金車八門口舌惡禍千殃萬患一時滅絕記在三官被受三天丈人之恩拜

次南向

係天師陽平治左平炁臣姓名稽首再拜謹關啓南上帝道君三天萬福君願書名玉籍告諸司命以長生為定又乞救三天萬福君致四方之錢財八方之穀帛富積巍巍施行

功德所向所欲萬事克成如心所願如手所指久視神仙壽同天地拜

次還東西

係天師陽平治左平炁臣姓名等上啓

太上無上大道上皇太上北上帝大道君南上

大道君泰清玄元上三天無極大道太上老

君太上丈人天帝君天帝丈人九老仙都君

九炁丈人等百千萬重道炁千二百官君泰

清玉陛下天師嗣師系師女師三師君門下

典者君史臣等夙來錄治依法遵行助國扶

命出自經官宣道利物前修所尚敢藉斯義

冒有披陳今謹有齋忱用伸宣讀

讀辭

具如所言誠宜拯濟謹依漢中舊典奉建指

教齋直一日一夜三時行道即夕同集宿啓

上聞恩惟

太上大道君四方教主三師靈應俯垂鑒攝

告下羣司官勅職掌及土地里域正炁真官

社里邑君歲垂擁護清淨座所過却邪魔傳

祈所願必令通感齋功成就言功酬實謹以

奏聞願加申勅臣某等稽首再拜

次還西向坐說威儀十二法

正一真人三天法師曰指教齋戒有十二法

一者不得食含血有生炁之物薰辛之屬唯

得食菜非向生之月

二者平旦飲粥日中則食自是之後水不過

齒書則燒香夜則然燈今燈香光不輟須

更坐起卧息不離法則

三者棄捨因緣唯道是務

四者思經念戒洗心精進

五者慈孝一切惡念不知開示愚癡為之痛

心

六者悔謝罪過恒如持毒叩頭自搏禮謝竭

誠

七者棄世爵祿所寶唯道

八者勞身苦體恭敬盡即為道驅馳

九者願除眾病十苦八難得免厄世為太平

種民

十者尊道貴德心口相副洗漱精進內外清

潔齋直禮拜不敢怠倦

十一者誦經講道安心定意志願分明無有

邪亂

十二者當此之時令淨入戒令入靜念

次補職

高功姓名其職也道德內充威儀外備俯仰

動止莫非法式三界所尊鬼神所瞻闕啓

祝頌通真名靈解釋疑滯道達眾賢

都講姓名其職也閑習儀範綜括憲章宣暢

誠理引導疑昧必令俯仰合度規矩從式

勿漏越唱違忤禮儀

監齋姓名其職也才用貞審質範嚴明勵已

齊眾取為人則方可糾察邪違繩正規軌

勿得輕略科典縱任意替

侍經姓名其職也位服端儼敬肅堂筵必令

中帳嚴整凡案齋列開卷蓋軸每存祗勵

勿使執置乖序典章虧失

侍香姓名其職也通言暢理所資在香必令

煙炁氛氲飛馨散馥然後響聞太空聲傳

上境勿使灰炭沈冥芬芳輟息

侍燈姓名其職也洞幽朗夜寔寄燈燭必令

列缺齊明通光月路始能皎鏡泉途炳煥  
沈穴勿使煙光扇蕩暉影傾醫

次復鑪

香官使者左右龍虎君侍香諸靈官當令靜  
室行道靈壇露恂之所自然生金液丹精芝  
英百靈眾真交會在此香大案前使其等得  
道尅獲神仙巨身受福合門荷恩八方玉女  
侍衛香煙傳奏所言徑御  
至真無極道前

次誦紫霞頌出壇

紫霞舞玄堂 元炁常無形 洞灌三丹田  
八景承高清 七曜房朗朗 超哉鬱冥冥  
曲靜徘徊泉 神龍同轡駟 三周一感會  
災脫仙道成

正一指教齋儀

正一指教齋清旦行道儀

先發鑪

太上玄元五靈老君當名功曹使者左右龍  
虎君捧香使者三炁正神急上關啓三天太  
上玄元大道君臣等正爾燒香清旦齋事願  
得八方正炁來入臣等身中所啓速達徑御  
至真無極道前

次上香周迴還東向再拜

次長跪叩齒二十四通出官

謹出臣等身中五體真官功曹吏出臣等身  
中治職君吏建節監功大將軍前部效功後  
部效殺驛亭令驛亭丞四部監功謁者及臣  
等所佩仙靈二官直使正一功曹治病功曹  
左右官使者陰陽神決吏料車赤符吏剛風  
騎置驛馬上章吏官各二人出出者嚴裝顯  
服冠帶垂纓整其威儀住立臣等前後左右  
咸受臣口中辭語分別關啓春清官屬監齋  
君吏天師所布下二十四治諸官君將吏道  
上二玄三元四始甲子諸官君七十二官三  
官考名直日直符五藏四瀆丘沼廟神山林

孟長山川溪谷及此間州縣鄉里里域真官

注炁監察考名土地之主杜里邑君一時嚴

裝與臣等身中功曹使者及飛龍驛吏上啓

太上大道太上老君太上丈人四方眾真道

德尊君天師嗣師系師女師三師君門下典

者君吏泰清靈神正一諸官君臣等謀參法

教職在披述爰值歸告輒為宣騰謹有

次讀辭

辭言懇惓謹具陳請為依漢中舊典建指教

齋直一日一夜三時行道日夜祇誠特賜玄

澤俯垂臨照請三天監齋仙官天兵騎乘各

依儀法一合來下行神布炁輔衛道場澄潔

身心祈願感逢降福消禍乞如所陳功曹使

者分別聞奏以時上達列啓事竟各還臣等

身中復於宮室須名又到一如故事

叩起再拜

次便四方朝

太上玄元五靈老君當名功曹使者左右龍

虎君捧香使者三炁正神急上關啓三天太

上玄元大道君臣等正爾燒香清旦齋事願

得八方正炁來入臣等身中所啟速達徑御  
至真無極道前

次法師還東西向長跪上香周竟  
還

次西向各稱治職拜拜平坐讀

謹關啓天師嗣師系師女師三師君夫人門  
下典者君更

次北向

謹關啓上皇太上北上大道君

次東向

謹關啓太清玄元上三天無極大道太上老  
君太上丈人天帝君天帝丈人九老仙都君  
九炁大人等百千萬重道炁千二百官君太  
清玉陛下 次南向

臣等宿世因果稟承正教運逢倖倖叨權冥  
津業愧清虛行慚忍辱恒願立功補過延福  
拔咎消違累欲增長勝緣拯接憂危祈濟苦  
難今謹有齋忱用伸宣讀

請辭

具如翰墨所陳宜可騰奏輒相攜率為施主  
某乙建立天師指教齋直一日一夜三時行  
道願以是功德為齋主家七世父母先過後  
亡一切神爽消釋殃對和解基罰拔長夜魂  
贖永劫罪斷地獄緣結天堂業故歸身大道  
歸神大道歸命大道

第一上香願以是功德上延七世父母過去  
神識當令免離災厄苦難咸得解脫煩惱惡  
根受鍊朱陵輪化南極永出三塗長遠五道  
不更六趣不涉八門澤被後徒福流見在今  
故燒香自歸依師君昇入無形和與道合真  
第二上香願以是功德奉為帝主國王君臣  
吏民保鎮皇基興隆社稷安邦利壤延福享  
祚故歸身大道歸神大道歸命大道持是功  
德上延帝主國王君臣吏民當令免離災厄  
苦難咸得解脫煩惱惡根使壽永乾坤年逾  
椿嶽國治民安功成道泰上慈下孝君禮臣  
忠六合寧靜九有清平今故燒香自歸依師  
君昇入無形和與道合真  
第三上香願以是功德為供主自身及家門

春屬尊卑善慶秋災度厄保命延年滅禍消  
凶除殃却患祈恩諸福拔罪解結并及同炁  
左右眾官治所領民天下吏民等普同福慶  
徧受洪潤故歸身大道歸神大道歸命大道  
持是功德歸某等身及家門眷屬尊卑大小  
同炁左右眾官治所領民天下吏民當令免  
離災厄苦難咸得解脫煩惱惡根五刑六害  
一切消弭千殃萬患並皆迴伏四關九竅吐  
故納新三一五神鎮衛宮府心開意朗耳目  
聰明所向所欲必獲從果所營所作萬事諧

克求道降真求財得寶南昌領藉司命記名  
長存久視德合天地畜牧之屬蝗飛蠢動已  
生未生成蒙成就今故燒香自歸依師君昇  
入無形和與道合真

次誦詠三首

淨意結五內 攝情修齋直 先人獲其慶  
子孫得其福 身固殊金剛 壽命無終極  
心如瑠璃珠 光明照身外 是謂無上道  
眾道中之最 皆從齋直生 捨香之所得  
是為大道座 賢者各努力

捨香上虛無 精誠感一切 一心無二意  
願念隨煙昇 香煙昇太清 願念尋煙至  
煙御大道前 太上稱為快 修行各三周  
功德因旋邁 三官除罪契 左神著生錄  
仙都定玉曆 記名著左契 天老刻玉籙

冥德於金匱 燒香向空無 旅行奏至誠  
齋戒攝情念 願除德會罪 赦賞代兆軀  
從道求所知 福德當歸流 明內受吉慶  
基考一切解 是皆燒香得 知此由天師  
後世悉皆知 禮拜天師君  
不勝情喜躍

正一指教齋清旦行道儀

正一敕壇儀

三儀同卷

正一敕壇儀

正一醮宅儀

正一醮墓儀

忠完

正一敕壇儀

夫敕壇先辦水劔安地戶上具壇簡  
行道就劔水所先存思本師在西次  
存思三將軍次存思有一真官絳衣  
乘斗而至乃啓白

臣聞調陰陽者莫過乎百靈濟家國者豈逾  
於大道故碧落有災祥之變令人則之黃籙  
有拯拔之科令人修之臣雖不材竊慕玄化  
忝佩法籙叨稱治官所歷山川敢忘報效以  
今太歲某月朔某日辰謹於某州某縣鄉里  
領行法事道士若干人謹為大道弟子某為  
某事修建某齋幾日幾夜懷災却禍請福祈  
恩建立壇場依科關奏臣等深鍊形炁棲心  
靜神克期奉行敢不上聞伏惟  
太上布維新之令開覆育之恩救下真官分

司降鑿使煙雲暫息於三界風雨無施於四  
冥讖謝必聞啓傳無間臣等不勝慊切之至  
專思神念真伏待報應

次存思報應畢又存四靈畢便過壇  
簡與他人次垂手握固召四靈

東方青龍角亢之精吐雲鬱炁噉雷發聲飛  
翔八極周遊四冥來立吾左

南方朱雀衆禽之長丹穴化生碧霄流響奇  
彩五色神儀六象來導吾前

西方白獸上應簡象英英素質肅清音威  
懾眾獸嘯動山林來侍吾右

北方玄武太陰化生虛危表質龜蛇合形盤  
遊九地統攝百靈來從吾後

次收兩手捧心二足丁字立呪曰  
吾召百神百神既集即當遊帶日挾月行九  
州十六神將為吾使天官地官水官同其休

次三才步就劔水右手執劔呪曰  
五行所運火木水土金我佩剛劔禁救鬼神

二十八宿隨吾指陳北斗七星挾輔靈真周  
流萬方百福同臻

次左手執水碗呪曰

江河淮海非巨水五龍吐出清天地大帝服之三萬年今日吾將淨袂氣急急如律令

次劔水相向稱名位

泰玄都正一手炁係天師其治其炁祭酒赤

天三五步綱元命真人巨某

謹請東方青帝青龍銜符帶劔入吾水中

謹請南方赤帝赤龍銜符帶劔入吾水中

謹請西方白帝白龍銜符帶劔入吾水中

謹請北方黑帝黑龍銜符帶劔入吾水中

謹請中央黃帝黃龍銜符帶劔入吾水中

吾水非常之水五龍五星真氣之水吾劔非

凡之劔九鍊堅剛七星挾傍踏躡北斗跨踞

魁罡太一作水周流萬方清無過水濁無過

穢以清治濁以水治穢急急如

太上老君律令攝哭水

次法師行至天門少立存思四靈訖

便誦禹步呪

乾尊曜靈坤順內營二儀交泰要合利貞配天享地永寧肅清應感玄黃上衣下裳震離

坎允翼贊扶將乾坤艮巽虎步龍驤天門地

戶人門鬼門衛我者誰昊天昊蒼今日禹步

上應天綱鬼神賓伏下辟不祥所求如願應

時靈光急急如律令

次至東北角面東請青童君

謹請東方青童君身長九千萬丈從官九千

萬人乘東方歲星之精真炁浮空而來降臨

壇所行神布炁搜索邪精驅除鬼賊有罪無

赦攝哭水

次禹步至東南角哭水喝攝面南請

赤童君

謹請南方赤童君身長三千萬丈從官三千

萬人乘南方熒惑星之精真炁浮空而來降

臨壇所行神布炁搜索邪精焚燒鬼賊有罪

無赦攝哭水

次禹步至西南角哭水攝面西請白

童君

謹請西方白童君身長七千萬丈從官七千

萬人乘西方太白星之精真炁浮空而來降

臨壇所行神布炁搜索邪精誅斬鬼賊有罪

無赦攝哭水

次禹步至西北角哭水攝面北請黑

童君

謹請北方黑童君身長五千萬丈從官五千

萬人乘北方辰星之精真炁浮空而來降臨

壇所行神布炁搜索邪精漂蕩鬼賊有罪無

赦攝哭水

次禹步至于上方哭水攝面北請黃

童君

謹請中央黃童君身長十二萬丈從官一

十二萬人乘中央鎮星之精真炁浮空而來

降臨壇所行神布炁搜索邪精埋藏鬼賊有

罪無赦攝哭水

次往鬼門上或地戶上步七星背建

向破旋身入斗中永斗履斗存天官

兵馬日月星宿神仙五嶽四瀆兵馬

各九億萬眾森然在目前及青龍白

虎朱雀玄武並羅列左右即再啓事

次重稱法位

太玄都正一手炁係天師其治其炁祭酒赤



天三五步網元命真人臣某等奉為大道弟子其修建某齋幾日幾夜祈恩謝過請福禳災上請天仙兵馬九億萬眾地仙兵馬九億萬眾日月星宿兵馬九億萬眾神仙兵馬九億萬眾五嶽四瀆兵馬九億萬眾各請敷振落驛風驟雷舉雨沸雲奔一合來下克以今日今時齊到此處蓋屋三重繞壇三市上張天羅下布地網九土齊功兵馬列陣於壇場之內門戶之傍井竈之間花果之下所有伏屍故氣土木百精猶鬼野道生人厭蠱為害鬼賊於道不順者收付魁罡之下入地萬丈無動無作急急知律令攝唵水

次視劍五行呪曰

五行相推剛最持威六紀輔我三台辟非天迴地轉陰陽開闢長生度世日月同暉

次提劍擬地視之呪曰

天赦煌煌地赦正方禹步所至百鬼伏藏急急知律令攝唵水

便殺劍後便右旋身出斗避踏星罡畢就事行道

### 正一救壇儀

### 正一醮宅儀

凡人居宅虛耗牛馬死失田蠶不熟人口嬰害或每年有五瘟時氣及狗鼠蟲蟻作怪或犯五方十二時土財利散亡舉向不稱者以四時王相日醮之吉

淨席六領箭十二隻麻縵二十四丈青赤各六燈九盞并竹燈柱九枚杖長二丈一面小素五枚無者可香鑪五枚香一兩色絲五段青八尺赤七尺白九尺皂六尺黃五尺錢三百五十文手巾五尺漆盤三十五面乾棗七十顆粟子一升胡桃七十顆黍米飯三斗米梓三斗拾頭七十枚薄餅三十五枚麥米飯一斗豆豉一斗粟米飯一斗粳米飯一斗米五斗鏡四面辨三枚長三尺大盤一面紙三十二張五色石色別一斤

右件隨豐儉量之食物莫盡中醮法於宅中庭方二丈四尺畫地為壇四季上開天門地戶人門鬼門皆以箭為之當方色縵三重欄之門安兩燈師案前一

燈壇中五方設五方神座隨方色著絲及錢於青座北設龜君座黑座南方神座赤座東方神座青座西土神座白座南功曹主簿座赤座北直符座黑座西宜安丈人座白座東從官座青座四維十二辰上各一座別細席一其五方神座及直符座座列食盤二餘座座列食盤一五方安香火五絲錢帛依五行成數東方八色青南方七色赤西方九色白北方六色黑內方五色黃諸侯已上用五色寶璧卿士已下用石無斤用兩諸侯已上綵用匹卿大夫用丈士庶用尺錢諸侯已上用十卿大夫用百士庶用十亦可五方東麥南黍西稻北豆內粟壇南五尺師座一席一案巾覆案上東南上從地戶出入

先幣次進食燒香再拜少坐祝曰家  
法師但坐不拜

維某年歲月朔日某辰某州縣鄉里官位姓名謹擇吉日齋戒肅敬內外至誠淨宇清壇庶羞香潔信幣新華品物咸具

謹請東方宅神青土將軍各領東方甲乙寅卯直符儀服皆青降茲東座  
謹請南方宅神赤土將軍各領南方丙丁巳午直符儀服皆赤降茲南座  
謹請西方宅神白土將軍各領西方庚辛申酉直符儀服皆白降茲西座  
謹請北方宅神黑土將軍各領北方壬癸亥子直符儀服皆黑降茲北座  
謹請內方宅神黃土將軍各領內方戊己辰戌丑未直符儀服皆黃降茲內座  
謹請乾坤震巽坎離艮兌四孟四仲四季歲月日時刑殺德合建厭衝對太歲太陰大將軍門丞戶尉井竈伏龍庭堂屋吏宅內七神陰陽官屬並依位就座領納丹誠歡備慶樂弟子再拜謹啓

次上香 上茶 上酒

謹啓五方宅神五土將軍宅內眾官等弟子某生代有緣依居宅宇乾坤蔭覆得在凡流資水火而求安假稻梁以為命自於此宅居住以來日月推移動淹年載被蒙寧吉戴荷光

誠深或而比年以來賊軻虛耗人口大小更互不健男殤女殤妄為祟害招引五瘟六天之鬼屯結宅中不肯退散今謹依先聖科法謹以今日吉慶良辰靜念至心灑掃庭宇燒香設位謁請靈神首罪謝衍祈乞福祐謹上餅果並悉芳馨敬薦宅中五方宅神五土將軍宅內眾官伏願一切降臨賜為歡饗弟子再拜謹啓

次上香 上酒

謹啓諸神等弟子此宅或是初時起立豎柱架梁或從居住已來修理改換或移徙抵向犯觸王神或嫁娶葬埋非家姓便利或於中殺害汗穢宅形或罵詈呪詛動成行容致有觸犯四面八方天地陰陽百官禁忌五土之炁刑耗之神或犯男女大小之命及犯牛馬六畜之命爰居爰處憂戴懼令設薄禮仰謝愆失并獻雜物安定眾神伏願降以嘉福惠以厚息所有犯觸一切釋散人口康健瘟毒不干上得天和下得地利青龍鎮左白虎居右朱雀捍前玄武衛後五行得所四王安

方龍神鎮守邪惡消亡辟除盜賊懼却災殃  
解謝之後萬福來祥弟子再拜謹啓

上香 上酒

重啓神君等弟子今日誠心致禮伏願神官  
普垂恩祐請勸五方直符為其驅遣宅內五  
虛六耗蜚尸邪魅及以時瘟疫疠中外強拜  
行客寄鬼雄雌注殺遠去千里若宅中地王  
害悉發動悉自伏滅願請青龍來下鎮宅東  
消却東方青色災禍關木門招集東方五穀  
金銀財寶來入願請赤龍來下鎮宅南消却  
南方赤色災禍關火門招集南方絲綿綠帛  
財寶來入願請白龍來下鎮宅西消却西方  
白色災禍關金門招集西方金玉珍奇財寶  
來入願請黑龍來下鎮宅北消却北方黑色  
災禍關水門招集北方魚鹽牛馬財寶來入  
願請黃龍來下鎮宅中央消却中宮黃色災  
禍關土門招集四維錢財匹帛珍寶來入五  
色神龍鎮過五方祭謝以後宅神安定門丞  
戶尉備衛家門禁制百鬼無使來前散滅凶  
殃招集福祿令弟子所居所住安鎮百年男

女賢明老少元吉惡口赤舌沒入九陰家口  
尊卑常沾五福保宜天祿永祚遐齡六畜滋  
繁五穀豐熟財運合倉庫充盈仕宦高遷  
蠶桑蕃息子孫熾門戶興榮舉家承擁護  
之恩畢代荷神明之德蒙如所願被受洪恩  
弟子再拜謹啓

次散食於壇外四方

重啓禮謝三周合座豐足惟諸明祇各還本  
府宅內諸神各安其部伏願留恩降福一如  
所啓再拜

行事畢收五方飲食埋宅五方門位  
飯食埋大門樞側餘盤迴以散食

正一醮宅儀

正一醮墓儀

凡人墓山年月深久或有崩壞須得補葺  
或時凶衰地氣王動致令子孫貧耗遭非  
橫禍百事不利者須饗祭墓之山川土地  
神祇安穩亡人即得子孫平安所向吉利

細席三十五領無席用 大席二領香一兩  
小案一面香鑪四具小盤三十五枚黍米  
飯五升粳米飯三升粟米飯一升胡桃七  
十顆乾棗三十五顆栗子一升餅三十五  
枚淨水刀鋤供用竹簾四枚杖長一尺漆盤  
一面小繩一條長三丈六尺銅鏡一面鹽  
一斗二升豉一斗二升

右件物隨豐儉量之

於墓近道左治地為壇方三丈六尺四角  
立標壇中央設五方神座次外設二十四  
神座次外四方設阡陌座墓前左設亭長  
座右設丈人座座列細席一領飲食一盤  
所用鎮幣錢物並隨時豐儉但令合五行  
四維支干數唯須精新不得穢汙預前一  
日潔淨營辦其日設飲食於壇東南祭官

立於壇南祝人在壇西南弟子立於壇東  
執事升壇布帶進食置香鑪於壇內四角

先上香再拜跪讀祝文但出家法師  
維年歲月朔日某官位無官者州姓名敢昭

告于后土五方五行諸神此境山川百靈某

家丘墓阡陌之神往以龜筮襲吉於此山源  
為亡和安厝宅兆青龍白虎左右相扶朱雀

玄武前後相對置立瑩域整齊阡陌千年萬  
載永附山源但以年月幽深丘墳蕭索或四

靈失守八將無依蒿里明靈不垂冥祐也凡

比年以來居家屯坎舉向衰耗無所良宜當

得翻失應成却敗錢財流散官事紛紜田種

薄收蠶桑不熟子孫傷天仕宦不遷日甚憂

惶無以取濟謹以今日奉齋薄禮并及雜物

庶羞備具獻上至誠奉請后土諸神丘墓丈

人二十四位功曹傳送阡陌諸神領並率所

部降臨其位次第而坐饗受所獻弟子再拜

次上香 上茶 上酒

謹重上白后土諸神等某先人末胤奕代承  
家恐山宅之不安懼宗禮之罔嗣敬以今日

誠心設醮伏乞亡者魂寧於幽室子孫獲慶  
於將來惟此山岡鬱鬱蒼蒼年年興盛代代

富昌上合天文下符地理左陪金匱右帶玉

堂男女位備無所不良五方錢財歸流生人

子孫富貴仕宦高遷門戶強盛兒女貞賢田

蠶豐熟財積如山寶貨充滿車馬駢闐安倉

鎮庫豐溢無量亡人受息利祐子孫弟子再

拜

次上香 上酒

向來至誠殷勤奉請馨香既薦言謝已陳禮

物輕微意慕欽重仰蒙洪澤饗納微誠再拜

三謝之禮悉以周徧鎮謝之物既蒙受納願

嚴神駕各還所止請道路將軍瞻察前後浮

遊邪魅驅令蒿里丈人丘墓長寧后代子孫

昌盛福祐緝聯一如律令再拜

行事畢其阡陌座物當分埋之於壇東南

角舒席於墓前迴食盤與亡人上食呪訖

並分散令盡凡平收日不用醮墓凶

墓神正月在子寅卯辰申戌亥二月在子

亥三月在卯巳午申戌亥四月在巳午未

戌亥五月並同六月在丑卯辰巳未亥七  
月八月在寅九月在子丑寅辰未戌十月  
在卯戌亥十一月在子卯辰午未申酉戌  
亥十二月在丑寅卯辰巳亥  
右件地犯之殺人凶若去墓十五步外無  
忌其日亦不得祭墓十三

正一醮墓儀

太上洞神三皇儀

忠十

度三皇恭契章訣

若別登壇誦詠巡行三壇者各一周畢

師向東發鑪

次再捻香出官如法

次讀章登壇時凡其所付大

某州縣鄉里係天師某治炁道士男女生炁

夫姓名年如干歲叩頭乞恩辭訴以肉人胎

生下流蟲蟻之類宿慶所襲摧形太陽謬遇

明時師老布化陶染玄風沐浴靈澤與充治

錄兼進參真符荷恩隆重誠自慶悅不揆愚

暗希進忘退伏承上古有三皇天文符圖契

傳不死之道學得登仙並成真人今供辦齋

醮之具仰齋儀謹冒昧奉詞上聞伏惟

明慈法師垂矜一切有心之至特申洪施以

見賜授如蒙哀懇則朽骸更生謹詞

太歲某月日時奉詞

白絹四十尺金三兩白銀三兩真丹二兩米

五斗新二束手中九條刀子九口澡盆澡盤

各一黃素四十尺金銀六雙絳紋三十尺銀

鏤一雙朱五斤紫綾四十尺碧絲五兩黃布

八十尺黃紙一百張黃筆一雙金刀一口五  
方絲三文九尺東青九尺南絳三尺西白七  
尺北皂五尺中央黃一十二尺皆用紋

右二十一件某受三皇一部法信無者注開  
准者各詔

之詞後有題備  
編受各隨願也

某州縣鄉里係天師某治炁某弟子姓名年

如干歲字某戶屬男女官主者姓名治男女

官道士姓名

保舉五人連銜

右一人學道修生貪慕神仙靜志潛默不從

世榮今齋法信求受三皇內文請依法傳授

章文

泰玄都正一平炁係天師某治炁道士奉行

洞神三皇經事某獄真人臣某稽首再禮

上言謹按文書臣以六蔽凡流小子謬遭明

時得在人倫道士之末銜命宣真採擇種民

而以暗鈍施化無方未有善效負愧皇一伏

自思省識惟蟲蟻少不慕世志在治身棲心

巖穴性質所重非敢虛飾昔受仙隱秘法經

文符圖積歷年載雖未山居默處自銜受道

以來禳忠却害禍消福臻百願咸從效驗既

加宜宣大化以副皇極今有某州縣某鄉里

男女官姓名好道樂生仰慕清虛靜思內教

不貪流俗投身山川味道染法採服神藥絕

穀修生誠可甄稱今投詞詣治求受臣所受

三皇內文臣不敢隱蔽高妙獨保清真輒投

於某某受之後約檢身心承法秘密不敢輕

泄登嶽八淵越海踰江千精百禽蛟龍魔魅

皆為其執伏呼名立至驅役萬靈金丹芝液

真炁自生心中所願不求自成長存久視得

為真人臣章到天曹願告下天地水三官五

嶽四瀆三河四海八極靈山名水四面八方

諸天諸地世間萬靈社稷真官注氣咸使聞

知其所遊方域皆當奉承以為大信某未受

皇文之前所犯千罪萬過惟蒙原赦恩惟

大上分別求哀臣愚謹因二官直使正一功

曹左右官使者陰陽神決吏剛風騎置吏驛

馬上章吏飛龍騎吏等官各十二人擗臣男

女官姓名拜受三皇內文符圖契傳赤章一

通上詣

三天曹伏須告報臣某誠惶誠恐稽首再拜以聞

臣姓某係某州縣宮觀焚修

泰清七寶玉陛下

太歲某年某月日

付券契符圖印傳訣

操章畢讀券契文一名王券一名金契言其刻券者語

其分

三皇券文

維某年太歲某月朔甲子某州縣鄉里男女

姓名年如千歲好道樂生質合六神冥契奇

要今率丹誠詣某嶽真人姓名求授

三皇內天文大字圖傳券契符使符等謹

按大有小有神仙圖文天皇地錄總領軍神

名會百鬼役龍命真封掌五嶽司察川源上

聞

太上仙都大神太上丈人太極四真授經尅

誓並依本文上願飛騰中願延年下願祿位

貨財自然委素投金軟丹永約某月齋告良

日吉辰無風無雨不雲不塵五嶽列位二十

五神七祖臨盟上誓九天所名即到受事皇  
前金石為開禍逆為淚違盟負約不年而傳  
賢愚失授愆戾天文身入風刀尸絕幽泉七  
玄父母考于水官臣某今謹授某先師本文  
大有錄圖經目如左

洞神經卷第一 大有錄圖天皇內文

洞神經卷第二 大有錄圖地皇內文

洞神經卷第三 大有錄圖人皇內文

洞神經卷第四 八帝妙精經上

洞神經卷第五 八帝妙精經中

洞神經卷第六 八帝妙精經下

洞神經卷第七 八帝玄變經上

洞神經卷第八 八帝玄變經中

洞神經卷第九 八帝玄變經下

洞神經卷第十 八帝神化經上

洞神經卷第十一 八帝神化經下

洞神經卷第十二 三皇齋儀

洞神經卷第十三 三皇朝儀


洞神經卷第十四 三皇傳授儀

右十四卷今以授某謹誓天神地祇日月星

辰玄妙錄圖大有皇文九天真仙都大神五  
嶽四瀆諸山河源千神萬靈二十五神皆臨  
盟輔衛某身神仙符錄小有真文令某飛昇  
五嶽之君受符行事不得妄傳畫一軟丹告  
于三官如仙都律令

男女姓名詣某州縣鄉里男女法師姓名於  
某處受三皇天文齋信對齋軟丹為盟某授  
道不得二心懷疑皆當承師之誓若不孝不  
仁不忠不信妄傳非人口是心非得道之後  
背叛本師宣露道真綺言名道世常聞見是  
所寒心身受災殃延及子孫各以手書分符  
契令傳必得其人不得妄傳故共畫一為信  
某州縣鄉里男女法師姓名於某處受

三皇經券



維某年太歲月朔甲子某州縣鄉里男女道  
士姓名如千歲詣某州縣鄉里男女法師姓

名於某處受三皇經券

請券竟舒置板上師執朱筆上令弟子捉下共畫一畫一畢放筆師命弟子執刀柄以刃正置同字上牽刀師推刀破券竟各卷縱縛之置案上弟子執鑲一雙師執刀

子刻之初刻左呼天皇諱字弟子隨師口道諱次刻右呼地皇諱字次刻中呼人皇諱字三刻畢各以一鑲貫券鑲小縱繫之並置案上此初案無者可用別中請置先案左右貫鑲竟弟子

子開三皇文伏看之師依音讀授弟子弟子隨師口道音在第四卷中臨用開大字如皇文法畢各卷取之請置案上開大字伏師讀黃女神符後年號至律今次授

三皇將軍依文至後弟子隨師讀訖納費置案上次授九皇圖圖中文字師從始至末讀之弟子隨師口臨時取經讀之畢置案上次授諱諱門中字弟子隨師口讀次祝內精符曰

天皇主氣 地皇主神 人皇主生 萬靈衛身 使我飛仙 得見皇君 上昇仙都 九者之門 右縫塞囊口次九天發兵飛騰符無呪直

閉氣向符心存呼三皇諱訖通氣券符納囊中

次授昇天券昇天券有兩文者略者不異初授三皇先分前者此文詰屈聯合成章存思感通神真降授令承師口讀訣如左入山隱居者亦可受後者與前不相妨理保各依訣耳

昇天籍地何耽仙 靈皇暢我八感天 勿語勿諾備汝身 口口銜受陰風門 雷鳴電吼水發衝 坐起四顧返命根 龍虎吐納精和元 天井開闔玉閣闈 小星出入如劍形 好固分別以求仙

先授東方青文曰 高皇飛靈皇祖皇當保延其人神形 次朱文 子欲度危玉芝地生上功有積必超人形別 承木德首昇皇庭

次黑文 大道太真受學勤行天師與其分券三一以 寧太一須門願子越兵請命長久道行身仙

次受券訣師命弟子起揖諸門一拜四拜太一三元四真也次伏地師上壇向北拜太階正中經前

朝太帝向北奏青繪章覆奏伏須報應此青章文如黃表若總檢初然後起徐步不奏一黃表不須更用青章然後起徐步章直而起各弟子引八大赫門南門也門歷一週太階向北拜禮太一上君

次向北六禮三皇君

次轉向東謁帝君再禮

次轉向東朝太清玉帝君皇九君九禮九揖

次轉向南謁南極太始太昊君再禮

次轉向西謁帝君夫人三師君夫人

各一禮八揖

次西迴東轉至南面正向北拜禮伏

聽覆奏重啟倘後時用大謝啟在後

師自迴案分券受事次謝四真四次出月門繞壇三周也總檢未竟不須謝四真出月門安座等

師執券弟子執刀鋸依師命破之先

破日月合同次破天門合同先題東

者下帶身金龍隨之以青綵纏龍著券背紫紋囊盛

案上次題南者下付宅玉虎隨之次

題西者下山中金鈕隨之次題北者

下付河石馬負之題三方亦置案上  
宅及山沈  
事那竟作後文呈

次授靈書內文頌曰

上洞百八字 是明元始根 三皇世莽莽

故與獸同羣 化及黃帝初 選出三才賢

標舉八玄輔 倉頡至聖神 四目既聰智

書迹善書文 文契既始立 却教劫為年

用以相教化 劫劫有盟言 漸漸增智慧

各各著名勤 宣之轉恢廓 歷數成法輪

自非仁聖智 焉別三才元 故記賢用傳

漫漫山海津 妙哉神妙哉 孰知仙中仙

右畢納囊中置案上

次授丹書內文曰

三皇八帝 寶此內文 存行無怠 長為種民

運去隱淪 變白昇玄 神仙不死 應感則臻

來去是常 知之者明 當識真一 憶諱記名

右畢別受口訣且納囊中置案上

次授八威五勝十三符曰

能知八威 萬兆不衰 五帝之符 坐致行廚

羣神道從 前後走趨 符道自然 效驗斯須

吾告萬兆 體而行之 生自貴道 飛騰可期

萬兆勿疑 勤當得之 五八開用 凡十三符

吾重吉子 秘而密修 道授其人 吾亦不尤

篇目玄洞 與吾俱遊

右畢納囊中置案上

次授三皇內諱板讀先讀上板鬼字

今別次讀中板文次讀下板文畢約

上置案次授三一內諱板上一中一下

置案上

次授童子錄總授者不須別判

讀錄教符乾坤百姓御制天地錄上真經不

得違離神符當行急急如太上老君律令

次約教度戒臨時取經用文多不重

謝恩後自

次授九天符契契教符

次授九天印五香湯浴之具未粉上

次授竹使符曰

陰陽百二十官君制百邪見吾身形見吾萬

神中外言爾畢卷符納符中未噴塞口

次授傳授板上文如左

紫雲何鬱鬱 散靈飛九天 卯酉正南北

精修改故形 每令外如枯 內中含清真

其使黃金景 大中復有天 真靈唯妙道

幽幽入冥冥

貪生之道和於精 凝靈散氣九孔明

勿令自恣失窈冥

右畢授下板文授文畢以板付弟子納衣

中正安上板青緹合纏兩頭安未纘師執

印印之印字首向外訖弟子捧之

次師教傳向王叩齒十二通祝曰

天皇上帝主生命地皇上帝拔死藉人皇上

帝除罪厄急急如律令

右畢撰傳衣置案上後有病家忠信者教

戶上交恩元退印者還三日九

次說三皇題曰

第一天皇內學字字者志也明天使人仰觀

上文心識覺悟捨惡就善內志習勤外不炫

曜先覺教後後生導前前後相隨事入道神



神身相一不死長生也

第二地皇內記經文者門也內學志明正而無惑舒以廣濟錄門至極

第三人皇內文明人俯察地理法地則天定內安外者普度無窮同歸玄門由學所得也

右畢授要戒

太上洞神三皇儀

洞神三皇七十二君齋方懺儀

卷三

廣成光注社 光度明定

東方九天帝君

伏聞一氣凝空九天垂象啓四時而東風出震播五常而仁化行春啓運三光權輿萬有

今皇帝順天行化用道匡時德合陽和明齊

景曜謹依科式齋香花燈燭供養之具歸命

東方九天帝君歲星不德蒼龍七宿中外諸

星官願以是功德降東上九天始陽碧城九氣垂霞來輔

皇帝身於春季三月之中甲乙寅卯辰位有

赤星暗曜地網天羅本命行年元辰衝破一

切災厄咸乞蕩除碧簡題名青宮蓋算二儀

交泰七曜貞明風雨以時脗涼應序家隆國

泰遠肅邇安內外士民同霑善慶得道之後與天帝合真

南方九天帝君

伏聞空洞凝華丹天演化運火德而炎精普照播文明而禮教遐宣高列九重下臨南極今皇帝稟慶自天巨時降世德兼神武八方

迴向化之心道契淳和萬國賴昭蘇之澤謹依科式齋香花燈燭供養之具歸命

南方九天帝君熒惑火德朱鳥七宿中外諸

星官以是功德願降南上九天朱光丹臺三氣懸光來輔

皇帝身於夏季三月之中丙丁巳午未位有

地網天羅赤星暗曜惡宿衝破本命行年一

切災衰咸蒙釋散南宮注壽丹簡題名永垂

富國之功更權長生之籍官閣隆盛遐邇冥

安慶襲山河福雷軍庶得道之後與天帝合真

西方九天帝君

伏聞清濁分形陰陽定位秋至而九天氣肅

金行而四海風清義定五常功成萬物

今皇帝應運挺生匡時播德化洽而寰瀛向

化功高而天地同功每仰玄科以安邦國謹依科式齋香花燈燭供養之具歸命

西方九天帝君太白金精白虎七宿中外諸

星官以是功德願降西上九天素華皓闕七氣流光來輔

皇帝身於秋季三月之中庚辛申酉戌位有地網天羅赤星暗曜惡宿衝破八卦九宮一切災衰咸蒙釋散西方列聖題名於七寶金門高上眾真延壽於三清玉籍八風調暢五穀熟成福祿邦家慶霑軍庶得道之後與天帝合真

北方九天帝君

伏聞洞陰變化北極居尊渺渺大羅統諸天而廣大澄澄妙性播羣品以生成道冠三清智周萬物

今皇帝名高萬古德被四夷長垂匡救之功以協昇平之運謹依科式齋香花燈燭供養之具歸命

北方九天帝君辰星水德玄武七宿中外諸星官以是功德願降北方九天玄陰蒼玄宮

五氣飛煙來輔

皇帝身於冬季三月之中壬癸亥子丑位有本命行年元辰衝破赤星暗曜地網天羅一切災衰咸蒙釋散乞玉京迴鑒金闕垂恩七寶林中益椿松之壽算五明宮內降鸞鳳之

植祥萬化咸安闔宮同慶得道之後與天帝合真

東方九地

伏聞大塊分形方輿構極四海之波瀾浩漫未測其深八紘之境界渺茫難窮其大

今皇帝謹依科式齋香花燈燭供養之具歸命

東方九土皇君東嶽山川丘陵原阜江海谿谷一切眾靈懺謝建國已來至于今日或與居動土掘鑿不時開拓山河廣崇基址驚喧

厚地觸犯皇君切慮疊積坤維災生分野祇祥未息疾病互興今以一心迴向大道歸依上帝委命真皇建三皇寶齋演洞神儀式乞使風調雨順海晏河清陰陽和而萬化安道德興而太階靜

皇帝淳和備體金石齊年六腑常調百關咸暢闔宮眷屬常保利貞內外士民居善慶得道之後與皇君合真

南方九地

伏聞重離設象九地居南流火庭深天池浪

闕蕭丘紫府長生之籍可求絳闕朱陵積善之名斯在

今皇帝謹依科式齋香花燈燭供養之具歸命

南方九土皇君南嶽山川丘陵原阜江海谿谷一切靈官懺謝建國已來至于今日或與居動土掘鑿不時開拓山河廣崇基址驚喧

厚地觸犯皇君切慮疊積坤維災生分野祇祥未息疾病互興今以一心迴向大道歸依上帝委命真皇建立寶齋備依儀式乞使陰陽調理疆境安安麟鳳呈祥龜龍協瑞

皇帝德符山嶽慶雲廣覆於九垓化洽震區和氣徧資於萬物闔宮眷屬咸保利貞內外軍民同霑善慶得道之後與皇君合真

西方九地

伏聞坤元資始厚載權輿高下分形東西列位振秋風而肅物運陰德以成功鳳嶺流祥龜山演化

今皇帝謹依科式齋香花燈燭供養之具歸命

西方九土皇君西嶽山川丘陵原阜江海谿谷一切靈官懺謝建國已來至于今日或興居動土掘鑿不時開拓山河廣崇基址驚喧厚地觸犯皇君切慮累積坤維災生分野祿殫未息疾病互興今以一心迴向大道歸依上帝委命真皇建立寶齋備依儀式伏願大慈廣濟景福遐臨布萬里之祥煙發九重之瑞氣風調雨順歲稔時和

皇帝慶祚延長神明保護浩浩而滄溟比祿我我而蒿華齊年皇子王孫天長地久得道之後與皇君合真

北方九地

伏聞北窮水澤下極風輪一陽生而萬物知春四氣布而羣陰復位地數終於四九國界列於三神山聳羅艷境開崐閩

今皇帝謹依科式齋香花燈燭供養之具歸命

北方九土皇君北嶽山川丘陵原阜江海谿谷一切靈官懺謝建國已來至于今日興居動土掘鑿不時開拓山河廣崇基址驚喧厚

地觸犯皇君切慮累積坤維災生分野祿殫未息疾病互興今以一心迴向大道歸依上帝委命真皇建立寶齋備依儀式乞使四時應序萬物生全風雲長契於禎祥水旱不為其災沴

皇帝德符天地道契義黃福庭下際於八紘壽域上參於七政家國隆盛遐邇晏安內外士民同霑善慶得道之後與皇君合真

北謝太一

伏聞三元祖氣太一尊神剖清濁以立二儀運陰陽而生萬物普迴靈鑒廣布玄功

今皇帝謹依科式齋香花燈燭供養之具備建洞神三皇七十二君寶齋歸命

太一元君九皇玉帝無極境界已得道大聖衆一切神明普懺前世今生六情三業故誤之罪咸乞蕩除東華增無盡之辛南極注長生之籍功高萬古位列諸天降真氣於身宮保太和於性府山河並固金石同堅境域晏安家邦慶泰得道之後長享自然

洞神三皇七十二君齋方懺儀

太上洞神太元河圖三元仰謝儀序 卷三

廣成先生杜光庭

經曰河圖仰謝之法學道之士常能行之度  
洪災之劫昇為種民若兵戈水火旱潦螟蝗  
星辰變怪天地易常山摧川涸日月薄蝕風  
霜不時雷電害物妖氣作冷鬼邪惑眾四境  
不寧猛暴為暴若帝王國主不安及疾厄災  
異至於民間危急當告謝天地玄感穹昊乃  
可解度耳

天道憫物玄聖流慈太上出河洛龜龍之書  
青文綠甲之字以授帝王此蓋教民致福謝  
過度厄解災之法也行之則上合天道舉無  
不應矣三元仰謝齋用壬辰癸巳之日戌亥  
之時戌亥為天門蛇對於樞知變即成龍龍  
當其機識化即入道戌亥者天門之津塗辰  
巳者龍蛇之樞機也卷十二感悟求真必由斯日故  
用辰巳日也壬者陽氣所生太一之位也故  
戌亥時昇壇告謝子時陽氣通生之首也道  
法執象道守物伏鬼制神御天統人以十二辰  
為用立德於子表成於丑慎衰於寅戒敗於


卯運智慮於辰用消息於巳救傾於午即安  
於未防亂於申開大於酉歸根於戌太平於  
亥歸根則陰氣盡太平則陽氣昇道運則陽  
昇水柔則道合故壬癸為勝順陽合道故也  
急有祈謝未及壬辰日者寅以慎衰午以救  
傾戌以歸根此三辰日時急亦可用合天道  
矣苟能丹苦感徹必契神明者餘日無爽不  
拘於此矣未齋三日掃灑內外禁絕庶事約  
飭僚友惟務精嚴一心營備無忘謹敬也

太上洞神太元河圖三元仰謝儀

壇堂第一


壇堂相近以便法事闕狹豐儉隨處取足賓  
主房室勿逼堂壇食屋浴室與圓相遠內外  
區分慎無敞露若住止迫迫嚴加障理新淨  
帷幔葺薦卷十二遠除斷隔牢密勿使煙臭相參也  
齋堂中正面設太上位左右經寶師尊及講  
誦之所屏幃案几香燈鑪奩四周舒陳皆令  
整潔也

堂位



壇圖柱纂詳見黃錄立成儀

壇位



太歲 本命 行年 元辰 生月 胎月

遊年 三丘 五墓 九幽

宮宅 門戶 窻窻 床

堂房 井竈 園溝

倉庫 園

右四十燈隨位安之各列牌榜

神位第二

神位之設堂於庭中平地作壇方三丈九尺  
應三界 壇外護淨八尺以繩約之四方方然  
八燈合三十二燈燈高九尺應九次第二壇

太上洞神太元河圖三元仰謝儀

方二丈四尺應二十四四方方然七燈合二十

八燈燈高五尺應五二十八宿中間正四方

方然一燈正中央然一燈又夾二燈並高七

又隔七尺即為天心天心方一丈正中央

然十燈又安二燈各高七尺天心前施一案

不然香以置大羅之策策左又一案然一香

策右又一案然四香策之四方各一案然一

香壇外正神九十一燈各高五尺太一十二辰二

十四炁太歲本命行年元辰生月胎月遊年

三丘五墓九幽合六十宮宅門戶窻床堂房

井竈園溝倉庫園各二燈合三十燈

架用檜柏香材竹等長一尺二寸廣四寸四

分厚三分符板亦然皆長九寸闊一寸八分

厚二分竅其上端絲繩穿之或懸或閣隨便

而用

符板六十四枚燈牌二百三枚各長七寸闊

之懸策一枚六十神板亦如之

夫燈以釋暗增明捨陰就陽凡用薦席三周

其外步障禁隔悉取精足也所用之物力可

堪者悉須置之堪而不置是獲悖財慢法之

罪怠惰之謫雖小不原立功務德勇猛為上

又不得牽引非己之物及強乞逼借有忤神

明其咎不赦謹而精備者福降無涯自下昇

高階賤成貴積微至著鍊偽入真解身中宿

根二十八結度陽九百六之災通究上玄保

長生之樂帝王修之可以神明通感陰陽交

泰國安民和無三災水火兵疫之憂矣得不

勉哉

門用長纂八枚門檐四枚釘門間短纂二

十枚朱繩六十四尺為之門榜四枚長五寸

相繼西北亥天門白書東南巳地戶黃書西

南申月門白書東北寅日門黑書

甲子王文卿 乙丑龍季卿 丙寅張仲卿

丁卯司馬卿 戊辰季楚卿 己巳何文昌

庚午馮仲卿 辛未王文章 壬申侯博卿

癸酉孫仲房 甲戌展子江 乙亥龐明公

已上十二神列於北方始於亥訖於丑

丙子邪孫卿 丁丑趙子玉 戊寅虞子卿

己卯石文陽 庚辰尹佳卿 辛巳陽仲公

壬午馬子明 癸未呂威明 甲申危文長

乙酉孔利公 丙戌車元昇 丁亥張文通

已上十二神列於東方始於寅訖於辰

戊子樂石陽 已丑范和卿 庚寅楮進卿

辛卯郭子良 壬辰武雅卿 癸巳史公來

甲午衛上卿 乙未杜仲陽 丙申朱伯衆

丁酉臧大公 戊戌范少卿 已亥鄧都卿

已上十二神列於南方始於已訖於未

庚子陽仲叔 辛丑林衛公 壬寅丘孟卿

癸卯蘇他家 甲辰孟非卿 乙巳唐文卿

丙午魏大公 丁未石叔通 戊申范伯陽

已酉成文長 庚戌史子仁 辛亥左子行

已上十二神列於西方始於申訖於戌

壬子宿上卿 癸丑江漢卿 甲寅明文章

乙卯戴公陽 丙辰霍叔英 丁巳崔巨卿

戊午從元光 已未時通卿 庚申華文陽

辛酉邢元玉 壬戌樂進卿 癸亥左石松

已上十二神列於中央統方文之外四邊

各三始於申訖於未

右六甲直符姓名各懸所屬之燈書版策

依次書符題天如左

太皇黃會天




從官九 億萬人

大明玉完天




從官九 億萬人

清明河童天



從官九 億萬人

玄胎平育天




從官九 億萬人

元明文舉天




從官九 億萬人

上明曜摩天




從官九 億萬人

虛無越衡天



從官九 億萬人


太極濛翳天



從官九 億萬人


右八天位屬東方八符朱書青氣生文他

赤明和陽天




從官九 億萬人

玄明恭華天




從官五 億萬人

耀明宗飄天




從官五 億萬人

竺落皇茹天




從官十五 億萬人

虛明堂曜天



從官九 億萬人

觀明端靜天




從官十二 億萬人

玄明恭慶天



從官十七 億萬人

太煥極瑤天



從官十八 億萬人


右八天位屬南方八符黃書朱書八

元載孔昇天




從官十八  
億萬人

太安皇崖天




從官七  
億萬人

顯定極風天




從官十五  
億萬人

始皇孝芒天



從官四  
億萬人

查爾重浮客天




從官七  
億萬人

無思江由天



從官七  
億萬人

上揲阮樂天



從官七  
億萬人

無極晏誓天




從官七  
億萬人

右八天位屬西方八符

黑地白書  
直符黑書

皓庭霄度天




從官五  
億萬人

淵通元洞天



從官五  
億萬人

太輪龍妙成天




從官五  
億萬人

太素秀樂禁上天




從官五  
億萬人

太虛無常融天



從官五  
億萬人

森霞騰勝天




從官五  
億萬人

龍變梵度天



從官五  
億萬人

太極平育貫奕天



從官五  
億萬人

右八天位屬北方八符青地黑書

大羅策文

太上無極至真無上無為大道應感真精大  
羅梵氣虛皇玉靈百八十道君無極世界天  
師至尊道德東真已得道無量天聖眾此四十九

字策

右一策版竹隨時安南方首北正中別案  
藥及香此名鎮策細書取容題簡策法皆  
應未書忽忽促無未用墨鎮策案  
書取通皇極無象見則吉昌相生制用內  
外和同各有其趣慎勿悞換之書天重符  
章

次題燈如左

- 角二 亢四 氏四 房四 心三 尾九
- 箕四 巳上東方七宿始辰訖寅
- 斗六 牛六 女四 虛三 危三 室二
- 壁二 巳上北方七宿始丑訖亥
- 奎六 婁三 胃三 昴七 畢八 觜三
- 參十 巳上西方七宿始戌訖申
- 井八 鬼五 柳八 星七 張六 翼二
- 十二 軫四 巳上南方七宿始未訖巳
- 右二十八宿各懸所屬之燈

日寅卯酉戌之間歲星卯榮惑星壬太白星百  
辰星子鎮星中

右七曜各懸所屬之燈

陽明一 陰精二 真人三 玄冥四  
丹元五 北極六 天關七 輔星八

弼星九

右北斗九星名各懸所屬之燈

上台虛精 中台六淳 下台曲生北斗九  
三台十二燈列於正中懸策居太一正北  
紫之半鑽繩今堅鎮星附之  
二辰齊所二十四炁之北太歲隨歲本命主家  
一。人行年同元辰 生月 胎月 遊年皆以  
命人三丘上五墓姓九幽合六十宮正中之宅  
所居門戶 窻錢者床海關堂內前房側  
外井 竈 圍 溝 倉六塔庫共園十合燈三  
并前九十一燈圍燈隨所在無或速者置  
門外之東凡十五名各二燈無亦勿闕

右列燈符東向存思請願等法

甲寅 丙寅 戊寅 庚寅 壬寅

已上列東方之北

乙卯 丁卯 已卯 辛卯 癸卯

已上列東方之中

丙辰 戊辰 庚辰 壬辰 甲辰

已上列東方之南

丁巳 已巳 辛巳 癸巳 乙巳

已上列南方之東

戊午 庚午 壬午 甲午 丙午

已上列南方之中

己未 辛未 癸未 乙未 丁未

已上列南方之西

庚申 壬申 甲申 丙申 戊申

已上列西方之南

辛酉 癸酉 乙酉 丁酉 己酉

已上列西方之中

壬戌 甲戌 丙戌 戊戌 庚戌

已上列西方之北

癸亥 乙亥 丁亥 己亥 辛亥

已上列北方之西

甲子 丙子 戊子 庚子 壬子

已上列北方之中

乙丑 丁丑 已丑 辛丑 癸丑

已上列北方之東

右六甲各五位同所諦識却邪勿妄求正  
姓名如前簡書之此為北向存請之法凡  
燈版符簡米色裝畫每令膠固雖風雨亦  
不可收以至竟事或有損汗告真而修之  
切在嚴淨可以致福風雨暴至遷燈厄

南第一大

黃皇會天



從官九 億萬人

南第二大

明玉完天



從官十六 億萬人

南第三清

明何童天



從官十七 億萬人

南第四玄

胎平育天



從官十 億萬人

南第五元


明文舉天



從官十一 億萬人

南第六上明


七曜摩夷天



從官八 億萬人



南第七虛  
無越衡天



從官二十  
六億萬人


右北方七宿黑地白書符取生氣他做此天及識丹書

西第一太  
極濛翳天



從官十一  
億萬人

西第二赤  
明和陽天




從官十八  
億萬人

西第三玄  
明恭華天




從官五  
億萬人

西第四曜  
明宗飄天



從官五  
億萬人

西第五竺  
落皇茹天



從官十五  
億萬人

西第六虛  
明堂曜天



從官九  
億萬人

西第七觀  
明端靜天



從官十二  
億萬人

右東方七宿青地黑書符天及識丹書

北第一玄  
明恭慶天



從官十七  
億萬人

北第二太  
煥極瑤天




從官十八  
億萬人

北第三元  
載孔昇天



從官十八  
億萬人

北第四太  
安皇崖天



從官七  
億萬人

北第五顯  
定極風天



從官十五  
億萬人


北第六始  
皇孝芒天



從官四  
億萬人


右南方七宿赤地青書符天及識丹書

東第一無  
思江由天




從官九  
億萬人

東第二上  
樸阮樂天



從官三  
億萬人

東第三無  
極雲誓天



從官十六  
億萬人

東第四皓  
庭審度天



從官十六  
億萬人

東第五端  
通元洞天




從官十四  
億萬人

東第六文  
輪龍妙成天



從官十二  
億萬人


東第七素  
秀樂臻上天



從官十六  
億萬人

右西方七宿白地黃書符天及識丹書

太虛無上  
常融天




從官八十  
億萬人

右西南方黃地朱書符天及識丹書

太釋玉隆

騰勝天




從官八十  
德萬人

右東方朱地青書符天及識丹書

龍變梵度

天



從官八十  
德萬人

右東南方黃地白書符天及識丹書

太極平育

賈奕天



從官八十  
德萬人

右西北方玄地黃書符天及識丹書

諸天之氣凝為星辰結為山嶽天星通應以掌人倫故河圖龍文演之以示於世世人知而修之可以解災致福耳始乎北者拜宿為端心注天路逆歷星官依度環同期達玄祐凡拜四拜各十二拜

大羅策及符燈燭簡諸天位號與東向法並同所書簡書符悉當春夏兩秋西北北向王潔淨燒香書之書訖宮懸策之前師盥漱向王臨目握固存神列符簡於案上叩齒三十二通咽液三十二過敕符呪曰

下遊上昇九玄祐黃奕始通神氣覆事竟收符策存神如前又呪曰若風雷之變公和之怒暫收符策不須敕呪

行善守玄魂魄正三天降福九君令策中從官人數變化隨時春十夏百秋千冬萬四季同億五化周徧自天子至于庶人可通用億數為勝其數東九南三西七北五此為氣數子庚丑辛值七為金寅戌卯巳得三為火此五行之氣數也故東方九氣青天矣修此齋者經云一者存思定心業也二者祝願習口業也三者拜禮改身業也以善易惡惟在至誠三業既悛百福斯至可不務哉方壇或壇使外方五十五尺應羅天大衍之數纂高丈二門廣五尺散纂九尺門榜書處地方三寸三分四方及中施六十燈各高六尺大約燈三十六可用二百三十若地狹力貧促今至少亦須三十二枚不可減矣

人多則諠聒必擇修謹敬慎者周事而已更直更息不得俱卧侍香芬靄使晝夜不絕侍燈明徹今達旦揚輝齋官平旦供糜粥正中蔬食必令素淨甘鮮不得用血腥葷雜之物可甘自熟之果勿啗向王之菜賓主相率在於趨勤謙懇為上此齋無暑職宿啟只以朝中二時如靈寶法禮方啟告至夕即大謝先入戶呪曰三元正氣入我身中通達所啟皆得上聞畢次華夏讚引入讚頌擗節列止壇前出亦如之

入壇第三

入壇以亥後眾官自齋堂依位序序讚誦導引至亥上天門法師呪訖入纂內左巡天外一周至戌入環三光一周法師於本位立眾官繞三光至南面對北正立都講唱各禮師存念如法

思神第四

法師鳴法鼓三十二通臨目內觀先存三寶次存受法三師次存三二次存三萬六千神羅

列內外備衛身心諦念三十三天七十四方  
想見無極神氣雲彩網緼與天官地司九府  
七曜五行六甲土皇洞靈一切真仙將吏兵  
士職宰典者直符直事一時雲集滿於空中  
周繞壇墀齊整肅然願令歸命天尊賓主蒙  
恩一切存亡咸荷福祐次都講唱鳴法鼓三  
十二通法師鳴鼓訖咽液三十二過跪上香

上香第五

法師於策案側一案四鑪中上香三十三過  
一鑪六拾一鑪十六拾  
一鑪八拾一鑪三拾 畢起立眾官二人為  
侍香從地戶入取四香鑪一仍出天門於眾  
官前行者人各三拾上香竟侍香從天門入  
置鑪本處出地戶還本位次都講唱各稱名  
位次發鑪呪曰

發鑪第六

上清玄都大洞三景弟子無上三洞法師奉  
行太玄河圖大謝法事某嶽某帝先生小兆  
真人臣某等謹上請  
太上玄元太上無極至真無上無為大道應  
感真精大羅虛無自然紫虛妙有無為無礙

玄青元黃始白祖氣高上大有玉清上清玄  
都玉京七寶紫微太清太極洞冥小有三元  
四始五重九極紫陽至真玄精神氣領聖官  
君統真神吏主仙靈司總錄典者左右龍虎  
騎侍香飛龍玉童傳言繡衣玉女三界直符

次都講唱曰

諸天直事諸地幽僚諸水玄職諸土皇執事  
諸洞府郵驛諸日月星宿山嶽谿谷池澤河  
海溟漢川濟江淮泗瀆九宮六甲諸方使者  
有漏無漏出世在世無量無邊無鞅境界及  
此間土地里域真官正神並出嚴裝又請東  
極大夏兵九萬人南極銅頭鐵額兵三萬人  
西極金剛敢武士七萬人北極大項大甲  
神兵五萬人中央食鬼鐵面兵十二萬人又  
請九聖九真九仙兵馬各九億萬騎一時齊  
集侍衛壇壇臣等克以某元吉之夜欽奉

皇帝詞悅溼心勵誠燒香立齋禮謝懺祈謹  
以啓聞願蕩滌妖氛請降真氣流灑玄澤淡  
降

皇帝及臣等身中騰臣所啓眾願允遂家國  
蒙恩即得上御

太上至真虛皇玉帝御前

禮三十二天第七

次都講唱曰

- 臣等至心歸命太黃皇會天帝君
- 臣等至心歸命太明玉完天帝君
- 臣等至心歸命清明何童天帝君
- 臣等至心歸命玄胎平育天帝君
- 臣等至心歸命元明文舉天帝君
- 臣等至心歸命上明七曜摩夷天帝君
- 臣等至心歸命太極濛翳天帝君
- 臣等至心歸命赤明和陽天帝君
- 臣等至心歸命玄明恭華天帝君
- 臣等至心歸命耀明宗飄天帝君
- 臣等至心歸命竺落皇姑天帝君
- 臣等至心歸命虛明堂耀天帝君
- 臣等至心歸命觀明端靜天帝君
- 臣等至心歸命玄明恭慶天帝君
- 臣等至心歸命太煥極瑤天帝君
- 臣等至心歸命元載孔昇天帝君

臣等至心歸命太安皇崖天帝君

臣等至心歸命顯定極風天帝君

臣等至心歸命始皇孝芒天帝君

臣等至心歸命太皇翁重浮容天帝君

臣等至心歸命無恩江由天帝君

臣等至心歸命上揆阮樂天帝君

臣等至心歸命無極墨誓天帝君

臣等至心歸命暗庭霄度天帝君

臣等至心歸命淵通元洞天帝君

臣等至心歸命太文翰寵妙成天帝君

臣等至心歸命太素秀樂禁上天帝君

臣等至心歸命太虛無上常融天帝君

臣等至心歸命太釋玉隆騰勝天帝君

臣等至心歸命龍變梵度天帝君

臣等至心歸命太極平育實奕天帝君若請思從

方始者隨宿位度向東始者依方氣數各住之

臣等至心歸命太上無極至真無上無為大道應感真精大羅梵氣虛皇玉靈百八十道

君無極世界天師至尊道德衆真已得道無

量大聖衆一切正真諸君聖人并

懺告第八

跪伏叩頭唯在精志不用免冠散髮

上清玄都大洞三景弟子無上三洞法師奉

行太玄河圖朝懺法事恭敬某帝先生小兆

真人臣某等謹同誠上啓

無上無先無為無極大羅梵氣虛寂玄精至

真太上無極大道道中之道神明君王皇上

帝三十二天帝君三十九上真十方五司王

公丞相上宰輔弼疑丞羅天壘地諸山諸水

諸日月星宿諸土皇洞府天師至尊得道衆

聖應感尊聖過去當來見在得道無量正真

巨億世界無鞅數衆一切神仙諸靈官某等

塵凡賤陋智識昏蒙叨荷宿因躬逢道化早

參真教獲奉玄經靈貺所覃歡感同極但以

明科獎善聽許立功為先佐國度人俾效誠

節未能固樓山之操隆隱世之功常懼運終

受責幽夜負天真之訓違大道之恩是景易

還寸效難立敢緣慈貸之澤誓竭丹心謹與

同志等沐鍊形神束身歸命伏願

至真衆聖垂哀宥之慈許以自新遂其懺請

況奉辭旨敢不上聞有辭即讀無辭即云秉心回向願所陳

皇帝以祗荷玄休仰應星運居四大之重握

萬化之機業業兢兢善乾夕惕竊慮功虧撫

御未洽神明絕塞窮荒莫享息信兵戈水火

旱蝗疫毒妖氣驚暴猶困蒸黎震悼之懷若

履冰炭思傾丹慊上告玄穹某官以積善所

鍾預蒙真祐而處身濁俗混迹塵機乖五常

修省之儀爽四序保和之妙動貽悔吝累結

尤違不自覺知未嘗懺滌慮積生往世或搆

罪瑕肆意任心或成殃累凡情罔測神道難

知罪目貫盈而興造不息上不敬天道下不

信鬼神違戾陰陽悖亂神理前愆未懺後惡

又加輪轉海深重沓山積又五行代謝災福

不常三命循環吉凶相倚星辰躔緯有臨照

之期晝夜晦明有昇淪之數或前生今世宿

有冤仇或陽景陰關猶違債訟或已身所犯

或先遠殃流無量無邊不可憶識臣等擢質

太陽處身道運得以塵穢參奉洞真三洞金

書九天玉笈鍊景胎元之妙凝神抱一之規

鳳氣龍圖迴年駐景朝元復命證聖超凡歷

代所傳萬年所寶師資開悟咸得窺臨地耳庸襟值天章之宛與蚌蚌朝菌識椿壽之延洪餐味至音踴躍忘倦必謂九清三境有朝拜之期日闕星津有超騰之望而昏愚積習識性易迷淪溺罪河漂沈穢海耽染聲利留滯繁華捨正徇邪搆造諸惡或輕侮聖典疑毀真靈或竊盜神書傳授非道或規逐財色貪冒浮榮外假清虛內虧真正或依託三寶管已奉私受人崇施不修功德侵欺常住誣調神明或詐識星文干知凶吉自作一法隳背典常日積月深永不知覺或內乖存注外闕兼修瀆亂三宮昏翳八景赤子有淪胥之痛丹田有蒙塞之悲六氣失和百關或壅是以愆能招禍德可消災而怨道不慈疑神不祐捨本逐末曾未懺除渺渺生津追望何及至有崇修城闕制創池隍經行官任卜宅相居土木興工幽明觸犯或侵傷土府或摧壞丘墳或殘毀神墟褻害靈跡穿鑿福地涸竭泉源穢汚江河反違天地或前生累世輪轉受身億劫以來莫知終始或曾居尊位無道

無慈或為人臣子不忠不孝或殘害物命以養己身或故殺誤傷恣為罪犯或因行討伐憑公挾私玉石俱焚曾無惻隱賢愚齊殞宜有矜嗟致使蠢類無依人鬼咸痛以茲前過流連此身或九祖七玄先亡眷屬幽冥負責廷累子孫或墳壙不寧魂神悲怨因為注訟亦致凶衰沉乾坤有刑德之神天地有司察之吏陰陽有繩非之目曹僚有主過之官善惡必書纖毫不漏一失壽域永陷罪庭萬劫不還良可悲念又常情之內暗惑者多見為善者致災即謂修善無益不知前世之餘殃未盡殃盡則福來見為惡者安寧即謂為惡無損不知前世之餘福未盡福盡即禍隨遂得逞肆曾襟縱橫任意沈於冥夜東苦備嬰自非大道流光永乘生路伏聞玄經垂訓開首悔之門一旬精修則太清却其一刻二時不懈則上清錄其善功三年啓叩則玉清除其眾罪諸天憫世萬聖延恩委曲誘其迷津丁寧示其溺喪躍龍魚以綠圖朱字現龜馬以玄檢青文出謝災遷善之書著度世修生

之訣證之則常樂體之則成真隆善貸之仁弘無盡之祚勤行克念必果安全皇帝仰緣河洛品文玄元聖旨歸依稽首懺罪希恩普三界以虔祈徧諸天而悔謝華燈散景遊象星闕香霧騰芳佇通雲路敷真文寶懺列瑛極瑤樞布款披心冀迴真鑒上願二儀寧晏三景昭融緯候循常風雨時順宗桃先聖社稷尊靈承祐無涯與天共永玄黃分次無乘凌字蝕之災海嶽封疆無水旱兵蝗之變三邊澄靜兆庶歡康賊子姦臣悛心革面夷蠻戎狄航海梯山帝壽延長卜年悠久聖賢佐理忠孝推誠武偃文興天清地靜臣弟子某官等明誠上達祈向感通天錫休祥神資植旣宿寃蕩釋債訟和平萬惡雲收千災水泮幽陰受福玄祖生天恒居道中常與福會不逢魔惡不墮邊夷水火無侵刀兵不害常善救物立功佐時舉世太平咸歸道化心神朗慧壽命延長五帝四司三官九府天關地域水陸冥曹泰山鬱都九幽泉曲洛除罪簡著上生名三業障消十惡根淨死生

受脫幽顯蒙恩今故燒香歸身歸神歸命大道伏地首悔一切罪尤伏願

大羅虛皇無極上聖三尊三寶道德至尊三十九真三十二帝日月星宿台斗真官六甲五行諸天諸地一切尊聖得道神仙賜教告

幽明內外察屬監天司過司命高真察

皇帝臣等改往之誠獎

皇帝臣等自新之志無邊之慶並賜蕩除法錄吏兵直符神佐鑒領騰奏立冀感通如願之辰仰荷

天尊弘慈之澤副

皇帝臣等歸命之誠謹啟以聞

次十大念

臣等一念天地交泰二念日月齊明三念陰陽順序四念國土安寧五念帝王景祚六念宰輔忠貞七念萬姓歡樂八念九穀豐盈九念幽途離苦十念大道興行

復鐘第九

香官使者侍直衆真五帝直符諸天司察臣等奉為

皇帝燒香朝謝事訖上願大羅三十二天天帝直符百八十道君直事三十九真使者三元百二十曹職司與今歲月日時將吏七曜五行上下中央四面土地里域真官正神三界內外一切靈司同記

皇帝臣等自新之誓請納請願之誠使嘉氣榮光照耀神州壇場之內三元五帝呈瑞宮闕齋靜之中龍馬負圖龜魚表既朱綵再出綠字重新

皇帝道德昭彰玄功遐被祚曆延永率土太平臣及弟子等衆罪錮消萬善臻集普天受福幽顯沾恩九祖三師克昇真果侍香侍燈玉童玉女三界官屬應感神明奏臣所啓徑御

大羅虛皇玉帝御前

次學仙引出

次巡中燈出地戶繞三光巡天一周

至地戶

次出戶呪曰

六方降真九天垂祐善神相親功德成就畢

叩齒嚥液各三十二遍  
次出還齋所

太上洞神太元阿圖三元仰謝儀

太上金書玉諫寶章儀

則一

謝過祈安章

謹出臣某身中五體具官功曹吏出上仙上  
 靈直使功曹吏官各二人出正一功曹官各  
 二人出左官使者官各二人出右官使者官  
 各二人出陽神決吏官各二人出陰神決吏  
 官各二人出科車赤符吏剛風騎置驛馬上  
 章吏官各二人出出者嚴裝顯服冠帶垂緹  
 鹵簿齊執玉版住立臣前銜受臣口中辭語  
 分別關落此間土地里域真官風氣注氣社  
 稷色主道上二玄三元四始甲子諸官七十  
 二官君四面方位三元考君君等上啓  
 太上老君太上丈人天師女師嗣師系師三  
 師君門下五氣君等臣以頑塞亂竊視聽不  
 聰謬為玄真所見標拔授署之日約當輔助  
 天師宣揚正化救治百姓料理人鬼凡有告  
 請不容遏塞今有弟子某頓歲已來家中迤  
 坎夢想凶惡羣鳥聚鷓繞宅喧怪怪鳥異禽  
 頻來嘲噪合家惶怖若履冰危無方披訴即  
 日聲慮澄心詣臣求乞章表臣按師法為錄

奏某章一通露在案上功曹使者對共平省  
 必令投達伏聽披文

次祝水度章弟子跪捧進師師披進讀凡  
 稱名即禮拜勿令香烟中斷

臣謹重勅五體具官功曹將吏但其積殃累  
 暨過在彌天奏拜章文恐不御達今重請虛  
 無直符三十六人虛無直事三十六人秦清  
 直符三十六人秦清直事三十六人今歲直  
 符三十六人今歲直事三十六人今月直符  
 三十六人今月直事三十六人今日直符三  
 十六人今日直事三十六人今時直符三十  
 六人今時直事三十六人功曹二十人主簿  
 四人幹佐一十二人傳書送封吏十二人金  
 光童子吏十二人并臣身中五體具官功曹  
 使者臣謹為某拜奏上某章一通露在案上  
 乞使上達

更隨此章文進對迴左歸右必使正定上達  
 天府若有下官故炁六天鬼賊道路絕邀  
 截章文不即上達者仰付天曹赤梁北獄依  
 法治罪令臣章書以時上詣  
 太上御前左君歷關右吏次啓諸君歷遞乞  
 事事投達今臣所擊者破所治者差所收者  
 得所化者信功曹受事尋文分別各刻勿停  
 以明  
 天憲臣拜奏事訖向出仙官功曹將吏悉還  
 臣身中從衆妙門而入在左歸左在右歸右  
 功曹使者主領檢押還復本位須臣後召復  
 出一如故事  
 叩齒嚙液三遍微祝曰  
 功曹使者各歸金堂玉室之中須召復出一  
 如故事臣某頓首再拜

言功都章

謹出臣某身中五體具官功曹吏出臣所佩  
 上仙上靈官消災散禍解厄君吏各十二人  
 出三天天靈左部騰章功曹官各二人出三  
 天天靈右部騰章功曹官各二人出三天天

靈都部騰章功曹官各二人出陽天決吏二人出地仙決吏二人出聖典決吏二人出登元決吏二人出騰車決吏二人出起尸決吏二人出大醫決吏二人出上選決吏二人出中選決吏二人出左官使者二人出右官使者二人出科車亦符吏二人出剛風騎置驛馬上章吏各二人出出者嚴裝顯服冠帶垂纓鹵簿住立臣前後左右銜受臣言分別關啓操臣單章上詣

聖司關啓此問某處土地里域真官注氣監察考名甲子諸官男官女官男職女職二十四職左右都候君中宮謁者羌胡貳夷諸官君上啓

太上老君太上丈人天師女師嗣師系師三師君門下五氣君等將吏兵各有所典右官歷啓實記言功正月七日七月七日言生定錄十月五日都章言功又有男官某某等奉信真誠以先對令條牒臣民戶數所屬州縣鄉里名籍戶口年紀始上關籍又臣謹以酒果醪饌俗中供具陳薦丹龜并上紙刺呈啓

奏事言功賞贖乞上官主者監尉直事監察主司書佐習事一合來下降履醮所主事施行勿令錯互仙官書佐在臣左右謹披章文次祝水度章弟子捧跪進於師師接進讀勿令香烟中斷

謹重勅五體真官三師道主諸君丈人天師女師嗣師系師三師君等門下五炁君即日座中飲食勞賞事訖匹帛銅錢聊充酬獻監厨受事訖各還天曹臣身中功曹使者將吏兵士在左還左在右還右纏身繞體經緯百脉恩惟

上官典者原臣身中積行所犯千罪萬過一乞赦貸不見謫罰所出仙官天靈真吏君將吏兵書佐習事等隨事主察當局主職削罪原德改注死籍刊名玉曆長生簿中所保者全所騰者達所請者下護身將軍護法靈童隨逐匡扈隨事通覽宣告事訖各還臣身中從衆妙門而入復於宮室須召又到復出奉行臣某稽首再拜

謹出臣身中五體真官功曹吏官各二人出上仙上靈二官功曹官各二人出上仙上靈上部功曹騰章吏官各二人出上仙上靈中部功曹騰章吏官各二人出上仙上靈下部功曹騰章吏官各二人出左右官使者陰陽神決吏科車亦符吏各二人出剛風騎置驛馬上章吏各二人出五體真官功曹吏各二人出上明嬰兒解厄使者二人出上真嬰兒度厄使者二人出生丞中清沅使者二人出生河中生算使者二人出中真三元度厄使者二人出中真三官臨河使者二人出中真生官臨江使者二人出中真三官生命使者二人出下府水官道德使者二人出下元通候江影使者二人出下明水中訴請使者二人出下生清沅拔命使者二人出上元天官赦罪使者二人出中元地官原考使者二人出下元水官原德使者二人出三官淮濟生算使者二人出出者嚴裝顯服冠帶垂纓整其威儀羅列上下扶助奏請移告水官門下三端五湖淮濟曹府江海之中申訴天

保護嬰兒章

保護嬰兒章



曹真尊道主今為某息兒某受生已來災厄不息又恐六天縱逸鬼魔尅傷三官不拘三凶竊逼枉遭外殃內鬼及石下犬子乳母猫鼠兵獵氣鬼煩為崇害無方投措合家一意禳慮洗心歸命

三尊道主太上老君正一真人河上老子湖中玉女靈仙監察一切靈官度厄尊神執符把籍使者諸臣申表披雪殃原臣按先師科法謹為錄章申奏露在案上上請天官將吏兵士營衛扶從逐時傳達在臣左右行立所在聽臣省閱章文

次祝水度章弟子跪捧上師師接進讀勿令爐中烟絕稱名再拜

謹重勅真官直使左右書佐習事小吏直符直事日官月官星官主祭三河四海八極五湖河中玉女受事仙官臣謹為某家拜奏嬰兒保護大章一通封置事訖恐日惡時凶所啓不達謬悞顛倒言句差錯乞仙官直使十二書佐主為修治長毫利筆逐行調治龍劍書刀尋文割截刺者為割錯字為易勿令漏

沒及時徑達

太上御前以明効信但恐某宿業深厚妨及男女或宿緣惡業害及家門逮及殃鍾延沒非淺章書漏落不即上達重請虛無直符三十六人虛無直事三十六人泰清直符三十六人泰清直事三十六人今歲直符三十六人今歲直事三十六人今月直符三十六人今月直事三十六人今日直符三十六人今日直事三十六人今時直符三十六人今時直事三十六人今統章行必令投達奏章事說臣身中功曹使者將吏兵悉還臣身中金堂玉室之中在左還左在右還右在前還前在後還後從衆妙門而入纏身繞體彌綸天地而繞四肢經緯百脉須召復出隨事奉行一如故事臣某頓首頓首再拜

斬惡破鬼章

謹出臣某身中五體真官功曹吏出無上三天清微天禹餘天大赤天無上九天赤陽三五功曹上皇真人十二高車元神赤氣赤車使者玄元始氣使者陰陽真氣使者黃書契

今覆蓋君將吏兵陰陽生氣君度道消災散禍解厄君吏上天變惑中化神君兵吏中胎真人赤松君將中胎真官赤車兵吏各十二人出臣身中上仙上靈二官直使功曹官各二人出秦氏二官三部功曹官各二人出正一功曹故錄吏官各二人出上部功曹收惡錄惡吏官各二人出中部功曹收惡錄惡吏官各二人出下部功曹收惡錄惡吏官各二人出促氣功曹收惡錄惡吏官各二人出上部使者收惡逆外殍收魂錄魄吏官各二人出中部使者收魂錄魄吏官各二人出下部使者的頭反縛吏官各二人出絞手截頭吏官各二人出赤車使者監殺露出都市吏官各二人出高車使者官各二人出髡頭截耳吏官各二人出監殺外殍使者官各二人出監殺竊案吏官各二人出監殺長刀截頭吏官各二人出剛風騎置執法收逆斬殺吏官各二人出功曹使者嚴裝冠帶垂纓鹵簿衛受臣言分別關奏謹有某詞言款到求乞收捕外殍某鬼等前後累來千犯臣謹依天師

真科好生惡殺賞善罰惡宣揚法化為肉人告訴情懇臣輒按師法露出明星之下拜上赤章一通牒奏外祥某鬼等乞此間某處土地真官注氣監察真官里域邑主所請天官將吏兵士同心併力收捕惡逆之鬼鈎肝押耳抽腸按肺將向都市拔舌鉗咽左右走使擒捕吏倚住左右懸頭髮截斬首吏等倚立臣前後受臣驅使聽臣宣讀章文

次祝水度章弟子跪捧上師師接進讀上香勿令烟絕

臣謹重勅五體真官功曹將士書佐小吏天師女師嗣師系師三師門下五氣君等臣謹為某拜上消災解害斬賊惡逆收殄破鬼章一通上詣

聖司三天門下主遣臣身中五體真官三五小吏十二書佐功曹使者頭戴通天之冠夜光之璧齋著五色之綾齊執玉版嚴裝事訖磨硯點筆及時來下主為某家注定章文上詣天曹收捕妖殄若有下官故氣鬼賊濫賊道路遏絕臣章不使上達者

謹重請今時直符直事三十六人今日直符直事三十六人今月直符直事三十六人今歲直符直事三十六人四時直符直事各三十六人陰陽直符陰陽直事各三十六人星宿直符星宿直事各三十六人五帝直符五帝直事各三十六人六甲直符六甲直事各三十六人三五直符三五直事各三十六人天一直符天一直事各三十六人太虛直符太虛直事各三十六人太始直符太始直事各三十六人太清直符太清直事各三十六人功曹二人主簿四人幹佐十二人小吏十二人金光童子十二人五官六人雲中扶章督郵吏二人從事二人案章二人貴章二人左社右稷扶護臣章上詣

習事小吏龍頭書刀長者為剔短者為益剝者為除隨時上達功曹使者銜毫利筆即為正定勿令上官典者有所譴却若有下官故氣遮遏斷截者仰收付天一比獄之中依法治罪以明天憲閉口銜氣徑上

太上御前慎勿稽停左君歷關右史次啓諸君歷遞分別次第必使投達所請者至所召者到所押者伏所消者滅伏待告報上章事訖所出身中三五功曹君將吏兵從眾妙門而入案其次第直使功曹差次檢錄在左歸左在右歸右纏身繞體經緯百脉須召又到復出奉行一如故事臣某頓首再拜

科要

餅果五十 鹿脯二 魚脯一 清酒一 真香三  
鎮錄 錢一千二百 鎮信絹疋 弓一張 箭五百  
米一斗 銀環雙一 線五色 二刀  
於江岸作壇置高座施安五方香火奏章訖於天門上焚之畫鬼形像函盛研沉水底千萬不出如不就江河須清水三斗依法沉之筆一管墨一錠紙一百幅須一一度

潔書章紙香上熏過露於像前三日不被  
飄落鼠汗然可堪用

太上金書玉誥寶章儀終

天心正法脩真道場設醮儀

則二

法事如式

都講舉各禮師存念如法

高功宣五方衛靈呪

東方

九炁青天 明星大神 煥照東鄉 洞映九門  
轉燭陽光 掃穢除氛 開明童子 備衛我軒  
收魔縛杖 上對帝君 奉神正道 赤書玉文  
九天符命 攝龍驛傳 普天安鎮 臣得飛仙

南方

南方丹天 三炁流光 熒星轉燭 洞照太陽  
上有赤精 開明靈童 總禦火兵 備守三宮  
斬邪東扶 剪截魔王 北帝所承 風火八衝  
流鈴交煥 敢有不從 正道流行 我享上功  
保天長存 億劫無終

西方

七炁之天 太白流精 光耀金門 洞照大冥  
中有素皇 號曰帝靈 保神安鎮 衛我身形  
斷截邪源 王道正明 宮殿整肅 三景齊并  
道合自然 飛昇紫庭 靈寶符命 普惠萬生

功加一切 天地感寧

北方

北方玄天 五炁徘徊 辰星煥爛 光耀太微  
黑靈尊神 飛仙羽衣 備守五門 檢精捕非  
敢有干試 豁落斬權 玉符所告 神振八威  
邪門閉塞 正道明開 映照巨身 三光同輝  
策空駕浮 舉形仙飛

中央

黃中理炁 總統元真 鎮星吐暉 流煥九天  
開明童子 一十二人 元炁陽精 炎上朱烟  
洞照天下 及臣等身 百邪摧落 攝鬼萬千  
中山神呪 普天使然 五靈安鎮 身飛上仙  
次都講舉唱鳴法鼓二十四通  
次高功法師發鑑

無上三天玄元始三炁太上老君召出臣等  
身中三五功曹左右官使者左右捧香驛龍

騎吏侍香金童傳言散花玉女五帝直符直  
日香官各三十六人出出者嚴裝闕啓此間  
土地里域正神臣今正爾燒香奉為某人於  
某處為某事開建其齋若干晝夜罷散日修

設清醮一座若干分意者普告十方關盟  
三界析恩謝過請福攘災保族安家延年益  
算願得

太上十方正真生炁降流入臣等身中令臣  
所啟速達運御

至真無極大道昊天玉皇上帝御前

次高功法師出受經錄治職

次高功法師出受經錄治職

謹出臣身中五體真官功曹史出上三天執  
法開化陰陽功曹度道消災散禍解厄君吏  
各十二人出臣所受法錄治中建節監功大  
將軍前部効功後部効殺驛庭今驛庭丞四  
部監功詣者上仙上靈直使功曹左右官使  
者陰陽神決吏各二人出出者嚴裝顯冠冠  
帶垂纓整其威儀弁朱陽之憤冠通天之冠  
衣皂紬單衣腰帶龍頭之劍操持謁簿使者  
弁陰之憤冠九德之冠衣絳章單衣腰帶  
虎符齋執玉版直使功曹住立四方正一功  
曹住立中央治病功曹營衛臣身左官使者  
建卽在前右官使者持幢在後陽神決吏立

左陰神決吏立右上部功曹住立上方中部  
功曹住立身中促氣功曹催促十方上部使  
者遠望上天中部使者遠瞻八方都官使者  
帟繞臣身即吏虎賁察奸鈎騎都官僕射天  
丁力士治正執正吏收神食神吏收鬼食鬼  
吏收炁食炁吏收毒食毒吏收精食精吏收  
邪食邪吏誅符破廟吏剛風驕置吏驛馬上  
章吏飛龍騎吏等並屯住臣左右前後受臣  
詞語分別開啓此間土地里域真官正神監  
察考召左右都平君天師所布下二十八治

三十六靖廬七十二福地三百六十名山崑  
崙上宮洞天海嶽三元四始二十四炁十二  
司神太歲太陰甲子諸官君真元正炁三萬  
六千神在時受命章中從事東夷南蠻西戎  
北狄中央三泰五老神君山川溪谷靈官將

吏同誠上啓  
虛無自然元始天尊無極大道太上道君太  
上老君上德皇帝太上開天執符御曆含真  
體道昊天至尊玉皇上帝聖祖上靈高道九  
天司命保生天尊大帝紫微天皇大帝紫微

北極大帝承天効法厚德光大后土皇地祇  
元天大聖后三十二天帝東華南極西靈北  
真仙都玉京金闕七寶瓊臺紫微上宮靈寶  
至真明皇道君三皇五帝十一曜星君南辰  
北斗尊星天地水三官二十八宿星君玄中  
大法師三天大法師天樞院相公北極驅邪  
院衆聖靈寶三師四聖真君天曹四司五嶽  
帝君齋主法師建生星斗君本命元辰真官  
歲德尊神一切真仙三界官屬臣以宿命因  
緣叨行法教告盟之日約以行持祇奉道真  
欽崇法會俟監觀於至懇垂濟度之殊恩伏  
願昭錫靈休誕膺

聖眷脫塵蒙之濡滯俾道炁以充盈施利濟  
於無窮屏祓邪於不測唯期聖造俯納虔祈  
臣某誠惶誠恐頓首激切之至謹啓以聞

次都講舉唱各稱法位道衆稱受  
經錄治職

具高功法師受經錄法位臣某等謹同誠上  
啓  
虛無自然元始天尊無極大道太上道君太  
上老君混元上德皇帝太上開天執符御曆

含真體道昊天玉皇上帝聖祖上靈高道九天司命保生天尊大帝紫微天皇大帝紫微北極大帝承天効法厚德光大右土皇地祇元天大聖后日月星宿天地四司斗中帝座三府三官天樞院北極驅邪院聖衆太上妙籙北帝法籙中真仙五嶽四瀆洞天福地三界神仙十方衆聖臣闡生天生地肇興象帝之先無朕無聲混合希夷之上含靈所主大道攸宗宏敷濟物之慈高著祈恩之法太上弟子某虔傾精意俯爲微軀具旆靈幡肅設瑤壇之禮應輪效駕願回金闕之遊既懷惕惕之心以俟穰穰之福仰瞻紫宙欽佇景輿願賜降臨俯歆蠲潔臣與太上弟子等無任祈求激切之至稽首再拜奉請

次道士執神號請聖

次上香 上茶 上酒

次知磬奏初獻法事旋繞

次知磬誦步虛詞

稽首禮太上 燒香歸虛無 流明隨我回

法輪亦三周 玄願四大典 靈慶及王侯  
七祖生天堂 煌煌耀景敷 嘯歌觀太漠  
天樂適我娛 齊馨無上德 下仙不與儔  
妙相明元覺 誦誦巡虛遊

次都講舉唱各稱名位道衆默稱所  
受經錄治職

具高功法師受經籙法位臣某與太上弟子  
某等同誠上啓

三清上聖四帝高真金闕帝君清都上宰圓  
穹星宿厚地神仙三界威靈十方衆聖臣闡  
戴天履地荷大道之生成食德飲和繫衆神  
之造化凡處幅員之內盡霑亭毒之恩此  
無知冥冥何報太上弟子某傳度云宿依道  
蔭獲觀文條願親清淨之門誓授元真之職  
仰荷眷懷之造益增尊奉之心是以持於某  
處爲某事謹依科式廣啓薰修建立壇場恭  
祈真位庶流既施永保燕安伏願  
上聖回光靈仙垂鑒暫迂颺馭俯察精衷載  
惟懇禱之誠寔整歸依之素太上弟子詞文  
謹當宣奏

次宣詞引正一法師上

太上弟子詞文已申啓奏恭承聽覽少賜矜  
容特垂至大之恩允集無窮之福臣聞  
三清有邈萬聖尊崇非視聽之可求豈名言  
之能述今太上弟子祇奉

上穹歸投大道法具詮之密語體玄教以修  
身尚慮宿愆自貽陰譴今則特依科式大啓  
醮筵迓三境之高真延

九天之列聖恭陳蠲潔希降仙靈伏願道心  
純一世累消融保茲幻化之身得遂修真之  
教然後長生久視行滿功成恩普及於存亡

福永綏於師保臣與太上弟子等無任激切  
之至謹稽首再拜

次上香 獻酒

次知磬奏亞獻法事

次知磬舉大學仙讚

學仙絕華念 念念相因積 去來亂我神  
神躁靡不歷 滅念停虛閑 蕭蕭入空寂  
請經若飢渴 持志如金石 保子飛仙路  
五靈虔符籍 臣謹重誠上啓

北辰帝座日月皇君五星四曜尊星北斗南  
辰大聖三官主宰五帝真君二十八宿星辰  
天樞院衆聖玄中大法師三天大法師靈寶  
經籍度三師北極驅邪院衆聖闔座真靈周  
天列象伏以清都上宰翼張玄化之功紫府  
大神佑佑無私之德乘時出震體物施仁恭  
拜首以陳情異垂慈而降鑒切念太上弟子  
臣早依真教忝稱治官志在修持心存利濟  
推行科法參佩靈符仰遵

上帝之仁普救下民之苦是以肅陳瑤席延  
降靈車所望恩休廣霑動植伏願道心堅正  
法力興隆保真氣於一身消罪愆於宿劫功  
加師保恩被生靈仰期炤鑒之功德協祈求  
之望臣與太上弟子等無任激切之至謹稽  
首再拜

次三上香 獻酒 獻湯  
次知聲舉三獻法事  
次知聲舉出堂頌  
道以齋爲先 勤行登金闕 故設大法橋  
普度諸人物 宿世恩德報 道心超然發

身飛升仙都 七祖咸解脫

臣謹重誠上啓

五嶽帝主四海龍神名山洞天靖廬福地十  
洲三島四瀆百川治職仙官昇真大聖天司  
官屬地府天神仙曹將吏法錄靈官幽冥主

執水陸正神三界威靈十方至聖伏以維天  
作屏魏乎四望之尊因地成形歸若五方之  
鎮共承帝眷分董人稟恭致慈以陳情異垂  
慈而作證太上弟子傳度云夙欽道妙普佩  
真符欲成濟物之功須藉修真之術是以廣

陳蠲潔式薦馨香特啓壇場恭修醮禮伏願  
天心助順神理親人祛邪咸殄於九幽威德  
普加於萬類然後民臣安泰共欣戴於堯天  
道法興隆助綿長於周曆臣與太上弟子無  
任激切之至謹稽首再拜宣傳度科式獻

次遍啓

臣謹重誠上啓

三清上帝十極真仙海嶽神靈天地仙衆三  
界官屬一切威靈今已禮周三獻詞不再陳  
延佇真靈稽停儀衛惟憂流瀆伏積兢惶伏

願上界真靈各還瑤闕下方列聖盡復仙曹  
傾光既盼於醮筵降福必從於吉夕臣與太  
上弟子等無任攀戀禱祝望恩之至謹稽首  
再拜奉送

次知聲舉送神頌

迴輶五雲輿 騰駕九章歌 條欵冲天遠  
蕪筵香炁多 玄恩覃宇宙 福祿遍山河  
緬想神仙路 逍遙上大羅

次高功法師復官

臣奏醮事訖向來所出功曹使者並還臣身  
從衆妙門而入在左還左在右還右直使功  
曹主領檢押還復本位無令差互後召即到  
一如故事

次高功法師復醮

香官使者左右龍虎君侍香諸靈官當令設  
醮之所自然生金液丹碧芝英百靈衆真交  
會在此香火鑪前伏願太上弟子受福臣等  
蒙恩十方仙童玉女侍衛香烟傳奏向來所  
啓之誠速達徑御  
至真無極大道昊天玉皇上帝御前

次知磬舉詠華夏讚

次引至梵詞所序立

次引上香度詞奠酒拜退

次知磬舉詠回向讚

上來設醮功德伏願太上弟子某及臣等同  
賴善功成無上道一切信禮

次高功法師回向念善云

奉為太上弟子某人祈恩謝過集福消災念  
大聖元始天尊無極大道靈寶天尊太上老  
君紫清降福天尊延壽益算天尊長生保命  
天尊八卦護身天尊九宮捍厄天尊十方靈  
寶天尊日蓋大慈真人月靜大悲真人南昌  
延壽真人三清玉藏真人玉京山中一切仙  
聖不可思議功德

次知磬舉醮事畢弟子退位

天心正法修真道場設醮儀

太上三洞傳授道德經紫虛籙拜表儀

廣成先生杜光庭集

弟子聽師戒約起謝訖

次起左旋行誦通玄讚八首

至道常虛寂 玄化應真精 分神通一切

凝景在三清 恍惚生有象 冲寞見無形

逐運開緣會 因機說妙經 修之登景漢

慢之墮幽囹 天女散金華 神童唱玉聲

十華迴寶蓋 九鳳過雲營 若能弘至曠

家國悉安寧

五億諸天界 三千道境中 是非更有待

生死互無窮 妄起貪瞋獄 虛成殺害官

謬言人我異 安知彼此同 六骸俱不實

萬法悉歸空 體隨煩惱盡 心與色塵終

未能求解脫 常只處樊籠 若欲常自在

稽首至道宗

天堂與地獄 凡夫及聖人 悉從方寸起

非復有餘因 悟則聰明友 迷為愚瞽隣

苦覓猶有識 罪魄亦含神 何為沈惱難

良由不信真 棄此身上寶 染彼世間塵

既依流浪海 還沒死生津 若欲度此苦

安坐自觀身 善哉元始尊 慈悲度一切 德出虛空表

功滿塵沙界 廣說大乘經 發生無上慧

輪迴周億劫 教化通三世 精貫有形中

妙窮無色際 迹遍方方域 道應天上帝

摧寶度天人 機緣隨巨細 神用難可窮

方圓無不制 罪福猶鏡象 生死若輪迴 但觀明裏去

誰識暗中來 未慕三天闕 唯愁五苦臺

罪冤隨運盡 幽魄應緣開 精氣空浮奕

形骸久化灰 且甘為鬼質 誰念入仙胎

徒願青書錄 終悲黑簿催 法輪難再覩

長夜足堪哀 我身良可惜 宜各修生道 執云白玉芝

多時黃金草 結志行六度 專心樂三寶

白元來降接 赤子常携抱 朽年慙晚學

壯歲須及早 知足自逍遙 貪榮更憂惱

坐觀環堵大 靜覺乾坤小 守一若無移

終天豈云老

三千分世界 五億化諸天 一一開淨域  
 方方有勝緣 九光生院草 七寶滿池蓮  
 行館排朱日 飛臺映紫泉 燒香皆玉女  
 說法盡神仙 梵引九嘯鳳 鑪飄五色烟  
 稽首虛皇闕 歌詠太上前 慎莫忽宿命

當須信福田

道化三元布 神疑萬象分 龍漢開玄錄  
 天書下赤渾 應期鏗法鼓 隨方啓妙門  
 太上垂至贖 威德被乾坤 神經三一侍  
 妙理五千文 字列金華府 名傳玉帝君  
 心中生寶日 身上起羅雲 十仙何足友

載劫乃長存

次吟授經讚或不通地玄讚八符  
即以此讚終第二首

飄飄太虛嶺 流景在上玄 經始無終劫  
 常保天地人 國主學理世 道士誦得仙  
 賢者今奉受 依法以相傳 時無至德子  
 保秘不妄宣 宗之昇太清 棄之墮九泉  
 我說無為道 冲寂得自然

次師還本位弟子就南方面北各跪

降五靈衛官一一稱名受

臣今為弟子某官某校度道德尊經紫虛寶  
 錄告事訖請下東方九炁天中天真官屬九  
 夷倉老君青腰玉女青華玉童東極諸靈官  
 從甲乙官將歲星真炁東嶽仙官神仙兵馬  
 九萬人入弟子某身中紫微官營衛真經永  
 昇道果某受

請下南方三炁天中天真官屬八蠻越老君  
 絳宮玉女丹靈玉童南極諸靈官從丙丁官  
 將熒惑真炁南嶽仙官神仙兵馬三萬人入  
 弟子某身中太一絳官營衛真經永昇道果  
 某受

請下中央一炁天中天真官屬三秦僮老君  
 黃庭玉女戊己真人九靈黃童中極諸靈官  
 從戊己官將鎮星真氣中岳仙官神仙兵馬  
 一十二億萬人入弟子某身中玉堂官侍衛  
 尊經永昇道果某受

請下西方七炁天中天真官屬六戎氏老君  
 官將太素玉女素靈玉童西極諸靈官從庚  
 辛官將太白真炁西嶽仙官神仙兵馬七億  
 萬衆入弟子某身華蓋官中侍衛真經永昇

道果某受

請下北方五炁天中天真官屬五狄菴老君  
 官將太玄玉女太玄玉童北極諸靈官從壬  
 癸官將辰星真炁北嶽仙官神仙兵馬五億  
 萬衆入弟子某身太倉官中侍衛寶經永昇  
 道果某受

請下太極典經仙官太玄道德侍衛與天地  
 玉童玉女三一侍經官屬入弟子某身三元  
 官中營侍尊經永昇道果某受

唱訖弟子再禮

次唱十方

至心歸命東方無極太上道德天尊一禮  
 至心歸命南方無極太上道德天尊一禮  
 至心歸命西方無極太上道德天尊一禮  
 至心歸命北方無極太上道德天尊一禮  
 至心歸命東方無極太上道德天尊一禮  
 至心歸命南方無極太上道德天尊一禮  
 至心歸命西方無極太上道德天尊一禮  
 至心歸命北方無極太上道德天尊一禮  
 至心歸命上方無極太上道德天尊一禮



至心歸命下方無極太上道德天尊一禮

次懺悔

上清玄都大洞三景弟子奉行道德傳授法事某獻某帝先生小兆真人臣某上啓

太上無形無名虛無自然至真大道無上天

尊太上大道君太上老君無極大道道德衆

聖至極天尊三十六部尊經玄中大法師高

上老君無上真人文始先生河上真人太極

真人太極左仙公玄一三真人天師嗣師系

師三師君三界十方一切衆聖隨機宣化應

感真靈臣以至愚叨承妙化弘持大法轉贊

三尊而志在立功廣加開度使棲心慕教之

士咸入法門既佩靈文不敢閉絕凡有祈向

難以抑違弟子某等悚切明誠翹慕修奉唯

進忘退勇猛精勤心神並丹詞色俱懇懇以

依科付授盟告上玄三界真靈克賜監證伏

惟

至真上聖道德天尊五帝四司三官衆聖垂

祐護之福降感應之慈原赦弟子某九世七

玄僕曹萬祖三師眷屬爰及已身積劫以來

未悟真道陰罪陽過生死愆瑕後債前寃宿

新孽業無邊無量並賜蕩除賜令九祖生天

六親同福三途長夜普及冤親乘此勝緣盡

家開度削落地簡刑紀仙名道行超昇學業

速就門戶隆盛災厄銷平國祚延洪道風遐

肩巨等傳經授道動靜秣科萬罪千尤咸乞

原赦預聞大法凡厥有心惠力所覃幽明俱

泰稽首禮謝十方歸命正真三寶

次起旋行誦光明讚一首真人讚六

首

立功須及早 學道亦當時 晝夜宜勤苦

發意莫狐疑 燒香常禮拜 誦經恒奉師

勇猛加精進 專誠無想思 四等將六度

三奔與五堆 沈塵入空寂 虛心將自持

唯期不轉退 豈爲人所嗤 若能如是者

朝夕自仙飛

大道雖無心 可以有情求 竹駕空洞中

迴盼賢滄流 淨明三界外 蕭蕭玉京遊

自無玄挺運 誰能悟冥趣 落落天漢澄

俯仰即虛榮 七玄散幽夜 返胎順沈浮

冥期苟潛凝 陽九無虞憂 觀此去來會

時復爲淹留 外身而身存 真仙會良儔

疊疊玄中趣 湛湛清漢波 代謝若旋環

椿木不改柯 靜心念至真 隨運順離羅

感應理常通 神適達自徂 澹遊初無際

繁想洞九遐 飛根散玄葉 理返非有他

常能誦玉章 玄音徹霄霞 甲申洪災至

控翮王母家 永身無終紀 豈知年劫多

玄都七寶林 十華並彌羅 紫烟冠靈暉

雲京秀玉阿 上有福德堂 宮室互參差

皆是清信士 真仙飛天家 三界通玄路

五道清不邪 善緣應根生 累功享福多

牽對相尋續 大法諒不虛 無有萬年人

皆與劫同徂 依依歡樂世 發言成詠歌

此世歡無極 當奈來運何

八觀因緣門 罪福從中生 時見有心者

思悟感天靈 吾今爲是故 開說真妙經

如從經中言 憶劫皆受業 習道行勸戒

以經度我形 思念宿命根 洗拔先身孽

超越過三羅 八難於是冥

竟返入定質 神操從是榮 滅度如蛻胞  
 曠朗觀八清 轉輪得神仙 由我改心精  
 受報無窮量 志定入福庭 七十二相好  
 皆從身中明 項負七寶光 照耀諸天形  
 雲迓八景輿 風迴匡綠軒 昇入玄玄門

期樂樂未央 弘普無量功 道成天地初  
 妙通轉我神 滅度歷生死 緣對各有宗  
 輪化發九重 形鬼無始終 積善隆福基  
 執悟去來苦 脫離三惡道 蕭蕭入開堂  
 身拔五難鋒 念度無邊境 思定感神通  
 法輪三度迴 輔我高仙功 迴我大椿步 飄昇太極宮

次師復位謝恩口啓言功謝過章

右每章讚畢衆官唱善禮一拜  
 上清玄都大洞三景弟子無上三洞法師奉  
 行道德紫虛傳授法事某嶽某帝先生小兆  
 真人臣某稽首再禮上啓  
 太上無極至真無上無為大道道德天尊三  
 十六部尊經玄中大法師高上老君河上真  
 人文始先生十方已得道大聖衆至真三界

內外一切諸天真君臣以福善所鍾遭值明  
 運三洞垂化濟度天人叨荷師真授傳秘妙  
 救人佐國行教立功常懼任重力微弗克負  
 荷思傳後學弘紹法門弟子某等信向翹勤  
 情首丹切列詞奉信志在稟修謙懇之誠理

難抑絕即以某日依三洞科典敷啓壇場露  
 表告真對齋祈請真靈降鑿墮難不生既合  
 天儀似可傳度以今某時傳授事訖自始及  
 末勞歷仙官內外吏兵一切官屬關達秦御  
 管衛有功各依太真之科校功酬賞臣以愚

昧玄理難明進正犯違千愆萬罪特乞赦宥  
 許以自新衆官門人咸賜福祐善稱三界福  
 滅九陰道氣扶持真靈接助學道成就克獲  
 神仙七祖生天存亡蒙澤若居世上福祿日  
 增爲天人師弘道利物臣及弟子某等身中  
 所佩三五真官受功事竟各還宮府恩惟  
 太上道德衆尊省納臣口啓即時上御廣加  
 闡宥候須告報臣某誠惶誠恐稽首再拜以  
 聞

次納吏兵

臣傳度經法事訖前後所出身中仙官吏兵  
 功曹使者主領檢押還復官室無今錯互須  
 召又到一如故事畢叩齒明  
夜各三止

次復鑑

香官使者左右龍虎君侍香諸靈官當令臣  
 傳授之所自然生金液丹碧芝英百靈兼真  
 交會在此香火御前十方仙童玉女侍衛香  
 烟傳臣向來所啓徑達  
 至真無極玉皇尊帝御前 各三禮

次吟奉戒讚

奉戒爲身寶 永劫享靈期 虛心會虛寂  
 精感在精思 九鸞陪玉軼 八鳳薦金芝  
 青童歌妙曲 玄女唱清詞 神尊示光景  
 太上湛希夷 天華雜香起 法雨散靈滋  
 勤苦修生道 翹想作仙基 精誠如不息  
 鶴駕自當之

次十二願

次學仙讚

次出戶呪

次辭三師

次讚引至玄師前散如常儀

衆官弟子各禮謝復位

弟子受道三日外相率自拜謝恩表

弟子未慣法事科式監保師一人代

為行之如左

具法服陳香火澡漱讚引至地戶

次入戶呪向戶左叩齒三通呪曰

四明功曹通真使者傳言玉童侍靖玉女為

我通達道室正神上元生氣入我身中畢便

以左足前進右足隨之昇壇

次上御案香呪曰

香乃玉華散景九炁凝烟香雲密羅徑冲九

天真靈下盼仙佩臨軒侍香金童傳言玉女

傳此信香上聞

帝前令臣所啓咸賜如言

次各就本位立存神

弟子衆官各瞑目存見玄都十山三尊太上

十方真人十方天尊三十六部尊經居天尊

座左玄中大法師居座之右若君河上真人

尹先生居虛無之中左青龍右白虎前朱雀

後玄武衛壇四方三十六師子在壇前羅列

己身頭中七星五藏生五氣羅文覆身上三

一侍經各千乘萬騎天地各有萬八千玉童

玉女衛身分明羅列訖

次鳴法鼓三十六

次發鑪

太上玄元五老神真太玄玉童太玄玉女左

右侍香龍虎衆官關啓無上至真大羅天中

太玄都玉京玄司臣今以佩受道德尊經紫

虛寶錄三日限滿拜表謝恩願得自然正真

之氣淡降臣等身中所啓上達徑御

無極大道玉皇尊帝御前 各禮三拜

次長跪鳴法鼓三十六通出官如法

謹出臣身中五體真官功曹吏出臣身中三

天執法開化陰陽功曹度道消災散禍解厄

君吏各十二人出臣身中治職君吏某治建

節監功大將軍前部効功後部効殺驛亭令

驛亭丞四部監功謁者臣身中上仙上靈直

使正一功曹左右官使者陰陽神決吏科車

直符吏剛風騎置吏驛馬上章吏官各二人

出出者嚴裝顯服冠帶垂纓整其威儀直使

功曹戴通天之冠衣皂紬單衣正一功曹冠

朱陽之幘絳章單衣使者冠九德之冠五色

壽命單衣腰帶虎符齊執玉版直使功曹住

立上方正一功曹住立中央理病功曹管衛

臣身左官使者建節在前右官使者持幢在

後陽神決吏立左陰神決吏立右上部功曹

住立上方中部功曹住立臣身中促氣功曹

催促十方上部使者遠望上天中部使者速

瞻八方都官使者而繞臣身中郎吏虎賁察

奸鉤騎都官僕射天鄒甲卒天丁力士收氣

食氣吏收神食神吏收鬼食鬼吏收邪食邪

吏收精食精吏收毒食毒吏收毒食毒吏收

車亦符吏剛風騎置吏驛馬上章吏飛龍騎

吏等屯住臣前後左右功曹使者嚴裝事竟

羅列圍簿關啓太玄道德五千文官屬領仙

監齋君吏天師所布下二十四治三十六靖

慮七十二福地三百六十名山崑崙等上宮

三萬六千神日月星宿璇璣玉衡天地五帝

三界官屬君將吏兵及道上二玄三元四始

四面方位風炁注炁甲子諸官君將吏考召君東九夷南八蠻西六戎北五狄中三秦胡越氏羌僉等君五嶽四瀆丘沼君諸廟神祇所在高山山川溪谷山林孟長十二溪女根原本始土地之主社稷將吏一時嚴裝與臣

等身中功曹使者飛龍騎吏等上啓

太上無極至真無上無為大道道德天尊三十六部尊經玄中大法師高上老君河上真人文始先生三界十方一切已得道大聖衆天地表裏無量正神臣等億劫福緣生值道化真經御運正法度人惟善是從不陋微賤而臣等已參初法修奉護持今年某月某日蒙師某君於某宮觀傳授道德青絲金紐紫虛寶籙及真經上下河上公章句想爾要戒存圖傳訣朝儀齋法三日限畢拜謝恩朱表一通上聞九天功曹使者飛龍騎吏以時騰奏請省表文

次開函取表

新授太上道德高玄高上紫虛弟子臣某等稽首再禮上言

太上玄元老君高上老子玄中大法師河上真人文始先生無上真人玉案下臣等下土至愚塵微元賤億劫緣會獲奉法門而妙道度人太上垂化唯善是與無棄於人頃歲已來叅受正法今蒙真師某歡先生某授以青

絲金紐道德尊經高上紫虛天書秘錄河上

公章句想爾要戒存圖傳訣西昇上品妙真玄經六甲存圖歷藏玉曆朝儀齋法畢盡付授自惟糞土凡穢非天挺之才實懼修奉未精弗任負荷拊心省已戰汗交襟唯勵丹誠永期尊奉伏惟

至真衆聖道德高尊三洞威神三寶官屬降以真氣賜以光靈使存注感通功行圓備魔精摧伏道化隆昌位國立功濟人度物具靈覆祐存教沾榮九祖七玄三途六趣神功所被咸享福緣謹以三日限畢拜謝恩朱表一通上詣

太上曹伏須告報臣某等誠惶誠恐死罪死罪稽首再拜以聞

次叩齒三通遺表

臣重因衆真上官功曹使者飛龍騎吏分別關表操臣新受經法三日限滿依法拜謝恩黃縉朱表一通上聞

天曹臣謬忝治錄耳目閉塞檢校不聰所上表文恐有錯誤行列不端文字不整脫漏顛倒音句不屬將前作後以左為右事任陰陽神決吏傳言書佐習字小吏隨表進對龍頭書刀尋文削治長毫利筆依儀證定母令上官典者有所遺却閉炁昇表逕達

太上太清金闕玉陛御前左歷歷關右吏歷啓諸官君歷第以次分別關啓當令臣所請者下所召者到所濟者度所奏者達若有下官故炁邪精鬼賊在雲路之中過截表文使不上達者錄付近獄依律治罪以明天憲臣伏在案左恭俟玄恩報應

騰章進表仙官 此呪默念

靈寶大帝 勅下九天 玉帝命令 勅震乾罡 統攝北部 掌執鬼仙 千千萬萬 隊仗擁前 旌旗閃目 烈火衝天 敢有干酉 擲視吾前

收斬見帝 永送羅酆 官一小吏 五體神仙  
各隨香表 直造帝前 違吾之命 當奏三天  
逼逼鬼羣 束送魔遷 四靈衛護 不許離前  
掃蕩魔賊 功果周圍 齋事告畢 言功紫顏  
急急如律令

靈炁混太極 大道以無窮 神兵受詞語  
飛攝入太空

操伏 焚表訖 起身 納官

臣上表事竟所出 臣身中功曹使者一切靈  
童官吏各從衆妙門而入 在左還左 在右還  
右 直使功曹主領檢押復於宮室母令差互  
後召復到一如故事

十二願 復鑑

香官使者左龍虎君侍香諸靈官當令臣  
傳授之所自然生金液丹碧芝英百靈聚真  
交會在此香火御前十方仙童玉女侍衛香  
烟傳臣向來所啓徑達  
至真無極玉皇尊帝御前

出堂

太上三洞傳授道德經紫虛籙拜表儀

太上三五傍救醮五帝斷殛儀 則四

夫人家忽逢天災厄難家口瘠疔經一日  
五日者此是宅舍前後五帝神祇不衛於  
人及有四方隣里忽被染剔皆是天行疫  
鬼雲中李子邀張元伯劉元達烏丸鬼等  
病患人家但是人家若患天行時疫三年  
內皆再發一度可於醮曆檢定良日求一  
道士延請就宅若辦得修神呪齋一日兩  
夜三日三夜若不辦只請一人醮五帝所  
須色目具列如後

真乳頭香一兩半 六案 六面筆五管墨五  
錠五方線各一段 隨方 手中五條 各長四  
尺二寸  
命祿米五盤 每盤一斗 酒一斗 子四  
十錢 信錢  
五分 每分一百 然一束 五帖作錢財 醮盤  
四十分 餅餠胡桃菓乾 茅香湯一椀 燈  
十二盞 桃牌六枚 各長一尺一  
寸闊二寸  
師位居北叩齒三十六通了入壇解  
穢  
次禁鬼門  
次衛靈呪

次發爐

弟子裝束冠帶如法於齋壇前虔誠告祝  
設拜捻香以俟通感

維某年某月某朔某日洞淵弟子臣某等謹  
為弟子某甲上啓

上請東方青帝靈威仰勾芒君青帝夫人降

下

上請南方赤帝熒弩祝融君赤帝夫人降下

上請西方白帝招矩少昊君白帝夫人降下

上請北方黑帝叶光紀玄冥君黑帝夫人降

下

上請中央黃帝含樞紐軒轅君黃帝夫人降

下

上請五帝之子五帝之孫典籍功曹司命司

錄好生司馬大神解穢主者左右尚書前後

僕射延壽玉女長吏司空注年博士上下大

夫虛無小吏削死定生君解衰脫厄君係命

益算君治病下藥君浮雲使者君雷師電師

君四州九谷君河上仙官江湖玉女君香履

食鬼君收殮食鬼君斬鬼破鬼君掃蕩不祥

安隱六腑君移名定籍君各各諸座款饗微  
禮符告上下闡啓天地大神五帝仙官并及  
此間土地真官九江水帝十二溪女河伯水  
官地下七神土地之主五嶽四瀆護人長吏  
加算主者左右傳吏解罪之君一切神靈各  
各執持玉板聽臣口中詞語今有弟子某家

累年已來居止不利人口瘳疔死亡非一經  
管不遂官職不遷所願不從災厄妄生卜決  
憂忌皆見八方四面並有下官故炁疫癘鬼  
兵八部魔邪暴害良善門唯聞哭屍之響  
不聞雅樂之音大小哀哉枉遭者眾耳聞目

見非是吉祥某等日夜驚惶無方投趣伏聞  
老君設教授與仙真下傳凡俗大解妙法殺  
鬼生人今於當處結壇奉獻酒脯祠五帝之  
具占得九章今日吉良宿得天倉明如日月

比於三光百味雜饌不敢先嘗清酒淨脯甘  
美甚香帝君受饗賜福無量七祖天生解釋  
禍殃逍遙雅樂位等仙王生人富貴子孫滿  
堂三十六代及以先亡昇入南宮長樂福鄉  
去離三塗免墮錘湯長辭劍樹寒冰鐵床不

見銅柱牛頭阿傍瘟疫疾病萬代消亡收攝  
百鬼施於太陽災害解散永保吉昌五帝之  
主萬神之王消滅惡業知其柔剛暉生枯榮  
言成雪霜能使官災消散疾病去床能使春  
秋冬夏上下玄黃能使四時節節天圓地方

動作自然五色玄黃三明六律七柔八剛造  
作人形無暗不照無明不光北斗七星布置  
諸宿角亢氐房心尾箕配屬東方井鬼柳星  
張翼軫配屬南方奎婁胃昂畢觜參配屬西  
方斗牛女虛危室壁配屬北方魁魁魁魁魁

魁魁配屬中央五行推即寒熱溫涼使金剋  
木木自折傷使木剋土土自潛藏使土剋水  
水不流行使水剋火火自無光使火剋金金  
自消亡打考戮鬼鬼走遠方療治疾病立即  
自康規覓求官宜奉公王使神安宅宅如金

剛使符指鬼鬼即滅亡使神斬邪邪自破傷  
使神治病病人去床使神防衛行者吉昌使  
神安墓子孫滿堂使神耕種五穀滿倉使神  
斷病來者不當天有九章人有惡業棄與八  
荒蕩除街巷村陌并及弟子某宅內瘟疫斑

黃自家親之外速去遠方屯營百鬼之帥捉  
擗付與鑊湯吞噉精魅五體消亡老君口勅  
誅斬不祥何神能住何鬼敢當帝君降下萬  
歲吉昌行來出入五神扶匡官災解散鬼賊  
潛藏弟子再拜

次上香 上茶 上酒

謹啓五帝君等若有邪精五瘟鬼炁或復藏  
形隱影變化百端盤停不去者  
上請五噉大將軍降下放大威力口吐神火  
燒鬼頭破然鬼身形滅其根種急急一如女  
青詔書律令某七代已來速及今身所造故  
違無數重罪賜乞原除某上祖父母生存所  
犯東方十惡五逆之罪不蒙解釋者  
上請角亢凶房心尾箕甲乙寅卯辰君主為  
其解釋悉令原除某生存所犯南方十惡五  
逆重罪不蒙解釋者  
上請井鬼柳星張翼軫巳午未丙丁君主為  
其解釋悉令原除某生存所犯西方十惡五  
逆重罪不蒙解釋者  
上請奎婁胃昂畢常參申酉戌庚辛壬壬主為

其解釋悉令原赦某生存所犯北方十惡五  
逆重罪不蒙解釋者  
上請斗牛女虛危室壁亥子丑壬癸君主為  
其解釋悉令原除某生存所犯中央十惡五  
逆重罪不蒙解釋者

上請中斗七星魁魁魁魁魁主為弟子

其解釋悉令原赦若春之三月有青瘟青疫  
行病之鬼因木王相欲行毒藥傷害良善者  
上請西方白帝君主為弟子斬殺之不得妄  
行毒害若夏之三月有赤瘟赤疫行病之鬼  
因火王相欲行毒藥傷害良善者  
上請北方黑帝君斬殺之不得妄行毒害若  
秋之三月有白瘟白疫行病之鬼因金王相  
欲行毒藥傷害良善者  
上請南方赤帝君斬殺之不得妄行毒害若  
冬之三月有黑瘟黑疫行病之鬼因水王相  
欲行毒藥傷害良善者  
上請中央黃帝君斬殺之不得妄行毒害若  
四季之月有黃瘟黃疫行病之鬼因土王相  
欲行毒藥傷害良善者

上請東方青帝君斬殺之不得妄行忤犯斷  
除一切群邪悉令伏匿方得天下太平鬼神  
不起風調雨順萬民安樂仰被重恩弟子再  
拜

次上香 上酒

上啓五帝君等弟子叩頭稽顙賜乞一生一  
活一度一脫所有深重災厄至于味遺願為  
度災安寃定魄防衛性命救治疾病唯願肉  
人闔家大小等身或受年窮算盡之厄橫因  
上計願為解除轉更延年延生保命若有天  
羅地網纏繞軀體未蒙解脫各請帝君速為  
斬截一切邪精願令消滅若有百鬼妄生拘  
錄肉人家口男女鬼神不安者重請五方斗  
中延命君安生君去死君來生君迎鬼附繩  
悉為扶掖鬼神附身體之中調和六府東  
斗請為延算西斗請為記名北斗請為尋死  
南斗請為上生主為安寃司命更賜延算延  
壽星官請為消除死簿定上生名若有天上  
地下凶運之鬼滯在某家村中巷陌門前戶  
後窺求血食欲行凶傷

上請三五大將軍官吏將十萬人收魔食鬼  
唯願降下

上請三五收殛食殛大將軍官將十萬人降  
下

上請三五收疫大將軍官將十萬人具官降  
下

上請三五收注大將軍官將十萬人具官降  
下

上請收精食精大將軍官將十萬人具官降  
下

上請收邪食邪大將軍官將十萬人具官降  
下

上請收毒食毒大將軍官將十萬人具官降  
下

上請收魅食魅大將軍官將十萬人具官降  
下

上請收凶食凶大將軍官將十萬人具官降  
下

上請五方五帝斬鬼大將軍官將十萬人降  
下主為<sub>某甲</sub>家同心併力收攝村中巷陌家中

宅內行客魍魎之鬼伏屍刑殺之鬼次收門  
戶井竈之鬼次收五虛六耗凶吹惡逆之鬼  
次收童男童女之鬼次收殃祥土長之鬼次  
收獨歌自舞喜笑之鬼次收蠱毒野道之鬼  
次收山精崖石百魅之鬼次收八部行病之  
鬼次收喚人冤魄之鬼次收各有名字之鬼  
次收明公石釘之鬼次收無名脫籍之鬼次  
收樹下犬子之鬼次收夜行凶逆之鬼次收  
山林社稷惡逆淫祠之鬼次收天下四鎮死  
將之鬼次收刀兵軍陣無頭無手之鬼次收  
吳王子胥之鬼次收赤眉盜賊之鬼次收三  
王五霸敗軍死將之鬼次收下痢膜腫之鬼  
次收魯丁斑黃轉筋聲咳吐逆之鬼次收雲  
中李字遂千精萬魅之鬼次收搖鈴吹角呼  
喚之鬼次收縊死之鬼次收落水之鬼次收  
羌獠之鬼次收六夷之鬼次收胡狄蠻戎之  
鬼次收東方青注之鬼次收南方赤注之鬼  
次收西方白注之鬼次收北方黑注之鬼次  
收中央黃注之鬼次收絕戶之鬼次收異病  
卒死之鬼次收白禿癩病之鬼次收瘡膿臭

穢之鬼次收市死斬頭絞刑之鬼次收烏鵲  
亂鳴惡音之鬼次收飢寒凍死之鬼次收藏  
形隱影之鬼次收口舌妄語之鬼次收六畜  
之鬼次收厭人冤魄之鬼次收白骨不葬之  
鬼次收新死破射取人之鬼次收鼠頭人身  
之鬼次收牛頭人身之鬼次收虎頭人身之  
鬼次收兔頭人身之鬼次收龍頭人身之鬼  
次收蛇頭人身之鬼次收馬頭人身之鬼次  
收羊頭人身之鬼次收猴頭人身之鬼次收  
狗頭人身之鬼次收豬頭人身之鬼  
右此鬼不承大道盟威禁律之命專在人間  
行其惡毒令人遭官過禍疾病死亡非所道  
理非五帝之君天官一一仰憑次收討反縛  
逆鬼付與都市一切絞刑滅其根種願令天  
下清寧萬民安樂五穀滋盛闔家大小冤魄  
或閉在天地水三官百鬼牢獄之中不蒙解  
脫者或為百鬼繫繫者請五方五帝七星之  
君壽命君延命君解厄治病君却死來生君  
保命衛護君主為<sub>某甲</sub>安寔定魄司命延年益  
算七星消除死籍



東方青色衰厄從今消滅青瘟鬼炁應時斷絕

南方赤色衰厄從今消滅赤瘟鬼炁應時斷絕

西方白色衰厄從今消滅白瘟鬼炁應時斷絕

北方黑色衰厄從今消滅黑瘟鬼炁應時斷絕

中央黃色衰厄從今消滅黃瘟鬼炁應時斷絕

今日值建所請依願福慶巍巍更無所恨

慶有餘

今日值滿與帝為伴任意從容萬事欣喜

今日值平福有餘慶神來降駕所願皆成

今日值定天地同慶神靈飽滿合家無病

今日值執百福臻集富貴忻歡無有歇忘

今日值破却除罪過神來降福消災却禍靈

祇降駕福祿更多

今日值危永保無為祈恩已後所願皆遂

今日值成男女長生錢財聚集五穀豐盈

今日值收戶戶無憂黃金入宅代代不休

今日值開仙官並來真炁覆蔭不見禍災

今日值閉百鬼消滅住宅清寧鬼神伏歇

次上酒 行香

重啓五帝七星君等臣所請仙官及同侍從

當預坐者普願歆饗降福重於太山消災迅

如電散福遂神來天神降重應感斯須拜謝

既周行觴已畢詞不再陳言無所重龍車整

轡神馬急備來如雲奔去如風雨迎神千里

送神不起自東自西各還官府後有祈請別

賜垂臨臣及弟子誠惶誠恐稽首再禮奏辭

次送神讚

次十二願

次學仙讚散如常儀

太上三五傍救醮五帝斷瘟儀

太上消災祈福醮儀

則五

先奏告關牒禁壇祝如常式

次啓堂頌

次各禮師存念如法

次宣五方衛靈神呪

東方

九炁青天明星大神煥照東鄉洞映九門

轉燭陽光掃穢除氛開明童子備守我軒

收魔束妖上對帝君奉承正道亦書玉文

九天符命攝龍驛傳普天安鎮我得飛仙

南方

南方丹天三炁流光燦星轉燭洞照太陽

上有赤精開明靈臺總禦火兵備守三宮

斬邪束妖剪截魔兇北帝所承風火八衝

流鈴交煥敢有不從正道流行我事上功

保天長存億劫無終

西方

七炁之天太白流精光耀金門洞照太冥

中有素皇號曰帝靈保神安鎮衛我身形

斷截邪源正道開明宮殿整肅三景齊昇

道合自然飛升紫庭靈寶符命普惠萬生  
功加一切天地咸寧

北方

北方玄天五炁徘徊辰星煥爛光耀太微  
黑靈尊神飛仙羽衣備衛五門檢精捕非  
敢有干試豁落斬摧玉符所告神振八威  
邪門閉塞正道明開映照我身三炁同輝  
策空駕浮舉形仙飛

中央

黃中理炁總統玄真鎮星吐輝流煥九天  
開光童子一十二人元炁陽精炎上朱烟  
洞照天下及臣等身百邪摧落殺鬼萬千  
中山神呪普天使然五靈安鎮身飛上仙  
次都講唱鳴法鼓二十四通

次發爐

無上真玄五靈老君當召功曹使者左右龍  
虎君捧香使者三炁正神急上關啓三天真  
元道君臣今正爾燒香修齋設醮謹奉為醮  
主弟子臣某為齋意其餘誠懇具載青詞願  
得

太上十方正真生炁降流入臣等身中令臣  
所啓速達徑御

至真無極大道三清上聖昊天玉皇上帝前御

次衆官各長跪出官

謹出巨身中五體真官功曹吏出上三天執  
法開化陰陽功曹度道消災散禍解厄者吏  
各十二人出臣所受法錄治中建御監功大  
將軍前部功後部功殺驛廷令驛廷丞四  
部監功謁者上仙上靈真使功曹左右官使  
者陰陽神決吏官各二人出出者嚴裝顯服  
冠帶垂纓整其威儀功曹弁朱陽之情冠通  
天之冠衣皂紉單衣腰帶龍頭之劍捧持謁  
簿使者弁玄陰之憤冠九德之冠衣絳章里  
衣腰帶虎符齊執玉版真事功曹住立四方  
正一功曹住立中央治病功曹管衛臣身左  
官使者建御在前右官使者持幢在後陽神  
決吏立左陰神決吏立右上部功曹住立上  
方中部功曹住立身中促炁功曹催促十方  
上部使者遠望上天中部使者遠瞻八方都  
官使者而統巨身即吏虎賁察姦鉤騎都官

侯射天丁力士治正執正吏收神食神吏收  
鬼食鬼吏收炁食炁吏收毒食毒吏收精食  
精吏收邪食邪吏收符破廟吏剛風騎置吏  
驛馬上章吏飛龍騎吏等並皆宅住臣左右  
前後受臣詞語關啓此間土地里社正神監

察考召甲子諸官君將吏謹同誠上啓

太上無極大道太上老君太上丈人九老仙  
都君九炁丈人百千萬重道炁千二百官君  
太清玉陛下恭以天人交感在祈祐以所符  
陟降中潛非至誠之不格唯精衷之內控仰  
元鑒之有門矧藥笈之真詮廓靈科而示教  
璇穹大象當靈神靈有躔次以下臨有休祥  
之外繫合靈主某為某事肅嚴壇位仰駐神  
遊庶伸蘋藻之誠以埃監觀之應詞言通感  
不負効心伏乞功曹使者將吏靈官速上奏  
陳應時感降所祈獲遂所願協從臣與醮主  
誠惶誠恐稽首再拜以  
聞  
次各稱名位  
具法位臣某等謹同誠上啓

虛無自然元始天尊無極大道太上道君太上老君混元上德皇帝太上開天執符御曆合真體道昊天玉皇上帝紫微天皇大帝紫微北極大帝南極注生大帝斗中太尊玉帝星君十神太一真君十一曜星君北斗七元

星君左右輔弼星君南斗六司星君天地水三宮二十八宿星君九天儲福定命真君九天應元保運真君九天司命司錄真君九天掌籍掌算真君九天監生延生大神玄中大法師正一真人三天輔玄大法師天曹太皇

萬福真君天曹定名玉層真君天曹延生保命真君天曹扶表度厄真君天曹掌籍掌算真君天曹財庫祿籍真君天曹司命司錄真君天曹司非司危真君天曹門下引進真官天曹門下上章直日典者洞淵水府楊地靈

曾見生星斗真君本命元辰真官城隍里社土地真官三界官屬一切威靈巨聞玉天嚴遠難陞浩劫之家金洞渺渺徒仰素靈之館粵帝尊而在上握化紀以居中落十方之無礙心應物而動號三界之大慈父視人如瑒

俯仰鬱羅之臺卷舒投芥之劫迴瞻萬兆悲皆啓於焯焯俯昫九塵嘆漢宮於蟻蟻水惟下俗本絕真陰蓋憑開度之科許聲稍微之懇今曠主弟子某為其事嚴持信幣密款仙庭冀天既以臨觀庶人心而專達伏望

三清併軌離曲密之華房十極流轉從飛虛之法駕百億天帝後轡丹籙千二官君前迎翠節擲火萬里下呼陽而召陰旋香三輪上出日而入月極東浮於熾水盡西景於虞濟南造朱陵之宮中盤黃炁之府彌陰之館北

蓋於夜城丘塞之泉下殫於神谷至於魯稱教父由太極之從行西號釋尊自延真而密侍元始符命嗜敢不祇輒布菲詞仰披雲望叩碧天而祀事稱聖號以降神伏願曲鑒凡情允垂聽駕臣與醮主等謹稽首拜上請

次請聖位 上香 上茶 獻酒  
次重稱法名  
具位臣某等謹同職上啓  
三清上聖十極高真醮位靈仙三界主宰巨

聞一真布景本無高下之基萬兆肖形盡毓清和之炁既生死而渡遠遂好惡以森繁穢身繞溺於沉迷大道尚垂於營救或罪根之彌甚始陰責以潛加苛倍百非即消萬福今醮主弟子某識神冥滯曾覬振驚由浩劫以

淪胥併元靈而奔驟不趨覺路樂登降於迷途不認真庭甘糾紲於世網念迴還於先日歷勞苦於至艱爰至今身命亦危於晝電再思積行功未半於秋毫或及道而欺天或躡尊而犯上或漏慢經法或凌侮父師或治家

失孝悌之歡或臨事濫公私之節或殫穢於真館或犯突於上靈或冒大禁於三光或墮嚴種於七世或傷殘物命或淫祀鬼神或沉酒酒醒或昏迷聲色或積財於不義或運智於多岐或狠復自賢或餐餐無狀或奉道虧

立功之行或居家迷開訓之儀或棄人倫或沉女弱共淪五欲已劇千生逆惟高聖之宣慈大庇舍生而開度醮主某誦道自首析天博容伏乞  
璇極上真玉虛大帝垂恩祐錫命行尸解

片體之陰愆除億曾之冥考閻罪先期於冰釋逆釐次竚於雲臻俯伏對敷屏營待報欲陳詞意仰進丹闈臣雖已考詳尚虞踳駁謹冒天禁戰悸宣聞

次宣青詞

具如詞旨備極精虔冀伸欽矜之心用謝生成之賜醮主弟子伏願齋功紀籍道果資身增壽祿於將來保年齡於向去仰荷

真靈之德惟漸福祐之恩臣與醮主等不任激切之至謹稽首再拜

次再上香獻酒

次奏亞獻法事

臣謹重誠上啓

三清上聖十極威靈臣聞玉帝鑒觀金真洞察感羣生而布欸采庶品以流息上士希仙即萬仙而漿就善人微福乃百福以妙嚴理貴精微事符啟答命醮主弟子某伏為某事騰詞清夜馳意紫閣夙啓蘭科仰膺靈貺伏願醮主弟子某落除世網進補仙階許映全家俱入華陽之洞劉綱盡室並昇丹綠之軒

陰陽之數已逃生死之根永謝或干祿仕冀登踐於崇高或計其儲俾豐盈於貨殖尊卑福履中外欣昌幽冥息人鬼之非出處有亨嘉之會慶均嗣續庇及親疎水火兵賊之災虞無侵里閉日月星辰之否厄不犯形軀長邁百昌永逃九厄臣與醮主等不任祈祝之至所獻錢馬都狀之儀恭對醮筵謹當敷奏

次奏錢馬三上香獻酒

次奏終獻法事

臣謹重誠上啓

三清上聖十極高真三界官屬醮席真靈臣聞瀆則不告聖人垂簡易之文天且弗違大道順披陳之素醮主某密形至懇仰叩靈恩敢不盡畏丹心動防司殺奉明科而視履約仙禁以踐言一日告盟百身無數伏況法事粗悉齋寶自於鴻儀夜如何其落銀河於清漢風冠燈焰將暗於九光鵲尾鑪香欲殘於百和洞章八闋玉酒三終燦朱火於天錢即歸空際促瓊鍾於仙籟將返霄間絳節逶迤紫旂容與還玉京者無極之尊帝復金闕者

太上之真皇眾靈咸從於丹輅列聖皆駢於紫策傍飛月鳳指洞室以分驅俯控雲龍瞰滄溟而下邁神司復位將吏還天委禧福以充庭督靈光而在目至於生生萬品皆均樂育之私寂寂九幽盡被超升之澤臣與醮主等凝瞻法從結想太空泣恨塵岵難留聖躅臣等不勝攀戀禱祝望恩之至謹稽首再拜奉送

次送神頌

次遣官還位

臣醮奉事訖向來所出功曹使者各從衆妙門而入在左還左在右還右直使功曹主領檢押復安金堂玉室須臾即到一如故事

次復爐

香官使者左右龍虎君侍香諸靈官當令醮奏之所自然生金液丹碧芝英百靈眾真交會在此香火鑪前伏願醮主受福闔家蒙恩十方仙童玉女侍衛香烟傳奏向來所啓之言速達還御至真無極大道三清上聖昊天玉皇上帝

則五

九

太上金櫃玉鏡延生洞玄燭幽懺

則六

虛一真人序

夫清濁未分無間昏曉太極肇判二儀迺分皆本道之一炁而化者也當龍漢延康之先道炁莽莽質象未定無復形器但氤氳勃勃而已至赤明之初陽精始輝迴運莫測所謂非化而化自然而然龍漢之初三千億萬九百五十一年

玉清交運正度太初流化萬象纏結道炁上清變化七十九億萬三十九年大丹成形成始有日月五星道機沉蓄微露化端

太清纏錄五十億萬一十二年萬天基布神化洞明造化發泄景象列分高玄明豁大道行焉

元始天尊於清微天神霄玉清妙境傳教

道君玄一真經靈寶金誥無量妙訣自開化已來迄于茲世

道君凡萬有一千五百二十度降世今當陽九運終天地交變民物夭傷道君慈憫敷宣此經三卷遣左玄真人齋付蓬萊宮宮中真

人刻書玉簡日習誦詠令見兆民受諸苦難

漂沉塗趣難復人身玉晨道旨今降于世傳

付清信之人護身保命孽重不信之人勿示

窺笑輕泄漏慢殃及九祖長役鬼官勉而行

之秘而慎焉此經凡有三名一曰金櫃玉鏡

真經二曰洞玄燭幽懺三曰神寶秘章數明

妙紀開悟有緣修而進之可以召靈炁於三

關萬寶華於九戶功滿德就名書玉庭至孝

之士報先化根宗遵奉禮誦雖億會之遠萬

祖之衆蒐繫幽苦者承是功德皆即受度上

登朱陵在世之八年災月厄非橫纏綿禮誦

修崇則上消天災下攘毒害保寧家國與善

因緣修真之士究而悟之則殃罪解於冥塗

靈真備於純德洞合妙道身得神仙更能立

行立功濟人及物上超億祖慶延子孫世世

昌榮生賢出聖此道尊妙功德無邊敬奉修

持無所不至矣

凡禮誦此經先香湯沐浴齋戒七日於淨

室中面東正坐叩齒三十六通閉目靜思

身坐青黃紫三色雲炁之中存北斗覆頭

罡星指前籬已七尺次存青龍白虎朱雀  
玄武各從不藏出羅列左右前後次存自  
己眉後兩小穴中日從左出紫赤九芒月  
從右出黃白十芒各離已九尺光霞滿室  
次存前日月光芒灌于鼻中入腦後四寸  
金華宮令項後生出圓象大如車輪光明  
炳然如此分明密念開經玄蘊呪畢然後  
焚香開經跪拜禮念  
天尊聖號自有護法神兵營護其人志誠  
禮念其功不可具悉

開經玄蘊呪

天真丹華宮 清靈玉室中 翠玄都六一  
元臺閣帝公 素念生精炁 高虛飛駕從  
心經隱三舍 薰鬱長生房 紫堂通絡關  
赤城妙田倉 神門正理觀 潔然道慧香  
性命守虛無 懷珠抱玉陽 迴神本國富  
明登紫壽方  
太上金櫃玉鏡延生洞玄燭幽儀  
太上老君於太清天上玄都山中坐七寶臺  
會諸天仙衆燒自然栴檀真香告諸仙曰下

方衆生皆父母寄胎誕育而得生身受命於  
天成形於地以日為魂以月為魄靈備萬物  
唯人是稱初生之時皆受天地清寧之炁本  
來清靜與天長久扑散之後染着愛欲背真  
失性逐物隨情妄偽欺貪姪殺殺盜惡口兩  
舌嗔癡嫉妬不忠不孝背義忘恩毀道謗真  
造諸罪業流輪三塗無期出離或凌犯星辰  
干冒天地遂致兵災水旱疫毒流行蟲蛇虎  
狼精邪蟲魅疾病官刑諸禍並起絕滅家門  
漂流苦海時與會中有一真人名曰普救即  
從座起稽首禮拜瞻仰尊顏長跪告曰如是  
衆生受諸惡報作何因緣得免苦難願垂玄  
造廣度沉淪  
太上曰復坐靜念為汝敷宣清信男女有諸  
災厄橫事繁牽無處解謝者如法齋沐謹於  
三清像前清靜身心用異花珍果淨水名香  
燈燭醴獻虔心瞻敬作懺悔言弟子某甲於  
曠劫以來至于今日不信經教唯罪是修興  
十惡心迷五毒行三業所造無邊之罪惡惡  
相牽多招災難今日幸聞真教省悔前非懇

禱至誠一心懺悔伏願  
聖慈盡除往罪志心敬禮

- 志心敬禮虛無自然元始天尊
  - 志心敬禮太上大道王晨道君
  - 志心敬禮太上玄元聖祖老君
  - 志心敬禮長生保命護身天尊
  - 志心敬禮長生保命無上天尊
  - 志心敬禮消災除病無上天尊
  - 志心敬禮監生注祿延壽天尊
  - 志心敬禮定命檢簿靈寶天尊
  - 志心敬禮昊天勅下演法真人
  - 志心敬禮降世大慈救苦真人
  - 志心敬禮慈悲度厄真人
  - 志心敬禮尋聲救苦真人
  - 志心敬禮濟生度死真人
  - 志心敬禮萬福護身真人
  - 志心敬禮蓬萊扶教法師
  - 志心敬禮蓬萊通天法師
- 於是聖號宜加敬禮每日持念七七過乃至  
百過即有護法神兵救苦真人常隨護衛免

免災危萬禍潛消增延祿壽若有衆生聞是  
聖號恭敬頂禮與前功德無異禮竟虔誠復  
當懺悔弟子臣某甲自從無始以來至于今  
日不忠君主不奉尊親不敬師徒不友兄弟  
諂上虐下背親向疎聽妻妾語違父母訓或  
爲婦人性行不真違背父母不孝翁婆撓亂  
六親輕賤夫婿拋擲五穀非理裁剪盜竊備  
讒鬪古隣里常行妬忌懷挾外心如此罪愆  
必招苦報生遭人憎死墮地獄恭對

聖真咸悉懺悔弟子臣某甲自從無始以來  
至于今日非義而動背理而行富驕勢豪貪  
恣兇暴以惡爲能見殺加怒殺人取財傾人  
取位誅降戮服凌孤逼寡撓亂國政輕蔑天  
民妬賢嫉能掩善揚惡殺人爲惡自罪引他  
射飛運走發毒藥爲瘞填穴毀巢傷胎破卵偷  
盜邪淫妄言綺語飲酒食肉惡罵兩舌慳貪  
瞋恚狠戾惡癡巧偽欺謾陰賊殘害知過不  
改知善不爲諸惡罪緣無不備作今茲發露  
不敢覆藏恭對  
聖真咸乞原赦弟子臣某甲自從無始以來

至于今日不識正道多犯罪愆恨天怨地呵  
風罵雨憎嫌寒暑厭惡三光訕謗聖賢侵凌  
道德輕誹聖典魔障善緣拒遏上真污毀廟  
像久視日月輒指三光指虹唾星混穢井窻  
咒誓呼神違願犯戒妄解聖論輕泄天機今  
茲首露不敢復爲恭對

聖真咸乞原赦懺已虔誠志心朝禮

- 志心敬禮虛無自然元始天尊
- 志心敬禮太上大道至晨道君
- 志心敬禮太上玄元聖祖老君
- 志心敬禮昊天玉皇上帝
- 志心敬禮紫微天皇大帝
- 志心敬禮紫微北極大帝
- 志心敬禮南極注生大帝
- 志心敬禮日宮太陽帝君
- 志心敬禮月宮太陰皇君
- 志心敬禮木德歲星君
- 志心敬禮火德熒惑星君
- 志心敬禮金德太白星君
- 志心敬禮水德辰星君

志心敬禮土德鎮星君  
志心敬禮神首羅睺星君  
志心敬禮神尾計都星君  
志心敬禮天一紫炁星君  
志心敬禮太一月字星君

禮竟虔誠復當懺悔弟子臣某甲自從無始  
以來至于今日多迷真道廣造罪根復乾坤  
而寧知覆載瞻日月而曾感照臨五常素昧  
於內修六染難逃於後患或有今生宿世積  
壘餘殃故殺悞傷之尤害物傷人之罪或則  
破齋犯戒違願欺心意有愛憎心生蛆佞對  
星辰而設誓向神真而惡言負債辜恩禽婬  
不悉千頭營運一向謀生豈分善惡之規莫  
曉存亡之度今則退思補過具述首陳謹發  
虔誠願垂慈宥敢盡愚衷之懇遙祈寥廓之  
尊伏願少迴靈貺俯鑒卑衷咸除黑簿之愆  
延注丹臺之善神解災罹運消滯滯禍沉往  
劫福降今辰一切之中常沐道蔭臣無任惶  
懼虔祝之至稽首  
無上正真三寶

老君曰凡禮是經皆當香湯沐浴齋戒必獲感通功德無量昔救曰齋沐之法敢告指導老君曰香湯者五香湯也法取青木香白檀香茅香沉香薰陸香多少隨宜取淨水一石先以桃白皮竹葉下煎數沸瀝去滓次下五香多少隨宜若在山林幽樓貧薄無力止以桃竹為善先以沐髮取木杓以柄指月建思五色雲炁滿室三辰光照盆上以杓左行攪香水三十六度視香湯呪曰

太玄真液 鍊炁生雲 沐浴蒼華 誦誦洞經

七祖飛仙 我騰上清凡七過次就榻解衣而呪曰

五斗配衣 龍虎侍真 開明三景 上登玉宸

解帶成仙 使我長生次解髻就沐呪曰

神宮振天 黑雲散開 流金火鈴 燠擲無邊

使我通真 遊行諸天 無量度人 招靈命仙

次沐髮竟擲髻戴冠呪曰

雲層碧玄 鍊殺穢京 冠髻召仙 五炁攝真

神華發光 上昇帝庭次入浴執杓取五方炁色入湯中攪三十六過畢執杓向

狂方呪曰

靈池玉泉 灌我身形 內鍊五藏 外通九門 使炁開通 尸穢蕩清 萬遍保舉 入登帝庭

次存三辰入湯中良久就浴訖別取淨者五香湯飲之一杯即疑神默想內外真白而乃呪曰

黃神守關 青帝護魂 天驕咆哮 萬魔毒睛

尸血盡涿 青蟲滅形 七魄鍊化 紫雲自生

遊宴太無 高真併襟次還者長呪曰

神重侍衣 玉女燒香 登拜經寶 玉音琳琅

度我七祖 除滅禍殃 延年長壽 寶鑿雲輿

齋者 內齋其心 外齋其形 戒者 內持其志

外持其行 設醮奏章 亦依是式 無災不滅

無願不成 修真之人 謹宜遵慎

道言德莫大於好生功莫大於修成凡處塵

域之內蠢動含生稟受雖殊性命惟一見人

疾病官刑飢貧困厄或水陸或飛走陷於難

地若能方便慈救是謂好生之德復有男女

喜捨財物修建宮殿繪塑真儀印寫經典讀

誦教人製作幡花施設燈燭作諸布施供養

乃至平治道路修疊橋約栽種樹木補理隄

梁是謂修成之功若有眾生恣縱愚昧輕誹

經典損生毀成當知是人罪根難滅命沉六趣永失人身劫劫生生無由出離信男善女戒而慎之

老君曰此經是道君金口所宣吾今授汝傳教世間誦之聲

參紫極嚮聞諸天六

太上欣唱衆真敬禮故能拯死苦於三塗超

形神於上清億曾萬祖皆即受度見存利益

福祿增延更廣好生之德修成之功孝養尊

親敬奉師友濟恤貧困洗雪冤沉如此功德

愈於茲矣遵依是經生成兼備吾遣察命錄

子之行奏上玉清名標金榜隨行深淺得為

真人值遇是經且加勉力於是普救受得真

經歡躍非常而說偈曰

玄哉元老君 衆生慈父母 演教不思議

普救無邊苦 若能志心持 存亡皆濟度

功德實生成 隨行登仙路

爾時普救說是偈已諸天仙衆同聲稱善稽

首再拜

至尊敬禮而退



太上金樞玉鏡延生洞玄燭幽懺

太上瑤臺益算寶籍延年懺

則七

恭以玉京御號金闕靈文奉之則可以永保遐齡禮之則可以常資上壽於是爐凝翠靄燭映紅蕖課靈寶之妙音瞻虛無之至聖遂乃三元集福八節祈恩月殿登時天寶之瓊鍾靜扣星壇朝處瑤池之玉磬輕敲將揭法音哦飄仙梵

禮一百五十 天尊睿號

應百千萬重 雲漢宸聰

睿力潛臻九轉之金丹益算玄慈廣運三清之王籍上生伏惟紫府高皇清都至聖續以椿松之盛比其蘭桂之芳握赤斧於掌中覆白光於頂上真仙集慶延年之秘籙護身龍虎垂休保命之靈符捍厄壽增五嶽福起十方謹當虔誠歸依朝禮

志心歸命每位先稱志心歸命次念天尊聖號

志心歸命玄穹上帝天尊

志心歸命太極高皇天尊

志心歸命金輝紫殿天尊

志心歸命瑤寶丹臺天尊

志心歸命廣明德道天尊

志心歸命濟度人寰天尊

志心歸命福星垂祐天尊

志心歸命惠日回光天尊

志心歸命九宮益算天尊

志心歸命八卦延年天尊

志心歸命清微大帝天尊

志心歸命紫極元皇天尊

志心歸命浮羅翠袖天尊

志心歸命鬱察寶山天尊

志心歸命壽崇五嶽天尊

志心歸命福廣四溟天尊

志心歸命常臻鳳曆天尊

志心歸命克保龜齡天尊

志心歸命九天集福天尊

志心歸命十極垂休天尊

志心歸命虛無鳳閣天尊

志心歸命浩渺龜臺天尊

志心歸命能增百福天尊

志心歸命克納千祥天尊

志心歸命亭山受命天尊  
 志心歸命嵩嶽算真天尊  
 志心歸命王光照室天尊  
 志心歸命寶炬淨空天尊  
 志心歸命九靈消禍天尊  
 志心歸命二炁延生天尊  
 志心歸命九清聖德天尊  
 志心歸命八景虛真天尊  
 志心歸命壽星朗耀天尊  
 志心歸命福海澄清天尊  
 志心歸命飛昇十洞天尊  
 志心歸命應現三皇天尊  
 志心歸命常滋萬善天尊  
 志心歸命永協千靈天尊  
 志心歸命拜山得道天尊  
 志心歸命禮樹登仙天尊  
 志心歸命金天垂像天尊  
 志心歸命玉坐端明天尊  
 志心歸命威承磨化天尊  
 志心歸命普洽真風天尊

志心歸命玄素妙道天尊  
 志心歸命青玉靈文天尊  
 志心歸命丹臺益算天尊  
 志心歸命寶籍上生天尊  
 志心歸命九天常樂天尊  
 志心歸命萬炁長存天尊  
 志心歸命七明鸞蓋天尊  
 志心歸命九色龍輿天尊  
 志心歸命飛騰八極天尊  
 志心歸命鑒映十方天尊  
 志心歸命感夢瑞相天尊  
 志心歸命顯現靈蹤天尊  
 志心歸命長增壽域天尊  
 志心歸命廣注福源天尊  
 志心歸命祛災捍厄天尊  
 志心歸命保命延年天尊  
 志心歸命玉虛洞關天尊  
 志心歸命金華上宮天尊  
 志心歸命萬天師道天尊  
 志心歸命三界參玄天尊

志心歸命西城感聖天尊  
 志心歸命南極通靈天尊  
 志心歸命功成虎壽天尊  
 志心歸命道契龍威天尊  
 志心歸命常臻萬福天尊  
 志心歸命克固千齡天尊  
 志心歸命玄龍法駕天尊  
 志心歸命素虎雲軒天尊  
 志心歸命光明月相天尊  
 志心歸命奇彩天儀天尊  
 志心歸命翱翔八景天尊  
 志心歸命絳綬九華天尊  
 志心歸命莊嚴殊勝天尊  
 志心歸命微妙洪因天尊  
 志心歸命嵩山成道天尊  
 志心歸命華嶽延齡天尊  
 志心歸命千春紫殿天尊  
 志心歸命七寶華林天尊  
 志心歸命金堂永壽天尊  
 志心歸命玉洞長春天尊

志心歸命萬靈集瑞天尊  
志心歸命百福呈祥天尊  
志心歸命昇平國土天尊  
志心歸命化洽人天天尊  
志心歸命應願至力天尊  
志心歸命隨念遂心天尊  
志心歸命百寶瓊殿天尊  
志心歸命七映玉臺天尊  
志心歸命九光鶴蓋天尊  
志心歸命八景鑾輿天尊  
志心歸命玄風廣洽天尊  
志心歸命聖德高明天尊  
志心歸命景樹恒盛天尊  
志心歸命應念克就天尊  
志心歸命保鎮長存天尊  
志心歸命月桂常春天尊  
志心歸命至極妙道天尊  
志心歸命無上太虛天尊  
志心歸命紫金仙界天尊  
志心歸命黃玉玄堂天尊

志心歸命龍成自在天尊  
志心歸命鑿閣長生天尊  
志心歸命白光瑞彩天尊  
志心歸命赤斧真文天尊  
志心歸命廣臻福祉天尊  
志心歸命恒棊禎祺天尊  
志心歸命翔鸞雲閣天尊  
志心歸命迴龍寶闕天尊  
志心歸命玉堂長慶天尊  
志心歸命金殿常明天尊  
志心歸命圓通莫測天尊  
志心歸命慧愛無邊天尊  
志心歸命遨遊玉洞天尊  
志心歸命繽紛雨化天尊  
志心歸命咸承睿祉天尊  
志心歸命永益道緣天尊  
志心歸命玉清上聖天尊  
志心歸命金闕至真天尊  
志心歸命九天集慶天尊  
志心歸命十洞上生天尊

志心歸命蓬萊輕舉天尊  
志心歸命崑閬冲昇天尊  
志心歸命泓澄福海天尊  
志心歸命差我壽山天尊  
志心歸命隨處安樂天尊  
志心歸命所在太平天尊  
志心歸命上清至道天尊  
志心歸命虛闕高真天尊  
志心歸命碧霞金殿天尊  
志心歸命紫炁玉樓天尊  
志心歸命廣施睿化天尊  
志心歸命普洽天慈天尊  
志心歸命咸臻百福天尊  
志心歸命常續長年天尊  
志心歸命功成淵備天尊  
志心歸命道契玄虛天尊  
志心歸命太清洞闕天尊  
志心歸命上境雲宮天尊  
志心歸命九虛玉觀天尊  
志心歸命四明金闕天尊

志心歸命常臻廣福天尊

志心歸命永保長生天尊

志心歸命壽星永曜天尊

志心歸命福海無窮天尊

志心歸命赤城壽命天尊

志心歸命華嶽成仙天尊

志心歸命長生益算紫極真人

志心歸命廣福延年碧落真人

志心歸命玉符保命絳闕真人

志心歸命金錄護命丹霄真人

禮畢資脩敬伸祈謝

竊以廣深崇奉特聲精嚴將求延續之殊因  
俯仗玄元之道化遂則仰瞻聖像躬對靈慈  
是知壽算能資神仙可學切希睿澤神明誕  
降於禎祥仰托洪鈞造化潛垂於衛祐耆藝  
氛氲之翠靄燈然燦爛之紅蕖用啓修崇獲  
伸朝禮一擊蓬壺之磬遍聞秀洞之壺伏願  
乘虹節而降道場從霓旌而臨寶界顯是人  
間甲子鳳曆長新密期壺裏光陰龜齡永固  
授以九宮之要傳其六甲之文盡令四海八

方咸得長生久視稽首

虛皇無上正真三寶

太上瑤臺益算寶籍延年懺

太上正一朝天三八謝罪法懺 則

開啓如儀

切以玄皇闡教廣開度於冥迷正一垂科俾  
懺陳於罪垢人孰無過法許自新奉  
道臣某以今焚香百拜奏啓

三清上聖十極高真昊天玉皇大天尊玄穹

高上帝天地水府三官大帝祖師三天扶教

輔元大法師正一冲玄神化靜應顯佑真君

正一女師嗣師系師真君王趙二真人五帝

六宮四司九署法錄官將三界神祇城隍祀

典應感真靈咸望垂光鑒今懺悔伏念臣某

自從無始以至有生縱一念以冥行六根纏

結恣三業而罔覺十惡積增惟知馳騫於紅

塵豈慮記標於黑簿捫心知懼撫己若驚以

今恭值某節謹遵天師科教百拜朝天一誠

悔過仰望高真哀愍大道慈憐念彼愚蒙曲

垂原赦蠲其宿業之籍免玄祖拘滯於幽關

開以遷善之門俾方寸通明於真性玄功克

備道行圓融動止和平眷緣身恭臣某下情

無任瞻天望聖激切屏營之至虔連一誠至

恭三禮

至心朝禮

太上無極大道

三十六部尊經

玄中大法師

太上正一朝天三八謝罪法懺

昔祖天師居于閩州雲臺山上歲在丙申水

壽三年九月九日

太上遣使授以玉冊賜三天扶教輔元大法

師正一真人之號詔昇舉期亭午之際朱衣

持版綃衣捧函二十四仙龍虎鹿鶴青幢絡

節綵雲霧天香芬馥仙樂徘徊玉女二人

引天師真人與夫人羅氏上登寶輦昇舉雲

霄至太玄都省其時從學弟子三千六百餘

人攀慕無階悲喜交切口誦師號求度仙名

天師惟許王趙<sup>時八</sup>仙子宿業清淨功者行成同

登天闕乃以太上所授符籙印劍三洞衆經

謝罪超度科式傳付嗣師於是嗣師隱習先

業謝過修功光和二<sup>二</sup>年正月十五日于陽平

山奉詔上昇乃以是真科付度系師隱系師

學道仙子求度雖專尚多宿累修有勤道

無親疎所以流轉三界五輪為有六根結成

十惡積習愆尤在於曩劫障迷道業在於今

生一曰眼根二曰耳根三曰鼻根四曰舌根

五曰身根六曰意根因此六根遂生諸業猶

如草木抽枝播葉生花結實展轉滋蔓有能

修之得以正定六根諸罪自然清淨復次身

三惡業殺盜邪淫身根結成心三惡業貪瞋

愚癡意根結成口四惡業兩舌惡罵綺言妄

語舌根結成因此三業遂生十惡猶如蛇蝎

搖毒自防觸必傷人展轉熾盛有能修之得

以智慧十惡諸罪自然清淨昔祖天師特修

太上修真謝罪超度玄祖科式真文故得宿

業頓消道功成就先靈受度身乃飛昇況今

世入澆淳人多過犯欲使形神合道須得障

累頓消當依三八謝罪之儀懺述<sup>三</sup>先世積生

業咎一誠悔過百拜朝天至心皈命

玉皇大天尊玄穹高上帝各發誓願以日為

年三毒十惡之罪誓願斷絕一千三百之善

誓願進修庶幾漸入仙宗次第亦昇於天路

汝宜速相授受勉而行之大道慈悲隨心應

感懺罪業滅修福福生今故歸依至心朝禮

志心歸命禮

太上彌羅無上天妙有玄真境渺渺紫金闕

太微玉清宮無極無上聖無無復光明寂寂

浩無宗玄範總十方湛寂真常道恢漠大神

通玉皇大天尊玄穹高上帝 十拜

臣等至心皈神皈身皈命百拜朝天一誠悔

過重念臣某爰從宿世逮及今生三毒業深

十惡障重身業大罪第一殺生稟性兇殘恣

行殺戮酷刑虐政害物傷生仰射飛禽俯逐

走獸傾巢發蟻湯澄火焚損子墮胎煎雞破

卵資給口腹諂祭邪神謀殺教殺故殺誤殺

展轉輪迴互相殺害從今懺悔並冀赦原願

與一切衆生俱入慈濟門永斷殺生業先靈

受度永免倒懸屠割報殺弟子蒙恩天上人

間願得久視長生福果形神俱妙與道合真

今故皈依至心朝禮 玉誥如前十拜

臣等至心皈神皈身皈命百拜朝天一誠悔

過重念臣某爰從宿世逮及今生三毒業深

十惡障重身業大罪第二竊盜懷奸設計偷掠穿窬背公循私明瞞暗騙或盜父母財物君王財物三寶財物五姓財物駁駁不已蠢蠢無知侵攘劫奪不恤恩義不懼神明不以失者為憂但以得之為喜從今懺悔並冀赦除願與一切眾生俱入廉節門永斷竊盜業先靈受度永免金鉞鐵杖報緣弟子蒙恩天上人間願得富貴崇高福果形神俱妙與道合真今故歸依至心朝禮 王誥十拜

臣等至心皈神皈身皈命百拜朝天一誠悔過重念臣某爰從宿世逮及今生三毒業深十惡障重身業大罪第三邪淫性濁情淨耽淫嗜欲愛憎嫉妬黷亂禮經不避親疎故違禁戒邪思妄想氣德神狂恣縱無明逸樂無度誘惑一切裸露三光男不忠良女不貞潔濫遊邪徑迷失正途沉溺愛河流趨欲海從今懺悔並冀赦除願與一切眾生俱入清淨門永斷邪淫業先靈受度永免水戟霜刃報緣弟子蒙恩天上人間願得隨意具足福果形神俱妙與道合真今故皈依至心朝禮

王誥十拜

臣等至心皈神皈身皈命百拜朝天一誠悔過重念臣某爰從宿世逮及今生三毒業深十惡障重身業大罪第一曰貪貪毒驅馳慳貪靳悋貪取忘義貪愛無厭智取巧求異術左道損他益己害物傷生過索倍徵強侵冒占一如溪壑百計經營借貸不還寄托推失倚恃聲勢抗拒奸欺負命負財負恩負義從今懺悔並冀赦除願與一切眾生俱入捨捨門永斷慳貪業先靈受度永免鐵牀銅柱報緣弟子蒙恩天上人間願得快樂安榮福果形神俱妙與道合真今故皈依至心朝禮 王誥十拜

臣等志心皈神皈身皈命百拜朝天一誠悔過重念臣某爰從宿世逮及今生三毒業深十惡障重身業大罪第二曰嗔嗔火熾炎業風飄蕩恃強凌弱鼓眾暴寡傲上慢下妬賢疾能或對日月星辰恣行瞋怒或對父母師長恣行瞋怒枉役奴婢恣行瞋怒小失便宜恣行瞋怒口毒過於蜂蠆心險利於風刀外結

冤情內懷忿怒從今懺悔並冀赦除願與一切眾生俱入歡喜門永斷瞋怒業先靈受度永免飛戈飄戟報緣弟子蒙恩天上人間願得體相端嚴福果形神俱妙與道合真今故皈依至心朝禮 王誥十拜

臣等志心皈神皈身皈命百拜朝天一誠悔過重念臣某爰從宿世逮及今生三毒業深十惡障重身業大罪第三愚癡不孝不忠不仁不義傲誕三寶輕慢三光放肆詐陰懷賊害違天犯地背理恣驕瀆亂典常荒淫行染明明造罪故故為非外忘廉謹之儀內懷暴虐之志褻狎邪穢蔑視宗親顛倒猖狂狠戾妖幻從今懺悔並冀赦除願與一切眾生俱入智慧門永斷愚癡業先靈受度永免刀山劍樹報緣弟子蒙恩天上人間願得聰明智慧福果形神俱妙與道合真今故皈依至心朝禮 王誥十拜

臣等志心皈神皈身皈命百拜朝天一誠悔過重念臣某爰從宿世逮及今生三毒業深十惡障重口業大罪第一兩舌言辭悖戾謗

議善良誰惑多端強辯逆理噴噓三寶嘗毀大乘消暑怨寒呵風罵雨收唆詞訟破壞規模說誘勾索鬪合爭競面譽背毀口是心非誇己之能揚人之醜間謀宗黨起發風波邪行邪言無忠無信從今懺悔並冀赦除願與一切衆生俱入三乘門永斷兩古業先靈受度永免吞火食炭報緣弟子蒙恩天上人間願得吉祥清慶福果形神俱妙與道合真今故皈依至心朝禮 王誥十拜

臣等至心皈神皈身皈命百拜朝天一誠悔過重念臣某爰從宿世逮及今生三毒業深十惡障重口業大罪第二惡罵久淪畜趣乍入人身臭語腥穢熏穢天地穢聲毒惡觸突真靈惱亂人民恐脇淳弱悻慢專長凌辱平人恣醉伴狂耽嗜香味害物害命資充嗜食倡打倡殺曾不悲憐廣結冤讎恣加濁辱從今懺悔並冀赦除願與一切衆生俱入方便門永斷惡罵業先靈受度永免燒炙焦爛報緣弟子蒙恩天上人間願得福祿壽安福果形神俱妙與道合真今故皈依至心朝禮

王誥十拜

臣等至心皈神皈身皈命百拜朝天一誠悔過重念臣某爰從宿世逮及今生三毒業深十惡障重口業大罪第三綺語言乖禮法行習輕浮令色足恭華音麗韻淫辭聚濁緣飾風情宛轉詭歌起人邪念變白爲黑抑是爲非虛妝繡綺之談幻惑愚迷之聽自昧陰陽不覺不知廣積愆瑕無邊無量從今懺悔並冀赦除願與一切衆生俱入讚歎門永斷綺語業先靈受度永免鑊湯鑪炭報緣弟子蒙恩天上人間願得度品上仙福果形神俱妙與道合真今故皈依至心朝禮 王誥十拜

臣等至心皈神皈身皈命百拜朝天一誠悔過重念臣某爰從宿世逮及今生三毒業深十惡障重口業大罪第四妄言越禮飾辭昧心巧古不尊君父師友不敬天地神明架說鑿空更相誑惑故起搖撼護短抑長以好爲計以妄爲常指誓證他自欺方寸呪咀求直弗願幽冥擅逞浮華猜嫌情實先賢善訓大道經書罔克誦持每加貶辟從今懺悔並冀

赦除願與一切衆生俱入頓覺門永斷妄言業先靈受度永免穿腸耕舌報緣弟子蒙恩天上人間願得復本自然福果形神俱妙與道合真今故皈依志心朝禮 王誥十拜

爾時系師復告學道仙子曰人處塵凡動成愆過無邊無量難述難殫百拜朝天悉已發露十惡大罪復竟披陳一念改修頓歸清淨猶如明鑑塵垢蒙赦忽遇良工用藥磨洗塵垢淨盡還復光明罪滅福生亦復如是諸天上聖立教真仙常勸世人勤修懺悔懺者不敢隱於往咎悔者不再犯於前非口既懺陳身能拜跪心須悔責改過遷善即有十天善神同垂保舉三界衆真共作護持其或不省不悛不懺不悔漸至罪根纏結日積月深即有陰陽曹局考較尤邪鬼魅侵凌疾病不痊災難競起公私多滯魔障多端若有來世人民遇修此道當感三官五帝九府四司察志觀勤紀功宥過疾病得愈道業得成任官得遷羈囚得脫一切苦厄所不能加壽命延永身心安逸若爲亡歿懺悔追修即得護削黑

書冤昇紫府若凶荒饑饉水火旱蝗瘟疫復  
 連兵戈劫掠能依科法懺禮消穰即得國土  
 清平民物昌熾若婦人懷孕生育艱難或鬼  
 怪興妖家門多變能修香火懺禮禱祈即得  
 母子全安身位寧靜若復有人常勤懺禮學  
 道成道求仙得仙若復有人因事懺禮所願  
 者合所為者成天上人間他生見世獲福無  
 量證果非虛由是系師棄官精煉紹襲仙宗  
 政始六年八月一日亦於陽平山奉詔上昇  
 以此真科流傳後世有緣緣會自度度他願  
 與舍生同臻福慶稽首禮謝  
 無上虛皇正真三寶

太上正一朝天三八謝罪法懺

真武靈應護世消災滅罪寶懺 則見

爾時天尊告妙行真人曰常念眾生處於三  
 毒十惡之世被六天魔王五府瘟曹不以尊  
 卑枉致傷害或老或少或男或女未盡天年  
 遽違人世故演伏魔經法普救眾生及以符  
 圖神呪付諸法學乃勅北方真武神將躬詣  
 諸天過為巡察凡遇邪氣及有妖星逆次流  
 躔速須戮剪又下人間錄善伐惡輔正除邪  
 濟拔人天祛妖攝毒救護一切無有枉橫然  
 下元末世淺薄人心破壞五情雜亂更相疑  
 惑所為不實惟用邪行背真就偽不義不仁  
 違天逆地攻根伐株不忠不孝無愛無慈欺  
 罔萬民酷虐百姓殺戮衆生殘害物命結諸  
 罪孽冤對無邊是致動見患難或為劫賊之  
 所傷命或為惡鬼之所滅身或被蛇虎狼  
 百蟲毒螫之所加害官司口舌無故橫生繫  
 閉牢獄鞭杖徒刑或復家遭瘟疫身染毒氣  
 大小疾病人口死亡六親斷絕財物耗散諸  
 如等苦並是六天故氣比鄴帝王八部鬼神  
 人間死將五嶽之神遍行天下乘其罪孽致

其毒氣以殺惡人從年竟月有遺不少更相  
 牽連以致死亡所在人民無能免者甚可痛  
 傷吾遣威神分布世間按行救度人豈知之  
 今重告汝真武大神將救護之法不可思議  
 克感靈應真人稱言大慈大悲能為眾生願  
 垂開示

天尊言常以三元八節甲子庚申每月三七  
 日下降之辰此諸等日不食辛厭葷穢制斷  
 六情不生念想即乃清淨燒香持齋念道歸  
 命北方四十九位靈應天尊首謝自身發露  
 懺悔消諸罪戾免受厄難水火刀兵虎狼毒  
 獸邪精異爽永不干犯今辰運心仰佩玄言  
 當須精心禮諸化身尊號願是功德廣救衆  
 生普度一切某甲生身在世無量劫來沉淪  
 罪苦未得解脫今日伏為某事禮此懺文五  
 體投地一心發念稽首真容敬禮尊號

- 志心朝禮壬癸至靈天尊
- 志心朝禮金闕化身天尊
- 志心朝禮日光瑞應天尊
- 志心朝禮太陰神化天尊



志心朝禮武曲昭靈天尊  
志心朝禮虛危孕秀天尊  
志心朝禮真相具足天尊  
志心朝禮端嚴威力天尊  
志心朝禮誓斷妖魔天尊  
志心朝禮輔助玉帝天尊  
志心朝禮冲和淨樂天尊  
志心朝禮積功成聖天尊  
志心朝禮神靈妙見天尊  
志心朝禮慈惠助順天尊  
志心朝禮威容感應天尊  
志心朝禮最聖妙行天尊  
志心朝禮功高龍漢天尊  
志心朝禮顯靈上國天尊  
志心朝禮威加九地天尊  
志心朝禮德推五嶽天尊  
志心朝禮不言善應天尊  
志心朝禮神力無礙天尊  
志心朝禮威鎮六洞天尊  
志心朝禮肅清寰宇天尊

志心朝禮協贊中興天尊  
志心朝禮化育黎兆天尊  
志心朝禮歲揚妙化天尊  
志心朝禮常住護世天尊  
志心朝禮化行六合天尊  
志心朝禮恩霑萬彙天尊  
志心朝禮威權自在天尊  
志心朝禮威顯神力天尊  
志心朝禮清寧國土天尊  
志心朝禮降魔戒生天尊  
志心朝禮代天演法天尊  
志心朝禮延壽護身天尊  
志心朝禮遣鬼滅祟天尊  
志心朝禮法雲流潤天尊  
志心朝禮普慈護國天尊  
志心朝禮延福保神天尊  
志心朝禮解冤濟苦天尊  
志心朝禮常念救物天尊  
志心朝禮削除罪犯天尊  
志心朝禮救生起死天尊

志心朝禮護竟慈救天尊  
志心朝禮保家安國天尊  
志心朝禮威德無量天尊  
志心朝禮自然真極天尊  
志心朝禮消災降福天尊  
志心朝禮即九玄天一切聖衆  
臣某志心歸神歸身歸命  
北方大道四十九位靈應天尊一切聖衆原  
夫人身難得遇正法以尤希天道貴生全本  
年而甚少念六根之未悟惟五福以常虧凡  
居覆燾之中盡出鈞陶之下或貧窮而多子  
或富貴而絕兒方當受用而忽喪天年未晚  
修行而已終緣運或兵戈而暴骨或孕育以  
傷身或邪鬼之欺誣或上天之譴責般般果  
報種種因緣但知逐利以貪名豈顧欺天而  
同地不修戒行殊乏陰功臨期嗟歎以徒勞  
遇事告投而無訴某切慮一生之內三世以  
來不孝不忠行淫行盜貪瞋棄重殺罪多  
言語失真癡頑染性五逆在已兩舌謗人恐  
地獄之相仍慮天曹之具錄生死受拷陰籍

難除仰憑上聖之恩庶盡救多生之罪障次  
其寬寬解散人鬼分離過去超生見存獲慶  
九幽息對天下和平一切含靈悉蒙救度俱  
登道岸證入無為臣等志心稽首禮謝  
無上虛皇正真三寶

真武靈應護世消災滅罪寶懺

北極真武普慈度世法懺卷之一二則  
爾時無上赤文帝君金闕化身天尊於龍漢  
元年中元之日在北極玄天紫微之殿會集  
諸天上聖十方至真飛天神王無極仙眾考  
校三界之內大千國土之中修學功過年命  
脩短十方世界男女罪福考限之期生死報  
對宿命因緣時有真人名曰妙行越班而出  
稽首上言末世凡夫不明修學貪瞋癡愛口  
是心非無明煩惱積積罪愆或身遭疾病牢  
獄拘囚運用乖違所作不順命沒之後墮諸  
地獄報對因緣何由救免  
天尊曰善哉言乎吾昔於龍漢劫初為太始  
真人中三皇時為太初真人下三皇時為太  
素真人開皇劫下生人世乃玄元聖祖第八  
十二次應化玄天修真成道憫念凡愚積惡  
造罪無由冀仙嘗為演說修真十戒以度兆  
民今得遵奉妙訓離諸報對於是妙行啓請  
而言十戒靈文可得見授宣告人天普獲修  
持日有所益於是  
天尊慈顏憫諭靈闈開出十品戒文謂曰

偉哉妙行能為眾生作是妙因夫身為患本  
過逐心生道乃法舟懺之可度積如山岳隨  
念即消若能終始受持仙階可冀第一戒者  
不得陰賊潛謀害物利己二者不得殺害含  
生以充滋味三者不得淫邪敗真穢慢靈炁  
四者不得賤人成功折交雜親五者不得露  
才揚己譏毀善良六者不得飲酒過差食肉  
違禁七者不得貪婪無厭積財不散八者不  
得交游非賢居處雜穢九者不得不忠不孝  
不信不仁十者不得輕忽言笑舉動乖真能  
依吾教秉心無二即得見世安樂免遭困苦  
若能於三元五臘甲子庚申三會十直之辰  
於諸宮觀或在家庭備列香花虔心懺禮誓  
依吾教改往修來即得離削黑書名標丹籍  
見存獲慶過世超昇於是妙行稽首瞻仰永  
誓皈依散布人間流傳懺禮志心敬禮人各  
恭信  
起敬讚 三皈依  
敷坐讚 一心皈命敬禮  
虛無自然元始天尊

玉宸道君靈寶天尊  
太上老君道德天尊

步虛 太極分高厚

爾時妙行真人告諸仙曰昔我祖師萬劫應化真元教主太平金闕前聖虛皇大道君乃大道之玄祖三才之本根太極之先寥廓何有道源肇啓慈母混成瀕洞瀛洋兆朕胚暉中有真精自然而生是謂神明強名虛皇落司玄化道運御世一炁分三為玄元始三炁混合氤氳漸著為萬象之端為萬化之本莫知其先強名曰元莫知其初強名曰始故曰元始天尊三炁相生九炁混化生諸天成就三界莫知其大強名曰太莫知其高強名曰上首出無極仰之曰老宰之無我主之曰君浩劫開化普度天人洪惟

教主北極鎮天佑聖助順真武靈應福德真君玉虛師相玄天上帝神靈異稟成功夙著於魏魏造化既分令德已形於顯顯忘尊貴於淨樂國鍊真純於武當山八十一化號為老君四十二年修為玄武列虛危之宿按水

火之精專居壬癸之方助有甲庚之將歷巡遊於下界肅號令於上穹迹屢表於至神記具陳於啓聖希夷莫測渺漠無窮在昔飛昇弘開誓願謂衆生之善惡莫不齊身欲天下之操修同登妙果保疾而能認獸瘳明而使識奸降粟濟飢施符消疫驅除魅魃解釋冤憎現海救危錫棗得後嗣昌見報而戒殺元晏悟化而放生遊奕投槍以却凶蠻天罡帝箭而誅叛寇誠事者無求不應忠告者轉危為安臣等聞事仙宗實深慶幸恭披寶縕仰奉靈光稽首皈依一心敬禮

- 志心朝禮法主玉虛師相玄天上帝
- 志心朝禮聖父明真大帝
- 志心朝禮聖母瓊真上仙
- 志心朝禮聖師豐乾大帝
- 志心朝禮西國紫玄元君
- 志心朝禮金闕化身天尊
- 志心朝禮玄元顯應天尊
- 志心朝禮太清靈慶天尊
- 志心朝禮高上玉真天尊

- 志心朝禮日光開瑞天尊
- 志心朝禮武曲應化天尊
- 志心朝禮虛星應化天尊
- 志心朝禮危星應化天尊
- 志心朝禮天一應化天尊
- 志心朝禮太一應化天尊
- 志心朝禮辰星應化天尊
- 臣等志心皈身皈神皈命

玄帝顯靈應化諸天上聖切念下民居于塵網莫知先業罕究前因自世遠於鴻荒真淳遽泯逮俗逾於鹿野矯偽迭興險謀暗設於機關殺物密投於陷穽逐邪敗正掩是徇非矜銜而侮老成沉酒而食獸穢貪婪縱欲交處多愚五常汨而名分浸虧一性昏而施為實謀擾擾宅情之競起紛紛十業之增添鍊較萬分輪迴億劫所受蓋原於所積其來由肇於其因若不際遇於善緣安得懺陳於宿障臣等恭承經寶垂訓曰禍福無門唯人自召善惡之報如影隨形謹按修真第一戒云不得陰賊潛謀害物利己切慮弟子其先世

以來今生之內詎能求勝挾數藏機面從而退有言色温而潛懷狼私衷毒虐積恨愆尤輕天民若剪管茅亂國政而浸隱網紀賞于非義刑及無辜窺伺錢粮熬冤擄奪之意覬覦名位暗生傾險之心諂佞富榮欺壓卑賤舉諸枉而措諸直匿其是而較其非推過認恩嫁禍實惡上來往業見在世中多招怨謗橫起乖屯死墮地獄長劫受苦盡復生遂入惡道報盡復還生於茲世以前業報尚有餘殃受報未已今則聞經所說大可驚惶仰對聖前恭投懺悔人各恭敬志心朝禮

- 志心朝禮太始無形天尊
- 志心朝禮太虛無極天尊
- 志心朝禮太玄冥寂天尊
- 志心朝禮太元守樸天尊
- 志心朝禮太空自然天尊
- 志心朝禮太易混成天尊
- 志心朝禮太象可凝天尊
- 志心朝禮太古可名天尊
- 志心朝禮太有常道天尊

- 志心朝禮太靈空洞天尊
- 志心朝禮太清無為天尊
- 志心朝禮太真演教天尊
- 志心朝禮太漠流神天尊
- 志心朝禮太華顯慶天尊
- 志心朝禮太曦圓照天尊
- 志心朝禮太霄輪彩天尊
- 志心朝禮太宸立極天尊
- 志心朝禮太微廣化天尊
- 志心朝禮太本流迹天尊
- 志心朝禮太理闢教天尊
- 志心朝禮太智悟境天尊
- 志心朝禮太定凝神天尊
- 志心朝禮太白明素天尊
- 志心朝禮太老廣義天尊
- 志心朝禮太光廣德天尊
- 志心朝禮太朴致理天尊
- 志心朝禮太華混夷天尊
- 志心朝禮太學致奧天尊
- 志心朝禮太權啓迪天尊

- 志心朝禮太平萬化天尊
- 志心朝禮太幽抱一天尊
- 志心朝禮太機變運天尊
- 志心朝禮太曦鬱華天尊
- 志心朝禮太神清漢天尊
- 志心朝禮太清神漢天尊
- 志心朝禮太祝廣壽天尊
- 志心朝禮太皇廣成天尊
- 志心朝禮太帝赤精天尊
- 志心朝禮太和鬱圖天尊
- 志心朝禮太和務合天尊
- 志心朝禮太德允壽天尊
- 志心朝禮太行真妙天尊
- 志心朝禮太極傳教天尊
- 天尊上聖禮念既周再竭一心遙瞻
- 神府皈命
- 紫皇天一真慶宮元和遷校府北極佑聖院
- 諸真仙衆今日道場大衆虔叩
- 教主北極鎮天佑聖助順真武靈應福德真
- 君玉虛師相玄天上帝伏願光浮丹闕瑞應

碧空洞照塵寰丕單恩既今爲某求懺上來所犯第一品戒陰賊潛謀害物利己之罪先世今生遺殃往劫上延祖考下逮宗親或起倖傷生或含威戕物或動違正理詔用邪謀或嫉賢妬能虧人益己外視雍容而可慕中

存乖惡以堪憂送之治廩以捐階楮之入井而下石欺凌孤寡酷虐懦庸笑裏藏刀暗中暗箭罪將條列惡已貫盈撓亂靈司糾錄不已今憑懺力願賜赦原願望上真宣恩人世勅下元和遷校府北極佑聖院三元九府諸官諸司仙曹案擿天官仙官靈官真宰佐巡僚吏廣行慈憫並賜赦原求懺弟子某同法衆等遵奉玄科入道登真戒當行無爲精進修行誓從今去端懷忠節退守恭謙愛物憐生視人猶己虛心實腹敢懷狼顧之思屏氣存神擬効雀銜之報即斯發露徑此懺陳伏願天官錫紀算之名地簡列編非之字身安命泰志暢神清七祖亡冤永臻福果三生障惱悉殄惡因常奉正真永依玄教以斯利益遍悉莊嚴嶽鎮浸隆羅圖永固萬姓襟裾而

向慕百蠻冠帶以來朝壽比南山咸仰一人之有慶星朝北極鼎臻四海以無虞一切有情俱登道岸

北極真武普慈度世法懺卷之一

北極真武普慈度世法懺卷之二

步虛

爾時妙行真人告諸仙曰謹按洞真本行經云玉帝者乃元炁之祖造化之根靜而聖即元始天尊動而神即玉皇上帝居玉清宮通明殿統御萬天化育羣品萬彙之主造化之原在天爲衆聖之尊在世爲萬教之主而若君者道之應形名號無邊洞真極聖本無常形消則爲氣息則爲人或於太虛之中疑爲真容體大無邊相好備足上無所攀下無所躡或在雲華之上身如金色高真侍衛百靈宗奉或坐蓮花之內建七曜玲瓏之冠披九色離羅之帔項負圓光照耀天地處寶臺金殿珠玉帷帳萬帝朝禮神兵衛軒或金容玉姿黃裳繡帔或素服玄冠乘朱鬃白馬或下治十天封掌兆民居紫微勾陳房爲天皇大帝或春夏秋冬變化無量此則返金闕之炁更受煉飛玄通神之精也故化身爲真武其神通自在隨感則現能白能黑能方能圓能屈能伸能脩能短能老能少能一能萬縱橫

反覆厥體靡常巨古窮今歷代演教接引九界濟度無遺臣等歷世多緣幸親至教詳明經典與善因緣欽奉上真知歸有自一心發念皈依敬禮

- 志心朝禮虛無自然元始天尊
- 志心朝禮王宸道君靈寶天尊
- 志心朝禮太上老君道德天尊
- 志心朝禮玉虛師相玄天上帝
- 志心朝禮聖父明真大帝
- 志心朝禮聖母瓊真上仙
- 志心朝禮聖師豐乾大帝
- 志心朝禮西國紫玄元君
- 志心朝禮金闕化身天尊
- 志心朝禮玄元顯應天尊
- 志心朝禮太清靈變天尊
- 志心朝禮高上玉真天尊
- 志心朝禮日光闡瑞天尊
- 志心朝禮武曲應化天尊
- 志心朝禮虛皇應化天尊
- 志心朝禮危星應化天尊

志心朝禮天一應化天尊  
 志心朝禮太一應化天尊  
 志心朝禮辰星應化天尊  
 臣等志心皈身皈神皈命  
 玄帝顯靈應化諸尊上聖巨恭承太上垂訓

曰夫人生天地之間善惡不同各自先身業緣所致修善善至修福福來如影隨形偈聲應響悟則見道迷則居塵有如寶珠照鑑隨物又如明鏡黑白自彰若修十善克感天神扶護世族克昌後世衣食自然無窮壽量若修十惡凶神降附苦病切身輪轉受生應諸惡報謹按修真第二戒云不得殺害含生以充滋味切慮弟于某一真乖本百念俱非求適口之肥鮮稱快心之葵美捕獵投林之獸搜邏飛野之禽挾弓馳射於山間設網低沉於水底既合舉祀神之故及後官燭貴之為養宰烹炮煑燻爇烙豈念輪迴於惡道安知人物之一途或者屬以業報而改形或姻親以罪緣而受果反食其肉欲潤爾身不復識知未能傷慙殺害愈甚舉動成愆上來諸業

見在世中疾體纏綿壽命天促死墮地獄受劫受苦盡復生遂入惡道報盡復還生於茲世以前業報尚有餘殃受報未已今則聞經所說深可憂惶仰對聖前恭投懺悔皈命一心虔誠信禮

- 志心朝禮上通無始天尊
- 志心朝禮上極無窮天尊
- 志心朝禮上及無間天尊
- 志心朝禮上象宗無天尊
- 志心朝禮上契太元天尊
- 志心朝禮上炁通和天尊
- 志心朝禮上理存虛天尊
- 志心朝禮上造無違天尊
- 志心朝禮上達至理天尊
- 志心朝禮上教不言天尊
- 志心朝禮上清理炁天尊
- 志心朝禮上繼元迹天尊
- 志心朝禮上奉至柔天尊
- 志心朝禮上明嗣寂天尊
- 志心朝禮上宗無間天尊

志心朝禮上光有益天尊  
 志心朝禮上宗四白天尊  
 志心朝禮上洞元靈天尊  
 志心朝禮上靈高妙天尊  
 志心朝禮上文演法天尊  
 志心朝禮上元陽照天尊  
 志心朝禮上寶紫微天尊  
 志心朝禮上致希夷天尊  
 志心朝禮上證五果天尊  
 志心朝禮上登無極天尊  
 志心朝禮上妙通神天尊  
 志心朝禮上興法理天尊  
 志心朝禮上致不殆天尊  
 志心朝禮上慕大成天尊  
 志心朝禮上惠不窮天尊  
 志心朝禮上好清樂天尊  
 志心朝禮上學日益天尊  
 志心朝禮上澄無累天尊  
 志心朝禮上無攝有天尊  
 志心朝禮上建廣德天尊

志心朝禮上隆教法天尊  
 志心朝禮上行正法天尊  
 志心朝禮上化無迹天尊  
 志心朝禮上教去有天尊  
 志心朝禮上德無盡天尊

天尊上聖禮念既周再竭一心遙瞻  
 神府皈命

紫皇真一天慶宮元和遷校府北極佑聖院  
 諸真仙衆今日道場大衆虔叩

教主北極鎮天助順真武靈應福德真君王  
 虛師相玄天上帝伏願垂象鳴鑿駭龍馭鳳  
 洞昭感格普救生靈奉為弟子其求懺上來  
 所犯第二品戒殺害舍生以充滋味之罪或  
 先世今生遺殃往劫上延相考下逮宗親或  
 處口傳言殺或延賓養已殺或手捺脚踏殺  
 或目擊耳聞動作殺或故殺誤殺狼戾有毒  
 殘害無辜求取膏梁貪食筋骨罪將條列惡  
 已贖盈撓亂靈司糾錄不已今懺懺力願賜  
 寬原願望上真宣恩勅下所部考官考吏考  
 兵考士一切女司曹按主者廣行慈憫願賜

赦原求懺弟子兼并法衆等專奉玄科入道  
 登真戒當行陰德廣濟羣生誓從今去心懷  
 慈惠志務善修剖折滯難解除羅網痛憐衆  
 命常存救護之恩愛同一身不恣殺傷之欲  
 即斯發靈徑此懺陳伏願金書錫贊衛之休  
 王簡賜安寧之慶前故殺誤傷之罪拔積寬  
 理對之仇變化人身脫離業障償報之符蓋  
 緣顯幽之際俱安常奉至真永依玄教以斯  
 利益過惡莊嚴上願  
 寶鼎專隆金枝善衍公侯効勤而盡瘁官僚  
 東節以輸忠任以無私論道經邦而盡其花  
 於有政安民濟衆之有餘一切有情同登  
 道岸

北極真武普慈度世法懺卷之二

北極真武普慈度世法懺卷之三四同 則上

步虛

爾時妙行真人告諸仙曰夫三寶大有金書一炁分形三清出號太初溟滓玄極洪濛中有虛皇分置五劫曰龍漢曰赤明曰上皇曰延康曰開皇當斯時也天光未分清濁未判則知三老各布始炁化生四靈以定四隅周環六合日月運乎其中推成萬物明知玄武乃天一之炁五靈老君太陰天一之化混沌赤文載惟玄帝乃元始化身太極別體上三皇時下降為太始真人中三皇時下降為太初真人下三皇時下降為太素真人至黃帝時下降正上天開皇劫初下世紫雲元年歲當甲辰三月戊辰三日甲寅庚午時待太陽之精託胎化生淨樂園善勝皇后之腹孕秀一十四月即太上八十二化也淨樂園乃奎婁星之下海外仙國上應龍變覺度天玄帝產母左脇當生之時異香瑞雲地皆金色七歲俯察仰觀靡所不通潛心念道志契太虛願事上天溥福兆民十五歲辭父母受紫玄

君無極上道越東海歷翼軫星下於武當山修道四十二年功成果滿白日上昇玉帝封為玄武五百歲後攝坎禹真精歸根復命上為三境輔臣下作十天大聖方得顯名億劫與天地日月齊并是其果滿矣臣等知因識果感德蒙恩先地先天劫終劫始長勞造化仰俟裁成敢効靈頓首勤崇向一心發念稽首高真志心敬禮

- 志心朝禮虛無自然元始天尊
- 志心朝禮玉宸道君靈寶天尊
- 志心朝禮太上老君道德天尊
- 志心朝禮玉虛師相玄上帝
- 志心朝禮聖父明真大帝
- 志心朝禮聖母瓊真上仙
- 志心朝禮聖師豐乾大帝
- 志心朝禮西國紫玄元君
- 志心朝禮金闕化身天尊
- 志心朝禮玄元顯應天尊
- 志心朝禮太清靈變天尊
- 志心朝禮高上玉真天尊

- 志心朝禮日光開瑞天尊
- 志心朝禮武曲應化天尊
- 志心朝禮虛星應化天尊
- 志心朝禮危星應化天尊
- 志心朝禮天一應化天尊
- 志心朝禮太一應化天尊
- 志心朝禮辰星應化天尊
- 臣等志心皈身皈神皈命

玄天顯靈應化諸尊上聖臣聞太上垂訓曰凡世衆生自從有命善心因被外色侵凌執諸愛欲遂乃障蔽善事積習惡緣若能攝動歸閑存心內覺悟空非色色想即空不作淫欲之愆悟我六衆之道當常檢身心每虞過失見諸經戒常懷畏慎毋入魔界自墜惡道謹按修真第三戒云不得淫邪敗真穢慢靈氣以今弟子某心後縱欲意馬奔馳耳管絃鼓樂之音欣欣有喜目珠翠金瓊之色念念無忘悅遇紛華愛貪奇麗詭華淫佚居中不固於閨庭醉舞歌吟樂外惟遊於里巷罔念精神之凋耗第窮筋力以疲勞葉脫根枯灰



飛烟滅致疾縈纏於喘促傳尸枉逝於伏連  
人道乖離鬼關淪沒殆難超度空極吁嗟上  
來往業見在世中行已災屯受人厭棄死墮  
地獄長劫受苦盡復生遂入惡道報盡復  
還生於茲世以前業故尚有餘殃受報未已  
今則聞經所說心切驚惶仰對聖前恭投懺  
悔一心致敬皈命信禮

- 志心朝禮至道集虛天尊
- 志心朝禮至神合無天尊
- 志心朝禮至清澄寂天尊
- 志心朝禮至元造化天尊
- 志心朝禮至寧合靜天尊
- 志心朝禮至寶吐虛天尊
- 志心朝禮至音冠漢天尊
- 志心朝禮至無應變天尊
- 志心朝禮至柔無間天尊
- 志心朝禮至靈無待天尊
- 志心朝禮至靈若昧天尊
- 志心朝禮至強不息天尊
- 志心朝禮至盈若冲天尊

- 志心朝禮至和達常天尊
- 志心朝禮至常發明天尊
- 志心朝禮至公治事天尊
- 志心朝禮至深固本天尊
- 志心朝禮至慈施行天尊
- 志心朝禮至美流言天尊
- 志心朝禮至仁進善天尊
- 志心朝禮至惟布化天尊
- 志心朝禮至大圖難天尊
- 志心朝禮至安持和天尊
- 志心朝禮至誠不動天尊
- 志心朝禮至學過衆天尊
- 志心朝禮至公輔物天尊
- 志心朝禮至智多治天尊
- 志心朝禮至式深遠天尊
- 志心朝禮至順反物天尊
- 志心朝禮至善不爭天尊
- 志心朝禮至化不辭天尊
- 志心朝禮至微幾聖天尊
- 志心朝禮至名不去天尊

- 志心朝禮至見無欲天尊
- 志心朝禮至聖單惠天尊
- 志心朝禮至德太玄天尊
- 志心朝禮至真長樂天尊
- 天尊上聖禮念既周再竭一心逆瞻  
神府皈命

紫皇天一真慶宮元和遷校府北極佑聖院  
諸真仙衆今日道場大衆虔叩  
教主北極鑲天佑聖助順真武靈應福德真  
君玉虛師相玄天上帝伏願寶劍橫空旌旗  
擁駕仗弘有願救度無邊今為弟子某求懺  
上來所犯第三品戒淫邪敗真穢慢靈炁之  
罪先世今生遺殃往劫上延祖考下逮宗烟  
或見美質屬意貪汙或凌貧素捉人殘害或  
間嗾母子攘奪男女或隔斷親疎眩惑賢良  
裸露三光穢觸諸聖背馳正道妄起邪謀真  
炁消磨靈姿昏濁罪將條列惡已貫盈撓亂  
靈司糾錄不已今憑懺力願望宣恩勅下考  
校真司巡按府署司非執罰典錄大神廣行  
慈憫並賜赦原求懺弟子某同法衆等遵奉

玄科入道登真戒當行柔弱勿為邪佞善從  
 今去內無愛想外絕妄為視已同於視人好  
 德甚於好色保存元炁一毫不敢以懷欺淨  
 論真心萬慮悉消而自守即斯發露徑此懺  
 陳伏願天地水府之霽威上中下尸之釋罪  
 身原氣定志得願從妙化弘敷永錫綿洪之  
 社至靈不昧庶全覆佑之休常奉至真永依  
 玄教以斯利益遍悉莊嚴國庶蕃昌民臻泰  
 定坐茂抗衡之變行占莫枕之歡樂業安居  
 寧有詐祖之習析天永壽曾何駭馬之虞一  
 切有情同登道岸。

北極真武普應度世法懺卷之三

第七

三

北極真武普應度世法懺卷之四

步虛

爾時妙行真人告諸仙曰在昔元始天尊生  
 於太無之先稟自然之炁冲虛凝遯莫知其  
 極天地淪壞劫數終盡而天尊之體常存不  
 滅或在玉京之上或在窮桑之野授以秘道  
 謂之開劫度人然開劫非一度矣原夫  
 太上以龍漢元年分身降於中央大福堂國  
 出真文赤書以化國民人皆長生又於南極  
 赤明之國出火煉真文故號洞陽之庭有流  
 火之池凡煉其形皆成金色上立朱陵之館  
 以主生成又於東極碧落之天浮黎之國書  
 真文於空青之林遂成紫生直林風度成音  
 鳥食其葉身生文彩人得其羽即能飛行其  
 民長生安樂無為又於西極衛羅世界西那  
 玉國出真文於浮羅之嶽以度國人玉池自  
 生金精流映人抱其水身生金光與天相通  
 又於北方鬱單之國出真文於洞靈之觀以  
 度兆民其下寒池靈津自然流渙人得飲之  
 無有終極五土之內皆稟太上靈寶之教以

得長生因命五老上帝以鎮五方行道立教  
 和寧羣品巨華奉聞

天尊上聖垂大慈之化造立天地剖判三才  
 令得受生人中莫知所自仰披典誥實深負  
 荷之恩傾向虔誠五體投地稽首

高真皈依敬禮

- 志心朝禮虛無自然元始天尊
- 志心朝禮玉宸道君靈寶天尊
- 志心朝禮太上老君道德天尊
- 志心朝禮玉虛師相玄上帝
- 志心朝禮聖父明真大帝
- 志心朝禮聖母瓊真上仙
- 志心朝禮聖師靈範天帝
- 志心朝禮西國紫玄元君
- 志心朝禮金闕化身天尊
- 志心朝禮玄元顯應天尊
- 志心朝禮太清靈寶天尊
- 志心朝禮高上玉真天尊
- 志心朝禮日光開瑞天尊
- 志心朝禮武曲應化天尊

志心朝禮虛星應化天尊  
志心朝禮危星應化天尊  
志心朝禮天乙應化天尊  
志心朝禮太乙應化天尊  
志心朝禮辰星應化天尊

臣等志心皈身皈神皈命

玄天應靈顯化諸尊上聖臣恭承太上垂訓  
曰道有悟迷言有淳偽凡人三業內則在心  
外則因口心間所有惡業若口不能談其惡  
亦不彰心間雖無其事口中妄有巧言其業  
漸深皆因惡口則一闢謀良善譏謔愚癡曲說華  
詞妄談謬誤不省正教不誦仙經裝飾非言  
是名敗壞若能口不作罪言集希言不言於  
惡口之中回向於讚詠之上即得常近經教  
讚一善以報謹按脩真第四品戒不得敗人  
成功折交離親以今弟子某竊恐受性以來  
至于今日多起嫌疑懷嫉妬祇為利己莫  
恤危人孽其短而棄其長旁觀有過怒彼成  
而喜彼敗深訝無功誘引烟眷於燕着遊說  
朋儕於兵越巧言令色但面是而背非謀為

不忠徒心傳而口授道聽而塗說隙窺而牆  
從將有為無架虛作實不及者妄加訾毀多  
能者曲肆損虧隔絕往還結成怨惡上來往  
業見在世中艱辛一己憂慮百端死墮地獄  
長劫受苦苦盡復生生於茲世以前業報尚  
有餘殃受報未已今則聞經所說大可驚惶  
仰對聖前恭投懺悔人各運誠虔心朝禮

志心朝禮一元混成天尊  
志心朝禮一生有始天尊  
志心朝禮一行柔慈天尊  
志心朝禮一約儉約天尊  
志心朝禮一持謙讓天尊  
志心朝禮一致無為天尊  
志心朝禮一名可論天尊  
志心朝禮一常三復天尊  
志心朝禮一性無常天尊  
志心朝禮一靈悟境天尊  
志心朝禮一能攝善天尊  
志心朝禮一形成勢天尊  
志心朝禮一醫畜物天尊

志心朝禮一智明守天尊  
志心朝禮一利濟動天尊  
志心朝禮一已獲常天尊  
志心朝禮一具賦體天尊  
志心朝禮一善潤家天尊  
志心朝禮一慶資鄉天尊  
志心朝禮一政護國天尊  
志心朝禮一言善應天尊  
志心朝禮一施不恃天尊  
志心朝禮一切不履天尊  
志心朝禮一棄三絕天尊  
志心朝禮一事從容天尊  
志心朝禮一中有信天尊  
志心朝禮一為品式天尊  
志心朝禮一合符冲天尊  
志心朝禮一教獨立天尊  
志心朝禮一居四大天尊  
志心朝禮一舍四法天尊  
志心朝禮一知三守天尊  
志心朝禮一善五果天尊

志心朝禮一宗四具天尊

志心朝禮一居七善天尊

志心朝禮一存四身天尊

志心朝禮一利三能天尊

志心朝禮一無不活天尊

志心朝禮一合萬象天尊

天尊上聖禮念既周再竭一心遥瞻

神府皈命

紫皇天一真慶宮元和遷校府北極佑聖院

諸真仙衆今日道場大衆虔叩

教主北極鎮天佑聖助順真武靈應福德真

君玉虛師相玄天上帝伏願神龜命駕瑞鶴

臨軒拯濟凡庸駢臻釐福今為弟子某求懺

上來所犯第四品戒敗人成功析交離親之

罪先世今生遺殃往劫上延祖考下逮宗親

見利忘義而敗壞功勞背恩絕愛而隔斷親

友暗生嗾嶮潛設機關或交合妄起於紛爭

或諂佞橫生於間越遞傳虛語矯飾詐情惟

務圖謀是名障礙罪將條列惡已貫盈撓亂

靈司糾錄不已今憑懺力願望宣恩勅下上

四十一

十一

天度地四時五行六律七星司功考過一切

神司仙曹主吏廣行慈憫並賜赦原求懺第

子某同法衆等遵奉玄科入道登真戒當行

無妄勿為詭詐誓從今去言無口過行務已

修視人猶己之非殊推功讓能而不伐上和

下睦俾成勛績之隆內撫外寧肯使親疎之

間即斯發露徑此懺陳伏願玉音宣布於皇

休金闕旋頒於睿旨屬覺非而悔過俾解厄

以消災隱顯和同俯仰庶期於無愧幽冥超

度沾濡均濟於有緣常奉至真永依玄教以

斯利益遍悉莊嚴星曜順躡雨暘應候獲秀

穎嘉禾之瑞無飛霜隕草之虞與時皆行無

早乾而水溢極天所覆俾道泰以人和一切

有情俱登道岸

道岸

北極真武普慈度世法懺卷之四

北極真武普慈度世法懺卷之五 六同 則士

步虛

爾時妙行真人告諸仙曰夫三洞寶經皆三

清之上道也故老君曰吾昔受之於元始天

尊于今七億萬劫天地成壞萬品生滅唯吾

道獨存今猶修之於景雲之上嘗以玉清玄

簡出傳真公於無量壽天又傳於青童大君

依九天品格萬劫一出自開皇以來傳授後

學應為真者九千年聽傳三人或四十年或

九年中遇有其人聽願傳之今末代澆薄穢

濟尤切皆以齋戒為先陰功為務以拔九祖

之罪以度羣品之厄後及己身立功布德上

遵天憲以期超度故有二十七等齋科三十

六品醮法夫三錄者曰金錄齋調和陰陽保

鎮國祚曰玉錄者昌國化民保安兆姓曰黃

錄者拔度九玄七祖永辭長夜之苦七品齋

者一曰明真齋超度幽爽解諸冤對二曰自

然齋普為衆生謝罪消災學仙修行三曰三

元齋自謝犯戒之罪解考三官四曰八節齋

謝玄祖及己身累簿之罪五曰洞神齋以清

潔守素為貴救疾穰災為功六曰塗炭齋以苦節為功悔過請福七曰指教齋上則以清虛簡寂為用次則以吐納服御為階下則以洗心悔過為宗普則以後已先人為要功滿三千白日昇天臣等欣逢聖教得遇真風未能克志奉行惟當竭心崇鸞一心發念五體投誠稽首皈依志心朝禮

- 志心朝禮虛無自然元始天尊
- 志心朝禮玉宸道君靈寶天尊
- 志心朝禮太上老君道德天尊
- 志心朝禮玉虛師相玄天上帝
- 志心朝禮聖父明真大帝
- 志心朝禮聖母瓊真上仙
- 志心朝禮聖師豐乾大帝
- 志心朝禮西國紫玄元君
- 志心朝禮金闕化身天尊
- 志心朝禮玄元顯應天尊
- 志心朝禮太清靈寶天尊
- 志心朝禮高上玉真天尊
- 志心朝禮日光闡瑞天尊

- 志心朝禮武曲應化天尊
- 志心朝禮虛星應化天尊
- 志心朝禮危星應化天尊
- 志心朝禮天一應化天尊
- 志心朝禮太一應化天尊

志心朝禮辰星應化天尊

臣等志心皈身皈神皈命

玄天顯靈應化諸尊上帝臣等恭承太上垂訓曰凡世衆生不悟宿因不修善果無明所覆有礙所通不假懺陳何由悟解且夫天與世雖異其境界同聖與人雖殊其義理等三清道境十方天尊亦在人修皆與聖合人之墮於惡道皆由在世三業最大作惡造業顯揚於外若能內滅惡心外忘惡口不談彼短不銜已長見人過愆誓不傳說惜聲閉口愛氣希言忘心於綺麗之中回懺於敬信之上在世即得身貴名高一善之報復踐世間人神安安謹按修真第五品戒云不得露才揚已譏毀善良以令弟子某等切恐誠心弗粹浩氣至剛恃已多謀抑人未悟圭璋河漢誇

文海之波瀾翻散雲烟輝事功於山嶽俊力俯敗於庸懦妙齡強敵於老成莫非巨賢笑談至善勢多強悍性匪柔和賤踰貴卑尊小陵大下犯上駭駭自言於得志置置不務於檢身浸潤之諧愈萌毀譽之私迭起上來往業見在世中遭人詬責觸事迫遭死墮地獄長劫受苦盡復生遂入惡道報盡復還生於茲世以前業故尚有餘殃受報未已今則聞經所說大可驚惶仰對聖前恭投懺悔

- 志心朝禮人各恭敬
- 志心朝禮無始可元天尊
- 志心朝禮無為可任天尊
- 志心朝禮無法可說天尊
- 志心朝禮無言可論天尊
- 志心朝禮無視可見天尊
- 志心朝禮無聽可聞天尊
- 志心朝禮無廣不覆天尊
- 志心朝禮無微不通天尊
- 志心朝禮無感不應天尊
- 志心朝禮無幽不燭天尊

志心朝禮無化不周天尊  
 志心朝禮無遠不屆天尊  
 志心朝禮無理不悟天尊  
 志心朝禮無欲不靜天尊  
 志心朝禮無善不克天尊  
 志心朝禮無光不照天尊  
 志心朝禮無行不加天尊  
 志心朝禮無業不進天尊  
 志心朝禮無日不求天尊  
 志心朝禮無方不到天尊  
 志心朝禮無事不和天尊  
 志心朝禮無戒不持天尊  
 志心朝禮無謀不成天尊  
 志心朝禮無功不立天尊  
 志心朝禮無德不顯天尊  
 志心朝禮無人不施天尊  
 志心朝禮無義不為天尊  
 志心朝禮無問不對天尊  
 志心朝禮無教不言天尊  
 志心朝禮無機不轉天尊

志心朝禮無行不市天尊  
 志心朝禮無妙不歸天尊  
 志心朝禮無名不可天尊  
 志心朝禮無有不供天尊  
 志心朝禮無有不靈天尊  
 天尊上聖禮念既周再竭一心逆瞻  
 神府皈命  
 紫皇天一真慶宮元和遷校府北極佑聖院  
 諸真仙衆今日道場大衆虔叩  
 教主北極鎮天佑聖助順真武靈應福德真  
 君玉虛師相玄天上帝伏願祥光俯御瑞相  
 端臨濟衆施恩釋冤寬罰今為弟子其等懺  
 除上來所犯第五品戒露才揚已護毀善良  
 之罪先世今生遺殃往劫上延想考下逮宗  
 親以英毫凌鑠寬和以誓能笑侮屬瑣揚揚  
 自行行蔑如或勢力不屈而起怨嗟或語  
 言多諂而生譏誚但有已旁若無人自負  
 太高肆欺逾甚罪將條列惡已貫盈撓亂靈  
 司糾錄不已今憑懺悔願望宣恩勅下所部  
 繡衣使者典錄大神八方九州陰陽主吏會

員務局一切明神廣行慈憫並賜赦原求懺  
 弟子某同法衆等遵奉玄科入道登真戒當  
 行守恪勿為己先誓從今去至恭盡禮和光  
 同塵不矜而莫與爭能見善而有如不及謙  
 冲退處屏除矯偽之情蹇謬優容杜絕乖愆  
 之念既斯發露徑此懺陳願得帝澤下單皇  
 威上暢四序永消於坎壈一門俱遂於泰亨  
 戴履無慚庶悉依於護佑照臨不忒敢晦昧  
 於行藏常奉至真永依玄教以斯利益過悉  
 莊嚴百穀登成五材並用盡掃旱蝗之害免  
 為魚鱉之災足食足衣無啼飢號寒之苦多  
 黍多稌殫感恩荷德之思一切有情同登  
 道岸

北極真武普應度世法懺卷之五

北極真武普慈度世法懺卷之六

步虛

爾時妙行真人與諸仙子曰昔九疑山女真王妙想朝謁精誠忽有所感一日祥雲滿庭光燭殿壇旌幢鶴蓋浮空而下見一天官羽衣寶冠昇殿而坐謂妙想曰吾乃往昔有虞氏之君舜帝也勞猷萬國養道此山每欲誘教後人使之知道世無可教授者夫道在於內不在於外道在爾身不在他人玄經所謂修之於身其德乃真近者地司所奏汝守道不邪違棄玄戒若無所證乃道之棄人也又玄經云常善救物故無棄物而道之布惠周遍則物物皆欲成之人人皆欲度之但世人福果卑微道炁膚淺不能精專勤學道業未就而已中急是人自棄道非道棄人蓋上聖高真慈歷劫不常代運流轉陰陽倚伏生死推遷俄爾之間至陽九百六之會孜孜下教以救於人尤切於世人之求道也然世人求道也若存若亡繫念存心萬中無一天真慈俗常在人間隱影化形隨方開悟子欲長生

三一當明子能守一一亦守子矣能變為精精變為嬰兒嬰兒上為真人真人然後為赤子此是真人一也又曰偽道養形真道養神神真道通能亡能存神能飛形亦能移山形受灰土其何識為身自聲色為子留怨鼻口

所喜香味是寃身為惱本痛痒寒温意為形累愁毒憂煩弗疾去之則志氣自耗壽命不延臣等欽惟上聖哀救世人廣示訓章開度羣品當遵品戒竭心修習肩荷至恩不勝慚激一心發念五體傾依稽首慈尊敬禮真聖

- 志心朝禮虛無自然元始天尊
- 志心朝禮玉宸道君靈寶天尊
- 志心朝禮太上老君道德天尊
- 志心朝禮法主玄天仁威上帝
- 志心朝禮聖父明真大帝
- 志心朝禮聖母瓊真上仙
- 志心朝禮聖師豐乾大帝
- 志心朝禮西國紫玄元君
- 志心朝禮金闕化身天尊
- 志心朝禮玄元顯應天尊

- 志心朝禮太清靈寶天尊
- 志心朝禮日光開瑞天尊
- 志心朝禮武曲應化天尊
- 志心朝禮虛星應化天尊
- 志心朝禮危星應化天尊

- 志心朝禮天一應化天尊
- 志心朝禮太一應化天尊
- 志心朝禮辰星應化天尊
- 臣等志心皈身皈神皈命

玄天應靈顯化諸尊臣等恭承經寶太上垂訓曰齋戒者道之根本法之津梁子欲學道清齋奉戒念正真邪妄自泯一切衆生捨清淨域耽嗜葷羶而以觸法譬如餓鬼啗食死死火燒飢腸飢腸無飽又如蠅蟲爭奪臭腐妄為羶香而以觸法三官溷濁六腑不淨尸魄欣昌樂於死地子當割嗜欲根入真淨境無作諸苦無造諸惡無生諸見無犯諸邪子觀戒文如世法律欲有所犯思金木刑子於戒文精意奉持凜然在前如對所畏秉心正嚴滅一切想諦聽不二可會正真是吾弟

子也謹按修真第六品戒云不得飲酒過差  
 食諸獸物以今弟子某等切慮縱心侈欲玩  
 意貪觀量吸鯨吞日夕第從於酩酊味鴉  
 毒歲時惟喜於腥羶假名乎仙境之瓊漿求  
 異乎貴家之王食忘形嗜好適與肥甘百醉  
 千場裸袒轉成於放曠五辛六獸啗營務在  
 於飽充穢氣燦人沈酗亂性舉動第多於狂  
 惑語言罔顧於淫邪剗當齋禱之辰偏起穢  
 殘之念但資口腹不護身軀遍街握腕以潛  
 行穢室躡蹤而競往所為不擇其處非良踐  
 履既虧設施徒謬上來徃業見在世中立身  
 謫薄舉事卑汙死墮地獄長劫受苦盡復  
 生遂入惡道報盡復運生於茲世以前業故  
 尚有餘殃受報未已今則聞經所說大可驚  
 惶仰對聖前恭投懺悔一心致虔皈依信禮

- 志心朝禮靈元虛湛天尊
- 志心朝禮靈始象仙天尊
- 志心朝禮靈常淡寂天尊
- 志心朝禮靈達無為天尊
- 志心朝禮靈為悟本天尊

- 志心朝禮靈能合漢天尊
- 志心朝禮靈通無極天尊
- 志心朝禮靈一通天尊
- 志心朝禮靈欲觀妙天尊
- 志心朝禮靈藏萬化天尊
- 志心朝禮靈當利用天尊
- 志心朝禮靈杰致柔天尊
- 志心朝禮靈和微明天尊
- 志心朝禮靈頽瑞妙天尊
- 志心朝禮靈光及物天尊
- 志心朝禮靈音演妙天尊
- 志心朝禮靈文溥暢天尊
- 志心朝禮靈書紀敬天尊
- 志心朝禮靈風傳瑞天尊
- 志心朝禮靈運陰陽天尊
- 志心朝禮靈彰造化天尊
- 志心朝禮靈周十地天尊
- 志心朝禮靈起萬慮天尊
- 志心朝禮靈光法性天尊
- 志心朝禮靈化無私天尊

- 志心朝禮靈轉無涯天尊
- 志心朝禮靈用不窮天尊
- 志心朝禮靈慶有性天尊
- 志心朝禮靈智不殆天尊
- 志心朝禮靈根持重天尊
- 志心朝禮靈無妄作天尊
- 志心朝禮靈無彼竟天尊
- 志心朝禮靈除我智天尊
- 志心朝禮靈機遂變天尊
- 志心朝禮靈根復命天尊
- 志心朝禮靈洞大無天尊
- 志心朝禮靈泉大有天尊
- 志心朝禮靈有大惠天尊
- 天尊上聖禮念既周再竭一心遙瞻  
 神府皈命
- 紫皇天一真慶官元和遷校府北極佑聖院  
 諸真仙衆今日道場大衆虔叩
- 教主北極鎮天佑聖助順真武靈應福德真  
 君王虛師相玄天上帝伏願甲騎前驅了神  
 後從茂揚休杜俯洽黎民今為弟子某懺除



上來所犯六品戒云飲酒過差食諸獸物之罪先世今生遺殃往劫上延祖考下逮宗親沉酣不已而溺志踈強遊宴無度而裸身廢禮喜烹異味不知厭觸之愆故殺舍靈專事膳炙之美誇恃酒聖宰戮物牲褻慢高真難

逃重請罪將條列惡已貫盈挽亂靈司糾錄不已今憑懺悔願望宣恩勅下九府業道治罪冥官主錄曹僚靈司掾吏執法大神廣行慈憫並賜赦原求懺弟子某同法衆等遵奉玄科入道登真戒常行清淨勿矜汗俗澄神淨慮約已存神飲無過多食無厭穢守皆醉獨醒之悔微以借紅循養生送死之規資之斑白即斯發露徑此懺陳伏願澤沛乾坤恩垂雨露原宥顛狂之謹鑒觀改悔之私惠及草萊咸享安康之樂光浮蓬葦永消暗昧之虞常奉至真永依玄教以斯利益遍悉莊嚴國治民安莫匪平寧而置器官清道泰曹何凌犯以爭衡一切有情俱登道岸  
此極真武普慈度世法懺卷之六

此極真武普慈度世法懺卷之七八同 則三

步虛

爾時妙行真人告諸仙曰昔太上願號靜老天尊行教五方開度人天乃先天地以資萬類上處玉京為神王之宗下在紫微為飛仙之祖千變萬化有德不德隨機應物厥跡無常授軒轅於崆峒教帝嚳於牧德大禹承長生之訣尹喜受道德之旨丹書紫字昇玄飛步之經玉石金光妙有洞靈之說如此之文不可勝紀自上古歷劫至黃帝帝嚳夏禹並遇神人咸受道籙年代既久經史無聞迨及姬周東辭函谷西入霸窟見恍惚之客漢希夷之訓是以善利西方化流中國且夫人之生也天傳之以神地傳之以精中和傳之以炁人能保精愛神護炁內則致身長生外則致國太平故為人臣者當上忠其君欲其長生為人子者當念父母懼其將老為人弟子者當念師恩蓋受身於父母成道德於真師得水土之養於君尊當念君父師之將老無以復之或行學修善更師賢明求奇才異術

而資益之此乃太古上皇嘗令修善之人言行精實心自克責洗心易行感動上玄受天地恩不忘報謝精專弗怠得致神仙臣等幻化生身叨承蓋載君親寵渥父母劬勞得佩訓章敢忘所自式憑香火用報洪恩兼窮致

- 虔一心發念稽首皈依正真三寶
- 志心朝禮虛無自然元始天尊
- 志心朝禮玉宸道君靈寶天尊
- 志心朝禮太上老君道德天尊
- 志心朝禮玉虛師相玄天上帝
- 志心朝禮聖父明真大帝
- 志心朝禮聖母瓊真上仙
- 志心朝禮聖師豐乾大帝
- 志心朝禮西國紫玄元君
- 志心朝禮金闕化身天尊
- 志心朝禮玄元顯應天尊
- 志心朝禮太清靈寶天尊
- 志心朝禮高上玉真天尊
- 志心朝禮日光開瑞天尊
- 志心朝禮武曲應化天尊

志心朝禮虛星應化天尊

志心朝禮危星應化天尊

志心朝禮天一應化天尊

志心朝禮太一應化天尊

志心朝禮辰星應化天尊

臣等志心皈身皈神皈命

三寶至尊玄天上帝顯靈應化諸大天尊

恭聞太上垂訓曰一切衆生處在浮世百年

歲月如時餉間石火電光何能得久如蛾撲

燈自取殞滅不能明了誤此縈纏惟懷悵惜

常負貪求聚積山高心猶不足一日之活作

千年計生既不將一錢來死亦不將一錢去

一朝身歿萬事皆空無量慳貪盡成虛幻在

世積財不散寧免水火盜賊之雷用計謀人

宜免之絕子孫之報當此之時英雄豪貴頓

爾俱消高車大馬何關人事華堂峻宇盡屬

他人烟眷吁嗟有何所益謹按修真第七品

戒云不得貪求無厭積財不散重念臣等私

憂過計遐想貪圖積貯務多貪饕何已兼并

貨賄欲此富而彼貧攫取田廬視我強而他

弱登龍斷而罔利競蝸角以求贏朝謀夕慮

而惟恐其無左經右營而不滿所欲稻粱腐

廩肯分顆粒以賑飢錢措充梁豈散一毫而

濟乏奉養且聞於溥鄙困窮矣暇於憫憐席

卷猶求囊慳愈溢上來往業見在世中慮勤

憔悴禍遇寇攘死墮地獄長劫受苦若盡復

生遂入惡道報盡復還生於茲世以前業故

尚有餘殃受報未已今則聞經所說大可驚

惶仰對聖前恭投懺悔一心致虔皈命敬禮

志心朝禮空藏大象天尊

志心朝禮空量大華天尊

志心朝禮空包妙寂天尊

志心朝禮空澄太定天尊

志心朝禮空清太漢天尊

志心朝禮空惟無作天尊

志心朝禮空處無為天尊

志心朝禮空符至一天尊

志心朝禮空理無碍天尊

志心朝禮空藏常用天尊

志心朝禮空合法界天尊

志心朝禮空相不拘天尊

志心朝禮空谷妙利天尊

志心朝禮空顯淨明天尊

志心朝禮空傳大梵天尊

志心朝禮空虛示法天尊

志心朝禮空談妙理天尊

志心朝禮空文持妙天尊

志心朝禮空洞飛章天尊

志心朝禮空歌振響天尊

志心朝禮空韻流鈴天尊

志心朝禮空谷應聲天尊

志心朝禮空照靈境天尊

志心朝禮空成萬化天尊

志心朝禮空明太白天尊

志心朝禮空談清音天尊

志心朝禮空行清高天尊

志心朝禮空相無妄天尊

志心朝禮空智無境天尊

志心朝禮空妙非常天尊

志心朝禮空才廣德天尊

志心朝禮空靜無歸天尊

志心朝禮空不定應天尊

志心朝禮空歸無滯天尊

志心朝禮空來滅念天尊

志心朝禮空無不成天尊

志心朝禮空不碍色天尊

志心朝禮空體至無天尊

志心朝禮空法澄虛天尊

天尊上聖禮念既爾每竭一心追瞻

神府皈命

紫室天一真慶宮元和遷校府北極佑聖院

一切仙眾今日道場大衆虔叩

教主北極鎮天佑聖助順真武靈應福德真

君至虛師相玄天上帝伏願復絕按地駕鸞

馭鳳大開慈憫廣濟凡庸今為弟子某求誠

上來所犯第七品戒貪求無厭積財不散之

罪先世今生遺殃往劫上延祖考下逮宗親

探取人財以為己財規圖人物以為己物沉

機不露狡計妄施或質遷在市而視有若無

或收藏潤屋而用虛易實數盈億兆用恪織

毫惟貪富積以快心不顧財多能害己罪將

條列惡已貫盈撓亂靈司糾錄不已今憑懺

力願望宣恩勅下司功糾非陽官陰吏執錄

把籍掌憲天神善惡明靈校量宰佐廣行慈

憫並賜赦原求懺弟子某同法眾等遵奉玄

科入道登真戒當行知足常守節操著從今

去善因早植微利勿貪囊箱隨分以貯儲倉

廩何憂於匱乏知止知足經管首事於過求

可速可行周急不為之繼富即斯發靈徑此

誠陳伏願生成廣佑於範圍臨照不殊於覆

蓋門戶享興隆之福尊卑承靖謐之庥天相

匪虛俯仰各安於飽煖日生不竭散布庶盡

於周流常奉正真永依玄教以斯利益遍悉

莊嚴隱顯交通存亡超度九幽開泰八難消

屯出黑道登朱宮即膺拔擢拜洪恩承惠澤

咸使沾濡一切有情俱登

道岸

北極真武普慈度世法懺卷之七

北極真武普慈度世法懺卷之八

步虛

爾時太玄真人於金華洞天遇太上降駕啓

問不言之教太上曰天致其高地致其厚日

月照星辰朗非有言也正其道而物自然陰

陽四時非萬物也雨露時降非養草木也神

明接陰陽和而物自生矣夫道者藏精於內

棲神於心靜漠恬淡悅穆胸中廓然無形寂

然無聲乃感朝廷晏安官府清謐林無隱士

野無逸民無勞役無冤刑天下莫不仰上之

德絕國俗莫不重譯而至非家至而人喻之

也推其誠心施之天下而已故賞善罰惡者

政令也其所以能行者精誠也政令雖明不

能獨行必待精誠精誠形乎內外決於人心

此不言之教也聖人在上懷道不言而澤及

萬方故不言之教茫乎大哉是以人主之思

神不馳於胸中知不出於四域懷其誠心則

甘雨以時五穀蕃殖威厲而不試法省而不

擾園圖空虛天下一俗祥雲興景星見黃龍

下祥風至醴泉涌出嘉禾秀生海不揚波矣

若逆天暴物則日月薄蝕五星失行四時相  
 乖甘晦背光出朋水涸冬雷夏霜天文變異  
 國土不安蓋天地之道與人有以相通也聖  
 人與天地合德日月合明與鬼神合靈與四  
 時合信懷天心合天炁執冲合和不下堂而  
 行四海變易習俗人皆遷善蓋不言之教也  
 臣等生值明時欣逢盛世國王水土天地裁  
 成感德荷恩懷戴罔極仰依真教敢急欽崇  
 恭對威光志心朝禮

- 志心朝禮虛無自然元始天尊
- 志心朝禮玉宸道君靈寶天尊
- 志心朝禮太上老君道德天尊
- 志心朝禮玉虛師相玄天上帝
- 志心朝禮聖父明真大帝
- 志心朝禮聖母瓊真上仙
- 志心朝禮聖師靈寶大帝
- 志心朝禮西國紫玄元君
- 志心朝禮金闕化身天尊
- 志心朝禮玄元顯應天尊
- 志心朝禮太清靈寶天尊

志心朝禮高上玉真天尊  
 志心朝禮日光闕瑞天尊  
 志心朝禮武曲應化天尊  
 志心朝禮虛星應化天尊  
 志心朝禮危星應化天尊  
 志心朝禮天一應化天尊  
 志心朝禮太一應化天尊  
 志心朝禮辰星應化天尊  
 臣等志心皈身皈神皈命

玄天顯靈應化諸尊上聖臣等恭承經寶太  
 上垂訓曰上聖傳道應性離言中真傳德寄  
 言通理下迷傳經因言修習將來末代道德  
 將衰若要修行但憑經教經者常也實衆生  
 常行之徑路下界無經如行不由徑出不因  
 門何可登涉且元始闢圖之際在龍漢劫始  
 青之中浮黎國內出書度人字方一丈八角  
 垂芒告盟十天傳濟萬代藏之寶室典以玉  
 郎視之不見其形盲者遂見聽之不聞其道  
 聾者廼聞故得經教出興人世皆度若斷絕  
 經書何異擗植索塗而行已悟道真方離言

象未參道妙須藉真經因經得濟如乘巨舟  
 不溺波流起于道岸如此則衆生耳有所聞  
 心有所淨靈有所轉性有所通即登覺悟謹  
 按修真第八戒云不得交游非賢居處雜穢  
 以令弟子某等言念理由欲泯習與性移背  
 違乎睦姻孝友之箴超軼手規矩準繩之誨  
 親炙惟先於狎昵見聞寧有於琢磨聚結呼  
 游羣居宴飲笑談非益強暴相凌端人正士  
 之弗交匹婦愚夫之樂與中外捏成於鬪訟  
 後先迭起於嫌疑顛倒錯迷塵垢汙慢上來  
 往業見在世中昏蒙不立損斤尤多死墮地  
 獄長劫受苦若盡復生遂入惡道報盡復還  
 生於茲世以前業故尚有餘殃受報未已今  
 則聞經所說大可驚惶仰對聖前恭投懺悔  
 一心致虔皈依信禮

- 志心朝禮有無大混天尊
- 志心朝禮有始開化天尊
- 志心朝禮有德契元天尊
- 志心朝禮有名制始天尊
- 志心朝禮有物成象天尊

志心朝禮有朴為器天尊  
志心朝禮有象未形天尊  
志心朝禮有機潛運天尊  
志心朝禮有正得一天尊  
志心朝禮有言可建天尊  
志心朝禮有欲觀妙天尊  
志心朝禮有感若容天尊  
志心朝禮有真不諭天尊  
志心朝禮有炁常冲天尊  
志心朝禮有念能忘天尊  
志心朝禮有萬能同天尊  
志心朝禮有法成天尊  
志心朝禮有心無常天尊  
志心朝禮有常能明天尊  
志心朝禮有事宗無天尊  
志心朝禮有威可畏天尊  
志心朝禮有生不賦天尊  
志心朝禮有功不恃天尊  
志心朝禮有通三應天尊  
志心朝禮有智自明天尊

志心朝禮有德化民天尊  
志心朝禮有受不費天尊  
志心朝禮有大可逝天尊  
志心朝禮有化能守天尊  
志心朝禮有志強行天尊  
志心朝禮有教不言天尊  
志心朝禮有惟不累天尊  
志心朝禮有善不求天尊  
志心朝禮有微不守天尊  
志心朝禮有知不解天尊  
志心朝禮有情可得天尊  
志心朝禮有信可傳天尊  
志心朝禮有冲莫勝天尊  
志心朝禮有強來往天尊  
志心朝禮有與無混天尊  
志心朝禮有能無用天尊  
天尊上聖禮念既周再竭一心迷曠  
神府皈命  
紫皇天一真慶官元和遷校府北極佑聖院  
諸真仙衆今日道場大衆虔叩

教主北極鎮天助順真武靈應福德真君王  
虛師相玄天上帝伏願嚴教降靈除邪輔正  
周行六合普護兆民今為弟子其求懺上來  
所犯第八戒交游非賢居處雜穢之罪先世  
今生遺殃往劫上延祖考下逮宗親情分妄  
投每背理而傷道恣力威猛務好勇以誇雄  
或曠安宅而弗居或捨正路而不適措身多  
愧攘臂自矜孰云朽木之可雕但見枯根之  
易滅罪將條列惡已貫盈挽亂靈司糾錄不  
已今懺懺力願望宣恩勅下左司陽官右司  
陰官中司察官考官考吏考兵考士司禁定  
罪合部大神廣行慈憫並賜赦原求懺弟子  
某等同法衆等遵奉玄科入道登真戒當行  
無欲勿執已見誓從今去交須勝已取友必  
端惡居下流惟行中道聞善則拜敢萌自任  
之私見惡則遷盜守無偏之禮即斯發露徑  
此懺陳伏願福祿來崇災禍不作視聽言動  
出入起居常奉至真永依玄教以斯利益遍  
悉莊嚴教雨旁周仁風遠暢人皆趨於正道  
世杜遏於邪謀一切有情同登

道岸

北極真武普慈度世法懺卷之八

聖主

北極真武普慈度世法懺卷之九第十回 則十四

步虛

爾時妙行真人告諸仙曰吾自往昔聞太上妙訓曰吾於無形無名鴻濛洞溟溟之中開道玄黃分靈散炁從大羅下生三境次生九帝為三寶之玄津出三十六部為三境之玄根次而三十二天三十二帝潛通開化下分三界傍貫璇璣二十八宿五星躔度以明五方清炁上騰為天重濁下凝為地中生為人天地人物無不備焉故陽和正炁化生元君聖后仙妃玉女剛烈英勇之炁化生天丁力士神兵將吏陰陽五行之炁化生男女雜諤之炁化生飛禽走獸咸稟一炁萬種不同隨其化生受性各異出機入機一往一返長勞造化仰賴甄陶臣今恭披經品實深荷則十四因言開示了覺前因省悟此身至于今日幸居人品之中知過知非恭禮天尊用祈大有

一心敬禮人各恭信

志心朝禮虛無自然元始天尊  
志心朝禮玉宸道君靈寶天尊

志心朝禮太上老君道德天尊  
志心朝禮王虛師相玄天上帝  
志心朝禮聖父明真大帝  
志心朝禮聖母瓊真上仙  
志心朝禮聖師豐乾大帝  
志心朝禮西國紫玄元君  
志心朝禮金闕化身天尊  
志心朝禮玄元顯應天尊  
志心朝禮太清靈變天尊  
志心朝禮高上玉真天尊  
志心朝禮日光開瑞天尊  
志心朝禮武曲應化天尊  
志心朝禮虛星應化天尊  
志心朝禮危星應化天尊  
志心朝禮太一應化天尊  
志心朝禮天一應化天尊  
志心朝禮辰星應化天尊  
臣等志心皈身皈神皈命  
玄天顯靈應化諸尊上聖臣等恭承經寶太上垂訓曰三元八節五臘十直甲子庚申本

命之日一切仙真四極十華三界四天王童  
 王女金剛神王善惡童子上聖高尊飛天步  
 虛持幢建節燒香散花執符把籙按行人間  
 條錄善惡若有衆生不作諸惡能修諸善持  
 齋奉戒行道傳經建立壇殿開度天人施  
 布德講說大乘教化男女救度衆生天仙即  
 將人之善簿奏上天始告下天曹即令隨功  
 補過或遷上天或至得道或有掌管職制發  
 書種種仙階隨功遷補得登聖境者亦由積  
 善所及受茲福報若有衆生或爲官吏酷虐  
 萬民或恃豪強欺凌貧賤爲子不孝爲臣不  
 忠暴露三光不敬三寶怨天罵地欺公徇私  
 殺害猛性傷人異物十惡五逆三業六根結  
 造惡因遞招業報天仙即將人之惡簿奏上  
 元始告聞天曹遍下地府或令惡病或令死  
 亡或值冤家或爲異類或入地獄或入幽宇  
 經歷劫年無由得出皆是人之作惡受報謹  
 按修真第九戒云不得不忠不孝不信不仁  
 以令弟子某等切慮外邪交蔽下愚不移命  
 義之戒不明言動之端浸泯指鹿爲馬將竊

柄以弄權謂鳥曰鸞欲希恩而示寵博爽飲  
 酒而不顧其養私財慕色而不念其親嗾怒  
 父兄讒譖師友違禮傷教好勇莽貪施爲屢  
 誚於鄉閭罵教弗行手州里徇名失實悖行  
 違言徒木子金價城易玉矯枉輒欺於人已  
 虛辭不畏於神明坑陷賢能弄擠慈善毒痛  
 庶類虐害羣生上來往業見在世中處事崎  
 嶇遭人凌忽死墮地獄長劫受苦盡復生  
 遂入惡道報盡復還生於茲世以前業故尚  
 有餘殃受報未已今則聞經所說大可驚惶  
 仰對聖前恭投懺悔

- 志心朝禮大混疑空天尊
- 志心朝禮大橫澄元天尊
- 志心朝禮大器資治天尊
- 志心朝禮大象無形天尊
- 志心朝禮大冲隱名天尊
- 志心朝禮大梵彌羅天尊
- 志心朝禮大白光無天尊
- 志心朝禮大梵妙有天尊
- 志心朝禮大方不易天尊

- 志心朝禮大乘全用天尊
- 志心朝禮大羅曰上天尊
- 志心朝禮大量開明天尊
- 志心朝禮大行梵炁天尊
- 志心朝禮大明普鑑天尊
- 志心朝禮大洞真源天尊
- 志心朝禮大盈不溢天尊
- 志心朝禮大順至遠天尊
- 志心朝禮大秦赫空天尊
- 志心朝禮大法周行天尊
- 志心朝禮大數起元天尊
- 志心朝禮大志自強天尊
- 志心朝禮大不恃能天尊
- 志心朝禮大儻不爲天尊
- 志心朝禮大寡不逆天尊
- 志心朝禮大曆無疆天尊
- 志心朝禮大定有數天尊
- 志心朝禮大言不辯天尊
- 志心朝禮大雄不威天尊
- 志心朝禮大用無方天尊

志心朝禮大汎可恃天尊  
 志心朝禮大為不爭天尊  
 志心朝禮大強不息天尊  
 志心朝禮大質不文天尊  
 志心朝禮大威不武天尊  
 志心朝禮大色一炁天尊  
 志心朝禮大全四域天尊  
 志心朝禮大可分時天尊  
 志心朝禮大貴常無天尊  
 志心朝禮大廣清虛天尊  
 志心朝禮大禮無窮天尊  
 天尊上聖禮念既周再竭一心遙瞻  
 神府皈命  
 紫皇天一真慶宮元和遷校府北極佑聖院  
 諸真仙衆今日道場大衆虔叩  
 教主北極鎮天佑聖助順真武靈應福德真  
 君王虛師相玄天上帝伏願厚澤無私靈光  
 有燁鑑觀塵世覆佑愚氓今為求懺弟子某  
 求懺上來所犯第九品戒不忠不孝不信不  
 仁之罪先世今生遺殃往劫上延祖考下逮

宗親事君非禮而不克盡忠與人弗誠而多  
 行皆約圖怨親恩而頑狠觸犯長上以欺凌  
 或多言數窮不能守中或用意太虐不能慈  
 忍罪將條列惡已貫盈撓亂靈司糾錄不已  
 今憑懺力願望宣恩勅下考簿檢錄執罰典  
 刑糾過司非賞善紀籍陰陽典吏府署大神  
 廣行慈憫並賜赦原求懺弟子某同法衆等  
 遵奉玄科入道登真戒當行遜讓以道接物  
 誓從今去結纓靖難扇枕奉親克復禮以為  
 仁有諸已之謂信四端有則兢兢恐名教之  
 虧六典謹修端備盡檢防之道即斯發露徑  
 此懺陳伏願化日昭垂道風丕變凡服膺於  
 名節均彼冒於恩蔭落滅惡根殄掃邪魔之  
 撓注題福籍增延久祝之齡常奉至真永依  
 玄教以斯利益遍悉莊嚴道極恢宏德綿清  
 淨積善臻於餘慶推誠立於良因獲依寶祚  
 之尊安與天齊久更底璇源之深廣易地皆  
 然一切有情俱登  
 道岸  
 北極真武普慈度世法懺卷之九

北極真武普慈度世法懺卷之十  
 步虛  
 爾時妙行真人上白天尊曰陰陽劫運之數  
 可得聞乎天尊言曰上天運紀天圓十二綱  
 地方十二紀綱運三百三十度為陽字紀推  
 三千二百度為陰蝕天綱二百三十日運關  
 一周地紀二千三百日推機一度九千九百  
 度為天地炁交是名太陽九百六十度為天  
 地炁否亦名大劫大運也以數乘之凡三百  
 三十年一度陽字故為小陽九之災一百八  
 十萬九千年即天綱運關三千三萬周地紀  
 推機三千三百度此大運之交也夫天動地  
 靜陽蹠陰違故有字蝕之異耳此時天炁窮  
 於太陰地炁極於太陽陽極則字陰極則否  
 陽極則其精化為水陰極則其精化為火次  
 漂之以大水上至九天之下下至九地之內  
 金玉化消毫末無遺然後九炁復合謂之混  
 沌再分則三天上聖四天種民下世教化亦  
 如此劫之初三皇五帝相承而治矣如此變  
 革總名為元炁離合太上歷此離合之數經



無量劫故西昇經云動則有載劫自惟甚苦  
勤又云驅除之後開大有之民於是妙行稽  
首而言臣等不省本源莫知先後切恐世人  
生逢劫運何以保身今蒙所示大生怖畏是  
用竭心叩禮惟道是依此世來生不值災屯  
常親妙道願為一身再秉虔誠一心發念敬  
禮真聖

- 志心朝禮虛無自然元始天尊
- 志心朝禮玉宸道君靈寶天尊
- 志心朝禮太上老君道德天尊
- 志心朝禮玉虛師相玄天上帝
- 志心朝禮聖父明真大帝
- 志心朝禮聖母瓊真上仙
- 志心朝禮聖師豐乾大帝
- 志心朝禮西國紫玄元君
- 志心朝禮金闕化身天尊
- 志心朝禮玄元顯應天尊
- 志心朝禮太清靈寶天尊
- 志心朝禮高上玉皇天尊
- 志心朝禮日光開瑞天尊

- 志心朝禮武曲應化天尊
- 志心朝禮虛星應化天尊
- 志心朝禮危星應化天尊
- 志心朝禮天一應化天尊
- 志心朝禮太一應化天尊
- 志心朝禮辰星應化天尊
- 臣等志心皈身皈神皈命

玄天顯靈應化諸尊上聖臣恭承經寶太上  
垂訓曰吾念衆生流浪沉淪不出苦海此之  
世界名曰承賢死利天境亦曰雜報世界衆  
欲愛天生在其中暫生即滅暫聚即散如彼  
雷光須臾即逝不淨臭穢生老病死痛痒疥  
酸飢寒暑濕水火刀兵魔精鬼賊毒風惡症  
交相中害念念無常曾不暫住苦惱幾何目  
前行事身自纏繞尚不覺知豈肯信有諸天  
道境福地神仙長生不死自在無為世之受  
生促於蜉蝣世之快樂何異蜚蟲猶不自知  
常為安樂豈不是苦復念人之受生未有不  
從先業來者故鬼神揆實各有因緣罪福吉  
凶悉從其業所有壽夭貴賤富貧好醜智愚

等各不同乃至鳥獸蟲魚雞犬草木亦復然  
也况以人生受身其難逢過一朝敗壞萬劫  
何期我故殷勤戒勸汝等所以戒勸勤修齋  
戒行道誦經禮懺燒香然燈布施懺悔發願  
濟生度死造像寫經度人立觀水斷造橋道  
邊立井渡諸行人濟諸困苦種種方便為其  
衆生作當來徑路我豈有所求一切衆生各  
宜思惟謹按修真第十戒云不得輕忽言笑  
舉動乖真以今弟子其等竊慮蕩心駭目奮  
臂拙身湮沒五常忍畧三畏誹謗不實第多  
誇訕之辭落落無稽謔謂毀譽之直談何容  
易語本空疎拍掌長呵縱情大笑捧腹至為  
於絕倒悅顏不憚於佞邪撰造虛浮藐慢戲  
狎興居強誕出入顛播凡綱常躬履之間惟  
說諂面諛之務上來往業見在世中稟姿謬  
妄措慮險巖死墮地獄長劫受苦盡復生  
遂入惡道報盡復還生於茲世以前往業尚  
有餘殃受報未已今則聞經所說大可驚惶  
仰對聖前恭投懺悔志心敬禮

志心朝禮道元固一天尊

志心朝禮道悉淵冲天尊  
 志心朝禮道先大象天尊  
 志心朝禮道撼大樸天尊  
 志心朝禮道散成器天尊  
 志心朝禮道風無滯天尊  
 志心朝禮道不封治天尊  
 志心朝禮道成元梵天尊  
 志心朝禮道無可方天尊  
 志心朝禮道有可成天尊  
 志心朝禮道隨悉動天尊  
 志心朝禮道迎時運天尊  
 志心朝禮道開大古天尊  
 志心朝禮道御金有天尊  
 志心朝禮道展二儀天尊  
 志心朝禮道明三友天尊  
 志心朝禮道存帝一天尊  
 志心朝禮道臻化萬天尊  
 志心朝禮道上洞靈天尊  
 志心朝禮道落入妙天尊  
 志心朝禮道性清靜天尊

志心朝禮道觀內外天尊  
 志心朝禮道能窮理天尊  
 志心朝禮道可盡性天尊  
 志心朝禮道居權世天尊  
 志心朝禮道凌常用天尊  
 志心朝禮道明博益天尊  
 志心朝禮道貴坐忘天尊  
 志心朝禮道光遺照天尊  
 志心朝禮道教圓明天尊  
 志心朝禮道文簡約天尊  
 志心朝禮道理散萬天尊  
 志心朝禮道情得一天尊  
 志心朝禮道運虛通天尊  
 志心朝禮道流無極天尊  
 志心朝禮道全本迹天尊  
 志心朝禮道周體用天尊  
 志心朝禮道明出入天尊  
 志心朝禮道合道迷天尊  
 志心朝禮道常無為天尊  
 天尊上聖禮念既周再竭一心遙瞻

神府皈命

紫皇天一真慶宮元和遷校府北極佑聖院  
 諸仙真衆今日道場大衆虔叩  
 教主北極鎮天佑聖助順真武靈應福德真  
 君王虛師相玄天上帝伏願施恩報德掃穢  
 除氛過際乾坤開闢因遯今為弟子某懺悔  
 上來所犯第十品戒輕忽言笑舉動乖真之  
 罪先世今生遺殃往業上延祖考下逮宗姻  
 興邦喪邦謾一言之黃鼓成德敗德徒異意  
 以錙銖或以言廢人或游談聚義詭笑嬉戲  
 恣遊宴以無窮狂狷強務跳梁而罔忌弗  
 恒其德難與為仁同而不和驕而不泰罪將  
 條列惡已貫盈撓亂靈司糾錄不已今懺悔  
 力願望宣恩勅下三官九府百二十曹福地  
 洞天名山仙境考校考錄靈司大神巡察冥  
 官主紀僚屬廣行慈憫並賜赦原求懺弟子  
 恭遵奉玄科入道登真戒當行諸善常務保  
 持誓從今去修己以敬出入起居之益欵存  
 誠不欺舉措操修之加謹即斯發露徑此懺  
 陳伏願覆護匪私監觀如在施張大德原宥

積愆時叙調和疾疢災連之殄散家門寧謐水火盜賊之消除常奉至真永依玄教以斯利益遍悉莊嚴宗社綿洪邊疆澄肅疫疾不經於傳染痼痼無致於流行氣體充盈時永臻於泰定精神發越壽可算於耆順一切有情俱登

第十四

十二

北極真武普慈度世法懺卷之十

北極真武佑聖真君禮文

則五

舉法事如式

伏聞天關渺漠非言語之能交乾象昭明惟精誠之可格况神力夙稱於廣大而祥光普賜於照臨凡在庇庥敢忘信奉恭惟

鎮天真武治世福神王虛師相玄天上帝至靈赫赫威德巍巍稱大將於上宮為福神於下土六通四闢無願不從萬國羣生有求皆應今齋官某肅嚴蓬宇敬運葵誠望玄極以啟仰仰威容而讚禮爐烟縹緲期至信以潛通馨頌激揚想洪音之高徹伏願神明如在盼鑒來臨鑒此際之精虔削多生之罪對道場嚴潔誠敬肅將恭對高真一心讚禮

舉金闕化身天尊

志心皈命禮至尊至聖無古無今統五十億之天君積百千萬之梵炁立混成教本作極道宗師端嚴法相現慈悲燦爛圓光昭日月靜中說法玉明宮內列真仙空裏談經一顆珠中藏世界和  
大羅天上金闕宮中虛無自然元始天尊

志心皈命禮強名曰道尊以為君居上清七寶臺為三洞九真主廣說三乘教宏開衆妙門花冠傳萬變之名霞帔煥五雲之彩昇真度聖為上下之品階保國寧家超始終之劫運和

大羅天上金闕宮中玉宸道君靈寶天尊

志心皈命禮虛無變化冥寂玄通為教父於泰清作醫王於三界生成萬類總領羣真迴骸起死而枯骨靈真走策飛符而邪魔滅迹顯青羊於蜀國度紫炁於函關還淳返朴談道德五千言校罪論功為洞神十二部

大羅天上金闕宮中太上老君道德天尊

志心皈命禮道本玄元始名居太極先事天尊於赤明劫初正玉位於靜樂國內感日光之瑞應示有本而有源生聖嗣之神靈現至尊而至重和

聖父太初真君聖母太極元君高上玉皇天尊

志心皈命禮玄元應化武曲昭靈變現八十一身經歷六百萬歲祥開岐日儲神靜樂國

中炁受三無託質廣寒宮內道配乾剛之生  
育德同坤厚之載持道德本於自然威靈懾  
於萬有週行六合考校三元願力無邊神功  
第一和

鎮天真武治世福神王虛師相玄天上帝

廣寒宮裏鍾三炁 靜樂天中稟日光

虛無變化合自然 道德尊崇無與等

上配乾剛生庶物 下同坤厚載黎元

威容赫奕妙難思 培誓斷妖魔濟羣品

謹按修真第一戒云不得陰盜潛謀害物利

已伏念某多生以來曾犯此戒今禮高真虔

誠懺悔仗此道恩普垂赦宥

暗計潛謀陰害物 無邊罪業實難逃

臣今皈命禮高真 懺悔願除諸罪業

志心皈命禮大羅境上無欲宮中易號假名

度人濟物歷春秋之六七成功行於三千名

上徹於玉皇位特加於玄武和

鎮天真武治世福神王虛師相玄天上帝

大羅境上神仙裔 無欲宮中變化身

度人濟物顯神靈 走篆飛符與道法

細若蟲魚蒙大造 微雖草木荷洪恩

功成行滿冠羣仙 玉帝加封玄武號

謹按修真第二戒云不得殺害含生以充滋味

伏念某多生以來曾犯此戒今禮高真虔

誠懺悔仰仗道恩普垂赦宥

殺害含生充口腹 無邊罪業實難逃

臣今皈命禮高真 懺悔願除諸罪業

志心皈命禮五雲座上八景宮中聽金口之

洪音瞻玉毫之寶相因妙行殷勤之請知下

民枉橫之災掃邪魔於七日之中釋滯魄於

九泉之下和

鎮天真武治世福神王虛師相玄天上帝

神通廣大聞金闕 符命輝華降玉霄

暫勞奮駕下三天 盡掃妖氛纒七日

復御蒼龍朝聖境 載承教勅鎮玄天

尊為無上大將軍 永滅邪魔臻道炁

謹按修真第三戒云不得淫邪敗真穢慢靈

炁伏念某多生以來曾犯此戒今禮高真虔

誠懺悔仰仗道恩普垂赦宥

穢濁淫邪傷正炁 無邊罪業實難逃

臣今皈命禮高真 懺悔願除諸罪業

志心皈命禮班聯四聖位冠羣仙行大帝之

靈符佩玄元之寶印有妖必滅無害不除雷

動風行雲飛電掃和

鎮天真武治世福神王虛師相玄天上帝

班聯四聖真勇猛 位冠羣仙至貴尊

頂披紺髮示威容 手仗神鋒宣呪法

天罡太乙從驅役 社令城隍聽指呼

魔精妖怪敢當前 電掃雷驅皆滅跡

謹按修真第四戒云不得欺人成功析交離

親伏念某多生以來曾犯此戒今禮高真虔

誠懺悔仰仗道恩普垂赦宥

敗壞成功并闕謀 無邊罪業實難逃

臣今皈命禮高真 懺悔願除諸罪業

志心皈命禮身長千丈頂戴三台應虛危二

宿之躔象水火兩精之炁跨青虬而乘玄駿

顯化無方朝金闕而覆崑崙去來莫測和

鎮天真武治世福神王虛師相玄天上帝

三台輝映無邊際 千丈容儀絕等倫

虛危二宿合英靈 水火兩精分秀氣

金闕崑崙隨上下 青虬玄駮助威神

光明遍照於十方 一切人天皆敬仰

謹按修真第五戒云不得譏毀賢良露才揚

已伏念某多生以來曾犯此戒今禮高真虔

誠懺悔仰仗道恩普垂赦宥

譏毀賢良揚已德 無邊罪業實難逃

臣今皈命禮高真 懺悔願除諸罪業

志心皈命禮神通至大變化無方披髮跣足

儼威容布斗交乾宣呪語魁罡激指護羣品

於劫始劫終乾坤遊行臻道乘於天上天下

和

鎮天真武治世福神王虛師相玄天上帝

自在神通宜廣大 億千變化固難名

衣袍披甲儼威容 跣足躡罡騰玉步

天上天下臻道乘 劫終劫始剪魔精

交乾布斗呪言宣 一切癡妖皆縮首

謹按修真第六戒云不得飲酒過差食肉違

禁伏念某多生以來曾犯此戒今禮高真虔

誠懺悔仰仗道恩普垂赦宥

樂酒無獸并食肉 無邊罪業實難逃

臣今皈命禮高真 懺悔願除諸罪業

志心皈命禮位居壬癸將任甲庚有雷公電

母以先驅有風伯雨師而為御八煞前遮而

後擁六丁左從而右隨神鋒指處雪霜寒皂

轟開時雲霧捲和

鎮天真武治世福神王虛師相玄天上帝

壬癸一方居聖宅 甲庚二將助威神

雷公電母震山川 風伯雨師清道路

皂轟開時雲霧捲 神鋒指處雪霜寒

霓旌寶節下遙空 三界萬靈咸稽首

謹按修真第七戒云不得貪求無厭積財不

散伏念某多生以來曾犯此戒今禮高真虔

誠懺悔仰仗道恩普垂赦宥

貪積貨財慳不散 無邊罪業實難逃

臣今皈命禮高真 懺悔願除諸罪業

志心皈命禮分形散體寧國安家驅疫癘於

須臾捕妖魔於頃刻凡纏綿之疾苦盡獲安

康應沉滯之冥鬼俱蒙超度和

鎮天真武治世福神王虛師相玄天上帝

疫癘驅除皆屏跡 邪魔捕逐盡亡蹤

衆生疾苦獲安康 地獄沉冤蒙救拔

家國安寧功莫大 存亡依賴福無窮

受人醮祭下塵寰 普度有情登道岸

謹按修真第八戒云不得交友非賢居處穢

雜伏念某多生以來曾犯此戒今禮高真虔

誠懺悔仰仗道恩普垂赦宥

交友非賢居穢雜 無邊罪業實難逃

臣今皈命禮高真 懺悔願除諸罪業

志心皈命禮巡遊十洞審察諸天罰逆象而

滅妖氛祚善功而刑惡業除邪輔正助上帝

之鉤銘解厄延生植下民之福壽和

鎮天真武治世福神王虛師相玄天上帝

審察諸天誅逆象 巡遊十洞校羣仙

刑淫祚善震威權 赦罪錄功垂巨澤

稟命除邪恩莫極 為民植福利無窮

功成事遂返祥光 大衆真仙皆讚歎

謹按修真第九戒云不得不忠不孝不信不

仁伏念某多生以來曾犯此戒今禮高真虔

誠懺悔仰仗道恩普垂赦宥

忠孝信仁如有失 無邊罪業實難逃

○ 臣今皈命禮高真 懺悔願除諸罪業  
志心皈命禮醴泉為瑞神夢昭靈遵從有龍  
獸之雄示現有龜蛇之象普天率土禱祀遍  
於華夷亘古窮今靈應傳於兆庶和

鎮天真武治世福神王虛師相玄天上帝

發湧醴泉為瑞寶 蠲除民疾廣天恩

珍祠茂建答洪麻 徽號屢加昭聖德

幽讚上窮揚正教 宣彰妙用濟羣生

威容像設遍華夷 亘古窮今嚴敬祀

謹按修真第十戒云不得輕忽言笑舉動乖

○ 真伏念某多生以來曾犯此戒今禮高真虔

誠懺悔仰仗道恩普垂赦宥

言笑輕狂乖舉動 無邊罪業實難逃

臣今皈命禮高真 懺悔願除諸罪業

志心皈命禮東華南斗北極西靈六曜五星

千真萬聖光耀照臨於率土威靈烜赫於高

宮或司善惡之權或執短長之柄諸天真宰

幽府龍宮福地名山無鞅聖眾

舉十方靈寶天尊

志心皈命禮虛危二宿水火兩精天關地軸

之神君王女金童之仙眾皇壽執威權之柄  
魁罡當激指之方六丁六甲羣真八煞五雷  
列聖仙官力士猛將神兵一切威靈無邊聖  
眾諒翊隨於上聖俱衛佑於神功各生歡喜  
之心咸賜護持之力普增威德俱證希夷度  
諸有情成無上道

舉雷聲普化天尊

禮畢三清上帝北極佑聖真君巨等虔誠懺

悔 仰啓元天大聖者 北方壬癸至靈君

願開惡造廣無邊 法界眾生蒙覆護

願闡威靈臨有截 下方魔鬼悉消除

願垂惠澤濟無窮 惡道沉鬼俱解脫

臣等自從無量劫 輪迴生死至于今

沉聲滯色或有無 偽作喪具多巧詐

擾擾七情難斷絕 紛紛十業轉增深

信心弗固恣愚癡 誠意未孚多怠墮

食啖重腥忘禁戒 耽迷名利積愆尤

藏機挾數術功能 文過飾非虧信行

罵雨呵風生怨念 毀經謗法長無明

高低秤尺或欺瞞 裸露日星忘觸穢  
欲海愛河難出離 法橋道岸莫超升  
此生既誤入邪宗 異世恐應沉苦趣  
或係天司除壽祿 或因地獄累仇讎  
命如朝露可驚惶 罪若河沙難拯拔

仰仗高真垂憫惻 願哀塵世自昏迷

廣闢方便大慈門 俯鑒懺陳皈命禮

十惡六根諸業障 一乘道力盡消除

百生三世眾冤仇 兩捨惡心俱懺悔

懺悔已皈命無上正真三寶

舉志心發願

一願天地常清淨 二願皇王壽萬年

三願九祖盡生天 四願鄴都皆罷對

五願二炁無愆伏 六願五教悉豐登

七願永劫息干戈 八願四時無疫癘

九願眾生離業網 十願學道總成仙

總持十願結良緣 懺悔眾生諸業障

發願欲成無上道 願回天鑒照凡情

慈悲廣為作舟航 普度眾生登道岸

尚來禮讚諸功德 懺悔無量罪愆尤

天心天外四維中 普願一切成妙道  
發願已皈命禮無上至真三寶

誦經 回向

伏以一聲聖號能消劫劫之災衆誅真名可  
長生生之福言之難盡讚亦莫窮恭按沖科  
仰瞻妙相嚴陳讚詠之理備伸懺悔之誠惟  
天聽之匪遙冀人心之可格伏願惟宏慈之  
莫大念羣品之可哀俾蕩滌於前非盡釋赦  
於宿對丹書紀善碧簡延生眷屬安寧永處  
福齡之地九玄超度盡離幽暗之鄉以臻諸  
福則何福不臻以滅諸災則何災不滅千靈  
擁護萬事亨通倘副愚衷敢忘效驗稽首皈  
依志心稱念福生無量天尊不可思議功德  
此極真武佑聖真君禮文

太清中黃真經釋題

畫一

中黃經亦曰胎藏論胎藏論者九仙君黃真  
人所集也真人常觀察元炁浩然凝結成質  
育之以五藏法五行以相應明之以七竅象  
七曜以昭晰其識潛萌其神布行安魂帶魄  
神足而生形神相託神形相成口受外味以  
忘識身受內役以喪精神離形以散壞形離  
神以去生殊不知皮肉相應筋骨乃成肝合  
筋以外爪心合脉以外色脾合肉其外唇肺  
合皮其外毛腎合骨其外髮誠傷筋苦傷骨  
甘傷肉辛傷氣酸傷血故聖人曰先除慾以  
養精後禁食以存命是知食胎炁飲靈元不  
死之道返童還年此蓋聖人之所重也且夫  
一士專志下學而上達一夫有心觀天道之  
不達學而無至謂之愚不學不知謂之蒙然  
三蟲未去子踐荆棘之田當三蟲已亡自達  
華胥之國顯彰雲路備述胎仙知聖行之根  
源辨仙官之尊位至於霞衣羽服玉館天廚  
蓋為志士顯聊泄天戒非人妄告殃爾明微  
察此聖門必登雲路慎無傳於淺學務莫示

於斯文慢而折神輕言損壽若非志士無得  
顯言總一十八章列成一卷號曰胎藏中黃  
經皆以篇目相銜又句相繼義精於成道言  
盡於養生行顯意直事真文切食炁之理備  
載歸天之道悉成搜筆錄章列為於後

太清中黃真經卷上

九 仙 君 誤  
中 黃 真 人 註

內養形神章第一

內養形神除嗜慾

內養形神除嗜慾者乃無相之真形也太  
上言真道養神偽道養形將靈谷元神入  
於天谷之中密固根源養之耳大洞所言  
人有三十九關斯天谷穴乃是第一關也  
太上曰若守我在於死炁之關令七祖枯  
骨皆有生炁故言內養形神除嗜慾也洞  
元經云修養之道先去於嗜慾內合於五  
神次當絕粒心不動搖六腑如燭常修此  
道形神自定  
專修靜定身如玉

神與物交心似太虛安鎮本根自然靜定  
夫人心起萬端隨物所動常令靜居不慾  
與衆混同內絕所思外絕所慾恒依此道  
元炁自足  
但服元炁除五穀

世人常以五穀為肌膚不知五穀敗身之  
有餘令取春三月淨理一室設机案建以  
厚暖牀蓆案上常焚名香至夜半一炁初  
生之時乃靜心神當叩齒三十六通以兩  
手握固仰臥瞑目候常喘息出時合口鼓  
滿依法咽之入腹當覺作聲以飽為度飢  
則更咽但當坦然服之無所畏懼炁入之  
後如覺口乾則服三兩啜胡麻湯此物能  
養蒸潤腹其湯法取上好巨勝三大升去  
皮丸蒸九曝又取上好茯苓三兩細研為  
末先下巨勝末煎三兩沸次下茯苓末又  
煎數沸即入少許酥蜜遇渴時飲一兩蓋  
佳不惟止渴兼能止思食之念或服四時  
枸杞湯時飲一兩蓋亦善其咽炁自然得  
通暢但覺腹中安和咽炁自當流滑即一  
切湯水自然不要喫漸通妙理但能服炁  
攻盤於腹腸糞自盡如入湯水直至臍下  
初服炁者如覺小便黃赤勿怪也心胃躁  
悶亦無為懼但心定不移自達妙理若非  
絕湯水雖腹腸中滓盡終不得洞曉是非

若要絕水穀只在自看任持亦不量時限  
遠近亦有一月或五十日亦有一百日但  
絕其湯水者三丹田自然相次停滿三十  
日下丹田滿六十日中丹田滿九十日上  
丹田滿下丹田炁足藏府不飢中丹田滿  
者炁滿體無虛羸上丹田滿者凝結容色  
殊光肌膚充盛三焦平實永無所思神凝  
體清方曉是非下丹田滿者神炁不泄中  
丹田滿者行步超越上丹田滿者容色殊  
麗既得三部充實自然身安道泰乃可棲  
心聖境襲息胎仙此為專炁之妙門求仙  
之上道也若或食或斷即令人志敗好食  
諸味難遣穀炁此者襲炁之所疾求仙之  
大病也經云鹹美辛酸五藏病津味入牙  
昏心鏡致令六府神氣衰百骸九竅不靈  
聖人能堅守禁絕諸味嗜慾者九十日三  
丹田凝實百日内觀五藏三百日鬼恠不  
藏形陰神不敢欺千日名書帝錄形入太  
微矣  
必獲家天得真錄



凡飛鍊上昇爲下天仙官若存想無爲炁神修三一之道者得上天仙官若真子服胎息成者得蒙天昇真錄千乘萬騎迎于當獲中天真尊之位

百日專精食炁足

謂三丹田炁足也凡食炁吞霞言是休糧蓋非旦夕之功先以德行護身次以除陰賊嗔怒此學道之志也陰賊未除三蟲不去或行非教之事不復成矣故太微玄章云除嗜慾去貪嗔安五藏神足矣

### 食氣玄微章第二

食氣玄微總五事

夫言玄微者乃無爲玄妙之理言五事者但學絕粒則魂魄變改三尸動搖者也

大關之要莫能知

夫人內行未成不知諸魔相違謂言道法無效蓋不達真理也若是先具內行仁德只服津液尚有安和況於服氣之哉

一者初服力尚微

凡初服氣爲有滓滯直至一七二七日以

來滓穢退出漸覺體內虛羸百節無力勿以爲訝緣元炁未達腹胃中所以覺虛弱但咽炁使漸通流日勝一日但當堅志守一候下丹田滿足頓無飢渴假令未達皮膚容色黃瘦亦勿以爲畏後當悅澤矣如

不專志兼食行則用力無效也亦愛數敗則此爲不具內行之人則如此也若但有愛緣牽心自使敗

但常堅志守一候

一候者乃下丹田炁住漸至滿足則是也既下丹田炁足永無飢渴若畏力微瘦黃者不能修也若穀水絕則日久自然悅懌自下來也

要子將心運守之

太玄經曰凡休糧諸門甚多學道至近須九年以下無成者也唯有服炁堅守百日

禁諸湯水子心不動三尸自除永無敗矣只爲學者淨心未定居二疑之端使心神

動搖三尸齊起百思既至心跡難歸雖服炁易爲退敗猶預必不靈聖者也

二者數存子何別炁則難停而易洩

夫體服炁欲速達五藏可除湯水藥物禁斷四十九日使小腸滓盡穀炁自絕咽炁自得通流亦有不成者多爲學人心容變易或食或止故自敗矣若少食諸味則難

達穀炁若要用炁使內藏分明當服此元炁五十日百物不食閉目內想脾藏中炁從心起散於四肢仰卧呪曰

中央戊己內藏元炁黃色力堅運之可理丹陽莫辭朱雲共議得達四肢黃雲大起

每至五更雞初鳴時常候莫令參差如此二十七日内見脾藏中炁鬱鬱如黃雲透於四肢後當使此炁滅燭吹火百步外使之如大風起可以興黃雲閉彼形人無見者若不依五更初及不堅守或少一日無效矣此者中黃閉炁之法也

或則體弱而心虛或則藏虛而力劣用炁未達四肢當有虛弱之證但堅守志勿以爲恐矣故大洞經云守之如初成道有餘者矣

三者上蟲居腦宮

洞神玄訣云上蟲居上丹田腦心中是也其色白而青名曰彭踞使人好味嗜慾癡滯學道之人宜禁制之假令未絕五穀常行此心持念一年之外上尸自終亦有成

矣人不知玄奧空絕五穀若不除貪欲之心者焉得三尸蟲滅矣

萬端齊來搔子心常思飲膳味無窮想起心生益病容

夫學道者若不得內行扶持身心却反為

三尸蟲所感亂也

四者中蟲住心官

洞神玄訣云中蟲名彭質其色白而黃居

中丹田使人貪財賄好喜怒濁亂真炁令

三尸變易七魄流蕩故洞玄經云無喜無

怒三蟲大懼不貪不欲和炁常足坐見元

陽萬神來集者也

遣子魂夢神飛揚或香或美定無方或進或

退難守常精神恍惚似猖狂令子坐敗想錄

種子若知之道自昌

怡然不易其道自常矣

五者下蟲居腹胃

下尸其色白而黑名曰彭矯居下丹田使人愛衣裳耽酒色學道之人當心識內安堅持制之尸鬼無能為也及無敗矣

令于淡泊常無味

常守淡泊三尸自滅三尸既亡者永無思慮矣

慮矣

靜則心孤多感思撓則心煩怒多起

夫初服炁未通被三尸蟲攪亂或則多喜

怒或則多悲思或耽嗜欲滋味者也

使人邪亂失精理子能守之三蟲棄

太上昇玄經云若服炁絕食堅心經一月

一蟲自去二蟲無託人能但服炁堅心守

之三十日上蟲死六十日中蟲死九十日

下蟲死百日心不移則自然身體康健精

神清矣永無退敗若或食或斷令人志敗

徒勞而無效當守持之

得見五芽九真炁

五芽者乃五行之正炁生於五藏之中九

真者為九天之道也此五炁成還應九天所以五藏之炁名九天也元炁成當自然得明五行之炁驅使無不通者也

五芽成惡辛酸味

五芽成惡辛酸味

若五味不絕五藏靈炁不生終不斷思錄之想亦可止思欲之念及絕水穀外味之物則何慮不生五炁五炁既生則五情易暢五藏既滿元炁自凝元炁既凝五神自見五神既見備曉人間好惡是何世俗之

慮能牽者乎

為有三蟲鎮隨子尸鬼坐待汝身死何得安

然不驚畏

三尸之鬼常欲人早終在人身中求人罪

狀每至庚申之日上白司命若無驚懼不

早修鍊形神絕制五味使人年敗炁衰形

神枯悴空有松筠之志無復成矣一朝命

絕悔將何及者乎

勸子將心捨凡事

服炁大要者須靜持心神止捨煩務使三

勸子將心捨凡事

服炁大要者須靜持心神止捨煩務使三

尸自滅神炁而行自然通達五神獲安妙理也

超然自得煙霞志

能清靜神炁則志自潛明超然洞悟有煙霞之景在手目前

煙霞靜志章第四

煙霞靜志通神與

若得水穀炁除自然諸脉洞曉五藏靈光化生縱捨自在深奧故不可測也靈光者乃神炁也

令子坐知生死道

若能制絕諸味百日之後無不知矣自得衆靈潛伏生死之路備觀機覽天外陰司之道恒知者也

蒸筋暴骨達諸關握固潛通百竅閉

謹按胎息至理經云凡服炁五十日假令未絕水穀每遇日色清明時景朗耀於正午之時當入靜室厚施軟褥牀席散髮低枕握固於兩脇之傍叩齒七通端心瞑目似覺微悶則須用力閉炁握固使漸漸筋

脉舒開靈炁潛通骨肉之間津汗潤澤於皮膚之內但當數數運用自得顏色悅懌炁力兼倍髮如沐漆長若青絲如不解閉炁鍊形運用元炁通流潤澤於皮膚之上終不得自在若炁行通於毛髮之間自然髮髮跳蹶若不得此法雖絕粒長生亦同瓦礫草木無精光者也

百竅關連章第五

百竅關連總有神

百竅通於百穴百穴通於百脉眼上有二穴通於肝脉肝脉通於心故心悲而淚騰上二穴通於鼻脉通於心脉故心悲則鼻酸鼻脉復通於腦脉故腦熱而鼻乾洞神明藏經云百脉通流百竅相生百關相鎖百節相連故一穴閉而百病生一脉塞而百經亂故服炁無疾諸脉自通道人不死乃胃腹中無物停留也鑿察吉凶百神歸集於體寒熱不近元炁調伏於身衆毒不千五藏靈神固護猛獸不搏土地常自衛持隱顯自在骨肉合於玄牝去留無滯無

所不通自然達於真道何處不契通於聖智哉

由于驅除歸我身

百關九竅皆有神宅也藏腑無邪炁所生則萬神歸集邪炁即散炁是也若正炁流行所有瘡痍癩瘰零炁自然消滅者也恬然得達自明真

故得調鑿昭然是辨邪正之類

自明真道永長存

致形神於不死之門鼻子身於九天之上長存之道章第六

長存之道因專志

精專用意則可通於聖理

返荷三魂知不死

炁通之後當自荷形神明不死之路者也

何物為寬七七裏

服炁滓盡後絕水穀最功者在四十九日漸當百脉洞達返照如燭俗心頓捨五藏恬然若不堅持前功併棄再理何可終不成道而矣

堅然慎守酸鹹味

食諸味者難遣穀炁

鹹美辛酸章第七

鹹美辛酸五藏病津味入牙昏心境

但是五味入牙皆通於兩眼之穴散露於

百脉之內使穀炁堅實藏府停留若求速

達者尤宜卓然斷絕也

致令六腑神炁衰百骸九竅不靈聖

為神炁不凝丹田之中靈光不照於藏府

之內也

子能慎守十旬中諸脉洞然若明鏡

使功滿十旬終者神炁自當凝實靈光煥

耀如燭無不洞達者也

六腑明神不隱藏與子語言說心境

五藏神自見也

滯子神功去路難大都穀實偏為病

若穀炁不除終不見幽玄至理也若能絕

穀水者自達玄境也

穀實精華章第八

穀實精華與靈隔纏羅六腑昏諸脉

五

十二

穀實精華化為涎膜纏羅五藏六腑關節

筋脉故不可得知但是服炁之人經五十

六十日後見腸胃中滓盡將謂更無別物

不知穀炁精華未出也所以有思慮慮

散之意反變情切心懸不可堪忍亦為尸

鬼所動之禍也自後但有物出如膿如血

或若壞腸脂或若雞鴨糞此乃穀炁欲出

有此狀也後更三二十日又有異物出如

涎如膜此則穀實精華之狀也若先曾兼

食服炁或斷或絕或修暫上經歷歲餘一

旦頓絕還效便成若無諸狀候亦不恠也

但無穀炁則炁通達百脉洞明返照如燭

大洞經云初服炁之人亦覺腸中滓穢盡

只見所食湯水旋於腸中胃腹內更無別

物不知穀炁自出也若穀炁絕盡則更無

所思想念形神怡然藏腑安泰自無思慮

寂寞瘦弱等疾也若遇有寂寞羸弱不可

懼而退生及不進之憂必審而思之無得

退也若能頓絕湯水三十日以來稍生絲

毫疑慮不一之心退志不能堅守者永無

十一

十三

成矣有似穿井及淫見水而不取也苦哉

痛哉大苦哉大痛哉

元炁不返何所依子心未達焉能測

穀炁不除於藏府之間元炁不降於丹田

之內故道者昧然不知神功在近者也慎

之

可惜玄宮十二樓那知返作三蟲宅

若不修鍊形神身中宮室皆為三蟲之窟

宅也

三蟲宅居章第九

三蟲宅居三部裏

此三蟲常在三丹田中也

子能運用何憂死

但依聖人之言用心修持何慮殃累之患

所及也

慄然鬱鬱常居此

元炁常引內炁既周流於身中則上下通

和却復三丹田之內也

自辯元和九仙炁

穀實之炁既盡則元和之炁自然辯識者

也

九仙真炁章第十

九仙真炁常自靈三蟲已死復安寧

大洞玄經云三尸既亡神炁自昌百日之內可以驅神及照五藏元炁使之如神聖

者也若居世遊隱法具在胎息章中說也

由子運動呼吸生

神炁若足呼吸運動興雲起霧自然得隱

化無滯無碍也

居在丹田內笑笑

服炁成者丹田炁自平實可上昇下遊十四

丹田中凝納若雞子炳煥如燭光照數里

無不耀赫為丹田神炁之妙此也

筋骨康強體和平

三光經云鍊髓如霜易骨如鋼服之十日

力倍於常復能日行千里奔馬不及如神

者矣

靈識恬然自暢情思逸神高心彩明

食炁既實者心神常自暢悅情高思逸素

賤人間者也

却聞五味氣腫腥

視五味見滓穢視五香聞腫腥尋苗見根

道功成者故有是聞自然如此為天炁達

於自身者也俱有此見也哉

肌膚堅白筋骨清

胎息章中自有鍊骨法具載也

地府除籍天錄名坐察陰司役神明內合胎

仙道自成

服炁成者當自察知陰府役使神明若入

胎息至於百息者當身入異境地籍除名

服至千息者三天錄位魂遊上境也十五

太清中黃真經卷上

太清中黃真經卷下

胎息真仙章第十一

胎息真仙食炁得却閉真炁成胎息

服炁經云一百日五臟靈竅方可入胎息

唯九天神經云先須窳室無風厚軟纏蕭

枕高四指方與身平用一志人同心道侶

捐捨凡心握固仰卧情無所得物無所牽

靈炁漸閉心識怡然初閉經十息至十五

息二十息百息只覺身從一處如在房中

只要心不動移凡一日一夜十二時都共

一萬三千五百息故太微昇玄經云炁絕

曰死炁閉曰仙魄留守身魂遊天上若閉

炁至百息魂神當見其魄者緣是陰神魂

者陽神且陰神常欲人死不欲人生其神

七人衣黑衣戴黑冠素黑鬘洞神經云為

之玄母此神是陰尸之主若見此神于當

謹心存念呪曰

玄母玄母吾尸之主長骨養筋莫離屍去

吾與魂父同遊天去

次當見魂父有三人各長一尺五寸衣朱

衣戴朱冠持朱璽當引上元宮見諸腦神百餘人出于身當見三丹田中元炁如白雲光照洞達于當謹呼三魂名一曰爽靈二曰胎光三曰幽精得此三魂陽神領腦官諸神萬萬千引

于元神遊於上天當出之時但覺身從炁房中出當見種種鬼神形容之狀或偉大者數丈或微小者如鸞雀或披髮若亂蓬或開眼如張電綠為上界之道皆是鬼神之過路子但當安心定志勿生怖畏自達安境如一切無所見者最為上也但黑白分明是善相也所以須要得良友相伴相助綠元炁上與魂神相應切慮定息之時別有所見心則不安元炁當自口中出則故于身不得去也但一夕之中令傍人或自記喘息數至千息于當與三元神同遊上界也其道當成其道既成之後不得微有泄漏神理最為上妙大忌大忘大慎之大慎之不可有漏泄於人也但不顧於物不生異心鬼神及魔自伏其德

羽服霞彩何所得皆從五藏生雲翼

鍊形上昇自化成五色羽衣中天羽經云輕輕狀蟬翼燦燦光何極蟬為飲露食炁而故生羽翼人服元炁而天衣下凝於體則可知也

五藏真炁章第十二

五藏真炁之苗英

太華受識經云元炁合化布成六根吉凶受用應行相從內炁為識胎炁為神于能胎息還嬰返魂也五藏之始先布於水內

有六府外應六根

肝主東方其色青

太明五緯經云肝主於木生於水尅之於土來自東方其色青蒼受之於陽潛伏此炁千息生光但常用炁未至胎息當存想青炁出之於左脇但六時思之不輟自子時常隔一時思之至五十日當見此炁如青雲用此炁可理一切之人熱疾時行癰腫疥癬及瘦但觀前人疾狀量其淺深想此炁攻之無不愈瘥如觀前人患肝經之

病面色枯悴則稍難理之不可治也

于但閉固經千息青色周流色自然

胎息經云千息色青內自凝結者也

心主南方其色赤服之千息赤色出

太明五緯經云心主於火生之於木尅之

於金來自南方其色赤受之於朱陽為夏天也潛伏千息當出心堂常服炁未至胎息者常以每至午時想赤炁自心存如雞子許漸漸運赤炁從頂而出出者自散存之呪曰

南方丙丁赤龍居停陰神避位陽官下迎思之即至用之即靈

自此三呪之常行此炁勤誠存想五十日不關當有赤炁如火光自見用此炁可理諸人一切冷病使炁攻之即瘥愈而矣如患人面色帶青者乃陰炁不可治也凡存

咒想神炁法者並忌他人知之肺主西方其色白服之千息其色極

太明五緯經云肺主於金生之於土尅之

於木來自西方其色白澄淨微芒潛伏千

息光明洋洋常服每至丑時存想肺間有  
炁狀如白珠其光漸大上注於眉間存之  
呪曰

西方庚辛太微玄真內應六腑化爲肺神  
遊於丹田固護我命用之神仙急急如律令

存念一遍如此四十九日肺中有炁如白  
雲自出此炁可照地下一切寶物及察人  
之善惡示表如裏如不存想此法服炁三  
年方見五藏內事此緣不具真行使用不  
辯相尅相生如寒用心氣緣是火炁如熱  
用腎炁緣是水炁不達此用炁則亦無効  
也九炁經中亦不言炁法寥廓尚秘況是  
人間者也

脾主中央其色黃服之千息其色昌

大明五緯經云脾主於土生之於火尅之  
於水來自中方其色黃閉服千息但當一  
日一想不限時節亦無呪法其脾藏存之  
四十九日自見此炁脾中而出已後可將  
身隱入牆壁無所礙也  
腎主北方其色黑服之千息其色得

大明五緯經云腎主於水生之於金尅之  
於火來自北方其色黑伏之下元主持命  
房內有真白守之不忘此五藏神炁但至  
五更初各存想炁色都於頂上不必一一  
別存想兼不用呪法亦得只是校遲百日  
後其色已成立可用驗也

驅役萬靈自有則

服炁心志兼持內行內外相扶元炁充滿  
五藏及丹田之中至周年之後應是世間  
鬼怪精魅及土地神祇並不敢藏形所在  
之虞地界神祇自來拜迎常隨衛道者陰  
司六籍善惡之事俱得知委然亦不可便  
將驅使緣未具三天真籙慮者損折若入  
胎息得昇身訣者但要遊人間當依此經  
尸解法自然遊世即無遮碍而已不爾未  
可忘道也若不務此術者但務化人而已  
自他俱利者也  
乘服彩霞歸太極  
胎息伏陰經云內息無名內行相成若不  
持戒行未入胎息豈得合神若人未入胎

息如要遊人間者可行尸解之術太微靈  
隱書曰凡人未入胎息及已入胎息者要  
遊人間俱可行尸解之術隨物所化故有  
託衣衾所化者常以庚辛日取庚時於淨  
室中所卧床頭須設机案焚名香一盤下

著柱者龍杖及履鞋等物盡安置於頭邊  
身不解衣衾及以衾蓋之首西而卧自念  
身作死人當暗念此呪七遍呪曰

太一玄冥受生自靈七思七召三魂隨迎  
代余之身掩余之形形隨物化應化而成  
急急如律令

呪畢此法存念一食之間但當依尋常睡  
卧如修之日存念之起輒不得與外人語  
言忌之若與人言者其法不成如此常行  
四十九日漸漸法成既成之後或要作則  
不問行住坐卧暗念此呪七遍隨手捉物  
自身便去衆人只見所執者之物化爲已  
身身將已死矣後却見物還歸本形此法  
即可以下界遊難助身不可爲非道之事  
大須慎謹其法大須隱默若卧在牀上但

以被覆其身隱化者暗念呪一遍便却去他人只見所卧余被是彼形死屍却不見衣衾法成大忌財色留心神明誅折也

太極真宮章第十三

太極真宮住碧空絳闕崇臺萬萬重玉樓相倚列危峯

上界宮館生於窈冥皆五色之炁而結成下界土地皆是水炁橫凝而扶住故不得自在不得堅長不得平正上界以八珍為土地七寶為用器至於宮殿七珍合成有自然不運之力無人興動用之功上界以七珍精炁為日月下界以陰陽純炁為日月下界言一年三百六十日是上界一日十二時也太微玄經云不食土地精生居太一城此為形神俱得去也

瑤殿瓊光彩翠濃紅雲紫炁常雍容玉壁金楹內玲瓏

玄宮玉堂經云白玉為壁黃金為柱青瑤為樑紅玉為床為七珍翠彩煥爛光徹內外無礙千閣萬樓互相影對大仙真人猶

居此之外者也  
鳳舞鸞歌遊詠中

上界有天鳳之舞鸞雷之歌皆是曲名者也

玉鏤金裝任意從

九宴玄厨經云一日十進九霄之饌七獻

八瓊之漿一日十進七獻酒也

九炁真仙位列崇

服胎息成者得列九真上仙矣

九炁真仙章第十四

九炁真仙衣錦衣綃霞裳蟬帶垂

真君衣瓊文錦蟬翼之衣者也

天冠搖響韻參差

冠搖衆珮響亮五音之韻為自然也

九天花履錦星奇

九天錦為履其花零亂如眾星攢壁者也

却佩霓裳朝太儀

霓裳仙官朝服也初得仙皆朝太儀真君

九天之主也

十方彩女執旌麾百靈引駕玉童隨前有龍

幡後虎旗

前朱雀後玄武左青龍右白虎皆是百靈之數也

羽服飄飄八炁吹

八炁乃八方之正炁也先治道路而矣

更上寥天入太微

太微九天都在第五天金星輪朱華宮轄日月五星神宿行運之時亦管下界生死之籍奏聞太微凡此官吏曹署約四十萬局眾大數也

太微玄宮章第十五

太微直上寥天界動靜風調鳴琴籟

太微上界所有風搖皆如笙簧之韻極樂之所自然如此

殿閣穹崇何者隗

者隗謂虛峻極也殿閣重數甚多橫壯尤麗而矣

壽永衣輕人體大九天各各皆相倍

九天羽服儀仗各相次加倍羽衣轉輕人體轉大彩翠鮮華日月轉邁長遠也

體轉大彩翠鮮華日月轉邁長遠也



是謂因心得自在

因心運身得出三界也

靜理修真為聖人九行空門列真載

夫九行者道人之窟宅也動息住持不離

其內一者為以慈愍為衣二者以上捨為

食三者以正心為乘四者以專志為財五

者以謙下為牀六者以順義為器七者以

懃慧為窟八者以修空為宅九者以陰施

為業修道之子不持此九行去道至疎遠

矣

九行空門章第十六

九行空門至真路大道不與人爭怒動息能

持勿暫停陰神返照神常助

持心不息其道易成

諸行無心是實心因心運得歸天去

無心之心因心運心道雖無心還因心有

除垢無心是謂真

眾事曰垢無事曰除除心止念萬行歸余

也  
自隨胎息入天門

胎息以善行為要機以無念為至路者也

玄元正理內藏身無曲潛形體合真

洞玄經云心無曲萬神足

三部清虛元炁固六腑翻成百萬神

三元靜則六腑調真炁歸則萬神應二理

相合五藏六腑諸神共有百萬之餘自然

顯現相和應也

六腑萬神章第十七

六腑萬神恒有常

五藏六腑百關九節有神百萬若日常清

淨修之則當自見矣

大腸之中主肺堂

腑為首三焦之主也

元和淨理穀實盡

但以元炁攻運何慮穀炁之不去

中有靈神自隱藏

藏腑既淨萬神自藏故大明經云大腸主

肺也鼻柱中央為腸重一十二兩長一丈

二尺廣八寸在臍左邊曲疊積一十二盤

貯水穀一斗二升主一十二時內有神各

具本色衣冠一十二人若除水穀炁盡元

炁自足其神當見各於本時迺相護衛修

道之子者也

腎腑當明內官女外應耳宅為門戶

內神經云精主腎腎為後宮內官列女主

腎耳之宮承炁於耳也左腎為壬右腎為

癸循環兩耳門中有神五百人內有元神

守之都管兼主志智凡人好嗔怒則傷腎

腎傷則失志失志則喪道之本也元神亦

散修行之人大忌嗔怒道成則內神常見

於人衛道者也

膀胱兩腑合津門氣海循環為要路

膀胱是兩腑為津門腎合於膀胱乃受津

之府上應於舌根也津液往來常潤澤肌

體舌岸以應兩膀胱炁少則不潤服炁之

人常欲少語以養津液故語多則口乾口

乾則難用炁也中有神三百六十人應

一年之數炁成當見其神常抱無貪之行

故道者不貪志合神理大洞昇玄經云行

合神見道成歸天此神人行胎息即自出

常以護衛人近道也

子當得見內神彰終身不泄神常助

終始不泄天神助子

勿泄天機章第十八

凡遇天經子莫輕泄當志慎之

三十三篇世絕知況復中黃秘中秘

道有胎光經三十三篇禁絕不許妄傳況

茲中黃靈句秘之特重慎之慎之者矣

先禮三真玉仙使然後精心觀文字

教今科云欲開示三真等經先須擇甲子

日淨室焚香心存南華真人念九天真聖

三天真君同開作證首東作禮四拜方許

開示然後云某為求道輒開九天大聖真

文傳示一遍故得百靈同助身歸太无名

入天戶不得示於三人切忌容易泄漏若

不依經教妄開示者及如觀常文必有殃

責非淺獲過不輕矣

違教身惟非橫殃子孫受禍當須忌

餘殃明罰世世子孫受禍大忌大忌

太清中黃真經卷下

太清導引養生經

慎修內法

赤松子者神農時兩師也能隨風上下至高

辛氏時猶存

常以朝起布席東向先以兩手叉頭上挽頭

至地五翳五息止脹氣

次以卧右手掩腦左肘肘地極復以左手掩

腦右肘肘地極五息止引筋骨

次以兩手據右膝上至腰睡極起頭五息止

引腰

次以左手據腰左膝右手極上引以復右手

據腰右膝左手極上引皆五息止引心腹

次以左手據腰右手極上引以復右手據腰

左手極上引五息止引腹中

次以叉手脅前左右搖頭不息自極上引

面耳邪氣不復得入

次以兩手叉腰下左右自搖自極上通血脈

次以兩手相叉極左右引肩中

次以兩手相叉反於頭上左右自調引肺肝

中

次以兩手又臂前左右極引除皮膚中煩氣  
次以兩手又左右舉肩引皮膚立左右搖兩  
脛引除脚氣

右赤松子導引法除百病延年益壽此自  
當日日習行之久久有益

竊先生者黃帝時人為陶正能積火自燒而  
隨煙上下衣常不灼

常以子後午前解髮東向握固不息一通舉  
手左右導引手掩兩耳令髮黑不白卧引為  
三以手指指項邊脉三通令人目明東向坐  
不息再通以兩手中指點口中唾之二七相  
摩拭目令人目明東向坐不息三通以手掩  
鼻兩孔治鼻宿息肉愈東向坐不息四通啄  
齒無通數伏前側卧不息六通愈耳聾目眩  
還卧不息七通愈胃中痛救抱兩膝自企於  
地不息八通愈胃以上至頭頸耳目咽鼻邪  
熱去枕握固不息自企於地不息九通東首  
令人氣上下通微鼻內氣愈羸不能從陰陽  
法大陰勿行之  
蝦蟇行氣法正坐自動搖兩臂不息十二通

愈勞大佳左右側卧不息十二通治痰飲不  
消右有飲病右側卧左有飲病左側卧有不  
消氣排之日初出日中日入此三時向日正  
立不息九通仰頭吸日精光九咽之益精百  
倍

入火垂兩臂不息即不傷火法向南方蹲踞  
以兩手從屈膝中入掌足五指令內曲利腰  
尻完治淋遺溺愈箕踞交兩脚手內並脚中  
又又兩手極引之愈寤寐精氣不泄兩手交  
又頤下自極利肺氣治暴氣數舉兩脚夾兩  
頰邊兩手據地服療宿壅舉右手展左手坐  
右脚上掩左脚愈尻完痛舉手交頸上相握  
自極治脇下痛舒左手右手在下握左手相  
指自極舒右手左手在下握右手相指自極  
皆治骨節酸疼掩兩脚兩手指著足五指上  
愈腰折不能低仰若血久瘀為之即愈豎足  
五指愈腰脊痛不能反顧視者以右手從頭  
上來下又挽下手愈頸不能反顧視坐地掩  
左手以右手指肩挽之愈傾側膝腰及小便  
不通東向坐向日左手擗月舉身望北斗心

服月氣始得衆惡不入理頭仰苦難牽右手  
反折各左右自極張弓兼補五藏不足氣則  
至抱兩膝者習自極此常令丹田氣運補腦  
坐地直兩脚以手掩脚脛以頭至地調脊諸  
椎利髮根令長美坐地交又兩脚以兩手從

脚中入低頭又項上治久寒不能自溫耳  
不聞勿正倍聲不息行氣從頭至足心愈疽  
疔大風偏枯諸痺極力右振兩臂不息九通  
愈臂痛勞倦風氣不隨  
龜鼈行氣法以衣覆口鼻不息九通正卧微  
鼻出內氣愈鼻塞不通東向坐仰頭不息五  
通以舌擦口中沫滿二七咽愈口乾舌苦  
厲行氣法低頭倚臂不息十二通以意排留  
飲宿食從下部出自愈  
龍行氣法低頭下視不息十二通愈風疥惡  
瘡熱不能入咽可候病者以向陽明以連卧  
以手摩腹至足以手持引足低臂十二不息  
十二通愈脚足濕痺不任行腰脊痛以兩手  
著項相又治毒不愈腹中大氣即吐之月初  
出月中月入時向月正立不息八通仰頭吸

月光精八咽之令陰氣長婦人吸之陰精益  
盛子道通

入水舉兩手臂不息不沒法向北方箕踞以  
手挽足五指愈伏兔痿尻筋急箕踞以兩手  
從曲脚入據地曲脚加其手舉尻其可用行

氣愈淋瀝乳痛舉脚交叉項以兩手據地舉  
尻持任息極交脚項上愈腹中愁滿去三蟲

利五臟快神氣蹲踞以兩手舉足蹲極橫治  
氣衝腫痛寒疾入上下致腎氣蹲踞以兩手  
舉足五指低頭自極則五臟氣總至治耳不

聞目不明久為之則令人髮白復黑正偃卧  
捲手兩即握不息順脚跟據淋治陰結筋脉  
麻痿索以兩手還踞著腋下治胃中滿眩手

枯反兩手據膝上仰頭像龍取氣致大黃元  
氣至丹田令腰脊不知痛手大姆指急捻鼻

孔不息即氣上行致沉凡腦中令陰陽從數  
至不倦以左手急捉髮右手還項中所謂血

脉氣各流其根閉巨陽之氣使陰不溢信明  
皆利陰陽之道也正坐以兩手交背後名曰  
帶縛愈不能大便利腹愈虛羸坐地以兩手

交叉其下愈陰滿以兩手捉繩轆轤倒懸令  
脚反在其上見愈頭眩風顛以兩手牽反著  
背上挽繩自懸愈中不專精食不得下以一  
手上牽繩下手自持脚愈尻久痔及有腫坐  
地直舒兩脚以兩手又挽兩足自極愈腸不  
能受食吐逆

寧先生曰夫欲導引行氣以除百病今年不  
老者常心念有一還丹以還丹田夫生人者  
丹救人者還全則延年去則衰朽所以導引  
者令人支體骨節中諸邪氣皆去正氣存處

有能精誠勤習履行動作言語之間晝夜行  
之則骨節堅強以愈百病若卒得中風病宿  
固痲痺不隨耳聾不聞頭癩疾軟逆上氣腰  
脊苦痛皆可按圖視像隨疾所在行氣導引  
以意排除去之行氣者則可補於裏導引者

則可治於四肢自然之道但能勤行與天地  
相保

彭祖穀仙引法彭祖者殷大夫歷夏至商  
號年七百常食桂得道

居常解衣被卧伸腰填小腹五息止引腎去

消渴利陰陽又云申左脚屈右膝內壓之五  
息止引脾去心腹寒熱胃臆邪脹挽兩足指  
五息止引腹中去疝癢利九竅伸兩足指五  
息止引腰脊痺偏枯令人耳聲兩足內相向  
五息止引心肺去欬逆上氣踵內相向五息

止短股除五絡之氣利腸胃去邪氣掩左脛  
屈右膝內壓之五息止引肺去風虛令人明  
目張脛兩足指號五息止令人不轉筋兩手  
牽膝置心上五息止愈腰痛外轉兩足十通  
內轉兩足十通止復諸勞

右彭祖穀仙引法除百病延年益壽要術  
凡十節五十息五五二百五十息欲導引  
常夜半至雞鳴早且為之禁飽食沐浴  
王子喬八神導引法延年益壽除百病

法曰枕當高四寸足相去各五寸手去身各  
三寸解衣被髮正偃卧勿有所念定意乃以  
鼻徐內氣以口出之各致其藏所竟而復始  
欲休先極之而止勿強長息久習乃自長矣  
氣之往來勿令耳聞鼻知微而專之長遂推  
之伏兔股胛以省為貴若存若亡為之百遍

三寸解衣被髮正偃卧勿有所念定意乃以  
鼻徐內氣以口出之各致其藏所竟而復始  
欲休先極之而止勿強長息久習乃自長矣  
氣之往來勿令耳聞鼻知微而專之長遂推  
之伏兔股胛以省為貴若存若亡為之百遍

三寸解衣被髮正偃卧勿有所念定意乃以  
鼻徐內氣以口出之各致其藏所竟而復始  
欲休先極之而止勿強長息久習乃自長矣  
氣之往來勿令耳聞鼻知微而專之長遂推  
之伏兔股胛以省為貴若存若亡為之百遍

三寸解衣被髮正偃卧勿有所念定意乃以  
鼻徐內氣以口出之各致其藏所竟而復始  
欲休先極之而止勿強長息久習乃自長矣  
氣之往來勿令耳聞鼻知微而專之長遂推  
之伏兔股胛以省為貴若存若亡為之百遍

動腹鳴氣有外聲足則得成功成功之士何疾而已啖隴如白銀鐵一十二重繫膺下去得肺其色白澤前兩葉高後兩葉卑心繫其下上下大下銳率率赤如蓮華未開倒懸著肺也肝繫其下色正青如鳧翁頭也六葉抱胃

前兩葉高後四葉卑膽繫其下如綠綿囊解在中央亦抱正黃如金鑲鑲然也腎如兩伏鼠夾脊直膈肘而居欲得其居焉也其色正黑肥肪絡之白黑昭然胃如素囊念其屈折右曲無汗穢之患肝藏魂肺藏魄心藏神脾

藏意腎藏精此名曰神含神含修則百脉調邪病無所居矣小腸者長九尺法九州也九土小腸者長二丈四尺

諸欲導引虛者閉目實者開目以所苦行氣不用第七息止徐徐往來度二百步所却坐小咽氣五六不差復如法引以愈為效諸有所苦正偃卧被髮如法徐以口納氣填腹目極息欲絕徐以鼻出氣數十所虛者補之實者寫之閉口溫氣咽之三十所腹中轉鳴乃止往來二百步不愈復為之病在喉中胃中

者枕高七寸病在心下者枕高四寸病在膈下者去枕以口納氣鼻出氣者名曰補閉口溫氣咽之者名曰寫

閉氣治諸病法欲引頭病者仰頭欲引腰脚病者仰足十指欲引胃中病者挽足十指引臂病者掩臂欲去腹中寒熱諸不快若中寒身熱皆閉氣張腹欲息者徐以鼻息已復為至愈乃止

一平坐生腰脚兩臂覆手據地口徐納氣以鼻吐之除胃中肺中痛咽氣令溫閉目也

二端坐生腰以鼻納氣閉之自前後掩頭各三十除頭虛空耗轉地閉目搖之

三端坐生腰以左脇側卧以口納氣以鼻吐之除積聚心下不快

四端坐生腰徐以鼻納氣以右手持鼻除目瞬淚苦出去鼻中息肉耳聾亦然除傷寒頭

寒頭痛洗皆當以汗出為度

五正偃卧以口徐納氣以鼻出之除裏急飢食後小咽咽氣數十令溫寒者使人乾嘔腹痛從口納氣七十所大填腹

六右脇側卧以鼻納氣以口小咽氣數十兩手相摩熱以摩腹令其氣下出之除脇皮膚痛七息止

七端坐生腰直上展兩臂仰兩手掌以鼻納氣閉之自極七中痛息名曰蜀王臺除脇下積聚

八覆卧去枕立兩足以鼻納氣四四所復以鼻出之極令微氣入鼻中勿令鼻知除身中熱背痛

九端坐生腰舉左手仰其掌却右手除兩臂背痛結氣也

十端坐兩手相叉抱膝閉氣鼓腹二七或三七氣滿即吐即氣皆通暢行之十年老有少容

十一端坐生腰左右傾閉目以鼻納氣除頭風自極七息止

十二若腹中滿食飲音飽坐生腰以口納氣數十以便為故不便復為之有寒氣腹中不安亦行之

十三端坐使兩手如張弓滿射可治四支煩

悶背急每日或時為之

十四端坐生腰舉右手仰掌以左手承左脇以鼻納氣自極七息除胃寒食不變則愈

十五端坐生腰舉左手仰掌以右手承右脇以鼻內氣自極七息除瘀血結氣

十六兩手却據仰頭自以口納氣因而咽之數十除熱身中傷死肌

十七正偃卧端展足臂以鼻納氣自極七息搖足三十而止除胃足中寒周身痺厥逆

十八偃卧屈膝令兩膝頭內向相對手翻兩足生腰以口納氣厭逆填腹自極七息除痺疼熱痛兩脚不隨

十九覺身體昏沈不通暢即導引兩手抱頭宛轉上下名為開脇

二十踞伸右脚兩手抱左膝頭生腰以鼻納氣自極七息除難屈伸拜起腦中痛瘰癧

二十一踞伸左足兩手抱右膝生腰以鼻納氣自極七息展左足著外除難屈伸拜起腦中疼一本除風目晦耳聾

二十二正偃卧直兩足兩手捻胞所在令赤

如油囊裏丹除陰下濕小便難頻小腹重不便腹中熱但口納氣鼻出之數十不須小咽

氣即腹中不熱者七息已溫氣咽之十所

二十三踞兩手抱兩膝頭以鼻納氣自極七息除腰痺背痛

二十四覆卧傍視兩踵生腰以鼻納氣自極七息除脚中弦痛轉筋脚酸疼

二十五偃卧展兩手外踵指相向亦鼻納氣自極七息除兩膝寒脛骨疼

二十六偃卧展兩脚兩手兩踵相向亦鼻納氣自極七息除死肌不伸足脛寒

二十七偃卧展兩手兩脚左傍兩足腫以鼻納氣自極七息除胃中食苦嘔

二十八踞生腰以兩手引兩踵以鼻納氣自極七息布兩膝頭除痺也

二十九偃卧展兩手兩脚伸足指以鼻納氣自極七息除腹中弦急切痛

三十偃卧左足踵拘右足拇指以鼻納氣自極七息除厭逆疾人脚錯踵不拘拇指依文用之

三十一偃卧以右足踵拘左足拇指以鼻納氣自極七息除周身痺

三十二病在左端坐生腰左視目以口徐納氣而咽之數十一所閉目目上入

三十三病在右下若積聚端坐生腰仰向日仰頭徐以口納氣因而咽之三十所而止開目

三十四病在右端坐生腰右視目以口徐納氣而咽之數十所開目

王喬導引圖一本彭祖中

七日伸左脚屈右膝內厭之五息止引脾氣去心腹寒熱胃臆邪脹

彭祖導引圖

導引服解髮東向坐握固不息一通舉手左右導引以手掩兩耳以指拍兩脉邊五通令人目明髮黑不白治頭風

淘氣訣

訣曰凡人五藏亦各有氣夜卧閉息覺後欲服氣者先則淘轉令宿食故氣得出然後調服其法閉目握固仰倚兩拳於乳間兩膝舉

背及尻內閉氣鼓氣海中氣便自內出幹而轉之呵而出之一九或二九止是淘氣畢則調之導引服東向坐不息四通象齒二七愈齒齒痛或曰治甜不齧

咽氣訣

夫人皆稟天地元氣而活之每咽吐納則內氣與外氣相應自氣海中隨吐而上直至喉中但候吐極際則輟口連鼓而咽之郁然有聲汨汨然後左邊而下至經二十四節如水歷坎闢之分明也女人則從右邊而下如此則內氣相固皎然別也。以意送之手摩之令速入氣海氣海在臍下三寸是也亦謂下丹田初服氣人上焦未通以此摩而助之務令速下若氣已流通不摩而自下一閉口而連咽止二咽號雲行一濕咽取口中津液相和咽之謂之兩施服氣入內氣未流行每一咽則施之不可遽行至連咽也三年行之乃以功成也

氣至頭止

導引服氣先催卧閉口鼓躍腹令氣滿口咽咽時作意慮向後日夕為之妙也

導引服踞地壁角中兩手抱膝低頭不息九通愈頸痛腰脚一日治勞他同

導引服左右伸兩臂不息九通愈臂痛勞風氣不隨塞閉

導引服正坐仰天呼出酒食醉飽之氣即飢醒宜夏月行之令人溫涼不躁

導引服正坐張鼻服氣排至臍下小口微排不息以除結宜夏月喜熱

導引服小低頭微息但抱手左右不息十二通消食令人輕身益精神配氣不得入或導引服寫行氣皆低頭抱踞以繩自縛低頭不息十通消食輕身

導引常以兩手如拓千斤之石左右互相為之終身無疾

導引兩手據地縮身由脊向上三舉之此勢每日為之補益延年當為之時勿當風仍須閉氣每一服了吐氣莫令耳聞若勞倦以咽

吐之藏中病若冷則吹氣若熱呼氣出之矣

導引服蛇行閉氣催卧正直復起踞隨王相所在向之不息少食通暢服氣為糧以唾為漿春出冬藏華池玉漿甜如粘子勉行之勿生疑一本春生夏養冬合內藏閉目前光他

導引思氣者呵屬心主舌口乾溢氣不通及諸邪氣可以治之如大熱大開口小熱小開口亦須作意量宜治之過度則必損

導引思氣者呼屬脾脾主中宮土如氣微熱腹肚脹滿氣悶不洩以呼治之

導引思氣者嘘屬肝肝主目目溫赤以治之

導引思氣者吹屬腎腎主耳腰膝冷陽道衰吹以治之

導引思氣者四屬肺肺主鼻有寒熱不和四以治之呵四呼嘘吹嘻是五藏各主一氣及勞極依理之立差

導引之法卧床當令高舉令地氣上衝鬼氣有干

導引之法無令躁暴者一身之賊

導引之法無令向北反神有犯每事不言亥

子日不向北唾減損年命

導引服思司命兩人更迴左右旋思常見

導引服思神光黃且明月在已邊晝夜常見

導引服思五藏形氣色串周流身區

導引服思五藏色神在所處自此以下人形

皆五

導引服思五藏化為龍魚

導引服思精膈中腎氣正赤白從背上頭下

迎身名曰還精

導引服思心為火如斗辟惡氣

導引服思飛分身飛行常念有人若已在前

後久可得與語南北在所問

右抄集寧先生導引圖異同事道林導引

要旨

低頭以兩手抱兩足不息十二通主消穀令

人身輕益精氣諸邪惡百病不得入

踞坐合兩膝張兩足不息五通治鼻口熱瘡

及五痔

累膝坐以兩手據兩膝上伸腰極起頭引之

不息三通治膚

交跌坐以兩手著頭上挽頭結下著地不息

五通令人氣力自益

長跪坐曲手以抱兩乳下左右膝搖不息令

人延年益壽佳年不老以兩手抱兩膝著骨

前不息三通治腰痛腎疝及背脊中疼痛大

箕坐以兩手捉兩足五指自極低頭至地不

息十二通治頸項腰痛背脊又令人耳目聰明

交跌坐以兩手交著頭下自極不息六通

治腰痛不能反顧仰頭以手摩腹以手持足

距塵不息十二通治膝痺不任行步及腰背

痛伸兩脚以兩手指著足指上治腰痛如打

及軟血瘀血屈兩脚坐卧住足五指治腰背

痛卧以手摩腹至足以手持引之不息十二

通治脚痺濕及腰背痛左手急引髮右手急

插項中利陰陽之勢

正坐以兩手交背後治虛羸大小便

以一手攀上懸繩一手自持脚治痔及腫

伏蹲踞以兩手抱兩膝低頭不息九通治頸

痛勞極腰痛百節蹉錯

正坐仰天呼出飲食醉飽之氣立消也夏天

為之令人自然涼不熱

以兩手大指捻鼻孔不息令人陰陽不僂外

轉兩足十過內轉兩足十過補虛損益氣

赤松子坐引之道能常為之令人耳目聰明

延年益壽百病不生其先長跪兩手向前各

分開以指外向

次復長跪兩手夾又腰左右

次復長跪以右手反腰左手高頭而止

次復長跪右手伸後去左手又腰前

次復緩形長跪左右手更伸向前更屈從後

又腰

次復長跪高舉兩手

太清導引養生經



太上養生胎息氣經

壹

上清道德并黃庭經養生要集人能依此去萬病通上清神凡服氣法存心如嬰兒在母胎十月成就筋骨和柔以冥心息念和氣自至呼吸如法咽之不飢百毛孔開入息不擁滯常取六陽時食生氣氣力日增

六陽時法

夜半子時服九九八十一  
平旦寅時服八八六十四  
食時辰時服七七四十九  
正中午時服六六三十六  
晡時申時服五五二十五  
黃昏戌時服四四一十六  
夫服氣舌須玄須依門戶出入鼻為大門服氣魂魄歸天門口為地戶服氣魂魄歸地戶黃庭經曰百穀之實土地精五味外美邪魔腥玉池清水灌靈根子能修之補命門欲獲長生從鼻入口出即為順氣修依此真心不輟下却三尸捨榮去愛日漸成功然始近道

凡真人本性幽閑用心清雅發言合道心行無瑕漱咽靈津腹中百味自足通三焦理正氣氣自周遍大通五藏骨髓堅溢

夫道為萬氣之主道者氣也氣為精門人若守精如屋有人其量百世人若無精如屋無人禍及其世氣者保於精精者氣也精氣兩

全是曰真人人有三丹田上丹田泥丸腦赤帝子卿字元先中丹田心真人光堅字子丹下丹田嬰兒谷玄字元陽子氣精門也三官

各有三神神舒氣漏氣漏精泄精泄神泄神各有三神神舒氣漏氣漏精泄精泄神泄神

精者妙物真人長生根長生根者氣之位精全氣全精泄氣泄唯精與氣須保全真先寶

至道愛氣保精而能長生  
夫色動於情制不自由安能固哉此一頓危如山崩海竭山者氣之寶寶者腎也腎為命

根根無精則葉萎葉凋則枝朽枝朽則身枯矣思欲再生焉能救也

凡入氣為陰出氣為陽此二者服日月精華氣者虛無虛無者自然無為無為者心不動也外無求內自然安靜安靜則神定神定即

氣和氣和即元氣自至元氣自至即五藏滋潤五藏滋潤即百脉通流百脉通流即津液上應津液上應即不思五味無飢渴延年却老氣化為血血化為髓一年易氣二年易血三年易脉四年易肉五年易髓六年易筋七年易骨八年易髮九年易形為真人鍊九還已通神仙玄妙不可具載

上清氣秘法

東方青牙青牙者肝服食青牙飲以朝華朝華上齒根也以舌表絨唇漱而咽之南方朱丹朱丹者心服食

朱丹飲以丹池丹池者以舌表攪齒根漱而咽之西方明石明石者肺服食明石飲以靈液靈液者津以舌攪齒七匝漱而咽之北方玄滋玄滋者腎服食玄滋飲以玉鉛玉鉛者舌以鼻導引元氣

入口呼吸而咽之中央戊己昂昂太山太山者守精服食精氣飲以醴泉醴泉在葛根玄膚前也玉英玉英又名金梁已上凡服氣法常以夜半子時寅時起正衣冠以金梁叩玉英調華池漱醴泉及靈液縮鼻還之上至頭下引入口中變為玉泉引氣至於舌根咽而送之令喉中

鳴腹中鳴引氣入丹田如兒生能啼謂長生根也飢食自然氣渴飲華池漿使長飽也

上清法

精是吾神氣是吾道蓄精養神飲氣芳香謂嬰兒在胞中幽隱握固陰成其形謂鍊精補腦一名鍊形漱滿津液口中五味皆至朝食陽暮食陰五藏生靈之玉英視人從表知裏神儀清朗須仰排水藏覆排食藏次倚壁翹一足奉兩手以舌攪口中候津液滿口即想氣咽入臍至脚為度徹視腸胃指能吹燈謂九九八十一天地之終始能鍊九還即血化為精精化為筋筋化為玉玉變仙骨此得自然目視千里得之為身之秘寶延年却老乘雲駕鶴登仙可翹足而待之非其氣像不合道者勿傳謂他漏靈文傳之非道九族受殃凡咽氣用力閉口舉舌令舌下空名咽元氣日日減食朝朝進氣時時飲好酒一盃謂初學人天地之間聖人在其中得其道也不智不道不仁在其中得其殃立天之道曰陰與陽立地之道曰柔與剛立人之道曰仁與義

天地含精萬物化生道不可以情求不可以語詰萬物任天歸乎自然矣

檢時含景補瀉圖

聖人欲得長生房中之事能殺人我命在我有萬病者皆由恣意不知保惜今人唯知服藥不知愛保精髓保精髓者以致延命飲玉泉即玄液也粟八尺之質含萬有之心生命之器靈秘長生之術如寶守之安神鍊形履水不溺入火不焚謂氣運於內神應於外淘鍊五藏吐納補瀉真元

肺藏圖月四為瀉  
半為補

夫肺充之氣金之精其色白肺主魄化為玉童長七寸白獸其神存其形全肺合大腸上主鼻多怖懼魄離肺也不耐寒肺薄顏色鮮白肺無他病大腸鳴氣擁也頻虛不祥肺主七宮京門立秋日平旦面正西坐鳴天鼓七通飲玉泉漿三嚙瞑目正思充官白氣入口吞之三則童神安百邪不能殃兵刃不能害延年益壽謂補瀉神氣安息靈魄

心藏圖月四為瀉  
半為補

夫心者離之氣火之精其色赤其神朱雀化為玉女長八寸欲安其神而全其形合乎中和心合小腸主血脉上主舌血擁驚舌不知味心亂多噎心主九宮驚門和而形全立夏日平旦面向南端坐叩金梁九通漱玄泉三咽精思注想吸離宮赤氣入口三吞以補靈府離玉女神平體安百殃不害神至靈也

肝藏圖月四為瀉  
半為補

夫肝震之氣木之精其色青肝主魂其神如龍化為二玉童一青一黃各長七寸一負龍一持玉漿欲安其齡合乎太清肝合乎騰理上主目目熱肝傷也肝主春用事合春精氣萬物繁茂順陽之道立春日常以寅時面向東平坐叩齒三通閉氣七息吸震宮青氣三吞之致二童肝養精之妙也

脾藏圖月四為瀉  
半為補

夫脾者坤之氣土之精其色黃像覆盆其神如鳳化為玉女長六寸合太陰上主口顏色濕潤無他也脾無定位寄王四季各一十八日清旦正坐中宮禁忌五息鳴天鼓七吸中

宮黃氣入口吞之飲玉醴以致其妙人稟天道經營正氣守我房中之精保命得長生存想華池飲玉液和氣相勝百脉調暢閉息精源含真却老此名守真長生秘訣

腎藏圖 用功為瀉

夫腎主精坎之氣其色黑其像圓一名而曲其神如白鹿化為玉童長一尺萬物治其精順其志全其真合乎太清腎合骨上主耳腰不能伸腎冷立冬日面北向平旦坐鳴金梁五通飲玉泉三吸玄宮黑氣吞之以致玉童之饌神和體平而能長生矣

膽藏圖 用功為瀉

夫膽金之精水之氣其色青其神如龜化為玉女長一尺其神勇膽合膀胱顏貌青無其他常以孟月端坐正思北玄吸黑氣入口九吞飲玉泉之漿氣之致也喜怒損性哀樂傷神神傷便命損性害生養性以生氣保神以安心氣平體和精全心逸此鍊真秘言靈寶長生之訣  
夫氣為身之主主之者守精精是身之至道

通神仙精是命根保精重氣而能長生道之宗也人自失道非道失人凡服氣靜室安坐寂然瞑目努腹鼓腮令氣滿口即氣腸開叩齒嚙之九下為一息春夏服冷氣秋冬服暖氣每夜至五更即以兩掌掩口著力掌中取

津液拭摩面皮光澤時時含棗蜜湯助之日減食朝朝進氣氣即易成

凡修行切勿令人知人知即我生我生即名至名至即禍來禍來即不安至道性餘至靜則廉知之修鍊謂之真正玉不琢不成器人不學不知道水性不雜即清不動即平謂之真性抱一閑曠寂然外無內虛至道无為无所不為虛无合體自然合真湛然長久

夫大道法天象地古人述古從凡入聖而變仙骨呼吸陰陽胎息日月閉口含虛合口上下靈液自至徐徐嚙之學道之人服氣猶如世人思食道即成矣道法內修可保全形全道安神仙道有異真人至道道自依人人能弘道非道弘人氣道高妙而獲長生凡咽氣皆連三咽二乾一濕乾謂雲行濕謂雨施順

天之道鼻引氣魂歸天門口嗜五味魂魄歸地戶又云鼻通玉池上清口通人門太和漱滿靈液五藏清莫玄妙之道不遺萬物萬物自生氣為百行自成氣之道道其生也若勞其死也若休而不休曰弊精用不已曰勞勞即竭竭即死所謂純一而不雜靜一而不變此養道氣之至純素之道與神為一一具人所謂自然氣可以六腑寧心神使得長生此文不死之道子有仙相得吾氣經內有黃庭真人中華玉女扶桑大帝君得之鍊金書鍊真之秘言焉

太上養生胎息氣經 終

太清調氣經

畫五

仙經云從半夜子時服九八雞鳴時六八

四日出時十六六食時十五禺中十四一

夫前法是世人及舊經相傳妄為習服虛役

歲月徒履艱辛功效無成久而反損蓋由不

服元氣不識深根諸如此流舉世共矣遂令

久服無驗神謝氣萎乎慕道之流虛損性命

遠巡之際即枉正年甚可哀矣深非正道不

可依行

又舊經云頓體糧服氣法晝夜計十二時五

百四十咽如此十二時周而復始

夫人壯年之時荒於利欲未知正氣矣思

攝養息志安神及漸年衰五臟已損不漸修

補卒即絕食元氣未充俗食已絕兩未相接

遂致危亡思欲全身不可得也又云以咽多

為限以飽為功

夫人初服氣百日之內微通及周已往關節

始開初頓服即致飽及成氣爽腹肚脹悶絕

非正道初宜少服三年後任意多服但初功

入支節未開肌膚猶閉頓即多服腹肚脹悶

如何得安又云日中已前為生氣日中已後

為死氣生氣可服死氣不可服是何言也

夫人每日雖三頓食或以為容他鄉或公事

驅迫節候失時遇食即餐豈候時節氣亦如

此但有即服無思生死之氣

又云鼻長引氣口滿即咽然後一吐須少每

引須多夫服氣之道本名胎息胎息者如嬰

兒在母腹中十箇月不食而能長養成就骨

細筋柔握固守一者為無思慮故含元氣之

故忽出母腹即吸納外氣有啼叫之聲知乾

濕飢飽者即失元氣也本鼻引而咽者外也

不堪服之又云取生多越五方以心面相當

存思想念初從東方青氣次南方赤氣次西

方白氣次北方黑氣次念中央黃氣皆須以

思想念五方氣色服之此即非正也

夫服氣者先以無思無慮絕緣息念即兀然

和氣自至因而咽之各歸其位無所不定且

五方各在五臟何須思念有念即有緣起緣

起即心不定心不定即氣不安氣不安即無

自然無自然即氣失度氣失度即納邪氣納

邪氣即病有所生病有所生即百病相注故

黃庭經云但思一部壽無窮非各別住俱腦

中列位次坐向外方所存在心即相當斯之

謂矣其想五方者不堪服又云咽滿服百令

彭彭聲即是妙也凡服氣初須少服為通暢

所以候百毛孔開每閉氣無所不發汗遍身

頓服千氣亦不應滯令彭彭聲者是不通暢

應塞耳令人面黃損五臟失心也又云十五

日前從手出十五日後從足出

夫如存想者為有苦處或時用之無病不合

偏有思念故黃庭經云物物不干泰而平謂

無想念耳又云初服氣欲體糧滿二十一日

即免飢閉氣九十息一咽腹半滿勿令大出

莫繫之念使上通髮下通足又云想足却上

經腎至喉仍想五色氣閉之夫初頓絕者前

已申訖為五臟頓絕則損人豈有二十一日

而能成功免飢如三年功成元氣即住氣海

即凝須絕即絕豈限日數動念之理

又云十息一息一屈指至一十七息一咽或

委氣四九三十六三百六十息一轉側

夫正氣咽之時絕思去念存心於無為之境委形於無為之身安能屈指記數但行住坐卧任性自然肚空有便即服豈勞轉側記數也又云口無津液即以棗一兩顆內契留核含之令引液夫如初功人或無智無功未能引得真津液縱以此引得些些終是不真之津亦不得用又鼻但長引氣感而咽之良久更服仍須相續連連而下如瓶注水據此直是殺人之法也安可全神又云但閉氣自然飽滿者亦殺人也又云有病即閉氣攻之依五臟吐夫有病即使攻之亦不知如何攻之復攻多少不解節候使氣亦是殺人之事又云固氣勿下泄必須固之仍以意運令散是何言哉人上有七竅下有二竅若為上臆不通有冷熱者只為三臆氣不和而病如初攻者先須氣通泄上服下應有泄即不可固之並別申之於後服氣法凡服氣先須察氣候識病狀入氣有一出氣有六須知六氣然後服之六氣雖舊經中具說口勢六氣之候如何察之但聞其方誰識其候今具錄如後

凡欲學服氣者為三臆不通咽氣不可住在上臆即恐心胃悶不通泄先學調理氣候識辨六氣除五臆惡氣然後服之即得清氣下一咽咽有益也凡調氣者先須依門戶依門戶者鼻為天門口為地戶常從鼻入口吐即為順氣口入鼻出即為逆氣逆氣即壅順氣即宣通依陰陽分理也既知門戶逆順陰陽分理必順依此修行無問行住坐卧鼻常引納口常呵吐引則納清吐即出濁濁者因五臟而出之何為五臟有濁氣為食五味五味者各一臟每臟濁氣皆同出於口又有六府之氣同湊一門眾穢所衝合成濁氣既有濁氣如何察知凡夜睡皆緣口合則五臟氣塞壅即在喉中每至睡覺時大開口察量即有穢穢之氣自不堪聞因此察知即知氣濁惡也凡口中乾苦澀乳頰無津液或咽喉中痛不能喫食者皆熱狀也即須大開口呵之每呵必須依門戶出入呵十氣二十氣即鳴天鼓

者叩齒是也叩齒七八下以舌漱華池而咽津液黃庭經云漱咽靈液災不干此之謂也又依喘息氣任自然出入調之三數下又開口大呵呵了又調如此消息察熱氣退盡即止如何得知喉中清水甘漿生即熱氣退五臟涼也黃庭經云玉池清水灌靈根審能修之可長存此即甘漿清水是也常能調察此候五臟必無病生如能察准此候三臆自得通即服氣一有益功無虛施夫氣者主心邪則氣邪心正則氣正今所舉手動足喜怒哀樂莫不由心之動念莫不是氣氣感意從心如此氣全即身全氣絕即神滅神滅即身死故醫家先診脈者則五臟四時脈并氣候察知病源始尋方藥人但察得氣候則五臟自和即脈調氣順何以得知五臟主於五氣又主於五方臟氣調即四時順理況能自察口鼻取捨斯須冷熱自不入也又經云何以知其冷熱入氣有一出氣有六其六者四呵呼嗟吹嘻此是六氣六氣者五

氣各主一臟餘一氣屬三焦四屬肺肺主鼻  
 鼻有寒熱不和依吐納兼理皮膚瘡癩有  
 此病依狀理之呵屬心主舌乾涎氣不道是  
 熱以呵去之大熱大開口大須作意量事王  
 之過度即損人呼屬脾脾主中宮土如氣微  
 熱不和腹肚脹滿氣胸不通泄以呼理之虛  
 屬肝肝主目如目溫熱可以虛調理之吹屬  
 腎腎主耳如腰脚冷陽道衰弱吹調理之嘻  
 屬三焦也凡以前氣大都雖有此理所是五  
 臟六府三焦冷熱不調都屬於心主呵但  
 以吐納理之萬病皆愈亦不一須六氣調  
 之

又調氣一依門戶出入或多即恐喉中乾如  
 覺乾即合口任鼻中出入即口中津生喉中  
 潤漱取咽之又察之如口中無熱穢氣五臟  
 得和不須調即行住坐卧以舌擁咽之面色  
 光矣  
 又舊經云取子時候生王氣又取六時節候  
 數而服之初服極熱多更無次第節量漸漸  
 修行為人不解者多但依方即用不尋師訣

將為真法然及服之時損傷者眾矣或因病  
 生或却損正壽諸如此例其數甚繁或言氣  
 之無功或言卒行無益悠悠歲月何有成期  
 或不遇先師修心都退二疑之際即悞此生  
 今為薄以致功皆曾修習損益二理並身經  
 過從茲廣歷歲年真謀俱見以後修行者更  
 無差錯取益日勝愈疾如神驗之斯須臾否  
 立效

又初功人皆為三焦未通服氣多在上焦不  
 過氣住則心胃間悶即損人未解調理深  
 須作意其初服人先須飯食節飲與物反觸  
 修行次第真心不輟下却三尸捨榮去貴節  
 色遠財然始近道日漸成功長生益壽必無  
 虛棄苟不能依此徒暫知之終無成耳  
 夫修真之人亦有三等任時取理其狀不一  
 亦不能固執略申如左上等之士本性幽閑  
 用志清雅發言合道行之無瑕如此之人者  
 有前世之資以石投水無可比之喻上智早  
 發心人也中等人或身居榮祿或執事高遠  
 或霸業厚姻或名位有望二疑進退快多虛

損闕道則寤寐不安思即終朝不息兩心交  
 戰勝者即全邊廼之關十失六七矣喻中智  
 發心晚也下等之士二時已過蹉跎暮年筋  
 力衰微心神已喪雖食祿如衣錦夜行日落  
 西傾俄然風燭連神念道其如嗟臍靜而思  
 之感數何極如此之類仍能精心勵志者猶  
 十救可一二矣其八十已上人罪分已定折  
 之他生為此三等之人先賢遺教表示後人  
 幸察深根發志堅固成功不退福壽無涯豈  
 不善矣

夫服氣者本名胎息胎息者如嬰兒在母腹  
 中十箇月不食而能長養成就骨細筋柔握  
 固守一為初受正氣無思無念兀然凝寂受  
 元氣變化開節臟腑皆是自然忽出母腹即  
 吸納外氣而有啼叫之聲即知乾濕飢餓似  
 有所念即失元氣今人所服者如嬰兒在母  
 腹是名胎息服內氣耳舊經云鼻引外氣服  
 者深非正法也  
 夫欲服氣者取夜半後睡覺及五更睡覺依  
 前調氣吐納察量氣候漱咽靈液即仰卧展

手及足下着枕即息心定無絕念任氣依門  
 戶喘息出入兀然閉口內已有氣即却引上  
 入口微鼓而咽之下仍以意送即以手摩將  
 心上令氣下即更調氣六七度即更咽一氣  
 依前以手摩將之如咽二十氣且止至明即  
 更隨時任坐卧取方便安穩更咽十餘咽每  
 一咽隔調氣四五十下即徐徐咽非事勿併  
 咽之每一咽必須以手摩令下仍以意送向  
 下便察之如上膳通即咽下過膳如未通即  
 在心胃間住候至食時如覺上空下泄氣通  
 即任喫飯如未飢且勿食如食不得令飽飽  
 即妨服氣食了候心上及腹中微空即更服  
 二十咽已下又即夜食食了候心上空又服  
 二十咽即止任行住坐卧此以前一日服氣  
 節候與百日同每服一咽皆記手摩令散一  
 咽皆隔十息已下為妙初服三膳未通關節  
 未開關節未開恐却壅塞不得多服每十日  
 加三五咽百日滿百五十日更加四五咽二  
 百咽周年已後氣已通關節已開皮肉潤毛  
 孔開但候腹中空即三咽五咽任意連連咽

之亦無定限仍不得過過三百咽待三年後  
 氣得周運大通五臟養成骨髓堅益皮膚滿  
 實即不限咽數多少仍須絕糧亦得如未滿  
 三年為人先犯五勞七傷臟腑損百關焦  
 枯不能漸漸修補頓即絕糧以希延壽又加  
 不能絕心世網營營六性財色依然唯知餓  
 肚穀氣漸絕藥味不充新疾互生萬病俱臻  
 思欲不死安可得乎又服氣之後須知食次  
 第每日早食時喫少淡水粥即和得脾胃日  
 晚足津液日午喫一兩箇淡麩餅煮葱薑羹  
 並得仍不得熱喫至晚間飢煮少淡麩餅  
 硬和麩煮三二十沸喫之每喫飯並不得飽  
 必須減三五口但令內欠欠然始好如一頓  
 併飽即氣道被壅不通妨一日之功矣特忌  
 酥油粘膩食生菜蘿蔔陳臭等一切葷氣物  
 並不得喫初時三五十日能不有些些飢餓  
 思食已後調得氣候腹中漸漸滋潤百味並  
 不思之其所言喫粥及餅飴等並任臨時方  
 便要喫即喫不必日別依此喫也大分食次  
 第如此自取穩便淡水粥時復一食亦佳耳

又初服氣三膳通胃口開五臟和甘津生玉  
 池美喫食甜猶如初病可人食不知足一切  
 物無不美者必須節之如信情任之必大損  
 也乍可覺數數食耳  
 夫每喫食了其食皆有毒并有五味熱氣每  
 初食了即須開口呵吐之約口中熱氣退即  
 止水無患也又須節鹽及辛酸等味不可喫  
 初即以難及一二十日有津液靈泉出入鹹  
 辛不得為服氣後五藏潤正氣下赴盡宿惡  
 氣宿惡氣下泄即傷胃淨不得食冷熱粘膩  
 生硬物如妄喫一口即物所住處微微覺痛  
 用功深處後並亦自知但食軟熟之物必佳  
 仍須食了即須呵之  
 又每喫飯先喫三二十顆生椒水下即喫飯  
 食了覺傷飽即更喫一二十顆椒亦好其椒  
 通三膳趁下惡氣兼消宿食理引正氣如覺  
 氣上心胃間悶即合三兩顆椒登時即散此  
 椒功不可言也又忽飽悶氣滿即須靜坐調  
 氣少時即散下泄  
 舊經云固氣勿令下泄往時初學者依此固

氣少時肚悶交虎見死下有二竅通上口鼻出入上下應為五臟先有宿惡氣須下出何得固却固却即氣不通泄氣不通泄即覺痛所以故氣未出新氣乍入兩氣相衝而能為患不須固之以通泄為妙又每日空腹隨性

飲一兩盞酒大妙不可令至昏悶如日能消消飲三五盞大助氣道其酒仍須清好始堪飲之不得多一吐即數日氣不平復又遇樂欲得多飲即有法也人所以飲酒昏醉悶亂者蓋為酒有麴蘖之毒毒氣入四支即醉如正飲時十人五人同坐時盞至每與一盞了即開口呵吐七八氣其酒毒即出散如酒併到即大張口呵之如隨盞可微吐之凡常喘息中接出氣呵而送之如能終席調理不輟者凡曰能飲三升是日能飲一斗矣仍加不醉亦免中酒復不失酒味終日飲亦不退矣更候至睡覺依前漱口調理平常如故又忽有泄氣來下時節無期或正喫食時或對賓客或騎鞍乘或對尊親或有氣來如何為計必須求方便下泄却若固一氣不泄

便逆上臆胃中攪痛差心脇即良久不散一吐裏氣亂悶痛如公私無暇不得攝養則莫嚙董辛縱泄下氣氣亦不多臭若是絕殺後縱有一泄兩泄亦不臭也又有產生穢惡氣一切重病不可衝之深損正氣如忽須出入街中遇逢惡氣即閉氣過之不然須飲酒令有酒氣及喫少葷辛物亦能辟之如惡氣已入覺不安穩即須調氣趁却又不用大作聲歌哭叫呼如人事不免吊問即須小作聲不可令泣過耳又忽氣逆上衝喉來勿放令上便咽令却下更納取氣咽之三五咽即定仍亦以手摩令下散也即合椒及飲酒便散如忽苦咽不下亦不須逼咽令上臆壅也作意消息臨時自察如氣未散且勿食又忽食飽即不得咽之咽之即被食隔不下便成病

又每一咽即住口絕鼻喘息定以心送向外察其氣左邊下壓二十四節歷歷聞之如水度坎聲極分明有坎節也如不鳴即喫油膩不依節候之狀如不早消息即更服氣相逼必當病生尤須慎之又入初服者皆食其功並欺其氣乃將多服為功每日或加十氣二十氣覺且安穩又更加三十五十氣日漸增之將為得在不知氣未通因結成病腹內已有病身仍未覺及至有徵不安仍將可在日加一日積以結成一結成氣病兩脇卒難方藥也如三年功成縱有觸犯並不妨服氣日至千咽已上亦不懼矣至九年功終不退關節相連黃庭經云千千百百自相連一一十十如山者即是筋骨相連着也如此五臟已後可入水不溺內氣不出外氣不入即十日二十日亦得大寒大熱一無懼憚或老或少並皆不恒夫氣須握固令為初氣未行未得握固待半年或百日覺氣通暢手掌中汗出即得握固也

黃庭經曰閉塞三關握固停令漱金體吞玉英遂至不飢三蟲亡意常和平致忻昌夫氣海在臍下人皆為三臆不通凡喘息不得過臍又加氣急喘不定者為氣未下只擁在上



懸心宵如人初咽十日五日上懸未通十日  
外至二十日即合覺下歷關坎過入氣海鳴  
幽幽聲微覺氣轉也至氣海氣而長氣候和  
好也

又舊經不予細但說及解禁忌使後人多從  
此損却正氣中道虛休令此皆因修行曾有  
損益故重細述

又調氣皆須細意出納不得耳聞聞即震損  
正氣唯大熱河少許不畏覺熱定即須細理  
之又入初服未解咽以一咽為候兼大鼓口

引氣滿口始慶而咽之解咽之後上懸又通  
即不鼓但兀然閉氣合口更不引吐連咽得  
三咽一吐即更咽又至八九咽一吐或至二  
十咽一吐或至三十咽一吐此即是氣下至  
氣海通暢筋脉通矣此者有時作意試察氣  
候長短通與不通亦不要長依此多咽多咽  
亦不是好不安穩也如取安穩一閉口一咽  
咽入以心送向下至氣海然更咽不須吐氣  
常行也又初服未知節度不免用心送下至  
及已後知氣將息次第即息絕念但無思任

意咽即各依分位更不要以手摩心送又經  
云何不言之教萬物作焉而不為生而不為  
有功成功成而不居不言之教者心處自然  
無為無念五臟六府而養生而不有者生道  
氣於身身不恃有兀然成功功成不居無見

外行見即人知人知即我生我生即名至名  
至即禍來禍來即氣亡氣亡即滅矣故黃庭  
經云子能知一萬事卑又都舉半夜及五更  
并每日三時服氣時節兼食次第者為初  
功人未解具載之但深知之後並臨事細意

自取方便勿執耳執即憂生憂生即繫之心  
繫心即心勞勞即功退矣志之志之仙經曰  
夫人臨終而始惜身罪定而思遷善疾成方  
求其藥天網已發無可追之故賢人上士惜  
未危之命懼未禍之禍修未病之病此真為  
上士真名保愛亦云上年中年下年上年二  
十已上三十已下中年四十已上五十已下  
下年六七十也其八十已上罪位已定上  
年為早悟解正道謙達玄微體實骨堅筋全  
肉滿發心履道無不成功的中年者悟道已晚

筋肉骨髓各有其半處在進退功效即微下  
年者六七十骨髓筋脉十有二三日暮功  
矣猶可救之八十已上者腦竭髓盡萬關乾  
枯神謝氣亡尸行鬼步無可救也故先賢上  
士知風燭之難攝志心棄俗舍勞惜身為寶

逐逸志幽巖攝心歸道道者氣也氣者身之  
根也魚離水而將死人失道而難全養生務  
於修氣修氣者務於保精精氣兩全名真  
實又人有三丹田上元中元下元上元丹田  
泥丸腦也一名帝鄉中元中丹田心也亦名

絳宮真人下元丹田氣海亦名精門此三  
元各有神一神虧即氣漏精泄泄即氣散精  
者身之根根者氣之位精全即氣全精泄即  
氣泄唯精與氣直須全耳  
黃庭經曰長生至慎房中急何為死作令神  
注若當決海百瀆傾棄去樹枯失青膏故先  
賢志道莫不受氣保精而得全也鍊氣法又  
因服氣功餘暇取靜室無人處散髮脫衣覆  
被正身仰卧脚及手並須展勿握固淨席頭  
邊垂下著地其髮梳通理令散垂席上即調

氣氣候得悶即口放令出初氣出喘急即且調氣七八下或十氣已來急氣即定又鍊之如此有暇且十鍊而止為初忍氣未通攤在皮膚不好更有餘暇又鍊之即更加五六鍊又漸加鍊至二十三十或四五十並無限何以為則如服氣不久功漸成關節通毛孔開鍊至二十三十即合偏身潤汗出如得此狀即是功效也初鍊氣得通潤且止漸汗出即好也耳安穩卧不得早起衝風如病人得汗將息良久取淨衣著無風處徐徐行出步少言愛氣省事澄思即身輕百脉流注四通暢故黃庭經云千災已消百病痊不憚虎狼之凶殘亦以却老年永延夫鍊氣者每日夜頭及午時任得方便候神情清爽時即依前次第峻坐偃咽動常須致之不得慢慢恐昏悶須睡不得強坐強坐即却邪亂其意意邪即氣亂失正道也初服未有正氣即昏昏已後亦無昏沉也夫鍊氣者即不得每日行之十日五日有餘暇覺不通暢四體煩悶即為之常日恐無功亦不用煩也

委氣法夫養氣委氣者候四體清和志無思念或因坐或因卧任氣依門戶調息凝然委身如委一衣放在床上無筋無骨無神無識縱心縱耳如此委衣亦忽為主寂沉寂沉放形委體澄神鍊氣即百節開張筋脉通暢津液流注因此便咽下十氣或至二十氣亦得每一咽皆須兀然任氣不得與意相爭良久氣便從百毛孔出不復更口吐也縱有十無一二復止即更調理數十息至百息已上忽因喘息便又微含氣咽入即更調息調息稍覺四支皮肉關節一如沐浴相似每有暇不得仰卧側卧或坐或立即委氣委身行之其功日進精滿氣全神安魄定志閑思遠道泰德寧三尸自亡六塵亦滅故黃庭經云閑暇無事身體安虛無之居在惟閑但無為養氣委身委心放形放思與道合體即自知異候黃庭經曰高拱無為魂魄安清淨見神與我言此之謂也夫委氣者忽覺四體不和身有癢寒氣候不調即委之或卧或坐澄神委氣息念寂寂安心久久凝定即覺氣之流行無

所不到也  
閉氣法夫上智之人志堅思遠一人修理無少遺功神定氣調絕其外病又有中智之人或家私未終或心有進退不依禁忌調攝乖宜氣壅不和反生其患如有苦處可入靜室仰卧熟調氣晨手足及是各相去四五寸仍須卧處厚敷冬月暖蓋被靜心坦然即便咽氣因即便閉氣口鼻不動以心念苦處以意相注使氣極即吐吐訖又閉每閉初吐後氣急即調六七下氣調順又閉之想念攻之或十或二十三十四十五十攻之所苦處覺汗出通潤即止如未可每日五更或夜頻意攻之以差為限如病在左手直入左手在右手直入右手如在頭直上頭分明見驗方知心能使氣氣意相從使氣如神憂慮哀樂不得在心憂則傷神樂則失志有疾依此無不除之也休粮法夫人欲休粮者但依前修行三年之後五臟養成體實肉滿百神歸位血脉通流氣道宣暢周遊無礙輕舉日新得至如此漸不用聞五味之氣常不思食須絕更無難

也又有世人貪樂愛利未能絕志遂多尋方書服藥斷穀藥初入腹雙似充飽藥盡飢生循還無益加以常繫心於藥物求和合於終朝駢管駢管無少雙息力微智竭煩擾漸多不招其禍又雖服藥物何能頓絕於物或喫

果子以助力或食藥物而求飽唯加調理以自保養寧思逐藥物之勞疲鍊養之弊勤勤歲月虛役精神返老還齡何可能得唯不食米何名為休糧乎其中有下士未能頓絕世務者且服藥相助亦有小益上士不理此道凡服氣功成休糧但肚中空即咽氣不問早晚更無滯礙須咽即咽亦無限數自覺有節候亦不得多咽為久服乃至絕糧並自解不煩具載如初功欲得藥助兼氣服亦得服藥者多不服氣但以藥物為事

黃庭經云百穀之實土地精五味外美邪魔腥臭亂神明胎氣零從此反老得還嬰又有在仕之人身居榮祿世務未寧慕道思真不能息志也懷心歲月虛積勤勞俛絕色塵蹉跎表暮豈能固執不漸脩之其在仕之人為

公務駢迫不可得日依三時修養但取夜半或五更候睡覺即依前法漱咽津液調取氣候去却下膳熱即咽取四五十咽初從一二十咽日加五咽至五十咽已來且止及明縱有公事但存真志行矣

太清調氣經

三篇同卷

太上老君養生訣

太清服氣口訣

莊周氣訣解

太上老君養生訣

華陀 攪 庚 陸 吳 普

五禽第一

老君曰古之仙者為導引之事能鳥申挽引膚體動諸關節以求難老名曰五禽之戲。引蹄足以當導引體中不快起作一禽之戲。故令汗出因止以身體輕便普施行之年九百餘歲耳目聰明牙齒完堅夫為導引者甚易行者甚希悉哉

虎戲四肢距地前三躡却三躡長引膚乍前

乍却仰天即返伏距地行前却各七

熊戲正仰以兩手抱膝下舉頭左擗地七右

亦七躡地手左右托地各七

鹿戲四肢距地引項及顧左三右三左申右

脚右申左脚左右申縮亦三止

猿戲攀物自懸申縮身體上下七以脚拘物  
倒懸左右七坐左右手拘脚五按各七  
鳥戲立起翹一足申兩臂揚扇用力各二七  
坐申脚起挽足指各七申縮兩臂各七  
夫五禽戲法任力為之以汗出為限輕身消

穀氣益氣力除百病陀行之年過萬歲教傳  
弟子廣陵吳普亦得延年長壽

服氣吐納六氣第二

四字四主肺肺連五藏受風即鼻塞有疾作  
四吐納治之

呵字呵主心心連舌五藏心熱舌乾有疾作  
呵吐納治之

呼字呼主脾脾連脣論云脾温即脣焦有疾  
作呼吐納治之

噓字噓主肝肝連目論云肝盛即目赤有疾  
作噓吐納治之

吹字吹主腎腎連耳論云腎虛即耳聾有疾  
作吹吐納治之

嘻字嘻主三焦有疾作嘻吐納治之

養生真訣第三

上士修之全真延命中士修之無諸災咎下  
士修之免身枉橫愚者輕之早殞性命  
老君曰一人之身一國之象也胃腹之設猶  
官室也肢體之位猶郊境也骨節之分猶百  
官也膝理之間猶四衢也神猶君也血猶臣

也氣猶民也能治其身亦如明君能理國焉  
夫愛其民所以安其國愛其氣所以全其身  
民弊則國亡氣竭即身謝是故至人上士當  
施醫於未病之前不迫於既敗之後故知生  
難保而易喪氣難清而易濁若能審機權可

以安社稷制嗜慾可以保性命且夫善攝生  
者要當先除六害然後可以保性命延駐百  
年何者是也一者薄名利二者禁聲色三者  
廉貨財四者捐滋味五者除佞妄六者去妬  
嫉去此六者則修生之道無不成耳若此六

者不除蓋未見其益雖心希妙理口念真經  
咀嚼英華呼吸景象不能補其短促蓋損於  
其本而妄求其末深可誡哉所以保其真者  
當須少思少念少笑少言少喜少怒少樂少  
愁少好少惡少事少機夫多思即神傷多念

即心勞多笑即藏府上翻多言即氣海虛脫  
多喜即膀胱納容風多怒即膝理奔浮多樂  
即心神邪蕩多愁即髮鬚焦枯多好即志氣  
傾覆多惡即精爽奔騰多事即筋脉乾急多  
機即智慧沈迷斯乃伐人之生甚於斤斧蝕  
人之性猛於豺狼無久坐久行久視久聽不  
得強食不飢而食即脾勞不得強飲不渴而  
飲則胃漲體欲常勞食欲半飽勞勿過極飽  
勿過半冬即朝莫空心夏即夜勿飽食早起  
勿在鷄鳴前晚起不在日出後心內澄則真  
神守其位氣內定則邪物去其身身行欺詐  
即神悲行爭競則神沮輕侮於人當減算數  
殺害於物必當中大行一善即鬼神悅行一  
惡則鬼神歡常以寬泰自居恬冥自守即形  
神安靜生錄必書其名死籍必削其咎養生  
之理盡在於斯矣

服氣訣

老君曰玄牝門天地根綿綿若存用之不動  
言口鼻天地之門以吐納陰陽生死之氣每  
旦面向午辰兩手於膝上徐徐按捺兩節口

吐濁氣鼻引清氣所謂吐故納新是感氣良  
久徐徐吐之仍以手左右上下前後拓取氣  
之時意想太和元氣下入毛際流於五藏四  
肢皆受其潤如山之納雲如地之受澤若氣  
通便覺腹中汨汨轉動若得十通即覺身體  
潤澤而色光澤耳目聰明令食有味氣力加  
倍諸疾去矣

又法夜半後日中前氣生可為之餘時氣死  
即不須調服調氣了之時須牀鋪厚軟枕高  
下共身平仰卧舒展脚握固去身四五寸兩  
脚亦去四五寸微微鼻引太陽氣從鼻入以  
意送此氣通遍身體即閉氣至極然後細細  
從口吐之勿令耳聞吐氣之聲若患寒熱及  
瘴患脚腫等疾不問時節即須調之若當日  
不愈明日更調不過三兩日必愈若患心中  
冷痛呼而吐之熱既吹之若患脚痛即虛而  
吐之肺若痛即西而吐之夜半後二十四調  
之雞鳴時十八平旦十二日出十二多調彌  
佳欲作此法先導引十八勢按摩二十四人  
仗導引以去五藏病

心病者體有冷熱相法心色赤夢中見人著  
赤衣持刀杖及火來怖人療法用呼吸二氣  
去之呼去冷吹去熱

肺病者曾背脹滿四肢煩悶相法肺色白夢  
見著白衣人男女作親婦人共相抱持或作  
父母兄弟妻子療法呵氣去之

肝病者愁憂不樂頭眼疼痛相法肝色青夢  
見著青衣人把青刀杖或獅子虎狼來怖人  
療法用噓氣去之

脾病者體上遊風習習情悶疼痛相法脾色  
黃夢見黃物或作小兒擊厥人或如旋風繞  
人療法用嘻氣去之

腎病者體冷而陰衰相法腎色黑夢見著黑  
衣人持刀杖來怖人療法用呬氣去之每作  
皆三十六通但能習之不愈者仍須左右導  
引按摩

論曰形者神之主氣者神之命是以形神所  
假資氣而存故調暢四肢周遊六府苟有壅  
滯便即生疾是故人體虛無成之者氣若調  
息得所即諸疾自消若吐納乖方乃眾疾咸

起善攝生者先須知調氣之法焉所謂呼吸  
生光期於壽而樂有喜斯之謂歟

太上老君養生訣

太清服氣口訣

夫萬物之生稟陰陽而成形彙兆陰陽施化從元氣而寒暑成分故太陽與也有暄暄之色以生眾品太陰動也有蒼蒼之氣以殺羣萌莫不感氣而生滅斯即目前常觀君子所知故云夫食元氣天不能殺地不能藏者佳矣且交接元氣於腎鼻之間分陰陽於臍膈之內吐納無差持攝不乖則長生之端可以期矣今予所錄口訣者即服元氣之法也其有諸秘乃於口傳非紙筆可能載雖粗述多少亦一家之要凡諸好事之儔得之不可輕洩也

凡人腹中三處有隔即心下有隔初學服氣者皆覺心下胃中滿但少食久作之自覺通下至臍下有隔即覺腹中滿久而作之自覺至臍下丹田中然後覺氣周行身中猶自未入鳩中後覺鳩中氣出即能與人療病也初學時必須安身靜處細意行之不已氣入腹中即於行住坐卧一切處不妨胃中氣未下即不得諸處作難成

初服氣皆因入息即住其息少時似閉氣滿其息出時三分可二分出還住少時咽之咽已又作至腹中滿休必須日夜四時作為初學人氣未入丹田還易散意欲得氣相接也氣入丹田已縱不服亦氣不散四時者朝暮子午時也心裏滿但不服氣咬少許甘草桂亦得其滿即散丹田未滿亦未到滿也元氣下時自然有少悶也

凡初服氣日夜要須四度朝暮二時用仰覆勢夜半及午唯用仰勢其仰勢但用低枕仰卧縮兩脚豎兩膝伸兩手著兩脇邊即咽氣解咽只十咽氣即滿丹田待一時咽了然後以意運入鳩中其覆熱以腹坦牀以被支胃令高手脚並伸著牀即咽十咽每咽皆以意運令沿脊下從熱藏中出每朝暮服氣先覆後仰每咽氣皆須一下下作聲始得不解作聲徒勞耳

凡咽氣皆須喉中深徐徐咽不得猛猛即發嗽凡咽氣每一迴咽中間隔十息亦作事停歇從容任意

凡咽氣不得和唾咽氣須要乾咽中間有津液來別咽之咽液亦須用入息恐生風入極須用心

初從受服氣法要須誦呪受法了後平常自用氣亦不要誦呪與人療病始迴迴誦呪

凡服氣四度外或非時腹中覺少氣力不健任意咽多少亦得

凡初服氣未固多從熱藏下洩宜固之勿令下洩以意運令散

初服氣必須心意坦然無疑無畏不憂不懼若有畏懼氣即難行

凡服氣若四體調和必須意裏忻然自足不羨一切事即日勝一日歡快無極也

凡服氣不得思食坦然無所念始得若思食必須抑捺如不在意不抑捺心即須念如渴煮薜荔湯湯中著生薑少許更煮一兩沸湯喫一椀其渴即定薑蜜湯亦得若能自抑捺縱終日對嘉者亦無所思

凡服氣但不失時節丹田常滿縱日別出行人事亦不妨久久行慣縱失一時兩時亦無

碍

凡咽氣仰排水覆排食食藏在右水藏在左  
凡咽氣久即自至鳩頭凡咽氣覆存於脊下  
秋意存腹中近脊尋聲下熱藏中出仍令聲  
從右邊下

凡咽氣滿悶下洩不能禁亦非事所云存氣  
使出頂及四脈久行之自覺如未覺秋憑存  
即是凡咽氣久秋得丹田氣拍之彭彭即得  
縱心頭未滿亦得如欲心頭飽滿祇是多取  
氣即得氣如盡行久即自覺更無別法問云  
何得似喫食時一種初學秋合如此久久即  
共喫食時一也服氣了運通身非今出任其  
自出如人行事氣力少即咽亦不須候時內  
視腸中糞盡閉目內視即見腸中糞極難盡  
縱斷食二十餘日始盡初斷食二七日須日

別喫一兩頓糞菜推宿糞令下始得每頓喫  
一椀首宿芥蕪菁菘無妨練却苦汁入少油  
酥任少著鹽醬醋作氣味勿著米麩等且欲  
腸中穀氣盡喫可四五日已後除却菜喫  
汁又三數日然後總停每須喫少酒任性腹

中空訖大喫一頓酒令吐胃中痰即極精每  
日須喫椒日三兩服椒一合淨擇去子及閉  
口者及去塵以酒水薺蕪湯菜汁任意送之  
令下益氣及推腹中惡物此是秘法蓋性能  
爛物腹中有食喫薑湯非事如食盡訖即非

所宜如菜中有邪蒿及葫荑必不得食能亂  
人氣凡仰咽氣入腸運入鳩中覆咽運令從  
熱藏出凡人有熱藏生藏行之一月氣始入  
盤屈腸中作小聲繞腸轉鳴始是如法凡人  
盤屈腸轉數多者為上十二轉已下或十轉  
九轉或七轉五轉或三轉兩轉三兩轉者為  
下賤人腸羸而短聰而無智羸屬聰短屬不  
智唯欲得腸長為上若短更細不是人類心  
為神氣肝為禁氣肺為殺氣脾為道氣腎為  
元氣今時正咽者是內氣

凡人腸長者氣易因腸短者氣難固  
凡服氣如腸中攪轉作聲即須右脇著牀以  
右手叉頭以左手牽左脚令屈直身及右脚  
咽氣令入右胸中即可入行氣每下作聲聲  
繞盤屈于腸屈處作聲皆記得屈數其聲流

轉吻然小聲即是流通好也人腸中四緣  
又有節坎數亦自記得

分別外氣元氣訣

元氣與外氣不相雜若咽生氣入須臾即  
從下洩出去不得停腸中若運氣得應頭腦  
中頭腦中熱氣上運向脚亦如之

若先運陽氣即覺脚先冷後熱何故如此緣  
陽氣推陰氣出所以如此如先運陰氣亦陽  
氣先出脚如火熱然後始脚冷他皆做此若  
能運氣入頭始免面皺也出老君太虛太上  
無上自然太起經

老君治身守一法當以夜半時元氣始生舌  
掠齒上下祛脣以鼻納氣口咽之三九止則  
生氣通流於百脉令人長生

治身法朝起先虛兩手掌摩令熱律額上二  
七名曰存泥丸令人身神具

治身次以兩手相摩令熱拭面二七名曰乾  
浴令却惡氣面為尺宅真人居其中見之令  
人不病次相摩兩手令熱律身體二七名為  
浴身令人却寒風

次相摩兩手令熱從額律頭髮二七尋存持髮神守生名為浴頭令人髮不白齒落更生次復摩兩手令熱從耳下又兩耳逆上二七令人聰徹

耳各有二神神字嬌女治身守一法朝起衣

衣單手律頭呪曰大吉長生百病除愈會于福門五藏調和無憂患諸神齋戒隨我身令我至老不畏人畢下牀先前左足呪曰乾次前右足後呪曰元次前左足復呪曰亨次前右足後呪曰利次前左足復呪曰貞吉同曰乾元亨利貞身為萬神主玉戶見白日大吉得所望守一法常愛氣慎言語令氣入多出少還氣補於元思念元氣終得長生守一法卧常隨四時八節春夏早起與雞俱興秋冬晚起必待日光無厭逆之則傷

勸身神呪

謹勸臣身中五藏六腑九官十二神室四肢五體筋骨髓腦皮膚血脉孔竅榮衛百八十八肌關三百六十骨節千二百形影萬二千精光左三魂右七魄三鬼五神頭戴朱雀足履

玄武左扶青龍右據白虎青龍扶迎白虎扶送朱雀道前持幡幢玄武隨後負鍾鼓令臣心不受邪肝不受病肺不受毒腎不受昏脾不受死膽不受怖胃不受穢吾氣奮翼更加導引急急如臣所告

若履穢及諸不淨處當洗浴盥漱解形以除其穢法用以竹葉十兩桃皮削取白四兩以清水一斛二斗煮令一沸適寒温以浴萬瘡消除也若沐者蓋不但用此練尸之素漿正以浴耳如此便不得以沐頭更依如常沐法也

太清服氣口訣

莊周氣訣解

莊子曰指窮於為薪火傳也窮盡也為薪猶前薪也將以指盡前薪之理故火傳而不滅心得納養之中故命續而不絕夫養生乃生之所以生也不知其盡也夫時不再來命不一停故人之生也乃一息一得耳向息非今息故納養而命續前失非後火故薪傳而火續由夫納養得理其極世豈知其生而盡哉陰符疏曰太公賊命以一銷天下用之以味何也一者心稟於自然變化之元故善賊命者用銷息杜欲還真故曰長年轉成神化是一銷之義也疏曰太公聖人謂之五賊天下謂之五德人食五味死無有怨而棄者心之所味亦然夫聖人以至真之體觀乎五者皆欲也故謂之五賊天下之人食五味者死無有怨而棄者心之所味亦然蓋言眾庶貪溺五味終也五欲使自為也人皆欲其生欲其養欲其成欲其通欲其安隨而與之因而制之天下奔逐其性咸獲所欲特謂造化自成我不知自為利也其天下之人不達其要者



但以味適口充腹飽胃以養其性命恐隔滋味而已然其腑藏長欲蒸心亂神反質百疾以至夭殂故太公曰人食五味而死無有怨而棄之不食五味者仙真也廣成子以為積火焚五毒五毒者五味也若去五味盡可以長生以此驗之明矣子以為積火則心積鍊其心陽和氣充布氣流液如心在陽故五味消滋味自淡也夫欲神仙當先營氣能益能易名上仙籍不益不易不離死厄但能握固閉氣吞液氣化為血血化為精精化為神神化為液液化為膏胎結丹田綿綿長存行之不倦神光體溢凡嚙氣皆須喉中徐徐咽不得泄泄即令人發煩每嚙從容中間隔十息俾歇又一嚙彌佳若但嚙之則易奔出初服氣必須心意坦然無疑無畏必大勝若懷疑感即正氣難行蓋須安心決志耳凡服氣四體調和必須情意欣樂自足不羨一物事日暢一日凡食穀服氣雖得食食不得飽飽即氣住氣住即逆出彌急須坦然無滯味自抑捺不抑捺即心不正氣不行也凡服氣

日別飲少藥酒亦妙并煮蓬食之益氣若氣不下喫少許薑蜜湯能遊心於玄漠百物不思至誠感神則自然飽足絕粒久視一無所妨服氣縱體中胃心間不安亦非害事久久日勝一日矣服氣次不得食肉及一切果子生菜若未能全斷肉味須除十二屬亦恐腹中不安穩又滓穢腸中正氣難行且漸空腹但自忍抑久自覺神情有異四體漸勝眼中自識善惡澄心定志三七日即內視腸胃通鑿五藏歷歷使用妙不可言凡身中氣常從口鼻中出令制使不出仙訣曰欲得不死腸中無滓欲得長生五藏當清欲得不老還精補腦蓋為行道也初學一日一夜不可忘四時六時內自通融作慣行住坐卧縱橫並得服氣飽須閉氣令遍身中次想氣覺氣道成每欲嚙氣先瞑目叩齒握固訖存五藏各為獸肺化為白麟心化為赤麟肝化為青麟脾化為黃麟腎化為黑麟各吐本方正色濛濛縈繞狀如五雲入于口中即鼓頰受之如常燕法畢即摩拭目七遍定心叩齒七通呪

曰  
太霞發暉雲霧四千結氣宛屈五色洞天神  
嚙合氣金石華真霞鬱紫空鍊形保全出景  
藏幽五雲合分合明太虛時乘六雲和攝我  
身上昇九天咒畢又叩齒七通嚙液七遍無  
為無作安神定志無與氣爭乃候出息便鼓  
頰如嬰兒含乳而嚙之定心意送至丹田察  
其氣在左邊下歷歷聞之如水之度坎聲極  
分明乃為一氣如此良久又送一氣覺似滿  
即休不得過多日久通乃知也初服氣皆因  
息時住其息少時似閉滿其息出時三分  
出二又住少時想滿腹中時服之朝暮于午  
是也覺滿欲出咬少許甘草桂心嚙液亦得  
漸散丹田未滿亦不到滿也元氣下時自然  
有少悶抑莫令出凡氣欲從口鼻中衝出即  
須強嚙津液直要加力小腹從容抑下如不  
可禁即合返取所出氣還鼓腮努小腹嚙入  
漸固久久自不出矣

莊周氣訣解

嵩山太无先生氣經卷上并序 盡七

夫形之所恃者氣也氣之所依者形也氣全即形全氣竭即形斃是以攝生之士莫不鍊形養氣以保其生未有有形而無氣者即氣之與形相須而成豈不皎然余慕至道備尋秘訣自行氣守真向三十餘載所聞所見殊未恆心大曆中遇羅浮山王公自北岳而返倚策高昂依然相顧余奇異人延之與語果然方外有道之君子也哀余懇至見授吐納須一二理身之要道其恩罔極非言詞所能盡每云道之要法不在經書悉傳口訣其二景五牙六戊諸服氣法皆為外氣外氣剛勁非從中之事所能宜服也至如內氣已正是曰胎息身中自有非假外求不得明師之口訣徒為勞苦終無所成今所撰錄皆承師之旨要以申明之諒非愚蒙所自裁王公嘗謂余曰老君云我命在我不在天地又曰吾與天地分一氣而自理焉天地焉能死吾哉斯實真言要訣也修奉之士宜三復之恭承誘訓敢不佩服有偶時得此訣者須慎勿輕傳

示无或泄露以致其殃耳

服氣訣

脩真服氣訣每日常卧攝心絕想閉氣握固鼻引口吐无令耳聞唯是細微滿即閉閉使足心汗出一至二數至百已上閉極微吐之引少氣還閉熱即呵之冷即吹之能至千數即不須糧食亦不須藥時飲一盞酒作水通暢耳數至五千則隨處出入有功當自知也則有入水卧功矣夫服食生貴有恒真氣既降方有通感豈有縱心嗜慾而望靈仙羽化必无此事也但仙人至士行功未滿尚不能致况凡俗乎但信老人言勤行之即當自知矣

進取訣

進取訣曰凡欲服氣先須得一高燥靜密之室不在大務絕風隙而已室中左右常燒香不用乳頭者床須厚軟脚須稍高真誥曰床高免鬼吹蓋言鬼物者善因地氣以吹人而為崇忤床高三尺可矣衣被寒煖使枕高三寸二分裏內一寸九分餘令與背平每夜半

後生氣時或五更睡之初覺先呵出腹中濁

惡氣一九下止若要而言之亦不在夜半之與五更但天氣調和腹中空則為之閉目叩齒三十六通以警身中神畢以兩手熅目大小背兼按之左右抵耳摩面為真人起居之法隨事導引先以宣暢關節乃以舌挂上腭料口中內外津液滿口則咽之令下入胃神承之以此三者三止是謂漱咽靈液灌溉五臟面乃光矣此之法熟大體同略便兀然放神使心同太空身若委脫情累都遣然後服之每事皆閉目握固唯散氣時即展指也夫握固所以閉關防而却精邪初服氣之人氣水流行則不得握固待至百日或半年覺氣通暢掌中出汗即可握固黃庭經云閉塞三關握固停漱咽靈液吞玉英遂至不飢三蟲亡心意常調致欣昌是也

陶氣訣

陶氣訣曰凡人五臟亦各有氣夜卧閉息覺後欲服氣則先陶氣轉令宿食消故氣得出然後始得調服其法閉目握固仰卧靜兩拳

於乳間暨兩腋舉脊及尻固閉氣海中氣使  
自內向外轉而轉之呵而出之一九二九止  
是曰陶氣訖還則調之

### 調氣訣

調氣訣曰鼻為天門口為地戶則鼻納之口  
吐之不得有忤忤則氣逆逆則生疾吐納之  
際尤宜慎之亦不欲自耳聞之或七或九令  
和平也是曰調氣調畢則咽之夜卧閉之不  
可口吐也常須在意意久則得調也

### 咽氣訣

咽氣訣曰服內氣之妙在乎咽氣世人將外  
氣以為內氣不能分別忤何甚哉吐納之士  
宜審而為之氣或錯忤耳夫人皆稟天地元  
氣而生身中分之元氣而自理每吐咽則內  
氣與外氣相應自氣海中隨吹而直上直至  
喉中但惟吐極之際則轉閉口速鼓而咽之  
令郁然有聲汨汨然從左邊而下經二十日  
即如水瀝坎聞之分明也女則右邊而下如  
此則內氣之與外氣自皎然別次以意送之  
以手摩之令運入氣海中氣海在臍下三十

也亦謂之下丹田初服氣人上臆未通以手  
摩而助之令速下若氣已通流不摩亦得一  
閉口即三連咽號曰雲行一濕咽謂之雨施  
初服人氣未通流每一咽則施行不可遽至  
連三也氣通暢然後精加之直至於小成也  
一年後始可流通三年功成乃可恣服夫人  
氣既未通咽或未下須以一咽為候每咽吐  
極則大鼓口微用少力感而咽之務令郁聲  
汨汨而下直入氣海中如此了然後為三連  
咽則便成也且此訣要益余身並深咽之非  
久用心者為能較量而洞見真理初服氣人  
及久服未得其妙者有得此訣何其幸歟何  
其幸歟輕於傳不必招譴罰慎之慎之毋為  
之向東終而復始准前所為候也

### 行氣訣

行氣訣曰下丹田後脊二穴通脊脊上達泥  
九泥九腦宮也每三咽連則存下丹田中所  
納得元氣以意引之令入二穴因想見兩條  
白氣夾脊雙引直上入泥九薰薰諸宮森然  
徧下毛髮面部頸項兩臂及手相一時而入

胃中丹田心也灌注五臟却歷下丹田至三  
里偏尻經膝腓下達湧泉是心也所謂分一  
氣而理則鼓之以雷震潤之以風雨之義亦  
由天地有泉源非雷震動則氣不能潤盪萬  
物人身有津液非咽漱則无以溉五臟蒙光  
彩還精補腦非交會則不能通而上之咽服  
內氣非吐納即不能抽而用之逆知廼薄之  
道運用之理所以則天法地也想身中濁惡  
結滯邪氣瘀血被正氣盪除皆從手足指端  
出謂之散氣即展手指不須握固如此一度  
則是一通通則氣痞痞則復調使平平則復  
鼓咽如前也閉氣鼓氣咽至三十六咽為之  
小成為未絕粒但且至此即得常須少食務  
令腹中曠然虛淨无間坐卧但腹空即咽之  
通夕至十度自然三百六十度咽矣謂之大  
成是謂大胎息如胎息但閉氣數至一千二  
百息亦謂大成然亦不能鍊形易質縱得長  
生尤同枯木無精光也又有鍊氣閉氣委氣  
布氣諸事并雜訣要列於下同志君子詳而  
行之萬不失一也

鍊氣訣

鍊氣訣曰服氣餘暇入室脫衣散髮仰卧展手勿握固梳髮令通垂席而布之即調氣咽之訖便閉氣候極乃冥心絕想任氣所之過理絕悶則吐之喘急即調之候氣平又鍊之

氣通加至二十三十四十五十即令徧身汗出如有此狀是其效也安心和氣且卧勿起衝風乃却老延年之良術也神清氣爽則為之欲睡勿為也常為之不必每日要獨清爽時為之也十日五日一度為之候黃庭經云千災已消百病瘥不但虎狼之兇殘亦以却老年永延是也

委氣訣

委氣訣曰委氣之法體氣和平心神調暢无問坐卧則可為之依門戶調氣或身於床或兀然而坐似无神識寂寂沈沈使心同太空因而閉十氣或二十氣皆須任氣不得與意相爭良久氣當從百毛孔出不復吐也縱有十分氣一二也復調為能至十或百息已上彌加候行住坐卧皆為之如此勒行百開開

通顏色潤悅氣清而長如沐浴但體有不和使為之亦必當清泰也黃庭經曰高拱无為魂魄安清淨神見與我言是也

閉氣訣

閉氣訣曰忽有修養幸宜偶生諸疾宜投密室依法布手足則調氣咽之有所苦之處閉氣以意想經氣以攻之氣極即吐之訖復咽繼之急氣即止氣調復攻或二十三十四十五十攻覺所苦之處汗出通潤即止如未愈即每日夜半或五更晝日頻作意攻之以差為度病在頭面手足但有疾之處則攻之无不愈者知心之使氣於手足有如神即功力難言也

布氣訣

布氣訣曰夫用氣與人療疾先須依前人五臟所患之疾取方向之氣布入前人身中令病者向方息心靜慮此與布氣令其自愈亦咽氣息念求除也自然邪氣永絕正氣布訖邪風自退也

六氣訣

六氣訣曰六氣者四呼吸噓吹噓是也五臟各屬一氣餘在三焦此都包矣四屬肺主鼻有塞熱不和及勞極依四吐納兼皮膚瘡病有此疾者則依狀理之立愈呵屬心主舌乾溢氣不通及諸邪氣呵出之大熱大開口小熱小開口大須作意量宜理之達度則損呼屬脾主中宮土如氣微熱不和腹肚脹滿悶不泄以呼理之即愈噓屬肝肝主目如目温熱可噓以理之即愈吹屬腎腎主耳腰脚冷陽道衰以吹理之即愈噀屬三焦如不和以噀理之六氣雖各有所管但五臟三焦冷熱極風邪不調都屬於心呵之以理諸疾皆愈不必用氣也諸家說准此行可立見功效

調液訣

調液訣曰人食五味五味各歸一臟每臟濁氣同出於口又六腑三焦之氣亦湊此門眾穢總投合成濁氣每睡覺濁穢之氣自不堪聞審而察之知其時候口中乾苦舌澀頰熱少津液或咽唾喉中痛不能食是熱也即須開口呵之必須依門戶出入之十呵二十呵

即鳴天鼓或七或九以舌漱華池而咽津液復呵察熱退心但候口中清水甘泉生即是熱退五臟涼也若口中津液冷淡不受水即冷狀也即以吹治之法候口中自美心調即止黃庭經云玉池清水灌靈根審能脩之可長存又曰漱咽靈液炎不干也

### 飲食訣

飲食訣曰服氣之後所養有序次其可食之物有損有益有益者宜可食之有損者即可節之益乃長服每日平旦食少許淡水粥甚宜人理脾氣令人足津液日中食淡麩餅飩並佳及葱薤羹糯米大麥飯鹿肉作白脯已上並佳食後吞生椒三五枚及先咽氣三五咽消食引下氣通三焦和五臟趨惡氣助正氣特宜長服辟寒凜暑濕明目和中理氣功不可備具在太清經上卷更有別方妙忌食十二屬三十六禽本命父母本屬特忌熱蒸餅亂正氣肥猪肉生菜令人脞閉瓜棗栗芋菱芡鴈鵝野雞並可食之不欲其心首脂也齋戒須總絕之天師所種木中之玉名曰南

燭草每叢七十二莖每莖二十四枝每枝五葉應七十二候五行二十四氣也江東少室山南岳湘江化中並有之作飢飯食之佳作煎亦得不必依太清經中所須但單燭草即得凡食乍可飢不得令飽飽即傷心氣難行也仍忌蘿蔔羹生冷辛辣之物酸滑粘膩陳硬難消之物切忌若偶然食此等物一口則物所在處當微微有痛慎之慎之但食軟物無慮凡服氣後有氣下則泄之慎勿絕絕即成疾每朝空腹隨性飲一盞好清酒佳冬

燠之夏冷亦得助正氣排邪又不得多多則昏醉昏醉則傷神損壽若遇真事不得已則須且飲但可呵三五下盞飲併則開口呵十數下遺麩之毒調理之常時飲二三升是日乃可一斗不至於醉亦不中酒亦不先食味亦不退如故

### 調護訣

調護訣曰凡脩鍊服氣休絕之法不居產房不昇喪堂六畜死穢一切雜穢不淨中驢馬惡氣之物並不宜聞況近之乎如見不祥臭

穢即須念解穢不然甚損正氣不意卒然逢遇已上之穢則速閉氣自取上風疾逼則解之兼兩杯酒以盪滌之佳如惡氣入覺不安穩即須調氣遂去勿留又恐有逆氣勿使出則却咽下更納氣以逆之當定以手摩助之便含椒及飲一兩杯酒令散矣如不散亦不使和平也斯必乃食油膩雜犯觸正氣用意有省當知向前所犯必是憂慮房事者勿再有悞也所服氣一年氣通二年氣行三年

功成元氣遂凝結玄珠於丹田縱有犯觸无能為患日服千咽亦不懼多即返老還童轉從此也於是氣化為血血化為精精化為髓一年易氣二年易血三年易脉四年易肉五年易髓六年易筋七年易骨八年易髮九年易形十年之內三萬六千神備在身中當化為仙真號曰神人勤修至道鍊氣為形形化為神神形一體白日上昇大道靈驗好仙君子詳而學焉勤修不急即性開通五臟相固黃庭經云千千百百自相連一一十十似重山是也內氣不出外氣不入寒暑不侵兵刃

莫害昇騰變化壽同三光无窮盡也

休糧訣

休糧訣曰凡欲休糧但依前勤修三年之後正氣流通體實骨滿百神守位三尸遁逃如此轉不欲聞五味之氣常思不食須絕則絕亦復无難但覺腹空即須咽氣不問早晚何論約限久自和節度時候無煩具言亦可兼藥物大有服藥之人多不服氣區區終身唯以藥物為務固未得亦非上士用心也黃庭經云百穀之實土地精五味外美邪魔腥臭亂神明胎氣零那從反老得還嬰何不食氣太和精故能不死入黃寧

慎真訣

慎真訣曰世上之人率多嗜慾損生伐命令占共然不早備防悔將何及仙經曰夫人臨終而始惜身罪定而思遷善病成而方求其藥天真已散何可追之故賢哲上士惜未危之命懼未禍之禍治未病之病遂拂衣塵寰攝心歸道道者氣也身之主者精精者命之根愛精重氣然可庶幾乎長生矣黃庭經曰

方寸之中念深臟三神還歸老方壯又曰長生至慎房中急何為死作令神泣忽之禍鄉三靈沒但當吸氣錄子精寸田尺宅可治生若當決海有濱傾葉去樹枯失青青此禁養精神之術凡學長生久視未有不愛精保氣而致也陰丹百御之道人莫不知雖務於氣而不絕慾亦不免危殆故曰人常失道非道失人人常去道非道去人修養君子深宜自省也夫氣者道也道者虛无也虛无者自然也自然者无為也无為者心不動也心不動者謂内心不起内心不起即外境不入内外安靜即神妍神妍即氣和氣和即元氣自至元氣自至即五臟滋潤五臟滋潤即百脉流通百脉流通即津液上應津液上應即不須五味五味止絕飢渴不生飢渴不生三田成體聖骨實肉返老還年漸從此矣故其氣化為血血化為精精化為髓一年易氣二年易血三年易脉四年易肉五年易髓六年易筋七年易骨八年易髮九年易形三萬六千神住在身化為仙人是心體玄微理生不測也

五臟和津液生三髓道氣不壅此謂瓊丹非世間丹也夫神者无形之至靈故神稟於道靜而合乎性人稟於神動而合乎情故率性則神凝久則神止擾則神遷止則生遷則死皆情之所移非神之所使也夫欲服氣先須靜坐一覺向上想過欲界色界无色界更過太始太素太初太極太高想元氣下從頂門入念至涌泉端坐記入息莫記出息但用一覺使元氣隨意而到三丹田轉輪如流水玉老經云元氣流通不死之道至人可知也蚩蚩者不足與議慎之又曰胎息守中上與天連名大道行之立得飛仙秘之慎之保之

嵩山太无先生氣經卷上

嵩山太无先生氣經卷下

修存訣

凡胎息者其道皆先叩齒三十六通集諸神然後轉頸一匝其胎息已咽喉嚨之如此三通方以舌內外磨料取玉津液滿口漱溜昂頭嚙之上補泥九下潤五臟至夜半及五更展脚握固展兩手去身五寸其枕高三寸閉目依前法嚙之梳洗了煖取一杯酒飲之胎息滋六府酒引氣潤百關聖人言人在氣中氣在人中人不離氣氣不離人人藉氣而生氣散人死人死生之理盡在氣中但調鍊元氣求死不得王老云久而行之求死不得此之謂也老君云甘雨潤萬物胎津潤百體黃庭經云晝夜不寐迺成真上致神仙下益其壽在身所有疾病想氣攻之其疾立愈其真氣逐濁氣下泄即覺神情爽利器宇冲和老君曰靈谷玉莖並在己身名山大澤採藥服食可以滋助正氣若全使之即與道有乖若久服胎息不亂者自然氣圓成真妙不假羽翼而乃昇騰也夫胎藏嬰兒握固服元氣

握固是天地之間握者猶心閉門邪氣不入也夫嬰兒所以握固在母腹中飲其元氣故號曰胎息合本元氣不動不搖自然不飢不渴也學胎元者若閉氣極悶即微吐其濁氣呵而出之旋便却閉常守其元自然成妙矣夫人身稟元氣所生還須以胎元補之故曰保其元氣是曰自然還丹步虛曰冲虛太和氣吐納流霞津胎息靜百關家家究三便泥丸洞明鏡遂成金華仙又曰常念餐元精鍊液固形質學道之人常含元氣挹漱流霞充灌關府津潤骨髓迴凋朽之類齡復童嬰之怡顏吐納改容若非鍊液如此凡胎息上衝咽喉用何物為應以雷鳴應候為胎息矣握固亦常行夫咽喉下有十二樓胎息氣上通頭嚙之名曰補腦之法秘之故曰飢食太和自然之氣即胎息也渴飲華池漿口中津液也得津液還歸澆灌神門腎宮滋潤玉液甘甜深宜保之夫五臟上應列宿下應五行常須以清淨保之矣

慎氣法

五七

十四

慎氣法曰夫氣之為理也納而難固吐而易竭難固須保全易竭須潛而勿泄真人曰學道如憶朝餐未有不得之者惜氣如惜面目未有不全者又曰若使惜氣如一身之先急者吾少見枯悴也其於接對言笑須宜省約運動呼呬特宜調緩觸類愛慎方免損矣夫人與天地合體陰陽混氣皮膚骨髓腑臟榮衛呼吸進退寒暑變異之事莫不同乎二儀五行也是知天地否泰陰陽之氣亂焉臟腑不調經脉之候病矣因外寒暑之病起於風因所致者百病起於氣故曰恬淡虛无真氣從之精神內守病從何來是故須知形神以性和而全之審內外之病而慎之夫人有三丹田以合三元上中下也上丹田泥丸腦宮也其神赤子字元先一名帝卿其神赤衣冠治上元也中丹田絳宮心也其真人字子丹一名中光堅其神赤衣冠治中元也下丹田臍下氣海精門也其神嬰兒字元陽一名谷下玄赤衣冠治下元也此三丹田以應三元中各有一神若虧損即氣漏精泄精泄即氣

五七

十五

散也夫精者身之根根者氣之位精全即氣全精泄即氣泄唯精與氣須全耳又云精能食氣形能食味夫嚙氣不得和津液嚙之津液須別嚙若和津液恐招生風入腹成疾咽津液時須候出息嚙之尤妙也

嵩山太无先生氣經卷下終

延陵先生集新舊服氣經

桑榆

子

評

命一

修養大略

仙真經云夫人臨終而始惜身罪定而思遠善病成方功於藥天網已挂胡可逭耶故賢人上士惜未危之命懼未萌之禍理未至之病也修真品有三上年中年下年上年者二十三十也中年者四五十也下年者六七十也上年者早悟大道識達玄微髓壯骨堅筋全肉滿從容履道無不成功中年者悟道已晚筋肉骨髓各有其半處在進退如日中之功下年者骨髓筋脉十有二三猶可補修如日暮功矣八十已上者罪位已定無可救之法腦竭髓盡萬關乾枯神謝氣亡尸行鬼步奪榆子曰尸以喻無知鬼以喻有知而乖人情者惟尸行惟鬼步且行且步遲之者雖則知元氣尚在但以滅氣勝於滯矣若達至人成得大藥堅持盈車之魚燈變將盛之餘始亦可致其翻然而熾矣此言無可救者只謂氣功已就自執之事不及矣若遇玄聖而教其生死則肉骨起仆莫先賢上士知風燭之倏忽乃攝志持情捨榮棄俗奉身歸道不與物傷道者氣也氣者身之根也魚

離水必死人失道豈存是以保生者務修於氣愛氣者務保於精精氣兩存是名保真也人有三丹田上元中元下元是也上元丹田腦也亦名泥丸中元丹田心也亦名絳宮下元丹田氣海也亦名精門三元之中各有一神桑榆子曰精化為氣氣旺而神樂焉神何物也靈照之名也知化氣全氣全則神全若元氣充滿百骸孔竅神必備矣必備者無他氣至則神到今人有憂患動中則知見因而暫虧蓋氣擁有不不至者耳筋心實精者身之根根者氣之位精全則氣全精泄即氣泄氣泄則神棄而去之唯精與氣須全耳黃庭云長生至慎房中急何為死作令神注但當吸氣錄子精寸田尺宅可治生若當決海百瀆傾棄去樹枯失青青故先賢至於道者莫不因愛氣保精而能全也夫服氣本名胎息胎息者如嬰兒在腹中十箇月不食而能長養成就為新受正氣無思無念元然凝寂受元氣變化關節藏府皆自然而成豈有傳保之術飢渴之備耶及出母腹即吸納外氣而有啼叫之聲即乾濕飢飽似有所念即失元氣人能依嬰兒在母腹中自服內氣握固守



一 是名曰胎息也蘇子曰此言失元氣者非  
間無復有法華經云須行住坐卧身心不亂  
生人矣者亦言氣主心邪則氣邪心正即氣正今  
人所舉手動足喜怒哀樂莫不由心心之動  
息莫不是氣氣感意意從心心和則氣全氣  
全即神全氣絕即神滅神滅即為委土矣故  
醫家先診脈者測候五藏四時之氣察諸病  
源始尋方藥人但能察得氣候口鼻取捨斯  
須不忘自然五藏和而脉調氣順也夫人與  
天地合體陰陽混氣皮膚骨髓藏府及榮衛  
呼吸進退寒暑變異莫不均乎二儀應乎五  
行也是知天地否泰陰陽之氣亂焉藏府不  
調經脉之候病焉因外所中者百病起於風  
因內所致者百病起於氣也故曰恬淡虛無  
真氣從之精神內守病安從來信哉是故須  
知形神之理養而全之審內外之病慎而修  
之岐伯高曰食氣者則靈而壽延食穀者多  
智而促命凡服氣者何求也以其功至則氣  
化為血血化為精精化為髓一年易氣二年  
易血三年易脉四年易肉五年易髓六年易

筋七年易骨八年易髮九年易形即三萬六  
千神在於身化為真仙號為真人矣是以意  
在玄微理生不測修真之人又有三等任時  
分理其狀不一上等之士本性虛閑用志清  
雅發言合道履行無瑕如此之人有前代之  
資以石投水無所比之也中等之人或身居  
榮祿或地勢高遠或巨業厚姻或有名有望  
二疑進退倏忽虛捐聞道即寤寐不安思名  
則終朝不息兩心交戰勝者即全遠遜之間  
十失六七矣中等已降二時既過踉蹌暮年  
筋力衰微心神已喪雖食厚祿白日將傾追  
惟望臍方即正路此時若能精心勵志尚乃  
救其一二焉此皆先賢所悲表示於後事察  
根柢生實信心

張果先生服氣法

每日常偃卧攝心絕想閉氣握固鼻引口吐  
無令耳聞唯是細微滿即閉之使足心汗出  
一至二數至百已上調極微引少氣運閉熱  
呵冷吹能至一二千即不用糧食不須藥物  
時飲一兩盞好酒或新水通腸耳數至五千  
則隨處出入有功當自知也則可入水卧矣  
夫服食養生書其有常真氣既降方有通感  
豈有縱心嗜慾而聖靈仙羽化無此事也且  
仙人功行未滿尚不可致而况凡俗乎但信  
老人謹勸行之則當自知凡氣不通冷熱遲  
疾耳害調之以通和為妙也

鸞法師服氣法

初寬大座伸兩手置膝上解衣帶放縱支體  
念法性平等生死不二經半食頃即閉目舉  
古奉脞徐徐長吐氣一息二息傍人聞氣出  
入聲初麤漸細十餘息後乃得自聞聲凡覺  
有痛痒處使想從中而出但覺有異漸漸長  
吐氣從細至麤十息後還如初或問曰初調  
氣何意從麤而漸細將罷何意從細而入麤  
鸞答曰凡行動視眄飲食言語是麤也桑榆  
凡於氣學者未服及服於飲食言語蓋事  
也皆公欲使兩相接會不令其首足既異  
也凡睡寤後復如前繫念如虎衛子莫急莫  
緩不問寒溫室中先淨所住使心不亂靜其  
膝耳又曰四大不調何以察之當於唇口察  
之冷為風增熱為火增溢為地增滑為水增

不冷不熱不澀不滑為調和又聲為風增動為喘增痒為熱增涎為水增不聲不動不痒不涎為調和又心煩為熱結意亂為風結憂悸為喘結志蕩為水結不煩不亂不悸不蕩為調和四大不調有二或外或內寒熱飢虛

飽飢疲勞為外起名利喜怒聲色滋味合處為內起凡氣節量一任自然綿綿若存用之不動而已但能不以生為生乃賢於養生也

桑榆子曰諸經皆言吐納不欲自開其聲而驚管言吐蘇而漸細後細而漸蘇始甚快之及觀下文云一任自然則知開蘇細之漸行矣為最下乘者故不欲使之與自然爭力也然必以微細自不聞聲為上從細微而至無息即胎息之理盡矣思學者功至之後猶拘牽文字者於蘇細先後之間返與自然為銘良可哀也如此人焉得不為之明辨矣

李奉時山人服氣法

每欲服氣如嬰兒吮乳氣息似悶即咽之依前吮咽大悶即放令口出甚須微細每咽使心送之至臍下有病亦使心送至病處當服之時第一須閉目專意握固安定神氣然後為之先須導引令四體舒緩然後為之卧服勿枕舒手足安定如病重氣甚悶頻慶上至極仍更握固咽氣又咽一氣氣正聲從耳中

出即得矣秘之秘之此為內氣無問早晚晴明陰晦須服即服大都得晴明時大精若服外氣即有生死氣知之十年服之五日不服即無益矣每日五更午時服第一服了須攝鍊兼以手按之勿令心腹下硬

蒙山賢者服氣法

側卧右脇著林微縮兩足並著頭向南面東兩手握固傍其頤閉取內氣極力開喉咽之如此七咽一吐氣高時服氣一咽兩咽一吐可也又調息令出入氣勻准前又咽都四十九咽然復起坐鍊之豎膝座兩手相叉抱

膝閉氣鼓腹二七或三七氣滿即吐更調息特不得令喘蘊調訖又閉氣或二七三七一吐氣使腹調適乃休或汗出頭足皆熱此氣遍也即常飽滿三關百節宣通暢適行之十年登仙老有少容夫舊經皆存想恐為勞煩

却使心意難行服氣本於胎息但無思念自合元化之功久久行之當自知其妙矣僕游蒙山遇此賢者年可五十已下其精神清明頗異於俗因問云貞觀已前游此山不道姓

名自稱老夫僕遂懇勸拜之蒙授此訣行之頗甚弘益妙哉妙哉凡欲得不死腸中無屎音欲得長生五藏精明故黃庭云何不食氣太和精故能不死入黃寧陰符云積火可以焚五毒五毒則五味五味盡可以長生西王

母謂武帝曰能益能易名上仙籍不益不易不離死危所謂益易者能益精易形也常能愛精握固閉氣吞液則氣化為血血化為精

精化為液液化為骨行之不倦精神充滿為之一本年易氣二年易骸一本為三年易血本為易四年易肉五年易筋易云六年易髓七年易骨八年易髮九年易形十年道成位居真人變化自由即靈官玉女而侍焉

王說山人服氣新訣

子夏曰食氣者神明而壽黃庭云玉池清水命灌靈根審能修之可長存釋氏止觀其有用氣療疾法是知氣之與液遞相通潤也古經法皆有時節行之今議食氣不復以時節也液則時時助氣使調滑也所論食氣皆內氣也咽之代食耳液者咽之代漿耳上食新氣

下泄舊氣使推陳而納新也咽氣不必飽滿下泄不必常出但得無臭即自平定咽氣不必常咽但氣清則腹內自平夫然不須飽矣初學之時覺飢即食不覺飢即止矣若食時常以一咽兩咽壓之則食易消食漸消加咽數至食消氣自調下若覺腹中氣小妨即或行或臥東轉西側以意想驅逐之使下若未下不得急性忙迫但以意沖融之不久自泄也食氣時若欲上噫但任噫出必不得抑之也桑榆子曰夫功淺多噫蓋由乍服之得真氣尚少新氣必多不正而多命官不受則宜徐徐攻之又初服之時所咽者往往不到氣海則無所歸投返上為噫也若得內氣又入到氣海自然無噫如著功多時忽復欲下噫者不是傷多即是外氣俱入也哉欲下出任下出必不得閉之在細意自審也消息盈虛久而自得其妙矣宜行步兼小導引引亦不得頻為之世間諸事皆自細意斟酌之有諸疾則絕粒三數日輕則一日兩日更輕即絕一項亦得若疾在上以意想上驅之在下以意想下驅之若在四支及左右側並以意想驅逐之則愈矣大都不得閉之若閉氣即疾生所食物宜潤暢寒暑皆適宜也瘡瘡

時但絕粒數日靜居則差矣

太威儀先生玄素真人用氣訣

凡用氣法先須左右導引令骨節開通筋柔體弱然後正身端坐吐納三過使無結滯靜慮忘形令氣平息良久徐徐先以口吐濁氣鼻引清氣凡此六七過此名調氣調氣畢即口鼻俱閉虛令令氣滿口即鼓口十五過已上更佳如咽一大口水入腹直以心存至氣海中良久更依前法咽之但以腹飽為度亦不限過數然後虛心實腹閉口以手左右摩腹上令氣流行即鼻中細細放通息勿令喘竊恐失中和然後正身仰臥四平著牀枕高低與身平兩手握固展臂離身四五寸兩脚亦相去四五寸然後鼻中息收即口鼻俱閉心存氣行遍身此名運氣如有病即心存氣偏注病處如氣急即鼻中細細放通息口不開候氣息平還依前法閉之搖動兩足指及手指并骨節以汗出為度此名氣通即徐徐收身側臥拳兩脚先左邊側臥經十息即轉右邊側臥亦十息此名補損依此法服經一

月後行立坐卧時但腹空即鼓咽之不限時節如喫飯了即喫空飯一兩口和水咽下此

名洗五藏即以清水熱漱口虛心實腹令臟

葉舒展咽之今五藏不停五味氣訖即以口

先吐濁氣鼻引清氣不限多少盡須放之如

下泄一濁氣出還鼓練一口和氣補之若尋

常喫餅飲茶管外氣入當須入口便合口口

既合口中所入外氣即於鼻中出也鼻中却

入氣即是清氣也常須合口喫食不令口中

有氣入入即是死氣凡人言語口中氣出必

須却於鼻中入此常行吐納也行住坐卧常

須搖動脚指此名常令氣得下流常行此事

動靜念之如節候不精忽有外氣入腹即覺

微痛可閉氣摩腹一百下氣即下泄也氣或

上必不得出抑之使下此名理順忌破氣物

及生冷粘膩等物如依此法不闕常行九年

功成履空如履實履水如履地

胎息口訣序

序曰在胎為嬰初生曰孩嬰兒在腹中口含

泥土喘息不通以臍咽氣養育形兆故得成

全是以臍為命門凡孩或有初生尚活少頃輒不收者但以暖水浸臍帶向腹暖三五過即蘇則知臍為命門信然不謀道者欲求胎息先須知胎息之根源按而行之喘息如嬰兒在腹中故名胎息矣乃知返本還源却老歸嬰自有由矣綿綿不間胎仙之道成焉故先序經紀體用兼明備矣

凡欲胎息先須於靜室中勿令人入正身端坐以左脚搭右腳上解緩衣帶徐徐按捺支節兩手握固於兩腿上即吐納三五過令無結滯滌慮清閑虛心實腹左右徐徐搖身令臟腑舒展訖還徐徐放著實即鳴天鼓三十六通漱滿華池然後存頭戴朱雀脚履玄武左肩有青龍右肩有白虎然後想眉間却入一寸為明堂却入二寸為洞房却入三寸為

丹田宮亦名泥丸宮中有神人長二寸戴青冠披朱褐執絳簡次存中丹田亦名絳宮中有神人亦披朱褐次存下丹田亦名紫微宮亦遍存五藏六府存五藏中各出本方氣及

三丹田中素雲合為一氣於頂中出煥煥分光九色上騰可長三丈餘想身在其中此時即口鼻俱閉心存氣海中胎氣出入喘息只在臍中如氣急即鼻中細細放通息候氣平還依前用心為之以汗出為一過亦不限過數如體熱悶即心存氣遍身出如飯甑中氣此名滿息久久之入玄寂中出妙默中再明洞觀形中五藏六府及大小腹胃受散膏如黄土色脾長一尺二寸在胃上前後磨動不停停則不和飯食不消即是不磨矣當須閉氣以手摩腹一百下即自然轉磨矣次存心心似紅蓮華未開下垂長三寸上有九竅二竅在後正面有黑毛七葉長二寸半次存肺肺似白蓮華開五葉下垂上有白脉膜在上覆心次存肝肝在心後七葉紫蒼色上有黃脉膜從左邊第三葉下膽在此也其膽色青黃長二寸半次存腎腎狀如覆杯黑色却著脊去臍三寸上下大左為上右為下遍觀一形三十六位及三百六十骨節皆有筋纏骨青白如玉色筋色黃白髓若冰雪有

三百六十穴穴之中皆有鮮血如江河池潭也及見左腳中指第二節是血液上源其中湧出通流一日一夜繞身三萬六千而至右腳中指第二節則化盡所以人若睡必須側卧拳踞陰全也亦覺即須展兩脚及兩手今氣遍身陽氣布也若如此修行即與經所言動善時之義合矣久久行之口鼻俱無喘息如嬰兒在胎以臍通氣故謂之胎息矣綿綿不間經三十年以繩勒項不令通氣亦不喘息喘息常在臍中水底坐經十日五日亦可矣以能行此事功效如前若覺得真更須修道此事乃是一門不可不作

胎息精微論

老君曰知道者天不殺舍德者地不害道德相抱身不衰老內食太和元氣為首清靜自鍊委身放體忘無念慮安定藏府洞極太和長生久視潛氣不動意如流水前波已去而後波續處不行之不休得道真矣每日入靜室守玄元玄元謂玄中有玄是我命中有命是我形中有形是我精精中有精是我氣氣中有氣

是我神神中有神是我自然德以形為車道以氣為馬魂以精為根魄以目為戶形勞則德散氣越即道叛精銷魂損目動魄微是以守靜愛氣全精實神道德儼密魂魄固守所以含道不言得氣之真肌膚潤澤得道之根手足流汗精氣充溢不飢不渴龜龍胎息綿綿長存用之不勤飲于玄泉登于太清還年返嬰道之自然至道不遠近在己身用心精微命乃永存夫道者或傳服五牙五牙者五黃庭內景云存漱五牙不飢渴八方四時日月星辰等氣息自頂而入自鼻而出雖古經所載為之者少見成速亦非食穀者所能行致耳是以服氣者多不得其訣徒勞精勤矣既得其門復悟其訣即在精勤不懈耳桑榆子曰鳥鵲而志于天地是不知量彼五牙八方四時日月星辰等物不為初地者設無成也當俟其稍近之時可也凡胎息服氣從夜手後服內氣七咽每一咽既調氣六七息即更咽之每咽如水流過坎聲是氣通也直下氣海中凝結腹中充滿如含胎之狀氣從有胎中息氣海中有氣充然氣成後為胎息之道也即清氣凝為胎濁氣散而散散從手足及胎毛髮而出也

成即萬病自遣漸通仙靈今之學其氣也或得古方或授自非道皆閉口縮鼻但貴息長而不知五藏壅閉首損正氣殊非自然之息但煩勞形神無所裨益凡服氣之時即須關節通胃海開納元氣固納畢即關節還閉徐徐鼻出納外氣外氣自然外內不雜胎中氣亦不出但潛屈指數息從十至百數從一百至二百三百此為小通即耳目聰明百病皆愈若抑塞口鼻擬習胎息殊無此理也口鼻氣既不通即高損藏府有何益哉凡餌內氣者用力寡而見功多唯在安神靜慮不煩不擾即氣道疏暢關節開通內含元和終日不散膚體潤澤手足汗出長生之道訣在此矣從夜半後服七咽即閉氣者但內氣不出鼻口常徐徐出納外氣內外都不相雜至五更又服七咽平旦又服七咽三七都二十一咽止若休糧者即不限此數肚空即咽內氣咽內氣常滿自無飢渴也初似小難久久習慣自然內外之氣不相混釋也漸漸關節開通毛髮踈暢氣自來往亦不假鼻中徐徐通外氣也

胎息之妙窮於此也

胎息雜訣

一經云但徐徐引氣出納則元氣亦不出也自然內外之氣不雜此名胎息然初用功之人閉固內氣亦亦鼻中微微通氣往來使令不至咽喉而返氣即逆滿上衝不可抑塞如此即徐徐放令通暢候氣調即復閉之切在徐徐鼻中出入勿令至喉極力抑忍為之須臾忽然自調暢內外泰矣此蓋關節開毛孔通故也到此即千息亦不倦矣又胎息之妙功在無思慮體合自然心如死灰形如枯木即百脉暢關節通矣若憂慮百端起滅相繼欲求至道徒費艱勤終無成功桑榆子曰有若拙之氣類皆邪氣橫中能為元氣之關防亦猶小人當路則君子無所還其才也此道至微至妙出塵之士方可為之未離名利之間徒勞介意桑榆子曰縱未出塵但能使一經心不亂不見可欲則可矣一經云咽氣滿訖便閉氣存想意如流水前波已去後浪續處凡胎息用功後關節開通毛髮踈暢即依此但鼻中微微引氣想從四支百毛孔出往而不返也後氣續到但引之而不

吐也功在於徐徐雖云引而不吐所引亦不  
入於喉中微微而散如此內氣亦不流散矣

秘要口訣

天關中為內氣口為天關生神機手為人關  
黃庭內神廬中為外氣神廬鼻也神廬之中  
景云

凡服氣皆取陽時自夜半平旦也即東南向  
靜端坐叩齒三通三漱津咽之則兩手相摩

令掌心熱指拭面目便以大姆指上下指其  
腎骨七遍即握固鼓氣以滿天關調勻為度

合閉口而咽之即努腹訖徐徐出神廬中氣  
其神廬中當修治之鼓努每須相應一鼓一

咽一努為相應也其鼓咽之時天關莫開恐  
生氣入腹而為疾也夫服氣須安神定志徐

徐咽之急即心胃中氣不散結痛每咽五十  
服漸加至百服二百三百服有他故即二十

三十服行住服之並得臨時自消息也所貴  
常行不欲闕日如初服有噫氣上即鼓而却

咽無使氣出孫希子曰元氣融和不為虛屬  
始之時持以氣道未得全暢事須折就但以  
元氣待之也若至再至三氣海不受必若著  
五藏之中舊有濁氣如忽下部有氣即泄之  
此固亦不宜愛惜宜也

不妨每鼓咽氣須調和徐緩不欲天關中有  
聲若咽急恐下部氣閉令人脫肛慎之如服

內氣久而自通通即服無時矣但飢即服之  
飽即止之每鼓咽之際常存思氣入五藏流

行即從手足心及頂三關九竅支節而出忽  
有疾即思以氣攻其痛處何疾不愈如要服

氣休糧即不論咽鼓努多少常令腹滿為度  
勿令腸厭若飢即時服三五咽以意自調息

勿須仰卧即氣難下損人心胃凡氣相應即  
腹中有聲愚者謂之腸空即有聲有聲即損

人甚不然矣此猶雷鳴電擊陶鍊陰氣百關  
流潤真要深門也夫服氣多方若非鼓努之

法不為真妙或有人未解服氣氣未通流便  
虛其心忘其形雖曰効其坐忘必無所成多

令困弊也夫鼓努法本服自然元氣流布藏  
府既長存人即不死何暇於外思慮吸引外

氣夫人氣盡即神亡神去則身謝故知守元  
氣不失胎成皆秘訣所傳學者幸勿疑也夫

行氣候閑時鼓十咽二十咽咽今腸滿然後  
存思行入四支有事之時即一咽一行氣手

足俱須著物候氣通流必虛心忘形然得煩  
蒸之氣散出四支精華之氣凝歸氣海久而

自然胎成封固支節得雷鳴相應當鼓轉具  
腹令氣調暢也夫服氣導引先舒手足後鼓

咽即揆身左右精思氣入骨節行引相應令  
通不斷謂之行氣導引又宛轉盤迴存思氣

從手足關節散出古經云有行氣導引非至  
道口傳罕有知者夫行氣若飢時服候腹滿

乃行之若食飽後旋行孫希子曰飽宜為平  
居無飽况行若無服氣導引當候閑時習之

非尋常可作也夫服氣導引當居靜室房室  
不欲處高屋當風如遇暴風疾雨沾濕衝寒

胃熱速來皆須歇息候其體乾氣和方可為  
之若欲四支常瘦即數導引謂肌膚充悅服

氣導引不失其時則神氣常清形容不易暴  
脂虛肉不生永無諸疾矣世人或謂服氣與

胎息殊誤之深矣胎從服氣中結氣從有胎  
中息久服則清氣凝而為胎濁氣散而出胎

成可以入水蹈火世人或依古方或受非道  
者以閉數之實其息長不亦謬乎殊不知五

藏無常服之氣一時閉塞關門豈是胎中自然之意但煩勞形神終無所益時人服氣多閉口縮鼻皆抑忍之但須取息長不知反損問曰夫服內氣外氣二氣俱出五臟焉得內外吐納不同命即大槩也且外氣喘息之氣即非府氣也但入至帶衛非自中而命答曰服內有者也焉得謂之出於五臟乎命曰服內氣鼓勞之時即胃海開納真氣封固納訖即還閉徐徐出外氣自然有殊夫抑塞口鼻氣俱不通不通即蓄積五臟此乃求益而返損也且人健時閉氣息即易忽有疾力微即難制豈不失之極也若服內氣用力甚少而功即多奮動行之也問曰夫上士先導引後出入下士先出入後導引者何也答曰上士先導引則穢氣隨舉動散出下士後導引恐其穢氣入支節不散此則學氣導引得與不得有殊也命余論子曰上下導引先後進也繫於豈愚者之可為乎哉命天師云納氣有一吐氣但有賢而不能者也命有六氣道成乃可為之吐氣六者吹呼噓噉噓四皆出氣也命六氣之用與他本有五不同也時寒可吹以去寒時溫可呼以去熱噓以

去風噉以去煩又以去下氣噓以散滯噉以二口以解熱凡人者則多呼噉道家行氣不欲噓噉長息之忌也命悉能六氣位為天仙命子曰凡人者喜怒嗜慾東邪之氣不絕於中幸鹹甘酸外物之味未離於口若即便禁長息則穢濁之氣無洞壺之期彼得道者無思慮慮無管無欲含其治然之氣又焉取於噓噉噉快提耳凡服氣畢即思存南方紫雲為赤氣大如珠入其天關中流入藏府存身重為氣每日一通此為以陽錄陰去三尸之患又古謂子留口訣今想火錄身為炭道者商量火氣非自然陽精但恐傷神未可為也命其精者真人密傳至妙精思行之勿疑命云商量者延陵君之意也夫存想之中事假分別其自然而非自然乎若如所言則存之與想得為自然否况仙關錄丹亦用火則火與火同是天地之中一物耳亦何擇焉手凡導引服氣之時衣帶常寬若緊急即損氣氣海中悶命余論子曰損限夏冬癯處飲食常欲溫勿食酸鹹油膩之物食之損五臟五臟損即神不安猪狗肉及生果子尤宜切忌

中知者也安而無欲則神王而氣知正如此之時則一任之唯久彌善行之不已體氣至安謂之樂天命樂天則壽身外虛空亦天也身內虛通亦天也習之久久乃明生馬虛中密自內知久習彌廣而精上合於明明內發於精如是乃至於道遠慮於德德成矣用而為仁分而為義精氣盡出於首夜棲於腹當自尊其首重其腹色莊於外敬直於中應機無想唯善是與此神氣事實合吾一體謂之大順天保祐之吉无不利凡妙本有所神在中之虛上通其系氣臚腸中之實實精藏之前恒宜溫養之命余論子曰凡溫者水胞之上也恒宜溫養之生之使但不得自溫而失平居常宜閉目內視氣源命每行一事利於生靈則欣然閉目內視其心謝之若曰吾身之神氣明發於吾形使吾遠道也如是則天降之吉故天者虛氣之靈吾能用之道極於斯矣命余論子曰所謂天者自然鍊氣法

每咽服氣功餘取一靜室無人處散髮脫衣覆被正身仰臥展脚及手勿握固淨席一

領邊垂著地其髮梳以理之令散垂席上即  
使調氣氣候得所咽之使閉氣盡令悶又冥  
心無思任氣所之氣悶即開口放出氣新出  
喘息急即且調氣七八氣已來急即定又  
鍊之如此有暇且十鍊之止為新功恐氣未  
通擁在皮膚反至疾也更有餘暇又鍊之即  
更加五六鍊至二十三十或四五十並無  
定限何以為則如服氣功漸成關節通毛孔  
開鍊到二十三十即覺遍身潤或汗出如得  
此狀即是功効新鍊得通潤則止漸漸汗出  
即好且安心穩卧不得早起衝風等如病人  
得汗良久將息即可著衣徐徐行步少言愛  
氣省事澄思則身輕目明百脉流注四支通  
暢故黃庭云千灾已銷百病痊不憚虎狼之  
凶殘亦以却老年永延夫鍊氣者每夜間及  
午時任自方便候神情清爽即依前次第峻  
坐修咽勤勤致之不得情慢忽有昏悶欲睡  
即睡不得昏悶欲睡之時強為即却邪亂其  
意意邪氣亂失正道也如新服未有正氣即  
校昏昏已後亦無昏沈矣孫翰子曰所言須  
勤動不得情慢又

說任方便不得勉强消息之妙在於此矣則  
知勤動不在勉强消息遊乘自然以車則氣  
行夫鍊氣者即不得每日行之十日五日有  
餘暇覺不通暢四體煩悶即為之常日無功  
不用頻也孫翰子曰陰陽合節則不為交冷  
此云常日無功若如所言為之何  
害但以此於無功時孫乎有答何以言之  
借如炎帝勤宮而係功倍功必反為大旱也

按摩亦然

委氣法

夫養氣者四體清和志無思念或因坐或因  
卧任氣依門戶調息凝然委身如彼委衣帖  
然在牀無筋無骨無神無識縱心縱身寂沈  
寂沈如委時亦勿為主孫翰子曰無我相無  
哉則萬有然後澄神鍊氣則百節開張筋脉  
都無也通暢津液流注也乘此便咽閉十氣或二十  
氣亦得每一咽皆須兀然任氣不得與息相  
爭良久則氣從百毛孔出不復更口吐也縱  
其留者十無一二焉復更調理數至十息百  
息已上因有喘息便又微含氣咽入即使調  
息調息稍久覺四支皮肉及關節一如沐浴  
然每暇不問仰卧側卧或立或坐即委氣委  
身以行之其功日進精滿氣全神安魄定志

閉思遠道泰德寧三尸自亡六塵俱喪黃庭  
云閑暇無事身體安虛無之居在帷間但無  
為養生委身委心放形放思與道合體即知  
異候又黃庭云高拱無為魂魄安清淨神見  
與我言此之謂也

閉氣法調即為之

夫上智之人志堅思遠若能修理無少遺功  
神定氣調絕於外病中智之人或緣公私所  
干或心生進退或修攝乖宜氣擁不和反生  
其患如有苦處可入一靜室仰卧熟調氣展  
足及手各相去四五寸仍須卧處厚軟冬月  
暖蓋被靜心坦然即便咽氣咽畢便閉之口  
鼻不動以心念所苦之處以意注想攻之氣  
極而吐之訖復咽閉氣新吐必喘急時聲轟  
可調氣六七息氣即調順又更閉氣想念攻  
之或十攻二十攻三十五十攻覺所苦處汗  
出通潤即止如未可即每日五更或夜半頻  
意攻之以差為限如病在左手直入左手如  
在右手直入右手如在頭直入頭分明見驗  
方知心能使氣氣之從心其應如神矣



諸真聖胎神用訣

命三

師曰知至道者天不殺服元炁者地不滅夫至道者不遠祇在己身用心精微命乃長久劉公秘旨曰欲得長生當修所生之本始於精炁精炁待而為形形為受炁之本炁是有形之根元炁稟形之由可察成形之理經曰深根固蒂長生久視之道又曰形中子母何不守之且形中以元炁為母以神為子初因呼吸之炁而立成形故為母也形炁既立而固有神故為子也夫至神也與炁合形神與炁但循環於藏府之內馭呼吸於上下久習之則神自明而炁自和神既內明照徹五藏炁和則使用於四肢故黃帝三月內視住心以神則化生纏綿五藏斯言可推而得之也又曰意中動靜炁得神通行道自持我神光明斯理之然命可推而得之也今世之人神與炁各行子與母相離炁雖呼吸於內神常運物於外如此遂使炁無主而神不通神不通而精自散又以神為主以形為宅舍主人不營於內日營於外自然宅舍空虛而形

體衰朽矣況末世道流每一晝一夜百刻之中形炁之得總一萬三千五百息皆外役於神無息住於形體之中而何能冀長生久視之道

先生曰若知神炁之所主子母運行則長生不死之門可見也若炁無主宰任自呼吸咄通利五藏消化五穀而已不能還陰返陽填補血腦耳

師曰吾以神為車以炁為馬終日御之而不倦也

經云天下有道却走馬以糞正謂此也

尹真人曰神能御氣則鼻不息斯言至矣

御炁之法

上至泥丸下至命門二景相隨可救殘老矣若呼不得神宰一息不全吸不得神宰亦一息不全若能息息之中使神炁相合則胎從伏炁中結炁從有胎中息胎炁內結求無死矣功成之後男子聚精女子結嬰雖動於欲不能與神爭是謂真返精為神也此者乃是上清玉真修息之訣日能行之自得其味漸

合太上真道

海蟾真人胎息訣

夫元炁者天地之母大道之根陰陽之質在物名淳利之炁在人名元炁者也乃性命也凡一晝一夜一萬三千五百息常常口鼻中泄了真炁聖人久鍊胎息者常納於丹田故微微出入定自身安而得長生長生者乃心與神炁相合與道同真也

玄葫真人胎息訣

夫大道以空為本絕相為妙達本元靜定太素納炁於丹田鍊神於金室定心於覺海心定神寧神寧則炁住炁住則自然心樂常於百刻之中含守於真息又云神息定而金木交心意寧而龍虎會此內丹之真胎息之用也

凡修道之人若要長生不死先須鍊心真人曰心者在肺之下一寸三分曰玉壺內有虛白一炁經云虛中生白一名玉壺二名神室三名玉館四名絳宮中有救苦天尊中有不死之神中有靈寶天尊中有元始符命中有

太一真人中有救苦真人常持元炁勿令失散丹砂結結大如黍米色如黃金一名寶琳若人識得辨得認得塞其六門常守天真胎息自成延年久而不死矣

袁天綱胎息訣

夫陰陽者天地之真炁一陰一陽生育萬物在人為呼吸之炁在天為寒暑之炁又云此兩者能改移四時之炁此乃戊己包藏真炁云春至在巽能發生萬物夏至在坤能長養萬物秋至在乾能成熟萬物冬至在艮能含藏萬物此皆陰陽出沒昇降神用故陽炁出水盛木陰炁出火盛金陽生於子出乎卯陰生於午入乎酉此四仲之辰皆是天地之門戶也凡大道者必取四時之正炁凡修行動息為陰定息為陽凡作時須得心定力定神定息定龍親虎會結就聖胎名曰真人胎息也

于真人胎息訣

凡所修行先定心炁心炁定則神凝神凝則心安心安則炁昇炁昇則境空境空則清靜

清靜則無物無物則命全命全則道生道生則絕相絕相則覺明覺明則神通經云心通萬法皆通心靜萬法皆滅此一門如來真定者也凡修道者先修心定之法既得定法還丹不遠金液非遙仙道得矣

徐神公胎息訣

夫神者虛无之用息者元炁之用鍊去塵世之境若是非人我財色取捨得失冤親平等如一自然枯護道心成矣經云神者虛无用之精炁神三者便是靈臺修行之人若是息定精炁神三件可長生不死必為出世之仙則不虛矣

煙蘿子胎息訣

夫動者本動靜者本靜古者本無動靜且動靜者一源豈為一切眾生妄想不定聖人留教教人定息神隨炁定炁住神定若炁動心動心動神疲凡修道之人不行胎息則有動靜之源怎入無為之門戶也走失了也

達磨禪師胎息訣

夫鍊胎息者鍊炁定心是也常息於心輪則

不著萬物无若不定禪亦空也。炁若定則色身無病禪道雙安。修行之人因不守心元炁失了不收道怎成矣。古人云炁定心定炁凝心靜是大道之要。又名還丹道人無諸掛念。日日如斯則名真定禪觀。故三世賢聖修行皆在此訣。名為禪定雙修也。

李真人胎息訣神子明

夫胎息真炁者入於一淨室焚香面壁東南結跏趺坐心無掛念意無所思澄神定息常於遍身觀之自然通暢。諸學之人不得全閉定。炁全閉則傷神但量自家息之長短放炁出入不得自耳聞之如此則妙也。若常常調息不出不入久而在於丹田固守在之者名為真胎也。道必成矣。

抱朴子胎息訣

凡修行之人須要定息息者正也安也順也歸也伏也寧也靜也。若四威儀中常作如是決入真道勿著諸境虛心實腹最為妙也。但澄息心定心定則炁炁寂寂則神靜神靜則境空境空則寂滅寂滅則無事無事則清靜。

清靜則道生道生則自然自然則逍遙既入道遠則無量自在得做神仙自然五行總聚六炁和合八卦配偶成於內丹身形未劫不壞矣。

元倉子胎息訣

凡修鍊入道息心勿亂精神勿泄息神勿傷息。汗勿出息言勿語息血勿滯息唾勿速息涕勿棄息嗔勿惱息神勿憂息怨勿念息我勿爭息害勿記若人行住坐卧常持如是其心自樂自然成就不修此理枉費其功終無成法。但日日如是其丹必就若動靜雙忘道不求自得矣。

元憲真人胎息訣

夫學無為胎息者只是本清靜心也亦名真如本無物也。有若太虛相似無去無來無上無下非動非靜寂寂寥寥與真空同體與大道同源與本面目相逢者也。若修大道當修無為其心清虛寂而無寂靜而無靜心澄境謝心境雙忘則入無為真道也。學道之人若修如是法門則其丹自成自然炁定而得胎。

息矣

何仙姑胎息訣

夫鍊者修也息者炁也神也精也息炁本源者清靜真炁也觀入丹田細細出入如此者龍虎自伏若心無動神無思炁無欲則名曰太定真炁存於形質真仙之位變化無窮號曰真人矣。

夫胎息者須存神定意抱守三關者精炁神也凡修行之人須每於六時常抱守三法則自然有寶聚也國富民安心王自在乃神和暢少病也少惱也身體輕便也耳目聰明也是修真之人真道徑路若三五年間常行此法天護祐神加持凡人愛敬久而自然得道矣。

玉雲張果老胎息訣

夫胎者受生之官也息炁納於元海在母臍下一寸三分名曰丹田受真精成形納天地之炁一月如珠二月如露三月如桃李此名浮和之炁朴也子在母胞胎之中母呼則呼母吸則吸至於十月炁足而生六情轉於外。

豈於返視元初不守內息故有生死故聖人云我不縱三尸六情常息於丹田守而無退凡修道之人先修心靜之門又云了心修道則省力而易成不了心而修道修道者返費功而無益先了心源然後自定自然龍虎伏觀仙道必成矣

夫丹田者在臍下一寸三分是元炁之宮位管三百六十坐精光神守護元炁內有神龜一坐吐納元炁往來呼吸一晝一夜一萬三千五百息皆元炁於口鼻中泄出故引入邪炁所侵而生病也丹田者生炁之源一名丹田二名精路三名炁海四名守宮五名大源六名神室七名元藏八名採寶九名戊己十名本根皆是太和元炁居止之處若存精炁於丹田則得長生久視之道凡修行之人行住坐卧常含納真息於丹田則得元炁成寶久鍊而成仙矣斯乃真人之胎息者也

侯真人胎息訣

夫真一法界者不離於本源源者則是一心也不動不行心則是源不停不住源則是一

心其心清靜則成大藥其心惑亂則成大賊奪其精盜其神敗其髓失其樂患其身喪其命也凡在道之人必先修心靜之法但於心靜必得定心心定則神安鉛汞相投龍虎親也周天數足添精益炁養神此三法若全則萬神感會於丹田血炁周流於遍體道運於長生之道又云如何清靜當澄其神絕其慮亡其我滅其境抱其真此謂妙靜之道

鬼谷子胎息訣

凡修道之人返本還純內含真炁故道返則四象五行六炁七元八卦而鍊精炁神成其形質則是虛中取實無中取有而內秘真丹也故鍊心為神鍊精為形鍊炁為命此是陰陽昇降之炁也炁源者命之根也故修三法則大道也

黃帝胎息訣

凡修道者常行內觀遣去三尸出於六情返內存三心神守宮炁閉不散諸神歡暢養炁鍊形存性此三法不可棄是真一胎息也玄關大藥也

陳希夷胎息訣

夫道化少少化老老化病病化死死化神神化萬物炁化生靈精化成形神炁精三化鍊成真仙故云存精養神鍊炁此乃三德之神不可不知予午卯酉四時乃是陰陽出入之門戶也定心不動謂之曰禪神通萬變謂之曰靈智通萬事謂之曰慧道元合炁謂之曰修真炁歸源謂之曰鍊龍虎相交謂之曰丹三丹同契謂之曰了若修行之人知此根源乃可入道近矣

道選子胎息訣

夫修者志也養也養者願也伏也真也凡欲養息先須養精凡欲養精先須養神凡欲養神先須養性凡欲養性先須養命性命者乃是神炁也魂魄也陰陽也離坎也久而行之結成聖胎乃真胎息也

張天師胎息訣

夫元炁無形真心無法大道無迹唯鍊息一法乃含真道又云心定炁定神定凡修道流若合大丹元道清虛寂靜絕慮忘意空靜無

物萬法無蹤真修胎息也成仙無疑也

郭真人胎息訣

夫鍊者修也養也虛也耳不聽也眼不見也鼻不聞也舌不味也息炁定心也此法從不有中無不無中無不色中空非有為有非無為無非色為色非空為空此乃真胎息養炁調神之法又云視不見我聽不得聞離種種邊名為妙道此法最為上也

中央黃老君胎息訣

夫本立天地生於陰陽清炁為天濁炁為地清炁為心濁炁為腎被世牽惹引動人心故清濁不分也怎曉此理哉每動作處經行處眼見耳聞五賊送了真元眼送與心心動神疲又被耳送與心心送音聲入腎神勞心煩壞了也若動念則泄真炁故胎息不成矣如何得成若人靜坐念心不動息念忘情炁神調勻久而自成仙矣

柳真人胎息訣

夫人往往在世間不知自身日用物所造化也噫乃上天之炁也元精不衰物結成器上

休天之清炁聚而成形下接地之濁炁凝而成體內包一真世人不識故泄於外乃精炁神也若不守此三者老死近矣聖人常不離此三法行住坐卧久結成胎神仙矣頃曰為人在世不知根一向貪心棄本真不管元陽真息炁至今天怒病纏身

驪山老母胎息訣

經云天地萬物之盜萬物人之盜人萬物之盜故三盜相反走失了真炁精神也不成胎息若修行之人不愛萬物自不盜你本性也故云本分道人我不要你底你不要我底只守分守分者何也乃是不出入常守本源不動不靜不來不去似有似無是箇死的活人仙道近矣

李仙姑胎息訣

夫世間之人奉道持修須要朝真謝罪每於庚申甲子之日父母遠忘之辰三元八節之日宜修齋醮者神天祐護更若每日清靜無事澄心靜坐調神養炁不離本室自然三宮昇降六氣周流百脉通行萬物齊會於黃庭

黃庭者乃中宮也若當守於中宮精炁不走此乃真胎息也

天台道者胎息訣

凡人修鍊常行平等忍辱一屏邪心所起真心志堅運心腎二炁上下往來交媾於中宮諸神不散溫養元炁丹砂黃芽自出深根固帶永息綿綿久而長生出世得道矣

劉真人胎息訣

若修胎息元道之法心不殺不欲不盜不偷不邪不妄不顛不狂心自明朗常守齋戒真息常調觀照遍身世界身心清靜乃是長生道人若金坑寶貝堅實六門不開邪炁不入一身無病患若六門不開盜盡金寶人生疾也道自不成矣頃曰心中真炁是天英正是神清炁鏡明大道若依玄妙用心中清靜炁生靈

一去一來不暫停上下無休造化成神靜炁澄無事染這迴息任自然靈後學之者不息元道妄念不停生滅不息隨他物去了怎成胎息也

朗然子胎息訣

凡修行之人焚香入室靜坐冥心叩齒集神  
定意馬伏心猿都收在一處放在丹田令溫  
養之內觀勿出如元帥行軍神是主炁是軍  
炁到處神到二物相逐不得相離萬病不干  
千災皆滅學道之人若得此法勤而行之今  
日貧道方泄天機你若不行我有殃矣

百嶂內視胎息訣

且胎息者世人不知諸賢皆從證果若不得  
此法也把不定不得口訣不得下手不得親  
傳把手教者尚做不過一等愚人便待定心  
猿捉意馬往往空費其功夫不成大事若真  
修鍊之人欲捉心猿收意馬先須調炁定息  
然後澄心息慮忘情乃可應也若不如是則  
空過了時光日月不因師指此事難知矣

曹仙姑胎息訣

且胎息者非方術之所能為者則失道遠  
矣且人之生也須以神存炁留道生神與炁  
二者相須乃成性命虛者通靈而光明和者  
周流而柔潤神安則炁暢炁暢則血融血融

則骨強骨強則髓滿髓滿則腹盈腹盈則下  
實下實則行步輕健行步輕健則動作不疲  
四肢康強猶國之封域平泰炁血和盛猶國  
之府庫充實譬人家富神志和悅顏色自怡  
行步歌舞仙道近矣故曰今人念佛念道只  
要除災救禍不知志念除妄還好麼達人觀  
斯而行之自成胎息者矣

諸真聖胎神用訣

二篇同卷

胎息抱一歌  
幼真先生服內元氣訣

命三

胎息抱一歌并序

夫人受生之本莫非元氣若知元氣所居方  
不遠於大道老君云萬物皆抱一而生未有一  
物不負陰而抱陽者也若不知於抱一與  
道難親故道生於一也一者氣母氣結成胎  
胎結成息二玄各有其旨故經云在母腹之  
時有胎而無息假母呼吸成長其身分靈之  
後胎息具焉學道之士切須知胎息二理第  
其微妙若逢本原起凡證聖常人閉息不固  
其胎聖人存胎不固其息閉者曾滿氣亂也  
煙蘿子云咽復閉徒自亂尹先生云但使神  
常御氣鼻不失息黃庭經云琴心三疊舞胎  
仙自古聖人則閉固胎息而成道神氣胎結  
其息乃定罕聞閉息而成真也聖人云抱一  
守中子自沖守三歸一神氣精是也斯言實

露胎息之深旨故作抱一歌二十首以訣其要

抱一須知真一源神明終自有丹田出入往來心地啓氣神相應化胎仙

抱一初傳未識真功勤日久自通神杳冥之內無相應蚌合秋月掌結珍

抱一修真有異門希夷直遣到崑崙妙息不干玄牝記時中一氣鎮長存

抱一須知自在寬勿令氣壅在喉間若能曉達真詮義五內三宮自得安

抱一還元達本生何勞棄內外邊行但能固帶深根了只於此處是長生

抱一真元本異常勿令神氣兩分張坐行之處長相守運到天門生自長

抱一今歸五運中炁形相應豈成空空門無物何須去虛塵浮生枉用功

抱一由如鏡裏人色中唯現色中身從茲漸得超三界妄塵塵更豈能塵

抱一靈臺月夜開息息之中胎在胎神炁若凝歸作寶元靈欲散却還來

抱一之術述正元勿將喘息擬相干真胎不過離宮上直須今住下丹田

抱一元和寶易昌莫教神炁兩乖張擬將吐納為真蒂難致身於不死鄉

抱一時中不暫停六字功成五臟清若留形身常住世來來生處更交生

抱一惟存神氣精守三歸一自功成此身所為憑何住金室芝田鍊至晶

抱一非干守靜山居厭無道亦徒然長齋絕粒閑居世結得神胎始是仙

抱一自餐甘露漿風雷雲雨遍疆場五蘊肅然明靜後齊驅凡質泛仙鄉

抱一真元養道真不勞雲水訪仙君返往元來無間得鼓顛終久損其身

抱一常令合太和鳥窠爭敢起妖訛七魄三尸寧有害崑崙山下月明多

抱一身居不死鄉金蓮花發坐清涼實腹虛心無滓穢玉池滿注八瓊漿

抱一真詮有秘關高才儒士豈談宣返神復熱胎元主妙旨方知深又玄

抱一求生不是難炁形相應入三田言中顯事何疑惑親沐明師口授傳

胎息抱一歌終

幻真先生服內元炁訣序

夫形之所恃者炁也炁之所依者形也炁全則形全炁竭則形斃是以攝生之士莫不鍊形養炁以保其生未有有形而無炁有炁而無形者也則形之與氣相須而成豈不皎然哉余慕至道備尋經訣自執氣守真向三十餘載所聞所見殊未愜心天寶年中遭遇羅浮真人王公自北嶽而返倚策郵亭依然相顧余意以其異人乎近之與語果是方外有道之君子也哀余懇至見投吐納泊一二理身之要仰殊恩之罔極非言詞之能盡每云道之至要不在經書悉傳於口其二景五牙六戊及諸服氣法皆為外氣外氣剛勁非俗中之士所宜服也至如內氣是曰胎息身中自有非假外求不過真人不得口訣徒為勞苦終久無成今所撰錄皆承真人之旨要以申明之訓非愚蒙所自裁斷王公常謂余曰老君云我命在我不在於天又曰吾與天地分一氣而理天地焉能生死於吾者哉斯實真言之要也修奉之士宜三復之恭承訓誘

敢不俯伏偶得其訣須慎傳之無或洩露以致殃耳

幻真先生服內元炁訣

進取訣第一

凡欲服氣先須高燥淨空之處室不在寬在務絕風隙常令左右燒香不用牀須厚軟脚稍令高真語曰牀高呢吹不及人為崇牀高三尺可也余被適寒溫令冬稍燠允佳枕高二寸餘令與背平每至半夜後生氣時或五更睡之初覺先吹出腹中濁惡之氣一九下止若要細而言之則亦不在五更但天氣調和腹中空則為之先閉目和齒三十六下以擊身神畢以手指捏目大小皆兼按鼻左右旋耳及摩面目為真人起居之法更隨時加之導引以宣暢關節乃以舌柱上腭料口中內外津液候滿口則嚙之令下入胃存胃神承之如此今三三止是謂嚙靈液灌溉五藏面乃生光此之去就大體畧同使兀然放神使心如枯木空身若委衣內視反聽萬慮都遣然後陶之每事皆閉目捏固唯臨散炁之時則展指也夫握固所以閉關防而却精邪凡初服氣之



人無道末通則不可握固待至百日或半年覺蒸通暢掌中汗出則可握固黃庭經云閉塞三關握固停漱嚙金醴吞玉英遂至不食三蟲亡久服自然得興昌

### 淘蒸訣第二

訣曰凡人五藏亦各有正蒸夜卧閉息覺後欲服蒸先須轉令宿食消故蒸得出然後始得調服其法閉目握固仰卧倚兩拳於乳間豎膝舉背及尻閉蒸則鼓蒸海中蒸使自內向外輪而轉之呵而出之一九或二九止是曰淘蒸畢則調之

### 調蒸訣第三

訣曰鼻為天門口為地戶則鼻宜納之口宜吐之不得有悞悞則氣逆氣逆乃生疾也吐納之際尤宜慎之亦不使自耳聞調之或五或七至九令平和也是曰調蒸畢則嚙之夜睡則聞之不可口吐之也

### 嚙蒸訣第四

訣曰服內蒸之妙在手嚙蒸世人嚙外蒸以為內蒸不能分別何以謬哉吐納之士宜審

而為之無或錯誤耳夫人皆稟天地之元蒸而生身身中自分元蒸而理每因嚙及吐納則內蒸與外蒸相應自然蒸海中蒸隨吐而上直至喉中但候吐極之際則輒閉口連鼓而嚙之今郁然有聲汨汨然後男左女右而

下納二十四節如<sup>今三</sup>水瀝瀝分明聞之也如此

則內蒸與外蒸相顧皎然而別也<sup>六</sup>以意送之以手摩之令速入蒸海蒸海膈下三寸是也亦謂之下丹田初服蒸人上焦未通以手摩之則令速下若流通不摩亦得一閉口三連

嚙止乾嚙號曰雲行一濕口嚙取口中津嚙

謂之雨施初服蒸之人蒸未流行每一嚙則旋行之不可遽至三連嚙也候氣通暢然漸漸加之直至於小成也一年後始可流通三年功成乃可恣服新服蒸之人既未通嚙或未下須一嚙以為候但自郁然有聲汨汨而下直入蒸海

行蒸訣第五

訣曰下丹田後二穴通脊脉上達泥丸泥丸腦宮津名也每三連嚙則速存下丹田所

得內元蒸以意送之令入二穴因想見兩條白蒸夾脊雙引直入泥丸熏蒸諸宮森然遍下毛髮面部頭項兩臂及手指一時而下入中丹田中丹田心宮神也灌五藏却歷入下丹田至三星遍經脛膝胫膝下連湧泉湧泉足心是也所謂分一蒸而理鼓之以雷

震潤之以風雨之狀也只如地有泉源非雷霆騰鼓無以潤萬物人若不翅蕩濁惡之蒸則令人有不安既有津液非堪漱嚙之雖堪漱灌五藏發於光彩終不能還精補腦非交

合則不能沂而上之嚙服內蒸非吐納則不能引而用之是知翅蕩之道運用之理所以法天則地想身中濁惡結滯邪蒸瘀血被正蒸蕩滌皆從手足指端出去謂之散蒸則展手指不須握固如此一度則是一通通則無

疾則復調之以如使手使手復難鼓嚙如前閉蒸鼓嚙至三十六息為之小成若未絕粒但至此常須少食務令腹中曠然虛靜無悶坐卧但腹空則嚙之一日通夕至十度自然三百六十嚙矣若久服蒸息頃三百六十嚙

亦謂之小成一千二百嚙謂之大成謂之大  
胎息但閉炁數至一千二百息亦是大成然  
木色無精光又有鍊炁閉炁委炁布炁并諸  
訣要具列於文同志詳焉

鍊炁訣第六

訣曰服炁鍊形稍暇入室脫衣散髮仰卧展  
手勿握固梳頭令通垂席上布之則調炁嚙  
之嚙訖便閉炁候極乃冥心絕想任炁所之  
通理悶即吐之喘息即調之候炁平又鍊之  
如此十遍即止新服炁之人未通有暇漸加  
一至十候通漸加至二十至五十即令遍身  
汗出如有此狀是其効也安志和炁且卧勿  
起衝風乃却老延年之良術耳但津清爽時  
為之耳炁昏亂欲睡慎勿為也常勤行之四  
支煩悶不暢亦為之不必每日但要清爽時  
為之十日五日亦不拘也黃庭經云千災已  
消百病痊不憚虎狼之兇殘亦以却老年永  
延

委炁訣第七

訣曰夫委炁之法體炁和平身神調暢無悶

行住坐卧皆可為之但依門戶調炁或身卧  
於牀或兀然而坐無神無識寂寂沉沉使心  
同太空因而調閉或十炁二十炁皆通須任  
炁不得與意相爭良久炁當從百毛孔中出  
不復口吐也縱有十分無二也復調復為能  
至數十息已上彌佳行住坐卧皆可為之如  
此勤行百關開通顏色光澤神爽炁清長如  
新沐浴之人但有不和則為之亦當清泰也  
黃庭經云高拱無為魂魄安清淨神見與我

閉炁訣第八

訣曰忽有修養乖宜偶生疾患宜速於密室  
依服炁法布手足訖則調炁嚙之念所苦之  
處閉炁想注以意攻之炁極則吐之訖復嚙  
相繼依前攻之炁急則止炁調復攻之或二  
十至五十攻覺所苦處汗出通潤即止如未  
損即每日夜半或五更晝日頻作以意攻之  
若病在頭面手足但有疾之處則攻之無不  
愈者是知心之所使炁甚於使手有如神助  
功力難知也

布炁訣第九  
訣曰凡欲布炁與人療病先須依前人五藏  
所息之處取方面之炁布入前人身中令病  
者面其方息心淨慮始與布炁布炁訖便令  
嚙炁鬼賊自逃邪炁永絕

六炁訣第十

訣曰六炁者噓呵四吹呼嘻是也五炁各屬  
一藏餘一炁屬三焦也  
四屬肺肺主鼻鼻有寒熱不和及勞極依四  
吐納兼理皮膚癢亦有此疾則依狀理之立  
愈也

呵屬心心主舌口乾舌溢炁不通及諸邪炁  
呵以去之大熱大開口呵小熱小開口呵仍  
須作意是宜理之  
呼屬脾脾主中宮如微熱不和腹胃脹滿炁  
悶不洩以呼炁理之  
吹屬腎腎主耳腰肚冷陽道衰以吹炁理之  
噓屬肝肝連目論云肝盛則目赤有疾作以  
噓炁理之  
嘻屬三焦三焦不和嘻以理之炁雖各有所

理但五藏三焦冷熱勞極風邪不調都屬於心主呵呵所理諸疾皆愈不必六炁也

### 調炁液訣第十一

訣曰人食五味各歸一藏每藏各有濁炁同出於口又六炁三焦之炁皆湊此門聚穢併投合成濁炁每睡覺薰薰炁從口而出自不堪聞審而察之以知其候凡口中焦乾口苦古遊乳頻無津或嘔唾喉中痛不能食是熱極狀也即須大張口呵之每嚙必須門戶出之十呵二十呵即鳴天鼓或七或九以古下華池而嚙津復呵復嚙令熱炁退止但候口中清水甘泉生即是熱退五藏涼也若口中津液冷淡無味或呵過多心頭汪汪然飲食無味不受水則是冷狀也即當吹以溫之如溫熱法同候口美心調溫即止黃庭經云玉池清水灌靈根審能修之可長存又云漱嚙靈液尖不干

### 食飲調護訣第十二

訣曰服炁之後所食須有次第可食之物有益不可食之物必有損損宜水斷益乃恒服

每日平旦食少許淡水粥或胡麻粥甚益人理脾炁令人足津液日中淡麩餅餠及餅並佳祇不得承熱食之物亂正氣也棗慈蘿羹可佳飯必粳米大麥麵益人服氣之人經四時甚宜飲食之此等物不必日日食也任隨

臨時之意欲食之度肉作白脯食之佳如是齋戒即不得食也三十六禽神直日其象鳥獸不可食養粟之徒兼飽餅亦食得也乍可饑慎勿飽飽則傷心氣尤難行凡熱麩蘿蔔羹切忌切忌鹹酸辛物宜漸漸節之每食畢即須呵出口中食毒濁氣永無患矣服氣之人腸胃虛淨生冷酸滑黏膩陳腐敗難消之物不用食若偶然食此等之物一口所在處必當微痛慎之但食軟物乃合宜也每食先三五嚙氣後喫食令作主兼吞三五粒生椒佳也食畢更吞三粒此物能消食引氣向下通三焦利五藏越濁穢消宿食助正氣也宜長久服之能辟寒疝暑濕明目生髮理氣功力不可具述備在太清經中服椒別有方服俟有氣下則泄之慎而勿留留則恐為疾

每空腹隨性飲一兩盃清酒甚佳冬溫夏冷助正氣排遣諸邪其功不細戒在多多則悞醉醉則傷神損壽若遇尊貴不獲已即宜飲放即呵三五口飲併即大開口呵十數下以遣出麩穢之毒調理之常時飲一二升徐徐

飲之亦不中酒無不失食味亦不退乃如故矣不用衛生產死亡并六畜一切穢惡不潔之氣並不可及門况近之耶甚不宜正氣如不意卒逢以前諸穢惡速閉氣上風閉目速過便求一兩盃酒以蕩滌之覺炁入腹不安即須調氣逼出濁氣即嚙納新氣以意送之當以手摩之則便吞椒及飲一兩盃酒令散矣如不肯散即不須逼理逼任出無苦此則上焦壅故終須調氣理之使和平也而食油膩辛味甚犯正氣切意省之當知向犯使勿悞也故亦有服氣一年通氣二年通血實三年功成元氣凝實縱有觸犯無能為患日服千嚙不足為多返老還童漸從此矣氣化為為津津化為血血化為精精化為髓髓化為筋一年易氣二年易血三年易脉四年易肉五

年易髓六年易筋七年易骨八年易髮九年易形即三萬六千真神皆在身中化為仙童號曰真人矣勤修不忘則關節相連五藏牢固黃庭經云千百百自相連一一十十似重山是內氣不出外氣不入寒暑不侵刀兵不害昇騰變化壽同三光也

休粮訣第十三

訣曰凡欲休粮但依前勤修三年之後正氣流通髓實骨滿百神守位三尸遁逃如此漸不欲聞五味之氣常思不食欲絕則絕不為難也但覺腹空即須嚙氣無問早晚何論限約久久自知節候無煩具言何用藥物大抵服藥之人多不能服氣區區終日但以藥物為務身形不得精實固為未得亦非上士用心也黃庭經云百穀之實土地精五味外美邪魔腥臭亂神明胎氣寒那從反老却還癯何不食氣太和精故能不死入黃寧此之謂也

守真訣第十四

訣曰世上之人率多嗜慾傷生伐命今古共

焉不早自防追悔何及夫人臨終方始惜其身命罪定而後思求善事病成方求其藥天網已發何可救之故賢哲上士惜未終之命防未禍之禍理未病之病遂拂衣入窻攝心歸道道者氣也氣者心之主主者精也精者

命之根愛精重氣然後重命必平之矣黃庭經云方寸之中謹蓋藏精神還老復丁壯養子玉樹令如杖急固子精以自償又曰長生至慎房中急何為死作令神滋若當決海百瀆傾葉去樹枯矣育者夫長生久視未有不變精係氣而能致之陰丹內御之道世莫得知雖務於氣而不解絕慾亦未免殃矣故曰人自失道非道失人人不知生非生去人修養君子保自省耳

服氣胎息訣第十五

訣曰精者氣也氣者道也先叩齒三十六通右轉頭一布如龜引頸其胎息上至咽喉即嚙之如此三遍方開口以舌內外摩料取津滿口漱流昂頭嚙之上補泥丸泥丸即頭頂是也下潤五藏老子曰甘雨潤萬物胎津潤

五藏晝夜不寐乃成真入上致神仙下益壽考在身所有疾苦想氣送至所苦處即愈真炁逐濁氣上衝下泄覺神清爽則氣自冲和故聖人有言曰夫人在氣中氣在人中人不離氣氣不離人人藉氣而生因失氣而死死

生之理盡在氣也但調得其氣求死不得則每夜半及五更展兩脚握固展手去身五寸其枕不得過二寸閉目依前法嚙之梳洗已暖一盃酒飲之益胎息潤六府引氣閉百關此峨眉山仙人幽秘法不可言也老君曰靈芝玉莖並在其腹名山大澤取藥服之與道甚乖吾道甚易如但能行之早起展兩脚喘息勻以兩手叉腦後手向前拽頭向後拽頓如此三畢兩手相叉向前拽前拽三兩遍左右掣三二畢嚙津二十遍如覺四體不和即乃舌漱液三二十嚙氣道疾愈萬金不傳非其人造次殃及三代也

知真先生服內元炁訣

二論同卷

胎息精微論  
服氣精義論

命四

胎息精微論

老君曰知道者天不殺合德者地不害道德相抱身不衰老內食太和元炁為首清淨自鍊忘身放體志無念慮安定藏府洞極太和長生久視諸炁不動意如流水行之不休得道真矣每入靜室守玄元炁一炁也玄中有玄是我命中有命是我形形中有形是我精精中有精是我炁炁中有炁是我神神中有神是我自然德以形為車道以炁為馬魂以精為根魄以目為戶形勞則德散炁越則道叛精消魂損目動魄微是以守靜愛炁全精寶神道德凝密魂魄固守所謂含道不言得炁之真肌膚潤澤得道之根手足流汗精之充溢不飢不渴龜龍胎息綿綿長存用之不竭飲子玄泉登於太清還年反嬰道之自

胎息精微論

然至道不遠近在己身心精微命乃永存今之修道者或服五牙八方四時日月星辰等炁並悞但思自頂鼻而入雖古經所載為之少見成遂亦非食穀者所能行致爾是以修炁者多不得其訣虛精動矣既得其門復悟其訣要在精動无退懈耳凡胎從炁中結炁從胎息生胎因炁中成炁清則凝而結胎炁滿則散而出成即萬病自遣神靈居之三一守中尸蟲亡墜即漸通仙靈矣今之學者或傳古方或受非道皆閉口縮鼻貴其炁長而不知五藏壅閉書損正炁殊非自然之息此繁勞形神无所益也道曰若抑塞鼻口擬習胎息殊无此理口鼻炁既不通則書損肺藏有何益哉餌內炁者用力雖微而遠見功成全在安神靜慮不煩不擾即炁道踈暢關節開通內含元和終日不散肌膚潤澤手足流汗長生之道訣在此矣內炁滿无飢渴初習即小難久久甚妙炁既不散神真不亂道亦發黑齒堅眼腫英明筋骨全實壯勇胎神面貌光澤行步舉輕心自无欲神不食榮玄父亦于固際无

傾魂魄守元三一自真求實其道靜安其神自通靈道曰永寶胎息元炁克成自為真人胎息之妙窮於此也

內真妙用訣

訣曰欲得長生當修所生所生之本始於精炁精炁結而成形形為受炁之本炁是受形立形不得炁則元炁所稟之時伏母臍下混則无因而成元炁所稟之時伏母臍下混純三月玄牝具焉玄牝者玄牝既立如瓜之有蒂陰注母炁始於此也母呼亦呼綿綿十月炁神備遂解胎而生母雖知貪悅於子當不知形耗體枯分神減炁為子之用矣既生七日情見於外變嬰而為孩指顧而能笑先真議者以為失道而後德喪朴之本便終於此何況十五成童二十弱冠目眩五色耳聽五音役智運神間不容息如此則純朴之根蕩然而盡是故聖人知外用之无益所以還元反本摠胎息之機得長生不死其理明矣中胎經云形中子母何不守之且形中以炁為母以神為子形炁先立而後有神神由炁生故為子矣且聖人不思外事不視外合行循環御呼吸以上下久久修習則神於藏府之間

自明炁自和若神自明可照徹於五藏故黃帝三月內規注心一神則神光化生纏綿五藏斯言可推而得也有黃庭經云仙人道士非皆其今之世人神與炁各行子母不相守神運於外如此常使炁逐穢濁而神不虛

明神不虛明則元炁漸散轉而相喻者以神為主人身為宅舍主人不營於內自然令宅舍空虛漸見危壞矣況非道之人勞神役炁无一息而住於形中而猶冀長生不亦遠矣

先生曰若知神炁之所主子母之運行則修生之道了然見矣若炁无所主但任運呼吸者唯主通治藏府消化穀食而已終不能還陰返陽填補血腦則知凡人呼吸與聖人之呼吸殊矣是故南華經云凡人以踵踵也又云其息深根深固帶皆其義也

先生曰凡人任自然之息至近而從之其所判唯化食而已至人以神為宰御呼而下流吸而上上至泥丸下至並端二景相通可為救老殘至若呼不得神宰則一息之中不全若得神宰亦一息之中生病神炁當不結炁從有胎中息胎尹真人曰若神能御炁息內結求死不得則鼻不失息斯言至矣黃庭經曰日月布列玉英此謂陰陽二炁會合之時言二景相會化之後情慾既動精炁悉降於堊中若不知道

者精炁皆情慾所引引來利若為道之士得道有吹噓之憂尾闾之患神與炁合行隨呼吸以上下不使停壅於下宮是為神交而精不散神雖會合常味於元味黃庭經云子丹迷鎖有正黃炁然无味天人糧又云意中動靜炁得行道自持我神明光以次推之雖有情欲

動於精炁而精炁以道自持自然不動云化而欲作吾精鍊之以无名之若習胎息日久則神炁自正和柔可使道經曰專炁致若胎息未成則真神不御於精炁謂精炁无主自然隨欲而動情欲既動而精炁自散雖欲苦

制亦終无益若胎息道成精炁有主故使男子莖中无聚精婦人臍中不結嬰雖有情欲終不能與神爭也是謂胎息之真反精為神其文畢矣

胎息神會內丹七返訣亦名雷精回炁補腦

損神終日談虛空不如歸命於身中綿綿不住道自通煙昇雲降何濛濛七元三老從此功我真不西亦不東常令體裏輕如風服之以後必騰空世人見一不識一一廻存想一神出只知一心望一切不知一日損一日勸

君求真須識真世上道經多誤人開圖閱錄並亂神此法不能留此身情哉自有不自親明昧汨沒於泥塵

夫修真學道者切在存神固炁養精保身骨堅髓實精神者命之本也道之源也元炁者神之根身者炁之宅心者神之舍精大用則

竭炁大用則絕神大用則衰是以人之存者神也神之存者炁也精也炁衰則神弱炁壯則神強儻使神衰炁弱字豈能全治炁養神切須固守以至魂飛魄落則追悔何為立招

傷敗此可喻之於燈燈以油為母母若既盡燈何存焉黃帝內丹七返之門內丹者津水唾血精腦炁是也夫欲養神先須養炁夫欲養炁先須養腦夫欲養腦先須養精夫欲養精先須養血夫欲養血先須養唾夫欲養唾

先須養水水者五華之津液元炁之精華在人口中牙齒之傍則名水也黃庭經曰確確津液在口中則名水及咽下到肺即為唾唾色白故象於金緣肺中唾屬金常被心脉來鑠其唾

流入心則化為血血色赤象於火緣心中屬火常被腎來尅其血流入腎則化為精精色滋故象於水緣腎中精屬水常被腦脉來尅脾蒸應腦為泥丸泥丸是土有兩條脉下徹腎精其精在腎謂精流入泥丸則為腦腦色

黃故象於土也腦有二條脉夾脊降到臍下三寸是名炁海腦實則炁海王王則元炁盛感則清清則神生故水能長養萬物水竭則萬物枯乾黃庭經云玉池清水灌靈根靈能也悲夫世人耽迷嗜慾任意施泄元炁散喪精神散大期之內自求短又曰若雷法海百瀆傾葉去樹枯失青青炁亡液漏非已形長生至煥房中急何房中之術百數妙在還精補腦初修道之人元炁未通難見妙旨

胎息精微論

今日

六

服氣精義論

天台白雲子述

夫氣者道之幾微也幾而動之微而用之乃生一焉故混元全乎太易夫一者道之冲凝也冲而化之凝而造之乃生二焉故天地分乎太極是以形體立焉萬物與之同尊精神者焉萬象與之齊受在物之形唯人為貞在象之精唯人為靈並乾坤居三才之位合陰陽當五行之秀故能通玄降聖鍊質登仙隱景入虛無之心至妙入登仙之法登仙之法所學多途至妙之旨其歸一揆或飛消丹液藥効升騰或齋戒存修功成羽化然金石之藥實虛費而難求習學之功彌歲年而易遠若乃為之速効專之克成虛無合其道與神靈合其德者其唯氣妙乎黃帝曰食穀者智而天食氣者神而壽不食者不死真人曰夫可久於其道者養生也常可與久遊者納氣也氣全則生存然後能養志養志則合真然後能久登生氣之域可不勤之哉是知吸引晨霞餐漱風霜養精光於五藏導管術於百

關既祛疾以安形復延和而享壽閉視聽以胎息返衰朽於童顏遠取於天近取於己心

閑自適體逸無為欣逸矣於百年全落然於一室就輕舉之諸術真清虛之雅致歟若兼修真之業鍊化之功則佇雲輅而促期駢羽駕而增遠矣服氣之經頗覽多本或散在諸部或未暢其宗觀之者以不廣致疑習之者以不究無効今故纂類篇目詳精源流庶使蟪蛄之無濟宜龜龍之獨善耳

五牙論

夫形之所全者本於藏府也神之所安者質於精氣也雖稟形於五神已具其象而體衰氣耗乃致爛敗故須納雲牙而液液吸霞景以孕靈榮衛保其貞和容貌駐其朽謝加以久習成妙積感通神與五老而齊升並九真而列位經文所載以示津途修學所導自宜詳覈

服真五牙法

每以清旦密呪曰經文不書而當宜本向三過而呪中其方平生裡圖閉目叩齒

東方青牙服食青牙飲以朝華祝訖古料上齒表舐脣漱口滿而咽之三

南方朱丹服食朱丹飲以丹池祝訖古料下齒表舐脣漱口滿而咽之三

中央戊己昂昂太山服食精氣飲以醴泉祝訖古料上玄膺取玉水舐脣漱口滿而咽之三

西方明石服食明石飲以靈液祝訖古料上齒內舐脣漱口滿而咽之三

北方玄滋服食玄滋飲以玉飴祝訖古料齒下內舐脣漱口滿而咽之三

都數已畢納氣極而徐徐放之令五過以上真道畢矣意調諸方亦宜納氣各依其數即東方九南方三中央十二西方七北方五又先師益中央醴泉祝曰

白石巖巖次行源涌洞以玉漿飲之長生壽命益長


此是靈寶五符經中法上清經中別有四極雲牙之法其道容秘不可輕言凡服氣皆先行五牙以通五藏然後依常法又佳

東方青色入通於肝開竅於目在形為脉南方赤色入通於心開竅於舌在形為血中央黃色入通於脾開竅於口在形為肉西方白色入通於肺開竅於鼻在形為皮北方黑色入通於腎開竅於二陰在形為骨又肺為五藏之華蓋第一肺居心上對胃有六葉色如縞映紅肺脉出于少陽在手大指之中內側之心居肺下肝上對鳩尾下一寸色如縞映絳心脉出于中衝在手中指之端去八分在肝下心下小近後右四葉左三葉色如縞映紺肝脉出于大敦在足大指端脾正掩臍上近前橫覆胃色如縞映紫脾脉出于隱白在足大指端去八分左腎右腎前對臍搏著腰脊色如縞映紫左為正腎以配五藏右為命門男以藏精女以繫胞腎脉出為涌泉在足心凡服五牙之氣者皆宜思入其藏使其液宣通各依所主既可以周流形體亦可以攻療疾病今服背牙者思氣入肝中見青氣氤氳青液融融分明良久乃見足大敦之氣修服而至會於脉中流散諸脉上通於自然次服諸

方仍宜以丑後深漱冠服入別室焚香坐向其方靜慮澄心注想而為之

服氣論

夫氣者胎之元也形之本也胎既誕矣而元精已散形既動矣而本質漸弊是故須納氣以凝精保氣以鍊形精滿而神全形休而命延元本充寔可以固存耳觀夫萬物未有有氣而無形者未有有形而無氣者攝生之子可不專氣而致柔乎



右太清行氣符欲服氣斷穀先書向王吞之七日吞一三七日止合符三枚皆燒香左右凡欲服氣者皆宜先療身疹疾使載府宣通肌體安和縱無舊疹亦須服藥去痰飲量體冷熱服一兩劑寫湯以通泄腸胃去其精滯吐瀉方在後將息平復訖乃清齋百日數潔操志其間所食漸去酸鹹澁滋味得服夜



吞蒸暴胡麻等藥預斷殺尤佳服氣之始亦不得頓絕其藥食宜日日減藥食漸漸加氣液知氣候流通體藏安穩乃可絕諸藥食仍須兼膏餅勿食堅澀滯冷滑之物冬自覺腸胃虛全無復飢渴消息進退皆以意自重不可具於此述宜於春秋二時月初三日後八日前其取一吉日為始先服太清行氣符計至其日令吞三符訖靜密之室室東得早朝景為佳於東壁開一窻今日中光正對面此室之東勿令他障隔以子時之後先解髮梳頭數百下便散髮於後矣初服須如此散髮燒香勿用薰香也東向正坐澄心定思叩齒導引其法具後篇又安坐定息乃西首而卧本經云存思引珠為不便牀須厚煖所覆道寒溫自得稍煖為佳腰脚已下尤宜煖其枕宜令

低下與背高下平使頭頸順身平直解身中衣帶令闊展兩手離身三寸仍握固展兩脚相去五六寸且徐吐氣息令調然後想之東方初暉之氣共日光合丹紫流輝引此景而來至于面前乃以鼻先按鼻孔中毛每初以兩手大指下掌按鼻左

右上下動之十數過今通暢而咽之其氣自咽之此便為妙微引吸而咽之引久乃不須但存氣徐吐氣人氣有緩急宜自任性調息必不得頓引至極則氣森森則致損又引咽之三若氣息長加至五六咽得七尤佳如此以覺肺

開大滿為度且得咽乃閉氣存肺中之氣隨兩肩入臂至手握中入存下入於胃至兩腎中隨臂至兩脚心中覺皮肉間習習如蟲行為度訖任微喘息少時待喘息調依法引咽導送之覺手足溫謂氣方直須先入四脈然後入臟其氣自然流通此後不復須存在肺直引氣入大腸小腸中鳴

轉通流臍下為度應如此以腸中飽滿乃止則豎兩膝急握固閉氣鼓腹九度就鼓中仍存其氣散入諸體閉欲徐徐吐之慎勿長苦氣息稍稍引而吐之若覺腹中關些極則止如腹猶滿急更閉氣鼓之訖舒脚以手摩面將掌心而下數十度穿摩腹繞臍手數十度展脚趾向上反偃數度乃放手縱體忘心遺形良久待氣息關節調平訖乃起若有

汗以粉摩拭頭面頸項平生稍動搖關節體和如常可起動其中隨時消息觸類多方既不云去煩遂善宜以意調適之

凡服氣所以必令停於肺上入於胃至於腎者何肺藏氣之本也諸氣屬於肺天氣通於肺又肺者藏之長也為諸藏之華蓋呼吸之津源為傳送之官治節出焉又魄門為五藏使為四藏之主通於十二經脈周而復始故為五藏使也故令氣停於肺而後流行焉胃者五藏六府之海水穀皆入於胃六府之大

主也五藏六府皆稟於胃五味入胃各赴其家以養五氣是以五藏六府之氣皆出於胃變見於氣口故也腎者生氣之源五藏六府之本十二經脈之根左為正腎右為命門故令氣致於腎以益其精液天食人以五氣地

食人以五味五氣入於鼻藏於心肺五味入於口藏於腸胃味有所藏以五氣和而生津液氣液相感神乃自生五味並獨其數而五氣中自有其味又無味尤勝其數也此雖只論肺腎其氣亦自然流通諸藏故曰吐心與肺吸入腎與肝呼

服氣精義論

吸之間脾受其味也呼吸之理及神氣之要故太上問曰人命在幾關或對曰在呼吸之間太上曰善哉可謂為道矣

凡服氣皆取丑後午前者雞鳴至平旦天之陰陰中之陽也平旦至日中天之陽陽中陽

也日中至黃昏天之陽陽中陰也黃昏至雞鳴天之陰陰中之陰也人亦如是又春氣行於經絡夏氣行於肌肉秋氣行於皮膚冬氣行於骨髓又正月二月天氣正方地氣始發

人氣在肝三月四月天氣正方地氣定發人氣在脾五月六月天氣盛地氣高十三人氣在頭

七月八月陰氣始熱人氣在肺九月十月陰氣始冰地氣始閉人氣在心十一月十二月冰氣復地氣合人氣在腎至四時之月宜各依氣之所行兼存而為之

凡服氣皆取天景明澄之時為佳若當風雨晦霧之時皆不可引吸外氣但入密室閉服納氣加以諸藥也

凡服氣斷穀者一旬之時精氣弱微顏色萎黃二旬之時動作眩脹肢節酸疼大便苦難

小便赤黃或時下痢前剛後澹三旬之時身體消瘦重難以行已前羸弱之候是專氣初也於此四旬之時顏色漸悅心志安康五旬之時五藏調和精氣內養六旬之時體復如故機關調暢七旬之時心惡諠煩志願高翔八旬之時恬淡寂寞信明術方九旬之時榮華潤澤聲音洪彰十旬之時正氣皆至其效極昌修之不止年命延長三年之後癥痕滅除顏色有光六年髓填腸化為筋預知存亡經歷九年役鬼使神玉女侍傍腦實腸脾不可復傷號曰真人也

服六戌氣法

氣旦先從甲子句起向辰地舌料上下齒取津液周旋三至而一咽止次向寅次向子次向戌次向申次向午

又法起甲子日竟一旬常向戌辰咽氣甲戌日則向戌寅餘旬依此為之此六戌法亦是一家之義以戌氣入於脾為食稟之本固也此直不飢若通益諸體則不逮餘法矣

服三五七九氣法

十四

徐徐以鼻微引氣納之三以口一吐死氣久久便三氣次後引五氣以口一吐死氣久久便五氣次引七氣以口一吐死氣久久便七氣次引九氣以口一吐死氣久久便九氣因三五七九而并引之以鼻二十四氣納之以口一吐死氣久久便二十四氣咽逆報之報之法因從九數下到三復順引之咽可九九八十一咽氣而一吐之以為節也此法以入氣多吐氣少為妙若不作此限數漸增入則關於常數耳死氣者是四時五行休死之氣存而吐之自餘節度仍依常法

春以六丙之日時加已食氣百二十助於心令心勝肺無令肺傷肝此養肝之義也夏以六戊之日時加未食氣百二十以助脾令脾勝腎不傷於心也

季夏以六庚之日時加申食氣百二十以助肺令肺勝肝不傷於脾也秋以六壬之日時加亥食氣百二十以助腎令腎勝心不傷於肺也

養五藏五行氣法

存而吐之自餘節度仍依常法

令心勝肺無令肺傷肝此養肝之義也

令脾勝腎不傷於心也

季夏以六庚之日時加申食氣百二十以助肺令肺勝肝不傷於脾也

秋以六壬之日時加亥食氣百二十以助腎令腎勝心不傷於肺也

令心勝肺無令肺傷肝此養肝之義也

夏以六戊之日時加未食氣百二十以助脾令脾勝腎不傷於心也

十五

冬以六甲之日時加寅食氣百二十以助肝  
今肝勝脾不傷於腎也  
右此法是五行食氣之要明時各有九凡一  
千八十食氣各以養藏周而復始不相尅精  
心為之此法是一家之義所在五  
藏事事具在五牙論中

服氣精義論

氣法要妙至訣

命五

要妙氣訣真道者用之其壽與天地齊矣  
人自有六種導引而不知吹呵噓四呼嘻  
吹去寒呵去煩噓去痰四去疲呼去溫嘻  
去風此言人之生自解也

氣法

方丈室開小窓一日午時飽食白節一切味  
令氣易行至子時叩齒二七遍又取暖氣法  
兩手相摩摩面及身并手足名乾浴兩手各  
收髮髻收訖正坐閉氣咽之至氣海或一取  
一咽或二取一咽或三取一咽五咽之口微  
吐少氣名一通雖虛而不因初甚難又不得  
其意久閉則自解節度自知所宜非言能證  
非翰墨所及若體似有疾則瞑目閉息極悶  
不堪身腹盈縮汗出及微喘喘定汗消為通  
凡至十通病乃差從子至午為陽氣可服午  
至子為陰氣不可服鼻中取為正氣可服口  
中取為邪氣不可服鼻為魂門口為魄尸魂  
清魄濁故也并小導引隨不利而為不必備  
及十二補法亦如之到明以來一遍訖即一

食頓消散放逸還如子時取氣法門老君十  
三靜至日中作蜜湯或胡麻飲薤湯薑膏子  
黃精湯一味即得服一二小升酒亦得甚妙  
常須合棗核來津液潤內府不然即口乾日  
夜存心節候自成不用勤不至勞縮縮若存  
身耳一日著身二日如夢三日小腹覺知四  
日腹鳴五日兩眼熱六日兩足熱七日神見  
八日氣如雲行九日上下通十日神光行形  
中初三日小頭眩二十八日小著物怪四十  
日氣增六十日如故初或小便赤黃服棗湯  
大便堅難服葵子湯一旬顏色痿黃二旬動  
作腸胃三旬消疲四旬色悅五旬六府和六  
旬如故七旬志及高遠此時宜閉精守玄服  
丹砂雄黃雌黃等則不畏寒暑也酒雖益氣  
而能亂神不可多飲十旬通神若能常兼草  
藥不復虛羸慎勿泄氣氣欲生時腹中氣盈  
亦及復舍氣令平想從諸毛竅間出勿令下  
出名鍊氣百日内鍊氣最難非不失之一二  
失復為之乃成矣津出咽而勿嚙名鍊津雖  
溺如水其潔可食名鍊溺淮南云欲長生腹

中清欲不死腹無滓冬不寒夏不熱此龜蛇燕等行氣之法皆鼻口不出入息也一百日光照身二百日中外明三百日通神靈四百日從外知內五百日能寒能熱六百日能隱能彰七百日出入無間八百日女行則玉女

侍給男行則玉童侍給九百日視見萬里無所不知九年仙化十二年真人也又一年易氣二年易血三年易脉四年易肉五年易髓六年易筋骨七年易皮膚八年易髮九年易形為仙有三萬六千神在身或乘雲駕龍制御風雨役使鬼神百二十年檢神會道與空合真也

調氣法

夜半後仰卧平枕展手足是足間相去一尺然後舒兩手手去身各五寸握固閉氣心存所疾之處以氣攻之良久漸開口時却祛出惡氣如此六息七息為一度鍊氣必令歸疾處散之及吐之時使耳不自聞則可以長久脾居中宮為君位四氣從元氣而生故居脾外為臣位人能固得元氣長在脾宮即九竅

永絕出入息也脾有九竅橫五孔堅四孔以存神之竅耳九九八十一又存道之數也脾即神之室也可以長久脾居中宮為君位有竅焉能固得元氣長在脾宮即外九竅永絕出入息也

三丹田真皆憑脾而存氣脾氣若存身則永固神以氣立氣以神存神氣相生故長久也又若不學導引其道難成仙家黃庭此真道階也又官情未歇房室未除但得靜館閑園佳賞之處亦得修學也欲學導引先須絕葷茹少房室節嗜慾則神明宮絕葷辛則神氣全導引之法先拔鼻孔毛口齒清潔衣新淨衣低林薄蓋軟枕低首勿令頭昂則氣不調耳元氣在脾不能自出要假外氣從鼻入脾中引元氣運從鼻出故氣性自然反外入內亦自然也

節氣法

先閉口默察外息從鼻入意料入息分入息極息即從脾中引元氣運鼻中出料去息二分分出即節取餘一分令住正節著元氣頭元

氣節不得即却入脾中運待外氣入來而出也入則料之出則節之息之如此不得斷絕其節氣者是人意中以氣節之氣即自止故氣也人不節之氣即得出若約節之氣即由人不由氣也氣以神為主故神能侵氣氣能使身即知意是神也節氣時當須閉口氣不得從天門出若地戶開即盜從地戶出也故常須閉口也如覺氣小悶開地戶多少運出了閉之此謂未調和時須少放若得方便永勿放也初用氣時分入息緩出疾三節一

即出疾節緩之只恐節元氣不著名為鍊七八也若節氣得七八若勿節氣料出氣為三分出半即節心無失矣待氣調和運依聖人常法若動為之出息日遲遲即元氣調伏不致出也

助導引咽氣法

王公曰夫學導引之人者用氣斷較教人不食性少虛羸乃用咽氣助導引也咽氣是咽麤氣也若咽氣急閉口內咽喉中氣咽三十二十咽即腹飽只得繞腹鳴轉腹中實滿雖

是列道亦是一家若節元氣取飽此是妙中之妙也

### 導引新候要訣

夫學導引者能勤動行一兩月即得調和由人用功多少氣即漸漸下氣下時如蚊行相似也氣至滿心下以手指下鳴即是氣到從心下漸漸入腹常以手指肚看如鼓鳴即氣歸即漸下至臍遠腹而行細意察之即知腹長短大小腹中惡物盡出即至涌泉漸漸下遲即漸漸至脚心即出手及頭頭最難通周。一身始得通氣遍四肢流灌百脉一身內盡得通暢也此名小得分為陰陽右邊似冷左邊似暖此名小得陽時用陽氣左邊不動陰時用陰氣右邊不動此亦小得從子時至巳時為陽時從午時至亥時為陰時晝夜以此許用陽氣左邊不動用陽時意欲右邊氣行解意不在左邊氣不行也陰時用陰意欲左邊一如用陽法節氣長定從如習靜一向節氣欲者意之餘暇也不得亂用節氣長定此名小得右邊熱用陰氣過想陽邊同陰畔之

冷左用陽氣過想陰冷陰同陽邊熱故此名為使氣也亦名小得使氣者是節元氣之時也元氣欲却下意中使之間右向左也使之不得始使向左又則使之向右言陽時用陽氣即使向左陰時用陰氣即使向右亦如陽法若身有患即使氣注之不從陰陽時但咽元氣欲却下即使使不得亂節氣之長定此亦名小得人乍聞使氣多有笑之者氣是何物受爾使也氣是神之用意是神之靈神之使氣氣自使身此乃神之動作也有何怪乎。故神欲動氣即牽身而令動神欲走氣即牽身而令走神欲臥氣則牽身而令卧神欲起氣即牽身而令起此乃神用靈氣也只得食今人脚踏地動作若用氣得妙神將身向空虛中走作也此知意即神之靈也用陽氣剛想玉莖只洩陽氣不泄骨精用之彌堅此名小得冬月想房室中用陽氣入人來盡覺性溫亦小得在熱時坐家中想陰氣入來覺清涼此亦小得夫後妻得者亦名小得用氣調和肚皮日覺厚亦小得故身上常常退皮亦

小得用陰氣冷如鐵硬如石亦小得用陽氣能上得峻山峭壁亦小得用陽氣身輕能行者亦小得夏月向林中卧用陰氣得草木葉潤亦小得有人患冷熱病用陰陽手摩之病應手愈亦小得耳聽想及絃管者懸知吉凶亦小得自視洞觀鬼神之情不能隱匿亦小得心能察微意有非常之智亦小得奇方異法古器奇寶人不識者心自悟之亦小得萬神來附為侍奉者亦小得以身中之氣能生得他人五藏氣者亦得妙也元氣內藏盡無出入定息所有到無竅之處作出入息亦全。王公曰此是落籍逃丁不為太陰所管者妙也鍊肉鍊骨輕清上浮同太虛天地之神靈變化自在者此是導引之極也尚未與內真神同遊此名未入真人位也號曰真人此氣妙術是張果先生傳龍琴心先生曰真人云姓張崗法甚妙之耳氏名果玄宗制號通玄先生偶然而來不知出其誰之子觀其神化自在若則上古之高真也或問亦曾任於世乎因有丙子年為契史之說其如史傳不載而所傳氣訣仙經闕

如斯耳乃道家之秘寶也靜而行之三七日  
 徹視腸胃還年却老乘雲陟空而登宸霞可  
 翹足而待之非夫氣象合道者不可輒傳慎  
 之契史先生曰凡人腹中三處有隔即心有  
 隔初服氣皆覺心下胃中滿但少食久作之  
 自覺通下至臍下有隔即覺腹中滿久而行  
 之自覺到臍下丹田中始覺氣周行身中由  
 自未入鳩中候覺鳩中氣出即能與人治病  
 初學必須安靜處細意行之不已氣自入腹  
 中於行住坐卧一切處不妨胃中氣未下入  
 臍腹即不入諸處作難成初學服氣皆須入  
 息時即住其息少時似閉氣滿其息出時三  
 分減二還住少時咽之咽已又作至腹中滿  
 休必須日夜四時作為初學入氣欲入丹田  
 還易散意欲得氣相接也氣入丹田已縱不  
 服氣氣亦不散四時朝暮子午時也心裏滿  
 且勿服氣但交少甘草桂心亦得其滿即散  
 丹田未滿亦未到滿也元氣下時自然少有  
 悶也初服氣時要須朝暮二時用仰覆勢及  
 半及日中唯用仰勢其仰勢用低枕仰卧縮

兩肩整兩膝伸兩手著兩肋邊即咽氣只咽  
 十咽氣即滿丹田待一時咽了然後如意運  
 入鳩中其覆勢以腹坦牀以被支臂令高手  
 脚並伸著牀即咽十咽每咽皆以意運令沿  
 背下從臍藏中出每朝暮行氣先覆後仰每  
 咽皆下作聲運入丹田沿脊下亦須聲作每  
 勢十咽即足如不解作聲三五咽亦不足要  
 解作聲始得不解作想徒勞耳凡咽氣皆須  
 喉中深徐徐咽不得猛猛即發嗽凡咽氣每  
 一迴咽中間隔十息亦須作事停歇從容任  
 事運意凡服氣四度外或非時腹中覺氣少  
 氣力不健任意咽多少凡初服氣未固多從  
 熟藏中下稍宜固之以意運令散初服氣必  
 須心意坦然無疑勿畏懼若有畏懼氣即難  
 行若體力調和必須意稟欣樂自足不羨功  
 名即日勝一日歡快無極不得思食坦然無  
 所念始得若忽思食必須抑捺如不在意抑  
 捺心即須念能抑捺者終日對嘉賓有膳亦  
 無所念服氣但不失時節丹田中常滿縱日  
 別出行人事不廢修行憤縱失一時兩時亦

無妨若服成功者終日不服氣氣亦自足至  
 妙不可窮矣服氣得臍下丹田中當滿叫喚  
 讀書終日對人語話氣力亦不少仍須行少  
 地令氣向下大精服氣成訖飲食即食亦不  
 妨氣飽食咽氣氣還作聲直至臍下成已後  
 無食行氣下氣無妨服氣欲得以氣推腹中  
 糞令盡但勿食二十日彌佳若入頭即食不  
 得妙服氣日別突少藥酒亦好如思食喫少  
 蜜薑湯即定仍不得多食能常有種不食最  
 好但至誠感神百無所畏縱體中及心胃悶  
 不好亦非事久久則好不用喫果子恐腹中  
 不安穩又恐滓穢腹中氣難行且欲空腹令  
 氣行但思久作自覺神情有異四體日勝體  
 清不可比方久久行氣人眼中自識善惡視  
 人從表知裏能至心三七日即內視腸胃如  
 不至心久久行始通能內視五藏歷歷使用  
 氣妙不可言能堅用肌膚不減亦不病瘦作  
 不如法或無堅固志即疲弱凡人身中元氣  
 常從口鼻中出入制令不出使丹田常滿即  
 不至飢其神清明求死不可得也服氣丹田

滿如悶即還令從四肢及頂上出第一莫令從口鼻出散雖食百味飲食但得虛肥身受百病漸入死地凡人飲食酒肉一時雖得勇健百病皆易生瘡癘蟲毒逢即被傷能服元氣久久行之諸毒不能傷一切疾病皆治久久自知服氣初了或銜上從口鼻出即須咽津液勿咽入息恐外氣入初學服氣取氣多或脹滿攪轉作聲不安即須數數以意運氣逐腸中宿糞去盡即好今肚空其氣在腹即得安穩如逐糞未盡腸間攪轉不安任下泄

氣法要妙至訣

今五

十

四篇同卷

上清司命茅真君修行指迷訣

神氣養形論

存神鍊氣銘

保生銘

上清司命茅真君修行指迷訣

上士修行鍊炁訣

鍊炁正偃卧徐漱醴泉咽之莫閉口行炁口但得吐炁鼻但得入炁不欲令惡炁入也徐縮鼻莫大極滿極滿難還入五息已一息可吐莫大極一息數之十數屈指至九十息疲可惡中四九三百六十息為一意思脾中黃炁大如雞子常念之意中有疲倦當先鍊炁三七二百一十息鍊炁還令腹平滿平滿藏炁不大令出閉炁七十息莫致頻擊之炁當隨發上黃流四支今六自熱下至足脚徐翻炁還至胃管喉咽使繞臍一二三四即還管矣鍊炁偃卧為之日出便當坐行之鍊炁七十息四五度白髮去矣夫委炁鍊炁急擊一九三九於意佳四九事竟鍊炁一竟使入身體

命六

不知痛癢卒急處鍊炁也夫委炁先在口口含半雞子睡當千咽常唾故道口中津約持用待竭二日十息解體身解體身時如委衣三七二百一十息一竟常被髮為之佳一法從足起於上尋陰陰脉上隨小便內經腎毒除至喉復從上下炁如機紋正向喉中來入淺腹養注足五色炁常取令分明置喉中從胡脉下常存三元三規成者腎腎規裏青赤表黃黃已曰白妄見目止

鍊炁三規即三元也即注泥丸絳宮丹田是也上規一曰鍊炁不息正偃瞑目閉口被髮兩手張腹小縮鼻微縮還未及因復取虛還炁腹不得隨也十息一屈指至七十息一咽復更盛炁存胡脉中平平涓地復七十息一咽小腦小腹炁入上腦卧其腦班駁上承髮三七二百一十息今六今炁莫交錯調遵守治精神炁新處形常安如五藏無主形體羸瘦倦筋緩骨重難以行步榮華枯落皮膚華去十指無色精炁虛瘦之乃信此為候

天老十千第甲經十二月炁法

第甲日精至一旬之時滌蕩五藏渴飲水漿  
顏色脫去小便亦黃大便微難糞而黑剛腸  
中雷鳴如有減傷遂除邪炁無或恐惶行苦  
艱難兩目茫茫時節春秋日月短長陰陽損  
益皆如經章

第乙日精至二旬之時穀炁始盡邪炁逃亡  
真炁微弱以水為糧忽然恍恍志意悵悵守  
之無失華池玉英以是為法卧起案牘形體  
瘦弱難以動行

第丙日精至三旬之時精炁如故穀炁無滓  
兩炁交錯莫肯適任意中恬然不思穀食精  
炁在內王相用事至誠之効努力可副堅守  
無失功成事遂華池玉英潔白可喜

第丁日道至四旬之時穀炁離形精炁獨治  
脉炁微弱乍去乍來顏色益澤日受其故心  
志悅欣不復恐懼肌肉日生血炁有餘光華  
滑利往來應度經管陰陽和調補寫身形潤  
澤

第戊日道至五旬之時精炁安處外事屏去  
五藏和調精神內養卧而安席皮膚改更動

作引步至精不効神炁浮遊數見夢寐卧時  
自驚若有響應喚呼光影髮鬚志若高精所  
至信効為佳

第己日道至六旬之時精炁利安上下和通  
髮膚潤澤支體易行行步伏故耳目聰明志  
意漠然不復恐懼身利便機關和良不念  
穀食咽炁益胎得酒而飲得食而食多少自  
在無所繫禁

第庚日道至七旬之時精炁如通漠然安定  
孔竅調和五藏潔靜呼吸精炁際邪納正去  
惡遠新安然清淨內理志炁外貌日威動故  
踴躍輕其足脛若好靜處不與人爭至精之  
効以為道經

第辛日道至八旬之時炁游八極榮衛充盈  
調炁便利往來歧經上下表裏潤澤和平五  
藏皆定經歷仙庭恬無欲安然而寧心志  
安悅休惕不驚內無恐懼樂平生長守無  
失道著神成既有効驗度世長生

第壬日道至九旬之時精炁充滿靈神開張  
懦者而剛弱者而強損者復益廢者和良不

行自來不送自逸榮華滋潤音聲益彰口中  
甘味鼻中芳香華池玉英常存不忌至精所  
致道可住遵

第癸日道至十旬之時精炁皆到神道躡通  
輕壯肌肉充布神明目盡開覽志氣翔恬恬  
恬無欲蕩滌腹腸精存神在道德會昌初服  
飲食乃能久長壯不知老真仙同鄉與道沈  
浮可致神明

食炁之法必以天生人之日謂甲辰庚日也  
乃若四時王相日始飲藥食炁初以九口滿  
飲為法後日減一餐十日穀絕矣他餘物一  
時觀皆可食炁食炁之法十咽噉十以棗  
為籌為知食炁多少若使口中華池玉英甘  
露醴泉津洎自生凡食炁之道炁為實一歲  
至肌膚充榮二歲至機關和良三歲至筋骨

堅強四歲至骨髓填塞天有四時故人食炁  
亦應之四歲即神與形通通日數有歲如神  
明者不視形見不聽聲聞不行而至不見知  
之此所謂形一神名曰真人矣同日長生與  
天司靈



正月朝食陽炁一百六十暮食陰炁二百二月  
 月朝食陽炁一百八十暮食陰炁一百八十  
 三月朝食陽炁二百暮食陰炁一百六十四  
 月朝食陽炁二百二十暮食陰炁一百四十四  
 五月朝食陽炁二百四十暮食陰炁一百二十  
 十六月朝食陽炁二百二十暮食陰炁一百  
 四十七月朝食陽炁二百暮食陰炁一百六  
 十八月朝食陽炁一百八十暮食陰炁一百  
 八十九月朝食陽炁一百六十暮食陰炁二  
 百十月朝食陽炁一百四十暮食陰炁二百  
 二十十一月朝食陽炁一百二十暮食陰炁  
 二百四十二月朝食陽炁一百四十暮食  
 陰炁二百二十

夫陽炁者鼻取之炁也陰炁者口取之炁也  
 此二炁十二月中日日且暮不能者周天  
 一竟又一周天是則與天同齡矣  
 上清司命茅真君修行指迷訣

神氣養形論

混元既分天地得位人與萬物各分一炁而  
 成形動者稟乎天靜者法乎地天地之間最  
 靈者人能養人之形者唯炁與神神者妙萬  
 物而為言氣者借冲虛以為用至人之言莫  
 先乎炁至人之用莫妙乎神我先生得至人  
 之道見生死之機常味於无味用於无用為  
 於无為事於无事知神炁可以留形故守虛  
 无以養神炁知杳冥可以致信故入杳冥而  
 觀至精則天地之間其猶橐籥乎至人之不  
 死其猶谷神乎先生曰虛无之中有物謂之  
 神杳冥之中有物謂之炁炁者結虛無以成  
 妙故大洞真人曰三月內視注心一神則神  
 先化生纏綿五藏其理明矣且炁者神之母  
 神者炁之子欲致其子先修其母若使神不  
 受味於炁則炁无以通靈子不求食於母則  
 母无以致和道經曰既得其母以守其子既  
 得其子復守其母東華玉書云繫子長存心  
 安寧此皆謂修真之要言也加以耳目者神  
 之戶牖陰陽者炁之干戈也夫能閉戶牖息

干戈皆在神炁之默用若炁有所習神有所  
 歸即无關鍵而不可開无繩約而不可解萬  
 物貞明皆奉不言之教任无為之化矣道經  
 云視之不見聽之不聞搏之不得吾將內靜  
 虛无杳冥之宰當視不見之形聽不聞之聲  
 搏不得之物三者皆得即我命在我不在於  
 天尹真人曰內觀神光不可謂无明反聽神  
 聲不可謂无音握固精神不可謂无形故修  
 道人為視者見為聽者聞為搏者得有古之  
 真人其寢不夢其覺无憂先生曰我亦不夢  
 謂之神遊我神常遊不繫於晝夜獨處於逍  
 遙之墟不貸之圖是謂采真之樂矣吾欲分  
 而為赤子則赤子因炁母而成形吾欲分而  
 為嬰兒則嬰兒因炁母而成質吾欲分而為  
 真人則真人因炁母而致靈此三者不可分  
 故混而為一為我神神在我身中嗟乎妄  
 作之儔或存或守胡為爾丹胡為爾青心迷  
 爾真目亂爾形不知形者不可與言炁不知  
 炁者不可與言神知乎形知乎神者則質乎  
 道矣且炁不能運則純精不應神不能用則

真景不明故神明而能使炁炁專而能應神則知不修不能自明炁不專不能自柔道經曰專炁致柔能如嬰兒乎黃庭經曰仙人道士非有神積精累炁迺成真正謂此也後來學者或吐或納四時五芽之炁或服引七宿二景之精握固以象胎形閉炁以為胎息殊乖真人之妙旨蓋是古來之末事如此之徒濁亂元炁尤損於形神夫至人以心遊於淡炁合於漢飲漱於玄泉胎息於无味則神光內照五臟生靈自然有紫煙上浮玉彩交映

○敬傳先生之旨化白為朱積精成形口銜靈芝降於形中是為真仙之術守中抱一勿失與天地齊畢

神氣養形論

存神鍊氣銘

唐 思 邈 孫 真 人 述

夫身為神氣之窟宅神氣若存身康力健神氣若散身乃死焉若欲存身先安神氣即氣為神母神為氣子神氣若俱長生不死若欲安神須鍊元氣氣在身內神安氣海氣海充盈心安神安定若不散身心凝靜至定俱身存年永常住道源自然成聖氣通神境神通慧命命住身存合於真性日月齊齡道成究竟依銘鍊氣欲學此術先須絕粒安心氣海存神丹田攝心靜慮氣海若具自然飽矣

○專心修者百日小成三年大成初入五時後通七候神靈變化出沒自在峭壁千里去住無礙氣若不散即氣海充盈神靜丹田身心永固自然迴顏駐色變體成仙隱顯自由通靈百變名曰度世號曰真人天地齊年日月同壽此法不服氣不熱津不幸苦要喫但喫須休即休自在自由無阻無礙五時七候入胎定觀夫學道之人入有五時

第一時心動多靜少思緣萬境取捨無常忌

慮度量猶如野馬常人心也

第二時心靜少動多攝動入靜心多散逸難可制伏攝之勤策追道之始

第三時心動靜相半心靜似攝心常靜散相半用心勤策漸見調熟

第四時心靜多動少攝心漸熟動即攝之專注一境失而遽得

第五時心一向純靜有事無事觸亦不動田攝心熟堅散准定從此已後處顯而入七候任運自得非關作矣

○第一候宿疾垂銷身輕心暢停心入內神靜氣安四大通然六情沉寂心安慧境抱一守中喜悅日新名為得道

第二候起過常限色返童顏形悅心安通靈徹視移居別郡揀地而安鄰里知人勿令著

識

第三候延年千載名曰仙人遊諸名山飛行自在青童侍衛玉女歌揚騰蹕燿霞綠雲捧

第四候鍊身成氣氣遠身无名曰真人存亡

自在光明自照晝夜常明遊諸洞宮諸仙侍  
立

第五候鍊氣為神名曰神人變通自在作用  
無窮力動乾坤移山竭海

第六候鍊神合色名曰至人神既通靈色形  
不定對機施化應物現形

第七候身超物外迥出常倫大道玉皇共居  
靈境聖賢集會弘演至真造化通靈物無不  
達修行至此方到道源萬行休得名曰究竟  
今時之人學道日淺曾無一候何得通靈理

守愚情保持穢質四時遷運形妄色衰體謝  
歸空稱為得道謬矣此胎息定觀是留神駐  
形之道術在口訣不書於文有德至人方遇  
此法細詳留意必獲無疑賢達之人逢斯聖  
矣

存神鍊氣銘

命六

十

存神鍊氣銘 保生銘 神仙食炁金櫃妙錄

保生銘

唐思邈孫真人述

人若勞於形百病不能成飲酒忌大醉諸疾  
自不生食了行百步數將手摩肚睡不苦高  
枕唾涕不遠顧寅丑日剪甲理髮須百度飽  
則立小便飢乃坐凝溺行坐莫當風居處無  
小隙向北大小便一生昏暮日月固然忌  
水火仍畏避每夜洗脚卧飽食終無益忍辱  
為上乘讒言斷親戚思慮最傷神喜怒傷和  
息每去鼻中毛常習不唾地平明欲起時下  
牀先左脚一日免灾咎去邪無辟惡但能七  
星步今人長壽樂酸味傷於筋辛味損正氣  
苦則損於心甘則傷其志鹹多促人壽不得  
偏耽嗜春夏任宣通秋冬固陽事獨卧是守  
真慎靜最為貴財帛生有分知足將為利強  
知是大患少欲終無累神氣自然存學道須  
終始書於壁戶間將用傳君子

保生銘

命六

三

神仙食炁金櫃妙錄

京黑先生撰

命七


服陰陽符召六甲玉女法

夫欲修長生學仙者先須無死絕粒保精有  
神其法並有漸次階級不可踰軌越格輒爾  
登陟務速必不達造次必顛墜是欲依之即  
無悞累矣  
凡絕粒慮五神播蕩邪妄忤凌宜服神仙絕  
穀符欲服之法常以平旦東向左手持符右  
手執水默祝之曰

某甲好樂真道服食中和之炁甲子太玄玉  
女承翼給侍某甲行廚所在法成所求當得  
無令飢渴軍無大小人無多少皆當得飽祝  
訖即以水服符符自甲子起初至終六十日  
並同此祝餘甲當逐旬改呼玉女名字給侍  
已下勿改之其符二道一陰一陽隨陰陽日  
月別書之



此符中甲子字至丙寅即改為丙寅字盡三十箇陽日勿令錯



此符中乙丑字至丁卯即改為丁卯字盡三十箇陰日勿令錯

陽符主甲丙戊庚壬子寅辰午申戌已上日辰朱書之

陰符主乙丁巳辛癸丑卯巳未酉亥已上日辰墨書之

甲子玉女名太玄字承翼靈一旬呼甲子太某甲甲戌玉女名黃素字非廉上玉女承翼給侍云云甲辰玉女名拜精字靈素上玉女當隨甲寅玉女名

青腰字惠精每七句一玉女直事依經平旦心應念係謹人矣持符執水祝而服之玉女當隨

此法非但自己修行能為他人絕穀不限十人五人多少皆得如意自在矣唯要志心清潔一齊陣立向日嚴事所奉師道稱名拜拜

奉符如法皆能不食節解注舍德之厚日六甲六癸相舍而咽之以生精神也  
又經曰孰能有餘以奉天下唯有道者注云能掬之以補丹田引系結精唯有道者所能解也

中嶽却儉食十一時炁法

平旦七九四十九咽日出六六三六咽食時五五二五咽禺中四四一十六咽日中九九八十一咽日昃八八六十四咽晡時七四十九咽日入六六三十六咽黃昏五五二十五咽人定四四一十六咽半夜九九八十一咽雞鳴八八六十四咽

黃庭經曰玉池清水灌靈根子能修之可長存名曰飲食自然自然者華池華池者口中之唾也呼吸如法咽之即不飢矣初絕穀三日七日小極頭眩慎勿怪也滿二十一日成矣死力日增欲食可食不欲即息禁絕陰陽不可亡精失炁也食穀乃通

食炁辟穀法

法曰先合口引之納炁咽之滿三百六十已

上不得減此咽之欲多多益善能日咽至千益明咽而食日減一餐十日後能不食也後炁常入不出意炁常飽不食三日腹中惛惛若飢或小便亦黃取好棗九枚若好脯如棗者九枚念食一枚若二枚至三枚一晝一夜無過此九棗意中不念食者不須噉也常含棗核受炁令口中行津液嘉

真人食黃炁法

食黃之法常念脾胃飽胃黃炁潤澤神人長三寸著黃衣如立像兩手中各一人亦著黃衣如見即竊呼之黃常子黃常子黃庭真人在吾已生為吾耳醴淵酒脯神丹芝草諸可飲食今並立來至咽之常以雞鳴時晝若飢者向日如上法為之飢取飽止

行炁法

初行炁小不調久行易耳正偃卧握固兩足間相去四五寸兩臂間相去亦四五寸去枕微息四九三百六十息如委衣骨節皆解初為勢至三十息後自轉身易覺炁如雲行體中經營周身濡潤形體澆灌皮膚五藏六府皆

悉充滿舊疾皆散為之不止則康壯矣握固者如嬰兒之卷手也

初行炁先安穩其身而和其炁無與意爭若不和且止和乃為之常守之勿倦也小行即小得之大行即大得之炁至則形安形安則鼻息調和鼻息調和則清氣來至清氣來至則覺形執覺形執則頗汗出汗出勿使起則神安神安則道自見矣養炁務欲其久當去忿怒愁憂去忿怒愁憂則炁不亂炁不亂則正炁來至正炁來至則口中甘香口中甘香則多唾多唾則鼻息微長鼻息微長則五藏安五藏安則炁各順其理百病退去飲食甘美三炁和則形輕強壽老證見遂長生矣行炁以鼻納炁以口吐炁微而引之名曰長息納炁有一吐炁有六納炁一者謂吸也吐炁六者謂吹呼嘻呵噓咽皆出炁也凡人之息一呼一吸無有此數欲為長息吐炁之法時寒可吹時溫可呼委曲治病吹以去寒呼以去熱噓以去風又以去痛呵以去煩又以吐炁噓以散滯咽以解極凡人極者則多噓

咽道家行炁率不欲噓咽者噓咽者長息之忌也此男女俱存法本於仙經

道以精為寶施與人則生人留於已則生身生身未度世名在於仙位生人即功遂功遂而身退身退陷俗已為劇何況安施而廢棄棄損不覺多故廢老而墜天地有陰陽陰陽人所貴貴之合於道但當慎無費

老君曰精者血脈之川源守骨之靈神也精去則骨枯骨枯則死是以寶之也人以身為國心為君精為臣炁為民炁變為精精化為神神化為嬰兒嬰兒上為真人然後為赤子

此真一也天有三光日月星人有三寶神炁精三丹田者兩眉間泥丸宮上丹田也心為絳宮中丹田也臍下三寸下丹田也常念此三丹田中赤子真人嬰兒此要道也言人能守一萬事畢正謂此也

老君曰從朝至暮常習不息即長生矣兩眉間却入一寸為明堂二寸為洞房三寸為上丹田此上元真一者赤子字元先一名帝卿心為絳宮中丹田為中元真一者真人字子

丹一名光堅臍下三寸為下丹田為下元真一者嬰兒字元陽一名谷玄此三先也行炁閉炁常存念之

行炁訣

凡欲求仙大法有三一保精二行炁三服餌凡此三事亦各有淺深不遇至人不涉勤苦亦不可卒知之也然保精之術列叙百數服餌之方略有千種皆以勤勞不強為務故行炁可以治百病可以去瘟疫可以禁蛇獸可以止瘡血可以居水中可以辟飢渴可以延年命其大要者胎息而已胎息者不復以口鼻為之如在胞胎之中則成道矣

凡行炁之道其法當在密室閉戶安林暖厚蓆褥枕高二寸半方與身平正身偃卧瞑目閉炁自止於臍膈以鴻毛著鼻上毛不動經三百息耳無所聞目無所視心無所思當以漸除之耳若食生冷五辛魚肉及喜怒憂恚而引炁者非止無益更增炁病上炁攻逆也不能閉之則稍學之則稍學之初起三息五息七息九息而一舒更喻之若能十二息炁

者為小通也百二十息不舒者為大通也此治身之大要也常以夜半後生炁之時閉炁以心中默數數之令耳不聞也

凡行炁服炁日午已後夜半已前名為死炁不可服用也唯酉時炁可服為日近明淨不為死炁加之服亦可耳

凡服炁取子午卯酉時服是也如冬三月子時不可服為寒也夏三月午時不可服之為熱也仍須以意消息大略若腹中大冷取近日炁及日午之炁若腹中大熱取夜半炁及平旦之炁服也

凡服炁遇冬三月寒則於一小室中生炭火暖之服之則腹中沖和如夏極熱時仍取月中炁服之則大涼矣

每欲服炁常取體中安穩消息自然得所如安穩則不住消息行之耳若住則加導引引之尤佳矣

凡初服入炁之時善用息以飽為度若飽後即導引之自然安泰也既得安泰永無疾苦已至道成矣

夫善用炁者虛水水為逆流虛火火為滅焰噓虎豹虎豹為之伏匿噓瘡血瘡血則止而矣

治萬病訣

凡治諸病病在喉中胃中者枕高七寸病在心下者枕高四寸病在臍下者去枕以口出炁鼻納炁者名曰濕閉口溫炁咽之者名曰補欲引頭病者仰頭欲引腰脚病者仰足十指欲引胃中病者俛足十指欲引去腹中寒熱諸所不快者皆閉炁脹腹欲息者須以鼻息已復為至愈乃止矣

一平坐生腰脚兩臂展手據地口徐吐炁以鼻納之者除胃中肺中之痛咽炁令溫閉目用也

一端坐生腰以鼻內炁閉之自前後搖頭各三十者除頭虛空花耗地轉之疾閉目搖之一左脇側卧以口吐炁以鼻納之者除積聚心下不快之瘧  
一端坐生腰徐以鼻納炁以右手持鼻者除目昏若淚出者去鼻中息亦治耳聾亦除傷

寒頭痛之疾皆當以汗出為度

一正偃卧以口徐出炁以鼻納之者除裏急飽食後小咽若咽炁數至十令溫者為度若寒者使人乾嘔腹痛可用鼻納炁咽之七至十至百則大填腹內除邪炁補正炁也

一右脇側卧以鼻納炁以口小吐炁數至十兩手相摩熱以摩腹令其炁下出之者除兩脇皮膚痛悶之疾愈者止

一端坐生腰直上展兩臂仰兩手掌以鼻納炁閉之自極七息名曰蜀王臺除脇下積聚之疾

一覆卧去枕墜立兩足以鼻納炁四復以鼻出之四若炁出之極令微炁再入鼻中勿令鼻知除身中熱及背痛之疾

一端坐生腰舉左手仰其掌却右手同除兩臂及背痛之疾炁結積聚之病

一端坐以兩手相抄抱膝閉炁鼓腹二七或三七炁滿則吐後炁通暢者為度行之十年老有少容

一端坐生腰左右傾側閉目以鼻納炁除頭

風自極七息止

一端坐生腰鼻納炁數十為度除腹中飲食滿飽若快則止未便者復為之若腹中有寒炁亦為之

一端坐使兩手如張弓勢滿射可治四肢煩悶背急每日或時為之佳

一端坐生腰舉右手仰掌以左手承左脇以鼻內炁自極七息除胃寒食不變則愈

一端坐生腰舉左手仰掌以右手承右脇以鼻納炁自極七息除瘀血納炁等並皆治之

一兩手却據仰頭自以鼻納息因而咽之數十除熱身中傷死肌肉等治之而愈

一正偃卧端展足臂以鼻納炁自極七息搖足三十而止除胷足中寒周身痺厥逆嗽

一偃卧屈膝令兩膝頭內向相對手翻兩足生腰以鼻納炁自極七息除痺癢熱痛兩膝不遂

一平坐兩手抱頭宛轉上下名為開脇除身體昏沉不通暢者並皆愈之

一踞坐伸右脚兩手抱左膝頭生腰以鼻納

炁自極七息除難屈伸及拜起腔中痛癢痺等病並皆治之

一踞坐伸左足兩手抱右膝生腰以鼻納炁自極七息展左足著外除難屈伸及拜起腔中癢一本云除風并目晦耳聾

一正偃卧直兩手兩手捻胞所在令如油囊裏丹陰下濕小便難頻小腹重不快若腹中熱但口出炁鼻納之數十止亦不須小咽之若腹中不熱者行七息以温死咽之十止

一覆卧傍視兩踵生腰以鼻納炁自極七息除脚中弦痛轉筋及脚酸痛

一踞坐兩手抱兩膝頭以鼻納炁自極七息除腰痺背痛

一偃卧展兩膝兩手今兩踵相向亦鼻納炁自極七息除死肌及足胫寒麻之疾

一偃卧兩手兩膝左膀兩足踵以鼻納炁自極七息除胃中有食不消苦嘔之疾

一踞坐生腰以兩手引兩踵以鼻納炁自極七息向兩膝頭者除身痺嘔逆之疾

一偃卧展兩手兩脚仰足指以鼻納炁自極

七息除腹中弦急切痛

一偃卧左足踵拘右足拇指以鼻納炁自極七息除厥疾若人脚錯踵不拘拇指依文用之

一偃卧以右足踵拘左足拇指以鼻納炁自極七息除周身痺

一病若在左端坐生腰右視目以鼻納炁極而吐之數十止閉目而作

一若病在右下積聚者端坐生腰向日仰頭徐以鼻納炁因而咽之三十而止開目而作

一若病在右端坐生腰左視目以鼻徐納炁而咽之數十止

元陽經云常以鼻納炁含而漱之舌料唇齒咽之一日夜得千咽者大佳當少飲食多即炁逆逆則百脉閉百脉閉則炁不行炁不行則疾病生

玄禾曰志者炁之神也炁者體之充也善者遂其生惡者喪其形故行炁之法少食自節心定自安志堅自通意專自達久成仙矣若人服炁行炁者必當詳審斯篇而行之道可

成矣

真人曰夫天道盈缺人事多屯居處屯危不能自慎而能克濟者天下無之故養生之士不知自慎之方未足以論養生服炁之道也故以自慎為首焉

夫聖人安不忘危恒以憂畏為本若無所畏忌則庶事隳壞矣

經云人不畏威則大威至矣故以治身者不以憂畏朋友遠之治家者不以憂畏奴僕侮之治國者不以憂畏鄰境侵之治天下者不以憂畏道德去之故憂畏者生死之門禮教之主存亡之由禍福之本吉凶之元也是故士無憂畏則身名不立農無憂畏則稼穡不滋工無憂畏則規矩不設商無憂畏則貨殖不廣子無憂畏則孝敬不篤父無憂畏則慈愛不著臣無憂畏則勲庸不建君無憂畏則社稷不安服炁養生性修鍊胎息習學至道希慕神仙秘法者若失其憂畏則心亂而不治形躁而不寧神散而炁越志蕩而意昏應生者死應死者速應成者敗應吉者凶其憂畏

者猶之水火不可暫忘也人無憂畏子弟為勍敵妻妾為寇仇是以

太上畏道其次畏物其次畏人其次畏身故憂於身者不拘於人畏於己者不制於彼慎於小者不懼於大戒於近者不悔於遠能知此者水行蛟龍不能害陸行虎兕不能傷處

世誇端不能加善知此者萬事畢矣夫萬病橫生年命橫夭多由飲食之患飲食之患者過於聲色聲色者可絕之踰年唯飲食不可廢於一日為益既廣為患益深

且滋味者百品或於氣勢相伐觸其禁忌更成沉毒緩者積年成病急者突患而卒至也凡夏至後迄秋分勿食肥膩餅臠之屬此乃酒漿菓瓜相妨或當時不覺則病入秋節變生多諸暴下皆由涉夏取冷大過飲食不節故也而或者以病至之日便為得病之初殊不知其由來者漸矣欲知自慎者當慎之於微也夫養生服炁胎息至道者當少思少念少欲少事少語少笑少愁少樂少喜少怒少好少

惡行此十二少者學道養生之都契也多思則神殆多念則志敗多欲則損志多事則形勞多語則炁爭多笑則傷藏多愁則心攝多樂則意溢多喜則志錯昏亂多怒則百脉不定多好則專迷不理多惡則憔悴無歡此十二

多不除者養生損炁之本也唯無多無少幾乎道也故處士少疾遊子多患繁簡之殊也是故田夫壽高粱夫命短蓋嗜慾多少之驗也故俗人競利道士罕營夫常人不可無欲又復不可無事但約私心約狂念靖躬損

思則漸漸而自息耳封君達云體欲常勞勞食欲常少勞勿過極少勿過虛恒去肥濃節鹹酸減思慮損喜怒除馳逐慎房室春夏施瀉秋冬閉藏又魚膾生肉諸生冷之物此多損人速宜斷之彌大善也心常念善不欲謀欺詐惡業之事此者大辱神損壽也忌之不可犯也

彭祖曰重衣厚褥體不甘苦以致風寒之疾味脯肥甘醉飽饜飲以致疝結之病美色妖麗嬌妻盈房以致虛損之禍淫聲哀音怡心



悅耳以致荒耽之惑馳騁遊觀弋獵原野以致發狂之迷謀得戰勝取亂無弱以致驕逸之敗斯蓋聖人戒其失理可不思以自勗也夫養生服炁之道勿以久行久坐久聽久視不可強食強飲亦不可憂思愁哀飢乃食渴乃飲食止行數百步大益人夜勿以食若食則行約五里者無病損也日夕有所營為不住為佳不可至疲極不得大安無所為也故曰流水不腐戶樞不蠹以其勞動而不息也又曰夫服炁之人可以須知調護不偏也故云久視傷血久卧傷炁久立傷骨久行傷筋久坐傷肉遠思強健傷人憂恚悲哀傷人喜樂過差傷人忿怒不解傷人汲汲所願傷人戚戚所患傷人寒暖失節傷人陰陽不交傷人凡交須依導引諸術若能避眾傷人之事而復晚陰陽之術則是不死之道也俗人但知貪於五味不知有元炁可飲聖人知五味之毒焉故不貪知元炁之可服焉故閉口不言精炁息應也

凡服炁者斯文前後通覽審而行之大道全

矣

神仙食炁金樞妙錄

枕中記

臨一

夫治身者不以憂畏朋友遠之治家者不以憂畏臣僕侮之治國者不以憂畏鄰境叛之治天下者不以憂畏道德去之故憂畏者生死之門禮教之主存亡之由禍福之本吉凶之元也是故士無憂畏則身名不立農無憂畏則稼穡不滋工無憂畏則規矩不設商無憂畏則貨殖不盈子無憂畏則孝敬不篤父無憂畏則慈愛不著臣無憂畏則勤庸不達君無憂畏則社稷不安故養性者失其憂畏則心亂而不理形躁而不寧神散而氣越志蕩而意昏應生者死應存者亡應成者敗應吉者凶夫憂畏者其猶水火不可暫忘也人無憂畏子弟為勑敵妻妾為寇仇是故太上畏道其次畏天其次畏物其次畏人其次畏身故憂於身者不拘於人畏於己者不制於彼慎於小者不懼於大戒於近者不悔於遠能知此者水行蛟龍不能害陸行虎兕不能傷五兵不能及疾病不能侵讒賊不能謗蓋警不能加善知此者萬事畢矣

夫百病橫生年命橫夭多由飲食飲食之患過於聲色聲色可絕之踰年飲食不可廢之一日為益亦多為患亦切且滋味百品或氣勢相代觸其禁忌更成酖毒緩者積年成病急者災患而卒至也

凡夏至後迄秋分勿食一切肥膩餅臠之屬此與酒漿瓜果相妨當時未必即病入秋節變多諸暴下皆由涉夏取冷太過飲食不節故也而或者以病至之日便謂得病之初不知其所來之漸矣欲自知慎者當慎之於微也。

夫養生者當少思少念少欲少事少語少笑少愁少樂少喜少怒少好少惡行此十二少者養生之都契也

多思則神殆多念則志散多欲則損智多事則形勞多語則氣爭多笑則傷藏多愁則心懾多樂則意溢多喜則忘錯昏亂多怒則百脉不定多好則專迷不治多惡則憔悴無歡此十二多者養生之本也唯無少無多者幾乎道也故處士少疾遊子多患事務繁簡之

殊也田夫壽高貴命年天嗜慾少多之驗也故俗人競利道士罕營

夫常人不可無欲又復不可無事但和心約念靖躬損思慮則漸漸自息耳

封君達云體欲常勞食欲常少勞勿過極少

勿至虛常去肥醲節鹹酸減思慮損喜怒除馳逐慎房室春夏施寫秋冬藏精又魚鱸生肉諸腥冷之物此多損人速宜斷之彌大善也

也心常志善不欲謀欺詐事此大辱神損壽彭祖曰重衣厚褥體不堪苦以致風寒之疾

厚味脯腊醉飽饜飲以致疝結之病美色妖麗媚妾盈房以致虛損之禍淫聲哀音怡心悅耳以致荒婉之感馳騁遊觀弋獵原野以致發狂之失謀得戰勝兼弱取亂以致驕逸之敗斯蓋聖人戒其失理不可不思以自勗也

養生之道勿久行久坐久聽久視不强食不强飲亦不可憂思愁哀飢乃食渴乃飲食已行數百步大益人夜勿食若食即行五六里無病

常須日夕有所營為不佳為佳不可至疲極

不得太安無所為也故曰流水不腐戶樞不蠹以其勞動不息也

想爾曰勿與人爭曲直當減人壽算也若身不寧當反舌塞喉漱津咽唾無數須臾即愈道士有疾閉目內視心使生火以燒身令盡存之使精如髮鬚即愈若有痛處皆存其火燒之秘驗也

禁忌

凡甲寅庚申日是尸鬼競亂精神蹂躪之日也不得與夫妻同席言語面會必當清淨沐浴不寢墊疊備也其日可宜遣欲

凡服食藥物不欲食蒜石榴豬肝犬肉豬肉房中都絕為上服神藥勿向北方大忌亥子日不可唾忘精失氣減損人年命

凡入山日未至山百步先却行百步及足乃登山山精不敢犯人眾邪伏走百毒藏匿凡服食忌血味使三尸不去

凡求仙必不用見死人尸大山又忌三月一月之中不得與女人同處大山

避忌

勿以冬甲子夜眠卧

凡求仙忌十敗一勿好淫二勿為陰賊兇惡

三勿酒醉四勿穢慢不淨五勿食父母本命

肉六勿食已本命肉七勿食一切肉八勿食

葷膩五辛九勿殺一切昆蟲眾生十勿北向

大小便仰視三光勿北向解脫衣裳勿北向

罵詈犯破毀勿犯日月星辰勿以八節日行

威罰勿以朔晦日怒勿以六甲日食鱗甲之

物勿以丙申日食雞肉勿以丙午日食雉肉

勿以乙卯日大醉勿以二月九日食魚勿以

三月三日食五藏肉及百草心勿以四月八

日殺伐草木勿以五月五日見血勿以六月

六日起土勿以七月七日思念惡事勿以八

月八日市諸附足之物勿以九月九日起牀

席勿以十月五日罰責人勿以十一月十一

日沐浴勿以十二月晦日內三日不齋燒香

念道此忌法天人大禁三官告察以是日乃

為重罪矣或令人三魂相疾七魄流競或胎

神所憎三官受惡之時也是以惡夢交其丹

心狡魅乘其未闕精液解犯神真恍惚流變

多禁真識忌術子能奉修則為仙才不奉天

禁則為傷敗

天官大神忌食生血忌燒大畜毛忌燒蒜皮

及諸薰菜皆伐亂胎元臭傷嬰神慎之

凡學道之士勿傳衣及履屐巾褐大凶勿帶

喪臨屍經穢汗若有崇奉六天及事山川魔

神者勿居其室弗餐其饌勿著其衣勿冠其

巾蓋避其尸穢之下氣遠其邪風之往來

凡學道之士勿抱嬰兒仙家大忌

八節日勿雜處所以專精求妙忌履穢汗常

須薰香數沐浴違之者凋敗慎之者飛昇

夫陰丹內御房中之術黃道赤氣交接之益

七九朝精吐納之要六一迴丹雌雄之法難

獲仙名而上清不以比德雖均致化而太上

不以為貴此穢仙濁真固不得視乎玉閻者

矣且夫嶮嶮履冰多見倒車之敗縱有全者

臭亂之地仙耳

夫建志內學養神求仙者當數沐浴致靈氣

也

夫學道者每事欲盡泄一言一事輒減一算

第三日也

夫朝拜別作淨衣不可他雜出入靜戶並以

水漱口燒香時出戶勿反顧

凡咽液者常閉目內視

凡書章符當北向勿雜筆硯必先燒香

凡耳中忽聞呼喚啼呼及瀨水雷聲鼓鳴若

鼻中聞臭氣血腥者並凶徵也急燒香沐浴

齋戒三日守三元帝君乞救護行陰德為

人不能為行人不能行於孤懸窮扶危拯傾

即衆惡自滅

凡買藥物勿與人爭貴賤可從長者佳人買

之勿令多口嫉妬人見之

夫喜怒損志哀感損性榮華惑德陰陽竭精

皆學道之大忌仙法之所疾也理護衣被使

有常人常燒香使冷然不雜也

夫習真者都無情欲之感男女之想也若丹

白存於胃中則真不感應靈女上尊不降矣

縱有得者不過在於主者耳陰氣所接永不

可以修至道吾昔常恨此類改之速耳故知

真道不可對求妻言不可偶聽也誠之哉誠

之哉

導引法

常以兩手摩拭面上令人面有光澤斑皺不生行之五年色如少女

卧起平氣正坐先叉手掩項上因仰面視上使項與兩手爭為之三〇四止使人精和血通風氣不入能久之不病訖又屈動身體四極反張側掣壹搖百開各為之三

卧起先以手中若厚帛拭項中四面及耳後周市熱温温然也順髮摩項良久摩兩手以治面目久久令人目明邪氣不干都畢咽液三十過以導內液又欲數按耳左右令無數令耳不聾鼻不塞爾

常以生氣時咽液三七遍閉目內視訖按體所痛處每坐常閉目內視存見五藏六腑久之自得分明了常以手按兩目近鼻兩皆閉氣為之氣通乃止周而復始常行之洞視千里常以手按兩眉後小穴中三九過又以手心及指摩兩目額上以手旋耳三十過皆無數時節也畢以手逆乘額三九過從眉

中始乃上行入髮際口中傍咽液無數也常行之令人眼目清明一年可夜書亦可人中密為之勿語其狀善矣

行氣法

凡欲求仙大法有三一曰保精二曰行氣三曰服餌也凡此三事亦附淺至深不遇至人不涉勤苦亦不可卒知之也然保精之術近有百法行氣亦有數千條服餌之方略有十種皆以勤勞不絕為務故行氣可以治百病可以去瘧疫可以禁蛇獸可以止瘡血可以居水中可以辟飢渴可以延年命其大要者胎息而已胎息者不復以口鼻噓吸也如在胞胎之中則道成矣

夫善用氣者噓水水為之逆流噓火火為之滅炎噓蟲豹蟲豹為之伏噓金瘡瘕血則止聞有毒蟲所中雖不見其人便遙為噓呪我手男左女右彼雖萬里之外皆即愈也又中惡卒病但吞之三九之病亦登時差之但人性多躁少能安靜以思其道耳凡行氣之道其法當在密室閉戶安牀輾席

枕高二寸半正身偃卧瞑目閉氣息於胃膈以鴻毛著鼻口上而毛不動經三百息耳無所聞目無所見心無所思當以漸除之耳若食生冷五辛魚肉及喜怒憂恚而行氣者非止無益更增氣病上氣噓逆不能頓閉之稍學之初起於三息五息七息九息而一舒氣尋更窮之能十二息不舒氣是小通也百二十息不舒氣是大通也百二十息不舒氣可以除病隨病所在念之頭痛念頭足痛念足欲令其愈和氣攻之從時至時使自銷矣此治身之大要也

凡行氣常以夜半之後生氣時閉氣以心中數之令耳不聞恐有誤亂以手下籌能至於千則去仙不遠矣凡吐氣常令入多出少常以鼻入口吐若天大霧惡風猛寒勿行氣也但閉之此謂要妙彭祖曰至道不煩但不思念一切則心常不勞又復導引行氣不息直爾可得千歲更服金丹上藥可以畢天不朽清齋休糧存日月在口中晝存日夜存月令

修真秘錄

前商州豐陽縣主簿符度仁纂

食宜篇

思仙門曰夫修養之士何物所宜食之充飢  
得不傷損矣真人曰酸鹹甘苦食之各歸其  
時春夏秋冬順之勿逆其藏所食太過成疾  
亦深節戒作方延益無限其傷損之事前已  
具言延益之宜今為子說無令脫略子宜志  
之

八素云春宜食辛辛能散也夏宜食鹹鹹能潤也長夏

宜食酸酸能收也秋宜食苦苦能堅也冬宜食甘甘能和也

四時之味隨所宜加之食皆能益藏而除於  
邪養生之道可不移矣禮記內則云凡和春

多酸夏多苦秋多辛冬多鹹調以滑甘注云

多其時味以養其氣也經曰春無食酸夏無

食苦四時各減時味者謂氣壯也減其時味

以殺盛氣內則所云多其時味恐氣虛羸故

多其時味以養其氣也內則云春宜烹豚膳

膏膏者木王膏也牛中央土膏木  
鹿土木成則土休廢用休廢之膏以節

其氣故用夏宜脬脬所留  
脬膏脬腸乾種也  
脬大膏也犬屬西方金也夏屬南方火也  
金大盛則全體廢故用犬膏脬以節氣也

秋宜積脬積脬腎也  
腎難也脾屬東方木  
木休廢故用冬宜鮮羽膳鮮羽膳膏體羊也  
鮮實也冬宜鮮羽膳鮮羽膳膏體羊也  
鮮實也

而肥積膺物盛而充脬膺膜切  
膺熱而乾魚  
膺水潤而性定此八物得四時之氣充為人  
食之不勝是以用休廢之脂膏煎和善之也

凡牛宜稔羊宜黍豕宜稷犬宜梁魚宜瓜言

其氣味相成也

周禮天官云凡食齊齊視春時  
宜也羹齊  
飲也齊齊視春時  
宜也羹齊  
飲也齊齊視春時  
宜也羹齊  
飲也齊齊視春時  
宜也羹齊  
飲也

夏時夏宜  
也齊齊視春時  
宜也羹齊  
飲也齊齊視春時  
宜也羹齊  
飲也齊齊視春時  
宜也羹齊  
飲也

太素云肝色青宜食甘粳米飯牛肉棗皆甘

心色赤宜食酸麻犬肉李皆酸

脾色黃宜食鹹大豆豬肉粟皆鹹

肺色白宜食苦麥羊肉杏皆苦

腎色黑宜食辛黃黍雞肉桃皆辛

又肝病者宜食麻麥犬肉李莖  
心病者宜食麥羊肉杏莖

脾病者宜食稷米牛肉棗葵  
肺病者宜食黃黍雞肉桃葱  
腎病者宜食大豆黃黍雞肉棗  
是故謹和五味則骨正筋柔氣血以流腠理

以密如是則氣骨以精謹道如法長有天命

羊肉大熱羊頭肉平主風眩痲疾羊肚主補

胃虛損小便數止虛汗羊乳酪補肺利大腸

羊腎補虛弱益髓

犬肉溫主補五臟勞傷久服益氣力厚腸胃

實下焦填骨髓不食天食

唯有守真一可以一切不長也

餌藥法

按諸服食之方凡有千數但費詞難領今採

余經見効者數十條以補不迫其神丹大藥

及未有効者此不論之

夫欲服食先草次木次石此將藥之大較所

謂精蘊相代階淺以至深也  
凡人從少及長體習五穀不可一朝而違凡  
藥為益遲微無充飢之驗唯積之不已方今  
骨髓填實則五穀居然而自斷也五穀之中

大麥為上盛冬不死故可食也

次橡子非果非穀而最益人服食未能斷穀  
啖之為佳無氣而受氣無味而受味消飲而  
止痢令人強健不極次有粟粟亦佳

斷穀常餌法

茯苓末<sup>斤五</sup>生粟末<sup>斤五</sup>胡麻<sup>九蒸九曝</sup>  
為末<sup>五斤</sup>

右三味先以水一石煮肥大乾棗五斗令減  
半出研漉令皮核極淨更以水一斗別洗取  
皮核中甜味令盡以微火煎如稠糖下之令  
冷和藥搗一萬杵密封稍稍餌以當食不食  
不廢服大藥

又法

取天門冬去心皮末服方寸七日三無問人  
間山中常勿廢之久久益善亦釀酒服之治  
癥瘕積聚風癩狂去三蟲伏尸除痰濕痺輕  
令益氣令人不飢百日則還年却老能早服  
益善常於好地多種薯蕷蒸食當穀大佳  
服藥兼茯苓以當諸食法  
取茯苓五斤淨治搗下篩白蜜三升和之納  
銅器中重釜煮之數迴轉非銅器好瓷器亦

佳蜜乾出搗三萬杵旦服三十九如梧桐子  
日三服百日百病除二百日夜書二年使鬼  
四年玉女來侍

凡合仙藥生齋戒三日煎藥於幽隱處勿使  
人畜見之唯作藥者身自臨之以木蓋器上  
勿露之火唯淨木用心伺候欲多作任意藥  
成納密器中勿泄之萬歲不敗

又法

取胡麻三斗黃黑無在精治擇釜中微火熬  
之令香細搗為末下篩白蜜三升和令調煎  
之如茯苓法搗三萬杵旦服丸如梧桐子三  
十九盡一劑腸化為筋

又法

此二方與世方少異若年少者當餌茯苓若  
年過四十當服胡麻  
凡茯苓治少胡麻養老亦可二物並合倍用  
審共煎為丸老少並治不必別作也

長生服餌大法

凡服食先服草木藥大覺得力然後服石藥  
藥有逆順所謂差之毫毛失之千里也然後  
可服丹不相害也

服油法

凡欲餌神藥及雲母當先服之麻油一斗薤  
白三斤切之納油中微火煎之令薤黑焦去  
滓合酒溫服半升日再或三合百日血脉充  
盛一年後乃可服藥

服巨勝法

胡麻<sup>二</sup>大豆<sup>四</sup>

右各熬令香取豆黃合搗篩服五合日三漿  
送亦可蜜和服雞子大一枚日四漸自不飢  
然後服四鎮可以補虛勞耳

餌雲母法

本草云雲母上品藥味甘無毒平主下氣堅  
肌益精去身死皮肌中風寒熱邪氣明目安  
五藏耐寒暑久服志高不老延年神仙生齊  
雲山及瑯琊北定山石間二月採澤瀉為之  
使畏蟬甲及露水

雲母有八種各有異名向日視之乃別色黃  
白而多青者名雲英宜春服之令人身輕入  
水不寒增壽四千年色青黃煌煌而多赤者  
名雲珠宜夏服之令人身輕耐寒暑增壽三

千年色如冰雪乍黃乍白者名雪沙夏季服之身輕生光耐風寒增壽二千年色黃白晶島者名雲光宜秋服之堅筋骨通經脈增壽一千年色青白而多黑者名磷石宜冬服之身輕入火不灼五色備者名雲母四時可服雜黑而強肌者生銅鐵間名地塚不可服伐人命赤色而重厚者名陽起石是五雲之根別入藥用不可服

凡雲母厚一寸有千八百重雜以砂土埋第一精者盆中陰地歲月便自生長

### 鍊法

薄學去砂土以東流水漬數日乃槌破而摩之訖又以水淘汰百許過極令淨乃隨遲速用之若遲用者當以五月久茅屋漏水於白瓦器中漬之百日漉出若有水垢不淨者更以東流水淘汰數過漉令燥其浮泛細者亦別器盛之八月中以新布兩人各持一頭亦可繫竹竿頭於山野淨草上拂取露絞取汁隨拂汁足淹雲母乃止不足更取漬也以漬雲母五六十日以外乃可取用者溫煖處勿

今寒凍欲為粉者便漉取令燥作熟皮囊盛急擊以手按之從旦至中碎靡靡出以絹篩取餘滓更按取盡上猶不大細以指攪看當見冥冥者更於大木盆中少水澀和泥良久以水淘汁細絹漉取餘滓又研淘取盡止清澄之亦可按竟以紗葛囊篩乃於白燥盆中研之絹漉如法亦善亦可先研以絹漉澄令燥仍用皮囊按細絹篩之亦可露水漬之百日出令燥擣以囊於水中漉取汁澄乾治之凡如此法成粉令極細如麩指攪攪得先明佳也若猶不精可以露水煮粉如沸點燥乃更曰擣重絹篩之若速用者取淘竟者薄擊絹囊盛納沸湯裏出浮寒水中又納湯又淨水如此十過當一易水令冷候視軟出曝乾韋囊中按之使成粉

### 服雲母方

出衛叔卿玉函素書

十五

取雲母一斤五色具者細擊之以久茅屋溜水若秋百草上露以漬之百日内韋囊中盛挺之絹篩著竹筒中塞口懸甑下白沙一石填上蒸之一日夜氣達去之納黍稻米一

石一日又云一宿一日氣達又去更納新黍稻米一石一日氣達去之乃出以白蜜一升合和於銅器中湯上煎之合可丸九如麻子以星宿出時一服二九服三五十日如梧桐子三丸常以雞鳴服一九三十日身輕目明五十日腹中痒七十日三蟲伏尸皆去八十日皮膚光澤九十日入水火不燒濡百日易以筋骨三百日走及奔馬一年為真人又云年七十已上四百日已後乃得仙此是用一斤法多者益之一云用二斤一云三斤

### 又法

取桂十斤削取三斤擣下篩葱白葶四斤熟擣布絞取汁以和桂屑納生竹筒中木蓋密口懸蒸黍米五斗下米熟為水又納雲母粉一斤一日復化為水服一椀斗許日三服三十日貌如童子

### 又法

取雲母粉一斤硝石白者一斤擣篩之白蜜三升合攪納生竹筒中漆固口埋北垣下三十日出之盛銅器中稍稍似水若酒水服之

二十日身光三十日露不著身五十日火不能害百日之後便成仙人

消玉法

取美玉一斤細末之納雲母水中十日消可服半斤諸石屑肉中皆消不但是玉

又法

取雲母粉一斤硝石一斤合擣如泥納瓶中漆固口埋濕地入三尺亦可懸井中十日化為水服一椀斗日三稍加之却老還少身形光澤余試之三法已驗

服雄黃法

本草云雄黃味甘甘平大溫有毒主治寒熱鼠癩惡瘡疽痔死肌疥蟲匿瘡目痛鼻中息肉及絕筋破骨百節中大風積聚瘴氣中惡腹痛鬼注殺精物惡鬼邪氣百蟲毒勝五兵然諸蛇蟲毒悅澤人面練食之輕身神仙餌之皆飛入腦中勝鬼神延年益壽保中不飢昔抱朴子及陶隱居在江左之日雄黃與金同價將合大藥求索無處自古諸仙聖等皆慨此物不足以所學道不以時成况此二賢

耶余韶年志道壯乃知方亦渴茲藥遂一年間息心於服餌矣余至貞觀年中遊峨嵋山市得武都雄黃四十餘斤顆立奇大光色熠爛近古所無自非聖德所加可能致此物見此藥已覺四體輕飄飄然有凌雲之氣余忻逢聖代屬此神物惟同志者速宜將之

仙經曰諸石之中惟丹砂雄黃為上鍊治之法兼服不難宜可營之此乃度世要藥未及大丹其餘服餌皆不出此夫其醉飽者莫能信之

餌雄黃法

取雄黃末之飛取花蒸之數日白蜜丸之服如彈丸日三稍減之去三蟲長生也鍊松脂和之甚佳亦可多作不限一二斤也土釜飛之

又法

取雄黃末以清酒和蒸之次用白蜜成丸服雄黃虎狼百毒不敢近入水辟蛟龍辟五兵一切蠱毒妖魅皆不能加心開目明甚有感武

又法

取雄黃水銀等分合擣相得納銅器中蒸之三日三夜當化為水若未化更蒸之數上下出之炭火熅之數上下當作紫色白蜜丸之服如麻子三九日三至千日通神

又法

取雄黃水和以鍊松脂作服如小豆大二枚十日三蟲下二十日百病愈百日能便通神抱朴子曰雄黃當得武都山所出者純而無雜其色亦如雞冠而光明曄曄者乃可用耳其但純黃似雌黃色無光明者不任作仙藥為可合治病藥牙餌服之法或以蒸煮之或酒餌或以消石化為水乃凝之或以脂桐裏蒸之於赤土下或以松脂和之或以三物鍊之引之而布巾如冰服之皆令人長生百病除三尸下癩痕滅白髮黑齒生千日則玉女來侍可得役使以致行厨又玉女常以黃玉為誌大如黍米在鼻上是真玉女也無誌者是鬼試人余先服之已具見之矣

真人授魏夫人穀仙丸一名制蟲丸



夫學仙道者宜先服之填骨補筋駐年還白  
體生異光久服神仙昔者右真人郭少金以  
方授介象又授劉根張陵等數人並按而服  
之遂皆致神仙凡合藥當在別室淨潔處不  
合雜人多目臨視亦宜沐浴齋戒三日乃可  
搆治之

甘草六兩 丹砂三兩 精明大黃五兩 錦乾  
文者  
地黃七兩 五味子五兩 白朮三兩 人參五兩 半茯苓  
兩 當歸三兩 天門冬四兩 木防已一兩 猪苓  
兩 細辛兩 決明子兩

右十四味並令得精新上藥無用陳久先各  
細搗篩乃秤散取兩數定乃入臼以次先納  
甘草搗一千杵次納丹砂又千杵如此以次  
盡十四種合一萬四千杵畢乃下白蜜和調  
治畢又搗萬六千杵都合三萬杵藥成感之  
密器後食服如梧桐子十九寧十九從少起亦可  
服三十九此藥內養滅病無毒無所禁忌食  
一年乃大得其益無責旦夕之急効也俗中  
女子服之令多子而無傷  
三元真一經云涓子告蘇林曰必欲作地上

真人須先服食去三尸殺滅穀蟲有三名  
伐人三命一名青姑伐人眼命是故目開面  
皺口臭齒落由青姑之氣穿鑿沈丸故也二  
名白姑伐人五藏是故心耄氣少多忘荒罔  
由白姑之兵貫穿六府之液故也三名血尸  
伐人胃命是故腹輪煩滿骨枯肉焦意志不  
開所惡不固失食則飢悲傷憂慟精誠不感  
神爽雜錯由血尸之蟲流噬魂胎之關也不  
去三尸而服食者穀雖斷蟲猶存非益也又  
所夢非真顛倒翻錯邪欲不除都由蟲在其  
內搖動五神故也欲求真道長生當先服制  
蟲丸者即此方是也如不知此道求神仙未  
之有也

### 合仙藥祭法

凡欲合神藥先齋戒七日入室沐浴著粉七  
日訖具藥物必須天晴明及開成除日若寅  
日於中庭淨地西北向以藥物著地地安一  
高机机上以棗一升酒一器脯一胸主人再  
拜長跪啓曰臣某天真之子皇上皇之孫上天  
醫女至奉上上太一君左玉房仙官臣某合

藥服之延年謹設醮再拜  
諸餌丹砂八石雲母百草丸散欲延年養生  
求神仙之法當祭太一君不祭者作藥多不  
成縱成服之無益不能得仙故祭者太一臨  
之或遣玉女來下神氣所加令藥神驗皆齋

戒稱巨作丸者臨納藥入曰時祭作餅者然  
火時祭作散者須成乃祭祭時皆先具諸果  
藥羅列著太一座間乃祭用案南向用酒五  
孟脯五胸棗二盤饌祭厚者用酒五斗脯五  
片棗二斗燒香再拜祝曰

謹請九天真人高皇太上天真太一君地真  
太一君太一玉童太一玉女華蓋火光使者  
下臨其席再拜叩頭曰乞為甲移災去厄長  
生久視今當合某種藥伏願諸太上老君太  
一君臨盤共服黃官紫蓋之下願藥氣無縱  
無橫無飛無揚和合冲氣延命退長謹奉天  
神神藥感明天師舉火玉女侍傍分天之氣  
太一乃臨某再拜上酒畢乃送辭當齋三日  
勿復穢然後可祭祭時不欲令人見知唯欲  
清淨一處若不可無人者夜半子時亦佳勿

使人見之道家服藥一年一祭不必待合藥乃祭祭餘肝唯得行人食之餘人不得食

服藥禁忌法

凡服玉忌酒五辛魚肉服丹忌入汗穢及見血視死血尤凶服丹砂及雄黃皆忌血食若不斷者久久令人半身不遂服松柏忌豬犬鹽豉服天門冬忌鯉魚肉服葛蒲忌熱食服木忌桃李及酒服黃連忌猪肉服胡麻忌豬犬服黃精忌梅服地黃忌犬

夫血氣強盛者宜早將之形骸枯悴者實難救也此皆眾仙秘道慎勿輕傳苟非其人不可妄授神農曰上藥養命中藥養性下藥治病此之謂也

仙人養生延年服五靈芝方

五靈芝者五老之精氣也萬物草木皆稟天地陰陽之精氣唯松柏受真精氣最多經霜霰而不凋秋冬不變色受命延長千秋萬歲神仙智人商量草木服食功力總不如松柏仙人道士參詳衆方並不如此五靈芝方世有道士學仙養生求延年長命及長生者可

依方採極合和服之自古至今効者非一若非好道君子莫傳此方

採松柏法

常以三月四月採新生松柏葉可長三四寸許與花葉及葉一時採取陰乾乾訖細搗爲末闕文

蜜爲丸如小豆大常以每月一日及十五日未出時燒香東向手持藥八十一丸以酒下之服一年延十年命服二年延二十年命欲得長肌肉加少大麻巨勝心力弱者加茯苓人參此藥除百病壯元氣益五藏六府清神明目少強不衰老延年益壽神驗若用七月七日露水丸之更佳服藥祝曰  
神仙真藥體合自然服藥入腹天地同年祝  
訖服藥斷豬肉五辛最切慎之

二十三

枕中記

養生延命錄序

臨三

夫稟氣含靈唯人爲貴人所貴者蓋貴爲生者神之本形者神之具神大用則竭形大勞則斃若能遊心虛靜息慮無爲服元氣於子後時導引於閑室攝養無虧兼餌良藥則百年者壽是常分也如恣意以駝聲色役智而圖富貴得喪恒切於懷躁境未能自達不拘禮度飲食無節如斯之流寧免夭傷之患也余因止觀微暇聊復披覽養生要集其集乃錢彥張湛道林之徒翟平黃山之輩咸是好事英奇志在寶育或鳩集仙經真人壽考之規或得採彭鏗老君長齡之術上自農黃以來下及魏晉之際但有益於養生及招損於後患諸本先皆記錄今略取要法刪棄繁蕪類聚篇題分爲上下兩卷卷有三篇號爲養生延命錄擬補助於有緣冀憑緣以濟物耳或云此書孫思邈所集

養性延命錄卷上

華陽陶隱居集

教誡篇第一

神農經曰食穀者智慧聰明食石者肥澤不老謂鍊五石也食芝者延年不死食元氣者地不能埋天不能殺是故食藥者與天相異日月並列混元道經曰谷神不死河上公曰谷養也能養神則不死神為五藏之神肝藏魂肺藏魄心藏神腎藏精脾藏志五藏盡傷則五神去是謂玄牝言不死之道在於玄牝。玄天也天於人為鼻牝地也地於人為口天食人以五氣從鼻入藏於心五氣清微為精神聰明音聲五性其鬼曰魂魂者雄也出入人鼻與天通故鼻為玄也地食人以五味從口入藏於胃五味濁滯為形骸骨肉血脉六情其鬼曰魄魄者雌也出入於口與地通故口為牝也玄牝之門是謂天地根根原也言鼻口之門乃是天地之元氣所從往來也綿綿若存鼻口呼噓喘息當綿綿微妙若可存復若無有也用之不勤用氣當寬舒不當急

疾勤勞混元道德經曰出生謂情慾出於五內魂定魄靜故生也入死謂情慾入於胃腸精散神感故死也生之徒十有三死之徒十有三言生死之類各有三謂之九竅而四開也其生也目不妄視耳不妄聽鼻不妄嗅口不妄言手不妄持足不妄行精不妄施其死也及是人之生也動皆之死地十有三欲求生動作反之十有三之死地夫何故以其求生之厚也所以動之死地者以其求生之活之太厚也達道及天妄行失紀。蓋聞善攝生者陸行不遇兕虎入軍不被甲兵兕無所投其角虎無所措其爪兵無所容其刃夫何故以其無死地以其不犯十有三之死地也。莊子養生篇曰吾生也有涯向秀曰生之所稟各有極也而智也無涯嵇康曰夫不慮而欲性之動也識而發感智之用也性動者遇物而當足則無餘智從感不求倦而不已故世之所患恒在於智困不在性動也以有涯隨無涯殆已郭象曰以有限之性尋無趣之

智安得而不困哉已而為智者殆而已矣向秀曰已困於智矣又為智以攻之者又殆矣莊子曰達生之情者不務生之所無以為向秀曰生之所無以為者性表之事也張湛曰生理自全為分外所為此是以有涯隨無涯也達命之情者不務智之所無奈何向秀曰命盡而死者是張湛曰乘生順之理窮所稟分豈智所知何也。列子曰少不勤行壯不競時長而安貧老而寡欲閉心勞形養生之方也列子曰一體之盈虛消息皆通於天地應於萬類張湛曰人與陰陽通氣和之於始和之於終靜神滅想生之道也始終和則神志不散。混元妙真經曰人常失道非道失人人常去生非生去人故養生者慎勿失道為道者慎已失生使道與生相守生與道相保黃老經玄示曰天道施化與萬物無窮人道施化形神消亡轉施精竭故衰形本生精精生於神不以生施故能與天合德不與神化故能與道同式玄示曰以形化者尸解之類神

與形離二者不俱遂象飛鳥入海為蛤而隨  
季秋陰陽之氣以氣化者生可冀也以形化  
者甚可畏也嚴君平老子指歸曰遊心於虛  
靜結志於微妙委慮於無欲歸計於無為故  
能達生延命與道為久大有經曰或疑者云

始同起於無外終受氣於陰陽載形魄於天  
地資生長於息而有愚有智有強有弱有  
壽有天耶人耶解者曰夫形生愚智天也  
強弱壽天人也天道自然人道自己始而胎  
氣充實生而乳食有餘長而滋味不足壯而  
聲色有節者強而壽始而胎氣虛耗生而乳  
食不足長而滋味有餘壯而聲色自放者弱  
而天生長全足加之導養年未可量道機曰  
人生而命有長短者非自然也皆由將身不  
謹飲食過差淫泆無度忤逆陰陽魂神不守  
精竭命衰百病萌生故不終其壽河圖帝視  
萌曰侮天時者凶順天時者吉春夏樂山高  
處秋冬居卑深藏吉利多福壽考無窮雜書  
寶子命曰古人治病之方和以醴泉潤以元  
氣藥不辛不苦不甘多味常能服之津流五

藏繫在心肺終身無患孔子家語曰食肉者  
勇敢而悍虎狼之類食氣者神明而壽仙人  
靈龜是也食穀者智慧而天人不食者不  
死而神直任喘息而無思慮

傳曰雜食者百病妖邪所鍾所食愈少心愈  
開年愈益所食愈多心愈塞年愈損馬太史  
公司馬談曰夫神者生之本形者生之具也  
神大用則竭形大勞則斃神形早衰欲與天  
地長久非所聞也故人所以生者神也神之  
所託者形也神形離別則死死者不可復生  
離者不可復返故乃聖人重之夫養生之道  
有都領大歸未能具其會者但思每與俗反  
則聞踐勝轍復過半之功矣有心之徒可不  
察歟小有經曰少思少念少欲少事少語少  
笑少愁少樂少喜少怒少好少惡行此十二  
少養生之都契也多思則神殆多念則志散  
多欲則損志多事則形疲多語則氣爭多笑  
則傷藏多愁則心懾多樂則意溢多喜則志  
錯昏亂多怒則百脉不定多好則專迷不治  
多惡則憔悴無懼此十二多不除養生之本

也無多者幾乎真人大計奢懶者壽慳勤者  
天放散劬怙之異也田夫壽青梁大嗜欲少  
多之驗也處士少疾遊子多患事務繁簡之  
殊也故俗人競利道士罕營胡昭曰目不欲  
視不正之色耳不欲聽醜穢之言鼻不欲向

羶腥之氣口不欲嘗毒刺之味心不欲謀欺  
詐之事此辱神損壽又居常而歎息晨夜而  
吟嘯于正來邪也夫常人不得無欲又復不  
得無事但當和心少念靜身損慮先去亂神  
犯性此則害神之一術也黃庭經曰玉池清  
水灌靈根密能修之可長存名曰飲食自然  
自然者則是華池華池者口中唾也呼吸如  
法咽之則不飢也老君尹氏內解曰唾者湊  
為醴泉聚為玉漿流為華池散為精浮降為  
甘露故口為華池中有醴泉漱而咽之溉藏  
潤身流利百脉化養萬神支節毛髮宗之而  
生也中經曰靜者壽躁者夭靜而不能養減  
壽躁而能養延年然靜易御躁難將盡順養  
之宜者則靜亦可養躁亦可養韓融元長曰  
酒者五穀之華味之至也亦能損人然美物

難將而易過養性所宜慎之邵仲湛曰五穀充肌體而不能益壽百藥療疾延年而不甘口甘口充肌者俗人所环苦口延年者道士之所寶素問曰黃帝問岐伯曰余聞上古之人春秋皆百歲而動作不衰謂血氣猶盛也

今時之人年始半百動作皆衰者時世異耶將人之失耶岐伯曰上古之人其知道者法則陰陽和於術數房中交接之法飲食有節起居有度不妄動作故能與神俱盡終其天命壽過百歲今時之人則不然以酒為漿以葷為常醉以入房以慾竭其精以好散其真不知持滿不時御神務快其心遊於陰陽生治起居無節無度故半百而衰也老君曰人主大期百年為限節護之者可至千歲如膏之用小炷與大耳眾人大言而我小語眾人多煩而我少記眾人恃暴而我不怒不以人事累意不修仕祿之業淡然無為神氣自滿以為不死之藥天下莫我知也無謂幽冥天知人情無謂闇昧神見人形心言小語鬼聞人聲犯禁滿千地收人形人為陽善吉人報

之人為陰善鬼神報之人為陽惡賊人治之人為陰惡鬼神治之故天不欺人依以影地不欺人依以響老君曰人修善積德而遇其凶禍者受先人之餘殃也犯禁為惡而遇其福者蒙先人之餘殃也名醫叙病論曰世人

不終者壽咸多天歿者皆由不自愛惜忿爭盡意遺名射利聚毒攻神內傷骨髓外貶筋肉血氣將無經脉便擁肉理空疎唯招盡疾正氣日衰邪氣日盛矣不異舉滄波以注燭火類華嶺而斷涓流語其易也甚於茲矣彭祖曰道不在煩但能不思衣不思食不思聲不思色不思勝不思負不思失不思得不思榮不思辱心不勞形不極常導引納氣胎息爾可得千歲欲長生無限者當服上藥仲長統曰蕩六情五性有心而不以之思有口而不以之言有體而不以之安安之而能遽樂之而不愛以之圖之不知日之益也不知物之易也其彭祖老聃庶幾不然彼何為與人者同類而與人者異壽陳紀元方曰百病積多由飲食飲食之患過於聲色聲色可絕

之踰年飲食不可廢之一日為益亦多為患亦切多則切傷少則增益張湛云凡脫貴勢者雖不中邪精神內傷身必死亡非妖禍外侵直由冰炭內煎則自崩傷中吐血也始富後貧雖不中邪皮焦筋出委辟為孿貧富之

於人利害猶於權勢故病疹損於形骸而已動勝寒靜勝熱能動能靜所以長生精氣清靜乃與道合莊子曰真人其寢不夢慎子云晝無事者夜不夢張道人年百數十甚翹壯也云養性之道莫久行久坐久卧久視久聽莫強食飲莫大沈醉莫大愁憂莫大哀思此所謂能中和能中和者必久壽也仙經曰我命在我不在天但愚人不能知此道為生命之要所以致百病風邪者皆由恣意極情不知自惜故虛損生也譬如枯朽之木遇風即折將崩之岸值水先頹今若不能服藥但知愛精節情亦得一二百年壽也張湛養生集叙曰養生大要一曰畜神二曰愛氣三曰養形四曰導引五曰言語六曰飲食七曰房室八曰反俗九曰醫藥十曰禁忌過此已往義

可略馬青牛道士言人不欲使樂樂人不壽但當莫強健為力所不任舉重引強掘地苦作倦而不息以致筋骨疲竭耳然於勞苦勝於逸樂也能從朝至暮常有所為使之不息乃快但覺極當息息復為之此與導引無異也夫流水不腐戶樞不朽者以其勞動數故也飽食不用坐與卧欲得行步務作以散之不爾使人得積聚不消之疾及手足痺癢面目黧肝必損年壽也皇甫隆問青牛道士青牛道士姓封字君達其養生法則可施用大略云體欲常勞食欲常少勞無過極少無過虛去肥濃節鹹酸減思慮捐喜怒除馳逐慎房室武帝行之有效彭祖曰人之受氣雖不知方術但養之得理常壽之一百二十歲不得此者皆傷之也小復曉道可得二百四十歲復微加藥物可得四百八十歲嵇康亦云導養得理上可壽千歲下可壽百年彭祖曰養壽之法但莫傷之而已夫冬溫夏涼不失四時之和所以適身也彭祖曰重衣厚褥體不勞苦以致風寒之疾厚味脯腊醉飽厭飲

以致聚結之病美色妖嬈嬪妾盈房以致虛損之禍淫聲哀音怡心悅耳以致荒耽之惑馳騁遊觀弋獵原野以致發狂之失謀得戰勝兼弱取亂以致驕逸之敗蓋聖賢或失其理也然養生之具譬猶水火不可失適反為害耳彭祖曰人不知道徑服藥損傷血氣不足肉理空踈髓腦不實內已先病故為外物所犯風寒酒色以發之耳若本充實豈有病乎仙人曰罪莫大於淫禍莫大於貪咎莫大於讒此三者禍之車小則危身大則危家若欲延年少病者誠勿施精命天殘勿大溫消骨髓勿大寒傷肌肉勿咳嗽失肥液勿卒呼驚魂魄勿久泣神悲感勿恚怒神不樂勿念內志恍惚能行此道可以長生

食誠篇第二

真人曰雖常服藥物而不知養生之術亦難以長生也養生之道不欲飽食便卧及終日久坐皆損壽也人欲小勞但莫至疲及強所不能堪勝耳人食畢當行步躊躇有所修為為快也故流水不腐戶樞不朽蠹以其勞動數故也故人不要夜食食畢但當行中庭如數里可佳飽食即卧生百病不消成積聚也食欲少而數不欲頓多難銷常如飽中飢飢中飽故養生者先飢乃食先渴而飲恐覺飢乃食食必多感渴乃飲飲必過食畢當行畢使人以粉摩腹數百過大益也青牛道士言食不欲過飽故道士先飢而食也飲不欲過多故道士先渴而飲也食畢行數百步中益也暮食畢行五里許乃卧令人除病凡食先欲得食熱食次食溫暖食次冷食食熱暖食訖如無冷食者即喫冷水一兩嚥甚妙若能恒記即是養生之要法也凡食欲得先微吸取氣嚥一兩嚥乃食主無病真人言熱食傷骨冷食傷臟熱物灼膚冷物痛齒食訖踟躕長生飽食勿大語大飲則血脉閉大醉則神散春宜食辛夏宜食酸秋宜食苦冬宜食鹹此皆助五臟益血氣辟諸病食酸鹹甜苦即不得過分食春不食肝夏不食心秋不食肺冬不食腎四季不食脾如能不食此五臟尤順天理燕不可食入水為蛟蛇所吞亦不

宜殺之飽食訖即卧成病背疼飲酒不欲多  
多即吐吐不佳醉卧不可當風亦不可用扇  
皆損人白蜜勿令李子同食傷五內醉不可  
強食令人發癰疽生瘡醉飽交接小者令人  
面肝咳嗽不幸傷絕脈損命凡食欲得恒  
溫暖宜入易銷勝於皆冷凡食皆熱勝於生  
少勝於多飽食走馬成心癡飲水勿忽咽之  
成氣病及水癖人食酪勿食酢變為血痰及  
尿血食熱食汗出勿洗面令人失顏色面如  
蟲行食熱食訖勿以醋漿漱口令人口臭及  
血齒馬汗息及馬毛入食中亦能害人雞兔  
犬肉不可合食爛那屋上水滴浸者脯名曰  
鬱脯食之損人久飢不得飽食飽食成癖病  
飽食夜卧失履多霍亂死時病新差勿食生  
魚成刺不止食生魚勿食乳酪變成蟲食免  
肉勿食乾薑成霍亂人食肉不用取上頭最  
肥者必衆人先目之食者變成結氣及疔癩  
食皆然空腹勿食生菓令人膈上熱骨蒸作  
癰癘銅器蓋食汗出落食中食之發瘡肉疽  
觸寒未解食熱食亦作刺風飲酒熱未解勿

以冷水洗面令人面發瘡飽食勿沐髮沐髮  
令人作頭風蕎麥和猪肉食不過三頓成熟  
風乾脯勿置秫米瓮中食之閉氣乾脯火燒  
不動出火始動摩之筋縷相交者食之惡人  
或殺人羊胛中有肉如珠子者名羊懸筋食  
之患癩癩諸濕食不見形影者食之成疰腹  
脹暴疾後不周飲酒膈上變熱新病差不用  
食生棗羊肉生菓損顏色終身不復多致死  
膈上熱蒸凡食熱脂餅物不用飲冷醋漿水  
善失聲若咽生葱白合蜜食害人切忌乾脯  
得水自動殺人曝肉作脯不肯燥勿食羊肝  
勿合椒食傷人心胡瓜合羊肉食之發熱多  
酒食肉名曰癡脂憂狂無恒食良藥五穀充  
悅者名曰中士猶慮疾苦食氣保精存神名  
曰上士與天同年

雜誠忌禮害析善篇第三

久視傷血久卧傷氣久立傷骨久行傷筋久  
坐傷肉凡遠思強健傷人憂悲悲哀傷人喜  
樂過差傷人忿怒不解傷人汲汲所願傷人  
戚戚所患傷人寒熱失節傷人陰陽不交傷

人凡交須依導引諸術若能避舉傷之事而  
復陰陽之術則是不死之道大樂氣飛颺大  
愁氣不通用精令人氣力乏多視令人目盲  
多睡令人心煩食美食令人洩痢俗人但知  
貪於五味不知元氣可飲聖人知五味之生  
病故不貪知元氣可服故閉口不言精氣自  
應也唾不嚥則海不潤海不潤則津液乏是  
知服元氣飲醴泉乃延年之本也沐浴無常  
不吉夫婦同沐浴不吉新沐浴及醉飽速行  
歸還大疲倦並不可行房室之事生病切慎  
之丈夫勿頭北卧令人六神不安多愁忘勿  
跛并今古大忌若見十步地墻勿順墻坐卧  
被風吹發癩癩疾勿怒目久視日月失明  
凡大汗忽脫衣不慎多患偏風半身不遂新  
沐浴了不得露頭當風不幸得大風刺風疾  
觸寒來勿臨面火上成痼起風眩凡汗勿跂  
淋懸脚久成血痺足重腰疼凡脚汗勿入水  
作骨痺亦作遺症久忍小便膝冷蒸成冷痺  
凡食熱物汗出勿遭風發症頭痛令人目眩  
饒睡凡欲眠勿歌詠不祥起眠訖勿大語損

人氣凡飛鳥投人不可食焉若開口及毛下有瘡並不可食之凡熱泔洗頭冷水濯成頭風凡人卧頭邊勿安火爐令人頭重目赤鼻乾凡卧訖頭邊勿安燈令人六神不安冬日温足凍腦春秋腦足俱凍比乃聖人之常法也凡新哭泣訖便食即成氣病夜卧勿覆頭婦人勿歧竈坐大忌凡若唾不用遠遠即成肺病令人手重背疼咳嗽凡人魔勿點燈照定魔死暗喚之即吉亦不可近前及急喚凡人卧勿開口久成消渴并失血色凡旦起勿以冷水開目洗面令人目溢失明饒淚凡行途中觸熱逢河勿洗面生烏肝人睡訖忽覺勿飲水更卧成水痺凡時病新汗解勿飲冷水損人心腹不平復凡空腹不可見聞臭屍氣入鼻令人成病凡欲見死屍皆須先飲酒及咬蒜辟毒氣凡小兒不用令指月兩耳後生瘡是斷名月蝕瘡搗蝦蟆末傳即差并別餘瘡並不生凡產婦不可見狐鬼人能令產婦著腫凡人卧不用於窻下令人六神不安凡卧春夏欲得頭向東秋冬頭向西有所

利益凡丈夫飢欲得坐小便飽則立小便令人無病凡人睡欲得屈膝卧卧益人氣力凡卧欲得數轉側微語笑欲令至少語莫令聲高大春欲得瞑卧早起夏秋欲得侵夜卧早起冬欲得早卧晏起皆有所益雖云早起莫在雞鳴前晏起莫在日出後冬日天地閉陽氣藏人不欲勞作汗出發洩陽氣損人新沐浴訖勿當風濕語勿以濕頭卧使人患頭風眩悶髮頰面腫齒痛耳聾濕衣及汗衣皆不可久著令發瘡及患風癢痒老君曰正月旦中庭向寅地再拜呪曰  
某甲年年受大道之恩太清玄門願還某甲去歲之年男女皆三通自呪常行此道延年玄女有清神之法淮南崇祠憲之規成欲體合真靈護衛真生者仙經秘要常存念心中  
有氣大如雞子內赤外黃辟衆邪延年也發却衆邪百鬼常存念為炎火如斗煌煌光明則百邪不敢干人可入瘟疫之中暮卧常存作赤氣在外白氣在內以覆身辟衆邪鬼魅老君曰凡人求道勿犯五逆六不祥有犯者

凶大小便向西一逆向北二逆向日三逆向月四逆仰視天及星辰五逆夜起保形一不祥旦起真志二不祥向竈罵詈三不祥以足內火四不祥夫妻書合五不祥盜志師父六不祥凡人旦起恒言善事天與之福勿言奈何歌嘯名曰請禍慎勿上牀卧歌凶始卧伏牀凶飲食伏牀凶以匙筋擊盤上凶司陰之神在人口左人有陰禍司陰白之於天則考人魂魄司殺之神在人口右人有惡言司殺白之於司命司命記之罪滿即殺二神監口唯向人求非安可不慎言舌者身之兵善惡由之而生故道家所忌食玉泉者令人延年除百病玉泉者口中唾也雞鳴半旦中日脯黃昏夜半時一日一夕凡七漱玉泉食之每食輒滿口嚙之延年髮血之窮齒骨之窮爪筋之窮千過梳髮髮不白朝夕啣齒齒不齧不數截筋不替人常數欲照鏡謂之存形形與神相存此其意也若矜容顏色自愛說不如勿照凡人常以正月一日二月二日三月三日四月八日五月一日六月二十



七日七月十一日八月八日九月二十一日  
十月十四日十一月十一日十二月三十日  
但常以此日取枸杞葉煮作湯沐浴令人光  
澤不病不老月蝕宜救活人除殃活萬人與  
天同功天不好殺聖人則之不好殺者是助  
天地長養故招勝福善夢可說惡夢默之則  
養性延年也

養性延命錄卷上

養性延命錄卷下

華陽陶隱君集

臨三

服氣療病篇第四

元陽經曰常以鼻納氣舍而漱滿古料唇齒  
咽之一日一夜得十咽甚佳當少飲食飲食  
多則氣逆百脉閉百脉閉則氣不行氣不行  
則生病玄示曰志者氣之帥也氣者體之充  
也善者遂其生惡者喪其形故行氣之法少  
食自節動其形和其氣血因輕而止之勿過  
失突復而還之其狀若咽正體端形心意專  
一固守中外上下俱閉神周形骸調暢四溢  
修守關元滿而足實因之而衆邪自出彭祖  
曰常閉氣納息從手旦至日中乃跪坐拭目  
摩搦身體紙唇咽唾服氣數十乃起行言笑  
其偶有疲倦不安使導引閉氣以攻所患必  
存其身頭面九竅五藏四肢至于髮端皆今  
所在覺其氣雲行體中起於鼻口下達十指  
末則澄和真神不須針藥灸刺凡行氣欲除  
百病隨所在作念之頭痛念頭足痛念足和  
氣往攻之從時至時使自消矣時氣中冷可

閉氣以取汗汗出輒周身則解矣行氣閉氣  
雖是治身之要然當先達解其理又宜空虛  
不可飽滿若氣有結滯不得空流或致發瘡  
譬如泉源不可壅遏若食生魚生菜肥肉及  
喜怒憂志不除而以行氣令人發上氣凡欲  
學行氣皆當以漸劉君安曰食生吐死可以  
長存謂鼻納氣為生口吐氣為死也凡人不能  
服氣從朝至暮常習不息徐而舒之常令  
鼻納口吐所謂吐故納新也服氣經曰道者  
氣也係氣則得道得道則長存神者精也保  
精則神明神明則長生精者血脉之川流守  
骨之靈神也精去則骨枯骨枯則死矣是以  
為道務實其精從夜半至日中為生氣從日  
中後至夜半為死氣常以生氣時正僵卧瞑  
目握固握固者如嬰兒之拳手以四指押母  
指也閉氣不息於心中數至二百乃口吐氣  
出之日增息如此身神具五藏安能閉氣至  
二百五十華蓋明華蓋眉也耳目聰明舉身  
無病邪不干人也凡行氣以鼻納氣以口吐  
氣微而引之名曰長息納氣有一吐氣有六

納氣一者謂吸也吐氣有六者謂吹呼唏呵噓咽皆出氣也凡人之息一呼一吸元有此數欲為長息吐氣之法時寒可吹時溫可呼委曲治病吹以去風呼以去熱唏以去煩呵以下氣噓以散滯咽以解極凡人極者則多噓咽道家行氣率不欲噓咽噓咽者長息之心也此男女俱存法法出於仙經行氣者先除鼻中毛所謂通神之路若天露惡風猛寒大熱時勿取氣明醫論云疾之所起自生五勞五勞既用二藏先損心腎受邪府藏俱病五勞者一曰志勞二曰思勞三曰心勞四曰憂勞五曰疲勞五勞則生六極一曰氣極二曰血極三曰筋極四曰骨極五曰精極六曰髓極六極即為七傷七傷故變為七痛七痛為病令人邪氣多正氣少忽忽喜忘悲傷不樂飲食不生肌膚顏色無澤髮白枯槁甚者令人得大風偏枯筋縮四肢拘急攣縮百關隔塞羸瘦短氣腰脚疼痛此由早娶用精過差血氣不足極勞之所致也凡病之來不離於五藏事須識根不識者勿為之耳心藏病

者體有冷熱呼吹二氣出之肺藏病者曾背脹滿噓氣出之脾藏病者體上遊風習習身癢疼悶唏氣出之肝藏病者眼疼愁憂不樂呵氣出之已上十二種調氣法依常以鼻引氣口中吐氣當令氣聲逐字吹呼噓呵唏呵吐之若患者依此法皆須恭敬用心為之無有不差愈病長生要術

導引按摩篇第五

導引經云清旦未起先啄齒二七閉目握回漱滿唾三咽氣尋閉不息自極極乃徐徐出氣滿三止便起狼踞鴉顧左右自搖亦不息自極復三便起下牀握固不息頓踵三還上一手下一手亦不息自極三又叉手項上左右自了換不息復三又伸兩足及叉手前却自極復三皆當朝暮為之能數尤善平旦以兩手掌相摩令熱慰眼三過次又以指撥目四背令人目明按經文拘魂門制魄戶名曰握固與魂魄安門戶也此固精明目留年還白之法若能終日握之邪氣百毒不得入握固法屈大姆指於四小指下把之積習不止

眼中亦不復開一說云令人不遭魔魅內解云一曰精二曰唾三曰淚四曰涕五曰汗六曰溺皆所以損人也但為損者有輕重耳人能終日不涕唾隨有漱滿咽之若恒含棗核咽之令人愛氣生津液此大要也謂取津液非咽核也常每旦啄齒三十六通能至三百彌佳令人齒堅不痛次則以舌攪漱口中津液滿口咽之三過止次摩指少陽令熱以慰目滿二七止令人目明每旦初起以兩手叉兩耳極上下執按之二七止令人耳聾聾次又啄齒漱玉泉三咽縮鼻閉氣右手從頭上引左耳二七復以左手從頭上引右耳二七止令人延年不聾次又引兩鬢髮舉之一七則總取髮兩手向上極勢擡上一七令人血氣通頭不白又法摩手令熱以摩面從上至下去邪氣令人面上有光彩又法摩手令熱雷摩身體從上至下名曰乾浴令人勝風寒時氣熱頭痛百病皆除夜欲卧時常以兩手揩摩身體名曰乾浴辟風邪峻坐以左手托頭仰右手向頭上盡勢托以身并手振動三

右手托頭振動亦三除人睡悶平旦日未出前面向南峻坐兩手托脛盡勢振動三令人面有光澤平旦起未梳洗前峻坐以左手握右手於左脛上前却盡勢按左脛三又以右手握左手於右脛上前却按右脛亦三次又又兩手向前盡勢推三次又兩手向前以兩肘向前盡勢三次直引左臂拳曲右臂如挽一斛五斗弓勢盡力為之方手挽弓勢亦然次以右手托地左手仰托天盡勢右亦然然次拳兩手向前各三七次拳左手盡勢向背上握指三右手亦如之療背膊臂肘勞氣數為之彌佳平旦便轉訖以一長柱杖策腋垂左脚於牀前徐峻盡勢犁左脚五七右亦如之療脚氣疾悶腰腎間冷氣冷痺及膝冷脚冷並主之日夕三掣彌佳勿大飽及忍小便掣如無杖但遣所掣脚不著地手扶一物亦得晨夕以梳梳頭滿一千梳大去頭風令人髮不白梳訖以鹽花及生麻油搓頭項上彌佳如有神明膏搗之甚佳旦欲梳洗時叩齒一百六十隨有津液便咽之訖以水漱

口又更以鹽末揩齒即含取微酢清漿半小合許熟漱取鹽湯吐洗兩目訖閉目以冷水洗面必不得違冷水入眼中此法齒得堅淨目明無淚永無匿齒平旦洗面時漱口訖咽一兩咽冷水令人心明淨去胃臆中熱譙國華陀善養生弟子廣陵吳普彭城契阿受術於陀陀語普曰人體欲得勞動但不當使極耳人身常搖動則穀氣消血脉流通病不生譬猶戶樞不朽是也古之仙者及漢時有道士君倩為導引之術作熊經瑪願引挽腰體動諸關節以求難老也吾有一術名曰五禽戲一曰虎二曰鹿三曰熊四曰猴五曰鳥亦以除疾兼利手足以常導引體中不快因起作一禽之戲遺微汗出即止以粉塗身即身體輕便腹中思食吳普行之年九十餘歲耳目聰明牙齒堅完與食如少壯也虎戲者四肢距地前三蹠却二蹠長引腰側脚仰天即返距行前却各七過也鹿戲者四肢距地引項反顧左三右二伸左右脚伸縮亦三亦二也熊戲者正仰以兩手抱膝下舉頭左擗地

七右亦七蹲地以手左右托地猴戲者攀物自懸伸縮身體上下一七以脚物自懸左右七手鉤却立按頭各七鳥戲者雙立手翹一足伸兩臂揚肩用力各二七坐伸脚手挽足趾各七縮伸二臂各七也夫五禽戲法任力為之以汗出為度有汗以粉塗身消穀氣益氣力除百病能存行之者必得延年又有法安坐未食前自按摩以兩手相叉伸臂股導引諸脈勝如湯藥正坐仰天呼出飲食醉飽之氣立銷夏天為之令人涼不熱

#### 御女損益篇第六

道以精為寶施之則生人留之則生身生身則求度在仙位生人則功遂而身退功遂而身退則陷欲以為劇何況妄施而廢棄損不覺多故疲勞而命隨天地有陰陽陰陽人所貴貴之合於道但當慎無費彭祖曰上士別林中士異被服藥半裹不如獨卧色使目盲聲使耳聾味使口爽苟能節宣其道適抑揚其通塞者可以增壽一日之忌暮食無飽夜飽食眠損一日之壽一月之忌暮飲無醉夜

醉卧一月之壽一歲之忌暮須遠內一文損一歲之壽養之不復終身之忌暮須護氣暮卧習開口開口失氣又邪從口入采女問彭祖曰人年六十當閉精守一為可爾否彭祖曰不然男不欲無女無女則意動意動則神勞神勞則損壽若念真正無可思而大佳然而萬無一馬有強鬱閉之難持易失使人漏精尿濁以致鬼交之病又欲令氣未感動陽道垂弱欲以御女者先搖動令其強起但徐徐接之令得陰氣陰氣推之須臾自強強而用之務令遲疎精動而正閉精緩息瞑目偃卧導引身體更復可御他女欲一動則輒易人易人可長生若御一女陰氣既微為益亦少又陽道法火陰道法水水能制火陰亦消陽久用不止陰氣喻陽則轉損所得不補所失但能御十二女子而復不洩者令人老有美色若御九十三女而不洩者年萬歲凡精少則病精盡則死不可不忍不可不慎數交而時一洩精氣隨長不能使人虛損若數交接則瀉精精不得長益則行精盡矣在

家所以數數交接者一動不瀉則贏得一瀉之精減即不能數交接但一月輒再瀉精精氣亦自然生長但遲微不能速起不如數交接不瀉之速也采女者少得道知養性年百七十歲規知十五殿王奉事之年問道於彭祖也彭祖曰女妓淫所以使人不壽者非是鬼神所為也直由用意猥精動欲泄務副彼心竭力無厭不以相生反以相害或驚狂消渴或癩癧惡瘡為失精之故但施瀉輒導引以補其處不爾血脉髓腦日損風濕犯之則生疾病由俗人不知補瀉之宜故也彭祖曰凡男不可無女女不可無男若孤獨而思交接者損人壽生百病鬼魅因之共交失精而一當百若欲求子令子長命賢明富貴取月宿日施精大佳月宿日直錄之於後天老曰人生俱舍五常形法復同而有尊卑貴賤者皆由父母合八星陰陽陰陽不得其時中也不合宿或得其時人中上也不合宿不得其時則為凡夫矣合宿交會者非生子富貴亦利己身大吉之兆八星者室參井鬼柳張

心十月宿在此星可以合陰陽求子月二日三日五日九日二十日此是王相生氣日交會各五倍血氣不傷令人無病仍以王相日半夜後雞鳴前徐徐弄玉泉飲玉漿戲之若合用春甲寅乙卯夏丙午丁未秋庚申辛酉冬壬子癸亥與上件月宿日合者尤益佳若欲求子待女人月經絕後一日三日五日擇中王相日以氣生時夜半之後乃施精有子皆男必有壽賢明其王相日謂春甲乙夏丙丁秋庚辛冬壬癸凡養生要在於愛精若能一月再施精一歲二十四氣施精皆得壽百二十歲若加藥餌則可長生所患人年少時不知道知道亦不能信行至老乃始知道便以晚矣病難養也雖晚而能自保猶得延年益壽若少壯而能行道者仙可冀矣仙經曰男女俱仙之道深內勿動精思臍中赤色大如雞子乃徐徐出入精動便退一旦一夕可數十為之令人益壽男女各息意共存之唯須猛念道人劉京云春三日一施精夏及秋一月再施精冬常閉精勿施夫天道冬藏其

陽人能法之故得長生冬一施當春百蒯道人言人年六十便當都絕房內若能接而不施精者可御女耳若自度不辦者都遠之為上服藥百種不如此事可得久年也道林云命本者生命之根本決在此道雖服大藥及

呼喻導引備修萬道而不知命之根本根本者如樹木但有繁枝茂葉而無根本不得久活也命本者房中之事也故聖人云欲得長生當由所生房中之事能生人能煞人譬如水火知用之者可以養生不能用之者立可死矣交接尤禁醉飽大忌損人百倍欲小便忍之以交接令人得淋病或小便難莖中痛小腹強大恙怒後交接令人發癱疽道機房中禁忌日月晦朔上下弦望日月蝕大風惡兩地動雷霹靂大寒暑春夏秋冬節變之日送迎五日之中不行陰陽本命行年月日忌禁之尤重陰陽交錯不可合損血氣瀉正幼邪所傷正氣甚矣戒之新沐頭新行疲倦大喜怒皆不可行房室彭祖曰消息之情不可不知也又須當避大寒大熱大風大雨大

雪日月蝕地動雷震此是天忌也醉飽喜怒憂愁悲哀恐懼此人忌也山川神祇社稷井竈之處此為地忌也既避此三忌又有吉日春甲乙夏丙丁秋庚辛冬壬癸四季之月戊己皆王相之日也宜用嘉會令人長生有子

必壽其犯此忌既致疾生子亦凶夭短命老子曰還精補腦可得不老矣子都經曰施瀉之法須當弱入強出何謂弱入強出納玉莖於琴弦麥蓄之間及洪大便出之弱納之是謂弱入強出消息之令滿八十動則陽數備即為妙也老子曰弱入強出知生之術強入弱出良命乃卒此之謂也

養性延命錄卷下

三

十一

三洞樞機雜說

臨四

日用導引神仙初地門

每朝凌晨或五更初澄心靜慮搖固存神端嚴敷坐屏絕緣務竅無思念想身於無身之中存心於無為之境是以和氣聿然自至即便叩齒七通咽液七數度度想流直至下丹田日久成寶也

後舒展體骨為十二般導引

一通百關兩手舉兩脚頭三度二左推右推以一手半脚舉脚面又一手推脚三單展肚如一手半脚舉脚面又一手推脚四雙攀足足此互換各三度度度度五左右托空以兩手背鎖換三度度度六托天推重物如此互換以三為數度度七龍盤鳳背兩手先握後以互換八鳳展翼兩手先握後以互換九左擺右擺以兩手相鎖抱頭面左十推東推西以兩手相鎖托前擺東擺西十一擊天門以兩手相鎖摩身每七摩為一度十二仙人乾浴便摩兩目以至於面部

已上用導引雖云凌晨亦不拘早晚但無事常習自然手熱筋軟骨壯氣和有疾除疾無疾爽神食飽消食饒過止飢一切作為並無所礙雖未可以長生久視亦且除身中浮疾談云縱然不得力猶勝別勞心此之謂也

啄咽按摩法

真誥云夜行常當啄齒啞齒亦無止限數殺鬼邪鬼常畏齒聲是故不得犯人若燕以漱液祝說亦善也仙人劉京語皇甫隆曰夫朝睡起未澡洗之前安坐漱口唾曰玉泉令滿口咽之即叩齒二七止又更漱唾如前又叩齒一如上法夫叩齒者召身內神今安之也又令人齒不朽咽液者令人身體光潤力壯有顏色去三尸蟲名曰鍊精使人長生若能終身行之得仙也

真誥太素丹景經曰一面之上欲常得兩手摩拭之熱高下隨形皆使極而令人面有光澤皺斑不生行之五年色如少女先當切摩兩掌令熱然後拭目順手摩髮如理櫛之狀兩臂亦更互以手摩之使髮不白脉不浮

外大洞真經精景按摩篇曰卧起當平氣正坐先以兩手乃度以掩項後因即面視上使項與兩手爭為之三四人精和血通風氣不能入久之不死不病又屈動身體伸手四極反張宣搖百關各為之三

又引消魔上靈經曰若體中不寧當反舌塞喉漱滿咽液無數須臾不寧之病自即除也亦覺身中寬軟又曰鼻亦得按其左右唯令無數也令人氣平所以灌漑中藏名書帝錄坐常欲閉目內視五藏腸胃久行之自得分明了了也常能手掩口鼻臨目微氣久許時手中生液遂以摩面日常行之令人體香真誥云櫛頭理髮欲得多過通血氣散風濕也數易櫛更番用之也亦可不須解髮太極經曰理髮欲向王地既櫛髮之始而微

祝曰

泥丸玄華保精長存左為隱月右為日根六合精鍊百神受恩祝畢咽液三過能常行之髮不落而日生之當數易櫛取多而不使痛亦可令侍者櫛取多也血液不滯髮根常

堅也

赤書玉訣下云太玄上宮北帝常以庚申日制天民三尸魂神條人罪狀上奏帝君當此日能修齋養戒晝夜思神則三尸不得上天言人之罪地司奏人善功列言帝君太一歡

喜即記姓名左契長為種民太上上宮至真尊神常以甲子日遣太一中臺大使者下周諸地諸天檢校神祇枝散雜俗鬼精又其日能齋燒香中臺大使者皆條善功奏上三天上帝即為除監天領地鬼神主書名玉曆長為真人

北帝曲折祝

真誥云風病之所生生於丘墳陰濕三泉壅滯是故地官以水氣相激多作風痺之疾重者舉體不投輕者半身或失手足也若常夢在東北及西北經接故居或見靈牀處所者正欲與塚氣相接也墓之東北為絕命西北為九厄此皆塚訟之凶地若見亡者於其間益其驗也若遇此夢者即覺當正向上三喙齒而祝之曰

太元上玄九都紫天理魂護命高素真人我  
受上法受教恭玄長生久視身飛體仙塚墓  
永安鬼訟塞聞魂魄和悅惡氣不煙遊魁罔  
象敢干我神北帝打制收氣入淵得錄上皇  
謹奏玉晨如此者再祝又三叩齒則不夢夢  
塚墓及家死鬼若常得惡夢不祥者皆可按  
此法於是鬼炁滅邪魁散形也又云手臂不  
獲者沈風毒炁在脉中結痲痺骨使入然也  
宜針灸則愈又宜按北帝曲折之祝若行之  
百過病亦消除也先以一手徐徐按摩疾臂  
良久畢乃瞑目內視咽唾三過叩齒三通正  
心微祝曰

太上四玄五華六庭三魂七魄天開地精神  
府營衛天胎上明四支百神九節萬靈受錄  
玉晨刊書玉城玉童侍身玉童護命永齊一  
景飛仙上清長與日月年俱後傾超騰昇仙  
得整太平流風結病注鬼五飛魁塚陰陰  
氣相個凌我四支千家盛衰太一天丁龍虎  
曜威斬鬼不祥風邪即推考注匪訟百毒隱  
非使我復常日月同暉考注見犯北辰伎如

千明上威昔唐覽居山為鬼所擊舉身不投  
如綿囊有道人教按此法皆即除之此北帝  
曲折之法諸疾有曲折者用此法皆佳不但  
風痺不投而已唐覽今在華山合虹丹服得  
不死真人問曰凡人何故數有病乎神人答

曰故肝神去出遊不時還目無明也心神去  
不在其脣青白也肺神去不在其鼻不通也  
腎神去不在其耳聾也脾神去不在令人口  
不知甘也頭神去不在令入胸冥也腹神去  
不在令入中央甚不調无所能化也四肢神  
去令人不能自移也夫精神其性常居空閑  
不居混濁欲思其神皆當齋戒懸象室中百  
病消亡不齋不戒精神不肯還反人也皆上  
天共訴人也所以人病積多死者不絕又云  
以兩手摩拭面目令小熱以為常每欲數也  
人之將老面皺者先從兩目下始也人之體  
衰氣少者先從兩腎間始也謂此二處皺衰  
之戶曠氣力之關津故起居常行此法以辟  
皺衰而氣力常保康和也  
靈寶天地運度經云靈寶自然運度有大陽

九六百六也小陽九小百六也三千六百六  
十年為小陽九小百六也九千九百年為大  
陽九六百六夫天厄謂之陽九地虧謂之百  
六至金氏之後甲申之歲是天地運度否泰  
所終陽九會至時道德方明凶醜頓釋聖君  
受任於壬辰之年也

黃素四十四方經云常夜寢欲合眼時以手  
撫心三過閉目微祝曰  
太靈九宮太一守房百神參位魂魄和同長  
生不死塞滅邪凶祝畢而寢此名為九宮隱  
祝寢魂之法常能行之使人魂魄安寧常吉  
利也又耳鳴者外使入也耳神嬌女云宜即  
聲鍾以聞九宮使知外人來入令備也聲鍾  
者是今耳鳴之音也其聞之者錯手掩耳而  
祝曰  
赤子在宮九真在房清聽神命亦察不祥太  
一流火以滅萬凶  
聖真仙品  
聖真仙各三合為九品九品又各有三合為  
二十七品玉清以聖為正位上清以真為正

位太清以仙為正位至於聖亦稱真真亦稱聖仙亦稱真真亦稱仙仙亦稱聖聖亦稱仙一千年一聖五百年一真一百五十年一仙百年一賢也

無上真人文始內傳云諸天神王散花燒香以供養得道之人也又云太上遺繡衣使者傳命與尹喜

莊子秋水第十七篇云莊子與惠子遊於濠梁之上莊子曰儵魚出遊從容是魚樂也惠子曰子非魚安知魚之樂耶莊子曰子非我安知我不知魚之樂耶惠子曰我非子故不知子矣子固非魚也子之不知魚全矣莊子曰請循其本惠子曰汝安知魚樂云者既已知吾知之而問我我知之濠上也

方謙之字道冲冀州趙邦柏人縣人外身濟物山家多患山瘡寄名即斷人有請其方者謙之答曰心正可以治邪吾居貧無財可施常誦法輪道德經隨喜眾善慈悲眾惡如此可以自治亦能治也

神仙傳麻姑以米擲地視米隨地皆成丹砂

王方平笑曰姑故年少也吾老耳了不喜復作此曹狡僧變化也

孫博河東人有清才能屬文乃學道治墨子之術能使草木金石皆為火光照數里亦能使我身成炎火口中吐火指大樹生草皆枯

焦更指之則復如故亦能使三軍之眾各成一聚火也每作火燒他人以水沃之經日不滅須博自指乃止也行大水中非但已身不濡濡能使從者數百人皆不沾又能於水上布席坐飲食作樂使人舞水上不沒而盡歡有疾病者就恃自治亦無以云為真指之言愈即愈又能吞刀劍及從壁中出入引鏡為刀屈刀為鏡可積時不改須博指之乃復故形也後入林慮山中舍神丹而仙去矣

叙术

夫术乃辟塞邪津氣遏鬼路矣餐其九餌則靈心四散榮衛輕盈服其煎散則百疾瘳除可以長生久視也合术方不錄

南燭

山年無穀或窮不能得者皆單服南燭或和

茯苓或以蜜和南燭或雜松柏葉也南燭草木擣取汁以掩青龍之稻米作藥服之其樹是木而似草故號曰南燭草木一名猴藥一名男讀一名後卓一名惟那木一名草木之王名山皆有異越最多

太真科中卷云天子邦畿有田千里供宗廟瞻遐邇象日月之遙故千里也號曰京師京大也師眾也天子所居大衆歸集也老君枕中開闔經云此生氣常當安隱某身勿得妄出也口是五災戶心是八毒門

魁魁魁魁魁魁凡書符先念三遍部臨醫鱗書符於胡餅上吞呪七遍

前符真書

每朝清旦叩齒二十四通持此呪三遍然後向東以茅香湯服符三九呪曰

皇靈之寶珍彌劫無衰朽精神常和同算命自長久堅存不暫虧能破諸殃咎真人秘此文慎終常如首急急一如太上老君口勅律令

通靈真香法



夫香者所以降靈通神傳言驛行導達往來  
表明遠近所以典香侍香玉童玉女香官使  
者專司其職不可輕也出三洞備錄科流珠  
經云燒異域穢臭毒惡辛烈之香謂乳香螺  
甲香此犯道禁非真人常修行之香也真人  
愛紫微幽木之香聞者皆慧謂沈水芫香胡  
香辛烈毒惡真人惡之胡香謂乳香桐柏真  
人王子晉謂清虛真人王子登曰昔蘇上卿  
愛燒辛烈之香悉銜於中華天尊形像之前  
地府上奏太上惡之乃退減仙位

神仙香譜云世人多以乳香供天夫乳香者  
一名胡香上帝與五星惡聞者蓋悉味辛烈  
薰穢故也螺甲麝膻尤為所忌沈香芫香降  
真香白檀香蘇合香青木香此香上衝四十  
里丁香安息香此香辟邪却穢龍腦只可用  
生者熟龍腦處其木之蒸間雜

### 降真香珠法

以沈水香三斤薰木香二斤青木香九兩雜  
古香五兩烏參三兩雀頭香六兩香白蔴二  
兩麝香二兩白檀二兩艾香三兩安息香

四兩木蘭三兩凡十二物別搗篩單內乾薑  
肉十兩擣三萬杵於白甕器中蒸一日以白  
蜜三斤和令相得擣熟丸之如雞頭子大青  
線穿之曝令乾名曰三真丸和香珠丸壇內  
燒之上徹九天天真玉女聞之降鑒於虛空  
之中出九天生神齋儀

### 香油神燭法

洞神經香油法以沈水香九斤青桂皮三斤  
青木香十兩真檀十兩雞舌香八兩蘇合香  
八兩雀頭香十兩零陵香十八兩乾薑脂二  
十兩藿香十兩營蘇六兩白蔴八兩凡十二  
物先齋取平建開成日東向或南向剉絹囊  
盛沈油中七日勿開若擣篩蜜和陽燧火燒  
之感降真靈出三洞道士修鍊科

神燭油法麝香五兩薰陸三兩零陵香六兩  
甘松六兩白茅香三兩烏參三兩白蔴三兩  
凡七物剉令細絹囊盛之沈油中三日或五  
日七日然後用之然燈則靈香馥郁可以感  
降天真矣修香燈之要必在綵籠罩之護蟲  
拒風而光延久爾齋壇燈燭之外蠟炬以多

為佳不可闕也出九天生神儀

### 香方

新茅香二十兩淨擇去時皮取淨十二兩細剉以蜜二兩同炒令黃  
香附子二兩丁香皮半兩黃檀七兩降  
真香一兩

右搗令均碎鍊好蜜二十四兩和搽勻以  
甕器盛埋陰地三二尺十日外取用每料  
用蜜拌和訖入甕香蠟末三兩

### 清遠香方

甘松十兩白芷三十兩玄參五兩零陵香六兩  
茅香七兩丁香皮五兩藿香三兩附子三兩木  
麝半斤降真香五兩

右件淨洗剉曬搗為麤末鍊蜜和之坩器  
盛之久密

### 三洞樞機雜說

十一

三論同卷

彭祖攝生養性論

孫真人攝養論

抱朴子養生論

第五

彭祖攝生養性論

神強者長生氣強者易滅柔弱畏威神強也  
 鼓怒騁志氣強也凡人才所不至而極思之  
 則志傷也力所不勝而極舉之則形傷也積  
 憂不已則魂神傷矣積悲不已則魄神散矣  
 喜怒過多神不歸室情愛無定神不守形汲  
 汲而慾神則煩切切所思神則敗久言笑則  
 藏腑傷久坐立則筋骨傷寢寐失時則肝傷  
 動息疲勞則脾傷挽弓引弩則筋傷沿高涉  
 下則腎傷澆酒醉嘔吐則肺傷飽食偃卧則氣  
 傷蹶馬步走則胃傷喧呼詰罵則膽傷陰陽  
 不交則瘡痲生房室不節則勞瘠發且人生  
 一世久遠之期壽不過於三萬日不能一日  
 無損傷不能一日修補徒責神之不守體之  
 不康豈不難乎足可悲矣是以養生之法不

遠唾不驟行耳不極聽目不久視坐不至疲  
 卧不及極先寒而後衣先熱而後解不欲甚  
 飢飢則敗氣食誠過多勿極渴而飲飲誠過  
 深食過則癥塊成疾飲過則痰癖結聚氣風  
 不欲甚勞不欲甚逸勿出汗勿醉中奔驟勿  
 飽食走馬勿多語勿生飡勿強食肥鮮勿沐  
 髮後露頭冬不欲極溫夏不欲極涼冬極溫  
 而春有狂疫夏極涼而秋有瘡痢勿露卧星  
 月之下勿飢臨屍骸之前勿睡中搖扇勿食  
 次露頭勿衝熱而飲冷水勿凌盛寒而逼炎  
 爐勿沐浴後而迎猛風勿汗出甚而便解衣  
 勿衝熱而便入冷水淋身勿對日月及南北  
 斗大小便勿於星辰下露體勿衝霜霧及嵐  
 氣此皆損傷藏腑敗其神魂五味不得偏耽  
 酸多傷脾苦多傷肺辛多傷肝甘多傷腎鹹  
 多傷心此並應於五行潛稟四體可理可究  
 矣志士君子深可慎焉犯之必不便損久乃  
 積成衰敗是故心為五藏之主氣為百體之  
 使動用以太和為馬通宣以玄寂為車關節  
 煩勞即偃仰導引若不營攝養之術不順和

平之道須臾氣衰於不竟之際形枯於聲色  
 之前勞其渺渺之身憊其戚戚之思聞斯道  
 養深可修慎是以真人常日淡泊不親狂蕩  
 而愚者縱意未至損身已先敗其神魂傷其  
 魄矣悲夫

彭祖攝生養性論

孫真人攝養論

正月腎氣受病肺氣微宜減鹹酸增辛味助腎補肺安養胃氣勿冒冰凍勿極溫煖早起夜卧以綬形神勿食生恣損人津血勿食生麥必為癥癩面起遊風勿食蟄藏之物減折人壽勿食虎豹狸肉令人神魂不安此月四日宜拔白髮七日宜靜念思真齋戒增福八日宜沐浴其日忌遠行

二月腎氣微肝當正王宜減酸增辛助腎補肝宜靜腸去痰水小洩皮膚微汗以散玄冬蘊伏之氣勿食黃花菜陳醋菹發癩疾勿食大小蒜令人氣壅關膈不通勿食葵及雞子滯人血氣注精勿食兔及狐貉肉令人神魂不安此月八日宜拔白髮九日忌食一切魚仙家大畏十四日不宜遠行伸春氣正宜節酒保全真性

三月腎氣已息心氣漸臨木氣正王宜減甘增辛補精益氣慎避西風散體綬形使性安泰勿專殺伐以順天道勿食黃花菜陳醋菹發癥癩起瘧疫勿食生菜令人氣脹化為水

疾勿食諸脾脾神當王勿食雞子令人終身昏亂此月三日忌食五藏及百草心食之天地遺殃六日宜沐浴十二日宜拔白髮二十七日忌遠行宜齋戒念靜思真

四月肝藏已病心藏漸壯宜增酸減苦補腎助肝調胃氣勿暴露星宿避西北二方風勿食大蒜傷神魂損膽氣勿食生雞令人多涕唾發痰水勿食雞雉肉令人生癰疽逆元氣勿食鱈魚害人此月四日宜沐浴拔白髮七日宜安心靜慮齋戒必有福慶其日忌遠行

五月肝藏氣休心正王宜減酸增苦益肝補腎固密精氣卧起俱早每餐洩勿露體星宿下慎避北風勿處濕地以招邪氣勿食雞韭以為癥癩傷神損氣勿食馬肉及麀鹿肉令人神氣不安此月五日宜齋戒清靜此日忌見一切生血勿食一切菜十六日切忌著怒犯之大壽傷神其日忌遠行二十七日宜沐浴拔白髮

六月肝氣微脾藏獨王宜減苦增鹹節約肥濃補肝助腎益筋骨慎東風犯之令人手足

癱瘓勿用冷水浸手足勿食葵必成水癖勿食菜莖令人氣壅此月六日宜齋戒沐浴吉其日又宜起土興工二十四日宜拔白髮其日忌遠行二十七日宜沐浴念靜思真陰陽事吉

七月肝心少氣肺藏獨王宜安寧情性增鹹減辛助氣補筋以養脾胃無冒極熱勿恣涼冷無發大汗勿食菜莖令人氣壅勿食豬肉損人神氣此月勿思惡事仙家大忌五日宜沐浴七日宜絕慮齋戒九日謝前德求祈新慶二十八日宜拔白髮二十九日忌遠行

八月心藏氣微肺金用事宜減苦增辛助筋補血以養心肝無犯邪風令人骨肉生瘡以為癩痢勿食小蒜傷人神氣魂魄不安勿食豬肚冬成嗽疾經年不差勿食雞雜肉損人神氣此月四日勿市鞋履附足之物仙家大忌十八日宜齋戒思念吉事天人興福之時二十一日宜拔白髮忌遠行去而不返又宜沐浴吉

九月陽氣已衰陰氣大盛暴風數起切忌賊

邪之風宜減苦增鹹補肝益腎助脾胃勿  
冒風霜無恣醉飽勿食葷菜有蟲不見勿食  
薑蒜損人神氣勿食經霜生菜及瓜令人心  
痛勿食蒸化為水病勿食肉減葷天壽此  
月九日宜齋戒十六日宜沐浴拔白髮二十  
七日忌遠行呼為羅網之日

十月心肺氣弱腎氣強宜減辛苦以養腎  
藏無傷筋骨勿洩皮膚勿妄鍼灸以其血溢  
津液不行勿食生椒損人血脈勿食生薑以  
增痰水勿食麻豬肉葷菜表人顏色此月一  
日宜沐浴四日五日勿責罰仙家大忌是月  
十日忌遠行十三日宜拔白髮十五日宜齋  
戒靜念思真必獲福慶二十日切忌遠行  
十一月腎藏正王心肺衰微宜增苦味絕鹹  
補理脾胃勿灸腹背勿蒸暖慎避賊邪之  
風犯之令人面腫腰脊痠痛勿食豬肉傷人  
神魂勿食螺蚌蟹龍損人元氣長尸蟲勿食  
經夏醋發頭風成水病勿食生菜令人心痛  
此月三日宜齋戒靜念十日宜拔白髮其日  
忌遠行不可出宜念善天與福去災十六日

宜沐浴吉

十二月土當王水氣不行宜減甘增苦補心  
助肺調理腎藏勿冒霜露勿洩津液及汗勿  
食蒸化為水病勿食葷多發痼疾勿食龍鼈

孫真人攝養論

世五

抱朴子養生論

抱朴子曰一人之身一國之象也胃腹之設  
猶宮室也支體之位猶郊境也骨節之分猶  
百官也腠理之間猶四衢也神猶君也血猶  
臣也悉猶民也故至人能治其身亦如明主  
能治其國夫愛其民所以安其國愛其氣所  
以全其身民斃國亡氣衰身謝是以至人上  
士乃施樂於未病之前不追修於既敗之後  
故知生難保而易散氣難清而易濁若能審  
機權可以制嗜慾保金性命且夫善養生者  
先除六害然後可以延駐於百年何者是耶  
一曰薄名利二曰禁聲色三曰廉貨財四曰  
損滋味五曰除佞妾六曰去沮嫉六者不除  
修養之道徒設爾蓋緣未見其益雖心希妙  
道口念真經咀嚼英華呼吸景象不能補其  
短促誠緣捨其本而忘其末深可誠哉所以  
保和全真者乃少思少念少笑少言少喜少  
怒少樂少愁少好少惡少事少機夫多思則  
神散多念則心勞多笑則藏腑上翻多言則  
氣海虛脫多喜則膀胱納容風多怒則廢理

奔血多樂則心神邪蕩多愁則頭鬢憔悴多  
 好則志氣傾溢多惡則精爽奔騰多事則筋  
 脉乾急多機則智慮沉迷斯乃伐人之生甚  
 於斤斧損人之命猛於豺狼無久坐無久行  
 無久視無久聽不飢勿強食不渴勿強飲不  
 亂強食則脾胃不渴強飲則胃脹體欲常勞  
 食欲常少勞勿過極少勿至飢冬朝勿空心  
 夏夜勿飽食早起不在雞鳴前晚起不在日  
 出後心內澄則真神守其位氣內定則邪物  
 去其身行欺詐則神悲行爭競則神沮輕侮  
 於人當減算殺害於物必傷年行一善則魂  
 神樂攝一惡則魄神歡魄神好生常以寬泰  
 自居恬懷自守則身形安靜災害不干生錄  
 必書其名死籍必削其咎養生之理盡於此  
 矣至於鍊還丹以補腦化金液以留神斯乃  
 上真之妙道蓋非食穀啗血者越分而修之  
 萬人之中得者殊少深可識焉  
 老君曰存吾此道上士全修延壽命中士半  
 修無災病下士時修免天橫愚者失道損其  
 性其斯之謂歟

抱朴子養生論終

養生詠玄集序

臨六

夫詠玄者乃詠玄中深奧也窈冥取理恍惚  
 求真撮衆妙之英華採群經之要會言上直  
 而義正道入重玄旨似遠而意明風存上祖  
 引龍虎同歸之踪競顯玄牝絕利之玄微直  
 示指歸立成妙用正演開遮之說明分去就  
 之元廻玄包羅昇沈浩渺故使下士撫掌上  
 士勤行克成於神氣全真冀泯於根塵妄照  
 誠知珠玉子何重性命子何輕靈不窮解分  
 息動之玄而縱流光走魄之逝深可悲哉此  
 詠玄詩寔長生度世之法要也至如玄元帝  
 之靈寔常秘枕中淮南王之神方密藏肘後  
 蓋上聖所遵所重事至言也學者值遇宜須  
 秘慎深自惜焉

臨六

一

養生詠玄集

榮衛氣

二氣相成道始生

夫安形立兆未有獨分一氣而獲著生蓋榮衛調和方生存也故云二氣相成始生

者道也道者生也故老子云道不可見因生以明之生不可常用道以守之

渾融同處一源行

二氣渾融之謂和氣同處一源以其生生也

陰陽感激相須理

稟二氣而兆形質舍二氣而著生成此皆感激陰陽資養性命

不得和柔即戰爭

忽二氣爭競不相和柔即勃亂五臟而患

生焉故經云陰疑於陽必戰是知無全陽之男全陰之女故天為全陽而陰露地屬

全陰而抱陽精蓋天地陰陽相須而化生萬物易云乾男坤女故人倫亦全法天象

地矣

卷六

二

榮氣

榮氣生來不獨分

榮氣者清陽也內觀經云氣清而駛謂之榮在人身中不可獨建故不獨分也

清陽虛在賴陰存

陰氣聚而陽託陽氣存而陰賴故曰陽賴陰存以相成也

從茲始得成胚兆

夫二氣相感始成于胎孕解胎而生亦自有榮氣之始也

鍊取歸元別有門

於二氣中淘鍊歸於本源純一清淨之氣別修除滓穢成全陽而榮與道同真矣

衛氣

衛氣元從陽氣來

衛者濁也內觀經云氣濁而遲謂之衛本因元氣交感方有形軀既有形軀士明衛氣故衛從榮來

色身兆合處胞胎

形質既兆即稟二氣之所感處于胞胎也

卷六

三

暗符天地排宮室

人之一身暗象天地故內觀經云眼為日月髮為星辰眉為華蓋頭為崑崙布列宮

闕安置精神此之謂也

自此澄凝細可裁

自此精血澄凝以成形質細可裁量以通其用蓋人之衛氣凡有二名一者精血澄

凝以成形質二者同榮氣流行而通乎生

也是知人之身者因示修真之地得乎最靈之樞可不惜而息惰而求於逝也其衛

氣亦象三才一者澄凝以成形質象地也

二者榮衛舍處曰中和之氣象人也三者真精命帶居上丹田全陽之官以象其而

也稟此三氣以通其生而道自歸之是故體三才而履道也

魂魄

二氣舍和即著生

魂者陽真精也魄者陰真精也二精處乎泥丸宮以帶二氣不相離潰而神明居之

生方著也老子曰萬物負陰抱陽以成其

道

始名魂魄應真靈

子產曰人始曰魄既生陽曰魂是故二氣發生莫非魂魄而應真靈及其生也萬變千化有生有死無超躡三清滌淪諸趣得

喪之機實在此矣

在天日月全通象

日月者天地魂魄也故魂者為日主晝天

真精也魄者為月主夜地真精也是知明

暗同源往來通會蓋人之魂魄全通象於

日月也淮南王曰天之氣成魂地之氣成

魄又五藏內鏡云父之精氣為魂母之精

氣為魄其理昭然矣

萬化皆從守一寧

萬化者蓋心之所滅而運役魂魄著於生

云故聖人設千經萬術教化群品顯是守

一之法而息諸妄也

魂

陽精魂主號神金

魂者陽真精也故陽精是神之金聖人為

之法體逸相繫屬以通真也韓子云非至

精不能變至神抱朴子云老者天之魂

感日精而孕化成兆身故顯至陽之精也

感應潛符運用心

心動即氣轉故云潛符以明感應也

若使圓通諸妄息

若息諸妄至於圓通即氣以合於神而生

變也

靈光照耀脫全陰

真精既備乃合靈道暹不夜即脫垢全陰

之質故聖人稟樂以通靈變也

魄

陰氣冲融應感陽

境動宜其心而成感激也

二來和會致流弊末

二氣既投弗可致也

窮玄偶此非真用

窮玄者隨境放逸致二氣奔蕩即非真用

之法違道之真理也

魂不飛揚魄不妨

魂不飛揚魄不妨者應心之用也魂既不

飛魄亦不應蓋心為去留之轄氣是生死

之基而修生之理非此者未之有也

谷神

聖祖函關顯谷神

聖祖於函關為關今尹喜說道德經五千

言指象立端顯明谷神削其浮說以彰玄

妙也

深微歷代事長新

義理深微卒何窮究縱多分曉莫盡洪源

故云深微歷代事長新言經文玄遠者也

若於已上披尋得

思理棄言崇於已上行持之法匪於谷外

也

便是今生了悟人

契悟者不拘優劣及有無之分若頓悟即

一生了决果陶屬論於諸生也

谷

玄谷因何隱至靈

谷者二氣孕化之兆也

六

都緣谷內抱真精

真精者二氣之精莫處乎泥丸宮此乃因  
茲隱至靈若精散即神去也

如從得所相包繫

神氣相須各不離潰也

和會依憑始有聲

和會各相依憑以成其體既和會感至靈  
即方明著生即有聲音者也

神

閨寂猶來無所依

閨寂者幽寂也言神之未處四大恒遊太  
極無所依附及降兆於身始明靈即立生  
有這本體象乾坤凡生行藏皆能通應老  
子云視之不見聽之不聞搏之不得又易  
曰陰陽不測之謂神即知其不以意度寧

足以言詮而明之也

因過玄谷衆神歸

既過玄谷眼即視色耳能聽聲鼻能嗅香  
舌能別味意懷會變身受寒溫靈變多端  
故云衆神歸也

七

子今認得還元路

返本還元之道滅心抱一之法必在事無  
道匪多事而至也

不計程途迥細微

非步涉程途以明其要莫不探曠遠妙體

用雙明而能捨妄歸真背塵合道也

返本還元

氣衰形悴少精神

人之衰老為滌嗜欲以致傷敗而多殂落  
西昇經云如木自出火還復自燒腐又陰

符經云心生於物此之謂也

返本還元是最真

氣全神備道可克成太白真人云老者復  
丁壯者返嬰此蓋明返本而還元者也

補過功成方漸契

補過者為補從來耽淫銷削之過補之功

成方契返本之道也

復知大患即吾身

復知者重明返本還元也返本還元凡有

二初明補過謂求全氣而返真次云復知

者以其本乃歸乎本元老子云吾有大患

為吾有身及吾無身吾有何患依此而論  
故老子不以全身為至也

神與氣合

神氣相須不去離

夫神之無氣若魚之去泉氣之去神如燈  
之無火不可去離也

深明翻恐世人疑

將神合氣化入無形有無之理亦不執滯  
若深明之廣學者疑惑蓋人有智識明昧

淺深者也

且緣凡聖行持別

聖人不視外色不聽外聲不思外事神凝

氣合凡俗以貪妬為心勞神役智故聖人  
行神與氣合之事也

非絕神儘安得知

儻去就之未歸即神氣之不合實如貓捕

鼠同聲相應同氣相求自此則可結胎育

嬰換帶之臭質迴顏返老鍊冗冗之凝軀

或發火以焚身或化金而成骨或則脫落



滓滯或則較撮真如入不二之玄門蓋無窮之至理是知神與氣合方有滋應用隨其所歸是非深淺而通變化之道者也

抱一

深玄抱一事為宗

神氣相抱混而為一之宗老子曰抱一為天下式又云善抱不脫善計不用籌策又莊子云通於一萬事畢也

未了真元還不通

未諸軌轄寧得通和

心地虛無方見諦

虛無者虛無其心也故老子十三虛無經所載蓋顯五千文中生之徒十有三十三者全明生之徒也所明十三總歸於虛以為善既心地虛無以求抱真一也

信知萬物用非同

學者多途玄陳各異故云萬物之用不同虛無抱一之道者也

胎息

用得神和道自全

沖和者二氣混同榮衛合處若用及網衛則契最玄之理而著於會通生道餘也

適名胎息理幽玄

謂契重玄之理即明真住之法也

處胎赤子何當契

靡由百穀生自何存

細審行持法自然

了認赤子之道可明胎息之機自然理會神凝心通念絕蓋聖人稟之而生憑之而成苟不得其要樞即難除其大患指歸之路屆茲而無法可言返本之源應用而有

期必契體而用之必無差失棲真子云我氣內閉我身長寧凡修胎息之法皆是自

然之道保任真息綿綿來往微微不得令靜躁不恒自以求乎安也晝夜修行不離

日往月來真人自不出戶若得真全胎結

其道至矣老子曰綿綿若存用之不勤此

理明絕諸慮以定其至而生慧昭然也若

至定位即生定水灌漑五臟生光華此曰真水非手澆濁之液啞此去留形住世之

法要三住銘云心若住氣亦住氣若住形亦住三者盡住即我命在我不在於天矣

自然

水性謙柔火性剛

水火各屬自然蓋論水火相生之理以明

神氣自然之道也

就卑炎上各相當

就卑者水之性炎上者火之體故氣能蒸上液能潤下二物遞相交感氣上蒸以生液液下潤而生氣固養一身自茲感化故

名之各相當非人所擠抑也

交并感應皆相類

交并者水火相投而成感應類象外之凡水火若黍釜水氣即生蓋顯大道之感應皆自然也

莫數殊途理自長

既知本體自然之道故非外有所求且天覆地載男生女孕君臣父子皆稟自然之數非于殊途異類之屬而能會和如此即

還丹之道昭矣本元之理明矣

龍虎

龍虎同源踈競時

龍者隱顯非常有無不的故象神之妙也  
虎者其性勁勵其力剛強復象氣之為物  
也聖人混神氣為一物也故得制伏之機  
凡俗以內外各行而生踈競之患遂致龍  
騰虎走不相繫屬也

祇應聚極却支離

既立此形乃全其神氣皆以嗜慾所感至  
于衰老脫則元氣既盡即神無所投致之  
死也故曰聚極則支離也

先須制虎為樞轄

欲降其龍先須制虎故陰符經曰擒之制  
在氣蓋全氣以明其用者也

便得龍潛兩自持

虎伏龍潛兩自憑而歸真一之道太皇老  
歌曰虎伏龍亦潛降龍先伏虎但單河車  
功不用隄防拒蓋顯擒之用也

鍊陽銷陰

陽鍊陰銷舉世移

鍊陽魂銷陰質也鍊陽銷陰之法天真皇  
人傳黃帝三一之訣此其道也若神氣相  
合陽自鍊陰自銷此皆自然之理陰陽使  
其然哉黃庭經云玄元上一魂魄鍊其理  
至所至玄人罕得知其深奧故曰舉世稀  
也

靈文妙訣好遵依

靈文金簡之書妙訣乃三一之法此皆起  
歸秘藏飛入玄都非乎至人不傳斯道鍊  
陽銷陰之理化本虛無之機遇云凡人何  
所至矣

陽緣躁動難拘繫

欲拘繫者理不偏取道可雙全匪羈孤而  
成妙用也玄剛云凡人餘陽一分則不死  
餘陰一分則不仙也

認取靈元上上機

靈元有上機乃制躁動之樞要太白真人  
曰玄機至則身存機往則身喪也

上丹田

官闕重重號玉都

玉都者泥九宮也上丹田有九處官闕悉  
相通貫故云官闕重重也

還丹成就處陽燿

還丹者真精也上丹田乃全陽之官獨貯  
還丹之所人皆有之故云成就處陽燿也

通神夾脊為衝道

此宮有二條脉夾脊降下至丹田氣海以  
通真精點化和氣而應脫泄者也

下應關元事不虞

關元者乃下丹田脫泄精氣之關口也若  
人交感陰陽則真精降下至關口點和氣

變為凝精以應神用蓋此關乃百聚之口  
通諸臟腑及四肢筋脉如藕絲竅氣化之  
所故號關元也上若應下而道者以為不  
虞矣

中丹田

建申令屬應申田

建申者七月中元亦應人之中丹田也  
一部三焦心肺肝

三焦者心肺肝也主喘息之府此乃中丹

田所管故號生之府津液下潤而致于是也

自有靈臺駐真宰

靈臺者五藏心之一藏也真神依附以為

宮室故云駐真宰也

修持見在證輕安

若知真神之動用則修持見在證輕安則

永無憂患也

下丹田

沖和運育下丹田

下丹田者臍下三寸氣海是也沖和者一

氣榮榮氣混衛氣故名和氣其氣運轉於

五藏四肢常滲於下丹田故曰氣海也

點化猶來道不玄

心若動作貪著淫慾即上丹田真精降至

下丹田點化和氣和氣即化遂乃棄損而

道宜玄也

二氣相投皆感應

謂男女二情交相感激而有雲雨施之事

皆自然感應乃至成于胎孕自真元之精

四六

十四

成變化在修生者宜須慎守以求制禦之法故太白真經云留精於身即生身施精於人即生人移此元氣結彼元氣彼既成形此則受損是知至慎於是也

細尋運會地交天

天地陰陽二氣相推而生變化蓋陰陽有

運會之理不言而信故云氣上蒸一而雨

澤雨澤下潤而萬物化生但細推天地運

合日月迴旋以明法象通乎無私之理

重玄

上玄潛與下玄通

上玄門也下玄關也謂上玄不止即下欲

難除也故云上下潛通也

動靜由來事一同

動止上下相應而通其氣故以重玄明之

兼心法而論也至如龍吟雲起虎嘯風生

皆以隨類相從各得其所故上玄下玄應

用等心法而兼濟助事同一也

消息上玄今泯滅

專一漸求泯滅老子云合抱之木生於毫

四六

十五

末九層之臺起於累土故消息亦皆如之

若修至神與氣和真全胎即自然心隨意

盡氣逐息生塵境既消繫係都盡胎息論

云胎從元氣中結氣從鼻中生溫在乎專

用泯滅故知日新此之謂也

下玄從此亦同功

老子云前後之相隨者也

陰丹

陰丹多見賺時人

得者全少失者至多

都是傳來託候文

得者少託候文者多見天遊不體本元故

非真諦且凡心既發如猛火投焰事既熾

然卒何回濟故道之玄妙起自心法既忽

蕩動氣亦奔騰豈謂初機之道返為害命

未曉重玄篇內旨

未曉重玄之旨徒枉陰丹之功

味於無味亦徒云

既若無味則何用行持故云亦徒云也黃

庭經云長生至慎房中急何謂死作令神

泣蓋王屋真人羅真人狐剛子元陽諸仙人不可一一舉備所說陰丹皆得重玄之妙用道體交合神凝之法若初學強自行持而至中天與道愈失與道愈失與道愈彰生自何存也故陰丹之法本為絕塵之事古聖人恐真者未遂了達且居常道故示之陰丹之妙其理法天象地界陰陽所忌者以姪心難制以女子交感而男子先脫其精如此行之而疾病俱生以運天逝其外晦朔弦望風雨飢飽喜怒勞佚次而忌之凡女人有經後六日合三陽數與女人交合者生男三陰數與女交合者生女凡一月此六日若是須二情齊降方獲成就自此陰陽筭數還知貧富貴賤其理昭然矣

玄關

無關善閉豈能開

老子曰善閉無關捩而不可開玄關者不獨稱手心也若明善閉之法以通玄妙始得玄關之稱蓋善閉之道即心地之法也

妙使靈童出得來

靈童者得道之稱也若契玄關之理即達善閉之道或出或處得妙使法要至平輕安也

已絕六塵玄路啓

六塵者謂眼耳鼻舌身意六根各有法識所染是六塵故云玄關善閉以求泯滅其塵妄若志之所至即玄之又玄也

自茲生死不相該

無染塵識安係去留心法兩忘取損同泯棲真子云百邪不能干其正群動不能撓其清故生死不該屬也

玄珠

玄珠安比世間珠

非身外有珠方壁之類也故曰居易求玄珠賦云動為道樞靜為心荷玉光不耀至真不渝也

悟者將知是命符

若悟珠之至理乃明生之要會而與命符也

不昧不明隨應化

老子云不昧不明玄之又玄蓋顯玄珠之本體相應其通而變者也

動為瑕玷即紫紆

心動即隨緣逢境乃是玄珠之瑕玷故云動為瑕玷即紫紆即玄珠不能瑩徹也

通真玄牝是靈關

玄門者神廬也牝門者大關也此修行之大要也故云靈關老子云谷神不死是謂玄牝玄牝之門是謂天地根也

不悟修生事更難

若不悟玄牝門行持修生之理與精神為關鑰即修生之事無所可著也

浪緊沂流功用

初行持者乘舟到沂流功用則非常道老子曰理大國若烹小鮮寬猛之理得其所也

祇茲灘後更無灘

十六

十六

若功用到永離憂患恒居安靜故云更無

灘也

玄門

九洞三山名少人

九洞三山者海中所有之島乃仙人集居

之所絕學至人多隱其間故舉以明得道

之所由顯玄門是修生之樞要九洞三山

亦象人之三田九竅也

盡經此路學修真

玄門一路得盡同若失之歸即動皆非

下連紫府通華蓋

華蓋者肺也紫府腎官氣海也蓋玄門關

合皆通應也

得喪絕塵非絕塵

若得神虛之妙則永故云絕塵若喪厚朴

之根巡還六趣即云非絕塵

牝門

諸竅開因牝竅開

牝門者大開也諸竅開拚至于筋脉五藏

命關皆悉相應脫漱氣液至于衰老而無

覺知以崇其道求乎生也

地六

十九

精神自此去如催

牝門既開則出損精氣精氣若損神漸昏

蒙而見危壞

固關樞要將為首

修生者因閉天關次為其首也

迷者多因致禍灾

若不明開合之理但貪著滋味之感則萬

禍入寒暑侵至于殞逝皆由之也

絕利一源

絕利一源事細微

絕陰路而啓陽門初機道也老子胎息精

微論曰玄之又玄是我命門又陰符經云

絕利一源用師十倍三返晝夜用師萬倍

匪運而有用師之倍蓋絕一源於是也

調和全白理神機

調和調源也全在神機運合者也

若教依舊還食著

若念未盡不能制止蕩逸去來即非道也

倏忽交爭見是非

若神氣亂行妄生動作則暴亂生手是非

致錯誤之由也

心

染污隨緣聖莫窮

心者性之用也隨緣染境起滅無常是知

聖莫窮也

都來心法共伊通

千方萬法至于出死入生未有不因心而

修學至于成備者也

是非得喪全由此

萬事是非或捨或留或迷或悟皆由此也

返本歸源道愈同

返其本歸其源故道是群經之要會與道

合即同也

性

性為心所本同途

性不可見由心明之心不自彰因性方起

既為心所起故曰同途

認取元陽制動樞

元陽者元和之氣能制躁動故為樞也此

全明心法也

依附疑軀方建立

人依屋宇始免風霜性託形軀方能建立也

自心却返到虛無

心契妙軌以法行持云歸虛無之妙故云

自心却返而歸元也動即為心乃之動而

非動其動則應見隨機變通無滯群品於

始終之理知他心起滅之端妙不可量功

不可測化無所化稱莫以稱在凡即云妄

想紛紜在聖即曰真元作用者也其靜則

為性是知靜則非靜泯滅變化之道消亡

應現之機不涇不緇無塵無垢然照上聖

之真風蕩蕩極迷途之化本魏事既實

而言莫詮道以崇而理難喻前際後際有

空煥乎浩浩之元宛乎融融之德妙中之

妙玄之又玄此蓋歸乎化源而窮理盡性

變化莫測者也

法

法本無言理自如

不拘動靜理自如如

猶知自是衆經樞

聖人所設萬論千經說不可及法乃無樞

要也

人有頓悟玄玄趣

若得悟玄中深趣即真道之諦理也

秘向心頭作妙符

法者心源之妙符起生死之大要非輕取

輕傲求非躁撓所能知非訛所能學非念

誦而至非步歷而至明昧雖殊古今不異

真言訣云去其死先去其生去留之理體

而用之故高真教主太上虛宗或明於三

心九心或顯於一法萬法至於皇人丹訣

青童玉書理有實歸本元是非執滯調不

訛而經軀妙直露希夷其餘化體飛行育

嬰固命乃至五行假借動靜得常三身互

道往不廢亦千枝葉殊未屆其根株蓋受

道於深淺之師致理有見聞之執深宜濟

度勿憚參承

養生詠玄集

比六

二二二

二篇同卷

神仙服食靈草菖蒲丸方

上清經真丹秘訣

臨七

神仙服食靈草菖蒲丸方傳

夫菖蒲者水之精神仙之靈草大聖之珍方

遊山隱士遁世潛人皆服之梁武帝志說經

與心在仙方搜求智士訪覓賢人時景龍中

呂婁雲進表曰昔中散大夫東方朔漢武帝

時仙人也惟敬尚服菖蒲伏願陛下依之梁

主劬而服之百病消除聰明爽利帝乃歎曰

天靈地精以神為主仙人以道為尊當元淳

和以藥為本菖蒲者虛也蒲者普也精者靈也

能廣救諸病延年益壽強志童顏日駐豈不

是仙草者也菖蒲奇哉兼竊微之朝夕依法

服之甚有驗矣不唯男女老少服之尤有增

益每為鬼神之所保護世人莫測其由服之

百無所忌若體熱即以秦膠一兩錢一盞水

煎待冷飲之即定蓋與菖蒲為使也時大歷

十四年按淵明曰但以九月九日採取菖蒲  
灸日乾之杵為散以糯米糊合之成丸

又一法太清經說神仙靈草菖蒲採取法以  
三月三日四月四日五月五日六月六日七  
月七日八月八日九月九月十日十日採之  
時須是清靜石上水中生者仍須南流水者  
此流水者不堪

又一法揀淨地生處採之當日收採於當處  
去根上毛令淨以物盛之水中淨洗去濁汁  
豎頭薄切以好日色曝乾杵羅好日合之作

糊法用陳糯米經宿浸淘去泔汁砂盆中細  
研澄淨煮熟以箴攪和熟搜衆人為丸如梧  
桐子大曝乾合中貯之初服十九嚼一口飯  
和丸一時咽下後即酒下便喫點心飯尤佳  
百無所忌服經十月能消食兩月除冷疾三  
月百病瘥而至四年精神有餘五年骨髓充  
滿六年顏色光澤狀如童子七年髮白再黑  
八年齒落重生九年皮膚滑膩十年面如桃  
花十一年骨輕十二年永是真入長生度世  
類如芙蓉後使萬靈精邪不近禍患永消此

藥大仙服之上昇世人莫知僕因見上清經

文中具載功效凡世之人不合妄傳恐其怠  
慢也其得之者鎮心益氣強志壯神填髓補  
精髮髯皆黑若能志服永保長生也又法三  
百三十歲亦有加者長生度世其菖蒲功不

可當也人自不志其藥固不謬矣五日採之  
俱佳刮去麤皮薄切曝乾一如前法杵羅研  
粳米糊和藥末得所成團然後入鐵臼中重  
擣三千下為丸

劉根曰服菖蒲者博覽群書日夕無倦晝夜  
不寐百神皆為侍奉

扁鵲曰菖蒲能治積年風疾廣濟世人男女  
有疾悉宜服之

昔陶潛五月五日採之以窰為丸有功無忌  
若飯丸絕妙老幼服之永無患害百無所忌

每日早晨二十五丸日午二十五丸晚後三  
十九不得闕廢時日一年已後出三尸九蟲  
無復搔擾河內縣道者葉敬原母年三十五  
因疾中風四肢不舉手足癱瘓羸瘦弱損一  
似鬼形應是方書尋覽皆遍千藥無効時有

少室仙人令服此藥一年已後百病並除四

體充悅肌膚紅白步輕行速耳目聰明至五  
年形容轉少其功莫能測度也又治諸風腰  
脚半身不遂手足瘳痺癱瘓偏風五勞七傷  
痔漏發來痛不可忍痛切連心汗濕衣服常

如瘦病眼澁脚疼腹臧不調或瀉或痢如此  
疾狀羸瘵不差服之永除根本天行熱病瘴  
氣時疫傳尸相染十不存一但服此藥獲時  
產平又治女人產後血暈衝心赤白帶下相  
連命絕但以菖蒲丸和少當歸煎一椀熱服

之立可瘥差又治丈夫脚重頭痛四肢沈重  
百脉無力行則欲倒坐則人扶但服此藥不  
久而瘥但是男女諸疾悉主之其藥有五德

以配五行青氣入藥而屬東方白氣入節而  
屬西方赤氣入華而屬南方黃氣入心而屬  
中央黑氣入根而屬北方又能堅骨髓靈液

填血補腦潤五藏益六府開胃口去皮膚中  
乾燥益口齒攝魂魄長精神去寒熱百脉和  
暢四體安康其藥上士服之永保長生中士  
服之延年駐顏下士服之百病不侵能消諸

病若清淨學道之人服之神通具錄所服葛蒲得道姓名如後

寇天師每服葛蒲得仙至今廟前生葛蒲鄭魚服二十年得仙蓋緯十年得仙道士官和十年得仙周鹿十年得仙紫弘原母子得仙

王良年八十二年得仙少室仙人魯原十年得仙蕭光十年得仙少室山嚴存真母子

十年得仙河內王興十年得仙河陽張士衡得仙王屋縣令周忠道得仙初縣有百姓容

弘得仙海沂人李亮得仙處州王陪服此藥八十年白目昇天

神仙云葛蒲傳十二卷秘在上宮此是上清經中具載聊錄要節以示學道之人其術固非詭妄如能一志採取依法服之必可以延年如是不好道小人強生誹謗妄說是非即致短折此方雖是好諸君子即可傳之道人不許輕泄也秘之

神仙服食靈草葛蒲丸方傳

上清經真丹秘訣

一陰一陽二物俱黃不因配儼自作梯航沈於神水浴在中央重重血點片片鱗光用之即成金寶餌之即壽延長能變化通徹十方此藥神仙鍊丹之法地仙之術蓋為救施貧乏因抽藥為點化今時道者得之皆被業牽只將求利門終不能修服食因此得者皆廣用為崇華便被神明所折修皆不成修此藥者須於淨室及山谷無人之處忌女子孝子雞犬等先焚修香火啓告乾象廣發大願自知辦其心方可修鍊若不如此縱成亦為雷電所怒虛勞心力所流傳在世不許點化只要救眾生疾病此藥依法修鍊服食者可為地仙所理救於疾苦或減藥一分入礬石同力

療眾疾法

凡有百病之處攻之如萬人同施其功可知此藥故有十號一名消冰丸能消除諸冷瘡却宿水故名消冰丸二名內灸丸其藥入腹如火能燒其疾故名內灸丸三名沃雪丸如

日消冰如湯沃雪故名沃雪丸四名十瀉丸如人能服到瀉出惡物故名十瀉丸五名通利丸宣通五臟治之六腑安和故名通利丸六名治眾氣丸凡有氣結之處能消之故名眾氣丸七名蕩邪丸能除蕩邪神鬼氣無不

除愈故名蕩邪丸八名通胃丸能開通胃口令人下食故名通胃丸九名掃疾丸能掃蕩百病無不瘥者故名掃疾丸十名萬病丸能治萬病入腹便瘥無不效者故名萬病丸又有七名治癥一名氣癥二名冷癥三名積癥四名結癥五名痰癥六名疝癥七名血癥凡有此七疾聚結或在左或在右若久不治變成虛腫如龜形發腫而死但人處世間四大為身百病俱集如天地不調昏沉迷悶即起百病因斯喪亡水火不調令心中冷病餘食不消因斯喪亡風雨不調令人四體羸弱乾瘦因

斯喪亡所病者有宿世因緣或盲或聾瘡癰疽愚癡體不完具種種惡障邪魔鬼神病瘵殃咎皆由惡業宿命所為但志心服此藥無不瘥除久患疔痢寸白蝕屢五般痔帶下崩中



九種癭瘡繞項鼻孔出膿血五藏反歷擁腫背氣心腹鼓脹胃膈滿痛發背大風天行時疾應是世疾無不理也其藥丸如麻子大每日空腹服一粒漸加至三粒茶飲任下已死者更生日出服一九夜卧服一九服藥之人夜行五里十里凡是百獸毒蛇鬼精皆走不敢當之有病初服皆瀉出五藏惡物即瘥此藥皆因宿世有分方過此方藥久服及老為童永為神仙或在世遭橫事身入土尸永不壞肉色不變永為尸仙修行達道方可知之服藥得道之人不能具載謹錄修鍊次第如後

武都沈銀二兩是好銀黃也 船上雌黃二兩  
右用湖南合子先以金薄十片其內便以雌雄合和於乳鉢內研如粉入於合子中實築却以合子蓋蓋之其合子口四面以鹽泥固濟如法了又取一茺鼎可盛一斗餘者以黃丹二十斤先以黃丹三五斤漸築令實約厚五寸坐合子當中心更下丹輕築都大令實取鼎滿為度不計斤數然後以六一泥泥鼎

可厚三分致鼎於釜內著灰且令陰乾使泥鼎子上下通連固濟候鼎乾發火

第一日用半斤熟火四面擁之日夜不絕至第五日又加半斤火每三日一度添半斤火至五斤火即其藥外面纏團泥只要擁火氣

別無法養至四十五日後添三斤熟火養至四十九日且住候火寒取出合子開看內藥已如朱紅或如金黃色此狀候其黃丹大半

如紫金色收之理一切惡瘡取合子內藥頭一分入汞一兩於火上以乳鉢慢慢研之候

透巡成砂訖以針條鐵十字擊藥合子又以六一泥固濟合子候乾以水火爐內養之水

火爐者取一瓦甌子泥四面只留中心底上一孔然坐藥合子於孔上出甌底半寸已來

甌下常以一碗水水面去合子底半寸但不濕者即得其藥合子初用三兩火漸漸半日已後添至半斤火養每一度添一兩候七日

色耳

又添汞一兩依前研成砂子准前水火爐內養之每一七日一度開添汞一兩添至一斤

止如要實即輔取一半如不要但養之時時添二兩硫黃研過入爐即成朱矣

又取前成金藥一分以汞半斤硫黃三兩研成砂子依前六一泥固濟火緩緩逼復為水火鼎養之七日開之

又添汞一兩硫黃一分依前固濟養之添至一斤止養至半年後又添汞一斤硫黃四兩

惟前法養如要實即輔取之如不要但依前養之

又法如要真元但將藥頭分減養之養至三年一粒粟米大可點一兩養至四年一粒可

點二兩養至五年一粒可點三兩矣養至九年一粒可點一斤此藥本是神仙大藥法後來將救世人先為點化其藥養至三年便可服食治疾

服食法取藥細研如麩以水飛過極細如粉於茺瓶內懸入井中七日出之又以甘草水

大以一粒安一斤肉內六月中逾月不堯壞可驗其神功也

凡服藥先須沐浴著新衣鮮潔素食七日忌一切穢惡物等每日空心淨水下三粒酒下亦得所取藥添換如有貧寒者但以藥實貨

之救接切不可輕泄所得者皆是宿有道緣方得此術如將輕授殃及後世切須秘之如是道人得之便須絕跡巖谷修行保而秘之

秘之也如若雌雄不真好藥亦難成恐力薄得沈銀者最為其上也若要固濟合子用炭上白灰打取與鹽中半拌之固濟若要固

濟鼎用砂盆末炭末黃土拌紙筋舊草鞋為筋爛拌泥固濟並須如法

上清經真丹秘訣

二篇同卷

太清經斷殺法

太上肘後玉經方

臨八

太清經斷殺法

服食松根

取東行松根剝取白皮細剉曝燥搗從飽食之可絕穀渴則飲水

服食茯苓

茯苓削去黑皮搗末以醇酒於瓦器中漬令足淹又瓦器覆上密封塗十五日發當如餌食如博碁日三亦可屑服方寸已不飢渴除病延年

又法

茯苓肉桂各一斤末之白蜜丸如雞子黃大日三服此張常度世法

又法

茯苓末三斤白蠟二斤麻子油三斤松脂三斤白蜜一斗先煎蜜三五沸納松脂沸納油

油沸納蠟蠟沸納茯苓末熟攪勻丸如李核大每日服一九日可再服得千歲不飢

又法

茯苓末三升白蠟五斤白蜜三斤合蒸如炊一石米熟傾器中九九如梧桐子大每服十九丸飢者復服十九百日後不飢乃日服一九禁雜食又取茅根搗取汁和此藥蒸服之百日後玉女至

又法

茯苓末五升油松脂七斤白蠟五斤白蜜三斤蜀蘇二升合蒸如炊一石米熟取出九九如梧桐子大服十九稍增以不飢為度十日後服一九勿餘食可飲少酒此是慈法大師依方施用於成都將服道俗蒙濟者多行道聽講者眾便可度世也出五符經

又法

先以水六斗煮白米四斗令熟去滓得四斗五升置不津器中澄冷之細剉小麥麴五斤納中再宿炊秫末五升冷暖隨時投之二三宿視香好復炊秫末二升投之一二宿納好

蜜一升攪令勻乃以精茯苓屑五斤新絹囊寬結口納酒中令沒勿使至底手按渡令汁得入囊中封泥二十一日取出當服餅先日作佳食清潔齋戒明旦服如彈丸至暮令盡一斤小兒可半斤則終身不飢渴飲冷水不可溫飲若食穀藥立下自此以後日中正服兩丸至三九耳其酒不可自飲凡酒亦然至忌此法以斷穀最勝久久神靈降傳凡服食茯苓切禁食酸物及熱物

服食木

成治木一石淨洗擣之水二石漬一宿煮減半加清酒五升重煮取一石絞去滓更微火煎熬納大豆末二升天門冬末一升攪和丸如彈丸旦服三九日一或山居遠行代食耐風寒延壽無病此雀野子所服法天門冬去心皮也

又法

成治木一石水一石煮之稍益至三石水盡消爛絞去滓銅器中煎熬大豆屑作餅圓二寸日食三枚納口中良久令消勿頓吞之則

斷穀而長生

又法

成治木二石以水三石煮之稍益至十石五斗許乃絞去滓出著銅器中納白蜜五升松脂五斤棗膏五斤攪和微火煎如糖服一丸如雞子大日三不飢除百病長生松脂用成鍊者

又法

木一石咬咀著釜中煮三沸出汁又以水二石熟煮令爛乃合向汁納青棗末一升白蜜五升微火煎如糖日食二餅如常不飢氣力不散長生

又法

木一石咬咀之以水二石煮耗又以水一石煮一日令爛去滓更煎納稻米末三升鹽一升豉半升煮米令熟出納銅器中種火煨令可餅餅重四兩先食兩餅如飢頓食五餅却五日食四餅却十日食三餅却一月食二餅乃比歲不復食不飢長生

又法

木五斤擣絞取汁以和茯苓屑三斤九如梧桐子旦中夕各吞三九不飢不老久服六甲六丁神至可役使

又法

以酒服木屑蒸曝乾更曝曝如此九過止日服三方寸已不飢延年以十一月十二月正月二月採之為佳凡服木禁食桃也

服食黃精

黃精細切一石以水二石五升一云六石微火煮旦至夕熟出使冷手按碎布囊取汁煎之滓曝燥擣末合向釜中煎熬可為丸如雞子服一九日三服絕穀除百病身輕健不老少服而令有常木須多而中絕渴則飲水云此方最佳出五符中

又法

取黃精擣換取汁三升若不出以水洗筭取之生地黃汁三升天門冬汁三升合微火煎減半納白蜜五斤復煎令可丸服如彈丸日三服不飢美色亦可止筭取汁三升湯上煎可丸日食如雞子大一枚日再服三十日不

飢行如奔馬天門冬去心皮

又法

取黃精根一石洗刮淨以水二石煮之又以五升酢煮令味盡取汁密感漬之更煮淨亦令熟取汁合二汁澄取上好者納銅器中湯上煎如船末熟大豆丸如糯服一雞子大日三不飢百日走及奔馬亦可以熬胡麻代豆亦可加米為糯香美止飢出五符中以冬日及春二三月採佳凡服黃精禁食梅果等

服食毒藥

常以二月九月採葉切乾治服方寸匕日三亦依黃精作餌法服之導氣脉強筋骨治中風跌筋結肉去面皺好顏色久服延年神仙

服食天門冬

乾天門冬十斤杏仁杏升搗末蜜波服方寸匕日三夜一廿始所服名曰仙人糧

又法

天門冬三石去心皮搗筆取汁一石微火煎得五升出浮湯上納白蜜一升熬胡麻屑二升合和煎攪勿息令可丸以大豆卷屑餅圓

三寸厚半寸日服一枚百日不飢肌肉潤澤延年亦可加地黃汁三升合煎此方云最佳出五符中

又法

天門冬剝去皮熟搗納釜中微火上煎納大豆末四分之一合黃可餌食如雞子三枚止飢美色以二月八月採為佳凡服天門冬禁食鯉魚

服食巨勝

胡麻肥黑者取無多少簸治蒸之令熱氣周徧如炊頃便出曝明日又蒸曝凡九過止烈日亦可一日三蒸曝三日凡九過燥訖以湯水微沾於白中搗使白復曝燥簸去皮熬使香急手搗下蠶從隨意服日二三升亦可以蜜丸丸如鴉子日服五枚亦可飴和之亦以酒和服稍稍自減百日無復病一年後身面滑澤水洗不著肉五年水火不害行及奔馬抱朴子云江東本無此方惠帝永安元年甲子歲洛亂人得之余以永興二年八月一日寓以為要秘

又法

取九蒸者一石加茯苓三斤合蜜丸服如上得力速

又法

取成蒸者一斗二升茯苓二十四兩澤瀉八兩搗三萬杵每服如渾丸日三亦可蜜丸可預作從軍入山涉水不令疲瘦遇食使食無所禁忌

又法

取生胡麻一石槌去上皮蒸之一日曝乾搗之溉釜中一石五升水復蒸令水減五升下甑以寫木盤中悉以湯沃之加麥蘖屑一升曝作糖卒時淋汁煎之三分餘一又銅器湯上煎令可丸服如雞子大三丸百日肌肉充盛壽命無窮初服胡麻飢極者五日中作一頓白米粥食之漸至十日又作久久則都斷凡服胡麻禁食腥穢生菜若下痢不止煮乾蘇葉飲之

服食雜米麥

稻米四升真麝香四兩合和攪之如炊一石

米頓飽食可支四年

又法

杏子五千枚搗碎取白汁二斗許裏取八九升以漬稻米一升或五升勿令多搗出蒸之氣出上以胡粉末一分投杏汁中攪和又以澁飯更蒸盡汁止熟如棗脂狀宿作米食明日食之可供兩人亦可百日一年不飢後欲下藥飲葵羹汁則去也

又法

粳米黍米小麥大麻子熟大豆各五合入臼蜜一斤煎一沸冷水中丸如李子一頓吞之則終身不飢一方無黍米出在五符中

又法

青梁米一升亦石脂三斤合和以水漬之令足淹置溫處三二日上生衣搗丸之大如李子日食三丸則不飢渴即飲水可以遠行千里不倦出五符中

又法

粳米一石以水漬之二十一日可作粉曝乾取作粥一升粉可三作粥取支一日氣力不

減顏色如故身輕目明

又法

成治大麥屑三升上蜀蘇一斤熱湯五升合膏溲麥曝令乾微熬黃香復納湯曝盡汁止乃細磨從納甘草木屑各一斤茯苓屑二斤鹽一升合和水服二方寸匕日三四渴者更服至五合若遇飯菜蔬使食之無禁在處若遇危厄荒飢可服終身不飢延壽

又法

大麥一石蜀蘇膏三斤水四升為湯納膏湯中膏消初飽食後稍進不飢除寒熱延年

守中徑易法

取大豆種必生者三升手按令光明而體暖先美食竟乃頓吞之可解五十日百日不飢渴則飲水勿餘食欲去之服熱粥二升豆即下一法每兩日再拜一服一升於口中展轉嚼乃咽之口三明日乃分一升為三過小兒則半之又赤豆肉吞二升至三升亦支一歲又取大豆黃末三升一頓服亦可十日五日不食後欲去當服葵莖灰方寸匕即服豬膏

及酪蘇亦下

又法

先爵蟻大如傳基極令柔乃內猗氏肥棗并合嚼之即皆消而咽之入腹止熱除病斷穀又旦食一方寸蠟辟一日

又法

桑椹黑者曝乾搗之水服三合日三則不飢

又法

牛蘇羊蘇松脂蠟蜜各三斤合和煎食之支三年不飢

又法

天門冬末一升松脂一升蠟蜜各一升合和煎可九如梧桐子大且中暮服三丸如彈丸即不飢美色此亦云崔文手中祕方天門冬去心皮

欲還食穀解藥

凡服守中藥斷穀後不可食雜物若渴即得飲少冷水耳後脫欲還食穀者當先服葵子湯下藥乃可食也初食日作一合米粥日三二日後日二合米又三日後日五合又三日

後七合又三日後日一升如此一月後乃可復常

葵子湯

葵子一升豬膏一斤以水五斗煮取二升去滓稍稍服之須樂下盡乃止亦可合米作薄粥飲之蜀蘇亦佳

又法

葵子消石分等末以粥清服方寸匕日再十日藥去盡乃可食穀亦可各取一升以米三升煮取一升日三服

又法

大麻子研碎煮令熟飲五升取下亦可合作薄飲每令食肥滑物為善

太清經斷穀法

世八

十

太上肘後玉經方

霞 栖 子 盧 遵 元 編

昔巢居子奉事東海青童君以節苦心寂奉師禮冒暑雨祁寒無懈無怠僅二十年乃口授玄法手錄聖方曰若求跨鶴昇九霄未易致也優遊乾坤之內守灑然之氣容色不改心目清明壽數百年不踣得矣然神仙祕術不可傳失其人長安年中巢居子以寒棲子賢人也使沐浴齋戒乃授其事而貞元八年寒棲子以余不揆陋微游放自釋所從來者匪世俗之士無聲利之交若天與之正性謂不虛授乃使傳在余以隱棲子文華之士昔登上科忽遺馳騫息心道門僅六七年其玄法祕術無不得之而至理之要曾似未遇顧余有此遺禮留愛久之而言余亦知其志士也况忘爵祿避時稱騷雅之什有而若無實而若虛者哉必當羽化雲飛豈止龜鶴齊壽故寶曆乙未歲霞栖子盧遵元持太上八方網緝玄寶一軸以授隱棲施君敬之戒之善自勤勉以致靈效云耳

世八

十一

乾天父地母七精散方

竹實三天兩日之精九蒸九曝去水氣地膚子四大兩太陰之精主肝明目黃精四大兩戊巳之精主脾藏薯精子三大兩九蒸土邪鬼明目松脂三大兩鍊令熟主風狂瘧濕桃膠四大兩五木之精主鬼竹巨勝五大兩五穀之精九曝

右方昔傳黃帝服之上昇欲傳立壇焚香啓上帝然可授之立盟不泄四十年一傳之不爾太上奪算七代受考於水官慎之

坤風后四扇散方

五靈脂三大兩延年益命仙靈脾三大兩強筋骨松脂三大兩生風瀉瀉瀉三大兩強腎根木二大兩益氣力乾薑二大兩益氣生乾地黃五大兩補髓血石菖蒲三大兩益心神桂心三大兩補虛之不足雲母粉四大兩長肌膚肥白

右方風后傳黃帝高丘子授之後傳茅固秋傳立誓不妄泄之各持為散仍合搗三萬杵蜜丸亦得也

良王君河車方

紫河車一具王母歌曰紫河車一龍潛變易却老還童枯楊再益下文注曰紫河車者首女是也東流洗斷血一百遍酒洗五十遍陰乾曝合和生乾地黃八大兩補髓血牛膝四兩主腰膝菊花三大兩去筋風五味子三大兩主五藏萎萎三兩助養女人去之覆盆子四大兩土陰不足已戟天二大兩欲多世事加一女人去之訶黎勒皮三大兩主胃中氣鼓子花二兩破筋骨苦耽二大兩治諸毒○藥甘草代葛蒲三大兩益精神乾漆三兩去肌肉五藏風沙令黃柏子仁三兩添精茯苓三兩安神靈英粉三兩縮腸黃精二兩補脾胃金釵石斛二兩滋筋澤瀉三大兩補男子女人遠志二大兩益心力不忘杏仁四大兩炒令無去尖皮去惡血氣巨勝四大兩延年駐形神

古二十二味排散蜜丸服三劑顏如女子昔傳蘇林子欽傳立盟歎血不爾太上科之

太上肘後玉經方

巽龜靈王母四童散方

丹砂七兩朱砂三兩已上胡麻四大兩天門冬四兩茯苓五兩木三兩乾黃精五兩桃仁四兩去尖皮

右八味合搗三萬杵冬月散夏月丸之服

八年顏如嬰童之狀肌膚如凝脂昔傳茅

哀立盟勿傳違者太上科之慎歟慎歟

離彭君麋角粉方

麋角三具兩具不限多少解開厚三分長五寸許去心惡物果泔浸夏三日一換冬十日

一換一月已上似秋數入甑中蒸之覆以桑白皮俟爛如芋曝乾粉之每斤入伏火硫黃

一兩糜食甘蒲精實八角也

此方彭君服之壽七百七十九歲後入地

勝山去不知所在今人云彭遊謬耳別自有傳此方有人於鶴鳴山石洞獲之捨不

宣泄也

允夏姬杏金丹方

杏子仁六斗水研之取一石八斗入鐵釜中

煮之先以羊脂指鐵釜令三斤脂盡即下杏

仁汁以猪火煮之四十九日乃取以搗子煎九如大豆日服一九三兩為一劑

此夏微書母服三劑為少女後白日上昇

其方出羨門子上經立盟勿泄殃及七代

慎之慎之

坎南歎真人赤松子枸杞煎方

枸杞根三十斤取皮別著九蒸九曝搗粉取

根骨煎之湯水可三石後併煎之可如稀飴

即入前粉和九九如梧桐子服之一劑壽如

百年

此方傳李八百立盟勿傳天殃將罰

震清精先生辦米飯方

白梁米一石南燭汁浸九蒸九曝乾可三斗

已上每日煮一匙一月後可半匙兩月後可

三分與一膳化為筋風寒不能傷鬚鬢如青

絲顏如冰玉

此方傳絲女服之役使六丁天兵衛侍秘

之勿傳當獲神仙切慎切慎

太上肘後玉經方

此方

十四

混俗願生錄序

臨元

天地之間以人為貴言貴者異於萬物也人之所重者榮顯所寶者性命自天地精粹以生形寒暑燥濕以生困合順而守之順則瘳癘不作逆則萬瘳輻湊雖大限而不能續中間天枉沈痼跛眇之疾良由攝理乖方之致然夫駢拇枝指附贅懸疣此乃生常之患非關謂息之誤矣是以五色亂目五音聾耳五味蒸口畋獵狂心四事去之塵外之人也凡居深山處窮谷與猿狖為侶逐麋鹿為群棄寰中之美樂食然餐霞保壽齊於天地者萬萬人中未有一二哉稍能於飲食嗜慾間消息之則無枉橫之虞也詞昔年五味酒食過度痼疾纏身思其所因有自來矣遂即樓心附道肆志林泉景慮都忘漸至痊復調習性頑愚昧於忌犯將攝之理粗約羈縻僅二十年來頗獲其驗且夫脩短窮通人之定分不能保存和氣而乃騰倒精神加以鍛鑄金砂資助情慾棄其仁義莫信積祥妄圖永遠此其大惑歟謂皮之不能存毛特安附至於脫

履冲虛駕龍控鶴者此乃世世施陰德生生履仁義又有兀兀之性所稟堅固非藥餌之所致古人有壽數百歲者不聞有學道求仙之術龜龍蛇鶴亦無服食茹芝之方松筠經霜而不凋蔓草先秋而搖落此物之自然性也豈天地大道私於彼人物哉是鳥獸非彈射不死蓋以自適之性飢啄渴飲嗜慾以時而無所禁人多夭傷疾病以貪求名利追琢其神強服藥餌加以嗜慾無時昧於忌犯服訛奢侈飲食過度輒恣飽暖且夫土木泉石莫非造化所成者則負瑰奇詭怪之狀而人亦然况利祿榮顯暫時間耳蓋非干身之事惟攝生養性則神謐延齡而已今輒具消息樞要十章題目曰混俗願生錄此皆歷試有驗非乃謬言雖不能究習研精而乃梗槩略備不能盡文直書其事倘遇同道覽之冀微採綴云爾

混俗願生錄卷上下同

茅山處士劉詞集

飲食消息第一

食為命之基不可斯須去之也既乖節儉或味寒溫瘵癘之由自此始矣既不能服餌丹霞出納元氣則於飲食嗜慾行住坐卧間消息之以此莫為良藥而日用不知其為尚矣夫人當以飲食先喫暖物後喫冷物為妙何者以腎藏屬水水性常冷故以暖物先暖之不問四時常此消息彌佳就中夏月偏宜暖之為伏陰在內耳食不欲苦飽苦飽即傷心傷心即氣短妨悶食了先以手摩肚數十下無仰面呵氣二十下甚消毒食食了不欲便睡卧即令患肺氣榮衛不通血脉凝滯之使然也肢節煩重尤多嗜睡百疾從此而生矣食了必須冲融少時行三五步使食消化心膈空懸乃可寢卧寢卧之時不欲言語歌嘯五藏如鐘若不扣不發其聲此將息之妙矣夫飲食所以助氣食飽氣不行食了尤忌仰卧多成氣痞兼頭風食不欲羸及速速即



損氣靈即損脾脾損即為食勞男子五勞此為一勞之數也食飽不欲速走馬登高涉險必傷肉室不欲夜食日沒之後脾當不磨為音響斷絕故也脾好音樂絲竹纔聞脾磨即周禮云樂以侑食是以音響皆主於脾若腹內稍冷食即不消兼亦損胃胃損則譏譏即不受穀氣既不受穀氣即多吐即轉為翻胃之疾夜後不宜飽食肉面生膾夏月夜短尤宜忌之生鱸不可與乳酪同食此等之物夜後雖消甚損脾胃令人脾勞向夜勿飽食煎餅尤當大損風氣之人偏不宜食食熱物後不以冷水漱口食冷物後不以熱水漱口冷熱相擊是以多患牙齒疼痛齒根宣露凡喫炙肉若乘熱食之多患風疔瘻齒或黃黯漸至生瘻亦令血脈不行人若飽食後宜立小便即踞下便最為妙恐損膀胱故也臍多之物其不宜人暗眼兼腸胃冷滑尤多動風若患風疔氣疾故宜忌之五味稍薄令人神爽唯腎氣偏宜鹹物無消宿食諸並不宜食若偏多則隨其臟腑必有所損是以鹹

多傷筋固不可嗜甘傷胃辛傷目苦傷心驚傷魂憂傷神思傷意恣傷情恨傷志人親傷明久聽傷聰久行傷筋久卧傷血久勞傷骨久立傷肢節久語傷氣大渴不大飲大飢不大飽大樂不大憂大勞不大息欲大得不欲大失是以怒傷正氣也大勞力之絕大飢損臟腑大飽脛理閉大渴經脈蹶兼氣不行大醉神散越大笑氣飛颺大恐心恍惚大熱氣不通大寒血脈結多睡神魂離大驚心不安此皆為損壽之候凡人常忌雞豬自死牛肉陳臭難消鹹醋粘滑冷膩生葱大小蒜生香菜不時之物瓜果粉粥冷淘等物非養生攝理之道凡服藥餌之時尤忌三般受氣不足之內肉者雞豬無鱗魚又忌三般受飛不足之菜菜者蒼筤萹蒿葎葎閉血觸故也夫人若不能常於行住坐卧及飲食嗜慾間消息之縱靈靈之日飲沈湮豈有補益乎但助陽之藥固持盈滿日久月深必獲大損其何昧哉若喫肉菜間有筋勿勿喫之此難消之物經時多為癥癰亦令脾勞又不可於星月及

神廟宮觀名山大川古壇神樹墳墓之間飲食况為道家所禁深宜戒之

### 飲酒消息第二

酒應星宿其來遠矣智者飲之則智愚人飲之則愚消憂傷志發怒宣言皆由斯物是以先王飲之以禮樂賢人飲之陶情性常人飲之逞荒慾唯酒無量之謂也豢豕為酒非為禍也是以飲酒不欲過多兼頻大醉極傷心神肝浮膽橫又復招風敗腎毀筋腐骨莫過於酒飽食之後尤宜忌之夫好酒人多患肺氣無風不爾則腰膝沉重或膀胱冷疼謀一般耳凡飲後不欲大吐大吐則肝翻膽竭肝是膽之府既竭則膽痿膽痿則心怯心怯則多驚悸夜卧恍惚尤多健忘則心神漸散覺損則服補心凡欲飲酒不欲速速則衝破肺肺為五臟之華蓋固不得損損即多深澆兼患肺氣肺痿咳嗽之疾若患勞氣風疔五痔人切須忌之若患風人加之藥物浸酒不令甚醉飲酒後不欲得飲冷水冷茶多為酒引入腎藏為停毒水即須去之多時必腰膝沈

重勝狀冷疼蒸患水腫消渴瘰癧之疾皆由  
 斯起飲後不欲一向卧須使人迴轉不爾浸  
 損膀胱腸胃但看酒家屋易壞此益明矣不  
 問四時常喫暖酒彌佳若冬月但殺冷而已  
 不要苦熱熱即傷心肺凡是飲食皆不欲熱  
 喫非獨熱耳夏月炒黑豆乘熱投酒中浸俟  
 其色紫微暖飲之理氣無比秋冬間即量其  
 自性冷熱所惡以藥物浸酒飲之甚佳今人  
 多以蒲萄麴麥為之是巧偽亂真非其療病  
 固不可以諸物雜之古人玄酒太羹高其質  
 朴夫酒少喫即益多喫即損少即引氣導藥  
 力潤肌膚益顏色通榮衛理氣禦霜辟溫氣  
 凡空腹切不宜聞穢惡之物氣及往疾病人  
 家但飲酒即辟邪毒昔有三人晨朝冒露而  
 出一人飽食一人空心一人飲酒空心者卒  
 飽食者病飲酒者健酒至益人過即損人况  
 酒為腐腸之物固不可濫觸酒性至熱大寒  
 凝海唯酒不凍凡造酒欲發皆候風潮而動  
 則和合其陰陽造化之功也所以飲多則冷  
 凡丈夫陽氣多弱兼飲後恣遊或扇風取涼

固當虛損後復為酒引陰氣結固下焦又或  
 未醒大渴遂喫茶飲水即為酒引入腰膝貯  
 在膀胱為停毒水腫結固下焦若非名藥良  
 醫不能行遂是以多飲即冷耳常見人夏月  
 於井中浸酒冬月即以醪醅和飲之此為大  
 害必當入脚膝間為冷癢之疾醪醅入酒發  
 勞症動痼疾必不可遣酒所以醉人麴蘖之  
 故也麴蘖氣消則皆為水當凝入腰膝間無  
 因更出飲酒不欲風裏坐卧袒肉操扇蓋緣  
 毛孔悉開不欲使風入風入即令四肢不遂  
 無風手足癱瘓等皆由斯得凡甘餽美饈乘  
 涼飲冷雖乃一時適意久久皆為患害

春時消息第三

人稟陰陽五行四時肅殺之氣差若毫髮癢  
 癢則生是以首足象天地血脉象江河毛髮  
 象草木嗔怒象雷電兩目狀日月嗜慾稟生  
 植氣候小差人多疾疫既反其令癢癢則生  
 細而察之萬不失一凡春中宜發汗吐利針  
 灸宜服續命湯藥丸甚妙自冬至後夜半  
 一陽生陽氣吐陰氣納心膈宿熱陽氣相衝

若兩虎相逢狹道必鬪矣春夏之交遂使傷  
 寒虛熱時行之患良由冬月附火及食熱物  
 心膈宿痰流入四肢之故也其患者不啻十  
 有六七二月已來採取東引桃枝并葉各一  
 握水三升煎取二升已來早朝空心服之亦  
 不全盡但吐却心膈痰飲即不為害能四  
 時依此吐殊勝瀉瀉即令人下焦虛冷吐即  
 去心膈客熱除百病小兒即與茵陳丸犀角  
 丸瀉之以小兒未經人事即不畏瀉亦須審  
 其冷熱虛實不得浪為若是男子事須下瀉  
 除脚氣衝心膀胱冷疼痛膿水三焦不通即  
 須瀉常得通暢不要苦瀉夏月尤忌瀉為泄  
 陰氣故也丈夫四十已上不宜苦瀉春深稍  
 宜和平將息綿衣稍宜晚脫不可令背寒寒  
 即傷肺令鼻塞咳嗽似熱即去之稍冷即加  
 之甚妙肺俞五藏之表胃俞十二經脉之長  
 最不可失寒熱之節俗諺云避風如避箭避  
 色如避亂勤解逐時衣少餐申後飯欺言可  
 寶耳覺虛熱食上常服紅雪時服柴胡湯三  
 黃丸如玄參甚去虛熱兼治勞明目自春秋

之際萬病發動之時固宜將攝矣

### 夏時消息第四

立夏三伏內腹中常冷特忌下利泄陰氣故也夏中不宜針灸唯宜發汗夏至後夜半一陰生唯宜服熱物兼喫補腎湯藥等。非唯性熱之物亦常宜溫暖飯食况夏一季心王腎衰最宜補息盛熱時不宜喫冷淘麻飲粉粥寒漿飽食後與必起霍亂又生菜茄子綠腹中常冷食此凝滯難消之物多為癥塊若患冷氣風疾之人更須忌之夏月不問老小常喫暖物至秋必不患赤白痢瘡疾霍亂但腹中常暖諸疾皆不能作為陽氣壯盛耳時人不能將攝日高餐飯空腹喫茶綠腎納鹹被鹽引茶入腎令人下焦虛冷手足疼痛飯食後喫三兩椀不妨似飢即不在喫限丈夫有痰癖五痔風疝冷氣勞瘦虛損女人有血氣頭風偏不宜茶所以消食滯昏煩空心毀之實借溫盛熱時宜於隱處寢卧輒不得於星月下露地偃坐蒸便睡著使人操扇風特宜忌之常見人養新生孩子畏熱睡著後多扇

風兼於風涼之處卧此愛之甚然猶善養馬者以筐盛糞以蛭盛溺設蚊蚋即使人撲之以附之不時則驚擾豎皆辟曾此意有所至而愛有所亡可不慎歟以此孩子多患臍風手足攣掣口撮俗號糊猴噤不知其由又曰鬼魅可謂謬哉以此則之萬不失一夏月不宜晚起令人四肢昏淡精神惛昧勿冷水浴使人虛熱眼暗筋脉蹇逆霍亂轉筋常以飢沐浴浴以飢即不在浴限浴了避風小兒亦如之衝熱來勿以冷水洗手面及淋背犯之必患陰黃但漱口即可矣勿當操扇袒露多令人患刺風風癩亦勿飲冷水成癖氣結氣及水穀重下等痢生菜茄子瓜甚不宜人尤忌向夜食之唯蠶人辛苦之士消殺得瓜雖理氣尤暗人眼如驢馬食之即日眼爛不可不明矣食熱物汗出即拭却勿扇風殊佳勿夜食尤忌喫肉麪生冷粘膩之物為夏月夜短有年之人腹中常冷或不消化多患腹脹霍亂之疾勿當風卧濕緣常出汗體虛風拍著人多患風痺手足不遂言語蹇澁四肢癱

癱偏風等雖不盡害亦有當時中者有不使中者逢年之盛遇月之滿得時之和即幸而獲免若過年之弱值月之空失時之和無不中者昔有人代皆不壽來告彭祖祖遂周視其人寢卧之處果有一穴當其腦戶頭是三六十諾陽之總會以賊風吹注陽氣散盡日月深久則斃矣祖使斂其穴其人果壽矣所謂懷仁抱義未見其益有時而用此乃喻將攝之謂也棄仁背信未見其損有時而亡此乃諭不能調護之故損益之道其理彰然夏月不欲數沐浴沐則心覆令人健忘甚引風每晨梳頭一二百下仍不得梳頭皮煎於無風處梳之自然去風明目矣

### 秋時消息第五

立秋後稍宜和平將攝春秋之際故疾發動之時切須安養量其自性將理秋中不宜吐及發汗令人消燥藏腑不安唯宜針灸下利進湯散以助陽氣止若患積勞五痔消渴等病不宜喫乾飯炙烤自死牛肉生鱸雞豬濁酒陳臭鹹醋粘滑難消之物及生菜瓜果毒

魚鱈鮮醬之類若風氣冷病痿痺之人亦不宜上件之物若自知夏月冷喫物稍多至秋

患赤白痢兼瘧即宜以童子小便二升并大

腹檳榔五顆和子細切煎取八合下生姜汁

一合和鴈雪三分或二分早朝空心分為兩

服瀉三兩行夏月所食冷物及膀胱有宿水

冷膿悉為此藥行逐即不為患耳此藥是乘

氣湯藥縱年老之人亦宜服之且不奪氣力

無不虛人况秋利又當其時此湯理脚氣兼

理諸氣其方甚克効故附之於此丈夫瀉後

三兩日以雞白粥加羊腎空心補之殊勝服

諸補藥每晨睡覺曠日叩齒三七下嚥津以

手掌相收令熱對眼唯遍數多為妙此法去

風明目無以加之  
混俗願生錄卷上

混俗願生錄卷下

茅山處士劉詞集

冬則伏陽生內有疾宜吐心膈多熱特忌發

汗畏泄陽氣故也宜服浸酒補藥以迎陽氣

寢卧之時消息稍宜虛歇大約如此若此宿

疾須自酌量不得准此綿末稍宜晚著仍漸

漸加厚不得頓溫此乃將息之妙矣又不得

令火氣擁聚但免寒即可以若遇大寒不得

頓於火上烘炙尤甚損人手足皆應心多灸

手遂引火氣使人心多燥熱所喫熱物及附

火熱氣皆積在心頭心屬火故也夫冷藥不

治熱極熱藥不治冷極水流濕火就燥故也

凡服藥先看諸藏其有不足處置其所損則  
補之皆有効驗人之服藥多不相當為受性  
皆不同耳亦不用火炙衣服令暖著之亦甚  
損人春夏之交陰氣既入不能調護陽氣流  
入四肢遂致時行熱疾之作也甚者在走妄  
語若便服冷藥十有三二縱活者亦不免孽  
覺夜明髮落瘡疥等凡陰陽二毒傷寒是天

行之別號只有瘵法即無可法七日內可瘵

七日外不可瘵其驗若此藥之用宜宜差誤

覺是此疾不等便服冷藥若是陽毒萬一得

差若正陰毒服以冷藥手下狼狽深宜詳審

不可參差每日一浴莫通血脈腰理通和每

擬浴時盡飽食夜間即浴浴後即喫一兩盞

酒便卧不得衝風且一宵安眠房事切忌他

時所利每食後服好紅雪或服三黃丸更妙

飲食之間四十已上稍宜溫四十已下稍宜

寒若先有宿疾冷食之中自審息不得准此

凡冬月所蓋熱被九襦等稍熱十二即減之凝寒

即加之諺云服藥不如勤脫著誠哉斯言但

是諸疾切忌食熱肉酒麪炙燂之物多食令  
人血脉不行饑饉餓飢平常之時亦不宜熱  
喫冬月若食熱物至春夏交必為瘵癘矣

患勞消息第七

丈夫患積勞五痔消渴下焦冷上膈多熱良

由飲食嗜慾不節之故况丈夫四十已來下

焦先衰女人四十已來上焦先衰抑聞勞疾

本生於兩端不干執重提輕兀兀終日即害

唯是閑散之人多有此疾况閑散之人不多運動氣力飽食之後不多行步坐卧任性經脉不通血脉凝滯之使然也是以貴人貌樂而心勞賤人心閑而貌苦貴人加以嗜慾無時昧於禁忌飽食珍羞便寢卧之因此致耳

若引而伸之觸類而長夫人常須用力但不令榮倦資勞衛通流血氣周徧猶若戶樞終不朽腐此將攝之要訣萬金之所不言夫人初得勞氣之時其候甚多而日用不知略而條之細宜詳審其候者兩眼昏暗手足心熱

背膊悶困項頸酸疼四肢無力兩頰及唇時有紅赤大小便赤澁脚手軟弱久立不得喫飯食不作肌膚常思累食喫即不多兩肋間痲痺氣脹腹中常冷食不消化膈上虛熱時時咳嗽唾涕稠粘多卧多起狀似佯病人或時壯熱晝可夜極骨節煩燥尤多健忘唇口焦乾已上並是患勞之證候也覺有此候即須尋方服藥節儉嗜慾調息飲食即冀漸退若非自覺不遇良醫辯其狀候別為治療日月深久曾前骨出臂上肉銷咳嗽不出聲擗

肩喘息痢如歧汁或似爛腸此乃五藏壞矣神慧之師所不能救與若覺有此候不宜喫陳臭難消粘滑之物犬肉雞豬野狐羊駝牛馬炙肉生冷等物兼節房中之事昔許由以一瓢之動猶以為煩况書暮晨興逐名利加以情慾相牽運用心機自然神散形勞焉

得不櫻疾瘵覺有此狀宜喫煮飯燒鹽薑豉汁為粥枸杞甘菊牛蒡韭薤地黃馬齒鱒魚白魚鹿肉乾脯白棗精羊肉並宜食之其餘禁斷手愈後任餐

### 患風消息第八

人患久風固難將息凡風疾之人髓竭肉踈則風入骨間故肢節不遂骨虛血薄之故也稽其由皆有所因或是夏月當風乘涼便至睡或酒後操扇取風好喫魚肉之使也况江淮地偏又多下濕夏月炎熱風氣鬱蒸多患此疾女人不多行步飽食之後坐卧任性尤多壅塞初得之時狀猶不定或睡中口內涎出手足戰掉或大腸偏澁或脚膝疼痛或肢節不仁或常眼澁行坐睡著或筋脉掣

掣或多就噎噎不可休皮膚乾痒面色浮青

眼頰多腫或咯痰唾吐至多頭旋目眩已上並是中風之候且宜服此小飲子然後大湯藥却須緩治不宜急速緩則易差急即難痊上品之藥一百二十餘味性皆和厚漸痊疾

療今之庸醫藥性不辨脉候蕪荒不以智慮推之但求倉卒之効儻獲即目之驗病家乃為良醫且治病之法要須精脉候兼會五行用藥審其冷熱加以智慧慈憫為先不以貧富等差為意但務救濟一心如此醫人陰有

神護用藥理病無不痊除夫病患之中有卒暴者須求手下之驗止如喉閉脚氣衝心陰陽毒傷寒急發背小兒急疳乳癰卒暴心腹痛即要求即目之驗諸患並須漸漸除之夫患風疾之人左右扶持之者必須細意調理飲食湯藥等食欲得頻不欲得飽飽即墜悶又不得饑饑即虛虛即風增極似饑即食欲飽即休若患經年服藥不得暫停偏宜藥酒湯散不日全可若信庸醫藥物乖理避忌無多轉受虛邪即當益甚在虛實之間細宜

調息可不勉之風疾之人欲宜瘦兼不多食其疾即退若事餐啜喜見肥充疾即益甚宜細詳之病人不宜嗔怒飢飽衝胃寒熱勞役心力至樂苦憂驚喜併集並不宜之患風人尤多虛虛又須補補即變墜即令人頭旋心悶兼氣衝心常令通滑瀉多又虛虛亦令人頭旋目眩將息之間尤宜詳審凡服補藥若自通滑即不更要服泄利之藥風疾之人宜喫羊肉去脂血緣虛事須要喫則如法煮之羊食百草草本且無毒但除脂血以藥煮之則不發病矣煮羊脚法羊一脚以刀子割開水浸洗去血燕割去脂加防風一兩石膏五兩桑根白皮二兩切和煮之不損肉味尤頗益人又夏中單用桑葉五十片不要諸藥桑葉是時收採曝乾以備冬月使用乾者加至八十葉如煮散肉亦隨多少酌量煮之患風人不宜喫蕎麥菘菜熱餅饅油麻餅餅和脂燻肉肉熱喫白湯飢飢生冷油肥雞豬犬肉鯉魚生鱸生葱蒜空腹茶不可食之其餘消息酌量之此不可一一具述矣

戶內消息第九

人生之大患嗜慾飲食萬病變通侵冠年齡皆由此益蝕是以道家所禁去其大甚不然杜絕所謂師也過商也不及言俱不得其中過之不及相去幾何若是先有宿疾有因食而療或有因欲而療損益於身而日用不知是以上士不惑牢固性命寡思慮而遠聲色節飲食而去奢侈中智之人尚未能去其太甚下智之人恣其情性不知禁忌貪色好財敗其元和之正氣遂使大約侵剋必其然歟加以形貌衰羸九偏僂變履沈痼在身而不能差既乖攝養又無良醫一旦至是雖即甘饒美色置之於前豈能變之顧何似搏節去就涓涓不勒暢志悅目而已可不懿哉天地氣氤萬物化淳男女媾精萬物化生此人生調息性命之根本攝生之所由凡人謂之不稽實曰野哉夫一歲二十已前時復三十已前日復四十已後月復五十已後三月復六十已後七月復道經云六十閉戶者言人疎於學性已損於未萌以此戒之猶多病患噫夫

禁忌消息第十

世人不能蓄養元和之氣保惜形容妄服丹砂資助情慾奢佚則神魂不附於身茫茫失塗精魄俱喪兀然質樸音趣都忘或有功未就或有始未成生涯落然身嬰痼疾夜起不得枕席是休勞歷妻孥綿綴歲序良由不知道性貪徇庸情而已哉觀夫世人母存者不啻其十八九父存者不啻其十一二以此准之則人多嗜慾所感躓其性命誠可悲之矣

凡隱處之時忌天地晦暝日月薄蝕疾風甚九雷雨電震怒四時八節弦望晦朔日月失度十祥雲興現虹出星奔本命之辰魁罡之日六甲之日六丁甲子庚申子午卯酉已上並是陰陽七曜失度之時或天神當辰上直之日陰氣盛而逼陽則陽不足陽氣盛而逼陰則陰不足陰風陽弱或陽風陰衰故生病之由耳又忌酒醉之後飲罷未醒飽食之後乍飢正實出入行來筋力疲乏喜怒未定女人月潮衝冒寒熱疾恙未平適大小便來新沐浴後既訖大小便早朝及戌時犯事便行焉走

無情而強為已上皆神氣昏亂心力不足或四體虛羸即腎藏怯弱六情不均萬病從茲而作矣已上特宜慎之又忘名山大川神樹廟宇宮觀古壇柱樹之處星辰日月之處燈燭六畜之前不可會合犯之損壽子息蠢愚

深宜戒慎又每年五月十六日是天地交會之辰特忌會合主減壽損陽道終身不復曾見犯者有驗大約五月是人蛇精神之月老者奪之少者加之宜晏居靜慮節嗜慾制和心志莫妄用况夏月心旺腎衰腎化為水待秋乃凝冬始堅夏中最須保惜尤為要妙凡所遇年高於身者不可犯生月大者猶不許况其年高乎陰倍於陽大損男子陽倍於陰亦損女人是以伯樂相馬之義耳又忌薄脣大鼻疎齒黃髮皮燥痼疾性情不和莎苗強硬聲雄肉澁肢體不膏性專妬忌生痣既多已上並不可犯之若諸藥術著在前他經願攝之方此其大略

混俗願生錄卷下

世又

二篇同卷

保生要錄

修真秘錄

臨十

保生要錄序

嘗聞松有千歲之固雪無一時之堅若植松於腐壤不替月而必蠹藏雪於陰山雖累年而不消違其性則堅者脆順其理則促者延物情既爾人理豈殊然則所謂調攝之術者又可忽乎臣竊覽前人所撰保生之書往往拘忌大多節目大繁行者難之在於崇貴尤不易為臣少也多病留心養生研究既久編次云就其術簡易乘閒可行先欲固其正氣次欲調其肢體至于衣服居處藥餌之方疏果禽魚之性有益者必錄無補者不書古方有誤者重明俗用或非者必正目之曰保生要錄雖無裨於聞道粗有資於衛生冒昧上獻伏深戰灼滿虔貫謹序

保生要錄

司議郎蒲虔貫撰

養神氣門

秘叔夜云服藥求汗或有弗獲愧情一焦渙然流離明情發於中而形於外則知喜怒哀樂寧不傷人故心不撓者神不疲神不疲則悉不亂悉不亂則身泰壽延矣

調肢體門

養生者形要小勞無至大疲故水流則清滯則滯養生之人欲血脉常行如水之流坐不欲至倦行不欲至勞頻行不已然宜稍緩即是小勞之術也故手足欲時其屈伸兩臂欲左挽右挽如挽弓法或兩手雙拓如拓石法或雙拳築空或手臂左右前後輕擺或頭項左右顧或腰膝左右轉時俯時仰或兩手相捉細細揉如洗手法或兩手掌相摩令熱掩目摩面事閒隨意為之各十數過而已每日頻行必身輕目明筋節血脉調暢飲食易消無所擁滯體中小不佳快為之即解舊導引方太煩崇貴之人不易為也今此術不擇時

節亦無度數乘閑便作而見効且速

夫人夜卧欲自以手摩四肢胃腹十數過名曰乾浴卧欲側而由膝益氣力常時渴啜則吐清津則嚙常以舌拄上齶聚清津而嚙之潤五藏悅肌膚令人長壽不老黃庭經曰口為玉池大和官嚙靈液灾不干又曰閉口屈舌食胎津使我遂鍊獲飛仙頻叩齒令齒牢又辟惡夫人春時暑月欲得晚眠早起秋欲早眠早起冬欲早眠安起早不宜在雞鳴前晚不宜在日出後熱時欲舒暢寒月欲收密此合四氣之宜保身益壽之道也

論衣服門

臣聞衣服厚薄欲得隨時合度是以暑月不可全薄寒時不可極溫感熱能著單熟衣則熟帳或腰腹膝脛已來覆被極宜入冬月縮衣莫令甚厚寒則類添重數如此則令人不驟寒驟熱也故寒時而熱則減減則不傷於溫熱時而寒則加加則不傷於寒寒熱若時妄自脫著則傷於寒熱矣寒欲漸著熱欲漸脫腰腹下至足脛欲得常溫胃上至頭欲得

稍涼涼不至凍溫不至燥衣為汗濕即時易之薰衣火氣未歇不可便著夫寒熱平和形神恬靜痰疹不生壽年自永

論飲食門

飲食者所以資養人之血氣血則榮華形體氣則衛護四肢精華者為髓為精其次者為肌為肉常時不可待極饑而方食候極飽而徹饌常後如饑中飽飽中饑青牛道士云人欲先饑而後食交渴而後飲不欲強食強飲故也又不欲先進熱食而隨餐冷物必冷熱相攻而為患凡食先熱食次溫食方可少餐冷食也凡食太熱則傷骨太冷則傷筋雖熱不得灼唇雖冷不可凍齒凡食溫勝冷少勝多熟勝生淡勝鹹凡食熱汗出勿洗面令人失顏色面上如蟲行食飽沐髮作頭風凡所好之物不可偏耽偏耽則傷而生疾所惡之味不可全棄全棄則藏炁不均如冷不食苦不食鹹則腎是以天有五行人有五藏食有五味故肝法木心法火脾法土肺法金腎法水酸納肝苦納心甘納脾辛納肺鹹納腎木

生火火生土土生金金生水水生木木制土土制水水制火火制金金制木故四時無多食所王并所制之味皆能傷所王之藏也宜食相生之味助王炁也王藏不傷王氣增益飲食合度寒溫得宜則諸疾不生遐齡自永矣

論居處門

傳曰土厚水深居之不疾故人居處隨其方所皆欲土厚水深土欲堅潤而黃水欲甘美而澄常居之室極令周密勿有細隙致風氣得入久居善中人風者天地之氣也能生成萬物亦能損人初入腰理之間漸至肌膚之內內傳經脉達于藏府傳變既廣為患則深故古人云避風如避矢感暑久坐兩頭通屋大招風夾道尤甚感暑不可露卧凡卧自立春後至立秋前欲東其首立秋後至立春前欲西其首常枕藥枕勝於寶玉寶玉大冷傷腦其枕藥性大熱則熱氣衝上大冷又冷氣傷腦唯用理風平涼者乃為得宜

藥枕方久枕治頭風目眩腦重  
冷痰眼暗鼻塞蒸餅邪



蔓荊子分甘菊花分細辛分吳白芷分白朮分  
分芫荽分通草分防風分藜蘆分羚羊角分  
犀角分石上舊蒲分黑豆分按五合淨擇

右件藥細剉去碎末相持勻以生絹囊盛之欲達其氣次用碧羅袋重縫之如

枕樣納藥直令緊實置在合子中其合形亦如枕納藥囊令合子脣一寸半已來欲枕時揭去合蓋不枕即蓋之使藥氣不散枕之日久漸低更入藥以實之或添黑豆令如初三五月後藥炁歇則換之初枕旬日或一月耳中微鳴是藥抽風之驗。

### 論藥食門

#### 辨服金石

金石之藥有可服不可服之理欲究養生之術須窮藥石之由今假設問辭用明至理或問曰夫金石之藥埋之不腐煮之不爛用能固氣可以延年草木之藥未免腐爛之患焉有固駐之功答曰夫金石之藥其性慄悍而無津液人之感壯服且無益若及其衰弱毒則發焉夫壯年則氣盛而滑利盛則能制

石滑則能行石故不發也及其衰弱則榮衛氣澁澁則不能行石弱則不能制石石無所制而行者留積故為人大患也欲益而損何固駐之有哉

問曰亦有未虛而石發者乎答曰憂患在心而不能宣則榮衛澁滯而不行石勢結積而不散隨其積聚發諸癰瘡又有服石之人倚石勢而縱佚遊石勢既行乃作強中之病不曉者以為奇効精液焦枯猛熱遂作洞釜加爨罕不焦然

問曰金石之為害若此農皇何以標之於本經答曰太虛積冷之人不妨暫服疾愈而止則無害矣

又問前云石勢慄悍藏衰則發今先虛而服石者豈能制其勢力乎且未見其有害何也答曰初服之時石勢未積又乘虛冷之甚故不發也以此觀之當太虛積冷之時暫可服餌若久長防患則不如草木之藥馬又問草木自不能久豈能固人哉答曰服之不倦勢力相接積年之後必獲大益夫攻療之藥以

疾差而見功固駐之方覺體安而是効形神既寧則壽命自未矣

### 果類

蓮實粉主補中養神益氣力除百疾久服輕身延年

取蓮實八月就他皮黑者去皮心曝乾搗篩為粉早以酒或白粥調之不宜與地黃同食蓮實嫩時生食動氣為粉益人

栗子粉主厚腸胃補腎氣

取栗子曝乾去皮自揀去皮薄切又曝令極乾搗為粉如蓮粉法食之凡食栗子生食動蟲發氣熱食亦發脹皆不及曝令半乾衣中近肌肉煖而食之其益人

葡萄作漿雖是常術且補益功優主筋骨濕痺益氣力強志令人肥健久服輕身不老延年葡萄熟時先於根底著羊肉汁米泔汁各一斗如是經宿棟熟者搗之納新白瓶中令滿稍實密封百日自然成漿去滓飲之味過醇耐甚益人

榴梨漿治風熱身

青梨大者二石榴十顆

淡竹瀝三升

右擣榴梨換取自然汁澄濾拌竹瀝一服  
五合日三服梨極大方用二十顆小者三十顆

穀并菜類

胡麻主腸中虛羸補五內益氣力長肌肉填髓腦堅筋骨去虛熱久服明目輕身不老延年一名巨勝四稜為胡麻八稜為巨勝陶弘景云八穀之中唯此為良又云味甘在米豆部此正是烏麻也今時所用巨勝莖莢雖小類麻而葉子大極味苦其性甚冷夫味苦不可入米穀性冷不可為補益其葉又與麻不同陰暗則低日烈則起此當別是一物非巨勝胡麻也今俗但用不覺其非正當用烏油麻味甘而莢有四稜者為胡麻八稜者曰巨勝正合本經不當用味苦而冷者也

肉類

段雞羊丈夫食之損陽女人食之絕陰此有羊角者羊髓補虛損不益人

鹿肉溫補中強五藏益氣力壺居士云鹿性警烈多食良草處必山岡產必潤澤故可饗

神者以其潔故也食良草有九物鹿忍鹿藥白蒿水芹

甘草山蒼葛葉并極齊頭蒿薺芫鹿常食此九草性能解毒

治風歷丹石服附子多食鹿肉附子少力也

五月忌食之茸不可近鼻

麋肉溫補五藏八月至十一月食勝羊肉十二月已後動風發熱不堪食

鰻鯪魚性溫主五痔殺諸蟲補陽氣食三五度腰脚間百病自差五色者兼理婦人帶脉

百病碎切去骨以五味調肉羊腸中繫兩頭炙之候冷然後切食

雞雌而黃者性溫主虛渴數溺洩利補五臟益炁力黑者治風

圓魚平補去骨節間諸壅熱五六月不宜

食有人以乾甲作散五六月間感陰濕忽化為小龜

豬無筋雞無髓藥食多蝕之

鷓性平補不宜合菌食之酥煎良佳

保生要錄

修真秘錄

前高州豐陽縣主簿符慶仁纂

食宜篇

思仙問曰夫修養之士何物所宜食之充飢得不傷損矣真人曰酸鹹甘苦食之各歸其時春夏秋冬順之勿逆其藏所食大過成疾亦深節戒作方延益無限其傷損之事前已具言延益之宜今為子說無令脫略子宜志之

八素云春宜食辛辛能散也夏宜食鹹鹹能潤也長夏宜食酸酸能收也秋宜食苦苦能堅也冬宜食甘甘能緩也而長肌肉肥皆益五藏而散邪氣矣此四時之味隨所宜加之食皆能益藏而除於邪養生之道可不移矣禮記內則云凡和春多酸夏多苦秋多辛冬多鹹調以滑甘注云多其時味以養其氣也經曰春無食酸夏無食苦四時各減時味者謂氣壯也減其時味以殺盛氣內則所云多其時味恐氣虛羸故多其時味以養其氣也內則云春宜羔豚膳膏春為木王膏師牛膏也牛中央土畜木雞冠土木並則土休廢用休廢之膏以節

其氣故用夏宜脰鱗所留膳膏脰鱗乾維也  
午膏節也夏宜脰鱗所留膳膏脰鱗乾維也  
脰鱗大膏也犬屬西方金也夏屬南方火火尅  
金火盛則金休廢故用犬膏脰鱗以節氣也  
秋宜犢麋膳膏脰鱗也維屬東方木秋  
木休廢故用冬宜鮮羽膳膏脰鱗也  
維屬西方金尅木金盛則  
屬北方火冬  
大休廢故用休廢膏脰也鄭云彼羔豚物生

而肥積廢物盛而充昭鱗膜切呼早熱而乾魚  
鴈水涸而性定此八物得四時之氣尤爲人  
食之不勝是以用休廢之脂膏煎和善之也  
凡牛宜稔羊宜黍豕宜稷犬宜梁魚宜瓜言  
其氣味相成也

周禮天官云凡食齊既春時飯宜羹齊既  
夏時熱也醬齊既秋時醬宜飲齊既冬時宜  
也寒  
太素云肝色青宜食甘粳米飯牛肉棗皆甘  
心色赤宜食酸麻大肉李皆酸

脾色黃宜食鹹大豆豬肉栗皆鹹  
肺色白宜食苦麥羊肉杏皆苦  
腎色黑宜食辛黃黍雞肉桃皆辛  
又肝病者宜食麻麥犬肉李韭  
心病者宜食麥羊肉杏韭

脾病者宜食稷米牛肉棗菜  
肺病者宜食黃黍雞肉桃葱

腎病者宜食大豆黃黍豬肉栗薑  
是故謹和五味則骨正筋柔氣血以流腠理  
以密如是則氣肯以精謹道如法長有天命

羊肉大熱羊頭肉平主風眩痠疾羊肚主補  
胃虛損小便數止虛汗羊乳酪補肺利大腸

羊腎補虛弱益髓  
犬肉溫主補五臟勞傷久服益氣力厚腸胃  
實下焦填骨髓不可炙食

牛肉平牛乳甘寒主補虛羸止渴牛酪主寒  
熱止渴除胃中熱牛酥寒洵胃其容氣利大  
小腸

鹿頭肉主消渴及多夢鹿肉主補中益氣力  
鹿蹄肉主骨髓中疼痛鹿久食令人耐寒

麋肉補五臟從八月至十一月食勝羊肉  
驢肉主風狂憂愁不樂能安心氣

豬肉主久水脹垂死作美食之大效  
狗肉溫酸主強筋骨志性

蝟肉平食之肥下焦強胃氣能食

雄雞肉酸溫主下氣去狂邪安五臟腸中消  
渴

烏雄雞肉甘溫主補中止痛除心腹惡氣  
烏雌雞肉味甘平主除風寒濕痺五緩六急  
安胎及乳癰

鴈肉味甘平主益氣輕身久服長髮耐老不  
飢

白鴨肉平主補虛羸消毒熱和藏府利水道  
黑鴨不可食

野鴨肉味鹹寒主補中益氣和藏府除客熱  
消食九月後好食消腹中蟲平胃氣調中輕  
身可長食之勝家鴨

鶉溫補五臟益中續氣實筋骨耐寒暑消結  
實長食令人不厭四月已後八月已前不中  
食

乾薑味甘辛溫主心服邪氣安中養脾氣助  
十二經脉通九竅補少津液大驚強志久服  
輕身延年不飢成仙

栗味鹹溫主益氣厚腸胃補腎令人耐飢生  
食治腰脚不宜蒸食

柿味甘寒補虛勞不足乾者厚腸胃健脾氣  
消宿血紅柿至補肺氣續經絡氣

橘于味酸寒主下氣開胃膈痰結氣止渴  
久服除口臭輕身長年皮陳久者良

烏梅味苦平主下氣除煩熱安心神支體疼  
痛偏枯不仁止下痢好睡口乾

柰寒益心氣補中焦不足

櫻桃平主調中益脾氣多食無損令人好顏  
色美志性

蒲桃味甘平主益氣倍力強志耐飢寒去腸  
間水調中久服之輕身延年

林檎溫主止消渴好睡不可多食  
覆盆子味甘平主益氣輕身令人髮不白

甘蔗味甘平主益氣補脾氣利大腸止渴  
豈菴味辛溫主溫中止嘔吐口臭

蓮子寒主五藏不足傷中氣絕利益十二經  
脉二十五絡益血氣食之心歡止渴去熱補

中養神除百病久服輕身耐老延年  
藕寒主補中益氣力養精神除目病久服輕

身耐老不飢延年

雞頭實主補中愈百病益子精強志明目  
菱實平主安中補藏令人不飢

芋平主寬緩腹胃除死肌令人悅澤  
樛寒主補五臟明耳目利關節通血脉益精

神久食不飢變白髮  
枸杞味苦寒主五內邪氣熱中消胃腸氣除  
客熱風痺堅筋骨強陰利大小腸補虛損明

目益精氣久服輕身耐寒暑  
葵味甘寒宜脾久食利骨氣為百菜主

竹筍味甘寒主消渴利水道益氣力不可久  
食

首蓿味苦寒利五藏輕身去脾胃邪氣諸熱  
毒不可久食瘦人

薺味甘溫主利肝藏和中明目服丹石人不  
可多食

蔓菁味苦溫主消食下氣利五藏輕身益氣  
蘿藦寒利五藏輕身益氣根消食下氣除五

藏中風鍊五藏中惡氣服之令人白淨細肌  
理美顏色制麩毒

白苣味苦寒主補筋力利五藏通經脉令人

齒白聰明少瘡  
葱白味辛溫平冬月食之甚益人不可多食  
虛人葱青葉溫歸肉除肝邪安中利五藏益

目精殺百藥毒  
薤味苦辛宜心歸骨除寒熱去水氣溫中散

結氣輕身耐老學道人長服之通神安魂益  
氣力續筋骨

韭味辛酸溫歸心宜肝可久食安五藏不利  
病人

荏子味辛主欬逆下氣溫中補髓葉調中却  
臭氣

紫蘇下氣除寒中  
薄荷味苦平却腎氣解勞之新病人不宜食

荊芥味苦溫辟邪氣除勞不宜久食  
蘭香溫主消食去停水散毒氣

苧蒿味辛平主安心氣養脾胃消飲食不可  
頻食

香薷味辛溫散水腫止霍亂去熱風不可多  
食

苦菜味苦寒主五藏邪氣久服安心益氣少

卧輕身不老耐飢

藍菜平主填骨髓利五藏調六府理經絡結氣明耳目使人骨健少睡益心力久食大益人

生薑温去痰下氣去胃中臭氣通神明散煩

悶開胃口

水芹寒養神益力令人肥健殺百藥毒

白蒿今青蒿也味辛主補中益氣養五藏長毛髮

今黑久服輕身不老

小薊根味甘温主養精保氣令人肥澤

野苳寒久食輕身少睡調十二經脉利五藏

宜熱氣長食甚益人

烏芹温主心腹滿下氣消食能調味甘香美

决明平主明目輕身利五藏

牛蒡寒主去熱風頭面煩滿四支不遂通十二經脉久服輕身十五

二經脉久服輕身

菠菘寒主利五藏通腸胃服丹石人食之甚

良

朱蒼達平主補中下氣利五藏

白黍米味甘辛温宜肺主補中益氣

秠米味甘辛苦主心煩止渴益氣斷下利平胃氣長肌肉

倉粳米主補中益氣堅筋骨通血脉

炊飯水浸令酸食之緩五藏六府氣

白粳米味甘寒除胃中客熱移易五藏六府

續筋骨可長食之

粟米味鹹寒主養腎氣去骨痺熱中益氣力

陳者止利歷丹石毒

胡麻味甘主益力氣長肌肉填骨髓堅筋骨

治金瘡止痛久服輕身長年

桑豆味甘酸主虛羸補五內虛之益氣安精

神行十二經脉食之脾厚肚實尤可長食之

大麥味鹹寒宜心主消渴除煩熱益氣調中

久食頭不白

穠麥味甘寒主輕身除熱久食令人多力健

行五穀之中穠麥為上

小麥味甘寒主養肝氣去寒熱止渴煩補中

益氣和五藏調經絡

薏苡仁味甘温主筋急拘攣久風濕痺下氣

久服輕身益氣除筋骨中邪氣利腸胃消水

腫令人能食

稗米味甘平主益氣補中利脾胃氣

白豆平補五藏益中助十二經脉可長食之

飴糖味甘温主補虛之益心力止渴治喉咽

痛除唾血

月宜篇應十

思仙問曰嘗聞月宿所宜食者願賜其法

真人曰每月宿下各有所宜之物人若擇而

食之亦可除其疾疹矣今傳於子亦可曉示

將來

養生論云正月卯日食鯽魚使人無瘟病

二月春分食龜使人不疳子孫畜息

三月宿畢食鮪魚使人不隨美色多氣力送

迎各二日

春三月食大肉又先酸麥無齒病因甲乙以

具

四月宿昂食雞使人目明

五月夏至食鳴鵙送迎各二日食鳴梟送迎

十日

六月宿房食野雉使人陽多遂子孫矣

夏三月食雞雉及苦先麥食之無癰病因丙丁以具

七月食蠹使人宜子孫送迎各二日蠹木蝎也

八月秋分食蠹使人無病淫衆人畏之送迎

二日

九月宿建星食鴈使人不病癰得良辰美筋骨送迎二日

秋三月食馬肉及辛食之無寒病因庚辛以具

十月宿管室食諸鳥使人爍心益壽美色送迎二日

十一月冬至食兔令人不蛸利足不僵

十二月臘夜令人持椒卧井傍無與人言內椒井中除瘧病

冬三月食鼠及鹹食之無足病因壬癸以具常以其月不盡三月夕半食者無飽

修真秘錄

三元延壽家寶書序

深一

達為良相未達為良醫先正語也輔佐天子使膏澤沐於黎庶宰相之職體國惠民使疾苦轉為歡欣醫者之事然苟德澤所加刀圭所濟止於暫而不傳於久則不足以稱良之名惟夫利用厚生天下自任制禮作樂布在方冊千萬世之下受其賜者如親見臯夔稷契伊周明脉病證治而密知井俞榮經合而針具載方書千萬世之下受其惠者如親見雷公歧伯附命倉扁此醫相之所以為良也

歟余自福建道奉詔入覲遠塗頓疾屢藥未應至饒州石門聞池州建德有儒醫李澄心疾馳以召至而診曰可謂果一藥愈他日論養生術曰已撰集三元延壽家寶書五卷救急方一集欲錄諸梓以為天朝躋民壽域之助觀其書則奇而法其用心活人如此可謂醫之良者矣余嘉之就成其志以壽其傳衛生者宜爭先快觀云至元辛卯冬仲上澣榮祿大夫福建等處行尚書省平章政事唐兀解序

天壽不貳修身以俟之學者事也是編所載皆懲忿窒欲之類其亦修身之要歟錄之梓以廣其傳讀者其勿以淺近而忽之至元四年戊寅良月望日亞中大夫嘉興路總管兼管內勸農事和元承跋

余友李澄心曩昇母數百里外適母家多難以藥活二十八人時未深乎醫嘗以倖為慊求正於余余敬愛之為無隱焉然其天性穎悟有言必覺又心不苟取不倦醫以是活人也多皓首相逢曰醫之功大矣然耳目所及焉得人人而濟之伊欲咸知自衛使疾寡而不扶脉藥可乎出書以示觀之真衛生寶也就為校正勉以錄梓曰子自是遇矣謾記歲月至元辛卯良月日廬山近訥葉應和跋澄心老人作三元參贊書以示余觀其自叙云他書可有也可無也此書可有也必不可無也初則疑焉及及復讀之始如救粟之甘非識正味者不嗜也自後世金丹吐納熊經鳥伸之說行其視上古聖人所謂法於陰陽和於術數起居有常不妄作勞者漠然而不

加省舉世皆然也。今是書之作傳聞有異首以三元一定之數為綱繼以起居飲食之節為目凡經書之要有傳記之附載方書之禁忌卦畫之圖說條列章灼使人曉然於日用之間而每致夫戒慎之心使物欲之伐不行於內六氣之沴不乖於外則心平氣和盎然如四時之春薰陶涵養以求合乎古道之自然所謂三元之壽者庶可冀其髣髴也。詩云遡洄從之道阻且長遡游從之宛在水中央。則是書之謂矣。所謂必不可無者豈妄言哉。澄心求跋綴此數語於後云。至元壬辰春既望竹居道人姚轍書。

大哉言乎非取中庸所謂贊化育參天地者乎。天地以生生為心人能助天地之生生則可與天地並立而為三。此吾道大功用也。天下固無二道。然醫家者流本無是言。非儒而醫者奚足以知之。世俗業醫名為活人其實常欲其術之售或盼眈然惟恐眾生之不病。今澄心之書顧乃切切然惟恐眾生之有病。自今家有是書人用是說各自愛其天地父母之身則亦無所事於醫矣。眾人之醫以醫為功澄心之醫獨以無病可醫為功。切意神聖工巧雖若秦越人傳于意華佗猪澄輩論其用心猶恐未及於是。仁矣哉澄心之為心也。書有諸公題跋乃復微于同府一語以模寫其心事予不能作醫家語輒以儒家語繫其後。至元甲午立冬豫意周天嘆書。

終其天年今時之人不然也。以酒為漿以妄為常以慾竭其精以耗散其真不知持滿不時御神務快其心逆於生樂故半百而衰也。又曰知之則強不知則老知則耳目聰明身體輕健老者復壯壽命與天地無窮此僕養生延壽之書所由作歟。所謂養生者既非壚鼎之訣使憚於金石之費者不能為又非吐納之術使牽於事物之變者不暇為郭橐駝有云馳非能使木壽且孳也以能順木之天而致其性焉耳。僕此書不過順夫人之天皆日用而不可缺者故他書可有也可無也。此書則可有也必不可無也。僕生甫二周而生母遷于淮比壯失所在哀號奔走淮東西者凡三年天憫其衷見毋於斲之羅田自是歲一涉淮一日道出龐居士舊址遇一道人綠髮童顏問其姓曰官也問所之曰採藥與語移日清越可喜同宿馬道入夜坐達旦問其齒九十餘矣詰其所以壽曰子聞三元之說乎時勿勿不暇扣後十年戊辰試太學至禮部少憇飛來峯下忽復遇其人貌不減舊始

異之携手同飲因詰向語道人曰此常理耳  
 余稽首請之曰人之壽天元六十地元六十  
 人元六十共一百八十歲不知戒慎則日加  
 損焉精氣不固則天元之壽減矣謀為過當  
 則地元之壽減矣飲食不節則人元之壽減  
 矣當寶晉而不知所愛當禁忌而不知所避  
 神日以耗病日以來而壽日以促矣其說皆  
 具見於黃帝歧伯素問老聃莊周及名醫書  
 中其與孔孟無異子歸以吾說求之無他術  
 也復為余細析其說且遺以二圖余再拜謝  
 蚤夜以思之前之所為其可悔者多矣於是  
 以其說搜諸書集而成編以自警焉僕年七  
 十父年且九十一矣蒙恩免役侍奉他無以  
 仰報明時願錄諸梓與眾共之庶讀者詳焉  
 不敢以父母遺體行殆安樂壽考以泳太平  
 似於天朝好生之德不為無補云岢至元辛  
 卯歲菊月吉旦九華澄心老人李鵬飛序

三元延壽參贊書卷之一

九華澄心老人李鵬飛集

人說

天地之間人為貴然囿於形而莫知其所由  
 貴也頭圓象天足方象地目象日月毛髮肉  
 骨象山林土石呼為風呵為露喜而景星慶  
 雲怒而雷霆迅雷血液流潤而江河淮海至  
 於四肢之四時五臟之五行六腑之六律若  
 是者吾身天地同流也豈不貴乎按歲教父  
 母及子相感業神入胎地水火風眾緣和合  
 漸得生長一七日如藕根二七日如稠酪三  
 七日如鞋襪四七日如温石五七日有風觸  
 胎名攝提頭及兩臂脛五種相現六七日有  
 風名旋轉兩手足四相現七七及八七日手  
 足十指二十四相現九七日眼耳鼻口及下  
 二穴大小便處九種相現十七日有風名普  
 門吹令堅實及生五臟十一七日上下氣通  
 十二七日大小腸生十三七日漸知飢渴飲  
 食滋味皆從臍入十四七日身前身後左右  
 二邊各生五十條脉十五七日又生二十條

脉一身之中共有八百吸氣之脉至是皆具  
 十六七日有風名甘露安置兩眼通諸出入  
 息氣十七七日有風名毛拂能令眼耳鼻口  
 咽喉胃臆一切合入之處皆得通滑十八七  
 日有風名無垢能令六根清淨十九七日眼  
 目鼻舌四根成就得三種報曰身命意二十  
 七日有風名堅固二脚二手二十指節至一  
 身二百大骨及諸小骨一切皆生二十一七  
 日有風名生起能令生肉二十二七日有風  
 名浮流能令生血二十三七日生皮二十四  
 七日皮膚光悅二十五七日血肉滋潤二十  
 六七日髮毛爪甲皆與脉通二十七七日髮  
 毛爪甲悉皆生就二十八七日生屋宇園池  
 河等八想二十九七日各隨自業或鰲或白  
 三十七日鰲白相現三十一七日至三十四  
 七日漸得增長三十五七日肢體具足三十  
 六七日不樂佳腹三十七日生不淨臭穢  
 黑暗三想三十八七日有風名藍花能令長  
 伸兩臂轉身向下次有趨下風能令足上首  
 下以向生門是時也萬神必唱恭而生男萬



神必唱奉而生女至於五臟六腑筋骨髓腦皮膚血脉精臟水臟二萬八千形影一萬二千精光三萬六千出入八萬四千毛髮莫不各有其神以主之然則人身豈易得哉鞠育之恩又豈淺哉夫以天地父母之恩生此

不易得之身至可貴至可寶者五福一曰壽而已既得其壽則富貴利達致君澤民尤前振後凡所以掀揭宇宙者皆可為也蓋身者親之身輕其身是輕其親矣安可不知所守以全天與之壽而有以盡事親之大乎或曰嬰孺之流天真未割禁忌飲食又無所犯有至天枉者何歟曰此父母之過也為父母者或陽盛陰虧或陰盛陽虧或七情鬱於內或八邪襲於外或母因胎寒而餌煖藥或父以陰萎而餌丹藥或胎元既充淫慾未已如花傷培結子不實既產之後稟賦怯弱調養又失其宜驕惜太過睡眠既濃尚令咀嚼火悶既煖猶令飲酌厚衾重覆且令衣着撫背拍衣風從內作指物為虫驚因戲謔危坐放手我笑堪惡欲令喜笑肋脇指靛雷鳴擊鼓且

與掩耳眠卧過時不令早起飲食飽餒不與戒止睡卧當風恐嚇神鬼如此等事不一而已斯言也演山省翁之至言也父母者因是而鑒之則後嗣流芳同此一壽豈不偉歟

天元之壽精氣不耗者得之

男女居室人之大倫獨陽不生獨陰不成人道有不可廢者莊周乃曰人之可畏者杜席之間不知戒者過也蓋此身與造化同流左為腎屬水右為命門屬火陽生於子火實藏之猶北方之有龜蛇也膀胱為左腎之腑三焦為右腎之腑三焦有脂膜如掌大正與膀胱相對有二白脉自中而出夾脊而上貫於腦上焦在膻中內應心中焦在中脘內應脾下焦在臍下即腎間動系分布人身方其湛寂慾念不興精系散於三焦榮華百脉及慾想一起慾火熾然翕撮至焦精氣流溢並從命門輪焉而去可畏哉嗟夫元炁有限人慾無涯火生於木禍發必剋尾閭不禁滄海以竭少之時血炁未定既不能守夫子在色之戒及

其老也則當寡慾關心又不能明列子養生之方吾不知其可也麻衣道人曰天地人等列三才人得中道可以學聖賢可以學神仙況人之數於天地萬物之數但今之人不修人道貪愛嗜慾其數消滅只與物同也所以有老病夭殤之患鑒乎此必知所以自重而可以得天元之壽矣

慾不可絕

黃帝曰一陰一陽之謂道偏陰偏陽之謂疾又曰兩者不和若春無秋若冬無夏因而和之是謂聖度聖人不絕和合之道但貴於閉密以守天真也

素女曰人年二十者四日一泄三十者八

日一泄四十者十六日一泄五十者二十

日一泄此法語也所稟者厚飲食多精力

長雖隨頃隨滿猶懼其竭也若所稟者薄元氣本弱又食減精耗損強而為之是怯

道以劇虎牙耳

素女曰人年六十者當閉精勿泄若氣力

尚壯盛者亦不可強忍久而不泄致生癱

疾

彭祖曰男不可無女女不可無男若念頭真正無可思者大佳長年也又曰人能一月再泄精一歲二十四泄得壽二百歲名醫論曰慾慾無窮所願不得意淫於外為白淫而下因是入房太甚宗筋縱弛

書云男子以精為主女子以血為主故精盛則思室與感則懷胎若孤陽絕陰獨陰無陽慾心熾而不遂則陰陽交爭乍寒乍熱久而為勞雷家子唐清齋發于陰至爛而不可泄也史記濟北王侍人韓女病腰背痛寒熱倉公曰病得之欲男子不可得也

慾不可早

齊大夫褚澄曰羸女則養血宜及時而嫁弱男則節色宜待壯而婚  
書云男破陽太早則傷其精炁女破陰太早則傷其血脉  
書云精未通而御女以通其精則五體有不滿之處異日有難狀之疾  
書云未笄之女天癸始至已近男色陰炁早泄未完而傷

書云童男室女積想在心思慮過當多致苛損男則神色先散女則月水先閉  
慾不可縱  
黃庭經曰長生至慎房中急何為死作令神泣

彭祖曰上士異牀中士異被服藥千裹不如獨卧  
老君曰情慾出於五內寃定寃靜生也情慾出於腎臆精散神感死也

彭祖曰羨色妖麗嬌妾盈房以致虛損之禍知此可以長生  
陰符經曰淫聲羨色破骨之斧鋸也世之人若不能秉靈燭以照迷情持慧劍以割愛慾則流浪生死之海害生於恩也  
全元起曰樂色不節則精耗輕用不止則精散聖人愛精重施髓滿骨堅

書云年高之時血氣既弱覺陽事輒感必慎而抑之不可縱心竭意一度不泄一度火滅一度火滅一度增油若不制而縱情則是膏火將滅更去其油

莊子曰嗜慾深者其天機淺  
春秋秦醫和視晉侯之疾曰是謂近女室非鬼非食惑以喪志公曰女不可近乎對曰節之  
玄樞曰元氣者腎間動氣也右腎為命門精神之所舍愛惜保重榮衛周流神氣不竭可與天地同壽

元氣論曰嗜慾之性固無窮也以有極之性命逐無涯之嗜慾亦自斃之甚矣  
仙經云無勞爾形無搖爾精歸心靜默可以長生經頌云道以精為寶寶持宜秘密

仙人則生人留已則生已結嬰尚未可何況空廢棄棄損不覺多衰老而命墜  
仙書云陰陽之道精液為寶謹而守之後天而老  
書云聲色動蕩于中情愛牽纏心有念動有着晝想夜夢馳逐於無涯之慾百靈疲役而消散宅舍無寶而傾頽  
書云恣意極情不知自惜虛損生也譬如枯朽之木遇風則折將潰之岸值水先頽

苟能愛惜節情亦得長壽也

書云腎陰內屬於耳中膀胱脉出於目眇

目盲所視耳閉厥聰斯乃房之為患也

書云人壽天在於搏節若將息得所長生

不死恣其情則命同朝露

書云慾多則損精人可保者命可惜者身

可重者精肝精不固目眩無光肺精不交

肌肉消瘦腎精不固神氣減少脾精不堅

齒髮浮落若耗散真精不已疾病隨生死

亡隨至

神仙可惜許歌曰可惜許可惜許可惜元

陽宮無主一點既隨灑色如百神泣送精

光去三尸喜七鬼怒血敗氣衰將何補尺

宅寸田屬別人玉璣丹竈阿誰主勸世人

休戀色戀色貪淫有何益一神去後百神

離百神去後人不知幾度待說說不得臨

時下口泄天機

慾不可強

素問曰因而強力腎氣乃傷高骨乃壞註

云強力入房也強力入房則精耗精耗則

腎傷腎傷則髓氣內枯腰痛不能俛仰

黃庭經云急守精室勿妄泄閉而實之可

長活

書云陰痿不能快慾強服丹石以助陽腎

水枯竭心火如焚玉臆乾燥消渴立至近

日少水不能滅  
或火或為瘡瘍

書云強勉房勞者成精極體瘦冠羸驚悸

夢泄遺瀝便濁陰痿小腹裏急面黑耳聾

真人曰養性之道莫強所不能堪爾抱朴  
子曰才不逮強思之力不勝強舉之傷也  
甚矣強之一字真哉生伐壽之本夫飲食  
所以養生者也然使醉而強酒飽而強食

未有不疾以害其身況慾乎慾而  
強元精去元神離元氣散戒之

慾有所忌

書云飽食過度房室勞損血氣流溢滲入

大腸時便清血腹痛病名腸癖

書云大醉入房氣竭肝傷丈夫則精液衰

少陰痿不起女子則月事衰微惡血淹留

生惡瘡

書云然燭行房終身之忌

書云忿怒中盡力房事精虛氣節發為癰

疽恐懼中入房陰陽偏虛發厥自汗盜汗

積而成勞

書云遠行疲乏入房為五勞虛損

書云月事未絕而交接生白駁又冷氣入

內身面萎黃不產

書云金瘡未差而交會動於血氣令瘡敗

壞

書云忍小便入房者得淋莖中痛面失血

色或致胞轉臍下急痛死

書云或新病可而行房或少年而迷老世

事不能節減妙藥不能頻服因茲致患歲

月將深直待肉盡骨消返寃神鬼故因油

盡燈滅髓竭人亡漆油燈壯補髓人強何

干鬼老來侵總是自招其禍

書云交接輪寫必動三焦心脾腎也動則

熱而慾火熾因入水致中焦熱鬱發黃下

焦氣勝額黑上焦血走隨痰熱行於大便

黑澹男女同室而浴者多病此

書云服腦麝入房者闕竅開通真氣走散

重則虛眩  
輕則瀉瀉

本草云多食胡行房傷肝面無光

書云入房汗出中風為勞風

書云赤目當忌房事免內障

書云時病未復作者舌出數寸死三國志

已差華陀視脉曰尚虛未復勿為勞事色復即死死當舌出數寸其妻從百里外省之止宿交採三日病發一如陀言可畏哉

慾有所避

孫真人曰大寒與大熱且莫貪色慾

書云凡大風大雨大霧雷電霹靂日月薄

蝕虹霓地動天地昏冥日月星辰之下神

廟寺觀之中井竈園廁之側塚墓屍柩之

傍皆所不可犯若犯女則損人神若此時

受胎非止百倍損於父母生子不仁不孝

多疾不壽

唐魏證令人勿犯長命及諸神降日犯淫

者促壽及保命訣所載

朔日減一紀望日減十年晦日減一年十五

初八土弦二十三下弦三元減五年二

分二至二社各四年庚申甲子本命減

二年正月初三萬神都會十四十六三

官降二月二日萬神會三月初九牛鬼

神降犯者百日中惡四月初四萬佛善

化犯之失瘡初八夜善惡童子降犯者

血死五月三箇五日六日七日為九毒

日犯者不過三年十月初十夜西天王

降犯之一一年死十一月一十五日掠剝

大夫降犯之短命十二月初七夜犯之

惡病死二十日天師相交行道犯之促

壽每月二十八人神在陰四月十月陰

陽純用事已上日辰犯淫且不可況婚

姻手按庚申論曰古人多盡天教今人不終天年何則以其間知避慎肆

情恣色暗犯禁忌陰司減其齡華能及百歲者幾何人哉蜀王孟昶納張麗華

於觀側一夕迅雷電火張氏墮道士李苦冲於上元夜見羅上有朱覆水冠之甚

士面北而立廊下羅列罪人女子甚苦白其師唐洞師曰此張麗華也昔

寵幸於此繫續高真所致由是觀之天地間禁忌不可犯也

嗣續有方

建平孝王妃姬等皆麗無子擇良家未笄

女入內又無子問褚澄曰求男有道乎澄

曰合男女必當其年男雖十六而精通必

三十而娶女雖十四而天癸至必二十而

嫁皆欲陰陽完實然後交合合而孕孕而

生育而子壯強壽今也不然此王之所以

無子也王曰善未再暮生六男

書云丈夫勞傷過度腎經不煖精清如水

精冷如冰精泄聚而不射皆令無子近訥

精悉傷敗

書云女人勞傷氣血或月候愆期或赤白

帶下致陰陽之氣不和及將理失宜食飲

不節乘風取冷風冷之氣乘其經血結於

子臟皆令無子

書云月候一日至三日子門開交則有子

過四日則閉而無子又經後一日三日五

日受胎者皆男二日四日六日受胎者皆

女過六日胎不成

凌雷花凡居忌種此婦人聞其氣不孕

妊娠所忌

產書云一月足厥陰肝養血不可縱怒疲

極筋力冒觸邪風二月足少陽膽合於肝

不可驚動三月手心主右腎養精不可縱

慾悲哀觸胃寒冷四月手少陽三焦合腎

不可勞逸五月足太陰脾養肉不可妄思

飢飽觸胃卑濕六月足陽明胃合脾不得  
雜食七月手太陰肺養皮毛不可憂鬱斗  
呼八月手陽明大腸合肺以養氣勿食燥  
物九月足少陰腎養骨不可懷恐房勞觸  
胃生冷十月足太陽膀胱合腎以太陽為  
諸陽主氣使兒脉縷皆成六腑調暢與母  
分炁神炁各全俟時而生所以不說心者  
以心為五臟主如帝王不可有為也若將  
理得宜無傷胎臟又每月不可針灸其經  
如或惡食但以所思物與之食必愈所忌  
之物見食物門中

太公胎教云母常居靜室多聽美言講論  
詩書陳說禮樂不聽惡言不視惡事不起  
邪念今生男女福壽敦厚忠孝兩全

演山翁云成胎後父母不能禁慾已為不  
可又有臨產行淫致其子頭戴白被而出  
病夭之端也

### 嬰兒所忌

書云兒未能行母更有娠兒飲妊乳必作  
魘病黃瘦骨立發熱髮落

書云小兒多因缺乳喫物太早又母喜嚼  
食喂之致生病羸瘦腹大髮豎萎困  
養子直訣云喫熱莫喫冷喫軟莫喫硬喫  
少莫喫多法也  
書云毋淚勿墮子目中令目破生翳  
鎖碎錄云小兒勿令指月生月蝕磨勿令  
就瓢及瓶中飲水令語訥又衣服不可夜  
露

### 三元延壽參贊書卷之一

### 三元延壽參贊書卷之二

深三

九華泄心老人李鳳飛集

地元之壽起居有常者得之

人之身仙方以屋子名之耳眼口鼻其總  
牖門戶也手足肢節其棟梁椽桶也髮毛  
體膚其壁瓦垣牆也曰氣樞曰血室曰意  
舍曰倉廩玄府曰泥丸絳宮曰紫房玉闕  
曰十二重樓曰貫門曰飛門曰玄牝等門  
蓋不一也而有主之者焉今夫屋或為暴  
風疾雨之所飄搖蝨虫蟻蠹之所侵蝕或  
又為鼠竊狗盜之所損壞苟聽其自如而  
不之檢則日積月累東傾西頽而不可處  
矣蓋身者屋也心者居屋之主人也主人  
能常為之主則所謂牖戶棟椽垣壁皆完  
且固而地元之壽可得矣

### 養生之道

老子曰人生大期百年為限節護之者可  
至千歲如膏之小炷與大耳眾人大言而  
我小語眾人多煩而我少記眾人悻暴而  
我不怒不以人事累意漠然無為神氣自



悲哀則傷志毛悴色夭竭絕失生近謂云因悲而氣耗不行所以心糸急而消矣夫心王志腎藏志悲屬商因悲甚則失精陰火俱離神精喪亡矣

思慮

黃帝曰外不勞形於事內無思想之患以

恬愉為務以自得為功形體不敝精神不散可壽百數也

彭祖曰凡人不可無思當漸漸除之人身虛無但有遊氣氣息得理百病不生又曰道不在煩但能不思衣不思食不思聲色

不思勝負不思失得不思榮辱心不勞神不極但爾可得千歲

庚桑楚曰全汝形抱汝生無使汝思慮營營

靈樞曰思慮怵惕則傷神神傷則恐懼自

失破惘脫肉毛悴色夭

書云思憂過度恐慮無時鬱而生涎涎與氣搏升而不降為憂氣勞思食五噎之病

書云思慮則心虛外邪從之喘而積氣在中時害於食又云思慮傷心為吐衄為髮

焦

書云謀為過當食飲不敵養生之大患也

諸葛亮遺使至司馬管懿不問戎事但以飲食及事之繁簡為問使答曰諸葛公夙興夜寐罰二十以上皆親覽馬飲食不數升懿曰孔明食少事煩其能久乎後果然矣

張承節云勞經言瘵證有虫患者相繼決無是理只譬如俗言昔有一不曉事人嘗

陰與一女人情密忽經別離念念不舍失寐忘食便覺形容瘦悴不償所願竟為沉

痾  
士人有觀書忘食一日有衣紫人立前曰公不可久思思則我死矣問其何人曰我

殺神也於是絕思而食如故蓋思則氣結而氣血俱虛疾至天枉也

憂愁

靈樞曰內傷於憂怒則氣上逆上逆則六

輸不通溫氣不行凝血蘊裏而不散津液滲著者不去積遂成矣

書云憂傷肺氣閉塞而不行又云遇事而憂不止遂成肺勞胸膈逆滿氣從胸達背

隱痛不已

書云憂愁不解則傷意恍惚不寧四肢不

耐

書云當食而憂神為之驚夢寐不安

書云女人憂思哭泣令陰陽氣結月水時

少時多內執苦疑色惡肌體枯黑

書云深憂重悲寢息失時傷也

驚恐

書云因事而有大大驚恐不能自造膽悉不

壯神寃不安心虛煩悶自汗體浮食飲無味

書云恐懼不解則精傷骨瘦痰癡精神時自下五臟失守陰虛氣弱不耐

書云驚則心無所倚神無所歸慮無所定氣乃亂矣

書云大恐傷腎恐不除則志傷恍惚不樂非長生之道

書云驚恐憂思內傷臟腑氣逆於上則吐血也

書云恐則精却却則上焦閉閉則氣逆逆

則下焦脹氣乃不行有婦人累日不產以坐草太早恐懼氣結  
而然遂與紫蘇藥破氣方持下

書云臨危冒險則魂飛戲狂禽異獸則神恐

淮南子曰大怖生狂

高逢辰表姪嘗游惠山暮歸遇一巨人醉卧寺門驚悸不解自是便溺日五六十次

心小勝受感府也因驚而心火散夫心寒腎冷而然其傷心傷腎之驗

有朝貴坐寺中須臾雷擊坐後柱且碎而神色不動又有使高麗者遇風橋折舟人

大恐其人恬然讀書如在齋閣苟非所守如此則其

烏疾當何如耶

憎愛

老子曰甚愛必大費多藏必厚亡知足不辱知止不殆可以長久甚愛色費精神甚受財遇禍患所愛

若少所費者多惟知足知止則身可不辱而不危也故可長久

書云憎愛損性傷神心有所憎不用深憎常運心於物平等心有所愛不用深愛如

覺偏頗尋即改正不然損性傷神

書云多好則專迷不理多惡則憔悴無權

戕生之斧也

淮南子曰好憎者使人心勞弗疾去則志氣日耗所以不能終其壽

視聽

老子曰五色令人目盲五音令人耳聾

彭祖曰淫聲哀音怡心悅耳以致荒耽之感知此可以長生

孔子曰非禮勿視非禮勿聽

孟子曰伯夷目不視惡色耳不聽惡聲

孫真人曰生食五辛接熱食飲極目遠視夜讀註疏久居煙火博奕不休飲酒不已

熱飧麵食抄寫多年雕鏤細巧房室不節泣淚過多月下觀書夜視星月刺指頭出血多日沒後讀書數向日月輪看極目瞻

視山川草木馳騁田獵冒涉風霜迎風追獸日夜不息皆喪明之由慎之

書云心之神發乎目久視則傷心腎之精發乎耳久聽則傷腎

書云耳聾淫聲目好美色口嗜滋味則五臟搖動而不定血氣流蕩而不安精神飛

馳而不守正氣既散淫邪之炁乘此生疾

叙書云久視日月星辰損目路井莫顧損壽故井及水瀆勿塞令人目盲耳聾翫殺

看闔則氣結

書云五色皆損目惟皂糊屏風可養目力

淮南子曰五色亂目使目不明五聲譁耳使耳不聰又曰耳目曷能久重勞而不息

乎有年八十餘眸子瞭然夜讀蠅頭字云別

不服藥但自小不食畜獸肝人以本草羊

肝明目而疑之余曰羊肝明目性也他肝聚於肝肝主血不宜於目明矣

疑惑書云疑惑不已心無所主正氣不行外邪

千之失寐忘飧沈沈默默氣血以虛漸為虛勞

春秋魯侯有疾秦醫和視之曰不可為也疾如蠱

趙孟曰何謂蠱對曰淫溺感亂之所生也

於文皿蟲為蠱在易女惑男風落山謂之



蠱其卦巽下艮上巽為長女為風艮為少男為山少男而悅長女非匹故感山木得風而落也

國史補云常疑必為心疾李蟠常疑遇毒鎖井而飲心靈府也為外物所中終身不痊多疑惑病之本也昔有飲廣容酒者壁有雕弓影落盃中容疑其蛇也歸而疾作復再飲其地始知其為弓也遂愈又僧入暗室踏破生茄疑為物念念不釋中夜有扣門索命者僧約明日薦拔天明視之茄也疑之為害如此

談笑

老子曰塞其兌閉其門終身不勤開其兌濟其事終身不救謂目不妄視口不妄言終身不勤苦若目視精慾又益其事則沒身不可救矣  
書云談笑以惜情忝為本多笑則腎轉腰疼  
書云多笑則神傷神傷則悒悒不樂恍惚不寧

書云多笑則臟傷臟傷則膈腹痛久為氣損

真人云人若不會將理者只是多說話戒多言損氣以全其壽也

書云呼叫過常辯爭問答冒犯寒暄恣食鹹苦肺為之病矣

書云行語令人失氣語多須住乃語津唾

真人曰常習不唾地蓋口中津液是金漿玉醴能終日不垂常舍而嚙之令人精氣常留面目有光

書云養性者唾不至遠則精氣俱損久成肺病手足重皮毛麤澁脊痛咳嗽故曰遠唾不如近唾近唾不如不唾

書云唾者溢為醴泉聚流為華池府散為津液降為甘露注臟潤身宣通百脉化養萬神肢節毛髮堅固長春

書云人骨節中有涎所以轉動滑利中風則涎上潮咽啞袞響以藥壓下俾歸骨節可也若吐其涎時間快意枯人手足縱活

亦為廢人小兒驚風亦不可吐涎也

有人喜唾液乾而體枯遇至人教以回津之法久而體復潤蓋人身以滋液為本在皮為汗在肉為血在骨為精在口為津伏脾為痰在眼為淚曰汗曰血曰淚曰精此既出則皆不可回惟津唾則獨可回則生意又續續矣滋液者吾身之寶金丹訣曰實聚則為富家翁實散則為孤貧客

起居

廣成子曰無勞爾形無搖爾精乃可以畏

生所謂無勞者非若飽食坐卧兀然不動使經絡不通血氣凝滯但不必提重執輕兀兀終日無致精力疲極則妙矣

莊周曰人有畏影惡迹而走舉足愈數而迹愈多走愈疾而影不離身自以為尚遲疾走不休絕力而死不知處陰以休影處靜以息迹愚亦甚矣十一

書云勇於敵則殺勇於不敢則活蓋敢於有為即殺身不敢有為則活其身也

書云起居不節用力過度則絡脉傷傷陽則切傷陰則下

書云起居不時食飲不節者陰受之而入五臟填滿拍寒為殮泄為腸癖賊風虛邪者陽受之而入六腑身熱不得卧上為喘呼

書云精者神之本氣者神之主形者氣之宅神太用則歇精太用則竭氣太勞則絕書云甚勞則喘息汗出損血耗氣

行立

書云久行傷筋勞於肝久立傷骨損於腎養生云行不疾步立不至疲立勿背日

書云奔及走馬大動其氣氣逆於膈未散而又飲水水搏於氣為上逆

書云水有沙風處勿浴勿渡當隨牛馬急渡之不傷人水中又有水弩射人影即死以物打水令弩散急渡吉

書云行汗勿跛床懸脚久成血痺足痛腰疼

真人曰夜行常啄殺鬼邪沈存中筆談草間有黃花蜘蛛名天蛇遭其螫仍濡露則病如癩通身潰爛露涉者

慎之

書云大霧不宜遠行宜飲少酒以禦霧瘴昔有早行三人一食粥而病一空腹而死一飲酒而健酒能壯氣解霧瘴也

書云久坐傷肉久卧傷氣坐勿背日勿當

風濕成勞坐卧於塚墓之傍精神自散

書云卧出而風吹之血凝於膚為痺凝於脉為血行不利凝於足為厥

書云燭燈而卧神魂不安卧宜側身屈膝不損心氣覺宜舒展精神不散舒卧招邪

魅孔子云寢不尸云書云寢不得言語五臟如懸磬不懸不可

發聲孔子云寢不言書云卧勿以脚懸踏高處久成腎水虛損足冷

書云卧不可戲將筆墨畫其面魂不歸體書云卧寢不語是魂魄外遊為邪所執宜

暗喚忌以火照照則神魂不入乃至死於燈前寢者本由明出不忌火並不宜近喚及急喚亦恐失伸寃也

書云卧處頭邊勿安火爐日久引火氣頭重目赤鼻乾發腦癱瘡瘡

書云卧習閉口氣不失邪不入若張口久成消渴失血色又夜卧勿覆頭得長壽濯

足而卧四肢無冷病又醉卧當風使人發

瘡醉卧黍穰中發瘡患大風肩墮又雷鳴時仰卧星月下俛卧當風中醉卧以人扇

之皆不可也

隱居云卧處須當傍虛歇烘焙衣衾常損人

書云飽食即卧久成氣病腰痛百病不消成積聚

書云汗出不可露卧及浴使人身振寒熱風癩

書云坐卧處有隙風急避之尤不宜體虛年老之人有人三代不壽問彭祖祖觀其寢處果有一允當其腦戶今案之逆得壽蓋障風入耳吹腦則陽炁散頭者諸陽所聚以主生也

沐浴洗面

書云頻沐者氣壅於腦滯於中令形瘦體重久而經絡不通暢

書云飽食沐浴冷水洗頭飲水沐浴熱泔

洗頭冷水濯足皆令人頭風

書云新沐髮勿令當風勿濕髮勿濕頭

則令人頭風眩眼及生白屑髮禿而黑齒

痛耳聾

書云女人月事來不可洗頭或因感疾終

不可治

書云沐浴漬水而卧積氣在小腹與陰成

腎痺

書云炊湯經宿洗體成癖洗面無光作飢

哇瘡

書云頻浴者血凝而氣散體雖澤而氣自

損故有癰疽之疾者氣不勝血神不勝形

也

書云時病新愈冷水洗浴損心胞

書云因汗入水即成骨痺昔有名醫將入

汗河浴醫曰此人必死隨而救之其人入

店中取大蒜細切熱匙洗之食之汗出如

雨醫曰貧下人且知藥

況於富貴乎遂不入蜀

書云盛夏衝熱冷水洗手尚令五臟乾枯

書云遠行觸熱逢河勿洗面生烏肝

閑覽云目疾切忌浴令人目盲白疳良壯

此道良記之七十餘更無眼病

擗髮

真人曰髮多擗去風明目不死之道也又

曰頭髮梳百度

陶隱居云飽則入浴飢則梳擗多浴少益

心目故道家晨梳常

真人曰髮宜多擗手宜在面齒宜數叩津

宜常嚥氣宜精煉此五者所謂子欲

安樂詩云髮是血之餘一日一次梳通血

脉散風瀦鎖碎錄云亂髮藏卧房壁中久

招不祥

書云髮落飲食中食之成癩宋明帝官人

則氣絕徐文宿曰髮癩也以油灌之吐物

長二尺頭已成蛇懸柱上水濯盡惟餘一

髮覆臥言為太常丞有人病心腹滿煩

如瘡診曰誤食髮而然今解雄黃吐一蛇

氣若頭尾全誤食必然

大小便

書云忍尿不便成五淋膝冷成痺忍大便

書云腎小便足膝冷呼氣腎大便腰疼目

暈

書云或飲食或走馬或疾走或為寒熱所

迫令胞轉臍下痛胞屈辟不小便致死

書云大小二事勿強閉抑忍又勿失度或

遊或滑皆傷氣害生為禍甚速劉惟簡至

人服金花丸以縮小便藥把吐服眼三日

小便極少至蜀州放腫通腫蓋放閉却水

道水滋安行不退盧和幾為所誤蓋水泉

小止者勝脫不藏也宜服燥劑以攝水其

可強止

鎖碎錄云對三光便溺及向西北並損人

年壽

書云春冰未泮衣欲下厚上薄春陽收陰

繼世長生

書云春天不可薄衣傷寒霍亂食不消頭

痛

書云大汗能易衣佳或急洗亦好

書云大汗偏脫衣得偏風半身不遂

書云濕衣汗不可久著發瘡及風癩二腑

不利

書云飲酒汗出脫衣靴襪當風取涼成脚氣

書云冬時綿衣襍褥之類急寒急者急換

急脫

陶隱居云綿衣不用頓加添稍暖又宜時

暫脫

鎖碎錄云若要安樂不脫不着北方語也

若要安樂頓脫頓看南方語也

天時避忌

內經云陽出則出陽入則入無擾筋骨無

見霧露達此三時形乃因薄

經云大寒大熱大風大霧勿胃之天之邪

氣感則害人五臟水穀寒熱感則害人六

腑地之濕氣感則害人皮肉筋脉先賢曰人以一

挫元氣豈可與大造化敵康節有四不出之訓

書云犯大寒而寒至骨髓主腦逆頭痛齒

亦痛

又云不遠熱而熱至則頭痛身熱肉痛生

矣

真人曰在家在外忽逢大風暴雨震雷昏

霧皆是諸龍鬼神經過宜入室燒香靜坐以避之過後方出吉不爾殺人

書忌云朔不可哭晦不可歌招凶

四時調攝

內經曰春三月此謂發陳夜卧早起生而

勿殺逆之則傷肝夏為寒變奉長者少

又曰春傷於風夏必飧泄

書云春夏之交陰雨卑濕或引飲過多令

患風濕自汗體重轉側難小便不利治他

不投惟五

內經曰夏三月此謂蕃秀夜卧早起使志

無怒使氣得泄逆之則傷心秋為痠瘡奉

收者少

陶隱居云四時惟夏難將息伏陰在內腹

冷滑補腎湯割不可無食物稍冷休哺啜

書云夏之一季是人精神之時心肝腎乘化為水至秋而凝冬始堅當不問老少皆食緩物則不患霍亂腹脹百病不作

書云夏冰止可隱映飲食不可打碎食之

入腹冷熱相搏成疾

書云夏至以後迄秋分須慎肥膩餅霍油

酥之屬此物與酒漿瓜菓極理相妨所以多疾者為此也

陶隱居云冷枕涼床心勿喜凡枕冷物大損人目

書云夏不用露卧今皮膚厚成癬或作面

風

書云夏傷暑秋痲瘡忽大寒勿受之患時

病由此

書云暑月日曬處有石不可便坐熱生瘡

冷成疝

書云盛熱帶汗當風不宜過自日中來勿

用冷水沃面成目疾伏熱者未得飲水及

以冷物迫之殺人

書云五六月澤中停水多有魚鱉精飲之

成癩

內經曰秋三月此謂容平早卧早起使志

安寧逆之則傷肺冬為飧泄奉藏者少

書云秋傷於濕上逆而咳發為痿厥又立

秋日勿浴令皮膚癢燥因生白屑又八月

一日後微火煖足勿令下冷

內經曰冬三月此謂閉藏水冰地坼無擾

手陽早卧晚起必待日光去寒就温毋泄

皮膚逆之則傷腎春為痿厥春生者少

書云冬時忽大熱勿受之患時病由此又

曰冬傷於寒春必病温

書云冬時天地閉血氣藏作勞不宜汗出

冷背

書云冬寒雖近火不可令火氣聚不須於

火上烘炙若炙手煖則已不已損血令五

心熱手足應於心也

書云大雪中跣足人不可使以熱湯洗或

隨飲熱酒足趾隨墮又觸寒來寒未解勿

便飲湯食熱物

四氣調神論曰夫四時陰陽者萬物之根

本也所以聖人春夏養陽秋冬養陰與萬

物沉浮於生長之門逆其根則伐其本壞

其真矣故陰陽四時者萬物之終始死生

之本也逆之則災害生從之則苛疾不起

是謂得道故天真論曰有賢人者逆從陰

陽分別四時將從上古合同於道亦可使

益壽而有極時也

旦暮避忌

書云早出合煖生薑少許辟瘴開胃又旦

起空腹不宜見尸臭氣入鼻舌上白起口

臭欲見宜飲少酒

真人曰平明欲起時下床先左脚一日無

災欲去邪兼辟惡如能七星步令人長壽

樂

又清旦常言善事聞惡事則向所來方三

唾之吉

又旦勿噴恚暮無大醉勿遠行

經曰平旦人氣生日中陽氣隆日西陽氣

已虛氣門乃閉是故暮而收拒無擾筋骨

無見霧露遠此三時形乃困薄

書云夜行用手掠髮則精邪不敢近常啖

齒殺鬼邪又夜卧二足伸屈不並無夢泄

真人云夜夢惡不須說旦以水面東嘆之

呪曰惡夢着草木好夢成珠玉吉

有教入廣者曰朝不可虛暮不可實今氣候不齊不獨入廣也

雜忌

書云過神廟勿輕入入必恭謹不宜恣視

吉

書云忽見光怪變異之物強抑勿恠吉伊

官辭多妖有報曰鬼使病曰他執欲尔又

報曰鬼報鼓曰以槌與之范之范文正讀書日

學夜有大面之惟近之范以筆畫其面曰

汝面非常大難欺范仲淹二公不以恠處

之而惟自

誠可為法

書云脂油然燈人神不安在血光之下

書云凡刀刃所傷切勿飲水令血不止而

死若血不止急以布蘸熱湯盪之或冷水

浸之罨生葉止血妙鎖碎錄云簫管掛

壁取之勿便吹恐有蜈蚣師組劉復真赴

仆地叫號可畏但見吹大筒在傍劉知其

蜈蚣入腹刺猪血灌之吐出蜈蚣可不慎

書云凡古井及深窰中多毒氣不可輒入

五六月最甚先下雞鴨毛試之若旋轉不

下是有毒便不可入又云山有孔穴採寶

者惟三月九月餘月山閉氣交死也

三元延壽參贊書卷之二

三元延壽參贊書卷之三

深三

九華澄心老人李鴻飛集

人元之壽飲食有度者得之

黃帝內經曰陰之所生本在五味陰之五  
宮傷在五味扁鵲曰安身之本必資於食

不知食宜者不足以存生鄉黨一篇其載  
聖人飲食之節為甚詳後之人奔走於名  
利而飢飽失宜沈酣於富貴而肥甘之是  
務不順四時不和五味而疾生焉戒乎此  
則人元之壽可得矣

五味

內經曰謹和五味骨正筋柔氣血以流腠  
理以密長有天命

淮南子曰五味亂口使口爽傷也

陶隱居云五味偏多不益人恐隨臟腑成

殃咎五味稍薄今人神爽若稍偏多損傷  
臟腑此五行自然之理初則不覺久  
當為

酸多傷脾肉膈而唇揭故春七十二日省

酸增甘以養脾氣曲直作酸屬木脾主  
肉屬土木克土也

醋過食損胃氣及肌藏筋骨不益男子損

顏色不與哈同食相背也有云飲少熱醋

辟寒勝酒黃醜云自幼不食醋  
今喻八十尤能傳神

又心色赤宜食酸小豆犬肉李韭皆酸

鹹多傷心血凝泣而變色故冬七十二日

省鹹增苦以養心氣湖下作鹹屬水心主  
血屬火水剋火也

盪過於鹹則傷肺膚黑損筋力西北人食

不耐鹹多毒東南人食絕欲鹹少壽病嗽

及水氣者全宜禁之皆扶遠避世之人  
味通而  
壽齒共  
未不遇故多壽後五

又脾色黃宜食鹹大豆豕肉栗藿皆鹹

甘多傷腎骨痛而齒落故季月各十八日

省甘增鹹以養腎氣稼穡作甘屬土時  
骨屬水土剋水也

蜜錫沙糖各見本條

又肝色青宜食甘粳米牛肉棗葵甘甘

苦多傷肺皮槁而毛落故夏七十二日省

苦增辛以養肺氣炎上作苦屬火肺主  
皮毛屬金火剋金也

膽栢皮等

又肺色白宜食苦麥羊肉杏蕪皆苦

辛多傷肝筋急而爪枯故秋七十二日省

辛增酸以養肝氣從革作辛屬金主  
筋屬木金剋木也

胡椒和氣過多損肺今吐血紅椒久食失  
明乏氣合口者害人十月勿食椒損人心  
傷血脉多忘除濕溫中益婦人又腎色黑  
宜食辛黃黍雞肉桃蕪皆辛

飲食

書云善養性者先渴而飲飲不過多多則

損氣渴則傷血先飢而食食不過飽飽則

傷神飢則傷腎

書云飲食務取益人者仍節儉為佳若過

多覺膨亨短氣便成疾

書云飲食於露天飛絲墜其中食之咽味

生泡

書云飲食收器中宜下小而上大若覆之

不密虫鼠欲盜食而不可環器墮涎食者

得黃病通身如蠟針藥不療

書云飲食以銅器蓋之汗若入內食者發

惡瘡肉疽

書云飲食生冷此人土厚水深稟賦堅實

不損脾胃久居南方者宜忌之南人土薄

水淺稟賦多虛不宜脾胃久居北方者尤

宜忌之

書云飲食土蜂行住或猶犬豕破之水生

病 書云空心茶宜戒卯時酒申後飯宜少

書云極飢而食且過飽結積聚極渴而飲

且過多成痰癖日沒後食訖便未須飲酒  
不乾嘔

太宗謂宰相曰朕每日所為自有常節飲

食不過度行之已久甚覺有力老子云我  
命在我不在天全在人之調適卿等亦當

加意毋自輕攝養也

陶隱居云何必殮霞服大藥妄意延年等

龜鶴但於飲食嗜欲中去其甚者將安樂

漿水按本草味甘酸微溫無毒調中引氣

開胃止渴強力通關治霍亂洩痢消渴食

解煩去睡調理臟腑治嘔噦白人膚體如

繒帛為人常用故不齒其功世之所用熟

貴如沉香則辟邪不骨草則益氣香則

冷胃安門冬則體寒如此之類皆有所損

紫蘇湯令人朝暮飲之無益也芳草致豪

貴之疾此有一馬宋仁宗命翰林院定熟  
水秦曰紫蘇第一也香

第二門冬第三以蘇能下宮腸汗

氣味不知久則泄人真氣令人不覺

本草云酒飲之體軟神昏是其有毒也損

孟兼行 扁鵲云久飲常過腐腸爛胃潰髓蒸筋傷

神損壽有客訪問頭出美酒兩石頭飲

量慎也客已死矣觀之客腹已出腸

已穿豈非量過而犯扁鵲之戒歟

飲白酒食牛肉生虫酒漿照人無影不可

飲不可合乳汁飲令人氣結茶酒自耗者

殺人酒後食辛辣物多則緩人筋骨則茶

穰食猪肉患大風凡中藥毒及一切毒從

酒得者難治酒性行血脉流遍身體也

書云飲酒醉未醒大渴飲冷水又飲茶被

酒引入腎臟為停毒之水腰脚重腿膀胱

冷痛蒸患水腫消渴掌痺

書云酒醉當風以扇扇之惡風成紫癩又

醉酒吐罷便飲水作消渴

神仙不禁酒以能行氣壯神然不過飲也

本草茶飲者宜執宜少不飲尤佳久食去

人脂令人瘦下焦虛冷惟飽食後一二盞

不妨消渴也飢則尤不宜令人不眠全非

食身重

書云將鹽點茶引賊入家恐傷腎也

東坡茶說除煩去膩世固不可無茶然暗

中損人不少吾有一法常自修之輒以濃

茶漱口於食後煩膩既去而脾胃不知凡

肉之在齒者得茶漱滌乃不覺脫去不煩

挑剔也蓋齒性便苦緣此漸堅牢而齒露

且日去矣

書云飲多則肺布葉舉氣逆上奔

書云陰池流泉六月行路勿飲之發瘡

書云飲宴於聖像之側竟竟不安

書云飲水勿急咽久成氣病

書云形寒飲冷則傷肺上氣咳嗽鼻鳴

書云粥後飲白湯為淋為停濕

陶隱居云食戒欲羸并欲速寧可少食相

接續莫教一飽頓充腸損氣傷心非爾福

養生云美食須熟嚼生肉不須吞

又云食畢漱口數過齒不滿口不臭漱口

忌熱湯損牙

又云食炙博宜待冷不然傷血脉損齒

書云食第屋漏水墜脯肉成癥瘕生惡瘡

書云人汗入肉食之作丁瘡

書云食諸獸自死肉生丁瘡

隱居云生冷粘膩筋物自死性宰皆勿

食饅頭閉氣莫過多生膾偏招脾胃疾鮓

醬胎卵兼油膩陳臭瀆穢蓋陰類老人朝

暮更餐之是借寇兵無以異按錢碎錄云

梅血湯以破之包

書云食物以象牙金銅為起筋可以試毒

書云食物以魚魷器盛之有蠱毒輒裂破

入閉者宜審之

書云夜半之食宜戒申酉前晚食為宜

周禮樂以消食益脾善音聲夜食則脾不磨為音響絕也夏月夜短

尤宜忌之

食物

源三

六

物之無益而有損者常人猶不可多食况

病人當避忌者乎此書所載凡物之有益

而無損者不書或損益相半者則書其損

而不書其益

菓實

生棗令人熱渴氣脹寒熱羸瘦者彌不可

多動臟腑損脾元與蜜同食損五臟

軟棗冷動宿疾發軟與蟹相忌

梅子壞齒

生龍眼平沸湯內焯過不動脾

生荔枝性熱多食發虛熱煩渴口乾衄血

櫻桃寒熱病不可多食發暗風傷筋骨嘔

吐小兒多食作熱性熱也

真楂不可多食損齒及筋

乳柑大寒冷脾發痼疾利腸發輕汗脾胃

冷人尤不可多諸柑性同

橘柚多食口爽不知五味

橙子溫皮多食傷肝與檳榔同食頭旋惡

心生痰作瘡

楊梅多食發熱損齒及筋

源三

七

杏實熱多食傷筋骨 杏酥生熱喫俱得

半生半熟殺人

杏仁久服目盲眉髮落動宿疾

雙仁者殺人可研細治天傷

桃實發丹石損胃多食有熱飽食桃仁水

浴成淋疾

桃杏花本五出而六出者必雙仁能殺人

者失常故也

李子平發瘡疾多令虛熱白蜜和食傷人

五內不可臨水上噉之及與雀肉同食

李不沈水者妻其仁和雞子食內結不消

梨寒乳鵝梨紫花梨治心熱此外生不益

人多食寒中產婦金瘡人勿食令萎困其

性益齒而損脾胃正二月勿食佳有人家

大如斗送之朝貴食者皆死考之樹下

有大蛇果毒于此不常為妖也他故此

藤梨名味猴梨食多冷中

林檎多食發熱滋氣好睡發冷疾生瘡癬

脉閉不行其子不可食令人煩

石榴多食損肺及齒

山石榴多無益滋氣

栗子溫生治腰脚生即發氣宜曝乾蒸炒

食多即氣壅患風水氣人不宜

生栗可於灰火中煨令汗出殺其木氣不

得通熱小兒生者多難化熟者多滯氣

柿子寒日乾者性冷多食腹痛生者彌冷



紅柿與蟹同食吐紅飲酒食紅柿心痛至死亦易醉不解酒毒

一種塔柿引痰日乾多動風火乾味不佳

樺子性尤冷與蟹同食腹疼大瀉

蒲萄酒過昏人眼架下飲酒防虫屎傷人

白果生引症解酒熟食益人然不可多多

食腹滿有云滿一千箇者死此物二更開

花三更結子當是陰毒之物有人報羅取飽食次日皆死

菱芰也冷臟多利損陽令陰萎不益脾難

化令脹滿姜酒解之七月食生菱作蛻虫

茨菰大寒動宿冷氣腹脹滿小兒秋食之

臍下痛孕不可食吳人常食患脚氣癱瘓

損齒失顏色 勃善性與茨菰同

芡實生食動風冷氣損脾難消却益精

藕多食冷中能去痰氣產後惟此不同生

冷忌者破血故也

甜瓜動痼疾多食陰下濕痒生瘡發虛熱

破腹令人懶懈弱脚手無力少食則可不

中暑多食未有不食下多食深秋下痢

難治損陽故也患脚氣食法求不除五月

甜瓜沉水者殺人多食發黃疸動氣解藥

力其雙蒂者殺人與油餅同食發病揚州太守

陳達原避者食瓜至秋忽腰腿痛不能舉動遇商助教療之更生

西瓜甚解暑毒北人稟厚食憤南人稟薄

不宜多至於霍亂冷病終身不除

木瓜温皮薄微赤黃香甘酸不澁向裏子

頭尖一面方是真益脾而損齒若圓和子

微黃蒂麤澁小圓味澁微鹹傷人氣多食

損牙

甘蔗多食血燒其滓煙入目則眼暗

沙糖寒多食心痛脚同食成疳瘰同食生

流癖笋同食成食癢身重不能行小兒多

食損齒及生蛻虫

柰子多食腫脹不益人病人尤甚

椹梓不可多食損齒傷筋

松子多食發熱毒

胡桃平多食利小便脫人眉動風動痰惡

心嘔吐與酒同食過多略血

五月食未成果核發癰癩寒熱

秋夏果落地惡虫緣食之患九漏

生果停留多日有損處食之傷人

一切果核雙仁者害人

治諸果毒燒猪骨過為末水服方寸七

米穀

粳米生者冷燻者熟生不益脾過熟則佳

蒼耳同食卒心痛馬肉同食發痼疾

稻米糯米也妊娠與雜肉食之不利其子

生寸白久食身軟緩筋故也性寒塵經絡

氣使人四肢不收昏悶多睡發風動氣可

少食

秫米似黍而小亦可造酒動風不可常食

黍米發宿病久食昏五臟好睡小兒食不

能行緩人筋骨絕血脉

白黍久食多熱令人煩

赤黍不可合蜜惟可作糜不可為飯粘着

難解

五種黍米合葵食之成痼疾藏脯於中食

之閉氣肺病者宜此

生米戲食久為米癢肌疲如勞缺米則口

吐清水

飴糖進食健胃多食則動脾風

春占四時秋種夏收西北多霜雪麩無毒

南方少雪有毒

小麥性擁熱小動風氣治麩後覺中毒以

酒嚙漢椒三五粒不為疾

大麥久食宜人帶生則冷損人

麥藥久食消腎不可多

穡麥西川多種山東河北人正月方種先

患冷氣人不宜食

蕎麥性寒難消久食動風頭眩和猪肉食

八九次患熱風脫眉鬚

粟米食後勿食杏仁令人吐瀉

稷米糶也發三十六種病八穀之中最為

下不可同川附子服

陳廩粟米<sup>下</sup>糶米陳者性皆冷<sup>十</sup>頻食之自利

藏脯腊於中滿三月久不知而食之害人

菘豆治病則皮不可去去皮食少壅氣

赤小豆行小便久食虛人令人黑瘦枯燥

逐津液體重

赤白豆合魚鮓食之成消渴

青小豆一名胡豆合鯉魚鮓食之肝黃五

年成乾消黑白黃褐豆大小豆作豉極冷

黃卷及醬皆平多食體重服大豆末者忌

猪肉炒豆與一歲以上十歲以下食之即

嗽猪肉久當擁氣死人有好食豆腐中毒

不能治更醫至中途遇作腐人家相爭因

問妻悞將菜蕪湯置鍋中腐便不成醫得

其說以菜蕪湯下藥而愈<sup>也</sup>

醬當是豆為者今以麩麥為者食之多殺

藥力<sup>夫子云不得其醫不食欲王</sup>

芝麻炒熟乘熱壓出生油但可點再煎煉

方謂熟油可食

油發冷疾滑骨髓因脾臟經宿即動氣牙

齒脾疾人不宜陳油飲食須逐日熬熟

黑芝麻炒食之不生風疾風人日食之則

步履端正語言不蹇

白芝麻即胡麻林糧補益生則寒炒則熱

發霍亂抽人化山又別有胡麻味苦

麻仁多食損血脉粗陽滑精發女人帶疾

菜蔬

葵為五菜主秋種早者至春作子名冬葵

其心有毒傷人性冷熱食之亦令熱悶甚

動風氣葵凍者生食之動五種留飲甚則

吐水和鯉魚食之害人四季勿食生葵不

化發人一切宿病百藥忌食之發狂六咬

吳葵一名蜀葵不可久食鈍人志性被病

咬食之永不差

戎葵并鳥肉食無顏色

生葱食之即咬蜜下痢食燒葱咬蜜擁氣

死雜白犬肉食之九竅出血患氣者多發

氣上充人五臟閉絕虛人胃開骨節正月

食之發面上遊風大抵功在發汗多則昏

人神

胡葱久食傷神損性多忘損目發痼疾胡

臭慝齒人食之甚青魚合食生虫

韭俗呼草鍾乳病人可食然多食昏神暗

目酒後尤忌不可與蜜同食未出土為韭

黃不益人滯氣花動風過清明勿食不利

萬人心腹痼冷者加剝

霜非不可食動宿飲必吐水

五月食之損人滋味乏氣力不可共牛肉  
食成癥熱病後十日不可食發困蔥亦不  
宜

蕪肥健人生食引涕唾與牛肉食作癥

四月勿食蕪原三及三冬生食多涕唾原三

胡大蒜也久食傷肝損目弱陽者以合青  
魚鮓發黃作蠶敢鱠伐命惟生食不中煮  
暑毒爛嚼下咽即和仍禁冷水

四月八月食之傷神損膽氣喘悸氣急腹  
內生瘡腸腫成疝癥多食萌行房傷肝面  
無光北方人稟厚食憤病少

小蒜不可常食食而咬生魚奪氣陰核疼  
欲死三月勿食傷志時病差後與一切食  
竟入房病發必死

胡荽蕎子也久食令人多忘胡臭口氣惡  
齒脚氣加劇根發癩疾

葵子是水浸令生芽而食之者多食令人  
吐水損陽少精心痛寒熱損骨髓二月食  
之傷腎和生魚食奪陰氣核子痛欲死

萱草一名法憂嫩時取以為蔬食之動風  
令人昏昏然終日如醉因得其名

松發諸風冷有熱人食之不發病性冷也  
芥多食動風氣發丹石與兔肉同食成惡  
病

蕪菁蔓菁也根不可多食令氣脹子作油  
塗頭變蒜髮

萊服力弱人不宜多食生者漆人血  
生青萊時病差後食之手足青腫  
一切萊五月五日勿食之變百病

一切萊熟煮熱食之但凡簷溜滴着者有  
毒

十月被霜菜食者面無光目眩腰疼心瘡  
發時足十指爪青萎困  
蕎菜不宜麩同食令人腎悶發病原三

凡用甘草皆忌此原三  
莧菜多食動氣煩悶冷中損腹共蕪及驚  
食生癥

董萊不宜久食令身重多腫只可一二頓  
芸薹萊患腰脚人多食加劇損陽氣發口

瘡齒痛生虫胡臭人忌之

鹿角菜久食發宿疾損經絡少顏色  
菠蓀菜北人食肉麩即平南人食魚米即  
冷多食冷大小腸久食脚弱腰痛  
蕪菜多食性滑發痔引痰氣上有水銀故

也七月蠟虫着上令霍亂勿食之  
芥菜生高田者宜人黑滑地名水芹赤色

者害人性寒和醋食之損齒春秋龍帶精  
之手青肚滿痛不可忍服砂  
糖三二升吐出斯場便愈

苦蕒夏月食之以益心養婦忌食之  
蒿苳冷久食昏人目

白蒿苳冷氣人食之腹冷產後不可食寒  
中共飴食生虫  
苦苳不可與蜜同食

若蓬多食動氣冷氣人食之必破腹  
苳苳利大小腸蜜食下痢多食瘦人原三

蕪久食脚弱無力弱陽眼暗多睡鼻塞髮  
落小兒食之不行冷氣食之腹脹生食成  
蛇癥鄧鑿藥丹徒出獵有甲士折一蛇食  
屋前漸成乾瘰  
信不可生食也

茄至冷五勞不可多發瘡損人動氣發病  
疾熟者少食無憂患冷人不可食秋後食  
之損目

黃瓜本名胡瓜不益人患脚氣虛腫者毒  
永不除

越瓜色白動氣發瘡脚弱不益小兒時病  
後勿食與乳酪鮓及空心食心痛

青瓜令人多忘

冬瓜多食陰濕生瘡發黃疸九月勿食被  
霜瓜向冬發血寒熱及惡病初食吐食竟

心下停水或為蓄胃有冷者食之瘦

瓜能暗人眼尤不宜老人中其毒至秋為

瘡利一切瓜苦者有毒兩蒂兩鼻害人

瓠子冷氣人食之病甚大耗食患脚氣虛

腫人食之毒永不除

葫蘆多食令人吐

芋一名土芝有紫有白冬月食不發病他

月不可食薯蕷亦有紫白頗勝芋

有小而名山藥者佳

蒟蒻冷氣人少食之魯有忠察自謂無生  
是物不忌鄰家修蒟

藕求食之美遂多食竟愈有病  
肥滿者數人食殺多食此而愈

竹筴多食動氣發冷瘕

芡苳滑中不宜多

生薑九月九日勿食之傷神損壽乾姜妊

多食內消 椿芽多食神昏

榆仁多食發熱心痛

菌地生為菌木生為槁為木耳為蕈

新蕈有毛者 下無紋者 夜有光者

煮不熟者 欲爛無虫者 者訖照人無

影者 春夏有惡虫毒蛇經過者皆殺人

誤食毒菌往往笑不止而死惟掘地為坎

投水攪取清者飲之

木菌楮槐榆柳桑五木之耳可食冬春無

毒木耳亦不宜多食如前所云者皆殺人

又赤色仰而不覆者及生野田中者皆毒

又發冷氣風疔多睡無力

甘露子不宜生食不可多食生寸白與魚

同食生番胃

食茱萸六七月食之傷神氣

同高多食氣滿

詩蘿根曾有食者殺人

飛禽

雞黃者宜老人烏者瘦血產婦宜之具五

色食者必狂六指玄雞白頭家雞及野禽

生子有八字文及死不伸足害人

烏雞合鯉魚食生癰疽

丙午日忌食雞雉

四月勿食暴雞肉作疽腋漏男女虛勞之

氣 八月食之傷神氣 妊婦多食子患

諸虫 妊食雞子多令子失音

雞子動風動氣合鰲肉食害人合犬肝害

人合犬肉泄痢合魚汁肉汁成心癢合獺

肉遁尸

雞子白合葱蒜氣短合生葱犬肉殺道流

血 疹食雞鴨子眼翳

雞過宿收不窳蜈蚣必集其中不再煮而

食之為害非輕

雉離禽也損多益少久食瘦人春夏多食

有毒九月至十一月稍補他月發痔及瘡

疥八月忌之益人神氣丙午日不可食明

主於火也四月勿食氣逆和胡桃菌子同食下血有病疾者不宜和蕎麥麩食生肥虫卵不與葱同食生寸白

驚鴨也六月勿食益神氣黑鴨滑中發冷痢脚氣人不可多食有毒妊娠多食令子倒生

野鴨不可與胡桃木耳同食異此曰章安有人元嘉中致又食散鴨肉成痰胃滿面赤不得飲食皆以味未食之頃史吐一鴨雜逐差此因肉生所過而然

白鵝肉性冷多食霍亂發痲疾卵不可多食 蒼鵝發瘡膿

鷓鴣四月以前未可食與猪肝同食面生黑子與菌同食發痔

鷓鴣此鳥天地之神每月取一隻饗至尊自死者忌之

山雞頓食發五痔和蕎麥食生瘡竹雞類

也南唐相馮延巳苦腦痛久不減太醫吳延紹語危人曰相公平日多食鷓鴣山雞吳曰得之矣投以甘草海而愈蓋此禽多食鳥頭半夏有毒以此群之又類編通判獨立之官南方多食鷓鴣生唯瘡腫血日夕不止泗水楊吉老令先吹生姜一斤愈蓋以製半夏毒也唐崔總公以多食竹雞暴亡梁新命撰生薑汁折齒灌之復活

亦此意也

鶩鶩肉常食之患大風

雀肉不與李同食 合醬食妊娠所忌

鷄鴿雖益人病者食之多減藥力

雄鷄婦人不可食燒毛納水中沈者是雄

烏鴉肉澁不中食

燕肉食者必為蛟龍所害

杜鵑初鳴先聞者主別離學其聲吐血廁上聞者不祥作大聲應之吉

凡禽自死口不閉者殺人

走獸

猪肉之用最多然不宜人食之暴肥致風

虛也閉血脉弱筋骨虛人肌病人金瘡者

尤甚食其肉飲酒不可肝稗穰中又白猪

白蹄雜青者不可食

猪腎理腎氣多食腎虛久食少子

脂作燈目暗膏忌烏梅

肝肺共魚鱠或和食之作癰疽共鯉魚子

食傷神八月勿食佳

腦子損陽臨房不能舉令食者以塩酒是

引賊也曾不思皮尚可消而不覺其毒耶

頭動風其腎尤毒風人不宜食者以竹葉

燒煙揮口熏之得口鼻涎出則無害

肉用良姜桑白皮皂角黃蠟各少許同煮

食之不發風不得和雞子同食令人滿悶

猪不姜食之中年氣血衰面生黑點俞氏

云猪肉生姜同食發疾風又云發大風

野猪肉微動風青蹄不可食

江猪多食體重

羊肉性大熱時病愈百日內不可食食則

復令骨蒸和鮓食傷人心和生魚酪食害

人生脂宿有熱者不可食 蹄甲中有

珠子白者名懸筋發人癩 肝和猪肉及

梅子小豆食之傷人心大病人妊娠食肝

令子多厄 一切羊肝共生椒食之破五

臟傷心小兒彌忌之 肚子病人共飯常

食之久成番胃作噎病共甜粥食之多唾

吐清水 腦子男子食之損精少子欲食

者研細醋和之猪腦亦然不食佳白羊黑

頭食其腦作腸癰飲酒後不得食羊豕腦

大害人 心有孔者殺人 一角者殺人

殺羊青羝羊也肉以水中柳木及白楊木

不得於銅器內煮食之丈夫損陽女子絕

陰暴下不止 髓及骨汁合食煩熱難退

動利六月勿食以益神氣 青羊肝和小

豆食之目少明 深三 二十

羊不醬同食久而生癩發癩疾

牛盛熱時卒死者不堪食作腸癰下痢者

必劇丑月食之傷神氣 患牛脚蹄中拒

筋食之作肉刺共馬肉食之身痒共猪肉

食之生寸白 肉用桑柴火炙食生寸白

牛肉患冷人不宜食 五臟各補人五臟

沙牛肉常食發宿病

馬肉自死者害人甚者殺人不可食下痢

人食者加劇肉多着水浸洗方煮得爛去

血盡始可煮炙肥者亦然毒不出患丁腫

肉只可煮餘食難消不可多食妊不可食

五月食之傷神氣食肉而心煩悶者飲清

酒則解濁酒則劇不與陳倉米同食卒得

惡十死九妾同食生氣嗽患痢食心悶

血有毒飲美酒解 白馬女蹄腦令人瘡

白馬青蹄肉不可食 黑脊斑臂肉不可

食 鞍下黑色微肉裏者傷人五臟 馬

頭骨作枕令人不睡 食死馬勿食食米

發百病 馬汗氣及毛不可偶入食中害

人 汗不可近陰先有瘡不得近馬汗及

肉汁馬氣併毛等必殺人 馬筋肉非十

二月採者宜火乾 馬心下痢人不可食

馬蹄夜目五月以後勿食之 肉不可與

鹿膳同食

驢肉病死者不堪驢馬為其十二月胎

驛又不產妊不可食驢肉動風脂肥尤甚

食肉慎不可飲酒致疾殺人屎稍毒服不

過二合

醍醐酥酪有益無損羊牛馬酪食竟即食

大酢變血澹尿血 牛乳不可與酸物食

成堅積 驢乳冷不堪酪 一切牛馬乳

及酪共生魚食成魚瘦 乳酪煎魚主霍

亂 犬肉炙食成消渴白大自死不出舌者害

人瘦者是病不堪食妊食犬兒無聲九月

禁食以養神氣 肉與蒜同食損人 血

食肉而去血不益人血和海鮑食之得惡

病 狂犬若鼻赤起與燥者此欲狂其肉

不堪食 孫真人曰春木夏初大多發狂當

戒小弱持杖預防之防而不免竟

出於灸其法只就交處牙上灸之一日一

次灸一二三元在竟直主百二十日止咬

後便討非菜煮食之日日食為佳此

病至重世不以為意不可不知也

鹿肉摩肉為一不屬十二辰也五月勿食

之傷神豹文者殺人 鹿茸不可以鼻嗅

有小虫入鼻為虫類藥不及也 鹿肉瘦

人陰不可近 白鹿肉和蒲白作羹發惡

瘡 壺居士云鮮藥人食鹿肉必不得

瘡力以其食解毒之草能散藥力也

狸肉骨可治勞

獐肉八月至十一月食之勝羊肉餘月動

氣 虎肉多食動痼疾以其食蛇所以毒

麋肉不與野雞及鰕生菜梅李果實同食

皆病人 免肉妊食子缺唇免產從口出忌之宜丹

令人萎黃豆瘡食之大毒斑爛損人二月  
勿食養神氣共獺肉肝食成道尸鵝肉同  
食血氣不行白雞肝同食面失血色一年  
成疽共姜橘食心痛霍亂

虎肉正月忌食以益壽樂箭死者毒漬骨

血問猶能傷人不可食 狸豹同

川山甲多食動舊風疾

豺肉酸不可食消人脂肉令人瘦損精神

獺肉只治熱若冷氣虛脹食之甚也消陽

不益男子宜少食五臟及內性寒惟肝濕

治傳尸勞

象肉食之體重

熊肉有痼疾者不可食終身不愈十月禁

食 脂不可作燈煙氣入目失明不可近

陰不起

麝肉共鵝肉食作癩此物夏月食蛇帶其

香日久透關成異疾不得近鼻有白虫入

腦患虫類

猿猴小兒近之傷志

蝟肉可食骨不得食能瘦人使人縮小

肉汁在密器氣不泄者 禽畜肝青者

獸赤足者 有歧尾者 煮熱不飲水者

煮而不熟者 生而飲者 野獸自死北

首伏地者 祭肉無故自動者 禽獸自

死無傷處者 犬懸蹄沾漏肉中有星如

米者 羊脯三月以後有虫如馬尾者

米甕中肉脯久藏者皆殺人

脯暴不燥火燒不動入腹不消 自死肝

臟不可食 肉雖鮮似有息氣損氣傷臟

肉及肝落地不粘塵不可食 諸心損心

諸血損血

一切腦一切脾不可食皆能害人 一切

肉惟爛煮停冷食之食畢漱口數過齒不

踴食肉過度還飲肉汁即消 禽畜五臟

三月三日勿食吉

魚類

鮑魚有瘡者不可食

鯉魚多發風熱修理當去脊上兩筋及黑

血沙石溪中者毒多在腦勿食其頭山上

水中有鯉不可食五月五日勿食鯉天行

病後不可食再發死腹有癥不可食與麥

醬同食咽生瘡與紫蘇同食發癰疽鯉鮓

不可合小豆覆食食桂竟食鯉成癥 魚

及子不可合猪肝食鯉亦然 素問云魚熱

生風日華子云鯉魚涼當以素問和云熱

為正風家更使食魚肺補無窮矣

鯉魚有瘡者不可食

鰕魚背有十二鬣骨每月一骨毒能殺人

宜盡去之 蘇州王順食鰕骨鯉幾死漁人

張九取鰕核末流水調服而

愈人問其故九曰父老傳繳攪木

作掉魚鱗便浮知魚畏此木也

白魚泥人心瘡癩人不可食甚發膿灸瘡

不發鱗食之久食發病

鯽魚春不食其頭中有虫也合猴雞肉猪

肝食之不宜 子合猪肉食不宜和蒜少

熱和姜醬少冷與麥門冬食殺人與芥菜

同食水腫

青魚及鮓服木者忌之合生葫葵蒜麥醬

食不宜

黃魚發氣發瘡動風不可多食合蕎麥食

失音

黃鱧魚不可合荊芥食吐血犯者以地漿

解

時魚味美稍發疔瘡  
魴魚患疔瘡者禁之

鮎魚勿食多赤目赤鬚者殺人合麻肉及無鰓者深三

鯢魚味美而發諸藥毒鮮雖世人所重不益人丹石人不可食令少氣發瘡芥動風二十五

氣小兒食之多成癩及嗽大人久食卒心痛合乾葷食癰瘕  
鯢魚有毒不可食

石首魚不堪鮮食  
章魚冷而不泄  
狗魚煖而不補

河魨又名胡夷魚味珍經云無毒實有大毒修治不如法殺人 眼赤者害人 肝

有大毒中之立死中其毒者微攪 蘆根汁解之  
鱸魚不甚發病然多食能發痲癬及瘡腫不可與乳酪同食

鱧魚不可合白犬肉血食之  
鱧魚時病起食之復過則霍亂四月食之

害神氣腹下黃烏黃鱧 又有白鱧稍虛

二者皆動風氣妊食之胎生疾凡頭中無顯背有點並殺人

茅亭客話云鱧鯢不可殺大者有毒殺人京師一即官喜食鱧一日過度吐利大作

幾殆信不可多也

鱧魚肝生惡瘡勿以益夫

烏賊魚久食主無子

烏魚水厥焚修者忌之

鱧雖有毒而治勞昔陳通判女病勞將死父母以船送之江中飄泊孤洲漁人見而憐之與之鱧鱧羹漸有生意越月漁人送還陳府女病已脫矣

鱧魚多食發嗽并瘡癬小者謂之鬼蠶害人

魚鮓若有頭髮在內誤食殺人深三 三十六

黃鱔魚食後食荊芥殺人 凡一切魚毒

魚油燈煙盲人眼諸禽獸油亦然 無鱗

惡荊芥 無鰓發癩 全鰓發癰 無腸

膽食之三年丈夫陰萎女人絕孕 頭有

白色如連珠至脊上者殺人 白目白背

黑黑赤鱗目合並不可食 有角食之發

心驚 目赤者作鱧成癩作鮓害人共菜食作蛔蟻虫 下痢者食魚加劇難治

一切魚尾不益人多有勾骨者咽魚 子共猪肝食不化成惡病 姪食乾魚令

子多疾 魚汁不可合鷓鴣肉食 魚鱠

瓜忌同食 三月庚寅勿食魚

鱧居水底性甚冷毒有勞氣及癩癩人不

宜食肉主聚甲主散凡製鱧者剝其甲同

煮熟則去甲食之庶幾性稍平日陷者赤

足者肉下有玉字形者三足者為能並能

殺人 腹下有蛇盤紋者是蛇須看之

合雞子兔肉芥子醬食之損人 姪食之

令子項短 六甲日忌食龜鱉及鱗甲害

人心神 薄葷煮鱧曾殺人 合莧菜食

腹中生鱉葉氏云有主人共奴俱患鱉癩人乘白馬來者馬尿落鱉上一即縮頭尋以馬尿灌之化為水其主曰吾將差矣即服之果

蟹未被霜者甚有毒云食水葷音建人中之

不即療多死背上有星點者脚不全者獨



螫者獨目者兩目相向者足斑目赤者並  
殺人中其毒者速以冬瓜汁紫蘇湯或大  
黃汁灌之 妊娠食之令子橫生 至八  
月蟹腸有真稻芒長寸許向冬輸與海神  
未輸芒未可食十二月勿食以養神氣

食蟹即食紅柿及荊芥動風緣黃下有風  
虫去之不妨與灰酒同食吐血

海邊又有彭蠡攤出似彭蠡而大似蟹而

小不可食蔡謨初渡江不識而食之幾死

蛙骨熱食之小便淋甚苦 妊食之令子

壽夭 蛙之小者亦令多小便閉臍下酸

疼有至死者冷水播車前草飲之

鰕發風動氣及瘡癬冷積之疾無鬚者煮

而色白者不可食鮓內有者大毒以熱飯

盛密器中作鮓毒人至死蝦鱸共猪肉食

之嘗惡心多唾損顏色

螺大寒不可常食 螺蚌菜共食之心痛

三日一發蚌着甲之物十二月勿食之

蚶子每食後以飯壓之不爾令人口乾

蛤蜊服丹石人食之腹中結痛

淡菜多食煩悶目暗微利即止

蜆多食發嗽并冷氣消腎

煙天行後不可食

龜黑者常噉蛇不中食其甲不可入藥十

一月勿食龜蟹發水病

蟲類

三

二十八

蜜七月勿食生蜜發霍亂窰窰不可造鮮

鮮瓶不可感窰及窰煎損氣

白花蛇用之去頭尾換酒浸三日弃酒不

用火炙仍今去皮骨此物毒甚不可不防

烏蛇生商洛今斬黃有之皆不三稜色黑

如漆性善不嚙物多在蘆叢嗅花氣尾長

能穿百錢者佳市者偽以他蛇煙燻貨之

不可不察脊高世謂劔脊烏梢商州有患

惡之為起茅屋山中有烏蛇墮酒罌病人

不知而飲連差史記隋有患者食至胃即

吐作胃疾不愈病者曰素有大風求蛇肉

風愈而患此疾蓋蛇腹上有蛇形也

蛇頭不可以刀斷必回傷人名蛇箭

蛤蚧其毒在眼其功在尾尾全為佳

水蛭乾者冬月猪脂煎黃乃堪用腹有

子去之此物極難難死火炙經年得水猶活

石蛭頭尖腹大不可藥用誤用令人目中

生煙不已漸致枯損不可不辨有吳少師

肉瘦食下咽腹中如萬虫攢刺且痺痛皆

以為勞張蛇取黃土溫酒調服下馬蝗干

餘云皆因去年出師飲澗水似有物入口

徑入喉自此得疾夫出入肝脾勢須滋

食時則聚丹田間吃唾精血飽則

散處四散久則殺人不可不知

蜈蚣黃足者甚多不堪用 雞絞過宿收

拾不密此虫必集其中不再煮而食之為

害非輕

蚕沙煮酒色清味美能療疾

蜘蛛灰色大腹遺尿着人作瘡癬

花蜘蛛絲最毒能繫瘤斷牛尾人有小遺

不幸而着陰纏而後已切宜慎之曾有斷

其陰者

蚯蚓暑月履濕毒能中人昔有中其毒者

於身以蠶水浸之而愈又張韶為所咬形

如大風眉鬚盡落每蚓鳴於身亦以此取

効仍當飲鹽湯

三元延壽參贊書卷之三

三元延壽參贊書卷之四五同

九華澄心老人李鵬飛集

深四

神仙救世却老還童真訣

三元之道所謂地人元百二十歲之壽得其術則得其壽矣如迷塗一呼萬里可徹然天元六十者固已失之東隅能不收之桑榆者乎歸而求之又將與天地終始豈止六十而已哉喬松彭祖當欲在下風或曰此道神仙所秘也少火方炎強勉而行真可一蹴而造仁壽之域柰之何道不易知也縱知之亦未易行也人年八八卦數已極承少鈿虛欲真元之復殆渴而穿井不亦晚乎煮石為粥曾不足以喻其難吁是豈知道也哉剝不窮則復不返也陰不極則陽不生也知是理可以制是數矣回真人內景訣曰天不崩地不裂惟人有生死何也曰人晝夜動作施泄散失元炁不滿天壽至六陽俱盡即是全陰之人易死也若遇明師指訣信心苦求則雖百二十歲猶可還乾譬如樹老用嫩枝再接方

始得活人老用真氣還補即返老還少勤修一年元氣添得二兩便應復卦道書曰人者物之靈也壽本四萬三千二百餘日元陽真氣本重三百八十四銖內應乎乾乾者六陽具而未知動作施泄也迨十五至二十五施泄不止氣虧四十八銖存者其應乎始加十歲焉又虧四十八銖存者其應乎遂加十歲焉又虧四十八銖存者其應乎否至此乃天地之中炁又不知所養加五歲焉其虧七十二銖存者其應乎觀加五歲焉其虧九十六銖存者其應乎剝剝之為卦惟上九一陽爻而已仙書曰有一爻陽炁者不死倘又不知所覺則元氣盡矣其應乎坤坤者純陰也惟安穀而生名曰苟壽當此苟壽之時而不為延壽之思感矣天下無難事也馬自然怕老怕死有六十四歲將謂休之歎汲汲求道遇劉海蟾傳以長生之訣返老還童遂得壽於無窮彼何人哉希之則是時在一覺頃耳苟能覺之體大易之復日積月累元氣

充暢復而臨臨而泰泰而大壯大壯而夫真精純粹乾陽不難復矣其壽五福之一微斯人吾誰與歸雖然此道天之寶也有能覺之天不負道必將默佑於冥冥中當遇至人如劉海蟾者以盡啓其秘滋補有藥導引有法還元有圖俱列于左

滋補有藥

孫真人曰人年四十以後美藥當不離於身神仙曰世事不能斷絕妙藥不能頓服因茲致患歲月之久肉消骨弱彭祖曰使人丁壯房室不勞損莫過麋角也

麋角末七兩酒浸炙熟 生附子一箇炮熟

右末合和每服方寸匕酒調日三服

昔成都府有綠鬚美顏道士酣醉酒樓歌曰尾閭不禁滄海竭九轉丹砂都謾說惟有斑龍腦上珠能補玉堂關下血乃奇方也今名斑龍腦珠丹

鹿角霜十兩為末 鹿角膠十兩酒浸 兔絲子二十兩酒浸 栝子仁十兩研 熟地黃湯洗酒浸兩宿蒸焙入藥用


右末以膠酒三四升煮糊杵一二千下  
丸如梧子大食前溫湯或酒吞下五六  
十九

導引有法

夜半後生氣時或五更睡覺或無事閒坐  
腹空時寬衣解帶先微微呵出腹中濁氣  
一九止或五六止定心閉目叩齒三十六  
通以集身神然後以大姆指背拭目大小  
九過去風使無明障明目兼補腎氣兼按鼻左右七過表裏俱熱所謂灌喉中岳以潤肺  
鼻氣然後摩面不以偏數連髮際又摩耳根耳輪不拘偏數所謂修其城郭以名真人起居之法次以舌柱上脘漱口中外津液滿口作三嚥下之如此三度九嚥黃庭經曰漱咽靈液體不乾是也便兀然放身心同太虛身若委衣萬慮俱遣久久行之氣血調暢自然延壽也○又兩足心涌泉二穴能以一手舉足一手摩捺之百二十數疎風去濕健脚力歐陽文忠公用此大有驗

還元有圖

三元延壽參贊書卷之四



人慾盡而天  
理還則自足  
至望之月也



道心泯而人  
心勝則自望  
至晦之月也

生 蛇 生

陰 乾陽剛也生陰本具一曰為陰柔  
而為坤純陰也陰極則主殺其句  
知所復則碩果不食陰極而陽靜  
極而動生意又勃然矣

陽 坤陰也陰極陽復陰人然也陽天  
理也理制於陰是陽長陰消專運  
復耳苟不速為復而臨臨而泰泰  
而大壯大壯而夬夬也夬則純乾  
兒 可復行天之健與天同壽矣

三元延壽參贊書卷之五

神仙警世

黃帝問氣之盛衰岐伯對曰人生十歲五臟  
始定血氣通真氣在下好走二十歲血氣  
始盛肌肉方長好趨三十歲五臟大定肌  
肉堅固血脈盛滿好步四十歲臟腑十二  
筋脈皆大盛以平定腠理始踈榮華頽落  
髮頗斑白平盛不搖好坐五十歲肝氣始  
衰肝葉始薄膽汁始減目始不明六十歲  
心氣始衰善憂悲血氣懈惰好卧七十歲  
脾氣虛皮膚枯八十歲肺氣衰魄離故言  
善悟九十歲腎氣焦四臟經脈虛百歲五  
臟皆虛神氣乃去形骸獨居  
經曰人年四十陰氣倍五十肝氣衰六十  
筋不能動精氣少須當自慎自戒少知調  
和攝養寧不為養生之本七十以上宜取  
性自養不可勞心苦形冒寒暑若能順四  
時運氣之和自然康健延年苟求貪得尚  
如壯歲不知其可  
洞神真經曰養生以不損為延年之術不

損以有補為衛生之經居安慮危防未萌也不以小惡為無害而不去不以小善為無益而不為雖少年致損氣弱體枯及晚景得悟防患補益氣血有餘而神自足矣自然長生也

陰德延壽論

一念之覺固所以得三元之壽考一德之脩又所以培三元之壽脉甚矣念之不可以不覺而德之不可以不脩也老子曰我命在我不在天紫陽真人曰大藥修之有易難也須由我也由天若非積行施陰德動有群魔作障緣是可以自信矣道人郭太史精於談天者也應天有書後之星翁推步必來取法曰五行四柱曰星辰運限如是而富貴壽考如是而貧賤疾苦如是而凶惡夭折若鏡燭影若契合符世之人似不能逃其數者及其究也合於書者固多其不合者亦不少是何歟豈人生宇宙間或囿於數或不囿於數歟蓋嘗考之其推玄究微既條列于前至其後則曰陰功

可延其壽吉人依舊無凶又曰隨時應物行方便縱犯凶星亦不虞是必有見矣不然壽夭休論命修行本在人孫思邈何以有此言歟大極真人徐來勒嘗遇南斗壽星問壽夭吉凶之事星君曰天道福善禍淫神明賞善罰逆人能刻意為善靜與道合動與福會如此則我命在我不為司殺所執不求壽而自壽不求生而自生苟或墮網紀違天地肆愚悖侮神明背仁慈虧忠孝明則刑網理之幽則鬼神誅之是不知所積冥冥中奪其算而夭其壽者矣陰德如于公治獄子為丞相徐卿積善袞袞公侯在所不論昔比丘得六神通與一沙彌同處林野比丘知沙彌七日當死因曰父母思汝可暫歸八日復來沙彌八日果來比丘怪之入三昧察其事乃沙彌於歸路中脫袈裟覆水令不得入蟻穴得延壽一紀孫叔敖兒時見兩頭蛇恐他人又見殺而埋之母曰吾聞有陰德者天報之福汝不死也後為楚令尹竇禹鈞夜夢祖父


謂曰汝年過無子又壽不永當早修陰德禹鈞自是修德固倦後又夢其祖父與曰天以汝陰德故延壽三紀賜五子榮顯後居洞天之位范仲淹為之記由是觀之三元壽考固得於一念之覺三元壽脉又在於一德之修也或曰陰德曷從而修之曰凡可修者不以富貴貧賤拘亦不在強勉其所無但於水火盜賊飢寒疾苦刑獄逼迫逆旅狼狽險阻艱難至於飛潛動植於力到處種種方便則陰德無限量而受報如之矣善乎西山之記曰遇至人得真法雖云修養所至是亦陰德之報也此予所以於參贊書後復作論曰陰德延壽

函三為一圖歌

天地人三元每元六十年三六百八十此壽得於天本全付與於人或自偏全之有其法奈何世罕傳函三為一圖妙探太極先外圓而內方一坤與一乾定體凝坤象妙用周乾圍壽年在其間得之本自然一歲加一點漸比喬彭眉未悟參贊法所

點恐莫全此書神仙訣識者作壽仙顏朱  
鬚長綠髓滿骨且堅豈特點盡圖天地相  
周旋

行天之健應地無疆



三元延壽參贊書卷之五

太上保真養生論

三篇同卷

太上保真養生論

養生辨疑訣

太上三皇寶齋神仙上錄經

深五

太上保真養生論

立天之道曰陰與陽立地之道曰柔與剛立  
人之道曰仁與義然則天地之六人之最靈  
法陰稟陽莫重乎性命故二象並設四序推  
遷人處其間倏然如電每一思至默然銷魂  
生不再來逝不可復必須啓悟耳目陶鑄心  
靈滂滌煩邪宣引榮衛未有不由學而成  
其器不由習而能利其身者哉是以真人常  
曰吾非自然乃學而得之故我求道無不受  
持千經萬術唯在志心也

老君曰天地降精陰陽布化萬物以生乘其  
夙業分靈道一總合萬機且人之受生始一  
月為胞精血凝也二月為胎形兆胚也三月  
為陽神為三魂動以生也四月為陰靈為七  
魄靜鎮形也五月五行分藏以安神也六月

六律定六府用寶靈也七月七精開竅以通  
光也八月八景神具降真靈也九月宮室羅  
布以定生也十月氣足萬象成也太一玄真  
在頭曰泥丸君總衆神統百靈以禦邪氣陶  
其萬類以定真元是知修真靜守恬和可保  
長生也真人曰神強者長生氣強者短壽柔  
和畏威神強怒騁志氣強凡人才所不至  
而極思之者則志傷也力所不勝而極舉之  
者則形傷也謀所不至而極圖之者則智傷  
也勢所不加而極忿之者則氣傷也積憂不  
已魂神衰積惡不已魄神散喜怒過多神不  
歸室愛憎無定神不守形汲汲所欲神則煩  
切切所思神則敗久言久笑心氣傷久坐久  
立筋骨損寢寐失時肝膽傷跳走暴喘胃腑  
傷喧呼詬怒膽氣傷故陰陽不交則瘡痍生  
房室不節則勞瘵發且人生在世久遠之期  
不過三萬餘日豈無一日行修補豈無一日  
有損傷徒責神之不守體之不康亦由却行  
而望速及前侶豈可得爾所以養生之要唯  
不及速行不及驟耳不久聽目不久視坐不

至疲卧不至倦先寒而後衣先熱而後解不欲極飢而便食食誠過飽不欲極渴而便飲飲誠過多食若過飽則癡塊成飲酒過多則痰癖聚不欲甚逸不欲甚勞不欲出汗淋漓不欲冒風噓吸醉中不欲奔車飽時不欲走馬不欲多啖生冷不欲飽食肥鮮不欲飲酒了當風不欲沐髮後露腦冬莫極溫夏莫極涼冬極溫則春有狂疫生夏極涼則秋有瘡痢發不欲卧露星月下不欲飢臨尸柩間不欲睡中動扇不欲露頭而食衝大熱莫飲冷水凌大寒莫逼炎鑪新沐莫犯猛風至飢莫冒重霧且五味入口不可令偏多酸傷脾多甘傷肝多辛傷肝多鹹傷心多苦傷肺此皆濁其神魂亂其五臟亦未必當時便損於人但於久後積衰敗爾伐人之命甚於斤斧蝕人之性猛於狼虎印五蓋緣兆應五行潛通四運源其跡而不謬究其理而益佳宜深慎之以全其真也不飢而強食不渴而強飲並招其損矣不飢強食則脾勞不渴強飲則胃脹體欲常勞食欲常少勞勿至極少勿至虛冬則

朝莫令空心夏則夜莫令飽食春夏唯須早起秋冬却要晚眠早起不在雞鳴前晚起不在日出後心源澄則真靈守其位氣海靜則邪物去其身行詐偽則神悲行詭佞則神沮靈嫉於人當減筭殺害於物必傷年行一善則鬼神欣搆一惡則鬼神喜魂欲人生魄欲人死是以心為五藏君氣為百骸使君欲安靜無為使欲流行不滯所以起卧依四時慎其早晚之候服食調六府適其冷熱之宜動以太和為馬通以玄寂為車四肢煩勞則偃仰以導之心胸壅塞則吐納以宣之杜其病源常施補瀉之術除其邪氣每存默默之機是以忍怒以凌陰抑喜以助陽泥丸君欲得多梯天鼓欲得常鳴目不厭臨津不厭嚙心不厭順氣不厭和若能如此修習不廢則可餌草木之藥先治其損精勤不已然後消鏹金石固際其真此乃攝生有條貫保壽有津涯實為補養之妙門延駐之玄說若乃恣情快意於馳騁之上勞神役思於巧偽之間重其貨財耽其寵樂不營保護之術不務慎守

之規須臾氣竭在念競之前形枯於聲色之際以此觀之足甚省悟蓋不知心源靜則神魂安嗜慾輿則真靈漬焦然戚戚之志勞其後役之軀救火熱薪良可歎也是故真人乃作頌曰

淡薄不親印五 狂蕩是隣 縱不殞身 亦能敗神 敗神失真 傷殘之因 傷殘之因 豈虛言哉

太上保真養生論終

養生辯疑訣

栖真子施角吾述

一氣無方與時消息萬物生死共氣盛衰處自然之間而皆不知所以然而然其所稟習在覆載之下有形者先知其本知其本則求無不通脩道先須正其源正其源則流無不應若棄其本而外求背其源以邪究難獵盡百家學窮諸子徒廣虛論功條其攝養之效得者觀之實為自誤耳今歷觀世間好道之流不可勝數雖知恬淡以自守全不知恬淡之中有妙用矣雖知虛無以為理全不知虛無之中而無不為矣若不知虛無恬淡妙用之理徒委志於寂默之間妄作於形神之外是謂無益之用非攝生之鴻漸也且神由形住形以神留神苟外遷形亦難保抑又服餌草木金石以固其形而不知草木金石之性不究四時逆順之宜久而服之反傷和氣遠不出中年之內疾害俱生使夫輕薄之流皆謂繁風捕影不可得矣翻以學者為不肯以真隱為詭道不亦傷哉感人嘗以此事而譏

養生辯疑訣

余曰吾聞學道可致長生吾自童年至于暮齒見學道之人已千數矣服氣絕粒者驅役考召者清靜無欲者修仙鍊行者如斯之流未有不聞其死者也身歿幽環之下徒以尸解為名推此而論之蓋得者猶靈骨耳非可學而得之余聞斯論不覺心愆于內神恍于外沈吟之間乃太息而應之曰觀子向來所說實亦鄙之甚矣迷之尤矣今世人學人間之事猶有成與不成又況妙本玄深昏昏默默胡可造次而得之且大道無親感之即應苟云靈骨無乃踈乎然夫服氣絕粒者且道家之所尚人苟行之皆有不食之功身輕之效便自言腸胃無滓立致雲霓形體獲輕坐希鸞鶴採餌者復以毛女為憑呼吸者又引靈龜作證曾不知真氣暗滅胎精內枯猶執滯理於松筠守迷端於翰墨良可嗟矣寧所惟手至於驅役考召之流蓋是道中之法事研討至精窮其真誥誠為身外之虛名妄作人間之孟浪在已無徵於延益於人有驗於軫攘亂構休祥徒陳禍福如斯之輩並匪保

養生辯疑訣

生之道也或以清靜無為深居絕俗形同槁木志類死灰不知天地動用之心不察陰陽運行之理如此則雖遊恍惚其恍惚而無涯縱合官冥其官冥而莫測翻使希夷之外神用固然虛白之中玄關失守言議之際中有高真喟然而嘆曰守一非一履真非真此亦近為門階之由殊未窺其室中之用矣大凡保氣接神不可以湛然而得之亦不可以兀然而守之且神無方而氣常運形至靜而用無窮是知保氣者其要在乎運棲神者其秘在乎用吾嘗聞之於師曰體虛而氣周形靜而神會此蓋為出世之玄機無名之大用矣

太上三皇齋神仙上錄經

三皇神仙內神寶祝齋錄門

黃帝曰凡學士精心願樂勤道求生苦齋大寂希求神仙朝夕求靈不避飢寒救護萬姓以為因緣福流七世免度大患身超水火形

安體全洞極上法令兆神仙學以成之道德日新

黃帝曰三皇神者胎靈之神也皇上之祕篇也兆有之者神仙見之者延年詠之者上見皇君十方諸天皆來試觀焉其文至妙其位至尊能令人出入水火變化幽冥司錄三官一時定生精勤之哉必書仙名其術至真非惟經篇

黃帝曰兆有此書勤心齋戒燒香祝文沐浴雲水燔烟上元結齋三九八帝神篇叩心祝誦上聞三天七世罪除冥考都蠲過度苦道削罪成真勤而修之上見皇君矣

黃帝曰先天有三皇之神八帝次其治皆高真為輔邪惡不生災害不作非世所傳伏羲女媧之時也其治各一萬三千歲後上天為

八帝尊皇所受靈書妙術長生久化之道輔聖七錄治世三奇此其書也又以青素書三皇文三尺為幡以朱書之以一丈竹竿懸於庭中亦可以几請皇文以北向為坐燒香願呪叩齒二十四道竟祝曰

香煙玉女上白皇君小兆甲乙清齋絕塵期靈五通上願成真滅禍生福上昇三天畢然燈行道祝願皆如此法也諸是災難禍害无不盡消疾病垂命皆得更生

又此齋法侍燈勤苦當日中一食至夜生氣時燒香陳願畢又一食此則每時食息也但不得冒履穢濁令不精專之人干犯齋禁也行事節度一如上法

合上元香珠法

用沉香三斤薰陸一斤青木九兩雞舌五兩玄參三兩雀頭六兩麝香三兩白芷二兩真檀四兩艾香三兩安息膠四兩木蘭三兩凡一十二種別搗細篩之畢納乾菓十兩更搗三萬杵納白器中密蓋蒸香一日畢更蜜和擣之丸如梧桐子以青繩穿之日曝令乾此

三皇真元之香珠也燒此皆徹九天真人玉女皆歌此於空玄之中又加雄黃半斤麝香四兩合擣和為丸服如大豆大十九日一服耳常能服之令人神明不衰口生香氣又感真微靈降致玉女并萬病諸疰惡鬼不祥妖魔皆自遠伏也

黃帝曰皇文齋法至真至貴非世所傳夫求長生及為萬兆請福救解厄難除災却害當先行八帝大齋之法以解七世父母及己身除罪三年之後乃得刻定仙名以致不死之道也若欲劾召百神皆須積齋成功感應自然乃可召之其時意中皆自了於心中也

黃帝曰若萬兆有疾病急厄及罪積深大不可得救者皆當告請三皇以為寶齋之法以拔贖之也當燒香然燈各三枚或五枚或七枚或九枚或可三十六枚以象三十六天之數也如此四十日或百日罪名皆除於是司命司錄以結定仙名為兆得無量大福明燈以照神燼煙以嚮氣太真神樂三皇燕集兆得神仙慶派萬世一年之中得三七行事為



大度也

黃帝曰若為萬民致福救其急難厄禍此當清齋三日若五日七日九日適意耳當沐浴玄雲之水燒皇上之香然玄液之燭三燈五燈七燈九燈意適耳相去間六尺不得令燭行大闕一香爐一油燈不得使人從燈間中過欲聽過五纂門又常守燈令香煙不絕至日中日入又再拜燒香祝乞適所陳耳此名三五大齋內禮之法也

作香玄腴法

用麻腴一斛真檀一斤青木香一斤玄參一兩香珠三兩擗碎納腴中密蓋之微火煎之半日成也

作雲水之法

用水三斛青木香四兩真檀七兩玄參二兩合治煮之令得一沸畢清澄適寒溫以自沐浴也此天真玉女玄水之法名鍊胎神漿此法及香珠皆出於寶齋上錄篇中非世人之所見也  
兆若欲知機通感知人罪福者皆應服三皇

幽天符即自通感神明逆見將來之玄會也

醮儀

候夜行道竟敷席設座依三皇位天皇北皂為座地皇西南白為座人皇東北碧為座三大長盤三甌酒昆布為脯南棕果隨時珍酒三斗省內脯

初向北呪曰

香煙玉女上白皇君某奉為某清齋行道十八時竟正爾燒香獻禮拜請三皇真君願降以靈元下入某身所啓運御三皇九前

次酌酒三拜跪曰

洞神弟子某謹為某奉請天皇監太一君地皇主真一君人皇統三一君願並降席鑒察丹心

次思神良久跪曰

小兆某上白三皇真君某以凡庸謬叨正法昔奉受三皇寶文內以自修外以教世今有某投詞披請謹重宣聞讀詞謹承詞旨率同法如干人奉為修建三皇齋直三日三夜一十八時行道竭誠首請事已周竟謹投蔬

醮薄獻類薄仰願聖皇特垂慈矜赦宥某深愆重欲解釋寃對削落黑簡延益祚曆療治眾疾永蒙康裕克隆萬福勤行德惠家國兼泰率土元吉謹以奏言請賜矜允再三拜

又隨意陳乞言曰

上降尊靈遠臨鄙濁祈禮既畢不敢稽留呼吸上昇還神反位稽首奉辭

次再拜燒香復爐曰

香煙三女真靈臨降垂慈布澤上昇天宮香煙飛散與道和合

次畢作禮而退

太上三皇寶齋神仙上錄經終

太清金闕玉華仙書八極神章三皇內秘文

深六

序  
九玄之初二象未構空洞凝華靈風集粹神章結於混成玉宇標於獨化挺乎有無之際煥乎玄黃之先日月得之以照臨乾坤資之以覆載於是無上虛皇命元始大聖編于金闕次於玉章內秘上玄未流下土降鑿有道乃賜斯文故軒轅受符伏羲受圖高辛得天經大禹獲洛書神道有攝降啓於茲矣又玄元愍俗歷為帝師人倫浮偽則垂道德以示淳朴鬼神雜擾則降此文以蕩妖邪斯又西臺而隱靈文東華而秘真訣其龍章雲篆非賢不傳戒之不退用之保專雖未得神仙之道而亦在世遊行已證地仙之果也可以玉石作匣五錄為囊秘藏丹房而勿慢輕矣

太清金闕玉華仙書八極神章三皇內秘文

卷上

微正章第一

天皇帝曰太虛之先寂家無象何以至精感激而真一存焉真一運行而元氣自化元氣有中無中無中之有廣不可量微不可察氤氳漸著混元無移萬象之端兆朕於此以清微明朗者浮之為天濁滯頓昧者積之為地平和柔順者結之為人至靈剛秀者化之為神錯謬陰戾者散而為異類皆稟一氣之所生分萬殊而各位雖群動糾紛而皆可聖矣滅而復生周而復始道德之體人神之心感應不窮未嘗倍於動用之境矣故道者乃虛無之象造化之根神明之本天地之源其大無外其微無內浩曠無端杳冥無際而至幽靡測而大明垂光至靜無心而品物有方混元無物寂悄無聲萬象以之而生五行以之而成生者有極成者有虧生生成成今古湛然不移此之為道也德者天地所稟陰陽所資經以五行緯以四時牧之以君訓之以師

幽冥動植咸暢其宜恩流不息群生不知此之為德也是知道德者乃天地之祖也天地者乃萬物之父母也羅天之尊者乃虛無之紀綱也八極之神者乃天地之柄也日月清明者乃天地之度數也萬星群象者乃天地之變道也五行六氣者乃天地之樞機也帝王國君者乃三才之主總也群品之類者乃陰陽之移氣也精邪鬼怪者乃天地之影響也靈芝仙藥者乃精明純粹所化也是知萬物之源者皆道德為根象帝之先真一之為本也

神宗章第二

天皇帝曰天地者不能自有生也生天地者太極也太極者不能自運也運太極者真精也真精者自然運化也惟神惟明是曰虛皇高居九清乃司玄化總御萬靈者曰元始君也元始君者一曰盤古真人二曰九皇都主三曰八極神王四曰大羅仙總持天形如目蓋日月未著明星辰未著先玄元虛曠況蕩彌冥寂寂混沌無名上無所係下無所

板上無八極下無五嶽上無變通下無樞機  
時元始君混成焉常呼吸元氣後生變通感  
激真精至於太極一氣分判而成兩儀上列  
三清下分四大劫又經四萬劫地生剛須剛  
須生濱牽濱牽生龍龍生水岸石山血血化  
為大元少母大元少母生能人言容姿絕妙  
常遊地藏之間呼吸元氣元始知之與之通  
氣然後日月有明星辰有光五運自分六氣  
自正後經四萬劫元始化為盤古真人與之  
開其左心小腸後方能言又經四萬劫生天  
皇王十三頭天皇王生地皇王地皇王生人。  
皇王是有三皇內祕之法乃斯文也然後布  
列五方成五嶽之神為五行之主也在天為  
五星五氣在地為五行五嶽東方有東嶽之  
神乃陽木之君南方有南嶽之神乃離明之  
君西方有西嶽之神乃大著之君北方有北  
嶽之神乃靈宰之君中央有中嶽之神乃軒  
轅公孫之帝樞以萬象之主掌以交泰之籍  
也天中大羅八天三十二帝八極有七百二  
十君虛無三十六洞天有八方消魔神王之

神也

上三霄

蒼霄四洞天 日精寶錄洞天内有日光之  
主為正太陽天子為宗以次神王以次神仙  
在其內者並主一切世間照臨之事月華明  
應洞天以太陰星陽神為主月華天女為正  
其內神王其內神仙並主星辰交變陰陽否  
泰萬物休咎之事南斗注生洞天内有南斗  
長生大帝為主長生星君為正內有神王內  
有神仙並主水陸趣生錄貴賤之事掌以群  
生生死之籍北斗七符錄羅洞天内有北極  
紫微大帝為主內有神王內有神仙並主齋  
醮罪福除斷鬼邪掃蕩精魅之事也  
風霄四洞天 寶華神光洞天太素精陽洞  
天金華西玉洞天積英絕粹洞天此四洞天  
神四洞天仙並主文明之職掌握陰府之事  
也  
雲霄四洞天 太虛神應洞天七明焰魔洞  
天虛境刀利洞天八極靜度洞天此四洞天  
神四洞天仙並主以十善行絕之事統以昇

仙之職此三霄之外自下至上以中為度乃  
天開之上矣

中三霄

煙霄四洞天 紫極靜梵洞天神霄玉清洞  
天陽明朱鳳洞天東華青童洞天此四洞天  
神四洞天仙並主水府地祇海嶽福地之事  
三島十洲地仙散仙劔仙積德積行修行上  
士之職也

霞霄四洞天 羽風虛白洞天太易和陽洞  
天瓊雲上真洞天太初集仙洞天此四洞天

神四洞天仙皆得陽明六化陰精大變之功  
也主以列仙昇天握以南宮之職

氣霄四洞天 太始玉清洞天和四聖洞

天神霄消魔洞天天華上相洞天此四洞天  
神四洞天仙並主運氣劫度日月魂魄星

辰交夫人主興廢天地威氣風雨之集聚自  
中以上為度此三霄凝精陽首接宇宙結真

氣作宮庭屬三境之所也

下三霄

景霄四洞天 太清金闕洞天神真玄化洞

天木公金母洞天三元極變洞天此四洞天乃玉皇大帝為主內有神王內有神仙皆主天上下陰府三統七御掌握萬事之職也碧霄四洞天 碧虛太一洞天紫英夜光洞天精華太空洞天玉陽無極洞天此四洞天神四洞天乃玉皇大帝為主並職天上一切天仙天官天人得失之事也

丹霄四洞天 錦林洞天雲林洞天神精洞天大羅洞天此四洞天以地皇正主天皇大帝都主中有神王中有天官並主三清聖教八極靈文之職檢校仙書神訣之事九霄之上八極之外名曰大羅之天中有玉清聖境無上聖宗無上仙君大道之母一氣之君號曰元始也中有上清真境元皇大道君所居中有太清仙境太上老君所居玉京之山珠林紫寶瓊花鳳髓以生其上中有八十一路以通塵世八十一洞天中之祖聖天中之祖宗天中之神王天中之帝君天中之天官天中之天仙天中之天人天中之大聖九霄之神五嶽之君皆五日一朝赴玉京之山三

境之內元始之前雖八天九地萬萬餘里遠近皆集頃刻之間也五嶽之下地仙所職者北方真武真君生伏塵世祖積陰功幼慕真風少習道業精達造化之源流深測神變之妙理遇玉清君授以斬鬼玉文天書十部鐵

鏡銅符以蕩陰精妖魅以散髮執玉清天丁初授八卦羽化衣服踏天地龜蛇者是也南嶽司命者隋魏夫人也東嶽司命者乃紫微王夫人也西嶽司命者乃西王母第十三愛女也北嶽司命者乃唐臣崔府君也中嶽司命者乃唐臣李靖也三元罪福官者乃三節真君也太初之婦為峨嵋山道君漢張子房為王屋山道君主五湖四海三澗九江沈溺死人之事王喜先生為蓬萊上島仙主大景先生消子為蓬萊中島仙主許真君為丹臺宮主管天下神仙功行之事楊太君為天台山道君後為玉皇佐書仙吏邵堅為匡廬山小有洞主陳搏先生管蓬萊下島仙主鍾離嘉管瑤臺宮仙主又權南洲講法太師是以七十二福地八十一洞天十洲三島小仙九

地隱士陰府鬼官鄧都神主山水小使江海鬼神修行仙子未昇天者皆不上於玉籍名號未列於金簡也

鬼宗章第三

鬼者無形之至靈者也虛焉神寂而莫識其妙焉若谷應而不流

東方八鬼 一曰陰尸之鬼於東方狀如幼童多化作女人身以從天神者一曰羅達之鬼一曰陽明之鬼一曰赤風之鬼一曰孤花之鬼一曰大泉之鬼一曰汶鳴之鬼一曰神魔之鬼此類八鬼乃天神所役正直之鬼以無私意害賊人之性命也並居東方歲德之位也  
南方八鬼 一曰烏羅那鬼一曰天大婆鬼一曰地雷吒鬼一曰精靈鬼一曰九尸鬼一曰木井鬼一曰孫道天神鬼一曰牛女鬼此八鬼各皆難首人身身著黃紗服衣衣朱焰色隨天神為風電之吏並居南方火德歲域之位也  
西方八鬼 一曰純生鬼一曰無那魄尸鬼

一曰注迷鬼一曰毫駝鬼一曰蠻變鬼一曰天星鬼一曰皇吒鬼一曰陰魅鬼此八鬼正無私邪並隨天神處斷妖邪斬殺不平之人並居太白之位也

北方八鬼 一曰夜叉鬼一曰伏羅鬼一曰

人帝鬼一曰祥化鬼一曰波離鬼一曰魔吻鬼一曰執殺鬼一曰金鳳女子鬼此八鬼乃北方北帝之用兵正直無曲常隨北帝君以蕩掃諸耗鬼其形狀若天神並居北方危宿辰星之位也

中央八鬼 一曰僧吒鬼一曰鳴吒鬼一曰尾星鬼一曰海殺鬼一曰六丁鬼一曰六甲鬼一曰玉女鬼一曰五道鬼此八鬼亦隨天神以從五嶽追取死人送變禍福者其鬼狀若神形並居中央鎮星之位也

天皇君曰此五方四十天鬼乃五嶽之正吏五方之正兵天神之用虛無之正氣也助天地之德以使風雷從五嶽之佐以掃奸詐其五方之鬼每一鬼下各領吏兵三十萬助天地之正氣也凡欲役使五方之鬼者亦有法

馬如金日者使西方八鬼木日使東方八鬼火日使南方八鬼水日使北方八鬼土日使中央八鬼欲使之者先書天皇真形符於黃羅之上長五寸闊五寸以朱書為上燒作灰面望天門以香湯吞之其符入腹精神立變

萬鬼見之自伏萬神見之自歸以為護身而免外害矣然後於其日方書一鬼名於白紙上在於面正望天門念天皇上帝呪三遍取氣三口吹於印上用朱砂塗印面望其方大呼鬼名一聲用印印於紙上鬼名一印其鬼自現或六丁或六甲玉女諸鬼細言問之一切所告之懷無不遂意或為輕風或為薄霧

或作雲霞或變龍虎或化萬物之形狀或化山林巖石之體或為羊馬或作飛走或乘雲鶴遊戲方外或促地遊四大神洲觀一切萬事欲斷不平之事取劔一口長三尺二寸鋒突刃利者乃左手執劔於天門右手執天皇

上帝之印念天皇御呪三遍取氣三口吹在印上朱砂塗印劔尖一印擲劔在空中其鬼以知其人意雖千萬里重隔江海頃刻之間

人頭落焉天皇君曰昔有古神人致虛先生未行內妙先達變通之理將入初程遂意遊四海之外是以攝御萬靈同臻衆妙者俱不出於斯文焉學夫遭遇專以虛白勿得情欲違犯也將心歸正志守太和忘意抱淳漸入

仙宗如有六塵不息牛牧不忘情欲不斷俗操不絕者與吾文異矣  
精宗章第四  
天皇君曰五方天鬼之外一切小靈並屬精魅之宗雖恠之異無以助正氣之德皆屬私

神魔精之類以吾之御印以吾之御呪隨即見形可以役使如家奴僕焉吾之法者使其神也如烈火焚其秋毫役其鬼也若海波漂其枯葉正神之外正鬼之外有七十二精後以細述焉此鬼天不收地不管五嶽不御山

海不拘不從大德不助真風好殺好亂姪邪食血肉不正之鬼號曰私神名也  
一名魔魂吞尸精形如二八女子丹臉朱唇綠眉紅頰目澄秋水體凝脂膏好着翠藍服頂以蛾華冠人見之多認為仙女化成樓宇

以妖氣變化宮庭攝人生成疾患亂我之玄風使修行之人不康矣其鬼精姓任左眉間有紫毫一莖長一寸許本是萬年狐狸歷世之久變化為姝色惑人者多矣修仙學道之士入山忽見之但呼其小名曰魔魂吞尸鬼其鬼聞人言其名而身自滅矣故曰知根不聖也一名五統私神之鬼精其狀如一美男子之貌獨一足好遊世間姪亂生人之室者有連年累月不去者本出於一人家家奴後死有五統之力今世之婦女言有夫兼寢生人恠笑恠哭忽死忽生空中自笑忽與人言遣散不去者魅陰人或偷盜外物以助家者是也欲去之者用黃紙五十朱書天皇真形符在上作灰用香湯令婦人女子望天門吞之執天皇上帝印於天門念天皇呪三遍取氣三口咒入印中用白紙書五統名跡在上以朱砂塗印上印於紙上令婦人女子用緋袋戴之於頭心即時滅矣一名猫毛神狀如三十餘男子皂衣赤足雞爪人形多着陰人詐稱通天神之號善知未來之事今之師婆

是此神所着也本出強魂枉死之人也一名血尸神神形如烏毛之猥朱目白眉或化蛇或化蜘蛛蝦蟇之狀多着婦人身中以食人五臟精華飲人肌血令人日瘦作病命亡其鬼却化本形復入別人體中今之男女以傳襲癆病是也其精本出吞毛之國老犬精也一名猪角白腹鬼精形如七八歲童子紫衣烏足其形多化為穀水之狀人悞食之令人作病無言默語而至死者是也號為不語病修仙之士但欲飲水映面無光或欲飲食見食變色者是此恠在內也慎勿食之其鬼本出於產死之強魂也一名女叉精狀如羸惡婦人着青衣於夜間多着小兒腹內以盜小兒之魂魄令小兒夜啼是也一名條了精鬼總領三四卒小兒形狀不等有驢首人身黃衣面赤執一囊服內含邪氣愛遊八方以散時癘於人今人言天行病者乃是此鬼也乃變癆氣其鬼本出於五行不正之氣是人強魂所化也一名咬拆曲石神狀如少女天姿姝色或變為人屬愛夜寢若夢陰陽相奪人

之真氣其鬼本出人世揀陰坐禪不成之輩又名清靈善爽之鬼今人言夜夢鬼交是也天曹不收地神不管天地私神八山之精也一名雷聲急狀若伏虎花斑綠項愛夜遊高峯之上於人無患乃萬歲銅鑛之精是也一名春瓊泉狀若二八女子三髻黃衣長裙赤足多執火夜行不過數步自滅矣乃萬年金苗之精也一名束少年狀若小童頂帽撒履衣白貌秀多日出時執一禽魚戲遊於人路乃萬年銀苗之精也一名雙石尸精其形朱髮披散緋衣碧目身長丈許多在山中與人相應或叫入姓名多於石堆嶮峻處崩崖裂石以打損人者多矣本出山中石打死無主孤寬之精也此乃天地不收江河不拘多害生靈損人性命一名魚白水耗精凶惡湫池多有之其變形狀若一陰人之覆浮於水邊人見之救拔而多溺於水此恠乃水溺死強魂之精也一名朱蛇白面精乃鬼形多遊水邊口叫要人替聲人見之行十步許其鬼以氣噴人其不由自己心乃投身於水也此

者亦水溺死之強魂也一名王玉真形狀如小女帶峨冠華服骨秀顏姿麗青衣朱履常領侍女兩三人其鬼多處空宅石巖園壇深山人寂之處以魁少年之君十有九死凡見之者右眉間有青毫一莖長二寸許好歌曲善詩詞以至昏暮好惑生人之心今之山谷中甚有焉其精本出於三千年白蛇之精也一名秋草葉精其狀乃少女之形貌潤體紺紅帛裹髻或見相逐常有五七人能化水爲酒漿善吟詠此惟以大湫遠路孤靜人稀山谷花木間有之其惟本出於年深拱鼠之精也一名朱眉魂狀如惡鬼之形兩首一身馬足虎手赤體無衣長數丈餘多詐稱神人又誑爲土地人不知其根者以香火供養積日之久無不賤人之命矣其精本出於年深若樹之精也一名霍公孫狀若飛鳥兩首一身錦毛赤脣大小如雞之形其惟亦能呼吸人之精神漸令人死矣此乃數千年伏翔之精也一名海僧尼狀乃一魚形如女子面首甚有姝色骨冠髻遊於山水或入河海水中

此惟見人多吐氣以混水氣向人人着者無不死矣故人謂之曰有魚婦人頭善能言語者是也此乃年深人魂之精也一名鹿身戒尸精乃人形也若女子衣白孝服多啼哭於水邊人見之欲問令人死矣此惟乃千年鯉魚之精也一名惡毒鬼其形如人狀人多不見誤入水中在水執人脚足不能出令人至死不能得出矣一名黃孝白面精狀若小蛇朱鱗有足五隻多遊於井邊人見之以爲投井使人自然生心不由已而投井死矣此乃投井之強魂所化也一名星吒婆其形黑氣盤結於井口之空人或見之無不落井死矣此乃井泉之鬼冤魂所化也一名全全幽魂精其不見形狀如在水底人多聞哭笑之聲若是也能興雲霧亦能賊人性命天地不收五岳不管此惟本出千年蠟之精也一名夏佳毒精形若白蛇當頂有一角多藏婦人腹中令婦人面黃髮脫者是也或臨產難化白蛇之形而作光去矣此乃臭死屍陰毒之氣所化也一名黃遠天狀若鬼形多藏婦人腹

中故隔腹與母言者是也其婦人之命亦不長久矣此乃千年草木之精所化也一名張彥最狀若一婦人緋衣亂髮好於宅舍中盜物而人或見現形者此乃冤靈死鬼之魂本人家奴婢所化也一名劉遠橫狀若嬰兒逐物變化多着淫子之身故人家男女以供養淫子後有靈驗致得祿位變成凶禍者此乃本是年深淫人所化也一名高陽哥狀若少女容姿甚姝多奸淫亂其或與人文感世有男女執愛死而後復有魂來着人成事者是也本出死人中強魂所化也一名月娘精狀若婦人好嬉亂色慾多着淫神之體令人或入廟宇見廟中女流之神貌端容潔心生愛慕忽至昏暮來宿以亂人者乃淫神所得精化也一名馬元師子精弟兄五人狀若鬼形赤體無衣一鬼將一扇一鬼將一小葫蘆一鬼將一氣袋此是四神五惟往往不利善取風砂遊歷世間以着生人令人作寒熱欲飲凉水今瘡疾者是也此乃五方五耗之鬼也一名杜昌精形如黑鼠好遊人世宮室廳宅

中以異耗矣今之倉庫房內無故物失壞者  
是也此乃是千年老鼠之精也一名杜鰲  
虺精形如老鼠大小不測藏於黑處以氣遠  
嘆人影人着其氣無不患惡瘡而死也此乃  
歲深故物之精也一名黑花精形如一犬非

有犬毛赤皮六眼多藏孤靜處遠見人以一  
氣嘆人人着令人心內忽然煩悶吐涎吐血  
而成其疾以死矣此乃宅中不正之神精也  
一名牛首都精肉角當頂青面朱目鷹睛  
虎項馬足人身多遊山谷以殞人之命此乃

師子國一老馬之精始得龍珠後變形不正  
次化人身散入八方今之山谷多有之矣一  
名桂龍晚天精其狀龍形無角善役雲霧多  
遊水塘中好食生人腦髓此乃西川龍移山  
跡水怪精也一名鄧巢黃天精其狀共一大

龜鼈而當頂有角四目好遊水中作壞堤岸  
碎河口亦多從足心手心飲生人腦髓此乃  
水怪之精也一名曹洪天眼精散髮一足若  
女子之形以遊山谷見人多笑舉足垂風能  
飛吐氣變化善能喚生人之命此是天怪本

乃萬年枯柏之精也一名桃奴新其形一黃  
腫婦人着淡衣夜執大出晝亦現之多在此  
巖窟穴或久靜宅房皆有為人見之無不疾  
病此乃千年蝦蟇之精也一名宋丘孤魂精  
狀乃一婦人多遊山林常哭於草下有人問

之多言我是良人家之婦人因循其端無不  
成禍矣識之者其鬼精無左耳此乃千年野  
狸貓之精也一名具愛愛精狀乃女形口稱  
良人家常抱一小兒或携一兩侍女好遊山  
谷好魔障修行人之心欲學道者不過此書

辨邪正甚有亂而有損也其鬼左臉上有赤  
盤痕一箇若豆許但見呼其小名左臉赤盤  
痕其愛愛精其鬼精見知其跡而非用法印  
自滅矣此乃千年頑石精也一名左守全邪  
精狀若一天神武夫常持一利刃携一人頭

在山大叫若巨虎烈石之聲人悞逢之無  
不死矣此乃山中一死雄魂之精也天地不  
收常為八極神邪之精一名老僧精形乃一  
老僧披褐弱態手携經文數卷於山谷或於  
小道進左目赤色眉毛若猪鬃見僧人作一

善事言談生人與語無不遭其食啖此乃南  
雲山一老僧得妖氣而化此精也一名使賣  
羊頭精四角人身色青多遊四海以媯生人  
之室女今世之人忽有婦女晝生夜死者乃  
此怪所害亦乃千年海犬所化也一名陳狂

尸魄精虎首禽身肉翅飛空以喫生人之肌  
肉此乃萬年江猪所化也一名吞魔小直精  
多戴金花冠素色服狀若神人能噴妖氣化  
為宮宇以取世間有姝色者婦人在內好血  
肉求醮祀媯亂生人假託神人以要贖救者

多矣此乃天地厭神本出老雞之精也一名  
郭華小神精鬼形人面布衣深目常携一小  
刃突出多遊山野人或見之以尖刃利面吞  
啖血肉此乃不正之地小祇之精也一名山  
嶽孫青精黃衣狀如老陰之人多現於山谷

幽野中左手常携一禽五彩錦毛見人時以  
放之人見其禽錦毛可愛以觀之無不辛病  
此乃幽谷一老鳥馬之精也一名黃女精狀  
如一小女雙雲髻紫衣人夜多見問之其鬼  
則化為風以取人歸食其血肉此乃手深師



子之精也一名周德大昧精狀乃壯女之形頂七星玉珠冠水彩色五花服雲鬢紺潤眉目似秋波常携一兒枯腦骨見人將枯腦骨化爲繡囊人見之無不觀矣其女有語曰我本閨門不出偶思野色以戲步至此人多迷

性好色如飢龜飲血無不亂其生人既與其合乃骨膏而粉碎也此鬼於印堂中有斑點一箇如豆許乃天地記也此乃江中老龜之精也此鬼極熱之方多有之天地不主管八洞不收握八世散魂精也一名漆漆小耗精狀乃一女形素結髮髻朱衣紅履瓊觀花容善歌曲好吟風月或至月夜或至日暮多言我乃君家之隣女而少年之子見而喜交積久月深則令陽魂日消而死矣此乃人家未出嫁閨魂之精也一名蘇小妖精狀若小男

或居山或在房舍或聽似有人叫之聲者而不出三聲一聲大雨聲小者是也此年深凶板之精也一名楊花鬼尸精形乃一男子之狀白衣或青四目無足常夜遊靜處以作人叫呼口稱疼痛之苦人或聽將爲實病之人或有問者應聲人即死矣此乃年深極棺之精也一名黃河大小精常有三五人或七八人相逐或無頭足或無口鼻或無眼耳或無臂肘或聚於黃昏火傍人見之多生大病於身回此乃年深無主飄浮之魂餓鬼之精也

孝服白衣多見於廳堂夜暮或哭笑或歌吟或獨行或三二人此精現處人見之無不死矣此乃故宅中陰人伏屍之鬼也一名兩林青面精身著白衣髮未皆散多令人家門戶作聲宅舍不安此乃宅中陽人伏屍精也一名李童形如室女麗色容妹端身清秀多遊夜間朱衣高冠善能詩曲舉步吟詠媚人者多矣此乃年深燈禁之精也一名故奴僧精形若婦人孝衣或彩衣夜出燈下以物帛覆頭面者是也亦能言好弄燈好搭人咽喉至死此乃掃帚之精也一名殺木魂精其形如三二人愛更深出弄行步之聲於宅中亦多注病能害小兒此乃年深器物之精也一名土玉精狀若白鼠或鬼形常夜深愛拋擲瓦磚此鬼令人宅舍昌盛此乃鋼鐵之精也欲取之時用白紙一張上書天皇呪印作紙燃注油過夜點然于所疑之處別用燈照之有物處其燈焰垂下天明發之必獲其物也一名大羅殺鬼精形無定多知吉凶於夜駕禽入宅或房室作聲向人或下淚此乃家親未

託生者天神不收地神不借世之所謂邪靈化精者一名鐵雲羅耶精善施雲霧形若小兒腦後有目若電光手足如禽爪夜現火光值早多歲婦人腹中其家不昌乃乖龍未登位之精一名趙氏宗精狀若男子衣物不測

深六

二十

令人夜寢若夢非夢忽見人來壓身者是也人見之無不成病天曹不收地神不管無籍而化精者一名賀度口精狀若男子形多現於穴窟見人吐氣着人令人作病走注疼痛手足如折不止世以為虎咬者是此乃年深

深山虎精也一名灰虎神精虎首灰驢形四足有爪目如電光善變化通風處無不到好傷人命啖小兒此乃年老陰人之精得灰力能變化一名唐水鳴精馳首人形紅衣赤足手執小刀常遊廚竈監飲食無故冷殘動者

人再食無不作疾者一名倭女子精人形五髻四眉四目四手衣黃禽足多遊人世能吸人血令人睡覺見身青黑點二三日不消者是也遇此令人有小災小禍此精乃深山羊深毒蛇之精一名鄭達伏其精無形狀多於

宅中忽現火塊相逐者乃羊深門側之精也一名氣祿血著精其狀如火焰相照如燈或三或五相附而行多暮夜現於古壇塚道路曠野而皆甚有之其變化或大或小不定人若逐之或有或無今人所謂鬼火者是也此

深六

十一

乃本出閻室街市山崖之處或生人或死人血或禽獸之血在地三日不化得陰陽盜一靈氣在內而後變化作此如陽人之血焰紅陰人之血焰碧有煙欲要看者執天皇神印於天門念天皇呪三遍取三口氣吹在印上

望有火處以印照之其鬼火自來再印印之其鬼火自滅而看其形狀乃破器內盛赤血水或皮或毛或故帛上有鮮之也

天條章第五

天皇君曰天條者八極上法九霄玉文之條

也以檢天丁斬大神斷祿精除邪殺鬼魁掃不祥而莫非天條之正氣大焉夫天條者斬掃其祿神也如烈火焚一秋毫除蕩鬼魅也若大海漂一朽葉無不蕩除法曰凡斬斷邪精鬼魅者但見其形而言其所變化之根


道其姓名而自不敢去矣然後依印法令五方正鬼數名以驅其精邪以就斬鬼壇上或令其精邪受四大地獄者各隨其意如斬之者取斬鬼劔以左手執之于天門念天皇呪三遍取氣一口吹於印上用朱砂塗印劔

尖一印擲劔空中其所使之鬼以知人意良久斬訖而見其精惟真形矣天皇君曰其壇須用朱砂為界三層或石上土上須長五尺闊五尺凡見一切精鬼之形須天條以絕其根而免後鬼之感矣如見精不斬見惟不除

見病人痛苦不救者亦為心不慈悲之罪也故除精惟於他方斬鬼魅於泉臺驅邪耗於法壇以助真風之正而不令魔鬼害我之民也天皇君曰每遇一精鬼急燒白錢半束與其所斬之精鬼也

天條四地獄斬斷精邪正一天皇壇圖

如欲斬之取其印呼鬼姓名驅邪精而斬之也如未斬時寄封地獄母令走也




天皇鎮壇符式  
 此符安於西北乾上 此符安於東北艮上  
 天皇鎮壇符式  
 此符安於東南巽上 此符安於西南坤上

天皇鎮壇符式


此符安於西北乾上 此符安於東北艮上

此符安於東南巽上 此符安於西南坤上



天皇神印章第六  
 深六  
 二十三

天皇印圖



長四寸  
 闊三寸

天皇君曰凡受三皇內文者乃受三皇內印是也天皇上印長四寸闊三寸地皇中印長三寸五分闊三寸五分人皇下印長三寸闊三寸取一段雷震東木心不然車軸木亦可料印材之許以受難之時安於天醫之方以

隨壇侍壇四方先擇一淨室外絕雞犬女子婦人內正其神須清淨沐浴以面拜八方然後開印雕印之日有風吹砂走石聚雲霧露四方雷震鳴吼兩聲聒者乃開印之威兆也其印既以開成須用緋絹錦帛作囊石水

作匣秘於巖宇藏於石室以順天理也如欲施法用印先以焚香暗拜三皇高真五嶽以請印使役天下鬼兵斷斬世內精魅祿神以天皇君曰其印方之威統攝萬靈而無不臻焉以念神咒吹之於印上以天皇印上印星

則星落印月則月缺印日則日蝕印雲霧則雲霧收藏印風雨則風雨停息用印召五方之鬼而求風無不風求雨則無不雨此天皇上印之威力也以地皇中印印地則地裂印草木則化為灰塵印飛鳥則墜地印虎蟲則


死伏此地皇中印之威力也以人皇下印印一切病患無不康矣若復有人有一切凶禍以香湯吞印無不言慶人壯祿旺以印印之後心則其人立便死再印前心則其人立甦此人皇下印之威力也故三皇神印三元治

攝道中尤有其大人欲驗其徵者取一七歲童子用朱砂塗印念呪印前心印之其後心痕出矣然故三皇內秘文法驗若無此神印邪無以畏之有此神印則百邪竄形矣  
 天皇神咒章第七

咒曰敕微大帝北極天神魁魁魁魁魁魁魁星八洞天丁五嶽捍兵大統大將水火九靈七曜七宿黑殺天蓬三霄上相十極高尊天英天直四殺黃君天心天內天輔天衝南靈神將寶印奉行九土童子鬼王天真天柱天

時壬壬天丁二十八宿十二時將軍月真使者日直神童隨法隨勅入吾印中急急如律令吾奉  
 大羅上仙天皇帝君勅禱  
 天皇真形符章第八


天皇眞形符式




天皇君曰眞形之跡者乃吾之眞形玉錄篆也。用丹砂新筆書符于帛以戴貼之精神立變萬鬼自滅百魔束形群妖潛跡而神聖臻焉。攝法人吞之於腹內其鬼神乃現眞貌眞爲天皇之形也。以此者故得天神歸之矣。

○天皇君曰世海之內凡有一切病患不痊災禍干己久疾爲困危厄頻年卒得一切病患不能伸者以朱書此符燒作灰用香湯吞下無不速痊疾矣。

三皇授法壇儀式章第九  
壇方八尺石壇爲上土壇爲次



請三皇五嶽表式



具州縣鄉村法位臣姓某上言臣某少思仙道攀緣神風若慕真玄欲求大慶今於某年月日宿遭眞契得遇金書妙化以懷輒敢私用謹具表文上請 三皇大帝五方五帝仙君右臣某仰願大度慈師高真憐憫慧光二布。豈有不燭之方慈風既散莫有獨偏之地伏念臣某螻蟻之情苦海之命合靈之性焜焰之身今者靈壇已備瓊花皆鮮上祝天君丹光早降靈坵列位與弟子臣某乞賜證盟敢受玄文之道。

年月日具位姓名謹具表狀

若以靈坵就祭自亥時啓行至子時面望天門肅整衣冠拜訖燒請醮表文少時覺異香入鼻光彩燦目虛空流光倏忽鸞鶴飛空身寒巨顛神明怖懼此是仙君眾聖降坵之兆

也仙君降坵其中茶酒變色當此之際整肅衣冠八方拜坵不得怖懼須內正其神安心定意以祝上聖言曰其今受天文祕書願賜證盟自子至卯時方得收坵面望天門燒錢五分一切錢馬於鬼門用一小狀燒白錢三束今五方四大鬼以象收之然後用印施法攝鬼驅邪封山居洞一切有無皆自然而感應也。

三皇劍法章第十

天皇君曰於甲子日用明鋼三斤六兩打作一劍長二尺四寸用金鏤滲天皇地皇人皇眞形符在上用素帛纏之以索墜入年深人不取水者并中四十九日方取其劍符以攝地祇神靈在內其鐵自白刃血紅人鬼見之無不攝滅名曰紅泉鐵神祇所化之劍也以封於寶匣欲使之如說法之語響應而神威無不應矣。

太清金闕玉華仙書八極神章三皇內祕文卷上

太清金闕玉華仙書八極神章三皇內秘文  
卷中

深七

斯文玄闕無極洞章乃丹臺瑤林之先雲  
華霞秀之始天中大羅自然寶書也其紫  
書瓊札皆上帝高真吐紅氣以成文嘒丹  
輝而結篆秘於紫微標於璧王金華秀簡  
者爾中有居山之法有大洞八素神童使  
自然狼虎不傷毒蟲不害觀靈芝明仙藥  
辨邪正識仙賓知如化伏神策而俱不出  
此焉有獲遇之者以為深秘

地皇神印章第一

地皇神印者以樞權塵世大地之中一切萬  
事無不統御焉故印之大旨於法之先矣其  
有不可外呼吸且如太初仙藥化形假物為  
形託名成象者多有或作禽獸形或作男女  
之形以印照之而盡敗壞也靈芝瑞草變形  
作化以印照之而皆可至矣

地皇神印靈極讚


魁風八殺天神伏 九玄四目老翁歸  
太初羽化大首柄 陸地邪精見攝威

湛湛天書為神祖 玄玄玄外更無餘  
可期玉華靈光篆 絕跡神風掃耗除  
寶印瓊龍上相樞 機神統御最當驅  
天祕魔魁多方外 印刀仙靈洞碧虛  
龍華秀寶金文篆 群袂一見自束形  
太極紫星伏三萬 蕩蕩除邪辟列精  
玄靈假吾神印力 一助真霄掃恠無  
淨地凌空神鬼怖 封山馭氣最為樞  
靈芝化形千百體 仙藥成禽作獸形  
以印照空無不攝 自然大化豈容情

地皇呪曰

南方七星地戶六丁六甲玉女奉吾印行急  
急如律勅攝


地皇神印圖



長三寸五分  
闊三寸五分

地皇真形符篆章第二

地皇真形玉符篆圖



長四寸  
闊四寸  
用黃紙  
朱書篆

地皇君曰凡居止山洞住庵或幽棲林谷每  
日卯旦書此真跡神符作灰用香湯望天門  
吞之則令人益壽延生而邪氣不干矣并居  
山之人收一切仙芝靈藥而以符吞之入腹  
用印照之其藥自來也


修士居山所宜章第三

地皇君曰群類之中惟人最貴故生物必有  
其本為事必有所宜以末學之夫忽生善念  
未達真理不明玄奧便入名山乃遭五陷八  
殺之凶或入山不測之禍蟲殘虎傷之害以  
至死者多矣而不知居山自有法也

訣曰寅辰生人居乾坎二山為福地卯巳午  
生人居坤山為福地申未生人居艮山為福  
地酉生人居震山為福地戌生人居巽山為  
福地亥子丑生人居離兌二山為福地凡居

正東正南東南雖有福地合居或有山谷當面於春夏之間見樹本不禁茂草苗似乾焦之色而石木不潤者此名炎殺之山入山之人居之多遭山火之難矣以別居所宜之山也

入山醮儀山主章第四



地皇君曰大山有大山神主小山有小山神主也入山修道之流而不醮請其主如人無故入人家也其神與人之情則有所遠矣凡入山擇洞居庵至山門下地上或石上鋪淨布巾一條素食一盤茶酒各一分供養少時燒白錢一束以小狀一紙投火司燒之其狀內言某年月日今入山求長生之道不敢私住故醮請山主神靈願垂護祐如此方可入山居住若有所倚託也

高玄生氣擇洞章第五

地皇君曰凡人入山所居雖然福地而亦擇


其洞府也福地所宜山中正東有洞室門高五十尺已上三丈已下者乃神仙洞府也如門高五尺已下者乃陽煙之庵也而不可居洞高三丈已上者乃雲胎之島也雖居之亦有強陰厲陽傷人之魂神也正南有石室門

高五十七尺已上三丈已下者乃曰洞府也石室東南者霍明洞府也正西者名曰魂穴正北有石室者名曰魄窟東北有門名曰石毒也石城洞府居之自有祥瑞感應靈芝丹草出現也若穴窟中居者非獨精邪之患皆天地之生氣離神仙之血脉也若無神書其禍大矣凡入所宜之山山無洞府見東南木榮石潤草滋同商一字水三折者亦可翦茅作庵而修命蒂亦乃神仙之福地必出天官也

封山元天淨地章第六

地皇君曰既居仙府須封山淨地不令邪精犯我之境也取山桃板六片長七寸闊三寸厚一寸面上存皮一面光以新筆香墨各書六丁神符一道在桃板上用朱砂塗印左手執印向天門念地皇呪三遍取氣三口吹於

印上用朱砂再塗印於六丁符上各印一印將桃板鎮安於六絕之地自然精邪滅跡虎豹潛形飛鳥不鳴萬類不現久而居之神昇上界之道



辯識仙窟神神章第七

地皇君曰久居名洞仙府之中日深歲故志道精純者自有仙窟神官降矣以辯之者如早暮忽有彩霞流虛真香入谷瑞色祥氣徘徊者乃高真遊矣以志祝恭心上告天皇而求解脫之道其高真慈愍而自有降教也如或遊巖谷溪際林峯忽見雲霓圍覆而異獸

祥禽徑集皆在左右忽有紅服朱龍者忽有黃服玉佩者或有紫衣六妹者或有執節持幡張蓋者此乃神仙降焉如林谷山峯虛空之中忽見黑氣皂雲中間徘徊冠中服飾或寡或衆多相恍惚者乃邪神會集也故神仙欲降遇之地先有香風透谷入鼻腦也如非神仙者無香風之驗也宜慎之勿自觀之也

辯識三十六種芝草變形章第八

一曰仙足芝紫星一曰丹芝朱星一曰紫芝黃星一曰景芝青星一曰雲芝元星一曰天芝黑星一曰地芝綠星一曰煙芝褐星一曰神芝有紅文如蠶絲線此九芝者皆一性之物也其物本出名山萬萬年精神靈石之氣所結大小不等皆色白如寒玉夜於巖谷光射太空往觀之如石其色潤鮮上有星點辯之也

一曰碧芝青花一曰靈芝黑花一曰焰芝紫花一曰水芝白花一曰氣芝黃花一曰玉芝朱花一曰寶芝粉紅花一曰龍芝碧花一曰虎芝綠花此九芝皆一性之物其根生於江

海山水大小河邊本出山水秀氣積而所生狀若細麻葉之形高三五尺冬夏不凋其上常似有雲淡氣相覆以其色花辯之

一曰瓊芝花形一曰桂芝木形一曰花芝禽形一曰金芝人形一曰玄芝雲朵形一曰錦芝獸形一曰青芝無形狀一曰濕芝水形一曰風芝樓塔之形此九芝者乃一根之性也多生石山洞府石室中其本出雲根煙梢凝結而所化也其大小不測狀若石乳生成龍虎飛禽人物之象貼於石壁也色如朱火畫

夜有光香風氤氳而有形象辯之此二十七品乃瓊花金蒂羽化仙芝也若得遇而採之者以服訖上昇雲漢點凡骨作仙骨化仙人作真人超凡入聖身騰九霄故古仙有言靈芝入腹白日昇於天上者是也

一曰雲精芝如雲朵一曰黃芝如犬形一曰英芝狀如樓閣之形一曰瑞芝鴛鴦之形一曰秀芝鶴形一曰華芝花果之形一曰木芝如木蛾形一曰草芝如虎之形一曰上芝人形此九芝乃一根所化成之物也形狀不測

多生於枯木朽株宮殿庭室水棟之上而有之也若採服之可以延年益壽有小補矣

辯識三十六種仙藥形像章第九

一名朱砂精形赤一名曾青精形青一名石膏精形白一名雄黃精形赤一名硫黃精形黃

一名空青精形淡赤一名白礬精形綠一名雲母石精形黑一名石砂精形紫此九種仙藥之精皆金石所化也形狀如一大鬼朱髮紅眉而多現矣然各有體色辯焉

一名烏石精十六足一名禹餘精二十四足一名井泉石精十二足一名鹽土精十足一名雌黃精無足肉翅善飛一名滑石精八足一名陽起石精六足一名石脂精四足一名水銀精二足此九種石精皆金石所化也形如一蝎大小莫測色如白練其有無足以辯之也

一名人參精如小兒素衣手執花一名茯苓精如小兒手執松栢一名枸杞精如小犬夜鳴山谷一名大黃精如女子執衣髻形一名琥珀精如一虎能飛空一名萬年老葛精如

龍無鱗甲多歲石穴一名老藤精如肉塊破之如膏一名黃精精如小兒手執黃精苗一名蒼朮精如小兒手執蒼朮苗多遊高峯嶺上夜出現此九種仙藥之精皆草木所化也其名山多有之以形色體象辯焉

一名天麻精色赤如血一名遠志精色白一名地黃精色黃一名牛膝精土色一名烏頭精色黑一名白朮精色紫一名茯苓精色綠一名松蘿精色青一名甘草精色褐此九種仙藥之精乃芝草所化也今名山多有之形如大蝦蟆朱目無口四足而所化芝草以顏色中辯之此三十六種仙藥名辯認化形取白紙一張上書其物精草之名用地皇印望天門執印念地皇呪三遍取氣三口吹於印上以朱砂塗印印於紙上所寫之名其所化芝草遠近自來現矣再用印印之乃現本形之藥以服訖身換凡胎足下生風雲令人不死長生久視矣

地皇君服餌仙木昇仙得道章第十  
取向南麵朮一十六斤以水洗浸淨白茯苓

去皮三斤天門冬去心三斤三味入臼內杵三千五百下令若爛泥相似同入一瓦釜中用水一石慢火煎熬至三斗取滓不用再熬其汁成膏狀若蜜汁許封入甕罐中每日用好酒空心化下半兩兩忌食葷肉菘菜酸醎房室之事服之百日宿疾頓消萬病除矣服之一年五臟纏綿肉身光瑩自然不食五穀心清神爽寒暑不侵容貌潤澤服至三年身生玉瑛項有圓光久久服之以出生死雲行方外名曰精行仙人乃志芝草得道者也

太清金闕玉華仙書八極神章三皇內祕文卷中

太清金闕玉華仙書八極神章三皇內祕文卷下

道至無而生天地天至動也而北辰不移含虛不虧地至靜也而東流不輟與雲不竭故天長地久人何獨而有死焉蓋人不知天地之趣荒迷紀綱之神以將恩情為愛塵欲為親未及中年多先禍命今者故開太虛之首明辯天地之元訣神明之法以度群生免失人身之道得遇者以功志神能白日昇天以道鍊氣能在世而不死斯文乃高玄內祕深泄天機祕之玉匣亂傳漏慢此書九祖沉殃爾祕之祕之

制惡興善章第一  
陽之精曰魂與神陰之精曰魄與尸神勝則為善魄強則為惡制惡興善則理忘善從惡則亂理久而尸滅魄亡亂久而神逝魂散故尸滅魄亡者神與形合與太陽而為仙神逝魂消者尸與魄淪與太陰而為鬼皆自然之理也

立正忘邪章第二



人之修道當立其正而忘其邪正之不立則生諸亂而損傷於神邪之不忘則感眾惡而反害於身故立其正則仙道日隣從其邪則鬼道日親不忘情絕念不止欲澄心專為貪饕嗜欲不捨愛情從心所欲者為其邪也

### 明昏亂章第三

不識賢不擇友不辨法能無迷乎不識二真反覆不察陰陽混成行功無節屈性伐神能無損乎不達玄妙獨執小術能無病乎虛功受死能無誤乎

### 固形體章第四

固形者以養生之初務為大道之根元幽棲忘其聲色純素安於天和然要辨其損益識其禁忌明其內外知其生克息華液於玉池保流酥於紫府精積成而元氣自生氣旺靈而元神自集神旺集而五氣自運五氣既運為通玄至真之漸也

### 鍊神氣章第五

神水河車瑩子瑩返復刀圭新更新卦鋪離象垂瓊滴灑翠潛烟深更深運用坎離交龍

虎于後午前一度舉一上一下往來騰更尋元首節節推節節推時卯與酉崑崙透過玉酥膏運入華池分三口泝流交換接純陽遍滿寰瀛諸藏走八正三爻火數成神氣相合體不朽

訣曰點滴瓊漿瑩若水烹鍊遠元補虛髓八爻正氣一齊興衝透雙關換顏體

### 出聖胎章第六

青子清翠子潔一顆明珠絕埃塵絕埃塵子塵盡去盡去塵子現本真本真現子無大小變化通靈作蛇嬰精抱血血抱精精血相投肌骨生肌骨生子分天地天地分子脾在志志在脾子魂入肝心腎相和魄入肺五藏安神盡總全然後三才分六位其中精府受盛門六律分爻定五音五音全子陽數足一半周天燒彎曲神分形定志精細燉煉連綿烹正氣正氣與子神自通彼物著靈十月功十月功成聖胎就出入無阻能遊走遍遊四大上達宮百萬年光無衰朽

訣曰陽數足時養聖胎精裹初靈手足開從

九至九煉見九一身分出數身來

### 超仙章第七

道元一也而用之有三上有天地陰陽昇降二氣綿綿周而復始往來不失其序之道也達之則逸於霄漢雲中有日月往來二八九六精華相吞覓魄交媾而不失其度之道也昇之則遷於南宮下有五行傳送受氣配合生爻產象而不失其理之道也達之則昇三島不始不終矣


人皇君曰修士志神煉骨壯命而俱不出此神章也以用道之流或居山洞或居庵林或擇一靜室香花焚之清氣生華然後擇一吉日面拜八方東西南北四維拜訖安爐煉氣因氣安精因精安神因神致生也久久致煉妙化成真夫九轉五還三返八變齊天容少返純養者得強老者得壯壯者得童童者得嬰故自凡而得聖乃煉聖至於仙煉仙至於真煉真至於妙煉妙合於神煉神合虛虛氣乃元道之始也則知道在我飛遊四海之外或入帝鄉之中上朝金闕面拜高真名列九

元位配星辰或安九天之上或宿八極之堂或與羣仙共詣玄都之府或伴高真說于大羅之天或遊名山海嶽或赴南宮之會或上天揀擇人鬼姓名或下界檢錄齋醮罪福或掌括名山大川或總持生書死籍或與諸仙同鸞駕而北遊紫園或南過金泉集賢窟而採草木花實或西遊龜山朝王母於金殿或邁扶桑飲紅酒于瓊園無上無為自在仙真空真化真仙子仙子者從何而得焉始絕六根斷六塵視之不見其物聽之不聞其聲平和恬淡澄淨精微虛明含元天真六化至神煉氣而成且非塵情貪欲恩愛而得者也

人皇符印章第八


符者真形之龍篆也印者太虛之正氣也天元深旨天機之媯妙運至真之幹大端驅神鬼之祖法攝邪扶之樞機皆繫於此印之力功能隱形散影藏氣收神使陰陽六變其體令人鬼不見其形也

人皇印圖



長三寸  
闊三寸

人皇真形符篆



長三寸  
闊三寸

人皇神呪章第九

九氣氤氲玉呪以從高華妙嶽十極上尊太虛神主八天大君木翁金母無上玄真各降真氣驅滅邪蹤南方赤帝雲乘火龍西方白帝利斬秋氛北方黑帝霞映神晶東方青帝烏叱囉英九天九神鬼門天丁玉女直符太歲縱橫五嶽吏兵天士都司八目神童北斗魁罡四目老翁吞魔大殺四十壯克六丁六甲入吾印中急急如律令奉

勅攝

知生死五假素奏上法章第十

知死法 合掌但開第四指開時必定聞羅知訣曰每月初七十七二十七一月三次每次知十日生死之兆也焚香面東日初出望東方念人皇呪二徧取日晶氣三口咽歸腹中然後面東正坐將天元地要相合開手第四指如不開時乃萬神全而未死之兆也如忽開放者乃天不相救神氣不在救是死之兆也然看何日死者於五行之日定之如其日金者於知死之日外第三日死也木日第四日水日第五日土日第七日火日第九日其鬼使來追既知其死日後用假命五術以假之五假法者上避天劫之災下避大運之窮如有天水之劫上傾下溢河海漲空江水泛突橫流漂蕩山嶽無有水輪四旋陰精故出世無所存天無所空浩浩曠冥盡無民輩以法假之入水不見其水知天地風火之劫焰着疑空烈馳洞闊交虛晦海焚地吹山上無玄天下無玄地一切萬有化作灰塵以法假之如入靜梵如一切干戈征伐四起國

土併吞橫尸如山血流若海以法假之凡人  
不見其形自在雲遊無阻如三限之危空亡  
之厄大小運併胎祿相食亡命合死以法假  
之造化不能移陰陽不能遷鬼神不能知而  
壽一百二十歲長生之人也

南嶽魏夫人續云塵世俗輩末學之人敬有  
道心便入名山過靈芝則不識逢虎豹則無  
術何異將身去投死地者哉始欲長生而反  
遭橫夭者多矣吾哀見此輩昔告

上帝得賜此經以五符真錄誅邪斬怪收束  
虎狼使萬魔潛跡百鬼竄形令一切修真之  
士皆得無為之道也自然山林清靜靈芝露  
英金玉發洩秀氣薰蒸或茹芝被褐棲真味  
道精灌人神豈不寧哉

五符真文擇境居山山有貴賤氣有死生凡  
欲居之必當擇境大山成處以小山為貴小  
山成處以大山為貴石山成處以土山為貴  
土山成處以石山為貴如此大小土石等山  
以衆山朝者為貴擇此貴山生氣五福之隅  
則可幽居洞府棲隱巖壑或葺茅結廬與鶴

麀為友住此久者能行順養之術可致長生  
矣何哉為其陽精實壯秀氣薰蒸故也

識辨洞府有曰洞曰府曰穴曰窟者何也凡  
山面東者謂之洞山面南者謂之府山面東  
南者謂之巖山面西南者謂之穴山面北者

謂之窟山面東北者謂之坎也洞府巖穴中  
居之者自然高真上仙達人逸士時來降祐  
當獲玄妙矣若窟坎中居之者則有毒蟲猛  
獸老魅山精迫促凌犯矣蓋為皆靈文逆天  
地之正氣故也

驗認靈芝有曰丹芝碧芝肉芝紫芝金芝仙  
芝草芝蘭芝瓊芝果芝絳芝無風自搖芝夜  
神光燭芝太素含香芝有洞天鶴鳴芝靈芝  
玉穎芝雲露清芝碧琅白玕芝五明九光芝  
陽精素藥芝太一八風芝錦紋紫莖芝含光


包翠芝青丹素華芝

右芝草略有二十四品每獲一品食之者  
壽可千歲


五符真形




東方青德  
歲星君所  
主青帝符




南方火德  
太白星君所  
主白帝符



南方火德  
或星君所主  
赤帝符



北方水德  
星君所主黑  
帝符



中央土德  
星真君所主  
黃帝符

五符神呪

青帝呪曰火今童子天皇攝急急如律令

赤帝呪曰吻皇星斗太初攝急急如律令


白帝呪曰白衣四神太虛攝急急如律令

黑帝呪曰五星守斗五帝攝急急如律令

黃帝呪曰龍羅天蓬黑殺攝急急如律令

察辯邪正凡居庵或居山或居洞須要辯察  
邪正也其法於庵中備矣或便得昇舉者凡  
欲採芝當以三月之際山開之月靈芝出現  
之時以五符法披之自然可獲每真日鳳章  
龍象而尋求之乃可得矣凡芝在庭定有異  
兆但見白晝五雲覆鬱夜有霞光滿透或有


氣象高下千百尺狀若蛇者是也




此符搏戲必勝以紙隨廣狹依前法書定足下男左女右大驗也



此符太上老君入山朱書素紙上橫行天下無咎




此符真人帶之一年入山精不敢傍百鬼莫能攝也



木解符以甲乙日朱書此符紙上燒服之正東手或和死百起去乘其巾情於外處即以竹代身已運去他鄉勿得回慮也


五假化形圖

法假金




金命人用之  
成時一陰圖  
先  
地而視地  
廣林夢之

亡



人皇君曰金命人依此圖吞隱形符在腹著衣歸戴隱形帽依罡步所為三次而不死也


法假木



木命人用之成時一陰圖  
此符連地祇  
藏化中鬼神  
不自見其形也

人皇君曰木命人吞符達地祇神藏造化中鬼神自不見其形也

法假水



水命人用之成時一陰圖  
此符連地祇  
藏化中鬼神  
不自見其形也


人皇君曰水命人吞此符依罡步入方位神藏造化中鬼神自不見其形也

法假火



火命人用之成時一陰圖  
此符連地祇  
藏化中鬼神  
不自見其形也

人皇君曰火命人吞此符依罡步入方位神藏造化中鬼神自不見其形也



人皇君曰土命人依罡步吞此符入方位神藏造化中鬼神自不見其形也

太清金闕玉華仙書八極神章三皇內秘文卷下

三皇內文遺秘後序

深元

金闕神章三皇默秘之文也在天與天為道而統五行著萬神主萬象在地與地為德宰萬物擒精性斬邪神故為無上御攝之法至神不死之道也內隱陰陽六化之功使修行之人不遭外患居山止洞林境修真養素求訪山中巖谷若非斯文則精惟以禍人之性命者多矣故世市闈宅室舍宇之中或年深絕於無人之跡精邪尚有存焉而況於深山幽谷窮路林芳之處也居山守靜若不懷斯文者如將身自投於死地今降斯文以辨邪正今後學仙之士不遭禍患橫傷命耳時年丙午菊節紫微道人序

三皇內文遺秘

天皇內文上

天生雲龍道本上昇張烈正氣麗乎太清輔弼正道行於正平六甲洞元九天超形福延子孫仙行自真次及人皇人敬長生六丁九氣秘密真誠敬之終吉吳帝貴名久知道妙身體長寧聞此真向常任之清已上八十字每日暗念一徧求長生之道及於子孫亦得聰明  
慶延七祖福及千生高上太一真正王文斬滅祿邪和合玉清仙法本正名書上清聖功乃久法成乃知昌運大業仙眾保之乃命金文扉命制期已上五十六字每遇四時八節饗祭家親暗念七徧不書黑簿智者勿令人知之恐輕泄也

經傳隱此法禁已上六字說此三皇內文傳

受已師不用功行及十日天神不附若傳

度非法亦不得受只依科所傳勿令人輕

慢

授及三皇常遊玉清凶惡伏滅永居山堂青

雲從我六癸存真人若保之六甲護身勿輕

我盟必昇太清永命延壽玉神扶形萬劫為

仙常處丹天五嶽四瀆川洞丹穴社稷泉源

萬靈布設風伯雨師星辰擁訣已上八十字

六甲六癸日各念持三徧五嶽四瀆社稷

等神護助也

凡有玄言皇神祕傳寫於縉素藏於洞天功

歸太真福度千春無窮劫過海嶽成塵秘之

斯文五雲覆映兆民敬之叶和昌運持受清

教命延壽永已上五十六字言三皇內文佩

受之後仍寫篆送在山野洞穴之中勿令人

知永保千春

靈嶽九仙丹炎洞然河魁天罡護道玄言妄

泄伐命殃及九泉粉軀碎體金文莫言已哉

矣慎焉已上三十七字言三皇內文佩受之

後說論與人輕意妄泄殃及九祖粉骨傷

形金文永隔玄言三百一十五字

地皇內文中

國合律法四海咸歸飄飄玉虛辟邪保神萬

劫無虞旁生國土福皆霑之却滅凶殃福德

三

堂堂信欽明約至誠修學保神終年歸道捨俗精勤仙錄山川嶽瀆西南東北已上六十四字行於山谷寓於江瀆暗念一徧能辟

惡獸蛟龍毒蛇精邪魍魎妖怪之類也

地皇秘印和叶天地三皇真言福輝九泉有

情蠢動皆屬上玄陰陽相生物皆有靈舍識

衆類皆合道藝修飾虔誠可期飛昇力感玄

幽無妄我求學法精持無使狐疑嶽瀆水上

咸令護之敬崇三文是即為希已上八十字

遇有六畜及胎卵濕化等類有難暗念一

徧死者解脫生者安樂勿令人知聞此真

句也

河海洪江池源列張人神動用軌契五方明

星大神高帝玉文却絕險厄護國兆民名川

龍神攝禍去逆嶽瀆名丘太陰剛州黃龍配

列依願應求陽明輔弼道士俗流知敬斯言

家屬無憂袂安邪氣終不稽留已上八十字

淨寫一本着姓名埋祖先塚墓之間以為

九玄告矣黑書白紙外以黑紙封之却亦

着姓名是也

處世求生其道必行歷劫安暢決定長生善能保守必見享貞誦之萬徧玉女下迎王者

祕之合國咸寧已上四十字說三皇之符文念之百徧保達地仙長壽勿令同壇人覺

恐功不成玄言二百六十四字

人皇內文下

舉自自天目心中明星月少小功曜乾坤而

地祇斗授林震地戶巽坎離午人門坤已兌

酉天門乾已坎子鬼門艮戊頭甲乙丙丁庚

辛壬元丙上辛已上五十七字欲祭先寫

一本焚之八卦二十位外邪不悞犯神明

護門不得令人見讀

垂天罡魁林人生陽家壽昌九天九土九

人九命九真九道九術九生九渺九玄九要

九成凡百一十七與超天張天公良世勿明

已上五十一字凡欲入山水攝邪精黑書

白繭上焚之 watermark 伏勿令人知之

命龍神九建除滿平定房上明神知要屈命

向扶明火三人光九天等神大出六鬼蒼父

速命上拜必焚三石九王茲出勿勿必明三

乾勿九九九天化九牛二人魚罪世白無九

同明出命左右已上七十四字用雌黃書於石八上埋於本宅佳處四角勿令人知之

招財神祿神也

四石山孤出命昌門矣也女安於即言中耶

聊六左扉九天九天成馬三矣此蒼矣

已上三十四字依一篆於朱書白紙每日

空心焚之灰水調服之如神語言吉即吉

凶即凶呵氣治病無不瘥矣玄言二百一十六字畢矣

已上三皇內文學道之士須佩帶之然後

方始通神如未受道籙之人不得妄行宜

埋藏於名山巖谷之中免遭天譴此法本

師不度恐泄天機同學之士切令少言恐

毀謗靈文於身有禍生遭王法死遭地獄

慎之慎之祕之祕之

太清黃神越章秘印


用雷震囊木心於五月五日或春甲子

日或夏丙午日刻之

凡受持印者以甲子日人定時淨室安


置印以前餅栢湯盞鼓為三標供獻再拜上香今日小兆臣某上白 道君皇天太一使者某今佩持寶印願內無疾病外斷諸妖救護天人除精却惡所求自然與道合同上香三啓再拜 奏還

圖印神黃清太



方四寸八分  
厚一寸二分

圖印章越小



方四寸八分  
厚一寸二分

圖印都仙老九



長闊各方正  
三寸二分厚  
八分象二行

上清九老仙都印佩之登山狼虎精怪自伏江河風雨順濟可管洞府仙官吏兵狼不能害虎不能傷水不能溺臨大危難必有善生常人佩之壽命延年伏諸邪鬼百惡不侵治小兒夜啼驚風及大人諸般疾患並燒灰用乳香湯調下立效催生下死胎佩之安胎婦人無子佩之有孕解呪詛冤枉令人聰明用之皆應得之崇敬慎勿輕慢

太上黃神越章內法

師冰

帥將元伯福相火冠金甲仗劍朱衣朱履

太玄符使章

召呪 玄英烈宏

召 存將吏從斗中降在目前左卯文  
符 右執符視將取氣吹符上或猶去處用秘呪

黃神越章秘印能制伏萬邪及諸祿惟災害急難并見國王大臣並皆歡喜所求遂心常帶腰袖間陰兵護助不可亂傳非人恐遭天譴殃及九祖後悔難矣

越章呪曰

太上老君黃神越章斬伐天地鬼神吏兵何敢承當東歲星西太白北辰星南榮熾大聖化滅鬼精誅盜賊伏萬兵仙童玉女天地靈張星驅攝萬邪氣并抑星傳角星平魘魘治命會帝庭三五治邪氣撥死籍上生名罡武滅乙神精天仙降下弟子越章急急如太上老君律令勒

印章呪曰

黃神天章帝庭黃神之印攝鬼精東斗建節由歲星南斗治命辟萬兵西斗魁魁滅鬼精北斗東精告帝庭黃神斬鬼與氣并中斗大魁焚熾星角亢治氣都會名張星火毒除萬兵大聖化神殺氣橫牛歷箕斗護身形罡武上帝壽五星天皇使者斬邪精太上賜臣某黃神印章急急如律令勒

殺鬼呪

太上老君教我殺鬼與我神方上呼玉女收攝不祥登山石裂佩帶印章頭戴華蓋足躡魁罡左扶六甲右衛六丁前有黃神後有越章神帥殺伐不避豪強鬼殺惡鬼後斬夜光

何神不伏何鬼敢當急急如律令

劫瘟呪


劫東方青瘟之鬼腐木之精南方赤瘟之鬼  
炎火之精西方白瘟之鬼孔金之精北方黑  
瘟之鬼涸池之精中央黃瘟之鬼糞土之精  
四時八節因旺而生神不內養外作邪精五  
毒之氣入人身形或寒或熱五體不寧九醜  
之鬼知汝姓名急須速去不得久停急急如  
律令

謹按祖天師漢安四年在蜀與六天魔王戰  
奪二十四治與會盟青城山黃帝壇下使人  
處陽明鬼潛幽暗令六天魔王領歸北都八  
部鬼神領衆竄於西域五行之毒氣從茲而  
釋之析石為契作天地日月之形置之于絕  
崖仍以神印封鬼營市使不得相通令以神  
符刊行善信宜於淨室香花供養自然驅瘟  
辟惡集福來祥惟加至誠無不感應龍虎山  
正一元壇謹白  
抱朴子曰古之人皆佩此印能辟虎豹及諸  
山獸以此印封泥置四方各一百步則虎狼

不近其內也若行見新虎迹以此印順則虎

去逆則虎來非但虎狼若山林廟座血食之  
神能作禍福者以印封泥四方塊其蹤跡不  
能復神矣昔有石頭頭有大龜在潭為精作  
禍有道士戴兩者以封泥數百塊乘船擲于  
潭中良久大龜徑長丈餘浮出不動小龜羅  
列水上其受禍者即安今名為龜潭也若服  
此文存心中赤童衛持作二十四息書符可  
高五寸闊四寸作二十四則使百禽惡獸奔  
走止之則止使之則使不但虎豹以此符封  
鬼廟屋大驗  
太上曰欲役鬼神者先取鬼箭鬼曰等分各  
二兩陰乾搗為細末用桑膿汁為丸如梧桐  
子大每服七丸早晨空心服之淨水吞下臨  
卧又服七丸至七七之後一切鬼神八吏六  
丁玉女皆來朝拜獅虎皆受後七七之後不  
可再服凡服取旺方氣一口念呪曰  
百藥之精眼見鬼形役使人吏并及六丁驅  
使鬼神立即通靈延年益壽永得長生白日  
昇天飛騰上清急急如律令

旺方謂春東夏南秋西冬北驅邪治病至  
誠用之無不感應



五嶽真形符

東嶽泰山兗州之鎮號曰蓬玄洞天在泰安  
州徂徠長白二山為輔封天齊大生仁聖帝

東嶽

東嶽真形符




南嶽衡山荊州之鎮號曰朱陵洞天在衡山  
縣潛山霍山為輔嶽封司天昭聖帝主治水  
之要

南嶽




南嶽真形符



西嶽華山鎮之號曰總仙洞天在華陰縣地  
肺山女凡山二山為輔嶽封金天順聖帝主  
羽翼之事

西嶽

西嶽真形符



北嶽恒山并州之鎮號曰總玄洞天在定州  
曲陽崧逢山抱犢二山為輔嶽封安天元聖  
帝主五穀果熟之事

北嶽


北嶽真形符



中嶽嵩山號曰司真洞天在河南府登封縣  
少室武當二山為輔嶽封中天崇聖帝主地  
土山谷之事

中嶽

中嶽真形符



三皇內文遺秘終

秘藏通玄變化六陰洞微遁甲真經卷上履  
太上曰夫欲傳授之士須當澡沐潔身軀重  
先炷名香仰視北辰虔心祝香仰啓  
昊天玉皇上帝  
太上九天玄女元君

聖師玄天上帝臣乃太上弟子昨受太上玉  
女六陰洞微經法皈身佩奉依法行持伏願  
天垂福祐地賜休祥大道速成願心早畢臣  
拜授此經已後永為行持無輕語誑妄無易  
泄非人無橫用邪為無往求雜慕臣從得此  
法願求長生次利百姓濟民助國退獨入清  
蕩妖殺邪惟希三天大鑒萬象咸知賜臣通  
靈使臣遂願如或妄行妖邪臣甘犯天誅聖  
真勿祐急急如律令施行

傳後消言日置油麪餅七箇歡喜團七箇  
淨布七條羹湯七盞於二更時星月朗明  
向北斗下置七位供養烈大豐香手執此  
經稽首百拜告云  
臣傾心瀝志集氣會神再拜上香以虔盟誓  
臣乃太上之子久行清靜誠測天心欲離塵

九願歸蓬島臣虔誠拜告有事上聞伏願真慈俯垂闕鑒臣以今於某月日承受太上玉女六陰洞微經臣欲行持願垂盟鑒臣受此法不敢輕為非急難救人誓無謬用臣今虔誠恭對尊儀誠誓此言或不遵依甘當罪罰凡有急緩救應願垂加護即前進上香再拜低聲祝曰

臣欲二三玉女為臣之使上達天廷下巡世界飛符走印祛邪斬妖一切應用臣欲驅使伏希尊慈俯垂降鑒復上香再拜祝曰

臣所言事已告御前伏冀威靈時加護祐再拜訖收香座

再選吉日備茶一分酒一盞果子一盤二更時不令人見向北辰下簷底設香座上香再拜虔誠啓請

北極鎮天真武靈應真君今夜今時願垂降駕臣有小事百拜上奏御前臣奉太上之勅法錄行持斬鬼祛邪助國安家求仙學道給濟孤貧欲以六陰洞微經行持驅使二三玉女和平天地制禦邪魔於理所為欲從其願

伏願帝君東鑿加助威靈敢仗高真永居正位安印之所即是道場伏望聖慈下恢聖德即以兩大指作訣祝曰

天清地寧 陰濁陽清 睽目散髮 龜蛇合形 手執寶劍 斬伐邪精 來居吾室 主六陰尊

聽吾告臣從吾所陳 永鎮中位 護至仙成 急急如律令七遍再上香祝曰

臣欲以二三玉女為使一切所作祛使願帝君加護同佐神麻不勝大幸再拜收座辭退

大會祭儀開人在外先一夜備供祭 上香設拜面北壇前存神叩齒乃祝曰某郡某錄弟子謹謹先伸拜請

祖師北極鎮天真武佑聖真君願垂聖駕證盟大法上香

丁卯真君前啓請 奉請丁卯玉女足日之字保中無極仁福真君聞臣之香降臨壇所焚香焚合同符誦本身呪取本方氣吹之

啓次 奉請丁丑玉女烝無上字太和橫天仁實真君聞臣之香降臨壇所

奉請丁亥玉女陸明集字廣陽都府仁元真

君聞臣之香降臨壇所

奉請丁酉玉女救欽靈字正一亞夫仁休真君聞臣之香降臨壇所

君聞臣之香降臨壇所

奉請丁未玉女乘素靈字玄英無比仁至真君聞臣之香降臨壇所

君聞臣之香降臨壇所

奉請丁巳玉女朱福稱字文廣高上仁德真君聞臣之香降臨壇所

君聞臣之香降臨壇所

右臣今奉請二三玉女已幸降臨伏乞真靈俯垂大造隨請下降法駕受臣懇禱左手中指右手大煞文叩齒三十六通念六陰六丁

玉女八素隱言呪曰

龍曜九炁 五嶽從之 天蓬四聖 十元八極 斗星百靈 十二日直 玉女六丁 願垂真光 助法救攝吾奉

太上老君洞徹律令救通念

逐一攝六丁本身訣玉女名召之

正步



藏形隱跡 亦我罡魁 我見其人 人無我知  
動植如意 叱聲鬼隨 疾如水火 鼓舞風雷  
變澤成山 翻地覆天 我身堅固 安然默然  
萬載長生 與道合仙 急急如  
九天玄女律令救



取逐方炁吹壇中奉請玉女依位而坐燒  
本身符六道於壇中叩萬眼目存想玉女  
六位降臨壇中再拜上香祝曰  
臣今奉請  
真武真君外次焚香請召三三玉女想已降

臨坐次弟子其稽首再拜其是

太上老君弟子久持聖道欲願長生履清淨  
規行與妙事長親至道稟命修行上薦祖先  
魂神下濟萬民安疫臣奉持法錄依道攝行  
今欲置壇裝嚴淨室依科營辦身祭真君仰

賴威光俯垂鑒其欲克仙理為國安民呪  
水行符祛邪治鬼上助國家之用下扶身命  
之為不論巨細一切運動之事皆賴威仙當  
作使者助其行持聽其指陳東西南北悉皆  
從順稱名畫印如聞啓請即時來臨記其所

言不可失信上香再拜輕  
吾領太上之令玉皇之勅平調宇宙安輶國  
家興兵發為使鬼祛邪今祭仙靈永為佑使  
須當隨吾機變依吾所為欲有不從當行太  
上之令玉皇之敕斬神之身滅神之德伏惟

靈通下垂聰聽  
再拜上香舉酒次設拜跪脚叩齒祝云  
弟子姓某謹遇大會之夜敬祭于三三玉女  
之前切念其惟性自然心受天章本師有約  
太上之傳今遇大會聊獻于觸風伯灑掃雨

師淨壇奉祀其心好禱禱陳名通姓願奉真  
光終身奉祀永不相忘今日拜祭美食脯香  
安邑大素細核小穰百清香酒浮蟻傾漿時  
新五果白米嘉糧散受我祭恣意斟嘗酒醉  
食飽隨我行藏凡有禱語一一相當常隨我

所常祐我傍我之所願遂意吉昌我所到處  
與真偕行隱顯往返萬事安康速成大道早  
達仙鄉我有諸苦真與告祥我有所欲真當  
隨長入敬保國萬事為良扶衛我身與天地  
藏傾灌真醑伏惟尚饗急急如太上律令勅  
又再拜上香逐一誦本身呪取氣一口吹

座上密云  
丁卯玉女得太上六陰經洞微真文知神之  
姓知仙之名有法召仙有法使神往來三界  
出幽入冥行住坐卧皆賴仙真召之立至召  
之立臨人間萬事今我通聞願以昭報幸勿  
違戾急急如律令勅  
念三遍從丁卯方取氣吹之次丁丑吹之  
別方同再虔上香祝曰  
能役六陰 出幽入冥 無畏無怖 亦無所驚

隨吾符轉 隨吾印行 祛除萬禍 集福一身  
日動夜藏 不得違令 急急如律令勅

如是速匝畢如此六處一同正位上香拜  
拜訖收符一道燃成圓子用各位酒服拜  
謝畢如此六處一同正位上香念此語云

再今奉法吾乃為師以直為弟吾欲所遣神  
可隨吾自此已往不離吾身金錢雲馬助真  
之程凡有施為不可失信 化錢狀 畢收歷狀

宋尚書右僕射趙普進經表

臣聞天之可度則覆物必廣人之有奇則建  
功不難設當時天運之亨必際風雲之會臣  
某始隨陛下收復諸國未嘗不失圖書於祕  
府功須不及漢之蕭相其志則無異也且諸  
祕閣所藏之書可謂祕矣如太白陰經驅雷  
兵三十六府氣運圖起風雲十二戒法縮水  
龜典拔木神經若此祕文不可勝數然究其  
實不亦難乎其義渺茫其辭枝蔓或受戒之  
後終身不飲有法之後舉族不葷既奉此遂  
不復奉彼修設或有反必有巨灾不可急救  
臣愚觀之未得盡善一日有羅浮山隱士劉

罕謁臣曰古有玄祕之文必得之矣臣曰諾  
劉罕以為未也因出紫囊於案乃焚香設拜  
啓囊取書授臣曰黃帝得伐殺蚩尤於阪泉  
之野藏之天府厥後授之堯舜禹湯文武戰  
國失之秦皇獨得焉驅神陰助既統海內復  
以無道失之迨秦歷漢或諸侯得之散落四  
海者多矣嗚呼有得而不能奉持者有行而  
不能恭敬者皆不能成功惟前漢陳平後漢  
鄧禹蜀諸葛亮唐郭子儀李靖五子得之恭  
謹而行每運用奇計人不可測凡行師出軍  
偷營劫寨雷風電雨隨時而至自五子已往  
此法不聞於世矣臣某慵懶隱于羅浮山積  
有歲矣先師珍藏是文積有年代曾戒臣曰  
若逢聖明真主啓運當有真人助之汝當持  
此以獻倘公能恭謹信而行之則功不在五  
子之下臣敬事之約半歲或聞有人耳畔言  
軍國利害臣顧室內絕無人跡疑惑心開或  
言曰吾乃六甲天神慎勿猜忌臣自此轉加  
敬懼厥後耳畔報應日逐事件不可備舉至  
於親侍陛下收復諸寇勢如破竹非臣之謀

長策遠實六神之力也且若行師之日王全  
斌山佳彥迪劉光義曹彬等惟知臣事此神臣  
謂之曰某日雨某日風某日火燒營寨萬不  
失一其法可謂通玄捷徑劉罕豈凡人哉其  
人厥後隱遁寂不知其所以莫非天授我宋  
耶實囊括諸家之祕誠玄妙不傳之文直書  
其事謹錄上進較其始終符呪止千餘字乞  
藏玉匱亦永保國祚萬年以賴神天之感開  
寶四年七月初一日奉聖旨玉匱藏之安祕  
書閣

遁甲神經出處序

昔蚩尤作亂黃帝頻戰不克帝曰聞伏羲治  
天下無兵今蚩尤一庶人生妖氣伐而無功  
戰而不克吾之過矣忽目前五色雲從空而  
下雲中有六玉女持書出二童曰奉九天玄  
女聖命送遁甲符經三卷告與伐之願傳此  
文乃天地禍福是八卦之吉凶辯風雲之變  
動識氣候之成敗觀日月之盈虧論陰陽之  
順逆曉星辰之休咎知人情之勝負此術乃  
萬變萬化之法也帝乃長跪而受之二童子

并玉女乘雲而去帝遂聞函得陰符經三卷上卷乃神仙鍊丹抱一之術說長生之法中卷安邦定國撫安王民之法下卷論戰伐之事適甲者乃玄女之法帝得之而設壇造印劍令依此戰蚩尤於涿鹿之野爾後厥勝藏

之金殿後大亂巢黃楊出得之傳於凡世得之者夙緣慶幸遇之者決勝如仙可宜慎之勿傳下等凡夫六丁者天下之正神不同尋

常青龍明堂太陽等神長隨玉女受之使喚在天地之內如隱身遁形以左手持刀閉氣

一口右轉畫一圓圈聞惡人在內便於外作局子六尺如惡人在外便於內作局子六尺如在野外仍於野外作局子變神用筭六條各長一尺二寸逐句青龍依次排之而直放筭子到玉女門上以左手捧之筭橫著閉門却從天門地戶而去閉門了身形遁已每一筭子存為一人也玉女到太陰住想外人不見我也仍先念淨口身神呪左手結印右手執劍踏北斗丁罡七步披頭仗劍念了淨口淨身神呪閉目藏睛默念七星名字一遍斷

訣關土地念咒須向方取氣吹之前却便捏火行此法出入行軍用焉不問凶神惡煞入地迴避不敢當途他衆我寡或萬軍圍掩但望天罡取氣所指之方去千軍不覺萬軍不見此玄妙口訣千金不傳萬金不度勿泄天機乃護國之寶不為人見矣

秘藏通玄變化六陰洞微遁甲真經卷上

秘藏通玄變化六陰洞微遁甲真經卷中  
太上老君六陰玉女洞微經法上傳  
授感應式

太上曰夫欲入道必先探賸玄微與旨與兵發馬守道潛形祛邪逐惡保佑元真此乃吾之至要之門進登仙品莫非事況此法也通天清之與路達地濁之淵微理燭古今道冠萬術於身益者上謁官長利見王公逐鬼退殃迎祥致福飛符走印制伏狂妖求道欲仙恣情任意於國益者興兵發馬立紀陳綱治水潦之災滅饑饉之苦乃感王侯之夢合諸人物之心入水登山行幽坐險若非此法安可如然而登玄理太上曰吾傳此經法流布人間以濟仁人者之用事非是其徒切莫私味之可與子之千金不可泄吾六甲陰經者自古至今未曾有不從此用事而得成道者也則在處禁衛吏兵即時為罰報殃滯災咎橫生或非道之士恪以誠心資以世賄為意而等閑傳授罰加倍焉太上曰夫欲傳授之士須當潔沐潔身鄭重先炷名香仰視北

辰運心所禱臣乃太上弟子昨於某年月日拜受太上玉女六陰洞微經法伏願天垂福祐地賜休祥大道速成願心早畢臣受此經法以後永為行持無輕誑語無易世非人無橫用邪為無柱求雜慕臣得此法願求長生次利百姓濟民助國退濁入清蕩妖殺邪惟希三天大鑒萬象咸知賜臣通靈使臣遂意如或妄行妖邪臣甘犯天誅聖真勿祐急急如律令施行

六陰隱秘要

六陰者六甲之陰也甲子之陰乃是丁卯甲戌之陰丁丑甲申之陰丁亥甲午之陰丁酉甲辰之陰丁未甲寅之陰丁巳六丁乃六陰也則六甲之為陽將六丁為陰神用六丁而不用六陽者陰為無也無則能變化能有能無出生入死包容隱顯也如臨軍之用兵法也六陰無形用之則應凡有道士用陰無道之士用陽陽則可測陰則不可窮也上卷獨言祭六丁法或曰六本無形何必祭之曰以有形無祭禱之無形之神有無相合也故

存神叩齒心念口告助以香醪薦以美食祝而祈之依法用事無不感通也昔黃帝征蚩尤七十二陣晝而方寐夢一神人教以秘法既寢覺於盛囊中得法曰六陰洞微乃六丁秘法六甲飛宮而變通也因此而依式行持

逐滅蚩尤也此法乃太上正一玄真之法非妖邪之法也得傳授者具表申聞天關奏於上帝盟誓言不得妄意興妖邪行非佞然則反被六丁神為責大犯天誅也可當正心正行用之應矣太上老君曰昔以此法於太平年使九天玄女授有熊氏有熊氏授風后風后授太玄先生黃石公黃石公授張子房此法行之於人間時有得而傳之矣

六丁玉女名儀服色

丁卯玉女名足日之又名丁文明字保中又字仁高號無極仁福真君

玉女狀貌青朝服戴兔頭冠黃裙欲愁眉左手執如意珠右手仗劍子丑日下降奉事在人東嶺間

丁丑玉女名烝無上又名丁文公字太和又字仁貴號橫天仁實真君

玉女狀貌青碧朝服戴牛頭冠淡黃裙手執戟或執含突實卯日下降奉祀人家東北牛欄或司命之所

丁亥玉女名陸明集又名丁文通字廣陽又字仁和號都府仁元真君

玉女狀貌黑朝服頭戴猪頭冠淡黃裙手執仙果仗劍辰巳日下降奉祀人家北角

丁酉玉女名救欽靈又名丁文卿字正一又字仁脩號亞夫仁休真君

玉女狀貌瑩色雜頭冠白素朝服淡黃裙欲黛眉手執弩箭二枚戌亥日下降奉祀人家西廳殿間

丁未玉女名乘素靈又名丁寂通字玄英又字仁恭號無比仁至真君

玉女狀貌瑩色戴羊頭冠紅粉朝服黃裙含笑手執雙戟或劍午未日下降奉事人家南廳閣

丁巳玉女名朱福稱又名丁廷卿字文廣又字仁敬號高上仁德真君

玉女狀貌綠色朝服紅裙頭戴冠手執長矛大笑申酉日下降奉事人家東南林池所

右陰神六丁玉女亦各有所掌各戴冠纓青裳素服朱履執刀劍弓矢或於六丁日現於

奉事之家男女倘見其形勿令驚怖仍不得叱嘖叫喚恐有所觸犯矣

六丁玉女所掌事宜

丁卯玉女掌草木能呼瀟風雨嵐霧障蔽道途又能驅旱癘救苗稼在天主木青氣春生

鎮人肝魂應蒼石

丁丑玉女掌蟲獸能推運寶貨發泄伏藏又能增長百藥療人疾苦在天主五穀四時之中氣鎮人泥丸應碧石

丁亥玉女掌山河能運秦嶽擬為小山填塞道路疏決河渠又能使金石裂地道在天主

水黑氣久藏鎮精略應玄石

丁酉玉女掌江海能鼓風濤淘沙折岸回潮捲日又能吹一葉成舟檝浮度載人在天主

金白氣秋收鎮肺主魄應白石


丁未玉女掌獄瀆能化陰兵助征戰又能救生產水火刀兵諸厄在天主土德四時餘氣

黃色鎮脾胃命應黃石

丁巳玉女掌城社能決陣解圍取城破寨又能呵氣決諸寒熱不時之病在天主火赤氣

夏長鎮人心神應赤石

造壇之法



用竹簾子共十八箇六箇長二尺五寸六箇長五尺六箇長四尺作三層釘之中央先釘五尺者六箇分作六面上安真武印鏡子一面可方圓二尺許次外釘四尺者六箇安六丁玉女之位二層各安五色幡子十二箇於中央并二層竹簾之上依方所屬繫之亥子方用皂乃西北方上如寅卯東北方用青巳午東南方用赤申酉西南方用白寅四首安於丑北方側辰東方側未西方側戌北方側四幡用黃各布之方圓四尺又次釘簾子六箇各長二尺五寸者安淨布六條裝之鋪壇畢却用緋線穿牽遠三層作六門各立六丁旗依方色相安六丁位每位上各書本身符

一道六位面各照壇外背向內木劍六口木刀六口小弩子六張每箭二枝戟三條戈三條隨六丁所用之又供養中央一位是真武之位用酒菓餅食香三爐第三層供養五穀雜梁菜果鮮魚鹿脯乃是樟柳造成脯也酒六盞歡喜團七箇於大會日甲子夜二更後向北方烈火焚香仰視北辰依前懇禱手執此經稽首再上香臣傾心瀝志集氣會神再拜上香以虔盟誓臣乃太上老君弟子以久清淨誠誠天機不欲塵凡皈依大道臣謹謹拜懇專奏上聞伏願真靈俯垂憫念臣拜授太上老君玉女六陰洞微經法臣欲行持願垂洞鑒受法之後不敢輕易非急難助國救民誓無諉用臣對聖前誠誓此言或不遵依甘當罪罰凡有急緩救應願垂感通加護臣拜上香進前默云臣今欲請三三玉女為臣之使上達天庭下巡世界行符飛印祛邪治妖一切運行從臣所使伏願聖聰親垂洞鑒再拜上香祝曰臣所啓事畢已告御前更冀眾真時行護佑拜畢收座預先於癸亥夜先

寫一狀并符請六丁玉女今列狀式于後

大會伸意狀式

具鄉貫 法位 姓名

右某輒露丹衷上千

真造所伸意者今據某事切聞大道真文洞

微祕典六陰玉女六丁大神仁通三界普往

四方助國濟民安人利物切念某叨居人世

身處塵寰欲以行持未受玄典先於某君門

下傳受古法黃帝洞微經六陰玉女六丁大

神祕訣符印呪文一宗皈身崇奉助其正道

庇家保命助國救民今者伏遇某月某日甲

子之辰謹備凡儀輒陳衷悃願於癸亥之日

謹具狀申請降真靈願垂降鑒須至申者

右謹狀請

丁卯玉女無極仁福真君

丁丑玉女橫天仁實真君

丁亥玉女都府仁元真君

丁酉玉女亞夫仁休真君

丁未玉女無比仁至真君

丁巳玉女高上仁德真君恭望

真慈允巨所請願垂專念俯察私心至日特  
降雲輶下臨壇席密行昭報專俟感通冒犯  
真威某下情無任激切之至謹具狀以聞謹  
狀

年月日 具法位 臣某狀

外用實封圓皮金錢雲馬各六分粘連本  
身六符并印楮并差將吏直符用金錢焚

之費持前去投達隨分香案供養向來請  
席再拜呈狀內事意另外一封申請真武  
真君

請真武狀式

伏望真武真君至日下降壇所證盟行持甲  
子日奉事人勿行輕殺生靈慈和心情於壇  
中設位依式行持闌人不得入壇只可於壇  
外幹事勿使僧尼女人兒子視之并忌雞犬

六畜為犯上香酌酒皆奉事人自行近前奠  
先於丁卯真君前啓請又焚香并符一道乃  
合同符也誦本身呪取本方炁吹之次丁丑  
丁亥丁酉丁未丁巳依次啓請焚符逐一取  
氣吹壇上伏乞真靈俯垂大造隨請下降法

駕受臣懇禱逐一請畢

左手中指右手大煞文叩齒三十六通念

六陰六丁玉女八素隱言呪曰

龍曜九炁 五嶽從之 天蓬四聖 十元八極

斗星比靈 十二日直 玉女六丁 願垂真光

助法勅攝吾奉

太上老君洞微律令勅

右念三遍逐一攝六丁本身訣玉女名召

之取逐方氣吹入壇中請坐燒本身符六

道於壇中叩齒瞑目存想玉女六位降臨

壇所先請

真武真君降壇中再拜上香祝曰臣今請真

武真君外次焚香請召三三五女想已降臨

坐次某稽首再拜某是太上老君弟子久持

聖道欲願長生履清淨規行與妙事長親至

道稟聖修行上薦九玄七祖下濟萬民災殃

某奉持法籙依道科行今欲置壇裝嚴淨室

依科營辦享祭真君仰賴威光俯垂洞鑒今

臣欲求妙理為國安民行水運符祛邪治鬼

上助國家之用下扶人命之為求仙學道利



濟生民不論巨細一切運動之事皆賴成仙  
當作使者助其行持聽其指揮東南西北悉  
皆從順稱名畫印即時來臨凡有呼召火急  
報應臣意所咨不可失信記其所言刻骨銘  
心復上香再拜輕輕近前低告曰吾領太上  
之令玉皇之敕平調宇宙安輔國家興兵發  
馬使鬼祛邪今祭仙靈永為佐使須當隨吾  
機變依吾所為若有不從吾當行太上之令  
玉皇之敕斬汝之身滅汝之形伏願靈通下  
垂聰聽再拜上香真武真君舉酒三次設拜  
跪膝叩齒祝云維某年月日時弟子某謹遇  
大會之夜敬祭于二三五女之前切念某惟  
性自然心受天章本師有約太上傳詳今當  
大會聊獻于觴風伯灑掃雨師淨壇奉事弟  
子心好真祥陳名通姓願奉真光終身奉祀  
永不相忘今日拜祭美食脯香安邑太素細  
核小穰百清香酒浮蟻漿時新五菜白米  
嘉糧酒醉飽隨我行藏凡有禱語一一相  
當常隨我所常佑我傍我之所願隨意吉昌  
我所到處與真偕行隱顯往返萬事安康速

成大道早達仙鄉我有諸苦真為吉祥我有  
所欲真當隨長入敵保國萬事為良扶衛我  
身與天地戴傾灌真醑伏惟尚饗急急如太  
上律令敕

又再拜上香逐一誦本身咒取氣一口吹  
座上密祝云

丁卯玉女吾得太上六陰經洞微真文知神  
之姓知仙之名有法召仙有法使神往來三  
界出幽入冥行住坐卧皆賴仙真召之立至  
召之立臨人間萬事令我通聞願以昭報幸  
勿違及急急如律令敕

從丁卯方取氣吹之次又取丁丑方氣吹  
之其餘做此吹之再虔上香再拜起立步  
丁巳連壇左東發步

咒曰

能使六陰 出幽入冥 無畏無怖 亦無所驚  
隨吾符轉 逐吾印行 祛除萬禍 集福一身  
日動夜藏 不得違令 急急如律令敕

如是連壇三匝畢就位上香再拜訖取符  
一連檄成九子用當位上酒服之再拜謝

畢又轉一位拜畢取符服之如此六處六  
道符服已畢在壇正立上香再拜默念此  
語云

吾奉此法吾乃為君以神為臣吾所欲為神  
當隨情自此已往不離吾身金錢六分助真  
雲程凡所施為不得失盟燒化錢紙畢即收  
座席收座上供獻物自喫若不喫埋之散壇  
而退

此是大會祭式施設如小會則不然凡遇  
散甲之日當旬玉女即備一分錢馬祭之

祭物一分餘皆香茶酒而已

黃帝曰奉事六丁人欲得長生者皆當六丁  
之日不得淫慾殺生更能存守中正精氣內  
外即不過六會六丁獻汝還丹常因事而成  
道身為地仙乃得長生如欲要安邦定國行  
師闖外百戰百克奉事六丁人若至六會神  
出現其分明見其形像勿起私心即當虔誠  
恭敬不得妄想邪心犯之者立殺其身六丁  
能平進退以致守城戰敵出奇八陣之法兼  
能攻敵國之密事及知敵人之心舉措之謀

無所不通凡有行持建業立功以至起工婚嫁賭賽祈雨求風伐賊破廟去毒殺怪屠龍驅虎無所不驗治病除害此法其中自有條格奉事人不願長生欲求富貴者即六丁驅運財寶理會造化如奉祀人欲知父母存亡

叩而立至可知存亡如要自知前程之事與夫長短叩之六丁能報至實凡有舉為自有報應遇大會甲子第一會服符第二會不必服如第一會起首服符但一旬服六道六會服三十六道如第一會服六六三十六道符第二會不必服依式祭之如一年不及六大會二年祭足亦得其小會不缺也凡會書六丁符及諸符用朱砂黃紙書當用真武印印之


秘藏通玄變化六陰洞微遁甲真經卷中

秘藏通玄變化六陰洞微遁甲真經卷下 三集

立壇法式



壇式之圖



立壇式用簾六箇長四尺六箇長二尺五寸六箇長五尺五寸先以五尺五寸者釘在中央分作六面上以淨布填之可方圓二尺許次以四尺者又以二尺五寸者釘訖將緋線欄作六面可方圓六尺第二方圓四尺第三方圓二尺第二簾上安樞子十二首自子至亥象色而繪之隨所屬色如亥子屬水用黑色次第布之層層之下以淨布或案子各六面各安木刀一口立在壇下第一安真武印在壇中圓鏡一面簾安六丁像旗丁丑黃丁

卯青丁巳赤丁未黃丁酉白丁亥黑第二層上各安六丁位次丁酉位上安小弩一張箭二枝丁巳位上安小戟一張丁亥位上安劍一張丁卯位上劍一張餘二位無物又以素木板六片繪玉女真相在上於真相下書符朱書各於本位上如法安置各面照外背向背凡開啓各於其屬之神前用事尋常設拜席只在丁亥面前以向北方真武也

壇內祭物


五穀內雜糧六分 香爐六箇 茶六盞 淨布六條 鮮魚六頭 鹿脯六碟 酒六盞

此大會都祭之法如小會逐旬於所當祭之神祭之用燒錢六分

凡祭時切莫稱呼六丁字乃玉女諱此字也只言二三玉女一年大會止有六箇甲子乃大會也祭餘只是六丁日各於位下祭之且如丁丑日只於丁丑神用物一般餘五位只以香茶祭之遇甲子日大會則如前式同祭閑時拆去壇場如祭之第六會則不拆去要

用事也大凡六度各圖備志誠之士以一年祭就乃幸也如六祭畢存留壇場於室內逐日只自出入切忌他人莫令見之為尚一年有大會六日小會三十六次如事多一年祭不敷則祭一大會遇小會不可蹉過及招其咎至祝至祝壇上畫符神象之法及書名號並依法式


丁卯符



丁丑符




丁亥符




丁酉符



丁未符




丁巳符



六陰符 此符用素木板子一寸五分  
帶於髮中非抹頭不可取下

丁卯玉女足日之字保中號無極真君




此符書于黃紙上安丁卯玉女位并書一道于牒前用

呪曰

無極之真 足日之身 為吾所請 從吾所行 急急如律令敕


書訖念呪三遍取東方炁吹符上左右手 拍大煞文訣足丁罡履日歲形

丁卯合同符



此符念前呪書于丁卯位末書黃紙同前符為丸酒服

丁丑玉女炁無上字太和號橫天真君




此符安丁丑玉女位下并書一道于牒前通用

呪曰

太和至聖 橫越天真 為吾所指 依吾所陳 急急如律令敕


書訖取北方炁吹符上念呪三遍

丁丑合同符



此符與前呪訣氣同仍為丸照前以本位  
酒服之

丁亥玉女陸明集字廣陽號都府真君




此符朱書黃紙上於丁亥玉女位下及書  
一道于牒前用

呪曰

廣陽真君 名字陸明 為吾所指 助吾所行  
急急如律令敕


念呪三遍取北方燕入符

丁亥合同符



此符同前書呪訣燕作丸子以本位下酒  
服之

丁酉玉女救欽靈字正一號亞夫真君




此符朱書黃紙上安於丁酉位上又書一  
道于牒前取西方燕吹符上

呪曰



救欽之靈 亞夫大真 為吾所指 佐吾所行  
急急如律令敕

丁酉合同符



此符朱書呪死訣同前為丸子用本位酒  
服之

丁未玉女乘素靈字玄英號無比真君




此符朱書黃紙上安于丁未位前書一道  
于牒前用

呪曰


無比真君 名曰素靈 為吾所使 聽吾所陳  
急急如律令敕

丁未合同符



此符朱書呪死訣同前為丸子用本位酒  
服之

丁巳玉女朱福稱字文廣號高上真君




此符黃紙朱書安丁巳位下一道牒前用  
呪曰

高上之真 名曰福稱 為吾所指 為吾所陳

急急如律令敕

取南方炁吹符上

丁巳合同符



呪炁同前為丸子用本位酒服

此玉女符凡欲所使依句書召之或於牒或書背後寫其事情用真武印印之背用六丁印印之依前用玉女神呪炁訣召之大獲神驗矣

一法用符方二寸一面書符背刊名素木版朱書呪三遍安座上

六丁姓名下降符日

丁卯玉女 子丑日


宋鑄文伯 下降

丁丑玉女 寅卯日

梁鑄元公 下降

丁亥玉女 巳午日

姚鉞文道 下降



丁酉玉女

申鉞文卿

丁未玉女

朱鈞升通

丁巳玉女

陳鈞廷卿

真武印 開二寸四分 長三十二分



陰印形



戌亥日

下降

申酉日

下降

辰巳日

下降

陽印形



凡此二印取庚申乙巳甲寅己亥日取素木刊陰陽二印左右臂帶之陽印當懸左臂上陰印當懸右臂上日中使印即以陽印乃至感君侯之夢祈雨祈晴祈雪一切象天法陽之事即用此印乃是丁卯丁丑丁亥三五女之印也故屬陽也此玉女指揮事意即隨此

轉也皆係陽印用事也凡陰印即懸帶右臂上夜中使印即取用之乃至求財役鬼祛妖夜間求禱地下動作入水入幽一切象地法陰之事即以此陰印印之乃是丁巳丁未丁酉三位之印故屬陰也此三五女隨印所使而轉也并係陰印用事也

祭印法

凡刊就二印訖時却於甲子大會即於北辰之下設席祝云奉請

魁魁魁魁魁魁真君下降臣今依

太上之法刊造陰陽六陰洞微之印指使玉

女惟願威靈先為臣悟真證盟次上香左右

執印目觀北斗閉炁取北斗真炁次第至魁

取炁一口吹在印上如此每印各三次取炁

吹之用五色線繫印帶帶在左右手臂上如

祭時及用事時并出入一切動作時方帶之

如非時在家不可帶宜安於壇上供養閑暇

不祭時不用事只一日早晨取淨水一盞供

養為佳不得尋常用祭

如大會之日切不可行房事汗雜掌腥近身

須要時時鼓咽津液灌洗五臟此經如神仙之深隱萬術之首規天地同根古今並固後世如有遇者亦乃仙籍有名夙生慶幸實非易事縱若不行而家財之敬之一切禍事不敢入門切在至誠莫類他卷宜安清淨之器貯之無令穢深閑詞非時不得輕說亦不得妄起邪心本欲利濟存亡切恐翻成殃謹學者切要正直宜深思謹慎為尚至祝至祝法門變通動作列于下卷

行持符法六丁玉女之印

印之式範圍二寸四分長三寸二分擇木長生日抹素栢木刊之於甲子庚申之日以印諸符文祭法但依前法祭之非時不得亂用急難所以懸掛當以衣遮蓋能脫其禍矣用絳紅羅錦作袋于盛之不可令雜人見之恐不靈矣


夫行持之法須先設祭然後變通設祭在先變通在後凡動作感夢求物捕獵王兵馬遣鬼神祈旱滂登山入水攝盜破魔求官覓仙求奴覓婢迎藏君子退逐小人萬種所為各

有符法至誠鄭重勿易輕心俯地仰天當於正用非特安邦助國亦能護道養身稍若行邪罪干九族誠在專督頂戴二三玉女者凡於庚申乙巳甲寅己亥取素木心四方面各刻二三玉女名號符為用五色絲囊袋之安頂心非梳頭時不可解

凡書符式

凡書一切符命俱用朱書無朱京墨亦可逐時須向旬中三位上設拜行事餘神助之一切須向符邊寫旬中三卜神名號即玉女也用真武印朱印之合是陰陽印虛印再印之陽事用左臂陽印陰事用右臂陰印尋常吞服符但是用符一一如此為之切宜專謹不可候為也動作變通神應符備列于後


第一道感帝王之夢符法



此符感通至尊之夢但六度祭畢玉女自

然現身不須燒符玉女自執去行此符時違當旬玉女餘神助之早起朱書此符却於側邊書當旬玉女真君名字上用真武印印之次以陽印虛印一下次書開禁戶符

第二開禁戶符




此是開禁戶符亦依前法書及神名用真武印及陰陽印捷之右二符一處手執於當旬三卜玉女前祝曰吾今欲求某事隨意言之遣神持此二符直達

帝前開皇庭禁戶夢中奏帝云某州某縣某人名字年已行持大教為帝安國帝當善護毋令見害或求官或別用事隨意告之如此必聞了用清酒金錢一分連符香茶燈菓供養在當旬玉女真君之前至夜二更即念當旬三卜神呪三遍見在前神名下取紙一時燒化口中言急去急應不

可遲滯使吹滅燈收茶更自坐至三更盡  
方睡不經旬日必有報應帝君必受神人  
所資之事決無違也乃至求官所為一同  
凡欲感五音人夢符法並同前訣造之發  
遣只不用開禁戶符蓋須用也凡是官員  
僧道各依五音用之

感五音人夢神符五道



此符感五音姓人夢並用前法書之發遣  
不可用禁戶符並庶人不見須用也不問  
官員士庶僧尼道流各依音姓書用之無  
不感應

祈求旱澇符法


凡欲祈雨祈晴祈雪春夏秋冬各有神之所  
主

春太和真君太玄真君太派真君  
夏少一真君少微真君少明真君  
秋太無真君太金真君太宮真君  
冬少固真君少 真君少靈真君  
春祭於乾亥之方即旺氣之方

夏祭於艮寅之地  
秋祭於巽巳之方

冬祭於坤申之地凡祭祈求方蓋長生之地也

三真祈求召符三道



右符三道依時換神君之名書之於側於  
當旬玉女前祝云吾見人間缺少雨水民  
庶失業吾今遣神持蓬萊三位真君來日  
當至吾壇某方之地受吾咨禱如春夏秋  
冬則改青錢一分奉送雲程急速急速燒

紙并符於乾亥之地此春祭太和太玄  
派三真君地也如夏秋冬各請真君各隨  
其地設三位用香燈酒果供養了上香拜  
拜叩齒至誠祝曰臣聞蒼天香冥浩蕩玄  
真臣雖愚昧性合上清今民失業雨渴望

青霖淋願望晴暉臣行是法祈禱悲禱玄  
真受臣微祭願鑒臣心執臣之符為臣奏  
聞皇天垂鑒願賜晴暉臣所奏懇用祕符  
文伏惟真慈俯垂聰聽青錢三分用送雲  
程佇望感通即時來應燒紙連符收座

禱雨符




祈晴符



此符並用五重封角下印依前作用此係  
奏玉皇上帝符也不可輕易

求靈符




同前祈禱法

呼風符




若欲呼風雲春夏秋冬各有所主春東夏南秋西冬北告玉女燒符大呼大至小呼

通仙符




凡欲作此法欲到某處朱書一道告玉女一道手中執之閉目藏睛即刻到也


延壽符



此符能令人延壽長眾人愛敬如意符



凡有所愛用真武印印之安在在處告玉女其物自至如其意桃中符



此符朱書安桃中邪魔自消進君子遠小人神仙欲至預有夢兆


令人飯向符



若令人向者朱書三道一道告玉女一道

繫臂一道含口中求告飯順

令人愛敬符




朱書告玉女并書其人姓名年甲所屬星辰於其符下其人自愛念

覓酒符



覓食符



凡欲覓酒覓食於當旬玉女前書三道燒於神前酒食人送至

覓奴符







女三求奴及婢預書於當旬玉女焚之奴

凡欲求奴及婢預書於當旬玉女焚之奴  
婢自來感應非常

覓婢符




召相知符




此符欲召相知人先書符次書某人姓名  
於符上祝當旬玉女云吾欲一見其人來

旺利符



朱書告玉女帶之凡百旺利萬倍若人欲  
置財寶朱書挑板懸門下則商賈自來財  
利旺矣

入水符




欲作此符先告玉女了朱書二道用印印  
之貼在左右脚心行水上如平

入海符



此符先告玉女投於海中當有龍神擁護  
波浪自息要船住即住要行即行即應矣

行兵甲符三道



此三道符用行兵法至誠朱書先遣玉女  
持此三符通知彼禁吏又篆三道埋於征  
戰之地更領吏兵出軍自帶三道尤好

隱遁潛形入軍圍中符



凡欲入軍行事書此符六道告玉女畢吞  
三道頂一道左右手各持一道禹步入陣  
走入軍中諸軍皆不見  
役使鬼神符三道


第一道



凡欲役使鬼兵先篆此符於當旬玉女前  
祝云吾今為某處有某事意欲下手修持  
隨意所請神當為吾傳符速至五道將軍


速於某日撥發幾許戈戟鎗棒弓弩一齊整來吾左右指揮用事臨時須當了畢如不依吾之令吾即斬鬼殺神莫言不告急速急速燒符了便去

第二道




此符依前至誠朱書禹步至門前向五道將軍云汝等領二三玉女并鬼部吏兵即時齊往某處修造某事須當獲時了畢不許遷延如或因循斬汝之首用工之後各有錢酒謝汝勤勞急急如律令燒符又行

第三道



若欲作此法當至告玉女篆符令人持往作事處或前後釘亦可用印事畢燒錢謝之神應莫測妙之妙矣

攝神符



凡作此法用真武印印告玉女燒一道勒當界土地問此間有甚怪焉

追鬼符


散形 日 破食至 魁至 日 天有三奇 日月星 人有三奇 神悉精

聚形



此法用厭惡人及官司等事凡作法先書彼人姓名年月日時并事意於符下用雞卵一箇亂頭髮一縛符打碎雞卵拌符入合子中作法埋於鬼門上不解不止其人昏睡如醉秘秘秘秘不可妄用

收寇符



凡欲捉賊先告玉女燒香書符五道埋於

五路其賊即獲

伏虎符亦曰斬虎符



若居山中朱書此符告玉女貼於山上其虎自來在符下受降或投虎所自至受誅降龍符亦曰斬龍符



凡作此法於發洪處投之其龍自死出水

面上

狩獵符



狩獵依前書符告神方去更書帶之自然得獲


集怪符



呼蛇引怪集鳥歸魚並用此符二道告五


女燒一道手中執一道口中含一道輕輕  
喚何物即至欲遣之即燒手中符于門外

行路借鬼兵符



若行路往來欲借鬼兵凡所到處書符一  
道要鬼吏多少扶持到某處交易即時發  
回

填破缺符



凡有破缺溪澗告玉女朱書二道一道告  
玉女一道埋當處自然填滿復元取符燒  
之

生產符



救生產符書四道一道與玉女燒三道付  
請符人去淨水調與產婦吞下男左女右  
執符出死胎頂符出橫生者骨軟而生

治枉死鬼符



若有枉死投河自縊投井卒死者急書此  
符於左右書當旬玉女名告當旬玉女曰

今有某人某事卒亡吾以此符救之神與  
急去用心救治符到奉行追攝冤鬼付患  
人身即時取活速以此符安入口中頂上  
用艾灸之三炷即活

收鬼符



朱書召玉女或埋或釘或貼鬼自滅亡矣  
治萬病符三道



凡欲遣此符治病右三道治一切患上香  
告當旬玉女曰吾今治某人病神請用力

隨符救治符到奉行遣鬼退邪速為安復  
仍寫玉女名於符上降真香吞即瘥

治瘟司神符



此符朱書之黃紙上先一日書一道依法  
作用於當旬玉女前為吾持符至某處某  
人家司命禁忌官屬等神吾來日至此治  
瘟殺鬼疾速攝神廟當處等神伺候施行  
速去速去焚之

治瘟疫鬼符




此符用紙一片闊五寸長七寸令病人花  
押就上書符蓋了病人花押此符使六神  
司命

又治瘟符



令人寫花字書符背上治瘟鬼

治瘟疫病者服符



此符以降香湯下先書白玉女治瘟疫收攝病源保佑安泰

治病不拘遠近取驗符



此符治病入黃紙朱書一通用真武印印之先告當旬玉女焚者病者是何病疾無不痊瘥若病人在三五里之外想病人處告玉女書符用印燒吹符向方而去或千里之外祝其病之所在無不驗矣


治病法

謹請甲子旬丁卯神甲戌旬丁丑神甲申旬丁亥神甲午旬丁酉神甲辰旬丁未神甲寅旬丁巳神前去療病某人身中某疾病請為解穴釋難驅除禍祟急還病人免免立即取効符到奉行不得遲緩急急如上清律令指揮即了便往救治立即除愈

治病六符



符上玉女真形半身若治病不用印燒



廣字



廣字



廣字



廣字



廣字

勅符呪

九天勅下日月星符左勅青龍右勅白虎前勅朱雀後勅玄武四十萬人辟除不祥符到之處永享利貞萬邪入地惡鬼藏形急急如律令

治病擲座法


如有薄福之人使神不應者遲緩即當書句中符呪之擲於神座其神自速至假如甲子旬書卯符他做此

呪曰

謹請甲子旬丁卯神前去某處幹事救人其事宜速不得有違  
呪符訖擲著丁卯神座前即住乃至千里


之間立有報應問諸吉凶之事乃與人說欲縛鬼神但捨手中鬼目其鬼即死若惡人要來書惡人姓名吞之捨人目即自來也

召六丁擲座符



凡書符下筆存思玉女畢如斷銅截鐵先點二十八點象二十八宿念星點之四點象四時八遍念呪象一年八節凡點下不得再點如得此符似三五將軍六丁神將力士天丁千金不受永為身實祕之祕之其靈萬法之最也

薦拔亡人冥府符



此符是薦九幽七祖入幽冥地府之符亦薦衆亡人先算三道玉女之前告之曰吾有九玄七祖滅亡未知所在或曰吾有亡者某人滅亡以來未知所往所在神持此

符直至地獄幽嶽召官吏問之吾亡過某  
人即時赦放急速急速言訖焚之其亡者  
見現矣

右件諸符一朱書無朱京墨亦可以印印  
之凡有作事書符一道左六書當旬玉女名  
至誠啓告所懇事宜自大會祭後不須一一  
結壇只是香茶酒果焚香告白志心禱祝玉  
女自然現本相也符亦不須燒自然去也靈  
異無窮法子得之以為至寶敬之則九族受  
慶福祿榮昌亦可登仙證道慢之則六親致  
殃禍患來至亦以沉幽作鬼可不慎歟念茲  
在茲勿生雜念若夢中往返身形或婦女身  
邊坐卧即是玉女降現自此其法漸漸如意  
如六神日久出入現影現形或耳報或在眼  
前則法子夙緣至矣不必演遁但隨心啓告  
便行便報得此者實乃宿生有仙之名分矣  
以致今日得此道矣此上至  
玉皇宮闕下至地府冥司一切所為無不感  
通萬金不傳古人云寧與人千金不可與人  
六甲之陰也

祕藏通玄變化六陰洞微遁甲真經卷下

太上洞神玄妙白猿真經


屬

六甲神射式


射而命讎 射無不中 射工侵靈 射上利下  
南射北入 六甲六丁 天弧星君 天矢尊宿  
聞請降臨 助吾神箭 隨意如神 東射西中  
南射北入 上射下應 下射侵害 射無不中  
射時命傾 急急如律令

此法於甲子日造式用鹿脯鹽茶酒及時  
果淨水好香六分金錢雲馬及黃牛血羊  
血猪血各一合許供養及用黃牛心黑猪  
肝白羊頭新鯉魚供養依混元式至三更  
子時左手執色袋右手執朱筆望逐方念  
呪四十九次取炁四十九口吹帛上筆上  
書式放壇供養至五更散以本色作袋盛  
之懸神室中逐方位依旬中取式望逐方  
左手執箭右手執式念呪七次取炁七口  
吹在箭竿式上搭拭了射之

六甲符



右甲寅旬中用青帛五寸書寅位呪取炁




右甲寅旬中用青帛五寸書寅位呪取炁


右甲辰旬中用黃帛五寸書辰位呪取炁



右甲午旬中用緋帛七寸書午位呪取炁



右甲申旬中用白帛四寸書申位呪取炁



右甲戌旬中用黃帛五寸書戌位呪取炁



右甲子旬中用皂帛六寸書子位呪取炁

已上件式於甲子日夜書了罷六甲式用白薄紙方三寸三分闊六分百二十段用前呪左手執紙右手執筆呪四十九次取炁四十九口吹在紙筆上書了放壇中供養罷帛袋

感神室中如要用依前用式

凡造箭日庚申日早令匠人六人造素清淨不語各占六甲方位上造於三日內要造就一百二十隻只易安箭頭直候受了於丁卯日令六匠人各安依位安箭頭入式在箭簞子中其庚申造了甲子日夜將箭在壇上供養凡懸神室中造棹子一隻上排獻了

鑄青龍劔并役使鬼神抹五金鑄取

八石煉大丹式

凡要見天上地下人間一切鬼神要攝在手下驅使令入名山洞府抹八石煉大丹取五金擇金剛鑄六甲八神青龍劔須是臘日取鴟鵂睛各一對及雄黃透明者六錢墻壁朱砂一錢神室中不得令人見順

日研不住念呪西南合日點研之自卯時至

午時方位就九作九子當日指首神前淨水焚香上柱望西北念呪左手執丹右手執淨水香上度過呪七遍取西北炁七口吹在丹并水中望西北淨水吞下連九日食盡九光

丹第九日晚至三更焚香一柱左手執白紙二寸四分闊一寸二分右手執筆望西北念

呪七次取炁七口吹在紙筆朱書淨眼符放在淨水中安在星月下露至來日早晨日未出向天門洗左右目七遍洗足及目能視天上地下人間一切鬼神可揀擇有力量神通惺惺者一二人使用入名山洞府抹八石大丹取五金揀擇其金剛令匠人鑄劔大丹服之一粒永得長生住世可以遠遊名山尋訪神仙也

有一人披甲左手執丹右手執淨水臘日合淨服丹時呪曰

靈鷲鳴神 帝賜吾睛 朱雄和就 淨服神丹 九粒服盡 慧眼通明 天上地下 人間鬼神 吾目一視 悉皆現形 擊暮合掌 聽吾處分

急急如律令

服丹丸盡用淨眼符呪曰

天目尊神 聞吾降臨 神光透入 淨眼符靈

天上地下 人間鬼神 吾若一覩 皆現真形

急急如律令



凡採大丹藥物朱砂雄黃硫黃雌黃陽起石  
各六兩兩砂鵬砂汞礪各八兩用銀半斤造  
作合子盛之八味更用好金一兩打作片子  
二箇大如合子合子底下光焰硝四兩次入  
金子一片在硝上入八石吹用金一片蓋次  
用焰硝四兩蓋頭了以合子用銀索一兩十  
字繫之封了合子次用金星石銀星石各一  
兩白土四兩白石脂二兩赤石脂二兩黃土  
一斤鹽四兩益母草四兩同和作泥固濟定  
驟乾取一地穴深三尺六寸放藥在內自冬  
至一日下手每用三十六兩炭火養之每日

早晨燒爐行左玉訣右手執劍念呪四十九  
次每十五日一次呪用無灰酒一升二合燒  
爐澆之至立春前一日用炭六十四兩燒春  
日早晨開爐取出來又入土三尺六寸去火  
毒三日外取研揭末丸當日用淨水念呪吞  
之一九要三百六十日服盡乃得住世長生  
不死之道故萬物不能害也

固濟藥呪 將雙手捧藥香上度  
了玉訣呪七次澆酒

八石大藥 吾鍊八神 佑護丹爐 勿令邪侵  
吾稟勅命 輒莫縱情 若有違犯 斬首不停

急急如律令

達爐呪

吾今鍊丹 吾達爐巡 八神從吾 莫縱邪侵  
精若益丹 斬首滅形 護吾丹爐 帝勅鍊成

急急如律令

開爐呪

吾鍊成丹 奉請八神 同共開爐 勿令邪侵  
鬼怪精魅 犯者滅形 當吾爐者斬 靈吾丹者逆

急急如律令

開爐取丹呪

勅賜吾酒 吾今澆爐 八神尚饗 常守吾爐  
一切精魅 犯者滅盡 一切厭怪 盡皆辟除

急急如律令

出火毒法 七五訣  
天系

八神看丹火毒散行離丹成就上儀祥雲火  
毒燒丹莫令盜侵敗吾丹者死犯吾丹者亡  
急急如律令

服丹水呪

清清靈靈 與道合真 天一真炁 昇降無停  
造化丹成 大丹所化 保我長生 吾今服之


昇朝玉京 急急如律令

凡丹成都入合子一處去土研末糯米飯丸  
三百六十九服丹首服之不得缺住一日如  
缺一日其功不成左手掌丹右手水念七次  
吹在丹水中服之造劍以戊午日令匠人造  
模子并金汁處不澆模子及鍊金汁處行遠  
看無手玉訣念呪及汁成方住不念不遠  
呪曰  
化鍊五金 六甲六丁 八神護助 青龍劍成  
千里萬里 瞬息而臨 離八萬里 取首主呈

急急如律令

金汁成佳進行念呪取青紙長八寸闊三寸  
左手紙右手筆取天門炁七口吹紙筆書式  
了左手式右手劍訣步斗了投在金汁中鑄  
劍呪曰

青龍青龍 真炁降臨 帝有勅命 龍劍立成  
青龍透入 大騁威靈 名山萬里 瞬息如風  
急急如律令



凡鑄劍揀擇金剛金六十四兩鍊鑄長三尺  
鑄長六寸共長三尺六寸靠鑄刃闊三寸四  
分尖闊一寸二分鑄成取起掛神室中青袋  
盛之至甲子日建爐鍊劍高三尺六寸中心  
用坯劍模掉劍匣中爐內四邊去劍匣三寸  
六分自甲子日起首爐中鍊劍爐前排八分  
素食茶酒時菓供養焚香每日用炭二十四  
兩鍊之供養之物次不用添炭八兩熟火相  
生十六兩去爐中四下攢定焚香遠爐行左

手玉訣右手子文呪四十九遍取天門炁四  
十九口吹在爐中每日如此行遠爐一次十  
五日澆爐一次六十甲子一周至甲子開爐  
取劍丁卯日造匣如用後式

遠爐呪

青龍遠降 神道取靈 透入神劍 八神照明  
奉帝勅命 衛護吾身 吾執神劍 同朝玉京  
急急如律令

澆爐呪

八神守護 六甲六丁 共衛吾劍 勿放邪侵  
青龍神入 吾劍之中 滅除精怪 立誅讎人  
急急如律令

凡澆爐時左手玉訣右手無灰酒一升二合  
遠爐行念呪七遍取炁七口吹酒爐中澆爐  
了甲子開

開爐呪

吾今開爐 八神降臨 辟除精怪 勿令來侵  
青龍常守 固正同行 不得離吾 吾稟勅命  
急急如律令  
凡開爐左手玉訣右手子文念呪四十九遍

取天門炁四十九口吹在爐中然後開爐  
凡造劍匣以丁卯日早晨令匠人造劍匣先  
焚香度過念七次取炁七口吹在木上令匠  
人造呪曰

青龍神劍 八神衛佑 青龍威靈 誅斬邪鬼

人取頭 千里萬里 吾目瞬息 急急如律  
令

凡遊名山洞府或入萬軍之中且執劍去處  
合眼念呪七次不過聞風雨之聲其聲不聞  
開眼即到也呪曰


吾欲出遊 青龍附行 八神扶佑 瞬息而臨  
千里萬里 如禪指停 意去五至 龍神莫停  
急急如律令

凡此劍無用常以青袋盛之懸於神室如有  
朝廷喜事或有神仙過往或來相見劍響一  
聲親來二聲相識來三聲小灾官訟四聲邪  
魅精怪五聲六七聲者大灾攢死急去劍左  
手準備逃難避灾

五假式

水假





右符用皂帛六寸書符皂袋盛之布以北

炁


木假  
後四  
九



右符用青帛八寸書符青袋盛之布以東

炁


火假



右符用緋帛八寸書符緋袋盛之布以南

炁


金假



右符用白帛九寸書符白袋盛之布以西

炁

土假



右符用黃帛五寸書符黃袋盛之布以中

炁

五假呪

腎藏於精 太一之源 陰陽和合 萬化生焉

天象應水 口口相傳 帝賜吾旨 應物化生

急急如律令

心藏於神 發惑之精 內外感應 千化萬形

吾今習之 水火不侵 八水入火 不壞吾身

急急如律令

肝藏於魂 魂化炁行 天象為木 發生萬形

吾今習之 萬木假形 千顯萬隱 無不順成

急急如律令

肺藏於鬼 鬼白純陰 天象金曜 萬假極形

應物而假 萬物化形 吾今遠遊 安永長生

急急如律令

脾藏於智 天象鎮星 一物物化 隨物化形

或隱吾體 吾現多身 吾意應化 身遊幽冥

急急如律令

如習水假壬子日火假戊午日木假辛卯日

金假癸酉日土假庚子日日本日時習之焚香

一炷雙手捧淨水一盞香上度過念呪四十

九次取本方炁四十九口吹在水中飲之左

手罡訣右手子文步斗如此習百日夜同混

元式至三更左手執本假物右手執筆念呪

四十九次取炁四十九口吹在帛上筆上書

式了壇上供養至五更散了隨色袋盛之懸

神室中要用取一假式頭上帶之呪七次本

方取炁吹淨身上步罡棄一物去勿反顧以

物假下形其能言語應對人如事忙不及步

斗亦取一物可假下形

○天正指炁物物成形


○自在通神

○斗罡助力

七元式


此斗七元 天心之星 上佐北極 調理乾坤  
 指畫綱紀 造化我育 倉巨祿文 康武破軍  
 能除災疫 能隱吾身 急急如律令  
 凡交七星式初七日夜如混元式供養之物  
 三更左手執帛七寸闊三寸六分七段右手  
 執筆北方念呪四十九次取炁四十九口吹  
 在筆帛上書七元式列斗勢供養至五更散  
 次日夜於谷拜了將式香上度過左手執式  
 右手仗劍步罡先念呪七次取炁七口吹在  
 式劍身上步罡如習百日大神通力不可測  
 也。

貪狼



巨門

可小大如平地水不溺火不焚隱身匿形



驅推山竭海移林聚塚乘空入地隨物化  
 形日行萬里

祿存



可隱萬兵竭海平山林指物化形五行不  
 能操出入幽冥

文曲




可改容貌易陰陽晝夜指草人成形隱身  
 入山透水呼集鬼神

廉貞



可集先獸驅使神兵起風雲霧隱形藏體  
 出入幽冥

武曲




藏百萬兵令賊軍自亂賊不見我軍人馬  
 攝精怪鬼神萬里去如瞬息

破軍



可破金賊軍自亂自退藏兵馬出入軍中  
 人不見我軍兵神鬼不聞聲也



八卦式

乾亨曜靈坤順內營坎震兵難及允神君迺  
 還相成六十四卦神威靈能伏萬兵賊軍  
 自亂東西皆亡吾軍出入無人藏吾隱吾出  
 入幽冥視吾兵者死窺吾兵者首急急如律  
 令

此法於冬至日夜同銀元貳至三更左手  
 執卦式帛右手執筆望本方念呪四十九  
 次取炁四十九口吹在帛筆上依位壇內  
 供養至五更散各以本色袋盛於神室中  
 懸八方次日左手執式右手仗劍念呪七  
 次取炁七口吹帛劍身上步罡了如此習  
 之死不驗也次日三更焚香拜了香上度過念呪



乾



十四

右符用素帛四寸白袋盛之

坎




震

右符用皂帛六寸皂袋盛之




巽

右符用黃帛五寸黃袋盛之




離

右符用青帛八寸青袋盛之




兌

右符用青帛八寸青袋盛之




乾

右符用緋帛七寸緋袋盛之



巽

右符用黃帛五寸黃袋盛之



右符用白帛九寸白袋盛之

正動高雷 ○ 震威辰辰  
 藏吾隱吾 ○ 陰陰不存靈軍自亂我軍無憂  
 摧折惡軍

其然速降

八卦軍神

太上洞神玄妙白猿真經

太上通玄靈印經

通靈印



上三寸  
刻之  
左

攝鬼印



召鬼印



策鬼印



下三寸  
右

凡五

老子曰此通靈印是一切法萬術之根若人不得此法者一切道術虛行不成諸法雖說功能而通靈印何處得來徒費功夫日勞人矣老子曰人欲策使鬼兵取前件者先取赤葛花二兩白枸杞子一斤赤桑皮一斤白二斤鬼谷一斤青牛脂一斤鬼箭三斤此六件陰乾二十日杵末細和蜜九小豆大寅時服三九日服三服未至七日一切八史六丁玉女山精河伯水官社君竈君河海一切羅刹王鳩槃荼八部鬼神帥天

下百萬鬼神無不稽首來到朝拜子也一切虎狼禽獸皆役使矣

老君曰一切萬法皆從此通靈印中撮出各說功能無求飲食

凡諸外法雖有符印呪術空說功能不得此通靈印者徒費力耳萬不成一矣

老子曰是受太上金口所說靈寶通靈印文持之如法三月三日變身萬種立生水火金銀寶玉天下百菓樹木河海土石風雨而禽獸所化皆成無所不為若欲依前功能者清

身潔已不食一切血食之物如此淨戒萬不失一

老子曰欲使八史六丁為人取金銀一切寶物仙藥者先行八史通靈符印將印向東方

震地八史為人取一切物立至又使六丁橫印向天八史六丁領兵鬼神皆來至法前立

老子曰此法最秘勿傳與人若違犯真科殃及七世子孫

其印文如是廣二寸白檀作心作左印此印以雕是如上法印功無異也印是左後印是

右前印使八史六丁玉女後前印使天下鬼神前印沉水一寸刻之以五月五日七月七日此是諸天八史下降日一切鬼神皆在人間察人善惡德通用此日開印立成矣後印亦同日刊之取飛符千里立至此印者秘勿

妄傳欲刊印先入淨室之中用甘松香湯灑地了古刀一口刊開印寅時入室燒香請先師老子八史六丁玉女三啓畢即刊之以卯時了勿使停滯過卯時須著新衣香湯沐浴身潔數炁刊之八八六十四氣即了須數炁勿用欠也刊了印埋著鬼地二十日用平旦寅時取之置立壇如法受持二十一日無不成矣

立壇闊八尺燈八盞銅鉢一口香爐四箇香案四張五方綵鏡一面酒一盞鹿脯一斤五

菓一盤用正月一日立壇三日即成也用油是胡麻油勿新油四角四箇燈夜使莫滅燈

內四箇至明方滅外留四盞應四方四時內四盞八史坐用團薦敷之六丁以應四季內

外八盞上應八史下應八卦八史領諸王皆

來不得餘香立壇者有十種果報人見此燈者現終身長壽元極一切寶所須之物皆悉隨心取得若說此壇功窮之不盡故不多言勿傳

老子曰若欲用印即咒印三遍即說咒曰

太上真炁 照我身明 將印所化 立即能成

八史衛左 六丁侍形 天下鬼神 皆來通靈 神印一下 使鬼役兵 令臣求道 永劫長生 白日昇天 飛騰上清

咒畢取印左手執向天諸天八史皆來前

立問之取何物即答欲某物立取來與人

若化山林河海手把印身振三下其人即成

木山丘欲止之法豎印向天還人矣

若欲化河墨塗印戴在頭振手三下即成大

河水廣百里欲止下印身坐即止

若使六丁五女并及一切鬼神用牛黃丹砂

塗印一切鬼神六丁皆來隨人使役移山竭

海雷電霹靂天地闔冥日月墮落興雲致雨

此通靈印皆能為人使役

若欲使六丁移山竭海者朱砂塗印向之即

成桑田橫印向西其山即移入平川欲止豎印向東即依本山

若欲化雷聲左手提印向東即為雷聲震動天地

若欲日月開冥與雲致雨者印召八史來與

雲致雨

若欲閉塞日月光作白霧印召六丁來與人

與也

老子曰欲八史延年長生求仙飛仙用赤葛

花塗印三七遍八史六丁即來扶接將上天

能乘空虛遊歷五嶽隱萬遍五嶽仙官天神

玉男玉女皆來迎子先縮地脉而行遍歷天

下八方然後求仙得仙也

老子曰縮地脉者牛黃和丹砂塗印上向東

方鬼神阿吒領一切神兵來縮地千里十萬

里如食一口飯即至處

欲往蓬萊山見諸仙者水銀二銖真丹砂塗

印東方八史領大五部鬼卒與人縮地脉立

至蓬萊山上見仙人玉女皆乘青龍白虎來

迎子若見時印橫向仙人立成萬頭獅子仙

人見之皆悉嗟嘆受署為仙人名入大山金闕紫房宮中長生不死天地同矣欲此法者莫害一切神也

老子曰欲使六丁八史取寶將印向天八史

神女即取一切金寶立至用三兩埋入地戶

餘者任意用之

若欲隱形變化者將印向面立成老公向心

成女向足成土向背成天雷電震動左手把

印倒指天雨即下欲止豎向地立止

若欲化草木五月五日收百花陰二十日乾

為末塗印印地人即化百草將印左右振立

成千人欲止返印向吾立止

若欲一切禽獸獅子虎狼蛟龍毒蛇者橫印

向地上即成大毒蛇千頭長十丈大怕止印

鎮地上虎狼蛟龍立滅不見

老子曰吾此通靈印結壇三七日受之不須

受錄若得此印八真通靈印一依此法萬不

失一先元無八史錄以永壽元年有神師觀

虛空中八史共語言神師因撰八史醮一卷

更撰六卷世人得此真根者不須受錄若無

者爰錄然後藥始下矣昔有鬼谷先生費長房曾行此法方乃得昇仙以晉永和三年太歲在朔受與諸葛先生從是以來少有人得此法五十卷一部諸葛先生撰為通靈使役鬼書一卷後留人也

若欲役使鬼六丁癸日收取鬼曰赤桑白皮三兩以七月七日埋著鬼門三七日黃昏時三步九跡叩齒三遍說誦呪三遍

取藥塗眼一切鬼神受人驅使如奴婢取金銀仙藥共人服食得飛仙此鬼常欲殺人將前藥一丸口中含之不敢害人

若欲使鬼神盜他家金銀財疋先祭鬼可用酒三盃乾魚三頭鹿脯三斤五果香爐一具祭呪曰

吾與汝為友常飼汝酒脯若使汝取金玉錢財之物立即得來必莫違我語

若欲某求道即遣得仙可取天下萬物立即得來勿違我語

若欲使金玉錢財一切財物皆已得之供給人用無窮盡祕之勿妄傳人也

此符是召鬼符以朱書白縑二寸以五色袋盛隨身勿令人見

若欲使鬼神左手提符囊指四方一切鬼百千萬眾皆來總到子前即語與鬼兵言汝欲與吾取何物其鬼任子所使須仙藥一切金

實任意取索即為取供給人無窮盡若怨惡侵害者召鬼遣報讎使殺即殺使生即生若不殺即使抱患在身求生不得求死不得但答惡怨枉事即遣鬼兵報讎使殺即殺生即生

諸葛曰若欲使鬼為人追喚千萬里人夾者書姓名在符內手中執振符三下其人一日即至也

使鬼神先唱五方五部鬼神名也  
東方鬼神名阿吒伽領諸小鬼百萬眾  
南方鬼神名符一名深沙領諸小鬼三百萬眾

西方鬼神名浮丘領諸小鬼三百萬眾  
北方鬼神名神吒領諸小鬼百萬眾

諸葛曰使鬼神取物隨人意即至先唱五方

鬼神自領眾為人取之立至此鬼神一日一夜察人愆過人須知之常以日出時察人一度少時即去午時來候人一過去更至夜半察一度此三時人莫眠卧主五部鬼大怕或時煞人好戒之若欲至時手執藥符不能為害共人言語祕密之事示人金銀寶物即取立至也

諸葛曰若使豆子為兵者用赤豆一千枚羊血牛黃和塗在小豆上二七遍用時先呪其豆子曰豆子是鬼神之兵吾是天帝之子使役變化隨吾驅使攻山伐樹富貴如市延年益壽無極天地急急如律令

念畢左手取豆子右手振北方坎地遙召鬼三振北方坎地鬼神吒領鬼兵眾化作豆兵震動山谷欲作千萬萬眾立成也如生人

若使豆兵伐木槎山百種功能用前呪  
豆兵眾為槎山伐木一夜至曉可得千萬頃已上欲收之用攝鬼符收之一切皆來立在我前其圖如是祕之勿視人

吾前其圖如是祕之勿視人

此是攝鬼符欲使用羊血牛黃四氣書之使了莫令欠少欠少者無効也

若使此符飛百千萬里取人血和羊血書名姓八符內立自飛去若人來求請為事不須書符呪三遍呪曰

天地神靈 日月光明 某行飛符 役使六丁 隨口所願 驅策鬼兵 急急如律令

呪單叩齒三通將通靈印七次符即飛去若欲使符喚人盜賊者呪三遍印符三次即飛殺其賊盜若殺之子又使符攝名字成語人也

諸葛曰使靈兵取栗一升用豚血青牛血和塗案上三二遍用豆兵呪三通立成鬼兵滿山川欲攝之用攝鬼符口含呼之立止也若人能後鳩槃荼鬼羅刹鬼能為天下眾生作變怪之事

若役之法用前左右通靈印印手指鳩槃荼鬼羅刹鬼立到為人化作大毒蛇三百丈口廣一丈嚇煞人欲止豎印即滅祕之勿傳諸葛曰老君策鬼符能使社君河伯水官能

視千里伏藏金玉寶物皆見眼前了分明其符方法如是亦能使靈君祕之


此是策河伯水官社君靈君等符若欲役使之法以鵝頭血和石硫黃調書用五絲作袋成之左手執置頭上隱形不見下符即止置

面上成十五童子著腰成女子端正無比置足成老公鬚白稱百歲已上右手捉符振之三下前進二步後退三步即散千人欲止走向人門持前符指天還成一入矣

諸葛曰此符隨意口用以丹書白絹素上用前攝鬼符呪三次繫符右耳立成十八女子端正世无雙却符立止符至樹下一切鳥雀皆來聚會却符即散投入水一切蛟龍魚鼈皆來聚處勿害却符即止 太上通玄靈印經

上清鎮元榮靈經

太上受與仙公天目山修行道白日昇天自在 太上曰凡為通靈此法元日為始餘隨所月建而作其方



上文朱書紙上吞之然後可行餘文神驗

黃帝太甲 運神追靈 精氣助我 神仙佐形 急急如律令

先齋五日以元日丑時用三穀穀燭下无人之處朱書符紙上七箇燒灰置一碩水中用洗耳聞鬼神語洗手脚即能捉一切鬼神意元日洗訖其日至暮不食不與一切人言不見

畜生婦人孝子其夜於庭中鋪一領淨席頭南仰卧視北斗星至夜半乃見紫微宮內物事及聞琴瑟之聲又見天地赫然而居乃呪曰隔居小入至紫微帶君畢便閉目鼻吸炁三次存天炁入身火口吸三炁存地精入身次口鼻俱吸炁三次存人神入身吸之法一吸一氣息更通再三乃開目視北斗至日出便見任食齋戒至二月建卯立壇為下法合明天帝日二諱朱書符三寸五彩袋盛之二月卯日然後書七星壇上佩之


破軍



右破軍星符星君朱服赤幘朱陽從者二十五人赤蓋車欲受知天下盛衰帝王治否與兵相攻已知執仇邊敵及自興兵佩符人不見凡有所宜執酒脯於星下立念神即應念而至不過五六句語但所為事置口中唱集鬼兵即應聲至使役由人若

不須去符即散欲知鬼名便問立知

武曲



右武曲星符星君服上赤下黃十六人赤車黃蓋學武藝用月晦日夜密處將弓一張箭一隻刀一口并持酒念神立至教人百事了去

廉貞



右廉貞星符星君服白十五人素車蓋與他丈夫妻婚姻田宅安危習學道術及家子孫與外人奸邪問之通說也

文曲




右文曲星符星君服青百人青蓋車欲通未來求長生採靈芝者依人定時持酒脯祭之問神指受人也并忘失塚墓並可問之夢中惡事為怪非時風雨星墮日蝕地泉怪異日月薄食皆可問之

巨門



右巨門星符星君服黃五十人黃蓋車子欲佐弼君王公侯二千石逃遁凶疾所逼又求仕不得問如上法諸學有所疑惑藥物不決文字虧漏問之懷符而往天子貴臣愛男女並亦問之

祿存




右祿存星符星君服上青下白二十人車蓋白子欲商賈求利規覓伏藏婦人求子



亡失奴婢財物年有水旱人壽長短病人不愈求官得失與人爭訟持符而往王侯敬愛男女歸伏置符頭上人不見安足下入水不溺入火不焚刀兵不傷事如前

食狼




右貪狼星符星君服黑八十一人黑車蓋從者皆年劔令人怖畏子欲行凶惡凌他人子女欲報冤讎諸甚惡險者問如上法符下注姓名密置門戶前埋之夜鬼神喚聲不絕去之止姓名置屋上三日野犴怪鳥諸惡禽獸皆集舍下一十日滅門去符即止符下竈下五日醫不愈去之止置符

口中官事自散得理

右七星符朱書紙上方三寸問神及餘用符但隨心所作下元生人有沉重疾厄治不瘥者用酒祭之後問神吉凶天晴念立現形勿畏也符別有用依文書符並祭後見神拜益

善不見不拜无若紫微天帝北極也服變無恒從千萬人不可輕問子欲去死籍益生名者皆山居絕五穀棄所好離榮華避喧譁捨聲色念道遠塵子能如是方可受持得預天帝也朱書素三寸日吞一道三十六日畢閉目思真一旦腸化為金骨化為銀功恭天帝久服不止神化自在無所不為駕鶴乘龍靡所不從策役鬼神壽天地同矣



太上曰此乃萬行之本召神之道道士得之神仙候聖都亦不難矣諸不能居山而有此文者以朱書黃素五寸符下書己姓名生月五色篆盛置頭上衣領中求官如意財寶資生惡道速利身眾人愛敬受此符升壇朱書三寸凡此符朱書壇上燈八盞香油八方刀

四口暨四階道也符如七星相去一尺二寸以破軍符隨月建置之紫微符壇中心符下各安白紙一張布一丈二尺為座位酒五盞脯七疎篆香火四器皆異色壇高四尺安四階道作壇上鋪設人在壇南北正立用揪板上書章文其壇或在庭中若空宅中皆無人之處為之必須精潔不可穢汚也

維年月朔日辰大玄都正一弟子臣某謹啓九天尊君大帝皇君大極老君臣質滯愚盲心無所識於大道錯亂代之明師敢屈天儀就臣斯座再拜

七星君一時在壇坐目見了然勿懼更啓白曰臣性頑無所識虛承道法戴天履地志願長生臣又欲知過去未來一切吉凶之事臣又欲習學武藝博通離合夫妻規覓財產臣又欲知代問不祥之事遺之皆令吉慶臣欲令所求者得所作者成行符靈驗求道得仙治生利順畢後天垂哀矜愍受臣微願

復爐送神

常醮之時七星臨坐天上現形紫微令人見

不得別祭也。單自取酒飲使盡。如不食時埋之。器物中並棄東流水中。及章板燒了符便吞之。掃除立壇。正服如常。一無所忌。復有疑似問如上法。若欲學紫微者。皆如上文。

太上曰。凡為此文法。用天晴明無風雲雨日。

二月卯日。若陰不見。至三月建辰為之。或四月一百日。已上如齋。尤善。若能常用。思念者常來。現形數示人也。並取初建。以破軍符隨月建而置之。二月卯日。依法皆須酒脯立念。

神名見其所屬之星。別祠之。有危本辰常來。救人隨人所在。

凡書符以正月一日為之餘。隨月告皆用雜鳴時。然三盞燈於北極下。以井水用丹砂書之。欲書先面北立。啓云某小兆謹啓。

太上老君天地日月北極北斗若為法都書符。即云七星尊神。餘但隨所求事。某姓星尊神。清信弟子若干歲。鄉里人今受。

太上老君真帝靈符。願靈符尊神來。轉弟子某願求如意。所愿從心。啓訖再拜。向北而坐。書符法常閉炁。勿令奔走。微微卑內。輕出炁。


動下筆閉炁。舉筆出炁。不令頭痛。

凡人。不問貴賤。年生大小。皆屬北斗星君。記其所屬星君。若有急難。因厄當呼其名。救我助我。三呼三拜。止其星辰。即救之。若不記所屬星君。通呼七星名。救護解之矣。此天道大要也。

子生人屬貪狼子孫神 丑亥生人屬巨門子貞文  
寅戌生人屬祿存子衡府 卯酉生人屬文曲子世惠  
辰申生人屬廉貞子衡 巳未生人屬武曲子太卑  
午生人屬破軍子太宸

右凡有急難危厄之事。向北斗下禹步三呼。此星所屬名號。來救厄難。太上三甲玉策。補後缺。前文在上。清祕法冊內。切記檢閱。

行病神符。能作一切卒病。赤眼惡腫。丁癩。朱書此符。將頭領中帶之。去病家。即見至見之。香餅食祭。不用酒肉。




其神婦人身著黑衣。手執熅曲。乘驢姓專。

一本云。曹惡來。便以朱書所患。立命。若欲重發者。青絹墨書姓名。置竈中燒之。其病即發。欲要治。朱書立愈。呪曰。

奉請此君使者。願乘馭來臨。此坐請救病。勿以為過。急急如律令。

天策符




此神天帝之使也。其姓樹。可思常飛行天。

下知吉凶禍福。未然事一一皆知。此神似仙人。身著天衣。戴花冠。乘雲飛。行能風雨。時豈豈熟。朱書青絹袋。當心。前衣襟上。綴之。策神見問之。並知吉凶之事。不可壽書。呪曰。

日是我父。月是我母。五星是我兄弟。太一是我朋友。吾用天策神符。攝伏一切神鬼。急急如律令。


招神符






右符主收錄一切鬼神朱書紙方三寸卷  
 窸人家門上墻屋罅隙之中亦勿令人知  
 見師來未坐其家親丈人一切並來門神  
 戶尉竈神盡來人前問吉凶之事歷代相  
 報鬼姓名一一言取符來其鬼神皆散去

癩野符



右符朱書紙上若三失塚墓書仁人姓名  
 着符上置足下祝曰幽幽就吾符術急急  
 急令閑息須更其鬼即至尋鬼而去即知  
 其處塚墓大驗也

縛賊符



其神姓泉善學人形頭上似驢耳無口膝  
 行後有尾著黑衣性惡怒即殺人彼賊及  
 自被縛以朱書紙上下畫一人吞之失物  
 夜北斗下嚶水呪曰

東方青帝是青龍急縛賊送吾傍南方赤帝  
 是赤龍急縛賊送吾傍西方白帝是白龍急  
 縛賊送吾傍北方黑帝是黑龍急縛賊送吾  
 傍中央黃帝是黃龍急縛賊送吾傍吾勒天  
 策神符令遣汝攝諸神若不從我還違者縛  
 汝自滅吾叱神水東向嚶之流水竭南向嚶  
 火光滅西向嚶金光缺北向嚶山嶽裂上嚶  
 天柱折下嚶地戶撒嚶一賊萬賊絕急急縛  
 急急縛

神怪符



右符主隱伏怪起取東方桃枝破開長三


寸一片朱書兩片相合縛之七匝置其人  
 屋上當夜即聞鴉鷲怪惡聲其怪即至屋  
 上去符即散了昔太上受上皇紫微夫人  
 後世之人受持者白日昇雲上與眾仙為  
 友



符博威必勝隨紙廣狹俵前  
 朱書安足下男左女右大驗



老子入山符朱書  
 素帶之橫行天下



符真人帶之一年乃  
 可入山精鬼莫敢近


木解符甲子日丹書紙上化服之正東首  
 抱竹枝死一日起去置巾幘卧處即把為  
 其身已去勿回顧遠到他鄉



符帶之見  
 官貴勝無  
 不起迎接

田池在神

符主命帛三寸



朱書心前帶之  
敬之大驗也




符遠行左  
足下所求  
題名姓



符主治生百剖折  
不止貴朱書帛素  
領中安之大吉



五將二光神王  
皇帝號奉赤火火火



朱書下符莫入穢及人見之長三寸八分

闊八分真人入山求採藥者以累為勝長一尺二寸木板書檄山符持以行必得神人迎百鬼精不敢近山精拜




此符山居者白  
板門上遠方角

中央無不避之

凡受法正月建寅二月卯正月一二月二三月三五月五七月七九月九戌時用水一盃淨刀一口橫水枕上香爐一具淨席一領獨室中淨處勿令人見同志得見在席上立先禮四方東方為首禮畢香然須取水淨手面噴灑五方畢向東方七吸云東方青炁入吾口中三方同念更禮四方步禹左迴面南轉向北頭轉腳隨開天門張口閉地戶脚並豎天柱古向上捻都監訣以左手大指捻左手掌根行之時淨戒葷辛芸薑死孝婦人穢惡之處皆不得投若遇即須解洗所作神呪了方不失一禹步了坐水漱口鳴天鼓三通咽氣下新舍清水亦不得言欲取氣住筆作禹步呪曰人皆濁我獨清人皆去我獨停人皆破我獨成天張地分我與之并依文昌遊心星登玄樞自廉貞食飲甘精倍日月體安寧乘三鳳駕羽瑛隱華蓋藏九天玉堂戲丹蓋青龍白虎附我邊急急如律令


納真符



通目符




天甲符



地甲符



人甲符




太上三甲玉策符文與前本稍有異故再書之於右乃是納真通目天甲地甲人甲符

役使鬼神符



別本法書內有使鬼神符一道為本無頭尾錯亂故不曾書蓋為傳之不盡師有僥倖不肯傳徒徒有陰毒不能盡達二事未知故書役使鬼神符一道用庚辛日桃木片三寸飛此符於片上向子地埋之其鬼自見與言語所意如願




上清鎮元榮靈經

太上六壬明鑑符陰經卷之一

履七

昔孫臏與龐涓結義而求師於鬼谷先生學業軍旅戰鬪之事師因圍看菓成實令臏看之夜忽有一人踰垣而入圍中盜菓于食之臏乃潛身持刀欲捕之乃是白猿也拿住忽言曰汝勿傷吾身我與天地同生日月並長混元道悉結化成形吾有玄文汝來日於此處候吾我傳與汝臏乃長跪而退其猿乃化白光而去至次日臏乃依期而伺之忽見白猿自西北乘空而來授臏玄文一卷隨時化白光東南而去臏將其文而歸本宿房中點檢一曰六甲天厭一卷一曰六丁天厭一卷遺其頭尾不知是何名目分上中下三卷因曰指其白猿為名也  
凡習此法道可清淨一百日不可食禁戒之物虔心若習百日使人不見其形鬼神不聞其聲此道最禁不傳非人皇天若怒恐招其咎可宜秘之

混元式




混元式呪

混元一象 陰陽未分 天一真道 萬化成形 或現或隱 出幽入真 千兵萬卒 豈見吾形 急急如律令

此法於冬至日夜用清茶酒果鹿脯油燈素食奇香金錢雲馬各三分及用青帛長八寸闊三寸用新筆朱砂造青詞請三清玉皇至三更子時對聖左手執帛右手朱砂筆望西北念呪四十九遍取燕四十九口吹在帛上并壇上供養至五更初告神燒紙即獻狀罷散壇了以青袋盛式懸於神室中以冬至夜為始每夜至三更子時面北焚香拜跪左手執式帛右手執劍念呪七遍取西北燕七口吹式并劍上及彈身步斗罡了放在心頭中乘天門過太陰望天藏去八方之中無一見者



元神出入於人下界者其隱事  
或顯或伏三事畢主事急於祭令



天元式

天元一炁 陰陽未分 混合升降 上下交生  
藏含萬物 吾形遂形 使人不見 使神不聞

急急如律令


此法於冬至夜與混元式祭物青詞具同  
亦用青帛書符行持畢用青帛袋盛之每  
夜亦如此行持一百日大有神驗取天門  
炁

天元符



天元降炁 地發方生 陰陽和合 一降一升

地元式



造化萬物 隨物成形 吾身應化 或匿或神

急急如律令

此法於立春日夜用茶酒祭物與混元式  
皆同用黃帛長一尺闊五寸朱書造青詞  
至三更子時對聖左手執朱筆望西南念

咒四十九遍取炁四十九口吹在帛上書

式了放在壇上供養至五更初罷散從立

春日夜為始每夜至三更子時燒香拜跪  
望西南念咒七遍取炁七口吹在式并劍

上及渾身上步斗罡了行持同混元式


地元符

如用光明堂元地望天炁主



陰陽定位 萬物緣分 天地造化 物物成形

人元式



吾習神式 出入幽冥 或顯或伏 隨物遂情

急急如律令

此法於立春日夜造青詞供養之物與混  
元式同用青帛長八寸闊三寸依前法行  
持望西北念神通自在出幽入冥

人元符




二儀式

太極氣變 兩儀交分 散化萬物 伏匿吾身

或隨物化 舉意皆成 千軍萬寇 如瞽如盲

急急如律令

此法立夏日夜供養祭物同前



三才既立



三才式

陰陽開闢 三才既分 造化萬物 萬木發榮  
吾身習化 萬物變形 吾步天罡 藏隱吾兵  
急急如律令

此法於立夏日用青帛八寸闊三寸供養  
同前行持亦如前東炁




四序式

三才既立 四序化生 春生夏長 秋成冬停

吾徐習化 物物隨形 吾兵入卒 寇軍皆盲  
急急如律令

此法於立夏日夜用白帛九寸闊四寸祭  
物同前望西方念呪行持同混元式西炁



五行式

天真太素 壬癸之精 內應腎藏 上應水星  
吾今習化 物物隨形 或隱或顯 舉意而成  
急急如律令

兩儀初列 南方火星 丙丁正炁 火陽之精  
內合心臟 上合大星 吾今習化 隨物化形  
藏現自在 舉而成形 急急如律令  
三才萬物 萬物皆祭 甲乙正炁 東華帝君  
內合肝藏 上應歲君 吾今習化 隨物成形

急急如律令

西方白獸 庚辛之精 內合肺藏 上應金星  
吾今習化 萬物成形 或伏或顯 出入幽冥  
急急如律令

中央戊己 四季旺神 內合脾藏 上應鎮星  
吾今習化 萬物立成 吾匿吾見 自在神通  
急急如律令

如傳持五行式立春木旺立夏火旺立秋金  
旺立冬水旺四季日土旺用事木旺日夜受  
木式火旺日夜受火式金旺日夜受金式水  
旺日夜受水式四季旺日夜受土化式各  
用供養祭食與混元式同用

水化式



右符用皂帛六寸以皂袋盛之取北方炁  
念呪吹在袋上

火化式



火 神藏

右符用緋帛七寸以緋袋盛之取南方炁念呪吹在袋上

木化式

林 神藏

右符用青帛八寸以青袋盛之取東方炁念呪吹在袋上

金化式


申 神藏

右符用白帛九寸闊四寸取西方炁念呪吹在袋上

土化式

申 神藏

右符用黃帛五寸中央取土炁念呪吹在袋上



已上人元式至五行式先蓬星過地戶望天藏去慎勿反顧出入萬兵之中如無人處之境

六丁式

申 神藏

右丁卯符用青帛八寸書符呪曰

丁卯之陰 兔首人身 姓孔名林 吾呼降神 助吾習化 威攝萬兵 藏吾藏吾 出入幽冥 急急如律令

申 神藏

三三三三三三三三

右丁巳符用緋帛七寸書符呪曰

丁巳之陰 蛇首人身 姓威名叔 吾呼降神 助吾習化 威攝萬兵 藏吾藏吾 視吾皆首 急急如律令

申 神藏

右丁未符用黃帛五寸書符呪曰

丁未之陰 羊首人身 姓屈名旺 吾呼降神 助吾習化 威攝萬兵 藏吾藏吾 出入幽冥 急急如律令

申 神藏

右丁酉符用白帛九寸書符呪曰

丁酉之陰 雞首人身 姓楊名清 吾呼降神 助吾習化 出入萬兵 隱藏吾形 視吾者首 急急如律令

申 神藏



右丁亥符用皂帛六寸書符呪曰

丁亥之陰 豕首人身 姓石名靖 吾呼降神  
助吾習化 隱跡藏形 出入萬軍 如遊無人  
急急如律令

右丁丑符用黃帛五寸書符呪曰

丁丑之陰 牛首人身 姓費名陵 吾呼降神  
助吾習化 隱跡藏形 出入萬軍 如尋如盲  
急急如律令

此法各于其日夜同混元式供養之物及  
青詞獻狀同至三更子時左手執色帛右  
手執朱筆各依本位念呪四十九遍取炁  
四十九口吹在帛上并筆了各書式於壇  
上供養至五更初如混元式罷散了以逐  
色帛袋盛之懸於神室中授持次日夜三  
更燒香拜跪左手執式右手執細逐方呪

七次取炁七口吹於式上并劍上及渾身  
上步斗罡云



六甲式

右甲子符用皂帛八寸書符呪曰

甲子陽神 鼠首人身 黑龍為甲 龍胎虎中  
助吾習化 隱藏吾形 萬卒千騎 視吾皆盲  
急急如律令

右甲寅符用青帛八寸書符呪曰

甲寅陽神 虎首人身 青龍為甲 取吾藏形  
使吾威攝 萬寇皆驚 或見或隱 人神不聞  
急急如律令

右甲辰符用黃帛八寸書符呪曰

甲辰陽神 龍首人身 黃龍為甲 助吾威靈  
藏吾元化 吾化吾形 出入萬眾 如入無人  
急急如律令


右甲午符用緋帛七寸書符呪曰

甲午陽神 馬首人身 赤龍為甲 紅袍絳中  
助吾威攝 萬寇伏驚 藏吾現吾 逐物化形  
急急如律令

右甲申符用白帛四寸書符呪曰

甲申陽神 猿首人身 白龍為甲 手執神鋒  
助吾習化 隨物成形 威攝萬懼 隱藏吾形

急急如律令



右甲戌符用黃帛五寸書符呪曰

甲戌陽神 狗首人身 黃龍為甲 威伏寇兵  
助吾行化 隨物化形 藏形隱體 人神不聞  
急急如律令

此法各於當日夜同混元式供養之物其  
青詞獻狀皆同至三更左手執逐色帛右  
手執筆各隨方位念呪四十九遍取炁四  
十九口吹在帛并朱筆上書式了於壇上  
供養至五更罷散各用逐色帛袋盛之懸  
在神室中子日夜受次三更燒香拜託左  
手執式右手執劍隨方念呪七次取炁七  
口吹在式劍渾身上步斗罡依前法行持



步罡元四  
及五清庚六甲護身或吸炁  
掃兵之中如入無天無地無本

前後二法如此習之百日大神通一如混元

式

已上六丁六甲式乘六丁六甲遊行九地  
望天藏去勿反顧也

太上六壬明鑑符陰經卷之一

太上六壬明鑑符陰經卷之二


造禱子式

上帝勅命 法術遮形 雲霧罩吾 藏匿吾身  
千兵萬卒 視者皆盲 當吾兵者死 順吾兵者生  
急急如律令



於甲子日或於六甲日夜用前式供養之  
物及青詞獻狀皆同至三更左手執筆法禱  
右手執筆望西北念呪四十九次取炁四  
十九口吹在法禱上筆上左裾書朕了右  
裾書陰了後裾書隱藏吾體急急如律令  
當背縫上書了又書式了壇上供養至五  
更將禱子左手執禱子焚香度過披掛了  
右手執劍左手恰天罡訣念呪七遍取炁  
七口吹身上步斗習百日披掛禱子上陣  
被光彩射冠軍自使百步外不能近害使

使相近不見其形如皂藉子於庚申日造用二丈二尺一丈二尺造打甲袍子勢



少宜呪曰  
天聖指辰庚申庚申庚申庚申  
者遠及多見此書者幸勿忘也

已上法稍如入萬兵圍住但出天門入太陰遊九地去天藏路出萬人不見於待受。藉子時壇上受抹額用三尺六寸紅羅左手執羅右手執筆念呪四十九次取炁四十九口吹在羅筆上書抹額中心了放於壇上供養

呪曰

南方炎帝火鈴君太陽真火榮惑星火輪炎光列尊神沛火萬里照寇軍眼如盲瞽皆不見形使寇軍敗我軍安寧急急如律令



六丁六甲

造器械式

八大金剛 四大神王 北極四將 助神助光 六丁六甲 神鋒神光 射寇軍亡 反吾者傷 急急如律令

此法於戊午日造器械於甲子日夜受用依混元式至三更左手執緋帛三寸右手執筆呪四十九次取北炁四十九口吹筆帛上書式了放在壇上供養至五更罷散了以緋帛為袋于盛懸神室中至丁卯日早入室於器械軍中竿子上當於神室中本命旺地如要用時左手執械右手執淨水望北方念呪取炁七口吹在水中呷一口喫器械上都磨摸遍用之使寇軍走避不得不敢親近也

張飛鎗關公刀

富助明王 烽塵永亡 今吾感震 四壁八方 急急如律令



六甲厭法

六甲厭法

臣某為某人罵天罵地不忠不孝父母欺謀國君臣某謹依六甲神箭厭令某人病不活不語疼死除國之黨臣滅欺謀國君父母不孝不忠賊叛之徒臣某謹請天厭神王日厭神王時厭神王六丁神箭厭王伏望聞請速降靈驗助厭令某人病不語疼痛吾厭法東行樹木摧折吾厭法南行炎光消滅吾厭法西行金剛裂缺吾厭法北行江海水竭吾厭法上行雲星光暗吾厭法下行地皮破裂吾厭法到神神安神和吾厭不忠不孝欺君謀主臣某人立患不語心疼痛死法到奉行急急如律令

此法於六丁日六甲日各受其式亦如混元式供養青詞罷散至五更每夜左手執本甲與丁色帛右手執朱筆各望本方念呪取炁四十九口吹帛筆上各書本式依次放壇上供養至五更罷散了各以逐色帛袋盛之懸在神室中要用依法式用厭

七日内必死也

六甲神厭符



右甲辰符用黃帛五寸



右甲寅符用青帛八寸



右甲午符用緋帛七寸



右甲申符用白帛九寸



右甲戌符用黃帛五寸



右甲子符用皂帛六寸


六丁神厭符




右丁卯符用青帛八寸



右丁巳符用緋帛七寸



右丁未符用黃帛五寸



右丁酉符用白帛九寸



右丁亥符用皂帛六寸



右丁丑符用黃帛五寸




圖畫一人如讎人狀以頭抵讎人住處方位  
讎人本命死日絕日及於絕死時去自家宿  
房中去讎人死絕五絕命絕時絕體絕方位  
去人背書式左手執人右手執筆望本方  
念呪四十九次取本方悉吹在讎人身影上

并筆上了書朱書於心頭寫年月日時姓名  
用本方式位已按箭以前去心上刺下一寸  
念呪一遍取本方蒸吹在人箭上及人住處  
方位上再取一口蒸吹在人箭上如此七遍  
七呪按前釘可及一寸每日一次於本命死  
時造式一次至五日其人救不得如五日裏  
按了箭人却安全用七日其人必死如死時  
及人箭死地埋之此法不可亂傳恐折後人  
壽如有不忠不孝欺君謀主賊可立應也

造神鎗法式

帝敕八神 護佑神鎗 賜與良將 破寇展輝  
輔吾明王 烽塵永亡 今吾感宸 四塞貢王  
急急如律令



此法於甲子日夜祭供養青詞獻狀依混

元式至三更子時左手執青帛三寸右手  
執筆念呪四十九次向西北取蒸四十九  
口吹在帛筆上書了式放壇上供養至五  
更散以青袋盛之懸神室丁卯日入在倉  
庫中竹竿子繫之真武或九天玄女在鎗  
頭上以傘遮之不出入於本命旺方用香  
果子供養逢初七十七二十七日焚香供  
養或錢馬行軍放於帳前本命旺方立著  
如有喜事鎗響報三聲尊官喜一聲親喜  
二聲灾四聲有厄五聲是神執應靈驗也

太上六壬明鑑符陰經卷之二


太上六壬明鑑符陰經卷之三

九星式

天英天任 尊星降臨 天柱共集 呼召天心  
天禽破賊 天輔感靈 天衝誅寇 天內藏形  
急急如律令

此法於夏至日夜三更同前左手執本星  
式帛右手執筆念呪四十九次取九星方位  
上蒸四十九口吹在帛筆上書了式壇內  
依方位排列供養至五更散了各以本色  
帛袋盛之懸於神室中次日夜三更焚香  
拜了左手執式右手仗劍將式香烟上度  
過念呪七遍取蒸七口吹在帛劍身上步  
斗習之


九星符




右天英符用緋帛七寸



右天任符用黃帛五寸



右天柱符用黃帛五寸



右天心符用白帛九寸



右天禽符用黃帛五寸



右天輔符用黃帛八寸



右天衡符用青帛



右天內符用黃帛五寸



右天蓬符用黃帛六寸




右數斗如出入時先入甲次入乙方入丁次去天藏勿返顧使人不見形神不聞聲

十干式


甲乙丙丁戊己庚辛 壬癸十干 尊神威靈 吾習神式出入幽冥 破敵賊寇 攝滅烽塵 急急如律令

此法於甲子日夜同混元式至三更左手執帛右手執筆呪四十九遍取十方炁四十九口吹在筆帛上書式了壇內供養至五更散各依本色袋懸於神室中本方位次日三更夜拜燒香依法同習之


十干符




右甲符用青帛八寸



右乙符用青帛八寸



右丙符用緋帛七寸



右丁符用緋帛七寸

右戊符用黃帛五寸

右己符用黃帛五寸

右庚符用白帛九寸

右辛符用白帛九寸

右壬符用皂帛六寸

右癸符用皂帛六寸

天罡指處 十干尊神 助聖威力 破滅賊軍 或現或隱 出入幽冥 急急如律令

十二支神式

此法於甲子日夜如混元式同至三更子時左手執本色帛右手執筆呪四十九遍取十二方炁四十九口吹在帛筆上書式了壇內排列供養依位立至五更罷散了各本色帛袋內盛之懸於神室中次日三

更依前習之

十二支符

右寅符用青帛八寸

右卯符用青帛八寸

右辰符用黃帛五寸

右巳符用黃帛五寸

右午符用白帛九寸

子丑寅卯辰巳午未申酉戌亥十二支符間請降臨稟奉帝教藏吾身隱吾兵急急如律令

此法於甲子日夜如混元式同至三更子時左手執本色帛右手執筆呪四十九遍取十二方炁四十九口吹在帛筆上書式了壇內排列供養依位立至五更罷散了各本色帛袋內盛之懸於神室中次日三

更依前習之

二月廿二日

右午符用緋帛七寸

右未符用黃帛五寸

右申符用白帛九寸

右酉符用白帛九寸

右戌符用黃帛五寸

右亥符用黃帛五寸

右子符用皂帛六寸

右丑符用黃帛五寸

十二月式呪曰

天乙貴神 騰蛇朱雀 六合勾陳 青龍天后  
太陰尊神 玄武大常 白虎威靈 天空掌史  
十二神君 能破賊寇 能匿隱兵 能入萬眾  
使不聞聲 當吾者死 視吾者首 急急如律令

十二月符

右亥符用黃帛五寸

右子符用皂帛六寸

右丑符用黃帛五寸

右寅符用黃帛五寸

右卯符用黃帛五寸

右辰符用黃帛五寸

右巳符用黃帛五寸

右午符用緋帛七寸

右未符用黃帛五寸

右申符用白帛九寸

右酉符用白帛九寸

右戌符用黃帛五寸

右亥符用黃帛五寸

右子符用皂帛六寸

右丑符用黃帛五寸

右寅符用黃帛五寸

右卯符用黃帛五寸

右辰符用黃帛五寸

右巳符用黃帛五寸

右午符用緋帛七寸

右未符用黃帛五寸



右勾陳符用黃帛五寸

勾陳符

右青龍符用青帛八寸

青龍符

右天后符用皂帛六寸

天后符

右太陰符用白帛九寸

太陰符

右玄武符用皂帛九寸

玄武符

右太常符用黃帛五寸

太常符

右白虎符用白帛九寸

白虎符

右天空符用黃帛五寸



十二月將式

登明河魁從魁降傳送小吉勝光魯神太一天罡太衝藏形功曹大吉神后純陰伏逆卒能伏賊軍出入萬眾視我者盲急急如律令此法於甲子日夜依混元式供養至三更左手執帛右手執筆念呪四十九遍取本方炁四十九口吹在帛筆上書式於壇內

供養至五更散以袋盛之懸於神室中次

日夜依前習之百日有驗

十二月將符

登明符

右登明符用皂帛六寸

河魁符

右河魁符用黃帛五寸

從魁符

右從魁符用白帛九寸

降傳送符

右傳送符用白帛九寸

天罡符

右小吉符用黃帛五寸

右勝光符用緋帛七寸

右天一符用緋帛七寸

右天罡符用黃帛五寸

右太衝符用青帛八寸

右三才符用青帛八寸

右功曹符用青帛八寸

右大吉符用黃帛五寸

右神后符用皂帛六寸

八門式  
休生傷杜 景死驚閉 八門神降 藏隱吾骸  
吾形伏匿 神不見來 人不見去 藏隱塵埃  
急急如律令

此法於甲子日夜同混元式供養至三更  
左手執帛右手執筆念呪四十九遍取八  
門方位悉四十九口吹在帛筆上書式了  
枚壇內供養至五更散懸神室中次日夜  
三更焚香拜而退之百日大有驗

八門符

右休符用白帛五寸

右生符用黃帛五寸

右傷符用青帛五寸

右杜符用白帛八寸

右景符用青帛八寸


右景符用緋帛七寸



右死符用黃帛五寸



右驚符用白帛九寸



右開符用白帛九寸

八門神式步斗用前斗先入戌次巳入丁次九地望天門藏步斗直去勿返顧

太一式

君基臣基民基星大遊小遊直符四神天一地一五福星君天尊地符天月計神天繫諸將主客須分參將五行三風五雨天星時勃太陰赤靈吾承勅命聞蕭降臨式出水火式

起暴風驟雷雨電隨五意成式藏吾體或隱吾真出入萬象無一見形急急如律令

此法冬至日夜依混元式供養至三更左手執帛右手執筆念咒四十九遍向北取蒸四十九口吹在帛筆上書式了壇內供養至五更散各各餐感之懸神室中次日夜依前習之大驗

太一符



君基可成萬業化易




萬形



臣基平地生大火也



民基平地生大水




大遊日行萬里見物藏形



小遊入大水不瀾



天一入大火不焚



地一透石入地



直符隨物化形



四神隨物化形



五神取物金玉



天尊藏

三三三三三三三三

隱萬衆

三三三三三三三三

帝符威  
伏萬兵

三三三三三三三三

天皇萬十六  
里現形

三三三三三三三三

五行隨  
物化形

三三三三三三三三

三風起  
惡風

三三三三三三三三

五風起  
惡風

三三三三三三三三

時勃起  
雷電

三三三三三三三三

三三

三三三三三三三三

起雨

三三三三三三三三

火朱起  
惡風飛


三三三三三三三三

太陰晝  
化夜明

三三三三三三三三

赤靈夜  
作畫明

柔日禹步與罡呪同



凡剛日步陽禹柔日步陰禹先從天門入地  
戶過太陰遊九地望天藏去禹步直去勿返  
顧諸太一皆步死禹步其神通靈驗無不應  
也但清淨志心依式習之上聖無虛唯人自

懷也若初出軍征伐定良日吉時將軍兵自

出天門大將軍在前鋒佐軍呪曰

天圓地方六甲九章四時五行赤青白黃太

一將兵日月為光禹為陰道強為避兵蒼龍

扶左白虎行營玄武先列辟除凶殃北斗誅

伐祛除不祥吾神助我周遊八方當吾者死

值吾者亡我是北極之曾孫今日將兵欲出

天門并地戶賊軍方上刀戟弓弩盡摧折莫

敢害我急急如律令

呪訖引兵百步勿令眾返顧大吉

黃帝曰自甲子時至癸酉時十時中有風逆

起不能行軍大不祥也須是看西面風起被

頭赤足皂衣仗劍正立念呪七遍其風自轉

呪曰

逆風賊風大吉多凶神氣相和上下相通

避我避我 回我返英 急急如律令

念畢例行七步西面巽之其風立轉

甲戌至癸未十時中有逆風時南行五百步

必逢一蛇其色赤當於路乃東行五百步必

有陽人著白衣手持兵器如呪七遍



戌時爆風起諸神皆回避當者必誅三滯者  
遭萬死聞此清華聲風迴立入地急急如律  
令

念畢隨風嘯之其自轉如午時則云午時  
等風起餘做此  
回凶作吉此法金櫃所藏也不可亂傳

祭風式

三風五風 玉排八風 氣烏尊星 翼軫星君  
吾今啓請 明承敕行 急急如律令  
凡祭風依式立起矣吹木壞屋飛石折木林  
順吾軍陣逆賊軍助國安民行正道驟烟塵  
收強度土四寨明朝貢明主振天下太平貢  
道化民安於庚申日夜混元式同供養至三  
更左手青帛或白五寸闊三寸三分右手筆  
望西方念呪四十九遍取炁四十九口吹帛  
筆上書式了放壇上供養至五更散以逐色  
囊盛之懸在神室中次日夜三更先焚香左  
手執式右手執劔香上度過念呪七次取炁  
七口吹在式劔上渾身步斗罡習之百日可  
用如用時望敵軍陣先列七箇相去一尺四  
寸如七星斗勢各面北執角皂衣散髮赤足

面北行式將自己赤足披髮皂衣左手執式  
右手執劔望敵人自己步罡了令各人吹角  
鳴以式望巽宮望敵軍執式角聲絕其風暴  
起逆吹敵人軍即起式乘風擊敵人軍大破  
賊兵



祭雨式


天尊地符 天皇尊星 太乙會合 造化雨露  
清龍部領 雨師同行 風伯雷公 逆雷飛聲  
急急如律令  
此法於壬子日夜同混元式供養至三更  
左手執青帛八寸闊三寸六分右手執筆  
念呪四十九次取北方炁四十九口吹在  
筆式書了放在壇上供養至五更散次日

依前法行持百日如用時令七人童子著  
青衣散髮手執淨水盞面北相去一尺四  
寸列如七星斗勢自己披髮著皂衣右手  
執劔左手執式步斗柄指敵軍執淨水盞  
念呪向軍仆倒於道地其雨立降逆灑賊  
軍乘勢擊之破賊軍兵大敗也



童子念呪



九江四海 五湖龍君 部領雷公 雨師同行  
風伯雷進 暴雨霖霖 風電霹靂 傷打賊軍  
急急如律令



平地成河式

此法於壬子日夜同混元式供養至三更  
左手執皂帛右手執筆念呪四十九遍取  
北方炁四十九口吹帛筆上書式了壇內

供養至五更散以皂袋盛之懸於神室中  
次日夜三更焚香左手執式右手仗劍香  
上度過呪七次取香七口吹在帛劍渾身  
上步斗劍畫地式橫路不能前進倒回若  
習之百日無不驗



平地生火式

火君火君 太陽尊星 火輪炎帝 真火丙丁  
連降真火 攔路截兵 急急如律令

此法於丙丁日夜同混元式供養至三更  
時左手執緋帛右手執筆望南方念咒四  
十九遍取炁四十九口吹在帛筆上書式  
了放壇上供養至五更散次日夜依前法  
行持百日有驗行時以同前行勿返顧

天罡指處地生海意如律令



六甲為青龍六乙天蓬六丙明堂六丁大  
陰中六癸天藏六己地戶六癸日六癸時  
天公日

入山大忌正午二亥三申四戌五未六卯  
七申子八申子九寅十辰未十一巳丑十  
二寅

入山良日甲子甲寅乙亥乙巳乙卯丙戌  
丙午丙辰巳上大吉

大盡忌三日十一十五十八二十四二十  
六三十日此日入山大不吉利

小盡忌一日五日十三十六二十六二十  
八此日入山大不吉萬事不利

起 天罡指處地生海意如律令  
法 天罡指處地生海意如律令

表一通

奉道弟子臣某謹齋沐披詞誠惶誠恐稽首  
頓首再拜上啓

太上開天執符御曆含真體道金闕昊天玉

皇上帝 五陛下 臣伏以大道無形實不言而

善應微誠有禱惟恪謹而必通敢瀆

高明敬陳卑悃伏念臣某塵凡幻質賦性愚

蒙幸逢正法用是皈依曩傳律書四卷以白

命名今用習式七靈立壇備潔伏願

高真降鑒列聖垂慈俾道心開發典法洞明

籌奇畫以征成敵無敢犯步神罡而振旅彼

莫能知誓勤香火仰報

穹蒼臣某無任瞻

天望

聖潔切屏營之至謹言


謹謹上進

金闕門下 具位臣姓某謹外封



六神十二時神乘而行到某所在右巡處  
隱處隨即隨起辟除盜賊鬼神消亡君子  
見我喜樂倍常小人逢我懼躍惶惶男女  
見我供侍酒漿百惡鬼賊當我者三今日  
禹步上應天罡玉女侍傍下辟不祥萬精  
厭伏所向無殃所治病差所攻者開所擊  
者破所求者得所願者就帝王大臣二千  
石長吏見我愛如赤子今日請玉女大臣  
隨我者進

所請畢閉杰以刀左旋畫地為局以今日  
辰上為始無刀以指意布十二辰時八千  
四維却從當日干上入局戌日從乾入巳  
日從坤入



假令甲日便從甲地入局內乙日從乙地入  
局丙日從丙地入丁日從丁地入戌日從乾  
地入己日從坤地入于局手把六算補禱祝  
禮于四方曰

請東方功曹太衝天罡青帝甲乙大神降

于局衛我身形

請南方太乙勝先小吉赤帝丙丁大神降

于局

請西方傳送從魁白帝庚辛大神降于局

請北方登明神后大吉黑帝壬癸大神降

于局

請四方訖便從今日辰上下第一算于上  
下第一算丑上下第二算寅上下第三算卯  
上下第四算辰上下第五算巳上下第六算  
但兩支夾一干先成為天門後成為地戶若

四件日地戶不成取初算安第七午上命起  
自然成地戶退身少許而行呪運籌喝算云

鼠行失穴入狗市 移子上算安戌上大

呼青龍下

牛食兔菌食甘草 移丑上算安卯上大

呼朱雀下

猛虎逡巡來入巳 移寅上算安蛇上大

呼勾陳下

兔入牛欄伏不起 移卯上算安丑上大

呼白虎下

龍入馬廄回留上 移辰上算安午上大

呼玄武下

騰蛇宛轉來申裏 移巳上算安申上大

呼六合下

馬入龍泉飲甘水 移午上算安辰上

雞羊易位來酉裏 移未上算安酉上

猿猴匍匐北奔水 移申上算安亥上

雞飛撲落羊欄裏 移酉上算安未上

狗入鼠穴抱其子 移戌上算安子上

猪入虎窟自投死 移亥上算安寅上

呪曰

乾尊權靈 坤順內營 二儀交泰 六合利貞  
配天享地 永寧肅清 應感玄黃 上衣下裳  
震離坤兌 翊贊扶持 乾坎艮巽 虎步龍翔  
今日行算 玉女侍傍 追吾者死 捕吾者亡



牽牛織女化成江河急急如律令

子日立在前行八千四子日玉女從庚上周而復始乘之而去有呪當呼玉女所在若在庚上便呼庚上玉女速來護我無令邪鬼侵我人莫見我見者以為束柴獨開我門而閉他人門呪訖即便閉門而去夫欲遠行見貴人上官赴任者當出地戶入天門乘玉女而行呪曰

天門天門 今日唯良 玉女侍我 左右遊傍 遊行四出 不逢禍殃 君子一見 喜樂未當 所求如意 萬事吉昌 急急如律令

夫欲入陣掩車之事避兵逃難伏匿殞華凶事即出天門入地戶乘玉女而去呪曰

諾諾譯譯行無擇日返無擇時隨斗入戶與神俱遊天地反覆心中所欲皆得隨意使汝迷惑以東為西以南為北知我者使汝不得以算閉門而去乘玉女呪曰

玉女玉女天神之母護我保我與我侍行到某鄉里杳杳冥冥人莫見我聞聲鬼神莫觀其情善我者福惡我者殃百邪鬼賊當我者

亡千萬人中見我者喜急急如律令以刀畫地如後

律令律令四縱五橫萬鬼潛形吾去人裏呵吾者死叱吾者亡惡吾者自受其殃急急如律令

十二局天門地戶玉女返閉立成

子	丙	乙	庚	壬	辛	甲
丑	丁	丙	辛	癸	壬	乙
寅	戊	丁	壬	甲	癸	丙
卯	己	戊	癸	乙	甲	丁
辰	庚	己	甲	丙	乙	戊
巳	辛	庚	乙	丁	丙	己
午	壬	辛	丙	戊	丁	庚
未	癸	壬	丁	己	戊	辛
申	甲	癸	戊	己	庚	壬
酉	乙	甲	己	庚	辛	癸
戌	丙	乙	庚	辛	壬	甲
亥	丁	丙	辛	壬	癸	乙

此法如不敬心祈祝降神不專然呪算則無驗矣

門下十干神名

王璋曰門戶神名出軍行速出入亦宜用之門神名者

- 甲子旬戶名公孫齊門名徐義解履而去
- 甲戌旬戶名徐何門名天可市仰呼而去
- 甲申旬戶名石戰門名司馬光解冠而去
- 甲午旬戶名于可門名石眾解衣振迅而去

甲辰旬戶名司馬勝門名公孫錯解髮更結而去  
甲寅旬戶名司馬強門名公孫光解帶而去

諸將出入行無多少住止必須達地以六

為法若卒急大將列士卒左旋入太陰中

呼門戶神名呪曰

某甲有急佐我匿我藏我無使敵我覆我蓋我五兵俱推當我者死視我者亡即使敵人冥冥嘿嘿視我迷惑為我亂兵鬼使敵人不敢起呪訖令士卒左轉直去慎勿返顧藏於六癸六癸者假令甲子旬六癸在酉

欲行十里出門法

六甲九章夫圓地方四時五行日月為光禹步開道蚩尤避兵蒼龍扶輿白虎扶符營惑前引辟除不祥北斗誅伐除凶去殃五神從我周旋四方當吾者死向吾者亡左右社稷盜賊伏藏行首有喜留者有福吾神佑我所須者得急急如律令

三奇吉門禹步

出六乙門禹步三呪曰  
白虎除道路當前與吾慎勿悞仁德之事即  
便來助

出六丙門禹步呪曰

天罡揚威當從青龍與白虎行諸天賦及天

虜敢有不從伏天斧


出六丁門禹步呪曰

玉女名神母呼而向之道在所當從斗標入  
斗裏清冷泉方神草折以自障形慎勿顧凡  
出三奇事速不得呪去志心信之驗矣慎勿  
返顧

真人禹步斗罡

經曰天一步斗可以通神當以夜半居星下  
用白堊畫作九星斗間相去三尺從天罡起  
禹步隨作次第之居魁前逆步之正仰天英  
而歌斗經誦前至天英便立右足並呼星名  
依經步之左右足便逆履之如後百日為之  
即與神人通秘密勿傳非人歌曰  
斗有妙方十二辰承光明方威武陳氣髮  
方如浮雲七元變化方有吉凶因律方治甲

兵履天英方度天任清冷泉方可陸沉拔天  
柱方擁天心復比度方登天禽倚天輔方望  
天衝入天蓬方出天內斗通通方出剛柔入  
幽冥方千萬歲



步斗畢呪曰六甲九章天圓地方四時五行  
青赤白黃太乙為師日月為光禹步開道蚩  
尤避兵青龍扶轂白虎侍行癸惑前引掃除  
不祥比斗誅伐祛除禍殃五神導我周遊八  
方當我者死妬我者亡左社右稷寇賊伏藏  
行者有喜留者有福萬神護我永無盜賊急  
急如律令

六甲陰符

- 甲子旬陰符在丁卯其神兔頭人身
- 甲戌旬陰符在丁丑其神牛頭人身
- 甲申旬陰符在丁亥其神猪頭人身
- 甲午旬陰符在丁酉其神雞頭人身
- 甲辰旬陰符在丁未其神羊頭人身

甲寅旬陰符在丁巳其神蛇頭人身  
凡畫符畢以錦囊盛之大將隨身用兵時便  
出其旬之符於囊外指敵人敵人自潰  
凡取木時先齋戒取酒一斗鹿肉三胸醮祭  
之法以白茅為藉比向拜拜呪曰

杜荆之先百鬼之神曾為某甲與子俱遊六  
甲之陰百鬼之神與子俱遊變化某身以子  
遊者莫敢不伏謹以清酌嘉脯奠而饗之祭  
訖再拜凡三呪具畢乃伐木勿令穢污亦勿  
犯五辛之物乃畫符以六甲之日夜半醮祭  
之亦勿令人見先持受之法齋戒五日沐浴  
素潔清心一念仍畫符以六甲之日夜半醮  
祭於壇之上二尺外將方十二支開十二  
辰以竹為算算長三尺隨地方色列之在壇  
上六甲之符置於壇上依位以五色繪綠各  
三尺五寸為藉置於六位酒各二杯肉三胸  
鹽一杯向庚再行拜跪呼其方四堂之長六  
甲陰神及門戶名者其符長九寸闊二寸厚  
二分  
假令甲子曰陰神符在卯再拜呼其神名

而呪曰以縫囊威之以旬陰神於囊外指對陣敵人敵人自畏伏若倉卒無壇略畫壇祭之驗也

行軍穰風法

遁甲者云軍行遇惡風旗竿倒放四窮上土作泥人長七寸執桃弓葦箭逐執桃刀披髮向風三叩齒呪曰

天有四蠟以守四境吾有四狗以守四陽以城為山以地為河寇賊不得過來者不得進去者不得退則凶自滅風必止矣

玉女返閉指南

夫玉女者天地之正神也青龍明堂太陰等神常隨從受事游行天地之間變化無窮興利除害又令人隱匿鬼谷子曰丁卯玉女隱人身丁巳玉女隱人命丁未玉女隱人鬼丁酉玉女隱人鬼丁亥玉女隱人祿丁丑玉女隱人神若欲隱形者即隨青龍等行到六丁之處其形自隱

夫事玉女之法每遇甲日丁日齋戒早晨未下床時望戌地著衣向玉女位坐念玉女咒

及念誦玉女名字三十六遍至夜卧床時立念三十六遍如此行持三十六日諸事禍福損益預前三日必有報應

經云凡欲為玉女返閉法者遇六丁日先於淨室中虔誠供養六丁玉女名字及符又誦

呪六通燒香再拜自後請召使用無不應驗

丁卯玉女名孔林旋字足日之音若吹葭

丁丑玉女名梁丘叔字元上天音若犧眸

丁亥玉女名陵成陸字發明集音若作用

丁酉玉女名費陽多字救欽靈音若羣鳥

夜鳴

丁未玉女名王屈奇乘紫雲音若羣獸入

城

丁巳玉女名許威池字朱福柁音若躍水

泉

室中供養呪六丁玉女與我為伴通幽洞

真所向如願逢事皆知不違信誓刺血同

盟急急如律令

能知六丁 出幽入冥 亦無所驚 千年不動


萬年不傾 急急如律令



卯孔林旋  
字仁高



丑陵成陸  
字仁和



亥王屈奇  
字仁恭



酉費陽多  
字仁黃



未王屈奇  
字仁修



巳許威池  
字仁教

天地返覆 九道皆塞 有迫我者 至此迷感  
每日出門呪曰

以東為西 以南為北 乘車來者 折其兩軸  
乘馬來者 掩其兩目 步行來者 腫其兩足  
揚兵來者 令其自伏 明星北斗 却敵萬里  
追我者已 覓我者止 牽牛織女 化成江海  
急急如律令

四不向戰

春不可向東戰 伐舉動戈甲為此 春旺不可  
伐戰必敗

夏不可向南方戰 伐戈甲名伐 強不敗則傷  
秋不可向西方戰 伐戈甲

冬不可向北舉兵交敵 戰名伐 死當取遁而  
向戰

推八節宜向

立春後向西此戰 春分正北向戰

立夏正東向戰 夏至正東向戰


立秋東南向戰 秋分正南向戰

立冬西南向戰 冬至西南向吉

李僕射孤虛法

太歲後二辰為年孤 月建後二辰為月孤 每  
日後二辰為日孤 衝為虛 又以六十花甲子

日辰雙處為實 單處為孤 無處為虛 又以斗  
加時為陽 孤實為陰 孤若是出入求財卜戰  
背實向虛 皆見吉利 無實用虛 或上青龍之  
地 或天人貴神 皆生向死 出入求財 萬事通  
達 常以左為東 右為西 面東身北 若決戰 萬  
人用年孤 千人用月孤 百人用日孤 准此用  
之子 細詳用 必獲吉利也



舊本後間斷不復見 用此符如何 用之若  
後有本再推

太上六壬明鑑符陰經卷之四

顯道經

薄一

老子曰 人有五心 面有五色 力壯氣盛 肌膚  
充盈 骨涌面白血涌 面赤髓涌 面黃肌涌 面  
黑精涌 面光氣涌 面澤體性各異 剛柔難成  
或有聰明 或有迷塞 或有誠信 得道訣法 或  
有強梁 反白為黑 令道不明 慎勿授與

老子曰 人有盛衰 自在兆身 年立十五 神駐  
丹田 年立二十 精氣益強 年立三十 勢力橫  
行 年立四十 頭神損 白髮生 年立五十 目神  
損 無光 精年立六十 臟神損 五喉傷 年立七  
十 足神損 行梁 張年立八十 陰神損 莖不強  
年壽百二十 為天年 有道者 度無道者 凶不  
須遠慮 損精神 安心守靖 虛無淡泊 自為真  
人

老子曰 道成之法 其變非一 唯有五臟道之  
所歷 玄道有根 太虛中立 以無為本 不可止  
失道 有雄雌相隨 不別其神 是鬼與鬼 并合  
變成 赤子 養人體骨 上下浮游 通利血脉 衰  
無所容 神不迷 惑精之道 之名曰 淡泊  
老子曰 道生三部 各自有名 分為六腑 交會

丹田總攬百脉制御陰陽一吸一呼有死有生不得奢精泄去符信道成變化登乎太玄三合成德與天交并審而還丹名曰自然

老子曰初入道室守玄元玄中有玄是我命命中有命是我形形中有形是我精精中有精是我氣氣中有氣是我神神中有神是我

自然變化太虛審能存之壽命自延

老子曰德以形為車道以氣為馬鬼以精為根鬼以目為尸形動德散氣越道叛精消鬼損目動鬼散是以聖人靜形閉氣畜精愛視

道德凝滯鬼鬼固守形一神萬道成變化臨危不懼子之修而得道大要

老子曰合道不言得無文之真頭髮茂盛得道之根手足汗氣充盈晝夜不卧日月合光不飢不渴龜龍胎息冬温夏涼道士之服飲

食玄丹登于太清還年不老道之自然至道不遠近在己身恍惚存亡匿影藏形洞浸萬

里觀于九天持意如水命乃久存

老子曰授道之法必擇柔仁無暴無躁行之立成非有才巧積習入神得之者度失之者

傷毫釐之初玄道幽深驅馬萬里而不遇觀骸骨之中無不異者但修身守道道自歸子

素道解

老子曰初入道室法先以破除之日解五過七汙東流水上沐浴齋戒令身鮮潔五臟平安志意和適除損萬事無為淡泊則可治道

明受師法

或問初入道室高燥鮮潔不老子曰先以生炭著於室中令逐濕氣無令有蟲鼠振幃帳

林席無令有塵垢晝夜燒香令內中皆香無令有器物有器物則意不專一

或問初入道先齋戒不老子曰先五日沐浴蘭湯身乾髮燥飢飽適意精氣和悅乃可入室也

或問道欲聞百鳥音不老子曰常使人遠逐飛鳥及雞犬四隣無諠譁以清靜為本

或問道時手足間有尺寸度數不老子曰以意適之各有尺寸不相干錯名為之淡泊矣

或問道枕席有高下法不老子曰枕高肝縮枕下肺騫以四寸為平枕席令柔爽其息乃

長

或問道卧當偃或有數者不得正偃云何老子曰正偃身安其氣易行無傾無側無屈無伏正偃者道之大法

或問初道氣息未習欲長及短欲散反疾欲留反還云何老子曰初道務清務靜無強無

或問息得時何以為驗老子曰氣初至時腸鳴脉動手足痛氣之故也

或問氣至身何如老子曰氣至身身漸寒欲驚安心定志無使之驚聽氣之所為也

或問道氣出入常從何來老子曰氣出丹田者人之命門元氣之本根五臟得之以鮮明精氣之所出入也

或問道氣生丹田出入何臟老子曰吁入肺心吸入腎肝吁吸相逢交會太倉三焦和引

拘制鬼鬼自然之氣道之命長審而行之必為真人

或問道行氣有晝夜不老子曰晝存氣府夜存神宮氣府者名曰丹田神宮者名曰明堂

書不存氣府元氣不行夜不存神宮目不觀神

或問道氣未至當如何須起欲卧及倦得動搖可不老子曰倦須復起欲卧自恣氣未至時為之無數

或問道氣或有能者或有不能者老子曰要在體性有精者道之易無精者道之難要當心專亦有相祿

或問道氣男女同法不老子曰丈夫精者二三日得氣婦人精者四五日氣通則有所聞見道之證驗精氣之大効

或問道有老少不老子曰年少者氣易行年老者氣難行用日為遲要少氣休矣

或問道自以籌長三寸柱丹田者何老子曰初道氣時愁恚妄其丹田氣不流行故乃以

籌柱丹田舉其柱令氣到其處

或問道時丹田久晝明日可因之不將更久乎老子曰數明久田無發絕久久自見其田明如日光氣到如涌雲

或問道時可衣小衣不老子曰初道盡解衣

去之而淡卧手足擾被去身不寒恐後傷人衣小衣為善

或問道已解可得起不老子曰手足定繫繫鼓呼侍者取衣則起步引以舉繫鼓者重愛其氣不欲令氣得越泄矣

或問一日可數道不老子曰道時一日三四為之百日後道成且為之不數道奪人氣息或問道絕久復為之可得飲酒不老子曰可

或有自恣貪酒者而不常道後復為之氣行如故

或問道無室可於外不老子答之曰初於室成百日後自恣要不如密室鮮潔為善

或問道有輕舉何等輕舉意將夢之其形自舉乎

老子曰道氣久精神振之其形自舉此道將欲成之

或問道求度世欲止民間成可不老子曰民間多欲令意不專入山潛處守志自然功滿形變則得長生

或問道成後可得入房室不老子曰欲得飛

仙度世勿入房室不欲度世者百日之後可自恣矣

或問冥夜可道不老子曰禁之夜為死氣邪鬼並行晝為生氣以用鷄鳴平旦日出令氣易行

或問道常以鷄鳴為始秋冬云何老子曰春夏以鷄鳴或至平旦秋冬以日出或至食時要取密室和溫早晏無所在

或問道所見怪物乎老子曰道數十日有白頭老嫗從一女子常侍左右有頃去忽不知所在是其怪也

或問道見怪手足擾口妄言瞑目顧念田不老子曰專心一意瞑目念田行氣如故勿醉勿疑久久怪自休

或問道常瞑目念田何容見怪老子曰意未專志未定則見怪無自是無恐起為他事無

與之語與之語則將人俱去矣

或問道未至時手足擾口妄言豈故為之將自然乎老子曰是自然氣之所為非邪所教

或問道手足擾口妄言不止云何老子曰遠

者二時近者一時氣定意專則自休矣

或問道見怪者告人已不老子曰告人者神

後不復來怪者真人之媒驛勿罵呵愛為善

或問道已解得講諸緣惡不老子曰講諸不

祥則致凶傷惡夢恍惚眾邪合同正氣難致

邪氣往從

或問道已解何時飲食乎老子曰道已起步

步已則食不步氣合飲食則消矣

或問道欲何食乎老子曰食之乾輕之物稗

糧麥麩脯脂羹粟令息條長養生之道

或問道已後幾日可得食重物羹菜不老子

曰道成後百日欲得為食以要節少為本

或問道欲少食飢云何老子曰雖飢氣息安

靖食飽者五臟交格令氣難行

或問道常道氣可絕穀不老子曰將欲度世

雜俗急當絕之以氣息久久不飢不渴道之

大要

或問道欲習精思不欲絕穀可不老子曰食

穀滿腹腐滯盛糞神不居形但道不止久久

自不飢

或問道人生從小至大以穀自長何為絕穀

乎老子曰穀唯生人長大不欲使人食之至

老老死皆由於穀矣

或問道絕穀可得度世不老子曰合無者自

知自然不食但存氣鍊形何憂不長存

或問道欲絕穀五臟有微病云何老子曰且

勿絕穀即食為之又百日之後斷穀稻米粥

及餌清物

或問道成後可飲酒不老子曰酒令人迷惑

氣脉煩結百脉不通留生熱不如不飲可為

清潔

或問絕酒可以道不老子曰不可傷人血脉

欲道先吸氣滿腹吐之數十則可以道

或問道飢飽有所傷不老子曰大飢氣不藏

大醉氣越大怒氣竭大樂氣飛揚大驚還傷

神

或問道動止有法禁不老子曰久視傷明久

聽傷聰久卧傷氣久勞傷精久住傷骨久行

傷筋

或問道五味有所傷不老子曰鹹傷血酸傷

髓甜傷肺辛傷心苦傷精夫五味各有所傷

要取入口味和為甘

或問風寒雨濕可以道不老子曰禁之無以

閉目豫而避之積道氣感邪氣無所從傷之

或問灸刺若創服藥可以道不老子曰禁之

灸刺及創令氣越泄服藥傷五臟

或問道坐起有法度不老子曰坐常平膝垂

陰曳腰直脊昂頭內視含氣安息形充氣盛

精神不越

或問道意常不樂惆悵不安何所存思老子

曰常念善則善氣來若善思念惡邪來傷人

但專心守道邪無以干

或問道時有所存呼老子曰先呼五神名心

神名响响肝神名監監肺神名巖巖脾神名

卑卑腎神名撫撫從吹呼之以處丹田氣則

至矣

或問道入室陽氣所從生本命何所繫屬老

子曰氣所生者生於膽命所屬者屬於目知

此二者則可入室不知此二者道必迷惑

或問道氣成積年以何為證老子曰積年道

日久洞浸萬里日月星辰明鏡炬火輝輝日光來照形兆諸神營衛不自來是道之證慎勿妄語

或問道成時有程度不老子曰六十日為中度百日為大度其已道成身不復老數有日久氣行如風雨

或問道身有規矩為何處所老子曰規矩之房中有紀綱圓則為規方則為矩安規擊矩誰知之者而知規矩父子相與耳

老子曰無實吾道以行求錢無術吾道強授豪筭無損吾道以與詭伎吾道祕重萬金不傳有聖則出無聖則藏傳得其人令道清明傳非其人還受其殃藏之金室閉以玉闕舍口結舌無泄吾文以血為盟上謁元先

老子曰凡世俗人求道德先存其神其正白如明珠平旦存在鼻下人中食時在髮際中日中在頭上晡時在頸項上二者中下晡在腰日入在龜尻夜半在玉英頭過在胃間向晨在脾鷄鳴在肺過喉入中平旦復在鼻下人中飲食行步出入意當常念之是謂存神

長壽種道德之根

絕穀食氣法

凡欲絕食昇虛求仙之道當安處靜室先呼三神之名然後服氣

一元先帝卿守上丹田使我求得所從送給行廚令氣充足

二子丹先堅守中丹田使我求得所從送給行廚令氣充足

三元陽谷玄守下丹田使我求得所從送給行廚令氣充足

呼三神已晨朝空腹正卧東度手脚離身相去五寸捲兩手如嬰兒握頭下却枕合口閉目口含一椒取其津液鼻飲氣一咽靈泉已口中微去其氣如是飲氣三百六十名為一頓九十飲事須一息調定氣力更從一始復滿九十咽如此四息得成一頓日中日入飲服亦如前日滿十句藥力始備當息之間具行六法除却六病矣  
一嗑去身極二呵去熱氣三吹去風四嘯去冷五欬去氣六吹去煩

禁目不得久視行不得過遠語不多立不久眠須少又不得騎乘當服氣時若渴飲水及蜜漿欲服前絕食想藥必易成若不堪服過時不得食冷熱食五味不得過分不得頓食飽必損人初過時先食少粥漸減氣數經數日方食飯亦不得飽服氣轉少食漸轉多至復日然後乃飽服氣方止此是安全之道

絕穀三日小極十四日復小極頭眩慎勿怪怖也休糧一旬精氣力初微顏色痿黃二旬之時動作眩暈支節梁張大便微難小便赤黃而已或時下利前唐後強三旬之時身體消瘦重難以行四旬之時泊色轉恍心志安康五旬之時五臟調和精氣內養六旬之時肌體如故機關調暢七旬之時心惡諠譁志願高翔八旬之時淡泊寂寞信明術方九旬之時榮華滑澤音聲洪章十旬之時精氣皆至其効日昌修之不止年命自長三年之後灸繁除滅顏色有光修至六年髓填腸胸預知存亡經歷九年之後役使鬼神玉女侍傍腦實腸并不可復傷號曰真人上佐上皇與



天同壽日月合光傳非其人身受灾殃  
神仙圖曰子常念道道亦念子憂患思道疾  
病思道貧賤思道窮困思道富貴思道飲食  
思道入山澤思道涉河海思道卧起思道常  
行思道道與子并道之所出萬物皆生萬神  
皆成無所不護無所不榮忘道須更道入八  
冥念道行氣子則長生道者吾也吾與子并  
欲為長生之術前當存之行止飲食坐起卧  
息便皆思念之晝夜不忘然乃保全精氣神  
不離身則長生矣

顯道經

二篇同卷

神仙鍊丹點鑄三元寶照法  
元陽子五假論

薄二

神仙鍊丹點鑄三元寶照法序

歸耕子者士之不遇所稱也余幼習文武之  
藝好奇異之術泊乎立身之年過梁適鄭遊  
嵩少之間憩於大樹下遇一老叟年八十許  
眉目疎朗神氣閑靜因揖坐石上移時與語  
多話虛无出世之言謂余曰叟居不遠可一  
往焉余唯唯同之見所居皆古木脩竹門逕  
闌寂室無人矣余因徵黃帝昇天及戰蚩尤  
使風后鑄鐵照法叟曰子聞神仙鍊丹點鑄  
三元天地人寶照否曰未曾聞也遂稽顙再  
拜願先生指陳幽蹟以去塵惑曰觀子骨氣  
異常人也可以教授乃於囊中出其文皆古  
篆也曰此非子之身之事乃太平天子之所  
為也若遇道德淳素合天地心四海晏如民  
有謳謠之詠可依法鑄之余稟是誠叩首再

拜俟來旦叟曰此非子久處宜去也後三紀  
復相見余告辭再拜之洛松之肘腋之間木  
敢輕傳其非人也時唐天復二年仲春月歸  
耕子述

神仙鍊丹點鑄三元寶照法

鍊丹鑄天照法

神仙文曰天元甲子之紀六六之首陽火大成取其真精鍊五金靈丹之氣鑄成天照威服鬼神祛斷秋稜置鑑玄鑿之位取歲旬六

戊句陳陽土伐青龍六甲陽木然朱雀六丙陽火燒成無烟之爐用白虎六庚陽金法玄武六壬陽水後以湯土築壇高三尺立三層上圓下方壇四出陞壇上塗鑑高八尺一寸下開八門門廣六寸四分鑑上用鐵作天輪

立六甲六丁之神日君月后九曜真君發火當火之中點鍊以火龍之丹其天照厚三寸重七十二斤面廣三十六寸背上內象紫微星君所居外列二十八宿鑄成若遇五星失度孽孽出天霜電霖旱闌此照齋潔虔誠助

威揚德其灾自殄

鑄地照法

地照亦厚三寸重七十二斤面廣三十六寸背上鑄山川五嶽四瀆八卦九州十六神發火鑄時當太陰望中鑄成若遇地動山川崩

裂蟲蝗稼穡不登津梁阻塞開地照虔誠嚴潔修德助威其灾自滅

鑄人照法

人照亦厚三寸重七十二斤面廣三十六寸背上鑄璇璣之星六十甲子神名天子帝號

本命神君左龍右虎國號星辰分野所屬郡邑鑄用丙午日太陽中時鑄成若遇干戈未偃兆民疫癘開此照潔誠祈祭灾薦自息每遇二氣昇降之日於正殿會羣品庶老闈人照臨軒揚威赫奕姦臣賊子皆懷懼心若人

照非時有光突輝出匣隨其所指之方必有秋叛之孽可禦之無能動作四夷來賓寰宇廓清也

鍊丹點五金法

神仙文曰五金者自然之質未能變化為寶須用火龍丹點之方得通天地之靈也火龍丹者本乎南方朱雀火位襲化北方壬癸之中歷涉五行包含五彩功齊天地其氣騰而為天其質降而為地所以至藥之本謂見火即飛故有火龍之稱也乃有三一之數雄雌

混而未分清濁浮沉不定故君子固窮候時知白守黑神明自來聖人秘之不形文字口口相傳

金鼎養丹法

神仙文曰金鼎者上符天下法地中應民昌國泰天清地靜萬物生焉故曰先天而天弗違後天而奉天時此可明矣其鼎高下錙銖厚薄一一依法鼎高一尺二寸重七十二斤其數有九內圍一尺五寸底厚一寸半脚去地二十半身厚一寸半內受物可三升半

深六寸蓋厚一寸耳高一寸半次有十病不在用限一金不精二鑄不及時三厚薄不勻四模素不乾五懸胎鑄六砂孔七唐鴈八夾橫九金皺十高下大小厚薄不依尺寸若遇有此十病並不在修至藥之限

鑄養丹法

神仙文曰鑄者鼎之造化包容戊己隔截外邪高像蓮臺橫像五嶽壇有三層上圓下方鑄有八門上以鐵作天輪立九星二十八宿時行六甲運轉正一建隨同宿金鑄其像然

後以火伏硫黃火伏雄黃火伏雌黃火伏砒  
 黃各一斤此四黃為至藥之城郭其四黃并  
 丹並在口訣火伏丹砂一斤有十六兩每兩  
 有二十四銖周天三百六十五度二十五分  
 半天元甲子七百二十是丙丁之大數也有  
 使者日行一度是純陽之大數有使者月一  
 日夜行一十三度一月行三百六十五度二  
 十五分半是純陰之大數也陽以外掩陽自  
 中結

歌曰

六十時中運丙丁每用隨時辨五行陽氣進  
 時順天轉陰氣減候逐星征常以加臨須正  
 午同宿周來至藥成

火候法

神仙文曰火候起自陽生之日周其七十二  
 候循環加減也每日合一兩一銖半  
 冬至蚯蚓結天元甲子一添藥角解人元甲  
 十五銖水泉動地元甲子四一十小寒鷹北  
 鄉十一兩甲子二鵲始巢六兩一十三銖  
 野鷄始雉地元甲子五三十  
 大寒鷄始乳元

神仙鍊丹點鑄三元寶照法

甲子三十三鷺鳥屬疾二元甲子九四水  
 澤復堅地元甲子六四十一立春東風解凍元  
 甲子八五十蟄蟲始振八兩一十銖半魚  
 三兩三銖上水地元甲子二十六十雨水獺祭魚子九元甲  
 十九兩兩鴻鴈來十四兩九銖草木萌動元  
 甲子三十七九驚蟄始華八元甲子一  
 一鳴十元甲子七九鷹化為鳩九元甲子四  
 十五春分玄鳥至兩元甲子三十一雷乃發  
 聲百人元甲子九一雷始電十一元甲子一  
 半清明桐始華十六兩二十一田鼠化

為駕二元甲子一一百一虹始見地元甲子七  
 兩一十穀雨萍始生二元甲子五十一百三鳴  
 鳩拂其羽三元甲子二一百一葉勝降子桑地  
 甲子八一百四立夏螻蟈鳴天元甲子四  
 三兩一十銖半立夏螻蟈鳴天元甲子四  
 八銖蚯蚓出五元甲子一一百一王瓜生地

甲子九六九小滿芒菜秀百元甲子五  
 十六九草死元甲子二一百一麥秋至地  
 甲子八七十一芒種螳螂生百元甲子一  
 十五兩七銖半芒種螳螂生百元甲子一  
 四銖鷓鴣鳴元甲子三十一百一八舌無聲地  
 十一兩五銖夏至鹿角解百八十五兩二

十一半蝮始鳴八元甲子三一百半夏生地  
 六一百七十一小暑溫風至天元甲子八一百  
 五兩七銖半小暑溫風至天元甲子八一百  
 銖蟋蟀居壁十四兩一十六銖半鷹乃學習  
 地元甲子五一百大暑腐草化為螢天元甲  
 五十九兩九銖大暑腐草化為螢天元甲  
 兩一銖半土潤溽暑十八兩一十八銖大

雨時行地元甲子四一百四立秋涼風至元  
 甲子二一百三白露降十二元甲子五一百三  
 十八兩三銖白露降十二元甲子五一百三  
 寒蟬鳴地元甲子八一百二處暑鷹乃祭鳥  
 天元甲子一一百一天地始肅百人元甲子四一  
 二十二兩四銖半天地始肅百人元甲子四一  
 十一木乃登地元甲子七一百一白露鴻鴈

來天元甲子九一玄鳥歸兩元甲子三一百  
 羣鳥養羞五元甲子五九十秋分雷乃收聲  
 天元甲子七九蟄蟲坯戶八元甲子一水始  
 十兩七銖半蟄蟲坯戶八元甲子一水始  
 天九兩元甲子四七十寒露鴻鴈來賞子六元甲  
 九銖雀入大水化為蛤十九元甲子九六菊

有黃華地元甲子三六霜降豺獸祭天元甲  
 十八兩一草木黃落十三元甲子八五螻蟈咸  
 十銖半草木黃落十三元甲子八五螻蟈咸  
 俯地元甲子二六十一立冬水始冰天元甲子  
 七兩一十九銖半立冬水始冰天元甲子  
 二銖地始凍八元甲子三十七兩四銖半野雉化為鴝  
 一兩二十一銖小雪虹藏不見五元甲子

一兩二十一銖小雪虹藏不見五元甲子  
 一兩二十一銖小雪虹藏不見五元甲子  
 一兩二十一銖小雪虹藏不見五元甲子

兩一十  
三銖半  
閉塞而成冬地元甲子二一大雪鴉鳥不  
鳴十元甲子四一虎始交五元甲子七荔挺  
出地元甲子一誠益

祭法

神仙文曰功成先天而後泉洞四分之三一  
分點天照一分點地照一分點人照餘一分  
小四分之三一告謝天地泉洞所授神仙  
靈跡鑄金為函刻  
帝紀投之餘一分可餌使神氣沖靜延齡也

神仙鍊丹點鑄三元寶照法

元陽子五假諭

夫修身養命學道求仙志人若修行未有功  
行但存一念必以成就功行未滿但住浮世  
或有邪魔剋剋百魅鬼怪精靈見人於假盡  
乃奔走不敢奔來作其患難但依吾祝呪焚  
香齋戒靜心默念每假祝呪各持四十九日  
但有灾厄險難臨身速於默念一遍以手捉  
一物而投避或作游神或分形化體隱入木  
火之內鑽潛身入金中解假水中下存溺其  
有灾厄臨險當時投避除以是天機只合口  
口相傳余恐在世志學之人必有悟忘遠乃  
錄寫傳留於世勿以泄漏傳簿器之輩敗道  
之徒遇人不得隱匿先又殃及九祖不擇人  
傳毀漏天機沉埋九族永為下鬼不能受生

金假第一

西方庚辛白虎之神九曜之尊太白金星位紫  
微靈星性命之主體髓堅牢七鬼莫離三平  
即至七召歸體刀劍分身接骨續筋後以此  
體除其苦厄聽吾祝呪應命而行呪曰  
西方庚辛太微玄真內應六腑化為肺神見

於無上遊於丹田固護我命用之神仙急急  
如律令勒

其祝呪庚辛日酉時焚香起念不得開口  
以舌柱上嚶想念之可以持四十九日如  
有灾厄不以時日行住坐默想念一遍以

手執刀任乃分身並無赤血雖有白膏而  
出凝結不流過後却返自然接續歸還

木假第二

東方青龍屬於甲乙應春之令歲星之兵能  
生其氣方藻光榮內應肝神丞相之位吾若  
有難三平即現分化身形遠遊諸處要歸本  
位見物而至呪曰

東方甲乙青龍之室金木相形返騰骨內真  
氣鎮定莫離左右分身隱匿思之返至急急  
如律令

其祝呪取庚辛日卯時焚香默念不令人  
聞思之為上可持四十九日如有灾厄不  
以時候晨速以默念不俱行住坐卧默念  
一遍逢木將身隱於其中自免灾禍分身  
而去却要歸時思於舊木便還歸去返至

本處

水假第三

北方壬癸亥子之位玄武為君能生萬潤光澤榮溢內應於腎列女之容性命根宗血為水號號鍊精氣本屬是陽陰中有火濟於浮世吾若有災三呼應現七召隨身入水不溺土木扶持冤鬼各居三彭自伏入於九域呪曰

星辰之真玄武隨身勾陳左助青龍輔弼白虎持持騰蛇跨下隨吾軀形思之還返急急如律令勒

其祝呪取庚辛日子時焚香起念不得開口只以默念一遍可持四十九日如有灾厄不以行住坐卧默念一遍將身入水免其灾厄不以多少日數水下安居却要返歸想於腎氣自以出水免其灾厄

火假第四

南方朱雀位屬丙丁焚惑感曜火神炎威燒除三彭六神水護冤鬼澄淨六根堅牢內屬心主吾若有難三呼即至不離左右丙丁是

火壬癸是殺吾入於假冤神不朽我身是水我命是土土水相刑火不侵體呪曰

南方丙丁赤龍俱停陰神避位陽官不迎思之返至用之日成急急如律令勒

其祝呪取庚辛日子時焚香起念不令人

聞思之為上可持四十九日如有灾厄不

拘時辰速入靜室中安卧默念祝呪一遍手握竹木而卧百魅千妖悉皆而走便以

閉息絕氣假作身死家人不曉將謂殂身任將停於没以衣蓋覆分化游神任令葬

其神冤鬼神主默然而全不動搖其體隨焰而返歸焱雖感不能燒之火消烟冷竟之無蹤

土假第五

中央戊己萬神之位三鬼養土土能生物物化變氣三鬼隨形七鬼逐體吾全身命念土之修養土能生物化變形四象歸土得土而生三呼即至七召歸軀除其灾厄聽吾祝呪隨形化體呪曰  
中央戊己內藏元氣黃色立堅運之可理丹

陽莫辭朱陰共義生我得達四肢黃益勿令大起急急如律令勒

其祝呪取庚辛日辰時焚香起念不得人聞可持四十九日如有灾厄不拘時辰行住坐卧只用默念一遍可以捉一物隱地

入墻人不可見其所捉物代為形影起而

去免避輪迴換過難了却返歸還

右五假篇是神仙隱世之法留傳於世不可泄漏秘密之真修如有後學志士默念修養

堅心持念無令觸犯今聞其法終不成審而持念念不得亂泄天機長白山真人元陽子

隱身法傳與有道心人依此行用無不驗矣

元陽子五假論

太清元極至妙神珠玉顆經

卷三

道言八景飛揚玄虛洞光神珠玉顆太陽太陽開天記云神珠者太陽之精玉顆者月華之英朝寃主降暮寃主升朝寃者天之陽寃暮寃者地之陰寃陰寃升時陽寃降應飛光

八境發生四象萬物兆頭應節順時動合變化皆因天象盡於無中變有有內化無太陽流珠主人之陽也太陰玄珠主人之陰也陰陽符合沖和應用然後白金施紅雪配精血住真胎結始孕男女夫男子者應天之尊炁

女子者應地之卑炁兒女符合而生陰陽俯仰而降始為一炁而化五行而用方得三田並位五氣開圖順四時而長四肢定八方而隨八卦陰陽府藏皆象天地豈不因氣候而生豈不因造化而立至於人之修養亦依天地同徒欲鍊大藥金丹不離陰陽造化須憑周天應用甲子運移爻象滅加火符進退陽生復內陰發違中定否泰於寅申進乾坤於巳亥亥加水減陰卷陽舒運九還合金木之爻轉七返在水火之象真炁一十六兩布在

三百八十四爻之中大藥火候一斤分於周易六十四卦之內須得君臣定位夫婦同和主客尊卑皆隨火候尺寸與鍊兩皆同升斗與爻辭不異列天地五十五數皆在爐中分晝夜一百刻中盡在鼎內水中白虎感月鬼

而成形火內青龍含日光而應象鍊藥須分四序進火全在八門三光氣會煎熬百道紅漿十二樓前鍛鍊一池白雪轉八瓊於春膝之道運一氣上泥丸之宮玄珠落處池中開一朶紫金蓮聖石飛來鼎內長萬道白玉笋

七星樓下風雲發泄往來五色壇心水火交騰上下朔旦迴旋既未朝昏進退屯蒙陽奇乾位進爻在三十六中陰偶坤宮立象在二十四內方得木中火發土內金生烏龜噴刮地狂風赤鳳吐燒天猛焰金翁抱嬰兒入戶黃婆引姪女臨門周天分布四時中火候還元十二月置壇在後  
年用周天一年四次行  
春分日用震卦三三三三三十一  
仲春時在卯 進火發青陽 陽數終九九

三返用為良

夏至日用離卦三三三七十二

夏至時當午 南觀四六功 數分七十二

關節自然通

秋分日用兌卦三三三九九十九

秋分居酉位 西向發神光 九十加九數

三返氣變昌

冬至日用坎卦三三三二一八

冬至陽生子 行功坐北方 數成一百八

九九可能詳

行功訣曰望王相地隨時而坐春分日卯時

面東望太陽坐夏至日午時面南望太陽坐

秋分日酉時面西望太陽坐如不現即存想

如見真形冬至日用坎卦子時面北望太陽

坐如上法握固存神靜慮叩齒三十六通天

鼓二十四下晝望太陽夜望太陽念呪

太陽呪曰

太陽流精 來係吾身 吾胎已靈 同合其真

急急如律令

太陰呪曰

太陰匠精 為我胎靈 安其鬼鬼 永集至神  
急急如律令

每念呪一遍取氣一口隨吸入使縮息閉  
氣定數滿足一口氣作三咽念呪三遍取  
氣三次一如上法了便又雙手擦丹田熱  
即止為一用

月用周天一月一次行

月者地鬼太陰水之精在下為單位屬坤巽  
冬王夏衰晝短夜長中隱陽精內隱玉兔免  
者卯也以應東方草木能生其火陰中有隱  
陽內境曰下焦為地五臟曰腎兩腎中曰丹  
田前有巽海即人之水府其位雖陰中含其  
陽八卦曰坎坎者陷也受水之府故江湖歸  
矣世俗之徒不知陰陽正位只以北方為坎  
南方為離此理皆非坎者南方坤巽之位也  
坎中奇陽者即南方午之火也離者北方乾  
艮之位也離中偶陰者即北方亥子之水也  
月者外陰而內陽外小人而內君子亦內如  
鉛錫中產白銀砂石之中包赤黃金之與銀  
俱是陰中有陽謂之嬰兒上與丹砂之中太

陰姤女合為夫婦情類相戀凝而成砂坎為  
水海隱龍之宮亦喻帝王至尊位處北闕面  
南稱尊月者地也地無陽炁萬物不生稟天  
地而生萬物向陽而長此者天地常道矣夫  
處世為人先遵乎至道後順乎天道順天之  
道也常存其身中元陽真一太和純粹自然  
之炁自致長生久視故周天之用列於三十  
日中一十二月卦計陰陽爻合為七十二數  
加五行為用故成三百六十之數陽進陰退  
周而復始

十一月地雷復卦

一陰一陽之謂道 火十數 水二十數

復卦初見一陽爻 坎男離女正當驕  
滿堂金玉乾坤耀 透出霞光萬丈高

十二月地澤臨卦

一陰一陽之謂道 火十一 水十九

九二生茲見節候 陽質漸漸轉相偷  
此名大呂名臨卦 轉換身輕永不憂

正月地天泰卦

一陰一陽之謂道 火十二 水十八

地天泰卦三陽亨 三花既艷定長生  
我今修得明珠寶 九重城裏有誰爭

二月雷天大壯卦

一陰一陽之謂道 火十三 水十七

神室安鑪大壯號 卯酉門中龍虎嘯  
天地開閉審細分 還丹漸漸燒成寶

三月澤天夬卦

一陰一陽之謂道 火十四 水十六

五九交交以盛陽 透出光輝見瑞祥  
既然功至逍遙地 便見無為不死鄉

四月六陽乾卦

一陰一陽之謂道 火十五 水十五

退盡陰爻見六陽 天符到此火飛光  
周天到日出東甲 金鼎丹砂藥自昌

五月天風姤卦

一陰一陽之謂道 火十六 水十四

天風姤卦一陰生 鑪中白雪漸飛昇  
瓊花初放中宮產 天鼎流珠藥自增

六月天山遁卦

一陰一陽之謂道 火十七 水十三

二六循還藥可收 蛇女因媒轉更修  
宜下周天功力大 五行皆會在中洲  
七月天地否卦

三陽繞退覆三陰 鼎內丹砂雪色深  
昇降符合天地否 九還燒就水中金

八月風地觀卦 水十三 火十七  
陽滅陰加四六間 龍強虎踊過天關

九光霞散風雲會 一派銀波雪浪寒  
九月山地剝卦 水十四 火十六

陽爻一位敵陰符 剝盡輕清重濁居  
從此斗杓方建戌 會觀天道入仙都  
十月六陰坤卦 水十五 火十五

坤象陰符第一篇 始知鉛汞作還丹  
如雞抱卵胎仙化 玉霄更骨出凡間  
行功訣曰凡卦行金以兩腎相交先以左足  
壓右却以右壓左緊叉手兩手握於手心無

令轉動逆日轉十二遺順日轉十三遺轉  
三轉運氣入腦凡卦行水以舌於牙齒外面  
著力緊轉先以向左轉十二遺次以向右轉  
十三遺漱至甘甜咽凡卦行木合口鼓頤十  
二鼓水滿口即咽凡卦行火閉氣數息候氣  
急即併三咽之行久閉氣息漸加數即約百  
息止凡卦行土先行火次水次金轉轉  
運至中脘定住以左手按之九轉每月月盡  
日夜三更先行了本月卦象次更行前項逐  
月水火數叩齒天鼓握固存神一如年用

日用周天一日行一卦須午前

天地配象乾坤建父爻象符合水火進退水  
加大減陽卷陰舒蓋在六十四爻之內以乾  
坤為鼎器坎離為藥爐也蒙為始既未為終  
以晦朔為綱紀胎息成火符周天之數一月  
為滿如蟻循還周而復始參同契云火記六  
百篇所趣等不殊文字鄭重出俗人不熟思  
修內丹者先正其鑪爐為鼎之外垣即人身  
體是也中有長生藥者即神炁精液爐分八  
門者即眼耳口鼻也為視聽吐納之關是藥

篇開閉之門戶運動各取其宜常令固守勿  
使形色滋味八邪六賊傷於內真然可行功  
矣地爐中造化故列丹爐下項

一日水雷屯卦 腎傳肝  
二日水天需卦 腎傳大腸

三日地水師卦 小腸傳腎  
四日風天小畜卦 膽傳大腸

五日地天泰卦 小腸傳大腸  
六日天火同人卦 大腸傳心

七日地山謙卦 小腸傳膀胱  
八日澤雷隨卦 肺傳肝  
九日地澤臨卦 小腸傳肺

九日地澤臨卦 小腸傳肺



十日火雷噬嗑卦 心傳肝  
〔西〕庚子丙午丁巳  
〔金〕水一土一木一火一

十一日山地剝卦 勝腕傳小腸  
〔西〕庚子丙午丁巳  
〔土〕金一土一木一水一

十二日天雷无妄卦 大腸傳肝  
〔西〕庚子丙午丁巳  
〔土〕金一土一木一水一

十三日山雷頤卦 勝腕傳肝  
〔西〕庚子丙午丁巳  
〔土〕金一土一木一水一

十四日澤山咸卦 肺傳勝腕  
〔西〕庚子丙午丁巳  
〔土〕金一土一木一水一

十五日天山遁卦 大腸傳勝腕  
〔西〕庚子丙午丁巳  
〔土〕金一土一木一水一

十六日大地晉卦 心傳小腸  
〔西〕庚子丙午丁巳  
〔土〕金一土一木一水一

十七日風火家人卦 膽傳心  
〔西〕庚子丙午丁巳  
〔土〕金一土一木一水一

十八日水山蹇卦 腎傳勝腕  
〔西〕庚子丙午丁巳  
〔土〕金一土一木一水一

十九日山澤損卦 勝腕傳肺  
〔西〕庚子丙午丁巳  
〔土〕金一土一木一水一

二十日澤天夫卦 肺傳大腸  
〔西〕庚子丙午丁巳  
〔土〕金一土一木一火一

二十一日澤地萃卦 肺傳小腸  
〔西〕庚子丙午丁巳  
〔土〕金一土一木一水一

二十二日澤水困卦 肺傳腎  
〔西〕庚子丙午丁巳  
〔土〕金一土一木一水一

二十三日澤火革卦 肺傳心  
〔西〕庚子丙午丁巳  
〔土〕金一土一木一水一

二十四日震為雷卦 肝傳本臟  
〔西〕庚子丙午丁巳  
〔土〕金一土一木一水一

二十五日風山漸卦 膽傳勝腕  
〔西〕庚子丙午丁巳  
〔土〕金一土一木一水一

二十六日雷火豐卦 肝傳心  
〔西〕庚子丙午丁巳  
〔土〕金一土一木一水一

二十七日巽為風卦 膽傳本府  
〔西〕庚子丙午丁巳  
〔土〕金一土一木一水一

二十八日風水渙卦 膽傳腎  
〔西〕庚子丙午丁巳  
〔土〕金一土一木一水一

二十九日風澤中孚卦 膽傳肺  
〔西〕庚子丙午丁巳  
〔土〕金一土一木一水一

三十日水火既濟卦 腎傳心  
〔西〕庚子丙午丁巳  
〔土〕金一土一木一水一

夜用每夜子後行一卦

一日山水蒙卦 勝腕傳腎  
〔西〕庚子丙午丁巳  
〔土〕金一土一木一水一

二日天水訟卦 大腸傳腎  
〔西〕庚子丙午丁巳  
〔土〕金一土一木一水一

三日水地比卦 腎傳小腸  
〔西〕庚子丙午丁巳  
〔土〕金一土一木一水一

四日天澤履卦 大腸傳肺  
〔西〕庚子丙午丁巳  
〔土〕金一土一木一水一

五日天地否卦 大腸傳小腸  
〔西〕庚子丙午丁巳  
〔土〕金一土一木一水一

六日火天大有卦 心傳大腸  
〔西〕庚子丙午丁巳  
〔土〕金一土一木一水一

七日雷地豫卦 肝傳小腸  
〔西〕庚子丙午丁巳  
〔土〕金一土一木一水一

八日山風蠱卦 勝腕傳膽  
〔西〕庚子丙午丁巳  
〔土〕金一土一木一水一

九日風地觀卦 膽傳小腸

一庚子庚午庚戌庚辰庚申庚寅庚辰庚戌庚辰庚戌  
一庚子庚午庚戌庚辰庚申庚寅庚辰庚戌庚辰庚戌

十日山火賁卦 膀胱傳心

一庚子庚午庚戌庚辰庚申庚寅庚辰庚戌庚辰庚戌  
一庚子庚午庚戌庚辰庚申庚寅庚辰庚戌庚辰庚戌

十一日地雷復卦 小腸傳肝

一庚子庚午庚戌庚辰庚申庚寅庚辰庚戌庚辰庚戌  
一庚子庚午庚戌庚辰庚申庚寅庚辰庚戌庚辰庚戌

十二日山天大畜卦 膀胱傳大腸

一庚子庚午庚戌庚辰庚申庚寅庚辰庚戌庚辰庚戌  
一庚子庚午庚戌庚辰庚申庚寅庚辰庚戌庚辰庚戌

十三日雷山小過卦 肝傳膀胱

一庚子庚午庚戌庚辰庚申庚寅庚辰庚戌庚辰庚戌  
一庚子庚午庚戌庚辰庚申庚寅庚辰庚戌庚辰庚戌

十四日雷風常卦 肝傳膽

一庚子庚午庚戌庚辰庚申庚寅庚辰庚戌庚辰庚戌  
一庚子庚午庚戌庚辰庚申庚寅庚辰庚戌庚辰庚戌

十五日雷天大壯卦 肝傳大腸

一庚子庚午庚戌庚辰庚申庚寅庚辰庚戌庚辰庚戌  
一庚子庚午庚戌庚辰庚申庚寅庚辰庚戌庚辰庚戌

十六日地火明夷卦 小腸傳心

一庚子庚午庚戌庚辰庚申庚寅庚辰庚戌庚辰庚戌  
一庚子庚午庚戌庚辰庚申庚寅庚辰庚戌庚辰庚戌

十七日火澤睽卦 心傳肺

一庚子庚午庚戌庚辰庚申庚寅庚辰庚戌庚辰庚戌  
一庚子庚午庚戌庚辰庚申庚寅庚辰庚戌庚辰庚戌

十八日雷水解卦 肝傳腎

一庚子庚午庚戌庚辰庚申庚寅庚辰庚戌庚辰庚戌  
一庚子庚午庚戌庚辰庚申庚寅庚辰庚戌庚辰庚戌

十九日風雷益卦 膽傳肝

一庚子庚午庚戌庚辰庚申庚寅庚辰庚戌庚辰庚戌  
一庚子庚午庚戌庚辰庚申庚寅庚辰庚戌庚辰庚戌

二十日天風姤卦 大腸傳膽

一庚子庚午庚戌庚辰庚申庚寅庚辰庚戌庚辰庚戌  
一庚子庚午庚戌庚辰庚申庚寅庚辰庚戌庚辰庚戌

二十一日地風昇卦 小腸傳膽

一庚子庚午庚戌庚辰庚申庚寅庚辰庚戌庚辰庚戌  
一庚子庚午庚戌庚辰庚申庚寅庚辰庚戌庚辰庚戌

二十二日水風井卦 腎傳膽

一庚子庚午庚戌庚辰庚申庚寅庚辰庚戌庚辰庚戌  
一庚子庚午庚戌庚辰庚申庚寅庚辰庚戌庚辰庚戌

二十三日火風鼎卦 心傳膽

一庚子庚午庚戌庚辰庚申庚寅庚辰庚戌庚辰庚戌  
一庚子庚午庚戌庚辰庚申庚寅庚辰庚戌庚辰庚戌

二十四日艮為山卦 膀胱傳本府

一庚子庚午庚戌庚辰庚申庚寅庚辰庚戌庚辰庚戌  
一庚子庚午庚戌庚辰庚申庚寅庚辰庚戌庚辰庚戌

二十五日雷澤歸妹卦 肝傳肺

一庚子庚午庚戌庚辰庚申庚寅庚辰庚戌庚辰庚戌  
一庚子庚午庚戌庚辰庚申庚寅庚辰庚戌庚辰庚戌

二十六日火山旅卦 心傳膀胱

一庚子庚午庚戌庚辰庚申庚寅庚辰庚戌庚辰庚戌  
一庚子庚午庚戌庚辰庚申庚寅庚辰庚戌庚辰庚戌

二十七日兌為澤卦 肺傳本臟

一庚子庚午庚戌庚辰庚申庚寅庚辰庚戌庚辰庚戌  
一庚子庚午庚戌庚辰庚申庚寅庚辰庚戌庚辰庚戌

二十八日水澤節卦 腎傳肺

一庚子庚午庚戌庚辰庚申庚寅庚辰庚戌庚辰庚戌  
一庚子庚午庚戌庚辰庚申庚寅庚辰庚戌庚辰庚戌

二十九日澤風大過卦 肺傳膽

一庚子庚午庚戌庚辰庚申庚寅庚辰庚戌庚辰庚戌  
一庚子庚午庚戌庚辰庚申庚寅庚辰庚戌庚辰庚戌

三十日火水未濟卦 心傳腎

一庚子庚午庚戌庚辰庚申庚寅庚辰庚戌庚辰庚戌  
一庚子庚午庚戌庚辰庚申庚寅庚辰庚戌庚辰庚戌

乾為金翁 坤為黃婆

上陽下陰 中數為用 坎離為藥

離為姪女 坎為嬰兒

行功訣曰卦中五行數依月用周天而行如是小盡二十九日卦了兼三十日卦行二十九夜卦兼三十日夜卦行

時用周天返時水火

乾坤坎離四卦為之要篇二十四爻主二十四氣應於節候之主前六十卦主三百六十爻故陽爻一百八十陰爻一百八十符合周天之數共成三百八十四爻一爻為一銖二十四銖為一兩三百八十四銖共成周天一斤火候之數也故內功一日應其天運一年升降陰陽運行四序十二時中晝法春夏夜法秋冬晝夜始終天地交泰且以亥子丑時應天之冬陰昇於天心陽降於水府溫養於

腎變鍊於骨亦如山石之類時受天地陰陽  
 昇降之氣化成金銀珍寶丹砂銅鐵故真人  
 之身金筋玉髓寅卯辰時應天之春陰并於  
 天陽降於華蓋草木各受陽和之氣生成花  
 菓苗蔓巳午未時應天之夏陰降水府陽極  
 火生溫養於心變鍊於血被真陽換化為白  
 乳申酉戌時應天之秋陽極而降天陰復而  
 昇地溫養於肺變換於皮膚晝夜以應四時  
 陰陽鍊乎一體從此超凡入聖化俗成仙皆  
 因大藥金丹水火一斤陰陽二用但於三十  
 日大功之內用水火一十六數剛柔文武進  
 退陰陽運用無差成功畢矣立壇在後


- 一日進火一用水十五
- 二日進火二用水十四
- 三日進火三用水十三
- 四日進火四用水十二
- 五日進火五用水十一
- 六日進火六用水十
- 七日進火七用水九
- 八日進火八用水八
- 九日進火九用水七
- 十日進火十用水六
- 十一日進火十一用水五
- 十二日進火十二用水四
- 十三日進火十三用水三
- 十四日進火十四用水二
- 十五日進火十五用水一
- 十六日進水一用火十五
- 十七日進水二用火十四
- 十八日進水三用火十三
- 十九日進水四用火十二
- 二十日進水五用火十一
- 二十一日進水六用火十
- 二十二日進水七用火九
- 二十三日進水八用火八
- 二十四日進水九用火七
- 二十五日進水十用火六
- 二十六日進水十一用火五
- 二十七日進水十二用火四
- 二十八日進水十三用火三

二十九日進水十四用火二  
 三十日進水十五用火一  
 已上是上三年水火之功第四年換中三  
 年火候故混元經云若人修鍊須行三十  
 日大功又日月玄珠論云雲從龍風從虎  
 日月之道為宗祖又魏伯陽參同契云月  
 節有五六經緯奉日使又金龍白虎經云  
 一陰一陽為綱紀進退皆在天符裏古文  
 龍虎上經云坎戌月精離巳日光古聖昏  
 合天符進退火候加減

行功訣曰前項水火法一依前項水火行  
 中三年水火候壇象第一用第四年  
 行名曰四正八用周天

夫金艮為山石故水生於山石之中是陽中  
 之陰內境曰上焦為天心為靈府頭為艮山  
 口為洞谷出水之源水者坎也積陰之炁外  
 於上天凌於華蓋覆為雨露浸潤心官即陽  
 中陰也八卦者離外陽而內陰也外君子內  
 小人亦如丹砂屬火隱水銀太陰姤女之龜  
 身服五彩之衣離者麗也其精為日月有五

彩華麗輝煥霞明之色中有絳宮上通於目  
 目為泥丸宮門宮中有神之無質天地之  
 主萬物之靈號稱元始德合無為凡欲修命  
 先澄其心神清正則萬邪不干眾惡歸伏皆  
 由其心為萬法之根源長生之大藥心若不  
 能自伏内生姦火亦如丹砂不死見火能飛  
 故治心者生命之主也是故天有八極地有  
 八方易有八卦人生八脉火行八門水鍊八  
 瓊可以四時應象八卦同圖中合土功方成  
 進退



行功口訣曰中宮土功周流遍身十五為用  
 水火功用依前法元有其炁始生萬象八卦  
 甲子神機鬼藏陰陽相勝之術昭然進乎象  
 矣此乃真理也

中功第二用第五年行名之日月周  
 天又名還元周天

夫混沌開闢上清下濁陽炁降而左旋陰炁  
 騰而右轉故以陽精結而為日陰精結而為  
 月日主虧盈月主弦望皆在盈虧加減之內  
 則天火候大小相承萬物負陰而抱陽應時  
 而生順時而熟得蒸而成且夫人為萬物之  
 首生如天地之用天地先生二儀以水為真  
 一人亦先生二儀左右腎為樞機亦名真一  
 玄者水之源也聖人云一水二火此是陰中  
 之陽也故名為元夫火生于木能王其肝即  
 青龍陽鬼也水生于金能王其肺肺即白虎  
 陰鬼也四象既全其土無正形分王四季經  
 云一水二火三木四金五土凡人修行須當  
 水中發火左腎屬陽為日右腎屬陰為月故  
 日月晝夜無時而不運轉方始萬物發生人

若修行晝夜於十二時中行日月之道下手  
 運時功滿三千炁行八脉此是神仙下手處  
 也夫外運即內轉外氣合而內氣交左腎為  
 青龍真內火也右腎為白虎真內水也若行  
 百日積精全神須當行水火之功左右皆一  
 周天之數龍虎二炁上騰金闕玉戶方闢謂  
 重樓第三環名曰人迎穴用雙手閉之其炁  
 下降相接龍虎二炁中宮自交情和不醒天  
 地此乃氣交而神不交也若神全炁壯交會  
 不施此乃形交而氣不交也行功百日試之

必無漏洩夜無惡夢陰鬼不侵更行周天大  
 火功九九加減之數蒸筋暴骨鍊炁生神人  
 能行之萬病不侵千邪不入可以延年益壽  
 羽化飛昇

頌曰

水內生元火 陽中長一陰 二關通內外  
 兩物轉浮沉 九還龍合虎 七返木交金  
 樞機日月道 此理最幽深

又頌曰

日月盈虧轉兩輪 二關炁足可生神

都來一對玄霜子 迷却千千萬萬人

經言日月有數大小有定聖功生焉神明出焉天者鼎也華蓋下覆四方天者乾也金也內境曰肺宮上為華蓋下覆諸臟上通於鼻鼻為天門外降呼吸運動榮衛循環五藏流

注一身動變浮沉大小有定亦如天運星斗地轉江河內與外同人與天契故天門連肺出入清蒸為鼎之蓋地者鼎之腹變化萬物地者坤也內境曰脾胃也包羅水穀上通於口口為地戶亦曰咽門收納水穀下伏胃脘

受天門外降之蒸轉動消磨造化水穀分擘清濁穀之清者升於上焦心肺宮清淨之界化為神氣精液長養身命穀之濁者下泄大小腸故胃者造化鼎也口為地戶鼻為天門玄牝中央名曰人中是三才天地人也天門

呼吸之氣上符星辰行度地戶流轉之水內應血脈所主榮衛所用胎息昇降之道根蒂之源故內腎為虛極外腎同日月內外相應陰陽自交天元用九之功進退循環之理以為修養之門也經云深根固蒂長生久視之

道

- 一日進一九功
- 二日進二九功
- 三日進三九功
- 四日進四九功
- 五日進五九功
- 六日進六九功
- 七日進七九功
- 八日進八九功
- 九日進九九功

已上每一用四十之數

- 十日存上功四十中功四十下功四十
- 十一日進九九功
- 十二日進八九功
- 十三日進七九功
- 十四日進六九功
- 十五日進五九功
- 十六日進四九功
- 十七日進三九功
- 十八日進二九功

十九日進一九功

已上每一用四十之數

- 二十日存上宮八十中宮八十下宮八十
- 二十一日進一九功
- 二十二日進二九功
- 二十三日進三九功
- 二十四日進四九功
- 二十五日進五九功
- 二十六日進六九功
- 二十七日進七九功
- 二十八日進八九功
- 二十九日進九九功

已上每一用四十之數

- 三十日存上田百二十中田百二十下田百二十
- 行功訣曰一依月用行金法下手功數即依前項上功想上腦上宮想中腕上田想下丹田
- 中宮第三用第六年用名曰混元周天

凡修鍊大丹須在周天運動甲子符同五六  
 相交氣候應節一年之數四序循環二十四  
 氣遷移七十二候更變甲庚在戊癸之功金  
 木定寅申之位方可鑪烹白雪鼎養黃芽丹  
 金一變黑白相符上下關開坎離合體龍騰  
 滅火時通春騰之門虎引千波每運泥丸之  
 道既得三田藥滿果然六府神生欲令神炁  
 相交須用混元之法

周天度二十四氣七十二候

春前一節三氣九候

- 立春正月節一氣三用一用三功
- 雨水正月中一氣三用一用三功
- 驚蟄二月節一氣三用一用三功
- 春後一節三氣九候
- 春分二月中一氣三用一用三功
- 清明三月節一氣三用一用三功
- 穀雨三月中一氣三用一用三功
- 夏前一節三氣九候
- 立夏四月節一氣三用一用三功
- 小滿四月中一氣三用一用三功

- 芒種五月節一氣三用一用三功
- 夏後一節三氣九候
- 夏至五月中一氣三用一用三功
- 小暑六月節一氣三用一用三功
- 大暑六月中一氣三用一用三功

秋前一節三氣九候

- 立秋七月節一氣三用一用三功
- 處暑七月中一氣三用一用三功
- 白露八月節一氣三用一用三功
- 秋後一節三氣九候
- 秋分八月中一氣三用一用三功
- 寒露九月節一氣三用一用三功
- 霜降九月中一氣三用一用三功
- 冬前一節三氣九候
- 立冬十月節一氣三用一用三功
- 小雪十月中一氣三用一用三功
- 大雪十一月節一氣三用一用三功
- 冬後一節三氣九候
- 冬至十一月中一氣三用一用三功
- 小寒十二月節一氣三用一用三功

大寒十二月中一氣三用一用三功  
 行功訣曰一氣三用者每一氣十五日每五  
 日於六十時中擇甲子庚申本命各行一功  
 下手法一依月用法行金法行九轉為一功  
 下功第一用第七年行名曰妙水周

天

天能長且久者謂得正一真元之道天地鑪  
 鼎之中陰陽交合於內不失元炁而得自然  
 長久之道稟天地而生成天地之精為天地  
 之子受天地覆育化成為人內境亦有天地  
 長久之道夫正一者即水之尊號也夫天地  
 之始者真一也五行之機者真水也萬物之  
 母者太玄也若人修鍊但妙用真水運度周  
 天若行功到此外即能生萬物內即能生萬  
 神故云妙用數小功大名曰妙水

天一甲自十月一日至十一月六日水行六  
 地二乙自十一月七日至十二月十二日水  
 行五口  
 天三丙自十二月十三日至正月十八日水

行四口

地四丁自正月十九日至二月二十四日水

行三口

天五戊自二月二十五日至三月三十日水

行二口

地六巳自四月一日至五月六日水行一口

天七庚自五月七日至六月十二日水行二

三口

地八辛自六月十三日至七月十八日水行

三口

天九壬自七月十九日至八月二十四日水

行四口

地十癸自八月二十五日至九月三十日水

行五口

下功第二用第八年行名曰妙火周

天

日者天寬太陽火之精處上為尊位居乾良  
夏王冬衰夜短晝長內藏陰氣中隱金雞雜  
者百也外應西方金石能生其水乾數小功  
大名曰妙火

一日火行八

二日火行九

三日火行十

四日火行十一

五日火行十二

六日火行十三

七日火行十四

八日火行十五

九日火行十六

十日火行十七

十一日火行十八

十二日火行十九

十三日火行二十

十四日火行二十一

十五日火行二十二

十六日火行二十三

十七日火行二十四

十八日火行二十五

十九日火行二十六

二十日火行二十七

二十一日火行十五

二十二日火行十四

二十三日火行十三

二十四日火行十二

二十五日火行十一

二十六日火行十

二十七日火行九

二十八日火行八

二十九日火行七

三十日火行六

行功訣曰一依月用內行法

下功第三用第九年行名曰還返周

天

天地昇降陰陽交會八卦運動火候進退一  
氣三才應用九還七返成功皆因混元之法  
鍊氣生神皆在周天之數合鍊兩為六十四  
分以應六十四卦六鍊者六爻也  
一日陽六鍊陰鍊六  
二日陽鍊六陰鍊六  
三日陽鍊六陰鍊六

四日陽銖六陰銖六  
 五日陽銖六陰銖六  
 六日陽銖六陰銖六  
 七日陽銖六陰銖六  
 八日陽九銖陰九銖  
 九日陽銖六陰銖六  
 十日陽銖六陰銖六  
 十一日陽銖六陰銖六  
 十二日陽銖六陰銖六  
 十三日陽銖六陰銖六  
 十四日陽銖六陰銖六  
 十五日陽銖九陰銖九  
 十六日陰六銖陽六銖  
 十七日陰銖六陽銖六  
 十八日陰銖六陽銖六  
 十九日陰銖六陽銖六  
 二十日陰銖六陽銖六  
 二十一日陰銖六陽銖六  
 二十二日陰銖六陽銖六  
 二十三日陰九銖陽九銖

壬五

二十四日陰銖六陽銖六  
 二十五日陰銖六陽銖六  
 二十六日陰銖六陽銖六  
 二十七日陰銖六陽銖六  
 二十八日陰銖六陽銖六  
 二十九日陰銖六陽銖六  
 三十日陰銖九陽銖九  
 行功訣曰陽銖閉九息而三咽陰銖閉六息而三咽

入室周天

周易云日往則月來月往則日來日月相推而明生焉寒往則暑來暑往則寒來寒暑相推而歲成焉故立陽爻屬乾陰爻屬坤老陽之數三十六應四九之象老陰之數二十四為四六之象一時行一爻一用仍兩卦

一日朝屯  
 夕蒙  
 二日朝需  
 夕訟  
 三日朝師

夕比  
中時百時辰時巳時午時未時  
 二五 三五 四四 三四 三四 三四

四日朝小畜  
 夕履  
中時百時辰時巳時午時未時  
 三五 三五 三四 三四 三五 三五

五日朝泰  
 夕否  
中時百時辰時巳時午時未時  
 三五 三五 三四 三四 三五 三五

六日朝同人  
 夕大有  
中時百時辰時巳時午時未時  
 三五 三五 三四 三四 三五 三五

七日朝謙  
 夕豫  
中時百時辰時巳時午時未時  
 三五 三五 三四 三四 三五 三五

八日朝隨  
 夕蠱  
中時百時辰時巳時午時未時  
 三五 三五 三四 三四 三五 三五

九日朝臨  
 夕觀  
中時百時辰時巳時午時未時  
 三五 三五 三四 三四 三五 三五

十日朝噬嗑  
 夕賁  
中時百時辰時巳時午時未時  
 三五 三五 三四 三四 三五 三五

十一日朝剝  
 夕復  
中時百時辰時巳時午時未時  
 三五 三五 三四 三四 三五 三五

十二日朝无妄  
 夕大畜  
中時百時辰時巳時午時未時  
 三五 三五 三四 三四 三五 三五

十三日朝頤  
中時百時辰時巳時午時未時  
 三五 三五 三四 三四 三五 三五





古來上聖 口口相傳 若修此法 入聖昇天

鍊丹呪

穩穩神居 綿綿洞虛 冬後一節 溫養吾珠

九蟲盡去 三尸速除 元神奏我 願賜天符

胎靈神化 妙達虛元 太上勅攝

急急如律令

太清元極至妙神珠玉顆經

天老神光經表

壽昌

臣聞人不見形憑諸水鑑事不可預明其符兆著灼是虛尚假精意水鑑雖徹資其自成故形以目窺而見微兆以識察而觀妙斯事畢舉孰可傲之如有一闕則難依據臣性識愚劣藝術淺薄既於異書頗知至要只如目前者定近遠察是非辨青黃知善惡上觀乾象中測人情下鑒坤維斯等莫不皆由目中光也若能見之戰鬪出軍涉水陸即目下燕黑若光去目患難立至則上不能見輔星中不能辯親疎下不能觀萬物此神光去矣其不觀斯妙臨患之時夫何悞哉頗有云為兼以昏晦若能存神光於目皆察輔星於武曲則不勞著灼休咎預分未接兵戈前知勝負其文省而易教其理精而易通固可以去危就安轉禍為福是知高祖心動卒免迫人之謀趙襄馬驚懸知刺客之狀古來賢哲皆宗師曠晉平張良受黃石之要此乃傳行世代歷載既深文字或謬語有其繁巨竊不自揆輒次之以此成一軸號曰天老神光謹進於

闕庭臣熟知陛下聖慮明暢妙理精道然臣今敢聞以繁聽覽臣恐陛下以此微細不納宸衷臣之愚直實以為保護聖躬莫不至斯道危難之代實以保身臨事便知吉凶因詳察不鄙為差無任忠懇之誠謹冒死奉表謹獻以聞臣誠惶誠恐死罪死罪謹言

貞觀七年月日右僕射衛國公臣李靖上表

天老神光經

右僕射衛國公李靖修

晉平公問師曠曰凡人出行將兵攻擊勝負命之存亡可預知乎對曰須察北斗之星傍輔也若欲克戰將兵暮不見此輔星不可行也。大凶若有疾不見限期將至平公曰天陰不見將何以明休咎對曰不見當視神光不見神光不可妄動平公曰神光若何對曰常居中於陰闇處以指刺之目皆頭搖指可見其輔星者眾共視之獨不見者是輔已去必大凶夫人身疾病目不見者只在七日內死此道微密可謂獨見之明平公曰善哉乃刻玉版藏之於函常披覽之黃帝曰心動目瞬懸知性命吉凶天之明以日月斗為候人之明以目為候以心為主若能知之全身保命夫鼻目神合於心故先知察之心動目瞬鼻酸神光去者大凶或要知賊人奸人須存神光光青白者奸人黑者賊人凡行心動目瞬鼻酸者即存神光神光去者有賊在前一瞬一里前必有賊可備之凡行至他邑欲止

住者先存神光無光者勿入其舍必有憂傷師曠曰光黃及赤而圓有德有喜白者有伏兵於人有喪青缺者有憂黑者有賊及病兵矣若居坐卧不安且存神光不見須急去凡夜卧要知吉凶可存神光將欲征伐者上觀星象中別神光矣若欲渡水宜存之不見者不可渡也若出行不見者不可行也若臨食不見不可食若欲飲食時心動鼻酸目瞬光去同伴欲害已慎之若舌動唇瞬光去子欲殺父奴婢殺主心動臍瞬光去子欲害父心動光去肘瞬妄人為賊心動掌瞬光去者賊是親戚心動惕然光去弟欲害兄心動右足下瞬利行左足下瞬公中有事心動頰瞬光去賊是交友心動目瞬光去妻妾與外人私通欲來相害心動光去急離住處又存神光左目有光左路通右目有光右路通兩目皆有可往心動不樂避上下兵有相爭事若目無光耳無故鳴坐者急起行者急走有人欲來相害是為精鬼藏耳左目瞬己身事右目瞬他人事鼻酸耳鳴怪憂至夫士死

前五日光去鬼亦去凡人鬼藏於鼻鬼藏於口故合於身神光出於目精氣合於神所去之處須謹占之昔軒轅欲崩光去十日周礼皆先五日近代烈士三日而已光藏於目聲藏於耳精藏於陰者而限期將至何為不在耳無聲目無光陰不起其賊主來隨明避之大吉。岐伯曰於陰闇處以手掩目存神光青者憂白者兵赤者德黃者喜黑者凶劉根曰光白者亦有德甲乙日主目丙丁日主心戊己日主腹庚辛日主背壬癸日主踵以此日其有心動目瞬存光無者賊欲謀人可備禦之甲乙日心動者賊為人身小而長蒼色好言語丙丁日心動者賊為人壯赤色蓬頭廣頰戊己日心動者賊為人鼠肥肚大不言語鬚黃庚辛日心動者賊為人廣眉大鼻能喜言語壬癸日心動者賊為人身長頭小黑色好漁獵若能備之則萬事必成避兵除害天自與之利矣光眉間五日一存命之長遠獨聞之聲為之耳鳴精神不調赤子大驚悲恐不樂

欲歸於天以手搏耳赤子還返耳鳴之時即存神光黃帝要秘專行全身保命凡人耳鳴聞叫喚啼等及雷鼓聲若鼻中聞臭氣腥而並凶可齋誠沐浴暮向本命星禹步三呼曰


巨門神子 輕門神子 祿存子 戶錯子 衡不云子 霸治子 大攝子

常以此法言無殃矣若有難使呼其所屬星名云來救我三呼止第一午屬破軍二己未屬武曲三申辰屬廉貞四卯酉屬文曲五寅戌屬祿存六丑亥屬巨門七子屬貪狼

禹步法



老氏云凡人住處宜存光察輔星武曲傍小星也見之則吉不見則凶亦內保百日見之則百日內無官灾口舌患疾死亡故曰保百日若天陰不見輔星者於闇處存光若不見細推求四方尋之每辰及夜常能存之長生



天神覆斗神呪用保身護命百年之榮壽非人勿傳呪曰團團告報四方天地日月此處行闕火急捉取鬼王人人縛勒攝取強邪吾今未覺不得分張騏驎萬隊盡散五方

謹請二十八宿星官三十五星頭上立速速下來在臣傍年逆人符鬼專在此攔截作妖祥星官准覆斗及縛叛逆人形口云急急急魁魁魁魁魁魁魁

告玄圖

不哉天道垂範顯乎然不可智知自古人知其道昌不知者其道亡而況於常倫而已敢不量力度德銘心忘形窮索幽微編為圖籍如列諸掌依此行之至誠必應分位置席一一備載將來君子實而祕之以貽後代勿示凡愚之人得之者固不在於外求修之者

亦不在於他人陰符云宇宙在乎手萬化生乎身凡八萬三千一百畫三千一百星夜八萬星見以四斗星官每夜抽三斗在北斗下當直

乾星求謁至尊宜用月初二日衙宿

紙錢一貼 狀紙七張 鹿脯三樑

酒三盞 燈七盞 香一炷

右奉請乾星官降赴領受薄禮以應虔誠謹

狀 離星救危扶傾宜用戌日亥時 燈九盞 香一炷 饌飪五椀 乳五盞 三行

右奉請離星官降臨俯納丹誠以救顛躓謹 狀 丙星祈福宜用酉日申時飯兩椀并匙筋 酒兩盞 雜肉兩椀 狀紙五張 筆一管 燈一盞

右奉請丙星官降臨受納單獻特施福祐謹 狀

平星夷敵宜用危日丑時

酒七盞 香一炷 紙錢三貼

燈兩盞 飯七椀

右奉請平星官降止領受奠禮今遇敵必平

逢危返安謹狀

寅星官攻擊勝負宜用定日子時

酒三盞 香三炷 紙錢一貼

羊肉三椀 燈九盞

右奉請寅星官降赴俯賜領納使攻必剋擊

必勝捷謹狀

出星道途通達宜用定日辰時

酒二盞 肉飯食二分 狀紙三張

錢財一貼 燈兩盞 香一炷

右奉請出星官降臨就座伏願無所滯礙道

途通達謹狀

定星安家保宅宜用平日戌時

羊肉炙五鼎 酒五盞 狀紙五張

紙錢一貼 燈一盞 香一炷

右奉請定星官降臨受納伏願宅舍安寧祿

祐延生謹狀

瑞星應夢用天赦日亥時

酒七盞 鹿脯七椀 狀紙七張

紅綵二尺 紙錢七貼 燈二盞

香一炷

右奉請瑞星官應夢賢聖以將福祿謹狀

元星求大官宜用己巳日巳時

乳三椀 雜絲各少 紙錢一貼

紙三張 筆三枝 香一炷

燈兩盞

右奉請元星官降臨領納伏願仕宦清吉言

發皆中謹狀

正星攝心愜意用壬午日丑時

乳粥四椀 雜果子四椀 酒四盞

香燈各四

右奉請正星官降臨領受伏願所求稱意謹

狀

顯星官祈官求名宜用丙子日亥時

肉飯一分 紙錢一束 狀紙一張

香燈各一 筆一枝

右奉請顯星官降臨領受伏願祈官必應求

名必遂謹狀

月星祈陰德宜用寅日子時

酒三盞 狀紙四張 白練素三尺

素飯三分 香一炷 錢財十五貼

燈一盞

右奉請月星官降赴領受伏願所祈必應謹

狀

輔星安賤口宜用辰日戌時

乳七盞 燈一盞 紙錢十三貼

香一炷

右奉請輔星官降赴領受伏願賤類福壽謹

狀

大白星祈方面主不揀日大凡申酉日為妙

汗衫半臂一 衫一 袴一

袜肚一 襪一 棍一

己丑孟須三歲孩子樣造

右奉請大白星官降臨領受前件物并食酒

乳等伏乞令祈官職必克所請謹狀

燈席 燈燈

燈酒一滿碗乳一碗

燈乳粥一椀飯一椀  
燈乳餅一錢財隨意  
燈狀紙二十張香三炷  
燈席燈燈燈

以前件鋪設但依所畫字處著祭物直須嚴潔勿令前有猪狗及腥等物所排比尤宜在意所求必剋伏慮未備錄立成奏狀儀範如後

召啓十方一切得道應感神明某年某月某日州縣鄉里弟子某甲就某處奏納某星官君錢求其福今正爾燒香啓告願靈聖降下今臣所啓上達某星官前便執刀解穢云

謹請東方青龍真氣入吾水中  
謹請南方赤龍真氣入吾水中  
謹請西方白龍真氣入吾水中  
謹請北方黑龍真氣入吾水中  
謹請中央黃龍真氣入吾水中  
謹請東方木官解穢吏九人  
謹請南方火官解穢吏三人  
謹請西方金官解穢吏七人

謹請北方水官解穢吏五人  
謹請中央土官解穢吏十二人  
謹請天上地下解穢吏各十二人

謹請解穢玉童洗浣玉女香湯使者請解天穢地穢人穢鬼穢沉屍白骨等穢但眼之所視耳之所聞速令大穢歸海小穢歸江不得遲遲當吾神氣者死背吾神氣者亡一穢不去者斬付魁愆急急如律令捨香三遍上香第一上香供養南斗星官第二上香供養北斗星官第三上香供養十方一切得道

○奉請某星官慈悲降臨領受微禮上香上酒  
○再拜  
臣聞至理幽冥啓必應感謹有文狀理宜申奏宣讀文狀如此三遍訖燒錢及雜果子撤了再拜祝  
右隨官並請沾賴以同懽悅某以卑微菲薄仰蒙降臨不勝忻悚臣向來所請情狀伏願采納記錄詞誠臣以愚昧不閑儀範啓言煩雜忤忤  
威靈並乞矜恕克如所願再拜奉送

諸神祝文  
第一上香供養南斗星官第二上香供養北斗星官第三上香供養一切得道

玉華散景金爐起烟香雲盜羅上衝九天侍香玉女上聞帝前令臣長生永為真仙所啓所請感乞如言  
又云隔居小人好道求靈常見尊儀願賜長生百二十年無諸灾瘴敗中得成危中得安死中得生應住宅吉家春安平如願之日即不勝虔懇之至稽首歡喜

○次宣狀三遍  
○次念北斗呪七遍  
奉請某星官慈悲降臨領受微禮臣聞至理幽冥啓必應感謹有文狀理宜申奏次燒錢及狀灑酒撒菓  
右隨官並請沾賴以同懽悅臣以卑微輒中菲薄仰蒙降臨不勝忻悚臣向來所請情狀伏願採納記錄詞誠臣愚昧不閑儀範啓言煩雜忤忤  
威靈並乞矜恕克如所願再拜奉送

背建向破覆斗


大月拇大指在前腰上及先進左足步之動

岡


小月拇小指在前腰上及先進右足步之動

岡

大月禹步先左



小月禹步先右



大老神尤經

鬼谷子天籟靈文卷上

薄五

夫水濂洞主鬼谷子祕密天文大道測天地之機曉造化之本天生真性逐嗜慾而迷不知生死難曉幽微之理道德陰符總明大道之機照夜內丹並是聖人之道夫在世凡夫迷惑真性不達真理故名異術乃祕之初以傳孫子龐公如後學之人習吾真法行之皆得避難逃生免死凡世尊前逼迫免山河水起之厄免刀劍劫賊之厄免生冤鬼聚之厄免狂鬼呪詛之厄免百萬軍陣之厄免水火盜賊之厄夫吾祕密天文者名為六天正訣又名六神文又名隱形藏體之術又名驅神入室之術又名蒐遊三界之經又名水濂幽微之教又名超脫生死之論此吾教法之內有真訣神符第一隱形藏體符第二驅神入室符第三蒐遊三界符第四超脫生死符第五火假四大符第六周天隱迹閉形符或在世修行之人收吾正法真經習吾真教達吾糟粕者須是淨心淨性嚴持香火于年通運違擇良辰吉日善心之時須是志心謹具香

燈嚴持齋戒朱書神符默持神呪四十九日神符即顯應矣

若在世男女收吾大訣天書者須是虔誠志心持意欲傳授者須用結壇威儀有三等壇上等結壇授持法者須用五方羅五段各長四十九尺玉環四十九對鏡四十九面正青紅同心四十九付燈四十九盞錢馬食各四十九付中等而結壇以授持法者用五方羅五段各長三文六尺金環三十六對鏡三十六面正青皂同心三十六付燈三十六盞錢馬食各三十六分下等結壇授持法者用五方羅五段各長二十四尺銀環二十四對鏡二十四面正紫皂同心二十四付燈二十四盞錢馬食各二十四分


右件三等授持法者傳授金櫃藏祕如行此法須是揀擇運通年達好日良辰方可作壇持法不虛矣

隱形藏體符




此符用硃砂志心向北斗禮二十四拜方執筆望北極取氣吹筆上書符服至七七四十九日身形出入行走人不見百萬軍陣之中過將此符用硃砂書於心一道兩臂各一道並無妨害須是志心記之

驅神入室符




此符行持服至百日密持呪百日使六丁神現目前隨意使用由已但書符須用硃砂志心誠意冥心向北禮二十四拜方可執筆收北氣吹筆尖上書符

鬼遊三界符




此符服至百日神鬼意使是如書符用硃砂禮北極二十四拜面北取氣書符為聖也

超脫生死符



此符服至百日生死去住或假屍可以書之依前書符望北極禮二十四拜罷想自己身常思別人屍殼或少年之人或清秀之人亦借之

火假四大符



此符亦用硃書冥心望北極禮二十四拜取北氣吹在筆上可書服至百日覺自身口中氣並是火焰身上只如火燒相似惟見莫怕任意逐火而去惟存此符持呪吾此符并法不可怠慢依此嚴潔清心受持不得輕泄戒之  
天圓地方六律九章神筆一下萬鬼滅亡急急如律令勒攝

乾元亨利貞日月與吾真神水通入服不是去通身急急如律令勒

逐日持呪

太上老君太上道君元始天尊長生保命天尊八卦護身天尊延壽益壽天尊身藏化元君腦神經根泥丸君眼神明上應元君鼻神主龍氣君齒神羅睺清元君耳神天空閉宮君舌神正倫君重樓十二大真君脾神近命君膽神虛空君腎神玄武敬君腸神樹鬼冤靈左青龍神右白虎神前朱雀神後玄武神六丁六甲神精藏下元神君胎光幽精真靈神界除守護三尸神彭質彭瑤彭矯各住其位就得長生吾奉

太上老君急急如律令勒攝

呪每日志心於日晨朝時向聖前密持一百八遍持至四十九日自覺已身空中如浮雲相似不得驚怪法欲成也如此後要逐日持念大有神驗秘之秘之志心用天之訣行用血氣之功夫血氣者穿九宮度八卦運真氣一十五度先古柱上膠定息一十五度下有



津叩齒一十五度漱液烹津度滿做五度咽  
之此行血氣之功行罷覺已身萬竅中汗自  
出此是驗也微覺項內有簫韶之聲行九還  
七返之功成七返者是心頭悶而恰震之相  
火輪送頂左右五日進火一度三分日為滿  
周而復始返本還源記之

行閉形隱迹之功式天清地寧六塵不起心  
氣散亂想心火送在宮轉一百八遭光轉五  
十四遭若是次氣本質氣來覺時心頭恰似  
清風相似心頭悶不多時太陽金丹隱迹之  
法延年一百二十歲形壽秘之秘之

水瀛洞鬼谷子秘訣天文玉虛集三洞天心  
玉虛大帝三茅真君妙寶梵心感應真經上  
書因師知得長生訣行火知時節先認取嬰  
兒姪女後鍊得黃芽白雪捉得擒來收入鑪  
中更撈出水中九盞照佛燈光如不滅鍊成  
氣人難別須知道無寒無熱無日無月無時  
更把鑪中養就一神胎又不是父精母血得  
斬一斷三尸六賊便就金丹向外人休說  
水瀛洞主鬼谷子秘密訣天文玉虛集三洞

天心玉虛大帝三茅真君妙寶梵心感應真  
經上

夫人稟天地而生不知五行造化因道而生  
蓋世人迷情不捨貪嬌慾而身亡為財色而  
遭患或修善之人未得善應或遭惡業未逢  
惡果持齋戒爭如有物外超凡境或學攝養  
豈聞隱迹分明散影之術今乃編感應之術  
也七曜符鍊共成九章以傳於世度脫眾生  
若在世男女等眾修持此符者須是神性清  
淨各按禁忌方可齋戒修持此法至日靈應  
常於眼前見矣所有在世男女收吾此法須  
是齋戒受持誦呪語無不應之此書是三清  
宮內秘密之法中再的其符錄以濟於世各  
度羣生以證其妙訣普勸受持眾等各保護  
此文秘密之書不可輕示非人戒慎其符法  
况并齊戒禁忌科編於卷中日之真假避體  
藏形隱迹分明去住散影之法謹傳於世不  
可輕世秘之

戒忌彙覽

三元五臘四時八節三七三八十五生日本

命日甲子庚申壬申

右戒持法之人不可食葷羶如食此法不  
靈矣

戒色慾

三元五臘四時八節三七三八十五生日本

命日庚申甲子壬戌大風大雨大雪大寒大  
陰大星落大喜大怒飢飽之日


右件行法之人不可不記之如犯此法不  
靈矣

戒食味

牛肉狗肉黑魚肉鼈肉五辛薤蒜葱胡荽韭  
辛酸苦鹹

水假符

右件此物如行法之人食之傷神役性有  
觸此法不一慎之



右符殊書用流水服之至日望北斗取氣念  
呪書符服之四十九日過河不用船服至百

日如見水入去恰似宅舍中不濕衣服至千日逢水度化不可輕泄

金假符



右符硃書用水銀末用為符丸彈子以硃砂水書吞之此符服至四十九日夜夢劔戟林中行是竟服百日見劔芒使度化持呪符見一切鐵器化真形人其中方假其體此符書時望北斗取氣持呪吹在筆上書符祕之


火假符



右符硃書用水銀化葉符為九子亦用南流水吞之服至百日似借火做利更用自己身邊真太陽火相應自己火者取二手相擦至百日自己身火成方假凡火此法昔日軒轅黃帝以持此法跨火龍以朝三界此取太陽

氣吹在筆上書篆之

木假符




右符用檀香心煎湯吞之更用自己身持用雷驚素木作一神枕枕頭作時須用方圓七十二分高二寸五分曉時但存想形體似在枕中方假服符呪持四十九日神枕化為自己身形質相似更持百日斷斷法成志心不退十日神枕大出遊方惟留下神枕在房內便是自己身體若在家中有人葬埋去如自己身欲來時人盡驚怪都言道死去如何在來至時猶人說似破開墳堆見棺內只是一神枕此法乃是替身自己死一週去如其時別造一枕延年十二月此符望東方日未出時取氣吹在筆上卓十二下然後書符記之

土假符

PHIENHIE THEON

右符用硃書神土半錢用茯苓末多許為丸符如彈子相似服此符至百日身如風雲相似上坡下澗如神符左右訣如人習持此法在世修行心談生死如要離世幻度人時怕去大庵中宿卧每將鏡壁上照面想己身形影收用墨書放庵壁但凡至百日自家修行者以無別人到處房內不令婦人雞犬見之犯法不可見此符望四方取氣吹在筆上方可書符



書篆符錄持點光呪曰

上有東流點光香水入服萬邪藏三二但左有青龍白虎右防

祝筆呪曰

筆為利刀硃為百藥神符到處萬邪消亡急如律令勅攝  
三洞天心玉靈大帝君畢上卿真人秘訣  
夫天隨陰陽為本性有善有惡有賢有愚修善者天神佑護修惡者即有惡報橫遭其事

蓋如上古軒轅黃帝下有一切羣仙無有不習吾法救度羣生普降諸仙夫隱閉藏形天術約有數端文字皆是通仙之徑路入大道之玄門此書少許文字蓋自古達道真君皆口口相傳不記文字此書是紫微洞主處收藏自後傳度與魏夫人收授謝自然授與張使張使收書滿宅中符書授至三年之間忽有一日午書來張使驚聞笙歌之聲果然有天神先來報所詔滿宅白日上昇如此之日張使藏作於終南山隱之儀文若或有修行達道之人得遇吾真訣非關今世蓋為宿緣有道之心方獲見吾文字如世人收吾秘訣者須用公勤行專百日之功獲其果無不神驗矣當時畢上卿真人留傳此經度脫眾生欲離苦海是作津梁證無上之仙人若一切人須是志心行持百日之功無不靈矣無不應矣其吾法號名為九曜耀都祕密經文隱神符九道不可輕示他人其經三十年方可傳授一人或二人不得輕傳非徒之輩苟學之人不容易望之當折墮傳之人永墮地獄

不得出離九祖落入無間地獄受苦無乃萬劫不逢真經文字如在世之人收吾書者志心受持如人收經不與人者折墮藏經之人記之記之

若在世之人修行此經者功成行滿遷名於紫府位列真仙如在家修行不得教婦人雞犬見之恐遭折墮其法不成只有世間人閉行藏影或為官軍行有逼迫有劫賊刀兵或被妖精相纏或有賢賈或為扶危濟難種種方便或救患人亦可得功成行滿伏侍慇懃入仙官職位加其功德不可細說如有輕視罪無邊際此文祕藏之

書符呪曰


天圓地方九二天章神筆下處噴雲攝傍吾奉北極紫微帝君急急如律令勒

逐日行持六戊神呪曰

日出東方赫赫火光六戊神符急駕雲登乘雲下降斬邪除殃天神助我萬鬼消忘吾奉北極紫微帝君急急如律令勒


驅六甲神跨南方赤馬符

將此符用硃書早取井花水於庚申日早晨取太陽未出時依前持呪書符此法昔日有真人服至三百日跨赤馬引六甲天神真至金塔殿下是時漢武帝亦見大驚遂請先生飲酒先生纔大飲酒西北上有火起先生喫酒一口救火因此武帝請先生住先生不肯住跨赤馬去便不見了如在世欲授持法者須要志心功成行滿三年之內此法應之



去住分明散影符


符依前修持呪書符服至百日自己鏡內常照相形驅呪罷將身湧便入時人不見或得滿宅上昇秘之



點劫生死運命符


此符依前篆感天師差仙童夢中急報應來

此法昔日王喬每行法時人不依後至死衆人方喪其心真修行傾城都傳持此法大有神驗也



引神離殼符


此符書服至四十九日或百日須是逐日將自己身形殼諸物處掛漆逐物而行其形離體到照此法甚妙百日功成就



投胎換舍符


此符依前書服至百日或三百日欲嫌自身醜陋衰老者將親身自見者死屍年六十七已來男女身體私是與伴作行人些小利養但教留屍體埋了自家去房作法持畢將身打一擁相新死屍去不多時新舍覺便將些小糯米粥下神竟惺惺定省自來家內屍前

照顧休教人知便同來葬埋了若欲再用之無不應也此法習時惟忌婦人見之秘之




驅三尸離體符

此符依前書服至百日三尸離身自驅不使人心惑亂作爲既除了三尸證仙位長生之道也



持符神劍獲離符

此符依前書符欲授持一道香鑪上咒罷燒作灰用淨水吞之四十九日此道約年功德後逢此冤讎冤魅一切離冤之人並用此符香鑪上度之一道咒罷依前咒更想離恨之人處逢意便獲令先學持法人者忽然不教人見秘密之法不可稱揚秘之秘之



驅六戊神將噴雲符

夫書此符前別有咒持課家符須揀擇命年逼日辰用帳幔了自己寢房不令教妻女同親人相見恐觸破了法不可教見凡夫持前法者須帳幔了淨房用燈六十盞錢馬六副食六分如此安排了揀擇庚申申子日作法授持記之高上玉虛帝君畢上卿真人秘之



右鬼鏡

凡人欲吞符服水七日前用黃錢七貼素馬七箇先去闕室中供養七日後用時須擇庚申日或滿日日未出時去面東禮拜了燒錢馬等便符服水上飄只一處隨水喫了夫習調神符一道元三界六甲靈燕之法能知吉凶厭長生不老先知禍福之由求祭福神

應靈之法日是我父月是我母五星是我兄  
太乙是我朋友

奉請東門崔判官北門許判官西門李判官  
南門鄭判官善惡二部童子大力鬼王牛頭  
獄卒小力鬼王來降道場為吾助法力

奉請星辰運日月交天甲王來降道場為吾  
助法力

奉請知地下附屍寶物隱九京地甲神王來  
降道場為吾助法力

奉請知奴婢走失逃亡人甲神王來降道場  
為吾助法力

奉請知灾星邪祟鬼魅擾人甲神王來降道  
場為吾助法力

奉請患眼可交解鬼神之語通目神王來降  
道場為吾助法力

奉請馮藏身形隱伏神王來降道場為吾助  
法力

奉請能知降伏驅道善使十二通神王來降  
道場為吾助法力

奉請六丙六乙六丁六甲神王為吾助法力

奉請六十甲子王來降道場為吾助法力  
奉請年直月直日直時直六丁六甲神王來  
降道場為吾助法力

奉請東方青帝青龍符神王氣入吾身來降  
道場為吾助法力

奉請南方赤帝朱雀符神王氣入吾身來  
降道場為吾助法力

奉請西方白帝白虎當降神王氣入吾身來  
降道場為吾助法力

奉請北方黑帝是玄武當降神王氣入吾身  
來降道場為吾助法力

奉請中央黃帝勾陳騰蛇當降神王氣入吾  
身來降道場為吾助法力


求祭福神應靈之法  
迷呪

呪星星落呪日日沉呪山崩呪地地裂呪  
水水絕呪大火滅呪病病除呪人人安呪死  
死生呪鐵鐵剛

天中符

夫天中符者本師要知天上星辰限日月交

蝕移年中旱澇得五穀相宜四時祭竈符化  
孩兒聲傍邊心報問劫念呪文遺去說在前  
符在後




地中符

夫地中符者本師要知地下伏屍盤泉地寶  
神物瘞藏闇昧難尋者當祭此符即知地下  
深淺此符化作小童子有物即現身覓了些  
物孩不度形至北斗星下全念呪祭之即現  
也




人甲符

夫人甲符者或有人家奴婢走失逃亡或走  
還不知去處本師要知去處即祭人甲符化  
作童子前向心言吾知姓名去處遠近州軍  
四方各報明矣



鬼甲符

夫鬼甲符者或有人家男女及小口心風邪祟鬼魅攪挽疼痛虎咬瘡子久瘵夜夢不祥本師要知祭此符化為童子前心報知姓名潛藏去處為遣送之家即安矣




通目神符

夫通目符者每遇辛酉日半夜子時燈下硃書符五寸絹上用灰畫壇三重燈三盞水二鍾劍一把香盤灰城一重放此通目符在盤中赤足下念前呪祭之三次了燈燒此符作灰淋水平旦寅時供養眼見一切鬼神闡將資才物色而去





伏藏符

夫伏藏符者有人家被篡賊驚散走劫一切物色去要追伏者作灰城三重劍三口鏡一面茶一盞淨水一盞念前呪一遍祭了呪曰以水向東嚙木摧折向南嚙火出滅向西嚙金剛缺向北嚙水枯竭向上嚙天柱折向下嚙地獄烈向賊嚙速足魔祭畢時賊神限至三日捉盜賊與師矣失物自來詣門請



塚墓神符

夫塚墓符者即有人家河水漂流塚墓骨殖難尋者用絹一寸上寫塚符在絹上夜至星象全時置壇場祭了到早起後得日出時觀觀墓上飛符牒隱隱入谷中往地府化童子到人住處是骨殖也若是陽人化陽人陰人化陰人只去符上辨之即知此事矣



鬼谷子天願靈文卷上

鬼谷子天髓靈文卷下

薄六

混天移地法

凡有比書者欲要行者先須積行三年積成  
齋戒香湯沐浴用雷驚震木成十二信印  
秘於正月一日子時置壇白茅鋪地展脯者  
茶酒果燈燭各十二分天籙地酒奶蠟離  
壇傍伴勿語向天門上道不許人知見於寂  
靜無人處置祭物披頭仗劍請聖默念呪曰  
密護勾那涯查真武威麻薩薄陀衍嘏顯願  
叱願叱鳴金希希咄咄

虔誠念呪靜勿懼少時變化紫雲壇畔上酒  
香跪拜受法自有王者上聖來至自然善降  
清信心禮祭畢至明將祭物自食飲餘者隨  
東流水去之亦勿人見其印方二寸四分厚  
六分錦袋盛之勿離其身勿觸穢犯天髓靈  
文經十二印信訣  
天信印地信印人信印龍信印虎信印雲信  
印風信印金信印木信印水信印火信印土  
信印凡此十二信印應用之使勿得交雜則  
應神機知此文者不脫身殼免離六道悟入  
仙鄉凡有災難不測之禍病患臨危用香烟  
度過持念一遍應時消散回凶就吉除灾去  
難

天信印



此印能開使用迴天住日留月變晝作夜夏  
雪冬雷遊日看月隨意而成將左手恰乾亥  
用右手執印天門上印一印向震天門則仙

女下降問其所願者皆成若欲日月宮遊散  
先將雲信印靜沐浴鋪淨簾用雲信印印之  
起雲乘空至月宮將天信印印開月宮看月  
仙童捧持欲迴印地若要變晝作夜將印  
用水盆中印日其日便沉作夜若要住日用  
竹杖豎仰照日不敢動要汲取印將印天南  
角即夏月降雪要住收印若要冬月雷聲印  
天心即雷震地

地信印



此印能動地摧山塌海伏鬼降神開山建河  
成溝斷澗隨意皆成若要地震將印印地戶  
上其地震動欲止將印印天罡上即不震將  
印印山山推印海海竭印鬼神鬼神告求龍  
虎降伏若要山開將印印山路立開自有山  
神引路若灾危厄難將印大道寫水字中心  
則變江河萬人不敢過若欲成溝澗將印印  
十字道印成萬文溝澗也

人信印 靈萬勝寶



此印能行兵用人決勝無窮千變萬化動使草木金石皆化人形隱異體隨意而入凡欲臨軍用人若逢林木將印印林首樹巽水一口喝變其林皆盡成人各持戈甲若要隱形持淨草七枝面向門持印先踏七星步萬人皆隱不能見形若有急難將印頭為老翁印足為童子印腰為婦人印面成走獸印膊成飛鳥隨形皆化印背成林木印胷成大石皆須用水成而若要入石木土將印之隨意所入將諸物持印噴水即見其無淨潔忌帶隨身帶水

七星禹步

後天八卦巽為地戶坤為人門乾為天門

良為鬼路

從地戶起行入天門上出萬人並皆不能見之術軍必用

龍信印 降龍寶



此印能降龍乘駕異物成龍騰雲入霧蛇蟲變化一印皆成吞雲吐霧凡要變龍將白練三尺亦印頭尾中心書龍字巽水一口喝變三聲主化成龍騎跨任意欲要止印地凡要追海獸將印印水面其龍獸出水面驅使任意若要自己變龍時將印印心上與水三口言變三聲立化成龍乘雲吐霧千里之外將印諸物色噴水要成大蛇書蛇字要成龍書龍字皆噴水持印隨意皆成

虎信印 伏虎寶



此印能伏虎殺虎使降伏一切虎豹狼蟲山中異獸兼有殺虎符有禁山術中全一卷內

若要山中猛虎食人喚夫時將印印網上於山林樹上貼之其虎伏於樹下其虎不敢動移也若要殺時印於鐵板上埋枯樹下若要追虎時將印印桃板上青袋盛飯帶其虎自追隨相就如羊若山路遠行將印印大石上其山滅迹無虎狼遠去千里之外也若要自己變虎時將印印背上噴水變立成虎風生虎

雲信靈印 起雲寶




此印能起雲登空解生五色祥雲駕雲昇天遊日看月去住自然往來得此印遍巡四大神州若有得此印法將印印之足下雲生遍地欲要乘駕雲復印雲上起一印起一丈二印二丈欲落將印印上自下欲上天看月精誠齋戒香湯沐浴將印印地生雲起至月先用開天門印如天雨不止欲生五色祥雲用青布上硃書五方金木水火土用印字上五



方生五色祥雲

風信靈印 生風寶



此印能萬里生成風行軍過舟起寨迎敵吹沙起石隨機而應用昏天暗地擬印時行迴風印則凡若遇敵用碗一隻用硃砂書速生風三字隨向擲空處用印照之其風速至摧山折木也若渡水過船用其風勢亦如前用若欲昏天暗地用上件法向鬼門用印照之黑風立起不辯晝夜若值逆風迴避將印迴風碗書迴字向空擲去印則迴

金信靈印 碎鈎寶



此印能梯金要鐵印白刃不能傷斷鈎折鎗一切刀斧無害形弓未弩到身而迴不損纖毫若臨兵陣欲敵相持印用硃砂印於白練

上七顆向陣燒灰用一碗淨水攪印灰向陣噴之及兵左膊各一印去敵印如綿刃不能及折一切箭矢至身則盡迴如要驗時用雞五箇籠裏罩定內有一隻雞翅底暗帶一顆用迴以箭射雞其帶印者不損分毫神驗

木信印 返木寶



此印能生一切草木及乘駕空中能使用木禽木獸搬運草凡駕乘材木用印兩頭噴水念疾字如枋起空欲住處喝住若圍軍陣困兵無糧將木做造一飛鳥形像付印肚上其飛禽去軍陣帶糧往來用水依前建高堂大宅亦依前用夜行之如晝勿泄漏之

水信靈印 泛波寶



此印善變水溢江興雲致雨建井移河渡海

乘波隨而所願若求波浪祭水宰白馬帶駒者向北祭用印印鐵劊上投江河中不移少時雷震降大波濤若值大江河欲過將印印於履若建井迴河將印印地面上其水自至矣

火信靈印 列陽寶



此印能發萬里火灰木燒山焚管燠燬火。火炎起烟滾海煎波凡用火印夜行之若起萬里火將印印南方丙上取氣吹印上向方位照之其火從印中出焚蕩無涯欲滅水印救之欲焚舍室草木用印印青紙上累圓石人投擲於室上火發無救若避難逃形將印

印山大石立成火山也

土信印 長春寶




此印能生一切草五穀菓實瓜菜能印土成金變石作玉入土印印地將五穀種之噴水一口生二口長三口成形像四口結實五口熟若更種諸菓木亦噴水一印水一口生七尺七口水印成如前法用印印石成玉印土成金印枯木生芽印樹冬月開花發隱地入玉無不在也

此書天之祕文出世離凡之妙法若修仙求道之士知此文者奪一紀年功燒金鍊藥無不成就凡行天髓靈經須精誠齋戒斷五辛除六害積脫塵之福行修其之功德勿輕視靈文已汗穢觸犯禍及身矣若傳下士罪深無疆萬金不傳之秘也

天髓治國安邦章

此書能治國安邦馳名遍世無窮自在千變萬化出有人無撒豆成兵撒草成馬一夫法敵百人起風雲攘氣色變晝作夜迴風住雨續骨接筋驅一切鬼神常握乾坤都於目下若要離凡超聖乃上天擇也凡欲行法積功行度眾生忌

五辛持大呪敬神祇隱凡世勿泄天機精解義奧堅心守志此法行能住世鬼谷子曰上士得之乘雲上昇中士得之鬼順神驚下士得之掌國權兵莫泄天機名太清真人行用此法先齋戒沐浴嚴潔精誠於孤靜無人處五月五日七月七日三月三日應吉重日置灰壇祭物于左



灰壇

此壇三重外方二丈四尺第三重內方一丈二尺於北斗下置用之五方旗子各按五方位用祭物置壇上鹿脯七分酒七盞食七分果七分燈七盞淨水七盞香花供養茅香鋪地更用野狐心一具老猿猴心一具野鵲心一具鴛鴦心一具  
右件四心托在壇畔斟酒上香對北斗披頭伏劍持呪咒曰  
奉請北極大帝真武將軍速令下降助吾神

力急付壇場馨香珍味吾奉帝勅行法于世急急如律令虔心獻酒焚香少時有紫雲蓋壇雲中忽見青足勿驚祭畢時將四心用盤托向壇前祝曰孤心靈靈極意清靈知靈怪聽吾令行真鬼勿散靈魄同生式付杵曰碎汝冤精吾今使用一一皆成急急如律令勅

右件祭畢雲收祭食隨東流水去之用杵曰將四心搗之祝曰藥靈藥靈吾奉太清逢人人死逢鬼鬼驚千搗千聖萬搗萬靈立降真氣使吾上昇急急如律令持杵搗千餘下後入藥同搗


鬼曰半兩 鬼箭半兩 鬼扇半兩 鬼督郵半兩 雄黃半兩 人參半兩 茯苓半兩 龍腦半兩 麝香半兩

右件搗羅為末鍊千歲松脂為丸硃砂為衣如小彈子大如修合時並不許雞犬婦人孝子見之觸犯著此藥飛走變化用錦囊盛之甲子日早辰左手持一粒念咒一遍用關心符一道調淨水吞下一粒次念

呪曰

符水清清造化身成入吾五臟助吾克精千年不朽萬歲莫傾吾今祝呪換吾身形金丹一粒立去天廷急急如律令

開心符燒灰調服



此藥名換殼丹又名視鬼丹初服一粒雲行四步五臟六腑表裏通徹行汗出熱水浴之。第二日二服似覺渾身毛竅如針刺熱痛三日下血三五升勿怪之換血臟服至七日藥行泥丸宮換腦髓頭痛如劈不可忍也服解痛引子

人參 茯苓 石膏 赤箭 甘草 附子 木香

右件各分俸為末乳香水調下二錢日進三服則止慎勿飲河水至百日任意服藥經二十七日渾身變換體輕身健眼如碧桃臉若紅蓮走如奔馬三七日心開無物

不知無書不解心開意朗眼中夜放一丈光明出現十里見鬼神狀日月中烏兔心如達知未來之凶禍神人自告百日功成千變萬化坐在立亡隨意而用 猛獸符




通身符




若臨安危自己要變百尺鬼神時將符書就星忝之飲水渴言長百尺青身萬人皆懼也 右凡要變百歲翁將香水忝成皓首翁矣

老翁符



天隱符




若要隱時書就此符向日吞之即時隱矣無人得見每月一度吞之

戰勝符



如交敵要槍刀斧不能及將符書成四十九道燒灰用水五七碗攪勻教軍人共飲之皆不損身體刀斧自斷折著身似鐵石

神兵符



若臨軍過之先用香鑪一枚須要淨水一椀向北用皂旗七柄鼓一面師人皂背子披頭念呪執筆書符想自己真武形像符成就燒灰爵舌噴血并水符灰向北方振鼓搖旗教

衆軍叫聖字果風當北方軍軍兵皆成一丈  
鬼神青面黑殺將軍百萬軍不可當也有河  
莫過過則禍矣呪曰

壬癸將軍助吾威風千兵浴體立化神身逢  
山山碎遇海竭津吾奉真命不得久停急急  
如律令勅

右件前行藥神呪並是精思用意勿差錯  
但是符錯呪不真藥不精則不靈矣

凡有世人命帶鞮鞞馬將軍有權握之人  
若遇此書立國安邦功勳遍世天人可動

草豆法

若要撒豆為兵斬草為馬縱橫自在萬里蕩  
蕩無憂依法用兵於七月七日五月五日依  
前再畫灰壇香盤淨水大豆一斗二升淨草  
一束安於壇心披頭作呪從此夜初起念呪  
至五更收壇了畢每日淨室焚香持呪至四  
十九日臨欲行兵行住坐卧默念一遍此法  
立成從壇心用香度草豆呪曰  
天真救奏驅使草豆大變神兵為吾行營急  
呼速至不得久停聽吾神呪各付真形神水

一 草豆變豆成急急如律令

右件先將草豆呪香上度過念呪七遍噴  
水吾於草上言攝攝攝聚收壇持天羅  
呪四十九日持千過每日先服起靈符一  
道後念呪畢日自驗之

起靈符



早辰硃砂書符燒灰用淨水向日吞之默念  
天羅呪唵去薩佛唏薩佛夷霞紛紛絀絀  
叱迦吽呢耶但姪陀羅陀羅囉嗶嘑嘑嘑烟  
無夷鉞飽跋飽跋利囉呢曼茶嚕呼勾那茶  
持呪時先須齋戒沐浴焚香日念千遍至四  
十九日足將草一把約一百二十莖大豆一  
升二合於淨處將草撒於寬廣處無人之地  
試法念呪一遍披頭天符噴水將用刀子細  
割噴水一口喝七聲變人七尺變馬五尺用  
兵多少隨意加減如持呪至四十九日呪成  
自聞草人之聲是驗如變人將使用行戰東

勿至林西勿至金山勿至山謹正如此是真

五形返法據凡人用之切記返禍矣急急呼急  
應若遇甲子旬呼六甲神本命日用銀錢細  
馬祭之依如軍令中要精嚴若得上卷凡百  
觸犯禁戒產婦腥血並不為害若曾習六壬

道甲自知逆順若要歸形將呪倒持一遍後  
念遠呪一遍自成草豆還真呪曰

草豆靈靈速化本形吾今祝呪各歸太清急  
呼急至所願皆成急急如律令


呪畢噴水噴軍自不見矣若軍卒要馬但  
靈神廟宇中焚香借但用緋絛綳子繫一  
紙馬脚根上如真騎用自然應用驗過夜  
依然用草喂之勿近穢污水漿傍畔壞法  
矣

借馬呪


速仰告應靈神借龍馬足踏青雲千里渡江  
塵急急如律令勅  
廟中焚香將故紙馬異各用緋綳子繫了  
日行千里不倦過水解下過了却繫如遇  
敵若無槍刀各人持小沙石土甄瓦向陣

拋擲當有自損力加萬倍若值無糧草書  
鍊腸符燒灰向水中飲之則不飢渴力加  
十倍百日不飢馬已用之如用開腸符一  
道已如前用則無害矣但若行此之人但  
有安淨眼前藥心開自曉解一一精細驗  
用勿差互萬無一失矣

鍊腸符



開腸符



凡欲超凡出世此書神仙機長生之選路租  
父子勿傳千金勿示太玄妙術玉帝靈文焚  
香念呪鬼怕神驚人若授者得福無邊洞曉  
乾坤明達五行知陰陽逆順若傳萬載祐國  
助君保天下當有長存世不俗通能曉天之  
意善解鬼神機但得此書錦袋盛之常令供

養乃名山洞府巖穴中隱閉收藏得三五年  
有香氣出於此地靈花芝草自然生金玉成  
形凡有諸鬼祟邪魁魍魎狐狸山魃纏綿不  
去者但將此書焚香度照其諸凶禍奔走他  
鄉粉骨碎形無不應驗若有志心人傳授須  
齋戒良善清潔不淫精信心禮對天尊設誓

十六

十六

積行救人可以傳授若傳下士庸愚禍殃九  
祖凡世之萬物惟人最靈最貴象天地五行  
造化成陰陽交感精血成就故自假合完形  
有生上聖帝君不能此寓形宇內亦知歸  
往往愚士歷歷頗周不曉造化或服金石望  
脫殼飛昇或鍊氣運用望延年住世或聽邪  
說居山絕粒然是神仙之法亦有飛昇住世  
得此者宿世靈明之胎塵外長生聖體自感  
人妙訣天降長生之術變動仙機通解聖意  
似此觀之萬中無一餘者愚人不知聖理妄  
學明人狂作聖意累劫白骨過於須彌山積  
世孤寬北卽餓鬼又不知死限目前由望長  
生住世神仙有限可修歲遠可待古今世人  
知生不知死寄塵如盲目登山居世如夜行

涉水有悞徒學沒於苦海吾合留術於世也

點檢法

凡欲長生住世不死之道須知命運遠近方  
可修真養命去除死籍陰部無名玉策添字  
吾入仙鄉不死之道

十七

右點檢術先齋戒沐浴七日至三月三日  
未日出時執刀斧於山中採荆杖一百二  
十莖各長一尺二寸五色線繫之封裹東  
南角懸之勿得觸汚又至五月五日日未  
出時又採杜荆杖一十二莖各長一尺二  
寸五色線繫之封裹於西北上勿令觸犯  
又七月七日日未出時依前採荆杖三十  
枝各長七寸五色線繫之懸在東北上不  
得觸犯又九月九日日未出時又採杜荆  
杖一十二莖五色線繫之封吊西南上勿  
令犯汚右四次將荆杖各吊方位不得交  
雜不潔勿令人知見至十二月一日夜取  
四位荆杖於淨室中供養持呪常夜不闕  
夜用紅花油燈七盞九蒸九曝燈心二十  
一莖然燈七盞香花果茶淨水各七分從

月一日夜供養荆杖常夜焚香念呪七遍  
杏度荆杖呪曰


靈荆靈荆土木長成吾今齋祭要汝知之知  
某年命現在靈荆十月則現限到無形吾今  
祝呪聽吾令行急急如律令

右從十二月一日夜起如法供養念呪七  
過常夜不闕至十二月三十日小盡二十  
九日守至年除日五更初時燈七盞合為  
十一盞於室內無人知見獨自西北持呪  
一遍跪坐將燈向南明照一駢白壁或屏  
面將先一百二十莖荆杖除當年外數手  
持一枝向燈其影現壁上便過再捨一枝  
如前至命終盡之年其荆影不現用紙筆  
記之次將第二次採者十二莖荆杖香上  
度過祝曰敢告杜荆願吾祈月如前照之  
至限無影亦以記之次收第三採者三十  
莖依前告祝至限上無影記之次取第四  
採者一十二莖依前祝告至限無影切記  
紙筆將荆杖斗下燒之將灰並獻祭並隨  
流水去之積功修行至限盡年月日用鬼


谷子還生法穰之死籍除名長生住世不  
記年月入仙之道與天地同畢共山河齊  
年自古達士皆行此法長生成就還生穰  
死法至限年月日前齋戒沐浴於淨室內  
鋪蓆藁二寸厚枕七寸頭南絕粒不語卧

七日服鐵腸符至限前一日於合作墳處  
掘地深二丈四尺墓前棺槨五穀各一升  
二合放棺內至日棺內南首卧伸足至時  
都假符要五穀批內辰下散髮右手握黃  
土一把口內含水針一口左手恰乾亥地  
字出墳向鬼門足踏七星步便去勿迴頭  
千里外陰部除名玉榜上添名世人皆見  
死矣此穰假還生法勿泄天機唐時軍人  
候獨翁得此法穰之住世九百二十七歲  
白日駕朱鶴飛昇至後諸仙經內並不載  
此術七星禹步鎖腸符並於卷前不重載  
都假神符合付於右前用手內土口中針  
離百二十步去之無畏

都假符



右件前符用十二月絕養已身一道朱書  
展於棺內載於已形皆不見自己身死於  
此也



造化靈藥

此藥乃神異之書有通神驗聖奇術驚耳駭  
目之靈方觀其夏雪冬雷興雲致雨隱形匿  
貌變白延年有謂藥術之精微天書之玄妙  
者惡人得之樂然爾如磁石引針琥珀拾芥  
河車伏承揄耳採金陽燄取火獺膽分盃解  
黃聚鼠竒方豈是聖歟蓋以藥性相扶氣類  
相感使之然也此方鬼谷先生所載又兼前  
術時有驗者多乃揀去集為秘要藥術摘太  
清之玄章遂以墨子之要心搜世藥幽微乃  
術於世秘密流傳以成天髓靈經還性命若  
有其人我死未滿七日然已死未爛壞者服  
一丸者無不活矣如人患將死與一丸無不  
効以三丸納口中須臾便活口齒灌藥無不  
活有邪鬼帶一粒立去如修合先須齋戒如

健人服之延年不老名之曰

太一返魂丹

雄黃 雌黃 丹砂各十分

置於生竹筒中埋地中丹砂用竹筒埋在  
南面雌黃在北雄黃在中心各一竹筒口

以雲母粉塞之土三寸蓋竹筒頭上用灰

火燒七日七夜化為水花未化再用火氣

呵取成爲限右將三水置銅器之中夜於

露中日出取之又下井水三尺內三水中

入天雄末五升修養藥候紅色一丸如十

二升鯉魚目大金器盛之部老松根養三

年後以祭之而收依前秘法用之

驅役靈鬼

凡用紙人之法須曉鬼神之機呼使自在出  
入行厨隨意東西要者之物所取皆得先通

犯法欲死之人已前酒食思之各得其名姓

年月日時欲赴法見一面與錢紙勸酒其犯

法人須謝言之意便向死人道與公即曰無

恩爲公靈明故來相訪既君知意與聚靈柩

一道暗與丸拋酒中與飲之罷言汝欲命斷

歸聲而來其人知意法場對面五十步高望

見處手執大鏡一面周圍一尺二寸明照著

犯之人鏡面上書招魂符欲視刀過命既念

咒呪曰奉請北方犯法之人一炷念三遍取

炷吹於鏡內用白練繫鏡至淨室中此夜用

三盞香美酒食祭之於傍將鏡對燈呪曰

真靈速現本形吾今嚮祭要用隨聲鬼

鬼勿散救汝還生

念畢將鏡執向燈前現喚其名姓與其酒

祭食彩畫其像暗處常以嚮祭香花供養


要使用剪紙人長七寸呼名立至付其紙

人如其人使用無異壘七人可以動用驅


使其招魂聚魂二符令人魂魄不散爲丸

飲之

招魂符



歸魂符



取六月一日鷲巢中雛口中蟲七枚螢火蟲

七枚三月三日取科斗一十四枚陰乾烏卵

開破去黃留清將未投中却封了合雞抱之

其雞叫也盛取去器中盛之如用取一大

豆來津唾塗於頂上夜有百尺霞光畫有紫

雲如置藥指甲中則指物色如箭如射用蟾

血和塗身夜作一塊火置口中唾則亦火出

六甲日造如要燒一切舍屋諸應情燒物用

藥一刀圭書塗上至夜則火無救如將小石

置藥少許沉在井則火生於井底水無害

要起毫象白氣

凡欲眉間現毫頂生白氣蓋乃先聖之作也

非凡俗所干今用之藥亦是受日月之精華

天地之秀氣成物之餌可以造化而成故鬼

谷先生留術秘之勿泄

眞陽起石十雲母石七白英石四鉛白霜分

海浮石錢

海浮石錢

右件各以溫酒洗過庚申日搗為粉辛日用白蟻蝻蝻下有八字一枚去腸安在中又海螵蛸如蚌大者二枚磨令一合封安在內置泉水中養七七日藥成候泉出白氣聚之成也如日未足封中有水再取拭乾用蠟固封口停之則自成也去海螵蛸只取藥停於銀合勿透氣如欲現毫將藥置一麻子大用津唾塗於眉間白光自現毫象光輝如將一米大置茶酒中從盞中光起數尺置指中向日光從指中頂上白炁置諸物亦以現光也

登波術

右件取五月五日黑蜘蛛十枚如至日即難得時可以預分布人亦使捕之至其日暮著一不津器中以豬脂二合在內蜘蛛自當食脂盡至七月七日取水馬七枚水上長脚者是也復和上件蟲物一處於瓶中埋舍北陰乾百日值成日取藥置在竹筒中盛如江河急難取一刀圭塗足下走水如登大石諸經少有載者無聖二術不

同常術

啓扉術

右建日夜半子時取小兒墓上木禹步斬之向北削長七寸三分將五采衣密藏之用披頭髮以手摩門戶即自開并一切鎖鑰又五月五日取黑犬舌并齒陰乾以虎脂塗百人手持之辰行入人家不能見手捉犬尾不吠不咬人指卧人不能起睡人不覺也勿泄非人此法記耳

脫殼現形術

凡行此術者先於靜室內置坐位面前吊大鏡一面從甲子日起每日淨心對鏡中形象行住坐卧想在己身目前在真形早辰先服分神散後對鍊神行四十九日常想留一神在鏡中書現形符一道在鏡面上埋於大門上深七尺七寸鏡器中物蓋之欲起形時令將小鏡子書現形符於鏡面上吹氣一口懸於室中任意東西去住室中自有已一身或坐或卧或立收鏡自己收之他人即見見人合一身也

鍊殼分神散

蛇退皮一條全者五蟬殼七枚全者六龍骨月五日收白茯苓兩枚神志兩枚陸花一伏翼心一具洗焙乾

右件為細末每服一錢喫藥時並不得吹攪喫至十日覺昏沉是驗也服之四十九日為定更不重復餘藥隨鏡埋現形符



右件將此符硃砂書於鏡上想如己身在鏡吹炁符上自然現現於此符絕上書時勿觸犯云一一精誠鍊形鏡內足四十九日要成如是不虔恪則難成矣一人分身如前說坐卧之法坐則倚壁低吊鏡則則橫符立則高懸想己身之法也

異容

若人有危難不測之灾未能建法成就急速異形遽閃一難須用此術



故笠子一箇燒號丹一箇白馬蹄甲一箇燒灰一箇蔭子花  
除老章鹿根二翼翅燒灰一對

右件六味各為細末將一半置青膽中懸  
東門七十日如急夜去一核大藥用津唾  
塗於面上明日妻男認不得更將前煎藥  
時面東調時不得睡攪喫不得吹家屬不  
識矣

### 知命丹

若人修真習道須知死此藥則有驗或前七  
日藥鼻中出有神聖之靈

辰砂一錢雄黃 乳香 青木香 安息香錢一  
伏神半錢遠志錢一石蓮錢一萹蓄錢一茄錢一人參錢一  
半蓮子仁七太一禹餘糧錢一

右件一十二味並依州土持擇淨於甲子  
日夜時不得雞犬婦人見面向東不語搗  
羅為末用石蜜和成塊念三清玉帝敕三  
萬遍搗三萬杵於東南井內離水一尺至  
戊子日丸為雞頭大至後一旬甲子日甲  
辰面東焚香念本命星官三百遍吞一丸  
水下並不得食五辛酒肉房色至命盡七

日前其藥從鼻中出或夢中人告之自喫  
藥至命盡垂不滌疾立坐而化秘之

此書蓋天下之玄文中髓自古及今超凡出  
世掌國高賢皆以得甚妙自曉天文得其至  
道如得此者亦非今過蓋是宿緣莫能人視  
福應無邊收者吉昌世有金玉非為至寶有  
神王萬載昌祕之

### 鬼谷子天髓靈文卷下

先天玄妙玉女太上聖母資傳仙道  
聖母告老君曰夫人受生於天地中有清有  
濁氣之清者聰明慈仁氣之濁者愚癡凶虐  
明者因修以成性味者恣慾以傷命性者身  
之源也命者身之根也是故修學之人鍊身  
於九丹解結於五神引炁於本生滅根於三  
關九鍊十變百節開明胞結斷滅乃知本真  
而成上仙也若不修學則邪魔入身百病競  
生死不盡命痛手難言夫仙由心學心誠則  
仙成道貴內求內密則道來能致靜以學真  
積虛以通神則仙日近矣苟心競神勞體煩  
不專動靜喪精耳目曠明徒積稔索道愈  
遠也寄寓天地間少許時耳若能攝炁營神  
辛苦注真久將得道則與天地共寄寓於太  
無中也能洞虛體無則視之不見聽之不聞  
乃與道合真矣老子曰今混跡塵寰欲長存  
不死隨世度人可乎  
元君曰吾有祕寶非聖不傳有能修之可以  
長存老君曰願聞其致  
元君曰至道淵奧深不可得識匪有匪無匪

聲匪色視之不見搏之不得囊括天地至人無極近在諸身莫之能測能知其則是謂玄德老君曰其道亦有術以致之手

元君曰道者虛通之至真術者變化之玄技道因術以濟人人因修而會道則變化無窮矣夫道之要者無為而自然術之秘者符與炁藥而已符者三光之靈天文之真信也藥者五行之華英地之精液也炁者陰陽之和粹萬物之靈聚也人雖得一事未畢要資符藥道乃說此吾之秘寶耳爾能兼之可以長存度人無量矣

老君曰身者得道之器也炁者致命之根也根接則命終器敗則道去今欲修之今命固道隆可得聞乎  
元君曰人稟骨肉之質猶陶家坯也坯未治則敗速身未鍊則命促理固然也縱使德冠羣有神疏大玄而身猶恐未免乎老死夫何故由化致然不得不然也惟藥能鍊形符能致精神歸則心通而性逸形堅則炁固而命全然後化炁變精洞入無形飛行虛行存亡

自然乃能長存得道之人雖遭劫交天地崩淪而灾不能及所以貴手符藥者由此也  
老君曰服神丹而得長生者神靈佑之手將藥之力也耶

元君曰長生之功由於丹丹之成由於神故將合丹必先正其心不履罪過神明佑之作丹必成神丹入口壽命無窮也矣天地明察道歸仁人萬兆蠢蠢名曰行尸不信長生之可學謂為虛誕從朝至暮但作求死之事天豈能強生之乎恣心盡欲奄忽輒死千金送葬何所益哉神丹道成不惟長生而矣亦可作世之寶也知此道者亦安用天下為人有以國易吾方而非其人不得也  
老君稽首曰願聞其旨

元君乃仰天而嘯條忽有紫雲如蓋自天奄至中有五色蘊光明八達仙人涓子侍之  
元君披出神圖寶章變化之方還丹伏水大汞金液之術凡七十二篇以授老君金液之術聖母玄妙玉女曰神仙之道不在祭祀禱鬼神不在導引與屈伸不在呪願多言語不

在精思自苦勤長生之要在神丹知之甚易為寔難子能行之可長存此之道成立得仙吾亦學得非自然金液之術其文曰一為玄白生金太太陽珠入華池斤內五兩文萎麩赤鹽白雪成雄雌五符九丹得之飛真道

在此人不知五符者一曰玄白二曰金精三曰飛符四曰金華五曰三五青龍精九丹者一曰白雪九轉還丹二曰雌雄九轉還丹三曰金液九轉還丹四曰白華九轉還丹五曰丹華九轉還丹六曰五色九轉還丹七曰泥汞九轉還丹八曰金精九轉還丹九曰九鼎極耀還丹此九丹得一則可以長生不在編作也神丹之道皆三化五轉至九而止得服之者與吾等矣九丹同為昇天之道然九丹中金液為上服九丹之人或三年二年一年半年百日六十日三十日十日三日乃有仙官雲龍來迎惟服金液者入口則身色紫金立生羽翼昇天為仙矣雖先長齋斷穀一年乃得服之自非有玄中之籙及不死之名者終不得聞九丹金液之道也其法依前合

丹金成而液之其道畢矣此吾之秘寶也

老君以道授尹喜曰夫大道守其三品為則

以一為度以正為德子能知一萬事畢閉塞

情欲入與室鍊金食炁為第一子能知之守

勿失又曰至真上帝莫不由金丹而得道履

九幽而入香冥上下虛无因神明而俱昇

老君曰鍊金食炁之道天地之精華陰陽之

根本二炁之謂也陽龍陰虎木液金精二氣

交會鍊而成者謂之外丹合和鍊藏吐故納

新工入泥丸下注丹田循環不息朝于絳宮

採於五石以哺百神此內丹也合和鍊炁修

道之士得內丹者可以延年得外丹者可以

昇天三一九思者內修之要也九丹金液者

外丹之極也合而修之道成決矣食炁訣曰

食炁固精受明玄經生道要妙出幽入冥上

因雲門下因靈根知者甚易行之甚難夫形

動德散氣越道叛精消為損目動魄亂是以

聖人靜形固炁畜精受視則道德虛靈鬼魄

固守形一神萬道乃成就常以半夜之後偃

卧握固鼻納清炁口徐吐之復守三一入室

九思神定氣安仙道近矣因授喜玉曆中經  
三十五章

老君曰三一之道神仙所重世莫得聞子其

秘之兩眉之間却入一寸為明堂二寸為洞

房三寸為泥丸上丹田宮也中有赤子字元

先名帝鄉心中為絳宮中丹田也中有真人

字子丹名光堅臍却入三寸為命門下丹田

宮也中有嬰兒字元陽名玄谷皆長三寸同

服赤憤赤衣赤履此三一也上茶中赤下黃

狀下一座金床玉几常以金爐玉七攪精華

以哺上一中一當晝夜存之也子能長生三

一當明子能守一一亦守子炁變為精精變

為神神變為嬰兒嬰兒上為真人然後為赤

子此真一也又曰偽道養形真道養神神真

道通能亡能存神能飛形亦能移山形為灰

土亦可識焉耳目聲色為子留想鼻口所喜

香味是寃身為惱本痛痒寒溫意為形累愁

憂憂煩疾去之則志氣日耗壽命不延其

來久矣子當先損諸欲莫令逸閑居靜處

精思齋室丹書萬卷不如守一常以虛為身

以无為心无身之身无心之心可謂守神守

神玄通是謂道同其猶高山大澤非欲蟲魚

鳥獸而蟲魚鳥獸歸之人能虛无无為非欲

為道道自歸之矣又授喜太陽金真九鍊之

法謂之九室存思第一無邪思第二正身思

第三致政思第四大正思第五極正思第六

身正思第七正真思第八洞玄思第九大洞

思入此九室行此九思即與太陽合形同鑠

於道喜拜稽首敬佩玄旨喜疾辭去官奉遊

老君歸家拜拜請益

老君曰子欲修身養性行道紀形結炁成神

終始無窮者莫先乎靜故天靜以為定神靜

以為變人靜以為生將靜之時返聽內觀心

不妄念口不妄言形不妄動無色之色為之

見無聲之聲為之聞無味之味為之甘不言

之言為之教神景為之降福德為之藥和氣

為之應矣子欲靜神先沐浴齋戒二十五日

然後精鍊己身寬冕和平乃可入室入室之

後或丹蛇來著子心或王母來降或道身應

現此身中之神試子耳但勿驚怖有問勿對

有所傷犯亦勿為懼但安心定意其物自去  
經二十五日四十五日六十日八十五日一  
百五日一百二十五日一百五十日一百八  
十日並有神來皆是試子但安心勿對不能  
為害若生怖懼為試不過則失道矣戒之戒  
之一百八十日後室內自明安危存亡之事  
無不預知身中官府一一顯見二百八十日  
後眾病皆除一年之後癩瘰皆滅千日之後  
形神俱妙為真人矣

老君曰吾遊乎天地之表戲乎玄冥之間有  
維八極上下無邊子欲隨吾鳥可得乎喜曰  
入火入淵入地上天及身沒命願隨大仙  
老君曰得道之士目能洞視耳能洞聽變化  
不測隱顯莫定尚未可隨吾遠適子雖骨相  
合道法當成真然受道日淺未能通神安得  
變化隨吾身喜再拜曰通神變化之道可  
得聞乎

老君曰有生之炁有形之狀盡幻也造化之  
所始陰陽之所變者謂之生謂之死窮數達  
變因形移易者謂之化謂之幻造物者其巧

妙其功深故難窮難終有形者其功顯其功  
滅故隨起隨滅知幻造之不異生死也始可  
與變化之道子能精修此道體入自然斯可  
與子行化諸國耳即以道德五千言授之  
老君重以除垢止念靜心守一之旨戒之言  
訖聳身空中坐雲華之上面放五明身現金  
光洞照十方冉冉昇空而去

先天玄妙玉女太上聖母資傳仙道

思印氣訣法

薄八

印封山川河海江湖光印齒十二通向所印  
地左手捻都監訣閉氣步九跡若山川者思  
作鹵簿天官吏兵隨方色皆持鈎鑲鉞斧大  
行分散山林間炎山如獵狗關目廊山林木  
口吸氣內左咋微吞氣自中新鍛林神三人  
衣赤憤在口中三舉目大視三吸氣咋三吞  
氣三人主引氣如牽縮入口中羅網口左咋  
吞之入腹中山川河海江湖皆三舉目營五  
吸氣三咋一嚥氣滿吞之合九咋然後口吸  
氣向印祝二十八宿三官約誓黃神越章十  
二時百二十禁防令氣聚精縮氣印山崩  
印邪邪消印鬼鬼死印叛叛亡即還印盜賊  
刀兵毒疫及諸山賊盡皆摧折便左手持印  
封之閉氣二十便持印去以某口四面吹惡  
氣左手書地作井字去勿顧存肝中三人衣  
青衣赤憤鈎鑲鉞斧存心中三人衣赤衣赤  
憤鈎鑲鉞斧存肺中三人衣白衣赤憤鈎鑲  
鉞斧存脾中三人衣黃衣赤憤鈎鑲鉞斧存  
腎中三人衣黑衣赤憤鈎鑲鉞斧手抑頭視

目歷山三過畢如法氣數以百二十章印懸  
官法常印竈前井圍附左右人家奴婢叛及  
去絆馬皆當順封其跡必去逆封其跡必還  
雷電霹靂在人屋舍左右前後先三吸取霹  
靂邪氣爐印中封宅四角克止

惡人欲擊人以印封其命上

若疫氣流行以真朱投印齒中封人門戶上  
若封符廟當入廟檢都監訣閉氣向四面吸  
廟神畢靈印齒上印五酉送鬼法若有山石  
及大樹比伐之爲作穴足容印以竈土若酒  
和之著於穴中間閉氣十二息禹步印之呪  
曰

太上老君千兵萬騎收捕天下大樹之精萬  
山之靈靈龜靈龜應應天下五百狐狸  
老獼伏死天罡下斬頭截舌不得動作急急

如律令

惡人逆吏當見中傷封之法見逆人便引左  
氣十二加右以印向之仍進三步閉氣三通  
閉目一氣使心呪曰  
天道通我日月利我星辰係我四時養我五

行成我謀議呪惡人逆吏伏屍天罡下急  
急如北斗越章律令

封門戶斷鬼法作文章擊穿如印大赤土著  
中向人家商角微羽上印之畢禹步著門上  
字向外呪曰

里社邑君道上二玄三元四始甲子諸官君  
門伯戶丞直靈君宅中里吏青龍白虎朱雀  
玄武天一貴人六合天后道民某甲家口如  
千人今居某里中與太上有約天師有言使  
甲家從年竟歲無他灾患縣官消伏逆惡滅  
亡盜賊者絕口舌不生水火伏死又却五兵  
陰陽利幸男女貴昌宅中安穩無有羣殃吏  
兵比斗與日月列行印神真符保以金剛急  
急如律令

法解考陰灾當天罡加灾者以今日之神名

呼三過閉氣極息印向天門左足加右迴進  
二跡三呼太上無極大道太上老君太上三  
氣君王陛下天師祭酒受天之經素天之紀  
四時五行斬無道之子千精萬邪伏不敢起  
急急如律令

名山大澤符廟封之法向王散髮禹步三過  
閉氣二十四便視天見一人長三千萬丈鳥  
衣赤幘手持三五神符來集印上狀如二寸  
一分亦取土著上左足加右九躡上次以印  
向鬼次土著廟前去二十步許閉氣三過一

呼左太上下玄老太上收汝竄急急如律令  
若去廟遠者可以印內懷中三過閉氣呪印  
三五列行北斗縱橫三台五斗今在我後千  
鬼萬神莫不越急急如律令

若天行時病危急以印宿靈著案上一宿旦  
以香水一斗亦可五升洗之以真朱粉之往  
病家未至三五十步存心爲火在前徑往燒  
病人家屋令目見蕩盡次存腎氣作水往殺  
火次進視病人左手捧心呪曰

君子真何以太上生汝便以左足加右引左  
氣十二加右以印印額上氣止厭光怪者以  
印內懷中白紙著竈上以清水一升著竈前  
次閉氣三通以印泥上過左回轉閉氣而去  
若千里外速行不得陰闇恐懼不安可取井  
中土一斗著器中令乾搗平旦以印印之向

東閉氣捏固丸過還土著井中

若仁人復家慕不安可以具朱著印齒中以白素辟方一尺印之遂封著隧中次作著床頭無鬼不安穩千神皆懼樂復連斷絕

若蠶不收女子不宜蠶及宅中虛耗可以鐵

人各二枚埋著竈中以印印向王次土甄辟方一尺印之著圓前去圓三尺以印字向王也

若家有火厭之者以大板長一尺二寸廣七寸朱書上作元官考生君天帝精鬼神懸著

○圖前古

若天灾疫氣流行鬼殺人千師萬術不敢禁可以青竹十二節著井中斷之竹節長三寸三分一宿取之以白米三升酒三升著器中又一宿次以竹著酒中又一宿平旦以一合與一人服之皆令王日作之服之向王服若家水淹則不行大家饒人口別住心可房房各作斷之一法天罡日取井華水一升向王再拜印著水中散髮東向以左手三攪水令轉以右足左御髮便却步二十四跡以

水投竈中勿令人知之

思印氣訣法

北斗治法武威經

薄元

隋大業末英雄各起野狐豹變白衣龍驤當龍蛇起陸之時虎視鯨吞之始有臣未蒞者則遠清是也時清在布衣游藝伊洛隱德藏機亭亭出澗之松落落凌霄之栢泊乎武德初載清為理亂之臣於東都洛陽中夜忽有一人投門清秉燭伺之見一人頂五色芙蓉冠服九炁雲霞之帔手執靈文一卷命清曰吾九天玄女也吾知子好道志氣絕倫故來度子與子武威靈文乃天剛神法爾若行之臣輔聖明之君當龍戰十數年間公建大業安康萬有天下傳名出神入聖流芳萬古言訖騰身雲路鐘鼓簫韶並作清長禮望雲間而別靈風竟滅雨斷雲膏切觀玄女祕文潛於斗室以日繼夜一年以來俄通至術用在一人之下智出萬人之上皇唐開業克殄妖氣四海鏡清九河澄碧清位封行臺左僕射爵位上公莫非此術之效也術曰北斗十二星而聞其九迴日時與八節隨天罡而

左躔常居於丑七星一隱一現者輔弼星也七星明則天下安一星暗則隨其分野有灾宜謹伺之以觀變異非人勿傳故而受之妙存口訣斗星見後

第一天樞名魁字倉狼主天元并身管室壁

奎婁四宿屬秦地徐州分野為天之太尉子生人屬之

第二天任名魁字巨門主地元并陰刑管胃

昂畢觜四宿屬楚地益州分野為天之主宰丑亥生人屬之

第三天柱名魁字祿存主日元并福管參鬼

井柳四宿屬梁地冀州分野為天之空司寅戌生人屬之

第四天心名魁字文曲主月元并祿管張星

翼軫四宿屬吳地荊州分野為天之遊擊卯酉生人屬之

第五天禽名魁字廉貞主江元并官職管角

亢氐房四宿屬越地兗州分野為天之斗君辰申生人屬之

第六天輔名魁字武曲主河元并壽管心尾

斗箕四宿屬燕地揚州分野為天之太常已未生人屬之

第七天衝名魁字破軍主海元并妻妾管牛

女虛危四宿屬齊地豫州分野為天之上帝午生人屬之

第八輔星姓精常諱上開字正廷主察天下

萬國九州執政大臣罪福功過屬燕地并州分野

第九弼星姓幽空諱冥陽字幽家主察天下

萬國九州執政大臣罪福功過屬周地雍州分野

十二命人或或急難但念七星名字其灾悉變為福七星在天為帝車四星為璇璣三星

為玉衡天子有道其星大明人君失政神光晦沒惡氣相干妖星間出則視其所在謹伺

之以觀變異

金守金銀銅鐵錫貴木守五木九稼熟水守

鹽貴川溢時行火守炎燒城郭土守國土分

裂人臣受殃彗守天下兵戈起又守上輕下

臣守守君政微忠良去五色雲守天下大殃

兵起青雲守國受福赤雲守國火燒城邑黃

雲守國有干戈白雲守國血光遍野黑雲守

國天下大水五色氣守國天下大灾青雲守

國兵起中原赤氣守國干戈起白氣守國人

民飢黑氣守人相食黃氣守本國失地

凡二十八宿各有司盡關璇璣之分若風雨

雷電并人間萬彙並隨武威占尅無不具載

明者察之

角主人間雨澤係下界近生之司

亢主人間大風係下界漆築百義之司

氏主人間狂風係下界草木之司

房主驚風駭雨係下界負獸之司

心主人間雨澤係下界功役之司

尾主祥雲瑞氣

箕主斜風細雨係下界射祥之司

斗牛主雲氣係下界養畜之司

女主陰陽係下界配偶之司

虛主人間大風係下界五虛六耗之司

危主旋風走石係下界危難凶險之司

室主人間陰翳係下界九疇五果之司

壁奎主人間風雨係下界地

婁主人間大風係下界寺觀

胃主人間風係下界衰成

卯主人間晴係下界陰

畢主天地開泰係下界寶

腎主人間風雨係下界妖

參主人間風雨係下界克

井主天色昏黃係下界池塘

鬼主天色昏昧係下界沮况

柳主天色昏係下界兵

星主天氣明朗係下界刀劍

張主時氣不和大熱係下界父子不和

翼主時氣不和係下界毛犛

軫主晴係下界哭泣

玄女云北斗九星下關人間生殺禍福之

司柄曰奎光則天剛破軍星是天下威武

所在一切星宿鬼神不敢輒犯見而遠避

其間獨出神凡五行術數周易六壬遁甲

三奇八門孤虛一切兵法皆從此去衆莫

並焉歷代神仙秘受凡傳教旨非但興兵

建國可使興隆而父子君臣可宜保守施

行之時先禹步天罡到處便存身為白鶴

仙人則誦天罡神呪曰

北斗七真天中大神上朝金闕下覆皇輪調

理綱紀統制乾坤璇璣所指晝夜常輪元皇

正炁來護我身大周天界細入微塵何灾不

滅何福不臻俗居小人好道求靈常見尊儀

願賜長生高上玉皇紫微帝君保臣處世壽

算長春急急如律令

天罡法云常於月建上數起戌時看主何

時則是剛神到處也一切行動並隨罡役

去不可前衝是為犯逆如逆者主滅凡開

城建塞修造遷葬年月不動頻遇灾殃或

統軍破敵彼在吉方我在凶地或朝拜帝

王參謁官府上官受職或登山涉海有風

濤魚龍之難或宿惡廟神壇逃遁兵難惡

人加害及虎狼惡獸或出行求財遊藝並

行天罡法先啓告北斗誦呪訖念七星名

字以杖子畫地四縱五橫禹步而行隨天

罡役去任意所行殃灾消滅凡入瘟疫人

家或有壘善行天罡術念名字喚藥鬼名

呼以誓之曰赴吾魁罡之下入地三尺吉

無不利凡有危墻壞壁下則仰而行之吉

禹步呪曰

四縱五橫六甲六丁禹王治道崇尤辟兵通

行天下曲戈反復所有一切虎狼賊盜凶惡

等並赴吾魁罡之下無動無作急急如律令

禹步法

四縱五橫

禹步印文

每臨起時安排諸事訖誦呪畢便行不可


回顧

斗罡





北斗治法武威經



太上除三尸九蟲保生經 并圖

夙一

三魂圖

爽靈



台光



幽精



况三魂法

三魂在肝下狀如人形並著青衣內黃衣每月初三日十三日二十三日是夕棄身遊外當須仰卧去枕伸足交手心上合目閉息三叩齒三存心中有赤氣大如雞子從內出於咽喉散布真光覆身成火燒身使巾覺體微熱即呼三魂名了微呪曰

紫微玄官 中黃始青 內鍊三魂 胎光安寧 神寶玉童 與我俱生 不得妄動 監者太靈 若欲飛行 惟詣上清 若有飢渴 得飲玉精

爽靈護我 三台養我 幽精保生 急急如律令勒

如此即魂神安靜災患不生邪魔窟伏身寧道成未無憂苦也七魄者陰邪之氣為鬼也能使行尸慳貪嫉妬惡夢咬齒令人口是心非遺精好色慕戀奢淫全無淳朴只以鬼行心損物為根陰闇埋毒害人為本常迷人負白之路使人入黑闇之方好惡不好善習死不習生求強人我壯恣口味昏濁多尸冕而穢漏催人而急死國入與祭祀也若能運鍊元氣得丹閉固真精使陽勝陰消無為害也每夜卧時呪曰

吾授三皇 太極靈章 吞丹服氣 用去不祥 急急如律令勒

能如是即得眠卧安穩身體康強邪惡災橫 不敢近也

夫修行絕三尸者當先專精守道異於世人然後服藥不然者徒自勞苦矣

七魄圖

尸狗



伏矢



雀陰



吞賊



飛毒



除穢



鬼肺



夫七魄積陰之氣其形類於鬼也令人多欲傷勞室塞拘急好穢不好淨能使用尸背生

向死詭曲說詐慕戀女色日夜與惡催人早死遣入鬼趣能蔽障人生門名曰尸狗伏矢雀陰吞賊飛毒除穢鬼肺

凡有所欲及虛耗人心者切須禁斷勿隨之則當安穩世人但盡窮物理自然得道如被

陰魄魔媚惑亂使人意無正信狀同尸穢自然迷性強心不回求師問道不以鬼行邪詭

將偽賊真如此得者魔難臨身行之終不成也蓋果感自然而已即還沉於行尸難脫於

世網淪陰冥而為鬼理不直而為邪同歸其類奈何嘆世皆然所以述此要訣露旨迷徒

使先伏於六賊尸魄漸次登真假使未達於仙階亦終不墜於惡道又每月朔望晦日七

魄不守尤用意內制之叩齒七遍呼七魄名一遍婦女修叩齒二七通兩呼其名平生坐握

固冥心呪曰  
玉帝高尊 上皇至真 萬神安鎮 七魄佩身  
不得越錯 與惡為群 長居室後 俱化成仙

永守神形 保我得真 游行上宮 同為玉賓  
內有靈液 體有五津 保我護我 不得邪淫

急急如律令

老君曰陰魄濁尸之氣在於形魂神常保守故學道者順魂靈制尸魄為鍊形之術也若

隨陰尸之魄耗動陽靈之精損失正氣易致於死也經云魄欲上天魄入黃泉還魄返魄

其道自然又云鍊陽魂而制陰魄蓋人生乃隨魂死乃隨魄魂好昇魄好沈聖人委曲示

修行徑路使人虛心存精運氣五神五神不役神具自然契應神仙近也學道者當須拘

魂制魄以陽消陰令魂鍊魄陰穢漸滅長生之道也經云生之徒十有三謂三魂七魄也

黃庭經云攝魂還魄求無傾失魂魄二神是陰陽之精能順而專之拘而制之無關魂不

離人則久視之道明也陽與陰并而人乃生結胎運氣媾形者並由此成也所以圖而明

之將傳後世細思而行之

守尸鬼圖



其守尸之鬼亦曰破射形似小兒忽如犬馬背有黑毛長二寸在人身中死後號之曰鬼一似亡人生時長短夢人求食能祟人頭痛寒熱惡心云是亡人也此尸之鬼假詐種類覺人魂魄惡夢顛倒而天知得丹服不能為害久坐神光皎潔

兄弟云昨飲浸藥水吐瀉出惡物異類此必是三尸九蟲也嗚呼浸藥水尚有如此大功何況爐中神藥豈不通靈也遂取室中藥爐拆封打破見藥一泓凝然如銀紫无燦目香氣襲人精魂不夫於錙銖兄弟至誠獻天取藥細研凡如稻子許齋戒分作三分一分埋之於山下濟地一分散之於江湖濟魚一分將來救世濟人兄弟虔誠望天再拜服之一粒三粒七粒眉鬚旋生瘡痍乾落鬚髮光膩朽齒重生肌膚瑩滑百病全驅旬日之間只見雲生谷口白鶴盤旋香風滿溪青童忽至絳節一雙龍駕兩騎仙童揖二人請馭雲軒朝拜金闕遂舟舟登雲而升仙矣於唐光化三年秋九月二十一日有青城山知觀道

士揚元一具狀申縣云今月二十一日寅時水溪南北岡草庵中有二人仙去莫知所適即今燒藥蹤由碑石見在事莫盡窮耳

三尸圖

上尸彭瑤



上尸彭瑤小名阿呵在頭上伐人泥丸丹田令人頭重眼昏冷淚鼻中清涕耳聾齒落口鼻面皴感人好車馬暴聲色視惡垢同青蟲穿鑿枯人真元使人形悴髮白壽短令人迷昧睡著錄人罪名奏上上天官若能服鍊得精氣固寶靈藥入口大道不遙九天非遠如未間常以庚申之夜不寐而殺之及勲服朱砂芝草陰尸自然消化也

中尸彭瑣



中尸彭瑣小名作子好惑五味貪愛五色在人心腹伐人絳宮中焦令人心迷健忘少液氣乏隨邪倒見荒閑煩燥口乾目白穿鑿人齒日夜尅害人五臟六腑成諸疾病睡多惡夢鬼交精脫小便赤白滑泄嘔逆多痰耳鳴虛汗為事恍惚白日昏沉每夜驚覺催人早死圖人祭祀也如能恬淡五情服丹餌栢無能為害當免形腐而已

下尸彭矯



下尸彭矯小名季細在人胃足伐人下關傷泄氣海發作百病牽引意賊慕戀女色勇勳嗜慾觸事虛耗不能禁制促命令人夜與鬼通背生向死流浪精氣令人髓枯筋急肉焦意倦身虛腰重脚膝無力頻度小便與邪氣波流漸成大患五勞七傷惑亂染著尸注不絕要人死往鬼道希期飲食祭祀也如服水

銀湯藥丹砂真鉛其陰尸之魄自當消滅而得形全身安也

一曰伏蟲長四寸 二曰回蟲長一寸

三曰白蟲長一寸 四曰肉蟲如爛李

五曰肺蟲如蠶蟻 六曰胃蟲若蝦蟇

七曰鬲蟲如瓜瓣 八曰赤蟲如生蟲

九曰蜚蠊色黑

身外有微蟲千萬細如萊子此群蟲之主令皮膚癢痒為人大風瘡并惡瘡癬癩痔漏陰蛆濕痒能食人牙齒坤落無故血出惡臭衝人皆此蟲之所為也

蟲色青



伏蟲長四寸有鬚牙啣人精血令人無力喘之時有惡心五藏痛悶走作上下攪刺胃膈好食肉味生冷蕩散人真元多陰汗便溺餘瀝背逆腰痛使人氣虛軟弱精滑脫夫致疾而死早宜服藥液貫眾丹砂固閉除之免此蟲於內害亂於生元也

蟲色黑



蚘蟲又曰回蟲一雌一雄心上心下食人血令人心痛氣急肢節煩重小便難澀赤白不定面無顏色故癡慵懶口吐清水其蟲長一尺飲心血而通靈常宜以丹砂書真一符塞之及吞二氣水銀殺之不爾穿刺人心脾楚痛難忍而斃及耗憊人正氣令人卒死是此蟲也

蟲色白



寸白蟲長一寸子孫相生更長者四五寸已來令人好喫生米生茶生鱸生果及焦肉等物宜泄人藏腑瘦薄人形骸嘔痰多涕面黃無力咬人腹內攪刺忽成氣塊痛便難忍時有痢疾漸變脫肛如或更餐雜肉特地蟲生長養無限穿人藏腑窩成窟穴不覺氣促而死如服水銀丹砂殺滅漸漸安寧也

蟲色黑



肉蟲如爛李食人血令人正氣泄憊淋漓餘滯舉動羸弱筋骨無力皮毛癢痒肌肉漸漸乾黑居上膜中令人好色代人勞病蒸肉血之味枯陽靈之精耗盡得疾而死急宜服二氣丹砂絕滅之而免形骸消瘦也

蟲色赤



肺蟲狀如蠶老者色蒼或如紅蟻飲食人精氣堅守肺口令人多痰咳嗽變成痞疾脇脹氣急夜卧不安龍鳴如貓兒之聲能閉人五音面無精光皮毛枯痒髮脫落漸漸喘息無力甚者更加咯血耳張肩戴曾堂骨出形體瘦惡只欲思睡通連六腑泄痢頻下膿血變成五痔及傳尸勞病復連血乾頰赤骨蒸虛汗涕唾腥鹹害及性命腎然而已宜服海魚丹金花散茶蘇湯順肺煎即得除其根本不然者肺脹亂脚癱不覺氣乏而天也



胃蟲如蟾或如虎質接人飲食令人易飢好  
 血肉滋味之物況生冷甜香之氣虛人臧腑  
 骨體瘦薄唇焦而口生瘡鼻塞而皮毛癢痒  
 四肢拘急背膊煩勞漸漸惡心多生痰涕飲  
 酒嘔逆餐毀不加氣結心胃走衝兩脇忽攻  
 外腎氣盡而殂月華先補於心脾日精後消  
 於陰魄蟲當溶化丹駐顏紅

蟲青亦相雜



高蟲令人六識昏迷少語多睡睡後夢遊他  
 邑登山峻嶺連綿墜落渡水乘船忽遭沉邁  
 柳曲共妖桃語笑花衢與陰穢相交世人皆  
 言魔也此是陰氣蕩動陽氣全輸艷媚牽情  
 靈根斬伐脫失精氣形轉傷殘可惜紅顏參  
 差覺老若得靈砂服餌軟血拊肌而活似早  
 苗得一溉之功如田獲十倍之利

蟲赤色



赤蟲令人無氣虛憊腰重眼昏兩耳鳴聾陰  
 痒盜汗精滑冷脫腎痛背悶骨髓酸疼飲食  
 無味腸胃虛乳精隨水轉化入小便氣濁血  
 滯結成瘡腫癰疽而致天傷宜先鉗心砂  
 安魂藥補虛丹固閉二門使榮衛交通蟲自  
 消化免形骸枯損矣

四蟲微紫周  
 巾細蟲並黑



蠅蟲色黑身外有微蟲周巾無數細如菜子  
 也此群蟲之主為人皮膚瘡疥惡癬頭上白  
 屑甲風并陰疽濕痒痔漏鼠如白瘰等風無  
 所不作蝕人牙齒蝕落無故出血是氣衝人  
 及脚下窩旋頑痺大風癩瘡遍身膿血尸是  
 眉毛墜落肉色漸加青黑遮相易人父子絕  
 骨肉之親夫妻棄義合之體故  
 聖賢留其至藥妙訣使後人先沐浴齋戒然  
 後至服丹砂水銀藥液輕粉殺三尸蟲而免  
 害及子孫形體保其安康也


蟲色深黑



昔張君從王先生學道後師  
 孫真人先授去蟲之法其尸蟲形狀因餌至  
 藥透下以視弟子周君周君圖之將傳後人  
 後有西蜀青城山道士趙希夷道業精微登  
 山歷險時彭州刺史庾河郎中迎在州中師  
 事之後經數年每至庚申日依經守持服餌  
 符藥從午至子晝夜不息亦感三尸九蟲下  
 遂命工人圖其形質將傳保生之人余友陳  
 靈章本東平人元和中居于西蜀修道至長  
 慶初仲夏月於新橋道友李玄會家絕糧一  
 百餘日攻氣術服陽精水銀靈藥每日服水  
 三盞至九十七日日與一盞覺腹中微痛須  
 臾之間其痛轉甚似欲退李公云九十餘  
 日不食必無滓穢應有異事令於盆子中退  
 良久間下一團脂膜轉動不住以水洗之膜  
 透乃見有蟲兩枚髭爪俱備色黑每箇有脚

六隻髭長五分丹眼足頭皆如朱點狀似夏中柳樹上蟲俗呼曰伊羊遂各取手內拳之耕人手如石鼠眾呼異之嗟乎五藏有如是之蟲人豈得長壽陳君服丹退下此蟲畢顏如童稚耳目聰明後入青城山不復出乃編入策并圖其形將警來者

傳胎知命蟲圖



此傳胎知命蟲共飛尸同類抱穀氣流精與人俱生能令人無正信嫉妬善道與惡為侶怕懼陽靈每發嗔怒要人同歸鬼趣日夜凶惑慳貪憎愛人我六情恩愛好色牽染不淨透漏元精作人病本消耗形神勞役真性使人誅求急急苟且波波覺命盡方為休了此蟲好食肉茶及炙燻令人藏腑宣泄耳目昏沉口鼻氣臭淋漓滴瀝白屑滿頭皮膚瘙癢渾身拘急內漸傷殘而歸死路蟲自擺撥其鬼將口塞人生門方始化去若閉精運氣服丹無以為害身安住世而求免憂患也

老君去尸蟲方

- 貫眾五分殺伏蟲
- 白雀盧三分殺尤蟲
- 蜀漆三分殺白蟲
- 蕪荑五分殺肉蟲
- 雷丸五分殺赤蟲
- 僵蚕四分殺黑蟲
- 厚朴五分殺肺蟲
- 狼牙子四分殺胃蟲
- 石鐘五分殺坑蟲

右件丸味細剉熬令香熟搗羅為末蜜丸如梧桐子大以輕粉漿服五九日三服加至十九三十日見効六十日百病愈眾蟲盡病差凡服此丹藥先須齋戒至心餌之無不効也斯經訣耳目驗矣

甲子日為秘之秘之


太上三尸鍊水銀靈砂秘訣

朱汞斤 太陽兩 旭黃三兩

右都慢火炒一伏時候紫色以水大鼎飛七度然後大火煨之出火毒了大麥麵丸如梧桐子大每兩入輕粉六銖丸之空心服七粒忌羊血菜菜真人云人服安魂魄固元精補血液駐顏色祛百病壯筋骨並効

老君六旬六甲符每十日一服十枚去三尸九蟲保陽精經大驗矣兼用前訣水銀砂研用書符常餌之

六甲符



叩齒三通稽首叩頭呼六甲神名云某奉受靈符

謹請甲子神王文卿從官一十八人降下經

吾筆

謹請甲戌神展子公從官一十四人降下經

吾筆

謹請甲申神危文卿從官一十六人降下經


吾筆

謹請甲午神衛上卿從官一十八人降下纏  
吾筆



謹請甲辰神益非御從官一十四人降下纏  
吾筆

謹請甲寅神明文章從官一十六人降下纏  
吾筆

右已上神符於淨室中燒香札之



右以除破日朱書吞之伏滅三尸



其符三道每至庚申日夜朱書白紙上辰萬  
不失一庚申日夜禁絕尸鬼警備以朱砂點  
左右目下以雄黃點右鼻令小入左鼻中點  
畢先叩齒三通呪曰

上景飛纏 朱黃散煙 氣攝濁邪 尸穢沉眠  
和魂錄魄 合形為仙 令我不死 福壽永全

聰聽微視 長亨利元  
呪畢又叩齒三通咽液三過以右手第二指  
躡右鼻孔下左手第三指躡左鼻下各七過  
當盡陰按之勿舉手也此是七魄遊尸之門

尸精賊之津梁故以朱黃之精塞尸鬼之路  
閉淫亂之氣矣

又甲子日伏三尸秘法平明時取東面水一  
升日中時亦取一升日入時取一升黃昏後  
露星月下至夜半時祝面東服之呪曰

天清地寧 日月五星 六甲神水 滅尸賊兵  
回凶為吉 元亨利貞 急急如律令

初神去本丸又名制蟲丸

大附子五兩黃耆炮炙 薑陸香五兩

青木香五兩 麻子仁七升

乾地黃六兩 大黃五兩

唐木糖膠五兩 木七兩

萊萸南行根皮五月青午時向王收之 五月兩

桂心五兩 雲芝英五兩

丹砂五兩

石上葛蒲乾之 各條秤取十兩以淨酒手浸

右一十三味別搗各三千杵畢都合和以  
白蜜又搗八千杵大凡搗五萬杵藥成以  
密器謹藏之勿泄氣及殘汚也平旦東向  
初服七丸如小豆大漸益一丸以酒服之  
此藥益補除千災固魂魄填液血也服盡  
一劑則穀蟲死蟲死則三尸枯亦可常服  
穀蟲既滅使食穀而無病過飽而無傷此  
至真之言固合修之  
造雲芝英法

雲母粉五兩 雄黃篩令極細 四兩

右二味合著銅器中微下火令藥色小變  
畢內竹筒中以松脂急塞其口慎勿令泄  
氣懸於飯甑下蒸熟一碩米飯畢撥視令  
三物相合如凝脂更以松脂重和之都合

和藥用十兩松脂也屋上懸二十四日訖  
 搗一萬杵於是雲芝英成也先齋三日合  
 之雲芝英成後更齋七日乃合制蟲九齋  
 者勿食五辛五肉忌婦人雞犬之輩見之  
 當別止一室以合之諸齋不精及犯禁忌  
 服藥無益及令人發火瘡而身者以表合  
 藥不精齋中犯禁忌之驗也又藥物當用  
 精上者及每事取妙繕而已合藥當取月  
 旦及三日七日十一日燒香設神床席於  
 東面其日司命太一君必監省之也合藥  
 對席東向也夫造此大藥不用天陰及風  
 雨日秘之秘之耳昔修羊公樓丘子東方  
 朔崔文子高丘子俱服此藥以辟穀皆得  
 仙也

去三尸蟲方出蘇仙內傳

燕蕙五兩

枸杞根二兩

乾漆四兩然此一件獨熬候煙出

右件三味搗合細羅為散辰旦先喫飲食  
 以手三指捻藥末以井花水和服之五日  
 三蟲自下初時令人惆悵悲思是蟲去之

驗矣

太清八瓊丹方

丹砂 雄黃 空青 瑠璃 雲母

戎鹽 消石 雌黃

右件八味准飛鍊諸丹研教修理布置一

依四神丹法並在飛伏諸石經中矣

守庚申之日法

存頭中有太上老君泥丸真人二人立共坐  
 上著遠遊冠子服玄袍坐於冥光帳中下視  
 口目耳鼻清滌氣謂之上二抱部之魄心中  
 有太上帝絳宮真人二人立共坐著九陽冠  
 服丹南逸景之袍坐於朱陵帳中下視四體  
 情狀肝脾膽腎皆令清潔如五色玉謂之中  
 一拘四肢之邪精存臍內有太黃老君黃真  
 人二人戴十靈之冠服黃羅之袍坐於黃錦  
 帳中下視脾腸之孔竅皆令分明如素謂之  
 下一拘腸胃制骸魄於是三尸無從得動也  
 太上真人口訣  
 以春乙卯日夏丙午日秋庚申日冬壬子日  
 冥目卧時先搗朱砂雄黃雌黃三分等細羅

之綿裹如粟大以塞鼻中此謂消三尸鍊七  
 魄之道秘法勿令有知者明日日中時以東  
 流水浴畢更整飾床席三尸服新衣洗除鼻  
 中及掃洒寢席床下通令所止一室淨潔也  
 便安枕卧聞氣握固良久微呪曰

天道有常改故易新 上帝吉日 沐浴為真  
 三氣消尸 朱黃合魄 寶鍊七魄 元與我親  
 呪畢此道是消鍊尸穢之上法改真新形之  
 要訣四時唯各取一日為吉趙先生曰欲除  
 三尸九蟲之法常以月建之日夜半子時密  
 出庭中正東向平體正氣叩齒三十通訖舉  
 頭小仰即復下頭小俛因咽液二七過又雙  
 前却兩手二七過前後却授手為之竊呪曰  
 南昌君五人官將百二十人為某除三尸伏  
 尸將某周遊天下過度災厄語訖徐徐左回  
 還卧行之三尸消滅若月中有重建者為修  
 之法欲得齋戒獨住不欲人雜錯務令寂靜  
 勿使人知之及六畜鳥獸並無聲為妙此法  
 易行無恍惚之患又曰欲除尸蟲之法春月  
 擇甲乙之日夜視歲星所在朝之再拜正心



窺呪曰

願東方明星若扶我魂接我魄使我壽如松  
栢千秋萬歲長生不落除我身中三尸九蟲  
盡去消滅常擇清淨地常行之為善此仁德  
樂生君木剋土所以除土尸又法除三尸九

蟲常以月晦日月出時東向禹步三呪曰

諾旱諾旱者喚聲如言號耳月中有兔蝦蟇  
日中有蟲三足烏水中有蟲地與魚土中有  
蟲蟻螻蛄腹中有蟲蚘白徒凡三呪正秘之

禹步法開氣前定次閉若足以差定蓋若足為三步也

又法常以寅日去手爪午日去足甲於十一

月十六日燒為灰服之蔣先生曰用五行紫  
文常以朔望日月中時臨目西向臨者目常  
閉而不開也存兩目中出青氣心中出赤氣臍下出黃

氣於是三氣相達以灌一身須臾內外通徹

覺如火光之狀良久乃叩齒十四通咽液十

四過畢此謂鍊形之道除三尸之法也久行

之則體有五香氣也常以雞鳴時漱取醴泉  
咽之凡三漱戌上當起徐徐定氣勿與人言

語也

修行存想圖



太上除三尸九蟲保生經

二經同卷

太上老君玄妙枕中內德神呪經  
黃庭遁甲緣身經

風三

太上老君玄妙枕中內德神呪經

老君曰大道無形常居香冥隨機化物以應  
精誠子能寂念受吾真經能持受者口淨神  
清然後誦之萬惡不生可以治病可以延齡  
百邪不干群妖束形所以然者一切有情受

吾真經乃得長生今更於中苦鍊身形常靜

三業澄止六情自然五神守護三一長存坐

卧安穩魂魄康寧旦夕兩時三徧誦經耳聰

目明身強體輕一如後文子當諦聽

老君曰子等身中有三萬六千神左三魂右

七魄身有千二百形影體有萬二千精光五

藏六腑二十四神常存念之勿令離身有病

三呼即降其真

老君曰子欲過度三災九厄應作是言我以  
天為父地為母吾居其中常如赤子日為功

曹月為主簿當公使者在吾左右風伯雨師  
 在吾前後六甲直符周而圍繞青龍扶吾左  
 白虎侍吾右朱雀導吾前玄武從吾後北斗  
 覆吾頭天罡指吾首騰蛇在吾足為吾滅殃  
 咎吾居丹房中太一為吾偶左三右七戴九  
 履一二四為吾肩六八為吾足吾居中宮以  
 為腹實今較千鬼萬神各還本鄉當吾者死  
 背吾者亡速出奔逆隱匿深藏大丁力士斬  
 滅不祥急急如律令

老君曰臨卧之時當出四獸自衛其身青龍  
 從吾肝出在吾左白虎從吾肺出在吾右朱  
 雀從吾心出在吾前玄武從吾腎出在吾後  
 汝等四獸磨牙礪齒在吾左右前後辟除眾  
 邪妖鬼不得妄來干吾玉房今吾坐卧安穩  
 無惡夢想急急如律令

老君曰都念既畢即當還神肝主藏魂肺主  
 藏魄心主藏神脾主藏意腎主藏精青龍還  
 吾肝朱雀還吾心白虎還吾肺玄武還吾腎  
 黃龍鎮吾脾以為腹實眾邪惡鬼不得下居  
 急急如律令

老君曰還神既訖即鳴天鼓三十六通咽液  
 三十六過即閉氣從一至十心暗數之滿九  
 便止當存心中赤氣從口而出狀如火光輪  
 行四布周遍室中定即內想自然安寢其中  
 常能如此永無疾患千災萬魅莫或敢干與  
 道合真長生久視子孫昌樂富貴日與金車  
 入門仕宦高遷祿位三公心忠志孝輔弼帝  
 君急急如

太上女青詔書律令  
 太上老君玄妙枕中內德神呪經

黃庭遁甲緣身經

老子黃庭遁甲緣身經若有疾病腫痛惡夢  
 各微衆怪皆讀之閉氣從甲午始至戌戌留  
 氣上斗中便閉氣密讀十遍陰屈指放氣訖  
 復讀甲子至戌辰留氣下斗中密數讀十遍  
 徐放氣百病皆愈治卒逆惡氣飛尸無不立  
 愈若人四肢有疾苦亦宜呼當愈痛上閉氣  
 數三遍不差復重為之滿三乃止取其符題  
 痛上若服吞之呼其日神名某甲護我某來  
 與我俱大吉欲奏記上書見貴人長者持符  
 自護呼神名與我俱吉若看病及喪家持符  
 自隨陽日在左陰日在右欲入山林辟虎狼  
 亦呼之欲辟鬼神書六甲符欲辟兵賊書六  
 丙符欲辟火書六壬符欲辟水神渡江河書  
 六戊符若欲辟口舌書六庚符皆持以隨身  
 則吉

老子曰凡萬光修身清潔服六甲緣身符六  
 十日病愈百二十日神光來二百四十日玉  
 女同至上見大道君下見心中神可使傳書  
 可使取水漿可為夫婦可為虛無可以會難

可以語言入水不寒入火不熱可以長生可以逐邪賢者知道愚者謂不然子能修之實之得天祐飲食先念之未日不食羊酉日不食雞十二皆取類不食其日肉若食其日肉即其日神不來所以爾者是神之六甲神之

六乙日神之故使持符神所居百病除魂者人之精魄者人之命氣者人之魂魄魄魄之本所從生者呼吸呼吸者魂魄成人性命之本所從生也萬物皆魂魄成或用之在上故曰玄玄黃同門玄之又玄衆妙之門黃庭綠身上有黃庭者臍上三寸名曰洞庭一名紫房一名胃愈一名升中下有關元者謂臍下三寸一名地黃一名澤府是也其色正黃如雙博棊併後有幽關謂兩腎也一名雙關上有二人長三寸所在為常在左為冰真在右為太陰此東王公西王母所合左者戴日右者戴月左色青右色白是伏羲女媧也前有命門者謂臍裏中也命門者積氣狀如珠也戲欲廉火出入丹田者謂氣至根臍也一名太初一名太素一名太和一名太陽一名

魂停一名中黃一名太悟公是也太陰所繫一名衆妙之門人所生也若悲憂不樂即傷肝目眩頭白思心以養之姪樂傷腎腰痛體重大小便膿血思肝以養之飲食醉飽即傷脾思脾以養之當令母子相養病即愈

老子分形識曰夫人欲奉無為之道猶於室慎莫見人西向舞任哉日月夜常明臣某樂道使某長生復舞曰道大無形可使某具太清無曰某德能使六丁言愈萬民三曲止老子曰人不舞無以實筋骨人不知言無以通血脈通其知勞作使利而能長不知歌舞不可以長久

黃庭義疏常省視喉嚨狀令人不忘善惡責之於此喉嚨從舌本至心長一尺六寸下銳上正赤心其色即白如銀銀十二重赤脉肺色白而且澤滿葉覆心十二片三葉居後至真狀如白葉在上直乳所在脇下色如雄鷲有鬲其下六葉膽者其中色如綠囊盛血其繫於脊在乳鬲下脾在脇下舞上曲胃真色如黃金宛宛下三二寸腎在脊上脊又脊居

狀如鼻絡以黃白脂往往見腎玄色黑如上漆直見死人而惡形臭聞惡則損視狀以服之臭不聞臭香亦積於此惡於損者謂見人被刑創痕痛折傷者喜怒則肺肝神損視其狀以服之驚恐則肝膽神損視其狀以服之

病喜怒亦責之言多思慮乃視色則神損視心狀以服之心意不明亦責之新合陰陽則腎神損視腎狀以服之陰事腎眼不見耳不聰亦責之悲則脾神損視脾狀以服之悲則責之常以難鳴時視藏色一遍晝日閑暇視之以有所服及所傷常清淨則視之一日閑想視藏十遍治服諸所傷病愈百遍終身無病千遍延年不老萬遍長生不死洞房中有白氣如難子光如月照所在凡子常應晝夜存之子審欲為道神仙不死當先去三屍蟲心下伏尸日三百六十息食氣三十通一咽九十通一休息日四為之常以夜半雞鳴祝曰東方青牙服食青牙飲以朝華三咽止南方朱丹服食朱丹飲以丹池三咽止

中央戊己服食精氣飲以醴泉三咽止  
西方明石服食明石飲以靈沟三咽止

北方玄磁服食玄磁飲以玉鉛三咽止

如此三十日三蟲皆死伏尸走去正氣自安

蟲尸定伏不復還心中兆自仙矣拘魂制魄

存兩眉間赤氣白如雞子從光喉中下至臍

中變令正青從臍中下至丹田變令正白隔

腹三縮鼻引白氣從脊上三道併行從項關

上至洞房而止眉間却入三寸為洞房

太極真人服四極雲牙神仙上方

真人把五方元晨之常食九霞之精所以神

光內曜朱華外陳體金玉映與氣明行行之

十七年四極老人中央元君降下於子一合

乘雲駕龍白日登天西梁子文奉受太上口

訣千歲五傳不得妄泄四明科法依隱書之

制齋五日乃授立約軟血脫師金錄五方

綴表于指信不宣之券口訣五變錄也又用

人法兩為大人云關經常以雞鳴平旦服坐

任意叩齒九通乃陰呪曰

東方青牙 紫雲流霞 三素徘徊 玄霜玉羅

服食晨常飲以朝華

呪畢以舌舐接上唇之外取津咽液三十

過行之十年東極老人來至受子青真一

合俱昇次陰呪曰

南方木丹 霞曜太微 九道絳烟 布散景輝

服食靈衰 飲以丹池

呪畢以舌舐接下唇之外取津咽液三十

過行之十年南極老人來至受子丹景一

合上昇次陰呪曰

西方明石 飛霞金液 服食大明 皓素之精

飲以靈沟 神華啓靈 使我登雲 上昇高清

呪畢以舌舐接上唇之內取津咽液三十

過行之十年西極老人來至授子素符威

神一合俱昇次陰呪曰

北方玄滋 慶雲啓鉛 綠霞敷展 紫蓋蒼旗

服食月華 飲以瓊飴

呪畢以舌舐接下唇之內取津咽液三十

過行之十年北極老人來至授子玄錄寶

明一合俱昇次陰呪曰

戊己之元 黃素五雲 四霞紫觀 八景九辰

二明啟暉 七曜靈尊 和精灌氣 服食中元  
琳華龍胎 飲以醴泉

呪畢以舌漱滿口中玄膺內外及齒舌之

間上下表裏通而取津液隨咽之三十過

行之十年中央元君上皇玄黃氣君來降

授子黃氣陽精藏天隱月逐景綠章青要

虎書俱與五老一合上昇

玉經上訣致五老之道絕穀去尸面華童顏

寒暑不避災害無傷神氣精明延年益壽萬

限之期當得九琳玉液八瓊飛精則合於二

景天地同符五陰呪皆當叩齒九通可恒修

得不必待雞鳴平旦也夜半平寂體清神閑

乃可按修之守一之家若聞此道事速成也

虛淡內充守元咽液所謂真一自求多福者

矣致神以六液五氣液已自備焉故謂自求

多福耳修此道不可食脯若飢食麪以漸遣

穀不得一日頓絕也所謂損之又損之以至

於無為矣此虛映之道自然之法所謂遠取

天地之精近取諸身此之謂也

魏夫人讚

雲牙者五老之精氣太極之霞烟故桑暉景之降以充於內六液勻和洞徹冥感萬神來降幽映相求不唱而應是以龍吟方澤故景雲落霄虎嘯靈丘故衝風四振陽燧落明而朱火鬱起方諸罕陰而玄流湛溢自然而升

不覺所測況覺者方棲心注玄精研道根邪穢裕於胃中真正存乎三官采五晨之散暉服六醴之霞漿祝九天之奇寶吐妙虛之秘言龍曜發躍明光芒煥味三華於皓齒取飽液於唇鋒內鍊六腑開聰徹明呼吸天元魂魄鍊形朝玄使無以至於靈悠悠十年末乃五神來降將何足多稱哉俄以女弱備經上業微音絕響不可廣告聊叙其妙以宣同志苟修德之不逮者庶不足以咎毀之矣

誦黃庭經訣

清靈真人曰凡修黃庭內經應依常君實神混化玄真之道禮呪畢正坐東向臨目存神形色長短呼其名字還填本宮不修此法雖誦萬遍真神不守終無感効爾損氣疲神無益於年命也今抄經相示常當口味玄虛習

誦靈音讀輒三過別寢清身慈真深信勤精日新委質就道是非已泯履化無恐奉修多真恒存五藏神形不明過數既週龍駕來現太上豈虛世遠即其人也常旦夕漱洗入室右足前進燒香東向再拜跪曰謹啓

扶桑大帝君賜谷神玉某請讀內景玉經存五藏生華神駕龍昇又北向再拜跪曰謹啓太上帝玉晨君某讀內景玉經乞登龍軒上宴紫清還向東讀經三過竟存神服色平坐臨目叩齒三十六通乃存

髮神蒼華字太元形長二寸一分  
腦神經根字沉丸形長一寸一分  
眼神明上字英玄形長三寸  
鼻神玉壘字靈堅形長二寸五分  
耳神空闕字幽田形長三寸一分  
舌神通命字正倫形長三十六分  
齒神崑峰字羅千形長一寸五分  
右面部七神同衣紫衣緋羅裙並嬰兒之形存之審正羅列一面各填其宮畢便叩齒二十通咽氣十二過祝曰

七源散氣結氣成神分別前後總繞泥丸上下相扶七神敷陳流形變受養華元導引八靈上衝洞門衛軀攝景上昇帝晨次思心神丹元字守靈形長九寸丹錦緋裙肺神皓華字虛成形長八寸素衣裳帶

肝神龍烟字含明形長六寸二分青錦帔衣腎神玄冥字育嬰形長三寸六分脾神常在字魂庭形長七寸三分黃蒼錦衣膽神龍耀字威明形長三寸六分九色錦衣綠華裙

右六腑真神處五藏之內六腑之官形如嬰兒色如華童存之審正羅列形畢叩齒二十四通咽氣十二過祝曰五藏六腑真神同歸總御絳宮上下相隨金房赤子對處四扉

黃庭遁甲緣身經

紫庭內秘訣修行法

風三

凡修道欲求長生不死存三元神及三元宮所在其上元泥丸宮在兩眉間上却入三寸即於第二寸中辟方一寸為丹田宮者是也存其神名赤子字光元先一名帝卿著朱衣存想見在宮內三遍呼其名字中元絳房心是也當心中方一寸即是絳宮也存其神在宮內亦著絳衣名真人字子丹光堅三遍呼其名字下元丹田宮在臍下三寸當臍却入三寸是也存其神在宮內著黃衣面部白如嬰兒初生之貌名元陽字谷玄三遍呼其名字後嚙氣二十四過呼生宮大君命門臍也玄關是始生胞腸之通路也其中有生宮入臍一寸宮內有大君名桃康字合精延著朱衣戴芙蓉冠坐當命門三魂神侍側立在左邊大君手執天皇象符文依字以兩手執之以合注元氣補胎反胞暮卧先存三宮次及坐為之握固臨目內視先閉氣二十四息仍存見大君向外坐貌如嬰兒冠服執符至今分明乃心呼大君名三遍玄關生宮大君

名桃康字合精延嚙液五十息叩齒三通微祝曰胎靈大神皇綱天君手執胞符頭中紫冠黃回赤轉上精命門化神反生六合相因形體光澤玉女樓身  
右呪常關訖方為拘制法耳若能常行此十八年千乘萬騎白日昇天  
大微帝天皇象符如後



右天皇象符以付生宮大神桃康字合精延合元上氣理胞運精朱書青紙細書月旦月望夜半北向服之以右手執符閉氣北向燒香書符畢各剪以次重著執之便臨目閉氣存大君如前乃心祝之曰  
天帝玄書皇象靈符以合元氣運精反胞萬年嬰孩飛仙天樞生宮大神披書建朱頭戴

紫冠與我同謀畢起身再拜以次一一卷符作丸服之存大君左手中執符服乃北向拜太微天君經云存大君符服十八年大君將能左徵三田右御三氣田化成飛與氣化成玄龍仰役二十四神俯使靈靈呼陽官六甲

召陰官六丁千乘萬騎白日昇天皆桃君之感致也道雖小亦可觀焉生宮大神慎經血穢燒六畜毛胡婁等物此皆伐亂胎氣自反傷嬰神也

夫三魂一月三度去離人身初三日十三日二十三日神魂遊蕩夢寐不真邪氣欲侵人如到此時仍須拘制法當於臨卧之時仰臥長伸兩脚以兩手重撫心上左手在上叩齒三通嚙氣三過閉目存想心中一道赤氣晃晃光如雞子大從心中仰上分從兩眼中出漸大周而身下至兩脚上至頭上化為大火焚鍊一身狀似然炭忽覺四體小熱又叩齒三通存呼三魂名與靈胎光幽精三神急住葵靈在玄關侍大君之左以右守魄胎光在洞房宮對黃老君赤子守泥丸幽精在中心

受心節度各當其所在存呼之乃呪曰

太微玄宮中黃始青內鍊三魄胎光安寧神寶玉室與我俱生不得妄動鑿者太靈若欲飛行唯得太極上清若欲飢渴唯得回水玉精都畢忘身良久先行諸叩存畢乃行此事因以息氣便眠

夫七魄一月三度去離人身初七十七二十

七夜去凡魄去之時皆令人睡夢顛倒學道之子切須拘制莫令魄遊蕩到此時夜卧以兩手定指向腦後枕長伸兩足即存鼻端有

白氣兩條先從肺出兩鼻孔中如小豆大微漸大冠身九重周遍下至兩足却上至頭白氣忽化為天獸先從內變使兩青龍在兩目睛中又存兩白虎在鼻孔中皆向外朱雀在心上向人口低頭引氣令近於口蒼龍及

龜在左足下靈蛇在右足下此共成玄武者在足作履跡以踏之又存兩耳中有兩玉女著玄錦衣當命門兩手把兩炬火光芒至極左名嬌女右名靈儀並氣之九重者各變良久都畢又嚙液七通叩齒七通呼七魄名尸

狗伏朱雀陰吞賊非毒除穢臭肺先存七魄命門中於大君右邊行立為第一魂奠靈所守不得動乃呼之畢及微祝曰

素氣九回制魄邪凶天獸守門嬌女執闕魂魄和柔與我相安不得妄動看察形元汝若飢渴聽飲月華日丹都畢忘身良久因以取眠

學道者當禮心存真拜謝至秋分日存思念真齋戒勿念邪惡當願飛仙若長齋者秋分日皆謝七祖父母次存一身罪過求自改之

誓也非正絕於世塵之士者慎勿以秋分日謝罪此日謂此謝無不釋而不可重犯自量或有必可免之事尚未去得勿強言謝也經云子欲學道慎秋分事無大小皆上聞其日至中時入室北向燒香再拜長跪脫巾於地

微祝曰某州縣某宮觀小兆真人某上啓高聖太上玉宸玄皇太上道君金闕太平玉晨玄元無上道君金闕四輔二十四真人司命神官先謝七祖父母次及一身使辭誠懇切稽顙叩拜再拜先戴巾然後起再拜也

若遇善夢卧覺當摩目目二七急閉目以兩手掌從內向外摩之叩齒二七通微祝曰太上高精三帝丹靈絳宮明徹吉感告情三元柔魂天皇授經所向諧合飛仙上清常與玉真俱會紫庭

數遇惡夢便閉目閉氣以左手捻人中二七通畢以第二第三指捻山源陰捻數十過更急按之啄齒二七通閉氣如前啄齒微祝曰

太洞真玄張鍊三魂第一魂速守七魄第二魂速守泥丸第三魂受心節度上啓太上三元君某甲向遇不祥之夢是七魄遊尸來協邪源急召桃康護命上告帝君五老九真各守體門黃闕神師紫戶將軍把鉞握鈴消滅惡精反凶成吉生死無緣

又卧必獲吉應三年之後唯神感旨應乃有夢也凡夜卧覺當更急閉目叩嚙各九遍次以手按鼻左右上下數十過乃微祝曰太上四明九門發精耳目玄徹通真達靈天

中之臺流氣調平嬌女雲儀眼童英明華聰  
明徹百度眇清保和上元徘徊九城五藏植  
根耳目自生天臺鬱素柱梁不傾耳魄潔鍊  
三魂安寧赤子携景輒與我并掩我耳目大  
上當前摧以流鈴萬凶消滅所願必成日月  
守門心藏五星真皇所祝群響敬聽吉以玄  
應祥瑞為明

祝畢又嚙液九過摩拭而目令小熱以常  
卧覺按祝勿失一卧也令人耳目聰明強  
識豁明鼻中調平不唾津液面有童顏制

魂鍊魄却千邪辟萬魔

理髮欲向王方之所禁於北向理髮共十一  
月宜向辰亥既柳之初而祝曰  
太帝散靈五老歸真九玄華保精長存左  
為日隱右為月根六合清鍊百神受恩

畢嚙液三過當數易攝取多而不使痛血  
液不滯髮根常堅

服仙藥常向本命日服乃勿與死喪凶惡犯  
傷胎神徒服無益也  
臨食勿道死亡事勿露食物來來邪氣也

洗澡之時常存六丁令人所向如願尋常存  
六旬之內丁日沐浴亦如常沐浴數每至甲  
子日常當沐浴不爾當幾月且使人通靈幾  
謂奇也即正月五月是耳宜取東流水作香  
湯佳而浴不患數但不能耳湯鍊尸臭而真

氣來也慎勿坐浴解形及坐在水中也  
若履穢穢及諸不淨處當洗澡浴與解形以  
除之其法用淡竹葉十兩桃皮四兩以清水  
一斛煮之令沸出適寒溫以沐浴之即萬殮

消除

北帝殺鬼之法瞋目握固閉氣存見藏腑具  
神謂五藏之神也但見五藏其感自神亦可  
謂四靈及黃龍也先叩齒三十六通乃祝曰  
天蓬天蓬云云

世有下士強惡之鬼多作婦人以惑試人亦  
能變作男子之形非唯女子也若見有此者  
便閉氣思天關之中衝輔星存斗星其輔弼

之象在守寸中以杓指前其身神存守明堂  
三宮五藏二十四神正顏定志意熟視其規  
中珠子濁而不明者則見鬼試也亦可以鏡

審照之知是鬼試則思七星在面前亦可在  
頭上却之謂存魁覆頭上以杓指也又誦天  
蓬咒仍存被天綱摧仆亦可念殺鬼咒若規  
中方而明者仙道真人雖不正方而明淨者  
異人火日照之而無影者益驗也悟者便拜  
之不悟為試不過若遇邪鬼而謂之真人亦  
是不過之例子慎之

抱朴子曰八名山欲求芝草以三月九月此  
山開出神仙藥之月勿以山痕之日必以天  
輔日天輔時三奇會尤佳出三奇告門到山

須六陰日明堂之時帶靈符牽白犬抱白雞  
以壇一升及開山符撒著大石上必得芝草  
又採及服芝草欲得王相柔和之日支干上  
下相生為佳此芝草名山多有之但凡庸之  
人道心不精志行穢惡德薄不曉入山之術

雖得其圖不知其狀亦終不能得山無大小  
皆有鬼神不以芝草與人則雖露之不可見  
也抱朴子曰按九天秘記及入山忌須取宜  
大凡入山日大月忌三日十一日十五日十  
八日二十四日三十日小月忌一日五日十



三日十六日二十八日二十六日以此入山  
既忌為山神所試又所求不得所作不成不  
但道士及凡人此日入山皆凶與虎狼毒蟲  
相遇也入山不得其時日必有其驗不可輕  
入山也


又按王鈔經云入名山不可不知遁甲之秘  
術而不為人委曲說其事而靈寶文又言入  
山當以保日又義日若專日者大吉以制日  
伐日必死又不一二道之也余少有入山情  
由此乃學遁甲書乃有六十餘卷其事不可  
卒精故集其要以為囊中立成然不中以筆  
傳今論其較略想好事者欲入山當訪索知  
之者亦不乏於世也  
七元中經曰欲求道以天內日天內時劫鬼  
魅施符書以天禽日天禽時入山欲令百邪  
狼虎盜賊不敢近之者出天藏入地戶佳也  
凡六癸為天藏六巳為地戶  
又曰亂世絕迹入山令無憂慮以上元丁卯  
日陰德之日時可以隱淪所謂白日陸沉日  
月無光人鬼不能見也

又曰求仙學道入名山以六癸日六癸時一  
名天心日必得度世也

又曰往山林中當以左手取青龍上物折半  
置蓬星下歷明堂入陰中禹步而行乃祝曰  
諾鼻太陰將軍獨開曾孫某甲勿開外人使  
人見甲者以為東薪不見甲者以為非人即  
折所持草木置地戶左手取土以傳人中右  
手持草自蔽左足著前禹步而行到六癸下  
閉氣住人鬼不見凡六甲為青龍蓬星六丙  
為明堂六丁為陰中又禹步法正足立右足  
在前左足在後復前又以左足從右足併是  
為一步也前左足次復前右足從左足併是  
二步也次復左足以復前右足從與右足併  
是三步也如此乃禹步之法凡作天下百怪  
皆知禹步不獨此事也

此成既濟卦初二跡不在九跡之數然相因  
仍一步七尺合二丈一尺顧視九跡禹步早  
矣


抱朴子曰靈寶所謂保日者謂支干上生下  
之日也若用甲午乙巳日是也甲者木也午  
者火也乙亦木也巳亦火也火生於木又所  
謂義日者支干下生上之日也若壬申癸酉  
是也壬者水也申者金也癸者亦水也酉亦  
金也水生於金故也又所謂制日者支干上  
剋下之日也若戊子己亥之日是也戊者土  
也子者水也己者土也亥亦水也五行之義  
土剋水也所謂伐日者支干下剋上之日也  
若甲申乙酉日是也甲者木也申者金也乙  
者木也酉亦金也金剋木効此引而長之皆  
可知也  
抱朴子曰入名山以甲子開除日以五色繒  
各五寸懸大石上所求必得  
抱朴子曰入山宜知六甲祕祝祝曰  
臨兵闔者皆陣列前行凡此九字常密祝之  
無所不辟要道不煩此之謂也  
右一法如此大同小異






右此是老君黃庭中胎四十九真符也若欲入山林以甲子寅日丹書白素夜置案上面北半祭以酒脯自說姓名再拜取納衣領中辟山中百鬼萬精虎狼毒蟲道士避世入山林亦如此法


第一符




第二符




第三符





右三符皆是老君居山符以丹書桃板大其文令彌滿板上以著門戶上四方四隅及所在道側要處去所住五十步內辟山精百鬼神驗



右此二符老君入山符戶內梁柱上皆可施凡人家居山林及暫入山皆可用此符反覆兩面俱作如此文





右此二符反覆兩面俱作此文此是仙人陳安世所受入山辟虎狼符丹書絹二符各異之帶着肘後男左女右亦可帶佩之可著所住之四方各書板上若移徙當拔取符去



右此二符是老君所帶辟百蛇及虎狼印以素木心長二寸刻之再拜而帶之其有

神効俗人信者皆可帶之大吉



右此三符兼可著牛馬屋左右前後及猪欄辟虎狼其紫庭內祕要乃是黃老君修行之術也其本不得妄傳非人殃流祖考切宜慎之

紫庭內祕訣修行法

太上老君大存思圖注訣

風四

存五藏五嶽五星五帝金映五色圓光

存三師竟次思見五藏五嶽五星五帝

右四條備衛身中身中變化無所不容至於畫圖無由備受象之於外標明方位得

之言前勿拘述致云耳

金映蓋一體體作五色從肺後出項有圓光

如日象

右三條在身中照明十方共右七條其形

如左



凡存思之時皆閉目內視人體多神必以五藏為主主各料其事事各得其成成正則一而不二不二則隱顯無邪無邪則衆妙可見見妙則與聖符同同聖則即可弘積學自然感會是以朝夕存思不可懈怠存者何也敦也輪也思者何也司也嗣也勿以輕躁失本學學以重厚得宗得宗則輪轉無滯無滯則存而不亡不亡由於司察善惡善惡在乎嗜慾偏頗偏者嗜慾愛憎徇惶往反生死勞苦未停未停之停停善不著善者善之善歸宗未能至至宗無者資於念念念相續繼念嗣存無有入於無間無為而無不為號曰微妙玄通和光挫銳濟度無窮是故為學之基以存思為首存思之功以五藏為盛藏者何也藏也成也潛神隱智不炫耀也智顯慈動動慾日耀耀之則敗隱之則成光而不耀智靜神凝除慾中淨如山玉內明得斯勝理久視長生也

第一見肺紅白色七葉四長三短接喉隴下肺者何也肱也伐也善惡之初兆而未明

明善則伐惡惡明則伐善善廢惡興伐人命根根斷不斷由於此藏此藏魄藏魄者何也粕也著也人之炫耀莫不關慾慾著曰惡惡如粕粕愚俗滯之不識情本今願標著存而見之魄則肅然不得為惡惡急宜棄故先存之火與金合成敗未分其色紅白葉數納言取其和成德德始於肺終於脾脾一又二兼齊也兼齊者有信也

第二見心如芙蓉未開又似懸赤油囊長三寸在肺前

心者何也深也斟也是非未辯斟酌優量敗則滅身成則得道禍福之深由於此藏此藏藏神神者何也申也真也智慧之王使屈能申存而見之神則凝然識定入真不可深累也

第三見肝蒼紫色五葉三長二短長九寸在心下

肝者何也幹也還也悟惡能改決定無疑行善建功幹事不怠審正還宗由於此藏此藏藏魂魂者何也紘也回也紛紛俗海

回向道門存而見之魄則欣然勸進立功克隆善業也

第四見腎蒼縹色如覆雙漆杯長五寸夾背兩腎者腎

腎者何也緊也津也習善緊不敢慢津潤

無窮濟度無極通達祛俗由於此藏此藏

藏精精者何也清也靈也動以徐清變化

無礙神靈往還提挈空極存而見之精則

澄然不散泄也

第五見脾黃蒼色長一尺二寸中有一尺曲

輸太倉胃上

脾者何也裨也移也清疑潛潤補益一切

安而能移移而不匱既成曲於此藏此藏

藏志志者何也至也異也潛潤密化頑鄙

異人存而見之信驗治俗志則湛然至乎

道也哉

次思五嶽

嶽者何也巖也巖也巖然安鎮不可傾動

動化順道使迷夢覺悟學士象之故次思

也思嶽正方在於藏者鍊此肉姿為金剛

也

第一見東嶽泰山正在東方

東者何也童也動也動修正道澄源清淨

故其方氣清物色多青青春主仁蠢息宜

愛存見在肝肝無災患保長生也生為元

首故先存之也

第二見南嶽霍山正在南方

南者何也任也納也運至此時才行堪任

廣能容納故其方氣盛物色多赤赤夏主

禮大事宜明存見在心心無災患保常安

也耳

第三見中嶽嵩高山正在中央

中者何也工也沖也央者何也常也量也

輪轉無窮體空詣極其方氣和物色多黃

中正無邪周行不殆觸感能應故黃季主

信總括要密存見在脾脾無災患保未立

也

第四見西嶽華山正在西方

西者何也凄也齊也凄切貞白內外齊潔

故其方氣烈物色多素素秋主義德行宜

總存見在肺肺無災患保通成也

第五見北嶽恒山正在北方

北者何也伏也福也動極歸靜調伏無窮窮則能變萬福惟新新如不新微妙幽玄故其方氣柔物色多黑黑冬主智智周必濟

存見在腎腎無災患保常樂也

次存五星

星者何也精也生也精由窈冥應現成形祛諸羸滯濟長生也金剛極精與神合也

第一見榮惑星在南嶽上

其色赤其精朱榮者何也灼也炫也惑者何也忒也賊也欲動炫耀致差錯賊害名以為主亂亂宜急治先存見之謂亂則定定亂既者信顯義明明義入智智通長存

第二見鎮星在中嶽上

其色黃其精煌鎮者何也信也定也煌煌之威內外安寧四方無違信有徵也

第三見太白星在西嶽上

其色白其精素太者何也大之大也白者何也的也灼也灼然明白能受眾彩眾彩

得之的然顯發用之隨宜無能大此故曰太白珠諧名也哉

第四見辰星在北嶽上

其色黑其精玄辰者何也淳也真也潛也潛通顯連始終無虧雜污不染智慧靜也

第五見歲星在東嶽上

其色青其精蒼歲者何也際也遂也去故就新窮而能通因際又會遂成功也

次存五帝

帝者何也諦也詣也精真之信有此神形形神俱妙妙應無窮審至宗極無退轉也

第一見黃帝

在鎮星之中下遊中嶽之上宣理脾氣通人志願巖間宮殿七寶室室衣服羽儀侍從播蓋文武伎樂物色多黃果願貴微變

化須驗故先存之信為主也

第二見白帝

在太白星中下遊西嶽之上宣理肺氣遣人滯著巖間宮殿七寶室室衣服羽儀侍從播蓋文武伎樂物色多素也

第三見黑帝

在辰星之中下遊北嶽宣理腎氣潤人精液巖間宮殿七寶室室衣服羽儀侍從播蓋文武伎樂物色多玄也

第四見青帝

在歲星中下遊東嶽宣理肝氣獎人善事巖間宮殿七寶室室衣服羽儀侍從播蓋文武伎樂物色多蒼也

第五見赤帝

在榮惑星中下遊南嶽宣理心氣定人神智巖間宮殿七寶室室衣服羽儀侍從播蓋文武伎樂物色多朱也

次存全映蓋體

見五帝光儀備衛身中飛五星色相出覆體外榮惑在頭上鎮在心前辰在膝間歲

在左肘太白在右肘光色往還混成金映映者何也決也鏡也金者何也堪也欽也

身金紫色神氣清和決決深靜朗鏡無昧堪幹堅剛斷決邪疑捨凡成聖也

次存體作五色

次存體作五色

色者何也測也識也妙氣應感以反眾迷  
迷復識真以測邪偽偽色既捨真色自形  
形妙鍊蘊蘊消成聖耳

第一見白氣從肺出第二見赤氣從心出第  
三見青氣從肝出第四見黃氣從脾出第五  
見黑氣從腎出

向見帝帝光星色合成金映今見五藏五  
氣從藏又出以次相隨上昇至頭五色輪  
回冠覆身體翳鬱氣氤如在濃煙中也  
次存項有圓光

身已化為紫金之色又得五氣周旋明嚴  
相好項生圓光巾繞上下通洞晃炎照明  
十方消却萬惡內外洞徹無鄙之疵  
光神不二道同一矣

存竟禮十方次禮真經真人曰禮經時心  
注太上老君三拜次念尹先生河上真人  
玄中法師復三拜常三萬六千童玉女  
侍經燒香為兆求曰日昇天之道者也

坐朝存思  
坐朝者端坐而修禮也凡有公事私礙或在

非類之間不得束躬上堂展敬但自安坐不  
使人知香火非嫌乃可然之人見致笑亦即  
可闕將護彼意勿增他愆初夕向曉依時修  
之白日啓請亦宜平坐坐則如常勿華形色  
唯令異人不能覺知人覺而喜乃可化之覺  
而嗤鄙皆毀正真誤其招殃又環子業古之  
學道為己今之學道為人為人苟以悅人不  
顧心非為己者存心是不顧亦違違亦由心  
致感彌速強欲伏眾有迹無心非唯徒勞乃  
更獲罪學真之士各加思真真貴會時時貴

善合合而非善此時勿會會必兼濟濟物及  
身善善相得捨惡昇仙捨惡昇仙乃謂為會  
會惡致敗名濫實殊若出處所遭遭時二病  
一者滯心二者執迹執迹者宜以心法化之  
滯心者宜以迹法引導心迹弗偏化執導滯

二病豁除上聖之道就矣  
凡行經山水積日舟車舟車之中山水之  
際涉涉登陟舍住相須疲倦止息皆依時  
存禮隱顯隨宜存思精審自然忘勞魔邪  
惡人不敢撓近當誦經行戒以善與居興

居無善破戒遠經雖復存禮終不覩真嫉  
鬼妬神凶人惡物更相銜犯煩惱生災卧  
坐無寧急急存九行行之檢身心存口誦解  
了無疑以定三業三業既定眾災自消人  
鬼敬伏擁護去來出入動靜必保貞吉九  
行在想爾注前三業在明威經後存思者  
急宜憶之故標出如左  
行無為行柔弱行守雌勿先動  
此上最三行  
行無名行清淨行諸善  
此中最三行  
行無欲行知止足行推讓  
此下最三行  
一者不殺二者不盜三者不淫  
此三事屬身業  
一者不妄言二者不綺語三者不兩舌四者  
不惡口  
此四事屬口業  
一者不嫉妬二者不瞋恚三者不邪疑  
此三事屬心業


右九行三業十事常當存念驚恐之際急難之時皆速思之危即安也

望冠者恆黃  
服衣宜紫



卧朝存思


卧之為法勿正仰如尸當側傍檢體莫恣縱四肢不可高枕三寸許耳香藥為枕無用惡木冷潔穢臭衝犯泥丸雖行途權假恒宜防之卧起呪願善念在心心存朝禮時不可闕礙公私後皆懺悔也



朝出戶存玉女

玉女者是自然妙氣應感成形形質明淨清皎如玉隱而有潤顯又無邪學者存真階漸昇進進退在形出入在道道氣微妙纖毫必應應引以次從早至尊故白日則玉女守宮夕夜則少女通事濟度危難登道果也

若冠履後服  
餘並取宜紫



夕出戶存少女


夕出戶呪曰少女通靈學未昇玄不得無業業有優劣皆必須因因果妙乃一其精神而未一由學未精精之以漸引陰濟陽人生陽境動靜歸陰

陰為道幾應感最妙妙應之初有茲少女秉正治邪和釋萬戾罰惡祐善陰德濟陽顯稱王明其可堅貞呪而存之成真則速矣哉

行道時存雲氣兵馬

清旦先思青雲之氣市滿齋室中青龍獅子備守前後

次思青氣從師肝中出知雲之昇青龍獅子在青氣中往覆弟子家合宅大小之身仙童玉女天仙子地仙飛仙日月星宿五帝



兵馬九億萬騎監齋直事三界官屬羅列左右耳

正中思赤雲之氣布滿齋堂朱雀鳳凰悲鳴左右

次思赤氣從師心中出如雲之昇鳳凰朱雀在赤氣中往覆弟子家合宅大小之身

仙童玉女天地仙飛仙日月星宿五帝

兵馬九億萬騎監齋直事三界官屬羅列左右

日入思黃雲之氣布滿齋堂黃龍黃麟備守四方

次思黃氣從師脾中出如雲之昇黃龍黃麟在黃氣中往覆弟子家合宅大小之身

仙童玉女天地仙飛仙日月星宿五帝

兵馬九億萬騎監齋直事三界官屬羅列

左右耳三時行道六時依如後科

人定思白雲之氣布滿齋堂白虎麒麟備守內外

次思白氣從師肺中出不須存麒麟宜存

白虎若存麒麟思白麟在白氣中往覆弟子

家合宅大小之身仙童玉女日月兵馬悉如前法黃錄大齋三時行道宜用日入常

齋三時可取人定人定而用日入存思又六時更從青始次赤周白此皆失法青赤

白別有皆非五藏六府之儀也

夜半思玄雲之氣布滿齋堂靈龜騰蛇備守上下

次思黑氣從師腎中出如雲之昇靈龜騰蛇在黑氣中仙童玉女日月兵馬悉如前

法也

向曉思紫雲之氣布滿齋堂辟邪獅子備守

隱顯其形如左

次思紫氣從膽中出餘如前法

凡存雲氣各從方來青雲出東赤雲出南黃


雲出中白雲出西黑雲出北紫雲出上見從

其方稍出漸盛鬱氣氤氳溢堂宇然後思

己身中藏氣又出與雲色相合氣同明淨香

潔覆庇家門宮城山水小大畢周神官靈默

齊整參羅前後左右四方內外上下隱顯六時轉隆神靈普遍也







真人冠履時候  
人物靈氣各取宜

上講坐存三色三一魂魄

上講時先存三色次存三一行道有六時上講常三時食後上脯人定三時入齋堂捻香禮三拜巡回依座坐竟有眾者法師以拂擊席仍放板膝前同臨目握固存頭氣青兩手氣赤兩足氣白三氣繞身其形如左



坐存青板邊  
服鈴取宜裝

存三一魂魄三一者三處之神同一道也其道本一應感成三三界內外無乎不在統化主物號三天太上宣教侍經號三素左君降人成德號曰三一三一在人人有三宮頭腦

名為上元宮其神曰夷心內名為中元宮其神曰希臍下名為下元宮其神曰微皆如嬰兒俱長一寸靜坐正拱無欲無為體無應有學仙所存久習堅固神通洞達然後變化無滯群動咸依細無不入大無不包或為無窮或為無極觀妙之初先由寸起其形如左

真人曰齋時皆心注玄真求無外想想念在經師先思三一在宮室安居分明具三魂七魄太一鎮泥丸中如同風帝一法然後與兆俱齋聽經口授心存則三尸亡走邪氣滅去內外受真如此近仙矣傍吐納導引和液行上諸妙道天真必降于上士得道於室內雖處巖穴而外想一毫不絕亦徒勞損力耳學道唯心盡志仙人當下觀試之也子善詳察之焉

初登高座先存禮三尊講義及讀經先靜竟登起向太上座三過上香却後數尺禮三尊三拜又仍存經師籍師度師各禮一拜合六拜乃登高座其形如左

初登高座先存禮三尊

三尊者道尊經尊真人尊三一之尊通乎人身人身欲與三尊同者清齋精思禮拜存之日一過如此初下禮六拜後重上須禮下則二拜叩搏願念如法贏者心拜也

皆冠履裝束  
餘並取宜裝




皆冠履裝束  
餘並取宜裝






登高座存侍衛



十七

登高座安坐斂簡當心鳴鼓三十六通燕液三十六過臨目見左青龍右白虎前朱雀後玄武足下八卦神龜三十六獅子伏前頭中七星五藏生五氣羅文覆身上三一侍經各千乘萬騎仙童玉女衛之其形如左



萬遍竟雲駕至  
能讀五千文萬遍太上雲龍下迎萬遍畢未去者一月三讀之須雲駕至便昇仙其形如左

修行萬遍之道又存五雲之星轉經之後

夜半至生氣之時飽服五牙之氣坐向月

建之方叩齒九通燕液三十六過臨目存

五星辰在頭上歲星在左肘太向在右肘

筮感在兩膝間鎮心在心中久久乃止行坐

出入常思不忘千災自然絕萬禍不能干

後當身上出水身下出火智慧六通奄見

五老五老是五星之精見之則變化自在


同昇乎天也

真人侍衛神祇黃服  
雲駕人物各彩雲在空



凡四

尤



受經之後長齋存真捨俗習道精思誦文日  
轉十過涉歷三年千日之中數充萬遍解了  
究悉具足修行鍊易備弘身神相一雲龍來  
迎上昇三清過畢未去其事有二一者功成  
德就赴感濟時運未隱景故續獎後生二者

太上五星七元空常訣

未究竟行未備周鍊未能精思未招應雖訖

未昇方須研進遠欲觀妙損己度人勇猛立

功精嚴存念或多或少一月三修物我咸過

積數成德念念不斷善善相聯恒見三尊雲

駕自至久必神通踈促則塞塞而億過亦弗

能超超然行周身神俱騰矣

行周者能仁義禮智信敬度天人也有此

五德雖具而微不周濟物濟物功少皆非

行周無望得道得道之由由行五德行五

德者三業則定十善事成太一必降五老

相携得道無疑也

太上老君大存恩圖法訣

太上五星七元空常訣

七元圖

風五

飛行五星之道以尋步水木火土金五星來

降致神雲羽蓋登太玄之階谷希子法閉氣

上罡往還十五過每至星所左手拊心默祝

曰五星列照云云未登罡時先存五星精在

五藏中也每步罡輒按而為之行之十四

年白日龍飛要道在尺素上是此之圖矣

太上真人步五星之道以致五星降室閉氣

上罡當先呼五星皇夫人名字畢乃越罡踏

星謂始上罡便頓住呼名字呼名字畢乃越

罡踏星耳若每至星上得復重心呼所至星

處之名字益其佳也若其煩重難常但可按

舊而行耳昔鬱沙公北里子生長陵老人皆

按此法而得昇天不以煩難為辭也所謂治

生者矣商販汲汲豈憚險難哉所期唯錢貨

而已耳若使求道者常如買販之用心亦有

何不得仙耶但惜初學者皆言專盡動至而

後輒懈縱有似車之將敗而百節緩落又似

負重之牛造遠足蹇末學者之所患而為得

者之所笑皆如此輩事耳苟心研內鏡者是為感發乎神將有靈人發子之蒙攜辰景之與矣五星布圖常向南也以太白位在西歲星在東按而施之所以爾者五星隱伏縱橫無常不如此斗列象恒在故一以定位於五方不得隨星之所在也



太素真人曰步五星初未登星置之時及訖下置之時並先存五星之精在我五藏中存畢叩齒五通咽液五過微祝曰  
五辰列橫煥朗五方水星却災木星致昌燄感消禍太白辟兵鎮星四據我得利貞名利  
玉蘭錄字帝房乘颺扇景飛騰太空出入冥無遊宴十方五雲覆蓋招神攝風役使萬靈上為仙公畢正心向置口當上下之際而存祝之也  
東方歲星真皇君名澄瀾字清疑夫人名實容字飛雲

南方熒惑真皇君名維濔字散融夫人名華融字玄羅  
中央鎮星真皇君名藏陸字耽延夫人名空瑤字飛賢  
西方太白真皇君名家凌字振尋夫人名聰英字靈恩  
北方辰星真皇君名咸咺字精源夫人名玄華字龍城  
開氣上置當先呼五星名字及夫人名字畢乃越置踏星先舉兩足上太白從太白登鎮星從鎮登火星從火登木星從木登辰星從辰星還躡太白凡三過乃更閉氣上置按舊往還十五過每至星所輒呼皇君及夫人名字左手拊心祝曰云云

經曰行事時皆北向執隱書而為之者謂始學真妙未涉微遠不解星位之首向不識玄斗之指建故當北向執書以漸求之耳若既解書意識星轉之隨時自宜隨斗所指按而存步如此則無有常向不為皆向北也夫一切北向自為始學者耳恐此將可以意通觸類不足復問耶  
三八景合二十四神以次念之亦可一時頓存三八亦可平旦存上景日中存中景夜半存下景在人意為之也若外身幽巖屏絕人

事內念神闕攝真朝氣將可平旦頓存三八景三時又各重存一景益當佳也但人間多事此煩難常行耳事不得常為益自薄昔西城王君桐栢上真皆按此道也按苞玄玉籙白簡青經云不存二十四神不知三八景名字者不得為太平民亦不得為後聖之臣太素真人曰欲變化分形隱淪八方匿軀藏景入空造冥來致萬物討捕眾野當恒修空常之精思也  
八節日六丁日亦修之若併重日者亦再行之或以步罡後仍行亦善此隱淪之道也其空常罡上有二十五黑點

- 第一點地名九常居之以逃形
- 第二點名育常化身為草木萬物
- 第三點名卯常變身為山陵萬物
- 第四點名流常逃氣化氣
- 第五點名行常逃火
- 第六點名上常人見之云上天下地
- 第七點名天常逃火
- 第八點名玄常逃水

第九點名三常逃兵

第十點名辰常逃死

第十一點名中祀處空常心也

第十二點名河常化作水火

第十三點名元常住此化作草木

第十四點名古常住此化作鳥隨心

第十五點名已常化形為鳥獸

第十六點名九常逃凶

第十七點名世常逃神

第十八點名明常逃水成地

第十九點名玉常住此作虎

第二十點名法常住身為千


第二十一點名陰常住此化作龍

第二十二點名黃常化為女子分形為百

第二十三點名定常住此化作萬物任心

第二十四點名飛常逃身為六畜而人不見

第二十五點名六常逃思殺人



步空常之道始於九常每造第十一中央星之所而微祝曰

四明上元日月氣明流光煥曜二十五星濯液凝魂神水散形蕩穢清練洞徹幽冥玉簡

青籙高閣刻名石鏡王馬照知鬼形藏身靈緯上朝上清

斗第一太清中有變隱逃元內妃名空常法垣字辛正披黃錦帔丹青飛裙

第二元星保胎化形內嬪名空常三炁字羅朱嬰青錦帔綠羽飛裙

第三真星六遯七隱上元元母名空常靈夷

字冲雙兆青錦帔繡羽華裙

第四紐星匿景藏光中元內妃名空常七列

字橫單盤紫錦帔黃華羽裙

第五綢星變體易景斗中大女名空常鬱書

字疇丘蘭朱錦帔紫青飛裙

第六紀星隱迹散象斗中中女名空常氣精

字抱定陵朱錦帔青繡飛裙

第七關星分景萬形斗中少女名空常郁墨

字天凡淑丹錦帔青華羽裙

第八帝星化日月水火斗中高皇左夫人名

空常石啓珠字落茂華紫錦帔繡羽飛裙

第九尊星化金石山河斗中高皇右夫人名

空常愛上條字靈育玄綠錦帔翠羽華裙

九人頭並頰雲髻閉氣上罡先呼九星內妃

名字畢乃躡星也太白橫懸散芒鋒遂吐三

別兩金英圖沸增宇流場玄室皓鬱太白星

也橫行而懸散於芒鈞縱布於九天者也真人

人以此星有七芒常存吐西方三芒引南方

兩芒於是金華徹目圖明涕駭以洞一身既

洞得與星神入增字及流揚之宮宮內有玄室既晏而遊拜為真人也此皆太白星中宮室名也

行太上隱書事

經曰行事時皆北向執隱書而為之者謂始學真妙未涉微遠不解星位之首向不識玄斗之指建故當北向執書以漸求之耳若既解書意識星轉隨時自宜隨斗所指按而存步如此則無有常向不為皆向北也夫一切北向自為始學者耳恐此將可以意通觸類不足復問耶

太上真人步五星之道以致五星降室閉氣上罡當先呼五星君皇夫人名字畢乃越罡踏星謂始上罡便頓住呼名字呼名字畢乃越罡踏星耳若每至星上得復重心呼所至星處之名字益其佳也若其煩重難常但可按舊而行耳昔鬱沙公北里子生長陵老人皆按此法而得昇天不以煩難為辭也所謂治生者矣商販之汲汲豈憚難哉所期唯錢貨而已耳若使求道者常如買販之用心

亦有何不得仙耶但惜初學者皆言事盡勤至而後輒懈縱有似車之將歇而百節解落又似負重之牛造遠足蹇末學者之所患而為得者之所笑皆如此輩事耳苟能心研內鏡者是為感發乎神將有靈人發子之蒙攜辰景之與矣至五星布圖常向南也以太白位在酉歲星位在東按而施之所以爾者五星隱伏縱橫無常不如北斗列象常在故一以定位於五方不得隨星之所在也

三。八景合二十四神以次念之亦可一時頓存三。八亦可平旦存上景日中存中景夜半存下景在人意為之也若外身幽巖屏絕人事內念神闕攝真朝氣將可平旦頓存三。八景三時又各重存一景益當佳也但人間多事此煩難常行耳事不得常為益自薄昔西城王君桐栢上真皆按此道也按苞玄玉錄白簡青經云不存二十四神不知三。八景名字者不得為太平民亦不得為後聖之臣受大洞真經應受上道法衣巾不假人不同器四者卑服床寢不共之也所以過穢垢之津

路防其邪風之往來耳此甚易行而以爲難所謂信道不篤欲飛返沈

諸修洞房行步七元者厥初起初卧時及臨食畢先微祝曰

五皇五通玉宇洞房回元隱道豁落七晨生

魂者玄父變一五成神生魄者玄母化二生身

攝吾筋骨者公子為吾精氣者白元長生久

視飛仙十天畢勿令耳聞祝音此太上隱祝

以除邪氣致精神欲變化分形隱淪八方匿

聖藏景入空造冥來致萬物討捕眾軒當修

空常之精思也當一月七步空常罡如用步

七元日也亦以夜半或以日中或以平旦於

靜室行道

八節日六丁日亦修之若併重日者亦再行之或以步畢後仍行亦善此隱淪之要道也

其空常罡上有二十五黑點

第一點地名九常居之逃形神異育字通教

第二點名育常化身為草木萬物幽元

第三點名如常變身為山陵萬物金上牛

第四點名流常逃氣化氣谷清字

第五點名流常逃氣化氣谷清字

第六點名流常逃氣化氣谷清字

第七點名流常逃氣化氣谷清字

第八點名流常逃氣化氣谷清字

第五點名行常逃火治此字

第六點名上常人見之云上天天下地貴光字

第七點名天常逃火宋虎字

第八點名玄常逃水空號字

第九點名三常逃兵寶安字

第十點名辰常逃死內溫字

第十一點中祝處空常心也常備字

第十二點名河常化作水火流精字

第十三點名元常住此化作草木南治字

第十四點名古常住此化作鳥隨心洞生字

第十五點名已常化形為鳥獸李行字

第十六點名九常逃凶上陽字

第十七點名世常逃神者元字

第十八點名明常逃水成地碧湖字

第十九點名王常住此作虎歸音字

第二十點名法常化為千身輝臺字

第二十一點名陰常住此化作龍玄通字

第二十二點名黃常化為女子分形為百空空日

第二十三點名定常住此化作萬物任心防隱

光字數

第二十四點名飛常逃身為六畜而人不見上元字

第二十五點名六常逃鬼殺之人終安字

步五星初未登星之時及訖下星之時並

先存五星之精在我五藏之中存畢叩齒五

通咽液五過微祝曰

五辰列橫煥朗五方水星却災木星致昌榮

感消禍太白辟兵鎮星四據我利貞名刊

玉簡錄字帝房乘廳扇景飛騰太空出入冥

無遊宴十方五雲覆蓋招神攝風役使萬靈

上為仙公單正心向罡口當上下之際而存

祝也

閉氣上罡當先呼五星名字及夫人名字單

乃越罡踏星先舉兩足上太白從白登鎮星

從鎮登火星從火登木星從木登辰星從辰

還躡太白凡三過乃更閉氣上罡按舊往還

十五過每至星所輒呼皇君及夫人名字左

手拈心心祝曰云云

第一太白金星黃錦帔丹青飛裙

第二元星青錦帔綠羽飛裙

第三真星青錦帔縹羽華裙

第四紐星紫錦帔黃華羽裙

第五綢星朱錦帔紫青飛裙

第六紀星朱錦帔青縹飛裙

第七關星丹錦帔青華羽裙

第八帝星紫錦帔縹羽飛裙

第九尊星綠錦帔翠羽華裙並類雲髻步

空常之道始於九常每造第十一中央星之

所而微祝曰

四明上元日月氣明流光煥曜二十五星灑

液凝魂神水散形蕩穢清練洞徹幽冥玉簡

青錄高閣刻名石鏡玉馬照之鬼形藏身靈

緯上朝上清

東方歲星真君澄瀾清鏡

夫人寶容飛雲

南方英威星真君維溥散融

夫人華瓶玄羅

中央鎮星真皇君藏陸軌延

夫人空瑤飛賢





五氣北玄玄門洞靈北宸流映魁上玉精中  
有太皇五帝尊名厥諱咸咽衣服玄青首建  
玉冠腰帶流鈴金章玉節翠佩煥明徘徊辛  
晨傍觀八冥玄津下降入我賢庭保錄五神  
藏腑鮮榮內外充溢變化景形骨飛騰昇上

造玉清引星光氣  
五明止

步五星畢次登空常罡第一併足上九常上

祝曰

地九常君變景幽冥為我隱步以逃我形

次登育常祝曰

次登靈君形無常服為我變化身為草木

次登卯常祝曰

卯常尊神能沉能昇為我化景變成崗陵

次登流常祝曰

流常皇君形無恒身為我喻吐與氣起煙

次登行常祝曰

行常大君威伏萬鬼變化我形起煙成火

還金星上閉氣七息叩齒七通祝曰

飛空太幽化景五常北入五氣南制三陽金

符命靈太帝扶將六戊逃已保度洞鄉太白

護肺金鎮胃腸內充外溢形魂俱翔千變萬  
化適意所迎得與玉皇同遊上京引氣七  
明止

從金十二步登土星併足上常祝曰

上常翔翺變化億千為我載景昇入九天

次登天常祝曰

天常流炎起煙成墨為我逃形帶神入火

次登玄常祝曰

玄常北玄以水為身隱我河海觀我成真

次登三常祝曰

三常變威光制八庭為我致仙却災攘兵

次登辰常祝曰

辰常萬化體無常形為我致仙逃死者生

還土星上閉氣十二息叩齒十二通祝曰

元帝五星中皇大神變氣七金成伏三晨逃

身分形上天入雲總呼五靈衛我脾門使我

藏府早化成仙飛玄入空水火萬原在所意

欲上昇無端得與皇妃結友齊真引氣十  
二明止

從土星三步登火併足空常祝曰

空常至靈輔弼上具入我絳宮總攝萬仙

次登河常祝曰

河常逃伏隱道八冥水火變化使我仙成

次登元常祝曰

元常變化草木蔽身使我形景同合道真

次登古常祝曰

古常天雙出入無間身生羽翹飛昇上天

次登已常祝曰

已常南離建九雲覆變化我形立成鳥獸

還火星上閉氣三息叩齒三通祝曰

流炎丹雲三門電庭五常變通萬化鬱深攝

命土皇威制北精上元保錄固我長生今日

步空乘虛入星熒惑輔心我道洞明十分萬

合所向立成魂導魄練羽服時生得與五皇

攜與玉清引氣三  
明止

從火星九步登木併足九常祝曰

九常青皇天地魂根使我變化逃景隱山

次登世常祝曰

世常天靈總度萬仙使我步空合景成神

次登明常祝曰

明常照照光曜八皆使我變形逃水成地

次登玉常祝曰

玉帝威化制御五土使我化形立佳成虎

次登法常祝曰

法常部木位總神仙使我分景化身為千

還木星上閉氣九息叩齒九通祝曰

少陽九門徘徊青天中有五常變化億千呼

陰召陽制御金神東華命節節應自然步空

躡虛策駕青煙上降碧靈下鎮肝門道明九

合立致飛仙得與青皇同具木晨引氣九止

從木星五步登水陰常上祝曰

陰常北玄萬化之宗使我住此立成神龍

次登黃常祝曰

黃常陰化化為仙子使我分形立為百已

次登定常祝曰

定常總元變化鬱勃使我分形以成萬物

次登飛常祝曰

飛常總元入空上下含響百韻化形六畜使

人不見

次登六常祝曰

六常綱紐制鬼御神回轉天地當之殺生

還水星上閉氣五息叩齒五通祝曰

北玄五氣五門開張中生黑皇號曰五常變

化幽冥出陰入陽召命三震制御土宮使我

飛步逃景太空在所適向分形百方上造勾

陳昇身玉京體生奇毛腎府納芳今日行道

神仙之宗得天上願享祚無窮引氣五止

步常都竟便下從門叩齒三十六通向罡歌

三洞飛步章九步登陽明星併足東向祝曰

太上宮中變隱逃元內妃大神太一上尊總

領命籍為我致仙藏形逃已上昇帝軒

次登陰精東北向祝曰

中元宮中保胎化形內嬪太真高上玄靈斬

胞解結練胎固精變化萬方便我長生

次登弼星向真人祝曰

真元宮中六邇七隱上元元母育我胎產遞

化金室變乘蒼輦使我飛空長年無限

次登玄冥向北祝曰

細幽宮中匿景蔽光內妃神仙大宗靈剛度

我六戊出我八方逃跡飛步上超帝房

次登丹元西向祝曰

網神宮中變體易景斗中大女玄化無像度

我元斗書名帝傍飛空策虛騰身浮影

次登北極東北向祝曰

紀明宮中隱迹散眾斗中中女靈化上官落

我玄籍度名諸方分身成千反容更童

次登天關西北向祝曰

闕會宮中分景萬形斗中小女玄上太靈隨

斗運機轉輪萬生使我飛空變化太冥

次登輔星向天門叩齒九通祝曰

帝席上官左皇夫人上對帝君齊景合真號

曰空常變化九天運導日月聚氣成煙回轉

水火萬怪去身是時元吉玄慶敷陳使我飛

步乘常入真九晨流落享福萬千形齊天光

壽比靈椿叩齒二十止

次登弼星向地戶叩齒九通祝曰

上尊上官夫人右皇帝尊同符合靈華房天

魂地魄號曰上空變化九氣萬真祖宗回金

轉石與天齊功消山竭河呼雲召龍萬怪立

應分景億通飛步躡虛流煥四衛藏身魁席

覆衣天光長靈天地享慶洋洋請如所願受

福水終叩齒三十止

太上五星七元帝訣

進延壽赤書表

風六

唐終南山林臣裴鉉上表

臣聞明流八荒者日也聲飛萬古者道也故  
 貞明不出於古先德身豈遠於身外是以聖  
 人洗心以至道如蹴踞馬然則氣無形端有  
 若道準固以榮韜述之無因取興則小其弘  
 則大微臣幸逢堯運忝預巢由服志中巖有  
 易潤澤因編於儒典薄求於道書見仙家保  
 命之真言思君親永壽而無極真言秘旨累  
 翳縑緗誠則天鑒昭回私心懼勞聖覽是以  
 披歷精要載騰真聲進明白於一貫退光宣  
 於少得故樂者易成功見之不駭俗誠皇極  
 之道也經所謂王侯得一以為天下貞者不  
 空言哉斯蓋上玄老真延齡永壽之前梯也  
 因以名曰上玄高真延壽赤書焉赤書者上  
 以明星火資於土德中以殷仲夏之朱明下  
 以達微臣之丹懇也靈經云俾國太平轉災  
 成福當用五老赤書作鎮也今屬三氣炳節  
 降慶神期敢獻延壽之書冀申誕賀之禮伏  
 惟

開元聖文神武法天至道皇帝陛下道滿天  
 大覆素無私德通坤厚光載罔極不恥牧童  
 之詞豈愧蕪蕪之言言不賤廢天下幸甚書  
 一軸凡八篇積數千字皆眾聖高真之至言  
 也在掌握之內足見長生之道焉

上玄高真延壽亦書

鬱璘前奔第一鬱儀太陽之精神也

東卿司命曰晝存日夜存月如小銀焉存日

赤色紫光九芒矣存月黃色有白光十芒矣

而日居左月居右令二景與目瞳合氣相通

也因咽無數液密行此道以攝運生精理和

魂魄六丁奉侍天兵警護此上真太上高真

帝在囊肘之間信誓高傳也

南極夫人曰存心中有紫光日象如錢許赤

色有九芒從心中上出喉至齒間而還胃中

如此良又臨目見中心腸胃分明乃吐氣

漱液因咽三十九過止一日三為之行十年

日中無影辟百邪神仙矣

西城王君曰恒存月在泥丸中夜服月華如

存日法存月有十芒白色從腦中下入喉而

回入胃中猶服日耳泥丸腦神也身神中至

尊也

太虛其人赤君內法曰每月五日夜半存月

在心中目從口入使照一心之內光明合會

畢當覺心暖久之密祝曰

大明育丹精內鍊金光輝合映真神來壽講

畢咽液數極于九每月十五日二十九日復

行如上法使人聽察光徹面有玉光體潤全

澤行之十五年太上遣寶車來迎修之務欲

數不必事須此日

青牛道士口訣曰暮卧存日在額上月在臍

上辟千鬼萬邪秘驗

靈寶五符序曰欲登仙當召身神或有乖處

以呼所在神以治之立効也謂耳鼻舌各司

神宮殊貫故別呼名焉

眉神名天雲 腦神名元先 鬚神名東王父

耳神名嬌女 目神名英明 髮神名長壽

鼻神名適虛 口神名丹珠 舌神名丹黃

齒神名衛士 喉神名武奔 肩神名鬱靈

手神名魂陰 心神名响响 肺神名臨臨

臍神名獲獲 胃神名阻阻 脾神名禪禪

腎神名澗澗 膈神名玉靈 丹田神名藏精

大腸神名託託 小腸神名菜菜 陽神名窮英

臍神名陰陰 膝神名區區 脛神名孔子

足神名立力士

常欲精寐先存之鬼物不能致也睡朔日弦

望存之尤佳也

洗心內忌第二

酆都記曰忌言學道何則言出於外鬼物必

犯於人使人疾病謂體或未真不可不慎焉

東陵聖母口訣曰學仙慎言有多術為山神

百精所試也劉景亦用此術昇仙矣

老君養神經曰如濁忌向北及向西北為

宮在方馬故於濁上忌過疾多不效者抑有

內矣或遇疾急請大官名乃免耳六官名具

在第三篇切忌濁 又曰假寐而詠歌亦謂之請禍若暴露俾人

遇惡疾不悔也

又曰理髮忌向北大悔也謂散髮近前於陰

而履垢亦令人

消瘦瘵疾也 南嶽夫人曰卧室務其芳潔不潔則受故氣

之亂學事難成深忌之

又曰卧床務欲高高則地氣不及鬼吹不侵

不爾鬼氣侵人常依地面上也林高三尺六

皆附物以為冷故林高三尺六寸然鬼無形

能及也古之史亦見鬼附地以管吹人學者

慎之切

仙人陳安世口訣曰理髮及飲食茵席勿令非道者見近見則尸俗魄形鬼來侵我神也所以棲山者欲遠之耳秘之

真語曰養生之人不過泣及多唾耳洩之皆謂損液漏津使喉腦空竭是以真人常吐納咽液以復命焉

古玄師曰浴不厭數患人不能耳蕩練菟穢而真氣至

真語曰凡甲寅庚申之日尸鬼競亂精神躁穢之辰也不可與女子執調及言笑耳是日

遣諸欲保元吉也  
仙人劉綱口訣曰求仙者勿與女子正月元

日二月三日三月九日六月二日九月六日十二月三日是日御女六尸亂藏血潰三魂

失守神氣凋逝積以致斃所以忌也此以者

血潰而女官在寅申相刑則日出於日朱重之中是以女尸招男男尸招女禍害往復喪神破精離人不自觉刑而靈已損由三尸戰於眼中流血于泥丸也至其日龍婢笑女則不可相見耳仙師但終北道而長生

紫陽真人曰沐浴不數魄之性也違魄反真

練其濁魄自亡矣

大洞秘訣曰夜夢而心中自以為佳則吉感卧覺當摩兩目二七過然後叩齒二七通微

呪曰  
太上高精三帝丹靈絳宮明徹吉感告情三元棄魄天皇受經所向諧合飛昇上清常與

玉女俱會紫庭惡夢感吉也  
清神外禁第三

酆都記曰有知酆都六官名則百鬼不敢為診欲卧常先向北微其音再三呪曰

吾是太上弟子下統六天六天之官是吾所部不但所部乃太上之所主吾知六天官名

是吾夜生敢有犯者太上斬汝形第一官名紂絕陰天宮第二官名泰殺諒事宗天宮第三

三官名明辰耐犯武城天宮第四官名恬照罪氣天宮第五官名宗靈七非天宮第六官

名敢司連宛屢天宮誦畢擊齒六十通乃卧辟萬邪之氣行之彌旬死籍削注生於南宮

耳  
洞房太丹經曰惡夢者一曰魄妖二曰心試三曰尸賊欲消之方覺後以左手按人中二

七過叩齒二七通呪曰  
大洞真玄張鍊三魂第一魂速守七魄第二魂速守泥丸第三魂受心節度速啓

太上元君曰向遇不祥之夢是七魄遊尸來協邪源急召桃康護命消滅惡精去凶成吉

生死無因行之不已坐見將來休咎之事矣酆都記曰夜行常鳴天鼓亦無至限數也可

以辟百鬼邪魅皆畏啄齒之聲是故不能犯人昔能生患風面自相咬鬼物來拜者聞叩齒之聲皆速之半一百三十歲履春沐而何泥通行之人改叩齒者手

藏竅鉤神第四  
真語曰養生之道先欲識己之形存之極令准的存在目前矣面上恒日月之光洞照一形也使日在左月在右去面前九寸存畢乃擊齒三通微呪曰

元胎上真雙景二玄右抱七魄左抱三魂念我神明與形常存誦畢又擊齒三七通咽液

七過此名帝君錄形拘魂制魄之道使人神仙長生不死也又凡存神行真仙之事者服

玩茵席皆務新潔忌於點汙為三魂七魄或

樓其中矣深忌之

紫書三五順行經曰入坐時欲閉目內視存見五藏腸胃久行之得分明通也

紫度炎光內視中法曰每卧安身閉目內視遠聽四方注視萬里之外精心為之乃見百

里外事也四方者總其言耳當先起一方而注視聽初為之實無髣髴久誠自入妙而招真也

雲林王夫人曰仙真之道以耳目為主視久則目闇聽廣則耳閉此病從內而外奔也非

復有他至夜半先閉目東向以手大指後掌各左右拭就耳門使兩掌但交會於項中三

九過存目中當有紫青綠三色氣出目前此是內按三素雲以灌合童子陰呪曰

眼重三雲兩目真君英明注精開通清神太玄雲儀靈驕翩翩保利雙闕啓微九門百節

應響朝液飛身上昇玉宮列為上真呪畢咽液五十度久為之視微千里也此亦真仙之道不空明耳目而已

青靈真人曰守玄白之道常坐卧任意存泥

九中有黑氣存心中有白氣存臍中有黃氣俱生如雲以覆身因變成大火又燒身通洞

內外如一早行或達於午使人長生不死法此五行出入參而行之益為佳也保命君曰夫人心存拜拜及心旋行之時皆發鑑左右如行事狀謂內研太玄行虛業樓自三宮偃逸神府也昔趙公行之感太上來降而登仙矣

寶神平氣第五  
裴君保神經曰人將老鮮不先始於耳目也目下顫上是決明保命歸嬰之所矣以手旋之往復無數是謂通血散斂和精保神之生道也

又曰以手乘額上内存童子若日月雙明上下數積三九乃止此謂手朝三元固腦堅髮之道也頭四面以兩手乘之順髮就結唯令多也於是頭血流散風濕不凝都畢以手按目四皆凡至二九令目見光者檢眼神之道久為之得見百靈又使手不離面蓋佳已成高真猶不廢之

太素丹景經曰一面之上常欲兩手摩之高下皆使熱令人面有光澤行之五年色如處女所謂山川行氣常盈不沒也

太上開天經曰常宜以手按目近鼻之兩皆閉氣為之氣通輒止吐而復如恒行之能洞觀幽遠焉揚真人夜卧覺常叩齒七通咽液九過畢以手按摩之兩邊左右上下數至十徧微呪曰太上四明九門發輝兩目玄微通真達靈天中玄臺流氣調平嬌女雲儀眼童

英明華聰晃朗百度眇清保和上元徘徊九城五藏植根耳目自生天臺鬱素梁柱不傾七魄潔練三魂安寧赤子攜景輟與我并有

敢掩我耳目太上當推以流鈴萬凶消滅所願必成日月守門心藏五星真皇所祝群響敬聽卧覺輒誦於此勿失一卧也令人面有

童顏制魄錄魂去辟千魔七孔分流色如舜華真人起居之妙道畢咽津九過石景赤子常以手摩口鼻臨目久之手中生液進以摩兩目日行之使人體香身輕

太上發華經曰常以生氣時咽液二七過畢

太上發華經曰常以生氣時咽液二七過畢

按體所痛處向生氣呪曰

左玄右玄三神合真左黃右黃六華相當風  
氣惡疾伏匿四方玉女流澤上下宣通內遣  
水火外辟不祥長生飛仙身常休強誦畢咽  
液十二遍乃急按所苦處三十度永無疾瘡  
也

內景經曰卧起先帛拭胃項目使温然因順  
髮摩頂良久兩手拭面目咽液三十過久行  
之使人目明邪氣不入體永寧

大洞真經曰卧起當正坐平氣以兩手掩頭  
目仰視與手爭力三四止使人精和血通風  
氣不入能久行之不病不老也

方丈昭靈李夫人曰耳欲得數抑其左右亦  
令人聽徹所謂營治城郭當得名書生籍鼻  
欲按其左右準令數使人氣平所謂無卒使

既灌中嶽名書帝錄

太極經曰理髮宜向王地因櫛髮之始而微  
呪曰

泥九玄華保精長存右為隱月左為日根六  
合清練百神受恩誦畢咽液三過常行之髮

不落而生矣

又曰常數易櫛處櫛多而不使痛亦可令侍  
者櫛之取多佳也於是血流不滯髮根常堅  
今侍者揮手然令  
櫛不禁汗天宮也

真語曰櫛髮欲弘多通氣血散風濕也數易  
櫛愈良多可不須解髮也

丹景經曰以手更摩髮及理櫛似熱兩臂亦  
更互以手摩之使髮不白及脉不浮外也

注藏永圖第六

真誥曰長生之道當去疾不使體有虧邪及  
血少腦減津穢滯也風六不先去疾雖服食行氣  
無益昔有望前大好神仙常吸引日月以三  
十載都不得昇仙者子有妄屬官虧服去病  
藥終持其事後十八年白日上昇矣

太上九變十化易經曰若履殭室乳血當急  
盥浴以解法用竹葉十兩桃白皮四兩右以

水一斛二斗煮一沸揚出通寒温以浴則萬  
穢消也匪以除穢深辟温痺創痒之病人人  
下遊將還上界未曾用此水以解穢也

仙人沈羲口訣曰服神藥勿向北方大忌之  
亥子日不可唾亡精亂氣滅損年令藥力如

土

黃山君訣曰服藥物不欲食蒜石榴子猪肝  
犬頭計食一斤損算一百日宜慎之

東卿司命曰服仙藥常向本命服畢勿道死  
凶事犯傷胎神捷服無益

九華安妃曰臨食勿言醜事沐浴常存六丁  
令所願豐禮亦云臨食不  
欲良有以焉

又曰勿食露食來衆邪氣人因好食而遇疾  
之邪犯露食者謂不  
欲持遺失履之物也

陰行真氣第七

紫微左夫人喻書曰耳目是尋真梯級得失  
繫之豈輕易邪宜以手按兩眉後小穴中二

九過又以手摩兩額上手旋耳三十過摩惟  
令無時節也單以手乘額三九過從眉中始  
乃上行入髮際是因咽液多少無數也如此

常行耳目自明一年可夜書亦可於人中密  
為之勿語其狀

又曰眉後小穴中為上元六合之府眼暉和  
瑩精光長珠微重保錄目神是真人坐起之  
上道矣

一曰真人常居內經曰子欲夜書當修常居  
真人所以能旁觀四達八遊視掌中者常居  
之理也

又曰被華蓋之側延和天具入山澗之谷填  
天山之源則虛靈可見萬鬼滅盡所為仰和

天具俯按山源也山源鼻孔中  
初入鼻者也

又曰天具兩眉之間眉之角也山源是鼻下

人中之本側在鼻下小入谷中華庭在兩眉  
之下是微視之津梁天具是引靈之上房晨

昏常咽液三九以手陰按之令人致靈微視

杜遺萬邪之道也呪曰

開通天廷使我長生微視萬里魂魄復嬰滅  
鬼去邪來致千靈上昇太清與日合并得補  
真人列象玄名

對時習真第八

真誥曰夫學道先檢制魂魄消滅鬼尸常以  
晦朔日庚申甲寅日當清心沐浴正席危坐  
得不寐者蓋喜以真朱筆點左目皆下以雄  
黃筆點右鼻下令小半入谷裏點畢先叩齒  
三通微呪曰

上景飛玄朱黃散煙氣攝虛邪尸穢沈和

魂練魄舉形合真令我不死萬壽求全聰明

微視長亨利津誦畢叩齒三通咽液三過及

以右手第三指按右鼻孔下左手第二指按

左目下各七過當盡除按此二處是七魄遊

尸之門戶也賊精賊邪之津梁故受朱黃之

精塞尸鬼之路也太極上法常能行之則魂

魄和潔尸穢散絕長生神仙矣

紫虛元君曰常以正月四日二月八日三月

十五日六月六日七月七日八月八日九月

九日十月五日十一月三日十二月二日是

日太上玉晨君登山玉霄林房四眇天下有

遠遊之心者宜以此日日未出時向北再拜

自陳所懷咽液三十六度願無不從也

九華安妃曰入室靜戶先前右足後進左足

令與右齊及趨行如使人陳啟通達上聞

真誥曰五卯日常當齋心入室東向心存拜

存神平氣朝感神明亦適意所陳罔不從願

恒如此者王女降侍

又曰常以本命日向東方叩齒三通存心再

拜而微呪曰

太一慎生三氣合真室胎上景母玄父元生

我五藏攝我精神下灌玉華左笑金晨令我

神仙役靈使神常保利津飛行十天誦畢又

心拜四方叩齒三通咽液三過此名太上祝

生隱朝胎元之道也常能行之令魂魄保守

長生神仙

又曰至甲子及朔日當沐浴使人通靈

又曰八節日當齋心謀言必以善事慎不可

以其日震怒及行威刑皆天人大忌也切慎

之吉

太丹真經曰常以二月二日三月三日八月

八日九月九日十月十日夜於寢室存思洞

中談事不眠者吉也其夕銜經玉女持太極

典禁於空中而察子也是夜燒香精苦如有

所待也坐卧存思或讀經書念真在思唯不

可以施他事久久下為師友接人昇天矣

又曰發鑪時勿反顧顧則悞眾真真氣致邪

應也

太極真人讀道德五千文萬徧則雲車來迎



長生矣

真人孟德然曰暮卧先讀黃庭內景經一編使魂魄安逸行之十年長生神仙矣

北嶽蔣夫人云讀此經亦使人無病是不死之道也

上玄高真延壽赤書

卷六

十四

紫團丹經

風七

紫團真人曰內藥之道在乎自己身中呼吸之所神氣之根虛無之谷心之下臍之上下手之初淫邪盡罷返照中宮晝夜如不睡元陽不漏自然腎中火起上朝於心以真陽合於中宮是為心腎交媾百日功夫結成丹頭三宮升降河車運轉腹中氣響泥丸風生丹田火發遍體沖和如有一時不守一夜不坐藥財虛耗火候虧缺前功俱廢此名易過而難成之道也悟真篇云獨修一物轉羸厄矣所以千人萬人學畢竟終無一二成者經年虛度皓首茫然反起虛無之嘆非修鍊之過實男子外陽而內陰性好飛走不能制鍊無名子曰精氣神一身之大本奈何此物乃後天至陰之物不得也天真一陽丹點化自己陰汞安能疑結以成變化此名難過而易成之道也以身心為坎離以男女為龍虎刀圭入口一得求得聚而不散鍊而愈堅回風混合百日通靈雖愚昧小人行之立超聖位馬自然曰說下手於中醜令人大笑不合口元

來此物是還丹往往交人天下走太上曰下士聞道大笑之不笑不足以為道悟真篇云功夫容易藥非還說破令人大笑此外藥至妙之理也內藥之道在乎一念不起寂然內守晝夜如一有力量人銜脊梁漢久定成功可以出神脫體來去自由謂之神仙今之學者千萬人中無一二可成者乃易過而難成之道也若內藥外藥性命雙修先要入室靜坐明知中宮安身立命之所晝夜不睡一心內守身心腎交媾五氣聚於中宮百日純一結成混沌丹頭狀如雞子活潑潑地一聚一散升降往來易為耗散難得疑結然後却取坎中一點真一純陽之丹點化自己離中陰汞丹頭立作純乾之體所以一得永得聚而不散指日成功形神俱妙不必出神脫體可以貫金透石可以千變萬化然後靜坐九年性宗自悟是以天仙之道也

金丹秘訣

易曰子已六時分作半週天至妙行此水行此火亦取浴沐在數六日當三月都計行水

亦午至亥六時行數也子巳六時行火一斤一兩一銖二十四銖為一兩乃是一口也水者金水也又名壺中酒凡取水鼎是二十四已上天在六時之數只二時行了亦在天時之數只不得行過子若差時辰則藥無靈驗矣若便依時辰行水火合天地至妙萬物無一失此火候乃上仙秘訣不可輕矣更與非人返遭天譴張真人云過人不傳秘天寶傳與非人泄天道傳時須教傳得真妄傳七祖受冥考若無信心之人金玉堆裏不可與之

且傳此道要保精養氣積行教人孝順父母恭敬天地報答國王水土如此指日成功與古聖齊肩若妄意輕舉恐生塵障不成若依此妙道飛昇金闕豈為難哉我身在道救拔七祖超昇道本無形生育天地道本無名強名曰道切宜敬秘在在處處自有神龍護持張真人曰三傳非人三遭大患若輕慢泄漏自身墜鄴都之苦後有同志好道之士宜互相引誘使人庶無天亡耳我命不由天也西蜀蘆庵子郁守

一鍊養秘方此方上古神仙已尊根本深敬受而寶之使元陽深藏於紫府令真精上奔於元宮切在臨機取舍更兼七戶牢關八邪不入誠為要道如輕泄慢自招陰譴紫團真人二十八代矣

古仙秘方

烏龍骨脊并腦二十四兩好米醋浸骨 硃砂  
半大茴香半兩酸棗仁半兩炒磁石一兩火煎  
石燕三隻浮石二兩胡桃肉半兩石蓮肉一兩  
巴戟炒一兩雞頭菱肉一兩遠志去心肉從容一兩  
破酒石菖蒲兩



右為末用黃雀二十一箇去觜翼毛足肚藏入好酒煮爛去骨作糊為丸如桐子大每服三十九空心麝香酒下臨期如水筒吸水或如蟲行自下而上其熱如火乃其効也須服五七日後自然報應臨時再服大能開鎖精房補益元陽閉之則真精自上泥丸結成寶矣夫修鍊之道不離五行并陰陽交媾之情是天地不交萬物無從發生日月不交不分弦

朔晦明夫婦不交男女無所養育惟在順交則凡逆交則聖張真人云女子着青衣郎君披素練見之不可用之不可見夫婦若相逢恩情自留戀爐中火焰飛真人自出現呂真人曰使神交而體不交令內泄而外不泄

高真人云交有時採有日採者取者須謹密張真人云勸君採取依時節且西華真人論長生之法直指鉛汞真理恐世人錯見精津為鉛汞心腎為坎離休妻絕粒隱遁山林食松啖柏持咒飲水念經吞服皆失真一之源欲望成還丹如水網兔緣木求魚畫餅充飢皆為空用殊不知真龍者乃日也天也汞也木魂也男也聖人隱號為青龍真虎者乃月也坤也金也鉛也魄也女也聖人隱號為白虎是故真鉛者未經青龍點製者是也多用

癸年中間花旺之時須用青龍絢取萬無一失一口飛靈劍兩角還丹只在鋒頭落世人不遇明師指累劫修身千萬錯又張呂二真人云採花心花藥層層艷麗春折花帶飲瓊漿酒達此之時道始萌時人莫曉花中理一

決天機直萬金故男子陰精不得真鉛不能結須藉鉛汞交合返歸男子元宮成圓珠一顆十月滿足脫胎神化紫陽曰十月霜飛丹始熟此時神鬼也須驚刀圭一粒生於室內大如石榴子色若琥珀鮮其丹只可服一粒火大則止呂真人曰刀圭之粒定長生須得真鉛鍊甲庚火取南方赤鳳髓水取北方黑龜精又云一粒金丹吞入腹始知我命不由天服丹之後全憑火候溫養抽添運用之法不離偃月爐又云自有天然真火候不須柴炭及吹噓又云偃月爐中玉蕊生朱砂鼎內水銀平只因火力調和後種得黃芽漸長成已上歌詩盡真仙秘訣依法修之定登仙品後有同志好道之士得而秘之不可輕泄敬之慎之

青蛇  甲乙 月 桃花 

七星  氣  鶴  眉 

偃月玄金篇序

大道未分之時不能明不能見視之無形聽之無聲謂之渺冥乃無象之道也大道既判之後而生太初五行已分兩儀莫著日月為魂魄運五行於天地之間列陰陽為氣候升降於天地之內杵曰二星見乎南北之源乃乾坤之卦會成亥之間日月朔望陰陽交媾和合而後萬物生焉萬物稟於亥而出乎無有於壬子而發生也人同萬物而生皆從天地之門戶而出焉乾者天門也坤者地戶也伯陽云乾坤易之門戶人之生也乾道成男坤道成女兩情交感而稟其氣陽精為魂陰精為魄兩精相搏而神生焉是故聖人專乾坤變化之機權合男女陰陽之精髓交日月變化之魂魄聚五行三元之配類所以混一氣而合二儀備三才而通四象養之神室土釜五行既具其物自成上古聖人近世神仙皆自鍊金丹而升天矣

神室鍊養金丹第一

鍊金丹須憑乾坤二氣速相制伏凝結而成

大丹凡男子真秉其性慕鉛縱然留住過火而飛騰所以難制伏惟得紅鉛點其已性或流散更得白銀已聚之則凝而不散然後烹鍊以偃月玄金之爐澆灌紅雪玉膏加以金水沐浴得九十日而成陽丹也鮑真人云八月鍊頭冬鍊尾高象先云大哉九十日功成可證矣鍊丹九十日氣歸靈變為純陽張液仙云金鳥沒玉兔生高象先云萬物皆因天地生既成純陽之體然後擇其生金丹者於已成之後服一粒升天必矣巨得聖人高訣已丹經十萬言一覽而曉所謂一法通而萬事畢道不遠矣

抹紅雪鍊為陽丹第二

惟收紅雪烹作白銀其精方住元陽始結鍊成陽丹為之命基結作玄珠為長生根蒂然後精旺丹田中有本元之氣通血脈流行平叔云金鼎欲留珠裏求玉池先下水中銀夫紅雪產於金鼎月華之中為之水中金聖人名至寶海蟾云鍊得寶成陽丹足平叔云此般至寶家家有緣鼎氣血海謂四海輻輳又

名水源其經脈為海潮已其來有信也又名信水其色赤曰赤水曰降氣曰黑鉛能生神而造化故曰神水與太陽同經一月三十日周而復始上下兩弦朔望凡五日水金生女人信水一月之間來五次水中汞生金則沉而濁三日之後則浮而清清者藥也濁者黑鉛也陰真君云黑鉛已遇採紅鉛呂公云辨水源清濁然後知金本間隔平叔云不識浮沉定主實此其證也三日後第四日第五日採浮而清者紅鉛也又名紅雪又名水中金。又名白銀白銀者乃自黑鉛而產出也參同契云鉛性浮銀性沉訣曰當夜半子時自有霞光照鼎面滿室而明鉛含五彩發輝於外則光自照海蟾云回首循環蕩霞光滿室生呂公云溫溫鉛鼎光透簾幃紫團真人云候爐中光氣駢闐者此下手採取藥物擇師印正當時日用法採之藥必成矣

採取陰陽真丹第三

夫採取丹藥須已妙在轉天關審地軸騰倒上下已龜飲之用意取之有藥直入絳宮上

朝泥九宮化成玄珠陰符經云天發殺機龍蛇起陸人發殺機天地返覆此之謂也海蟾云是時鼎安甲乙爐列庚辛轉天關而玉衡停機卷地軸而六爻共變摩沅珠現雙林前捧過天橋玄牝門開華池內真龍還接黃帝遊赤城而獲玄珠明索之不得蓋此道不可見而取也後又使罔象索之而得蓋緣絕利一源無所見玄珠得於恍惚杳冥之間高象先云玄珠飛到喂喻上子若得之求罔象蓋男子真精謂之太陽流珠女子降氣謂之太陰玄珠若飛走不可拘制猶言水銀遇大火即化為氣而飛惟得白銀制之則住而凝結如水銀遇銀則成砂也以火養之即化生金花也陰真君云金花解生天地寶此之謂也夫採紅鉛之藥謂之傳丹乃是紅雪之傳也或入絳宮或過三關直入泥丸自古上仙聖人皆口口相傳不留紙筆

還丹證明訣第四

凡人學道先識還丹必成仙矣真經云只恐鉛不真鉛真藥自成只恐汞不正汞正藥

必聖又曰採有日取有時世人用之而不知平叔云八月十五旣蟾輝正是金精旺盛時金精即金丹既得金丹可指日成功未成之時只服一粒便能點化身中陰氣立化純陽為神仙也故女者坎卦之象坎中有一陽謂之坎男猶如月中有兔男子者離中有一陰爻謂之離女如日中有鳥也平叔云取將坎位中心實點化離宮腹內陰若得金丹藥服後度千春又云一粒刀圭五彩分飛丹走入神仙窟趙降真云七返九還功畢後只養一粒到仙家平叔云一粒金丹吞入腹已知我命不由天海蟾云一粒金丹長生之藥乃成真一之道混元經云鉛汞相投神仙可求汞鉛相迎道無不成鮑真人云朱砂九轉慢成銀誤殺幾多人夫還丹者用真龍真虎真鉛真汞和合於交感之宮後依時日採而餌之謂之還丹也夫人者是五蘊所化色身地水火風四大假合以氣為機以神為本以精為基不悟宗元一向沉迷走失元氣喪壞本元耗散至寶仙道不成是故聖人明還返識淨

沉定主賓辨鉛汞明火候其道必成矣還返者乃大丹之首尾也

九還七返配類和合第五

夫還返者乃還源返本也如或成大丹奪天地之造化疑水火之精魂返復往來而聚大藥貫穿上下而成金丹真一子云真陰丹水火調停百日間陰真君云太一陰之氣也鮑真人云黃帝拜廣成子得真一之道修金液還丹者先取未用鼎器身中紅鉛為丹頭後取已用鼎身中白銀結金華鍊成純陽再投於交感宛乾宮之內養胎十月氣足凡用三週而畢

太上隱語始青之下月與日始青二字人莫能曉始者女胎也青者丹主也金液還丹蛇女真鉛又曰火鉛乃南方正色真陽之所也又曰九轉丹砂又曰朱衣仙子又曰赫赫金丹又曰交梨火棗遇秋時而結實故曰秋石混元經云紅鉛為白虎首經此藥人若餐之入腹薰達肌膚四肢和暢三月通靈修成大道三千功滿鉛凝汞結水制火伏至藥乃成

還丹功就雖未成仙可以長生不死矣其法要鼎器圓備虎龍全無諸病方可下手切要三七已下信水纔清玄關未開須半夜子時有以感動使其神悅氣調然後驅青龍與白虎交媾少頃用七星劍取之得入元宮則還

丹不日而成玄珠白膏元氣盛而筋骨壯與少年無異許真人云白虎纔離王洞門赤龍跳出真珠海壯元陽如飲瓊漿古仙名為天酒又曰絳酒又曰水中金又曰金華其物能結成珠為天地之寶故曰玄珠人若服之壽

回天地故曰王母仙桃又曰生氣返魂丹又曰紫金丹其芽得真土而生謂之黃芽黃芽者天地中和之氣太一運合七曜九宮生聚神全而成故曰陰陽根蒂道遙子云捉得金精作命基呂公云當時自飲刀圭者聚丹之法後世神仙因時立名故曰刀圭傳真人云刀圭一粒丹藏在室姬邊大如石榴子樣似琥珀鮮取時須至潔採日要心堅吞下延年藥功名錄上天取丹得之頃刻間道遙子云赫赫金丹一日成平叔云一時辰內管丹成

其刀圭在下丹田之外玄門之內一寸三分其丹有紅脉一條上牽於心下貼小腸取丹時必須用意取之以物引之就而逆之如得活捉生吞鐘離云推倒玉葫蘆迸出金瑪瑙活捉將來和殼吞又曰捉取龜蛇顛倒吸悟

世歌云驅作赤龍頭猛把驪珠吸古聖云未服金丹先服還丹亦不妨也太上經云紅鉛黑汞大丹頭鉛者蛇女之真鉛也黑鉛者女子之真鉛也先服還丹後服金丹者是謂將紅入黑也故藥兩般總成玄火龍變化成神仙還丹之法妙在七星劍訣中其下手訣法在師口親傳

紅鉛黑汞作丹頭第六

夫鍊金丹還丹法者在混元經中又復得真師指訣不過真師修鍊難成混元經云混沌未判元氣已分則一物分為二象二象者陰陽也陽氣上升於天陰氣下降於地其中則人生焉人生則男女別凡鍊金液還丹先須取男汞女鉛養而成丹二氣再合為一猶如混沌未判之先刀圭配合遂成還丹若服

一粒壽同天地莊子云擊破混沌壁裂鴻濛古聖人云造丹者從二從八從一其法以鉛汞各八兩二者合為一斤成丹字也蓋二八者陰也一者陽也自二八以上二十以下調之為爐鼎養之為火候其法也候信水燒清

玄關未閉青龍於神室中與白虎交媾陽精入於龍宮即成丹結胎也懷之十月勿令丹母受勞若當用心安體泰丹無不成十月滿足有時日紫河車自降也七日之後其丹從上宮左而出以脫丹之法取法用香湯沐浴上壇禮謝三清上帝十極高真太一真人畢然後服之其儀式具在混元經下卷謂之龍虎篇世人莫曉既服之後換骨化腸為筋神清精固陰氣消盡陽氣凝真乃為純陽之仙呂公稱為純陽真人趙真人云不識陽中物謂一者在二八之中也二八者二八之女子身中隱真一之道其一隱於玄關蓋如女人與太陰同經時行乃一月一週天故烟蘿子云三日庚生戶閉金生於水至於上弦半明十五日十六日金精壯盛魄魄圓滿論女子

五十六時天癸至陰精盛也世人言上弦初七八下弦廿二自上下至下定其數為十六也鮑真人云二八姤娥更溫柔平叔云月繞天際半輪明早有龍吟虎嘯聲便好用心修二八一時辰內管丹成又云前弦之後後

弦前藥味平平氣象全採得歸來爐裏煅恁時溫養自烹鮮取丹用八月十五日夜風清月白此乃是金精壯盛之時當夜半子時陽生之初也高象先云採有時取有日採兮取兮須謹密莫使驪龍驚覺來天真喪盡玄珠失採有日取有時世人用之而不知自古神仙達士皆因鍊養金液還丹而成恐泄天機託名外丹後學不知只求外丹燒鉛汞以望成仙不亦遠乎高象先云世人不識真陰陽茫茫天下尋龍虎平叔云休泥丹竈費工夫鍊藥須憑偃月爐爐者金丹之巨郭後學乃以偃月爐有上下弦時可以取藥錯甚矣高象先云但得尋偃月爐子不避天譴使後學明修丹之要著于後

偃月爐養丹火候第七

養丹火候之訣爐在身中交感宮混元經云白虎元宮純陽之所故曰乾宮能使太一含真氣故曰太一宮白銀於此而生故曰水銀坑玉洞之中化生金華故曰金室真土之所處故曰土釜又曰戊己門金丹從此而生養

之乃成變化故曰神室其池生水故曰華池又曰神水又曰紫府門門中有三山左山名甲山山中有門名曰甲門右山名己山山中有門名曰己門門中有山名紫金山紫河車從此而出水之源也其物自甲山甲門而出者曰希夷路曰三華路曰白雪路曰鳥飛路自己山己門而出者曰曲江路曰五彩路曰黃芽路呂公云曲江上見月華瑩淨有箇鳥飛是也蓋綠甲己土者乃真土也平叔云四象交加戊己中高象先云莫若先敲戊己門以其神室土釜乃真土也甲己真土又得神室土釜二土合為刀圭世人不知女子水宮與太陰月華同經而行度數亦五日一候也凡一月六候三甲己也遇甲日則甲門開遇己日則己門開遇二合日則紫府門開乃信


行也此五日之候也高象先曰哥哉三十輻  
 共一較乾坤造化時陰陽交五六五者五日  
 一候六者一月六候修丹之士火候最難平  
 叔云不將火候著於文青霞子云六百篇中  
 無限事豈教容易泄天機大凡火候在甲巳  
 六日之中半夜子時遇甲日即右偃其爐取  
 左門之氣遇巳日即左偃其爐取右門之氣  
 自古神仙寶秘不露此說不彰此法第名偃  
 月爐平叔云偃月爐中玉蕊生凡溫養之法  
 其要在防危慮險也呂公云進火工夫牛斗  
 危平叔云拙添運用却防危陰符云火生於  
 木禍發必尅也切忌之以此為戒譬如世間  
 有國國中有主以文為左以武為右鄰國相  
 侵須用御兵之將將得印而掌兵兵得器而  
 用事兵印者乃軍中之命也既有將而統兵  
 命既行可百戰百勝凡戰者先擊鼓奪旗以  
 為上功既勝之後糧食盈滿河車搬運直入  
 泥丸既入泥丸必須三閉三閉者上門神不  
 出中門氣不亂下門精不漏是為三閉也三  
 閉已住須用搬運乃曰肘後飛金精也許真

人云華池會飲顏如玉飛過金關臉似蓮金  
 晶過三關得入元宮見金丹更不飛走自然  
 伏也夫印者火也火乃鍊丹之本凡鍊金丹  
 須以火候猶將有印而主兵其兵不亂凡用  
 火候不可令水火有差之則大事去矣五  
 印者五事五事正則心不動心不動而物不  
 走物既不走丹必成矣  
 是書非金丹大道也未聞有御女而獲仙者  
 故存此以警其惑實非修仙者之務焉  
 紫園丹經


上清金書玉字上經

方諸宮青童君傳

風八



頭上真星兼思洞房神右足指帝星左足指  
 尊星臨存時小屈左足以對於星也左手把  
 北台右手執璇根密存祝說而卧北斗中也  
 行之九年除死上生名刻方諸府行之十八  
 年九精求下雲車見迎璇根紐星之精名也  
 北台元星之精名也卧息九斗之内心願飛  
 仙上真騰鹿華蓋之下白日乘雲登晨  
 右二十四字太上刻峨嵋玉房東壁字文  
 本古文不可解今出之





青童有言作洞房面有三陽兩已縱橫鼻為天山仰望明堂神關紫戶遂見洞房方圓壁立一寸正方靜存斗精來安其中照廢赤子無英三王乃成飛仙乘玄駕龍上造華辰驅使玉女玉童要道畢矣密奉密行

方諸官青蓋紫童始昔施行洞房偃息華辰卧起九精之內拘魂魄於北斗上是以號斗中真人也先師往受上清紫精君皇初紫虛君洞房上經青靈陽安君以傳中央黃老君三天太一元君即造太玄主仙府使定金書

刻玉字名曰洞房上經

玉皇以付後聖李彭二君使與骨命應得仙者按而行之列名元圖刻生除死飛行神仙謁為後君之官以佐來聖李彭二君於是二君以金書洞房經一通付西玄宮洞臺內諸

得道真人以傳授當來成仙者於是二君以玉字洞房經一通付方諸官及玄洲仙都府使教宿命骨名當得道者後聖二君乘大虛之輿浮遊十天九洞之門須期運告會乃治為帝理真官於神臺教種人於太平二君皆

遜已察眇萬兆宿命善惡飛攬虛玄知學仙道士可成與難若心誠志專固慕神真者終年倦倦情無傾動靈鑿形骨已有仙名玉錄者然後二君意同於是子乃得此書得書行者骨命已定玄閣錄已有生名仙籍故也後

聖二君常藏影匿端初不自傳但使因緣致往令彼其於遭值得此神經耳或書出凡庸或出於俗濁之人此輩雖有此經而不行也所以為人受陰教而使役也故骨命有仙分得書者多由歷因致以獲於此或遇真仙之

人先受書期盡應出傳之年已審視形骨乃有授子者子其慙念飛仙坐起祝之於心行之久久子自得此經子不可謂書出非所卑賤之聞而蔑其文輕其授矣此皆是後聖之玄命陰已處分應得道之審故與於子也今

所宗奉所以承二君之意故敬及卑賤也亦如世間師主宗者皆致恭敬師主豈盡高賢哉蓋速宗其根心耳靜齋七日乃受此經修行謹戒奉而按之不得雜處穢俗殄亂之人密而行使不覺外同俗內鏡灼如是始可與

言洞房之事也此龜山真母要訣以勅西城王君二十八宿仰繫於華辰管運于四方之神按四極四真之科法太上洞房金書玉字之信皆當立裂繒之誓為不妄泄之約也受得此經以青錦之帛三十二尺以奉有書者

四方之數各八合三十二尺也有書得此帛又分以曉師如口訣若先受之於真仙述絕無蹤者則所分曉無由而致受之乃為施散供道用可須者又不得以外供雜碎上皇告盟重用金青札所謂盟青帛也九素經曰子

受金青上已刻石慎無他散以求富榮斯其義也市此金帛每令上好者不可苟合以解責玄中亦當審子情狀矣此皆太上之書皆有定科初聽一百年得一傳七百年中得三傳過此不得復出傳非其人過限妄授皆為



世間世間其祖父母以下受考三官身死天刑乃為下鬼王君云百年之內有二人可授者亦聽要以七百年內三傳為誓斗星者太極之紫蓋玄真之靈林九皇之神席天尊之寔房也子行其道位為仙宗得飛八景之龍上造太微出入紫庭宴息北斗飛旋洞關俯仰玄蓋呼吸華辰得乘流景以造三玄出入紫房遊遊太元名上金閣列為真人暮卧先存斗星在所卧席上令畫像按而存之如上法令我頭首九極使真氣入於泥丸足囉專帝二星常心念飛仙今高上拘我七魄太微制我三魂左手把北台右手執璇根行之十八年必色反嬰顏一旦忽有九星之精變成上帝九老之公並俱來下迎以玄景飛龍要以真鈴乘八輿瓊輪紫羽華蓋導以仙官前嚙鳳鳴後作天鈞翠衣青帶白日登晨玉童玉女乃為執中暮卧常密三七叩齒咽液三七陰祝曰九星太精北極真君益我精強我三魂左引日華右拘月津展中黃景元虛黃真使我飛仙上登紫煙神虎玉符常守生

門萬邪伏法受鍊斗君平旦欲起常密二七叩齒咽液二七陰祝曰天元上一斗中七童上清紫精在此身中華辰紫蓋太素玄宮後聖靈氣下入洞房使我飛仙得行太極金堂暮始卧存星之時皆先陰祝星名然後存星耳祝曰

第一太星精名玄桓願某飛仙乘虛駕浮  
第二元星精名北台願某飛仙遊行洞臺  
第三真星精名九極上真願某飛仙得治三

玄  
第四紐星精名瓊根願某玉名列為飛仙  
第五網星精名天平願某飛仙登行上清  
第六紀星精名命機願某飛仙名書太微  
第七闔星精名玄陽願某飛仙得使玉童  
第八帝星精名高上玉皇願某飛仙得登後聖之堂  
第九尊星精名太微帝君願某飛仙得入丹瑤玉房  
右九條以次祝畢乃存星而安卧斗中也然後又密叩齒咽液祝九星太精北極真

君之說也

所存所祝都畢良久乃存斗星之精忽然入洞房之中光舉一身洞徹五內三關百節皆令赤光赫然祝曰洞房元精赤子太尊斗光華蓋來照泥丸保鍊骨血拘魄制魂使某飛仙乘雲登晨上朝  
玉帝太一元君都畢也所卧斗星之像但分精入於泥丸耳非又去此適彼之意也是為席上頭中兩處皆有耳青童君曰卧北斗陰精致仙使靈洞房致北斗陽精使五藏自生遂得乘景遊行上清如青童君之辭北斗有陰陽二精神也恐亦喻人之有魂魄二精矣北斗之星覆蓋華辰精輝九道光騰十天陽轉九九所以高尊世人唯見七星而不見其二其第八第九皆是帝皇太尊之精神玄隱內鏡保制天靈光暉灼為此七星作鎮但不照於世間流俗榮名之人耳諸成道高仙貴真及上清太清之官乃得見之見之皆不得妄道既見之後高上玉皇太微帝君乃當詣子授子真官俗人跳脫亦有誤見此二星

者見者慎勿言見也太上神錄曰諸見北斗高上太微一星皆增算三百年見二星增算六百年但俗人多穢未致於二尊來降耳此星乃大於七星光皆紫華有異於常煥煥甚可畏見者皆當拜叩頭請乞常以月三日二十七日夜竊候之勿令人知誠心久久無不見者星有三精故用二十七日也太上法諸妄說精名及見而泄者身被兵火卒而獲考地獄生死父母得罪三官秦時徐福本凡人也亦悟見二星乃不敢道遂得增年於是始信天下有仙乃知學道耳韓衆司馬季主及中嶽真人孟子卓張巨君逮尹軌之徒皆亦得見之者也漢相國霍光家有典衣奴子名還車粗知書曾見光嚴具有短卷書云常以月三日二十七日使竊候北斗數數為之當有所見見而拜拜而請乞畢勿傳皆增年三百歲於是還車密識常試視之非一忽見二星在斗上光明非常乃拜而還還車遂得增年六百此奴小有意而無大志遂不學道唯盈年於未死耳此語出王君君以傳大茅

君

上清金書玉字上經

太清金液神丹經卷上

正一天師張道陵序

興一

夫玄虛之號既不知其名而字之曰道道之為言猶覺悟也有一夕之寢者則有一旦之覺矣且論太夢然後有大寤覺夢之極其可略言乎戀生謂之弱喪欣死謂之樂無樂無所樂有不足有有戀則甚惑樂無亦未達達觀兼忘同歸於玄既曰兼忘又忘其所忘心智泯於有無神精凝於重玄此窮理盡性者之所體也猶陶埴之士潛為不疾之塗寂然以應萬感之求散迹以乘幽明之微故不可成之於一象微之於一名也皇王之號已不一矣道與堯孔奚所疑哉直教有內外故理有深淺耳求之形骸則有鱗身四乳重瞳彩眉之異縉雲生而能言坐朝百靈享國征伐則乘雲氣而驅虎豹歎世界避則御飛龍而落六合顧視赤縣之內爭讓俯仰之事擾擾乎不猶嬰兒戲於一庭哉復有懸枕空同之上無慮之客順風而從之相與談乎營神之

道此大經世治亂之言則有精粗宿實之間

髣髴其尸體未究其房奧矣若夫神化之趣  
要妙之言無理之至理不然之大然已備載  
於玄宗非一毫之所宣也老君者亦復暢其  
玄虛紀其道者也其神德之狀感興所由所  
以制經設教紀載異聞彌綸道俗判判三極  
先大明通順然後滂以兼忘感稱有德然統  
之以無待利用出入羣生莫見其端百姓日  
用常善不知所由此其所權見於清明而為  
萬物津梁者也其道經焉其德經焉推宗明  
本窮玄極妙總衆枝以具根樞萬條於一要  
。 緬然而不絕矣充而不耀既洞明於至道又  
俯弘於世教其為辭也深而不淡遠而可味  
磊落高宗恢廓宏致煒燁觀三一之樂標統  
營六九之位閉氣長息以爭三辰之年胎養  
五物以要靈真之致泠若惠風之叩瓊林煥  
若辰景之暉宵肆其叙事也廣大悉備曲成  
無遺初若森聳終則希夷陶群象於玄鑑領  
萬珠於一歸其取類也辨而不枝博而不雜  
若微而顯若乘而合恢荒貴奇於大方幽隔  
忘異而自納大哉妙唱可謂神矣言理之極

弗可高也至於金丹之功玄神洞高寒體幽  
變龍化靈照其哈枯絕者反生把生氣者年  
遠登景漢以凌邁遊雲積以逍遙至乃面身  
五先生育奇毛吐水漱火無翻而飛分形萬  
變惡善所為塞江川不以覆篋破山果不煩  
斧斤叱叱則雲雨翳冥指鹿則叢林可移其  
神難紀其妙巨遺大哉靈要不可具述道陵  
後生不達未接高會深液無涯遂迄千載神  
師乘榘控我險津越自困蒙仰闕玄路坦然  
無關而不可開非不可開弗能開矣諸弟子  
。 密視玄根攬枝其捷輪焉弟子趙昇王長乃  
顧景撫心愧愧交集靈鑿回極乃遶淵人玄  
朗內鏡卓然先拔鑽研所通殆則上聖之奧  
側聞其義輒傍以為解復變其管闕志諸所  
見標較高旨而斟酌之為注焉叙云先大明  
。 逆順然後滂以兼忘者為人攝生耳達生則  
運養生則順得順者則不安其逆得逆者則  
不詳其順是謂死生之途理異得一之限兼  
忘之忘各忘其所忘猶并魚不樂為海鱗林  
獸不願為牛馬各受生而別天粟異自隔也

叙云感稱有德然後統以無待者是老君行  
氣導引壺吸太和之液也感稱吸必得氣統  
虛微而吐納津塗滑利無待無害出玄入玄  
呼吸無間具有身神不使去人也叙云利用  
出入羣生莫見其端百姓日用常善不知所  
由此其權見於清明而為萬物津梁也夫利  
用者神氣也神氣日為尸骸之用而群生莫  
識神氣之端神氣日為四體之用而愚俗不  
知須神氣而生人不可須更無氣而不可俯  
仰失神失神則五藏潰壞失氣則巖壓而亡  
。 尸得氣則生骸得氣則全氣之與神相隨而  
行神之與氣常相宗為強神去則氣亡氣逝  
則身喪百姓皆知畏死而樂生而不知生活  
之功在於神氣是以數凶其心而犯其氣屢  
淫其神而囑其命不愛其靜而不守其真者  
固不免於厄殘既莫期年壽更焉權見於清  
明清明者日月之光也既權親日月而長流  
而莫不生禍跡於萬物萬物微其有得失之  
咎而後生必有津梁之聞其禍必兆其對互  
生明人不可以不惜精守氣以要久延之視

和愛育物以為枝葉之福矣叙云燁寂觀三一之樂標鏡管六九之位閉虛長息以爭三辰之年胎養五物以要靈真之致夫三一者腦心臍三處也上一泥丸君在頭中中一絳宮君在心中下一丹田君在臍中存之則燁燁於三府忽之則幽寂於一身好生者存之為樂亡身者廢之為歡是故燁燁寂觀三一之樂矣按仙經云子欲長生三一當明道正在於此從夜半至日中為生氣日中至夜半為死氣常以生氣時正偃卧冥目握固閉氣息於心中數至二百乃口吐之日日增數如此身神具五藏安能閉氣數至二百五十即絳宮神守泥丸常滿丹田充盛數至三百華蓋明耳目聰舉身無病邪氣不復干玉女來為使令長生無極也標鏡管六九之位也六謂吐納御於六氣九者九丹之品號太真王夫人已具記之焉老君云從朝至暮常習不息即長生也凡行氣法者內氣有一吐氣有六也云內氣一者謂吸也吐氣者謂吹呵嘻响噓咽皆出氣也凡人之息一呼一吸夫欲

為長息宜長也息氣之法時寒可吹時溫可呼吹以去寒呵以去熱嘻以去病又以去風响以去煩又以下氣噓以散滯咽以解極凡人極者則多噓咽道家行氣不欲噓咽噓咽者長息之忘能適六氣位為天仙管自然神氣者謂標把九丹之位也謂之鏡鏡標在於丹經氣存年命退而不墜矣叙云閉噓長息以爭三辰之年者此言皆行氣也夫行氣之法先安其身去諸忿怒驚諸愁憂而和其氣不與意爭若不和且止須體和乃為之常守勿倦氣至則形安形安則和息和息則清氣來至清氣來至則自覺長息形熱則虛口閉中而自甘香滋液既多五藏長存長存則壽與天地三光比年矣胎養五物以要靈真之致者又是胎食導養也胎食之法平旦漱口中之水而嚥取飽而已亦長生也既飽而生則五藏自靈靈真之致意在於此仙經曰玉池清水灌靈根子能修之可長存口為玉池太和官液為清水美且鮮所謂飲食自然者也夫養生者唯氣與丹經叙妙幽而難論

昔聞師教今迷之焉至於空同之辭叙明道德玄真且已陳之於既往非須用之要言固不煩復一二注別其事而勞費兼宜也將來有道其管之矣  
治六一泥用五月五日七月七日九月九日至佳  
發丹火良日甲申乙巳乙卯凡作丹忌日春戊辰巳巳夏丁巳戊申壬辰巳未秋戊戌辛亥庚子冬戊寅壬戌巳卯祭酉及月殺反支干孟仲季月收閉丙戌丁亥壬戌祭亥辛巳月建諸晦朔上朔八魁往亡日皆凶不成市丹神藥當於德地坐立勿爭責賤當以收執日以子丑日沐浴先齋潔七日乃市真物神丹成以羅縠囊或金箔盛之合神藥時始當用甲子開除日先齋三七日乃為之合藥不過二人至三人務當加精勿入妻汙家欲飛藥時勿令惡人婦女小兒及喪汙之人見也及疾妙多口之人若不信道勿使聞知見之使藥不成精神飛去欲得在山林石室幽靜避隱無入之地不欲聞犬吠人聲又忌見

死傷人血慎之既神藥常當獨居一室中神  
仙玉女待官來往必敬之神丹常帶肘後唯  
每修身謹戒為上合藥時當用甲子得開除  
日益佳常燒香齋三七日初齋一七日竟夜  
時當在欲安全間作壇祭太一高上真神用  
清酒二斛黃粱米白粳米三斛各取二斗炊  
之大乾棗二斗梨三斗鹽豉各五斗香十斤  
甘橘諸餅果其畧北方無甘橘不得者止也  
淨席四枚以施祭潔盤九枚杯子八十一枚  
無杯者大形甌子亦可用訖通燒席及盤  
也祭如祭天地神祇樽杓自副羅列諸物著  
一席上於祭座前安著合丹諸藥葷耳主人  
新浣淨衣束帶用香火九盞令烟交合九盤  
各安一香火也自稱下土大道民某甲九拜  
拜再拜輒自稱如初合十八拜也畢請神令  
聲聞十步之間立日請九天真王三天真皇  
高皇太上君高皇君太上君太帝君九天三  
老君三天三老君太上真人太上地真靈真  
玉女九氣丈人九老仙都君太清仙王天真  
太一君地真太一君都官太一君中官太一

君天仙太一君地仙太一君太一玉童太一  
玉女黃羅紫明二郎黃羅紫明二夫人華蓋  
火光使君九光丈人丹朱祖宗南上之精君  
並闕天門乘雲輦下臨某甲座席某甲九拜  
九叩頭九自搏長跪乃更下聲徐徐曰以今  
某年歲月日某郡縣鄉里號姓名字年若干  
謹上請九天三天高上聖神於某山又小徐  
徐良久曰其實不知天地始有以來不知某  
始祖姓生根本又不知出何姓之後不知某  
出禽獸泉魚飛走之類不知胡羌夷狄本鮮  
畀閭狄亦不知某出何面而生不知南八蠻  
西六戎北五狄東九夷不知從何方面出互  
相習生傳相養而殃罪無數謫罰無竟至今  
七世七祖父母為罪五祖三曾為罪及祖父  
母父母為罪垂先世無數之殃或謫在地獄  
負隼山石赴諸河伯天地水三官冶銅拔舌  
校諸滄流考負魂魄嗚棘燒頭鐵礪其背生  
死之過謫罰罪殃犯欲萬端乞願九天三天  
高皇太一諸君丈人為某除七世以來所犯  
殃謫乞得解除下及某身歷劫以來無狀之

罪萬死之罪萬死之過一切原除乞見太平  
得覩真聖之主分別求哀因起九叩頭九自  
搏訖重上酒又跪曰某少好長生希慕靈仙  
首受先師某甲金液之方今按良年吉月今  
時作合未敢專輒謹先施呈伏願  
太上老君太和君天明神仙玄女素女青腰  
玉女下共成之諸太一君諸太一玉女臨監  
共視黃紫蓋之下伏乞藥無縱無橫無飛無  
颺便隨手變化黃白悉成飛騰紫宮命長億  
千位為真人和合神氣華精玄黃分天之氣  
太一身為扶將玉女常為侍傍諸君丈人削  
某死罪之錄度著命門又起九拜九叩頭九  
自搏又上酒益香良久又跪曰今在某山穴  
之中合作神丹願得役使鬼神驅御虎豹乘  
駕虬龍山精萬邪皆見敬畏受其節度盡見  
防護令其所向厚減金石為開并乞符五獄  
名山神君真人通見防衛令某分形展轉長  
生久視又禮九拜九叩頭九自搏所陳訖其  
餘復宜所陳道松陰之罪求乞哀宥乞除者  
隨意可否也既言畢所可小下樽酒及好香

果輩自賜於真王之前飲酒皆九拜也先謹請時使合丹二人避祭所隱處三十步許皆令蠟封其耳也若弟子與師合丹當對服者亦令避之兼不塞耳也夫合丹自各受方別作異祭初不同也既庚甲所言及飲食之須乃命一二人來受福受福訖良久復遣使還住處乃當送神也

若有佩五嶽真形圖者別立一座著下面并祭之但口請之不用文無者止又以所佩著祭席上又先日亦當存五嶽衛神令各攝勅地靈掃灑山川不得有乳虎產獸污穢之蟲百邪之物在今郊境以待天真也所以所佩帶圖定意祝之又呼一二人來受福聞其人耳受福還去亦勿又塞之祭都訖送神隱向欲曉也更加初請時但事事益言枉屈某神真人畢又再九拜九叩頭自搏也其夕祭時必有光景山震之聲雲雷之音及玄雲四合或大霧彌林是天地之靈降於大祭也亦無不爾者然既已吉日齋合神丹宜索大嚴室足容部分處若無嚴室乃可於四山之內叢林

之中無人迹處作屋長四五丈密障蔽苑蘿落令峻避天雨皆施祭於屋下若發火之後遇雨者可預作行屋障蔽之令易折雨輒施之年中自有多水雨之年山高林深又常餘雲自少功力不辦立兩屋便都止於住嚴屋下亦好乃便亦無視天之憂也又欲得近水處無水則難為沒槌若常近山洞之所祭神及鍊丹處常令本家子弟廣羅撫宣喻彼山有行者勿得近所止乃良臨用乃取壇內所須之物此等預將入山居也是齋七日便各取其所須之物著壇中以絳九尺覆著壇上燒香再拜向壇時加子初施祭乃用其物以絳安祭席後座處其日主人助共辨自取名香而上之祭食不得分作人唯同齋合丹者可共以為扶糧祭果獻生熟多少施安斟酌唯隨人意裁量取潔而已若弟子共作丹則饌合祭至於座席杯盤俱是同耳六一泥可共當大作土釜凡十斤丹砂五斤雄黃五斤雌黃為一劑也土釜中可容百斤合共則人數如先不過三人其祭饌必多多

饌又不消泄可作乾糧與人須丹成以出令家中子弟輩齋三日乃將食之也泄者不須以出祭明日且又須齋甲申日發火於釜下弟子共合則宜各齋各齋中或宜出取祭物還當解淹更浴乃止其奴使非合者雖不令同齋亦宜禁忌出入當得溫吉良謹之人還俱解淹矣若無真形官屬祭日則使符籙中神人吏兵驅却乳虎穢獸之輩無錄使六甲直符隨先所領部也常心使存之歌曰金液丹華是天經泰清神仙諒分明當立精誠乃可管玩之不休必長生六一合和相須成黃金鮮光入華池名曰金液生羽衣千變萬化無不亘雲華龍膏有八成却辟衆精與醜魁津入朱兒乃騰飛所有奉祠至未衰受我神言宜見迎九老九炁相扶持千年之高水人亡用汝求生又所禮太上景電必來降玄氣徘徊為我用委帶稽榻相禮使改重一金玉斷弗專強趣命必預神言之教勿笑弄受經佩身焉可放棄雲霧豁常如英雄雌之黃養三宮泥丸真人自瀝光絳府赤子駕

玄龍丹田君侯常豐隆三神並悅身不窮勿使霜華得上通鬱勃九色在釜中玄黃流精隱幽林和合陰陽可飛沈飛則九天沈無深丹華黃輕必成金水銀鉛錫謂楚皇河上媧女御神龍流珠之英能延年華蓋神水乃億千靈液踴躍成雪霜挹而東拜存真王陵為山穉陽為丹子舍午精明斑璉是月月氣日中官明朗燭夜永長安天地爭期遂盤桓傳汝親我無禍患不相管濟殃乃延冥都書罪自相言生死父母何其冤為子禍上考不全祭書置廢千明宣玄水玉液朱鳥見終日用之故不遍山林石室身自鍊反汝白髮童子嘽太和自然不知老矣鼓叩鳴響懷抱天中之山似頭腦玉酒競流可大飽但用挹焉仍壽老千年一劑謂究竟丹文玉盛務從敬見我外旨已除病何況神經不延命禍入泄門福入密科有天禁不可抑華精萃藹化仙人連城大壁逾更堅長生由是不用牽子將不信命九淵秘要之飛青天

此太清金液神丹經文本上古書不可解

陰君作漢字顯出之合有五百四字

作六一泥法礬石戎鹽酒醎礬石四物分等燒之二十日止復取左顧牡蠣赤石脂滑石凡七物分等視土釜大小自在令足以泥土釜耳合治萬杵訖置鐵器中猛下火九日九夜藥正亦復治萬杵下細篩和以醇醪苦酒令如泥名曰六一泥取兩赤土釜隨人作多少定其釜大小以六一泥塗兩土釜表裏皆令厚三分日中曝之十日期令乾燥復取水銀九斤鉛一斤置土釜中猛其火從旦至日下晡水銀鉛精俱出如黃金名曰玄黃一名飛輕一名飛流取好胡粉鐵器中火熬之如金色與玄黃等分和以左味治萬杵令如泥復更以塗中上下兩釜內外各令厚三分曝之十日期乾無令燥拆輒以泥隨手護之取越丹砂十斤雄黃五斤雌黃五斤合治下篩作之隨人多少下可五斤上可百斤納土釜中以六一泥容塗其際令厚三分曝之十日又搗白瓦屑下細篩又以苦酒雄黃牡蠣一斤合搗二萬杵令如泥更泥固濟上令厚三

分曝之十日又燥入火便拆半髮者神精去飛若有細拆更以六一泥塗之密視之先以釜置鐵鏡上令安便以馬屎燒釜四邊去五寸然之九日夜無馬屎稻米糠可用又以火附九日夜當釜下九日夜又以火擁釜半腹九日夜凡三十六日藥成也寒之一日發視丹砂當飛著上釜如奔月墜星雲繡九色霜流焯焯又如凝霜積雪劍芒翠光玄華八暢羅光紛紜其氣似紫華之見太陽其色似青天之映景雲重樓統縱英彩繁宛乃取三年赤雄鷄羽掃取之名曰金液之華若不成者更燒如前法又三十六日合七十二日無理不成也要節通火令以時不可冷熱不均則三十六日而成不復重燒之也釜圻則無神服之無益泥之小令出三分乃佳又覺猛其火增損之以意度耳早旦澡浴薰衣東向再拜心存天真靈官諸君因長跪服如黍粟復漸小豆上士七日登仙下士七十日昇仙愚民無知一年乃仙耳若心至誠竭齋盛理盡其旦服如三刀圭七立飛仙矣

但道士恐懼或慮不精便敢自服三刀圭耳  
 即着神丹烈驗初服三刀圭皆暫死半日許  
 乃生如眠覺狀也既生後但復服如前粟未  
 之法知其賢愚之日限也已死者未三日以  
 神丹如小豆一粒發口含服立活先以一銖  
 神丹投水銀一斤合火即成黃金不可服當  
 急火之以金打成筒盛丹丹經以繡囊裹之  
 先淨潔作苦酒令釀不可用也既成清  
 澄令得一斛更以器著清涼處封泥密蓋泥  
 器四面使通甲半寸許以古秤秤黃金九兩  
 置苦酒百日可發以和六一泥之用名金液  
 也金在醴中過三七日皆輟如餌屈伸隨人  
 其精液皆入醴中成神氣也百日欲出金先  
 取冷石三兩搗為屑以絞三斗冷水徐徐出  
 金清之一宿金復如故初發器中取金勿手  
 撓之則金輒碎壞若無金者亦可借用若土  
 釜大則醴多不限之一斛也又隨醴多少或  
 減損金兩數也丹砂雄黃雌黃先搗下重綿  
 篩治令合且著密器中又令器上口如火  
 也又取雲母粉二十斤搗下細篩布於地令

上見天以穿中桑葉十斤布著雲母上酉時  
 以清水三斗灑桑葉上既畢冥出丹砂露器  
 於桑葉上發其蓋隱彰日欲出還丹砂蓋內  
 於室中別以席覆桑葉於地如此七日從甲  
 子齋日如訖辛未日旦於是黃龍雲母液盡  
 入丹砂中天雨屋下為之露丹砂當每謹視  
 護或恐蟲物穢犯之夕夕反側丹砂令更見  
 天日訖又治一萬杵閉鑊須甲申日俱內土  
 釜中筒容令平正勿手抑之令急急則難飛  
 祭受之法用好清酒一斗八升千年沈一斤  
 乃沈香也水人三頭雞頭也皆令如法者若  
 用之治取米令淨潔其米或蒸或煮之隨意  
 用三盤盤用三盃餘內別盤盛座左右燒三  
 鑪香火通共一座令西北向主人齋七日或  
 三日三日訖施祭祭在于時著新潔衣服三  
 再拜謹誦九天真皇九老仙都君九氣丈人  
 太上真人虛无丈人真官太丹玉女天一君  
 王中黃夫人凡九皇真神下降某郡鄉里某  
 甲室中因又三再拜三叩頭三自搏曰今日  
 吉辰齋志奉迎太上諸君丈人乞蒙停住華

輦憩駕須臾因重上香酒又三再拜良久而  
 跪某以胎生肉人枯骨子孫久淪愚俗積聚  
 罪考禍欲深重愆過山嶽唯乞太上解脫三  
 尸令百厄除解今奉屬太上道君永為臣民  
 常思清虛以正穢身恩過因緣得開玄路即  
 日受先師張某金液之經披省妙祭蕭然友  
 生乃知天尊靈貴非世尸所陳豈某頑朴可  
 得希聞是不敢輕秘故祀啓天神至尊一書  
 委帛以傳之誓已備如本法輒抱佩永年無  
 泄唯願太上天道諸君丈人當扶某一身使  
 享壽延年所向諧會早得從心神藥速辨栖  
 逃山林別告析高上諸皇以合丹液之英依  
 傳授之科敬受師節度言畢矣又九叩頭九  
 自搏令徐徐聲繞出若不能諷誦本呪文可  
 執卷讀之也又重上香酒畢送神起立誓首  
 曰上煩九天真王又一拜起曰上煩三天真  
 皇又一拜起曰上煩虛無丈人又一拜曰上  
 煩真官太丹玉女又一拜起曰上煩中黃夫  
 人又一拜起凡拜祭訖其食不得與俗人食  
 之以寫經紙墨筆硯別著祭左右并啓白之



曰今以此紙寫丹經乞願常無毀則又祭盤當用生薑各三兩著盤上三盤合九兩也其餘甘果珍肴隨心所增損耳亦無從厚也家貧以此為限也明曰所不解者當一二口訣求解釋之也祭時勿令俗人近其房室屏之為佳無成鹽者河東大鹽可用無滴鹹者取好清酒微火煎之令如飴糖之堅者然後令與礬石礬石等分而用之此二物不可得而當代之耳直自不及其物之堅密也但當小厚其泥也以此代之者是窮極也

太清金液神丹經卷上

太清金液神丹經卷中

長生陰真人撰

興二

金液還丹仙華流高飛翔登天丘黃赤之物成須更當得雌雄紛亂殊可以騰變致行廚靈人玉女我為夫出入無間天同符其精凝霜善沈浮汝其靈故必來游

凡六十三字本亦古書難了陰君顯之作金液還丹之道其方用大銅甬開孔廣二寸半令甬厚四分高九寸用二枚其以一枚為蓋蓋高五寸也治熱礬石一斤鉛丹半斤夫礬石先以火燒二十日擣萬杵又入鐵器中猛火九日夜復萬杵下細篩調之以淳苦酒和之如泥塗銅甬裏令上下俱厚四分是第一塗也修之法即復當以雄黃雌黃之精以醇醑和復塗兩甬裏令厚半分此第二塗也第三次雪霜也其上甬蓋亦如下甬法塗之內霜雪不滿寸半已內霜雪中以上甬蓋之輒代赭瓦屑如之以塗其會牢塗之無令泄世則華灼飛去已復塗之宜於陰燭潔處令其大乾置於蘆葦火馬通火中央作鐵鏡豎

安之甬令去地高三寸糠火亦佳也火前後左右去甬皆三寸不可不審詳精占之也如是後至十日更近左右前後各二寸如是二十日復更近火去甬一寸如是至三十日左右前後火乃四面集之至於甬下令半甬復如此至後五十日名之曰黃金黃金者此中神藥可以成黃金也如是又火二十日合七十日藥成名曰赤金所謂赤金者此中神藥可成赤金也名曰金液還丹即欲作黃金取還丹一銖置一斤鉛中即成真金矣亦可先納鉛於器中先火為水乃納刀圭赤藥於其器中臨而觀之五色輝華紫雲亂映翳鬱玄黃無定若仰看景雲之集也名曰紫金道之妙矣其蓋上紫霜名曰神丹服食以龍膏澤及棗膏和之丸如大豆平旦以井華水服之日一九七十日六丁六甲諸神仙玉女皆來朝之侍左右前後導引服百日恍惚往來無間出入移時至矣百五十日玉女皆謁侍旦夕為其侍易形如真玉之色得變化自在常見按摩致諸行廚之寶物也金主為肌肉還

丹主為血脉主致神上下無極出入無間得與日月神相見又且當漱華池玉漿使常飽溢瓊漿口中液也玉漿主為骨髓筋骨肉益人精氣上昇不勞不倦長生久視龍膏澤者桑上露也露著桑葉上平旦綿拭取之煮大乾棗取上清汁合駕羊髓分等煎以為棗膏亦可長服令人填滿有美色銅箔亦可大作向者所作寸數是其還丹之一劑耳增損隨宜也作棗膏法一劑用三斗大乾棗六斗水煮之令棗爛又納三斗水又煮沸合用九斗水絞去滓清澄之令得三斗乃納駕羊髓六斗投汁中微火更煎如飴狀止無駕羊髓者駕羊膏亦可用

**取雄黃雌黃精法**

雄黃雌黃各一斤細搗治萬杵一節得所用六一泥固土釜以著其中上下合之即取新燒瓦屑合并和泥釜固濟無令泄氣曝令燥坭又泥之次以葦薪火三日三夕燒釜底及左右也或精華上著如霜雪即成矣若甬大亦可作取釜蓋上精霜雪者用之

作霜雪法

取曹青礬石硫黃戎鹽凝水石代赭水銀分等七物合治萬杵不須篩也以醇醴和之令泥泥剛渾自適即置土釜中封泥皆如泥神丹土釜法又以代赭白瓦屑塗固濟不可令泄也事事如封前者無異以葦火炊其下及左右四日夜少猛之神華霜雪上著以三歲雄鷄羽掃之名曰霜雪可加丹砂雄雌黃三種並與前分等合為十種也名曰金華凝霜雪如此還丹之道畢矣還丹不先祭作不成當齋三日以清酒五斗白脯一十斤祠竈神矣銅箔用蘆葦者是天馬極當用葦耳要宜須馬通火也葦火自難將視至於燒雄雌黃之精及燒霜雪自宜用葦火不與銅箔火同也金華凝精霜雪可服使人不死耳非是霜雪中不納者銅箔中用也霜雪所用會青戎鹽凝水石皆貴藥不可用交代非真則藥不成也太清金液神丹凡五百七十六字凡六十字

鄭君曰夫仙人飛沈靈驗難論實非凡庸

可得闕闕自丹經神化者著在實驗是故天尊貴人隱秘此道

夫真諦二事不相離愚人不反迷故見示之高遠然達者亦莫不以方寸知之故見秘其文為不達者耳其智豈論耶經非有求仙之志固不授也是以太真夫人猶語馬君云與安期相隨少久其術可得而傳如淺希近求則房戶閉堅真人尚寶惜如此豈是下流所宜豫哉陰君善書數通封付五藏若好道之人能潛身山林精仰至味其能久於其道者神仙自當開發石笈顯然而示之自非從彼慕道次第於是丹經秘要便永藏峻岫矣馬陰二君何但仙人而已至於觀察緯度知國存亡審運命之感衰驗未然之必然覆生民之大慈作群方以定物名始接聖齊光玄照萬品可謂朗矣可謂神矣弟子昔聞得道真人傳說所言往往稱敷教其實鍊乃異人同辭豈可令清真之音墜而不書乎故書二君神光見世之言自漢靈以來稱說故事附于丹經紀載之焉諸有道者可攬以進志也第

子葛洪曰晉太興元年歲在戊寅十月六日  
前南海太守鮑靚向洪曰其年八月二十二  
日靚游於都當暫還江乘馬見一人年可十  
六七許好顏色相逢於建康蔣山北道俱行  
數里靚學道占觀氣候兼通道術多能者也  
見此人步行徐徐而實輕速靚乘馬奔走纔  
及相追漸遠意怪在其迅速不凡因問曰君  
欲何之行甚疾也相觀步遲而實速似有道  
者行乎此人乃止曰吾所謂仙人陰長生者  
也太上見使到赤城君似有心故得見我耳  
靚飽綜道書自知古有陰君得仙此必是矣  
即下馬向拜問訊寒溫未及他有所陳陰君  
曰此處當復十年必有交兵大亂流血膏野  
君亦何為於此間索生活哉言語移時良久  
乃別告鮑氏曰君慕道雖久而精之甚近而  
年已耄矣佳匠勗之吾相者亦當得度世耳  
夫仙法老得道者尸解為上上尸解用刀下  
尸解用竹木靚請問曰尸解用刀刀自傷耶  
陰君曰不如君言言刀尸解者以刀代身為  
人緣以著棺中以絕子孫之情斷世俗之路

也以太上玄陰生符書刀刃左右傳之以神  
丹為筆須臾便自成人像如所書者面目死  
於床矣其真身可於是避去勿復還家人  
謂之刀為身其人也哀哭而葬埋之其下尸  
解用竹木皆神丹筆書符如書刀法也以此  
符文授鮑氏所言者訖徘徊遂失陰君所在  
於是仰望山澤之間但見群鶴數隻於草中  
飛起東南翔去良久過山入雲不復見也又  
與鮑論晉盛衰之事語鮑氏曰今日甲申之  
後乙酉丙戌之年二主將逝賊填其間連乎  
坎方禍亂殆致顛覆得甲申萬道一人若修  
式淮泗先登勝地據魏陽北海西上應於斗  
度下合乎地氣從今以去江南為始可得六  
十六歲甲戌之間祚之終矣要自繼連爭鬪  
至於甲申若凶脩則促福禳則延至於斯危  
之竭俱臻此年矣從今到甲申正當餘七十  
六年矣夫人帝之命矣子稱兵十世而終夏  
之少康般之高宗周之平王漢之光武即其  
効也皆依天之度計晉之度當在十世猶皆  
有勝尾上言之故也今有穉鬼訟手晉文帝

流血連連訴我天府若太上理冤者晉亦當  
不失世矣若太上却鬼推有所付受之者即  
助晉室之命則當武為始省文華愍亦為十  
世耳今晉事在天曹與昔趙簡子時事相似  
也鬼訟晉文帝今尚未已昔日趙簡子夢隱  
公獻公簡子隨二公而行乃到天帝所二公  
於天帝前更相訟而簡子與二公爭不勝天  
帝即以簡子付與二公隱公持簡子之頭獻  
公引劍刑之簡子頭斷於地簡子即自取其  
頭而復不正時有岑陽巫在天帝邊見簡子  
自復其頭不正巫即助之正簡子得此夢心  
中不樂出遊於道見一人牽一白狗行正與  
簡子相逢此人避之道下柴棘中狗繩繞棘  
巫還解狗繩而棘又著狗頭不得去還顧簡  
子簡子見而識之其衣服面形如昨所夢人  
在天帝邊者因而問之曰吾如有識子處吾  
於何地相見乎此人曰吾岑陽巫我昨在天  
帝所見二公訟大王大王與二公爭不勝帝  
以大王付與二公隱公持頭獻公引之大王  
頭斷於地王自取其頭復之復之不正我即

為大王正之適昨相見而今日便見忘乎簡子曰有之於事今如何我故可為不巫曰不可為也大王命已斷於上不可復為也簡子曰君昨見助復我頭故當有可以助我者耶今邂逅相遇亦是我有可延之幸願君濟度之巫且嘯良久曰然今視天下背叛周天子者齊為甚天帝責齊亦甚矣大王可表天子請兵伐齊天帝必喜必延大王命可得二十年今唯有此可以延命爾簡子得此語喜便還表天子請兵伐齊天子既聽以兵與趙伐齊簡子出以天子命請諸侯同出兵會於河而祭於河神簡子長跪兩手自搏祝曰今天命某伐逆誅有罪而得志於齊簡子詣趙奉事河神伐果破齊齊復奉禮天子遂得延壽二十五年所謂以功德續絕正如此比也是陰君所言了了如此其後太寧二年歲在甲申果有大將軍王敦之變到三年乙酉二月二十四日元帝崩四年丙戌明帝崩咸和三年蘇峻領群賊十萬北登蔣山是陰君所行處皆為賊營計是十年矣鮑氏以洪希

仰道味博密言語而見向受此之言旨令共識使勿宣也自其子弟他餘皆無其知者亦自秘惜而結舌矣陰君語鮑氏曰君為時所信亦可令今主知世運之意并使據屯地可得全保雖傷而未敗也此亦復是君臣之功益也當自作君懷占候災祥而知之勿言見我共論之矣又當美德讚時使事微而顯令理隱而較略不可方直無忌益人禍罪也是歲鮑氏乃表元帝陳國祚始終之要厭禳預防之勢其表言語牽引稱說星緯及古今之意皆出於陰君所言但其間機會增長年世倍曠者此自是鮑氏所潤美非陰君之本實也表有別事元帝祕之然亦自知其年世殊閑嫌鮑言之過多曾竊以此表問王司徒導司徒云此當是百而為千耳君常惡近而樂遠諱短而美長至於臣子之言雖無隱佞亦復不宜直衝胷心也譬若藥以愈病皆先分服以救患若頓一劑以盡倉卒者耳不能堪驗勢無不傷其疾苦矣元帝默然洪曾一過見鮑氏表而不暇得寫其言甚有微據唯察

微者當能悟其趣韻之深淺耳頃來更內外麤細尋求此書遂不得亦由賊亂宮室焚燒零失之耶洪所欲重見此表者非求其趣欲知太平存亡之期矣意貴陰君之遺言耳陰君去世已久中復見身於鮑氏其辭旨微妙玄纖通鏡故復述焉後鮑氏死權葬著石子岡經賊抄有發塚者唯見一口夫刀在棺中而不見衣服骸骨所在賊又聞塚左右有人馬之聲恐怖而走遂不敢取刀者其後家人更改葬但葬其大刀耳如此鮑氏必得陰君刀尸解之法也將有求道索其道經也。

太清金液神丹經卷中

太清金液神丹經卷下

與三

抱朴子序述

葛洪曰洪嘗見人撰南方之異同記外域之奇生雖粗該近實而所履蓋淺甚不足甄四遐之妖逸銘殊方於內目哉洪既因而敷之使流分有測徹其廣視書其名域令南北審定東西不惑然混沌既分兩儀剖判天之所覆地之所載四海之內八荒之外蕩蕩乎其遠不可得而究陰陽所陶日月所照青生素質蚊行蠕動漫漫乎其衆不可得而詳也昔禹治洪水十有三年跨歷九州微召荒要然後辨方考記異同蓋其足之所踐目之所覩者耳然而玄黃所函六合所包猶未能得其百之一也又鄒陽書曰今之九州非天下之州所謂九之一耳四極之中復有其八世之學者蓋以為虛余少欲學道志遊遐外昔以少暇因旅南行初謂觀交嶺而已有緣之便遂到扶南扶南者地方千餘里衆以億計包山帶海邈乎其畿意亦以為南極之國齊此而已至於中夏之月凱風時動又有自南而

來者至若川流問其地土考其國俗乃云自天竺月支以來名邦大國若扶南者十有幾焉且自大柰拂林地各方三萬里其間細國往往而處者不可稱數也名字處所既有本末且觀士女信各不同乃知夫乾壤之間廣矣雖在聖賢遊心遠覽猶不能究況乎俗儒而不有疑至於鄒子所云阨而非實但余所聞自彼諸國已什九州其餘所傳聞而未詳者豈可復量浩汗蕩漫孰識其極乃限其數云有八哉但古聖人以中國神州以九州配八卦上當辰極下正地心故九州在此耳其餘雖廣非此列云及其山奇海異怪類殊種珍寶麗物卓譎瑰瑋盈耳溢目驚心愕意既見而未聞者詭哉不常難可詳而載也此皆奢侈之外玩非養生之所求矣奚自扶南頓遜逮于林邑杜薄無倫五國之中朱砂疏黃曾青石精之所出諸導仙服食之藥長生所保之石實無求不有不能復縷其別名也稱丹砂如東漚之瓦石履流丹若甄陶之灰壤觸地比目不可稱量而此五國不見服用之

方莫知長延之道貴無用以填宇內遺靈石而不巧競彫玩之貨賤流丹之藥鍊餌不加真質長隱耳混雜無親妙物不顯矣昔經眼校實已分明也余今年已及西雖復咀嚼草木要須丹液之功而荏苒止足顧死將切近小縣之爵豈貪榮耶洪所以不辭者欲結以民力求其通路耳將欲盤桓於丹砂之郊而修於潛藏之事此之宿情祿願俱集永辭墳柏吾其去矣夫學道志生類多貧士富者鼎食自逸心惑聲色方屈節抑欲遣情割樂追師勞辱志安辛苦千無一也且欲脩神仙者則非丹不升家于揚州貧來逐我國貴八石求之無方不義而索既非所聞賃力期之又體先羸弱苟是不堪則計關於心縱其得一永不備具是以道常附貧富常追貴也且世難未靜寒熱纏心不期運鍾天降禍亂方興顧眄四體常慮夕及戰惕不勝亦何暇索藥以養性命哉今雖抱此丹經而無所措心譬若獻龍淵於屠肆佩明珠於犬馬者也徒貴其質而不知所以安其用不亦悲哉今將為

弟子陳其旨實其並聽之焉夫人大渴者長  
頌臨長河大飢者思託農圃欲學道者何不  
抱靈方遊其地則何憂丹石之匱乏也意力  
之不集耶奚爲止足于貴競之上安身於紛  
爭之邦共其枯竭哉夫知我者希則我者貴  
矣固宜遠人事而避閭閻絕蠶擾而步丹丘  
琴瑟奏于馬廐安識其宮商乎彼不費用丹  
之術則不責我所爲之事是以我得安其所  
營而心無怵惕獨貴所味而無鑽仰豈不盡  
理於內而如愚于外哉且南遊大境名山相  
連下洞潛霍高齊青雲火州鬱勃香陵芳芬  
豈唯揚楚之郊專有福地耶但南徼是四海  
之外先賢作名山記者記其域內不書其外  
又丹經所言旣成而服有昇天之驗如仙人  
所傳八遊將一家庭宇耳但此五國皆是人  
跡之所遠莫足爲渺渺哉是以不嫌其遐而  
欲之其邦不辭其遠而必到其鄉若天命不  
延合服無成擬之以分分之矣修靈法守而  
得理使飛霜煇煥玄雲四起亦供勤矣天濟  
之也夫生無貴賤各當一死洪消遣三尸守

精存氣拘魂養神鑽求靈味求生不得亦下  
聊不失一死也譬衆人尋綸入鈎廣津投餌  
求魚誰知其先有如犬逐兔獲者有人是  
以期命之終雖帝者所不能諱今壹以分准  
得失所期灰身長衢甘之如齋正以抱道信  
誠丹心內定雖使蘇張更出陳鄴復生見喻  
以機運之會敦說以榮華爲先妙辭豐藻蔚  
言連篇洪將勃然作色拊于二子之有未復  
哂爾而笑必折以一言乃心磐石非爾可轉  
志堅金剛非爾可斷要言盡矣夫有情志如  
是庶幾萬靈或慰洪若斯之志脫得落於蟬  
蛻之變者復百餘年之後將比顧以省墳梓  
迴顏以示不信但恐爾時不信者已成灰泥  
無復與陳昔所歸耳此言亦可笑矣未必可  
笑也今撰生丹之國紀識外邦并申愚心附  
於金液之後當藏寶秘則洪辭永全是以狐  
狸穴王城不討野鼠附社墻莫極如蚊室寄  
鴻鷺以翔玄嶽今以羸文結託真書求自存  
錄者也諸弟子可以廣視聽也蕪蕪之言廊  
廟亦擇狂人之志時有所合軍帥可奪匹夫

巨違再拜朱門與爾長辭背放松墳中心藏  
之俗人人旣不能解於洪洪亦復不能解於  
人之面牆而不自知魚鼈之餘豈不哀哉人  
視我如狂洪眇彼如蟲期度之運安所告手  
將來君子各搜德業不以管穴別意有所導  
引也行邁靡靡汎舟洪川發自象林迎箕背  
辰乘風因流電邁星奔宵明莫停積日倍旬  
乃及扶南有王有君厥國悠悠萬里爲垠北  
欵林邑南由典邁左牽杜薄右接無倫民物  
無數其會如雲忽爾尚問界此無前謂已天  
際丹穴之間逮于仲夏月紀之賓凱風北邁  
南旅來臻怪問無由各有鄉鄰我謂南極攸  
號朔邊乃說邦國厥數無原句稚歌營林揚  
加陳師漢危犁斯調大秦古奴察牢棄波罰  
賓天竺月支安息優錢大方累萬小規數千  
過此以往莫識其根象林今日南縣也昔馬  
援爲漢開南境立象林縣過日南四五百里  
立兩銅柱爲漢南界後漢衰微外夷內侵汲  
取象林國銅柱所在海邊在林邑南可三百  
里今則別爲西圖國國至多丹砂如土出日

南壽靈浦由海正南行故背辰星而向其星也晝夜不住十餘日乃到扶南扶南在林邑西南三千餘里自立為王諸屬國皆君長王號炮到大國次王者號為鄒歎小國君長及王之左右大臣皆號為崑崙也扶南地多朱砂珍石從扶南北至林邑三千里其地豐饒多朱丹硫黃典遜在扶南南去五千里本別為國扶南先王范粵有勇略討服之今屬扶南其地土出鐵其南又有都昆比高向稚諸國范粵時皆跨討服故曰名由典遜典遜去日南二萬里扶南去林邑似不過三千七八百里也何以知之船舶發壽靈浦口調風晝夜不解帆十五日乃到典遜一日一夕帆行二千里問曰今長江舟船高牆廣帆因流順風而下日才行三百里耳吾子全陳海行晝夜三千里豈不虛哉答曰余昔數曾問之船舶高張四帆斯作云當得行之日試投物于水俯仰一息之頃以過百步推之而論疾于逐鹿其于走馬馬有千里以此知之故由千里左右也其國出丹砂曾青硫黃紫白石英

杜薄閩婆國名也在扶南東漲海中洲從扶南船行直截海度可數十日乃到其土人民衆多稻田耕種女子織作白疊花布男女白色皆著衣服土地饒金及錫鐵丹砂知土以金為錢貨出五色鸚鵡豕鹿豢水牛犬羊雞鴨無犀象及虎豹男女溫謹風俗似廣州人也無倫國在扶南西二千餘里有大道左右種枕椰及諸華果白日行其下陰涼蔽熱十餘里一亭亭皆有井水食麥飯蒲桃酒木實如膠若飲時以水沃之其酒甘美其地人多考壽或有得二百年者向稚國去典遜八百里有江日西南向東北入正東北行大崎頭出漲海中水淺而多慈石外微人乘船舶皆鐵業至此崎頭閩慈石不得過皆止向稚貨易而還也歌管國在句稚南可一月行乃到其國又灣中有大山林迄海邊名曰蒲羅中有殊民尾長六寸而好啖人論體處類人獸之間言純為人則有尾且啖人言純為獸則戴頭而倚

行尾同於獸而行同于人由形言之則在人獸之間末黑如漆齒正白銀眼正赤男女裸形無衣服父子兄弟姊妹露身對面同卧此是歌管國夷人耳別自有佳人也林楊在扶南西二千餘里男女白易多仁和皆奉通用金銀為錢多丹砂硫黃曾青空青紫石英好用絳絹白珠處地所服也加陳國在歌管西南海邊國海水漲淺有諸國梁人常伺行人劫掠財物賈人當須革旅乃敢行師漢國在句稚西南從句稚去船行可十四五日乃到其國國稱王皆奉大道清潔脩法度漢家威儀是以名之曰師漢國上有神仙人及出明月珠但行仁善不忍殺生土地平博民萬餘家多金玉硫黃之物尾犁國古奴斯調西南入大灣中七八百里有大江源出崑崙西北流東南注大海自江口西行距大秦國萬餘里乘大船載五六百人張七帆時風一月乃到大秦國大道以中斯調國海中洲名也在歌管國東南可三千

里其上有國王居民專奉大道似中國人言語風俗亦然治城郭市里街巷土地沃美人士濟濟多出珍奇金銀白珠瑠璃水精及馬珂又有火珠大如鴉鴨子視之如冰著手中洞洞如月光照人掌夜視亦然以火珠白日向日以布艾屬之承其下須臾見火光從珠中直下澆澆如屋雷下物勃然烟發火乃然猶陽燧之取火也其向陰有水出者名曰夜光珠如陰合之取水至於火珠夜光俱如一但以其精所得水火而異其名耳斯調洲土東南望夜視常見有火光照天如作大冶其夜望其火光之照也云是炎洲所在也有火山久夏有火光

隱章國去斯調當三四萬里希有至其處者數十年中炎洲人時乘船舶往斯調耳云火珠是此國之所賣有也故斯調人買得之耳又有丘陵水田魚肉果稼梁豆芋等又有麻廚木其木如松煮其皮葉取汁以作餅煎而食之其味甜香絕美食之如飴又使人養氣殆食物也

大秦國在古奴斯調西可四萬餘里地方三萬里最大國也人士焯焯角巾塞路風俗如長安人此國是大道之所出談虛說妙胥理絕殊非中國諸人輩作一云妄語也道士比有有上古之風不畜奴婢雖天王王婦猶躬耕籍田親自拘桑織經以道使人人以義觀不用刑辟刀刃戮罰人民溫睦皆多壽考水土清涼不寒不熱士庶推讓國無凶人斯道氣所陶君子之與丘顯罪福之科教令萬品奉其化也始於大秦國人宗道以示八遐矣亦如老君入流沙化胡也從海濟入大江七千餘里乃到其國天下珍寶所出家居皆以珊瑚為梳櫛瑠璃為牆壁水精為階凡昔中國人往扶南復從扶南乘船舶入海欲至古奴國而風轉不得達乃他去晝夜帆行不得息經六十日乃到岸邊不知何處也上岸索人而問之云是大秦國此商人本非所往處其驚恐恐見執害乃詐扶南王使詣大秦王王見之大驚曰爾海邊極遠故復有人子何國人乎來何為扶南使者答曰臣北海際扶

南王使臣來朝王庭闕北面奉首矣又聞王國有奇貨珍寶并欲請乞玄黃以光鄙邑也大秦王曰子是周國之邊民耶乃冒洪海二十萬里朝王庭良辛苦也向見子至恐觀化我方察風俗之厚薄觀人事之流味耳豈悟速貪難得之貨開爭競之門戶哉招玄黃以病耳目長姦盜以益勤苦耶何乃輕性命於洪川篋一身於大海乎若夫周立政但以輕貨為馳騁者豈不賤也豈不弊哉吾遂觀其化亂兆已表於六合姦政已彰於八外矣然故來請乞復宜賜以往反乃付紫金夜光五色玄珠珊瑚神璧白和朴英交頸神王瓊虎金剛諸神珍物以與使者發遣便去語之曰我國固貴尚道德而慢賤此物重仁義而惡貪賊愛貞賢而棄淫泆尊神仙以求靈和敬清虛以保四氣三此輩物班駁玄黃如飛鴻之視蠅蠅子後復以此貨物來往者將競吾淳國傷民耳目姦爭生於其治風流由此而弊當勸關吏不令子得進也言為心盟戒之使者無言而退也還四年乃到扶南使者先



以船中所有絲絹千匹奉獻大王王笑曰夷狄絲絹耳何獲薄物薄則人獎諒不虛耳非我國之所用即還不取因示使者玉帛之妙八采之綺流飛香錦玉縷結成之帛金間孔文之碧白則如雪赤則如霞青過翠羽黑似飛鳥光精耀輝五色紛敷幅廣四尺無有好麤而忽見使者凡弊之躬北地之帛真可笑也自云大秦國無所不有皆好中國物永無相比方理矣至於蠶炊皆然薰陸木為焦香芳鬱積國無穢臭實盛國者也使既歸具說本末如此自是以來無敢往復至大秦者○旅共相傳如此遂永絕也洪謂唯當躬行仁義守操澹泊純虛味道內情無欲者推此而遊夫大秦國必或得意耶如其不爾以交易相尋求者實無理也又大秦人白易長大出一丈者形儀嚴整舉以禮度止則澄靜言氣凌雲交遊綺挺而忽見商旅之夫言無異音不知經綸進趣唯貪貨賄大秦王是益賤之盡言周國之人皆當然也昔老君以周衰將入化大秦故號扶南使者為周人矣周時四

海彌服扶南皆實所以越蒙人抱白雉而獻象牙於周也今四夷皆呼中國作漢人呼作晉人者大秦去中國遠速莫相往來唯當是老君曾為周史既入大秦必稱周國爾乃號曰周人不知周國已經百代也矣

古奴斯調國去歌管可萬許里土地人民有萬餘家皆多白芻易長大民皆乘四輪車車駕二馬或四馬四會所集也船船常有百餘艘市會萬餘人晝夜作市船行皆播號鳴鼓吹角人民衣服如中國無異土地有金玉如瓦石此國亦奉大道焉

察罕國在安息大秦中間大國也去天竺五千餘里人民勇健舉一國人自稱王種國無常王國人常選耆老有德望者立為王三年一更舉國尊之土地所出與天竺同尤多珍物不可名字察罕國人自慕其地土生不出國遠行人民安樂國無刑殺唯修仁義福德為業甚雍雍然也  
葉波國去天竺三千里人民土地有無與天竺同

蜀賓國在月支西北大國也土地平博人民溫和有首蓆草木雜奇木種梓竹漆鬱金香種五穀蒲萄諸果治國園地多下濕必種稻人民多巧彫文刻鏤織罽之繡好冷飲酒食有獼猴孔雀珠璣琥珀瑤璃水精其畜與中

國同也首蓆草木神珍物也云形如羊人病盲兩目空盡云絞其根汁而服火煮其莖葉為煎傳空爛中則七八日許乃更生珠腫而都愈矣古人相傳有一人病眼卒被時主國王所召當往到命不展服藥神師令借其婦一目用之乃聽師言師以刀刺婦目借行經宿乃反以還之師初取目時乃擣草根汁服并漬目乃刺之刺之不痛者已眶中亦用此汁和之便立為其一體上用以鑿照萬物也當還時人又用此汁即復如初此天縱靈草神妙不可得而言也故名曰首蓆草由借目經宿也余年少時曾聞此語虛妄不信之定至南嶽問人士有識者乃云首蓆草生在蜀賓國列一山上百餘年一生生如中國菖蒲華難得也非精進弗可見也此山今名首蓆

山有衆泉水青色。蜀賓國人老少有病目者，輒相擔輿詣此山泉，澡灑之無不愈也。水猶能差疾病之目，況百年一生神草不以愈於空爛乎？如古來相傳驗其山川，當有髣髴也。外地人有石彥章者，父居扶南，數往來外國。云曾至蜀，賓見首蒼山，不能高大也。山不生他唯雜奇木，形如柘伐，其木經十餘年破，用作几橙，車座屋宇雜碎他物，後分別埋著土中，皆事事便生。如栽楊柳，狀名曰雜奇木，云還埋首蒼山下土中，他地不生矣。洪按此山必是長生之丘阜也，何以言之？其草出用令爛，目反明而成。先伐木則猶百年而後植，乃將山石之神能續人之精泉，流所育使乃朽木復生，諒可處身以養形骸，以隨山氣以享無傾，豈彼國之久未之悟耶？

月支在天竺北可七千里，馳馬珍物如天竺土地高涼，皆乘四輪車，駕四五或六七軛之在車，無小大車有容二十人，有國王稱天子都邑人，乘常數十萬城郭宮室與大秦相似，人形胡而絕潔，白被服禮儀，父慈子孝，法度

恭卑坐不踣踞如此天竺不及也。或有奉大道者，中分地亦方二萬里，多寒饒霜雪，種薑不生，仰天竺薑耳。無蠶桑，皆織毛而為紗，穀也。犬羊毛有長二三尺者，男女通續用之。安息在月支西八千里，國土風俗盡與月支同人。馬精勇，土方五千里，金玉如石，用為錢。國王死輒更鑄錢，有犬馬有大爵，其國左有土地百餘王，治別住不屬月支也。優錢在天竺東南七千里，土地人民舉止並與天竺同，珍玩所出奇瑋之物勝諸月支。如此乃知天地廣大不可意度，此諸國雖遠當後有表，但人莫知其限崖耳。其大秦月支欲接崑崙，在日南海行之西南也，最是所聞見大國也。

衆香雜類各自有原木之沈浮，出于日南都梁青靈，出于典遜，雞舌芬羅生于杜薄，幽簡若來出于無倫，青木天竺鬱金，蜀賓蘇合安息薰，陸大秦咸自草木各自所珍，或華或膠或心或枝，唯夫甲香螺蚌之倫，生于歌管，句稚之瀾，萎蕤月支硫黃，都昆白附師，漢光真

加陳蘭艾斯調幽穆優錢餘各妙氣無及囊檀也

太清金液神丹經卷下

太清石壁記卷上

楚澤先生編

與四

太一金英神丹方

金五兩打為薄飽之摩之納土塢中計先用金五兩水銀六兩先於火中籠金薄與

火同色即別暖水銀暖須土塢中入金薄

於水銀中分而消矣即以金泥重鍊微耗

去水銀然後以玉推研盡乃止堪入藥用

雄黃一斤搗之鐘乳五兩好酒煮盡雄黃一斤

丹砂搗雲母一斤水雄黃一斤雄黃一斤

青五兩搗篩飛礬石三兩水銀一斤以黃鹽

凝水石八兩搗篩石膏八兩搗篩朴硝八兩芒硝八兩

空青八兩搗篩

造大還丹方

右件十五味並須精好搗篩潔乘之

空青十二兩光明砂斤雄黃斤雌黃斤金斤白

石英斤鍾乳斤硃砂斤水銀斤石硫黃斤水

銀霜斤玉屑斤石膏斤朴硝斤特生礬石斤

雲母斤降英斤太陰玄精斤礪石斤鉛丹斤

石膽斤青石斤陽起石斤芒硝斤蛇牀子斤

錫礬石

右搗拌一依四神法唯金錯作末分為龜

飛服之令人仙矣

黃帝九鼎丹方

雄黃雌黃各半朱砂斤石硫黃白石英鍾乳

朴硝礬石各三石淋寒水石石膏為餘煨青

石太陰玄精赤石脂雲母礪石

右十七味並搗碎拌泥泥吳鹽覆之火三

日夜寒半日開之重乘七轉用治萬病無

發動

黃帝九鼎大還丹方

雄黃石膏各一寒水石高餘煨半硝石斤

太陰玄精六十日方礬石一斤三十日金牙

芒硝黃礬戎鹽空青石淋白石英孫公孽

朱砂鍾乳礬石紫石英雲母礪石硃砂石

腦青礬石膽各一斤

右件藥精搗更研碎拌合和乘之九轉九

如大麻子一服一丸服五丸萬病皆除一

千丸改形易體久服仙矣

太一金膏丹方

金五兩打作雄黃一斤白石英一斤雌黃

一斤紫石英空青斤朴硝斤硃砂斤石膏斤

芒硝斤礬石斤雲母斤石乳斤滑石斤水銀

斤太一為餘煨石硫黃

右十七味並須精好乘一依前法

已上小丹皆是神仙救世療病之丹服之

身輕延年其法具在卷後其小丹亦不妄

須依古法固濟

六一泥法

赤石脂斤滑石斤甘土斤酒鹹斤戎鹽斤

右搗為泥並用酢拌之作九子如手指大

曝乾火燒一日夜更搗令細研取三五張

紙細摺和為泥入臼曰熟搗用酢拌之固

濟上下登不令有隙以猪牙研之須滑甚

用牢密固

又法 取好細黃土堅實者曝乾

又法

取赤石脂左顧牡蠣細治鹽甚牢密固

飛丹禁忌法

春忌戊子己巳

夏忌丁巳戊申己丑戊辰己未

秋忌戊戌辛亥己亥庚子

冬忌戊寅丁未庚戌己卯癸酉

飛丹發火吉日

五月五日七月七日九月九日甲申乙巳乙卯

又以太陽之月立夏之後取甲子戌開收

除平定之日並吉發火取二更時不爾取五

更無驚觸凡合丹不得過三人已上即心不

齊

召魂丹法

一名反魂丹二名更

朱砂雄黃雌黃曾青石硫黃礬石礬石各五

水銀一斤又右依四神丹方飛之五六轉精熟可服宜

與石硫黃丸相和服之

石硫黃丹方

石硫黃蒲黃禹餘糧茯苓各二

右四味搗篩蜜和為丸九如小豆一服二

丸召魂一丸和石硫黃二丸同服治萬病

神驗疑太熱除石硫黃亦得其丹不得水  
銀以水銀霜二兩代之甚佳恐水銀貴不  
辨用之不狀甚多

無忌丹一名聖骨丹二名集

金牙一寒水石二石乳兩雄黃雌黃各四

石英兩芒硝兩紫石英一兩硝石兩麥飯石

一朴硝兩二牡蠣兩鍾乳兩

右飛一如四神丹法飛三日三夜細研丸

如麻子服一丸無不差召魂丹久服延年

無忌

紫游丹方

一名安虛丹二名藥景丹

雄黃雌黃白石英紫石英鍾乳玉屑朱砂石

腦石膽礬石空青陽起石赤石脂礬石朴硝

礬石石膏寒水石朮霜消石各三

右依金英丹法飛之極妙

良雪丹方

一名水銀霜丹二名號珠

四名玄珠歸霜丹五名太陽紅粉丹

六名飛虹化華丹七名朝霞散彩丹

五太陰玄精

右以錫置鑊中下猛火燒令鎔成水以鐵

匙擦去上滓末別以鑊子中炒令稍熱傾

著錫水中以鐵匙攪之令自便急傾著淨

地少時凝冷如白銀即取礬霜輕手搗之

以馬尾羅篩朴硝玄精各別搗篩即以鹽

末和水銀錫合搗以馬尾篩之以諸藥總

相和調和相得更以白鹽作下藉三分許

以物按之令實即下諸藥又以朴硝覆之

即下文火四日夜其火炭不過一斤已上

但候上蓋常如人體暖即漸加三五莖過

此已後兩日即下武火常使上釜灼人手

不得久住武火經七日寒一宿然後開之

若調火緩急得所其精並飛出上釜如霜

雪狀或作伏鑪盤在上釜其色妙甚霜雪

光輝煥然驚駭耳目好士見之無不嗟嘆

若用火不調冷熱不均其藥精即飛著上

釜顏色青黑既飛得精藥又飛之更以後

藥

礬石三朴硝兩三白鹽斤玄精三

右並依前法搗篩先以流汞霜研訖與諸藥相和布置覆藉飛之日數一如前法可作三五轉然後用之為佳恐太陰玄精難得可往河東解鹽池近水次浮之其色理如玉質形狀似龜甲其黑重者不堪其黃白明淨者為上其鴻霜得此藥自爛如粉飛之三五已後可研極細以棗肉膏和為丸如麻子大一服四五丸加至六七丸萬病皆愈

五味丹方

水銀霜斤硝石而五寒水石而五石膏而五石膽而五  
右搗篩相和不用酢拌直爾飛之入釜三日夜如飛召魂

五嶽真人小還丹方

一名金精丹二名還空丹三名

仙茅丹四名救世丹

丹砂雄黃會青礞石石膽朴硝巴砂玉英萬餘粒白礬石玄石脂凝水石滑石石膽各十兩右新苦竹為筒貯之以蠟固頭按之納華池中二十日出之陰乾二十日搗篩色別以酢和為丸納玉釜中似鍊紫游丹法勿

使氣泄以文武火三日夜開之色別搗下如粉第一納丹砂次玉英合之上下相當密用固濟初用馬道火三日夜後用炭火三日夜前文後武飛入上釜丹成出用之於乳鉢中以玉礎研之如粉以大棗去皮和為丸丸如粟米一服三丸用飲汁酒下之

太一小還丹方一名太精丹二名朝景丹三名救世丹四

水銀斤石硫黃五兩

右研石硫黃為末以白厚紙承之取於炭火上炙硫黃鎔滴水中原前紙如此三遍鍊之秤五兩又取新瓷瓶可二升已下內外通有油者以黃土細篩和石灰紙筋相為泥泥瓶子外可厚三分曝乾又取一新瓷蓋子令與瓶子相當內有通油者選以前泥泥蓋外亦厚三分許曝乾為瓶蓋又令鐵牀子錫脚與瓶底相當坐瓶子於牀子上又作風爐高於瓶子五寸許四面各去瓶子五寸博瓦和泥作爐下開四風門

待乾用之又先以水銀下瓶子中微火溫之令暖又取一鑊子鎔硫黃令如水傾水銀瓶子中攪之少時待冷水銀便如碎錫可以為塊遂以前蓋子蓋之還用前泥密固濟下爐中即以微火傍瓶四邊炙之令固濟處乾鑊漸熱加大初文後武令稱瓶上火色紫焰出時聲動其火令心虛稍稍添炭如此百夜漸漸退火寒之開看其丹並著瓶子四邊及上蓋其丹狀如石榴子紫黑色水中研泛之取細者色過光明砂

紅赤非常藥成細研和粳米飯丸之如小胡眼每日服五丸至五百丸萬病除矣一經云從朝下火至日午藥成可服亦和丸蒸曝巨勝服白飲汁酒送之忌血羹魚膾大醉生冷

太一硫黃丹方一名太一陽粉丹

石硫黃斤三右搗研入丹竈中飛之以兩盒子為上下釜蓋文火飛三日夜並飛上釜如金粉色可研丸服之

八石丹方一名麗日丹二名紫月丹三名度元丹四名濟世丹

朱砂雄黃雌黃會膏

又方

雄黃雌黃石硫黃空青礞石朱砂礬石

十四兩

右搗篩飛鍊並同前法

又方

朱砂雄黃雌黃會膏四兩礬石磁石朴硝

礬石一兩

又一方云

白石英無礬石一依前法

龍朱丹方一名艾絲丹二名毒露

朱砂雄黃雌黃石硫黃空青十兩

右搗篩細研用召蠅龜中飛之三日夜其

藥盡飛入上釜其下滓碎如灰滓若硬如

鐵屎堅塊者其藥盡更搗篩依前飛之還

三日夜藥精飛盡上釜收取和好麝香及

白粳米飯丸之如麻子一服一丸和飲汁

酒送

八神丹方一名元精二名照日

丹砂會膏雄黃礬石石腦礬石朴硝十兩

右各別綯袋入三年米酢中二日夜出陰

乾各別搗篩次第下釜中總下訖以朴硝

覆之以六一泥固濟文火三日夜武火三

日夜寒一宿開取上釜者又更研重飛五

六轉色白如雪可服之

太一雄黃丹一名赤鏡二名紫膠三

紅紫相

雄黃斤三

右以銅器盛之酢煮三日夜毒盡九日更

加曝乾搗篩以酢拌之曝乾七遍然後一

依召魂丹法飛之七日夜白如雪服之

又方

雄黃斤

右一味搗篩輕紗羅篩以醇酢拌令泥泥

日曝令乾又依前更拌又曝可十餘遍止

先以白鹽置釜為藉按之令實次以雄黃

粉與白鹽末相和置於藉鹽上還以白鹽

末覆之即以上釜相合六一泥固濟不得

泄氣一日夜微火候六一泥乾以後漸漸

加大勿損猛一日一夜過此已後可與極

猛火令其下釜且暮常與火同一色不得

暫時令火微弱如此且暮猛火常相續不

絕三日三夜寒之一日夜開其釜取藥更

細研下釜中餘滓又別搗篩訖即以藥之

精滓相和更加以酢拌令泥泥一依前布

置其文武火勢及日多少一依前法如此

再過其藥必成

五靈丹方一日昇霞二日使霄三日

丹運靈

承霜雄黃石硫黃朱砂雌黃十兩

右搗篩以酢拌曝乾七遍入釜中以白鹽

花為藉然下石藥以承霜為上即以白鹽

花覆之厚三分依召魂丹用火三日夜藥

成丸如麻子一服一丸治萬病

又方

承霜斤雄黃石硫黃朱砂各二

右搗篩四味相和以酢拌令泥泥曝乾可

四五遍止自外飛鍊用火日數一依前法

五石丹方一名五星丹二名五精三

兼六名五靈  
七名八仙丹

五石丹者淮南王劉安好道感仙人八公來授之安以此方錫左吳故得傳之人世其藥飛五石之精服之令人長生度世與羣仙共居五石者是五星之精丹砂太陽熒惑之精磁石太陰辰星之精曾青少陽歲星之精雄黃后土鎮星之精礬石少陰太白之精右以此五星之精其藥能令人長生不死

又方

曾青者東方青帝木行青龍之精丹砂者南方赤帝火行朱雀之精白礬石者西方白帝金行白虎之精磁石者北方黑帝水行玄武之精雄黃者中央黃帝土行黃龍之精

右五味並屬太微五帝大神之精主之欲合此丹之時五味各十兩並搗篩為末酢拌之如八神丹法又須得五帝神符鎮丹竈上乃可飛之不得此符終不能成符在別秘傳中老子三部符中亦有也五石者五星生氣服其精氣可以天地齊壽自

非至誠好道莫輕傳之若消石紫石鍾乳名曰白入石也

又造丹鍾法

其鍾下須安鐵鍊可十二三條長一尺四方厚四分分布其整上相去可二分鍊下懸虛去地二寸中開闊四寸半前後通門擬通風來去其鍊上著火其火為風氣相扇極理快然此法為要

又造藥釜法

其下鐵釜受一斗徑九寸深三寸底拒火度厚八分四畔厚三分上下闊狹相似平作底周迴層闊一寸半厚三分亦平兩畔耳長三寸去上層三寸半上蓋燒瓦作之徑九寸四分深八寸厚三分上蓋稍圓平作之此釜樣是初出精藥所以大若出精藥後宜用小釜轉之小釜樣徑口六寸深二寸半自外形勢厚薄同前大釜上蓋徑六寸二分深六寸自外形勢與前不別

太清石壁記卷上

太清石壁記卷中

楚 澤 先生 編

典五

八神丹方

空青神磁石白石英朴硝各半鍾乳五右搗篩細研酢拌一准前四神唯以朴硝蓋諸藥上異於四神飛之七轉

三使丹方

水銀霜斤朱砂斤雄黃斤

右三味搗篩酢拌唯以水銀霜覆上更加鹽花蓋上餘更不異於四神丹飛之五轉

召魂丹方

朱砂雄黃石硫黃磁石各五水銀斤

右以石硫黃鎔成水傾水銀中攪成碧砂和諸石藥一時搗篩細研酢拌一依四神唯轉數多於四神丹

流珠丹

雄黃斤

右搗篩細研酢拌泥一依四神唯以鹽末拌和布置更以鹽蓋上固濟一日夜文火以漸加武火使猛三日夜寒之取飛三

轉也

又方

飛雄雌黃等二物各十兩

右細研以米酢拌曝一如四神丹法

又方

伏龍肝鹽末倍於雄黃一倍

右二味研令細及總和雄黃等并攪和布

置固濟一依四神丹法唯火寬於四神使

火欲文武少七日一轉

造水銀霜法

水銀斤鹽斤朴硝兩四太陰玄精兩六燉煌礬石

一斤餘

右先以錫置鑄中猛火銷成水別溫水銀

即令入錫中攪之富於地上少時即凝白

如銀即以鹽二斤和錫擣之令碎以馬尾

羅重羅令盡即以玄精末及礬石末和之

布置一依四神唯以朴硝末覆上用文多

武少火七日夜其霜如芙蓉生在上甚可

受取得霜更研

礬石兩五朴硝兩五玄精兩五

右已上更別擣碎准前布置覆藉更飛經數轉始好

朱砂霜法

朱砂二斤先研作末絳礬半兩黃礬兩

右並擣為末酢和日曝七徧唯鑄下周匝

著硃砂及灰鹽為坭坭鑄即著鹽平滿鑄

者藥多少擣鹽中作椀形著藥訖以銅匙

按之令實即加鹽一重覆之更加伏龍肝

一重更以鹽上更以朴硝蓋之用匙按平

即以米酢噴之即安上釜固濟先用麻擣

泥泥擇掃及固濟上釜可厚三分極牢密

漸加文火經四日夜即武火二日極猛火

一日寒即以水濕固濟處然後開用之

金銀二粉法

金銀兩二胡同律二兩

右打金銀作薄即用豬脂於鑄中煮十五

沸用皂莢洗令豬脂盡即取寬盆研薄令

碎和鹽及銀研之七日已來即用生絹三

重去水取銀粉向硃砂窰中鍊微火不得

令猛出之更研然後取胡同律末共粉一

時水鍊即用生絹三重裹粉懸去水令乾研極細任用

長雪丹一說珠白雪二說銀

水銀斤錫兩十二

右取水銀鑄中著火暖之別鑄鎔錫成水

投水銀中寫於淨地中自成白銀餅取銀

擣碎研塵羅之

絳礬白礬太陰玄精各四兩

右並擣和銀粉取伏龍肝鹽末等和上件

藥布置一依四神法唯以朴硝一斤覆上

更用末白鹽花覆之牢固濟四日文火漸

漸加火仍須微微不得依四神武火滿七

日訖用猛火一炊開窰之開取其藥霜亦

有不上者並在鹽花內結作芙蓉頭子其

霜者鍊依四神法

造內丹法

右以前丹飛經三轉並出之不須出毒直

細研便丸每內五丸薄以綿裹其生丹治

疥癬丁瘡內癰火瘻痔蛇咬牙疼悉用之

造硫黃水鍊法

造硫黃水鍊法



石硫黃一介明

右直以研之取一淨瓦一頭高一頭低著紙一張布硫黃於中下著火其下處瓦底著小盆子盛米酢其硫黃入中並成小珠然更於酢中取置於瓦更准前錄之可經

七編止然絹重袋盛硫黃縛一橫杖鑄中滿著米酢取杖橫於鑄上勿令袋著鑄底煮之三日夜酢減即添之更於醋漿水煮又三日夜清水中煮一日夜然出曝之安架研之使細取牛乳五升將拌硫黃末即曝乾乾訖更拌以乳盡煨乾任丸散服之

餌米砂法

錄朱砂一

右直爾取未酢煮之三日夜然更研取醋拌曝乾更研十餘編即止又以竹筒盛於甑中蒸之十編即止任將餌服

造鐵液丹法

剛鐵一百

右打作鏡中央開孔容指許徑五寸厚三分兩面刮削並平淨打作方鏤長七寸闊

四寸厚三分上開孔酒三升胡椒末薑橙乾薑已上各搗篩鹽一升礮石十四兩酢一升以酢和稍將饋鏡穿於長鐵著上片片去三分先埋瓦甕於地中甕內以木為架架上重安之以瓦盆覆之蓋甕口訖覆

土厚一尺每日以鹽水灑上令濕滿一百五十日開之其鏡飛胤以刀刮削以酒研泛取得傾器中更研以盡然澄取任用之

朝霞丹方

雄黃雌黃石硫黃水取淨者傾器中更研以盡鍾乳白石

英礮石石牀雲母

右搗一依四神唯數須多可用酢拌曝乾之

光明麗日丹方

雄黃雌黃白石英雲母孔公華礮石

右搗篩依四神唯轉數多

凌霄丹方

雄黃雌黃空青朱砂鍾乳礮石石膏禹餘糧

太陰玄精白礬

右搗篩依四神法

服丹法

凡一切老冷疾等病每日早旦取棗肉及棗豆豉并丹二丸溫酒下

服丹禁忌

服丹時不得食羊血鯉魚及臭味汗穢等物也

服丹覺觸

服丹後覺身上癢如蟲行身面手足浮腫見食臭喫食嘔逆惡心四肢微弱或痢或吐頭痛腹痛並請不怪此是丹効排病之驗也

治瘡丹

每發日早旦取丹三丸和酒服取吐至小食時間不吐即喫酒半盞必須吐更欲發空腹五丸必差

治瘡癬

針破著乾濕癬宜淨洗布指取丹六和酥塗三五編即差蛇咬取丹和醋拌差丁瘡針破內丹三五度食盡惡肉即差

內丹法

取生丹薄綿裹至夜勿喫食臨卧以中指送

丹盡指深內便卧少間臍下雷鳴唯須忍至三更已來忍不得即於淨地放出膿三五合連三夜熟丹補之

治丹發動

若覺丹發即用生熟湯沐浴葱豉酒一盞同薰黃法飲若不定取露蜂房甘遂葶藶麻黃等分煎取飲子一服立愈

說薰黃法

薰黃味辛平大溫有毒主治疥癬殺蟲蛇毒却邪魅餘餌且與雄黃無別若化銅鐵為金銀非武都不得若作世間治病小丹此即武都與雄黃無異直爾取之拌曝一依前飛飛用極好此一味自古及今皆秘之不顯於方上良由此物時間多無有所宜恐時人輕皆共秘之余今說者幸諸知心同相傳之勿示非人也此丹鏡一卷必請得者盡百年傳之取一人幸勿妄洩彼此同殃

伏火硫黃丹

鍊硫黃斤桂花仁

右直爾取針鑄絕厚者可安置飛處以鹽

納鑄中可四面各厚三寸中心作窠硫黃安窠內上頭著鹽亦厚三寸皆搗作末連窠底下漸漸著火作飯無異一日三徧換鹽若了可著水澆曬然後始著甘土泥苞裹待乾漸漸著火不得令絕赤少間即休更別淘曬乾乃研以白果粟飯丸如梧子一日服二十九

丹經秘要口訣

黃茯苓烏頭青神羽理青空白素烏餘青龍青青白虎腦水玄武骨石東野補單青朱雀并帝男精根雄黃龍肝錫帝女髓生赤帝流珠水銀丹者丹青帝味烏五嶽脂西戒淳味或石停脂石金賊石味石陰獸玄精烏牛子烏墟香附黑帝味黑陰龍肝一石味灰石味灰陰獸當門烏夜光骨并虛銷新越龜曲風天器土釜三變得蘇骨湯蠟漿乳物無貓虎脂增青牛落土昆溥梁映黃鳥首頭黑龍膏黑狗

合藥訣

蚌精真陰運精樓龍膏綠上青油羽青黃帝

足醫尚丹田神天師食藥兒長生丹屈原蘇何雷何管子石西馱衣石四海分居白陰孤汁五色扶桑起帝流漿并定壹引針石絕陽五時空亭慈幾公白鳥聖無知陽華羽七陽曹毒土六一泥六泥一五裁五大洞滑汁千子一

伏火法

水銀隨多少以白堊器盛之以牛糞和灰鹽厚薦底於灰鹽上著灰為覆密除陰乾以灰和細毛苞瓶一寸除此泥乾亦得其器口先以桑灰為硬坭綿裹塞之然加苞法只鹽灰為坭坭塞其口亦得若欲速乾微火及以堅灰相兼燒養之養日牛糞為裹燒者炭為裏盡表附相次成矣待冷取之永與鹽等霜色凝柔剛堯

四神丹方

朱砂雄黃會青雌黃

右四味分搗末篩白鹽為藉次布會青次雌黃次朱砂次雄黃又以白鹽覆之以上下相合以六一坭圓濟訖文武火常法兼

經七日夜火法如此

又方

任以四味直爾搗篩以醃醋拌之泥泥十編曬入釜安置依前法若依此為之得藥倍多而又色好

治口血喝方

取蒲黃四分羅取附子一半片炮已上二味各別搗取白雞冠血和坭坭之立止即急洗之不然却飯向一邊

大清石壁記卷中

大清石壁記卷下

楚澤先生編

鍊鍾乳法

太清經云取好鍾乳細末納金銀瓶甌中內瓦一片用消石一分密蓋瓶甌上勿令泄氣蒸之用時自然作水名曰鍊乳服用時最佳

作鐵粉法

又取好鎖鐵為上細錯為末淘去土氣以三年好醋於小瓦盆子中拌令泥泥以糠火中燒盆子底令乾入鐵曰搗之以絹篩之餘脚

依前搗以盡為度造二十土塢子微令作佛家嵐樣令缺後以醋拌鐵末泥泥內塢子中密封不得泄氣壘上坐甘土塢以牛糞火燒之一日夜甘土塢令紫色出以水飛之如有脚依前水飛之以細為度即以甕盆中細研之和入藥服之與五金同並忌龍葵烏牛肉鯉魚蒜等

又作鐵粉方

取鐵一斤白色者用鏡磨折者上如好鎖鐵亦得以銳刀削令細盡不得和土石取一斤

淨淘二十編訖取好白淨硃砂三大兩取水

一升以鐵砂水三味攪令硃砂消盡鐵納鑄

中以火煎水盡即以硝石一兩以水一升浸

經七日又納鑄中依前煎水盡日曬兩日訖

即內塢中以蓋密固濟從微火漸漸加大猛

一伏時少間令冷即出勿令灰土入即以甕

盆石鏈研之令極細水飛三編比去水令乾

其粉即成蜜和為丸丸如小豆每日食後一

丸至兩丸忌龍葵菜

服諸丹法

取棗肉暴如大豆日服一丸不得覺觸加二

丸每一劑百丸唯八十下二十上年宜服兩

歲長病見三歲已下小兒女恐力弱不得服

之自外服皆得唯不治疸黃一色餘病皆治

量病加減下內最良兼服此是表裏功有驗

如有吐痢不畏有氣腹中痛並是丹之功力

勿怪唯忌牛肉白酒麻子血葵生菜蘿蔔芥

子胡荽芸薹蒜蕎麥自外無忌服丹後七日

外任意當食

療病狀法

大熱風眉鬚墜落服四百丸并服杏仁刺風服二百丸頭風服一百丸半身不遂手不至頭服二百五十九上氣嗽逆服二百丸賊風入心驚走一百丸傷寒風四十九丸癱瘓氣塊各服一百五十九丸蟲毒服二百丸冷心痛七十九丸歷節風服二百丸身上歷洩風一百二十九丸婦人斷結一百丸疰辛心痛蛔蟲痛肚裏冷氣腸鳴各五十九丸婦人帶下二百丸婦人發乳吐血各一百丸下痢四十九丸發背一百丸婦人月水不調七十九膈下絞結痛五十九丸疔濕溺服八十九時氣二十九初三日已前服三丸冷吐冷痺五十九因產中風五十九丸內癰腫二百丸骨蒸瘡用末和水封之蝨蟲五十九反花瘡及冷癩末封瘡上丁瘡末封驚服二百丸面黥黥一百丸宿食不消心腹脹滿各五十九丸男子痔疾一百二十九丸節中大風一百丸風黃一百丸蜂蛇蜘蛛咬並未封之五臟中大風一百丸腹痛五十九丸腸鳴結痛五十九損傷五十九胃中氣反胃各五十九口乾舌焦各五十九喘息咽

熱消渴各五十九咳嗽喉痛婦女崩中血溫瘴氣各五十九頑痺風三百丸脚弱腰痛膝冷手足熱疼不可持物各五十九痲瘋內五十九并服之絕筋破骨損聚惡氣各五十九鬼疰風飛屍遁疰瘴蟲心痛各五十九夢與鬼交邪病各二百三十九破堅積逐九府破結固癰塊疰氣冷癥流血悶絕各一百四十九鼻中宿肉血出不止身體白駭驚邪心悸癰死肥發汗熱風下乳汗各一百二十九婦人斷孕五勞七傷各一百二十九男子虛損弱陰下濕陰痿下墜一百二十九白蟲內五十九并服大風疾初覺者服三百五十九丸人下墜脫肛服二百丸殺精物疔瘡諸癩癬疥癰毒瘰癧等並服五十九及末封血脉發者服二百五十九丸偏風半身無汗者二百五十九丸長患疰心痛二百丸四肢冷痺二百五十九丸毒魅病一百五十九丸虛病三十九丸

服八石丹法

使飢平旦空腹服一黍米許以漿水送丹若作丸丸如小豆一服兩丸微吐痢為度初日

服丹不得飽食食則傷人常須節勤所病差後服丹後百日内覺四體昏昏欲得睡并有涕子出此是藥候滯氣亦不須怪

服八石丹加金銀粉共飛之法

無問飢飽每欲卧時以銀匙子取如麻子大置於舌上任消散第六一服之後乃至終身旦起漱口水及食訖漱口水並須咽却勿遺棄百日本外四體熱悶洪腫偏身白瘡出瘡出大好勿怪也即肥豬肋下肉五兩熟煮冷溫水飯鹽嗽即愈若不止即以金陵兩大豆許服即愈

服八石丹慎忌法

五加木青蒿鐵漿諸血羹白酒陳米麴臭穢食酢滑熱麩五辛生菜瞋怒憂懼房室女人大忌此藥大安穩無動按仙經云三兩為一劑服之二兩三兩百鬼惡神不敢近人五兩五臟六腑變為金花名紀玉府長生無死治病之源俱依後制若欲擬延年益壽補益者可長服以金薄二三兩和成丹與金飛取研鍊使熟大小如法不吐不痢甚得安穩若

於深山空寂之處夜暮獨宿以丹一大豆許燒之百鬼猛獸之類自然逃避若在路行瘴疫天行時氣染病者以緋帛裹之任從多少男左女右帶之獸鬼病亦不畏也

### 八石丹治人癩病法

眉髮墮落支節腫爛癩癩風邪<sup>五</sup>狂言狂走癲塊堅硬如石癩癩九種心痛天行時氣心腹脹滿八種風十二冷痺偏身頑麻肢體惡瘡服丹後百日內不得飽食雜食諸血肉百日內慎之凡癩有五種一青風生青蟲二黃風生黃蟲三白風生白蟲四赤風生赤蟲五黑風生黑蟲欲知此病服丹即知差不差服丹下諸蟲出唯黑風生黑蟲量拱手者此名正報不可治也自外並治得差

### 水鍊雲母法

取其雲母向日看五色煥爛然無瑕穢者良又取雲母細擘訖盛於布袋中淨洗釜內於釜裏別以一木橫釜口上懸袋勿令著底即以一二升成鍊白鹽投釜水中煮之常令沸不絕候少減即添水每三日宜一度易去舊

水更換水雜鹽如此經七日七夜止即以雲母水中淨淘之澆出水令水氣泣計雲母五升可加白鹽末二升置木臼以木杵搗之須臾即熟訖以所熟雲母置大盆中以水灌攪之令散良久乃傾出取上細者別置一盆內

又更以水投攪之少時依前傾出取細者不過一兩度其細者即盡其麤者不盡漉出外令後泣依前取白鹽搗了熟又以飛取細者曝之令乾名曰水鍊雲母粉無木臼以碓搗之亦得不如木杵曰搗之為佳

### 服金英等諸丹療病法

腹內冷瘕癖癥塊如磚又心刺胃不能轉動積年累月食飲不下服一百丸腰疼膝冷陽氣不興夢與鬼交泄精者一百丸下部虛三十丸立驗生熟二臟不慎食最佳四肢沉重多睡者一百丸手足不能收攝半身不遂全體總廢久而不瘳即便致困者服一百丸刺風四十九腹中冷痛一百丸五勞七傷一百丸風狂走一百丸消渴五十九宿食不消一百丸賊風入心一百丸夜卧咽喉乾燥舌上

### 及頑服五十九

### 服良雪小還丹等法

脚氣服一百丸食不下心頭脹滿腹內氣填胃多吐冷沫身體虛冷氣腸鳴一百丸食噎不下五十九吐血不止不下食一百丸頭風刺風熱風腫各五十九傷寒服十九丸乍寒乍熱五十九面黃水腫一百丸青風面昏爪青服一百五十九暗風入頭掣痛連眼精一百丸痰飲添酸者一百丸脚轉筋一百丸風顛狂走失心服一百丸若胃口急閉不能食一百丸身體羸瘦盜汗一百丸燥滯疳積一百丸好睡一百丸婦人赤白帶下血閉不產絕緒服一百丸牙痛不堪忍取一丸於罅孔中著以蠟塞孔立愈蛇蝎蜂蠶蜈蚣諸毒咬螫毒盛不可忍者以丹及酢和調泥作餅子如榆莢大厚薄如三重蕪葉置瘡上以艾炙之三五炷立止亦有酢和丹向火微炙令乾便薄之毒蛇如傷經二日三日腫大者酢研如泔汁塗瘡上卒死氣盡或經半日已來宜以丹和酒不爾飲灌之令入腹內以手按

捺腹內丹氣流通死者便活若口噤者搗齒  
 灌之併與四五丸服之差百蟲毒在腹中無  
 問遠近一百丸差牛馬疫氣相染服五十九  
 牛馬疫病對量畜之大小以湯研五六丸灌  
 之再服二九瘧病無問日月深淺未發前服  
 二九欲發時服一丸遠不過三服婦人胎死  
 腹中不出者多日少日體困極垂死絕氣者  
 以丹三四丸研碎酒溫送之少時覺腹中鳴  
 胎即出若久不覺有異者更與一二丸酒半  
 盞發之立驗夜臥不安精神錯亂覺如昏昏  
 醉人之狀以酢研三五丸丹塗手足心上不  
 過三五日差又服五十九丸雜蟲痔病蛔蟲寸  
 白蟲心痛吐水等明日平旦欲服丹今夜少  
 食令飢空服三四丸或加至五六丸日午前  
 蟲並出若一服不差他日更二九愈痔病用  
 三十九蜜和痔孔納之驗疔蟲無問丈夫小  
 兒宜以成研丹二三丸如大豆粒與臘月豬  
 脂可棗許相和調綿纏一筋頭以丹塗著筋  
 頭納下部中不過三度差諸毒腫宜以丹和  
 酢研以泥腫上乾易之三兩度差丹乾重封

不爾將酢酒滴腫上月經不調服一百丸半  
 納下部出臭血黃水立驗乳癰研塗上邪魅  
 妖精恐怖各帶五十九丸每夜門前燒一丸患  
 肉癢無問處所大小以針癢上作孔以丹和  
 臘月豬脂塗上向火溫然後灸之夜再三摩  
 已摩亦摩灸無不差丁瘡針刺多孔即以丹  
 十九於陰地持柔合大餅厚兩錢膏腫上艾  
 灸十壯以疼為度差癩瘡臘月豬脂和丹如  
 蒸莖納瘡中食惡血盡以大豆汁洗之以薰  
 陸香和羊豬脂貼即是禿瘡以酢汁洗拭  
 乾以丹末和豬脂塗不待癩落依前更塗不  
 過兩徧冷瘡經年累歲膿水不止以丹深納  
 孔中以帛裹之不令藥出日著一丸不過五  
 日即差大痛不堪忍亦不須去之疽癰赤疱  
 風癩疥癬十年不愈針刺患處血出以丹末  
 和酢蜜塗之癩落即差月蟲透人面口此瘡  
 之立愈以成研丹末和豬脂薄塗之不過三  
 五度差產後血不止服一百丸難產三九和  
 酒服之白癩服一百丸和酢塗之狐臭亦然  
 緊腎以成研丹半小豆許薄塗之即刺羊皮

貼之不過三五度差

服丹人消息法

凡人服丹宜平明空腹淨漱口洗手面向東  
 服一丸每朝如此不可更加皆須棗裹之亦  
 如蜜咽之白飲清酒水送之並得服丹之時  
 慎黍米牛肉羊肉血羹白酒煮麪鯉魚鱸等  
 並不得犯凡服丹十五日已來當覺有異之  
 勢或有徧身微腫手足頑楚四肢不遂肉裏  
 瘡瘡如蟲行此人猶有冷風故也或有嘔逆  
 口中吐水多涕唾者此人猶有腹內脾肺間  
 病故也或有頭痛目眩昏乾面熱眼中淚出  
 鼻內水流此人猶有熱風故也或有手足煩  
 燥胃脊疼痛者為五勞七傷或有大小便秘  
 痢膿血不止瀉出諸蟲此人有三焦之疾故  
 也或不覺有異者但有前應並勿怪之此藥  
 氣流通得神藥力病動之狀如不忍耐者即  
 便三日五日且停將息以生熟湯沐浴為佳  
 喫冷豉麥冷粥一兩頓亦好待氣力平復依  
 前更服勿見小困即便停之  
 夫藥不瞑眩其疾不瘳初須小困後大効凡

服丹過八吐痢不止者宜食冷葵菹冷豉粥  
冷麥粥並佳又生鷄子五顆打取白一服五  
顆頰三朝服之佳又白乳一合和冷水一兩  
服亦佳又冷水淋三升細須臾即定若不  
定依前更淋六七升即差又鍊朴硝一兩和  
冷飲頓服亦佳又用硝石一兩研和飲服亦  
佳又用水銀霜寒水石石膏各一兩和研冷  
清飲頓服一兩服亦佳又煎甘豆汁冷服立  
解又食冷飲三五口又服生芹汁一升亦佳  
又人參一兩甘草一兩炙以水一升煎取一  
合冷服差丹塗瘡痛不止宜取黃蒿搗取汁  
洗之止又方用乾棗湯洗之亦止  
神仙鍊金石形質各有美惡朱砂光明照徹  
如石榴子者良雄黃色如鷄冠紅色溫潤者  
良玉質多種不同取其色白淨有溫潤之氣  
無瑕類之玷扣之作清聲者良白石英無間  
麤細但其表裏光靜明徹無點污置水中與  
水同一色者良紫石英形如栲栳子光明照  
徹輕明可愛無可比類者良磁石但取引針  
相連五六者為良連針唯多最好雲母薄擘

之向日看煥然并有五色晃曜人目者良鍾  
乳於飛化銷鑄之中亦必須上好者但取其  
顏色潤澤麤而且厚者良礬石有五種有黃  
白青黑赤色者但世人唯用黃白礬二種自  
外不堪多用黃色但是燉煌出者皆好白礬  
出吳地者良其餘不知硝石遠古相傳硝石  
能化一切金石為水服此者咸可長生不死  
難言之藥竟不言所出之處徒有硝石之名  
其與無不異近代有貞白先生陶隱居條撰  
草木方言朴硝是硝石之朴又言一名芒硝  
尋其事由俱殊為乖僻又按岐婆論云硝石  
本出烏場國其氣臭飛鳥聞其氣則不敢上  
過直爾單服之則能使人身內所有蟲其藥  
入口立化為水又鍊一切金石服之者皆可  
長生服朴硝取不中風而形質又不枯燥色  
帶青潤者良芒硝如陰地積雪溫而且潤者  
良金銀二種雖是人貴不廢人盡惜故不言  
烏餘糧出澤州界諸山其色有五種白赤黃  
紫黑色所用者皆以色黃者為新熟似蒲黃  
者為良餘色者不堪爾石中黃子出沁水源

形如鷄鴨子之狀打破有黃水如鷄子黃得  
三升五升服之長生不死

紫雪法

治脚氣毒偏內外煩熱口中生瘡狂悖吐走  
發解諸草石熱藥毒發卒熱黃痺後毒等最

良方

黃金一兩 白銀二兩 左側寒水石四兩 石膏  
八十兩 礬石四十八兩 並以沸水一石煮取四  
升麻玄參各十兩 羚羊角五兩 犀牛角五兩 沉香  
兩 丁香兩 青木香兩 甘草八兩

右已上並細切和煎取汁一斗五升去滓  
又入硝石四兩末消精四兩末和汁微火  
上煎之可七升盛木盆中又入成研朱砂  
三兩研麝香二分和攪令調勻經二日成  
紫雪霜耳凡病人強壯者一服酒二三分  
和水銀服之勞痢熱毒風小弱老人或熱  
毒增減服之若合一劑可十年用之神妙  
不同凡藥脚氣經服石藥發熱毒悶者服  
之如神水和四分服勝三黃湯十劑

金英丹方

雄黃空青石硫黃太陰玄精鍾乳白石英雲  
母紫石英吳白礬硝石石膏萬餘糧寒水石  
絳礬二斤朴硝芒硝吳鹽二斤金十斤  
斤四

右取金打薄納乘四斤為泥研令極細以  
布絞去乘六斤即吳鹽一斤和泥研之即  
取前十七味藥搗篩一如九鼎丹法布置  
鍊之且下一半即入金泥著諸藥上又取  
藥餘末共鍊一百日分為五竈其金泥亦  
為五分一依鍊法覆藉以文火飛之收丹  
精了次重鹽著於湯中其鹽銷鎔金色如  
銅仍減三兩已來若欲用之還取鹽和燒  
之半日出來還亦轉依前滿七轉取熟任  
用

造砒丹法

取上好砒一斤研篩為末絹羅之令盡取頭  
酢三升白礬三兩搗篩為末投在酢中消以  
酢拌砒令泥泥即澆令乾又日曬如是經二  
十度止曬令乾取鹽五兩搗篩如麩置鼎中  
以火熬之又於鼎中亦著火三兩莖和鹽攪

之令鹽乾為度然後却搗鹽為末即布在鼎  
中令手取前砒藥入於鼎中以鷄翎掃之令  
平然後取一盆蓋與鼎上下相當即取炭灰  
水飛取細者澄濾令乾以酢和研之入鹽二  
兩交相和研相乳入稀稠得所用將固濟盆  
唇勿通風厚一米已來即鼎下著炭火其炭  
長五寸初三莖橫在鼎底飛之第三日更加  
一莖到午時後更加一莖到初夜更加一莖  
其第四日辰時即寒爐一日夜爐冷即開以  
濕布向固濟處濕灑即去泥開之其霜飛在  
盆底取之置在盆中又斫著酢拌一依前法  
如是三轉止取盛之於鑪中酢煮一日夜即  
取搗研之又取甘草三兩搗碎以水二升煎  
取一升即投藥在鑪中以甘草汁煎之乾以  
粳米飯和研丸如麻穀大曬乾服之能治瘧  
心痛牙疼第一三九和酢研服之自喫飛七  
編

凡造鼎釜口闊六寸深五寸底闊四寸  
太清石壁記卷下

太清金液神氣經卷上  
夫清虛太皇者蓋太初之混化遂古之元靈  
也以幽廓玄化遂遊乎上清莅四司於无極  
肇圖變於八冥登紫空以迴晏隱九晨以化  
靈渺渺躍天九空麗神微於虛清登五神於  
七元妙六氣於混成非夫玉章之高文孰能  
致妙真於靈津矣然後致三素於九霄御龍  
剛於太微宴紫房之微邈妙虛運於扶羲登  
七剛於圓化歛空洞以散儀神符玉篆九變  
結於玉章靈策表玄玉精緘於千金於是幽  
門既啓皇經以陳金光之章見而明明之道  
臻然靈霞潛耀幽曖傍申周流獨化惚恍靈  
混抃手則大明分耀擊石則五嶽迴遷微詠  
則絳晨結耀騰躍則奔景虛玄四真翼其左  
右五帝輔其威神七政守手玉衡三光紛手  
散影萬化流遷開无常之戶啓七變之津大  
哉清虛之靈章混洞之赤文三奇之神符登  
太初之靈門服盡一劑則上遊九天可不崇  
墩寶於明玉之堂戒以太皇之妙哉爾慎无  
傳妄人

與七



玄元太皇靈策曰玉童神符見吾堂五靈結情還其方七神正氣伏朱光隱耀玄圖合五行三奇九轉成球玕清虛上真絳宸丹長生不死在金根圓化萬變法九晨一轉而成九化真太陽通氣伏靈盤能得其要為天仙十世流德結大恩玄門已闢見吾言得吾道者命長存失吾道者墜黃泉野俗愚瞽勿令聞戒慎丁寧莫妄傳

右太皇靈策一百一十九言封之玉篋不傳於世得聞之者皆有神童玉女侍之秘

藏清室勿輕侮也三光伐人

清虛真人曰玉童神丹至道之大蓋太元混化五色流精結耀星辰日月之明合符天圖混氣五靈太陽通氣五石發精朱紫翠綠極耀光明能得其要上昇泰清三都六虛肆心所經得一足矣勿用多營此其要道見者長生

清虛真人曰三丹要道太皇所紀秘之玉堂不示凡子絳宸神丹上真所始瓊藥入口氣絕復起地品陰丹長生不死无常圓化分形

醫已招名行廚神靈為使一品萬金壽至无已秘之秘之勿傳其旨

太玄清虛上皇太真玄丹經一名三光神符一名絳宸朱霞一名剛華上丹一名八瓊飛華一名太微紫藥明珠

第一八靈神童八斤第二玄陽流精五斤第三沈華神女四斤第四玄英玉華八斤第五素靈雲石九斤第六五英沈精二斤第七八瓊流膏十二兩第八素靈明景八兩第九日耀沈精七兩第十月精剛華十兩第十一玄景珠琳八兩第十二日精合耀十兩第十三素景飛剛十二兩第十四東華清景七兩第十五素符龍剛八兩第十六九陽明光六兩第十七北剛玄華十三兩第十八飛剛金兵八兩第十九五雲明英六兩第二十日景七華七兩第二十一北極丈人九兩第二十二金虎餘骨六兩第二十三玄剛子明八兩第二十四九靈沈石九兩第二十五威七明七兩第二十六兩華沈精十兩第二十七玄符石母七兩第二十八太靈甘華八兩

凡二十八物象二十八宿星之靈符也刺於清虛之堂太皇君之寶章也見古文者有九人命曰紫藥明珠之丹

太皇君合神丹之要先作太一土釜二令受一斛二斗使內外令厚內二寸極使精密畢乃搗二十八石各四千杵皆以絹素篩之凡二十八物合搗十一萬二千杵也如是治藥畢又用天玄地黃以薦覆之當以礬石水和地黃六斤令如封泥沉下釜為薦也使厚一寸五分置日中乾之使精燥乃納諸石物次納神童次納流精次納神女次納玉華後納二十八石又覆以天玄五斤於是安藥都畢可以一釜上合之又以太一泥封其會際復陰乾十五日使內外堅密无令有折畢乃安釜於鐵鏡之上令鏡脚高二尺五寸以糠火燒之初起火之日可半鏡脚至二十二日日足令火去下釜七寸又至二十四日日足令火去下釜五寸復足十二日令火去下釜三寸又十三日火去下釜一寸復八日可引火平釜下復至二十四日可進火令平下釜腹

也從九十二日後可小進火令未及下釜之上一寸復二十八日止凡一百二十日也

又清之五日可以開之藥當丹紫寶耀華光文蔚不可名字或化為五雲之精或結成日月之明乃以三歲雄鷄左羽掃取之藏金器

銀器夜則降覆焉

以五月五日及夏至日二月八月朔日清朝

以寒水服一丸則白日昇晨矣若不樂昇者可服半劑則使鬼神真人來降運上清之廚

衆龍上昇所須隨意命曰无極真人服如大豆者以清水三合和丹若死者未至三年以

漱其白骨皆愈氣還同生又以丹水一合投口中至口則語矣當陰地為之勿見三光也

右太皇絳晨第一篇服之白日昇晨出入

虛无萬化隨心若火日足而光華未發五色不具者此日未服於火故也當更泥如

先可重火之初火之日使以火釜下至二十八日可引火至下釜之上復三十二日

止凡六十日萬无不成也又清之五日開之如初

也從九十二日後可小進火令未及下釜之上一寸復二十八日止凡一百二十日也

太玄新都无常品剛七化上經高章第二清虛真人曰開元迴化混爾而分陰陽屢變其道自然玄圖七轉至九而還太皇命策書曰靈篇无常无品法象九晨陽光潛啓明景流烟三迴五變和以七津隨色鬱曜各歸其神

得此之道位為上真秘之秘之慎无爾傳

清虛真人曰迴元七化至道之靈霞耀日月

箭然九明歛爾而化翳景藏形嘘吸靈和貫盈八冥神奇萬化隨意所營乘虛駕空上遊

天庭迴元之始知者光明大黃首篇是曰玉

英上真寶之命曰第一元經

太玄无常品第九剛七化丹經一名陰陽神

符一名日月玄剛一名素華明景一名九晨

朱房一名歛化靈童一名无極沈暉一名八

明神丹

第一八靈朱童四斤第二玄陽沈精二斤第

三沈華神女十八斤第四玄陰玉華一斤第

五六液沈華十兩第六日暉沈精五兩第七

八靈雲光八兩第八素景飛剛七兩第九太

虛素女十二兩第十靈華沈液十兩第十一

華泉水母十兩第十二月景沈剛六兩第十

三七曜靈童五兩第十四玄剛子明八兩第

十五靈符石母九兩第十六黃元甘石一斤

凡十六種以象九晨七元之靈符結五行之

精微氣法玄宿之元圖也以次擣之各三千

并以絹篩之畢納於九晨土釜之中上下二

釜令各受七升太陽玄精七斤薦覆之於是

安藥都畢又以一釜合之更以九晨土塗其

會際又乾之十日使極堅燥安釜於三台之

上皆高三尺以糠火燒其下初火之日令火

去釜下一寸又至十五日令火平之下又至

二十二日可引火進下釜之半復至九日可

齊下釜之上又九日止清之五日徐徐開之

藥當光華符灑流霞洞明有八十一種之色

以白鷄左羽掃藏之金銅之器勿令潛泄也

以孟月上旬本命之日再拜以清水和丹服

一兩即頭生九晨之光面有玉童真人之色

降靈童玉女皆奉侍其側騰虛駕空役使神

靈上造紫晨矣即以太陽玄精一斤日威中

時合丹於漆器向日以長七攪之使和明日

又納一斤凡三日三斤可藏之密器之中復三日丹當更生五色之光命曰九晨三化之丹以七靈之道也

取三化之丹和以白英水內於九晨釜中以白礬石之精各二兩上下薦覆之封如初以微火伏養之初火之日令去釜下三尺至九日日足令火平釜下十八日止清之三日開發如初丹當光明而白命曰一化白輝之丹以一化白輝之丹更以磁石水和之以黑磁石之精薦覆各二兩火如初命曰二化黑輝之丹以曾青水沈飛門上膽和二化黑輝之丹以曾青之精薦覆火之如初命曰三化青輝之丹以朱砂水和三化青輝之丹以赤朱砂之精薦覆火之如初法命曰四化赤輝之丹以雌黃水和四化赤輝之丹以雌黃之精薦覆火之如初法命曰五化黃輝之丹三迴五化七靈之道成矣以三迴五化白輝之丹納於竹杖之中以行主敬萬魅鬼神之神精虎兕蛇蝮指之立死以三迴五化黑輝之丹玄冥君運占天蓋和塗右手閉氣而招四方立致

行厨隨言而來以三迴五化青輝之丹服一丸九晨之上則白日昇晨為上帝清虛真人服半丸則長生无極役使鬼神以三迴五化赤輝之丹服一丸九晨之上則玉女侍之服一丸三晨之上則役使神靈以三迴五化黃輝之丹服一丸五晨之上則白日昇晨上敬

太皇以上清水和之與百歲翁服之則面生玉光身體飛輕通靈无極矣

清虛真人曰五輝之丹道之靈七符要妙和元精洞達九晨飛神明迴而化之華先生能知其要遊上清清虛玉堂太皇經靈書深微妙无程

太玄新都地品九陰靈華丹上經高章第三清虛真人曰陰丹大道結靈文玉策表圖列五晨二七應偶陰陽陳明珠極輝發華煙幽光潛液為朱津玄泉結氣通九晨三七足矣清且醇流霞五色鬱蕃婉能知其要昇太玄文寶誠祕在吾篇藏之玉堂投火賢清虛真人曰靈策玉文是玄書上皇寶之為天符陰丹之道同六虛日月之精文光流靈

藥潛化成紫腴得而飲之與明珠知此之道仙之夫莫令愚人見吾書太皇所戒慎之哉太玄九陰靈華丹一名九晨陰剛丹一名素靈明珠一名月影玉華一名紫瓊靈腴一名丹藥九符液

第一玄陽流精六斤第二沈英神女四斤第三玄陰玉華二斤第四青影飛剛十四兩第五日輝沈精十二兩第六八靈雲光八兩第七素景飛剛七兩第八靈華隱曜十兩第九華泉石母二十兩第十六液沈精八兩第十一中黃童子二十四兩第十二太靈甘華二十兩

凡十二石以合十二神之氣和五行之靈符結日月之輝影也可使童子二人沐浴清靜以次擣諸藥各四千杵皆以絹素篩之竟納於六一釜中令釜上下二枚各受六斗先以太陽玄精三斤納薦釜中次納流精次納神女次納玉華次納飛龍次納甘石十二石都畢好安穩抑按之於是他藥竟又以一土釜合之更以六一泥封其會際乾十日令釜精

密乃可納之於四鏡高二尺以馬通若棘火於下燒之初火之日令火半四鏡之脚至十二日可又進之令去土釜五寸又至十二日令火去釜下二寸復至二十四日可進火齊釜下又至二十四日復引火下釜之半腹二十四日以火平下釜之上又至二十八日止可又清之三日徐徐開之藥當精華仰著文光寶輝慶雲之色即以鷄羽掃之藏於金銀之器懸之暗室則朱光見焉以本命之日清水服一七上則壽同晨極役使鬼神真人來降玉女奉侍致天上之廚役使華晨之龍於是騰空躍虛上造紫房位至具極命曰无上仙王

又以此丹九兩納於青竹筒薄削其表以白蠟密固其口藏之於北極之下令深三尺畢又平至三十二日當化成水命曰紫藥之腹又以瓊腴和上清九靈之玄水三斗則以新器藏之以白蠟封其口至二十一日成丹築九符之玄水玄水成開之上生靈華五色之煙又以九符玄水一合陰丹一匕向太陽再

拜服之立登仙矣

又亦可陰丹三兩分為十二分清水服之十二日亦白日昇晨上士服丹可不須此玄水又但單服九符玄水一合百日則神仙无極慶雲見而真人至若人有病者但以口噓之立愈若欲呼召鬼神致天廚者可閉氣而存之則所命立至

又死已三日者以陰丹如黍米者合水灌其口立生矣十三日比語并一丸塗其心即活矣若藥精未發者可更封其際復十五日更大之日使平釜下至十五日可引火至下釜上至二十一日止凡五十日也復清之三日開之如初萬无不成

清虛真人曰至道要妙在其中吾神列輝遠四宮陰丹十二亦為雄太陽通霞伏朱光清靈上士造玉堂中士服之昇玄房惡人下士半天翔須得九符之華剛妙哉妙哉為仙王故設此語昇天倉

太清金液神氣經卷上

太清金液神氣經卷中

黃帝曰人皇者皆知死生之錄識百鬼之名記萬神姓字求延年益壽法當疏人皇一通書已姓名年月日歲州郡縣鄉里亭社因租奠之時便內此疏塚中祝曰生則有死命錄所當某甲不錄大幽藏今已安萬里冥冥遊長悲哭之訖乃還更當易姓字不得與前也於是千秋萬歲不復死矣錄籍已定死名長滅不能作此法者但可疏塚中終身不病宜子孫縣官盜賊謀議已者還彼身中說已者斷舌口噤追已者足折視已者目盲此法書著繪上依法修之也

天神姓名字祕文

天者太一所生太一名務猶收字歸會昌知之者長生不死夕夕存之也天公一號天父姓皇字湯君日姓張名表字長史月姓文名甲字子光七星姓張名列字世容雷公姓果字君吾東王公姓无為字君解西王母姓自然字君思一字文殊

右八神男知之者不兵傷女能憶識不乳

死

東方句芒君南方祝融君西方蓐收君北方  
玄冥君中央軒轅君

右五神常呼之令不病病者呼之保不死  
死而呼之必復生

東方青帝姓彥名並字慎遷南方赤帝姓溫  
名業字使卿西方白帝姓趙名鍾字元照北  
方黑帝姓葛名賢字秋都中央黃帝姓陽名  
次字元都

右五帝姓名字知之百鬼為却在冢者持  
名置堂中央亦可書素符之禁前大吉上  
件出天皇文第一卷

地神姓名字秘文

后土姓冥名薰大山姓馮天名臣萬字舍真  
小山姓崇名崇字臣勳東嶽姓歲名業君南  
嶽姓榮名營君西嶽姓華名莖君北嶽姓嵐  
名卷君中嶽姓惲名異君

右土地山嶽姓名字知之行來入山風雨  
不迷所向通利禍散災消善願成遂  
東海姓何名歸居君南海姓劉名詭君西海

姓裏名漱君北海姓吳名禺強君河伯姓馮  
夷字君平

右五水神知者長生久視周旋八極往還  
十方不畏風波不憂飢渴過度三災九厄  
常保元亨利貞教化廣被一切歡樂無極

一豫州社姓范名施二雍州社姓修名理三  
梁州社姓黃名宗四荊州社姓張名豫五揚  
州社姓鄒名昆六徐州社姓韓名季七青州  
社姓殷名育八兗州社姓賞名明九冀州社  
姓馮名遷稷姓載名高

右九州上應九天九皇之根九宮所在堯  
時大水分為十二夏禹復為九州漢武帝  
分據立司十有三州多歷年所後漢以來  
分立稍多神明所領九州為常能德九州  
之社一天之稷呼其姓名問其是非皆白  
兆吉凶可從而使之賞善罰惡救濟蒼生  
也

凡欲致萬神求昇仙皆先潔齋清已香水灌  
頭沐浴五香盪淨身體也百日之後乃可致  
神明欲求仙者當從北嶽西嶽中嶽真人求

靈飛散得而服之必得神仙矣真人曰凡欲  
學仙不老長生久視白髮更黑齒落更生面  
目悅澤肌肉有光從表親裏者當服靈飛散  
老子曰此方術之要神仙之道必化之本道  
士服之神仙不難術士服之飛遊華山凡災  
服之年去復還老公服之反生童顏

老子曰服此藥者可以不老十日服之三年  
不食服之三年可壽二千六百二十四歲我  
非一人皆得真道保成神仙

靈飛散方

雲母一斤成鍊者茯苓半斤亦可一斤栢子  
仁七兩續斷草七兩石鐘乳七兩菊花五兩  
亦可十五兩朮四兩乾地黃十三兩桂七兩  
凡丸物治下篩訖以天門冬一十斤咬咀絞  
取汁以丸此藥汁多和之汁少者渡之著銅  
器中懸著甑下蒸黍米一斛二斗下熟出藥  
曝乾更治令細篩服一方寸匕旦服無毒可  
多服耳當食十日身輕二十日耳目聰明七  
十日頭髮白返黑故齒皆去若落去者取藥  
二十七以白蜜和之搗二百下止丸如梧

子可得八十一丸曝令燥乾視凡表裏相見如明月珠或似螢火精珠或赤或白此仙人隨身常所服藥也欲令頭髮時生者日服七丸至髮生不白不落若入深山不食亦可作此丸日服七丸不飢也若頭髮不落未白但可服散壽六百年不白耳白者如前法已白服藥可至一百一十七年乃落耳求道必仙要至神仙髮齒更生如三十時求道服藥髮不白齒不落老而服之得仙之要齒骨尸解道之下者凡作此靈飛散服之三日力倍五日血脈盛七日身輕十日面目悅澤智慧聰明十五日力作不知極徐行及馬二十日不可復當三十五日夜視有光

治雲母粉法

白鹽一斤和合雲母一斤并搗之雲母糜勿篩納重布囊中按搗之水汰鹽味盡納絹囊中懸令乾即成粉一法以鹽湯煮之盡解如泥狀搗之為粉又法雲母一斤大鹽一斤漬之銅器中三四蒸之一日於臼中搗之為粉

又法用朴硝水三斗水煮法雲母一斤取威粉燥舒之向日先看无芒便好有芒勿服服之久後病殺人宜精治之也

漆丹法

漆三斗亦可二升淳不澆者丹砂一斤色如雄雞冠无蠶雜者二物下細篩淳大醋三斗和合相得著銅器中火上微煮之三日三夜向欲成時當如水克欲熟如油澤以銅器著地須更凝可丸服如小豆二丸清玄水進之不堪玄水者亦可咽液吞之勿雜食三十日病愈三尸去百日肌堅骨強千日司命削死籍與天地相保日月相望改形易體日中无影天地運改唯我常在遊宴三清為種姓之宗

未央丸方

雲母二斤松脂四斤水銀三兩天門冬一斤亦可二兩凡四物咬咀納著大竹筒中復以大竹筒例者之令得強下下訖復以麻約其筒三上塞其口勿令泄蒸之十斛未下若不

能一頓炊之耳訖出筒不須出藥筒著戶上裏面二十一日內氣出為陰外氣入為陽二氣足藥乃成更出治之五百下若藥燥者可以蜜和之常以成日西北向服之如大豆二丸却五十日復服二丸復五十日復服二丸自此之後二百歲復服二丸却千九百歲復服二丸若髮變白者服四丸即不白矣自此之後可不服也若力氣弱者為五六千歲後可復服一丸當絕房室斷陰陽若欲昇天見玉女者服七丸訖以申日加申時西南向日閉氣六十息訖急瞑目向日復二十息目中當見青紫色者從額上摩來入口中四摩之訖乃閉口空咽滿百七十咽乃暮服一丸却十日到申日復如前法訖祝曰天道無期我已得之人道雖短我與之反已受天命必得長生上呼玉女足躡魁罡應氣十二身佩三光與乾相係出觀萬方急急如律令祝畢當有玉女來迎之雲華羽翼接地昇天也

太清金液神氣經卷中

太清金液神氣經卷下

九

衆真授許先生經社從事處具有十卷今抄取其要此人有郭子華張季連趙叔達晚又有山世遠者此諸人往來與之遊焉在武當山今在大霍山欲從司命君授書未許焉戴公拍腹有許卷書耳此人即謝允之師也黃衣童者即玉珮金璫之官耳云座上常有一人共坐腴腴者即太極真人時往來也受行玉珮金璫經自然致太極真人諺云服九靈日精月華得降我太極之家此之謂也玄真之法亦其鈔要也行之者神仙不死

良常山有螢火芝此物在地如螢火狀其實似草而非也大如豆紫華夜視有光食一枚心中一孔明食至七枚七孔明可夜書計得四十七枚壽萬年也山中有白芝又有隱泉之水正紫色

華陽雷平山有田公泉水飲食之除腹中三蟲與隱泉水同味云是玉沙之流津也用以浣衣不用灰以此為異也

昔高辛時有仙人展上公者於伏龍地植李

彌滿其地展先生今為九宮右保司其常說向人云昔在華陽下食白李異美憶之未久而忽已三十年矣其處種五果此地善可種李所謂福鄉之李以除災癘

今舍前有塘乃郭四朝所造也高其壩岸益水得深但歷代久遠塘牆頽下耳四朝常乘小船游戲其中叩船而歌曰

清池帶靈岫長林鬱青葱玄鳥翔幽野悟言出從容鼓檝乘神舟稽首希宸風未獲解脫期道遙丘林中浪神九陔外研道遂全真哉

此靈鳳羽藏我華龍鱗高舉方寸物萬吹皆垢塵願哀朝生慧孰盡汝車輪

遊空落飛颺虛步無形方圖景煥明霞九鳳唱朝陽揮翻扇天津曉靄慶雲翔遂造太微宇挹此金梨漿逍遙玄陔表不存亦不亡駕

欲僂神霄披霞帶九日高皇齊龍輪遂迎北華室神虎洞瓊林風雲合成一開闔幽冥戶靈變玄迹滅

趙威伯者東郡人也少學邯鄲張先生得道之人耳晚在中嶽受玉珮金璫經河圖云吳

楚多有得見太平者其常語人云此語不虛此驗甚久

樂長治主災害鄭維政主考注唐公房主生死趙威伯主仙籍并記學道者并暴雨水靈芝草

七月二十七日禹中訖主薄華侯嘗入靖中爾時無復所有為防未然耳

八月六日父母將赤子入靖燒香北向陳乞於三君爾時自當有前日碧衣介華袴人來在靖前立徘徊者小君也可就乞請也

八月六日中當有一人著平上情鬚鬚長長爾著紫皮袴褶將黃娥來此人是鬼帥王延也延自為人作益為精娥見人耳娥其日或當被縛華書吏其日當內井上助主人耳日中當來須臾去也

玄感妙象外和聲自相招靈雲鬱紫素蘭風扇綠綰上真宴瓊臺逸為地仙標所期貴遠邁故能秀穎翹翫彼八素翰道成初不違人事胡可預使爾形氣消

右四月二十七日夜雨嶽夫人作





昔時常多所恨始人難作而善不可失云學道者除禍貴此審爾當勸

右易遷夫人所道

夫學道者當得專道注真情無散念艱修保沖泊寂焉如窻有所觀庶然知潛有所得專專如造於深谷戰戰如履於薄冰始得道之門耳猶未得道室也所謂為難者學道也所謂為易者學道也寂玄沈味保和天真注神棲靈毓研六府惜精下氣無視無聽此道之易也即是不能行此者所以為難也許侯研之哉斧子鑿之哉

右右英所道令疏彼君勤其事者有獲福者多也墮之者禍敗積矣范師所言不知

道誰

昔有一人好道而不知求道之方唯朝夕拜跪向一枯樹輒云乞長生如此二十八年不倦枯木一旦忽然生華又有汁甜如蜜有人教食之遂取此華及汁並食食訖即仙矣如是用心精誠之至也枯木尚能生紫華濯甘津况三秀之靈柯五芝之所播種而不能數恭

山岫洗拔津穢者良可悲也世人所以每不得如意者亦如子所不得如意耳豈異也昔有劉少翁曾數入太華山中拜禮向山如是二十年遂忽一旦得見西嶽丈人授其仙道昔有一人旦旦詣河邊拜河水如此十年河

伯遂與相見與其白壁十雙教授水行不濁法此人見在中嶽得道

左慈初來亦動心數拜禮靈山五年許乃得深進內外東西宮耳學道當如山世遠去人事當如清靈真人步深幽當如周紫陽何有不得道邪達志當令勤研神當令虛所作當令密

右定錄君所道使疏

紙二百酬鬼帥王延執錄書以捍災會有功油三斗酬鬼帥傅晃近與功曹使者合勢成敗大鬼形使不得為暴青縑三十疋酬鬼帥范強近執截百惡滅訟散禍有功銀釵三枚酬鬼帥徐衛近防護疾者招寬安神使塚訟不行有殊功

右四條跪以六月十三日小茅君假作玉

斧之形以奉告於虎牙使今夫婦明諭此四種跪以酬四帥之禽鬼者何不復憶此可餘問此四鬼帥本亦是道家之靈官也得下解法受書為鬼帥耳既有酬賚復長為己用心也所以夢假於玉斧之形者虎

牙魂魄永得通接仙真故也玉斧清了潔潔又齋濯魄心近於仙故假象以通夢也通夢而猶不悟可謂信之不篤或悟而忘其跪可謂篤而不思夫跪可謂篤而思夫跪誓者皆命密文慎不可令人知外書云我聞有命不可以示人乎六月三十日夜

小君投書密密示之真司科云有用力於百鬼騎帥御於天威者宜須此跪子喬兄

第七人得道五男二女

扶晨始暉生紫雲映玄阿煥洞圓光蔚晃朗濯濯羅眇眇虛景元森灑空清華九天館王賓金房唱霄歌

右大洞真經中篇今鈔數行

外國呼日為濯濯羅方諸真人呼日為圓羅曜夢此濯濯羅者日之應也紫雲中人者胎宮

神也玄真之道矣日德陰澤長生之象紫雲  
網晨魂魄安之也身康神寧從此始矣辭四  
通已呈意氣和安

也 右右英疏大洞真經言以釋灌羅羅之義

凡夜行常當叩齒不止無限數也殺鬼邪鬼  
常畏琢齒聲故不得犯人也若兼之以漱咽  
祝說益善今六天之橫縱而太平微薄靈不  
足以助順適足以招群奸所以神光拔越而  
邪乘正任矣高齡之無德久矣鬼訟之紛錯  
積矣許祿將欲理之邪若翻然奉張諱道者  
我當與其符使服之如此必愈而即豁矣不  
然往詣水官所謂嗚呼哀哉衰年體瘦多為  
風寒所乘當深願養宴此無事上味玄元棲  
守絳津體寂至遠心研內觀屏彼萬累蕩除  
他念乃始近其門戶耳若憂累多端人事未  
省雖復憩靈空洞存淡纏綿亦弗能逮也源  
陽田豫曰人以老馳車輪者譬猶鐘鳴漏盡  
而夜行不休是罪人也以此論老者嗜好行  
來屑屑與年少為黨耳若今能誓不能行者

則立愈矣如其不爾則疾與年偕可與心共  
議邪

藥四九日服一行來宜詳前後已累言

停駕望舒移迴輪反滄浪未覩若人遊偶想  
安得康良因俟清春以叙中懷忘

右右英夫人吟此再三

受書則師乃恥之邪真心既有不盡獲考者  
非一人子經師蘇林守一虎牙當先齋受其  
或能得此度世幾未可量也暮卧存星之時  
皆先陰祝星名然後存耳呪畢乃存星安卧  
其中也然後容叩齒祝九星太精微誠因理  
感積精洞幽真徘徊乘雲絳靈像憑紫煙眇  
眇濯圓羅斐斐駕飛輪玄翰啓朦昧顧景思  
自新

道家有二一法謂有二一一條方術之事

雖修方術能形變神化坐在立亡飛行空虛  
出入無間役使鬼神隱海藏山分形別體束  
縛萬軍而皆不能長生度世與道無窮無窮  
之道在手功德於人物而無以點身不誠不  
虔於師匠章奏析無益也

凡師皆宜盡節邪朝半時節皆宜先朝禮經  
師然後行道

右一條許先生言

雷平山之東北有山俗人呼為大漢山其實  
名鬱岡山也名山記所謂岡山者也下有泉  
水昔李明於此下合神丹而昇玄洲水邊今  
猶有處所此山正東面有古時越翳王塚  
右定錄言

若弟子有心者按摩疾處皆用此法但不復  
令臨目內視咽液叩齒耳昔唐覽者居林慮  
山中為鬼所擊舉身不收已如綿囊有道人  
教按此法皆即除也

北帝曲折之法諸疾有曲折者用此法皆佳  
不但風痺不收而已也鄴都北帝有此數法  
亦參於高仙家用也又有曲折經藏著西明  
公處

右說北帝曲折諸祝法

夫風考之行也皆因衰氣之間隙耳體有虧  
縮故病來侵之也若令差愈誠能首周旋之  
役者必風病除之也今當為攝制塚注之杰

爾既小佳亦可上塚訟章我當為關奏之也  
於是注氣絕矣

昔鄧雲山亭當得道頓兩手不收吾使人語  
之令灸風徊曲津兩處耳六七日間便得作  
五禽按摩也若針力訖當語所灸處又存心

行道亦與身行之無異也

昔趙公成兩脚曳不得起旦夕存拜太上如  
此三十年太上遣真人賜公成流明檀栢散  
一劑即能起行後遂得道今在鶴鳴山下夫  
心存拜及心行道之時皆燒香左右如欲行  
事之狀也此謂納研太玄心行靈業棲息三  
宮冥神六府者矣

右保命言

太清金液神氣經卷下

第九

十一

太清經天師口訣

與十

夫口訣者蓋神仙衆經之大訣欲求神仙千  
方萬術而不得此訣者終不能成也神祕至  
重萬金不傳若有所傳當本經一一口授不  
得頓以文也依科盟書用黃金八兩黃布四

十尺白銀八兩白絹四十尺為信限一百年  
內得傳一人歛丹為盟不宣之約若一朝違  
科傳非其人違負漏泄天帝殞仙永謝玄路  
泰玄仙都使心迷意亂萬向傾敗九老仙君  
使精神昏濁所學無成太一司錄不上生錄

三天司命減算伐年殃及七祖受罰於太玄  
都太清神丹經訣按本經作華池如本經說  
唯以穀五升以水漬令生芽乃曝令乾擣篩  
以內華池中合諸物攪之乃得成也若不生  
穀藥則華池不成此大道之要也以水金玉

五石金銀珠鉛皆化為水其法在三十六水  
經皆須華池而成也

水真珠法大者細篩之率一斤加硝石末二  
兩內鳥翻中刻木塞兩頭漆骨坑之亦可蠟  
密塞口納華池中亦可納醇苦酒中封閉瓶

口七日以外數數者之慎勿開鳥翻口當向  
日看之成以否其成水之時狀如水銀在鳥  
翻中服如梧子朝服一百日神仙矣若未成  
水還納大醋中以成水為度亦可取雜小珠  
消鍊之如上法以瀉珠模中作大珠也亦可

取蚌蛤光明白淨者打破擇取精白者率一  
斤亦加硝石二兩合擣細篩納鳥翻中消之  
如上法以瀉珠模中凝之成真珠意大小之  
亦作餘器物也

消鉛錫為水銀法取鉛半斤錫半斤合錄令  
相得打令薄削之如韭菜取生竹筒削去上  
表令薄如絹以削成鉛錫納其中加硝石二  
兩覆藉上下冠竹節合際令密漆其口勿令  
泄氣取三年醇大醋於甕中漬之以蠟塞甕  
口勿令泄氣四十五日即成水銀以填金不

入丹用

與十

銀雪法本經云取汞一斤華石十五兩合治  
令熟者當以醇大醋煮水銀九日九夜大醋  
欲盡輒隨益之水銀即凝乃末之以和華石  
也若有雜丹鍊合衆藥及諸方術所用水銀

不依此者則水銀不和終不能成

又云內六一鉛白赤釜中者六一者六一泥也作之如九丹經法鉛白者取本經所作鉛白和以大醋擣千杵以塗土釜內令厚三分陰乾十日乃以水銀華石末內其中也赤釜者土釜也作法取雞府土赤黃色者細末編篔簹之從旦至日中下之取薄醋和之為泥擣之令熟以作土釜隨藥多少大小以意作之通令厚五分許陰乾三十日次取斛樹白皮三十斤細剉以水三石煮之一日乃去滓煎其汁可得一斗許乃止色赤黑名曰斛漆以塗土釜表裏即硬韌不破入火不裂此是神丹釜大秘訣也太清神丹九丹金液八景太虛瓊玕之華還丹飛輕玄霜絳雪太和自然朱无雲碧紫華絳英諸太丹等所作土釜不得此訣入火即破終不成也又云覆以赤鹽封以六一鍊丹者當以鉛丹和大醋為泥擣千杵以塗土釜口即以赤鹽盤蓋之重以鉛丹泥泥其會際令密陰乾十日復以六一泥塗土釜表及蓋上通令厚五分陰乾十日

復以白土和鹽及鹽擣千杵復塗六一泥上復陰乾十日乃四方立四壘中央立一壘名曰五嶽亦可三角豎三壘名三台以安土釜其上火之如經法

艮雪一名白雪又作雄雪云作之者當以六一泥於大鑊中四方累之如升形陰乾以艮雪置其下銅板覆其上以大醋少灑其中炭火燒之則艮雪及銅板皆消復鼓之為板懸華池上餘如經說

作雄雪內飛器中加以赤鹽盤封閉火之如良雪法飛器者赤土釜也

赤松子肘後藥訣

雲陽子謹問赤松子曰夫人受天地陰陽而生依四大而養遂使靈愚不等夭壽不一者何使然也赤松子答曰汝之所問不乃大手今為汝說遇因賢者始得問我也吾生天地已歷三災始知上藥功力萬金非貴不可具說大藥之力亦能殺人亦能活人亦能瘦人亦能肥人移顏改貌益性添年能令劫壽見身仙聖汝頗信乎雲陽子曰身未蒙經未敢

決信赤松子曰汝心疑也汝可不信水能滅大連耳彈石煎即雲與拂鴻石散即感天雨霧落丸狐燬則日月俱蝕揚賓鴉灰即風生石飯可以壓風止火海斑皮可以發雷震電先立起也灰管葭則日月暈介潛盧蘇令地

動揮驚沙丸即傾山沈乾摩散即海竭粉玻瓈魚合龜鼈膽即龍來彈射獸丸即虎豹去五膏可以立仙三散可以度災億劫見身成聖太真之丸壽同天地此等之藥諸仙久驗汝信之乎雲陽子曰重奉師教指喻曉示中心懷信今求請乞聞藥之名赤松子曰汝善

諦聽今日授汝胡剛子具說藥物分劑作之委要也赤松子告雲陽子曰此五膏三散是昔天仙乾元子授胡沖子胡沖子授真華子吾至真華子邊受得二度三災矣汝能高志學此長生求仙請藥今當授汝授藥之後如有仁慈心求仙者久觀其行志節心實兼懷慈孝者任汝擢授即授汝五膏三散法

度災靈飛散法第一

昔三元乾之初有大安子者是仙官之典錄

因掌仙方常見仙官讚歎五膏三散其金丹最上遂抄取方以授乾元子乾元子名利貞受得已來傳十大仙始服此藥經二十日精神聰利氣力萬倍顏貌如玉昇住任情役使鬼神既成仙道仙品中上也

其法用新出鉛金三十六兩鍊訖者用鍾乳末七兩把金打作薄凡三十六兩金分爲六分一分六兩把六兩金薄細劈安玉曰中用玉杵研之五百徧下鍾乳末五分合研之成粉若欲純取金粉者以水汰沙乳末自去若不能汰沙者合乳服之亦佳所以和乳研之者以金性滑若獨研之不可成粉會得乳末粉立可成故曰金粉散和乳半緩研之自然爛又曰消全毒不灰木牛屎磁石自相和祕之不言入仙屋

服靈飛散法用食蜜安銅鑄中微火煎之使強作餅子如錢許大著金粉如小豆許大把蜜餅合裹凌晨面向東服之服訖即入室坐不欲見禽獸亦莫見人過作言語但正心默念十方仙聖威神助藥令我長生初服一

日一九二日二九三日三九還從三九始百日仙也

一切金銀多毒若不精鍊恐畏傷人先鉛鍊三七徧次水銀鍊三七徧次水鍊三百六十徧石灰汁鍊三七日消毒灰蒸鍊三七徧消

毒灰炒鍊三七徧醋鍊三七日然後毒盡方可服之鉛鍊金法用金三十六兩用鉛七十二兩作灰杯火燒令乾密閉四邊通一看孔

安鉛杯中作一鐵杯大小可灰杯上徧鑿作孔用合灰杯上累炭灰上覆泥火之鉛盡

還收取金更作灰杯如是三七徧名曰鉛鍊金也次作水銀鍊金法將此鉛鍊金三十六

兩打作薄用水銀三十兩安甕器中微火緩煖之漸下金薄訖將一甕器密合其上經宿

成泥甘竭消之水銀消唯有金在如此三七徧名曰水銀鍊

漸減毒取合水銀也次玄水鍊法取金竭消注安玄水中須精好

作三百六十徧金即濡弱名曰玄水鍊法次作石灰汁鍊法將此玄水鍊金作薄安甕

器中石灰汁煮三七日止名曰石灰汁鍊也

次作消毒灰鍊法用此打作薄用此消毒灰汁安甕器中下金薄煮之三七日止也

次作消毒蒸鍊法薄削竹筒內消毒灰汁用好蘆沙安竹筒中次內金薄一重沙一重金

薄今滿筒密塞筒口甕中安用沙覆蒸之三七日名曰蒸鍊也

次作炒鍊法用好新鐵鑄磨洗令淨用消毒乾灰細末安鑄中細破金薄灰和炒之三七

日止炒時微火火猛恐鉛流此名炒鍊也次作醋鍊法用三迴重釀好醋內醋甕瓶中

下金薄密固瓶口安消毒灰汁大釜中煮之三七日毒盡名曰醋鍊也

次作石汁法用好新石灰蒸之氣出徧徹下金湯熱淋取汁名爲石汁也

次作消毒灰法用牛屎灰理石灰分等取磁石碎之用東流水熟煮取湯將淋二灰得汁

此灰能消金毒銀毒是名消毒灰也燒理石作灰法理石世云不灰木燒之不灰

唯牛屎火燒立成灰也其理石似腐木名山有之長理硬者非

玉靈飛霞散第二

此玉靈飛霞散是十大仙之寶藥昔太安子服之二百日得仙自是以來十仙相付於中功能不可具說

作法取上美玉明徹絕淨者十二斤用扇石

解作板厚二分解訖用河水作湯疏洗使淨去扇石氣取雪水兩石四斗露水一石二斗

霜水一石二斗雨水一石二斗井水一石二斗

斗凌晨取井華者佳用好甕甕不津者感此五水先掘地深一丈二尺以冬至日未夜半

時先下坑中正夜半子時下五水并玉板等即用盆覆上好厚泥勿令泄氣坑上安木木

上安草草上安泥泥上覆土令厚三尺即作欄障勿令人獸經過在上來去至夏至日日

中出之此受陰陽氣備足即先作生麻子粉壓取脂銅釜中安脂內玉板煮之三七日止

次作俠爐安理石捺棧置玉板在上爐下然純麻子燭燒此玉板板赤內蔥液汁中三七編止次取玉還用玉并擣之成粉使令極細唯細是精

次訣服法用四時王相日日辰不相剋日凌晨服者面向東并華水服方寸七日三服之六十日易形百日人不識二百日通神一年已上仙道成也老者服之二年成仙

白精固命散第三

此散元陽子之所服三百日得仙遊飛諸域變弄陰陽神通自在去處無礙不可說盡

次作之法用新出錫銀三十六兩鉛鍊三編自餘鍊法悉依鍊金節度鍊訖還用六兩作

一曰亦安鍊乳五分合研之一如金粉法服亦法同金粉也

乾元子黃神膏第四

此神膏是昔乾元子服之七日登仙已經二度三災遂作上仙十仙相授寶玉函祕玉篋為萬劫糧計藥功力藥中最上藥中最貴祕

之祕之

次作黃神膏法取成鍊茯苓三十六斤百鍊松脂二十四斤食蜜一石二斗金粉三十六兩凡用四物取新銅鑊內蜜鑊中訖先納茯苓次納松脂作二日煎之始納金粉內金粉

之時稍稍散鑊中密煎之上慎勿攪之沸自沈下煎經七日七夜膏即成服法用初精散丸之如小豆許大一服三九一日三服十日自然絕食二十日氣力大壯六十日姿容如五百日成仙服此一劑萬劫常存神通無礙也

胡沖子玉靈膏第五

計此膏功能說不可盡直略抄取藥訣

次作玉靈膏法用成鍊茯苓細末二十四斤百鍊松脂細末二十四斤食蜜二石四斗玉

粉十二斤凡四物先內食蜜銅鑊中次內松脂次內茯苓次內玉粉攪令相得和合煎七日藥成服法亦用初精散丸之如小棗許一服三九一日三服二百日成仙

真華子白神膏第六

此方云於先失文本上無也

太真未央丸第七

此方大本上論其功能說不可盡今直抄藥次作太真未央丸法用白礪粉一斤白玉粉一斤珊瑚粉十二兩水晶粉一斤琥珀粉

一斤真珠粉一斤紫石英粉十二兩雲母粉  
十二兩金粉銀粉各一斤朱砂末一斤雄雌  
二黃末各一斤石峯粉八兩石肉末十二兩  
鍾乳末一斤茯苓末三十六斤松脂二十四  
斤食蜜二石四斗

上件十八味並好鍊治作粉用上食蜜先內  
新銅釜中煎經一日次第下諸藥粉合煎之  
七日七夜成

服法用四時王相日日辰不相剋日取藥丸  
作小棗許一服三九一日三服立仙也

三景膏第八

作三景膏法朱砂雄黃雌黃禹餘糧雲母粉  
石肉鍾乳白石英紫石英石峯石腦已上朱  
砂等各十二兩茯苓三十六斤松脂二十四  
斤凡十三物精鍊治作粉用食蜜一石二斗  
安銅釜中內上藥等合煎七日九如梧桐子  
一服三九日三服之三年成仙

凝靈膏第九

作凝靈膏用茯苓三十六斤松脂二十四斤  
松子中仁十二斤柏子中仁十二斤凡四物

鍊治細末用食蜜二石四斗內大銅釜中煎  
之一日次第下諸藥攪令相得微火煎之七  
日止

服之法丸如小棗許一服七九一日三服若  
絕食頓服之隨多少足飽為度即絕食身輕

變老為少年仙道成

初精散第十

赤松子告雲陽子曰吾本未仙之時真華子  
告余曰若求長生學仙之者可先服初精散

次服凝靈膏若先服此二藥宜服上藥身輕  
易學也

易學也

次作初精散法用茯苓三十六斤松脂二十  
四斤鍾乳一斤三斤亦佳凡三物好鍊之並  
作粉用食蜜三升攪令相得內甕中固閉  
口陰乾百日出如粉服之三方寸七日三服  
服一劑不同餘散大好若不先服此初  
精凝靈二藥徑服大藥者遲得力也

凡合大藥必在山林靜所作大藥屋四面懸  
劍并作却鬼丸却鬼符安之懸之始可合大  
藥不爾者鬼神喻藥精氣必作符藥却惡鬼

神也

作却鬼丸藥法用朱砂雄黃雌黃龜甲養盧  
桃仁烏頭附子大半夏野葛石硫黃巴豆生  
犀角鬼臼麝香尼箭蜈蚣凡十七味等分搗  
篩用茵草汁和之丸如雞子黃大合仙藥之  
時四面懸之中燒一丸百尾去又燒一丸  
鬼等悉死祕之大驗  
却鬼符

右却鬼符合大藥之時懸四面

作雲母粉法取五色雲具者用五水浸之掘  
坑深一丈二尺廣六尺下甕甕內坑中下五  
水入甕冬至日夜半內雲母甕中甕合泥之  
坑上安木木上安草草上安泥泥上安土令  
厚五尺至夏至日中出之用爐火排之赤  
乾內五水中一百徧止  
次更排內空亭液汁中二十一徧止五水者  
雪霜露雨并水等此名五水  
作空亭液法取亭擇淨去皮鬚細切內鉢中

硬按今滿漆固口以冬至日夜半作坑深一丈二尺坑中得安三四十畝下土填之勿令人獸在上經過夏至日中取出成液用浸金銀玉石朱砂並得成水亦得如泥也若鍊朱砂雄雌二黃及石硫黃法取四種細末用亥下腸淨洗之醋浸三日將醋拌朱砂四物等藥別成一朋腸中急擊兩頭甌中安草草上安布布上安腸腸上覆草草上安土令厚一尺猛火蒸之七日七夜候看土上有黃色出之更用消毒灰汁安竹筒中煮之三七日止復用左味內竹筒中安朱砂等四味別醋中煮之三七日毒消中服

太清經天師口訣終

太清修丹秘訣

株種靈砂修丹法

與士

其法於十二月初一日先以美酒珍珠肉食藥物補助令其氣實然後於次年正月長齋及止慾長齋謂上慾也二月種砂兼行其種砂法於子後午前先行導引訖次行噓字八數訖即取津唾含漱令熟候滿百口由左咽之細細而下以意送入丹田次下心火左旋八十一數其種藥含漱津唾取七口已上若有餘力即不限口數量力為之七日之內金砂乃下即晝夕常用白細甕盆一十五隻各用紙蓋子一箇蓋之上題日數至用盆盡日即將首初一盆淘取金砂周而復始其淘砂經隔日多貴其澄結每淘砂須換水四五遍收在灰紙上埋乾收採半斤為足採砂若未足即採至三月取足即止以至六月初一日依十二月一日法復用美酒珍珠肉食補助一月至七月一日長齋止慾也至八月亦如二月行種砂法准前收採砂半斤為足採砂未足即採至九月取足乃止方將春秋採到金砂共一斤相合收貯淨潔器內封起候

至十月長齋至十一月初一日下功乃將前藥一斤相拌令勻分之為一十五分每一分又分為三分每日於子寅辰三次服之自初一日服至望日服盡每服藥時先以津漱鍊藥一分在口仍先空咽三咽後咽藥以意送歸丹田火行乾坤策每日三時服藥三分每服藥行若此火也每度服藥單更以滑石末少許烹津咽之堅砂并時服乳香少許快利砂服砂日時時至午後閉息只行水時時并至望日後每日子後午前亦只閉息行氣謂只明至十一月氣三數盡後更不行持每過逐月晦朔只閉息三十六數每氣極即吐之每日只食淡熟白麩二餐每不得過三兩此亦名火也直候砂不下即是功成無漏自十一月十五日後金砂未熟亦時有下者須用意收之不可因循道棄為其砂已有功法在內直至金砂不下即是無漏丹成所下金砂亦須旋服之丹成之後一任餐噉日食數餐飽即呵之其食悉去漸無滓穢旋溺以至無漏不食終年亦不飢餓永為地仙大約功止在一年之內行功之時



若頭目昏眩齒牙動搖並是陽盛之故但濃煎甘草湯時飲之即自解矣茲乃是金砂秘方修鍊內藥易凡質入地仙之上法也

沖虛子大藥真鉛訣

丹砂為體本因日月流精結而成物其丹砂既堪抽汞汞即日之華故丹砂復可採鉛鉛即月之氣若能採得丹砂中鉛即可配丹砂中汞合而修至藥乃陰陽備矣即是真汞真鉛修之則萬無一失故申屠先生三字訣本一物分兩體一象鉛一象汞又古詞云一母生兩子一男復一女此二物一鉛一汞也若採得真鉛欲修至藥其爐鼎火候合造服餌之式則諸丹經中悉有之惟此真鉛不能知識耳

訣曰

流轉金精養萬神自然不死得長生靈藥不干諸外藥陰陽相制自然成

肝

四位權衡總屬君獨居甲乙自稱專到頭復讓離中火突入南宮第二門

心 形方一寸號靈臺火德相生大矣哉真候六陽歸正數真鉛流過向西來

肺

外應西方白虎兒便凝秋氣入霜肌如今已得靈和味漸覺元君道便肥

腎

一海瓊波在北方何人如此到金鄉看看便見還丹就上火功夫不可量

脾

光輝五色動金精滋味甜和藥已成好是百神皆稽首中原天子賀昇平

又訣曰

天地元爐藥在身陰陽不測謂之神元氣飛霜飛九轉還丹本是太和精

煙霞欲去如何去先須肘後飛金精金精若到上宮裏中宮下宮都來迎自然玉汞消滄生奔歸元海作雷聲從此夫妻相契會歡生踊躍情無外水火相交兩半間末後翻成地天泰

夾脊雙關至頂門修行道路此為根華池玉液宜頻咽紫府元君直上奔常使氣衝關節透自然精實谷神存一朝引到長生地須報當來指教恩

十一

夫津液真陽清明甘潔先自丹元及五藏之真氣復能生丹元及五藏之真氣入肝成氣入心生血入脾生黃芽入肺生液入腎生精補腦實體強筋骨悅顏色潤肌膚實布不漏化即為氣住即為丹以致元神混元經云天地造化成人然父者木也精者火也二象元是一氣木者主也火即為用母者金也精者水也金即為主水即為用父與母精與氣此四象遇土即相生不過土即相剋母之宮者真土也四象氣至此宮自然相順共聚為寶神氣精用為一身之主也神者脾氣也氣者金水之氣也精者火木之氣也為人身之三奇肘後訣云陰陽運轉氣化為精精化為朱朱化為汞汞化為金金化為藥號為金砂鍊為還丹元海氣之所結為黑鉛左腎氣之所結為紅鉛

坎離二用法

訣曰欲得長生當修所生之本始於精氣精氣結而成形則知形為受氣之本氣是有形之本也然氣不得形氣無因而成元氣所稟之時伏母臍下混沌三月玄牝具焉玄牝口鼻也玄牝既立如瓜之有蒂陰注母氣始於此也母呼子亦呼母吸子亦吸綿綿十月氣足神備解胎離母貪悅於子當不知形耗外也變嬰而為孩指顧能笑先真議云以為失道而喪之本也何況十五成童二十弱冠目眩五色耳聽五音設智運神間不容息如此純朴之根蕩然而盡是故聖人知外用無益所以還元返本挫固胎息得長生不死之訣其理明矣中胎經云形中子母何不守之且形氣為母神氣為子形氣先立而後有神神與氣而合行循環於藏府之間御呼吸以上下久久修習神自明氣自和若神自明照徹五藏氣自和則通使於四肢故黃帝內示一神先内生綿綿五藏斯言可推而得也黃庭經云仙人道士非有神積精累氣乃成真皆

其妙也今之世人神之與氣各行子母不相守氣雖呼吸於內神常運於外如此使氣遂穢濁而不明則元氣漸散矣故神為主形而宅舍主人不營於內日用於外也自然宅舍空虛漸見充壞矣而況非道之人勞神役氣無一息而住於形中於道遠矣若神氣之所至子母之運行則修生之門不日可至矣坎離二用故云從陽文起既濟從陰文起未濟兩卦併行周而復始奪天地造化之全功迺神仙命機之要術故曰白虎生從坎青龍伏在離易曰大哉乾乎剛健中正純粹精也謂乾體純陽其性至剛其行至健中正謂二與五也故云剛健中正凡修氣者變既濟未濟水火之象使六爻俱陽以成乾體則純粹矣純而不雜則精明矣故云純粹精也且三五一是陽位發生之象二四六是陰位收殺之義陽起火陰起水在人之身水火若交是名既濟若行此卦與六十四卦功力同矣所為陽火昇上極則生陰陰水下降自然生陽火龍秉清氣左旋水虎鉛濁氣右走同行於

身矣陽七返燒金丹至寶陰九還鍊玉液至子二物自然一逆一順入人五藏編入身體日夜不絕故得長生法則天地是以天不言而四時行地不言而萬物生人不言而至道成其在口訣不傳文字幸遇同志聊述其概云爾

太清修丹秘訣

黃帝九鼎神丹經訣卷之一二

溫一

黃帝受還丹至道於玄女玄女者天女也黃帝合而服之遂以登仙玄女告黃帝曰凡欲長生而不得神丹金液徒自苦耳雖呼吸導引吐故納新及服草木之藥可得延年不免於死也服神丹令人神仙度世與天地相畢與日月同光坐見萬里役使鬼神舉家昇虛無翼而飛乘雲駕龍上下太清漏刻之間周遊八極不拘江河不畏百毒黃帝以傳玄子誠之曰此道至重必以授賢者苟非其人雖積金如山地方萬里亦勿以此道洩之也得一足仙不必九也傳受之法具以金人一枚重九兩金魚一枚重三兩投東流水為誓金人及魚皆出於受道者也先齋沐浴設一玄女座於水上無人之地燒香上白欲以長生之道用傳某甲及以丹經著案上置座在此今欲來道向北伏一時之中若天晴無風可受之受之共飲白鷄血為盟并傳口訣合丹之要及投金人金魚於水萬兆無神仙骨之者終不得見此道也

黃帝曰欲合神丹當於深山大澤若窮里曠野無人之處若於人中作之必於高墻厚壁令中外不見亦可也結伴不過二三人耳先齋七日沐浴五香置加精潔勿經穢汗喪死嫁女之家相往來黃帝曰欲市其神藥必先齋七日以子丑日沐浴以執日市之當於月德地坐勿與人爭貴賤玄女曰作藥以五月五日大良次用七月七日始以甲子丁巳開除之日為善甲申乙巳乙卯次之作藥忌日春戊辰巳巳夏丁巳戊申壬辰巳未秋戊戌辛亥庚子冬戊寅巳未癸卯癸酉及月殺及支天季四孟仲季月收壬午丙戌癸亥辛巳月建諸朔望皆凶不可用以起大合神藥慎不得與俗間惡人交通勿令嫉妬多口舌人不信道者聞知之也神藥不成神藥成便為真人上天入淵變化恍惚可以舉家皆仙何但一身俗人惜財不合丹藥及信草木之藥且草木藥埋之即朽煮之即爛燒之即焦不能自生馬能生人可以療病益氣又不免死也還丹至道之要非凡所聞

黃帝曰起火時當於釜邊施祭以好白酒五升牛羊脯各三斤黃梁米飯二升大棗三升梨一斗熟雞子三十枚鯉魚三頭各重三斤凡用皆三素案皆用二杯燒香再拜祝曰小兆臣某共誠惟大道君老君太和君哀小兆臣某貪生樂道某命藥不飛不亡皆使伏火藥已好善隨手變化黃白悉伏服藥飛仙朝於紫宮命長無極得至真人行酒起再拜畢諸赤菓木楠柚皆上之訖然放火如法黃帝曰欲作神丹皆先作玄黃

玄黃法取水銀十斤鉛二十斤納鐵器中猛其下火鉛與水銀吐其精華華紫色或如黃金色以鐵匙接取名曰玄黃一名黃精一名黃芽一名黃輕當納藥於竹筒中百蒸之當以雄黃丹砂水和飛之黃丹砂水在黃帝

曰又當作六一泥

泥法用礬石戎鹽國鹹礬石四物先燒燒之二十日東海左顧牡蠣赤石脂滑石凡七物分等多少自在合搗萬杵今如粉於鐵器中合裏火之九日九夜猛其下火藥正赤如火

色可復擣萬杵下絹篩和百日華池以爲泥  
 常開以泥赤土釜土釜令可受八九升大者  
 一斗塗之令內外各厚三分暴之於日中十  
 日令乾燥乃取胡粉燒之令如金色復取前  
 玄黃各等分和以百日華池令土釜內外各  
 三分暴之十日令大乾燥乃可用飛丹華矣  
 又法作藥釜及六一泥訖之時著窰內蓋口  
 陰乾窰去地三四尺勿令濕

第一神丹名曰丹華作之法用真砂一斤亦  
 可二斤亦可十斤多少自在隨人富貧納釜  
 中云以齒以六一泥塗釜口際會無令洩  
 也謹候視之勿令有折如髮則藥皆飛去其  
 精華但服其糟滓無益也塗訖乾之十餘日  
 乃可用不乾燥不先以馬適糠火去釜五寸  
 溫之九日九夜推火附之又九日九夜以火  
 壅釜半腹又九日九夜凡三十六日可止火  
 一日寒之藥皆飛著上釜如五彩琅玕或如  
 奔星或如霜雪或正赤如丹或青或紫以羽  
 掃取一斤減四兩耳若藥不伏火者當復飛  
 之和以玄水液龍膏澤拌令泥泥復置玄黃

赤土釜中封其際如始法猛火飛之三十六  
 日藥成凡七十二日畢矣欲服藥齋戒沐浴  
 五七日焚香乃以平旦東向禮拜長跪服之  
 如大黍粟亦可如小豆上士服之七日乃升  
 天中士服之七十日得仙愚人服之以一年  
 得仙成以其丹華釜飛第二之丹及九丹一

切神丹大善也玄女曰作丹華成當試以作  
 金金成者藥成也金不成者藥不成藥未伏  
 火而不可服也或塗釜不密或是犯禁所致  
 云更唯前飛之試之龍膏丸之如小豆者致  
 猛火上鼓囊吹之食頃即成黃金又以二十  
 四銖丹華點粉汞一斤亦成黃金黃金成以  
 作筒盛藥又以一銖丹華投汞一斤若鉛一  
 斤用武火漸令猛吹之皆成黃金也斤與銖  
 慎勿多多則金剛少則金柔皆不中捷也又  
 云金若成世可度金不成命難固徒自損費  
 何所收護也  
 第二神丹名曰神符也取無毒水銀多少自  
 納在六一泥釜中封之乾訖一如調治丹華  
 法也飛之九上下寒發掃取和以鯉魚膽復

封塗如初復飛之九上下寒發掃取和以龍  
 膏名曰神符取鉛黃華十斤置器中以炭火  
 之即又取水銀七斤投鉛中猛火之須更精  
 華俱上出狀如黃金又似流星紫赤流珠五  
 色玄黃即以鐵匙接取之得十斤即化九轉

名曰丹華之黃一名玄黃之液一名天地之  
 符即擣治汞化爲丹名曰還丹聖人秘之非  
 凡俗道士之所知見也非殊遠者不能知也  
 火名子明汞亦名子明一者鉛精也一名太  
 陰一名金公一名河車一名姤女一名立制  
 石下愚治調直用山中立制石實非也真人  
 曰石膽皆出鉛中凡人愚昧治調神藥反用  
 羗里石膽非也去道萬里爲藥故不成也真  
 人曰以丹砂精化爲流珠霜雪鉛精化爲還  
 丹黃白乃成服之神仙矣不用此二物調治  
 藥雖得丹服之猶候死矣太陰者鉛也太陽  
 者丹也取汞九斤鉛一斤合置赤土釜中猛  
 火上從平旦至日午上晡一云日下時水銀  
 與鉛精俱出如黃金色名曰黃精一名黃芽  
 一名黃輕一名黃華以井華水火之名曰黃

華池一名黃龍一名黃服一名立制石取玄黃和以玄水液合如封泥丸之納赤土釜中以六一泥內伏之令各厚三分令乾十日無令泄以馬通若糠火火之八十日當成金藥取玄黃一刀圭納猛火以鼓囊吹之食頃皆

消成黃金黃金若不成藥仍生未可用也當更納赤土釜中如前封泥火之八十日藥乃可用服矣玄黃一名伏丹一名紫粉欲服之當以甲子日平旦向東再拜服如小豆吞一丸日一百日神仙萬病皆愈大癩大癩並愈無所不瘥即服以百日華池和玄黃令如泥以置瓦兩赤土釜中內外各厚三分納水銀一斤亦可十斤作藥多少任意三斤可以仙一人耳可得玄黃精十兩取汞三斤納土釜中復以玄黃覆其上厚二寸許以一土釜合之封以六一泥外內固濟無令泄置日中暴令大乾乃火之濕者不可得火即坵破如調丹華法以馬通若糠火火之九日夜寒一日發之藥皆飛著上釜狀如霜雪紫紅朱綠五色光華厚二分寸餘以羽掃取之和以黃狗

大膽亦可以河伯餘魚者訣云是鯉魚膽和之一云以此玄黃令如封泥注云其所丸之物訣云是水泉也復丸納土釜中已下同丸納土釜中復以玄黃覆之令厚一寸一云釜合蓋之以六一泥封之如初法暴十日令大燥乃火之濕者不可也得熱釜即拆也復火九日夜可止一日寒之發開以羽掃取著上釜精飛若但紫名曰神符還丹和以龍膏丸如小豆常以甲子平旦東向再拜長跪服之百日與仙人相見玉女來至於是從諸神方

而飛行矣欲渡大水神符以龍膏若河伯餘以塗足下行水上足不沒溺也欲入火服一丸即不熱也服藥百日三尸九蟲皆自敗壞長生不死也  
第三神丹名曰神丹也先以六一泥泥兩赤土釜內外令厚各三分又取牡蠣赤石脂磁石法無磁石存本不改凡三物分等調治之萬杵令如粉和以百日華池令泥一云以瓦釜中塗釜內服又以玄黃華著此瓦上令厚一寸許乃取帝男二斤也帝女一斤也

先以百日華池小沽之濡之乃即上不敢飛乃鐵曰中調搗之萬杵令如粉上釜中復蓋以黃粉令厚一寸許以一釜合之封以六一泥勿令泄氣乾之十日乃以馬通糠火火之九日夜火去釜邊五寸也以推火擁之九日夜也推火至釜一日猛火九日夜以大壘至釜半腹火之九日夜止凡三十六日一日寒之以羽掃飛精上著者和以龍膏通納釜中也復泥封之乾之復火之三十六日一云二十七日止一日寒發之以羽掃取之名曰飛

精治之者曰神丹上士服之一刀圭日一五十日神仙中士服之百日愚人服之一年乃神仙矣凡夫男女小兒奴婢六畜以與服之皆仙而不死矣辟五兵帶繫之夫神多所衛護辟兵服丹百日諸神仙來迎之即玉男即玉女即玉童山卿澤尉皆來侍從見形如人度代無種事在人耳  
第四神丹名曰還丹取礬石礬石代精成鹽牡蠣赤石脂土龍矢雲母滑石凡九物皆堯之一日一夜猛其火皆合治搗令如粉和以

左味今如泥以苴一釜中納汞一斤次以帝男次以曾青次以礬石亭脂次以鹵鹹次以太一禹餘糧次以礬石舉石在上而水銀獨在下也凡七物各異器調擣之今如粉以水銀一斤獨在下餘先乃以次納之以一釜合上以左味和六一泥泥之封令密暴之十日置鐵弋三柱上令高九寸以馬通糠火火之去釜底五寸候其火九日夜波增火至釜半腹九日夜常以濕布加釜上令藥不飛視布乾取復濡濕之凡八十一日止寒之一日發之藥皆飛著上釜釜出五色飛法一同藥之要也以鷄羽掃取之合以百草花以井華水一服之一百日朱雀鳳凰翔覆其上神人玉女至二百日登天入地仙人來侍一年太一以雲車龍馬迎之矣服此丹令人不飢不渴百歲輒飲石泉食棗栗二十枚牛羊脯五寸又以還丹塗錢用市物錢即日皆自還至以還丹書人目匡郭上百鬼皆走避去又以藥一刃圭粉水銀一斤火之立成黃金一法以龍膏和藥火之九日夜乃成真金也

第五神丹名曰餌丹取汞一斤置六一釜中又取帝男一斤擣之如粉加汞上禹餘糧一斤擣之如粉加帝男上以六一釜合之封其際以六一泥泥之令乾加馬通糠火火之九日夜止更以炭火燒之九日夜乃止火寒之一日發之藥皆飛著上釜如霜雪以羽掃取之和以龍膏少室天雄分等乃鷄子服一云鷄子血一刃圭三十日羽飛仙矣萬神來侍衛玉女皆可役神仙迎之上昇天矣百鬼社稷神風伯雨師皆來迎之可使役

第六丹名曰鍊丹取八石而成之八石者取巴越丹砂帝男帝女飛之曾青礬石礬石石膽磁石凡八物等分多少在意異擣令如粉和以土龍膏乃取土龍矢二升以黃犬肝膽合為釜牡蠣赤石脂各三斤擣令如粉以左味和為泥塗釜內外各厚三分乾之一法八味多少自在以土龍膏土龍矢一升以和黃狗膽合土龍矢二升牡蠣赤石脂末之如粉和以為泥塗釜內外各厚三分乾之八石各異末之如粉者乃納丹砂在下次以帝男次

以帝女次以曾青次以礬石次以礬石次以石膽次以磁石磁石獨在上以六一釜合之以六一泥封其會際乾之如上法乃以馬通糠火火之三十六日止寒之一日發之藥皆飛上著如霜雪羽掃取之和以龍膏丸如小豆食後服一九日一十日仙矣鬼神來侍衛之役使亦可以作服黃金非但男子女人亦得飛仙若欲辟穀常絕房事但飲水勿交接也此丹下滓可療百病一法鉛合之成黃金以鍊丹刀圭合水銀一斤火之成黃金也一云柔丹與鍊餌丹相似滑澤易食之

第七丹名曰柔丹用汞三斤以左味和玄黃合如泥以塗土釜內外各厚三分乃納汞合以一釜用六一泥塗其際會乾之十日乃火之如太丹華法三十六日止寒之一日發之以羽掃取上著釜者和以龍膏服如小豆日三令人神仙不死以缺窺汁和之九十歲老翁服之更二十日白頭黑蓋陽精陰氣雖交則生子無數以柔丹書梧桐為人也以柔丹書字奴婢終不逃走八十婦人服之皆有子

長吏服之得遷與鉛合火成金銀一名黃金  
第八丹名曰伏丹其色頗黑紫如有五色之  
彩取汞一斤亦可多之以玄黃華其土釜  
令內外各厚三分復搗曾青磁石令如粉以  
著玄黃華及曾青磁石末覆汞上以一釜合  
以六一泥塗其會際乾之十日乃以馬通糠  
火火之九日夜轉以上釜為下釜復火之九  
日夜又復以下釜為上釜火之九日夜如是  
九上九下乃止寒之一日發之以羽掃之取  
其飛著上者和以龍膏後還納釜中更火之  
一旬乃止寒一日發之以羽掃取飛上著者  
搗之如粉盛以金銀筒若生竹筒中常平旦  
面東向日再拜長跪以井華水服一斗圭便  
為神仙也以如囊核大者手中而行百鬼銷  
滅以此柔丹書門戶百邪眾精魘魘魘不  
敢前又辟盜賊乃至虎狼皆避之若婦人獨  
守骨持如大豆者百鬼盜賊遠避不敢來  
第九丹名曰寒丹法用赤土釜以六一泥泥  
其內外各厚三分乾之如治丹華法取帝  
男帝女曾青磁石磁石各一斤異搗之如粉

先以玄黃直以六一釜如丹華法乃內流珠  
一斤於釜中次以帝男加流珠上以帝女  
次以曾青次以礬石次以磁石磁石最上以  
一釜合之以六一泥塗其會際令厚三分復  
以土龍矢黃土各半斤令為泥一云以牡蠣  
赤石脂塗其上厚三分又以土龍矢塗厚三  
分暴之十日令乾乃微火先文武九日夜  
寒一日發之以羽掃取著上者和以龍膏黃  
天膽丸如小豆許平旦以井華水向日再拜  
吞一九令人身輕百日百病除愈玉女來侍  
○司命消除死籍名著仙錄飛行上下出入無  
間不可拘制坐在立三輕舉乘雲昇于天矣

黃帝九鼎神丹經訣卷之一

黃帝九鼎神丹經訣卷之二

明神丹之由致取人貴法

臣按還丹之九法也蓋九天元道君九方之  
上經上古真人王喬赤松子黃帝受之於玄  
女玄女者天女也第一道明真人之道素女  
真人者神仙之主也天地之師位曰真人則  
神仙皆師焉真人先天而生後地而死水不  
能漂火不能燒毒不能傷兵不能害神通變  
化任已由心役使眾仙靡不成就曉鑿靈藥  
通于神明故經曰真人焉服丹者身則神仙  
○為真人矣能召風伯使雨師也仙人者位昇  
百鬼身歷萬精所謂服食小丹雲母八石草  
芝藥所致也青腰玉女者風伯之女也殊卑  
於玄女素女也玉女者凡人之女也學得道  
號為玉女並神仙之妻妾儀使也此九丹經  
本是王喬赤松子黃帝受於玄女非餘小仙  
之所傳受也臣按葛洪云按黃帝九鼎神丹  
經曰黃帝服之遂以昇天若以呼吸導引及  
服草木之藥可延年終不免於死也若服神  
丹令人壽無窮也與天齊畢乘雲駕龍上下

太清故黃帝以傳玄子誠玄子曰此道至重必以授賢者苟非其人雖積金如山勿傳之也受之者以金人金魚投於流水以為盟誓歎血為盟若無神仙之骨者亦不可得聞見也得聞見者有此道之分矣夫合丹者求於

名山之中無人之地結伴不過三人先齋百日沐浴五香致加精潔勿經穢污及俗人往來不信道者勿令知之此人謗毀神藥藥即不成成即舉家皆仙不但一身俗人不合神丹及只信草木之藥且草木藥埋之即腐煮之即爛燒之即焦停之即朽不能自生何能生人不能自堅何能堅人乎此九丹者長生之要也非凡人之所聞見之矣

第一丹名曰華丹經云此丹服之七日得仙以玄膏丸置猛火上須臾成黃金又以此丹二百四十銖合水銀百斤火之赤即成黃金金成者藥成也金不成更封其藥而火之日數足經云无不成也  
第二丹名曰神符丹經云服之百日仙也行大水以此丹塗足下即可步行水上不沒溺

服去三尸九蟲皆即自消亡百病自愈也

第三丹名曰神丹經云服一刀圭百日仙也以六畜吞亦終不死又辟五兵服之百日得仙人玉女山川鬼神視之皆如人形也  
第四丹名曰還丹經云服一刀圭百日仙也

朱雀鳳凰翔覆其上玉女來侍以一刀圭取水銀一斤火之立成黃金以此丹塗錢物用之即日却還以此丹書凡人目上百鬼皆走避之矣

第五丹名曰餌丹經云服之四十日神仙鬼神侍玉女至也

第六丹名曰鍊丹經云服之十五日仙也又合汞火之成黃金也

第七丹名曰柔丹經云服一刀圭百日仙也以秋覆盆汁和服九十歲翁皆有子與鉛合之火即成黃金也

第八丹名曰伏丹經云服之即日仙也以丹如棗核者帶之百鬼避走以此丹書門邪精不敢前又辟盜賊虎狼也

第九丹名曰寒丹經云一刀圭服百日仙人

玉女來侍飛行輕舉經云凡此九丹得合一丹便仙矣不在悉作之在人所好耳凡欲服九丹欲昇天則亦隨心如欲且止人間亦任意便能出入無間不可害矣

臣按金液還丹法合成者依經服一兩便昇仙若未欲去代且住世為地仙者齋一百日服半兩則長生不死萬害百毒不能傷可以畜妻子若居官秩在意所欲無所禁若後欲昇天者乃齋更服九丹滿一兩便即飛仙矣凡欲昇天者先斷穀過一年方服之也

臣又按真人九昇經云凡服九丹欲昇天者如正經上法所服日數也若欲地仙者可如上之半者以數減之雖減亦長生無間不可得害後若欲昇天者更服上藥臣按此說凡服神丹大藥依經日數即輕舉昇天減半服之即長生不死即是地仙無疑也

臣聞學道不成所由有八一者偶知一事便言已足助勞鼎火暗首無成二者雖奇方謂非實法求之不已遂至蓋棺三者真偽不分無師取訣意無一定消棄先陰四者恃所聽



明忽略知法自言已得不盡師心五者真方  
秘訣非易見逢謂在名山陸險損命六者家  
無擔石飢寒切逼得如不得知如不知七者  
性不專精復無蓄積明師已訣疑而不行八  
者所遇之師師素狹劣惜其淺短不盡教之  
云道不多矯生實秘謂以為實逐至守株也  
夫道不在多莫謂小法者即是大丹之中莫  
過九鼎之道出自真人真人以傳玄玄女  
以傳黃帝帝得之以傳玄子自時厥後得法  
為真人不聞真人更親指授得至者則為可  
尚後代貴耳賤目棄近逐遠則秦皇觀安期  
而失道漢武求少君而不盡別尋方丈遠涉  
滄波卒可成功虛糜爵賞善求者不在任用  
巧取者不勞踴躍軒輊之臨天下廣成不與  
焉德政不以為損也唐堯之有四海而業由  
不佐焉後德不乏也四皓鳳戢於商洛而不  
妨大漢之多士也周黨麟跼於林藪而無虧  
於孝文之刑措也寵貴不能動其操心安靜  
默性惡諛諛以縱逸為權以榮任為滯蕭索  
縵縵如草操耜以芳林為臺榭以峻岫為大

厦以翠蘭為茵褥以綠葉為帷帳荷裳以代  
袈服葵藿以當嘉膳匪躬耕不以充腸匪妻  
織不以蔽身守常待終翫其三樂不憚速死  
不營苟生辭千金之重聘忽卿相之貴位蕩  
然自縱無所修為咸為當時稱尚高逸此輩  
上不能益國下無以利人良史之談猶稱人  
物况有求長生之上道蓋學神丹之大法不  
肯役身於俗鞋以藥物自助使外患不及內  
疾不生舊身改容久視不死精心不怠校練  
衆方得其効驗審其優劣必有以後翫其塵  
壤以聲為朝露八極之內將詎幾人其志遠  
矣其益大矣攻務要藉不此一二三人若逼  
迫之則不成矣天景風起而聚爐息王化隆  
而奇士退今宇內寧謐休牛放馬烽燧滅影  
干戈載戢繁弱既韜廬散傳發子房出玄帷  
而返閭巷信布釋甲冑而修魚釣况宇宙之  
內篤好茲道而能者萬無一也昔黃帝垂衣  
裳而理天下飛流珠而化霜雪昇平致政百  
一十年道成服餌白日仙去蓋因廣成玄女  
之力非自然而得之者也昔具王伐石以營

宮室而於合石之中得紫文金簡之書不能  
讀之使者以問仲尼曰吳王闔居有赤雀銜  
書以置殿前不知其義故遠咨呈仲尼觀之  
曰此是靈寶之方長生之法禹之所服年齊  
天地禹將先化封之名山石函之中今乃云  
赤雀銜之殆天授也是知自古帝王銳思於  
長生者未有行年不末者也縱求而不得猶  
愈於不求者亦有之矣不患心之無道但患  
不勤勤而不已必有所得又人之求道如憂  
居家之貧如愁處位之卑者道豈有不得耶  
但患志之不篤務近志遠聞之則悅以前帝  
未久則忽然若遺亮聲之益未周丘山之失  
已及安得窮至言微妙成思極之後歷乎然  
雖志勤苦不遭明師亦無由成也夫長生學  
者在藥藥之大者在訣訣在神丹道同德合  
誓以俱取可以義獲難以抑求昔夏禹不迫  
伯成子高尊其長也仲尼不假蓋於子夏護  
其短也豐草淺水廣野深澤狐鹿所遊窮巖  
絕岫幽徑茅棟仙士所居也若以華堂藜狐  
鹿是其檻穿矣若以榮秩罷仙士是所徭役

矣故覽正經者如對真人受真訣者如得其  
身假使有姦競來安期爭至而言異經訣不  
可信也必有小同異者伏願聖主詳擇從之  
臣聞凡草春剪芝蕈不秀傾巢覆卵驚風不  
集耳

黃帝九鼎神丹經訣卷之二

黃帝九鼎神丹經訣卷之三四同

三

擇明師受訣不藉真人法

臣聞師無常師主善而師之三人同行必以  
善者孔子之道一以貫之黃帝省方無求不  
往若以真人遺訣非真人不傳元君之經非  
元君不授何異胃子待宣尼以講習虞政俟  
臯陶以弼諧消失先陰永無成日所以九鼎  
之道長生之方若此營之與取死無異也生  
可戀也死可懼也日失一日比速逝川晨露  
夕光吁嗟易盡今但遇知方之人指摘其意  
求而不已復自參驗結以良伴同契不移此  
自能成之固有之矣則必無真人玄文借助  
之也藥成之後清腸服餌即玉女來侍或青  
龍將迎未成之前不聞有感故元君曰慎無  
以神丹告人今之笑道謗真傳丹經不得其  
人必受其殃若有篤信者可得金丹藥分人  
莫以經云傳與此之真人實以秘惜與親傳  
口訣無異也若言獲見真人及知方士不爾  
而得道也昔殷家之過彭祖周室之逢老子  
秦皇之親安期漢武之任少君不聞皆得道

夫學道之人尤惡詭譎不欲人雜言不欲見  
俗人固易路而行異處而坐懼貽毀辱味道  
獨居所好不同必招誹謗恨不絕迹軌以逃  
遁隔千里以嫌疑況彼真人何求以至夫真  
人者蹈炎颺而不灼躡玄波而不傾鼓翮清  
虛雲軒風翮仰凌紫極俯栖崑崙崑崙假令或遊  
人間匿真隱異比肩接武外若庸流俗人何  
以察之安能覺也自有子晉躬御白鶴黃帝  
親駕赤龍或鱗身蛇軀或金車羽服非洞視  
不能覩其事非徹聽不能聞其聲俗不見聞  
則多疵毀所以真人嫉之益潛遁也常人之  
所愛上士之所憎常人之所賤至人之所貴  
英儒偉器猶不願雜風塵玄女真人何患遽  
參人事俗人怪之不爾乎諺凡人目察百步  
不能了了而欲以己所見為有己所不見為  
無則天下之不見者實亦多矣猶如蠡測海  
而云水盡惑之甚也真人自不見不得謂之  
無也不得以有之而可求知法人不可要待  
真人也知法者皆知口訣而受

臣聞丘明之傳春秋尋經者知褒貶在於一

字仲尼之翼訓周易觀卦者知吉凶存乎一象儒書尚非法不明仙道神丹豈按經能盡故黃帝登崆峒訪自然之道涉王屋求說丹之經錄在方言傳之口訣訣隨口滅方不逐經所以求者似牛毛獲者如麟角雖曰難得代不絕人法既有人得之身豈非人者矣上聖念將來之可教為篤信者故使思而得之脫死亡之禍患凡俗不信謂為虛文比之真人誹議先聖故欲合神丹必不使不信者知之之藥即不成此之一忌非小禁也皆由不得真訣變化不成作既無成謗從此起由如田家或水旱不收謂不可種也水旱以時穀稼收矣經訣若真神丹成矣夫訣法有二也一者文訣可以文傳者紙墨能傳口訣者非口不宣故易云書不盡言言不盡意立身行道可以盡傳也陰陽變化不可言詮朱砂本赤燒之變成水銀水銀至白燒之又成丹色凡情淺識自不得知之亦如燒胡粉以如金白鉛而類火言無此道曾不修業者足昏不及俗人哉俗人乃防僮其不得為凡人之

所笑不知僮至有得為智者之所嘆皆曰不得真經正訣之所致也傳不得人復貽咎累所以法之隱沒而不可聞也故葛洪云一代之中不過二三人得之又云八極之內將誰幾人見知秘訣難聞得之者少必立盟誓方事相傳長生神仙之藥千方萬術所不得此訣終不能成也神祕至重萬金不傳若有傳者依本經一二口授不得須以傳之法依于盟經用黃金八兩黃布四十八尺白銀八兩白絹四十尺為信限百年內得傳一人歎血為盟若後為識傳至人違負漏泄天帝譴誅永謝玄路太玄仙都使盟者心迷意亂所傾敗死即仙君使精神昏濁所學不成太一司錄三天司命減算伐年所作不成受罰於太玄都此太清諸丹等張天師訣文

孤剛子曰吾昔慕長生之道數十年中飢苦寒凍莫問遠近曾無一得心恒不變學志轉深太極感吾之心遂以此訣就未央谷授吾得之依按合作無不成者吾道從此起吾常秘之玉函藏之名山若俗中有人得吾此訣

不問賢愚但精專按而合作無不成必得道也葛洪曰余雖生於末代頗慕古風考集仙經八十餘歲雖聞此訣目未曾覩求亦不已余師鄭君也始授余此訣余自得之精思清齋齋滿百日依按合作無不成者吾始轉清氣息服餌之五神泉即得住命法後敢憑驗者方道術自在若後有人同余得此訣者必須心知口默不得輒授人及告不是心腹之人即反受其殃眾神不護作者不成余今所以誓告後生必無妄傳此是領帶之中歷代神要祕密之道貴在質不能廣說使俗人知也其傳授法在粉訣中此是玄珠訣文也孤剛子曰五金神粉非獨服餌長生用以摩身俗疾不能干眾冥莫由害也此法本出玉皇祕藏隱文非俗所有自非稟其仙籙者終不能見吾本故訣隱文以開後聖若得此訣者必須依傳授法受之不得輕吾告授非其人也非所受作不成亦萬劫學仙道永不得成也粉圖云授法不得輕告傳法日取玉相日結齋立壇師與弟子並在壇前日夜恒燒

寶香奏帝祈請所願長生樂錄名目稱某少好長生上道萬劫以來常蒙道福今得奉忠聖允蒙師慈念許受訣文某今不敢許納一奏請皇君師言弟子某求道日夜無怠某今欲授某訣文不敢自許一一奏請皇君如

此謹心滿七日夜然香登壇飲血為盟分金鏤投於東流水中請師傳授諸神金丹及口訣圖籙皆同此法傳授若不依傳法諸受師與弟子所造不成是粉圖中訣文也

狐丘先生授葛仙公曰命屬仙星名錄繼我今故授汝萬金訣等及修仙法汝依而用之汝若傳之自非決志山巖不規俗利者歟血分鏤立壇為誓終不得妄傳傳非其人名削福薄殃及累代慎之勿妄傳也此是萬金訣也

臣按五金三汞九鉛八石皆有毒若不得古人舊訣假有新知方者口傳三數十句終無成理故孤子云五金盡火毒若不調鍊其毒作粉假令變化得成神丹大藥其毒未盡去者久事服餌少違誠禁即返殺人是故具訣

圖錄鍊熬并作粉法以示將來孤子萬金訣五金粉圖訣伏玄珠訣張天師口訣

臣按上件四訣皆是先賢寶重流俗有真能見之假令或逢一卷亦終不知其初終之意其文錯亂間則諸法假令俗人悉得莫知用

處所以萬劫誠傳授之受口訣儀法先敷儀置坐訖以白絹四尺五寸為籍清酒一斗鹿脯若牛羊脯七胸胸方三寸酒杯七枚置槃案上脯各置杯後以信物置酒杯左邊燒香長跪曰謹請

太清玉陛下太上大道君太微天帝君太玄仙都九老仙君太一司錄司命神君下降某郡某里人某甲就坐尚饗尚饗一作某某雖凡愚宿有道緣遇蒙先師受大訣祕之在心未曾發洩雖知天禁至重又不可使神道永祕今

有某甲雖處世俗心慕道門不貴金玉不尚榮華仰希玄路志登紫雲故減削自身以備信物詣臣某請受大訣某不敢自專輒敢啓白唯願照知照一云乃拜拜上香酒三上香酒訖乃曰勞屈玄尊來臨下土枉蒙降

顧心喜意悅當聽其所陳慈恩相愍君以醉飽持其酒食請收餘福見物永書訖乃再還取酒脯共所受人飲食之勿與他人食矣黃帝九鼎神丹經訣卷之三

黃帝九鼎神丹經訣卷之四

明防辟惡邪魅守神保身

臣按凡學長生須事神丹若不得金丹大藥而但能餌草木之藥者可以賒死不得仙也或但服藥而不得房中之要則終無久生之理矣或既帶神符行禁加思神守真一則止可內疾不起風濕不犯若卒有惡鬼彊邪山精水毒害之則便死也或不得入山今山神為之作禍則妖魅試人猛獸傷之蛇蝮螫之矣

臣按房中陰陽之道高可以愈小疾次可以免虛損必不能移灾解罪去禍召福安身全神長生久視者也人間謂黃帝以千二百女昇仙使以黃帝單以此事長生也而不知黃帝於荆山之下鼎湖之上飛九鼎神丹成乃乘龍登天也黃帝自可有千二百女耳而非得仙之所由也凡養生之保命者雖服千味之藥三牲之膳而不知房中之要者亦無所益若縱情肆慾不知能節宣則伐命本也是玄素喻之水火水火殺人又能生人在於用

也明自古合作神丹必依名山

臣按昔者黃帝受丹經於王屋訪至道於崆峒然後於荆山之下鼎湖之上飛化九轉道成仙去又昔之左元放於天柱山中精思而感神人授之以金丹仙經會漢末大亂不逞合作而避地江東志造名山以修此道乃以九鼎神丹經等授弟子葛仙公又以其法授弟子鄭君鄭君家貧無以買藥而葛洪者鄭君之弟子親事勤苦矣鄭君乃於馬迹山中立壇盟授洪丹經并具諸口訣訣不書也洪

得此道二十餘年資無擔石無以為之始鄭君謂洪曰吾承先師左君之誠曰諸小山中不可居作金及神丹也且小山之中無有正神皆是木之精千歲老物血食之鬼此輩皆是邪氣不念為人修道作福但欲於禍人也夫齋潔之士雖以術數辟身而鬼魅或能壞人藥也今合醫家佳藥好膏皆尚不欲令鷄犬及婦人小兒等見之如藥被見者用便不驗又染綠物者遇惡目見之皆失其色也況神仙長生之大藥乎以古之道士合作神藥

必入名山無入之地終不止於小小凡山中

正為此也又按仙經可以精思合於仙藥山者有華山泰山霍山恒山高高山少室太白山終南等山中皆有正神其中有地仙又生芝草可以辟大難大水不但堪合藥也若有道者登之則此山神必助之為福也至藥必成

臣按天地之情狀陰陽之吉凶實難詳也不可謂之必無是以黃帝太史皆所信伏也又經傳有政曆明時剛柔之日吉日惟成有自來矣所以王者立太史官封置拜立有事宗廟郊祀天地皆擇良辰而有賢才庸夫自許脫俗舉動所居恥簡善日不亦偏見者也凡登山不擇時日校有其驗不可輕入也夫山大小皆有神靈山大則神大山小則神小無防避之道必有思害也或被疾病或遭驚怖或患傷刺或聞異聲或逢變異或見光景或大木不風而摧折或巖石無辜而自墮或令人迷亂狂走墜落坑谷或猛獸毒蛇犯傷人故不可輕入也凡入山當擇四時王相支干

相生之日吉也又依遁甲良時佳也又當擇其月中吉日佳時也若至急不得徐待吉日要須此月者但少選日時東嶽歲月忌不可以甲乙寅卯之歲正月二月入也南嶽歲月忌不可以丙丁巳午之歲四月五月入也中嶽歲月忌不可以戊己辰戌丑未之歲四季之月入也西嶽歲月忌不可以庚辛申酉之歲七月八月入也北嶽歲月忌不可以壬癸亥子之歲十月十一月入也右不必五嶽忌此歲月但所之此山屬其嶽之者方面皆悉

○禁此歲月也靈寶經云入山當以保日及義日專日大吉若以制日伐日必死也保日者謂支干上生下之日若甲午乙巳是甲者木午者火乙者木己者火火生於木故也義日者謂支干下生上之日若壬申癸酉日是壬者水申者金癸者水酉者金金生水故也制日者謂支干上剋下之日若戊子己亥日是戊者土子者水己者土亥者水土剋於水故也伐日者謂支干下剋上之日若甲申乙酉日是甲者木申者金乙者木酉者金金剋

於木故也他皆倣此入名山當以甲子開除日以五色練縑各五寸懸石上所求必得入名山亦癸之時此謂天心日必得仙道度世也

入山良日謂甲子甲午甲寅乙亥乙卯乙巳丙戌丙午丙辰皆大吉必安隱得道大月忌日謂三日十一日十五日十八日二十四日二十六日三十日小月忌日謂一日五日十三日十六日二十日二十八日若犯此日入山既為山神所試所求不得所作不成不

○但道士忌之凡人此日入山皆凶與虎狼毒蟲喜相見遇入山宜知六甲秘訣呪曰臨兵闔者皆陳列前行凡九字當密呪之無不辟惡要道不煩也此之謂矣

又入山月忌之日正月午二月亥三月甲四月戊五月戌六月申卯七月甲子八月甲午九月寅十月辰十一月乙十二月丑

凡欲辟鬼受符等法皆宜知之山精或如鼓赤色一足其名曰輝如人長九寸衣裘戴冠笠名曰金潔或如龍五色赤角名曰飛龍以

名呼之不為害也山中大樹精此樹能語名曰雲陽非樹之語呼之則吉山中大吉木精夜見火光其所作勿怪之山中銅鐵精見為胡人勿怪是其所作不為害也山中百歲木精夜見秦人是其所作不能為害也山川之間夜見為精者名曰激呼之即止也山中大蛇精見大蛇著冠幘者名曰計鄉呼之吉也山中見吏若但聞聲不見形呼人不止者以白石擲之則息又一法以葦為鈔以刺之吉山中見來喚人求食不止者以白茅投之

○即死山中見虎或人決失道運者以葦杖打之即死寅日山中見稱虞吏者虎也山中稱當路君者狼也稱令長者狸也卯日山中稱丈者兔也山中稱東王父者麋也稱西王母者鹿也辰日山中稱雨師者龍也山中稱河伯者魚也稱無腸公子者蟹也已日山中稱寡人者社中蛇也山中稱時君者龜也午日山中稱時三公者馬也山中稱仙人者老樹精也未日山中稱主人者羊也稱吏者麀也申日山中稱時令君者猴也稱九卿者倭也

酉日山中稱將軍者雞也稱賊捕者野雉也  
戌日稱人姓字者犬也己日山中稱城陽翁  
者狐也亥日山中稱臣者猪也稱婦人姓者  
金玉也子日山中稱雅君者鼠也丑日山中  
稱書生者牛也有知其怪物則不能為害臣  
按自古仙人及西王母皆得道皆自山中成  
而今山中鹿馬之精乃偷此號金丹之士忽  
有所見妄為感應總敗神藥自餘怪物不可  
不知若擾亂人須明道法故修如右道法文  
兼符數道最驗故以符法後卷次之

黃帝九鼎神丹經訣卷之四

黃帝九鼎神丹經訣卷之五六同

明朱成神丹必籍資道之緣

溫三

臣聞欲求長生久視與天地相畢若未得其  
至要之大者則小者不可不知蓋道之共成  
長生也大而喻之猶人主之治國焉文武相  
代無一不可也小而喻之亦如為車馬轅軸  
輶輳莫可虧一也所謂道者內修形神使延  
年疾愈外攘邪惡使禍害不干比之琴瑟不  
可以一絃求音也方之甲冑不可以一扎待  
鋒也養生者欲令多聞而貴要博見而擇善  
編修一事不足必賴也又患好事之徒各從  
所長言玄素之術者必曰唯房中可以度世  
也明吐納之道者必曰唯行氣可以延年矣  
知屈伸之法者必曰導引可以難老矣知草  
木之方者必曰其藥可以無窮矣學道之不  
成者皆由偏恃之若此大丹一就則一切無  
復用也未就之間則無不須也譬如田家作  
事家業者事不俟用多物者謂有金銀珠玉  
在于懷抱之中自量足以供累代之費故自  
安之苟至無此何可不廣播百穀多儲菜蔬

是以斷穀辟兵厭剋鬼魅集禦百毒救病療  
疾入山則使猛獸不犯涉水則令蛟龍不害  
蛇不能螫疫不能加此皆小事而攝生者不  
可不知沉過此者乎神丹者長生之大事可  
緩之哉昔黃帝涉王屋而授丹經登崆峒而  
問廣成子求道養生則聞玄素之說竅窮神  
怪則記以白澤之詞故窮盡道真畢該秘奧  
飛伏九轉於荆山之下變化流珠於鼎湖之  
上服神丹之力久視之功遂勒昇龍高躋與  
天地乎罔極道成之後始無所為未成之前  
無不為者自古莫不由多識博達至勤而成  
者也

明道家三皇文五嶽真形圖

臣聞按上入山合丹求道潔靜貴三皇文及  
五嶽真形圖所召山神及按鬼錄召里社及  
山卿澤尉問之則知木石之怪山川之精不  
敢來試人也亦如釋法中有般若經所置之  
處當知此則為是塔凡諸邪物自然遠匿道  
士有此文專攝効故云道書之至重者不  
輒授也受之者四十年乃一傳之傳者歛血


為盟委所為誓名山五嶽皆有此書但藏于石室幽隱之地應得道者入山精誠則山精自開出令見之若有此書當置之處凡有所為必先知如奉君父焉其經曰家有三皇文辟一切邪惡鬼毒疫瘟氣橫殃飛禍若有困病垂死而令信道者至心以此書賞之即活也夫道士欲求仙費此書入山辟虎山精五毒百邪皆不敢近人可以涉江海却蛟龍風波其法可以變化起功不問宜便无咎殃也。有此文而求驗者當潔齋百日乃可依法召諸神司命及太歲日遊五嶽四瀆社稷之神。皆見形如人可得問吉凶安危及病者禍出爾之所由也道士之中如有得之者若不能仁義慈心而不清正者雖得之必速禍其身不可輕也故昔黃帝東到青丘過風山見紫符先生受三皇內文以勅召萬神即此書也。

明符致神驗

臣按入山合丹欲辟山川廟社百神鬼之法最以符為切要神丹大藥亦資符力而辟衛也符法者于老子皆天文也老子于神人授


之者也今人用之而少驗者由出于不歷文傳寫多誤又信心不篤徒施用之且俗經文同字識春秋之錯杜預非之以五門史記之謬則于夏正之為已亥故諺曰書三寫魚成魯帝成虎七學士但以音相涉長短之間輒致舛也況符上點畫非字錯不可識誤不可覺故其知其定與不定也然凡求長生制之在藥不由符力而能致之仙也然不可廢者藉其却鬼辟邪以丹之漸

入名山賞召高山君符




此符齋十日召高山君使除虎狼之害其符以丹書縑上一尺二寸長亦如之若書時不得中息而語也書畢燒香夜於靜室之中隨月建立著新衣服而召之其字向下凡月符以大字著左右心前恒正思慕其象之宜旁在六甲直符并玉女名字旁所召之書仰視


面想思八方之外存神長五尺衣服如六甲經



此登山符仙人陳安世入山甲寅日書白素上夜向北斗祭以酒脯自說姓名以著衣領中辟邪精百鬼老虎狼毒蟲帶之置案上面向北斗



此符一本書點畫如此用法如前同只點畫大同小異與前不別其功效一種故兩存之






此符以丹書絹書各異之帶著肘後男左女右亦可以書白素帶之可以著所住處四方各四枚若移徙當先令人拔取此符大神勿妄傳之



此符亦是登山功效不異是老君黃庭三十九真祕符辟百鬼合仙藥和合之處住必須名山極深之處無人畜行跡仍有東流水大石巖室之中若無巖石室可於深林之中無人迹處作室恒須近水非其處勿措意合作神藥大山無東流水兩流亦得



此符居山住處安以丹書栢板上大文書令彌滿其板上著門上四方四隅及所行道之

處安之并五十步辟諸精也



此符是去虎狼之符與前同移徙板將辟山精道側用

臣按為道者多在山林之間乃是虎狼毒蛇精怪魍魎之窟穴也不深防辟損害藥也昔者圓丘多大蛇又生好藥黃帝將登山而求好藥是蛇為毒廣成子教黃帝佩雄黃而眾蛇皆去故入山之士欲合大藥不知入山之法多虞患害諺曰大華之下白骨狼藉者以其偏知一事不能博備雖欲求生而反速趨死也而道士徒知大方不曉入山辟禁之法亦非小事也蛇雖種類至多唯蝮蛇及青蝮二蛇中人最為至急一日不救則殺人救者以刀割去其所傷處瘡肉投之於地狀如火炭須臾焦盡人得活也然此二蛇至秋是毒盛之月不得物醫乃以其牙咬其大竹木

即皆焦枯此是自欲洩其毒故所以上入山懼蛇可畏必預止家中先學禁法思存日月及朱鳥玄武青龍白虎以衛其身乃到山草中左取三氣而閉之以次山草而意思令也氣赤色如雲霧彌滿數十里中若同伴從人無限三五人皆令羅列皆令以氣吹之則雖踐蛇蛇不能動又亦略不逢見又令帶雄黃五兩已上山亦不畏蛇若中人以雄黃末塗之即愈又帶乾雄黃附子於肘後或燒牛羊鹿角以熏或以野猪耳中垢及麝香丸之於是爪中著皆有効也


辟百蛇印及能却虎狼不犯符




此二神印取棗心剋之方之二寸畢設祭拜拜請佩帶之甚有効




此黃首朱宮玉女簡房教導之印而却虎狼不敢前此亦可為符朱書吞之入山辟虎狼亦可為印出王胎經也



此符却鬼合藥時懸安四面制諸鬼大神驗



一本中心有七曲餘並同不知誤者



比山居符書之於栢板上安門四角虎狼不

至 已上三符並朱書



此符有一本下如此 庚天

此開山符以千歲葉為之長尺二寸以丹書此符以印大石名山山門即開寶書出赤金玉皆見我之千歲葉者天慈也如鼠耳却鬼制魁也

右於深山靜處作丹屋四角懸鈴子并作

却鬼藥却鬼符安四面然後可合藥若不然而者鬼神吸其藥精華盡或變却是以須作符厭穰之却鬼藥法以光明砂雄黃雌黃麝香附子白木鬼臼鬼箭各二等密丸之帶

黃帝玉台篇圖符


臣按昔黃帝到峨嵋山見皇人於玉堂請問真道又求長生故皇人昔黃帝之師也皇人曰凡道士求仙欲造大藥鍊鑄五石要秘居山無容得在俗間穢汚之處若違者所合之藥終不可成又不得吾玉台符者縱使有他法一切不成皇人曰凡道士求仙得吾此文者不久獲道凡欲入山求仙學道合丹起火造長生藥皆齋一百五十日乃然後以王相日五合日日辰不相剋以之香湯并華水

白根粉一斗二升朱砂一兩白蜜一斗桑薪灰一斗先取五香湯一斗然後以粉朱砂蜜灰并合之以牡荊枝子長三寸順揚杖攪之三七遍然後置之靜室取台符以靜解明者隨方座新筆畫之置湯盆邊當相方面又取

銅器一枚以中央符懸湯上去水三尺置之訖調息出戶作禹步閉氣還入室中至湯盆徐徐放氣調息使定閉目合掌正立端身先向東方符禮七拜次南方符禮二七拜次西方符禮三七拜次北方符禮五七拜正向戶

並足立面向湯盆上符禮七七拜然後以湯水從頭至足沐浴令內外香潔向湯使盡然後便著新衣取東方符左臂佩之西方符置右臂上南方符胸前著北方符背上中央符吞之然更潔齋七日安身靜室必五雲神威降光照室遍耀內外慎勿驚恐守一不移神人見形必有逼迫須臾影沒此為上驗或隨人語問道款直爾光明為證但有此徵必便合得道從此已後任意皆成凡欲求長生度世變鍊五石服奇異藥還年却老飛騰羽化


者不依符法一切所作必不得成徒喪其功萬無一就於是誹謗反生謂無仙法雖種種別術雜法或用禁呪或欲單符或服諸藥不得此法一切不得成無有疑也又所造之藥不求道養真欲俗利榮華而造黃白亦無成理致使靈祇不祐鬼神忽恚眾橫加多以致不祥非但徒棄藥物更置貧窮何足為益天枉傷年深宜慎之諸道士不得妄傳非人亦不得談說向人也非同志者不得輕出洩之也



此第一皇老玉台神符主南方用緋為地白華為文




第二皇老玉台神符主西方素為地黃華為文有一本中心下父字作此久餘並同



第三皇老玉台神符主北方皂為地青華為文



第四皇老玉台神符主中央以黃為地黑華為文已上符



第五皇老玉台神符主東方以青為地朱華為文

皇人曰凡道士欲事此符以五色為座隨方置之各須解潔唯中央神丹置銅湯盆以黃為座懸之湯盆上去水三尺一云七尺凡座法各令方圓一覆面等隨座為量之帶如上法中央一方并座燒之為灰和水服之皇人曰山中合丹及修爐火要須得吾此符求道即成山中置爐竈者以王相支干不相剋日去爐四面各三尺入地五寸埋之又取中央符埋之爐下入地七尺然後於上置爐處兼中央符吞之然後帶隨身符則靈仙祐助祕之諸大名山皆有神芝靈草神仙妙藥如無祕法取之難得設使見之亦須更變化道士求仙此藥者當齋戒沐浴香湯帶此玉台五色神符所逢神芝隨意所欲諸神芝靈草皆有虎狼龍蛇大蟒百毒護之道士出入皆須帶則一切山神百靈皆悉隱沒轉視其人亦增加衛護

黃帝九鼎神丹經訣卷之五

黃帝九鼎神丹經訣卷之六

明神丹功能求皆有益之道

臣聞肖形天壤人最為貴限以速老則死善養則生生可惜也死可畏也是以道家至秘而重也莫過此長生之方也若長生之藥方法莫過此神丹之道也若此道修而不長生則古無長生矣夫生之在已其利實大論至貴賤雖爵為公侯不足以論比其輕重雖賞有封畿不足以易百年之壽三萬餘日幼弱則未有所知衰邁則歡樂無味童蒙昏老除數十年平和喜笑八九十日飈飛電激顧盼以盡今百年者萬中一焉假或終之哀憂迫擾所以上士之務先營長生事定可以任意不祈羽化取樂人間同彭祖之享年比少君之遐壽可以畜妻子可以居官秩無虧上下之節不失人理之微實感事矣然長生之道必資於樂樂之上者訣在神丹百不易之法黃帝所云而學者錯學求者妄求謂道在文字之方丹在生飛之藥率心按造百無一成此由神無方非神樂恚道之不成要道不書

故劉向不成於漢朝陶明靡驗於梁代自非聰明大智才堪贅務累歷勤苦積之艱危內解修身外善調鍊有始有卒不傾不邪不朝為夕待其成不坐而立望其効不廢敗於讒嫉不厭怠於時長受至苦於初勞成久視於終逸譬如人君理國戎將待敵外以武略剋定內以謀猷經緯故一人之身一國之象胃腹猶宮室也四支之列猶百官也神猶君也血猶臣也氣猶人也修身之道猶理國也愛其人所以保其國固其氣所以全其神全其神者不可使氣竭保其國者不可使人散人氣難養而易危難清而易濁也故審威德以保社稷割嗜慾以固血氣乃能有剋終義成長生之功百害却焉年壽長焉故欲與長生務內養之失理不免喪生比夫木槿楊柳易生之物倒之所生橫之所生之易者莫過斯木然埋之既淺裁未得久乍剋乍剝或搖或拔雖壅以膏壤浸以香澤而不免枯以其根朽不暇吐其萌芽津液不得結其生氣也人之為體易傷難養方之二物不及遠矣攻

毀之者非一條過剋剝劇乎挫拔精靈固於燃燬榮衛消於數用煎熬形器剋平和飲食失宜榮逸過度當風卧濕變起膏肓方託命於草木之醫或投誠於祭祀之助猶渴穿井於高阜若飢起耕於石田草木之藥何所補之神鬼之力曷能濟之若命可以草木延病可以祭祀除則醫人悉長生巫師永不病故經云不在祭祀事鬼神不在誓願多語言長生之道唯在神丹知之不易行之實難而學道之人少進多退競知者眾克終者鮮如井不達泉猶不進故非長生難聞道行之為難非行之難終之難也非至明不能察也非勤至不能學也若易得則漢武遇少君已得之矣易明則劉向按枕中已明之矣故黃帝登崆峒訪道夏禹封金簡於玉函或功就而上昇或道成而仙去事昭實法茂前修者長生之法唯有神丹以丹為金以金為器以器為貯服食資身漸漬腸胃雷流祭衛藉至堅貞以駐年壽然金之為物雖稱土寶優劣之品損益不同一者金帶毒生成必傷人也

二者鈔金之本性剛毒亦損人也三者丹金神化妙力致延年但上品諸石多含毒氣成物必致傷人譬如渴飲鴆漿飢餐毒脯欲益反損爲害實僂今時多士異人間出容成宦炎之日彭祖司主藥之年所見不同或未盡

- 善有金而不知去毒而不解成金縱其有成成亦無用若不精加詳擇一切無益時不可失不俟終日生前之一切唯有長生可重伏願聖聰管之與天地相畢九丹目開列如後
- 第一名丹華
  - 第二名神符
  - 第三名神丹
  - 第四名還丹
  - 第五名餌丹
  - 第六名鍊丹
  - 第七名柔丹
  - 第八名伏丹
  - 第九名寒丹

右九丹此略錄名其義解釋並在後卷耳

### 黃帝九鼎神丹經訣卷之六

黃帝九鼎神丹經訣卷之七八同

溫四

明守一閉邪及釜鼎丹屋

臣按昔黃帝受丹經於玄女訪真一於皇人故云長生仙方則唯有金丹守形却惡獨有真一以古人尤重焉仙經曰九轉金丹經守一訣皆在崑崙五城之內藏以玉函刻以金札封以紫芝印以中章此蓋上聖寶秘之法也夫人所以死者其害有六也一者損也二者老也三者百病所加四者毒惡所中五者邪氣所傷六者風冷所犯今凡欲却惡之者導引行氣還精補腦食飲有度與居有節欲服藥物思神守一帶佩符印不觸禁忌此可以去邪惡而杜不祥必不能延壽而消萬疾也若遇暴鬼任惡橫天疫毒之流行大藥未成則非此以却之矣譬除甲冑積藎室者爲兵爲雨也若時無攻戰天不陰沉則有之與無正同也若矢石露合鋒刃烟交則如赤體者之同若洪雨傾注素雪彌天則知露立者之凍也身疾未愈神丹未就年命未定衆邪未遣守一之道不可不知也入山守一則百

毒不敢近人不須諸法百邪自去其法如後爲其法在皇人三一法卷中故不抄錄

飛丹作屋法

先擇得深山臨水懸巖靜處人畜絕迹拖帶符印清心潔齋除去地上舊土三尺更納好土築之令平又更起基高三尺半勿於故丘墟之間也屋長三丈廣一丈六尺潔修護以好草覆之泥壁內外皆令堅密室正東正南開門二戶戶廣四尺暮閉之視火光及主人止室中以其竈安屋中心中央密障蔽施籬落令峻也舍若不峻不辟天大雨籬落亦然此皆舊法今意不然若嶮絕懸崖流水勝地既是深山不可多得人功恐只除其朽壞實以好土當釜下埋符訖堅築令實即後充符又丹經云欲令神丹當於深山大澤若窮里廣野無人之處若人中作必須作高墻厚壁令中外不相見聞其間亦可結侶不過二人至三人耳先齋七日沐浴五香致加精潔勿經穢汙喪葬之家往來耳

居山辟邪鬼惡賊蟲獸法

凡住山居止怖懼邪鬼當以左手取青龍上物折半置蓬星下歷明堂入陰中禹步步畢祝曰諾臯太陰將軍獨開曾孫某甲勿開外人使見甲者以為東新不見甲者以為非人即折所將草物置地於是左手取土以傳人中右手持草自蔽左手著心前禹步而行到六癸丁立閉氣而住令鬼不能見六甲為青龍六乙為蓬星六丙為明堂六丁為陰中凡合仙藥用四時主相日日辰不相剋見天晴日月精明氣色靜可起手

凡服丹藥時勿以天陰雪寒風雨大露五日服藥須在靜處得力大速服藥須慎口味五辛葷臭房中污穢臨喪視孝並大禁也此是狐剛子造大藥禁慎符室法庭前其室方十二步高二丈四尺南門著扉門前使有東流水東日西月表裏香泥泥之四方各作主丹符也於室中立五嶽三台西方壁下列立層壇置諸藥草及神丹經訣自錄並布於上即有生藥使者護之萬邪不能干也

作竈法

屋下中央作竈口令向東以好磚石繕修之以苦酒及東流水搗和細白土并糝臺泥泥之竈內安鐵三脚其脚器以生鐵為之佳以藥釜置三脚上訖使釜置在竈中央勿傾邪也四邊去竈壁各三寸半令竈出釜上二寸繞釜四邊宜恒下糠續火增之恐火之瀰弱不均也

五嶽三台法

先立五嶽形當中列三台以瓦器石壘之以香泥泥之諸經亦有作法若令鍊丹不能立五嶽三台即須符室符室中立竈四周廣七尺以瓦石壘之黃丹為泥泥表裏也

鐵鏡鈇法

量釜大小周圍一等著三脚高一尺六寸

土釜法

臣按飛藥合丹神器以土為釜不用鐵者古豈不知模立圖樣一鑄便成特以五金有毒不可輒用故丹大法未有一處用鐵器者又以上為釜其法最難毛髮參差藥總奔洩自古施功積累年歲終老而不成者莫不由此

物也古人重之不傳授然作土釜用六一泥者六與一合為七也聖人祕之故云六一

六一泥法

礬石礬石或鹽鹵鹹先燒之二十日又取東海左顧牡蠣赤石脂滑石凡七物或多少者自在搗一萬杵細篩下之以百日苦酒和為泥丸諸丹用者皆云六一亦有不皆七種各自有法唯有取牢密耳以左元放所授孤剛子七寶未央丸其泥釜藥乃用紫石英白石赤石脂牡蠣粉白滑石各二十斤為泥搗漚法亦妙錄付子六一數內唯用三味且六一之目雖充泥用論其功力堪助年壽礬石乃輕身堅骨增年不老礬石則明目下氣益肝止渴或鹽則能去毒蟲使堅肌肉鹵鹹則去藏中留熱除嘔喘滿赤石脂則益聖智不飢輕身延年白滑石則輕身年長耐飢止渴以此為釜直取釜氣之藥已有長生之功力焉故古人用之不无意全賴作釜先成赤土釜為骨體次以六一泥重塗之又以玄黃華傳之故編之其次第相類如後

作赤土釜法

取鷄肝赤土黃色者細搗絹篩蒸之從早至日中下之取薄酒和之為泥搗令極熟以作土釜三合六枚者正用數也又別作三合六枚者旁試乾與不乾之作也隨藥多少任意

作之通令厚五分許陰乾三十日小者容八九升大者容一斗半亦云厚三分曬燒極令大乾次用榭樹白皮三十斤細剉以水三石煮之一日去滓煎取一升其色赤黑名曰榭漆釜數若多隨數若多少加增塗土釜表裏即堅勁不破入火不裂此是神丹土釜秘訣

造丹爐六一泥法

取東海左顧牡蠣三百斤剉取肉于大鐵臼中搗絹篩于盆中水澆如白飲狀攪數百遍停一宿去下滓先傾却水也接取細淀曝乾

其下麤者更搗篩如前法納鐵器中加露竈上木柴猛火燒之二十日常與火同色寒之一日更以絹篩之以百日藥池和之為泥以羊鬃筆塗取以塗土釜表裏次取特生礬石礬石滑石赤石脂戎鹽鹵鹹各分等合搗不

篩亦燒之二十日乃分取向牡蠣粉合七種醋和為泥以塗釜表裏牡蠣粉可一百斤此七種各用二斤耳

中黃密固泥法

取好黃土如脂膩者曝乾搗篩水汰如作牡蠣粉法曝乾破之如梅李大槓火燒之三日令通赤如丹畢寒之更搗篩三斤納黃丹一斤紙一斤漬令爛以酒和黃阿膠五斤汁足以紙土為泥搗三千杵於瓷器中蒸之半日以塗六一泥上也

泥丹釜法

取赤土釜先以牡蠣泥泥其兩赤土釜表裏表厚五分裏厚三分陰乾十日令極燥又次以六一泥塗之厚二分表裏各厚五分也據此則是六一泥塗裏不塗表也

塗釜法

當稍塗十日中令厚五分耳塗訖更陰乾十日乃曝之十日此內外各厚五分於例亦薄只二十日耳

塗牡蠣法

亦當一塗六一之日數也

丹爐固濟法

納藥乾先以六一泥塗兩釜口乃合之乃以六一泥塗外際以漸增之乾燥復塗之令厚寸餘務令堅密也又以中黃神泥通塗上厚六七分乃佳封令釜形如覆盆此形當正絕卵形也此謂密固法若不為此則六一泥得大力其精皆散則裂疎疎則丹精奔洩也昔安期師廣成丈人三十餘年雖得丹經及法說眾訣而未傳此要九鍊不成重更請乞乃賜此神泥之要一合便成上昇太清也

臣按此說有理常疑諸丹用馬羊毛為泥毛得大便焦焦則其處空虛虛則泥不容藥氣洩出也更詳之所塗須泥極乾乃可起火若猶小濕得熱即坩亦可以也泥別塗他物如釜節度時作復到其別試之釜視之看其微裏燥與不燥亦可時試燒之以為釜候也此法最要前陰乾後須更曝之十日已燒之者訣須如是瓦物雖經陰乾數日後得火及必帶柔潤今泥中有醋潤是潤物必須塗小

釜數燒試之

行泥法

先塗素乃泥外別作欄格安處之并為尺度模樣知其厚薄若作圓規之取泥令調當於欲乾未乾之時恒以手摩將令就手乾不得

一直放乾宜停置停即拆開若天雨陰於屋中然大使暖日數既有准限不得待其自乾則失期候

和泥法

當令淖淖以羊鬚為筆取泥塗之當以灰沐洗淨鬚空管作數枚用之

用和泥酢法

和六一等泥直用好淳酢不須華池若作金沙當依諸經作之此不須也經云百日者不可不滿日也若得多日多年者彌佳

搗藥法

凡搗藥之細篩者好絹篩為佳不須研也

狐剛子仙釜法

取南方赤黄土澄沙惡物令盡調理使熟剛柔得所先作釜令深七寸廣一尺二寸勿令

際會不均四周不等厚一寸上下一等自餘丹釜亦准此作大小隨所藥多少並一時作訖著陰中乾一月然後作陶鑪內釜著中先文後武候也稍微罷火冷出之置淨室不得穢矣其釜不燒用時將息稍難也

狐剛子和釜泥法

紫石英白石脂牡蠣粉白滑石各一斤此是仙丹大藥釜也各異搗下篩然後和陰獸玄精汁為泥各團之如鷄子暴乾然墨鑪燒之十日夜火盡更蓋十日罷矣冷便團更納鐵日中各異搗令粉細以戎鹽下鹵鹹以水和令泥復和華池煎為泥釜乾更上之每上率以一分為度三遍即罷也土釜裏玄黃泥泥之每泥一遍厚只一分最是神妙常者視泥上勿令有毛髮開裂謹固使密為要耳

作仙釜中玄黃藥法

狐剛子用玄銀十斤鈔白一斤三轉鉛黃華五斤藉覆升置土釜中猛火從旦至日沒鉛精俱出如黃金名曰玄黃一名飛輕一名飛流取胡粉亦鐵器中熬之如金色與玄黃分

等搗萬杵和以左味搗令成泥也

右此仙釜泥藥等法非九丹正訣所用臣以各試是至妙故存之一切別法莫過此最上耳

黃帝九鼎神丹經訣卷之七



黃帝九鼎神丹經訣卷之八

明化石為水并硝石法

明化石序

臣聞凡合大丹未有不資化石神水之力也此水之法雖自黃帝至於周備則是八公三十六水之道也八公者漢淮南王安之師劉安者漢高祖之親孫其父厲王也於時天下貴人莫不以都邑畋獵犬馬為事也王獨愛仙道偏崇祕術論仙之道聞有變化道術之士雖送千里卑辭厚幣請致之莫不集之如雲數千人也所撰內書二十一一篇中篇八卷鴻寶方三卷而又布遠近遂降八公感之願為之師也初門吏不納八公公現以老少之質門人以聞之王足不暇履肘步而前延公登思仙之臺設錦綺之帳進金玉之机執弟子之禮請長生之訣八公曰修學仙道先作神丹乃可長生不死耳我能煎泥成金凝汞成銀水漬八石飛騰流珠轉化五金凝變七寶服之者能乘雲龍浮遊太清出入紫闕宴寢玄都矣此是雲騰羽化之妙事也王宜

修之安重叩頭流涕乞長生之訣公遂哀矜授五靈神丹上經及三十六水法與安安即登壇立盟歃血跪金以受神丹方起爐火也遂獲藥成安為五利所譖於帝帝怒乃違宗正執節收安八公難曰阿安今可去矣夫有神仙之籍者謀之者死犯之者滅門其五利未幾是八公言也謂安曰天遣如此王足為恨公乃與安登山大祭即日昇天所踐大石人馬之迹千古見存焉是以雞鳴天上犬吠雲間矣

昔太極真人以此神經及水石法授東海青童君君授金樓先生先生授八公公授淮南王劉安安昇天之日授左吳左吳者安所念也臨去告左吳曰欲求長生當作神丹神丹若成恣意所為也然此諸仙傳神丹乃是五靈神丹也合之謹慎棟藥石亦與九鼎相似至於功用乃劣於黃帝九鼎神丹力但化石水法出自八公故具列由致如後

黃礬石水法

不得礬石水其毒不盡今作按諸法皆以五十日成存古依舊日數不輒加也取礬石一斤無以馬齒者盛於青竹筒中薄削其筒表以硝石四兩覆薦上下係漆固其口納華池中四十日成水以華池和塗鐵鐵銅色諸法皆用每十筒得半許水計藥數作之加石膽三兩者

又法礬石三斤置生竹筒中薄削其表以細約筒口埋之濕地五日成水

又法先以薄酢浸礬石令泡漚乃盛之以硝石二兩漆固口埋地中深三尺十五日成水

玄珠法

礬石一斤石膽三兩薦覆上下納筒中以漆固口納華池中五十日成水三法同用玄珠一之

三精六液法

白礬石一斤納青竹筒中薄削其表以硝石二兩覆薦上下漆固口納華池中四十日成水矣

又造九鼎神丹第一之丹丹華之法先作玄

黃訖即須雄黃水丹砂水和玄黃竹筒中薄削其表

為百蒸九飛法

雄黃一斤納竹筒中即加硝石四兩漆固如法納華池中四十日成水

又法用硝石二兩塘喙盛苦酒筒內中塞蓋埋中庭入土三尺二十日成水其水甘美其色黃濁也

作丹砂水法

丹砂一斤納生竹筒中加石膽硝石各二兩塘喙盛苦酒筒內中覆蓋埋中庭入地三尺二十日成水其水甘美其色黃濁也

又法丹砂一斤納生竹筒中加石膽二兩硝石四兩漆固如入華池中三十日成水

又法加石膽硝石各二兩塘喙盛埋如上法三十日成水其味苦其色赤

臣按鑿石雄黃丹砂化之為水一依八公三十六水正經其法皆用硝石乃成之又化丹砂即須石膽諸大丹中有戎鹽當今四海清通諸藥皆足唯硝石一藥不能得之俗人乃

有真假硝石成水者亦有假以別藥合成硝石仍云變化成者其力乃神臣竊尋究其方必恐不及真者故疏出假以別藥合成如左

假別藥作礬石水法

礬石三斤搗末以桑新木盤一面取炭燒淨地可盤面經宿燒之以苦酒灑熱地上布礬石末可盤下合之著地四邊以白灰擁之待地熱盡去四邊灰開盤取著上者出羽掃之納三斗苦酒中率一斤華料一斗苦酒漬之七日急用大好待一百日始大佳也作法斤兩與苦酒如前臨時任人

作朴硝硝石法

假別藥成此謂芒硝石也非硝石也取朴硝硝石無用擣篩麤研以暖湯淋朴硝取汁清澄者煮之多少恒令減半出置淨小盆中以冷水漬盆中經宿即成狀如白石英大小皆有楞角起作之勿令汚若雜人臨視則損精氣變化不成唯換冷水漬水盆中成即疾也

假別藥作戎鹽法

用明淨石鹽多少安在鐵器中復鎔使沸投於白礬石末中復鎔投著鹵鹹中復鎔投著乾鹽末中覆之如是三鍊成戎鹽也變化與真同不異也此鹽衆藥之主若作五色神鹽五帝精投之即成

假別藥作石膽法

青礬石二斤黃礬一斤白山脂一斤大鐵器鎔鍊使沸即下真曾青末二斤急投攪瀉出作錠成好石膽看礬石等剛鎔不盡即投曾青末和苦水使相得瀉著礬石中消鎔瀉出作錠亦得也

假別藥作硝石法

石脾一斤朴硝一斤芒硝一斤三物各搗研作末取苦水三斗於銅鑪中煎十沸即下三物末煮之半在澄取清緩火煎之文圓起即罷瀉著瓷器著冷水中漬經一宿即成硝石如霜雪成如凍凌以水投之立即為水復以火煎之文圓起還瀉著器中還以冷水漬之即作硝石如此之轉鍊之其力即微不得纖

五十四

十三

五十四

十三

處作又勿使風日觸之其石脾者陰陽結氣五鹽之精因礬而長託石而生峨嵋山中有之俗人無一識者所處小人亦不見唯有求道之士時須要用也古人以四方分隔竟不可得使作代用乃勝真者

假別藥作石脾法

真白礬石一斤戎鹽一斤二物各搗末取苦水二升著銅鑪中煎四五沸即下二物煎令半在以物除却滓後煎令盡即鑪中沸沸起石脾色白如雪用此作硝石無不効神驗之道畢矣

彭君曰其硝石戎鹽石膽芒硝真者雖有陰陽正質作者變化効効乃神若有求仙不得此道徒損萬金終無一就其石脾一種流俗莫能辯識所造之代用并出其性庶以濟事葛洪長生之神藥効變化道極寶重者莫先此訣也洪今探錄示之後同志非其人乃至父子萬金不傳耳  
太一曰余聞三十六水患在硝石黃白之中礙乎戎鹽今具得之道無以妄傳之後學共

實守勿示非人

假別藥作東野硝石法

此藥入河車用不關丹所用也恐合鍊之際見現俱別藥成謂便通用今故別疏出唯入河車若作河車此硝石其藥無力今作之法取國鹹末五斗取三年不食井水七斗半煮之十沸瀝取清三斗加芒硝十兩煎至一斗再以朴硝二斤末之投此汁中朴硝皆消乃下火澄去滓取上清煎令水盡皆著器中霜雪即成矣用此合河車乃諸藥皆有効驗耳  
諺曰言東野者東野鹹味所出河東之地也  
河車法中言晉硝者是此東野物也此東野法亦是太一於元君邊聞八種硝石法中一法也行各偶對不得錯以河車之藥誤者是神丹之硝石也

速成水法

孤剛子注珠經末云其神泉亦中

諸水法

自有正本三十六水方更無別作若欲令神泉速成即須著華池甕放甕上鐵圈承底以

馬通火若煉火去甕底七寸置筒於甕中溫之七十日恒令纒溫好謹伺候若作諸金石之水盡者中同作無妨合此藥人不過二三必著新淨衣不得血食在旁即觸藥精服之不得道矣切須秘慎之神泉就變化難識此謂上聖之功力

作三轉酒法

用赤黍米一石醱如酒法待熟神取用漬麴二斤經三日許後炊一石黍米令至爛更和乾麴末一時納著甕中封口三七日成兩轉復取其壯荆根蓋合其中微火煎之令可五斗許即去滓更用七月七日神麴末和之一時入甕中封口還三七日成也可鍊諸毒能令剛者亦變為柔此名三轉酒  
又三轉壯荆酒大丹所要能柔又能去銀毒與黃礬相資成因也好弱不卑備金與水銀等毒不可輒盡所以凡作九轉九鼎大丹必須先覓三年淳醴大酢其味驗重謂之左味投藥和釀轉作硝石華池水又別須作金藥華池金藥華池以驗五石之精令精不揚又

須別作三轉黃白左味煮泊水銀仍須轉此轉更投五莖華池若不得五莖華池煮伏水銀餘並非正法但杜荆三轉好酒及諸華池并諸石水有一或闕無以成煮鍊之功也煮鍊不了毒則未盡急重爐鼎其丹食毒不堪

服也然此其毒諸物不得硝石必無成理故先須得真好硝石與朴硝相似奇難別識若得者必須試作雄黃雄黃丹砂礬石等水者是硝石也按硝石味苦辛實無毒其五臟積熱腹中止熱止煩滿消渴利小便久服輕身天地至神之石一名芒硝出益州山谷及武都隴西西羌株無時節

陶隱居云主療與朴硝相似經多用此硝化諸石竟無正別識者頃來奉訪猶云與朴硝同山所以朴硝硝石名朴硝也如此則非一種也先時有人得一種石其色理與朴硝大同小異舐舐如握鹽雪不殊燒之紫青烟起仍成灰不停沸如朴硝者云真硝石也一名芒硝今芒硝乃是鍊朴硝作之與皇甫說並亦未得窮研其驗功當文證記耳

化硝石法三十六水方

隴西屬秦州在長安西羌中今鞏昌以北山有鹹土處皆有之皇甫士安說方無朴硝可以硝石替之硝石生山之陰鹽之膽也取石脾與芒硝以水煮之一斛得一二斗正白如雪以水投中即硝石其味苦無毒三月採於赤山朴硝亦得水即消主療與硝石小異按此說即是芒硝煮成真硝石但不知石脾復是何物皇甫既是安定人又明醫藥或當詳鍊之今益州人乃鍊礬石作硝石雖服柔白而味猶是礬石也

孔氏解散方又云熬鍊硝石令汁盡沸定如此硝石猶是有汁也今仙家所用硝石須能化石為用於理未盡又朴硝生於益州故泱山郡西川靈陵二縣界山崖之中色多青白亦雜異斑時人擇取白軟者當硝石用之燒汗沸出狀如礬石也仙經數云硝石能化他石今此又云能化石必爾可各試之此朴硝經云化七十二種石鍊之如白銀服之輕身神仙已有寒熱溢滑辛苦鹹酸八種又更能

化石即此朴硝之功何異於硝石也訣曰硝石難得好者不好則不能化雄黃丹砂為水也若得真物少先出數兩硝石試化雄黃及他石視之成與不成若不能化石者不可用非真物也形極似朴硝小虛軟當先以一片子置火炭上有紫烟出仍成灰者為上若沸良久者由是朴硝也難得其真亦宜必須先作雄黃丹砂水試之不然不可定也

黃帝九鼎神丹經訣卷之八

黃帝九鼎神丹經訣卷之九十

卷十

溫五

明用金銀善惡服鍊方法

臣聞金銀二寶能鎮心腑所以狐剛子服玄珠法以之為鈞留也然金之善惡不可不擇若銀雜則其色青黃若金雜則其色紫赤燒之有黑煙在肌上並不可用也若好金者其色黃赤百鍊不耗求雖得之猶應打為薄依俗間法以鹽土炮之一日夜又出之更鎔更打炮燒取不耗乃止是知金以欲用不可以市得之物即住服食也古者狐剛子作七轉鍊金粉法皆用鉗金今合神丹亦宜鉗金新出者為上凡服金銀金銀多毒必須鍊毒盡乃可服之是以狐剛子立五金盡有毒若不鍊令毒盡作粉假令變化得成神丹大藥其毒若未去久事服餌小違禁戒即反殺人是故狐剛子其有出金鉗圖錄今取其要者列之如左

凡金鉗或在水中或在山上水中者其如麩片基子棗豆黍粟等狀入沙石土下三寸或七寸此為水南北流金在東畔入沙石土下

五寸或九寸此謂水東西流金在南畔生皆是第一上金也山中者其形皆圓根脉向陽入地九尺或九十尺雜沙夾石土而生赤黃色細膩滑重折之不散破以火消鎔色白如銀以藥攪和入八風淘石鍊成之此謂山

東西者金在北陰中帶水雜沙挾石出而生深淺如上也入雜沙挾土下根脉向陽或七尺形質如上此謂山南北者金在西陰中生也此謂第二金也變白攪和入八風爐淘石鍊如上其金鉗若在水中或在山上浮露出形非東南西北陰陽質處而生大小皆有稜角青黃色者盡是鐵性之鉗其似金不堪鼓用

出水金鉗法

用甘土作鍋火煉使乾用松木炭置鍋爐中即下金鉗搗中即排囊火炊之使即下鹽末合攪看鎔盡以荆杖掠去惡物更下鹽末更攪掠去惡物盡瀉脂膜中出入打看若散裂即以鐵醋濾為屑和牛糞灰鹽末等分還用牛糞灰中養之還沙取更鎔打看若柔軟即

打使薄用黃礬石胡同律等分和鎔和泥塗金薄上炭火燒之赤即罷更燒如此四五遍即成上赤金以餘藥投之別作方法者而皆是不實故淫人耳若欲作金薄金泥塗飾物者即更鎔金一斤與石流黃膏等分一兩入搗中合攪即柔軟隨意打用之若一遍入牛糞灰食鍊猶不好者重食鍊即惡物無不盡

後灰坯食錫金法

黃礬胡同律鹽等分和醋煎為泥今此無鹽及醋直言鎔之出山石

金鉗法

金精石膽朱砂雄黃石硫黃朴硝礶砂白礬騏驎竭等各二兩唯騏驎竭研作末瓷器中以醋浸之著糠火中勿令沸即爛從辰至未出用蜜陀僧紫石英已上各五兩鹽一斤凡十二物藥各擣為末別用水銀八兩於小銅鑪中以醋沃水銀鑪下小猛火別鐵器中鎔錫瀉著水銀中即合相得看醋欲盡更添一斗如此盡二斗罷矣即取諸藥著瓷器中并

水銀一時與藥合研半日成藥也即取細膩  
 錘打令使碎如黍豆等十斤錘與藥二兩與  
 黃礬石末十兩相合入八風沃爐中用檉柳  
 木炭剛柔兼好裝錘勿使不均即火不徹盡  
 火力止若錘熟即停如不熟更一遍入爐即  
 無有不熟者用沙盆中精沙取熟金如麩片  
 或如細沙糖屎自與金別沙託取牛屎灰一  
 斗鹽末半升與二兩熟金沙一時和攪以玄  
 精水和團如雞子煉乾還入牛屎火食之若  
 好一遍即罷未好更一遍入食沙取燭中消  
 之瀉脂膜中打薄用胡同律黃礬石等分醋  
 和塗薄錠燒出色一如水錘金法即成上金  
 若作薄泥塗飾物者還依前法一斤金黃礬  
 曾青等分一兩燭中令鎔攪即柔軟隨意打  
 用矣若錘金稱无楞角者十斤錘加前藥一  
 兩黃礬石末加前十兩无不得者若錘非真  
 體物強鼓造徒費功也藥力得星化氣消即  
 為鐵悔終无銖兩真物可得其藥分中麒麟  
 竭不可得者以紫錘代用亦得矣


次作八風沃爐形樣



作鍊錫及坯爐法

先以甘燭中鍊鉛錫二十通用三斤鍊錫著  
 熟鐵鍋中鎔使赤沸即納金錘碎者一斤合  
 相得掠去糖屎瀉出別鍊殺熟炭以土壘壘  
 作方爐其中安鍊灰作坯模以金錫著灰坯  
 中上安鐵鏟上布剛炭火于爐上用一孔于  
 爐前開一小孔候之須更錫與金雜物相利  
 取其金狀似銀即以熟雌黃和好酒銅器中  
 煮之殺之還復本性若不徹好者即打薄鍊  
 食出色一同上法真錫鍊訖著鐵鏟上以胡  
 同律黃礬石鹽等分和醋煎為泥塗金錫錠  
 上用牛糞火四周壘之干錫錠上用牛屎火  
 四周食錫盡唯金在取著熟銅鎔中以黃  
 礬石和鹽煮之半日許出鎔作錠總看食  
 鍊用藥斤兩一同上法也

此是鍊金灰坯形樣



錫投牛脂赤土中又投蒲桃汁芥子中又投  
 梨茗灰汁中又投黑鹽定白酒中又投浪宕  
 子胡酒中各七遍即好

作赤鹽法

黃礬石一斤石鹽八兩並搗作末鐵器中消  
 鎔看色赤足即停下成赤鹽研為末用瓜子  
 曰其藥分中金精曾青朱砂雄黃若不鍊殺  
 用之者徒費千金无閏金之分毫也石膽亦  
 須鍊取精華用之金精曾青二物一種于瓷  
 器中以三轉左味漬之二百日出暴乾研搗  
 甚可用朱砂雄黃二物瓷器中以好春酒漬  
 一百日出暴乾研令細甚可用

鍊石膽取精華法

以土壘壘作兩箇方頭爐相去二尺各表裏  
 精泥其間旁開一孔亦泥表裏使精煉使乾  
 一爐中著銅盤使定即密泥之一爐中以炭  
 燒石膽使作烟以物扇之其精華盡入銅盤  
 爐中却火待冷開取任入萬藥藥皆神狐  
 剛子金爐之法都有六種隨錘性隨多少用  
 一爐即得不須盡作虛費人功矣今以二法

最勝具圖如前

出鉗銀法

有銀若好白即以白礬石硃末火燒出之若未好白即惡銀一斤和熟鉛一斤又灰應之為上白銀

作灰坯火屋中以土整作土增高三尺長短任人其中作模皆得坯中細鍊灰使滿其中以水和柔使熟不濕不乾用之小抑灰使實以刀鉸作坯形灰上薄布鹽末當坯內鉗各以黃土鍊覆上裝炭使訖還以整蓋爐上當坯上各開一孔使大氣通出周泥之坯前各別開一孔看時時瞻候以鐵鈎鈎斷糖屎使出須更火徹錫鉗沸動旋迴與銀分離錫蓋銀不復動紫綠白艷起艷起以杖擊少許布水濕沾之其銀得冷即起龍頭以鐵匙按取名曰龍頭白銀


作土爐灰坯形樣



作漏錫灰坯爐法

先打鐵坯大小在人其間參差開孔孔容箭筈孔多唯甚怕差土增土增中如似寬形鐵坯中薄布鍊灰極抑之以刀鉸使高下均平還布鹽末覆鍊裝炭鈎爐屎瞻候節度一同前法唯鐵坯下多著猛火使錫分離下過速疾耳

次作漏錫灰爐法



孤剛子云出銀鉗爐凡有三法看鉗多少作一爐用即不須盡費功力今取要者二法立樣如前

却收灰坯中錫法

取銀訖急以油脂和石硫黃末從出銀孔中瀉脂令入灰坯中看焰火起即以鐵條從鉗下孔刺之急攪灰中錫還出流下為團矣

蒸鍊食銀灰坯中灰法

其出銀灰必須蒸淋去滑汗錘打使令甚熟得銀倍多灰鍊不熟得銀倍少中道裂破錫

還倒土漫却銀也會須精打甚熟燒祭灰之好炭灰亦得

作銀鉗藥法

生雄黃 白石英 硃砂 戎鹽 石膽 白礬一七上各青礬十兩

訣曰出銀藥特云用生雄黃若依出金鉗中所有雄黃即同鍊丹砂法鍊之明知雄黃即無定性生用發銀色也熟用發金色也凡此七種藥各末取水銀四兩錫二兩小鑄中以醋沃水銀鑄下猛火別鐵器中鎔錫瀉水銀中相合煮二斗醋盡罷矣出著窰器中取前七種藥一時合研令相得看灰坯中錫不動文圍起即以此藥如棗等散著中錫須更動文圍不起得錫甚疾

全銀用炭法

全用檉柳木炭松栢石炭土壘木炭乾斗糞等逐堅濡性以火出之唯冇柴木似檉乾之直用燒金鉗金即流出用功甚少得金最多銀銅鐵一種用剛木炭錫用松木燒之亦得剛炭出亦得

作出銀色藥法

取蜀地白梅子烏梅子搗之使熟銅器中以水一斗梅二升醋一升鹽末一升一時煮使極熟取銀先打薄者著炭火燒赤以木杖壓著梅漿中承赤入漿也更煮之更燒更入可半日莫問好銀表裏盡白矣火燒不異復有一種出色法直爾取淨者用硃砂和水燒銀著中銀即白色矣

柔前所出上金法

消鍊上金淬於荊酒中十上下因漬曬其荊酒中一日即柔潤若以作金液者先應柔之為上矣

鍊金法

取未經用者甘竭消投好清酒中三百遍即不沸握之堪指間出名曰鍊金但能精心鍊餌者亦昇太清鍊銀亦同以此柔質打為薄作金液用彌良

鍊金銀法

消新出鈔金銀投清酒中淳醱中若真釐中二百度皆得柔潤握之亦出指間直漬之多

日亦堪服餌爾消投猪脂中二百遍亦得成

柔金打為薄細剪下投無毒水銀為泥率金一兩配水銀六兩加麥飯半盞許合水於鐵臼中搗千杵候細好傾著盆中以水沙去石詳審存意勿令金隨石去以帛兩重絞去半承取殘承泥置瓷器中以白鹽末少少漸著研令碎著鹽可至一盞許即止研訖篩麤物更研令細物置土釜中覆薦以鹽末飛之半日許飛去承訖沙去鹽即自然成粉以此金粉一兩和鍊丹砂五兩丹砂取光明映徹者以上醋微火煮之數添勿令醋竭宜用鐵器三十六日成也鍊訖仍搗研以水烹取細者和棗膏為丸

造棗膏法

大乾棗三升以水六升煮之令棗爛又納三升水更煮合用九升絞去滓清澄之令得三升乃納好羊髓六小合微火更煎如飴乃此膏亦可長服令人填滿有美色可分為三計九日服一九亦云以此膏合前藥丸如小豆日三服經三十日無復寒暑役使神靈金柔

無毒雖加少多畏也銀亦同金法其劣金取壯荊根煮汁釀赤黍為酒以漬金亦消化其金屑入漬以雄黃納此酒中亦消也何但宜柔金

又法取好磁石能引鐵者碎之淳醋漬之出之又漬卒出之更好搗篩取金屑無毒成鍊陳著手中磨之立消石水服一藥汁日至再不飢不渴長生久視

臣按金粉金水方服之五兩以上雖亦壽同天地然尤禁房室又忌食肉精心鍊行貴在山林此匹夫之所尚非萬乘所重豈比太一金液之藥

黃帝九鼎之丹須昇即昇須住即住无妨妻子不廢官榮者也

黃帝九鼎神丹經訣卷之九

五

十



黃帝九鼎神丹經訣卷之十

明鍊藥禁慎陰陽制伏

臣按彭君曰古之聖人皆以丹藥保骨長生後之學者以丹藥朽骨害命所謂今古不同也此由古人淳朴殊深末代流浮不得真訣雖有好生之始而無久固之終不自調鍊其心焉能調其藥性也假有古注經法據而合作雖似丹藥其毒不去服之即死故云害命臣又按彭君曰但耳中雖聞金石等藥若不先飛伏火藥即有烟散失無定滓在精華去驗何所憑是以皆須先伏火也臣今訣之夫神丹者上品石藥粹也至如朱砂打破其光洞徹曜目是其精也譬道之杳杳冥冥其中

雞散有後呼之法藥失無却收之理故云唯有蘊滓無復精微精微既無以何變化成神丹也

鍊藥使不散法

凡鍊諸石破之如豆或如碁子或作麻米以絹袋納鐵鑪中以酢浸之纔令沒藥使人謹守伺候減即著火而去離鑪底五寸其火勿偏過底平撥藥氣上抽微抽端直火極則氣奔亂火弱則其氣停使酢溫和勿令洋溢常如人體冷暖即調故經云一切飛鍊皆當溫熱不甚湯人手藥即白雪是養法之謂譬如春陽之月萬物發生皆因和暖萌芽甲折若清明以度雨水以時百卉滋榮潛增青翠不可以因水而長浸之以寒池不可以因暖而生燻之以烈火不以樹條不直極而復栽不可以根芽不淨洗而還種則津洩斷絕其生理浸潤先適于時和如鑽火之人將乘熱而頓息厭寒之士投沸湯而取暖俱失生遂之節咸乖鍊養之道訣以斯道盡矣

即合諸藥訣即合丹不問大小皆即成就服之皆仙諸求大道大藥不得此訣終自勤苦徒費萬金白骨狼藉者

臣按易云二女同居曰華乾坤文會曰泰故天地氤氳萬物化淳男女媾精萬物化生陰陽不測之謂神一陰一陽之謂道故能陶鑄萬品挺殖生靈此並造化之神功陰陽之妙力神丹秘要亦同此義太陰者鉛也太陽者丹砂也二物相生成其大藥九鼎之法長生之道原始要終莫不皆以丹鉛二物為主也故真人歌九鼎第一定外丹之華曰父在神山母在河本在南越亦在巴出于武陵會長沙先祖昆弟豫章家道士將我遊五華子明配鉛與赤蠶變化生彼玄黃多流珠熠燿內懷河合彼雄水及丹砂轉相會合成一家杜蠟赤石使不邪霜雪紫色色忽若華後若相感兩性和日暮復動不滅佳嬉戲光彩色勿華陰陽今會系不過二氣生子加積沙鷄羽掃取土龍和一鉢一斤元少多食以黍粟飛相過坐觀天地遠見遐忽然萬里渡江河以龍

為馬雲為車光同日月所欲何諸大賢聖相  
 對羅雲蓋迴駢轉蝦蟇伯牙鼓琴玉女歌青  
 腰起舞悲相和由身服食丹華邪氣不生  
 疾不過即得久視言無他此真人之至言也  
 又孤子歌云卓得陰陽精氣常青石得陰陽  
 精氣常形天得陰陽精氣常生故化萬物者  
 莫不以陰陽為父母也陽氣為天陰精為地  
 天氣為靈地精為寶二物成丹服之長生又  
 五石者丹砂太陽之精也磁石太陰之精也  
 曾青少陽之精也雄黃石上之精也感陰陽  
 之正氣配五方之正位能相制伏無所發動  
 調鍊去毒故能令人不死者也  
 又伏鍊水銀要用陽月陽日陽時假得餘法  
 失此是即毒亦不盡但問三陽雖失小法其  
 毒亦盡鉛汞者陰陽精也若不得此三陽時  
 日月陰氣之精不可制也黃白者太陽之精  
 氣也左味者朝陽之津洩也金賊者夕陽之  
 筋髓也用三陽之氣味以制鉛汞萬無不盡  
 俗不解此耳和合服即煞人不可不慎直用  
 酢者之去道愈遠矣此並陰陽相制之義也

鍊藥禁忌法

凡鍊一切藥石經云皆齋戒忌婦人六畜喪  
 孝產乳  
 臣按真人飛丹忌愚人女人小兒嫉妬多口  
 舌人其不信道者知之見之神藥不成勿令  
 婦人朋友賓客在藥邊過欲得家靜隱僻無  
 人聲無人處深山石室之中神藥一成舉家  
 仙矣  
 臣按黃帝一千二百女又未升仙之時於荆  
 山之下鼎湖之上鍊九丹成乘龍登天于時  
 鼎火之間事資人力侍執事者豈非女人近  
 臣乎  
 又按昔漢黃門侍郎程偉好黃白術娶妻  
 乃知方之妙也偉方扇炭燒火筒中有水銀  
 偉按披中鴻寶作金不成妻曰吾欲試作之  
 一兩乃出其囊中藥少少投之食頃發之成  
 銀偉大驚曰道近汝處也而不早告我何哉  
 妻曰得之須有命者偉設百計逼之欲取其  
 法妻曰告偉言道而合傳雖道路相逢付之  
 若非其人口是心非者雖寸斷支解猶不出

也偉復感憤不已妻乃發狂裸走以泥自塗  
 遂卒死以化去由是言之丈夫成道不能在  
 婦人之先也故玄女素女青腰女西王母等  
 皆婦人之仙者也  
 又天上真人以玉女為儀使也故曰玉女者

凡人之女服藥而得仙是以黃帝九鼎神丹  
 真人訣云凡合神丹法欲得真素容好髮  
 色調心腹唯信道者與師共傳丹祭之曰玄  
 女也欲得不死與師一志欲得度世與師同  
 契欲得昇天二十四賢共同金經未得仙路  
 又經云合丹不過三人合煮鍊之功未入神  
 鼎故不即拘嚴禁也消息火作恒須調適若  
 非直心顯性細意小眼口无擇言身无擇行  
 不躁不妬不諂不邪不可預于此役也若刑  
 餘之人六根不具耳聾眼瞎癩瘡殘雖有  
 景行亦不堪也

市藥法

常于福德地坐立勿與人爭貴賤勿買凶服  
 者物當以收執日仍以子丑日沐浴先齋七  
 日乃推天德法正月起未二月起申以順行

四五

十四

四五

十五

十二辰也推日福德法甲日德在申乙日德在庚餘做此市藥

黃帝九鼎神丹經訣卷第十

黃帝九鼎神丹經訣卷之十一同卷

明水銀長生及調鍊去毒之術

臣按昔葛洪晚充鄭君門人也他弟子皆親雜役而洪冠羸不堪勞苦無以自効常親掃拭塵墨執燭及為繕寫故書而已鄭君謂洪曰讀書卷卷而有佳事但當校其精麤擇而施行不在盡誦誦之以妨日月而勞意思若金丹一成則此輩一切不用也然丹之要者水銀是也

臣按凡水銀得涪陵符陵自在流沙水中青

白色者最佳此水銀似錫甚柔軟氣中蒸之亦消此物不可得化汞金銀唯此為良然以

朱砂化為水銀亦不惡也天生者代絕也

臣又按丹砂水銀二物等分作之任人多少

鐵器中或甘竭中於炭上煎之候日光長一

尺五寸許水銀即出投著冷水盆中然後以

紙收取之

臣又按以生竹筒盛丹砂若朱砂埋著地中

以雲母覆口與地平筒上僅可三四寸土覆

之以糠灰燒之再宿三日成水銀也若未成

更燒之再宿三日成水銀也若未成更燒之再宿三日成水銀也若未成更燒之以成為限此法一斤砂還得一斤水銀若銀折上減二三兩市中之物恐雜如此等色物長生之所出者復須以藥成之故非自作不堪

臣按本草水銀味辛寒有毒主去瘡疥癰墮胎辟風殺金銀銅錫轉鎔化還復為砂久服神仙不死一名汞生符陵平土出於丹砂畏磁石今水銀有生有熟此云生符陵平土者是出朱砂腹中亦別出砂地皆青白色最勝

出於丹砂者是今燒麤末末砂所得色白濁不及生者其能消化金銀使成泥入以度物是也為還丹事出仙經酒和日暴服之長生燒時飛著釜上灰名朱粉俗為水銀灰最去風也

臣按孤剛子云凡出水銀有三種法一名雄承二名雌承三名神飛承用各有別作亦不同神飛一承偏易伏火雄雌二承伏火稍難

若欲昇天騰虛長生久視當用雄承若欲作水液召鬼神當用雌承若欲變化鋼鐵迴換

五金用神飛汞各有所用不宜雜俗人不知錯亂所作不成達聖人方書無効審而用之所作無差此之一藥道術之本慎勿輕傳乃至萬金亦所保矣此法俗無解者見粉圖者少和意況故此法真人所保秘而不傳黃金百石明珠萬筐亦不傳此法也若得此法視寶如土何用百石萬筐唯實詭長生愛慕仙術者歎血分鏹重立信誓乃可略而出之

雄汞長生法

取朱砂十斤酥一合作鐵釜圓一尺深寸半平滿勿令高下不等錯之使平以為釜竈亦令平正然後取青瓷口與釜口相當者四枚以酥塗釜安朱砂於中其朱搗篩令於釜中薄而使酥氣然後以瓷合之以羊毛稀泥泥際口勿令泄氣然腐草可經食頃乃以軟木柴然之所為段木楊柳木不蟲不腐者也綿淹水數數漬之備其燥不圻難乾也放火之後不得在旁打地大行頓足汞下入火矣從辰至午當下之待冷或待經宿以破毛袋取著新盆中以軟葦皮裹新綿三四兩許好

急堅縛如研米槌狀於釜中破之安穩瀉取盡罷矣其粉別裹掌之為六一泥最秘其燒汞之人多食猪肉及酒若不食者汞氣入人腹中五臟塞不能飲食久久傷人慎之好朱一斤可得十二兩中朱十兩下朱八兩此法可寶不可傳初用腐草可十束

鍊雌汞法

臣按若作此汞用猪脂一升和朱砂十斤為泥以泥釜中若作神飛汞用朱砂十斤吳黃礬一斤梔子四十枚石鹽一斤鬱金根一斤胡同律一斤各異搗下篩以牛糞汁和之為泥泥釜厚一寸蓋固際柴草燒已收拭一如上法唯牛糞汁宜以十二月預收貯之臨時用以暖水浸漬搗綠取用若以春月牛糞草青力薄也方言陰獸玄精汁者牛糞汁也方言聖無知者即赤石鹽也方言屈原素者是胡同律也方言黑膏孫肥者即猪脂也臣今法擬供奉所以不舊錄也他皆准此

淨水銀方

水銀一斤以帛兩重絞去滓以白鹽三升和

之輕手搗之令汞白可住以鐵器熬令烟出即休入者所為接候烟出以三年大醋三升中煮之微火煮之盡一石滿七日觀候其驗若加藥物擬入大丹亦皆此淨法也以醋和鹽下有證用油蜜醋和之義是也

擇時用藥制水銀法

臣按水銀有毒鉛配太陰終不獨行行必為偶若無制伏二毒難消所以擇三陽之時用三陽之藥以制鉛汞萬無不盡俗人不解羸心率意只爾和合服即殺人直用醋煮去道逾遠故三陽時奇日奇時也即謂方家九重五月五日七月七日之義是也三陽藥者即謂太陽之精氣黃白是也朝陽之津液左味也夕陽之筋髓金賊是也差此藥味失彼時節雖萬法治鍊猶毒不盡故伏火水銀方云用三年大醋納礬沙末百日煮之又方云用黃礬沙流黃是也白礬砂二物等分醋中煮汞三七日觀試者伺候力強弱又方云用油蜜醋和鹽微加硝石煮汞又加少胡椒粉汞即白如銀雪堪鑄作餅欲入諸大丹藥屑末入

飛加也又方云以鐵器中以上醋微火煮之數添勿令竭三十六日不凝更煮滿百日已來凝下之又方云取上承納鐵器中以淳苦酒泊承上微火煮之其苦酒消更添之恒令不竭三十六日以承凝乾可用不爾徒自苦也又方云一切調鍊皆當恒令熅熱不甚湯人手藥即白雪比等諸法並隱黃白左味之言其將養節候亦有可採故不棄之仍引正訣如後

### 孤剛子伏水銀法

○水銀二斤水銀以金屑銀屑藥醋煮之云黃。味三十日三十夜好伺候勿使汁盡即凝白如雪若欲為丹各依三十六石水煮鍊所用其毒未盡去毒入釜立為丹若不凝更煮以凝白如雪為限所造神丹節度各依其七十二丹訣中方法

### 金玄珠法

玄珠一斤金二兩半凡五十鍊鉛精五兩半其金屑一時著鑪中黃白左味煮之十五日十五夜謹候無令汁盡凝白如銀其毒未盡

欲入諸丹用煮還依三十六石水煮鍊去毒入飛如可入其金粉散丸膏用黃乾伏之矣

### 銀玄珠法

玄珠一斤銀一兩半五十鍊鉛精六兩半銀屑一時著鑪中黃白左味煮之九日九夜謹候如上表裏徹淨凝白光明若欲作白即用礬石水煮半日許白礬石水煮半日許然後乾伏作白能成若欲入諸粉用須去毒亦可入飛

### 九丹鉛精玄珠法

○玄珠二斤九丹鉛精十二兩黃白左味中煮之七日七夜凝白徹淨然後乾伏去毒合諸藥即成河車八種之法丹鉛從一至九任取其用覆藉諸丹無有不成者隨意入銅鐵變化自在七十二丹神器皆用此作諸各隨華應轉深淺任量

### 煮伏水銀訣

水銀四兩銀一兩作銀汞泥餅著鐵函桑灰必須細篩白淨臣按上件諸法日數皆少人率依方勘驗不

成則止或醋多火急或汁盡汞乾或藥味差違或華池失法之所致也今作之者鑪厚五分磨裏使極平滑鑪中无布紫桑灰可厚七分以醋拌灰恒使氾無置高下四布平停亦不堅捺恐有坊壘欲氣均湊燻潤水銀作一木棧以絹為底於其絹上平布水銀諸藥所謂石流黃白硃砂石鹽磁石鹵鹹胡粉六味各一兩和桑灰六兩擣篩令均布水銀上可厚二分酢泊之恒使如粥不使乾竭令過多恒令其氣調直亂衝即是火急其灰及藥日一易之鑪蓋一紙特忌塵穢所添左味例不冷投留之物一如上法要滿百日其未必成者之既了研碎可乾服

### 乾服玄珠法

用熟鐵鍋重八斤其鍋初為兩片片重四斤中心大小可如雞子繞四邊幅三遍鐸之都厚半寸車窠展緣上鑽孔大如箭竿孔處偏厚務欲釘牢投汞入訖以釘鐸之勘可字量必須牢密以錐細藥漸傳甘泥四遍塗可厚半寸暴五六日矣使極乾然後入炭火排囊

漸吹使赤微一食時却彼排之後從火自滅  
經停一宿待冷出之從辰至己消息可了去  
土搖鐵如瓦礫聲秤鐵復本是不耗或失聲  
即本耗如足鑿破出之乾伏即了訣須去毒  
去玄珠毒法

先作黃礬石水一斗著銅鑊中煮伏火玄珠  
上可五斤下可二斤令礬石水盡更別燒牛  
糞燒不灰木作灰取磁石破如小豆湯中煮  
使極沸用湯淋二灰取汁著鑊中煮玄珠一  
日夜即別用三轉左味更煮經一宿一日煮  
後別用三轉好酒和蜜經一宿一日別取真  
酥更煮之三夜出取之置銅器中還以銅器  
為蓋著黍米中蒸之三日三夜出其毒皆盡  
可以入萬藥服餌神仙作黃白入火飛此是  
道之至極畢矣此言三轉好酒者即是杜荆  
酒也言三轉左味者即黃白左味也以礬石  
水煮汞其器及鎔如不消者可作鑊餅子若  
不得碎亦可搗碎而煮之蒸法亦然五斤鑊  
可受二斗細理者諸玄珠去毒皆歸此之也  
更無別異唯有太玄君訣云莫問乾服玄珠

濕服玄珠欲去其毒但斤內一兩甜黃即玄  
珠精不能散去一名玄黃土出西方胡國也  
磁石亦以為畏蜜陀僧為臣將也若用黃丹  
胡粉拘留玄珠精者是俗間雜用非正本訣  
或用黃礬沙石鹽之類亦非正本口訣

別伏水銀法

水銀一斤磁石二兩末之如粉加曲獸汁此即  
也錄煮之唯緩火也不過七日一候凝與不凝  
此蓋丹砂惡磁石畏鹵鹹水義也水銀出丹  
砂豈不畏惡與亦同也故玄珠磁石亦以為  
畏明彼甜黃亦是水銀之所畏者一種有畏  
何必外國之物勝於中華乎欲人不審磁石  
之可必用故奇說化物欲令志誠者思而以  
取意焉且蜜陀僧出於金餅藥中又持參水  
銀等用之今為磁石臣將不亦宜乎煮伏之  
道不可棄也

濕伏玄珠法以鈎

先取好細理鐵鑊受二二升許者泥如竈法  
長開口及突融先伏及欲合藥為河車者玄  
珠作餅著鑊中用銀粉為覆藉以銀為粉法

在第九已具若無銀粉可用丹鉛粉覆藉亦  
得即下油脂五升蜜一升合攪煮玄珠餅一  
云三十日夜止三日夜罷立變鐵也銅前去毒黃  
法用一日夜今濕伏法乃用油脂明長生之  
法與變銅鐵所用幾微不同矣亦如出長生

水銀用酥一合塗釜水液水銀乃以猪脂和  
朱為泥之義也又前去毒法以酒和蜜今濕  
伏法以油脂和蜜是之別矣此名曰濕伏之  
功立變銅鐵也以此濕伏之汞和以餘伏火  
藥成如此法之丹方能變矣若以調伏玄珠  
用藥攪合成者即是河車之法非是真伏玄  
珠矣  
臣按欲以水銀作玄黃及擬大丹者即須空  
煮取擬若不擬者乍可以九丹鉛精為必可  
以五十鍊鉛精及金銀為拘留也

黃帝九鼎神丹經訣卷之十一

黃帝九鼎神丹經訣卷之十二

合九丹鉛法鉛力功能

臣按狐剛子云夫合丹藥以鉛為本鉛若不  
真藥無成者故云鉛者陰陽之筋髓七寶之  
良媒解則萬事可成迷則千途競塞故曰鉛  
絕河車空所作必無功功斷河車絕萬計無  
所出又云莫破我車廢我還家莫壞我鉛我  
命得全車者即河車也八河車法未有不因  
鉛而成者丹之覆薦之藥即所謂河車者故  
云不得八種河車丹無依伏是也又按太陰  
者鉛太陽者丹也二物成藥服之神仙丹鉛  
之精能出流珠白雪又加二水凡百蒸之取  
以一斤分為九分轉變不已即化神丹其功  
既深其力亦大九上九下覆薦水銀化汞為  
丹三作九轉故聖人祕之非凡俗道士所知  
見也所以鉛精一名鉛一名太陰一名金公  
一名河車一名河上姤女一名立制石下愚  
之人合藥乃用山中立制石又真人以玄黃  
華變化成立制石膽本出鉛中下愚調藥及  
用羗里石膽非也所以丹鉛秘目三十六名

今列如後故方云汞之與鉛終不獨行行必  
為偶二物相得成茲妙藥焉

丹鉛秘目三十六名

一名玄黃花二名黃輕三名龍鱗四名伏丹  
五名河車六名丹液七名驛丹八名制丹九  
名鍊丹十名黃芽十一石膽十二陰陽父母  
十三飛輕十四黃精十五黃龍符十六河上  
姤女十七制石十八名汞十九黃花二十成  
已丹二十一紫粉二十二紅粉二十三流珠  
液二十四紫明二十五玄丹二十六黃龍二  
十七金火符二十八陰陽之精髓二十九天  
地母三十液神符三十一金花三十二飛丹  
三十三黃華三十四太陰三十五金公三十  
六河上遊女  
臣按成此三十六名妙藥皆是鉛精之力故  
黃帝九鼎神丹第一之法名曰丹華復有一  
名號曰流珠九轉即是以鉛合汞成之凡俗  
不知乃以市錫為鉛也可謂日暮途遠却行  
求進不亦難矣今作之法皆須精專轉至九  
方用之也

狐剛子作九轉鉛丹法

鉛十斤鐵杯中銷鑠令作青沙鐵盆中鐵鏈  
研騰取黃汁新瓦上暴取粉黃和玄精汁為  
團如雞子陰乾鍊鑪中銷取鉛精鐵杯中猛  
火還銷鑠一伏時即鉛丹如此九轉為丹名  
曰九轉鉛其轉數用藥次第在黃老九飛丹  
節度中

九丹鉛玄珠法

玄珠三斤九丹鉛精十二兩黃白左味中衰  
之七日夜凝白徹淨然後乾伏去毒合諸藥  
即成河車八河之車丹鉛從一至九任取其  
用藉覆諸丹無有不成者隨意入銅鐵變化  
自在七十二丹神器皆用此作各隨藥轉深  
淺任量此法雖於玄珠卷中已有然用鉛之  
道雖重發揚覽按茲文即知河車所用之鉛  
必須以黃白左味煮凝乾伏並備方可入用  
又云丹鉛從一至九任取俗人不知乃以任  
字作去聲讀之當以平聲為義是也任堪也  
其鉛非至九轉不堪取也故云丹鉛從一至  
九任取矣以九轉丹鉛作河車及用覆藉諸

丹無有不成所云七十二丹神器皆用此造即是以鉛黃花和胡粉為泥泥六一泥上者非九轉丹鉛不堪作玄黃也又云隨意入銅鐵變化自在者試藥點黃白之道亦非此九轉丹鉛成者皆不任用也

出長生鉛法

臣按丹鉛之道雖法皆九轉按其用處三種不同若欲長生久視羽化昇天當作雄鉛若欲辟召鬼神化液作水當用雌鉛若欲變化黃白迴換五金當用神飛鉛俗人謂一乃混而無二用之錯亂所作不成遂怨咎聖人方書無効若審而用之萬不失一此法俗無有解者自非見五粉圖乃能略知少况故真人寶秘而不傳此之一藥道術之本慎勿輕傳萬金不泄假使黃金百石明珠萬筐亦不傳也若得此法七寶視之如土何用百石萬筐乎唯寶鏡長生愛慕仙道歎血分環重立信誓乃可略而出之此言並是承方之所具載然以三鉛三汞一而已矣故方云功用別能與汞無異汞之與鉛終不獨行行必為偶審

而用之萬不失一俗人多以錫為鉛去道遠矣又云雌雄神飛三種各須三轉用方有効轉之法用不異於前鉛至九轉體為神藥用入餘藥無不効矣故言此法惟見粉圖者知少意深自餘仙聖皆秘此方故今所作多敗少成矣

出雄雌鉛法

取真丹百斤青白陽起石十斤又擣陽起石細篩之以玄精汁澆之作團暴之令燥納鐵鍋中以鑪鼓之待為汁消盡瀉於煖灰中待冷打擇取之為丹覆最佳言丹覆者謂入神丹玄黃之藥也

出雌鉛法

取真丹百斤真粉十五斤吳青礬一斤石灰一斤各別擣其礬石細篩四物合和以玄精汁丸之陰乾出之法與前不異也

出神飛鉛法

取真丹百斤吳黃礬五斤赤石鹽一斤鬱金根二斤黃礬砂五兩此五味異擣下篩以酒合丹澆之勿令相著暴之令燥更擣篩之然

後取玄精汁澆之為團陰乾之出法一如前訣者方云聖無知者赤石鹽也方云玄精汁者牛糞汁也方云黃山脂者吳礬也方云黃金賊者石流黃也凡以藥和丹一法先黃礬次赤鹽次鬱金根次石硫黃次黃丹訖方以好酒潤和之勿使相著率黃丹五十斤可用清酒五大升於高架葦箔上鋪厚紙糊魚鱗相壓兩重暴可一日許然用牛糞汁澆之為團於架箔上陰乾十日

鼓出鉛訣第一轉

藥對丹多少相配以蠶羅篩布一重丹一重藥重重相次並盡然後以酒澆之

以所用味之藥各異擣下篩以酒如工法合澆勿令相著攤暴令乾更擣下篩以牛糞汁和澆為團其牛糞以臘月收貯以燻水浸搗取之團如雞子黃若更大者難乾二七日陰乾之納鐵鍋中其鍋底厚六分半以下五分

以上四分長七寸明間三寸半排鑪出看盡消為汁方瀉著煖灰中其灰唯細篩白者布



於淨半上厚三四分四畔以乾泥捲繞及不  
使鉛汁流溢四散以手摸鉛待冷打擇取之  
所用之酒率百斤可用一斗酒若玄精汁二  
斗即可圍得百斤丹

### 鼓出鉛訣第二轉

取上件鉛於鐵杯中炒之其杯底長三尺厚  
一寸深一尺兩頭得稍綽所以上長三尺五  
寸闊一尺二寸如槽之形也厚裏令滑極淨  
勿使嘶壘以長鈍劍鐵篋攪之炒令並作沙  
盡從且至午看成細末續續掠出置冷器中  
其器是厚鐵盆鏤也著清水以長鐵篋攪之  
使兩三人更互攪勿令住手使成汁也然於  
鐵杯中炒鉛亦得換人不得住手若有間斷  
其沙復鎔鐵杯之下然以柴火火冷不得沙  
成大熱恐鎔不止臨事看火勿令緩急也接  
取泔涎黃汁置釜子中著水鑽腹作孔候涎  
澄清傾孔去水以滑鐵篋勻牽出澄涎置新  
瓦上預於瓦上鋪兩重紙以瓦凡平布烈日  
之中暴之一日丹在瓦上硬裂乾定收取搗  
篩納鐵杯中運以鐵篋攪炒令赤三日夜不

得猛火丹赤即成不拘日數也

### 鼓出鉛訣第三轉

凡以酒澆藥及以玄精汁拌丹皆於直口深  
銅盆中盆須滑淨不得輒用瓦器及縛口者  
恐藥飛散消耗酒汁致失准則餘法如前其

用藥隨丹增損以為多少衰降減之也凡絞  
練牛糞取汁必須稠如粥狀故俗間鍊鉛合  
色白法以好酒任多少納白硃砂於酒中緩  
使硃砂鎔盡以此硃砂酒拌糞汁如稀粥狀  
以麤路重布絞取糞汁即此汁拌其藥丹和  
令泥氾團如雞子不團亦得日暴令乾入鍋  
鎔之須更鉛出瀉牛膽中如是鍊之五遍可  
白若以白糞澆丹如強泥准前暴之亦得前  
力若丹硬不出當去硃砂此雖色白乃非正  
法若九轉丹鉛之精不悅人目其色青黑其  
質亦柔神化之力不知所以然而然者也

### 太極真人九轉丹

#### 第一轉

取明粉五百斤以石鹽二十斤置於一石水  
中取牛糞汁一石和之丸如雞子陰乾然後

置鑪中鼓之須更鉛出此名粉鉛號地之精  
也取黃丹五斤以牛糞汁和之丸如雞子陰  
乾之置鑪鍋中鼓之須更鉛出此名丹鉛號  
天之精也

#### 第二轉

取前天地之精合炒為水色青沙然後以石  
鹽三十斤明淨者和湯八斗曰鹹水鹹水盆  
中研之為土色黃沙擣為末置鑪器中燒之  
三日三夜變為火色赤沙與好丹色同罷矣

#### 第三轉

取前丹以首男乳一斗若首男乳難得取黃  
牛乳亦得取牛糞汁一石取石鹽明淨者三  
十斤為湯八斗相和澆之丸如雞子陰乾鼓  
之如法餘如前為之

#### 第四轉

取前三轉天地之精成丹者以朱砂好色光  
明洞徹者二十斤以酒煮之三七日曰中擣  
之和藥復以地強汁即牛糞汁也和之丸如雞子  
陰乾之置鑪中鼓之作法用皆與九轉同法  
但用藥有異

第五轉

取雄黃色如雞冠者五斤以真牛酥煮之七日然後蒸之與藥相和然後以酒一石牛糞汁一石合丸如雞子陰乾鼓之法如前餘亦如前

第六轉

取雌黃二十斤吳黃礬石五斤合之牛乳麻子汁煮之三日夜陰乾搗篩上和藥以牛糞汁丸之如雞子陰乾鼓之如前法

第七轉

取石曾青五斤香附白附各百枚新實者良餘法同上

第八轉

取戎鹽三斤朴硝芒硝各三斤搗篩同藥以牛糞汁和之丸如雞子陰乾鼓之如前也

第九轉

取前八轉丹依法置其人生命上及王相上依丹經立壇醮祭潔清齋戒置靈寶五符於五方十二神印符於辰上八靈符置八方掩天門閉地戶歷華蓋入陰中取白玉五斤為

粉金一斤為屑藥以青羊心肝各一具和泥泥鑪以牛糞和之如雞子置生命上陰乾取天心日天心時置九宮合藥者在中宮侍鑪先問曰竒合尋出宮為妙三日夜丹成丸以白蜜日服二丸如黍米粒可為真人矣秘之勿傳

臣按此方用藥雖具至於九轉即加隱秘鉛至九轉體為神藥及乃更料白玉五斤為粉黃金一斤為屑以二物竒實和而泥鑪青羊心肝復極難得首男乳汁動料十升虛張色數明不可得今取其可得之藥成其九轉之功以此丹鉛充九鼎之用其道逾妙其力逾大所以具說功能亦不須煩雜而錄之耳

黃帝九鼎神丹經訣卷之十二

卷之十二

黃帝九鼎神丹經訣卷之十三同卷 温七

明丹砂功力能入長生之道用

臣按草木之藥可以攻療疾病不可以致長生也金石之藥可以必獲延年而亦兼能除百邪也夫草藥之為物也虛脆危軟不堪而久煮之即爛埋之則腐燒之則灰停之則朽不能自堅豈能堅入乎不能自生豈能生人乎若丹砂之為物也是稱竒石最為上藥細理紅潤其質貞固堅秘積轉逾久變化逾妙能飛為粉能精為雪能為真汞能為還丹能拒火能化水消之可以不耗埋之可以不壞靈異竒秘我難以稱然而得要則全生失法則傷壽人見本草丹砂無毒謂不傷人不知水銀出於丹砂而有其毒故本草云水銀是丹砂之鬼因丹而出未既有毒本豈無毒淺識狹觀不思遠大性命之功蹉跎不追所以古人深懼除惡務本必先煮鍊方入大丹殊途同歸皆令伏火不拘日數莫限人功事資於養不宜急速人見丹砂是石乃言諸石燒之為灰其丹砂何得獨爾不化殊不知丹砂

色赤而能生水銀之白物變化之理頗亦為證土得水而成泥堦之山下有金其上多有丹砂變轉不已還復成金歸本之質無可怪也故昔漢朝有李少君者乃數百歲人也不聞有他能唯以丹砂合諸丹藥為金以金為器以器盛食以食資身漸漬腸胃露洽營衛藉其堅貞以注壽事漢武帝盡情寶乃以祠竈左道之事奏進不以丹金正訣之義聞微卒以化去武帝思之故知唯有黃帝九鼎之道太一丹金之妙令人不老不死可大善乎若去毒不盡帶毒成金雖有所成亦無用譬以飢飧毒脯渴飲鴆漿為患必深欲益反損今再具調鍊性味等法列之如後

### 丹砂性味主療

臣按本草丹砂味甘微寒無毒主療身體五臟百病養精神安魂益氣明目通血脈止煩懣消渴益精悅澤人面欲精邪惡鬼除中惡腸痛毒氣亦療諸瘡久服通神明不老輕身神仙能化為汞調作末名真珠光色如雲母可折者良生符陵山谷採无時惡磁石畏

鹹水按此化為汞及名真珠即是金沙也符陵是涪陵接巴郡南今无復採者

### 丹砂出處

臣按本草云符陵也但以巴郡之南都謂之巴沙今无復採及出武陵西川諸蠻戎昔通巴地故謂之巴沙仙經亦用越沙即出廣州臨邛者此二處並好唯須光明映徹為佳又如雲母片者謂雲母沙如紫石其大形謂馬齒砂也並好俱任用入藥然非堪鍊之上物也如大豆及作大塊圓滑者謂豆沙也細末碎者末沙也此之二種麤不入藥可磨作末也採沙皆鑿坎入數丈許雖同出一郡縣中亦有好惡揀餌之法備載長生之寶非本草之所詳究也然丹砂雖出巴楚二地今之有出處最不及辰州麻陽縣者為上打破亦明色焰焰然有精似火呈向日看之如動搖光明沙若其體細重破之白光昱昱然又片版麤大如馬牙或小捲晃晃呈光明暉微其質堅秘白光曜目者號曰丹砂紅明者上紫者次赤濁者下天生已伏火者徒聞其語

不見其物縱使得之亦須養伏與州有堅實堅重其色亦赤狀類丹砂破之似鐵燒之還赤停之有黑火之無烟此之丹砂之正質也

### 丹砂調鍊法

取丹砂上者末之於鐵器中以上上醋微火煮之數添勿令竭三十六日已上燒試無烟為成也若不伏火即以百日為限以好春酒一斗納瓷缸中以帛袋盛丹砂十兩納酒缸中勿令到底十日一易滿百日暴乾入長生用之又法取光明好色朱砂洞徹者以酒煮三七日已上以火燒試之伏火又法碎丹砂如大豆和酒納竹筒中又納釜湯中者之火試伏火欲休半日添水煮之又法取丹砂上者於鐵器中微火煎之其砂末令漸漸益醋以物耗攪勿令著底每朱一斤料醋一斗候醋消盡出朱暴乾納甘燭中鑪火燒之不飛即成若飛更煮三日一試以成為限又方取丹砂上者打破如豆以好大醋於銅器中微火煎之漸漸益醋以物攪之勿令著底熬醋醋盡日暴令乾燒之不飛即成又方取丹砂

光明映徹者細末納新瓦瓶中塞其口釜湯中煮之百日無毒如此鍊者入長生瓶中著酒亦得以酒拌之使潤入瓶釜中著酒義不合水又法取好明徹朱砂細末用好醋煮之百日燒之不然烟名曰伏火此入變化用不云入長生

臣訣者按鍊丹砂雖有多方然不出於伏火為候古人深慮火性緩急故以重湯煮之又慮人心躁迫故以百日限之入長生藥必須美酒煮之若變化用必須大醋煮之鐵器中者火酒數攪若納瓶中須密塞之熬醋用盡出而暴之凝之未伏火試之新瓶法長生用之銅鐵之器變化頃之如此消息萬無一失

服丹砂別法

丹砂二斤擣為末重絹篩之盛著銅盆中以淳苦酒沃之令如泥狀置高燥處使乾復沃之如前法一斤丹砂盡三斗苦酒如此暴三十日當如紫色藥乃成把之不汚人手引之如鉛乃可矣丸如麻子以井華水日服三丸常以平旦吞之服之一日腹中三蟲下服之

六日身中一切諸病盡皆除愈服之六十日則有所見能令白髮更黑齒落更生凡服此藥當先齋戒三十日沐浴以五種香湯乃可服之

服丹砂法

丹砂一斤擣為末下篩以淳漆二升好苦酒三升三物和合相得微火上煎之令可丸服如麻子日三服之十日百病盡皆除愈三尸下亦云百日服膏強服之三年延年

臣按丹砂一味單服日久尚獲如上之利況去毒伏火以合大丹其置福為益大矣今按前件丹砂一味及和漆二法並同淳醋不言用酒以此驗恐或疑不用酒又慮於瓦瓶中不須用醋而漬者今據別漆丹法以真丹一斤清酒一斗白蜜一斤淳漆一升日暴酒蜜數淹數暴可丸即止又方以清酒和丹砂納竹筒蒸之日數亦如暴清丹法白蜜丸之又方以桑根汁和丹砂納瓶中入釜湯中煮之二日夜以淳酒和復納白蜜丸之以上和合之法先以酒和丹砂令至調適然後納漆火

之極微堪丸而止又以上服法丸如麻子初服二九日每服四十日三尸去久服延年神仙日中影不見也是知凡鍊丹砂去毒上法莫過美酒也或以新瓦瓶盛或竹筒盛之亦須先以清酒和丹也蒸之亦得暴之亦得但以蒸則百日火不斷絕竹筒恐爛暴則百日看手乾燥難均宜若置之於新瓦瓶中酒氣淹漬瓶透潤恒自氾氾不勞開口一煮便成也

臣按諸石之中唯有丹砂雜黃為上調鍊之法兼復不難先並營之以護身命此亦度世要藥之基址也雖未及大丹其餘服餌皆不能出此也又丹砂之寃名水銀以水銀消石等分合擣相得納銅器中蒸之經日夜出之加炭上為水如是當紫赤色蜜丸吞如豆百

日其力亦與丹砂相似也

黃帝九鼎神丹經訣卷之十三

黃帝九鼎神丹經訣卷之十四

明鍊雄黃法 其雄黃之功能  
致長生之用

臣按雄黃者與雌黃同山雌黃之所化也天地大藥謂之雌黃經八千歲化為雄黃一名帝男精又經千歲化為黃金一名真人飯此乃至神之石也但求齒不落髮不白續筋壯骨輕身目明者莫過此藥也又能辟虎狼百毒不使近人入水不畏蛟龍一切毒蟲妖魅不能加也又辟五兵甚有威武耳目聰明役使百靈乃神變之獨紀長生之上藥攻病之要味還年之功物無所不入也故昔圓丘多大蛇又生好藥黃帝將登焉廣成子教之帶雄黃而眾蛇皆去明其力用大矣又仙經之大藥乃以雄黃為一味者也

雄黃主療

臣按本草雄黃味苦而甘平寒有毒主治寒熱鼠瘻疽瘡痔死肌疥蟲匿瘡目痛鼻中息肉絕筋破骨節中大風積聚癱氣中惡腹痛鬼注殺精物惡鬼邪氣百蟲毒勝五兵殺諸蛇虺毒悅澤人面鍊食之輕身神仙餌服

之皆飛入腦中勝鬼神延年益壽保中不飢

一名黃食石也

雄黃出處

臣按雄黃生武都山谷燉煌山陽採無時好者作雞冠色不晃而堅實也若黯黑及虛者不好也燉煌在涼州西數千里古以為藥最要奇難得也昔與赤金同價今聖朝一統寰宇九域無虞地不藏珍山不秘寶武都崇岫一旦山崩雄黃曜日令馱運而至京者不得雇脚之直瓦石同價此蓋時明主聖契道全真福祥大藥不求而自至其色濁赤者不佳唯赤徹者為上

雄黃調鍊去毒法

臣按雄黃雖是長生上藥然有大毒去不盡不可入大丹夫石藥之毒得火彌烈縱百飛之伏火毒仍未除凡人不妙究其理乃謂代火之物是無毒也失之速矣是故必先煮鍊然後伏之此與伏汞耿藥相似夫伏雄黃有醋者者有油者者若有所為用處不同列如左

雄黃用酒漬淨湯上鍊法

取雄黃上者十斤打去石脉擣如小碁子大或末之如沙或碎之如粉若以油煮即如碁子若以酒煮擣之令碎以好酒於銅器中拌漬之伺盡更添盡二石止更以油煮去油擣碎入大丹用苦酒煮訖欲單服者末之如粉納竹筒加石鹽一斤為之覆為密其口沙中蒸之七日夜出之有水瀉取別用也取其不為水者以絹袋盛納密瓶中封固勿洩埋馬糞下七日滿藥成名紫宮飛丹以白蜜丸之如豆服久延年

雄黃醋鍊法

雄黃以醋鍊取好雄黃一斤擣之如粉以好苦酒和之於銅器中相和微火煎之不得急火盡一石止如膠成藥

訣曰此苦酒者非是醋也煮訖擣為末納竹筒中蒸之一日夜欲熟時氣當青赤出置水中引之如綿丸如梧子先食服一九日三神仙若以雄黃和漆服之者亦以好清酒緩火煎之令如膠卒雄黃一斤料漆二斤其漆必

須青黃絞去滓合著銅器中攪令相和藥成矣丸如黍米日三若丸如小豆日一常先食服之咽去汁二七日百病皆愈二十日身浮死肌脫此是藥力夜行如晝行如飛龍時寒則熱時熱則寒百日腸中堅厚皮膚血脉盛強骨節耳目聰明三百日漸可加至吞如黍粟三丸為常此方神祕不妄傳洩雖曰小丹絕勝餘石及諸上草木也大丹未成必須先以此藥填骨髓自支持也若以此鍊入大丹者則宜黃滿百日不得如膠為度也。

雄黃鍊入長生藥法

凡清訖出之皆暴乾皆抽研作用取赤光映徹者細末新瓦瓶中漬之以酒密塞口重湯煮百日以酒著釜中煮瓶最佳此入長生金丹藥用也直以好春酒一升納瓷缸中以白袋盛雄黃十兩納酒缸漬之十日一易百日止。

雄黃鍊入變化銅鐵

取好雞冠色者於銅器中以好淳醋煮之百日試以伏火無烟成名曰伏火可變化立成。

雄黃油煮重鍊去處法

取好雞冠上色者打擇精去石脉碎之如小碁子許大油鑪中煮之皆須先以酒鍊日足然入油煮之滿九日夜無懈謹伺候緩急可即脂焰必發緩即毒氣不消以瓦器蓋鑪恒令湯手為候日數滿足極熱傾油用意澀當使油盡盡冷即凝住不下必須極熱傾之澀盡正鑪以均率取以絹袋可容二斤五袋十斤各長九寸又作土竈高可一尺其口八寸向上竈上四面各豎一壑狀如土甑於上著沙沙上布其藥袋使袋隙間相去一寸填沙布滿上亦一寸下著柴火可限七束看袋有脂沙吸自然漸盡矣。

遷伏雄黃法

取上砂蒸鍊訖雄黃以新瓦器盛之瓦瓶以甘土泥裹之厚半寸冬令乾且以淨物蓋口權置一處先以黃泥捏作一形如瓶缸是狀此泥形口厚如側掌高若豎拳填以白沙捺使滿實統爐使乾然以瓶口倒覆形上瓶口塞以亂髮沙上鋪紙一重以小鐵釘橫口凝。

髮務欲油氣下洩藥不亂墜也安置瓶訖伺乾以馬糞實捺了從上放火火從上熱向下燒瓶油氣滴沙被逐俱盡經一日夜待冷取之承熱以鉗夾瓶使正摘其瓶口穿一孔子藥在瓶中狀如濁水鑄之作器任所方圓此謂無烟辟邪之物瀉若不盡打破收之油去藥存毒氣絕矣直爾服之即得者當擣篩入飛取三轉雪蒸之三日以白蜜丸之然服如彈丸日三服稍減之去三蟲長生以鍊松脂和之亦佳此可多作而服也。

鍊松脂法

若桑灰若石灰汁煮之多遍復以水煮之令苦盡止。

鍊雌黃法

臣按鍊雌黃法與雄黃不殊然據本草云主療則與雄黃有異若合大丹特須此味故如左。

雌黃味甘辛而平有毒瘰癧瘡頭禿癬疥殺毒蟲風身痒邪氣諸毒食鼻中息肉下部匿瘡身面白駁散皮膚死肌及恍惚邪氣熱蜂

蛇毒鍊之服輕身增年不老令人腦滿

雌黃出處

雌黃與雄黃同山俱生武都山谷其陰也山有金金精薰則生雌黃棟無時出於武都仇池黃也其色小赤若出扶南林邑者謂為真崑崙黃也色如金而似雲母錯而為畫家所重但丹家合化多共雄黃同飛既有雌雄之名即是陰陽之義復與雄黃同山用者必宜以武都為上也孽破中有白堅文者最佳也黃帝九鼎神丹經訣卷之十四

黃帝九鼎神丹經訣卷之十五同卷 溫八

明諸石藥之精靈

明石流黃功力

臣按石流黃能化金銀銅鐵器物仙經頗用之燒有紫烟而黃白以為切物故車法中之所要也伏水銀者乃號此藥為黃礬沙也得硝石能化為水此法出於三十六水中經也又取石流黃搗末納竹筒中削其表令薄埋馬糞中二十日化為水以此水漬丹謂之流黃液也

作法取上上光明砂酒漬鍊訖末之以流黃液於銅器中漬丹微火煎之重湯煮之最佳七八日色變十日如泥丸如梧桐子日服三九漸漸加至四十九久而輕舉亦可弄仙此乃流黃之功力也

石流黃主療

臣按石流黃味酸而溫有毒主治婦人陰蟲疽痔惡血堅筋頭充心腹積聚邪氣冷癰并欬逆上氣脚冷疼弱無力及鼻衄惡瘡下部腫瘡瘰癧止血煞疥蟲俗方用之偏療脚弱

及瘡冷惟良

臣又按石流丹者石之赤精蓋石流黃之類也非石流黃也皆浸溢於崖岸之間其濡濕者可丸服其已堅者散服此一色石是百二十種石芝之數雖有其名記不觀其目亦仙藥之上也五嶽有而箕山為多其方言許由就服之而長生故不復以富貴累意不受堯禪

石流黃出處

臣按石流黃生於東海牧陽山谷中及泰山及河西山礬石液也東海屬徐州而箕山亦有今第一出扶南林邑如鷄子初出殼名崑崙黃色深而佳也此色尤為俗方療脚弱瘡冷所要若以入大丹此林邑者必不及徐州及箕山者且南方無礬石不知何以稱為礬石液也

鍊石流黃入長生藥法

臣按九霄君作九轉鉛丹鍊石流黃入長生藥法四味大藥雖各別鍊皆同用酒湯上煎之其法未砂雄黃雌黃流黃四味之藥皆令

作末各一銅器好酒沃之即於浮湯上煎之率酒五升可漬五兩恒使涓涓勿使頓添之方可入用此入長生之藥又方碎如大豆并醋納竹筒中三日夜煮之欲休半日加水也此入變化用之不如酒煮也

明曾青入長生藥油致功力

臣按曾青亦仙藥方上品也久服令人輕身不老化銅鐵鉛作金也

曾青主療

臣按曾青味酸小寒無毒主療目痛止淚出

風痺利關節九竅破癥堅積聚養肝膽除寒熱熱白蟲瘡頭風腦寒止煩滿補不足陰氣

明曾青出處

臣按曾青出蜀山谷及越嶲採無時畏蟲絲主療與空青亦相似今同官便無曾青惟出始興今出蔚州鄂州也然蔚州者勝於鄂州也餘州皆惡其形如蚯蚓糞又如黃連者佳滑者好色理小勝空青難得而貴仙經用之亦要而陶隱居乃言少也化金之法事同空青也

鍊曾青法

臣按曾青以好酒漬之置銅器中以紙蓋鎮於日中暴若夏日待七日亦得唯多日益有力矣若無日以火暖之調暴乾訖以瓷器玉槌研之令極碎醱醋拌使乾濕得所任用又以絹厚密者為袋盛曾青置窰缸中率曾青十兩用醋一升懸其袋於醋缸中十日一易醋盡一百日用醋一斗而止也其懸絹袋不得到底又法曾青與金精鍊一種皆以瓷器各別漬之持藥為末以三轉左味漬之二百日出暴乾以瓷盆玉槌研之極甚又法鍊法與石流黃同碎如大豆并醋納竹筒中水煮三日三夜欲休半日又添火煮之此法非不知之但是迫急小道不足據也又法碎之為末三轉左味煮之一斤曾青微火盡醋五斗止暴乾研訖堪入藥用矣

鍊磁石法

亦同曾青此是九霄君九轉鉛丹法雖有典據亦不如孤子上件鍊金精曾青之上法也

明空青功力

臣按空青久服輕身延年不老老人不忘志高神仙又以合丹成則化鉛為金矣神農云化銅鐵鉛作金也其主療亦同曾青相似大同小異今錄如左

空青主療

臣按空青味甘酸大寒無毒主療青盲耳聾明目利九竅通血脈養神益肝氣療目赤痛膚醫止淚出利水道下乳汁通關節破堅積矣

空青出處

臣按空青生益州山谷及越嶲今出同官者色最鮮深出始興者不如益州也涼州西平有空青山亦甚多但並圓實如鐵珠無空腹者皆並鑿於土石中取之採無時今聖德多感物無不至故蔚州簡州宣州梓州皆出然宣州者最上其蔚州者無孔塊大色深也

鍊空青入長生藥法

臣按空青持為末同曾青法以酒漬滿一百日訖出暴更持以醋拌暴十遍止大都消息與曾青同也若鍊絳礬者直爾同其空青一



遍持暴之法則不煩以酒漬之也

鍊石碌法

臣按今合大丹不須此物但以太一神精小丹方云若無曾青以崑崙石碌研沙取用又按本草石碌出空青中相帶而生本法謂之碌青其味酸寒無毒主益氣治肝鼻止洩利生山陰空中色青白此則用畫綠色畫工呼為碧青而喚空青為綠青矣欲替曾青而入用者當水飛取精粹十兩可得三兩然以其精鍊之同空青法此於小丹則可若入大丹必不得代以他物也

黃帝九鼎神丹經訣卷之十五

黃帝九鼎神丹經訣卷之十六

明鍊諸石由致皆有長生之用

明磁石功力

臣按磁石入五石之數太陰之精其味辛鹹寒無毒然鐵毒為朱砂水銀之所畏惡仙丹方黃白多用之

磁石主療

臣按磁石主治風痺風濕百節中痛不可持物洗之酸疼除大熱煩滿及耳聾養腎藏強胃氣益精除煩通關節消癰疽鼠瘦項強喉痛小兒驚癇鍊水飲之人有子一名玄石一名處石柴胡為之使惡牡丹莽草畏黃石脂也

磁石出處

臣按磁石生泰山山川谷中及磁山山陰有鐵者則生其陽採無時其好者能懸吸針虛連三四為佳今最生相州也

鍊磁石入長生藥法

磁石一斤入長生用搗為末以左味煮之微火盡五升止出暴餘不堪用

方鍊法

宜與曾青者即盡五升醋也非關須漬之一法云以磁石作蠶末以苦酒煮之三日夜可用

明礬石功力

臣按礬石少陰之精入五石之數鍊而服之令人不老不死丹經及黃白皆多用此善能柔金生礬石內水中水不冰一名青介石一名立制石一名固羊石一名白礬石一名太白石一名澤乳一名石鹽

礬石主療

臣按礬石味辛甘大熱有毒主療寒熱鼠瘻蝕瘡死肌風脾腹中堅邪氣除熱明目下氣除腸中熱止消渴益肝氣破積聚酒癩冷腹痛去鼻中息肉久服令人筋膠得火良畏水惡毒公細辛虎掌為之使

礬石出處

臣按礬石生漢中山谷及少室採無時蜀漢亦有而好者出南野及彭城界中洛陽南垣擊其少室生礬石最熟若用者似黃泥色厚

半寸炭火燒之一日夜解破可用療冷結不堪入大丹也丹家所用謂此白礬石非特生礬石也

礬石鍊入長生藥法

臣按礬石有毒復大熱得火良故本草云須火鍊百日生服刀圭熟入及百獸若化為水偏有伏水銀之功鍊法取好者細末紙裹為顆然以作瓦家黃土泥泥厚半寸作筒爐壘以炭火火之二七日中入藥用藥用滿百日彌佳堪入黃白

一法以猪脂煮七日夜出暴乾擣為末以苦酒澆之作團猛火鼓之得銅然後擣為末和凝水銀末依方使用

九霄君九轉鉛丹鍊礬石法

擣為末牛糞汁和團入爐火之一日夜出置臼中更擣研之即得入用

臣以諸方上者皆不如百日也若能先猪脂煮滿七日然更筒爐燒滿百日此最上法也

明礬石功力

臣按礬石亦八石之上藥也神農云鍊餌服

之輕身不老增年岐伯云久服傷人骨能使鐵為銅者絕白蜀人乃以當硝石其黃理者名雞矢礬投苦酒中塗鐵皆作銅色不能變肉理仙經單餌之丹方亦用俗中合藥皆先火燒令沸燥也一名羽涅一名羽澤

礬石主療

臣按礬石主治寒熱洩痢白禿陰蝕惡瘡目痛堅骨齒除固熱在骨髓去鼻中息肉其味酸寒無毒甘草為之使惡牡礬

礬石出處

臣按礬石生隴西山谷及隴西武都石門株無時亦出益州北部亦從河西來色青霜名馬齒礬今出茂州乃益州管內者也

礬石鍊之入長生藥用法

取吳白礬石用新桑合盤一具細末礬石著盤中密蓋勿洩淨一室水灑地著盤地上一日夜其石精飛上蓋上掃取更如前法合滿三遍飛成之矣此入長生用仍先熬汁盡一法醋拌暴同絳礬十遍止此不及前方也先擣鍊之沸定汁盡若水法上礬石三斤擣

末之以新桑盤一面經宿燒地了以苦酒灑地布礬末可盤不合之著地四面以白灰攤之待地熱氣盡去四邊灰開盤取著上者出之羽掃取精此亦收礬石之上法也若欲作水即以此精納三年苦酒中一斤料一斗酒漬之其精號曰礬華也若急用漬之七日亦可也若不急者百日彌佳作法斤兩及苦酒之數如前臨時多少任人

明朴硝功力

臣按朴硝是八石之數也能化十二種石百日鍊餌服之輕身神仙鍊之白如銀能寒能熱能滑能澁能辛能苦能鹹能酸入地千歲不變人擇取白軟者以當硝石也本草經云能化十二種石故用之者燒之汁沸出狀如礬石也仙經惟三硝石能化他石不言朴硝今此又云化石故隱居云必爾可試之取驗言燒之汁出者皆須令沸定汁盡與燒礬石法同

朴硝主療

臣按朴硝味苦辛大寒無毒主治百病除寒

熱邪氣六腑積聚結固留滯胃中食飲熱結  
破流血閉絕停痰滿推陳致新畏旬麥薑

朴硝出處

臣按朴硝生益州及益州北部故文郡西川  
葭凌二縣界生於崖上色多青白赤雜黑斑  
言擇白軟者以當硝石即此物也鍊之色白  
如銀青白者佳黃者傷人赤者殺人一名硝  
石朴

鍊朴硝入長生藥法

以朴硝三兩納瓷器中以水二升煎之可一  
合在即停下之成若作朴硝漿者以好朴硝  
一斤無急以芒硝代以水二斗煎減五斗出  
寒一宿當微凝以出之以三年苦酒一斗煮  
三沸密器貯之泥頭二七日開看上作稜厚  
二分以此朴硝漿之精覆太一招菟丹凝水  
銀之上以鍊精入長生用必勝於不鍊者也

明芒硝功力

臣按芒硝者鍊朴硝作之故神農本草經無芒  
硝正有硝石芒硝耳然有變化之能故彭君  
曰其硝石戎鹽石膽芒硝真者雖有陰陽正

通八

十

質作者變化功效乃神若有求仙不得此道  
徒損萬金終無一二就明是仙家之口味也  
其主療與硝石正同疑此即是硝石故神農

本草無別芒硝也其正質者舊出寧州白粒  
大味極辛苦若醫家者鍊作者色絕白而粒

細而味不甚烈也依此生於朴硝而作者亦  
好也又按春醪華池法取七轉春醪三石色

正黑者中用五山脂三斗所謂五色山脂一  
解即云吳黃礬是也非別五種之物也芒硝

朴硝各五斤今按二硝即有各字五脂惟云  
三斗蓋明五山脂是一物也華池方云各異

擣納春醪中封三七日成矣諸有變鍊黃白  
改易五金皆用此華池最秘萬金不傳但芒

硝是鍊朴硝所作此方用其二物成彼神化  
之力其明芒硝之力其功大也

芒硝主療

臣按芒硝味辛苦大寒主五臟積聚人熱胃  
閉除背氣碎留血腹中痰實結聚通經利

大小便及月水五淋推陳致新石葦為之使  
畏麥句薑若以芒硝煮成硝石者療熱腹中

飽脹養胃消穀去邪氣亦得水而消其主療  
與真硝石同鍊法在硝石法中已具

芒硝出處

臣按芒硝生於朴硝生益州山谷硝石又云  
與朴硝同山明三物功力及出處略同也又

朴硝硝石朴也雖非一物大同小異臚臚如  
握鹽雪不冰強又燒之紫青焰起仍成灰

不沸無汁者是硝石也若沸而有汁者即是  
朴硝也若重據色理則不可造次而分辨也

生山之陰地有鹽鹹苦之水則朴硝生其陽  
也出寧州者云是正質也

鍊芒硝法

臣按芒硝雖有陰陽正質其變化功效造者  
乃神既是朴硝而成者已是經鍊之物更不

可以成鍊之物又鍊之也今以朴硝鍊作芒  
硝法者朴硝多少無在擣節蠶研以暖湯淋

朴硝取汁澄清養之多少恒令減半出置淨  
木盆以冷水漬盆經宿即成狀如白石英大

小皆有八楞起作之勿令污穢特忌雜人臨  
視即壞精氣變化不成惟換冷水漬木盆成

通八

十

通八

十

通八

十

通八

十

即疾也不得使不冷此變化諸水盡効也

臣按此是造八種硝石所須又八種硝石之中有石脾硝石擬化三十六水石脾亦是造物然猶不能獨成必須得此鍊朴硝云芒硝相助方可成其變化諸水盡効之功也今人

見芒硝方下有此盡効之語乃謂芒即能成水惑之甚矣石脾一味無人識者不得此物硝石水無成理能造得之者功用乃神所以其方之用此作硝石無有不効驗神道單矣其芒硝方又云此變化作諸水水盡効也

造石脾消法

造石脾消又須戎鹽戎鹽方又變鍊與真不異其成硝石以化諸水雖並備於硝石法中今因芒硝重以注顯

作石脾法

真白礬石一斤戎鹽一斤二物各別擣作末取苦水二升著鑊中煮四五沸即下二物煎令半在以物濾却滓復煎令盡即著鑊中沸起成石脾色白如雪用此作硝石無有不驗神極畢矣

作戎鹽法

用明淨石鹽多少無在鐵器中鎔使沸投著白礬石末中復鎔因水中復鎔投著乾鹽末中鹽覆之如是三鍊成戎鹽也變鍊與真無異

五色神鹽

彭君曰此鹽眾藥之主若作此五色神鹽以五帝精作之即成五色神鹽也

東野芒硝法

鹹精多少無在以苦水著土釜中煮鹹精十沸許瀝出澄清納若骨草鹹汁中漬經二日即取若骨草汁著銅釜中煎令汁盡即凝白成芒硝若欲令作楞起勿使汁盡盛釜中冷陰地著經三日有楞起成作大壘也謂芒硝與真無異亦能冷利人也

訣曰苦骨草者苦參也其苦入骨故以為目其草極冷又苦芒硝味又辛苦以之為成故言亦能冷利也然可以入主療之用不可以之變化也或疑苦水是醋所以必須若欲變化者非鍊朴硝而成元正質者不堪也勝用

真物也作石脾硝石法此中苦水又不合是法合藥偏宜冷水醋既大熱不合交叉也

石脾硝法

石脾一斤芒硝一斤朴硝一斤臣於硝石訣中雖已備載此法然於失下更錄者彼卷辯

明真偽并雜諸法按而取一或失指歸今芒硝戎鹽石脾俱是合成彭君又言變化効不劣正質又令求仙之人須依此法故硝石之法即附於後物各擣研作末取苦水三斗銅鑊中煎十沸即下三物末煎之半在去滓

澄清前之文圓起即瀉著瓷器中以瓷器冷水中漬經一日即成硝石如霜雪成如凍稜以水投之立即為水復以火煎之文圓起瀉瓷器中還冷水漬之即作硝石如此三轉鍊其方有微不得穢處作勿使風日觸之其脾者陰陽結氣五鹽之精因礬而長託石而生峨嵋山多有之俗人無一識者用處少人不覓惟求道術士須用也往以四方分隅莫能得者所以古人作代用乃勝真物也石脾者陰陽之結氣也苦水極冷礬性又寒二物同

煎因火結聚五鹽之精者因戎鹽堪作五色鹽主者成也因礬而長託石而生即白礬石而成就者也

黃帝九鼎神丹經訣卷之十六

黃帝九鼎神丹經訣卷之十七同卷八 溫元  
明事藥先後酢及華池由致

臣聞九鼎神丹未有一丹不以玄黃及土釜為先也所以第一之丹名丹華者先作淳醅重釀及華池者次作雄黃水丹砂水次調擣燒節礬石礬石戎鹽鹵鹹牡蠣赤石脂滑石七味之藥及胡粉等各且先事三五十斤為六一泥又當先作赤土釜也土釜之法已列前卷玄黃等訣備條如後

玄黃法

玄黃者錫投水銀成之錫本出於黃丹不明錫質非精則不堪入長生用

作黃丹法

凡黃丹自作者佳市得者恐有黃土色闇也若得真者師不自作也自作之丹色乃紅赤暉暉然鮮明可愛不如此者即非真也

造法

鉛二斤多少任人淨洗以鐵杯中炒之作沙用清水淘之置鐵鑊中遍淘揀使極大淨去水留滓暴乾十日錘打作末以絹篩之然後

置鐵杯中二宿三日炒令赤乃止即是好丹也

出鉛法

孤剛子曰凡合丹藥以鉛為本鉛若不真藥無成者出鉛之法以丹玄精汁加少金賊搏如鷄子陰乾七八日鐵鍋中鼓之名曰丹鉛以此作玄黃也其煮汞之鉛自有別法加逼數在伏汞水銀法

作玄黃法

水銀一斤煮之三十六日或凝者鉛二十斤鍊五遍令淨二味納鐵器中猛其火鉛與水銀吐其精華紫色而黃精以鐵匙接取一名黃芽一名龍輕飛精也

訣曰取錫納鐵器中加炭火火之令沸漸使火微投水銀著中生濕柳木攪之五色出見取鐵匙掠近一畔然後接取停使出復接取訖成候火若熱花色即黃火冷即花色青紫兼帶氣其火若調即花色紅紫仍似金色也然燒之共火同色酷似金狀出之離火還依本質欲作丹釜先作玄黃又九鼎覆薦皆用

此物若不預作多營之臨事必闕所以早煮水銀及出鉛也依太清覆薦之法亦有須用玄白為丹之薦今即作之如左

玄白法

九鼎第八服丹法訣以玄黃若玄白一斤布釜底以水銀置其上故須作也取鉛瀉為挺作板依水銀一斤鉛三斤真金六兩消鉛金乃內汞鼓以為銀板懸華池中七日一發未發當密覆華池瓮口發之取其流白者納青竹筒中漆固其口注華池中三十日成水又法鉛一斤金一斤兩鼓之為板薄鍛如練置木盤中以布幕其下納左味中三十日皆為玄白在盤乃可用玄白有金者即可用無金者不可用太清丹即以玄白為薦金九鼎法唯用玄黃也

臣按造合神丹先作諸水及鍊一切石毒搜六一泥煮伏水銀凡所措手皆憑醋內過百日者謂之淳醞三年已上謂苦酒投之以藥即曰華池古人秘之號之左味欲求大道好慕長生不老若不營之百無一就故調次第

如後

作醋法

赤黍米一石淨簸淘取泔三石爛炊作飯及泔依前三石之數一時下著瓮中細擣篩訖以麩末黍飯及泔依前三石之數一時下著瓮中攪之使均以紙七重蓋其瓮口每經七日卸却一重四十九日去紙盡也初以紙蓋重重別繫凡七七其醋即熟別以好帛幕其瓮口待滿始堪投藥欲取投藥接取醋清若末須用糟密貯勿開之也其作醋水以五月雨水作之最神百石千石分料放此醋瓮之底必須著磚不欲數移即健壞挹率率物宜用訖熟時以枯棘瀝去毛髮也

太清中經上篇作華池法

華池者一曰溺水一曰四海水母一曰玄池天上自有之在北極今人作之法用淳左味五石三分之取一分納窰一斤穀五斗以水搜令生芽乃暴令乾擣篩納華池合擣萬過乃以米糲裹礬石三十斤浸其中封之三日成其味苦而甘酸復納硝石十斤都合料

理也以水金玉五石金銀珠鉛三十日百日皆化為水承天雨水作左味尤佳用古秤

天師太清華池口訣

按本經作華池如本經說唯以穀五斗以水漬之令生芽乃暴令乾擣篩以納華池中合諸物攪之乃得成若不生穀孽則池不成此大道之大要也以華池水金玉五石鉛等皆化為經在三十六水經皆須華池而成水也

作三轉黃白左味法

取三年苦酒重釀者六石上清更用春酒糟一石熟攪投中更取上黍米一石溺水極爛納中待消盡更壓取清更納黃衣八斗五裁各三斗納中三七日壓出安大窰瓮中納金屑銀屑各一斤次納青礬石二斤黃礬石十斤五十鍊鉛白屑三斤布裹懸其中經七十日鉛精消入藥也成黃白左味一名華池天上自有之五裁者謂穀豆黍麥稻等用水搜之生芽七八日成床也名曰五裁若欲合諸丹及金液鍊諸水殺八石天地眾方先須預作十窰二十窰窰窰作不可臨時始作藥即

无力變化不成

訣曰青礬石者具白礬中擇取青黃者是本草謂之鵝矢礬也黃衣者不破麥黃蒸也以不破麥作之者是也

按狐子玄珠經但伏玄珠皆云黃白左味者即此之華池是也一切他法不過此也

黃帝九鼎神丹華池方

合丹作金華池以驗五石之精令不飛散方小麥五斗漬之令擇蒸之使熟麴五斗青白石大如栗者五斗鉛七斤熬作屑丹砂五斤細末之赤黍米五斗炊作飯先以石子置瓮底次以丹砂次麴次麥次黍飯次以水一石五斗淋之密覆之夏七十日冬百四十日成作之于盛室之中王相之地勿令鷄犬婦人六畜見之使神功不成矣

玉燭萬金訣伏承華池方

取黃白左味三石吳青礬一斤五栽各一斤取左味三轉之然後細擣青山脂納七日後開封納五栽更封固勿洩三七日成也按單華池末云若欲伏承要用五栽華池之方若

用餘方則不能伏俗人不知直用醋煮或三日三夜或十日十夜徒用功力必無伏理不得五栽華池設經十日終無成者此之謂也訣曰此五栽華池之法乃以黃白左味作之明非轉之醋也又按玄珠凡所酢皆言是黃

白左味今復以此玄珠之金屑銀屑鉛白等青黃二礬之大華池更以庚寅辛卯之日重投五栽及青礬等物四七日以之伏承無不有効法之舛互乍莫知之所以的無錯失似此玉燭五栽華池方取左味三轉之即此之謂也何者前三轉黃白左味法取三年苦酒重釀者六石此一轉之義也言重釀者即淳酢之別名以其味不薄耳固非俗間求利之味也又云取重釀者六石之上清更用春酒糟一石熟攪投中更取上黍米一石弱炊極

爛納中待消盡者此是二轉之義也又云取

此二轉更壓取清更納黃衣八斗五栽各三斗納中三七日壓出安大瓷瓮中納金屑銀屑各一斤次納青礬石二斤黃礬石十斤五斗十鍊鉛白屑三斤布裹懸中經七十日鉛精

消入藥中成黃白左味此三轉之義也今復以三轉黃白左味候鉛精消盡七十日之成者更以三石之上清投吳青礬細擣一斤納之七日復開封方納五栽各一斤於中更封固勿洩三七日乃成此所謂弄著青礬重投

五栽者取其至驗也是以單華池末云不得五栽華池設經十日終不成者是也又玉燭五栽之目即號華池玄珠伏承之方唯稱左味明至五栽四轉方是真法又據太一金液還丹注釋云凡不成者莫不以硝石非真華池失法是也又據五轉霜粉法之華池若不

如法假至十日二十日縱加鈎留亦不成餅

者之類也若和泥用苦酒者亦可依金液左味為佳也但稱苦酒皆不厭久云曰百者必不可減百也得三年者彌佳

作太一金液還丹華池法

以五月天雨水三石六斗作苦酒用米麴如常封泥二十一日內大麥蘗末糝一斗八升復經七日或三七日清澄別納大瓮中名曰左味又作三斗秫米糝先擣礬石十斤令如

米豆大以糝裹之作三十許餅納左味中百日成名太一華池華池成便可漬金液餅八石也

八石華池法

取三轉左味兩石一斗紫石英一斤真鍾乳一斤特生礬石一斤磁石一斤青陽石五斤石膏一斤四兩石亭脂八兩五裁三斗凡九味異擣下篩擇當自瓷器中合納之封固勿令洩氣七日成矣以金屑銀屑黃衣投此八石華池中俟方日滿足成黃白左味此黃白八石華也以此左味煮水銀及和丹入飛成丹可長生

青山脂華池法

取三轉左味三石色如琥珀者中用吳青山脂五十斤十斤三擣篩青山脂納左味中封固勿洩四十九日作八石七寶水入七寶裁五斗更封三七日納藥無件不為水矣秘之勿傳加土伴黃白等屑化水化液有驗也

春醪華池

取七轉春醪三石色正黑者中用五山脂三

斗芒硝朴硝各五斤各異擣納春醪中封三七日成矣諸有變鍊黃白改易五金皆用此華池最秘萬金不傳上一種華池用作百七水悉用之凡伏水銀皆用黃白左味明須以金屑銀屑等物投此春醪華池之中以鍊神飛鉛汞之水銀也

凡用作三十六水諸硝鍊變化者即取太一金液華池及太清中經神丹瀦水華池亦是也若者養生水銀即以八石五裁黃白三轉左味華池用之若欲和渡金泥即取三年及百日苦酒用之其合丹金華華池擬九鼎神丹和合觸塗通用其有別華池法與此不相涉入者不具載也

黃帝九鼎神丹經訣卷之十七

黃帝九鼎神丹經訣卷之十八

明鍾乳等石及諸鋼鐵由致皆有長生之用

明鍊鍾乳功力

臣按鍾乳雖非藥之上乃是八石華池之所要味也故陶隱居服之亦延年益壽好顏色不老也

鍾乳主療

臣按鍾乳味甘溫無毒主療欬逆上氣明目益精安五臟通百節利九竅下乳汁益氣補虛損療脚弱疼冷下宜傷竭強陽令人有子不鍊食之令人淋蛇床為使惡壯丹玄石柱此九榮畏紫石蓂草

鍾乳出處

臣按鍾乳生少室山谷及太山採無時一名孔乳一名盧石一名夏石生少室猶連嵩高山也出始興而江陵及東境名山石洞亦皆有惟通中輕薄如鵝管碎之如爪甲中無有鴈齒光明者為善長挺乃有一尺二尺者色黃者以苦酒洗刷則白仙經用之少俗方所



重亦甚貴也

鍾乳鍊入長生華池法

取鍾乳無問多少厚薄但令水洗已光明者即得入鍊惟黃赤二色不堪入用鍊時取鍾乳安金銀器中若無上件瓷器亦得於大鑪中令投煮之恒令調如魚眼即得水減即添其乳薄者用三日夜若鴈翅及厚管者七日夜候乳色黃其乳即熟若疑生即須十日夜沸之其沸乳之水一鎊盡黃也其濁水皆須棄之脫爾誤飲此水便穿人咽喉令人頭痛多服即痢食猪肉可止棄此黃水竟不安清。水復納乳於鑪中煎之半日許看其水色清不變即止作鍊不精而服者令發背瘡是以必須精鍊也

鍊訖研法

取乳安瓷鉢中用玉鏈研之令碎著少許水研之水盡更添恒冷水如稀紺狀其研乳細者皆浮在上麤者下沉繞鏈研之雖易碎要須滿五六日以晝繼夜如此細研如人乳汁可滿十日其乳色放白光非常可愛試取少

許自塗臂上泯泯如白魚脂在紙上而有白光水洗不落為候也如此之乳方可堪服熟以澄取暴乾更好熟研乃可入丸散任所別用又法欲用好乳絹篩以清酒漬之一日夜去上浮者即取沉者暴乾方研之鍊之法如法其鍊乳研鍊訖細末之如粉置三石米下蒸之佳又法其鍊乳研鍊訖以金銀盆盛之率乳一斤用硝石二兩和之密蓋勿洩氣蒸之

紫石英

臣按紫石英者是石之精末服之長生常合之不飢渴也紫英者八石華法之要味也久服輕身延年味甘辛溫無毒生太山谷株無時所以太山之石其色黑明徹其下有根故謂之最上也餘有綿石色亦黑而不明徹又有材色石腹裏別有一物如眼異與石四邊有紫色而無光澤會稽石形色如石榴子此四色石先並醫人雜用今若精採擇總不如太山有根者為上可入華池用也

代赭石

臣按代赭特是丹方之要并與戎鹽鹵鹹皆欲急須故黃帝之丹亦所切要味也而好者紅赤色如雞冠有澤漆木甲不偷者良俗出齊國山谷株無特一名須丸出姑幕者名須丸出代郡者名代赭此為俗用乃踈其味苦甘寒無毒

鹵鹹

臣按鹵鹹戎鹽最為丹家之用也亦是黃帝九鼎丹中要味其味苦鹹寒無毒生河東鹽池云是煎鹽釜下凝滓又云是河東大鹽形如結水圓強又黑鹽疑是鹵鹹柔鹽疑是戎鹽又云有赤鹽較是鹽馬齒鹽四種並不入食馬齒鹽即大鹽也

戎鹽

臣按戎鹽虜中甚有從涼州來苗疑此草下苗河南使及胡客從燉煌來亦得將來其形作塊片或如雞鴨卵或如凌片其色紫白味不堪鹹口嘗氣息正如段雞子者言是真也又河南鹽池泥中自有凝鹽如石片打破皆方青色善療馬春瘡又疑此是也大都既目

之為戎可取胡將來者為上

右紫石代赭肉鐵戎鹽並是無毒之物而為丹家所用至如鹵鹹火鍊已其泥法自餘不鍊用亦無憂矣

鉛丹

臣按鉛丹者生於鉛即合熬鉛所作黃丹盡用者俗者亦希用唯仙經丹釜所須調化還成九光者當為九光丹以此作釜無別變鍊一名鉛華其味辛微寒久服通神也

胡粉

臣按胡粉者乃真人九轉鉛丹之首物也又黃帝九鼎神丹釜法先明此物合玄黃花為泥矣非不至要然本草乃云粉錫一名解粉仍釋云此是金化鉛所作胡粉也其味辛寒無毒有金色者彌良也

殺鉛毒法

一轉至九皆一也用好春華池一斗赤鹽一兩朱砂一兩攪漉相得其鉛精熟炒使赤瀉著春華池藥中如此九瀉其毒皆盡一斗春華池二兩赤鹽末可殺一斤鉛精令毒盡也

去銅惡物法

先打為葉溫膠汁如薄錫越竈中燒使赤封鹽厚三分即納越竈中燒赤微出之打洗更納如是二十遍若百度過即惡物俱盡矣其銅漸柔而淨也

去鉛石及鐵惡物法

又去鉛鐵二物惡穢亦與銅法不殊鑰銅欲打為葉先須預小鍊三遍其體益淨其水必須淨而且暖不得全投恐致散失所為鍊者闊一寸長六七寸厚可二分燒訖冷拍膠鹽使盡若熱即折不終百遍之功燒十兩穢銅可得五兩以下淨體鑰亦准此作

鍊石鹽

石鹽十斤淨淘以沸湯煮之令消出停經一宿澄之取清煎之水欲盡澆之置木器中瀝却水暴乾勿令塵土汚之作之者石鹽上好者擣為末三斗淨鞞入水中急淘出之緩淘即消耗矣又以水澆可淹著只候消盡出之停一宿澄之取清淀在下矣以清煎之水欲盡澆取鹽花置木器中側其水器瀝却水暴

乾即好

鍊白蠟法

取好崑崙白蠟甘土鍋消投醋中三百遍成和合膏藥服立斷殼亦可作長生骨體鍊銅等同

服白蠟法

茯苓三斤胡麻二升人參三兩硫黃三兩凡四物各擣合蜜丸後食口嚼白蠟如棗大乃加此藥如黍咀嚼須更成水乃咽之日中三過三十日內外通和肌色悅澤百日為之怪一年伏尸自去病皆愈還為少童也

鍊錫法

亦同上鍊白蠟法同功力略同也一鍊錫法每消著鹽末一把以濕柳攪使烟盡傾著酢中遍數如前若直取淨者傾著濕地若淨十遍得淨仍須著鹽和之

鍊茯苓法

取好茯苓白細膩者以桑灰汁煮之即散投冷水中即凝堅用之佳

鍊土法

通九

十四

取好黃土如脂蠟者暴乾擣篩水淘如甘飲狀攪數百遍停一宿去上清水接取細泥暴乾其下麤者更擣淘如前破之如梅李大猛火燒之三日通赤如丹畢寒之更擣絹篩三斤加一斤黃丹即是泥又法取黃土一斤堅實細理者擣絹篩沸湯煮之三日此泥撮黃帝九鼎丹中第一之丹流珠丹用

辟神蟲免法

收得五月雨水著在瓮中未及得用時復溫熱必有蟲出臭宜預辟之者取淨黃軟土三二斗投瓮中即辟也蓋頭勿使有容塵入也

取葱涕法

擣葱以疎布盛之壓取汁名曰涕也

鍊棗膏法

大乾棗三斗以水六斗煮之令棗爛又納三斗水更煮沸合取用九斗水絞去滓澄淨之令得三斗乃納覆羊髓六升投汁中微更煎如飴乃止無覆羊髓亦得分等以為棗膏如此膏可長服令人填滿有美色覆羊者雄羊也此出金液棗膏和丹用法

黃帝九鼎神丹經訣卷之十八

黃帝九鼎神丹經訣卷之十九同卷 溫十  
明鍊銅鐵鋤石等毒入用和合事防辟法  
臣按銅鐵鋤石皆有大毒毒若不盡假令丹變化成物必不堪服食也故上聖殺丹毒法今列如後

殺丹陽銅毒法

依上卷用鹽膠百遍炮銅令淨訖鍊此銅精為屑用硝石水一斗煮令盡又用青礬石水一斗煮令盡又用戎鹽水一斗煮令盡又用真蘇一斗胡椒末更煮之令盡又用赤黍米一石布裹屑和胡椒末調均甘蔗水汁合蒸三日夜出取其毒皆盡如此用藥得殺十斤丹陽銅然以銅入粉及變化用

殺鋤石毒法

取真波斯馬舌色上鋤依此上卷以鹽膠百鍊石令淨訖鍊之為屑其用者蒸方法一與丹陽銅殺法無異也

殺鐵鏹精毒法

亦依上卷鹽膠淨訖必加百遍惡氣方盡鍊此鐵精十斤都並為屑用左味煮之三日夜

又用雌黃水三斗煮之令盡復用戎鹽必作戎鹽水也水煮之一日夜又用磁石水鐵鏹一斤著淨鏹中布令平均上加末鹽堅抑之鏹下猛火一日冷却鹽取華精又用磁石水煮一日夜其毒皆盡矣以此無毒鐵精方可入粉及變化等用三十六水經中有鹽水法戎鹽水法故知鐵用鹽水銅用戎鹽水也

硝石水法

取硝石搗篩鹽水漬之令泥泥納竹筒中密固口埋地中入土四寸五日成水疑是入土四尺四寸臨事兩試之

青礬石水法

取吳礬中擇取青色者一斤先以淳酢澆令泥泥乃盛之用硝石二兩漆固埋之地中三尺十五日成水也

石硫黃水法

取石硫黃一斤八月桑上露一升硝石二兩納筒中漆固納華池中三十日成水其取露法以清旦令細心童子洗手以淨綿泥緘取之

此是鹽水也調理好鹽下篩以水澆之令泥薄削其表竹筒如練重密其口埋地中入土四尺四寸以其上四日成水  
右件四水是鍊丹陽銅及鑰用

雌黃水法

雌黃一斤納竹筒中加硝石四兩漆固口納華池中三十日成水一方加礬石硝石各二兩以塘瓶盛埋地中二十日成水其味甘色黃鹽水即上淳鹽鹹水法是也但異名而法同

磁石水法

取磁石一斤雄黃一兩石膽一兩合搗納竹筒中漆固口納華池中三十日取磁石水用凡言漆固皆加灰布陰乾


右件三水是鍊鐵華精去毒法用

凡欲以神丹變化試作黃白者一切水土以上皆須精鍊況鋼鐵物乎又作金銀經中言須赤白銅銅者皆消鍊以成之非是山中自然有也欲以神丹變化銅鑰為黃白者以伏


火者去毒雄黃變銅色已然後試丹若以神丹變化銅鑰為白先以上卷無毒白蠟食銅令白然後試丹事無獨成即是神藥矣

合和防辟法

凡欲合丹於山中安堵訖乃召山神請問可否方得安穩施行萬無不成其法如左




齋十日丹書黃素一尺於山草間石中嶽君主欲作神丹先召問其節度以符字



老子合神丹之日以朱書白素八寸盛以絳囊繫心前欲服丹者當逆七日服之即便通靈役使鬼神此名太一八寸素符

上可書符字切日日日日





黑帝符法以壬癸日白茅為藉長三尺皂緇長一丈二尺布藉上酒二杯脯二胸黑為地

以丹書符廣二寸長七寸投藉上祝曰

吉日良時小兆臣某再拜受上皇道君黑帝神符因再拜燒符服之

右按前五帝神符復四符乃仙公葛玄所受併書兩通一通燒服之一通頭上帶之彌為變化家用於欲合丹前十日作之

黃帝九鼎神丹經訣卷之十九

黃帝九鼎神丹經訣卷之二十

明合丹忌諱敗畏訣所明者謂合丹忌諱敗畏九鼎九丹不盡

臣按夫大丹者則金石之華精真人之所珍是故服之者神仙變化長生久視役使百靈

上昇太清者也俗人徒知其丹經之篇目而不知合丹之忌諱雖得其方而無成者夫神

丹欲合者有五忌三諱四敗六畏也若犯之者丹精飛散靈華墮落神光沉遁霜烟損失服之無益不可不慎也所以真人請問其目

玄師答曰五忌一者合藥及發火時無用五石死日也謂春壬辰夏癸未秋丙戌冬丁丑以其日造神丹起爐火則石精伏結飛花不起霜烟合毒服之無益也二者忌布具神藥及論說丹事無用五邪生日所謂春九轉云齋起日先投清酒五斗於所止之流水中若地無流水當作好井亦投酒於井中以清地氣令齋者飲此水投酒雖無禮祝之辭亦是投獻之義上丹高絕故假設有饌之祭醮請之禮下法所須是以元君云不在祭祀事鬼

神也明矣藥未合成不可不志誠也故祭者

正願藥成耳若合之以竟而更祭者事理則非允也夫祭者或太一下臨之或遣玉女下

冀神氣所加令藥有驗使人得仙而延年也合丹在深山靜處東流水側立壇屋百事土

釜訖藥精鍊畢炭物並足以開除日齋百日同志契誓不過三人試金知密方可舉火臨


欲合藥更齋七日以甲子開除之日釜邊祭之其祭法用清酒白酒各五升羊脯鹿脯各三斤黃糧米飯二斗大棗二升熟雞子二十枚鯉魚三頭重三斤用三案案三孟燒薰陸香再拜祝曰

小兆臣某甲調藥合黃帝九鼎神丹惟神明仙玉女玄女素女青腰玉女共成之惟大道君太和君太上君今小兆臣某甲貪生樂神仙合神仙藥願成行酒起再拜九拜畢呪曰惟大道君玄女欲合神丹不飛不三皆悉伏火藥色佳好隨手變化黃白悉成服之命長生無極得至真人因上藥寶棗橘等皆上之訖然火如法

六一聖座用新床方三尺六寸高二尺八寸  
敷以新席西向以三尺絳繒安席上以起大  
日設祭文


九丹祭法於合丹之所黃土為壇方九尺四  
面藩之中方四尺四面開門爐在壇西去壇  
六尺於壇所設席祭以白茅為席長一尺壇  
上五藉藉別一片脯酒一杯東座九藉藉兩  
片脯酒二杯用黃米二升為飯用牛羊脯各  
三斤或五斤用鯉魚三頭重三斤蒸之用棗  
雞子二十枚大棗三升用梨一頭若有橘柚  
及諸赤色木果燒香酌酒拜座以上法發火  
訖收爐旁祭更以新別酒脯常安三案各三  
杯酒三斤脯自此以後常施三處酒脯晝夜  
勿收每三日一易脯一日三易酒酒輒當拜  
如常自始立祭便就燒香晝夜勿絕務加潔  
肅恭敬勿怠至藥成當復祭如初唯加猪肉  
三斤在壇東一座加白米一升為飯雄雞一  
頭蒸之乾魚鮓等祝云神藥已成今請開金  
隨意所言祭畢乃開釜耳  
凡合神丹之始皆必禮酒河源故以鎮地氣

又應大祭神明以賽八石若得九老玉券以  
檢萬氣辟却凶魔攘諸賊賊神明扶護火靈  
自伏不復須陳禮醮而成功也



按此九老玉券云以始齋日先朱書碧素此  
素一名八素真籙一名太清上符方九寸二  
枚單東向呪曰

八素真符九老玉券天神檢地上護丹精九  
源鎮塞八河寶盈殺賊伏滅琳華曜明金醴  
玉霜八石之靈七化五變九轉十成祝畢取  
一枚盛青錦囊中以繫背胸前以一枚當井  
剪破以一半投所居水中一半埋六一竈中  
當藥釜下投流水中可以石繫沉之埋釜下  
者可深三寸



按此玄鎮是妙州寶鎮符一名仙伯太一檢  
一名八寸素書當日以始齋日若甲子甲寅  
之日中時面向東青筆書六一釜上又以白  
素方八寸書此一枚書畢呪曰

上化春壬寅夏癸巳秋壬申冬癸亥以其日  
入山合神藥皆無所成神靈不祐鬼邪敗入  
三者忌造合神丹入名山忌五嶽傷絕日謂  
春唐寅夏癸未秋丙申冬丁丑以其日入山  
合藥及採芝草神靈錄人鬼鬼丹藥則壞身  
傷病四者忌合神丹爐釜及封泥神藥無用  
天開地破日春丙戌丙辰夏辛未辛丑秋壬  
辰壬戌冬癸未癸丑以此日合神丹竈爐釜  
則室自開丹精散洩五石飛揚霜華皆敗五  
忌者合丹男忌七月三日及七月甲寅日女  
合丹忌正月七日及正月庚申日此四日是

石精交戰合鬼之日以其日執事起火則丹精不發神靈不感邪鬼乘入皆為凶敗此所謂五忌言三諱者一者諱合丹之時泣淚悲惡也二者諱犯丹試賊名字也三者諱凶衰殲穢死產乳也

臣按犯此三諱則石精難結五華不曜其丹必毒入口殺人凡八石至忌憂感泣淚及臨屍凶殮之人皆不可廁預飛鍊霜雪造爐火等之事也此是神丹尤所禁忌又丹有試賊惡鬼謂所名石慈字字混泥洗合丹始火之日慎呼此名字也若弄犯之者則烟霜墮落鬼兵乘入神爐破碎精華散出

四敗一者合丹之處地多震動謂之車馬行處二者見嫉妬之人謂惡眼人也見神藥則致鬼殃也三者雷不釜震丹精墮落精華不飛四者五辛臭物及燒雞犬毛也

臣按此四敗者八石之所大忌不可犯犯則精華不飛作丹不成若合丹日數未足聞雷震之時急當以濡布覆於釜上令藥伏精飛烟不起

六畏者一初封藥之日及始火之時畏遇風雨雷霆也二者合丹之日畏聞喚魂魄聲本元也三者合丹畏聞悲哭聲也六者畏見一切血腥污穢之事也

臣按此六畏者皆神丹之所禁忌有聞而犯之則飛精驚擾華烟損也

九鼎丹隱文訣

夫真人經訣即九鼎丹之訣也第一之丹名丹華此一丹中有二名一名流珠九轉二名丹華

第十 第一之丹作流珠九轉法

依本經先作玄黃訖取雄黃丹砂水各一斤和之

臣按此訣雖料二各一斤不盡玄黃多少又不言和溲稀稠之法致使或得訣作亦不成

今按第二丹名神符法中乃有四法其第二法云作玄黃訖以上流珠九轉玄黃水和之令赤但與火蒸法雖殊如泥之狀固無二也又三十六水法中實有玄黃水法然丹華與九轉流珠曾不用之既言已上流珠九轉玄

黃水者正是玄黃所用丹砂雄黃二水和之百蒸之物也納青竹筒中薄削其表內中蒸之剋白木塞筒中覆以黃沙細沙也若麤者氣易洩所出細者雜土而黃色者是令沒同蒸之食頃成水即下凝復上為水如是百上

百下又以雄黃丹砂二水各一斤以溲玄黃納釜密封飛之如此九遍飛之玄黃精下訖出之取此玄黃一斤分為九分而分之也復取一分又分為二分又當先作二釜一如太清丹白雪土釜法備在上秩第六卷釋訖此

不重載次以牡蠣二十斤合赤石脂七十斤第十 擣之如粉以百日醴和為泥復擣三千杵塗土釜訖乃取水銀二斤納土釜中以玄黃二分覆薦上下復以牡蠣赤石脂泥兩釜緣上乃合之令密陰乾十日立鐵鍋上脚高九寸以馬糞火若和稻等糠大火之三日夜寒之一日寒訖發取飛精去其滓其滓燒試有烟是藥氣未盡當更如上法飛取令盡以後則以意消息增日飛之令盡也復取玄黃一分分為二分覆薦上下土釜飛之封閉如前



如是九遍飛訖發取飛精次取土龍七枚  
臣訣曰經中或單言龍膏或言土龍膏無二  
義也皆是白項曲蟻也於器中以鹽塗覆之  
皆消為水以搜飛精復飛之如上法三日夜  
寒之一日發掃取之五色霜雪名曰沱珠九  
轉

臣竊謂曲蟻微蟲亦需動植殘彼微軀之命  
成已駐年之壽仁者惻隱義所不為又合丹  
三十六水之中不欲開傷殺六畜之聲悲哀  
哭泣之音又三諱之中復諱憂感故含蠶之  
類咸惜其生刀杖所加孰不憂怖必不得已  
以大義有滅親之道如可安全四綱有開三  
之義

余按第二之丹名曰神符之丹四中經其第  
一法以玄液和之如泥用此為替可也又按  
第一之丹名丹華法藥若不伏以玄水液龍  
膏津和之令濕浥浥更飛之如此三十六日  
伏矣明此二物不藉於曲蟻汁也且西龍膏  
者桑上露也以曲蟻之蟲汁皆秋晨之露絞  
汁優劣不可比方存古之法不敢刪改以替

代臨事商量其玄水液自具訣如後

服第一之丹沱珠九轉及丹華二丹功能者  
以甲子日平旦向日拜長跪服之如黍稷  
即時神仙上昇九天服半黍稷即為地仙入  
水不濕入火不燒萬惡不中兵刀不傷變化  
自在出入無間役使鬼神壽同天地若欲去

代更服半黍稷即時昇天欲度俗人服如小  
豆即日昇仙服半小豆即為地仙及六畜令  
服如大豆即時昇天故曰鳥得之為鳳獸得  
之為麟蛇得之為龍鬼得之為神女得之為

玉女男得之為仙也以蛇脂和為四九如彈  
丸許埋所居宅處四角即變為赤龍舉宅昇  
天去地七千尺變為金玉任情所適埋一丸  
如雞子黃隨所近遠方圓千里下徹九泉其  
中所有江河山林皆悉昇天矣取黃土堅實

細理者一斤細擣篩沸湯煮之三沸以一鉢  
投中熟攪合和煎令水盡變成金

臣按此訣曰乍聞法誠不可信也聖人所說  
義或難誣昔八公謂淮南王曰我能一煎泥  
成金凝汞成銀固即此丹之力也然以公之

只授淮南王以五靈之法殊不與九鼎之事  
也是以劉安叩頭竟不得之故知之道難聞  
見者也但赤銅黑鐵加之以丹力鼓以成糖  
自然與常質不同實不可懸非之矣又以鉛  
若錫若水銀若銅鐵一斤消之投以一鉢皆  
成黃金也此張天師至禁故本經不具載也

### 第二之丹丹華法

其丹華唯作土釜一如白雪法內藥封塗立  
三鐵鍋上火之一如本經第二之丹神符丹  
訣中有四法

第一法以上經用丹華之釜飛二神符具大  
善也此神之丹一固九上九下而不開也以  
水銀納釜中以牡蠣赤石脂泥兩土釜口  
乃合之陰乾之立三鐵鍋上去地九寸以糠  
火火之一日夜以下釜為上不須開之復一  
日夜如是九上九下乃寒之一日開取之飛  
精和以鯉魚膽令濕浥浥復納土釜中封塗  
以六一泥如封丹華之釜法令乾火之如前  
法一日夜凡九上九下訖和西龍膏西龍膏  
者桑上露也令浥浥又別取鉛黃華合水銀

火之如經法以作流珠五色玄黃訖得十斤分爲九分取一分復爲二分先作土釜三合六枚訖乃取前九飛水銀納土釜中以五色玄黃二分覆爲上下以釜蓋之封塗合際以六一泥令厚三分陰乾十日乃以糠火火之九日夜寒一日取上飛精復納故土釜中復取五色玄黃一分分爲二分覆爲上下封塗火之一如前法如是九轉其第三轉輒易二新土釜如太清丹九鼎極曜土釜法九轉合用三合六枚故本經云三作九轉即是也。

○藥力節度與流珠九轉同等此神符丹亦可變化汞爲丹其法取汞一斤鐵器中火之乃取神符丹一銖投其中攪之即化爲神丹名曰還丹故其經云即治汞化爲丹者是也服之如丹華法也。

又第二法神符別作玄黃一如本經作玄黃訖此玄黃者謂水銀九斤鉛一斤之玄黃非如此華法中三玄黃也乃取上流珠九轉玄黃水

臣按張天師玄黃水本經云丹華明是第一

華爲水也審細詳之非丹砂雄黃之水其玄黃水法三十六水中無正法其水是蒸之水不疑也和之令如泥以鐵器中火之令赤乃和以玄水液玄水液者一名玄水澤即是磁石水也作之法磁石一斤雄黃一兩石膽精

一兩合搗納竹筒中漆固如上納華池中三十日成水也本方削竹如縑戎鹽著中埋之井中不至水三尺二十日成水復納硝石二十日水成矣納雲母二十日成水常遲若不化者更納埋之言亦龍血以丹砂納中言青龍血以曾青納中言玄水液以磁石納中此法皆以井中埋之臨事兩法試取好者也令如泥納土釜中封閉火之一如經法

又第三法神符取上流珠九轉中玄黃和華池爲泥塗土釜訖令乾乃納水銀其中以一釜蓋之封塗以六一泥陰乾十日立三鐵鍋上火之九日夜寒之一日發取服之如丹華法此之水銀皆是成去毒九飛之水銀也自餘皆不堪用

又第四法所用玄黃亦是流珠九轉中玄黃

也下訖九丹所用土釜皆如太清白雪土釜法無異也

第三之丹神丹訣

搗調雄黃雌黃一如本經當先以玄黃和醴爲泥以塗兩土釜內令厚三分陰乾十日納雄雌二黃於其中復以玄黃泥塗其兩土釜口乃合之封塗六一泥於合際上下釜外通令厚三分令乾立三鐵鍋上火之如前法

第四之丹還丹訣

先以礬石礬石合九物等燒之於炭火中訖合搗篩納土釜中以玄黃一斤布其上水銀一斤置玄黃上次以雄黃一斤搗千杵布水銀一斤置七物各一斤搗之布上一如經說封塗火之亦如經法勿失節度

第五之丹餌丹訣

先以玄黃泥塗兩土釜裏厚三分令乾乃納諸藥封塗訖立三鐵鍋上高九寸火之如經法

第六之丹鍊丹訣

以土龍膏土龍矢合黃狗膽牡蠣赤石脂爲

泥塗釜訖以玄黃布釜底厚半寸乃納諸藥封閉火之一如上法餘說如經土龍膏者蚯蚓汁也

第七之丹柔丹訣

法如經以水銀納釜中訖以玄黃泥塗兩土釜緣上乃合令密封以六一泥泥厚三分立三鐵鍋上火之如法

第八之丹伏丹訣

如經法以六一泥泥塗釜訖以玄黃若鉛白一斤布釜內底以水銀內置玄黃上以曾青磁石各一斤別擣細篩先以曾青布水銀上以磁石布曾青上又以玄黃一斤布磁石上其玄黃當先以龍膏漫令浥浥乃覆薦上下封閉火之如法如經說也又飛之九上九下訖復澀龍膏令浥浥復飛之

第九之丹寒丹訣

如經法先以玄黃一斤布釜底乃納諸藥如次第也封閉如法又云子明者火也上第二神丹中作玄黃是別法餘丹皆同流珠丸轉玄黃法也

開釜法

臣按開釜堅密號曰神室兩釜之際固以中黃得火稠堅其泥甚厚理不宜撻擊扣振正應作利鋸兩三枚遞用截之亦可斷礪礪石之狀如刀口以磨之須至釜質方可以鐵物漸漸撬開仍作空格仍仰上釜著上釜拂取飛精也方用雄雞羽雞是百禽意謂用白羽為宜先預置覓白雌雄雞養生卵伏出純取其白雄鷄兩三頭孤養於他處至二年可用賞拔取兩翅頭料風毛各三枚勿水洗拭之

試藥法

以掃飛霜華也以丹納金筒中密塞口以錦囊盛之方云帶肘後者正是實貴不欲離身亦恐未服之間脫能神化去故也  
臣按丹經云藥當先試造金成即丹成也金若不成丹亦未成更須飛之以成金為候分兩雖有正訣臨試須以餘法詳驗按丸轉法取鉛十斤著鐵器中猛火炊之三沸投丸轉之華一鉢投鉛中攪之須更成黃金九斤又取錫七斤著鐵器中猛火火之三沸投丸

轉之華一鉢於中攪之須更成白銀所得之華先行之若干人服之有餘便可試金不可一法望風輕賣也其濃丹澤乃將作銀亦可依此以滓試之矣臨時節度自依本經

服餌持護法

臣按諸丹成而服者乃多格人以三品言上中下土服之七日登真下土服之七十日得仙愚人服之一年乃仙若還志誠便敢頃服刀圭者皆暫死半日許乃生如眠覺狀此乃險之至矣必須依方以半黍粟為度

臣按凡服藥病之藥以食前服之若服養性之藥以食後服之是知以藥攻病者宜及未食內虛令毒氣未行若行後服之則藥但攻殺力而盡矣若欲食養性而食前則藥力未行殺藥之以下去矣不得除上無益也神丹雖有大益當依正經節度不拘常塗小禁也臣按人之年命各有所屬若命屬土者不宜服青色藥他皆放此並以拘忌剋順之小禁若丹金大藥神化奇妙不復論宜與不宜也黃帝九鼎神丹經訣卷之二十